




Digitized by the Internet Archive
in 2011 with funding from
University of Toronto







DOCTORIS ECSTATICI
DIONYSII CARTUSIANI
OPERA OMNIA





ZACH. I. IRA MAGNA EGO IRASCOR SVPER GENTES. ET SAGITAS MEAS COMPLEBO IN EIS DEV 32.



DOCTORIS ECSTATICI
D. DIONYSII
CARTUSIANI
OPERA OMNIA

IN UNUM CORPUS DIGESTA

AD FIDEM EDITIONUM COLONIENSIVM

CURA ET LABORE

MONACHORUM SACRI ORDINIS CARTUSIENSIS

F. AVENTE PONT. MAX. LEONE VIII

IN JOSUE, JUOICES, RUTH, I-III REGVM

MONSTROLII

TYPIS CARTUSIÆ S. M. DE PRATIS

MDCCCXCVII



CONVERTE NOS DEVS SALVTARIS NR: ET AVERTE IRA TVAM A NOBIS .PSAL 84

THE INSTITUTE OF JEWEL STUDIES
JEWELLERY DEPARTMENT
TORONTO, CANADA

JAN 2

3913

ENARRATIONES IN LIBROS
JOSUE, JUDICUM, RUTH, REGUM,
PARALIPOMENON



BQ
6522
.A2



D. DIONYSII

CARTUSIANI

ENARRATIONES PIÆ AC ERUDITÆ

IN LIBROS

JOSUE, JUDICUM, RUTH, REGUM, PARALIPOMENON

Sapientiæ vi.

*Audite, reges, et intelligite: discite, judices finium terræ. Præbete
aures, vos qui continetis multitudines, et placetis vobis in
turbis nationum: quoniam data est a Domino potestas
vobis, et virtus ab Altissimo, qui interrogabit
opera vestra, et cogitationes scrutabitur.
Horrende et cito apparebit vobis:
quoniam judicium durissimum
in his qui præsumunt, fiet.*

EX EDITIONIBUS COLONIÆ

PETRI QUENTEL, MDXXXV: HEREDUM JOANNIS QUENTEL, MDLII:

GERVINI CALENII, MDLXXVII.



REVERENDO AC ILLUSTRİ COMITI D. CHRISTOPHORO AB RYNECK, METROPOLITANÆ
ECCLESİÆ TREVERENSIS DECANO, DOMINO IN PALUDE AC THOENBERGH, ETC.,
THEODORICUS LOER A STRATIS, CARTUSIÆ COLONIENSIS VICARIUS, S. D. P.

SI arrogantia formidarem apud tuam excellentiam accusari, generose Comes, non ab re puto id foret, utpote qui monachus et absque merito ad te Decanum et Comitem scribere ausim. idque crebrius. Verum longe penitius perspecta mihi est virtus tua, longe aliter sentire me fecit de te integritas atque modestia tua, quibus jam olim factum est, ut pii doctique omnes te Mecenatem habeant, ac tanquam patrem familiarem. Amplexaris enim omnia quaecumque pietatem, quaecumque sanctimoniam, quaecumque denique Christum spirant. Porro hominibus piis Deoque deditis, supra modum patrocinaris. Eam ob rem nihil prorsus formidandum mihi sciebam : non ignorans te mihi vel præ ceteris fautorem atque patronum. Porro si quis metuit, terreat illum longum nobileque stemma, deterreant opes, deterreant amplæ dignitates quominus te accedant : certe nullo hæc pacto me absterrebunt, quandoquidem, quod scio, haudquaquam de his inflaris, nequaquam tibi places. Et quamvis tamen illa, te præsertim, non parum venustent, majorem tamen multo splendorem tibi, qua omnifariam nites, adducit virtus. Hac enim cuncta illa, quæ aliis inducere solent supercilium, calcas. Unde quanto tu minus tuam excellentiam admiraris, eo te mirabilem ac venerabilem nobis præbes, quantoque tu animi tui dotes atque candorem ignoras, tanto videtur prædicaturque a ceteris gloriosius. Itaque hæc humanitate, hæc virtute tua fretus, ad te haud aliter atque ad patrem veniens, munusculum hoc chartaceum tuæ excellentiæ offero. Scivi olim quod Dionysii lectio, eruditio et pietas tibi arrideant : quare non parum præ ceteris promotes atque juvas operum ejusdem evulgationem. Ceterum absolutis, præter alia multa, commentariorum ipsius in Biblia novem voluminibus, ad decimum et ultimum tandem venimus, non absque judicio generosæ T. D. reservatum. Insunt autem huic commentaria non minus pia quam erudita, in libros Josue, Judicum, Ruth, Regum, Paralipomenon, profecto utilia et jucunda, maxime autem hac tempestate lectu dignissima : quippe quibus ob oculos ponitur, quam suis nunquam desit cultoribus Deus, quam in se sperantes protegat, quam sibi juvet devotos, quam denique vel coram impiis eos glorificet qui illum honorant : contra vero, superbos et sui contemptores quam potens sit humiliare contemereque. Discitur præterea inde, quam pestilens populo sit rector prælatusve impius. Is enim quum multos habeat sibi adulantes, plures vero qui iniquitati faveant, quum

denique potentissimus sit ad seducendum mutabile vulgus, quippe quem omnes timere habent, edicta proponere valet impia, legesque sancire iniquas. Verum non aliunde hujus rei quam ex eo ipso quem nuncupare venimus T. R. D. libro, sunt petenda exempla. Nam ibi sive Judæ, sive Samariæ domum attenderimus, videmus quomodo sub quovis rege non metuente Deum atque idololatra, relicto mox Deo vero, relictaque ejusdem lege, idolorum cultui, simulque facinoribus pessimis suo cum rege sese populus mancipavit. Porro si quando rex esset pius, Deique veri cultor, populus pariter universus regem Dominumque sequebatur. Nulli enim rei adeo plebs studet mobilis, quam regibus placere, eorumdemque moribus fieri similis. Adeo est igitur vel utilis vel perniciosus subjectis rector. Nam quod domus Israel tam longo schismate a domo Judæ atque usque ad vitulorum adorationem (ut pejora taceam) manserit seducta, quid, quaeso, in causa fuit quam regum vel ambitio vel impietas? Quamobrem non parvi refert, ducem, præceptorem, rectoremve habere justum ac pium. Quod certe hoc quoque ævo nostro utinam non magis re ipsa quam lectione disceremus! Quas enim faeces hæreseos plebi subditæ non invexerunt mali rectores? Et hoc vel per suam dormitantiam, qua conniventes omnibus placere voluerunt, vel quia dedita etiam opera volebant desciscere ab Ecclesia, ne non cum multis essent impii. Aut quæ plebs ab hæreticis est seducta, nisi ubi princeps aut rector ante fuerit corruptus, aut dum pusillanimitate feminea, dum posset, noluerit resistere? Misera tamen utrobique et prorsus infelix conditio, ut ubi princeps rectorve civitatis fuerit hæresi corruptus, omnes subditos confestim velit cogatque esse coinquinatos, atque ab Ecclesia una ac vera divisos. Quid verbis opus est? Videmus enim ubi cultus, ubi honor, ubi Dei laus florere solebat, ubi castigatio carnis, ubi peccatorum pœnitentia, ubi denique obedientia Ecclesiæ atque Apostolicarum observantia traditionum vigeant, ibi nunc abrogata omni religione, depopulatis, nudatis clausisque templis, crasis Sanctorum imaginibus, imo explosis sacris omnibus, carni libertatique pecuniæ vivitur. Nulla præterquam in ore solo fides, nulla operum honorum sanctimonia, nulla castitas, nulla est ibi Dei verbo obedientia. Nam etsi vel pro Evangelio vel pro verbo Dei buccis etiam crepantibus clametur ab omnibus, neminem tamen videbis, in cujus moribus reluceat Dei verbum: neminem, inquam, reperies, cujus vita verbo Dei quadret. Verum hæc apud impios, quorum rectores novarum rerum studiosi, admiserunt quæ fas non est. Nam etsi turba alicubi insanire cœpit, atque per vim seditiosum carnaleque illud evangelium inducere, huic rebellionis nonne ansam præbuere magistratus? qui quum initio id nullo potuissent negotio avertere, pro Dei honore, pro ejus legibus, pro ritibus Ecclesiæ antiquis nullus apud eosdem fuit zelus. Atque ideo nec injuria quidem factum est, ut quia quum potuissent, noluerunt: nunc quum velint, non possint pestem hanc arcere a plebe. Nulla fuit cura pereuntium animarum, nullus horror de contemptu Ecclesiæ et Sacramentorum, nullus denique amor et zelus Dei. Ideo inter extrema pericula ridebatur. Si ditionis temporalis terræve modicum quid fuisset ademptum, bellum mox pro hujus repetitione instrueretur. Contra Deum, contra Ecclesiam, contra Dei verbum impune temereque peccatur. Quis contradicit? Quis dolet? Nemo affligitur ex peccato, quia fere nemo perfecte diligit Deum. Nam etsi magnis impensis aliquando contra hæ-

reticos sive tumultuantes rusticos pugnatum sit, quot tamen sunt qui pro Christo, qui pro fide animarumque salute pugnent, et non potius quia praevalentibus haereticis, senserunt et populum a se deficere et sibi adimi principatum? Pro se igitur, non pro Deo major eorum pars pugnat. Nam si pro Deo et odio detestandae haereseos moverentur, de suis terris, de suis civitatibus, de suis curiis atque officiis eos quos Ecclesiae hostes sciunt, deturbarent. An hi contra quos quamvis justissime pugnatur, soli sunt haeretici de medio auferendi? Quot sunt item alii, qui sibi modo Evangelium arrogant non minus quam isti, quatenus ad animarum infectionem pertinet, pestiferi rapacesque lupi, quos ab ovili Christi nemo arcere curat? Haec tamen cum modestia et pace bonorum dicta sint, quandoquidem constat etiam probatae fidei esse principes, qui omnia haeticorum genera ad unum persequantur. Et revera qui ejusmodi sunt, laborum suorum sentiunt fructum. Nam ubi Dei zelus atque in seductores censura vignet, quid, quaeso, paci, quid fortunae, quid fidei, quid sanctis Ecclesiae legibus detractum est? Prorsus nihil. Verum dicit quis: Ecclesia interim patitur, et Ecclesiae membra. Fiunt persecutiones bonorum, et impiorum animositas grassatur. Haec omnia et ab initio fuere. Quando enim persecutio, aut quando tumultuosa tempora fidelibus defuerunt? Verum adeo haec illi non obfuerunt, ut etiam illis clarior facta, longiusque propagata sit Ecclesia. Multi sese olim crexerunt contra eam haeretici, nec homines tantum viles, sed reges atque imperatores quoque se hostes persecutoresque praebuerunt. Verum illi interierunt omnes, Ecclesia ac fides vera mansit: atque adeo inter haec inconcussa mansit, ut post persecutionem gloriosior semper appareret. Certe Arianorum persecutio viginti plus annis adeo grassabatur, ut fluctuans Petri navicula non semel submergenda putaretur. Sed nequaquam mergi potuit: excitatus est enim in ea qui imperavit ventis et mari, et facta est tranquillitas magna. Mansit fides integra ad hanc usque diem, mansit Ecclesiae unitas, manebitque ad finem usque saeculi. Verum in civitatibus et locis multis Germaniae fides, inquis, Catholica infirmatur, aut tota interiit hodie. Nihil formidandum. Reliqui mihi, inquit Dominus Eliae, septem millia (dum se Elias putaret solum) qui non curvaverunt genua ante Baal. Sic quot putas, Domine generose, inter hos qui pereunt, relictos? qui necessitate quadam adacti, foris se ceteris inter quos habitant praebent communes, nihil interim in animo mutati, nihil ab Ecclesia dissentientes, parati etiam, si necesse sit, fidem suam exponere omni poscenti: tametsi ubi haec necessitas non cogat, interim sub peregrina specie lateant. Et quid si Germania Galliaque tota in haeresim ab Ecclesiae unitate deficiat? Certe a Domino, ne fiat, deprecandum est. Si tamen eveniret, numquid Ecclesia, numquid fides tunc exstincta esset? Hic quidem periit, alibi propagatur: hic desinit, alibi crescit. Si Graecia variis fuit haeresibus involuta, tandemque schismatica, atque ideo a Deo projecta, venit in manus Mahometanorum, et si ibi deserta adeo est Christiana religio, ut si qui supersint etiam Christiani, vix suae queant fidei rationem reddere, imo quid credant, vix noverunt: numquid propterea fides Ecclesiae interiit? Interiit sane in oriente apud illos, verum in occidente interim crevit et mansit. Jam si hic quoque in occidente, nostris peccatis sic postulanti, a multis civitatibus terrisque ablata est fides, ablata obedientia, ablatum denique sacrosanctum sacrificium, manent tamen haec apud alios salva

integraque. Verum dicit aliquis : Quid tum quum defecerimus etiam nos ab unitate Ecclesiae universi ? Cessavitne tum Ecclesia ? Haudquaquam. Potens est enim Deus alios filios Abrahamae vel apud extremas nationes suscitare, qui recumbant cum eodem in regno Dei. Et quid dicimus Deum posse hoc facere, quum sciamus id ipsum nunc fieri in America. Cuba, nova Hispania, et aliis majoris Asiae regionibus, populis et linguis per Hispanos ? Et in Aethiopia. Arabia, Persia, India, et circumjacentibus meridionalibus insulis per Portugalenses quid fit ? Nonne hi quibus hactenus de Christo nil annuntiatum est, potenter hodie vocantur a Deo, miroque fervore et gaudio ad fidem currentes, Ecclesiae jugo certatim colla submittunt ? Quid putamus aliud, quam quod per servos suos olim comminatum esse legimus Christum, ut relictis occidentis hujus Ecclesiae acedia, relictis facibus, quibus non inveniret sibi hic (hoc est, in cordibus hominum hujus occidentalis Ecclesiae) locum et requiem, quæreretur sibi novum populum, ad quem gratiam suam et Ecclesiae suae Sacramenta transferret ? Nec dissonat evangelicum a Salvatore nostro sub parabola Judaeis dictum, quod malos male perdet, vineamque suam locabit aliis agricolis, qui dabunt ei fructum in tempore suo. Et illud : Auferetur a vobis regnum, et dabitur genti facienti fructum ejus. Quomodo enim post multa beneficia a Judaeis Deus recessit propter eorundem ingratitude et rebellionem, et transiit ad gentes, ita nunc propter nimia peccata Christianorum, quid mirum si eos relinquat, omniaque dissidiis, sectis, haeresibus contaminari, se mutuo mordere, consumi et deficere sinat, ipse vero ad novas gentes, Ecclesiam suam ibidem constituturus, pergat. a quibus desiderantissime recipiatur, atque caritatis calore foveatur ? Itaque semper manebit fides, semper perseverabit Ecclesia, licet persecutionum torculari pressa, a loco in locum demigret. Non deficiet fides Petri et successorum ejus Romanae Sedis Pontificum, qui sunt vicarii Christi in terris. Pro qua ne deficeret idem Christus ipse rogavit. In hac fide, in hac Ecclesia Basilii, Augustinus, Cyprianus, Hilarius, Ambrosius, Hieronymus, imo quotquot Martyres, quotquot Sancti fuere, quotquot denique miraculorum ac signorum prodigiis claruere, vixerunt omnes : adeo ut ne unum quidem contingat Sanctorum extra hanc Ecclesiae unitatem inveniri. Quis de illa Ecclesia jam ambigat ? aut quis sese huic non tuto committat, ejus Christus rector et sponsus, cui Apostolos et Episcopos idem ipse dedit praesides ? Quis in hac Ecclesia metuat inveniri, in qua omnes quotquot salvati fuere, vixerunt ? Nam si quis extra hanc quaerat salutem, extra arcam Noe inter aquas diluvii (hoc est, inter humanae sapientiae undas) peribit, suae stultitiae temeritatisque procul dubio daturus penas. Hoc ideo commemoramus, quod temporibus nostris illa quae Regum docent libri, valde alludunt. Ibi enim a Juda (ubi lex, ubi Dei templum erat et cultus) decem tribus separatae, nullis poterant Prophetarum admonitionibus revocari, donec in captivitatem, direptionem dispersionemque omnes abductae sunt. Sic modo non pauci ab Ecclesia vera et orthodoxa deficiunt, quo praeceptis ejusdem suapte temeritate absoluti, liberius peccant. His quantum semel deliquisse noceat, nisi perpetuis essent tenebris excecati, manifestum foret. Videmus enim nos, quomodo prima illorum defectio ab Ecclesiae obedientia, quomodo Romani Pontificis, Ecclesiae universae Christi, ejusdem nomine rectoris, contemptus, eos magis magisque fecit tenebrescere ac caecutire, adeo ut

semper deteriora apud illos nascantur, semper densiores haeresum tenebrae pestilentioresque prodeant : adeo ut nihil supersit, nisi ut Christus etiam negetur, aliumque nescio quem expectemus salvatorem, aut fortasse cum Iudeis Messiam, qui nos vias justitiae doceat. Has haereses pepererunt ambitio, superbia atque ad libertatem carnis effrenis libido. Siquidem dum pro suo cuique capite permissum est intelligere explanareque Scripturas, et contempto Ecclesiae iudicio censuraque, dicere hunc esse verbi Dei sensum, alio clamante alium, quomodo hallucinantes non iremus in tenebras semper profundiores? Taceo quod multi calumnias, defractiones, invectiones, scommata in Pontificem, in Sacramenta, in Ecclesiae antiquissimos ritus, in monachos pie viventes, in castitatem denique omnem audent (prohi dolor) vocare Dei verbum,*quasi hoc apud eos sit Dei verbum, quod verbo Dei maxime prohibetur. Absit ut hoc Dei verbum apud eos maneat in aeternum. Sed de his salis. Tu, Pater reverende, Decane atque generose Comes, gaudere atque tibi ipsi gratulari merito debes, quod eo praetatus sis in loco, ubi sedes, ubi obedientia, ubi leges Ecclesiae, ubi denique omnia adhuc salva manent. Viget per te disciplina Cleri, moresque quotidie meliores reviviscunt. Age itaque quod agis, et indefessus semper insistas. Si officii gravitas te molestat, esto, quaeso, nihilo minus patiens. Senex es, probatus es, et non solum aetatis, verum etiam virtutis auctoritas subditos coget ad meliora. Nullo enim pacto consultum videtur officiorum onera ad quae te Deus vocavit exentere, ne Dominum simul a te excutias, et ejus benedictionem. Certe licet haudquaquam honores, dignitates officiaque ambienda sint, si tamen (Deo sic ordinante) praeter suum ambitum ad haec quis trahatur, nullo est modo pertinaciter reluctandum. Siquidem bonis animarum praefecturam recusantibus, quid aliud necesse est sequi, quam ut leves atque sine virtute homines praeficiantur? Quod quam foret hoc tumultuoso saeculo exitiosum nemo probus non videt. Soletur itaque subditorum fructus labores tuos ac senium, ut perseveranter agas strenueque pergas : erit tandem et apud Deum merces operi tuo copiosa valde. Dominus Jesus, amator et redemptor noster, te servet, Domine generose, atque ad decus urbis Trevericae quam diutissime valere velit, et quae in universam Theologiam Dionysius scripsit, quam haecenus nimis philosophiae immixtam causabantur, propediem praelis absolutam, quinque voluminibus expecta. Ex domo D. Barbarae Coloniensis Cartusiae, ipso Circumcisionis Domini die, anno MDXXXV.



ENARRATIO
IN LIBRUM JOSUE



PROCEMIUM

FORTIS in bello Jesus Nave, successor Moysis in Prophetis, qui fuit magnus secundum nomen suum, maximus in salutem electorum Dei, expugnare insurgentes hostes, ut consequeretur hereditatem Israel. Eccli. XLVI. 1, 2.

In his verbis auctor libri nunc exponendi, multipliciter commendatur. Primo, a fortitudine sua in bellis justis, in quibus duplicem fortitudinem habuit ac monstravit, videlicet corporalem et spirituales. Fuit etenim vir corporaliter multum robustus : quod demonstravit in praeliis. Unde et infra habetur in textu, quod expugnavit reges triginta unum. In Exodo quoque recitatur, quod veniente Amalee ut pugnaret contra Israel, Moyses elegit ipsum Josue ad Amalee expugnandum. Insuper habuit fortitudinem, quae est inter quatuor cardinales virtutes una, cujus est passionem timoris circa pericula mortis moderari ac refrenare, et ardua, imo et difficillima, viriliter aggredi, sustinere et exsequi. Nec dubium quin et fortitudinem illam habuerit, quae est unum de septem donis Spiritus Sancti : imo utramque sortitus est in gradu perfecto, et excellentiae termino, tanquam vir eminenter heroicus. Secundo commendatur in verbis praetactis, a principatus sui ac praesidentiae dignitate, quum dicitur, Successor Moysis, cui in principatu super Israeliticam plebem successit, ut in Numeris legitur. Tertio, a gratia prophetiae, quum subditur, In Prophetis : per quod datur intelligi, quod prophetali spiritu fulserit, et inter Prophetas sit computandus. Quarto, a proprietate ac dignitate sua appellationis, quum dicitur, Qui fuit magnus secundum nomen suum. Nam dictus est Jesus ac Josue, quod utrumque interpretatur salus seu salutare : quod et realiter ei conveniebat, attamen imperfecte, quoniam populum Israel a visibilibus eripuit inimicis, atque ad temporalem prosperitatem perduxit, imo et de animarum salute et cultu Dei ferventer eos admonuit, secundum quod infra patet. Quinto, a sua fructuositate, quoniam toti plebi sibi commissae utilissimus fuit, tam quantum ad temporalem prosperitatem, quam ad informationem salubrem et aedificationem atque idoneam gubernationem : propter quod additur, Maximus in salutem electorum Dei. Ex quibus innotescit libri hujus auctoritas, quem edidit Josue ipse, et inter canonicos libros Scripturae continetur ac ponitur.

Praeterea, juxta Hieronymum, Hebraei distinguunt ac dividunt Scripturam canonicam veteris Testamenti in tres partes seu ordines : puta in legem, ad quam quinque libri Moysis pertinent : in Prophetas, ad quos octo libros affirmant pertinere, videlicet librum Josue, librum Judicum, sub quo includunt et librum Ruth, libros quoque Regum, quos in duo volumina dividunt, Isaiam quoque, Jeremiam, Ezechielem, et librum duodecim Prophetarum. Tertiam partem et ordinem Scripturae, hagiographa vocant. Sic ergo juxta istam divisionem Scripturae, hic incipit secundus ordo Scripturae illius. Porro ad hagiographa asserunt pertinere librum Job, Psalterium, tria volumina Salomonis, [Danielem], Paralipomenon, Esdras et Esther.

Josue XII.
23.

Exod. XVII.
9.

Is. XL. 2.

Num. XXXII.
18. et seq.

Josue XXV.
11. et seq.

Præterea, utriusque Testamenti Scriptura apte dividitur in libros legales, in historiales, in sapientiales, in prophetales. Nam quatuor Evangelia, sunt libri legales novi Testamenti, quemadmodum quinque libri Moysis sunt libri legales veteris Testamenti; Epistolæ vero Apostolorum, sunt libri sapientiales; liber Actuum Apostolorum, est historialis; Apocalypsis autem, prophetalis. Juxta hanc divisionem liber Josue pertinet ad libros historiales, quia in libro isto narratur, qualiter promissiones patribus factæ de sanctæ terræ adeptione, et per Moysen descriptæ, sint realiter adimpletæ.

Porro hagiographum dicitur ἱερός τὸ βιβλίον, quod est sacrum, et γραφή, scriptura, quasi scriptura sancta. Circa hoc Magister in historiis et aliqui alii asserunt: Hoc nomen commune est omnibus sacræ Scripturæ libris: sed quia præfati novem libri, videlicet Job, David, etc., præ ceteris libris non habent eminentiam specialem, secundum quam agnominarentur, communi hoc nomine sunt contenti: sicut hoc nomen, Confessor, omnibus Sanctis est commune; tamen quidam propter specialem eminentiam vocantur Apostoli, alii Martyres. Huic dicto objici potest, quod liber Psalmorum grandi excellentia et anagogicis visionibus decoratur; sed et Cantica canticorum, ut ex ipso articulo elucescit, præcipua pollent proprietate: imo et liber Job stilo atque sententia fulget. Imo cur David vocatur eximius Prophetarum, nisi quoniam liber Psalmorum inter vaticinia eminet? Hinc reor hujus rei aliam, verioremq; esse causam. Est equidem regula, quod quando nomen aliquod pluribus est commune, et alia habet specialia nomina, tunc nomen illud commune appropriatur ei, quod aliud speciale nomen non habet: secundum quod dialectici dicere solent, hoc nomen, Accidens, commune esse omni accidenti, videlicet communi ac proprio: tamen quum accidens inseparabile et proprium, habeat proprium nomen, hoc nomen, Accidens, appropriatur accidenti separabili et communi: sicque proprium et accidens ponuntur duo prædicabilia distincta.

Amplius, Origenes juxta Græcos, in prima parte et ordine Scripturarum constituit septem libros, Pentateucho Moysis addens Josue ac Judicium libros, illumque ordinem vocat Heptateuchum, ab ἑπτὰ, quod interpretatur septem, et τόμος, volumen.

Postremo, qualiter juxta Hebræos liber Josue valeat inter libros propheticos contineri, quum tamen non videantur in eo prænuntiari futura quemadmodum in Prophetis, infra dicitur: attamen quædam futura prædicuntur in eo.

ENARRATIO IN LIBRUM JOSUE

HEBRAICE JEHOUSA

IN QUO DE TRANSITU AGITUR JORDANIS, ET SUBVERSIONE
REGNORUM HOSTILIIUM, DE INTRODUCTIONE POPULI DEI IN TERRAM PROMISSIONIS,
ET DE DIVISIONE IPSIUS TERRÆ.

ARTICULUS PRIMUS

EXPOSITIO LITTERALIS CAPITULI PRIMI : ET FACTUM EST POST MORTEM MOYSIS.

AUCTOR libri hujus, sanctus Josue, de se ipso quasi de alio loquens, materiam libri sui continuat ad ea, in quibus beatissimus Moyses libros suos finivit, et ultimo libro suo imposuit terminum. Hinc Josue librum suum a conjunctione hac copulativa, Et, inchoans, ait : *Et factum est post mortem Moysis servi Domini*, qui fuit servus Dei servitute filialis timoris atque spontaneæ caritatis, non servitute timoris servilis et coactionis, *ut loqueretur Dominus ad Josue filium Nun*. Josue triplex habuit nomen. Nam dictus est Osee, et Jesus, æ Josue. Pater autem ipsius vocabatur Nave, et Nun. Dicuntque aliqui, quod cognominatus sit filius Nun seu Nave, ad differentiam Jesu filii Sirach, pronepotis filii Jesu sacerdotis magni. Sed verius arbitror, quod more idiomatis Hebræorum ita cognominetur, quoniam apud Hebræos filii cognominantur a suo patre, quemadmodum in libris Regum et Paralipomenon præcipue constat, in quibus communiter dicitur David filius Jesse, Ezechias filius

A Achaz. Interdum tamen, sed raro, cognominantur a matre. Unde Joab et Abisai appellantur filii Sarviæ. Porro Jesus filius Sirach, plusquam per mille annos post Josue natus est, siquidem post Babylonicam fuit captivitatem : ideo non videtur, quod ad ejus differentiam, Josue dictus sit Jesus aut Josue filius Nave aut Nun. *Ministrum Moysis*. Fuit etenim Josue specialissimus ac familiarissimus Moysis servus, prout in diversis locis librorum Moysis legitur. Nam et cum Moyse ascendit in montem Sinai, et cum Moyse revertebatur de monte : et sicut S. Clemens beatissimo archiapostolo Petro in omnibus familiarissime et affectuosissime cum mira reverentia, inseparabiliterque adhæsit, ita et Josue Moysi.

Et diceret ei : Moyses serrus meus mortuus est. Circa hæc quæri potest, qualiter Deus locutus sit Josue. Secundo, an locutus sit ei hæc verba ante finem dierum luctus Moysis, an non. Ad primum dicendum videtur, quod locutus sit ad Josue

Nun. xiii, 17; Eccli. xlii, 1.
Ibidem.

II Reg. xxiii, 1; I Par. x, 14.

IV Reg. xvi, 1.
II Reg. ii, 13; xvi, 9.

Exod. xxiv, 13.

Ibid. xxxv, 17-19.

sicut ad Moysen, per creaturam subjectam, A puta per angelum in humana effigie apparentem, et in vigilia plena, et forte aliquando aliter. Ad secundum aliqui dicunt, quod Dominus dixit ista verba ad Josue ante finem luctus mortis Moysis, quem filii Israel planxerunt triginta diebus. Alii dicunt, quod post finem dierum illorum : quod verius aestimo. Nam hoc ad honorationem tanti legislatoris ac vatis pertinuit, quod durante luctu ipsius, Dominus alia non commisit agenda ejus ministro ac populo, videlicet transitionem per Jordanem, B et missionem exploratorum, ac cetera quae in isto sequuntur capitulo. Hinc in Scholastica fertur historia : Post mortem Moysis, quiescente luctu populi pro eo, locutus est Dominus ista ad Josue. Lyra tamen dicit Hebraeos aliter opinari, et sequitur eos, ut in expositione sequentis capituli referetur.

Insuper quari potest, cur Dominus dixit ad Josue, Moyses servus meus mortuus est, quum tamen hoc notum exstiterit tam Josue ipsi, quam populo toti. Respondetur, C quod Dominus haec loquendo, ostendit se memorem servi sui fidelis etiam post mortem ipsius. Per eadem quoque verba destruxit duos errores : Primum, dicentium Moysen non esse defunctum, sed esse translatum in paradysum, et esse cum Elia et Enoch, quoniam nullum mortis suae signum in terra relictum est, et quia cum Christo in sua transfiguratione corporaliter, quemadmodum et Elias, apparuit. Secundus error fuit Manichaeorum et aliorum quorundam, dicentium Moysen esse damnatum propter incredulitatem suam ad aquas Contradictionis, de qua non legitur poenituisse : qui error per ista verba excluditur. Apertissime quoque Scriptura insinuat eum inde poenituisse, per hoc quod post illam incredulitatem Dominus more solito ei locutus est, et Moyses consueta devotione pro Deo zelatus est, et bona usque in finem vitae suae exercuit. Atque pro illa incredulitate Dominus punivit eum in vita haec, privando eum ingressu terrae pro-

missionis. Denique, in Deuteronomio evidenter narratur Moyses esse defunctus. Deut. XXXIV, 5.

Surge. Ex hoc verbo videri posset, quod sedenti vel jacenti aut dormienti Dominus dixerit ista : vigilantique et stanti dici non solet. Surge. Sed opinari quis potest, quod Domino incipiente loqui ad Josue, ipse vir sanctus humiliter se eorum Deo prostraverit, prostratoque Dominus dixerit, Surge, sicut et infra ait ad eum, Surge, cur jaces pronus in terra ? Vel sensus est : Surge, id est, ad actum te praepara Josue VII, 10.

et extende. Circa hoc scribit Petrus Comestor : Quod ait, Surge, locutio est, et non est sensus : id est, genus et modus quidam loquendi est, nec ille est intellectus quem facere verba videntur. *Et transi Jordanem istum* tempore opportuno, id est, dispone te ad transeundum per fundum Jordanis, *tu et omnis populus tecum*, omnis videlicet Israeliticus populus, quem tibi commisi ut duce ac principi. *Omnemque locum quem calcaverit vestigium pedis vestri, vobis traham, sicut locutus sum Moysi* : id est, universam terram, quam perambulaveritis pergendo ad pugnam contra adversarios vestros, me auxiliante obtinebitis.

Deinde termini terrae promissionis exprimuntur. *A deserto et Libano, usque ad fluvium magnum Euphratem, omnis terra Hethaeorum usque ad mare Magnum contra solis occasum, erit terminus vester*, id est terra et locus vestrae habitationis. Praeterea intellectus hujus particulae patet ex eo, quod in Exodo Dominus loquitur : *Ponam autem terminos tuos a mari Rubro usque ad mare Palaestinarum, et a deserto usque ad fluvium.* Hinc quoque in Deuteronomio ait : *Omnis locus quem calcaverit pes vester, vester erit. A deserto et Libano, et a flumine magno Euphrate, usque ad mare Occidentale, erunt termini vestri.* Itaque hoc loco, per desertum, intelligitur desertum Egypti, quod terrae promissionis contiguatur a plaga australi : per Libanum vero, mons Libani, qui est a parte aquilonari respectu terrae promissionis. Euphrates autem est terminus terrae pro-

Deut.
XXXIV, 5.

Petrus
Comestor.

Josue II, 1.

Deut.
XXXIV, 5.

Matthaeus,
3: Marc. IV,
3: Luc. IX,
30.

Numb. XX,
11.

Deut. II, 2,
3, 17, 31.
XXXIV, 4.

Numb. XII

Exod. XXXI,
31.

Deut. XI, 24.

missionis ab oriente. At vero per mare A Magnum, quod est contra solis occasum, intelligitur mare Mediterraneum; quod etiam dicitur mare Occidentale, respectu maris Mortui, quod est in parte orientali; et vocatur nunc Magnum mare, non quod sit mare Oceanum, quod simpliciter dicitur magnum mare, et universam ambit ac circumit terram; sed magnum, respectu maris Rubri aut maris Mortui, nuncupatur. Insuper Hethæi erant una gens de gentibus quarum terras Deus filiis Israel repromisit, ut in Exodo patet. Unde hoc loco per terram Hethæorum, terra omnium illarum gentium designantur, secundum quod totum solet per partem signari. Sed quæri potest, quomodo verificata sit ista promissio, quum certum sit quod filii Israel tempore Josue nunquam obtinuerint totam terram præfatam. Respondetur, quod promissio ista facta est populo Israelitico in communi, seu confuse sub nomine Josue et eorum qui tempore ejus fuerunt, et ita

Exod. iii, 8, 17.

II Reg. viii, 15; III Reg. iv, 21; ix, 20, 21.

Exod. xxiii, 23.

Josue x, 5; vi, 1; vii, 3, 5.

Ibid. viii, 24.

paulatim in populo illo fuit impleta, potissimum tempore David ac Salomonis. De C his super Exodum plenius scripsi.

Nullus poterit vobis resistere cunctis diebus vite tue. Contra hoc videtur, quod reges Chananeorum contra Josue et filios Israel sunt congressi, et pugnaverunt contra eos viri Jericho, imo et habitatores Hai filios Israel fugaverunt et quosdam eorum interfecerunt; quæ omnia infra in textu habentur. Et respondendum, quod Resistere, sumitur hic pro Prævalere. Ista quoque promissio, sub conditione fuit intelligenda, sicut et similes promissiones, videlicet nisi filii Israel oppositum mererentur peccando. Vel dici potest, quod victoria illa viro- rum Hai, fuit brevis ac modica: ideo non reputatur, quia quod modicum est, habetur pro nihilo. Nam et paulo post fuerunt omnino victi a filiis Israel. *Sicut fui cum Moyse, ita ero et tecum.* Quemadmodum Deus fuit cum Moyse per dona gratiæ gratum facientis, et item per dona gratiæ gratis datæ, ita et cum Josue. Fuit quippe cum Josue, cum supernaturaliter

ac gratiosissime dirigendo, protegendo, ac triumphando; gratiam quoque prophetiæ, virtutem miraculorum et revelationes divinas conferendo eidem. Verumtamen in his omnibus excellentius fuit eum Moyse, nisi quod in miraculorum operatione, Josue videtur Moysen quodammodo excessisse, per hoc quod solem et lunam fecit tam imperialiter stare, *Non dimittam nec derelinquam te*, id est, intus et extra te protegam.

Josue x, 12.

Confortare ex mea promissione et consolatione, et esto robustus mente et corpore. Hæc omnia accipi possunt per modum exhortationis ac jussionis: præcepit equidem Deus ipsi Josue, ut in virtutibus cresceret, et se ipsum confortaret in Domino, sperando in ejus auxilio. Aliorum enim duce ac judici necessaria est gratia specialis et magna, assiduusque profectus virtutum. Denique necessaria fuit huic Josue ista tam dulcis et firma consolatio et corroboratio Dei propter imminantium difficultatem negotiorum, quæ naturales vires ipsius Josue ac populi ejus totaliter excedebant, videlicet gentes illas Chananeorum copiosissimas atque fortissimas debellare, eorumque territoria possidere. *Tu enim sorte divides populo huic terram, pro qua juravi patribus tuis ut traderem eam illis*, id est, quam cum juramento promisi dare posteritati Patriarcharum. Qualiter autem Josue terram illam divisit filiis Israel, infra in diversis capitulis enarratur.

Confortare ergo et esto robustus valde, id est in omni virtute stabilis ac perfectus, D præsertim in fortitudine, quæ est virtus cardinalis, atque ad principes ac bellatores præcipue pertinet, ne propter imminencia mortis pericula pavidi, tristes, pusillanimesve existant; *ut custodias memoriter retinendo, et facias opere exsequendo, omnem legem*, id est universa legis mandata, quam præcepit tibi Moyses servus meus. Moyses namque legem omnibus generaliter dedit ac jussit; sed tanto specialius præcepit eam a Josue observari, quanto ceteris virtuosior, exemplariorque consistere tene-

Deut. xxi.
16-20.

batur. Quædam etiam legis præcepta solum A principem concernebant, prout in Deuteronomio patet. *Non declines ab ea ad dexteram vel ad sinistram*, id est ad nullum vitiosum extremum, sed mane in medio, quum virtus sit quædam medietas inter duo vitia extrema : *ut intelligas cuncta quæ agis*, id est, omnem tuam actionem interiorem et exteriorem sapienter consideres, discentias, atque ad debitum referas finem, juxta divinæ legis tenorem. Quod totum qualiter sit agendum, docet lex Dei. *Non recedat volumen legis hujus ab ore tuo* : id est, doctrinam Deuteronomii legis datæ per Moysen, omni tempore opportuno habe in ore, ita ut semper paratus sis eam proponere populo, et tibi commissos divina præcepta instruere, quantum requirit tuum officium. *Sed meditaberis in eo diebus ac noctibus*, id est congruis horis diei noctisque, *ut custodias et facias omnia quæ scripta sunt in eo*. Unde etiam

Ibid. xl.
6, 7.

in Deuteronomio habetur : Erunt verba Domini in corde tuo : et meditaberis ea sedens in domo tua, et ambulans in itinere, et dormiens atque consurgens. *Tunc diriges viam tuam*, id est, operationem et vitam tuam efficaciter rectificabis, atque ad debitum referes finem juxta legis præcepta : *et intelliges eam*, id est, cognosces an conversatio tua sit justa ac placita Deo. Impii autem non attendunt suorum actuum perversitatem, nec propria pensant pericula. Siquidem via impiorum tenebrosa, nesciunt ubi corruunt : de quibus fertur in Psalmo, *Fiat via illorum tenebræ et lubricum*.

Prov. ix, 19.

Ps. lxxxv, 6.

Ecce præcipio tibi, confortare et esto robustus. Quamvis enim confortari in Domino, et esse robustum in gratia ac virtute, sint dona Dei, nec virium humanarum effectus, juxta illud Jeremiæ, *Non est hominis via ejus, nec viri est ut ambulet, et dirigat gressus suos* : nihilo minus præcipit Deus homini, confortari in Domino et esse in gratia fortem : quia si fecerit homo quod in se est, Deus gratiam conferet et robor virtutum præstabit. *Noli metuer*

Jer. x, 23.

caruali timore, *et noli timere mundana formidine* : sed omnem inordinatum abjice metum ex intuitu et confidentia adstantiæ Omnipotentis : *quoniam tecum est Dominus Deus tuus*, per gratiosam directionem, et protectionem ac opem, *in omnibus ad quæcumque perrexeris* corporali aut spiritali progressu, id est, ad quæcumque agenda te extenderis. O quam magna et pia promissio ! Ex qua videtur, quod Josue fuerit ex hac hora confirmatus in gratia, et assecuratus de præservatione a culpa mortali : nisi forte, quod ait, *Ad quæcumque perrexeris, specialiter intelligatur de protectione ad pugnas contra Chanaanæos*. Præterea intuendum, quod Josue, tanquam vir sapiens, ponderavit difficultatem et onus gravissimum injuncti sibi officii, pericula quoque præsentis suæ, præsertim quoniam prædecessor ac dominus suus Moyses, qui fuit perfectior eo, toties fuit gravatus ex regimine plebis illius, et tandem graviter lapsus, atque ab ingressu terræ promissæ prohibitus. Ideo

Num. xx.
12.

C pius Dominus mentem Josue intuens, tam multipliciter ac dignanter consolatus est eum, et eadem sæpe repetiit, unamque sententiam per diversa verba significavit, ad majorem rei certitudinem et affirmationem. Hinc Josue animatus, statim processit ad divini executionem mandati.

Præcepitque Josue principibus populi, dicens : Transite per medium castrorum, et imperate populo ac dicite. In qualibet namque tribu fuit et præfuit unus specialis princeps, ex tribu illa progenitus :

Ibid. vii, 2.

D sicque Josue jussit, ut unusquisque eorum transiret per tribum suam, imperans ei : *præparate vobis cibaria, quoniam post diem tertium transibitis Jordanem*. Ex hoc apparet, quod jusserunt præparari cibaria usque in diem tertium. Ideo dicunt expositores, istud non posse intelligi de manna, quod nec in diem immediate sequentem poterat incorruptum servari, nisi pro sabbato, ut in Exodo patuit. Ideo istud exponunt de aliis alimentis, quæ filii Israel invenerunt aut emerunt in terris

Exod. xvi,
19-21.

per quas transibant. Unde in Deuterono-
Dent. ii, 4, 6. mio Dominus ait ad eos : Transibitis per
terminos fratrum vestrorum filiorum Esau.
Cibos emetis ab eis, et aquam emptam
haurietis et bibetis. Quod autem manna
Josue v, 12. nondum defecit, patet infra.

Præterea quaeritur, qualiter verum sit
quod Josue dixit, Post diem tertium transi-
bitis Jordanem. Non enim transierunt Jor-
danem post verba hæc ante septimum
diem : quia post hæc verba misit Josue
exploratores in Jericho, qui inde egressi,
latuerunt per tres dies in montibus : post
quorum reditum, Josue et filii Israel per-
rexerunt usque ad Jordanem, atque ibidem
triduo permanserunt, antequam transirent
Jordanem : quæ omnia infra habentur. Ad
istud Augustinus respondet, quod Josue
dixit hæc verba sensu humano, sperans ut
homo sic fieri posse, si exploratores cito
redirent. Nam et illi quibus loquitur Deus,
interdum humana dispositione aliquid age-
re volunt, in qua Deum sibi esse rectorem
confidunt : sed eorum consilia saepe ab
ipso mutantur, ejus providentia guber-
nantur. Hinc Magister in historiis prote-
stat : Istud, videlicet quod post tertium
diem transirent Jordanem, dixit Josue de
humano consilio, permisitque Dominus
(ut adstruit Augustinus) ipsum Josue erra-
re, ne deinceps simile aliquid sine divino
consilio aggrederetur, præsertim quoniam
dixit ad Moysen de Josue : Pro eo, si quid
agendum est, Eleazar consulat Dominum.
Quod autem Josue in isto erraverit, patet :
quoniam ignoravit an nubes tertio die ele-
varetur de tabernaculo, sine ejus eleva-
tione castra movenda non erant. Hæc in
historiis.

Ibid. iii, 1.
Aug. Quæst. in Josue.

Num. xxxvii, 21.

Ibid. ix, 17 et seq.

Porro aliis videtur istud non bene sona-
re. Si enim (ut alibi loquitur Augustinus)
auctores Scripturæ canonice erraverunt

A in uno, perit tota auctoritas sacre Scri-
pturæ. Immediatè quoque ante hæc verba
Dominus dixit ad Josue : Tecum est Domi-
nus Deus tuus in omnibus, etc. : et rursus,
Sicut fui cum Moyse, ita ero et tecum : et
multa similia. Hinc quidam doctores cæ-
tholici asserunt, verba ista hoc loco esse
conscripta per anticipationem, ita quod
verba hæc protulit Josue post reditum ex-
ploratorum : quod etiam dicunt Hebræi.
In Scripturis namque, post facta aut di-
cta, aliquando ante narrantur. Insuper dici
potest, quod Josue non dixit hæc verba.
Post diem tertium transibitis Jordanem,
eum præcissione : nec numerus minor ex-
tendit majorem, dum ponitur absolute :
sicque ponitur hic numerus determinatus
pro indeterminato, quemadmodum in Job
habetur : Hæc omnia operatur Deus tribus
vicibus per singulos, ut revocet animas
eorum a corruptione. Sic et Christus in
Evangelio dixit, Tertio die consummor,
quum dictum fuisset ad eum, Vade hinc,
quia Herodes vult te occidere. Imo inter-
dum erastinum, pro futuro in brevi, acci-
pitur, juxta quod Jacob locutus est : Cras
respondebit mihi justitia mea. Sic igitur
sensus erit : Post diem tertium, id est in
brevis, transibitis Jordanem.

Job xxxiii, 29, 30.

Luc. xiii, 32, 34.

Gen. xxx, 23.

Consequenter in textu describitur, qua-
liter Josue præcepit duabus tribubus ac
dimidiæ, scilicet tribui Ruben et tribui
Gad ac mediæ tribui Manasse, ut implerent
quod Moyses eis præcepit, prout in Nume-
rorum libro habetur. Nec est difficultas in
textu, nisi quod in fine capituli filii Israel
dicunt : *Tu tantum confortare, et viriliter*
age. In quibus verbis superiorem suum hu-
militer admonent : et quod aiunt, Tantum,
non sumitur exclusive, sed sensus est :
Hoc præcipue exhortamur et eupimus, ut
conforteris in Domino, atque viriliter agas.

Num. xxxii, 20 et seq.

ARTICULUS II

DE SPIRITUALI HUIUS PRIMI CAPITULI INTELECTU.

QUEMADMODUM Origenes testatur, liber hic non tam gesta Josue filii Nave nobis indicat, quam sacramenta Domini Jesu nobis depingit. Itaque Josue nomine et re Christum præfiguravit : imo quia in multis eminenter ac evidenter per facta Josue, mysteria Christi signantur, iste liber inter propheticos codices computatur. Prophetæ namque et alii quidam viri præcipui veteris Testamenti, non solum verbis, sed etiam factis de Christo sunt vaticinati. Idcirco Christus loquitur per Osee prophetam : Ego visiones multiplicavi, et in manibus Prophetarum assimulatus sum. In manibus, inquit, Prophetarum, id est per opera eorum, sum similitudinariæ præsignatus.

Denique, in veteri Testamento tres viri egregii hoc nomine *Jesus*, in typo summi Jesu Christi, sunt nuncupati. Primus illorum fuit Josue iste dux Israelitici populi, qui suo principatu regiam Christi Jesu dignitatem signavit. Secundus fuit Jesus Josedee sacerdos magnus, id est pontifex Judæorum, qui Christum Jesum, in quantum est summus Pontifex, præfiguravit. Tertius fuit Jesus filius Sirach, auctor Ecclesiastici libri, qui per suam sapientiam typus exstitit Jesu Christi, in quo omnes thesauri sapientiæ et scientiæ sunt absconditi. Insuper Josue in multis est Christi figura. Primo, quoniam Amalecitas, qui filios Israel impugnarunt, debellavit : sic et Christus invisibiles hostes, qui populum Dei incessanter impugnant, devicit. Secundo, quoniam filios Israel in terram perduxit promissionis : sic Dominus Jesus electos suos in regnum perduxit felicitatis cælestis. Tertio, quoniam filiis Israel divisit terram promissam : sic Jesus omnium judex ac Dominus, unicuique ele-

etorum dat locum et præmium in regno cælorum, juxta mensuram meritorum suorum. In aliis quoque multis fuit Christi figura, sicut patebit infra.

Et factum est post mortem Moysis, ut loqueretur Dominus ad Josue ministrum Moysis, dicens : Moyses servus meus mortuus est. Per Moysen lex vetus, per Moysen data, datur intelligi, juxta illud in Evangelio : Si Moysen et Prophetas non audiunt, neque si quis ex mortuis surrexerit, credent. Per hoc ergo quod post mortem Moysis locutus est Dominus Josue, figuratur, quod adveniente plenitudine temporis, in quo Deus decrevit imponere finem legalibus, incarnatus est Christus, atque secundum suam humanitatem Spiritu Sancto repletus est, per cujus allocationem internam cognovit legalia jam esse sepelienda ac cessatura. Præterea, sicut Moyse mortuo, Josue in principatu successit : sic veteris legis observantia desinente, Christus Filius Dei, principatum accepit Ecclesiæ, et factus est legifer rex Judæorum, ac Pontifex veri spiritualisque Israelis, videlicet populi christiani per Hebræos significati. Circa hæc loquitur Origenes : Considera subversam Jerusalem esse, templum et altare destructa, sacrificia, sacerdotium, pontificium et mysteria litterarum cessasse, et dicito : Moyses servus Dei mortuus est. Considera quoque gentes esse conversas ad fidem, id est, ecclesias construi, altaria non cruore pecundum adspergi, sed pretioso Christi sanguine decorari, et dic, quia Jesus post mortem Moysis obtinuit principatum, non Jesus filius Nave, sed Jesus Filius Dei.

Rursus per Moysen, intelligitur lex divina : per Josue ministrum Moysis, ho-

Osee xii, 10.

Aq. i, 1.
12 : ii, 3, 5.

Zach. iii, 1.

Eccl. i, 1.

Coloss. ii, 3.

Exod. xxii, 9, 10, 13.

Josue i, iii, xii.

Ibid. xii, xvi.

Luc. xvi, 31.

Galat. iv, 5.

Luc. ii, 7.

Is. xli, 2.

Ibid. xxviii, 22.
Hebr. vii, 26.

Act. iii, 22.

mus praelatus legi subiectus. Dum ergo A
populus christianus divinam transgreditur
legem, conqueritur Deus et loquitur cui-
cumque fidei praelato, Moyses servus meus
defunctus est : quia lex data a me, in
Christianorum cordibus jam deficit. Om-
nes enim quæ sua, non quæ mea sunt,
quaerunt, ita quod illud Isaia videatur
impletum : Quia transgressi sunt leges,
mutaverunt jus, dissipaverunt fœdus sem-
pitemnum.

*Surge, et transi Jordanem istum, tu et
omnis populus tecum.* Per Jordanem desi-
gnatur Baptismus. Christus autem Joannis
baptismum suscipere, Deo Patre instigante,
dignatus est, et omnes qui crediderunt in
Christum, per Christi Baptismum transie-
runt, purgati sunt et salvati, sicque ad coe-
lestis promissionis perducti sunt regionem.
Rursus, Jordanis interpretatur descensus :
per quem notatur humilitas, per quam ip-
semet Dominus Jesus et universi Christifi-
deles ambulaverunt. Exinanivit etenim se
ipsum, et dixit : Qui se humiliat, exaltabitur.
Itemque : Discite a me, quia mitis sum et
humilis corde. Et : Nisi conversi fueritis et
efficiamini sicut parvuli, non intrabitis in
regnum cœlorum. Hinc per Isaia ait su-
perbo : Descende, sede in pulvere. Quid
est sedere in pulvere, nisi in propriae vili-
tatis et culpæ consideratione quiescere ?
Praelatus ergo plebem sibi commissam de-
bet in humilitate præcedere, sicque eum
illis in terram Beatorum intrare.

*Omnem locum quem calcaverit vesti-
gium pedis vestri, vobis tradam.* Totus
quippe orbis terrarum, Christo et ejus Ec-
clesiæ est concessus ac subditus, domina-
turque Christus a mari usque ad mare, et
a flumine usque ad terminos orbis terra-
rum. Unde et dixit : Data est mihi omnis
potestas in cœlo et in terra. *Nullus poterit
vobis resistere.* Certum est, nullum posse
resistere Christo, nisi quantum ipse per-
miserit. Pater namque omnia dedit in ma-
nus ejus : et ipse Christus rursus de se ipso
ait ad Patrem : Sicut dedisti ei potestatem
omnis carnis. Suis quoque discipulis di-

xit : Dabo vobis os et sapientiam, cui non
poterunt resistere et contradicere omnes
adversarii vestri. Denique constat quod
populo christiano, si obediret perfecte,
nulla posset gens prævalere. *Sicut fui
cum Moyse, ita ero et tecum.* Quemadmo-
dum enim Deus omnipotens legem Moysis
per diversa miracula et præclara Spiritus
Sancti charismata confirmavit, ita, imo et
incomparabiliter magis et excellentius,
evangelicam legem constabilivit : fuitque
Deus cum Christo homine ineffabiliter gra-
tiosius, gloriosiusque, quam cum Moyse,
nec dimisit eum, nec dereliquit per gratiæ
aut gloriæ subtractionem aut diminutio-
nem, quamvis in Passione reliquerit eum
quantum ad apparentiam quamdam exte-
riorem et subtractionem solitiæ redundan-
tiæ consolationis a superiori parte animæ
suar in partem ipsius inferiorem ac sen-
sitivam. Propter quod pendens in cruce,
clamavit : Deus meus, Deus meus, ut quid
dereliquisti me ? *Confortare et esto robu-
stus.* Christus in omni virtute immobiliter
perfectus fuit ac stabilis ab exordio incar-
nationis. Attamen, Passione instanti, spon-
te quasdam passiones vel potius propassio-
nes assumpsit, et per modum infirmantis
se habuit. Propter quod apparuit ei ange-
lus de cœlo, ipsum confortans, id est, instar
confortantis se habens, et consolatoria pro-
ferens verba, videlicet qualiter suæ merito
passionis redempturus esset genus huma-
num, et veris fidelibus regionem mansio-
num cœlestium divisurus.

Præterea per Josue designatur quicumque
D praelatus, pastor et præsul, cui Dominus
specialiter jubet, persuadet ac loquitur, ut
confortetur in omni virtute et gratia Spi-
ritus Sancti, imo tanto virtuosior esse co-
netur, quo pluribus præsidet, et altioris
est auctoritatis aut professionis, et quo
plura atque majora desuper dona sortitus
est, et pro pluribus redditurus est ratio-
nem, ut aliorum imbecillitatem et imper-
fectionem valeat supportare, et in bono
vincere malum. Itaque omnem evangeli-
cam legem debet servare, ne a subditis

Philipp. III,
21.

Is. XLIV, 5.

Matth. III,
16.

Galat. III,
26, 27.

Philipp. II, 7.

Luc. XIV,
11; XVII, 14.

Matth. XI,
29; XVII, 3.

Is. XLVII, 1.

Ps. D, 8.

Ps. LXVI,
8.

Matth.
XXVIII, 18.

Joana. XIII,
3.

Ibid. XVII, 2.

Luc. XVI, 1.

Joana. VIII,
29.

Matth.
XXVI, 37, 38.

Matth.
XXVII, 46.

Matth.
XXVI, 37, 38.

Luc. XXII,
43.

Galat. VI, 2.

Rom. VII,
21.

Ezech.
xxxiv, 5, 16.
Jacob. ii, 10.

possit in aliquo reprehendi, et ne quem-
piam scandalizet, ne dispergat et perdat,
quos tenetur colligere et curare. Qui enim
in uno offendit, sit omnium reus. Non er-
go declinet a lege Christi, nec a via justi-
tiæ ac observantia juris, *ad dexteram* se
extollendo per prospera, aut inaniter blan-
diendo, vel mala sub boni specie admit-
tendo, seu etiam per indiscretionem ultra
vires quid aggrediendo: nec *ad sinistram*
deficiendo in adversis, aut aperta vitia
incidendo, aut unum præ alio aggravando
injuste: sed regia via incedat, et absque
acceptatione judicet personarum.

Deut. xvi,
12; Jac. ii, 9.

*Non recedat volumen legis hujus ab ore
tuo.* Prælati, pastor et prædicator, Evan-
gelium Dei suo debet inscribere cordi, et
omnem suam locutionem secundum illud
dirigere, jugiterque habere in promptu
verbum saluberrimæ informationis, corre-
ptionis, exhortationis et sanctæ consola-
tionis, et ita intelligere cuncta quæ agit,
ac propriam conversationem discutere, ta-
literque implere, quod ait Scriptura: In
lege Domini voluntas ejus, et in lege ejus
meditabitur die ac nocte. Præterea, quam-
vis ista sint ardua, Dominus tamen con-
solatur bonæ voluntatis prælatum, dicen-
do: *Noli metuerе, quoniam tecum est
Dominus Deus tuus in omnibus.* Speciali-
ter namque paratum se exhibet præ siden-
tibus, ad ipsum toto corde confugientibus,
subvenire. Itaque vae intimatoris, ambitio-
sis, negligentibus, carnalibusque prælatis,
judicibus ac præsidentibus inefficacibus
Dei vicariis, qui sunt canes muti, quibus
durissimum instat judicium.

Is. lvi, 10.

Sap. vi, 6.

*Præcepitque Josue principibus populi,
dicens: Transite per medium castrorum,
et imperate populo ac dicite: Preparare
vobis cibaria, quoniam post diem tertium*

*A transibitis Jordanem ad possidendum ter-
ram.* Per Josue intelligitur Christus, qui
principibus tribuum, id est Apostolis ju-
dicaturis duodecim tribus Israel, jussit ire
per universam Judæam, deinde per uni-
versas gentium nationes, ad prædicandum
omnibus illis, ut sibi de spiritualibus ali-
mentiis providerent, hoc est de virtutibus,
donis et fructibus Spiritus Sancti, de pane
vitæ et intellectus, et aqua sapientiæ salu-
taris, de sacramentorum refectionibus, de
actibus virtuosis ac pane lacrimarum: quia
post tertium diem, hoc est post contritionem,
confessionem et veniæ implorationem seu quosdam poenitentiae actus, essent
transituri Jordanem, id est suscepturi Ba-
ptismum, qui non consuevit adultis et his
qui de gentilitate et Judaismo converte-
bantur ad Christum, conferri, nisi post
confessionem et abstinentias, orationes et
poenitentiales exercitationes.

Matth. xix,
28.
Act. xiii, 46.
Matth.
xxviii, 19.

Ecclesi. xv,
3.

Ps. lxxviii, 6.

Insuper, per tribum Ruben primogeniti
ex Lia, et tribum Gad primogeniti ex Zel-
pha, ac tribum mediam Manasse primoge-
niti ex conjuge Joseph, exprimitur populus
Hebræorum, qui primo legem accepit per
Moysen. Per alias tribus signantur, qui
postea Evangelii gratiam sunt sortiti, quum
transissent Jordanem, id est, baptizati fuis-
sent. Verum tam illi qui ultra Jordanem,
quam ceteri, fuerunt in numero impari,
non integro ac totali: quoniam super-
beatissimæ Trinitatis notitiam, non nisi
imperfectam habuerunt in vita hac, tam
qui sub lege, quam qui sub Evangelio
exstiterunt.

Gen. xxix,
32; xxx, 11;
xli, 51.

D Omnia quæ præcepisti nobis, faciemus.
Sic subditi boni superioribus suis in cun-
ctis obedire debent caritative, prompte ac
reverenter: imo et pro superioribus suis
debent cordialiter ac instanter orare.

ARTICULUS III

ELUCIDATIO CAPITULI SECUNDI : MISIT ERGO JOSUE FILIUS NUN DE SETIM.

CONSEQUENTER describitur exsecu- A
tio jussionis divinæ circa ingressum
ad terram Chananæorum trans Jordanem.
Misit ergo Josue filius Nun de Setim, id
est de loco sic nuncupato, existente in
Deut xxxiv,
5.
et Moyses in monte defunctus est, ut in
Deuteronomio legitur, *duos viros explora-*
tores, de quibus (ut fertur) fabulantur qui-
dam Hebræi, quod fuerunt Caleb et Phi-
nees, *in abscondito*, id est sub tali appa-
ratu et specie, ut non cognoscerentur esse
exploratores, neque de populo Israel. Di-
eunt aliqui, quod misit eos sub simulatio-
ne stultitiæ, sicut et David eorum Achis
rege Geth, simulavit se quasi furiosum et
stolidum, ne caperetur, ut primo Regum
libro habetur. Porro Hebræi (ut fertur)
asserunt, quod fingeant se surdos et mu-
tos, ne ex sua loquela cognoscerentur :
quod non videtur apparentiam magnam
habere, sciebant enim et aliam linguam,
saltem Ægyptiam, præsertim si erant Ca-
leb et Phinees, quod ad minus de Caleb
constat. Hinc verius puto, quod habitum
Chananæorum assumpserunt, ut tanto mi-
nus putarentur Hebræi, quanto habitatori-
bus terræ videbantur similiores; vel in-
troierunt ut mereatores, aut tale quid
prætentendentes. Josephus vero dicit, quod
eives non curabant de consideratione qua
exploratores isti singula quæque intuebantur,
quia putabant eos tanquam peregrinos,
invisa libenter adspicere.

Circa hæc, duo queruntur : Primo, cur
Josue vir sanctus misit exploratores, quum
explorare videatur actus iniquus et fallax :
propter quod Joseph quasi reprehensorie D
dixit fratribus suis, Exploratores estis. Se-
cundo, cur fecit terram et urbem Jericho

explorari, quasi ad sciendum qualiter pos-
set eas acquirere, quum ex promissione
divina certus esse debuerit, quod eas Deo
auxiliante faciliter obtineret, non obstan-
te quacumque terræ et urbis habitatorum
fortitudine. Respondendum ad primum,
quod sicut in justis præliis licet uti insi-
diis, ut infra dicitur, ita et exploratione.
Est itaque exploratio duplex : una, quæ
venit ex zelo justitiæ, et ordinatur ad ju-
stum triumphum, et hac usi sunt Moyses
et Josue : alia, quæ ex odio, cupiditate,
ambitione, et simili procedit radice, atque
ad injustam aliorum oppressionem ordi-
natur : de qua locutus est Joseph. Ad aliud
respondendum, quod quamvis Josue certus
fuit de veritate promissionis divinæ, non
tamen omisit facere quod in se erat.

Circa hæc quidam facit prolixum tracta-
tum, an missi sunt isti exploratores ante
finem luctus Moysis, et approbat opinio-
nem Rabbi Salomonis, dicentis, quod mis-
si fuerunt antequam finiebantur triginta
dies luctus deflentium Moysen : sed hujus
oppositum magis approbatum est primo
articulo. Probatio quoque Rabbi Salomonis
procedit ex incerto, quoniam dies obitus
Moysis ignoratur, et quamvis a principio
fuisset descriptus in annalibus Judæorum,
illa tamen descriptio (ut probabile est)
postea fuit deleta, præsertim tempore Ba-
bylonicæ captivitatis, vel in aliis cladibus
Hebræorum, in quibus libri eorum ab in-
fidelibus fuerunt combusti. Denique, ut
Rabbi Paulus fatetur, et facile est pensare,
Rabbi Salomon fuit novitatum confictor,
et de vana curiositate notatur. Sed quia de
ista re parva vis est, transeo.

*Et dixit eis : Ite, et considerate terram
urbemque Jericho. Non præcepit eis totam*

*Josue i, 5.**Ibid. viii.**Num. xiii.*
12.*Josue i, 2.**Deut xxxiv,*
5.*1 Reg. xxi,*
10-15.*Gen. xlii, 9.*

terram illam perambulare et considerare, sed eam quæ juxta Jericho erat, an scilicet fertilis esset seu populosa, an etiam Jericho esset urbs populosa atque munita. *Qui pergentes, ingressi sunt domum mulieris meretricis in Jericho habitantis, nomine Rahab, et quieverunt apud eam*, id est, se repausabant, et recumbabant fortassis post laborem itineris, considerationemque urbis. Communiter dicunt expositores sancti, quod Rahab hæc, existit meretrix saltem ad tempus : ejus oppositum tenet Lyra, eo quod Salmon filius Naasson principis tribus Juda, duxit eam uxorem. Sed quia Septuaginta transtulerunt, Meretricem, et Scriptura canonica eam sic nominat, ut patet in Canonica sancti apostoli Jacobi, asserentis, Rahab meretrix nonne ex operibus justificata est? hinc potius reor, quod meretrix fuit : non tamen opinari oportet, quod penitus publica, sed eo modo, quo in Scripturis feminae incontinentes, et quæ pro notabili pretio possunt acquiri, meretrices vocantur. Ad objectum vero dici potest, quod post suam conversionem ad Judæismum, facta sit valde proba. Idcirco ob ejus probitatem, virtuositatem, et propter fidelitatem quam exploratoribus exhibebat, Salmon eam honoravit, ac duxit in conjugem : et forte aliunde fuit mulier apta, utpote speciosa, prudens et opulenta. De isto super Matthæum plenius scripsi. Verumtamen, ut probabiliter dicitur, translatio Chaldaica habet, Ingressi sunt domum mulieris hospitalariae, et dictio Hebraica ad designandum meretricem et venditricem victualium, est æquivoca : unde dicunt Hebræi nonnulli, quod meretrix fuit, et hospitium tenens. Propter quod exploratores deverterunt ad domum ejus, non ad fornicandum, sed quoniam domus ejus fuit communis : sic minus observantur introeuntes in eam.

Nuntiaturque est regi Jericho hora crana, et dictum : Ecce viri ingressi sunt huc per noctem, id est tempore vespertino in ipso crepusculo, quando intrantes minus inspicuntur, *de filiis Israel, ut explora-*

rent terram. Forte quod aliqui existentes in domo Rahab, conjeecerunt et nuntiaverunt hoc regi, vel custodes portarum qui diligenter considerabant intrantes per portas, *Misitque rex ad Rahab meretricem, dicens : Educ viros qui ingressi sunt domum tuam*, id est, duos illos Hebræos propala, et fac exire. *Exploratores quippe sunt, et omnem terram hujus regionis considerare venerunt*. Hoc suspicabatur rex Jericho. Porro secundum Josephum, rex voluit per tormenta extorquere a viris illis cur venissent. *Tollensque mulier viros, abscondit*. Hoc fecit antequam nuntii regis venerunt ad eam, vel in loco secretiori posuerat eos. Estque probabile, quod exploratores consideraverunt vel timerunt se esse notatos, et ideo petierunt abscondi. Nec enim Rahab abscondit eos, nisi ad ipsorum petitionem : nisi forte dicatur, quod ante adventum nuntiorum regis, ipsa quoque pensaverit quod erant de filiis Israel, et ideo avisaverit eos atque suggesserit, quod permitterent se abscondi. *Et ait nuntiis regis : Fateor, venerunt ad me, sed nesciebam unde essent. Quamque porta clauderetur in tenebris, et illi pariter exierunt : nescio quo abierant. Persequimini cito, et comprehendetis eos*. Hoc fuit mendacium officiosum pro pia causa prolatum, videlicet pro ereptione exploratorum, et sui ipsius ac suorum a morte : ideo modicæ fuit culpæ.

Ipsa autem fecit ascendere viros in solarium domus suæ : quod fecit vel ad viro- rum petitionem, vel ex propria suggestione, ut tactum est, vel, secundum Josephum, ut ibi cenarent. Operuitque eos lini stipula quæ ibi erat. Alia littera habet, Stuppa. Et secundum Magistrum in historiis, stipulam illam super murum siccavit. *Hi autem qui missi erant, videlicet nuntii regis, secuti sunt eos : non quod veraciter secuti sint exploratores, qui adhuc erant in civitate, sed secundum suam æstimationem sequebantur eos, quos putabant ante se currere : per viam quæ ducit ad vada, hoc est aquas, Jordanis. Illisque nuntiis*

Jacob, II.
2.

Matth. x. 5.

regis egressis urbem, statim porta civitatis, per quam exibant, *clausa est*, ne exploratores aut alii adversarii urbem de nocte intrarent. Quidam tamen exponunt, quod nuntiis egressis domum Rahab, statim porta seu janua domus Rahab sit clausa ab ea, quatenus convenientius absconderet exploratores, nullo ingrediente in domum ejus : sed prima expositio aptior est.

Needum obdormierant qui tacebant. Homines namque in timore atque periculo constituti, non cito obdormiunt præ inquietudine cordis et imaginationis. Unde et Nabuchodonosor perterritus : Somnus, inquit, recessit a me. *Et ecce mulier ascendit ad eos, et ait : Novi quod Dominus tradiderit vobis terram :* id est, certa sum quod Deus vester qui est omnium Dominus, dare decrevit, et protinus dabit vobis universam hanc terram Chanaan. Secundum Origenem, meretrix ista facta est prophetissa : non quod vere spiritum habuit prophetiæ, sed quoniam instar Prophetarum, de futuro per modum præteriti est locuta propter certitudinem rei. Illud autem scivit futurum, præcipue ex duobus. Primo, ex dejectione cordis Chanaanæorum : qui enim sic timent, vinci consueverunt. Secundo, ex mirabilibus quæ Deum Hebræorum fecisse audivit : hoc est quod subditur : *Etenim irruit in nos terror vester*, id est, formido de vobis concepta, impetuose incidit cordibus nostris : *et clanguerunt*, id est, mente infirmati sunt, *omnes habitatores terre istius*, quoniam robur et animum spemque prævalendi amiserunt. *Audivimus quod siccaverit Dominus aquas maris Rubri ad introitum vestrum.* Esse humidum, inseparabile est ab aqua. Ideo aqua proprie non siccatur. Itaque sensus est, quod Dominus siccavit fundum maris Rubri, removendo aquam ab eo ad spatium certum. *Dominus enim Deus vester, ipse est Deus in celo sursum, et in terra deorsum*, id est cœlestium atque terrestrium, imo et universorum. Hoc mulier ista perpendit ex supernaturalibus

A Dei effectibus, et quoniam dii Egyptiorum et Amorrhæorum non potuerunt suis subvenire cultoribus, nec Deo resistere Hebræorum. *Nunc ergo jurate mihi per Dominum, ut quomodo ego feci vobiscum misericordiam*, id est pietatis effectum, *ita et vos faciatis misericordiam cum domo patris mei*, id est cum parentibus meis et posteritate seu cognatione ipsorum : *de hisque mihi signum rerum veritate rei*, puta reale et certum indicium, *ut salvetis*, id est de hoc quod salvabitis, *patrem meum et matrem, fratres ac sorores meas, et omnia quæ illorum sunt, et eruat is animas nostras*, id est nos ipsos seu vitam nostram animale corpoream, *de morte violenta*, videlicet de interfectione, qua Hebræi occident populum hujus urbis ac regionis.

Qui responderunt : Anima nostra sit pro vobis in mortem, id est, nos ipsi occidamur, nisi eripuerimus vos de morte. Istud fuit æquivalenter juramentum per execrationem, quemadmodum illud Apostoli, Ego testem invoco Deum in animam meam. Itaque anima nunc sumitur pro toto composito, cujus ipsa est pars principalis : vel pro vita animali, quam diffundit in corpus. Rationalis etenim anima immortalis est quantum ad suam essentiam. *Quumque tradiderit nobis Dominus terram, faciemus in te misericordiam sicut petisti, et veritatem*, id est juramenti hujus verificationem seu adimplentionem.

Demisit ergo, id est deposuit, *eos per funem de fenestra sui solarii. Domus enim ejus hærebat muro.* Circa hoc refert Lyra : Hebræi, qui dicunt Rahab fuisse meretricem, affirmant, quod per funem illum consuevit suos recipere atque dimittere amatores : sed non videtur, quod rectores civitatis hoc permisissent, præsertim nocturnis temporibus. Ad meretrices quoque fit palens, non talis furtivus et latens, ingressus. *Dixitque ad eos : Ad montana conscendite divertendo a recto itinere, ne forte occurrant vobis revertentes nuntii regis. Ibiq̃ latitate diebus tribus, lo-*

Dan. ii, 5.

Exod. xiv, 21.

II Cor. i, 23.

quando de diebus naturalibus qui noctem includunt, *donec redeant, et sic ibitis per viam vestram. Qui dixerunt ad eam: In-noriti erimus a juramento hoc quo adjura-sti nos*, id est, ad id non erimus obligati, nec ejus transgressio imputabitur nobis ad culpam, *si ingredientibus vobis terram*, quando videlicet omnes simul cum Josue principe nostro intrabimus terram hanc, *signum non fuerit funiculus iste cocci-neus*, id est rubeus, per quem deponis nos, *et ligaveris eum in fenestra, per quam demisisti nos*, ut funem istum adspicien-do, cognoscamus domum tuam hoc signo, *et patrem tuum ac matrem, fratresque et omnem cognationem tuam congregaveris in domum tuam. Qui ostium domus tue egressus fuerit die quo urbem istam va-stabimus, reus erit. Sanguis ipsius erit in caput ejus*: id est, effusio sanguinis sui seu interfectio ejus, juste imputabitur ei: *et nos erimus alieni ab ejus interitu*, ita quod in culpa non erimus.

Illi vero, scilicet exploratores isti, qui et gratias retulerunt Rahab meretrici, se-cundum Josephum, *ambulantes, perrene-runt ad montana, et manserunt ibi*, vi-delicet in montanis, *per tres dies, donec reverterentur qui fuerant persecuti*. Ex quo apparet, quod nuntii regis Jericho, per

A tres dies quærebant exploratores, perseru-tando eos hinc inde per diversa devertien-la atque latibula. Ut fertur, Hebræi dicunt quod revelatum fuit huic Rahab, quod tan-tum tardarent; sed non videtur quod Deus hoc magis revelaverit Rahab, quam ex-ploratoribus ipsis. Ideo apparet quod Rahab ex humana prudentia et conjectura suggessit exploratoribus latitare triduo in montanis, quoniam non putavit nuntios re-gis ultra tres dies extra oppidum tardatu-ros. *Quibus urbem impressis, reversi sunt*, B *et descenderunt exploratores de monte*, in cujus se latibulis absconderunt, *et trans-ito* * *Jordane* forsitan navigio, *reversum ad Josue, narraveruntque ei omnia quæ ac-ciderant sibi*. Non soli Josue, sed et aliis, saltem principalioribus, illa narrabant. De-inde relata sunt populo toti, sed Josue tanquam principalis exprimitur. *Atque di-xerunt: Tradidit Dominus in manus no-stras omnem terram hanc*: propter certitudi-nem et evidentiam rei futuræ, loquebantur de ea quasi de re gesta: *et timore prostrati sunt cuncti habitatores ejus*, ita quod pas-sio timoris carnalis ac mundani, et etiam naturalis, dejecit corda eorum, nec per virtutem fortitudinis, aut per judicium ra-tionis timorem illum quærent abjicere ac frenare.

* trans-
misso

ARTICULUS IV

DE MYSTICO HUIUS SECUNDI CAPITULI SENSU.

PER Josue, juxta præhabita, intelligen-tur Christus mundi salvator, qui *misit duos exploratores in abscondito*: per quos possunt intelligi angeli sancti invisibiliter missi in mundum, et item sancti prædica-tores, duo quoque Testamenta. Quibus præcepit: *Ite, et considerate terram urbemque Jericho*, id est habitatores terræ, et eos qui sibi in sæculo isto loca construxerunt

D munita. Angeli namque ad homines missi sunt, ad intuendum ac sublevandum eo-rum calamitates, atque ad illuminandum ac dirigendum corda eorum. Similiter prædicatorum misit Christus in mundum ad explorandum salubriter mores ac vitia ho-minum, non principaliter ad sciendum, sed ad convertendum, ac salvandum sæculi mentes: quod factum est per prædi-

cationem ac doctrinam utriusque Testa-
menti. *Qui pergentes, ingressi sunt domum*
meretricis nomine Rahab, et quiescerunt
apud eam. Per Rahab, quæ interpretatur
latitudo, designatur gentilitas, quæ erat
per totum mundum diffusa. Ad gentiles
ergo tam angeli quam Apostoli ac reliqui
prædicatores quamplurimi, accesserunt pro
informatione, conversione, et salvatione
ipsorum, multoque tempore apud ipsos
manserunt. Unde et Christus ascensus
in caelum, dixit discipulis suis: Euntes,
docete omnes gentes. Paulus quoque et
Barnabas ingratis incredulisque dixerunt
Judæis: Vobis oportebat primum loqui ver-
bum Dei, sed quoniam repulistis illud, ecce
convertimur ad gentes.

Matth.
xxviii, 19;
Marc. xvi,
15.
Act. xiii, 46.

Ephes. vi,
12.
Joann. xii,
31; xiv, 30;
xvi, 11.

Nuntiaturque est regi Jericho. Per re-
gem Jericho, intelligitur princeps tene-
brarum, quem Salvator principem mundi
appellat. Cui angeli Satanae retulerunt,
quanta bona, quantumque fructum, et quan-
tam salutem tam angeli sancti quam Chri-
sti discipuli fecerunt tempore evangeli-
cæ legis, præsertim in exordio primitivæ
Ecclesiæ, ubique terrarum in gentibus:
quod princeps caliginis impatientissime fe-
rens, per suos satellites suggessit ex gen-
tilitate conversis, ut educerent viros qui
introierunt ad eos, id est, nec angelicis in-
spirationibus, nec apostolicis prædicationi-
bus consentirent, sed repellerent nuntios
veritatis et angelos lucis a se, qui venerunt
regnum mundi auferre diabolo, et addere
Christi regno. Denique per regem Jericho,
etiam infideles principes, sæculares tyran-
ni, atque hæretici figurantur, qui con-
sentientes diabolo, multipliciter nisi sunt
evangelicæ legis prædicationem, et fidem
gentilium, aut catholicam veritatem ac
dogmata impedire.

Osee i, 2, 3.

Tollensque mulier viros, abscondit. Per
Rahab jam conversam, merito designatur
Ecclesia ex gentibus adunata, quæ olim
spiritualiter cum idolis ac dæmonibus, car-
naliter quoque cum carnalibus, fornicabatur:
quæ et per fornicariam ab Osee
sumptam exprimitur. Hæc sic conversa,

abscondit viros, quia doctores ac prædica-
tores sanctos intra se fideliter conserva-
vit: imo et a tyrannorum persecutionibus
occultavit frequenter. *Et ait: Fiteor, re-
verentur aut me, sed nesciebam unde essent.*
Gentiles quippe ante evangelicæ legis dis-
seminationem, tam angelorum quam Apo-
stolorum originem, proprietatem, obsequia
ignorabant. *Quumque porta clauderetur in*
tenebris, et illi pariter eruerunt. Porta in
tenebris clauditur, dum mens humana, igno-
rantia et infidelitatis caligine involuta,
angelicis inspirationibus, prædicationibus
quoque sacris aditum et introitum negat,
ita quod tunc ab indurato animo angeli et
prædicatores interdum recedunt, saltem ad
tempus. *Nescio quo abierunt.* Pergunt enim
quo eos dirigit Dominus: sed quo, homi-
nes sæpe latet. *Persequimini cito.* Hoc
ironice accipi potest.

Ipsa autem fecit ascendere viros in so-
larium domus suæ. Solarium domus Ec-
clesiæ est mens devota, seu mysticus intel-
lectus Scripturæ, vel ecclesiastica dignitas,
contemplationisve gratia. Ad hoc solarium
rogavit Ecclesia prædicatores sanctos as-
cendere, et in secretis Deo intendere, ac
pro aliis exorare, præsertim tempore per-
secutionis. *Operuitque eos lini stipula.* In-
duxit enim eos ad hoc, quod pro reconcilia-
tione et conversione gentilium, exereuerunt
opera rigorosa, et humiliaverunt se valde
prostrati in terram, propriæ mortalitatis
et fragilitatis considerationibus, quasi sti-
pulis se cooperientes. Quibus in orationi-
bus, abstinentiis, disciplinis adhuc vigilan-
tibus, conversa gentilitas est locuta: *Nocti*
quod Dominus tradiderit vobis terram. Ex
prædicatione namque Apostolorum cogno-
vit, quod juxta Prophetarum oracula, totus
mundus fuit per Apostolos et coadjutores
eorum convertendus ad Christum, qui jam
tot et tanta peregit prodigia. Unde et timor
judicii exercendi per Christum, penetravit
corda multorum, nec ausi fuerunt resiste-
re. Itaque, qui sic conversi fuerunt, pro
aliorum, præsertim domesticorum suorum,
conversione et salute fuerunt solliciti, et

Ecclesi. xii,
19.

oraverunt Christi discipulos, ut opem et salutem procurarent eisdem. Quibus responderunt discipuli, quod universi in domum Ecclesiae convenientes, et conversis consentientes, essent salvandi : qua patiente adepti, permiserunt, qui jam ad fidem venerunt, sanctos prae dicatores ad alia transmigrare. Imo rogabant, ut tyrannorum persecutiones declinarent ad tempus. Unde quemadmodum extra domum

Rahab, nullus in Jericho mortem evasit, sic extra Ecclesiam nemo potest salvari. Per funem autem coccineum, crux Christi quae est signum salutis, exprimitur.

Postremo, quod Rahab viros demisit in sporta de suo solario, hoc designat, quod de altitudine contemplationis ad labores actionis permisit Ecclesia suos transire doctores, quibus et adminicula impendit humana.

ARTICULUS V

ELUCIDATIO LITTERALIS CAPITULA TERTII : IGITUR JOSUE DE NOCTE CONSURGENS.

IN fine praecedentis capituli dictum est, quemadmodum exploratores reversi dixerunt : Tradidit Dominus in manus nostras omnem terram hanc. Quo audito Josue animatus, fecit quod in isto recitatur capitulo. *Igitur Josue de nocte*, id est valde mane, *consurgens* : sicut praecedenti capitulo scriptum est, quod exploratores ingressi sunt urbem Jericho nocte, id est de vespere. Quum enim vespera et aurora sint diei ac noctis confinia, utroque exprimuntur extremo. *Movit castra*, id est, populum excitavit ad pergendum. *Egredientesque de Setim*, videlicet loco in campestribus Moab sito, *venierunt ad Jordancem ipse et omnes filii Israel, et morati sunt ibi per tres dies*. Circa hoc scribit quidam : Dicunt expositores nostri, quod causa hujus more fuit, quoniam aqua Jordanis excreverat. Ideo ibi steterunt, quousque aliquantisper decrevit. Quod consequenter reprobatur, quia (ut ait) in Hebraeo habetur. Et Jordanis impleverat super omnes ripas suas in omnibus diebus messis : qui dies durat per duos menses secundum Hebraeos. Si ergo causa mora, fuisset excreverat aquae, stetissent ibi satis plus quam per dies tres. Ideo aliter dici potest, quoniam Josue expectavit revelationem de modo transeun-

di, quae facta fuit ei ultima illarum trium dierum, et tunc in crastino transierunt Jordancem.

Circa haec dico, verum esse quod Magister in historiis et alii quidam affirmant, aquas Jordanis tunc excrevisse ex nivium quae in montibus erant, resolutione, atque ex imbre serotino tunc noviter dato : quod etiam tangit Glossa. Nec tamen Magister in historiis, nec Glossa, nec alii expositores communiter assignant hoc pro causa mora praefatae. Ideo dato quod aliqui assignent hoc pro causa, non tamen ob hoc dicendum est absolute, quod doctores nostri hoc dicant, quasi omnes aut communiter dicant hoc. Josephus quoque tangit, quod propter magnitudinem aquae, Josue timuit transitum fluminis, sed infra duos dies Deus minuit aquam, et praedixit ipsi Josue, quod fluvium illum faceret ei et suis transire. Insuper, quod dicit praelegatus, ipsi Josue factam revelationem de modo transeundi Jordanem tertio die, incertum est. Quamvis namque dicatur in D textu, Dixit Josue ad populum, Sanctificamini, cras enim faciet Dominus inter vos mirabilia : ex hoc tamen non sequitur, quod tertio die illo, et non ante, Dominus revelaverit ei mirabilia illa, seu modum

transeundi per fluvium. Hinc dicendum A videtur, quod ex dispositione divina quieverunt circa Jordanem tandiu, quatenus tanto tempore considerando, quam impossibile eis esset per naturam pertransire Jordanem, postea magis commendarent supernaturalem Jordanis desiccationem ac transitum.

Quibus evolutis, transierunt præcones per castrorum medium, et clamare ceperunt. Istud fecerunt præcones tertio die. Ideo non est intelligendum, quod tribus illis diebus ex toto evolutis hæc fecerint, B sed duo dies erant omnino finiti, et tertius partim. Sicque per synecdochen dicuntur tres dies evoluti. *Quando videritis arcam federis Domini Dei vestri,* id est arcam testamenti, in qua erant tabulae testamenti sive Decalogi, *et sacerdotes Levitici stirpis,* quia de stirpe Levi erant per Amram et Aaron, *portantes eam :* eos quoque *consurgite,* id est, in aetum proficiscendi vos ipsos extendite, *et sequimini præcedentes,* videlicet sacerdotes arcam portantes.

Sitque inter vos et arcam spatium cubitorum duum millium, id est intervallum duorum millium cubitorum, *ut procul magis videre possitis arcam involutam,* seu eam portantes : non autem licuit eis videre arcam non coopertam : *et nosse per quam viam ingrediamini, quia prius non ambulastis per eam.* Nempe, ut loquitur Augustinus, in tanto agmine non potuisset arca a cunctis videri, si juxta eam transissent ; nec viam directam omnes vidissent, si juxta sacerdotes perrexissent quidam eorum. Circa hoc scribit quidam : D Ex hoc patet, quod alio ordine arca tunc portabatur, quam ante in castrorum motionibus per desertum : quia in illis motionibus sex tribus præcedebant arcam, et sex sequebantur. Cui dicto contrariari videtur, quod in Numeris describitur, quemadmodum in motionibus castrorum tres tribus præcedebant, et primo egrediebantur ad orientem, deinde tres ad plagam meridiana, tres quoque ad aquilonem, et tres ultimæ ad occidentem. Verum est tamen,

quod arca tunc portabatur ab aliis, quam tunc : quia, ut in Numeris habetur, tunc portabatur involuta a Levitis filiiis Caath, nunc vero a sacerdotibus. Præterea, ex prædictis elicit Augustinus, quod ducatus nubis seu præcessio columnæ nubis, defecit jam. Alias non fuisset necesse, sacerdotes per tantum intervallum sic sequi. Præterea, de quantitate horum cubitorum est duplex opinio : una dicentium, quod singuli continebant longitudinem pedis ac medii : alia, quod duorum longitudinem pedum continebant. *Et caveate ne appropinquetis ad arcam ultra terminum jam prædictum,* quia hoc esset contra præceptum, et impeditivum notitiæ recti itineris.

Dirigitque Josue ad populum : Sanctificamini, id est, devote disponite vos ad videndum mirabilia Dei eras, ab amplexibus abstinendo, orationibusque vacando : *eras enim faciet Dominus inter vos mirabilia :* quæ paulo post in isto continentur capitulo. Et quia miraculosi illi effectus fiebant pro Hebræorum multiplici utilitate, debebant Deo grati consistere, et ei in suis operibus decenter occurrere. *Et ait ad sacerdotes.* Secundum quod Thomas declarat in libro de Regimine regum, non solum apud gentiles, sed etiam inter Hebræos, principes sæculares seu reges erant sacerdotibus et pontificibus superiores, quoniam illorum sacerdotum fuit carnale magis quam spirituale : carnalia enim sacrificia immolabant. Sed longe aliter est in evangelica lege. Hinc Josue sacerdotibus præcipere potuit, et præcepit : *Tollite arcam federis Domini,* eam portando : quæ qualiter fuit portanda, in Exodo partim describitur, et ut apparet, portabatur a quatuor : *et præcedite populum. Qui iussu complentes, tulerunt et ambulaverunt ante eos.*

Dirigitque Dominus ad Josue : Hodie incipiam exaltare te coram omni Israel, ut sciant quod sicut fui cum Moyse, ita et tecum sim : quod qualiter verum sit, in primo articulo diffuse expositum est. Sed

Numeri iv, 1.

Hebr. ix, 4.

Numeri iv, 20.

Ibid. ii, 31.

Exod. xxx, 13, 14.

Josue i, 3.

his objeci potest : Dominus enim incepit Josue exaltare, quando Moysi revelavit, quod ipse Josue succederet ei in principatu : deinde exaltavit eum per Moysen, quando Moyses hoc ipsum populo recitavit ; et tertio magis, quando post mortem Moysis praecepit eum populo Israel universo. Quomodo ergo nunc cepit eum exaltare ? Et respondendum, quod istud intelligendum est de exaltatione facta per signum exterius miraculosum, sensibile, atque de manifestatione exaltationis praelaticae prius collata : sicut et Christus post suam resurrectionem locutus est, Data est mihi omnis potestas in caelo et in terra : quae tamen jam ante ei fuit donata. De Samaritanis quoque in Actibus fertur, quod Spiritus Sanctus nondum venit in quemquam illorum, puta per signum sensibile. Invisibiliter tamen venit ante in eos, quando a Philippo diacono baptizabantur.

Tu autem praecepe sacerdotibus qui portant arcam foderis, et dic eis : Quum ingressi fueritis partem aquae Jordanis, state in ea. Circa hoc scribit Lyra : Dicunt Hebraei, quod sacerdotes steterunt in Jordane prope ripam, per quam ingrediebantur, quousque totus populus pertransivit. Quod reprobatur a Lyra, quoniam infra habetur, quod stabant in medio Jordanis. Veruntamen quidquid de veritate sit hujus dicti, haec reprobatio non convincit. Dicitur enim aliquid esse in medio, non solum quoniam aequae distat ab utroque extremo, sed etiam quoniam inter duo extrema consistit, quemadmodum in Ezechiele fertur de Tyro. Siccatio sagenarum erit in medio maris. Ipsaque Tyrus in corde et in medio maris sita fuisse in Prophetis describitur. Imo talis modus loquendi, frequens est in Scripturis. Praeterea, quod sacerdotes steterunt cum arca non longe a ripa, videtur ex eo quod paulo post legitur : Quum posuerint sacerdotes vestigia pedum suorum in aquis Jordanis, aquae inferiores decurrent atque deficient. Itemque : Ingressis eis Jordanem, pedibus eorum in parte aquae tinetis, steterunt aquae, etc.

Dixitque Josue ad filios Israel : Accedite huc, et audite verbum Domini Dei vestri. Dicunt quidam quod Josue dixit verba ista principibus populi, non populo toti, quoniam totus populus non potuisset verba ejus audire. Sed istud non videtur textui consonare, quoniam evidenter affirmat, quod dixit ista generaliter ad filios Israel : quos et ideo convocavit, ut omnes, quantum fieri potuit, eum audirent. Quemadmodum autem Aaron frequenter loquebatur ad populum universum, ita et Josue omnibus poterat loqui : multique, dum congregantur, in satis parvo stant loco. Imo et Dominus vocem Josue potuit confortare. *In hoc, inquit, scietis quod Dominus Deus vivens, qui essentialiter vivens est, et ipsa pura et actualissima vita, in medio vestri est, id est in cordibus vestris per gratiam, seu paratus est vobis adistere, et disperdet in conspectu vestro Chanaanem, et Hethaem, Havaem, et Pherezaem, Gergesaem quoque et Jebusaem, et Amorrahæm, tradendo eos in manus vestras, aut aliter occidendo, ut infra in textu habetur. Ecce arca foderis Domini antecedit vos per Jordanem :* hoc est, per hoc opus supernaturale scietis quod dico, secundum quod causa per effectum suum cognoscitur. *Parate duodecim viros de duodecim tribubus Israel, singulos per singulas tribus :* id est, de qualibet tribu Israel eligitur unum virum, ut duodecim viri illi tollant de medio Jordanis desiccati duodecim saxa, ut in sequenti recitatur capitulo.

Et quum posuerint vestigia pedum suorum sacerdotes, qui portant arcam foderis Domini Dei universae terrae, in aquis Jordanis, aquae quae inferiores sunt, hoc est, quae infra eorum pedes exstiterunt, decurrent inferius more solito, atque deficient, id est, ultra non operient fundum Jordanis per spatium competens : quae autem desuper veniunt, in una mole consistent, ascendendo in altum, ut infra habetur. Jordanis autem ripas alvei sui tempore messis impleverat, hoc est, usque ad ripas fuit aquis impletus, ut moris est ei tempore messis

Num. xxxiii.
18-20.

Ibid. 23.

Josue i, 1-9.

Matth.
xxiii, 18.

Act. xiii, 46.

Ibid. 12.

Ezech.
xxvi, 5.

Ibid. xxxiii,
1, 32.

Josue iv, 3.

triticeæ. Circa quod dicit quidam : Non potest intelligi, quod tunc grana communiter colligebantur, quia decima die mensis primi transierunt Jordanem. Sed contra hoc videtur, quod ait Glossa : quod tunc messis fuit, incredibile videtur regionibus nostris ; ibi autem, ut perhibent qui noverunt, in principio veris, est tritici messis. Et ista glossa ex verbis Augustini videtur sumpta. Porro quod Jordanis tunc redundet, impleaturque aquis, patet per illud quod in Ecclesiastico fertur de Salomone : Qui multiplicat quasi Jordanis in tempore messis. *Steterunt aquæ Jordanis*, videlicet quæ venerunt a loco et situ altiori, loco in quo sacerdotes steterunt, *descendentes in loco uno, et instar montis intumescen-tes, apparebant procul ab urbe quæ vocatur Adom, usque ad locum Sarthan. Quæ autem inferiores erant, in mare Solitudinis, quod nunc vocatur Mortuum, descenderunt.* Lacus ille vocatur mare, juxta proprietatem linguæ Hebrææ, quæ quæcumque grandis aquarum collectio mare vocatur. Vocatur quoque mare Solitudinis, ratione situs, quum sit juxta desertum Sin. Vocatur insuper mare Mortuum, quoniam propter spissitudinem et immunditiam aquarum suarum, pisces in eo vivere nequeunt. Est item maxime amarum et salum, propter quod mare Salsissimum appellatur. Sed et vestes in eo magis macularentur, quam purgarentur. De hoc mari in Genesi dictum est : de quo et Philosophus

A secundo Meteororum locutus est : per quem lacum currit Jordanis. Aquæ autem inferiores decurrebant, *quousque omnino deficerent* ab intuitu atque præsentia populi Israel.

Populus autem incedebat contra Jordanem. Ambulabant enim filii Israel in medio fundi Jordanis per latitudinem ejus. Sicque a latere fuit eis aqua Jordanis elevata in altum, et ex opposito eis ad latus. Denique secundum Magistrum in historiis, Mulieres ac parvuli pergebant in medio inter viros, quia secundum Josephum, metuebant, ne vim in flumine paterentur. Levitæ quoque sequebantur sacerdotes, et portabant tabernaculum ac vasa ipsius ; et filii Ruben ac Gad et media tribus Manasse, omnes alios præcesserunt armati, secundum quod Moyse promiserunt. Postremo et hoc fuit mirabile, quod fundus Jordanis fuit repente ita siccatus, quod durus ac permeabilis, non lutosus, tunc fuit.

Circa hæc quæri potest, cur supersapientissimus Deus aliter divisit mare Rubrum, aliterque Jordanem. Siquidem mare ita divisit, quod aquæ erant pergentibus per fundum siccatum quasi muri ab utraque parte. Ad hoc aliquis dicere posset : Quis consiliarius ejus fuit ? Attamen ad litteram dici posset, quod Deus omnipotens et excelsus voluit omnipotentiam suam in aquis diversimode demonstrare. Potest et mystica ratio dari, quæ sequenti tangetur articulo.

ARTICULUS VI

DE SPIRITUALI HUIUS TERTII CAPITULI SENSU.

IGITUR Josue de nocte consurgens, moritur castra : id est, Dominus et Salvator humanam naturam assumens, et incarnatus, in publicum veniens, dum nox ignorantie et peccati in mundo prævaluit, sua præ-

dicatione, suisque miraculis, virtutibus et exemplis corda hominum ad poenitentiam excitavit, dicendo : Poenitentiam agite, appropinquabit enim regnum cælorum. *Egy- dientesque de Setim, venerunt ad Jordanem*

Nam. XXXII, 31, 32.

*Exod. XIV, 22.
Is. XL, 13;
Rom. XI, 34.*

Matth. w. 17.

Eccli. XXIV, 36.

Gen. XIV, 3.

ipse et omnes filii Israel. Setim interpretatur spina. Per quod remorsus conscientie et vitiorum punctura signantur. Christus itaque sibi omnes obtemperantes, a conscientia prava et vitiorum mordacitate, ad humilitatis descensum gratiamque Baptismi, quæ per Jordanem significantur, perduxit. *Et morati sunt ibi per tres dies.* Docuit enim Dominus Jesus universos se comitantes, contritioni cordis, confessioni oris, et operibus satisfactionis insistere, atque de statu incipientium ad statum proficientium, de statu quoque proficientium ad statum ascendere perfectorum.

Quibus evolutis, transierunt præcones per castrorum medium, et clamare ceperunt. Isti præcones fuerunt duodecim Apostoli, et septuaginta discipuli a Christo ad

Luc. x, 1. prædicandum directi, qui per populos Judæorum ac Paganorum pergentes, evangelizarunt. *Quando videritis arcam foderis Domini Dei vestri et sacerdotes portantes eam, consurgite, et sequimini præcedentes.* Per arcam foderis Dei, intelligitur

Rom. x, 10. humanitas Christi, per quam mundus reconciliatus est Deo : quam sacerdotes et prædicatores in cordibus suis per fidem et caritatem [portaverunt], atque per prædicationis obsequium obtulerunt longe ac late ad alios, sicut de Paulo apostolo dixit

Act. ix, 15. Salvator. Vas electionis mihi est iste, ut portet nomen meum coram regibus et gentibus et filiis Israel. Præceperunt ergo Apostoli, ut vulgares ac subditi imitarentur doctrinam virtuososque actus sacerdotum et superiorum suorum. *Sitque inter vos et arcam spatium cubitorum duum millium.*

Necesse est enim, ut universi credentes, præsertim inferiores ac laici, fateantur se a Christi hominis perfectione, tam contemplativa quam activa, remotissime distare atque deficere : nec ejus incarnationis mysterium præsumant discurrere, ut procul per humilem fidem adspiciant Christum, et viam salutis agnosceant, de qua ipse testatur : *Arcta est via que ducit ad vitam.* Et : *Si vis intrare ad vitam, serva mandata.* Itemque : *Ego sum via, veritas et vita.* Et : Qui

Matth. xii, 13.
Luc. xiv, 37.
Joann. xiv, 6.
Id. xii, 26.

A mihi ministrat, me sequatur. *Et caveatis ne appropinquetis ad arcam :* hoc est, Christi mysteria et incomprehensibilia fidei suæ testimonia, præsertim deitatem ipsius, non præsumatis irreverenter scrutari, aut in hac vita comprehendere velle. Nam si bestia tetigerit montem, lapidari præcipitur. Oza quoque qui tetigit arcam, percussus est. Imo Bethsamitæ qui eam viderunt, cæsi sunt plaga magna vehementer, ut primo libro Regum describitur.

Exod. xix, 13 ; Hebr. xii, 20.
II Reg. vi, 6, 7.
I Reg. vi, 19.

Dirigitque Josue ad populum : Sanctificamini. Hoc Christus omnibus prædicavit, quando per se et suos Apostolos invitavit homines ad sui Baptismi susceptionem. *Cras enim faciet Dominus inter vos mirabilia.* Vere mirabilia fecit Deus Trinitas in universis credentibus, quando per Christi Baptismum contulit eis omnium remissionem peccaminum. Quod et sublimiter fecit, quando post Christi ascensionem misit Deus Pater in signo visibili Spiritum Sanctum in baptizatos. *Et ait ad sacerdotes : Tollite arcam, et præcedite populum.* Christus quippe suis jussit discipulis, ut suæ humanitatis mysteria, evangelicam sapientiam et crucis vexillum omnibus annuntiarent, et viam salutis, docendo ac conversando, imo et mortem pro fidei veritate fortissime sustinendo, monstrarent : qui totum hoc fidelissime impleverunt.

Matth. x, passim.

Dirigitque Dominus ad Josue : Hodie incipiam exaltare te coram omni populo Israel. Deus Pater ab exordio incarnationis et nativitatis Christi, eum multipliciter exaltavit, prout Evangelistæ testantur. Verum post resurrectionem, in die Pentecostes eum præcipue exaltavit, mittendo Spiritum Sanctum in igneis linguis super Apostolos, ceterosque existentes cum eis : quos et omnium linguarum ac Scripturarum implevit notitia, omnique dono Spiritus Sancti et excellentissima gratia : per quos et eodem die diversa peregit magnalia, ita quod multa millia filiorum Israel veraciter cognoverunt Deum fuisse cum Jesu, sicut fuit cum Moyse, imo incomparabiliter excellentius. Unde et credide-

Act. ii, 1, 3, 1, 6.

Ibid. 31.

Joann. xiii.
28.

Matth. x.
28.

Ibid. iii. 13.

1 Cor. vi. 15.

Ibid. iii. 11

runt in eum, quem paulo ante crucifixe-
runt, secundum quod eis ante passionem
suam prädixit : Quum exaltaveritis, id est,
in cruce suspenderitis, Filium hominis,
tunc cognoscetis quia ego sum. *Tu autem
præcipe sacerdotibus : Quum ingressi fu-
eritis partem aque Jordanis, stete in ea :*
id est, quum virtutem gratiamque Bapti-
smi prædicare coeperitis, stabiliter in hac
perseverate doctrina, non formidantes eos
qui corpus occidunt. *In hoc, inquit, scie-
tis quod Dominus Deus in medio vestri
est, et disperdet in conspectu vestro Cha-
naanum, et Hethæum, Hævæum, etc.,* quia
per hanc Baptismatis gratiam fideliter sci-
mus, quam gratiose nobiscum egerit Deus,
et quod in medio Ecclesiæ commoretur,
quod item invisibiles hostes animarum
nostram et acies vitiorum evidenter de-
jiciat et expellat a nobis.

*Ecce arca foederis Domini antecedit vos
per Jordanem.* Christus equidem propter
nos baptizari dignatus est in Jordane, tactu
sue sanctissimæ carnis consecrans, rege-
nerativamque vim tribuens aquis, exem-
plum quoque suscipiendi Baptisma relin-

A quens. *Et quum posuerint vestigia pedum
suorum sacerdotes in aquis Jordanis, aque
quæ inferiores sunt, decurrunt atque de-
ficiunt.* Per illam Jordanis divisionem si-
gnatum est, quod aqua Baptismatis omni-
bus patet, et omnes intra se suscipit. Quod
autem Deus Jordanem ita divisit, ut di-
ctum est, videlicet quod aquæ ejus de-
super venientes congregabantur in unam
molem, quæ instar altissimæ turris intum-
mesebant : inferiores vero aquæ omnino
defluerunt : hoc præfiguravit, quod qui-
dam baptizatorum a gratia in Baptismo
data deficiunt atque pereffluunt, et in vi-
tiorum amaritudinem convertuntur, ac cor-
pori incorporantur diaboli. Electi vero col-
latam custodiunt gratiam, et per caritatem
unum sunt mysticum corpus Christi, sed
et per contemplationis gratiam elevantur
ad summum.

*Sacerdotes autem stabant super siccum
humum, id est, Christo omnium salvatori
et ejus immaculatissimæ carni tanquam
fundamento firmissimo innitebantur. Chri-
stus enim est qui sacramentum Baptismi
instituit, principaliterque baptizat.*

ARTICULUS VII

EXPLANATIO LITTERALIS CAPITULI QUARTI : QUIBUS TRANSGRESSIS, DIXIT DOMINUS.

* per sin-
gulas tribus

Josue iii.
12.

NUNC magis determinate describitur,
qualiter populus Israel pertransivit et
exivit Jordanem. *Quibus transgressis,* id est,
quum populares pertransissent Jorda-
nem, *dixit Dominus ad Josue : Elige duo-
decim viros, singulos de singulis tribu-
bus,* * id est de qualibet tribu unum.
Præcedenti autem capitulo Josue ait ad
filios Israel : Parate duodecim viros de
tribubus Israel, singulos per singulas tri-
bus. Ex quo habetur, quod dedit populo
commissionem, ut quælibet tribus unum
eligeret ex se. Quod ergo nunc dicitur Jo-
sue viros duodecim elegerisse, intelligendum

est ideo dictum, quoniam electionem fa-
ctam ab aliis, acceptavit, vel quia ejus
auctoritate ac jussione a populo sunt ele-
cti. *Et præcipe eis, ut tollant de medio
Jordanis alveo, ubi steterunt pedes sacer-
dotum, duodecim durissimos lapides,* qui
diu possint durare in memoriam hujus mi-
raculi : *quos ponetis in loco castrorum,* id
est cuneorum vestrorum, *ubi fixeritis huc
nocte tentoria,* id est, ubi nocte hanc diem
sequente quiescetis.

*Vocavitque Josue duodecim viros, quos
elegerat de filiis Israel,* vel, ut aliqui libri
habent, elegerant : illos enim elegit Josue.

quos jam elegerant duodecim tribus, *singulos de singulis tribubus*. Et ait ad eos: *Ite ante arcam Domini Dei vestri*, id est, usque ad locum ubi stat area accedite, *ad Jordanis medium*, id est ad locum illum Jordanis, qui est inter ejus extrema seu inter ripas ipsius medius: *et portate inde singuli singulos lapides in humeris vestris, juxta numerum filiorum Israel*: id est, quilibet vestrum portet inde lapidem unum, ut sint in toto duodecim lapides, juxta numerum duodecim Patriarcharum filiorum Jacob, qui alio nomine dictus est Israel: *ut sit signum inter vos*, id est, ut lapides isti reponantur et serventur pro memoriali et signo rememorativo rei præteritæ, scilicet miraculi hujus in Jordane jam facti. Ideo subditur: *Et quando interrogaverint vos filii vestri, cras*, id est tempore futuro, *dicentes: Quid sibi volunt isti lapides?* id est, quid designant ex institutione humana? et quare sic et hic positi sunt? *Respondetis eis: Defecerunt aque Jordanis*, id est, naturali ac solito more fluere cessaverunt ad tempus, et inferiores aque Jordanis descenderunt, quousque ab adspectu filiorum Israel sunt ablatae: *ante arcam fœderis Domini*, id est in præsentia ejus, *quum transiret eam*, id est, dum area a sacerdotibus portabatur per fundum Jordanis siccata. *Idcirco positi sunt lapides isti in monumentum filiorum Israel*, id est pro memoriali eorum, per quod admoneantur reminisci beneficiorum Dei, *usque in æternum*, id est per ævum seu usque in sæculum. Eternum namque frequenter pro quacunque duratione longa accipitur. Unde et primo Regum libro Achis rex dixit de David: Erit mihi servus in sempiternum. Atque ut Josephus scribit, Ex lapidibus illis Josue fecit altare, super quod Deo sacrificavit, et Pascha cum populo celebravit.

Alios quoque lapides duodecim posuit Josue in medio Jordanis atreo, ubi steterunt sacerdotes qui portabant arcam fœderis Domini. Hos duodecim lapides posuit Josue in Jordane, non propriis manibus:

sed fortibus viris præcepit, ut acciperent lapides illos ex aliqua parte terræ in qua jacebant, et portarent eos usque ad locum ubi adhuc stabant sacerdotes cum area. Erantque notabiliter magni, et fiebat ex eis quasi monticulus et tumulus tantus, quod apparuit super aquam, præsertim dum parva erat. Unde aliqui opinantur, quod sacratissimus Joannes Baptista demonstravit lapides illos, quum dixit Judæis: Potens est Deus de lapidibus istis suscitare filios Abraham. Ex quo apparet, quod lapides illi non erant remote a ripa. Aliqui tamen dicunt, quod demonstravit lapides quos Josue fecit effferri. *Et sunt ibi usque in præsentem diem*. Hoc auctor libri hujus retulit ad tempus quo ista conscripsit: sed au adhuc ibi sint, nescimus.

Sacerdotes autem qui portabant arcam, stabant in Jordanis medio, donec omnia complerentur quæ præceperat Dominus Josue ut loqueretur ad populum, et dixerat ei Moyses: id est, sacerdotes illi tamdiu fixi stabant in fundo Jordanis arefacto, quod omnia implebantur, quæ Dominus jussit ipsi Josue loqui ad populum de modo eundi per fundum Jordanis, et de duodecim lapidum sublatione ex Jordanis fundo, aliorumque lapidum deportatione ad fundum illum, et quæ etiam Moyses adhuc vivens jusserat Josue. Ex quo sequi videtur, quod hæc eadem vel quædam eorum, etiam Moyses prædixerat Josue huic; atque ut quidam hic scribit, Moyses saltem de transitu Jordanis prædixit Josue: quo concessio, stare non poterit, quod idem in expositione præcedentis capituli dixit ipsum Josue et filios Israel expectasse tres dies super Jordanem, antequam iverunt per eum, quoniam Josue expectavit revelationem de modo transeundi Jordanem, quæ facta fuit ei tertio die illo. Jam enim ex Moysis revelatione præsevit hoc.

Festinaritque populus et transivit per fundum Jordanis. Festinavit in eundo, non ex timore quod aqua eaderet super eos, sed ne unus alteri tædiosam ingereret moram in pertranseundo, quoniam maximus

Gen. xxxv.
10.

1 Reg. xxxvii.
12.

Matth. iii, 9.

Josue iii, 1.

erat exercitus, et ne sacerdotes cogerentur nimis diu stare in fundo Jordanis. *Quumque transissent omnes, præter portitores arcæ, transiit et arca Domini*, id est, portantes eam exierunt post alios cum arca de fundo Jordanis, ut infra plenius recitatur. *Sacerdotes quoque pergebant ante populum*. Nam postquam exierunt de fundo Jordanis, populum præcesserunt, sicut et ante introitum in Jordanem. *Filii quoque Ruben et Gad, et dimidia tribus Manasse, armati præcedebant filios Israel*.

Num. XXXII,
20 et seq.

etiam Jordane jam transito, *sicut præceperat eis Moyses*, ut in Numeris habetur. *Et quadraginta pugnatorum millia per turmas et cuneos incedebant per plana atque campestra urbis Jericho*. Non est intelligendum, quod filii Ruben et Gad, ac media tribus Manasse non fuerint nisi quadraginta millia : imo soli filii Ruben, in secunda numeratione erant quadraginta tria millia septingenti triginta, ut in Numeris vicesimo sexto habetur. Est igitur sensus, quod de omnium illorum numero tot millia pugnatorum pergebant per campestra Jericho ad incutiendum Jerichonitinis pavorem.

Ibid. XXVI,
7.

In illo die magnificavit Dominus Josue coram omni Israel, ut timerent eum sicut timuerunt Moysen dum adhuc viveret : id est, per mirabilia illa facta in Jordane, juxta prænuntiationem ipsius Josue, Deus fecit ipsum Josue honorabilem ac metuentum, tanquam Dei amicum et servum ejus potentem, quatenus filii Israel ei cum filiali timore obedirent : subditi namque debent superiorem suum timere, magis tamen diligere : sed timor filialis includit dilectionem. *Dixitque ad eum, puta ad Josue : Præcipe sacerdotibus qui portant arcam fœderis Domini, ut ascendant de Jordane*, id est, de loco quo stant, sequantur populum jam egressum usque ad ripam per quam plebs ascendit : quæ ripa fuit altior fundo Jordanis, ideo tendendo ad eam, ascendebant. *Quumque ascendissent portantes arcam fœderis Domini, et siccam humum calcare coepissent*, id est,

A *super ripam et terram siccam venissent, reversæ sunt aquæ in alveum suum, et fluebant sicut ante consueverant*, id est, moles illa aquarum cepit descendere, et per fundum suum naturali modo decurrere. *Populus autem ascendit de Jordane decima die mensis primi*, videlicet Martii seu Aprilis, qui est primus mensis anni apud Hebræos, ut alibi plenius dictum est. *Et castrametati sunt in Galygalis*, id est in loco sic dicto : qui tamen paulo post ita vocatus est, ut infra dicitur. Ibi ergo B proximo vespere fixerunt tentoria *contra orientalem plagam urbis Jericho*. Est enim locus ille inter Jericho et Jordanem, distans a Jericho per stadia decem, et quinquaginta stadiis a Jordane, ut in Scholastica fertur historia. In eodem quoque loco posuerunt tunc duodecim lapides de Jordane sublato.

Que sequuntur in textu, planissima sunt. In quibus docet nos Scriptura, quod Deus fecit mirabilia illa in Jordane atque in mari Rubro, non solum propter filios Israel, sed item ut universi habitatores terræ adidiscant fortissimam manum Domini, id est omnipotentiam Dei, ex supernaturalibus ejus effectibus, et timeant eum.

Juxta spiritualem intelligentiam, per hoc quod Josue post transitum Jordanis præcepit de fundo Jordanis duodecim lapides tolli, et inter filios Israel collocari, præfigurabatur, quod post Baptismum debeant prælati et prædicatores verbi Dei, baptizatis proponere exempla et documenta firmissima duodecim Apostolorum, quæ in medio Ecclesiarum sunt conservanda. Unde in Actibus fertur Apostolorum, quod Paulus et Barnabas docuerunt Ecclesias gentium servare præcepta et traditiones Apostolorum et seniorum. Ipsi quoque duodecim Apostolis jussit Christus, ut de Jordane tollerent duodecim lapides, id est, de libris duodecim Prophetarum, vel de quinque libris Moysis, et quatuor libris Prophetarum majorum, ac tribus Salomonis voluminibus, acciperent apta testimonia ac doctrinas pro eruditione populi

Sensus
spiritualis.

Act. XV, II.

christiani. Quumque ineruditi et simplices interrogaverint, quid sibi velint hujusmodi allegationes ac doctrinae ex lege et Prophetis sumptae : dicendum est, quod patres primi nostri transierunt Jordanem, id est, in Christo baptizati sunt, et evangelicae legi fidem adhibuerunt, ideirco pro confirmatione et instructione eorum in fide et moribus, introducta sunt illa.

Festinauitque populus et transiit. Circa quod loquitur Origenes : Non otiose additum mihi videtur a Spiritu Sancto, quod B dictum est, Festinauitque populus : quia, ut arbitror, nobis quoque festinandum est, ut omnia celeriter transeamus. Transire, est praecepta implere. Quumque omnia ad salutem spectantia non segniter nec remisse, sed cum omni instantia et celeritate exsecuti fuerimus, hoc est cum festinatio-

ne transire Jordanem. Quo facto, rursus nobis diligentiae et cautelae cura succedit, ne improvise aliquo lapsu effundantur gressus nostri. Non enim remissior sollicitudo nobis inesse debet ad conservandum, quam ad acquirendum virtutes. Non putemus, quod in hereditatem coelestem per otium et negligentiam oscitantes et dormientes intrare possimus. Haec sententia liter Origenes.

Amplius, per filios Ruben, Gad et Manasse, qui armati et accincti filios Israel praecesserunt, intelliguntur sancti Prophetiae veteris Testamenti, qui suis vaticiniis atque virtutibus et doctrinis pugnant pro nobis, et roborant nos in fide, ac nostrae salutis aemulos superant et expugnant. U quam armatus propugnator et praecinctus pugil noster est Isaïas, David quoque et Daniel, ac ceteri vates electi !

ARTICULUS VIII

DECLARATIO CAPITULI QUINTI : POSTQUAM ERGO AUDIERUNT OMNES REGES AMORRILEORUM.

CONSEQUENTER describitur, qualiter C populus Israel aptatus est ad obtinendum terram sibi promissam per quorundam divinarum observantiam praeceptorum, videlicet circumcisionis et Paschae. *Postquam ergo audierunt omnes reges Amorrhæorum, qui habitabant trans Jordanem ad occidentalem plagam...* Textus difficultatem non habet. Quum etenim hi reges cognovissent, qualiter Deus siccasset fundum Jordanis, et mirabilia in Jordane facta audissent, *dissolutum est cor eorum* praetimore, *et non remansit in eis spiritus*, id est vigor animi, *timentium introitum filiorum Israel*. Quod ait, Timentium, refertur ad pronomem Eorum. Itaque cor eorum ita timentium, dissolutum est. Per Magnum quoque mare intelligitur hic non D Josue I 1, mare Oceanum, sed Mediterraneum, ejus supra jam meminimus plenius.

Eo tempore ait Dominus ad Josue, scilicet post transitum Jordanis : Fac tibi cultros lapideos, et circumcide secundo filios Israel. Non propriis manibus fecit Josue illam circumcisionem, sicut nec cultros, sed per manus aliorum utrumque, ut reor, fieri jussit : et quod Dominus ait, Fac tibi, exponitur. Ad tum profeetum. Josue namque, obediendo Deo in his, profecit in gratia et salute. Circa haec queritur, an cultri illi fuerunt vere lapidei : quod sic probatur ex textu. Oppositum videtur, quia ut in Scholastica fertur historia, Hebraeus habet, pro cultris lapideis, Novaenlas aentas, Lyra asserit : Hebraei dicunt, Novaenlas aentas. Ad istud respondeo, quod res ista facit me admirari. Non enim capere valeo, quod S. Hieronymus in passu isto tam ponderoso, ab Hebraica veritate recesserit, aut aliter quam Hebraica veritas

habet, transtulerit. Ideo credo quod cultelli illi fuerunt revera lapidei. Nam et translatio Septuaginta sic habet, Fac tibi ipsi cultros de petra. Origenes quoque et Augustinus sic tenent. Sed et Magister Sententiarum ex verbis Sanctorum, libro quarto, distinctione I, breviter tangit mysticam causam, cur circumcisio ista facta sub Josue, per cultellos lapideos sit perfecta: videlicet quia significat circumcisionem illam consummatam, qua electi in resurrectione finali per petram Christum ab omni imperfectione et superfluitate eripientur. Denique Thomas, Albertus et cuncti doctores scholastici, super quartum sic tenent: imo et Ecclesia quæ non errat. Hoc interea penso, quod nec auctor Scholasticæ historiæ, neque Lyra, dicit Hebraicam veritatem habere. Novacula acutas, sed quod Hebraei sic dicunt vel habent, quamvis hoc forte videatur redire in idem. An ergo diversitas ista ex equivocatione dictionum, an ex corruptione textus, per posteriores Judeos facta, aut alia contigerit causa, ignoro.

Rursus circa hæc quæri potest, an cultellus lapideus fuit de necessitate circumcisionis. Ad hoc sanctus Doctor super quartum, distinctione I, respondet: Sacramentum quod est signum et causa, efficit quod figurat: ideo illa significatio est de necessitate sacramenti, quæ ad effectum sacramenti refertur: non autem illa, quæ refertur ad causam principalem effectus, sed est de bene esse ipsius. Cultellus vero lapideus non est de necessitate incisionis, per quam significat circumcisio suum effectum, scilicet purgationem originalis peccati: sed habet aliquam similitudinem ad causam principalem meritoriam remissionis originalis culpæ, scilicet Christum. Idcirco culter lapideus non fuit de necessitate circumcisionis, nec quantum ad obligationem præcepti, nec quantum ad efficaciam sacramenti: quod ritus Judæorum usque hodie ostendit, quia videlicet in circumcissione non utuntur cultello lapideo. Sed in principalibus circumcisionibus, quibus

A Christum significari oportebat, tale instrumentum adhibitum est. Hæc Thomas. Quibus addi potest, quod in Genesi (ubi circumcisio legitur instituta) nulla fit mentio de cultello lapideo. Porro per principales circumcisiones, quibus significatus est Christus, intelligit Thomas istam sub Josue factam, et eam de qua in Exodo habetur, qua circumcisis est Moysis filius.

Gen. xvii
10-14

Exod. vi
25.

Et circumcide secundo filios Israel. Circa hoc loquitur Origenes: Vellem percontari Judæos, quomodo possit quis secundo circumcidi circumcissione carnali. Verumtamen ad istud possent respondere Judæi, quia hæc quæstio videtur ex inepto intellectu Scripturæ hujus procedere. Non enim sensus est, quod Deus jussit eodem numero, circumcidi secundo seu altera vice: sed quod filios Israel jussit circumcidi secundo eodem in specie, ut ad diversos numero, referatur duplex circumcisio illa. Sape etenim Scriptura loquitur de diversis, quasi de eisdem, quoniam in eodem numero continentur diversa supposita. Unde est illud: Quum occideret eos, querebant eum, et revertebantur, et diluculo veniebant ad eum. Nempe qui occidebantur, non veniebant ad Deum diluculo. Hinc asserit Augustinus: Unus et idem homo bis circumcidendus non erat: sed quoniam unus populus erat, in quibusdam circumcisis, in quibusdam non circumcisis, ideo dictum est iterum, ut circumcisis iterum circumcideretur, non homo, sed populus.

C De est illud: Quum occideret eos, querebant eum, et revertebantur, et diluculo veniebant ad eum. *Ps. lxxviii.*

34.

veniebant ad eum. Nempe qui occidebantur, non veniebant ad Deum diluculo. Hinc asserit Augustinus: Unus et idem homo bis circumcidendus non erat: sed quoniam unus populus erat, in quibusdam circumcisis, in quibusdam non circumcisis, ideo dictum est iterum, ut circumcisis iterum circumcideretur, non homo, sed populus.

Præterea alia difficultas occurrit. Constat enim, quod ante hanc circumcisionem multe factæ sint circumcisiones in populo Hebræorum a tempore Abrahæ: cur ergo nunc dicitur, Circumcide filios Israel secundo? Respondetur, quod nunc sermo est de circumcissione solenni, vel solum de populo qui exiit de Ægypto, posterisque eorum qui erant sub Josue. Et si intelligatur de circumcissione solenni, oritur quæstio, respectu cuius circumcisionis præcedentis, solennis ista dicatur secunda. Quocirca recitat Lyra opinionem Hebræorum, dicentium quod ista vocatur secunda, respectu

Gen. xxi,
24-27. Exod.
xvi, 44, 48,
Lev. xii, 3.

circumcisionis factæ in Ægypto ea no-
Erod. xii, 29.
 etc. qua Deus primogenita Ægyptiorum
 percussit, in qua nocte dicunt multos He-
 braeorum circumcisos fuisse : quam opinio-
 nem reprobant Lyra, quoniam ex Scriptura
 auctoritatem non habet, et quoniam cir-
 cumcisio illa fecisset filios Israel ineptos
 et impotentes ad egrediendum de terra
 Ægypti propter circumcisionis recentem
Ibid. 32.
 dolorem, Eadem enim nocte exierunt Ægy-
 ptum, ut in Exodo legitur. Hinc Lyra af-
 firmat, quod circumcisio ista nominatur
 secunda, respectu ejus quam Abraham fe-
Gen. xxi, 23-27.
 cit, se ipsum et omnes suos domesticos
 circumcidens, ut in Genesi recitatur. Idem
 dicunt quidam expositores. Verumtamen
 istud non videtur textui consonare, nec
 dictis Sanctorum. Nam Dominus ait in tex-
 tu ad Josue : Circumcide filios Israel se-
 cundo. Abraham autem non circumcidit
 filios Israel : imo in illa circumcissione, de
 qua in Genesi fertur, quod circumcidit se
 et suos domesticos, Isaac nondum exstitit
Ibid. 24 :
 natus. Præterea (sicut nunc tactum est)
 xxi, 4, 5.
 B. Augustinus testatur hanc duplicem cir-
 cumcisionem ad eundem populum referen-
 dam. Populus autem Judeorum non fuit
 circumcisos ab Abraham. Ideo juxta ea
 quæ infra in isto habentur capitulo, re-
 spondendum, quod circumcisio hæc voca-
 tur secunda respectu ejus quæ facta est in
 Ægypto : non tamen in nocte qua primo-
 genita sunt percussa, sed ante. Constat
 enim, quod Hebræi in Ægypto fuerunt ne-
 gligentes in observantia præcepti cir-
Erod. xii, 3, 6, 11, 18.
 cumcisionis. Unde quum Moyses eis jussisset
 tollere agnum paschalem decima die men-
 sis primi, et eundem comedere quartade-
 cima die mensis ejusdem ad vesperam, hoc
 quoque jussisset ut nemo nisi circumcisos
 ad esum agni illius admitteretur : valde
 probabile est, quod Judæi nondum circum-
 cisi, circumcidebantur, et hoc fiebat per
 dies satis multos ante eorum exitum de
 Ægypto : sicque respectu illius cir-
 cumcisionis, ista vocatur secunda : quod et
 Rabbi Paulus affirmat. Imo circumcisio
 ista potest dici secunda, respectu totius

A circumcisionis omnium ex Ægypto educto-
 rum, et ante in ea circumcisorum.

Præterea, quemadmodum tangit Angu-
 stinus, quidam hæretici dicebant, bapti-
 zatos semel, rebaptizandos, argumentum
 sumentes ex hoc loco, quod Dominus jus-
 sit filios Israel circumcidi secundo, quum
 tamen non sit hoc de eisdem numero in-
 telligendum.

Sic itaque Josue circumcidit eos secun-
 do, *in colle Præputiorum*, id est in colle
 quodam et circa collem, qui ratione hu-
 jus circumcisionis ibi factæ, vocatus est
 collis Præputiorum, quæ scilicet ibi absci-
 sa sunt. *Hæc autem est causa secundæ*
circumcisionis, quæ sub Josue facta est :
Omnis populus qui egressus est ex Ægy-
pto generis masculini, videlicet *universi*
bellatores viri, mortui sunt in deserto per
longissimos viæ circuitus, prout in libro
 Numerorum et Deuteronomio patet : quod
 intelligendum est de viris, puta de his qui
 in prima numeratione sunt numerati, dem-
 ptis tamen Caleb et Josue, atque Levitis,
 C qui non erant numerati a vicesimo anno,
 sed ab uno mense, ut in Numeris dictum
 est : *qui omnes circumcisi erant in Ægy-*
pto. Populus autem qui natus est in de-
serto per quadraginta annos in itinere
latissimæ solitudinis, incircumcisos fuit
dumce consumerentur, id est, in solitudi-
 ne morerentur. *Qui non audierant vocem*
Dominî, id est, promissionibus Dei non
 crediderunt, sed post reditum duodecim
 exploratorum dixerunt : *Utinam pereamus,*
 et non inducat nos Dominus in terram
Ibid. xiv, 3, 4.
 D hanc, ne eadamus gladio. Et rursus : Con-
 stituamus nobis ducem, et redeamus in
 Ægyptum. *Et quibus ante juraverat ut*
ostenderet eis terram lacte et melle ma-
nantem. Illis enim ante per Moysen pro-
 misit eum juramento, quod daret eis ter-
 ram promissionis : quæ promissio fuit
 intelligenda cum conditione implicita, ut
 pote nisi demerentur.

Horum filii in locum successerunt pa-
trum, et circumcisi sunt a Josue, quia
sicut nati fuerant, in præputio erant. Di-

Numer. i, 33; xiv, 29;
 xvi, 32, 35;
 39; xxv, 9.
Deut. i, 44.

Numer. xiv,
 30; xxxi, 62.

Ibid. xiv,
 3, 4.

Erod. vi,
 7, 8.

Nam. ix.
17-23.

eunt autem doctores communiter, quod A ex divina dispensatione circumcisi non sunt in deserto, propter incertitudinem motus castrorum seu progressionis. Nam juxta motum nubis progrediebantur, et fuit eis incertum quando columna nubis procederet : ideo fuisset periculosum circumcidi, quoniam noviter circumcisi, inepti et impotentes fuissent ad procedendum. Damascenus autem libro quarto, et multi doctores super quartum, aliam causam assignant, dicentes, quod circumcisio data fuit in signum distinctivum Israelis B a gentibus, et quoniam filii Israel in solitudine satis distincti erant et separati a ceteris nationibus, non oportuit eos circumcidi ibidem. Porro hæc ratio esset conveniens, si circumcisio data fuisset Hebræis solum in distinctionem, et non etiam in purificationem ab originali. Verumtamen Augustinus testatur, quod quidam ex filiis Israel manserunt in deserto incircumcisi ex contemptu suorum parentum, quia inobedientes fuerunt legi Dei. In Scholastica vero historia legitur : Quidam man- C serunt ibi incircumcisi ex mandato Dei, alii ex parentum suorum negligentia, alii ex parentum cautela, ne forte eis circumcisis, attolleretur mox nubes, et necesse haberent progredi, et sic periclitarentur parvuli circumcisi. *Postquam autem circumcisi sunt omnes, manserunt in eodem castrorum, id est tentoriorum et euneorum suorum loco, donec sanarentur a vulnere et dolore circumcisionis.*

Dirigitque Dominus ad Josue : Hodie abstuli opprobrium Ægypti a vobis. Per op- D probrium Ægypti, intelligi potest ipsa præputii caro, quam Hebræi reputabant ipsis Ægyptiis, et ceteris incircumcisis opprobriosam, quos et tanquam incircumcisos spernebant, quemadmodum Christiani juste despiciunt non baptizatos ut tales. Circa hæc scribit quidam : Locus iste dupliciter exponitur ab expositoribus nostris. Primo, ut accipiatur opprobrium Ægypti passive, quod scilicet sustinuerunt Ægyptii ab Hebræis exprobrantibus, quod

erant incircumcisi. Quam expositionem reprobatur, dicens : Hoc non videtur rationabiliter dictum, quoniam filii Israel in Ægypto erant subjecti et in maxima servitute, ideo non est verisimile, quod Ægyptiis exprobrarent. Ad quod dico, quod expositio ista Catholicorum est bona, nec valet ista objectio, quoniam multo tempore fuerunt Hebræi in magna libertate et reverentia apud Ægyptios, scilicet tempore Joseph et postea diu, sicut in Exodo expositum est. Sufficit quoque ad veritatem B expositionis istius, quod filii Israel reputabant Ægyptiis præputium ignominiosum. — Deinde subjungit : Alio modo exponunt, accipiendo opprobrium Ægypti active, scilicet quod Ægyptii intulerant filiis Israel opprobrium servitutis : a quo licet liberati fuerunt in exitu de Ægypto, tamen ista libertas fuit declarata in terra promissionis. Unde et locus iste vocatus est Galgala, quod significat libertatem. Hanc quoque expositionem reprobatur, dicens : Hoc non videtur bene dictum, quia ablatio C opprobrii, videtur referri ad circumcisionem. Nec illa interpretatio Galgalæ, vera est : quia nec Remigius neque Hieronymus sic interpretantur hoc nomen. Ad hæc dico, quod hæc quoque expositio vera et apta est, quoniam filii Israel suscipiendo ex divino præcepto circumcisionem, meruerunt majori libertate et adoptione honorari et acceptari a Deo : et ita ablatio opprobrii, vere refertur ad circumcisionem tanquam ad meritoriam causam. Nec sequitur, Hieronymus et Remigius non ponunt illam Galgalæ interpretationem, ergo non est ponenda. Catholici quoque qui eam ponunt, non eam finxerunt, sed ab Hebræis potius acceperunt. — Deinde ponit expositionem Hebræorum, dicendo : Aliter exponitur secundum Hebræos, videlicet quod Ægyptii observantes constellations, dixerunt Hebræis petentibus a Pharaone egrediendi licentiam : Miseri, quo vultis ire ? Ecce constellatio ostendit effusionem sanguinis vestri, si recedatis. Quum ergo in circumcissione facta per Jo-

Exod. i.

sue, fusus sit sanguis Hebræorum, non in opprobrium eorum, sed in honorem, in ea ablatum est opprobrium illud Ægypti. Ista expositio videtur inepta et ficta, nec ad propositum pertinens. Nam dato quod Ægyptii astrologi dixissent Hebræis verba præfata, tamen illi Hebræi jam in solitudine obierunt: et circumcisi sub Josue, in solitudine, non in Ægypto, sunt nati, sicut jam patuit. Denique multa millia Hebræorum de Ægypto egressorum, gladio, igne et aliis modis in deserto occisa sunt: sique in illis fuisset opprobrium Ægypti impletum. Amplius, dato quod Ægyptii illa dixissent, non tamen illorum intentio fuit loqui de tali spontanea sanguinis effusione cito curabili, sed de effusione sanguinis letali ac violenta: sique illud opprobrium abstulisset Deus a filiis Israel, præservando eos ab omni læsione et trucidatione.

Vocatumque est nomen loci illius Galgala, usque in præsentem diem. Galgala, secundum Hieronymum, interpretatur, sancti revelatio, et secundum alios quosdam, libertas. Ibi enim manifestata est et aucta Hebræorum libertas a servitute Ægyptiorum ac vitiorum, et illuminati sunt ibi ac sanctificati. *Manseruntque filii Israel in Galgalis*, id est in loco præfato. Galgala autem quandoque indeclinabiliter sumitur, interdum declinatur. Ibi ergo manserunt usque ad circumcisorum curationem. *Et fecerunt Phase*, id est solennitatem paschalem, offerendo et manducando agnum paschalem debito ritu, *quartadecima die mensis primi*, scilicet Martii, seu Aprilis secundum quosdam, qui mensis est primus mensis anni secundum Hebræos, *in campestribus Jericho*: sicut fecerunt primo Phase in Ægypto, egressu eorum instante circa Ramesse, ut in Exodo legitur: secundo ad radices montis Sinai, anno secundo egressionis ex Ægypto, ut in Numeris habetur. *Et comederunt de frugibus terre Chanaan, die altero, et azymos panes*, id est panes non fermentatos, confectos ex fructibus terræ promissionis: nam talibus panibus tenebantur vesci durante

A festivitate paschali, ut in Exodo fertur: *et polentam ejusdem anni*. Secundum Magistrum in historiis, polenta est grana tosta et manibus confricata ad modum $\frac{1}{2}$ granophili pilo tusi, et dicitur polenta quasi pilenta. Aliqui tamen dicunt, polentam esse pulvis de farina purgatissima factas, et dictam polentam quasi pollentam, a polline, quod est purgatissima farina. Porro in solennitate paschali fiebat oblatio de granis novis de manipulo excussis. *Defecitque manna*, id est, ultra non pluit, *postquam comederunt de frugibus terre Chanaan*: quia ultra non indiguerunt manna ut ante, sed abundabant fructibus terræ promissæ.

Quum autem esset Josue in agro urbis Jericho, ad explorandum et considerandum qualiter urbs illa aptius caperetur: levavit oculos, et vidit virum, id est angelum in forma et specie viri, *stantem contra se*, id est ex opposito sui, quantum ad situm, et *exaginatam tenentem gladium*, tanquam paratum ad auxiliandum Hebræis. *Perrexitque ad eum, et ait: Noster es, an adversariorum*, id est, fautor et collega noster, an Chananeorum? Putavit autem Josue quod homo esset. Nec angelus iste apparuit in tam terribili specie, sicut apparuit Danieli angelus Dei, ex cujus visione Daniel fuit tam vehementer perterritus. *Qui respondit: Nequaquam*. Quod quidam sic glossant: Supple, Sum adversarius. Alii vero exponunt: Nequaquam, id est, nec vester sum, nec adversariorum, quasi de natura vestræ speciei existens: quasi dicat, Non sum homo. *Sed sum princeps exercitus Domini*, id est, angelica virtus sum, et de choro ac ordine Principatum, præsidens toti populo Hebræorum, qui nunc per modum exercitus ordinate collectus est sub te principe suo terrestri, qui ejusdem es speciei cum eis, et vocatur exercitus Dei: tum quia per electionem et gratiam specialiter pertinebat ad Deum, tum quia electus fuit a Deo ad expugnandum adversarios Dei Chananeos ac alios: *et nunc venio*. Cecidit Josue pronus in terram, quoniam advertit quod angelus

Exod. xxxiii, 28; Num. xvi, 32, 35, 49; xxx, 9.

Exod. xii, 28, 37.

Num. ix, 4.

Exod. xii, 13.

Lev. xxiii, 10.

Exod. xvi, 35.

Dan. x, 6, 8, 9.

esset, et forte cognovit quis erat ex uni-
versitate supernorum spirituum. Dicunt
autem doctores catholici et Hebraei, quod
Michael fuit, qui princeps exstitit Syna-
goga, secundum quod Gabriel locutus est
Danieli: Nemo, inquiens, est adjutor meus
in omnibus his, nisi Michael princeps ves-
ter. Et nunc venio, id est, praeſto jam
sum ad dandum tibi consilium atque auxi-
lium. Unde et tunc docuit ipsum Josue de
modo capiendi civitatem Jericho, et ut eam
in toto faceret anathema, prout sequenti
fertur capitulo.

Et adorans, ait. Adoravit angelum ado-
ratione dulci, atque per gratiam discreti-
onis spirituum, ac instinctu divino cogno-
vit, quod angelus bonus erat, non spiritus
fallax: alias fuisset incautum, quod tam
cito credidisset verbis apparentis. *Quid
dominus meus loquitur ad servum suum?*
Fuit enim Michael etiam princeps ipsius

A Josue. *Solve, inquit, calcamentum de pe-
dibus tuis*, id est, ambos pedes tuos dis-
calceca et denuda propter reverentiam lo-
ci, imo ad Dei honorem in loco suo. Ideo
subditur: *Locus enim in quo stas, sanc-
ctus est*, id est deputatus de cetero ad
opera sancta, ut in eo commorentur veri
Dei cultores: et locus iste, qui hactenus
exstitit inquinatus per idololatrias atque
facinora Chanaanæorum, nunc sanctificatus
est per angelicam istam præsentiā et al-
locutionem, imo per præsentiā Dei in
B angelo suo. Simile huic praecepit angelus
Moysi circa rubum. *Fecitque Josue, ut sibi
fuero imperatum* ab angelo. Postremo,
qua hora facta sit apparitio ista, et an so-
lus Josue angelum istum vidit, atque in
quali habitu apparuerit angelus iste, tex-
tus non exprimit: sed ex circumstantia
ejus apparet, quod in die, et certum, quod
eo vigilante.

ARTICULUS IX

SPIRITUALIS EXPLANATIO EJUSDEM CAPITULI QUINTI.

POSTQUAM audierunt omnes reges C
Amorrhæorum, etc. Per reges Amor-
rhæorum et Chanaanæorum, intelliguntur
principes tenebrarum: qui habitant *trans*
Jordanem, id est in vitio elationis, quod est
extremum humilitati contrarium. Humili-
tas quippe per Jordanem, qui interpretatur
descensus, signatur. *Et qui possidebant
Magno mari loca propinqua.* Per Magnum
mare, exprimitur amaritudo ac fluxus in-
quietudoque vitiorum. Loca vero propin-
qua huic mari, sunt eorda instabilia, prona
ad vanitates et iniquitates saeculi hujus: D
haec loca possident daemones. Sed post-
quam principes tenebrarum noverunt *quod
Dominus siccatset fluentia Jordanis coram
filiis Israel, donec transirent*, id est, fontem
et aquas Baptismi aperuisset universis ho-

minibus, praesertim ad fidem electis, quo-
usque per Baptismatis gratiam introirent
Ecclesiam, incorporarenturque Christo:
dissolutum est cor eorum: tunc namque
principes tenebrarum vehementer perter-
riti sunt, videntes se quotidie a vasis suis
expelli, nec posse gratiae Dei, quae ubique
terrarum diffundebatur, resistere.

*Eo tempore ait Dominus ad Josue: Fac
tibi cultros lapideos, et circumcide secun-
do filios Israel.* Sic Deus Pater dixit ad
Christum inter homines conversantem ac
praedicantem, ut filios Israel semel corpora-
liter circumcisos, circumcideret spiri-
tualiter altera vice cultro lapideo, id est
acutissimo verbo suae praedicationis et ju-
stae correctionis. Unde verbum Dei, gla-
dius spiritus appellatur. Sicque Christus

Dan, s. 21

Josue vi,
17.

Exod. iii, 5.

Ephes. vi,
12.

Ephes. vi,
17.

circumcidit electos ex Judaismo, non in uno dumtaxat membro, nec solum ab originali peccato, sed in toto corpore et cunctis viribus animæ, docens eos omnia membra sua exhibere arma justitiæ Deo, viresque animæ a vitiis cunctis purgare, atque virtutibus decorare. Nam dixit : Si oculus tuus scandalizat te, abscinde eum, et projice abs te. Idem de manu jussit accipere. Et iterum : Nisi poenitentiam (inquit) egeritis, omnes similiter peribitis. De hac circumcisione ait et Jeremias : Circumcidite præputia cordium vestrorum. Denique Christus semel circumcisos in Baptismo, circumcidit secundo in Poenitiæ sacramento, quoniam omnia in confessione lavantur. Prælati quoque filios Israel, id est fideles sibi commissos, circumcidere debet secundo, videlicet post recidivationem eorum, eosdem arguendo, increpando, obsecrando, instruendo et castigando.

Postquam autem circumcisi sunt omnes, manserunt in eodem loco, donec sanarentur. Dum adulti Baptismum suscipiunt, aut confitentur et poenitent, spiritualiter circumciduntur a vitiis, non tamen mox sanantur ex toto, quoniam manent in eis reliquiae vitiorum, pronitas ad peccandum, infirmitas resistendi peccato. Boni ergo fideles dum Baptismi aut Poenitiæ gratiam sunt sortiti, manent in gratia illa virtutibusque infusis, proficiendo in eis, donec a vitiorum curentur reliquiis, et corroborentur in bonis. Tunc quoque auferat Deus ab eis Ægypti opprobrium, id est aspersibilem vanitatem et impietatem hominum mundanorum, caliginem vitiorum, et causam confusionis æternæ, ita quod carent his quæ exprobrari et improperari possunt Ægyptiis, puta mundanis hominibus, nec ipsi Ægyptii possent eis rationabiliter exprobrare. Unde oravit Vir sanctus : Aufer a me opprobrium et contemptum.

Et fecerunt Phase. Quemadmodum filii Israel circumcisi, corporaliterque curati, celebraverunt Pascha, et agnum comederunt paschalem : sic Christifideles post

A Baptismi emundationem et curationem a reliquiis vitiorum, apti sunt ad Euchariستيæ sumptionem. Denique per triplex Pascha, ab Hebraeis corporaliter observatum, potest intelligi triplex Pascha spiritualiter exhibendum. Pascha etenim transitus interpretatur. Itaque, per Pascha Judæorum in Ægypto exhibitum, potest intelligi transitus fidelium a vitiis ad virtutes et ad incipientium statum. Per Pascha autem circa montem Sinai celebratum, transitus Christianorum de statu incipientium ad statum proficientium de virtute in virtutem, de bono in melius. Porro, per Pascha factum in terra promissionis, intelligitur transitus de statu proficientium ad statum et gradum perfectorum, ut juxta queramus et apprehendamus meliora et viciniora salutis : transitus quoque de via ad patriam. *Et comederunt de frugibus terre die altero, et azymos panes.* Azymi panes, sunt spirituales refectiones et actiones virtutum, omni simulatione et dolo carentes, sicut ait ac monet Apostolus : Epulemur, non in fermento malitiæ et nequitiae, sed in azymis sinceritatis et veritatis. Qui panes conficiuntur de frugibus terræ, quoniam ex habitu gratiæ gratum facientis, et semine verbi cœlestis procedunt hujusmodi actiones : quæ tamen immediate nascuntur ex virtuosius infusis habitibus. *Et potentam ejusdem anni.* Per potentam hanc, spiritualis consolatio anni gratiæ designatur. *Defecitque manna,* id est, typicus eibus Eucharistiæ cessat in evangelica lege. Per hoc tamen, quod manna defecit dum filii Israel de fructibus et panibus terræ Chanaan comederunt, signatum est, quod divinam et spiritualem consolationem meretur homo amittere, dum ad exteriora solatia vanaque gaudia se effundit.

Quum autem esset Josue in agro, etc. Per apparitionem illam angeli sancti, gladium in manu habentis, significatur, quod parata sunt nobis angelorum præsidia ad expugnandum invisibiles hostes. Dicuntque nobis angeli gloriosi per inspirationem in-

Hom. vi, 13.

Matth. xviii, 9, 8.

Luc. xiii, 3.

Jer. iv, 4.

Exod. xii, 11.

Ps. lxxxiii, 8.

Hebr. xi, 9.

1 Petr. ii, 1.

1 Cor. v, 8.

Ps. cxviii, 22.

ternam, ut tollamus calcamenta de pedibus nostris, id est, opera mortua et terrena auferamus a cordium nostrorum affectibus, quoniam locus in quo stamus, terra est sancta. Ecclesia militans, locus est in quo stamus, in quo per fidem manemus, in quo est sanctificatio copiosa et sanctitas vera. Non ergo inhonoremus, nec inquinemus hunc locum.

Postremo, per triplicem cibum quo usi sunt filii Israel, triplex spiritualis alimonia figuratur. Tulerunt namque secum ex

Exod. xii,
34, 39.

Ægypto farinam conspersam, ex qua panes

facti sunt : per quem cibum, refectio litteralis intelligentiæ, aut acquisitiæ scientiæ, seu scholasticæ ac philosophicæ sapientiæ ad divina relata, datur intelligi. Secundo, sustentati sunt manna in solitudine : per quod allegoricus seu tropologicus sensus Scripturæ, et ejus refectio denotantur. Tertio sunt refecti fructibus terræ promissionis : per quod anagogici sensus refectio, Domini sapientiæ contemplatio, et future prælibatio felicitatis intelliguntur. His ergo dignissimis refectio- nibus sustentari, impinguari, ac confirmari conemur.

Exod. xvi,
14.

ARTICULUS X

ELUCIDATIO LITTERALIS CAPITULI SEXTI : JERICHO AUTEM CLAUSA ERAT ATQUE MUNITA.

EXORDIUM captionis et eversionis urbium Chanaan trans Jordanem, capitulo isto describitur; videlicet qualiter Jericho, filiis Israel transgressis Jordanem, directo itinere inter urbes primo occurrit. Describitur autem demolitio urbium, non villarum, quum tamen fortassis multæ villæ ante urbium devastationem dejectæ sint. *Jericho autem clausa erat atque munita plus solito, prout urbes obsessæ solent muniri, timore filiorum Israel, et nullus civium ejus egredi audebat civitatem ad fugiendum, vel ad faciendum commoda sua, ne inciderent manus filiorum Israel, qui in eirentu erant: aut ingredi, ad succurrendum habitatoribus Jericho, eadem ex causa.*

Dixit Dominus per angelum ad Josue: Ecce dedi in manus tuas Jericho, et regem ejus, omnesque fortes viros habitantes in urbe, id est, jam decrevi eos tradere manibus tuis. Hocque tam certum est, quasi jam actualiter factum esset. Circuite urbem cuncti bellatores semel per diem. Ex hoc elicitur, quod mulieres et pueri qui

fuerunt infra vicesimum annum, non circumierunt urbem. *Sic facietis sex diebus, circumeundo quotidie semel cum silentio. Et redierunt in castra seu tentoria sua. Atque, ut aliqui dicunt, prima circuitio fuit primo azymorum die, de quo præcedenti est dictum capitulo: et aliæ circuitiones consequenter aliis azymorum diebus.*

Josue v, 11.

Septimo autem die sacerdotes tollent septem buccinas, quarum usus est in jubileo. Septem enim sacerdotes acceperunt septem hujusmodi buccinas, scilicet quilibet unam. Habebant autem sacerdotes pacificas buccinas in solemnitatibus, et bellicas in expeditionibus, quibus etiam utebantur et buccinabant in jubileo. De buccinis his legitur in Numeris et in Levitico atque in Psalmo: *Buccinate in Neomenia tuba in insigni die solemnitatis vestræ. Et præcedant arcam fœderis Domini, juxta eam eundo in ante. Septies circuibitis civitatem septimo die, et sacerdotes septem clangent buccinis bellicis septem, ut dictum est. Ceperunt autem diluculo circuire ac clangere. Hinc in Nu-*

Nom. x, 1-10;
Lev. xxiii,
24; xxx, 9,
Ps. lxxx, 1.

Num. x, 9. meris Dominus jussit : Si exieritis ad bellum contra hostes, clangetis ululantibus tubis, et erit recordatio vestri coram Domino Deo vestro, ut eruamini de manibus inimicorum vestrorum. *Quumque insonuerit cor tubæ longior atque concisior*, id est magis contractus et interpolatus [clangor], *et in auribus vestris increpaverit, conclamabit omnis populus vociferatione maxima.* Ex quo patet, quod etiam forsitan mulieres et parvuli in suis locis clamabant. Clamabant autem non irrationabiliter et confuse, sed devote ad Dominum, cum laudando et invocando. *Et muri funditus corruent civitatis*, non ex virtute clamoris, sed ex omnipotentia Dei per meritum vestræ devotionis : et hoc in septimo circuito factum est.

Deinde describitur, qualiter Josue denunciavit sacerdotibus ac populo ista jam taeta, sibi insinuata ab angelo, et planus est textus ex introductis. *Ad populum quoque ait*, puta ad viros : *Ite, et circuite civitatem armati præcedentes arcam Domini.* Hebræi (ut fertur) exponunt istud de filiis Ruben et Gad, ac mediæ tribus Manasse, sed non est putandum quod illi soli præcedebant arcam armati, quum infra dicatur quod omnis populus armatus præcessit arcam : sed illi præcesserunt ceteras tribus quæ ante arcam iverunt. Promiserant enim duæ tribus illæ ac media, Moysi : *Nos ipsi armati præcedemus filios Israel.* *Quumque Josue verba finisset, et septem sacerdotes buccinis clangerent, omnisque populus præcederet armatus*, reliquum vulgus arcam sequebatur.* Dicunt quidam, quod universi viri armati ante arcam transibant, et alii lassi seu impotentes ad prælium, aut non armati, retro arcam venerunt : et hoc littera videtur prætere.

Porro alii dicunt, quod tribus Dan cum duabus tribubus sibi adjunctis, quæ et in molitione castrorum ibant post arcam, ultimo loco ad occidentalem plagam, etiamnum arcam sequebantur : quod item ceteri minus apti, seu lassi et impotentes, associabant se eis. *Ac buccinis omnia concrepabant* : quia acutus et intensus ille septem

tubarum sonitus, aggregatus et permixtus, sic omnium Hebræorum aures implevit, ac si omnia elementa ac cetera sonitum emisissent tubarum.

Præcepit autem Josue populo, dicens : Non clamabitis, nec audietur vox vestra, nec ullus sermo egredietur ex ore vestro, donec veniat dies in quo dicam vobis, id est, cum omni silentio circuibitis, quousque vobis jubebo : *Clamate corde per ferventem ad Deum amorem ac devotionem, et vociferamini ore Dominum invocando et collaudando.* Jussit itaque Josue, ut cum perfecto circuirent silentio, quatenus majorem ad Deum haberent devotionem, et cum omni reverentia, ordinatione, atque modestia arcam circumferentes coram Deo incederent. Quo innotescit, quam reprehensibiles sint Christiani, qui proceSSIONES et sacerorum deportationes faciunt indevote, fabulationibus, insolentiis, aut etiam comensationibus potationibusque vacando.

Circuivit ergo, id est circumferebatur, *arca Domini civitatem semel per diem.* *Fulgus autem reliquum arcam sequebatur, et buccinis personabat.* Exterioribus et materialibus buccinis clangere, officium existit sacerdotum : quomodo ergo reliquum vulgus buccinis personabat, nisi vel buccinantibus sacerdotibus congaudendo, aut buccinarum sonitum percipiendo, quia (ut dictum est) omnia buccinis concrepabant, vel cordialiter jubilando ac concinendo ? *Quumque septimo circuitu clangerent buccinis sacerdotes, dixit Josue ad omnem Israel : Vociferamini.* Circa hoc scribit quidam : Non est verisimile quod tantus exercitus posset vocem Josue audire, maxime quoniam sacerdotes clangebant tubis : ideo videtur, quod Dicere sumitur hic pro Denuntiare aliquo signo sensibili, puta elevatione vexilli, vel aliquo tali, quod a toto exercitu poterat videri. Istud apparentiam posset habere, si Josue solum dixisset, *Vociferamini* : sed quia huic verbo longum adjunxit sermonem, ut patet in textu, quem non poterat aliquo exteriori hujusmodi signo populo

Num. xxxii, 17.

* omnisque præcederet armatus exercitus

Num. x, 8.

indicare, non videtur expositio illa vera. **A** Subditur enim in textu immediate post hoc verbum, *Vociferamini : Tradidit enim Dominus vobis civitatem : sitque civitas hæc anathema, et omnia quæ in ea sunt, Domino : id est, ad Dei honorem, atque ad divinæ commendationem justitiæ, tota hæc urbs et omnia in ea viventia, sint quid prohibitum et maledictum, ita ut destruantur, et nemo inde aliquid accipiat sibi. Sola autem Rahab meretrix vivat cum universis qui cum ea in domo sunt.* Hoc, speciali privilegio, Deo inspirante, et **B** Josue dispensante, concessum est tam Rahab, quam domesticis ejus, propter beneficia quæ eum periculo suæ vitæ exhibuit exploratoribus Israel, et quia jam credere cœpit in Deum verum. Nec hoc fuit contra formalem intentionem præcepti dati a Deo de omnium interfectione Chananaeorum. *Abscondit enim nuntios quos direximus.*

Josue II, 4
et seq.

Deut. xx,
13, 16, 17.

*Vos autem cave, ne de his quæ præcepta sunt vobis, quidpiam contingatis, id est, ne aliquid vobis ipsis usurpetis de his, quæ præcepti vobis non usurpare ad **C** commodam vestram : et sitis pravaricationis rei, transgrediendo divinum præceptum, et omnia castra Israel sub peccato sint atque turbentur, id est, universi particulares cœtus, seu tribus ac populi Israel, incidant pœnam et inquietudinem pro hujusmodi culpa unius sive paucorum. Porro, qualiter istud non deroget, sed concordet divinæ justitiæ, quod pro excessu unius aut paucorum, tota communitas perturbetur et plurimi puniantur, infra dicitur, ubi comminatio hæc legitur adimpleta. *Quid- **D** quid autem auri et argenti fuerit et vasorum æneorum ac ferri, Domino consecratur, id est, ad ea quæ sunt necessaria divino cultui, applicetur, nec in humanos deveniat usus : repositum in thesauris ejus, id est, inter divitias sanctuarii seu tabernaculi reservatum. Quia enim hæc civitas prima capta et eversa est inter urbes, quæ trans Jordanem destructæ sunt, decuit divitias ejus istas inanimatas, non prædationi pugnantium, sed Domino qui specia-**

Josue VII.

li miraculo urbem dejecit, deputari. Itaque omne aurum, argentum, æs et ferrum, ac cetera metalla, ut plumbum, stannum, etc., vasa quoque et ornamenta, seu utensilia facta ex illis, atque munismata Jericho, consecrata sunt Domino, et ex eis facta sunt vasa seu instrumenta cultus divini. Omnia verba ista locutus est Josue ad omnem Israel : et merito quaeritur, qualiter in tanta processione et multitudine poterat ab universis audiri. Ad quod poterit responderi, quod vel divina virtute hoc factum est, vel per se ipsum dixit aliquibus, et illi consequenter retulerunt et aliis. Potuit quoque disponere, quod durante sua locutione, cessavit clangor tubarum. Estque probabile, quod retulit ista principioribus populi, et duodecim principibus tribuum, quorum unusquisque ultra denunciavit hæc tribui suæ.

Igitur omni vociferante populo, juxta sensum prædictum, et clangentibus tubis, muri Jericho corruerunt divina virtute : quæ ministerio angelorum sive bonorum sive malorum hoc fecit, ut creditur, quamvis solo imperio potuerit facere : et ascendit unusquisque Hebræorum per locum qui contra se erat. Ex hoc elicitur, quod civitas erat in loco alto constructa. Ceperuntque civitatem, non in areâ et gladio suo, sed a Deo traditam intraverunt, et interfe- Deut. xx,
13.
cerunt omnia quæ erant in ea, a viro usque ad mulierem inclusive, ab infante usque ad senes ; boves quoque, oves et asinos, imo et cetera pecora, scilicet equos, capras, camelos, etc., in ore gladii percusserunt. Verumtamen sicut in hujus libri ealee legitur, Viri Jericho pugnaverunt contra filios Israel. Nam stabant in muris ac turribus ad repugnandum : sed muris ruentibus, sunt oppressi, nec ceteri resistere valuerunt. Denique strages illa fuit mirabiliter magna, tam hominum quam brutorum, quia de toto territorio plurimi confluxerunt in Jericho pro urbis defensione : et de victualibus sibi providerunt in longum, quoniam fuit urbs regalis, et primo occurrens ingressui Hebræorum. Un-

Josue XXIV,
11.

Josue xxiv,
11.

de infra fertur : Transistis Jordanem, et venistis Jericho. Pugnaueruntque contra vos viri civitatis, Amorrihaus et Pherezaus et Chananaeus et Hethaus et Gergesaus et Hevsaus et Jebusaus.

Verumtamen crudele fortasse videri potest, quod Deus misericordiarum Dominus, jussit etiam infantes et mulieres ac adolescentulas atque jumenta occidi. Et respondendum, quod Deus justo judicio fecit hoc. Omnes enim adultæ ætatis ibidem, non solum temporalem, sed etiam infernalem mortem meruerunt et incurrerunt, quia per temporalia illa flagella non penituerunt. Cum parvulis autem nondum ratione utentibus misericorditer actum est, quod occisi sunt antequam peccare potuerunt : qui si ad ætatem venissent adultam, peccassent graviter et perissent. Jumenta vero in detestationem facinorum hominum sunt occisa. Præterea, quoniam urbs illa tam specialiter se armavit contra filios Israel, meruit tam specialiter destrui et occidi. Voluit quoque Deus in destructione urbis illius primo vastatæ, rigorem suæ justitiæ tam specialiter demonstrare, ad aliorum perterritiorem Chananaeorum, ut penitèrent et converterentur, pensantes se Deo Hebræorum, qui tot et tanta egit mirabilia, resistere non valere. Verumtamen præ nimia execratione et obstinatione hoc non adverterunt, paucis (ut infra habetur) exceptis. Hinc demum, ut puto, Deus fecit filios Israel per septem dies ipsam Jericho cirenire, quatenus existentes in ea, interim penitèrent, considerando ea quæ Rahab consideravit.

Josue ix, 3.
27.

Ibid. n. 9.
11.

Quibus autem viris qui exploratores missi fuerant, dixit Josue : Ingredimini domum mulieris meretricis, et producite illam, et omnia quæ illius sunt, sicut illi juramento firmastis. Istud Josue jussit, et exploratores fecerunt ante interfectionem eorum qui erant in Jericho. Sed mirum, quod domus Rahab quæ muro civitatis haberat, non cecidit, nec oppressa est ex muri ruina. Verum perfacile fuit Omnipotentî, domum illam a tali præservare de-

Ibid. n. 15.

jectione. *Ingressique juvenes, eduxerunt Rahab et parentes ejus, fratres quoque et cunctam sapellectilem et cognationem illius.* Ex hoc videtur falsa esse opinio Hebræorum, dicentium quod unus exploratorum illorum fuit Caleb, quoniam Caleb jam erat octogenarius. Unde et infra : Octoginta quinque, inquit, annorum sum hodie. Ad hoc quidam respondent, quod exploratores isti, juvenes nuncupantur non ratione ætatis, sed roboris et magnanimitatis. Aptius tamen dici (nî fallor) posset, quod quidam juvenes simul cum exploratoribus domum Rahab ingressi sint, pro majori tuitione et subventione existentium ibi. *Et extra castra Israel manere fecerunt,* id est, Rahab et cognationem ipsius fecerunt filii Israel seorsum morari, quoniam viri qui erant in illa cognatione, necdum fuerant circumcisi. Nec erat congregatio illa adhuc satis purgata ab idololatria, nec ad Judæismum plene conversa. Postmodum vero eis conversis et incorporatis populo Israel, inter Hebræos habitaverunt. Propter quod subditur : *Rahab et domum patris ejus, et omnia quæ habebat,* videlicet sobolem seu cognatos ac pecora, *fecit Josue vivere,* id est, ab occisione eripuit : *et habitaverunt in medio Israel :* imo filii Israel honoraverunt ipsam Rahab muneribus, et tempore procedente, ob suam probitatem et alias eminentias ejus, Salmon filius Naasson eam duxit uxorem. Sic ergo habitaverunt *usque in presentem diem.* Hoc refertur ad tempus quo auctor libri hujus hæc scripsit. Josue quoque retulit grates Rahab pro conservatione exploratorum, et magnis eam dotavit divitiis.

Josue xiv,
10.

In tempore illo imprecatus est Josue, id est, maledixit, seu malum pænæ optavit et invocavit, urbi Jericho ex zelo justitiæ, dicens : Maledictus vir, supple, *erit, coram Domino,* saltem quoad temporalem adversitatem, et propter transgressionem præcepti erit culpabilis, *qui suscitaverit, id est, recuperare inceperit, et edificaverit civitatem Jericho, eandem in specie, seu*

quantum ad situm et nomen. Optabat equi- A dem Josue, ut urbs illa tam miraculose subversa, non repararetur, in commendationem divini prodigii, et in commemorationem justitiæ Dei. *In primogenito suo fundamenta illius jaciatur*, id est, dum fundamenta ejus posuerit, aut ponere coeperit, moriatur primogenitus ejus, quatenus pater puniatur in filio: *et in novissimo liberorum ponat portas ejus*, id est, si, vel dum portas ejus posuerit, moriatur ultimus filiorum ipsius, vel absolute ultimus, ita quod alium ultra non gignat, vel ultim- B um quem pro tunc habuerit. Qualiter imprecatio ista postmodum sit impleta, patet tertio libro Regum, quo habetur: In diebus ejus, scilicet Achab, ædificavit Hiel de Bethel Jericho: in Abiram primogenito suo fundavit eam, et in Segub novissimo suo posuit portas ejus, juxta verbum Domini quod locutus fuerat in manu Josue filii Num. Quo constat, quod Deo inspirante

imprecatus est Josue ista. Quocirca queri potest, cur pro peccato patris, imprecata est mors filiis ejus. De hoc in sequentis expositione capituli erit sermo.

Postremo circa illud, Die autem septimo *Ibid.* xi, 11. diluendo consurgentes, Lyra allegat et approbat Hebræos, dicentes quod Jericho capta sit et destructa in sabbato: quia hic dicitur, Septimo die: et addit, quod ex dispensatione Dei istud in sabbato factum sit. Verum hoc stare non potest, juxta præhabita, in quibus dictum est, quod primo die azymorum primo circumierunt. Prima enim dies azymorum fuit in vespere feriæ quintæ, luna quartadecima, et ita septima dies circuitus non exstitit sabbatum. Nec valet argumentum sumptum ex eo quod dicitur hic, Septima die. Nam septima dies vocatur non respectu primæ diei hebdomadæ, secundum computum Hebræorum, sed respectu primæ diei azymorum.

III Reg. xvi, 34.

ARTICULUS XI

DE SPIRITUALI HUIUS SEXTI CAPITULI SENSU.

JERICO clausa erat atque munita ti- C more filiorum Israel. Per Jericho, quæ luna interpretatur, mundus iste in maligno positus, ejusque vanitas, instabilitas, et superstitio designantur, et præsertim gentilitas idololatriæ ac diversis superstitionibus atque carnalitatibus dedita: quæ contra Christum et ejus Apostolos sen evangelicam fidem ac legem, multipliciter se munivit per philosophica argumenta, per sæcularium principum potestates, per tyrannorum persecutiones, per magorum fallacias, per commenta augurum atque D aruspicium, per blanda et prospera, per adulationes et comminationes, per deceptorum signa: quibus omnibus non obstantibus, victa est et deleta per evangelicam

legis prædicationes tubales, per sermoe- nationem altisonam Christi discipulorum- que ejus, quorum duos, videlicet Jacobum et Joannem, vocavit Filios tonitru: per gloriosissima quoque et innumerabilia miracula eorumdem, per veteris Testamenti Scripturas et allegationes, per vitam etiam virtuosissimam primitivæ Ecclesiæ, ejus tanta exemplaritas fuit, quod multi infidelium ipsa virtutum evidentia superati, fassi sunt sanctam esse Evangelii theoriā, et crediderunt in Christum: imo tandem ita prævaluit religio christiana, quod nullus perfidorum ac sæcularium audebat molestare fideles. In exordio quoque post Pentecosten misso Spiritu Sancto, quum Apostoli prædicationibus miraculisque ful-

Marc. iii, 17.

Act. x, 12, 15; vi, 8.

Ibid. ii, 14, 36, 42-47.

Ibid. ii, 1-41.

I Joann. v, 19.

gerent, et multa millia in Jerusalem crederent, ac variis et evidentissimis divinorum charismatum gratiis cornsecarent, ingens metus erat in omnibus ceteris, et nemo aliorum audebat se conjungere illis, sed beatificabat eos populus, ut in Actis Scriptura veritatis testatur.

Dixit itaque Dominus ad Josue : Ecce dedi in manus tuas Jericho, et regem ejus, omnesque fortes viros. Sic Pater Christo promisit principatum mundi, ejectionem diaboli, et conversionem multorum magnatum. Postula (inquit) a me, et dabo tibi

Ps. II, 8.

Dan. VII, 14.

Tob. XII, 15.

Matth. X, 6; xxviii, 19; Marc. XVI, 15; Act. I, 16; xxviii, passim.

gentes hereditatem tuam, et possessionem tuam terminos terræ. Unde et in Daniele scriptum est : Dedit ei potestatem et honorem et regnum : et omnes populi, tribus et lingua servient ei. Deinde Christus præcepit septem sacerdotibus sumere septem tubas, id est, universis predicatoribus evangelicæ legis assumere totam sacram Scripturam : septenario quippe universitas designatur. Unde et Raphael angelus : Ego, ait, sum unus de septem qui adstamus ante Deum. Illis ergo Christus præcepit, frequenter et ordinate circuire loca gentilitium, imo et Judæorum incredulorum : deinde prædicare eisdem, et prædicando eos devincere, vitiorumque regnum et aciem in ipsis destruere, sicque ad ipsos victorioso intrare : quod factum est, omni populo altissime vociferante, id est, universis fidelibus pro infidelium conversione affectuosissime exorantibus. Per circumportationem vero aræ, præfigurata est deportatio sacramenti Eucharistiæ, reliquiarum, et aliorum sacrorum in processionibus populi christiani : itemque, quod predicatorum sancti Christum in suis cordibus undique circumferebant. Insuper, per hoc quod Josue populo jussit non vociferari quousque diceret eis, insinuat quod omnia ex divino instinctu et motione Spiritus Sancti a fidelibus fieri debent, et ut nemo sibi assumat honorem, nisi qui vocatur a Deo.

Hebr. x, 4

Sitque civitas hæc anathema. Infidelium namque collectio, anathema est, quantum

ad esse suæ perfidiæ ac vitiorum, et quantum ad eos qui credere renunt. *Sola autem Rahab meretrix vivat cum universis qui cum ea in domo sunt.* Secundum Ambrosium super Lucam, non caret grandi mysterio, quod nemo in Jericho a morte eripitur, nisi quem meretrix salvat. Nempe per Rahab hanc figuratur Ecclesia ex gentibus conversa, quæ prius cum idolis fornicabatur : sed auditis mirabilibus Dei, recepit exploratores, id est Christi prædicatores, et omnem suam cognationem, id est cunctos electos ex gentibus, natos ex Deo per semen gratiæ ejus, congregat secum. Propter quod nemo salvatur, nisi qui continetur in domo ipsius. *Cave, ne de his quæ præcepta sunt vobis, quidpiam contingatis :* id est, ea quæ Deo sunt adscribenda, vobis non adscribatis. Nec mundana ac vana per consensum et affectum tangatis, nec ea commisceatis divinis, nec intra ecclesiam deferatis. *Quidquid autem auri et argenti fuerit.* Per aurum naturalis sapientia, per argentum eloquentia, seu scientia de creatis, per vasa aenea virtutes acquisite, per ferrum corporalis fortitudo seu sæcularis potentia designantur : quæ omnia consecranda sunt Deo, id est supernaturalibus gratiæ donis subjicienda, atque in Dei obsequium convertenda. *In tempore illo imprecatus est Josue : Maledictus vir qui suscitaverit et edificaverit Jericho.* Sic et Christus incredulis urbibus maledixit : Væ, inquit, tibi, Capharnaüm : væ tibi, Corozaim. Omnibus quoque maledixit, qui gentilitatem cum suis sceleribus innovare conantur.

Ezech. vi, 9.

C

D

Ista juxta allegoriam sint dicta. Porro secundum tropologiam, per Jericho intelligitur unaquæque prava et vitiosa societas, quæ increpari et corrigi dedignatur, et contra predicatorum ac prelatos virtuosos se armat variis modis : quam tamen Christus frequenter per sanctas prædicationes dejicit et convertit, animasque spiritualiter fornicarias, efficit suas sponas. Docemur item ex isto capitulo, quam reverenter ac devotissime fieri debeant processiones

Matth. xi, 21, 23; Luc. x, 13, 15.

Ecclesiae cum orationibus internis et laudibus Dei, spiritualique gaudio, omni carnalitate atque lascivia et clamore exclusis. Postremo, sicut in deportatione arcae praecessit populus armatus, deinde secuti sunt sacerdotes cum buccinis, tertio loco arca, quarto reliquum vulgus : sic in processionibus Ecclesiae praecedunt fideles vexillis erueibusque armati, deinde clerici et presbyteri cantantes, tertio praelatus sacra fe-

rens, et quarto laici reliqui. At vero qui Jericho suseitat atque aedificat, id est, vitia saeculi renovat, et mundanas societates impie fovet, maledictioni subijcitur, ita quod in primogenito suo hoc incipit : quoniam talia inchoando, a primitivo fructu gratiae sibi in Baptismo aut contritione collatae evacuat ; et in novissimo liberorum suorum illud complet, quia finali conversione per hoc privari meretur.

ARTICULUS XII

DECLARATIO LITTERALIS CAPITULI SEPTIMI : FILII AUTEM ISRAEL PREVARICATI SUNT.

QUID eversionem Jericho consequentum est, consequenter describitur. *Filii autem Israel praevaricati sunt mandatum praecedenti capitulo scriptum, quo Dominus prohibuit eis usurpare aliquid de anathemate, seu rebus Domino consecrandis, et usurpaverunt de anathemate.* Quamvis autem unus solus hoc fecit, tamen pluraliter dicitur, Filii Israel, eo loquendi genere, quo communitati vel societati describitur, quod ab uno vel paucis ex ea committitur ; vel forte filii hujus viri cooperati sunt, vel consenserunt ei in furto isto. *Nam Achan filius Charmi, filii Zabdi, filii Zare de tribu Juda, tulit aliquid, imo multa pretiosa elenodia, de anathemate :* quae infra exprimuntur. *Iratusque est Dominus contra filios Israel, imo, ut infra habetur, graviter eos punivit pro scelere isto : quod qualiter justum Deum deemerit, paulo post exprimitur.*

Quumque mitteret Josue de Jericho, id est de loco ubi paulo ante steterat urbs illa, quae jam fuit combusta, viros contra Hai, id est urbem sic appellatam, quae est juxta Bethaven ad orientalem plagam oppidi Bethel. Eadem urbs, secundum expositores, vocatur hic Bethaven et Bethel, quia binomia erat, et a diversis (ut dicitur)

B sortita est duo nomina illa. Est autem haec Bethel, alia ab illa quam Jacob ita vocavit, quae antea dicta est Luza, sicut in Genesi habetur. Nam illa fuit in regno duarum tribuum, et alio nomine Jerusalem appellatur. Porro haec Bethel fuit in regno decem tribuum, in qua et Jeroboam posuit unum de aureis vitulis suis. Dicit vero hic quidam, quod vocata sit Bethel, eo quod Abraham aedificavit altare inter Bethel et Hai : quod non videtur idonee dictum, quoniam in Genesi legitur, quod Abraham ascendens de Egypto, reversus est in Bethel : nec ibi exprimitur, quod ipse vocavit ita hanc urbem. Nec expositores dicunt hoc ibi, sed magis videtur quod jam ante Abraham ita sit nuncupata. *Dixit eis : Ascendite et explorete terram, id est urbes territorii hujus, specialiter Hai, an sit urbs fortis et magna. Qui praecepta complentes, exploraverunt Hai. Et reversi, dixerunt : Non ascendat omnis populus Israel, sed duo vel tria millia virorum pergant.* Secundum Josephum dixerunt, Triginta millia ascendant. *Et deleant civitatem. Quare omnis populus frustra verabitur contra hostes paucissimos ?*

Ascenderunt ergo tria millia pugnatorum. Qui statim terga vertentes, id est ex

Gen. XXVIII, 19.

III Reg. XII, 28, 29.

Gen. XII, 8.

Ibid. XII, 1, 3, 4.

timore fugientes, *percussi sunt*, non omnes, sed pauci ex eis, *a viris Hai, et curreunt ex eis triginta sex homines. Persecutique sunt eos*, puta Hebræos, *adversarii de porta Hai*, ad quam audacter primo accesserunt filii Israel, sed visis hostibus, expaverunt, *usque ad Sabarim*, id est locum sic nominatum. Vel (ut fertur) secundum Hebræos, Sabarim est nomen commune, significans contrafracturam: ut sit sensus, quod persecuti sunt filios Israel usque ad dissipationem et occisionem quorundam Israelitarum, vel usque ad propriam fatigationem. *Et ceciderunt per prona fugientes. Pertinuitque cor populi Israel*, visis fugientibus de prælio, *et ad instar aque liquefactum est*, formidantes se omnes a Chananaeis occidendos. Ignorabant enim causam fugæ istius, videlicet quod propter peccatum Achæ, Deus subtraxisset fugientibus robur atque audaciam: timebant quoque occulta Dei judicia, et videbant se naturalibus viribus non posse resistere Chananaeis, qui eis multo plures ac fortiores fuerunt. Præterea, quod ait, *Cor populi instar aquæ liquefactum timore*, potest tam de corporali corde, quod, secundum Philosophum, est primum vivens, et ultimum moriens in animali, quam de spiritali corde, videlicet voluntate seu ratione, intelligi. Passio namque timoris, corporalem transmutationem facit in toto corpore, præsertim in corde corporeo: quæ etiam passio dum vehemens est, redundat in partem intellectivam, et causat ibidem spirituales liquefactionem, seu vigoris atque constantiæ defluxionem.

Josue vero scidit vestimenta sua præ merore, etiam ex timore imminentis periculi, et quoniam causa specialiter tetigit eum, tanquam communem omnium ducem ac patrem, et quia præ ceteris ardentissime plebem illam sibi commissam dilexit: *et cecidit pronus in terram*, quatenus se maxime humiliando, atque humillime deprecando, citius ac plenius exaudiretur a Domino, *coram arca Domini*, scilicet in tabernaculo in quo erat arca: potius ta-

men se prostravit coram Deo, quem exoravit. Nec ante arcam prostravit se, nisi propter Dei majestatem, præsentiam et honorem, quem ibidem specialiter ac gratiose præsentem esse cognovit. Nam super arcam fuit propitiatorium, quod Dei sedes erat. Ibi ergo prostravit se *usque ad vesperam*. In quo patet orationis suæ instantia: imo quousque exaudiebatur, mansit sic orans: et nisi ad vesperam exauditus fuisset, mansisset in oratione et prostratione diutius: estque probabile quod jejunus oraverit tam diu. Sic ergo oravit *tam ipse quam omnes senes Israel*, potissime superiores et officii, et qui sapientia ac virtutibus præminebant. *Miseruntque pulverem super capita sua*, in signum majoris humiliationis ac penitentiae. In Scholastica quoque historia additur quod et saccis erant induti. Nec dubium quin et reliquus populus, imo mulieres quoque, et parvuli ac puellæ ætatis adultæ, Dominum fervide invocabant. Istud autem, videlicet tempore præcipui meroris et grandis adversitatis, scindere vestimenta, et pulverem super capita spargere, consuetudo fuit non apud Hebræos dumtaxat, sed etiam apud quosdam gentiles unius Dei cultores. Sic enim in Job legitur ipse Job vestimenta sua scidisse. De ejus item amicis legitur, quod viso Job in tantis doloribus constituto, seissis vestibus, sparserunt pulverem super caput suum.

Et dixit Josue, per modum humiliter et dolorose, imo et familiariter conquerentis, non increpantis: *Heu, Domine Deus, quid, id est ad quid seu quare, voluisti populum istum transducere Jordanem, ut traderes nos in manu Amorrhæi, et perderes*, id est occidi permetteres? Hoc ait, admirando et inquirendo magis, quam asserendo. Et quod ait, *Ut traderes*, intelligendum est consecutive, non causaliter. Non enim ideo Deus transduxit eos Jordanem, ut traderet Amorrhæis, sed transductionem illam consecuta est illa traditio. *Utinam ut capimus, mauissemus trans Jordanem*, videlicet in regionibus Sehon et Og, quas

Exod. xxx.
17, 22.

Job i. 20.

Ibid. ii. 12.

acquisivimus ibi. Quidam dicunt, quod A Josue culpabiliter dixit hoc ex passione tristitiæ: sed, ut arbitror, melius dici potest, quod protulit verba illa non optando absolute, sed cum implicita conditione, videlicet, nisi ipse Deus misericorditer subveniret. *Mi Domine Deus*. Ecce quam amorosum familiareque verbum, Dominum Deum universorum, vocare proprium Deum! Nec proprie competit sic loqui ad Deum, nisi perfectis, qui Deum tam præcipue amant et colunt, quasi Deus omnium, sit solum aut maxime Deus eorum: B quorum etiam corda Deus valde specialiter diligit, visitat, et adimplet. Itaque, Domine Deus, quem tam singulariter ac ferventissime amo et colo, *quid dicam, videns Israelcem hostibus suis terga vertentem?* quasi dicat: De hoc summe admiror, quum tu ipse qui mentiri non potes, promiseris nobis triumphum, dicendo: Nullus poterit stare contra vos: persequetur unus ex vobis centum alienos, et centum ex vobis, decem millia. *Audient Chanaaniti et omnes habitantes terræ Israelcem fugisse, et pariter congregati*, id est adunati. Solet autem globus pro exercitu accipi. Unde speculator, viso exercitu Jehu, dixit ad Joram: *Video ego globum. Circumdabunt nos, et delebunt nomen nostrum de terra*, id est, totaliter nos occident, quod nec memoria nostra inter homines permanebit. Hoc Josue dixit, non simpliciter affirmando, sed formidolose suspicando, et nisi Deus succurreret. *Et quid facies magno nomini tuo?* id est, qualiter propriam famam defendes, qua jam undique omnipotens et Deus decorum es reputatus, nisi nos feceris triumphare? quasi dicat: Dejectio nostra erit monstratio* honorificentiae tuæ, et adversarii nostri dicent, quod dii eorum contra te prævaluerunt. Hoc dicens Josue, ostendit se zelari pro Domino: per quod oratio ejus exaudibilior reddebatur.

Dixitque Dominus per angelum ad Josue: Surge ad audiendum divinum oraculum, et ad exsequendum quæ tibi mandabo. Sic ad Ezechielem ac Danielelem Dominus

A seu angelus ait: *Sta supra pedes tuos, et loquar tibi. Cur jaces pronus in terra?* *Ezech. ii, 1; Dan. x, 11.* Non reprehendit Dominus ipsum Josue, quod in terra prostravit se, nec per verba hæc innuit, quod Josue irrationabiliter fecit hoc: sed dixit Dominus verba hæc, ad insinuandum quod non oportebat ipsum Josue cum tali pusillanimitate atque formidine in terra jacere. Quasi dicat: *Paratus sum tibi consilium auxiliumque impendere. Peccavit Israel, et pravaricatus est pactum*, id est præceptum meum. *Tuleruntque de anathemate, et furati sunt atque mentiti, et absconderunt inter vasa sua*. Istud generaliter adscribitur populo Israel, eo quod unus ex ipso id egit, ut *Josue vi, 1.* dictum est. *Nec poterit Israel stare ante hostes suos, eosque fugiet, nisi vindicatum fuerit hoc peccatum*. Ideo subditur: *Non ero ultra vobiscum per collationem victoriae: tamen per dona gratiæ gratum facientis fuit adhuc eum justis: donec conteratis eum, qui hujus sceleris reus est*, ita quod personaliter illud commisit.

C *Surge*. Ex hoc apparet, quod Josue jacuit adhuc prostratus, et verba præfata sic jacens audivit locutione interna seu exteriori. Vel si corporaliter jam surrexit, sensus est: *Surge*, id est, erige mentem ad ea quæ dico, seu in actum procede. Vel forte surgere cepit, et quasi in genibus se crexit, juxta quod in Daniele legitur: *Ecce manus tetigit me, et crexit me super genua mea, et super articulos manuum mearum. Sanctifica populum*, id est, præcipe filiis Israel, ut per devotionem et orationem se præparent ad hoc, quod eis divinitus ostendatur quis crimen istud commiserit. *Et dices eis*: Sanctificamini in crastinum*, id est, præfato modo purificate et præparate vos ab hac hora usque in crastinum, ut eras veritas ostendatur: et forte sanctificatio ista fiebat etiam per jejunium, aut per continentiam ab amplexu. *Hæc enim dicit Dominus Deus Israel: Anathema in medio tui est, Israel*, id est, o popule Israel, res prohibita tangi a te, per furtum usurpata est ab uno ex te.

Josue i, 3.

Lev. xxvi, 8.

IV Reg. ix, 17.

* minoratio

Dan. x, 10.

* dic eis

Accedatisque mane, id est in crastino, singuli per tribus vestras, id est, quilibet in sua tribu veniet ad me, et quicumque tribum ex duodecim tribubus Israel, sors invenerit, non a casu, sed juxta infallibilem divinæ providentiæ directionem, accedet per cognationes, id est familias suas, et cognatio per domos, id est, quælibet illius tribus familia accedet per domos seu prosapias suas, domusque per viros. Nempe in unaquaque tribu erant multæ seu plures familiæ, saltem communiter vel in successu temporis : quod dico propter tribum Dan, in qua primo non erat nisi una familia, quoniam unum solum filium Dan habebat. In qualibet quoque familia erant plures domus, atque in qualibet domo plures viri seu capita. De hac familiarum et domorum distinctione, diffuse habetur in codice Numerorum. Itaque per sortis missionem primo capta est tribus, ad quam reus hujus criminis pertinebat : qua sic deprehensa, divisa est per suas familias, et per sortem deprehensa est certa familia : quæ tunc divisa est per domos, et inter eas projecta est sors, per quam deprehensa est domus determinata : qua per viros divisa, missa est sors inter viros illos, sicque tandem captus est sorte vir reus. *Et quicumque in hoc facinore fuerit deprehensus, comburetur igni cum omni substantia sua, quoniam pravaricatus est pactum Domini.*

Surgens itaque Josue mane, applicuit Israel per tribus suas, et inventa est tribus Juda. Quæ quum esset oblata, inventa est familia Zare. Illamque offerens, reperit Zabdi. Cujus domum dividens, invenit Achan de tribu Juda. Et ait Josue ad Achan, quum per sortem deprehensus fuisset : Fili mi. Sanctus Josue, vir discretus ac mansuetus, non turbulenter, sed pie ac mite primo alloquitur reum, ne ex dura allocutione perterritus aut exacerbatus vel induratus, non acquiescat veram dare responsionem. Da gloriam Deo, id est, per culpæ tuæ recognitionem et expressionem in speciali, Deum honora, qua-

tenuis ex tua confessione innotescat evidens, quod Deus juste punivit nos. Ideo quasi expositorie subditur, et confitere, id est recognosce, atque indica mihi quid feceris. Quamvis enim ex divina revelatione et sortis missione jam patuit, quod Achan iste erimen commisit, et de anathemate usurpavit, nondum tamen individua-liter et circumstantialiter patuit factum. *Et ait Achan : Vere ego peccavi Domino Deo Israel, id est ad irreverentiam Dei seu contra ejus præceptum. Vidi enim inter spolia pallium coccineum valde bonum, id est rubeum et valde pretiosum, sen, ut Josephus scribit, chlamydem auro contextam, habentem auri massam, id est sicles ducentos, et ducentos sicles argenti, regulamque auream quinquaginta sicleorum, et concupiscens ea per avaritiam, abstuli, per furtum sacrilegum usurpando quæ Deo fuerunt deputata : et abscondi in terra contra medium tabernaculi, id est directe ex opposito tentorii mei, argentumque fossa humo operui.* Porro quod ait, *Inter spolia, non est intelligendum, quod illa metalla ac vasa redaeta sint in prædam pugnantium, sed quod erant talia, qualia solent esse spolia pugnatorum vincientium.* At vero aurea regula, secundum quosdam, fuit aurea linea seu aurea lamina, habens speciem linguæ, seu in similitudinem linguæ formata. Unde (ut fertur) in Hebræo habetur, Auream linguam.

Misit ergo Josue ministros, qui attulerunt furata, profececeruntque ante Dominum, id est, ea coram Deo omnia intente posuerunt, recognoscendo peccatum ejus qui abstulit ea, et tanquam parati tantum erimen uleisci. Tollens itaque Josue Achan, argentumque et pallium et auream regulam, filiosque ejus et filias, . . . ipsumque tabernaculum, id est tentorium ejus portatile, et omnis Israel cum eo, id est ceteri filii Israel cum Josue, adistentes ei in isto, ducerunt eos ad vallem Achor. Quidam dicunt, quod fur iste vocatus est Achan et Achor. Hieronymus vero dicit, quod solum vocatus est Achan, non Achor. Nec in He-

Gen. XLVI.
23.

Num. XXVI,
5-60.

Is. LXX, 10.

braeo vocatur Achor. Ideo vallis ista vocata est vallis Achor, non a viro isto in ea occiso; nec Achor est hic nomen proprium, sed commune, et interpretatur turbatio, ita quod locus ille appellatus est vallis Turbationis. *Ubi Josue dixit ad Achan jam occidendum: Quia turbasti nos*, id est, per tuum furtum sacrilegum mervisti, quod tam graviter fuimus perturbati, et quidam ex nostris occisi, ac multi fugati, *exturbet te Dominus in die hac*, id est, violentæ morti te tradet, et per eam ex nobis te auferet.

Lapidavitque eum omnis populus Israel, et cuncta quæ illius erant igne consumpta sunt. Circa hoc est quæstio duplex: Primo enim quærendum est, cur populus virum hunc lapidavit, quem (ut paulo ante jam patuit) Dominus jussit igne comburi. Secundo quærendum, an filii ejus ac filiæ simul cum eo occisi sint. Ad primum B. Augustinus respondet, quod nomine combustionis seu ignis, Scriptura frequenter designat quaecumque pœnam, præcipue gravem, quemadmodum filii Israel sæpe leguntur de ferrea Egypti fornace educti. Sed contra hoc objicit quidam, dicens quod non videtur textui consonum, quia jam dictum est, quod Dominus jussit eum cum omni substantia sua comburi: quum ergo substantia ejus combusta sit, videtur idem de ipso dicendum. Sed advertendum quod Augustinus valde convenienter circa hæc scribit: Non est, inquit, credendum, Jesum (id est Josue) aliud fecisse, quam quod Dominus jussit. Nam ad intelligendum verba Domini, quis D potuit esse sapientior, vel ad facienda obedientior Jesu, qui ea intellexit ut Propheta? Insuper loquitur Augustinus: Duæ mihi causæ occurrunt, propter quarum alteram Josue non combussit hunc Achan. Aut enim vere pœnituit, et ita dignus non erat igne gehennæ: idcirco nec igne voluit eum Jesus comburere: aut non pœnituit vere, et ita fuit æterno igne torquendus: ideo illam pœnam ignis reservavit Josue Domino, et ipse aliam pœnam, scilicet la-

pidationem, inflixit. Præterea Lyra dicit, quod Achan peccavit dupliciter, scilicet sabbatum violando, quia in sabbato commisit hoc scelus, et pro hoc exstitit lapidatus; et rem Deo consecratam furando, propter quod fuit combustus. Sed sicut in expositione præcedentis capituli est probatum, probabilius est, quod Jericho non Josue vi, 15. est capta in sabbato, et ita nec furtum illud in sabbato est commissum. Denique in fine hujus capituli legitur, quod congregaverunt super Achan lapidatum, acervum magnum lapidum. Vel ergo primo est lapidatus, vel primo combustus: si primo lapidatus, non fuit post combustus, quia in textu habetur, quod acervus ille lapidum super eum permanet usque in præsentem diem. Si autem primo combustus est, constat quod mortuum non lapidarunt. Quod autem omnis Israel cum dicitur lapidasse, intelligendum est, quod quidam ex omnibus hoc fecerunt, et alii consenserunt.

Ad aliam quæstionem dicunt (ut Lyra refert) Hebræi, quod filii et filiæ Achan non fuerunt cum eo occisi, sed ducti fuerunt cum eo, ut ejus punitionem videndo, a similibus cohiberentur. Alii dicunt, quod fuerunt cum eo occisi: sed an lapidati, an combusti, adhuc posset inquiri. Et ideo dicunt istud, quoniam propter peccatum Achan permisit Deus triginta sex viros occidi, aliosque fugari. Magis ergo videtur, quod in detestationem facinoris ejus, occisi sint filii ejus et filiæ. Recitationi autem Lyræ videtur contrariari, quod Magister in historiis narrat, dicendo: Putant Hebræi Dominum præcepisse ut Achan lapidaretur, et omnia ejus, quæ lapidibus obrui possent: cetera esse cremanda. Ex quo sequeretur, quod filii ejus et filiæ ac jumenta, fuissent lapidibus interfecti. Pro horum concordia dici potest, quod de isto sint duæ inter Hebræos opiniones.

Amplius quæri potest, an Achan vere pœnituit. Circa hoc loquitur Augustinus dubitative, ut ex verbis ejus patet jam allegatis. Aliqui vero dicunt, quod non pœnituit vere, videlicet ex displicentia culpæ,

sed ex formidine pœnæ. Sed hujus opposi-
tum alii probabilius dicunt, quia ut textus
testatur, quum Josue dixisset ad eum, Fili
mi, da gloriam Deo : ipse respondit, Vere
ego peccavi Domino Deo Israel : quæ vi-
dentur verba humilis compunctionis et
veræ contritionis.

*Congregaverunt quoque super eum acer-
rum magnum lapidum, ut acervus ille
esset memoriale signum præteriti criminis
ad aliorum terrorem et cautionem. Et aver-
sus est furor Domini ab eis, id est, rigor
divinæ justitiæ cessavit a filiis Israel, ita*
quod propter facinus Achan non abstraxit
eis ultra præsidium contra hostes. *Et vo-
catum est nomen loci illius, vallis Achor,*
id est turbationis, propter causam expres-
sam : de qua valle scriptum est in Isaia,
Is. lxxv, 10, Erit vallis Achor in cubile armentorum. Et
Osce ii, 13, Dabo vallem Achor ad aperiendam
spem.

Circa prædicta duæ occurrunt quæstio-
nes : Prima, qualiter divinæ justitiæ con-
gruebat propter peccatum unius hominis,
sic irasci populo universo. Secunda, an
licuit Josue uti sorte. Ad primam harum
Augustinus respondet : Quæri, inquit,
solet, quomodo peccatum unius juste vin-
dicetur in alio, quum lex dicat, patres non
esse puniendos pro iniquitatibus filiorum,
nec converso : an lex ista homines judi-
cantes concernit, ut scilicet non puniant
unum pro alterius culpa : sed talia non
sunt judicia Dei, qui alto et incomprehen-
sibili judicio novit, quantum extendat tem-
poralem hominum pœnam, salubremque
terrorem. Non enim durum aliquid, quan-
tum attinet ad universi mundi administra-
tionem, contingit mortalibus quum mori-
untur, aliquando morituri : et tamen
apud eos qui talia metuant, disciplina
sanctur, ut unusquisque in populo non
solum curet se ipsum, sed homines sibi
invicem adhibeant diligentiam, et tan-
quam unius corporis membra alia pro aliis
sint sollicita. Nec tamen credendum est,
unum pro alio posse puniri his pœnis,
quæ irrogantur post mortem, sed infligi

A pœnam hujusmodi tantum in his rebus,
quæ finem fuerant habituræ, etiam si non
finirentur hoc modo. Per id quoque osten-
ditur, quantum in populi potestate ipsa
universitas sit connexa, ut non solum in
se ipsis singuli, sed tanquam partes exi-
stimentur in toto. Per unius ergo pecca-
tum, et per mortem paucorum, admonitus
est populus universus, tanquam in corpore
universo querere quod commissum erat.
Si autem aliquis invenisset ipsum Achan
in furto, et adduxisset eum ad Jesum seu
Josue, non est putandum quod Jesus puni-
visset alium simul cum illo, qui non
communicasset ei in crimine. Sed longe
secretiori judicio judicat Deus, qui etiam
post mortem potest liberare et perdere.
Visibiles ergo afflictiones et mortes, quæ
possunt obesse et prodesse his quibus in-
geruntur, novit Dominus in occulto provi-
dentia suæ, qualiter quibusque dispenset
seu irroget, etiam quum alios pro aliorum
peccatis videtur ulcisci sive punire. Invisi-
biles autem pœnas quæ nocent nec pros-
unt, non infligit uni pro culpa alterius.
Ex his sapientissimi Augustini verbis patet
plena hujus quæstionis solutio. In quibus
etiam virtualiter continetur responsio,
quam Thomas, aliique doctores scholasti-
ci ad hanc quæstionem assignant, quam
alibi in diversis locis induxi. Elucescit
quippe ex his, quod dum Deus punit unum
pro culpa alterius pœna temporali et cor-
porali, ordinat hoc in majus bonum illius
quem taliter punit : estque talis punitio,
ejus purgatio, seu futuræ minoratio pœ-
næ, seu etiam via ac dispositio ad gratiam
ac salutem, earumque incrementum. Ideo non
præjudicat ei quem ita punit. Potissime
quoque facit hoc in illis, qui sunt quodam-
modo unum, quemadmodum in exercitu
unus est quasi compars et commembrum
alterius, et filius est aliquid suorum pa-
rentum, quantum ad corpus, et servi sunt
res quedam dominorum suorum. Ordinatur
etiam Deus hoc ipsum in bonum commune.

Ad secundum dicendum, quod sortes
vocantur, dum quedam geruntur, ex quo-

Is. lxxv, 10,

Osce ii, 13,

*Deut. xxiv,
16: Ezech.
xviii, 20,*

rum eventu occultum aliquid innotescat : A peccatum, secundum quod asserit Augustinus. Sed potest in hoc quadrupliciter culpa incidere. Primo, si fiat absque necessitate : sic enim ad tentationem pertinet Dei. Secundo, si etiam in necessitate fiat absque debita devotione et reverentia. Unde quum Apostoli missuri erant sortes inter Matthiam et Barsabam, fecerunt hoc coetu fratrum collecto, atque oratione premissa. Tertio, quando divina oracula ad negotia convertuntur terrena. Quarto, si sortibus quis utatur in ecclesiasticis electionibus, quae ex inspiratione divina fieri debent. Propter quod Beda testatur, Matthiam sorte factum apostolum, quando Spiritus Sanctus nondum fuerat datus : sed eo misso, septem diaconi non sorte, sed fratrum electione sunt ordinati. De hac re plenius scribit Thomas in secunda secunda. In veteri autem Testamento frequens existit sortium usus, quando Deus volebat hoc modo ostendere, se omnium providentiam, notitiamque perfectam habere. Propter quod in Proverbiis scriptum est : Sortes mittuntur in sinum, sed a Domino temperantur. Neenon et in Numeris jussit Dominus terram promissionis sorte dividi, sicut et infra in isto libro legitur adimpletum.

Act. i, 14,
17, 24.

Ibid. vi, 5.

Prov. xxi,
33.

Num.
xxxiv, 2, 13.
Josue xiv 2.

Quum ergo actus humani non sint celestium corporum influentiis subditi, quoniam sapiens dominabitur astris, non licet eventum ostensionemque sortium a celestibus corporibus aut sideribus expectare, et multo minus a daemonibus : quibus causis remotis, necesse est talem eventum praestolari a fortuna, vel a substantia intellectuali superiori, directiva actuum humanorum, et bona, hoc est a Deo vel angelis. A fortuna autem expectari non potest, nisi in sorte divisoria, sicut dum aliqui nequeunt rem concorditer dividere : ideo ex communi consensu mittunt sortes, totum eventum committentes fortunae, et tunc non est peccatum : tamen causa motiva potest esse culpabilis, ut dum ex cupiditate vel contentione aliter dividere nequeunt, vel ex affectu lucrandi sic faciunt. Interdum quoque in hoc contingit vitium vanitatis. Porro si eventus atque judicium sortis expectetur a Deo vel angelis, non est in se

peccatum, secundum quod asserit Augustinus. Sed potest in hoc quadrupliciter culpa incidere. Primo, si fiat absque necessitate : sic enim ad tentationem pertinet Dei. Secundo, si etiam in necessitate fiat absque debita devotione et reverentia. Unde quum Apostoli missuri erant sortes inter Matthiam et Barsabam, fecerunt hoc coetu fratrum collecto, atque oratione premissa. Tertio, quando divina oracula ad negotia convertuntur terrena. Quarto, si sortibus quis utatur in ecclesiasticis electionibus, quae ex inspiratione divina fieri debent. Propter quod Beda testatur, Matthiam sorte factum apostolum, quando Spiritus Sanctus nondum fuerat datus : sed eo misso, septem diaconi non sorte, sed fratrum electione sunt ordinati. De hac re plenius scribit Thomas in secunda secunda. In veteri autem Testamento frequens existit sortium usus, quando Deus volebat hoc modo ostendere, se omnium providentiam, notitiamque perfectam habere. Propter quod in Proverbiis scriptum est : Sortes mittuntur in sinum, sed a Domino temperantur. Neenon et in Numeris jussit Dominus terram promissionis sorte dividi, sicut et infra in isto libro legitur adimpletum.

Ultimo quæri potest circa præhabita, cur Josue duxit Achan, et ea quæ erant ipsius, ad vallem ut occideretur ibidem. Ad quod ad litteram dici potest, quod ideo, ne aliqui Chananæorum ex eminentioribus locis suis conspicerent, quod filii Israel aliquem ex se ipsis ita tractarent. Unde in Scholastica fertur historia, quod fuit vallis profunda.

ARTICULUS XIII

DE SPIRITUALI SENSU HUIUS CAPITULI SEPTIMI.

FILII autem Israel prævaricati sunt *mandatum, et usurpaverunt de anathemate.* Per filios Israel intelligendi sunt Christiani, quibus præcipitur : Nolite conformari huic sæculo : et, Nolite diligere mundum, neque ea quæ in mundo sunt. Illi ergo dum timore Dei neglecto, efficiuntur mente mundani, et mores sæculares ac vitia, excusationesque frivolas ad Ecclesiam aut in claustrum comportantes, per talia inficiunt alios, usurpant de anathemate Jericho. Circa hoc loquitur Origenes : Qui de astrorum cursibus vitas hominum et gesta perquirunt : qui avium volatus et similia, quæ in sæculo didicerunt, observant, de anathemate Jericho inferunt in Ecclesiam Dei, et vinci faciunt populum ejus.

Rom. xii, 2.
1 Joann. ii,
15.

1 Tim. v,
20.

Rom. xii, 5.

Iratuque est Dominus contra Israel. Circa hoc loquitur Origenes, quo nullus doctorum melius dicit in his, in quibus catholice dicit : Non otiose transeundum, quod nunc peccante, ira super omnem populum venit. Hoc accedit quando sacerdotes qui populo præsunt, erga delinquentes benigni volunt videri, et verentes peccantium linguas, ne forte de eis male loquantur, et sacerdotalis severitatis immemores, non implent quod scriptum est, Peccantem coram omnibus argue, ut et ceteri timorem habeant. Quæ ista bonitas, quæ ista misericordia est, uni parcere et omnes in discrimen adducere ? Polluitur enim ex uno peccatore populus, sicut ex una ovis morbidus grex universus inficitur. Ideo observemus nos invicem, et uniuscujusque conversatio nota sit, maxime superioribus et prælatiis : nec putet se quisquam recte dicere, Quid ad me spectat, si alius male agit ? Unum corpus omnes sumus in

A Christo. Tu qui præsides, oculus es corporis hujus, ut omnia circumspicias et emendes, et futura prævideas. Pastor es, et oviculas Dei ignoras periclitari : vides ad præcipitia ferri, et ad prærupta pendere, et non occurras, nec revocas, nec correctionis clamore deterres. Hæc non ideo diximus, ut pro levi culpa quis abscindatur : sed si forte commonitus quis et correptus pro delicto semel et iterum ac tertio, nihil emendationis ostenderit, utamur medici disciplina : si oleo perunximus, si emplastris mitigavimus, si malagmate molivimus, nec tamen cedit tumoris duritia, tunc solum superest resecandi remedium, sicut et Dominus ait : Si dextera manus tua scandalizaverit te, abscinde eam, et projice abs te. Numquid de manu corporis dicit hoc ? Sed hoc est quod dicit, ut ego qui videor tibi esse manus dextera, et presbyter nominor, et prædico verbum Dei, si aliquid contra ecclesiasticam disciplinam et Evangelii regulam gessero, ita ut scandalum tibi et Ecclesiæ faciam, universa Ecclesia in uno consensu conspirans, abscindat me dexteram suam, et projiciat a se. Expedit enim tibi et Ecclesiæ, absque me manu sua male agente et scandalizante, introire in regnum cælorum, quam mecum mitti in gehennam. Hæc Origenes.

Matth. v,
30.

Insuper, sicut filii Israel missi ad expugnandum urbem Hai, ab infidelibus illis sunt victi : sic sæpe contingit, quod sacerdotes et prædicatores, qui diriguntur ut sæculares convertant, pervertuntur ab illis ex propria pravitate ad malum. *Josue vero scidit vestimenta sua, et cecidit pronus in terram tam ipse quam seniores.* Sic prælati et prædicatores et sapientiores ac se-

D

niores in populo, dum inferiorum et pu- A
sillorum atque vulgarium peccata et de-
formationem agnoscunt, debent vehemen-
tissime contristari, flere, seque coram Deo
cum omni compunctione prosternere, at-
que indesinenter pro lapsis et victis ab
invisibilibus hostibus deprecari : proprias
quoque scindere vestes, id est, propria
opera increpare, et formidare, quod ex sua
negligentia atque demeritis illi ita dejecti
sint. Debent etiam suas scindere vestes, id
est, sua corpora pro illorum reconciliatio-
ne, conversione et salute castigare, maece- B
rare et flagellis atterere. Nempe si Josue et
seniores Israel tot et tanta fecerunt pro-
pter temporalem fugam et lesionem a visi-
bilibus inimicis : quanto magis ista agenda
sunt propter fidelium fugam et lesionem
ab invisibilibus atrocissimis amulis ?

Præterea, quum prælatus aliquem cogno-
verit excessisse, dicat ei quod Josue dixit
ad Achan : *Fili mi, da gloriam Deo, et*
confitere atque indica mihi quid feceris.
Oportet enim in sacramentali confessione
recognoscere culpam : in exteriori quoque C
foro, si ratio exigit, fateri eandem, quan-
do videlicet publica est, vel publice pu-
nienda. Per hoc vero, quod Josue dixit,
Fili mi, patet quam caritative et compas-
sive, non ex ira aut odio, increpatio et
exhortatio fieri debeat. Ex eodem doce-
mur, quod propriæ culpæ confessio, sit
Dei laudatio. Qui enim se peccasse fatetur,
Deum esse justum et sanctum, contra ejus
mandatum aliquid egit aut omisit, testa-
tur. Amplius, sicut Achan mox humili-
ter acquievit, et suum facinus distincte ac D
evidenter aperuit : sic quilibet reus, a suo
superiore jussus sive admonitus, facere
debet : imo periculosissimum est propriam
culpam negare, aut nimium extenuare, præ-
sertim quum et reus pro suo crimine occi-
dendus, peccet mortaliter, quando a iudice
jubetur illud manifestare, nec acquiescit.

Vidi inter spolia pallium coccineum
valde bonum, etc. Circa hoc ait Glossa ex
Origene : In sermonibus rhetorum et phi-

losophorum, qui sunt de civitate Jericho,
id est de mundo, multa est pulchritudo. Si
ergo inveneris apud philosophos perversa
dogmata, ludenti sermonis assertionibus
decorata, aurea lingua seu regula est : sed
vide ne te decipiat sermonis aurei pulchri-
tudo. Si poetam legeris modulatis versibus
atque præfulgido carmine deos deasque
textentem seu describentem, vide ne dele-
eteris eloquentiæ suavitate, quoniam aurea
lingua est. Si enim sustuleris et posueris
eam in tabernaculo tuo, si in cor tuum
introduxeris per consensum quæ asserun-
tur ab illis, polluis Ecclesiam Dei. Hoc fe-
cit infelix Valentinus et Basilides, hoc fecit
et Marcion hæreticus : furati sunt istas *
aureas linguas de Jericho, et philosopho-
rum sectas non rectas in Ecclesiam Dei
introducere et omnem populum polluere
sunt conati. Sed nos præcedentium patrum
sequamur exemplum, et abjiciamus malum
de nobis : nam et in nostris disputationi-
bus moris est dicere, quia Christum non
purum hominem dicimus, sed Deum et ho-
minem confitemur. Hæc Origenes. Per pal-
lium autem coccineum valde bonum, po-
test intelligi sæcularis ornatus exterior, seu
apparatus pompaticus a carnalibus homi-
nibus reputatus. Unde loquitur Isaïas : Si
fuerint peccata vestra quasi coccinum. At-
que in Apocalypsi : Vidi mulierem seden-
tem super bestiam coccineam. Per siclos
vero argenteos, copia mundanæ prudentiæ
et nitor eloquentiæ designantur. Hæc fu-
ratur de Jericho, qui post conversionem
suam rursus sæcularem et carnalem vitam
assumit, et ex humana prudentia atque
facundia se extollit. Talis in valle Achor
lapidatur, id est, in bassitudine suæ tur-
bulentiæ propriis actibus duris opprimi-
tur, ac diabolicarum tentationum ponde-
ribus trucidatur. Non ergo gloriemur in
talibus : sed in hoc unusquisque se pru-
dentem putet et eloquentem, si proprias
defectuositates, enlpas et calamitates hu-
militer recognoscat, clare confiteatur, et
condigne emendet.

* isti

Is. i, 18.

Apoc. xvii,
3.

ARTICULUS XIV

EXPLANATIO LITTERALIS CAPITULI OCTAVI : DIXIT AUTEM DOMINUS AD JOSUE : NE TIMEAS.

OSTENSO in capitulo præcedenti, qualiter divina justitia peccatis offensa, filios Israel dereliquit, nunc edocetur, qualiter dignis pœnis placata, eosdem adjuvit. *Dixit autem Dominus ad Josue : Ne timeas corde, neque formides per redundantiam timoris in corpore : quæ redundantia proprie dicitur tremor. Itaque non timeas inordinato carnali timore : quasi dicat, Jam reconciliatus sum populo tuo. Tolle tecum omnem multitudinem pugnatorum, et consurgens, ascende in oppidum Hai, id est ad urbem sic dictam. Ecce tradidi in manu tua regem ejus et populum, urbemque et terram circumjacentem cum villis suis, faciesque urbi Hai et regi ejus, sicut fecisti Jericho et regi ejus : id est, urbem illam combures et populum urbis occides, ac regem ejus affiges patibulo per manus populi tui. Prædam vero, id est divitias urbis, et omnia animantia vobis accommoda, diripietis vobis, id est rapietis, et inter vos dividetis. Pone insidias urbi post eam.* Qualiter autem liceat uti in bello insidiis, infra dicitur.

Surrexitque Josue, et omnis exercitus bellatorum cum eo. Et electa triginta milia virorum fortium misit Josue nocte, præcepitque eis, dicens : Ponite insidias post civitatem. Aliqui dicunt, quod ista triginta millia posuerunt se tota in insidiis post urbem, et quod in alio loco qui in textu exprimitur, posuit Josue alia quinque millia in insidiis. Alii dicunt, quod ibi non fuerunt insidiæ posite, nisi in uno loco, in quo dicunt fuisse quinque millia, et quod erant de numero illorum triginta

A medio cum suo exercitu. Quod quum vidisset rex Hai, festinavit mane, et egressus est cum omni exercitu civitatis. *Dirigitque aciem contra desertum, quoniam Josue cum suo exercitu fuit in ea parte, quæ solitudinem respiciebat, ignorans quod post tergum, videlicet ab alia et opposita urbis parte, laterent insidiæ, scilicet, inter Bethel seu Bethaven et Hai. Josue vero et omnis Israel cesserunt loco, recedentes ab eo, quasi ex timore fugam incuntes, simultantes metum, et fugientes per solitudinis viam. At illi vociferantes pariter, etc., id est, habitatores Hai ac Bethaven eum clamore et mutua cohortatione insequentes filios Israel. Et ne unus quidem in urbe Hai et Bethaven remansisset, loquendo de his qui ætatem et robur habuerunt ad insequendum ; sicut eruperant instar fluvii rapidi cum impetu exeundo, aperta oppida relinquentes, quasi prædam illico reportaturi, vel ut celerius possent regredi, si fugerent : dixit Dominus ad Josue : Leva clypeum qui in manu tua est, contra urbem Hai. Quumque levasset clypeum, insidiæ quæ latebant, surrexerunt confestim, et pergentes ad civitatem, ceperunt et succenderunt eam.* Ex hoc elicitur, quod elevationem clypei dedit eis Josue pro signo, ut scilicet surgerent de insidiis, urbemque ingrederentur atque incenderent, clypeo viso. Sed quæri potest, qualiter a loco tam remoto poterant clypeum cernere. Ad quod aliqui dicunt, quod elevavit eum in hasta seu lancea. Imo Hebræi dicunt, quod hastam pro signo levavit. *Viri autem qui persequabantur Josue, respicientes, et videntes fumum urbis Hai ad cælum usque conscendere, id est valde alte in cælum aerem, non potuerunt huc illucque diffugere.*

B**C****D**

Itaque filii Israel succenderunt urbem, A et fecerunt eam tumulum sempiternum, id est, penitus destruxerunt, quasi nunquam reedificandam, quod fuit eorum propositum, quemadmodum et de Jericho intenderunt. Postea tamen utraque urbs fuit reedificata. Regem quoque ejus suspendit Josue in patibulo usque ad vesperam et solis occasum : præcepitque Josue sociis, id est pugnatoribus suis, et deposuerunt cadaver ejus de cruce post solis occasum : quia in Deuteronomio jussum fuit, ne post solis occasum remaneret ea B daver suspensi in cruce : Qui adjudicatus morti, suspensus fuerit in patibulo, non permanebit eadaver ejus in ligno, sed eodem die sepelietur, quia maledictus a Deo est qui pendet in ligno : hoc est, sufficit ei pro pœna ignominiosa crucifixio sua. Projeceruntque in ipso introitu civitatis, con- gesto super eum magno acervo lapidum : et hoc fuit sepelitus ejus. Ideo autem projecerunt et taliter sepelierunt eum in ipso urbis suæ ingressu, ut esset aliis in exemplum, et memoriale divinæ justitiæ ac justæ vindictæ.

Tunc ædificavit Josue altare Domino Deo Israel per manus ministrorum sive artificum, in monte Hebal, constituto in campo, sicut præceperat Moyses famulus Domini filiis Israel. Unde in Deuteronomio scriptum est : Præcepit Moyses populo, dicens : Quum transieris Jordanem, eriges ingentes lapides et calce lævigabis eos, ut possis in eis scribere omnia verba legis hujus in monte Hebal : et ædificabis ibi altare Domino de lapidibus, quos fer- D rum non tetigit, et de saxis informibus, impolitis : ejus litteralis ratio, fuit ad discernendum Israel a gentibus, quæ de lapidibus pretiosis politis construxerunt altaria idolis suis. Et immolavit * super eo holocausta Domino, id est, per manus sacerdotum offerri jussit, immolavitque pacificas victimas per manus (ut factum est) sacerdotum : et forte pro qualibet tribu offerebatur speciale holocaustum, specialis quoque pacifica hostia. Dicebaturque

holocaustum, quod ad divinæ reverentiam majestatis totaliter comburebatur, in signum quod homo se totum debet Deo, ejusque cultui se totaliter offerre. Porro hostia pacifica vocabatur, quæ pro salute seu reconciliatione offerebatur. Hæc tamen filii Israel offerebant hæc vice, etiam pro gratiarum actione de victoriis sibi datis.

Et scripsit super lapides Deuteronomium legis Moysis. Deuteronomium, pro lege seu norma accipi solet. Unde quod dicitur, Deuteronomium legis hujus, est intransitiva constructio, sicut quum dicitur, Virtus Dei, et quum ait Apostolus, In expoliatione corporis carnis. Veruntamen Deuteronomium proprie dicitur lex secunda, *ἡ πρὸς τοὺς δευτέρους*, quod est secundum, et *νόμος*, quod est lex. Itaque scripsit Josue per manus scriptorum in lapidibus illis per sculpturam, Deuteronomii normam seu continentiam, vel tenorem legis Moysis. Quod ille digesserat coram filiis Israel. Moyses quippe adhuc vivens, filiis Israel proposuit, exposuit, et in scriptis redegit Deuteronomium legis Moysis, sicut et Deuteronomii primo innuitur. Circa hoc aliqui dicunt, quod Josue non scripsit in illis lapidibus, nisi decem præcepta, prout in Deuteronomio habentur. Quibus obviare videtur, quia (ut allegatum est) Moyses in Deuteronomio loquitur : Eriges ingentes lapides, ut possis in eis scribere omnia verba legis hujus. Josephus quoque asserit ibi scripta fuisse multo plura quam decem præcepta, videlicet benedictiones et maledictiones, de quibus in isto capitulo infra habetur. Augustinus etiam quatit, quomodo potuit tantum scribere in illis lapidibus. Veruntamen quoniam littera apertissime dicit, quod erant ingentia saxa lævigata, poterant multo plura quam decem præcepta exarari in eis.

Omnis autem populus Israel, videlicet plebs communis, et majores natu, ducesque, puta principes tribuum, et judices, scilicet tribuni, centuriones, quinquagenarii, et decani, de quibus in Exodo ha- betur, stabant ex utraque parte arce in

Deut. xxi,
22, 23.

Matth.
xxvi, 63
Coloss. ii,
11.

Deut. x. 3;
xxvi, 23.

Ibid. xxvii,
1-6.

Ibid. xxvii,
2, 3.

* obtulit

Exod. xviii,
21, 25.

consperta sacerdotum qui portabant arcam Domini; id est, una ac media pars prædictorum stabat ex uno latere arcae, alia vero medietas ex alio latere. Ideo subditur: *Media pars eorum juxta montem Garizim, et media juxta montem Hebal, sicut præceperat Moyses in Deuteronomio, famulus Domini*. Hi enim duo montes parum distabant ab invicem, inter quos fuit campus seu vallis, in qua stabant sacerdotes cum arca. *Et primum quidem benedixit Josue populo Israel*, id est, imprecatus est eis bona, tanquam eorum princeps et rector, quemadmodum tertio Regum habetur: Stetit Salomon, et benedixit omni ecclesiae Israel. Benedictio tamen magis proprie pertinebat ad sacerdotum officium, sicut et consimilia spiritualia opera.

Post hæc legit Josue omnia verba benedictionis et maledictionis, et cuncta quæ scripta erant in legis volumine. Hoc in Deuteronomio evidenter præceptum fuit, ut Levitæ, id est sacerdotes, hæc legerent. Ideo dicendum, quod Josue ista legit, id est legi fecit per Levitas. Quod autem subjunctum est, *Et cuncta quæ scripta erant in legis volumine*, intelligendum est de cunctis quæ præfato capitulo et deinceps præceperat Moyses legi in loco isto. At vero quæ fuerint verba illa maledictionis et benedictionis, aperitur ibidem, quum habetur: Pronuntiabunt Levitæ, dicentque ad omnes viros Israel excelsa voce: Maledictus qui facit sculptile: et respondebit omnis populus, Amen. Maledictus homo qui non honorat patrem suum et matrem: et dicet omnis populus, Amen. In eodem quoque capitulo Dominus exprimit, quæ tribus debebant stare in uno horum montium ad benedicendum, et quæ ad maledicendum. Nec repugnat, quod ibi dicuntur stare supra montes hos, hic vero juxta eos, quando stabant in mediis montium locis atque partibus, et aliqui stabant altius, aliqui bassius. Dicitur autem in textu, *at advenæ, ita et indigenæ*, id est, una pars advenarum stabit cum una medietate ex filiis Israel in uno monte, et alia pars

advenarum stabit in alio monte cum alia parte Israelitarum. Quod si quæretur, qui fuerint advenæ illi: dici potest, quod vel quidam ex gentilitate conversi, vel ministrantes filiis Israel ex nationibus, aut reliquiae Ægyptiorum egressorum cum patribus Israelitarum.

Nihil ex his quæ Moyses jusserrat credi aut fieri, *reliquit Josue intactum, sed universa replicavit coram omni multitudine Israel*, instruendo et hortando eos ad fidem et obedientiam omnium præceptorum [ac] documentorum Altissimi: nec sprevit inferiores, quia subjungitur, *mulieribus ac parvulis et advenis qui inter eos morabantur*: in quo etiam innotescit fidelitas ejus et diligentia sui officii.

Præterea advertendum, quod aliqui dicunt istam historiam de ædificatione altaris, oblatione et benedictione ac maledictione, hic recitari per anticipationem, et post illam victoriam quæ infra enarratur, esse impletam. Hinc Magister in historiis scribit, Hic præoccupat historia de altari facto inter Garizim et Hebal, etc.

Circa prælibita tria quærentur: Primum est, an liceat insidiis uti in bellis. Secundum, quæ requirantur ad hoc quod bellum sit justum. Tertium, an liceat hominibus maledicere. Ad primum istorum respondet sanctus Doctor in secunda secundæ, quæstione 40: Insidie ordinantur ad hostium deceptionem. Potest autem unus alterum fallere dicto aut facto dupliciter. Primo, falsum dicendo, aut promissa non observando: quod exstat illicitum, quia secundum Ambrosium, libro de Officiis, etiam inter hostes servanda sunt pacta. Secundo, propositum seu conceptum summi ei non manifestando: quod licitum est. Nam sicut in doctrina fidei quedam secretiora hostibus fidei occultantur, ne sanctum canibus detur: ita in documentis rei militaris præcipuum est, ne consilia hostibus revelentur, ut patet per Vegetium libro de Re militari. Et idem Tullius ait. Hinc secundo Machabæorum narratur: Revelavit autem mysteria hostibus Rhodochus quidam, qui

Deut. xxxiii.
12, 13.

III Reg. viii.
55: II Par.
vi, 3.

Deut. xxxiii.
14.

Ibid. xiv, 16.

Ibid. xii, 13.

Josue x et
xi, passim.

Matth. xvi,
6.

II Mach.
xiii, 21.

requisitus, conclusus est. Sicque in bellis A aut a suis improbe facta sunt, vel reddere justis, non in bellis injustis, licet pugna- toribus uti insidiis. Propterea Augustinus ait circa hunc passum : Quum quis bellum justum accepit, nihil ad justitiam interest, an aperta congressione, an insidiis vincat.

Ad secundum eadem questione Thomas respondet : Tria exiguntur ad hoc, quod bellum sit justum : Primum est, auctori- tas principis, quia personis privatis non licet bellum movere, quum possint jus suum in superioris sui judicio prosequi. Hinc in libro contra Manicheum asserit B Augustinus : Ille accipit gladium, qui sine legitima et superiori potestate hoc agit. Quum ergo principibus commissa sit cura rei publicae, compescere habent hostes in- testinos atque extraneos. Secundum est, justa causa. Tertium, recta bellantium in- tentio : quia nocendi cupiditas, vindicandi crudelitas, implacabilis animus, dominandi libido, repugnandi atrocitas, juste culpantur. Hinc circa hunc locum dicit Angusti- nus : Non omnibus fas est pugnare. Justa autem bella dici solent, quae ulciscuntur C injurias : si gens aut civitas quae bello est impetenda, emendare negligit quae a se

aut a suis improbe facta sunt, vel reddere quod injuriose ablatum est. Sed hoc belli genus justum est, quod imperat Deus, in quo non est iniquitas, et qui novit quid *Ps. xvi, 16.* cuique fieri debeat : in quo bello non tam auctor belli, quam minister, judicandus est princeps exercitus vel populus ejus.

Ad tertium breviter respondendum, quod non licet alicui maledicere alteri ex ran- core aut zelo injustitiae, neque ex ira aut impatientia, sed interdum id licet ex cari- tate et zelo justitiae. Maledicere namque est, alicui malum dicere vel optare : quod praefato modo est licitum, ita ut malum illud alteri optetur, vel in quantum est ei expediens ad salutem, vel in quantum est malum poenae; quandoque etiam fiunt hu- jusmodi maledictiones a viris justis per modum propheticae praeannuntiationis.

Postremo, in consideratione historiae hu- jus capituli admiratio oritur, quod in isto capitulo non fit mentio de vastatione et percussione urbis Bethaven, quum et ejus habitatores, urbe sua aperta relicta, se- quebantur filios Israel, insecuti cum habi- tatoribus Hai : nisi forte ex dispositione unius, alterum detur intelligi.

ARTICULUS XV

DE HUIUS CAPITULI OCTAVI SENSU MYSTICO.

DIXIT Dominus ad Josue : *Ne timeas, D neque formides.* Sic et Christus in Evangelio : Nolite, inquit, timere eos qui corpus occidunt, sed eum timeate, qui po- test corpus et animam perdere in gehen- nam. Denique unicuique virtuoso praelato, pro subditorum suorum ruina afflicto ac flenti, Dominus praestat consolationem at- que fiduciam, admonens ne immoderate propter praeterita vereatur, sed spe sua in Deo fixa, viriliter se opponat invisibilibus inimicis, atque cum toto commissi sibi gre-

gis exercitu opponat se aciei vitiorum ac demonum : quod est in oppidum Hai ascen- dere, quoniam Hai interpretatur chaos, per quod obtenebratorum spirituum maligno- rum congregatio designatur seu locus. Ad quorum debellationem plurimum valet con- cors connexio, mutuumque subsidium, et generalis instantia circa virtutes servorum commilitonumque Dei, quum dicat Salva- tor : Ubi fuerint duo vel tres in nomine meo congregati, ibi in medio sum eorum. Et rursus testatur Scriptura : Frater qui

Matth. x,
28.

Matth.
xxiii, 20.
Prov. xviii,
19.

adjuvatur a fratre, quasi civitas munita. A di ac triumphandi exhibeat semetipsum. Imo in tali conflictu valet potissime ardens diligentia præsidentis, pro sibi commissis fortiter contra peccata ac daemones præliantis. Insuper, per Josue intelligitur Christus, quem Deus Pater confortavit ac misit ad expugnandum aereas potestates, quas cum rege earum principe tenebrarum, Christus subiecit plenissime.

Ephes. ii, 2.

Pone insidias civitati. Insidias civitati diaboli ponimus, quum per secreta virtutum exercitia, supererogationisque opera, imo per occultissimas et soli Deo cognitae B mentis cogitationes puras ac humiles, atque per affectiones sanctas ac fervidas, tentationes ac laqueos daemonum superamus: et talem conflictum adversus eos, Christus et ejus vicarius sæpe edocent subditos suos. Porro Salvator aperte congressus est contra eos cum suis discipulis. Verumtamen quasi fugam simulavit, dum deitatis suae omnipotentiam illis abseondit, seque a membris et satellitibus daemonum in Ægyptum fugari, irrideri, ac multipliceiter tribulari permisit. Quumque longius protra- C xisset eos post se, ita quod usque ad cruceis patibulum insecuti sunt eum, tunc statim post resurrectionem et Spiritus Sancti missionem, per suos Apostolos aliosque discipulos prostravit eos omnino, in multis suorum millibus electorum: propter quod passione instante, professus est: Nunc princeps hujus mundi ejicietur foras. Et: Ego si exaltatus fuero a terra, omnia traham ad me ipsum. Hinc Pater pollicitus ei est per Isaiam: Disperdiam ei plurimos, et fortium dividet spolia, pro eo quod tradi- D dit in mortem animam suam.

Joann. xii, 31, 32.

Is. lxi, 12.

Josue autem nocte illa in medio mansit populi. Sic prælatus tempore tentationis et adversitatis inseparabiliter debet adistere suo gregi, et unicuique quantum potest. Et ascendit cum senioribus in fronte exercitus, vallatus auxilio pugnatorum. Hoc plane ad omnem spectat pastorem, ut in cunctis se præbeat exemplarem, et sibi commissos in omni præcedat virtute, atque in tentationum conflictu formam resisten-

Valletur quoque auxilio pugnatorum, id est virtuosorum fratrum militum Dei orationibus et meritis, imo vicissim et exhortationibus et exemplis juvetur, quia Aaron *Exod. xvi, 12.* ac Hur manus Moysis sustentabant. Abiit ergo Josue nocte illa, et stetit in vallis medio. Sic prælatus, imo et omnis Christifidelis debet a suggestione iniqua per mentis dissensum recedere, et stare in humilitate, quæ inter præsumptionem (seu elationem) et pusillanimitatem est media. Nam quanto quis major est, tanto profundius humiliare se debet: imo quo præsident, præ aliis, donis gratiæ eget majoribus, et gratiosiori directione Spiritus Sancti, eo perfectior humilitas sibi est necessaria.

Quod quum vidisset rex Hai, festinavit mane, et egressus est cum omni exercitu suo. Per regem Hai, ut dictum est, princeps accipitur tenebrarum. Quamvis autem primus ille apostata, sit generalis omnium malignorum princeps spirituum sub eo, tamen est inter impios illos multiplex ordo superioritatis. Quo autem prælati Ecclesiæ et fideles ardentius ad virtutes se applicant, virilisque se opponunt tentationibus et peccatis, eo daemones et aliqui inter eos eminentiores, acrius et celerius illos impugnare ac dejicere moliantur. Direxitque aciem contra desertum: quia iniquus ille apostata eos gravius insecatur, qui relicto sæculo, ad eremiticam vitam seu monasticam conversationem confugiunt, contra quos præliatur, quasi manu ad manum: propter quod solitaria vita periculosa censetur et ardua. Josue vero et omnis multi- D tudo Israel cesserunt loco, simulantes metum, et fugientes per solitudinis viam. Sic multi electi fideles, videntes se inter sæculares homines vix posse salvari, ad secreta et solitaria atque monastica properant loca, in quibus non habent tanta peccandi incitamenta, nec tam fortia concupiscentiarum objecta: et quoniam metunt inter mundanos homines supplantari, et cum perversis perverti, ad vitam *Ps. xvi, 27.* abstractam nituntur pertingere.

Dixit Dominus ad Josue : Leva ely- A
peum qui in manu tua est, contra urbem
Hai. Sic Dominus præfatis dimicatoribus
 suis, præsertim superiori eorum jubet, ut
 elypeum quem tenent in manu, id est fidem
 quam habent in suis operibus, levent ad
 Dominum, considerando quam paratus sit
 Omnipotens eis auxiliari, et quantæ mer-
 cedis ac gloriæ sit, contra vitiorum ac da-
 monum aciem prævalere : sicque potenter
 et infatigabiliter præliantur. Hinc Paulus :

Ephes. vi,
16.

1 Joann. v,
4.

Matth.
xxi, 21, 22 ;
Marc. ix,
22.

Ps. xc, 7.

In omnibus, inquit, sumentes scutum fi-
 dei, in quo possitis omnia tela nequissimi
 ignea extinguere. Joannes quoque in sua
 prima Canonica : Hæc est, ait, victoria que
 vincit mundum, fides nostra : imo Christo
 testante, Omniaabilia sunt credenti.
 Quum ergo fideles cum suis prælatis, ita
 concorditer resistunt diabolo et angelis
 ejus, ipsi maligni spiritus undique pro-
 sternuntur, et eorum dissipatur collectio :
 incenduntur quoque et gravissime affli-
 guntur fervore caritatis, flamma devotio-
 nis, igne ferventis orationis servorum Dei :
 sicque impletur quod ait Scriptura, Cadent
 a latere tuo mille, et decem millia a dex-
 tris tuis.

Job xiii, 25.

Regem quoque Hai apprehenderunt vi-
ventem, et obtulerunt Josue. Hoc spiritua-
 liter adimpletur, dum virtuosì et humiles
 subditi exponunt humiliter suo superiori,
 quomodo tentationibus ejus prævaluerunt
 qui est rex super omnes filios superbiæ.
 Josue vero suspendit regem illum in pati-
 bulo, id est, subditos docet, ut victoriam
 suam adscribant virtuti crucis Christi, et
 meritis suæ salvificæ passionis. Denique
 Christus moriendo in cruce, diabolum spi-

ritualiter crucifixit, dicente Apostolo ad
 Colossenses : Christus delens quod adver-
 sus nos erat chirographum decreti, quod
 erat contrarium nobis, et ipsum tulit de
 medio, affigens illud cruci : exspolians
 potestates et principatus, traduxit confi-
 denter, palam triumphans illos in semet-
 ipso, vel, ut in Græco habetur, secundum
 Origenem, In ligno crucis. *Josue autem*
non contraxit manum, donec interficerentur
omnes habitatores Hai. Sic spiritualis
 pugnator cessare non debet ab oratione
 et fidei elevatione exercitiisque virtutum,
 quousque universas vicerit tentationes.

Tunc edificavit Josue altare Domino. Sic
 Christifideles quum in tentatione præva-
 luerint, sacrificium laudis debent Deo of-
 ferre, et omnem triumphum suum ejus pie-
 tati auxilioque adscribere. Denique Christus
 post suam passionem et resurrectionem,
 edificavit templum atque altare Deo Patri
 ex impolitìs lapidibus, quoniam ex homi-
 nibus simplicibus et ante carentibus omni
 decore virtutum, congregavit Ecclesiam :
 in quorum cordibus scripsit per gratiam
 Spiritus Sancti documenta et præcepta
 evangelicæ legis. Sacerdotes quoque, id est
 Apostoli, obedientibus Christo benedictio-
 nes, inobedientibus vero maledictiones seu
 excommunicationes prænuntiaverunt aut
 etiam inflixerunt. Nam et princeps Apo-
 stolorum Simoni Mago maledixit : Pecunia,
 inquit, tua sit tecum in perditionem.
 Paulus quoque Corinthium incestuosum
 tradi decrevit Satanae in interitum car-
 nis : attamen reus ille, per penitentiam
 suam excommunicationis illius executionem
 prevenit.

Coloss. ii,
14, 15.

Act. xiii, 20.

1 Cor. v, 5.

ARTICULUS XVI

EXPLANATIO CAPITULI NONI : QUBUS AUDITIS, ETC.

QUID duarum urbium prefatarum combustionem secutum sit, subditur. *Quibus auditis*, qualiter scilicet Jericho et Hai sint vastatae, *cuncti reges trans Jordanem*, trans quem etiam filii Israel nunc fuerunt, *qui versabantur*, id est morabantur, *in montanis et in campestribus, in maritimis*, id est locis et urbibus circa mare Genesareth et mare Mortuum, *ac littore maris Moqui*, puta Mediterranei : de quibus maribus, et eorum ita nominentur, dictum est in superiorum explanatione : *hi quoque qui habitabant juxta Libanum*, id est montem Libani : scilicet *Hethaeus et Amorrhaeus, Chananeus, Pherezeus et Hevaeus et Jebusaeus*, id est gentes sic appellatae, *congregati sunt pariter, ut pugnarent contra Josue et Israel uno animo eademque sententia*. Concordaverunt namque in malo, tamque execrati et indurati fuerunt, quod ex tot mirabilibus jam praescriptis, non fuerunt ad fidem et timorem Dei Israel moti. Praeterea illis ita se congregantibus, gestum est quod subditur.

At hi qui habitabant in Gabaon, audientes cuncta quae fecerat Josue Jericho et Hai : unde videtur quod quosdam miserunt occulte ad explorandum quid filii Israel agerent, et qualiter praevalerent : *callide*, id est sagaciter quidem pro se, tamen aliquantulum dolose quantum ad Hebraeos, *cogitantes* et inter se conferentes, qualiter imminens periculum possent evadere. Nec solum Gabaonitae, sed et habitatores trium urbium eis subjectarum quae infra exprimuntur, istud cogitaverunt, secundum quod infra in textu habetur. Unde elicitur, quod venerunt ad Gabaon tanquam ad suam metropolim, ad habendum consilium de ista materia. *Tulerunt*

A sibi cibaria, saccos veteres, in quibus panes positi erant, asiatis imponentes, id est superponentes ad portandum in via, quasi primo acceperant tam multos panes ob longitudinem viae, quod eos personaliter portare non potuissent : *et utres vinarios scissos atque consutos* : quia de corio facti erant, et quasi repetiati : *calceamenta quoque perantiqua, quae ad indicium vetustatis, pittaciis consuta erant*, id est parvis frustis corii reparata : *induti veteribus vestimentis* : panes quoque quos portabant ob *B viaticum, duri erant, et in frusta comminuti*. Perreperuntque ad Josue qui tunc morabatur in castris Galgala, et dixerunt ei : *De terra longinqua venimus*. Hoc fuit mendacium officiosum et veniale peccatum. *Pacem vobiscum facere cupientes*. Hoc verum erat.

Responderuntque viri Israel ad eos, atque dixerunt, scilicet superiores : *Ne forte in terra quae nobis sorte debetur, habitetis* : id est, videndum est, atque inquirimus, an ne sitis de territorio nobis promisso a Domino Deo nostro, et non possimus sine peccato *foedus*, id est pacis et amicitiae conventionem, *inire vobiscum*. In Deuteronomio namque frequenter eis prohibitum fuit, cum habitatoribus terrae Chanaan trans Jordanem foedus inire, et hoc propter nimiam Chananeorum illorum malignitatem, et ne inter filios Israel habitando, allicerent eos ad suorum culturam deorum. *At illi ad Josue tanquam ad principem, Serri, inquirunt, tui sumus*, id est, nos ipsos sponte subicimus tuo dominio. *Quibus Josue dixit : Quinam estis vos? aut unde venistis? Responderunt : De terra longinqua valde venerunt serri tui in nomine Domini Dei tui*, id est in

Deut. vn. 2-4.

fide ipsius, et ad ejus honorem. Quamvis enim timor servilis induxit eos ad hæc, tamen jam aliquam coeperunt fidem, saltem suasam, habere in Deo ex mirabilibus ejus, ut infra in littera continetur. Nam subditur : *Andirimus enim famam potentiae ejus*, id est rumore de ejus omnipotentia, *et cuncta quae fecit in Ægypto pro vobis, et duobus regibus Amorrrhorum, Sehon regi Hesebon, et Og regi Basan. Dixeruntque nobis seniores terræ nostræ : Tollite in manibus vestris cibaria ob longissimum viam, et occurrite eis, et dicite : Servi vestri sumus, inito foedus nobiscum, etc. Susceperunt ergo filii Israel de cibariis eorum in signum federis initi aut inmundi, et forte inde aliquid comederunt, et os Domini non interrogaverunt, id est, a Deo sen a sapientia ejus qua omnia profert, vel ab angelo qui in persona Dei eis denuntiare consuevit agenda, non petierunt consilium.*

Fecitque Josue cum eis pacem, et inito federe pollicitus est, ut non occiderentur. Principes quoque multitudinis juraverant eis. Post dies autem tres inito federis, audierunt filii Israel, quod viri illi et hi a quibus fuerant missi, in vicinis habitarent, id est locis urbibusque propinquis, et inter eos futuri essent. Moveruntque castra filii Israel, et venerunt in civitates eorum die tertio. Si post diem tertium initi federis, nuntiatum est filiis Israel, quod illi prope eos habitarent, quomodo tertio die venerunt in urbes illorum ? Itaque sensus esse videtur, quod post tertium diem, id est post tertii diei initium, nuntiatum est eis, et eodem die coeperunt ire ad civitates illorum, et forte pervenerunt usque ad eas. Quarum hæc vocabula sunt, Gabaon et Caphira et Beroth et Cariathiarim : quarum habitatores statim aperuerunt et obviaverunt Josue et Hebræis, tanquam dominis et amicis : et non percusserunt eos filii Israel, eo quod jurassent eis principes multitudinis, scilicet Josue communis omnium princeps, et duodecim tribuum duces, et forte etiam Eleazar pontifex, in nomine

Domini Dei Israel, id est per Deum suum, quod non occiderent ipsos. Muturavit itaque omne vulgus contra principes Israel, imponendo eis quod incaute inissent foedus cum illis, a quorum federe erant prohibiti, et quod os Domini non interrogaverunt, id est Dominum per pontificem seu sacerdotem, quum tamen in magnis causis debuerint ad Dei consultationem confugere, qui in Isaia loquitur : Vae filii desertores, ut faceretis consilium, et non ex me, et os meum non interrogastis. Muturaverunt quoque contra principes, eo quod pareebant habitatoribus urbium harum, et acclamabant standum non esse juramento per subreptionem et fraudem facto.

Qui, scilicet principes, responderunt eis, scilicet vulgo : Juravimus illis in nomine Domini Dei Israel servare cum eis pacem, idcirco non possumus eas contingere, id est ledere violenter, propter reverentiam increatae veritatis et jurisjurandi religionem, ne inveniamur perjuri, quia vere juravimus rem in se licitam, quamvis sagaciter circumventi : sed hoc faciemus eis : reserrentur quidem ut vivant, ne contra nos ira Domini concitetur, ne rigor divinae justitiae puniat nos, si perjuraverimus violando juramentum quod illis prestitimus : sed sic vivant, ut in usus universae multitudinis Israel ligna cadant, aquasque comportent. Quibus hæc loquentibus ad vulgus Israeliticum, vocavit Gabaonitas Josue, et dixit eis : Cur nos decipere fraude voluistis, ut diceretis, Procul valde habitantes a vobis, quum in medio nostri sitis ? Itaque sub maledictione eritis, id est, pro vestris mendaciis et ceteris culpis temporali poenae eritis subiecti, et civilem sustinebitis mortem, videlicet servitutem communem ac diuturnam, et non deficiet de stirpe vestra lignum cadens, aquasque comportans in domum Dei mei : id est, tam vos quam posteri vestri per universum tempus quo vignerit cultus Dei secundum legem Moysis, in hac terra eritis obligati ligna cadere et afferre, aquas etiam comportare ad

Is. xxx, 1, 2.

locum cultus divini pro necessariis in eodem, scilicet ad incendendum holocausta ac hostias abluendas.

Itaque Josue tanquam supremus in populo suo, dictavit et tulit sententiam, ac sapientissime mediavit inter mortem corporalem et liberam vitam, infligens Gabaonitis mortem civilem : nec hoc fuit contra justitiam, quod et posteros eorum tam perpetuae servituti addixit, ut patet ex dictis in expositione capituli septimi. Nempe et posteris Gabaonitarum multo melius fuit, in tali servitute gravari, quam patribus eorum occisis, non gravari. Fuit quoque eis salubre, ita in templo servire. Hi etenim sunt, qui in libris Regum et Paralipomenon, Nathinai vocantur. Sed quæri potest, qualiter sententia Josue concordet judicio principum, qui dixerunt Gabaonitas servandos in communem totius populi Israel usum. Respondetur, quod servitus ista in templo, fuit pro communi usu utilitateque populi, qui alias obligatus fuisset servitutem hanc exhibere : et forsân sanctus vir Josue emendavit judicium principum, tanquam altior et sapientior eis. Sed et dici posset, quod Gabaonitæ forte ad tempus et interdum adduxerunt pro communi usu populi ligna aquasque, quum infra dicatur : Decevit Josue in illo die, esse eos in ministerium cuncti populi et altaris Domini.

Qui, scilicet Gabaonitæ, responderunt eis : Nuntiatum est nobis servis tuis, quod promississet Dominus Moysi servo suo, ut traderet vobis omnem terram hanc, scilicet terram Chanaan istam, et disperderet cunctos habitantes ejus. Si Gabaonitæ credebant Dominum hoc promississe, quomodo ipsi putaverunt aliter fieri posse, videlicet se posse mortem illam evadere ? Et respondendum, quod forte credebant verba Dei sub conditione esse intelligenda, videlicet nisi habitantes illi se humiliarent. atque ad filios Israel et ad cultum Dei eorum confugerent. Nam et verba Dei sic erant veraciter intelligenda. *Timidus igitur valde :*

Ps. cx, 10. iste fuit timor servilis, qui est principium

A sapientiæ et salutis, retrahens a peccato, et disponens ad gratiam : et *providimus animabus nostris*, id est vitæ nostræ corporali et animali, illam hoc modo præservando a morte : providimus quoque salutem animarum nostrarum, confugiendo ad Deum vestrum, *vestro timore* * *compulsi*, id est vehementer inducti, non tamen absolute coacti. Servitia autem quæ ex coactione quadam habent originem, et deinde libere exhibentur Altissimo, placent ei. *Nunc autem in manu tua sumus : quod tibi bonum et rectum videtur, fac nobis.* *Fecit ergo Josue ut dicerat, et liberavit eos de manibus filiorum Israel, ut non occiderentur. Decevitque eos in illo die, esse in ministerio cuncti populi et altaris Domini, evedentes ligna et aquas comportantes usque in præsens tempus, in loco quem Dominus elegisset.* Videntur Gabaonitæ isti et eis associati, non fuisse tam malitiosi, execrati et obstinati, ut alii Chananæi : ideo Dominus eis misertus est, atque modo præfacto ad salutem perduxit eosdem. Nempe C de aliis infra fertur : Domini sententia fuit, ut indurarentur, et non mererentur ullam elementiam.

* *terrore*

Quæritur, an Josue et duces populi tenebantur servare juramentum præfatum. Videtur quod non, quoniam fraude mendaciisque decepti sic juraverunt. Fraus autem et dolus non debent alicui suffragari. Item non intendebant Chananæis propinquis, sed remotis et extraneis, juramentum facere ac promissum. Ad quod dicendum, quod sicut ex præhabitis innoteseit, Deo disponente, accidit ista historia ; et quoniam Gabaonitæ jam inceperunt ad Deum Israel se convertere, cumque de cetero colere intenderunt, fuit eis fides ista in promissione et juramento servanda. Nec exemplare fuisset aut decens, quod filii Israel statim in suo ingressu promissionem suam ac juramentum fuissent transgressi. Hinc circa hoc loquitur Augustinus : Noluerunt frangere jurationem, quamvis perceperunt Gabaonitas esse mentitos : et parere maluerunt, quamvis dicere potuissent se illis

Josue xi, 20.

II Reg. xxi,
1, 5-9.Sensus
mysticus.

jurasse, quos de longinquo crediderant esse. Deus autem approbavit, quod illis perpercerunt, quia et tempore David graviter vindicavit in semine Saul, quod Gabaonitas injuste oppresserat, ut secundo Regum describitur; et quamvis crediderunt Gabaonitas esse de terra remota, tamen juraverunt personis quæ sua emendatione venia erant dignæ.

Juxta mysticum intellectum, per reges Amorrhæorum in montanis et campestribus morantes, designantur tyranni cum perfidis satellitibus suis, qui Christi Evangelio cornuscante ac cœlitus per diversa prodigia confirmato, nequaquam compuncti sunt, sed pari impietate conjuraverunt extinguere legem plebemque Salvatoris. Porro per Gabaonitas figurantur pusilli et imperfecti, qui ex timore respiscunt a vitiis, metuuntque damnari: ideirco cupiunt pro se orari, atque obsequia quædam præstant Ecclesiæ, et eleemosynas faciunt, et offerunt munera Dei ministris: sed in suis viciis perseverant, mores sæculares et

vitia carnis non deserunt, maluntque mentiri et fallere, quam pro justitia mori. Hinc inter electos non computantur, quamdiu sunt tales: nec tamen omnino separantur ab eis: nam fide et pia quadam inclinatione, imo per exteriora quadam opera, ex suo genere bona, appropinquant veraciter virtuosus. Quod si queratur, cur Rahab cum sua cognatione statim adjuncta est filiis Israel, et in societatem plenam accepta magis quam Gabaonitæ: Origenes respondet, quod Rahab magis perfecte cum suis credebat in Deum, et exploratoribus plena devotione beneficia impendebat. Docemur quoque ex isto capitulo, quam diligenter ac fideliter juramenta et promissa sint adimplenda, præsertim quæ ex proposito absque circumventionem atque fallacia emittuntur. Rursus ex dietis instruimur, in magnis ac dubiis causis ac casibus ex abrupto nil agere, sed superiores ac sapientiores consulere, atque divinam directionem, illuminationem, et opem cum omni fiducia perseveranter invocare et exorare.

ARTICULUS XVII

EXPOSITIO CAPITULI DECIMI: QUÆ QUUM AUDISSET REX JERUSALEM.

Josue ix. 17.

PROCESSUS præliorum Israeliticæ plebis nunc recitatur. *Quæ quum audisset rex Jerusalem, quod scilicet cepisset Josue Hai, et subvertisset eam, etc., et quod transfugissent Gabaonitæ ad Israel, et essent federati eorum, timuit valde. Urbs enim magna erat Gabaon, et una regalium civitatum, et major oppido Hai, omnesque bellatores ejus fortissimi.* Et ita apparet, quod specialem habuit regem, qui etiam præerat tribus urbibus præcedenti capitulo nominatis, quæ erant Gabaonitis subjectæ. *Misit ergo Adonisedec rex Jerusalem, ad Oham regem Hebron, et ad alios reges tres qui in littera exprimuntur, di-*

cens: Ascendite ad me, et ferite præsidium, ut expugnemus Gabaon, id est urbem et populum illum, quare transfugerit, id est ob hoc, quod contra voluntatem nostram transfugit, ad Josue et ad filios Israel, infideliter agens in hoc cum suis finitimis. Congregati igitur ascenderunt quinque reges Amorrhæorum. Amorrhæus hic sumitur non determinate pro una de septem gentibus, quarum terras Israeli Deus promisit, sed communiter pro quacunque illarum gentium seu pro omnibus, aut pluribus earum, quemadmodum et Chananaeus accipi solet. Habitatores autem Jerusalem dicebantur proprie Jebusæi. *Simul cum*

exercitibus suis, et castrametati sunt, id est, tentoria sua et turmas fixerunt, circa Gabaon, oppugnantes eam. Habitatores autem Gabaon obsessi, miserunt ad Josue, et dixerunt, per internuntios: Ne retrahas manus tuas ab auxilio servorum tuorum. Ascende cito et libera nos, tanquam tibi confederatos ac subditos. Conveniunt enim adversum nos omnes reges Amorrorum, qui habitant in montanis. Ascenditque Josue de Galgalis, et omnis exercitus bellatorum cum eo, viri fortissimi.

Dixitque Dominus ad Josue: Ne timeas eos, videlicet quinque reges illos, eorumque populos. In manus enim tuas tradidi illos. Nullus resistere tibi poterit. Quemadmodum circa hæc loquitur Augustinus, Dominus non consultus, nec interrogatus a Josue, ultro offert se ei, et pergenti ad subveniendum confederatis, prædicat et promittit victoriam. Ex quo etiam trahitur, quod Deo complacuit, filios Israel servasse Gabaonitis promissa. Irruit itaque Josue super eos repente, tota nocte ascendens de Galgalis. Et conturbavit eos Dominus a facie Israel: id est, mox ut reges illi et eorum ministri viderunt filios Israel super se venientes, Deus omnipotens perterrituit, stupefecit, et quasi amentia fecit corda ipsorum: contrivitque plagam magnam in Gabaon, id est, filiis Israel dedit potestatem interficiendi plurimos illorum circa oppidum Gabaon, et persecutus est eos per viam ascensus Bethoron, et percussit usque Azeca et Maceda: id est, per manus filiorum Israel ita persecutus est fugientes, et multos in ipsa fuga occidit in locis et urbibus jam expressis. Quumque fugerent filios Israel, et essent in descensu Bethoron, qui nondum occisi erant, Dominus misit super eos lapides grandes de caelo aereo, id est grandinem tantæ quantitatis atque duritiæ, quod etiam armatos occidit: et mortui sunt multo plures lapidibus grandinis, quam quos gladio percussissent filii Israel. Per quod evidentissimum fuit, totum istud fuisse opus Omnipotentis, tantam videlicet stragem es-

se factam in fortissimis illis pugnatoribus Chanaanæis, quibus ante nulla gens quivit resistere.

Tunc locutus est Josue Domino, id est ad Dei honorem et gloriam, cui et gratias egit de beneficiis tantis, in die qua tradidit Amorrorum, id est præfatos reges ac populos Amorrorum, in conspectu filiorum Israel, in quorum adspectu tradidit illos morti et fugæ. Dixitque coram eis, id est præsentibus ac audientibus filiis Israel, ut instans miraculum innotesceret magis, et filii Israel principi suo subjectiores existerent, videntes quod Deus altissimus propter eum tanta efficeret: Sol contra Gabaon ne movearis, et luna contra vallem Aialon. Ex hoc videtur, quod istud factum sit in plenilunio aut circiter, die jam advesperascente, hora qua luna circa orientem apparuit, et ascendit, suoque motu tendebat ex adverso vallis, quæ erat circa locum aut oppidum Aialon, sol vero cepit occumbere, et descendendo quasi ex opposito Gabaon declinare, secundum quod apparebat a loco, in quo Josue stetit, quando hæc dixit. Direxit autem sermonem ad solem et lunam, non quod planetæ illi verba ejus intellexerint, nisi forte cum Judæis quis dicat, quod sint animati et intellectualis naturæ: sed direxit verbum ad eos, ad insinuandum quod universa creata obediunt Deo, et quasi audiunt ejus imperium. Itemque ad excitandum propriam devotionem et contemplationem ex appellatione harum celestium creaturarum, sicut et nos quotidie psallimus: Laudate eum, sol et luna, etc. Sed cur Josue dixit ad lunam, ne moveretur, quam ejus statio non profuerit ad debellandum adversarios Dei ac Israelis? Dici potest, quod ideo, ut ordo celestium motuum minus immutaretur, vel ut omnipotentia Creatoris præclarius commendaretur in isto miraculo, ad sui ipsius honorem, et hominum informationem.

Steteruntque sol et luna: quod fuit miraculum, soli omnipotenti Creatori possibile: quoniam, ut divinus protestatur Dionysius

in epistola ad Polycarpum. Motus coelestium A corporum immutare, Deo est proprium : *dumque ulcisceretur se gens de inimicis*, id est usque ad finem praelii hujus, in quo Israelitica plebs vindictam exercuit in Chanaanæos, qui Israelitarum interfectionem optabant et machinabantur, terramque filiis Israel divinitus repromissam, possidebant injuste. *Nonne scriptum est hoc in libro Justorum?* quasi dicat, Utique. Per quod insinuat auctor magnitudinem hujus miraculi, certitudinem quoque veritatis historiae de eodem : tanquam dicat, Prodigium istud tale ac tantum atque tam vere est factum, ut in libro contineatur Justorum. Porro, quid per librum Justorum intelligendum sit, infra tangetur. *Stetit itaque sol in medio cæli*. Ex hoc quidam concludunt, quod sol tunc erat in summo motus sui ascensu et puncto meridionali : quod stare non potest, tum quia (ut aliqui dicunt) factum est signum istud in plenilunio seu tempore oppositionis, in quo luna non apparet super terram hora meridiei, sed circa vesperam : tum quoniam C non est verisimile, quod Josue petierit solem stare, diemque prolongari, nisi sole ad occasum propinquo : tum quia Magister in historiis contestatur, Videns Josue solem descendente ad occasum, et lunam ascendente, timens ne beneficio noctis evaderent hostes, clamavit ad Dominum, Sol contra Gabaon ne movearis : tum quia in textu subjungitur, Et non festinavit occumbere : quo constat, quod erat circa occasum. Medium ergo cæli nunc appellatur, pars orbis seu sphaeræ solis supra nostrum horizontem apparens, contenta inter hemisphaerii puncta. *Et non festinavit occumbere*, id est, immobilis stetit, *spatio unius diei* artificialis, qui habet duodecim horas, præsertim in æquinoctio.

Non fuit ante et postea tam longa dies, loquendo de die qui dicitur latius seu motio solis super nostrum horizontem : tamen de horum intellectu verborum infra magis dicitur : *obediente Domino voci hominis*, id est, Deo altissimo in exhibitione

hujus miraculi se habente per vocem * obedientis. Nam Josue procurando istud prodigium, locutus est imperative magis quam exorative, dicendo, Sol ne movearis : quod imperium quamvis sit factum soli et lunæ, non Deo, Deus tamen hoc ipsum implendo dicitur etiam voci hominis, id est verbis his Josue, obedisse : quia quod soli et lunæ præcipiebatur a Josue, Deus effecit, faciens solem et lunam stare. Denique quod ait, *Stetit itaque sol in medio cæli*, de luna quoque est intelligendum, quoniam aque diu steterunt. Dicitur etiam Deus voci hominis obedisse, sumendo obedientiam extense pro quadam condescensione. Sic enim superior dicitur inferiori obedire, dum ejus voluntati acquiescit et condescendit. Proprie autem, obedire respicit pro objecto præceptum superioris. Sed et valde congruenter Deus sic obediit voci Josue, quoniam ipse Josue obedientissimus fuit Deo : quia (ut dictum est) non recessit ab omnibus Dei præceptis, nec ad dexteram nec ad sinistram, nec dimisit quidquam intactum ex omnibus quæ Moyses jussit. Hanc autem obedientiam, seu condescendentiam Dei, homo suo modo meretur Deo plenarie obediendo. *Et pugnavit pro Israel*, id est, ipso Domino ista mirabilia faciente in subsidium filiorum Israel, ad expugnandum hostes eorum. Pro eo autem quod nostra translatio habet, Obediente Deo voci hominis, Septuaginta interpretes transtulerunt, Nunquam sic exaudivit Dominus. Per quod insinuari videntur duo : Primum, quod ante Josue non contigit tale in corporibus coelestibus signum. Secundum, quod nullus hominum ante Josue fecit tam grande miraculum, neque tam imperialiter.

Reversusque est Josue cum omni Israel in castra Gulgathæ. Hoc idem in fine hujus capituli scriptum est : unde nunc per anticipationem videtur dictum. *Fugerant enim quinque reges, et se absconderant in spelunca urbis Maceda*. Nuntiaturque est Josue ab aliquibus de populo suo, quod *inventi essent quinque reges*, de quibus in

* modum

Josue 1. 7;
viii, 35.

principio hujus capituli dictum est, *latentes in spelunca Maecda*. Quæ spelunca fuit non remote ab urbe sic nominata, et in ea reges illi post fugam se absconderunt, ignorantibus filiis Israel, qui undique perquirendo tandem invenerunt reges illos ibidem. *Qui precepit sociis, et ait: Volrite sara ingentia ad os speluncae, et ponite viros industrios, qui clausos custodiant. Vos autem nolite stare, sed persequimini hostes, et extremos quosque fugientium cadite. Nec dimittatis eos urbium suarum intrare presidia, quos tradidit Dominus Deus in manus vestras. Cæsis ergo adversariis, et usque ad internecionem pene consumptis, hi qui Israel, id est populum Israeliticum, effugere potuerunt, ingressi sunt civitates munitas.* Ut enim recitat Josephus, et in Scholastica habetur historia, Chanaanæ fecerunt sibi plures munitiones pervalidas, a die qua perceperunt filios Israel de Ægypto egressos ad terram Chanaan obtinendam: et illas munitiones non obtinuerunt filii Israel, nisi longo tempore et magno labore, sed omnem circa regionem interim vastaverunt. *Reversusque est annis exercitus Israel, qui hinc inde fugientes fuerat persecutus, ad Josue in Maecda, id est prope urbem illam tunc nondum captam, sani et integro numero: quod fuit prorsus mirabile, quod nullus eorum læsus fuit aut interfectus a tot millibus hostium. Nullusque contra filios Israel mutire ausus est.* Quomodo verum est hoc, quum sequenti capitulo legantur tam multi reges ac populi contra eos venisse ad prælium? Et respondendum, quod nullus eorum qui in præfato fuerunt exercitu, et adhuc superstites erant, contra filios Israel loqui audebant, vel die illo quo contigit prælium istud. Deinde in textu describitur, qualiter Josue jussit quinque reges de specu educi, eorumque colla a principibus Israel conculcari, deinde occidi, patibulisque affigi. *Eodem die Maecdam quoque cepit Josue, et percussit in ore, id est acumine læsioneque, gladii, regemque illius interfecit, omnesque habitatores ejus.*

Deinceps in textu narratur, qualiter cepit Hebron, et regem ejus occidit: quod potest intelligi de rege Hebron, quem cum aliis regibus jam præfatis suspendit, vel de rege quem urbs illa interim sibi constituit, puta de filio, aut alio successore regis illius: siquidem inter quinque regum illorum suspensionem, et hanc Hebron captiorem, notabile fluxit tempus. Hanc tamen urbem legitur Caleb vastasse, et quosdam delevisse ex ea, ut patet infra, et in libro Iudicum: et forte nunc factum est, B quod tunc factum narratur, vel vastavit eam magis quam ante erat vastata. *Percussit itaque Josue omnem terram montanam, et meridionam atque campestem, id est habitatores terræ, et Asedoth cum regibus suis. Non dimisit in ea ullas reliquias, sed omne quod spirare poterat, interfecit, id est omnes homines ibi viventes, non parens ætati nec sexui: jumenta vero acceperunt filii Israel sibi in spolia: a Calesbarne usque Gazam, videlicet ab extremo in extremum, quantum ad longitudinem terræ promissionis ab oriente versus occasum. Omnem terram Gosen usque Gabaon, universosque reges et regiones eorum uno impetu cepit atque vastavit.* Non simpliciter uno impetu numero atque continuo, aut una die, sed uno impetu per temporum intervalla continuato, protracto seu consummato: quoniam ut sequenti fertur capitulo, Multo tempore contra istos pugnabit, Dominus autem Deus Israel pugnabat pro eo. *Reversusque est cum omni Israel ad castra in Galyala.* Cur autem omnipotens Deus voluit bella illa sic protrahi, quum potuerit omnes una hora adversarios filiis Israel plenissime tradere, Moyses docuit, dicens: Ne crescant et multiplicentur contra te bestię agri.

Circa præhabita quaeritur, quid intelligatur in Scriptura canonica per librum Iustorum. Ad quod respondendo dico, prout nunc occurrit memoriæ, quod in Scripturis canonicis in duobus locis fit mentio de hoc libro: secundo Regum, et item Josue II Reg. i, 18.

Josue xv,
14.
Judic. i, 20.

Josue vi,
18.

Deut. vii,
22.

istoria circa exordium secundi Regum sic dicitur: Liber Justorum non habetur, sicut nec plurimi libri quorum fit mentio in veteri Testamento: quos a Babyloniis credimus esse combustos. Et circa eundem locum recitat Lyra: Aliqui dicunt, quod liber Justorum sit specialis liber, qui non habetur, quoniam Esdras reparans bibliothecam a Chaldaeis incensam, non reparavit omnes libros, ut patet de libris Salomonis, quos fecit de naturis animalium et herbarum, et de libris Nathan prophetae et Ahiae Silonitis, qui secundo Paralipomenon allegantur libro, nec tamen habentur, quia non fuerunt reparati. Recitat quoque in expositione hujus capituli: Aliqui doctores catholici dicunt, quod iste liber non pervenit ad nos, quia non est translatus in Latinum. Quod reprobatur, addens, Hoc non videtur convenienter dictum, quia saltem esset vel fuisset apud Hebraeos: quod expositores eorum non dicunt, sed magis contrarium. Quidam vero per librum Justorum, intellexerunt librum Regum, in quo de multis justis fit mentio: quod non videtur idonee dictum, quia in secundo Regum allegatur liber Justorum tanquam distinctus a libro Regum, nec apparet quod idem liber alleget se ipsum. Denique liber Regum editus est post Josue librum per centenaria multa annorum. Ideo nec verum apparet, quod quidam librum Justorum dicunt librum duodecim Prophetarum, eo quod in Habaene scriptum sit, Sol et luna steterunt in habitaculo suo: sed hic scribitur, Steteruntque sol et luna. Nonnulli per librum Justorum, intelligunt Moysis Pentateuchum. Quidam autem legunt Justorum neutraliter, dicentes, Librum justorum, quoniam agit de his quae justa sunt: per quem librum quidam intelligunt Exodum, in quo judicia et praecepta traduntur.

Porro, ut refert Lyra, Rabbi Salomon et Hebraei librum Justorum dicunt esse Genesis librum, in quo virtutes et opera Abraham, Isaac et Jacob, qui fuerunt praecipue justi, scribuntur. Contra quod duplex oc-

currit objectio: Prima, quia si ideo liber ille vocatur liber Justorum, multo magis primus Paralipomenon dici posset liber Justorum, quia in libro illo fit mentio etiam de ipsis Abraham, Isaac et Jacob, Moyse et Aaron, et aliis innumerabilibus justis. Secunda, quia in Genesi non est scriptum istud de statione solis et lunae sub Josue. Nec videtur valere, quod dicunt hoc scriptum esse in Genesi in verbis benedictionis Ephraim, in qua Jacob sic ait, Semen ejus crescet in gentes, vel, ut in Hebraeo dicunt haberi, Semen ejus congregabit gentes: quod dicunt impletum in Josue Ephrataeo, quia quum dixit, Sol ne movearis, filii Israel fuerunt congregati ad audiendum hoc verbum, ut patet in littera. Sed istud videtur debiliter dictum, ut ideo statio solis et lunae dicatur scripta in Genesi, quoniam ibi de Ephraim seu Josue Ephrataeo praedictum est, quod crescet in gentes, vel congregabit gentes. Nam et Josue congregavit populum seu tribus Israel valde frequenter.

Itaque ad videndum quid sit liber Justorum, attendenda sunt verba Scripturae, in quibus liber ille allegatur: de quo in isto capitulo continetur, Steteruntque sol et luna, etc. Nonne scriptum est hoc in libro Justorum? Per quod insinuari videtur, quod ista historia hic descripta de supernaturali statione solis et lunae, scripta sit in libro Justorum. Secundo quoque Regum libro sic legitur: Planxit autem David planetum hujusmodi super Saul et super Jonathan filium ejus, et praecipit ut docerent filios Juda planetum*, sicut scriptum est in libro Justorum. Hinc apparet, quod liber Justorum posset intelligi tota Scriptura canonica, quae sic appellatur unus liber totalis, quomodo appellatur una scriptura et una scientia seu doctrina, et in qua fit mentio copiosa de justis hominibus, justisque rebus. Nec obstat quod specialis locus Scripturae alleget generalem Scripturam: quasi dicat, Istud tam verum est, ut in canonica contineatur Scriptura, et ad eam pertineat. Attamen potest defendi, quod liber Gene-

I Esdr. v, 17: vi, 1.
II Mach. ii, 13.

III Reg. iv, 33.
II Par. ix, 29.

II Reg. i, 18.

Habac. iii, 11.

Gen. xlviii, 19.

II Reg. i, 17, 18.

* arcum

seos dicatur liber Justorum, quia in eo antiquissimorum et priorum ac præcipuorum justorum vera facta, præcepta et documenta describuntur diffuse, non solum Abrahamæ, Isaac et Jacob, sed et Melchisedech, Lot, Noë, Enoch, Enos, Seth et Adæ. Tamen in libro Geneseos nequaquam scriptum videtur, quod nunc ex secundo Regum est allegatum: ideo non apparet quod in Scripturis per librum Justorum intelligatur Genesis liber.

Consequenter quaeritur de supernaturali hac statione solis et lunæ, quot horis fuerit prolongatus hic dies, et an fuerit longior die illo qui sub Ezechia rege, quarto Regum libro et in Isaia legitur prolongatus, non per solis stationem, sed retrocessionem et regressionem. Circa hanc questionem sunt variae opiniones, præsertim quoad partem ejus secundam: siquidem quantum ad primam ejus partem, satis concorditer dicunt expositores, quod dies ista sub Josue, prolongata sit spatio diei unius artificialis. Non tamen est certum per quot horas, quia non scitur quo mense anni facta sit prolongatio ista. Quamvis enim dicatur communiter, quod dies artificialis duodecim habeat horas, tamen secundum diversitatem locorum et temporum continet plures horas, loquendo de horis quibus sol nostrum illuminat horizontem.

Præterea, quantum ad secundam questionis istius partem, diversa est doctorum et expositorum opinio, secundum quod super Isaiam narravi. Quidam enim, ut Andreas et eum sequentes, dicunt, in horologio Achaz, duas lineas unam horam fecisse, et consequenter diem illum non nisi per decem horas esse protractum, videlicet quinque horis per solis retrocessionem, et totidem per solis regressum ad idem punctum a quo regredi cœpit. Alii dicunt, quod quælibet linea in horologio Achaz, designavit integram horam: tamen opinantur diem illum non esse ultra decem horas supernaturaliter prolongatum, quoniam dicunt solem retrocedendo et regrediendo, duplo celerius solito esse motum: et isti

tenent quod dies ista sub Josue prolongata, fuit longior die prolongato sub Ezechia. Nam dies artificialis ista sub Josue, duravit ad minus per viginti quatuor horas. Sed prætaetæ opiniones refelluntur auctoritate divini et magni Dionysii, a sanctis Apostolis ac apostolicis viris, præsertim a Paulo, imo potissimum a Spiritu Sancto instructi: qui in epistola ad Polycarpum, fatetur et protestatur diem illum sub Ezechia, pene triplicatum fuisse, hoc est, quasi tantam habuisse durationem, quanta est trium artificialium dierum duratio, quæ continent horas triginta sex. Ait quippe in illa epistola: Alia quædam dies secundum continuitatem fere triplicatur. Et sententialiter addit ibidem: Sol, quum esset decima hora diei, id est, quum dies artificialis per decem horas durasset, repedavit ad orientem decem horis, deinde denuo aliis decem horis ad occidentem recurrit, et residuis horis duabus diem conclusit. Ex quibus probatur, quod dies illa artificialis, sit per viginti horas prolongata, atque in toto continuit horas triginta duas. Hæc quidam pensantes, dicunt diem illum artificialem fuisse longiorem isto sub Josue prolongato; et quod in textu hujus capituli scribitur, Non fuit ante et post tam longa dies, dicunt referendum ad tempus quo Josue librum hunc edidit. Nam ista est consuetudo Scripturæ, præsertim in libro isto, ut dicendo, Usque in præsentem diem, vel aliquid tale, notet tempus quo auctor scripsit hunc librum. Denique textus non dicit, Non fuit ante et

post non erit: sed, Non fuit ante et post tam longa dies, scilicet a principio mundi usque ad tempus conscriptionis hujus voluminis. Tamen aliqui probabiliter dicunt, quod prolongatio facta sub Josue, contigit circa æstivale solstitium, quando dies prolixior in terra sancta, quatuordecim est horarum: et diei sub Ezechia prolongatio, circa solstitium evenerit brumale, quando dies prolixior in tertio climate, in quo Jerusalem est situata, decem habet horas. Quo ex fundamento deinceps inferunt diei

IV Reg. xx.
9-11.
Is. xxxviii,
8.

Josue x, 14.

prolongationem sub Josue, diuturniorem A
fuisse quam sub Ezechia.

Sensus
mysticus.

Insuper, juxta mysticum sensum, quem-
admodum quinque reges oppugnare conati
sunt Gabaonitas, eo quod ad Josue ac filios
Israel confugerunt: sic homines vitiosi car-
nales, frequenter persequuntur eos quos
vident ab ipsorum se societate abstrahere,
atque ad Jesum Christum confugere, seque
conjugere virtuosos: et ita qui conver-
tuntur, qui veritatis zelo accendantur et
justitiam sitiunt, novos adversarios adipi-
seuntur, et perversorum incurrunt offen- B
sam. Quid igitur restat eis, nisi ut nuntios
mittant ad Jesum, dicentes, Ne retrahas
manum ab auxilio servorum tuorum? Nun-
tii isti sunt orationes devotæ, aut angeli
sancti custodes nostri, quos invocando ut
orent pro nobis, ad Christum dirigimus.
Iterum nuntii isti sunt homines virtuo-
si, quos rogant imperfecti, ut orent pro
se. Amplius, per hos reges Amorrhæorum,
intelliguntur principes et potestates invi-
sibiles in hoc aere commorantes, qui eos
atrociter tentare nituntur, qui eis in vitiis C
erant subjeeti, et deinceps ex corde adhæ-
rent virtutibus: qui tanto ferventius Do-
minum debent pro subsidio jugiter invo-
care, quanto se sentiunt plus tentari. Quibus
Christus Dominus libenter fideliterque suc-
currit, sicut et Josue Gabaonitis, et hora
sibi placente subito irruit super tentatores
et persecutores justorum, super quos et

lapides grandinis mittit, dum comminatio-
nibus, terroribus, allegationibus Scriptu-
rarum facit eos devinci.

At vero sicut Josue procuravit diem pro-
longari per solis stationem, ut visibiles
hostes prosternerentur, sic Christus vitam
prolongat, lucem gratiæ ac splendorem
virtutum continuat suis electis, quousque
aciem vitiorum ac rabiem demonum va-
leant expugnare: tempus quoque evange-
licæ legis et gratiæ protrahit, quousque
electorum numerus compleatur. Quemad-
modum etiam reges victi ac fugientes, in
spelunca se absconderunt, sic demones
victi, latent confusi: et sicut super regum
illorum colla fecit Josue principes belli
suos ponere pedes, et colla calcare illo-
rum, dicens, Sic faciet Dominus omnibus
inimicis vestris: sic Christus suis præ-
stat virtutem et efficaciam calcandi super
serpentes et scorpiones, et super omnem
virtutem inimici, prout in Evangelio con-
testatur. Postremo, sicut Josue urbes Cha-
nanaeorum evertit, et nullas in eis dimisit
reliquias, moxque easdem Israelitico sub-
didit populo: sic Dominus et Salvator con-
gregationes et societates carnalium impio-
rumque hominum frequenter convertit, in
eis destruens omne esse peccati, passio-
nes et vitia, demonumque effectus: quo
facto, mox subjeit atque incorporat eas
sibi ac suæ Ecclesiæ, et gratiose demora-
tur in eis.

Luc. x. 19.

ARTICULUS XVIII

EXPOSITIO CAPITULI UNDECIMI: QUE QUUM AUDISSET JABIN REX ASOR.

QUANTO Josue plures vicit, tanto famo-
sior factus est, et tanto residui Chana-
næorum magis exterriti sunt, et fortius
nisi sunt ei resistere, congregantes se ad
præliandum concorditer contra eum. Ideo
cognito qualiter superasset quinque reges

D in prælio uno, ut patuit præcedenti capitu-
lo, superstites sunt collecti adversus eum,
sicut capitulum istud nunc recitat. *Quæ-
quum audisset Jabin rex Asor*, id est ur-
bis sic dictæ, quæ fuit metropolis regia
inter regna multa, *misit ad Jobab regem*

Madon, et ad regem Semeron, id est loci A seu oppidi sic vocati, atque ad ceteros qui exprimuntur in littera. Rex etenim Asor habuit principatum super hæc regna, ideo ad ejus imperium convenerunt. *Egressique sunt omnes cum turmis suis*, id est unusquisque eorum cum suo exercitu, *populus multus nimis, sicut arena que est in litore maris*. Sicut, dicit hic similitudinem aliqualem, non æqualitatem, ad insinuandum multitudinem illorum nimium magnam. *Equi quoque et currus immense multitudinis*. Ille est hyperbolicus sermo, ad innuendum quod ultra modum erant ibi multi equi currusque. Porro in Scholastica fertur historia, quod erant duo millia curruum. *Convenerantque omnes reges isti in unum ad aquas Merom*, id est ad locum sic dictum, per quem (ut legitur) transit Jordanis, *ut pugnarent contra Israel*. Ecce quanta est defectuositas, imo malitia, exarcatio et obstinatio cordis humani! Impii isti paulo ante viderunt superadmirabilem stationem solis et lunæ in cælo per unius diei spatium, quod a solo omnipotente Deo fieri potuit; nec tamen compuncti sunt, nec moti ad fidem, sed Deo ac populo Israel adhuc se opponere præsumperunt. Nabuchodonosor, visa incorruptione trium puerorum in fornace ardente, Deum Israel est confessus: similiter Darius rex Persarum, viso quod Daniel a leonibus mansit illæsus. Illi autem, visis seu cognitis tot et tantis mirabilibus, non sunt moti nisi ad resistendum.

Dirigitque Dominus ad Josue: Ne timeas eos. Cras enim hac eadem hora ego tradam D *omnes istos vulnerandos in conspectu Israel*, id est, universos hos faciam vobis succumbere, ita quod occidentur, aut cadentur, aut fugient. Vel ideo ait, Tradam omnes istos vulnerandos, quia pro majori et principaliori parte, vulnerati fuerunt aut trucidati. Dicunt autem expositores, quod ibi fuerunt collecti viginti quatuor reges. *Equos eorum subnervabis*. Equi illi per subnervationem illam, secundum Origenem, occisi sunt. Est autem subnervatio

ingaretatio* per incisionem tibialium nervorum, seu succisio poplitis, id est gennum. *Et currus igne combures*. Cur pius Deus præcepit hoc opus, quod videtur inutile et crudele, id est nocivum? Equi namque poterant filiis Israel esse accommodi, similiter currus: nec equi erant culpæ obnoxii. Ad quod dicendum, quod in detestationem impietatum Chanaanæorum, Deus hæc jussit, et ad majorem præsumptionis eorum, qui in equis et curribus confidebant, confusionem, atque ut ipsi suis rebus et possessionibus punirentur: ut etiam rigor divinæ justitiæ, cujus providentia tunc a pluribus ignorabatur, clarius ac terribilius manifestaretur, et homines Deum tam justum ac rigorosum metuerent. Circa hoc pulchre loquitur Origenes, cujus verba infra tanguntur.

Venitque Josue et omnis exercitus ejus cum eo, adversus illos ad aquas Merom subito, et irruerunt super illos, tradiditque Dominus illos in manus Israel. Itaque percussit omnes, ut nullus dimitteret ex eis reliquias. Fecitque sicut præceperat ei Dominus. Equos eorum subnervavit, currusque combussit igni. Verumtamen, sicut infra habetur, quidam illorum fugerunt, et evaserunt ingrediendo munitissima loca: quomodo ergo non reliquit ex eis ullas reliquias? Ad quod dici potest, quod sit hyperbolicus sermo, ad innuendum multitudinem occisorum: vel potest intelligi de his, quos apprehendere quivit: vel qui evaserunt erant tam pauci, quod aliorum respectu quasi pro nihilo reputantur.

Reversusque Josue victor de bello, statim cepit Asor, et ut infra habetur, succendit, et regem ejus percussit gladio. Cur non affixit eum patibulo, quemadmodum reges de quibus præhabitu est? Forsan ex aliqua miseratione dimisit hoc, vel præfestinantia et occupatione in aliis. Dicunt quoque aliqui, quod rex ille ex prælio fugiens, civitatem suam ingressus fuit, et in ea occisus. *Asor enim antiquitus inter omnia regna hæc primatum tenebat*. Ideo Josue facta pugna, primo vastavit hanc

* ingaretatio

Dan. 30, 91-100.

Ibid. XI, 23-27.

Josue x, 26.

urbem, quatenus ea destructa, ceterarum A urbium eives diffiderent se posse resistere, et victos se darent. *Percussitque omnes animas quæ ibidem morabantur*, id est omnes homines, non jumenta, nisi quod equos jam subnervavit. *Non dimisit in ea ullas reliquias, sed usque ad interitum vastavit universa, ipsamque urbem peremit incendio, et omnes per circuitum civitates succendit. Reges quoque earum cepit,*

Dent. vii, 2. percussit atque delebit, sicut præceperat ei Moyses famulus Domini, absque urbibus quæ erant in collibus et in tumulis, id est montibus majoribus, sita : quarum quasdam cepit, sed non destruxit, volens eas pro commodo filiorum Israel reservare : quasdam vero non cepit, ut infra habetur. Unam tantum Asor munitissimam flamma consumpsit, id est, urbs illa fortissima, continuato incendio est combusta. Nam rex Asor ceteros contra filios Israel concitavit. *Omnemque prædam istarum urbium atque jumenta diviserunt sibi filii Israel, cunctis hominibus interfectis. Sicut præceperat Dominus Moysi servo suo, ita præcepit Moyses Josue, et ille universa complet.* *Non præterit Josue de universis mandatis ne unum quidem verbum quod jusserrat Dominus Moysi.* In hoc patet mira et magna virtuositas Josue, qui in tot ac tantis pugnis et occupationibus cum tam incessabili diligentia Deo in omnibus obedivit.

Cepit Josue omnem terram montanam et meridianam, terramque Gosen, et planitiem, et occidentalem plagam, montemque Israel, et campestriam ejus et partem montis, quæ ascendit Seir, usque Baalgad D per planitiem Libani subter montem Hermon ; omnes reges eorum cepit, percussit et occidit. Multo tempore pugnavit contra reges istos : quia per sex annos, ejus causa assignata est ante, et ex verbis Caleb infra habendis, patet sic esse. Unde Magister in historiis sic scribit : Quintus annus jam transierat, et sustulit Josue locum castrorum in Silo, transtulitque ibidem tabernaculum Moysis cum omni ornatu suo ob loci opportunitatem. Non fuit

civitas quæ se non traderet filiis Israel. Hoc intelligi potest, secundum Augustinum, de urbibus quas accessit Josue cum exercitu Israel : quæ, cognito excidio Asor, non audebant resistere. Aliquæ tamen manserunt eis non subditæ. Vel dicitur hoc, ad denotandum multitudinem urbium quæ se tradiderunt. *Præter Hevæos qui habitabat in Gabaon,* id est præter Hevæos habitatores civitatis Gabaon et trium urbium ei associatarum, ut superius patuit. *Omnem bellandam cepit :* id est, virtute armorum ad hoc compulsi habitatores oppidorum illorum, quod tradiderunt se Israeli. *Dominus enim sententia fuerat,* id est, Deus justo judicio sic permisit, *ut indurarentur corda eorum,* ita quod ex præfatis miraculis et aliorum dejectionibus non sunt ad aliquam emendationem vel pœnitentiam emollii, *et pugnarent contra Israel,* id est, pugnare conati sunt, et quamdiu potuerunt, restiterunt, donec tandem timore prostrati, se subdiderunt : *ut non mererentur ullam clementiam,* sicut Gabaonitæ, qui licet ex timore inducti sint ad quærendum pacem cum filiis Israel, tamen ad Deum se converterunt, et extra urbes suas, antequam obsiderentur, miserunt ad Josue.

In illo tempore venit Josue, et interfecit Enacim, id est gigantes natos ex semine Enacim, habitantes in locis urbibusque montanis in textu expressis. Qualiter istud sit intelligendum, in expositione præcedentis capituli tactum est. *Non reliquit ullum de semine Enacim in terra filiorum Israel, absque civitatibus Gaza et Geth et Azoto,* id est absque illis qui habitabant in tribus urbibus illis Philistinorum, in quibus solis relictæ sunt quidam de illo genere giganteo. Tamen (sicut præallegatum est) Judicium libro legitur Caleb delevisse tres filios Enac seu Enacim de Hebron : quod vel factum est Josue adhuc vivente atque præsentem, propter quod nunc ei adscribitur : vel dicitur hic per anticipationem, quoniam Caleb ex dispositione Josue, a quo sibi data est Hebron, illos

JOSUE IX, 17.

Ibid. x, 42.

Judic. I, 20.

JOSUE X;
xiv, 7, 10.

delevit, propter quod modo attribuitur Josue. Constat autem quod in libro Judicum quedam scribuntur, quæ contigerunt sub Josue, quamvis liber ille incipiat a gestis post mortem ipsius, quum in Judicum libro dicatur : Dimisit ergo Josue populum. Idcirco quod alio loco Judicum narratur de expugnatione Hebron, filiorumque Enac facta per Caleb, non videtur necesse per recapitulationem accipere, quamvis quidam hoc dicant.

Cepit ergo Josue omnem terram, sicut locutus est Dominus ad Moysen. Supra habetur, quod civitates Philistinorum non obtinuit Josue : sed et Judicum tertio legitur, Hæ sunt gentes quas Dominus dereliquit, id est filiis Israel non tradidit, nec subjecit in toto : Quinque satrapas Philis-

tinorum, omnemque Chananaeum et Sidonium atque Hevaem qui habitabat in monte Libano, etc. Quomodo ergo Josue cepit omnem terram filiis Israel repromissam ? Respondetur, quod omnem terram dicitur cepisse per synecdochen, vel dispositive, seu propter magnitudinem terræ quam cepit : vel omnem quam filii Israel inhabitare, occupareque poterant : aut omnem quam personaliter ad capiendum accessit. *Quæritque terra a præliis* post annos sex, quibus prælia vignerunt, ita quod postea non fuerunt prælia tam communia atque assidua, sicut antea. Fuerunt tamen postea quedam particularia bella tribuum aliquarum contra quosdam Chananaeorum, ut infra in libro hoc et in multis locis libri Judicum recitatur.

ARTICULUS XIX

DE SPIRITUALI INTELLIGENTIA HUIUS CAPITULI UNDECIMI.

QUEMADMODUM recitat Origenes, has C Scripturas quum ante Christi adventum legeret Israel secundum carnem, nihil in his nisi bella et effusionem sanguinis intelligebat : unde etiam ad nimiam ferocitatem animæ eorum maculabantur, semperque bellis et seditionibus pascabantur. Postquam vero præsentia Domini nostri Jesu Christi humanis cordibus placidum scientiæ lumen infudit, sequi pacem nos deceat ex lectione bellorum. Pax etenim redditur animæ, dum hostes ejus, puta vitia et peccata, expelluntur ab ea. Itaque, quemadmodum multo plures reges ac turme Chananaeorum contra filios Israel consurrexerunt, quum ipsi Israelitæ vicissent simul quinque reges in præliis : sic contra Christifideles multo plures invisibilium hostium principes et catervæ insurgunt, dum quidam eorum ab ipsis fuerunt fidelibus victi : et spiritus superbiæ vocat ad

se spiritus diversorum utique vitiorum, spiritum fornicationis, spiritum avaritiæ, spiritum vanæ gloriæ, spiritum gula : qui conveniunt *ad aquas Merom*, ad aquas concupiscentiæ et illecebrarum, quæ amaritudines habent annexas, atque ad æternam acerbiteriam perducunt. Verumtamen Jabin interpretatur sensus seu prudentia : per quod nunc intelligitur immansio seu pertinacia proprii sensus, quæ regnare solet in his qui magni et sapientes sunt in propriis oculis. Ex hoc vitio alia multa gignuntur, et attrahit sibi immansio ista capitalia vitia quasi reges. Similiter per hunc sensum potest intelligi prudentia carnalis et secularis, de qua Apostolus, Prudentia, inquit, carnis, mors est. Hæc Rom. viii, 6, quippe prudentia non est prudentia vera, sed quedam versutia, qua aliqui vigent ad disponendum sic facta sua ac media, quod desideratos mundi honores, aut carnis il-

lecebras, vel temporales divitias adipiscuntur : sicque ex ea generantur multa et magna peccata, quæ contra milites Christi pugnant. De qua Jacobus ait apostolus : Non est sapientia ista a Deo, sed terrena, animalis, diabolica.

Jacob. iii,
15.

Denique, ista prudentia et peccata quæ ex ea nascuntur, equos habent et currus multitudinis infinitæ, quia innumerabiles sunt, in quorum cordibus resident et vehuntur : qui omnes sunt subvertendi, quia eorum corpora castiganda sunt et domanda, imo cum vitis et concupiscentiis eruefigenda, ut peccato ultra non serviant. Quocirca loquitur Origenes : In libro Numerorum leguntur filii Israel asinos Madianitarum quos occiderunt, suis usibus reservasse, nec subnervasse : equi vero Chananeorum, a Deo subnervari jubentur. Putamus hæc fortuito accidisse, et in præceptis divinis fortuita aliqua arbitramur incidere ? An dignius videtur, ut potius æstimemus Scripturam in his aliquid mysticum indicare ? Præsertim quoniam filii Israel nunquam legantur equis usi fuisse, et lex nihil de equis, sed de asinis mandat, tanquam de animalibus quæ ad onera hominum deportanda, et ad humanos labores juvandos necessaria videntur existere : equi vero, qui magis ad hominum perditionem quæ in bellis geritur, assumuntur, sunt animalia lascivi motus et superbæ cervicis. Hinc asini videntur mihi servare figuram eorum qui ex gentibus crediderunt : super quos Dominus sedisse describitur, qui et discipulos misit ut sibi pullum asinamque adducerent. Per equos vero, lascivi designantur atque superbi, qui Christum in cordibus suis non portant. Hæc Origenes.

Joann. xii,
14.
Matth. xxi,
2.

Cras hæc eadem hora ego tradam omnes istos vulcerandos in conspectu tuo. Quidam converti et religionem ingredi contremiscunt, quia diffidunt se posse consueta relinquere vitia, et quasi impossibile arbitrantur a voluptatibus penitus abstinere. Sed isti non jaectant cogitatum suum in Domino, nec sperant in eo apud quem

Ps. lvi, 23.

A omnia possibilis, imo facillima sunt, quæ apud homines impossibilia reputantur. Ipse namque per gratiæ et virtutum infusionem sic roborat hominem, ut simul et semel universa peccata, quibus servivit, dejiciat et expellat, vitiorumque principes demones vulneret sive debilitet : quia dum per caritatem unum peccatum mortale expellitur, omnia simul labuntur : spiritusque maligni, qui paulo ante dominabantur in anima, fugiunt jam ab ea. Propter quod ait Scriptura : Resistite diabolo, et fugiet a vobis. Itemque : Deus conteret Satanam sub pedibus vestris velociter. Quod dum fit, pereunt invisibiles hostes nostros : perentimus plane, quando ferventer oramus, quando in Deo indeficienter confidimus, dum corda nostra in humilitate stabiliter profundamus, et carnem spiritui servire compellimus, et tanto instantius tentationi omni resistimus, exercitiisque virtutum insistimus, quo acrius impugnatur.

Matth. xix,
29 : Luc. i,
47 : xxiii, 27 :
Marc. x, 27.

Jacob. iv, 7.

Rom. xvi,
20.

Reversus Josue, cepit Asor, et regem ejus percussit gladio, ipsamque urbem peremit incendio, et omnes per circuitum civitates. Possent hæc omnia de Christo per allegoriam faciliter ac diffuse exponi, quoniam ipse in Evangelio protestatur : Ignem veni mittere in terram, et quid volo nisi ut accendatur ? Denique, ipse Dominus Deus noster ignis consumens est. Ipse iniquorum et infidelium mentes et congregationes saluberrime inflammavit, et opera inimici dissipavit in eis, non relinquens in eis ullas reliquias, quia principem hujus mundi eiecit foras, et vasa ejus diripuit, consecrans ea in habitacula Spiritus Sancti. Absque urbibus quæ erant in collibus et in tumultis. Quoniam eos qui in suis superbis et rebellionibus fuerunt et manserunt penitus obstinati sicut tyranni, reprobi quoque Judæi, et plurimi sapientium hujus sæculi, justo reliquit judicio. Ceterum omnem terram cepit ac debellavit Dominus Jesus per paucos Apostolos suos. Debellavit, inquam, non eloquentia Tulliana, non philosophicali scientia, non per armorum

Luc. xii, 49.

Deut. ix, 24 :
Hebr. xii,
29.

Joann. xii,
31.
Marc. iii,
27.

violentiam, nec per humanam potentiam, neque per magicas artes : sed per signa, prodigia atque miracula, per Scripturas veteris Testamenti, per evidentissimas et exemplarissimas virtutum excellentias universarum, per summa ac supernaturalia prorsus charismata Spiritus Sancti. Insuper filios Enacim, puta gigantes, de terra promissionis delevit. Qui sunt isti gigantes, nisi imperatores et reges superbissimi atque sævissimi, potissimum Romanorum et Persarum, qui multis annorum curculis, imo per centenaria quædam annorum. E-

Postremo, circa hæc loquitur Origenes : Ideo Deus permittit, et propemodum incitat adversarias virtutes exire in prælium contra nos, ut nos victoriam capiamus, et illi interitum consequantur. Unde mihi videtur infinitus quodammodo esse numerus contrariarum virtutum, videlicet demonum, pro eo quod per singulos pene

A homines sunt spiritus aliqui, diversa peccatorum genera molientes in eis. Verbi causa : est aliquis spiritus fornicationis, sic et avaritiæ alius spiritus est, et alius superbiæ ; et si quis hominum omnibus his peccatis aut etiam pluribus agitetur, putandus est in se habere omnes spiritus hos malignos : unde per singulos, plures esse credendi sunt. Unde puto principem fornicationis esse unum, innumeros vero spiritus ei parere in hoc ; similiter iracundiæ principem spiritum puto unum, innumeros vero sub ipso agentes. Quorum exercitum (ut puto) sancti dirimunt : superant eos, ita ut is qui ab aliquo sancto est victus, non ultra possit impugnare alium hominem : consequensque videtur, quod singuli quique spiritus nequam, quum vincuntur a sanctis, abducantur in abyssum, aut in tenebras exteriores, aut alium in locum debitum eis. Hæc quæ ex Origenis homilia breviter introduxi, plenius continentur in Glossa. Verumtamen ultimum istud, quod ait, dæmonem scilicet semel victum, ultra non posse aliquem impugnare, incertum est, præsertim quum de Christo Evangelista testetur, quia consummata omni tentatione, diabolus recessit ab eo ad tempus. De hoc alibi plenius scripsi.

Luc. iv, 13.

ARTICULUS XX

EXPOSITIO CAPITULI DUODECIMI : HI SUNT REGES QUOS PERCUSSERUNT FILII ISRAEL.

ENUMERANTUR hic reges quorum regna obtinuerunt filii Israel, et primo enumerantur duo reges, quorum regiones obtinuerunt sub Moyse. *Hi sunt reges quos percusserunt filii Israel, et possederunt terram eorum.* Qualiter autem filii Israel occiderunt hos duos reges, eorumque populos, scriptum est in Numeris et in Deuteronomio. In Deuteronomio tamen habetur,

quod Moyses percussit unam istorum, scilicet Og regem. Sed sive propria manu hoc fecit, sive per manus filiorum Israel, percussio horum regum adscribi potest tam Moysi, tanquam principi, quam filiis Israel, tanquam exercitui, quia se invicem adjuverunt, et percusserunt terram eorum. *Trans Jordanem ad solis ortum,* quoniam territoria regum illorum, sunt in parte

Numer. xxi, 21-23; 33-35. Deut. ii, 26-37, ubi 1-11

orientali respectu terræ Chanaan. Jordanis quippe est terminus terræ promissionis seu Chanaan versus orientem. *A torrente Arnon* : qui torrens vocatur Arnon, de quo Josephus ait : Arnon est fluvius a montibus Arabiæ descendens, et per desertum fluens, atque in stagnum Asphaltiten erumpens. Verumtamen quidam dicunt, quod Arnon nomen sit civitatis in deserto, et aliqui putant quod sit nomen æquivocum ad utrumque. Unde in Numeris inducitur, Arnon terminus est Moab, dividens Moabitæ et Amorrhæos. *Usque ad montem Hermon* : qui mons vocatur Hermon, de quo in Canticis legitur, De vertice Sanir et Hermon ; et fuit in terra duarum tribuum ; et omnem orientalem plagam duorum regum illorum, videlicet Schon et Og, quæ respicit solitudinem, quæ est inter Ægyptum et terram illam.

Schon rex Amorrhæorum, qui habitabat in Hesebon, id est urbe sic appellata, juxta illud Numerorum, Urbs Hesebon fuit regis Schon, dominatus est ab Aroer inclusive, id est ab urbe sic dicta, quæ sita est super ripam torrentis Arnon. Unde in Deuteronomio habetur : Ab Aroer, quæ est super ripam torrentis Arnon, oppido quod in valle situm est. *Et dimidiæ partis in valle*, id est, Schon rex dominatus est mediæ partis in valle præfata, cujus alia pars fuit Og regis, secundum Glossam ; *dimidiæque Galaad*, id est dimidiæ terræ Galaad. *Usque ad torrentem Jaboc* : de quo in Genesi narratur, quod Jacob transivit vadum Jaboc, et non longe ab illo luctabatur cum angelo ; *qui est terminus filiorum Ammon*, id est, regnum Ammonitarum ab una parte finitur juxta torrentem illum. *Et a solitudine jam prædicta*, quæ fuit unus terminus territorii sui, *usque ad mare Ceneroth contra orientem*, id est ex opposito plagæ orientalis, et usque ad mare Deserti, quod est mare Salsissimum, de quo supra fertur : Quæ inferiores erant, in mare Solitudinis, quod nunc vocatur Mortuum, descenderunt : quod ibi expositum est : *ad orientalem plagam, per viam*

quæ ducit Bethsinioth, id est ad locum sic dictum. Dominatus est quoque *ab australi parte quæ subjacet Asedoth*, puta hujusmodi loco, qui forte altior fuit situ, respectu partis australis regni illius, *usque Phasga*, id est usque ad montem sic dictum, qui erat in terra Moab. Unde in Numeris scriptum est : Quumque duxisset eum super verticem montis Phasga.

Consequenter describitur magnitudo regni Og. *Terminus Og regis Basan de reliquiis Raphaim*, id est, qui Og fuit de posteritate gigantum, juxta illud Deuteronomii : Solus Og restiterat de stirpe gigantum : *qui habitavit in Astaroth et Edrai*, id est urbibus, locis seu terris sic appellatis, et dominatus est in monte Hermon, id est in populo qui circa montem hunc morabatur, et in Salecha, id est terra sic dicta, atque in universa terra Basan usque ad terminos Gessuri et Machati, quæ erant aliæ regiones, et usque ad eas pertingebat regio hujus Og. Dominatus est quoque et dimidiæ partis Galaad, quia terra Galaad pro media parte fuit sub ejus ditione, et terminum Schon regis Hesebon, quia medietas illa fuit finis regni Schon ex una parte. Nam una pars Galaad, fuit ipsius Schon, alia hujus Og. *Moyse famulus Domini et filii Israel percusserunt eos, tradiditque terram eorum Moyse in possessionem Rubenitis et Gaditis, et dimidiæ tribui Manasse.*

Consequenter exprimuntur et nominantur reges a filiis Israel interfecti in terra promissionis sub Josue. *Hi sunt reges terræ, quos percussit Josue et filii Israel trans Jordanem ad occidentalem plagam*, id est versus occidentem respectu præfatarum regionum, quæ erant ab alia parte Jordanis, *a Baalgad*, id est loco sic dicto, *in campo Libani*, id est in quo mons Libani situs fertur, *usque ad montem cujus pars ascendit in Seir*, id est usque in Idumæam, ita quod mons ille tam remote protenditur. *Tradiditque eam Josue in possessionem tribubus Israel, singulis partes suas, tam in montanis, quam in planis atque campestribus. In Asedoth*, id est lo-

Num. xxi,
13.

Cant. w. 8.

Num. xxi,
26.

Deut. ii, 36.

Gen. xxxii,
22, 24.

Josue iii,
16.

Num. xxi,
13.

Deut. iii, 11.

eo sic dicto, et in solitudine ac meridie. A *Hethæus fuit et Amorrhæus, Chanaanæus et Pherezæus, Heræus et Jehusæus*, id est, in locis quibusdam deserti terræ istius, vel circa ea et in parte ejus meridiana commorabantur Hethæi, Amorrhæi, Chanaanæi, etc. *Rex Jericho, unus*, id est, rex civitatis Jericho, fuit unus regum illorum : *rex Hai*, id est civitatis sic dictæ, *quæ est ex latere Bethel, unus* ; *rex Jerusalem, unus* ; *rex Hebron, unus* ; *rex Jerimoth, unus* ; *rex Lachis, unus* ; *rex Eglon, unus* ; *rex Gazer, unus* ; *rex Dabir, unus* ; *rex Gader, unus* ; *rex Herma, unus* ; *rex Hered, unus* ; *rex Leba, unus* ; *rex Odollam, unus* ; *rex Maceda, unus* ; *rex Bethel, unus* ; *rex Tappha, unus* ; *rex Opher, unus* ; *rex Aphee, unus* ; *rex Saron, unus* ; *rex Madon, unus* ; *rex Asor, unus* ; *rex Semeron, unus* ; *rex Achsaph, unus* ; *rex Thene, unus* ; *rex Maggido, unus* ; *rex Cades, unus* ; *rex Jachanan Carmeli, unus*. Cognominantur autem hi omnes reges, unusquisque eorum a civitate regni sui principali, et civitatibus illis principalibus erant adjunctæ aliquæ urbes C et villæ, regi principalis urbis subjectæ : et,

ut videtur ex textu elici posse, nominantur hic non secundum ordinem dignitatis, quia rex Asor inter omnes hos reges gessit primatum, ut patuit capitulo præcedenti : sed *Josue XI, 10.* potius secundum ordinem suæ percussio- nis a filiis Israel, saltem pro parte. *Rex Dor et provincie Dor, unus*. Ex hoc videtur, quod iste præfuit urbibus multis, et quod urbs sua principalis, vocata sit Dor : quod item Dor fuit nomen suæ provincie, sicut in multis terris idem est nomen unius oppidi, totiusque patriæ. *Rex gentium Galgal, unus*. Iste fuit rex gentium habitantium in Galgal. Unde vocatur rex gentium, propter multitudinem populi sibi subjecti habitantis ibidem, ita quod Galgal fuit urbs populosa : vel propter diversitatem gentium commorantium ibi. *Rex Thersa, unus*. Omnes reges jam præfati et percussi in terra promissionis, *triginta unus* fuerunt, præter duos prædictos, videlicet Schon et Og. Verumtamen reges isti triginta unus non fuerunt tam magni reges, ut Schon et Og, excepto fortassis rege Asor, qui inter omnia regna ista primatum tenebat antiquitus.

ARTICULUS XXI

EXPLANATIO CAPITULI TERTHDECIMI : JOSUE SENEX PROPECTEQUE ÆTATIS ERAT.

NUNC de terræ divisione fit mentio. *Josue senex propectorque ætatis erat.* D Non est superfluitas in his verbis, quamvis esse senem, et esse propectæ ætatis, soleat accipi pro eodem. Fuit igitur senex prolixitate suæ durationis in vita hac. Fuit quoque propectæ ætatis, quantum ad morum maturitatem et profectum virtutum, in quibus, non obstante inquietudine tanta pugnarum, profecit quotidie. *Et dixit Dominus ad eum per angelum : Senuisti, et longævus es.* Quasi dicat, Tempus est ut impleas quod tibi præcepit de terræ divi-

sione ac distributione filiis Israel facienda. *Terraque latissima derelicta est, quæ unum est sorte divisa* tribubus Israel, *omnis videlicet Galilæa, Philistiim*, id est terra Philistinorum, *et universa Gessuri*, id est regio sic vocata. *A fluvio turbido qui rigat Ægyptum*, id est a Nilo rigante terram Ægyptiorum : qui fluvius ex terræ admixtione hinc inde fit turbidus ; *usque ad terminos Accaron civitatis Philistinorum inclusive, contra aquilonem*, id est versus partem aquilonarem respectu terræ promissæ : *terra Chanaan quæ in quinque*

regulos Philistiim dividitur, id est in quinque partes et urbes principales, ad quinque regulos seu satrapas Philistinorum spectantes. Itaque Philistæa vocatur terra Chanaan, quoniam pertinebat ad terram filiis Israel repromissam, et posteri Chanaan habitaverunt in ea. *Gazaros*, id est regulos seu populos habitantes in Gaza urbe Philistiim, et *Azotios*, qui habitabant in Azoto. *Ascalonitas*, qui habitabant in Ascalone. *Gethæos*, qui morabantur in Geth. et *Accaronitas*, qui manebant in Accaron. Istæ fuerunt quinque urbes Philistinorum præcipuæ.

Ad meridiem vero sunt Heræi, qui in parte meridionali degebant, *omnis terra Chanaan*, id est residuum totius terræ hujus nondum obtentum, ejus jam magna pars fuit filiis Israel subjugata. et *Madera*, id est terra seu regio *Sidoniorum* sic appellata, usque *Apheca*, id est usque ad locum sic dictum, et usque ad terminos *Amoræi*, ejusque confinia, quæ erant ab alia parte Jordanis, et data jam erant tribubus Ruben et Gad. *Libani quoque regio contra orientem a Baulgal sub monte Hermon*, donec ingrediaris *Emath*, id est extenta et durans usque iter vel introitum Antiochiæ. *Omnium qui habitant in monte a Libano usque ad aquas Maserephot, universique Sidonii*.

Ego sum qui delebo eos a facie filiarum Israel, id est, omnes has nationes et gentes filiis Israel subjiciam, aut per eos occidam, seu de terra eorum expellam. Verumtamen in toto veteris Testamenti tempore non fuerunt gentes istæ in toto deletæ a terris jam dictis. Nec ante tempora David et Salomonis fuerunt omnino subjectæ filiis Israel. Cur autem omnipotens Deus non statim ac simul expulit et delevit eas, præhabuit est, et in Judicium libro tangitur. *Veniat ergo in partem hereditatis Israel, sicut præcepi tibi*: id est, terra ista nondum adepta, dividatur tribubus Israel, ac si nunc esset obtenta, ut et filii Israel sic studeant se habere, quod me auxiliante eam acquirant. *Et nunc divide terram is-*

tam Chanaan quæ partim acquisita est, et partim acquirenda, in possessionem novem tribubus, et dimidiæ tribui Manasse, cum quâ, id est cum ejus tribus altera medietate, *Rubem et Gad*, id est tribus Ruben et tribus Gad, *possederunt terram quam tradidit eis Moyses*, etc. *Ipsæ sunt de reliquiis Raphaim*, id est, Og rex fuit de posteris gigantum, ut dictum est in expositione præcedentis capituli, quia solus restiterat de stirpe gigantum: non quod nulli supererant præter eum gigantes, imo adhuc erant aliqui gigantes in Hebron et Azoto ac Gaza: sed solus supererat de giganteis reliquiis Raphaim commorantibus in Astaroth et Edrai. *Perussitque eos Moyses atque delevit*. *Noluernatque disperdere filii Israel Gessuri et Machati*, id est, gentes in terris illis commorantes, non occiderunt Israelitæ in toto, et in hoc peccaverunt, nec fuit pietas vera, quia contra præceptum Dei, *et habitaverunt in medio Israel*, id est in terra et populo duarum tribuum, usque in præsentem diem. *Tribui autem Levi non dedit possessionem*, id est, Moyses non dedit Levitis hereditariam portionem quemadmodum aliis tribubus, nec etiam Josue: attamen dederunt eis urbes ad habitandum, et suburbana earum ad pecora sustentanda: *sed sacrificia et victimæ Domini Dei Israel*, id est, quæ Deo offerebantur ab aliis tribubus, ipsa est ejus hereditas, sicut locutus est illi. Decuit enim, ut ea quæ Deo offerebantur, venirent in sustentationem et usum ministrantium ei in templo.

Consequenter in speciali describitur, qualiter Moyses divisit regna duorum regum tribubus Ruben et Gad, atque dimidiæ tribui Manasse: et primo, quantum et quas urbes, villas et viculos dederit tribui Ruben, secundum quod in textu exprimitur, ubi inter cetera dicitur: *Universaque regna Schon regis*, quia videlicet aliqua regna sibi subjecit. Porro de divisione facta mediæ tribui Manasse, fertur in textu: *Dedit et dimidiæ tribui Manasse filiisque ejus possessionem, ejus hoc principium est*

Ammanitum, id est locus sic dictus, et *universam Basan*, id est regionem sic nominatam, et *cuncta regna Og regis Basan*.

Ex quo videtur, quod ultra principale regnum Og regis, ipse adhuc vi praelii obtinuerit aliqua regna minora: vel regna dicuntur, partes regni diversae. Interdum etiam ponitur plurale pro singulari, sicut et e converso. In descriptione quoque hereditatis collatae tribui Gad, inter alia dicitur, quod Moyses dedit eis dimidiam partem terrae filiorum Ammon. Contra quod obijci potest, quod in Deuteronomio Dominus ait ad Moysen: Accedes ad vicina filiorum Ammon. Cave ne pugnes contra eos, nec movearis ad praelium: non enim dabo tibi de terra eorum. In Iudicium quoque libro legitur: Misit Jephthe nuntios ad regem filiorum Ammon, dicens: Quid mihi et tibi est, quia venisti contra me? Quibus ille respondit: Quia tulit Israel terram meam quando ascendit de Aegypto. Ad quod Jephthe: Non tulit Israel terram filiorum Ammon. Ad istud patet responsio ex Scriptura. Legitur namque in Numeris, quod

Deut. ii, 19.

Judic. xi, 12, 13, 15.

Num. xxi, 26.

Sehon rex Hesebon pugnavit contra regem Moab, et tulit omnem terram illius usque ad Arnon. Hinc probabiliter dicitur, quod etiam partem regni Ammonitarum vastavit, et terra illa ab eo obtenta, quae antea pertinebat ad filios Ammon, nunc appellatur, Media pars terrae filiorum Ammon, quam filii Israel obtinuerunt, ipso Sehon occiso ab eis. *Tribui autem Levi non dedit Moyses possessionem, quoniam Dominus Deus Israel ipse est possessio ejus*: id est, sacrificia Dei data et reputata sunt Levitis pro hereditaria possessione: *ut locutus est illi*: quia frequenter per Moysen dixit, Ego possessio eorum.

Deut. x, 9.

Sensus mysticus.

Juxta mysticum sensum, per Josue senem et aetate provecum, intelligitur Christus, cujus numerus annorum, secundum deitatem, est inestimabilis, dicente Apostolo: Jesus heri et hodie, ipse et in saecula. Qui testatur: Antequam Abraham fieret, ego sum. Denique, Senectus venerabilis est, non annorum numero computata. Ca-

Hebr. xiii,

Joann. xiii,

58.

Sap. iv, 8, 9.

ni enim sunt sensus hominis, et senectus mentis vita immaculata. Ille verus Jesus et summus Salvator, in primo suo adventu partem Judaeae obtinuit, Judaeorum aliquos convertendo: sed latior pars Judaeae mansit incredula, quam postea per sanctos Apostolos, aliosque discipulos totam convertit. Verumtamen nondum totus orbis terrarum fidem accepit catholicam: sed ante finem saeculi hoc creditur adimplendum, praesertim Antichristo occiso: ejus tamen quidam satellites in obstinatione sua persistent.

Quibus quum dixerint, Pax et securitas, ^{1 Thess. v, 3.} repentinus superveniet interitus: et sic Christus veris Israelitis totum concedet orbem in hereditatem. Porro prima et minor divisio, facta per Moysen duabus tribubus ac mediae, designat primam illam mundi conversionem ad Dominum incompletam. Secunda autem et major divisio facta per Josue, praefiguravit finalem totius mundi ad Christum conversionem, seu etiam universorum sub pedibus ejus subjectionem: ^{Ps. xiii, 8.} quod fiet praecipue in secundo ejus adventu et generali judicio.

At vero per Levitas, quibus non est data terrena possessio, sed Dominus Deus eorum fuit hereditas, praesignabantur religiosi et viri perfecti in evangelica lege, qui despiciunt transitoria et caduca, et omnia propter Deum relinquunt, sequentes Salvatorem in vera paupertate, sancta obedientia, atque omnimoda puritate: et qui studio sapientiae ac virtutum, verboque praedicationis tota mentis diligentia sunt intenti: quorum tota affectio est recollecta in

Deo, ejus contemplationi et actuali dilectioni tam fervide atque assidue vacant, ut ex sententia dicere queant, Dominus pars hereditatis meae et calicis mei. Itemque, Pars mea Dominus, dixit anima mea. Et denuo, Deus cordis mei, et pars mea Deus in aeternum. Isti comparatione aliorum sunt pauci, et frequenter sustentantur fidelium eleemosynis Deo oblatis, sicut eis praedixit. Statuit enim Dominus, ut qui altari deserviant, de altari vivant: et seminantibus spiritualia, vult temporalia ministrari. Per

Ps. xvi, 5.

Thren. iii,

21.

Ps. xlii,

26.

1 Cor. ix,

13.

Ibid. 11;

Rom. xv, 27.

hoc quoque quod Levitis non est possessio A data, Dominus designavit, quod sacerdotes et clerici evangelicæ legis nequaquam debent avaritiæ locum dare, nec beneficia ecclesiastica sibi vitiosissime multi-

plicare, sed simplici victu ac vestitu esse contenti, quatenus terram parvipendendo ostendant veraciter se amare celestia, ac futuram inquirere vitam, sicque ædificent populum. 1 Tim. VI, 8.

ARTICULUS XXII

DECLARATIO CAPITULI QUARTIDECIMI : HOC EST QUOD POSSEDERUNT FILII ISRAEL.

QUALITER et per quos facta sit divisio B terre præmissionis tribubus novem atque dimidiæ, nunc refertur. *Hoc est quod possederunt filii Israel in terra Chanaan*, id est, territorium, quod in sequentibus capitulis recitatur divisum, possederunt tribus præfatæ in terra præmissionis, quæ Chanaan nominatur, *quam dederunt*, id est, a Deo datam assignaverunt *eis* per sortitionem, *Eleazar sacerdos*, qui patri suo Aaroni in pontificatu successit, *et Josue filius Nun*, *et princeps familiarum per tribus Israel*, id est aliqui principales in suis familiis, et in qualibet tribu fuit unus hujusmodi princeps: *sorte omnia territoria illa particularia dividentes, sicut præceperat Dominus in manu Moysis*, id est per ministerium atque eloquium Moysis. Unde in libro Numerorum habetur : Et ait Dominus ad Moysen : Hæc sunt nomina virorum qui terram vobis dividant, Eleazar sacerdos, et Josue, et singuli principes de singulis tribubus : quod exponitur de decem tribubus, quibus terra Chanaan fuerat dividenda, puta de principibus novem tribuum atque dimidiæ. Sed et principes isti, alii erant ab illis, quos Moyses Deo jubente constituit principes tribuum Israel. Imo illi jam erant mortui in deserto.

Duabus enim tribubus et dimidiæ tribui dederat Moyses trans Jordanem possessionem, absque Levitis. Ista est impropria exceptio : quia Levitæ non erant de numero duarum tribuum ac mediæ tribus.

Ideo sensus est, quod Moyses dedit illis tribus præfatam possessionem, sic tamen, quod Levitis non dedit hereditariam portionem. *Qui nihil terre acceperunt inter fratres suos* : hoc est, inter ceteros filios Israel non sunt hereditatem sortiti : *sed in eorum successerunt locum filii Joseph, in duas tribus divisi*, id est, filii Joseph, videlicet *Manasses et Ephraim*, a quibus ortæ et nominatæ sunt duæ tribus, successerunt in locum filiorum Levi, quantum ad hoc quod compleverunt duodenarium numerum tribuum Israelitarum. Nempe Jacob patriarcha duodecim filios habuit, a quibus natæ ac appellatæ sunt duodecim tribus Israel : a quibus Deus subtraxit tribum Levi, applicans eam cultui suo in templo, et prohibens eam numerari ac dotari inter ceteras Israel tribus : et ita remanserant solum undecim tribus dotandæ in terra illa. Ut ergo duodenarius tribuum numerus compleretur, divisa est tribus Joseph in duas, duplicemque funiculum ac portionem accepit : et quantum ad hoc, successit ipsi Ruben et tribui ejus in jure primogenituræ, quia in tempore illo primogeniti habuerunt duplicem rerum omnium portionem. Porro tribus Juda successit tribui Ruben in jure primogenituræ, quantum ad superioritatem, quia ad eam est devoluta regia dignitas. Hoc etenim jus primogenituræ Ruben amisit ob suum incestum, propter quod Jacob dixit ad eum in Genesi : Non cresecas, quia ascendisti eu- Gen. XLIX, 1.

Num.
XXXIV, 16-18.

Ibid., 1, 4-16.

bile patris tui. Hinc quoque scriptum est A primo Paralipomenon : Ruben fuit primogenitus Israel, sed quum violasset torum patris sui, data sunt primogenita filiis Joseph. De stirpe autem Judæ principes generati sunt.

Accesserunt itaque filii Juda ad Josue in Galyala. Locutusque est ad eum Caleb filius Jephone Cenezæus. Caleb iste, fuit unus eorum qui terram diviserunt cum Josue, eratque magnus in tribu Juda : ideo majores de tribu illa, accesserunt cum eo ad Josue. Dicitur autem Cenezæus a Cenez,

quem aliqui dicunt accepisse matrem ipsius Caleb in conjugem, patre Caleb defuncto : quia sequenti habetur capitulo, quod Othoniel frater Caleb junior, filius Cenez, accepit Axam filiam Caleb uxorem. Sicque Caleb vocatus est Cenezæus, quia post mortem sui patris, a Cenez illo nutritus est. Alii opinantur quod Cenez fuit frater ipsius Caleb, senior eo, et quod eum habuit hujus Caleb : et ideo, vel ob aliquid tale, Cenezæus vocatus sit, sicut in novo Testamento Judas apostolus frater Jacobi minoris, Judas Jacobi nuncupatur. Sciendum præterea, quod Caleb iste primo Paralipomenon dicitur filius Hesron. Ideo creditur quod pater ejus fuit binomius.

Nosti quid locutus sit Dominus ad Moysen hominem Dei de me et te in Cadesbarne. Ab illo equidem loco misit Moyses duodecim exploratores ad considerandum terram Chanaan : qui ad eundem locum regressi sunt. Quumque decem ex eis subverterent corda filiorum Israel, dicendo, quod terram illam obtinere non possent

propter fortitudinem civitatum et habitatorum ipsius, Josue et Caleb conati sunt filios Israel animare et confortare in Domino. Propter quod Dominus dixit ad Moysen, quod ceteris pereuntibus, Josue et Caleb ingressuri et possessuri essent terram quam exploraverunt. Hoc est quod tangitur nunc in textu. *Quadragesima annorum erat quando me misit Moyses famulus Domini Dei de Cadesbarne, ut considerarem terram, nuntiaviq[ue] ei quod*

michi verum videbatur. Fratres autem mei, hoc est alii exploratores, qui dicuntur fratres ipsius Caleb, quoniam ad eundem Israeliticum populum pertinebant, et ejusdem erant religionis, atque ex eodem Jacob patriarcha exorti, *qui ascenderant mecum, dissoluerunt cor populi,* incutiendo eis timorem inordinatum, ut tactum est. *Nihilominus ego scrutatus sum Dominum Deum meum,* id est, divinae mentis judicio me conformavi, et credendo in Deum, sperando in eo, diligendoque ipsum, adhaesi ei. *Juravitque Moyses,* id est, firmiter asseruit, vel etiam juramento firmavit : quod tamen in libro Numerorum non legitur, ubi hæc recitatur historia. Attamen credendum est, propter hæc verba, quod Moyses istud juravit, quia nec omnia scripta sunt. *In die illo, dicens : Terra quam calcavit pes tuus, erit possessio tua et filiorum tuorum in æternum, quia scrutatus es Dominum Deum tuum.* Aliqui dicunt, quod Caleb considerans decem exploratores diffidentes de Dei subsidio, declinavit ad tempus ab eis, et ivit solus in Hebron, atque ibidem ad sepulchrum Patriarcharum oravit, ne et ipse subverteretur ab exploratoribus vitiosis : ideoque Dominus promiserit ei dare hunc locum. Sed videtur istud incertum, nec ad salvandum veritatem hujus historiae, hoc dicere est necesse : quoniam dicere possumus istud per synecdochen esse intelligendum, quia Dominus promisit ei partem terra illius, præsertim partem quam fuerat electurus et petiturus. Porro quod ait, *Erit possessio tua in æternum,* sub conditione intelligendum erat, videlicet nisi posterius Caleb peccando mereretur terra illa privari. Vel, *Æternum* sumitur hic pro sæculo seu tempore longo.

Concessit ergo Dominus vitam mihi, sicut pollicitus est, usque in præsentem diem. Ex hoc sequitur, quod homo virtuose agendo meretur etiam saepe temporalem prosperitatem, prolongationemque vite, quamvis hoc non sit præmium principale : atque in veteri Testamento hoc magis habuit locum, quia in illo temporalia erant

1 Par. x, 3.

Ibid. 2.

Josue xx, 17.

Luc. xi, 30; Act. i, 13.

1 Par. ii, 9, 18.

Num. xxi, 1-34; Deut. i, 19, 25.

Num. xiv, 6-9.

Ibid. 29, 30.

Nam, xiv,
21, 30.

Ibid, xiv,
26.

Ibid, xiv,
33, 34.

promissa, et nondum aperta tunc fuit ja- A
nua regni coelestis. De hac autem Domini
pollicitatione, et de ista materia scribitur
in Numeris. *Quadraginta et quinque anni*
sunt, ex quo locutus est Dominus verbum
istud ad Moysen, quando ambulabat Israel
per solitudinem. Exploratores namque mis-
si fuerant a Moyse anno secundo egressio-
nis Israel ex Ægypto, et post dies quadra-
ginta redierunt, tuncque dicta sunt verba
hæc. Filii quoque Israel in deserto quadra-
ginta annis morati sunt, deinde in terra
Chanaan sex annis præliati sunt contra B
Chananaeos : sicque quadraginta quinque
fluxerunt anni a tempore illius promissio-
nis ad Caleb factæ. *Hodie octoginta quin-*
que annorum sum, sic valens ut eo vale-
bam tempore, quando ad explorandum
missus sum. Illius in me temporis fortitudo
usque hodie perseverat, tam ad bellandum,
quam ad gradiendum. Hoc supernaturale
videtur fuisse. Homines tamen tunc com-
muniter vixerunt diutius, quam nunc : id-
circo nec erat tunc ita mirabile, sicut nunc
esset, in homine octoginta quinque annos
tantam fortitudinem esse, quanta erat
in eo quadragenario.

Da ergo mihi montem istum, quem pol-
licitus est Dominus te quoque audiente.
Quidam per montem intelligunt urbem no-
mine Hebron : cui expositioni non videtur
consonare quod subditur, *in quo Enacim*
sunt, et urbes magnæ atque munitæ. In
Hebron quippe non erant hujusmodi ur-
bes. Petiit ergo sibi dari montem, id est
locum illum montanum, quantum ad par-
tem, in qua steterat Hebron. Verumtamen
in libro Numerorum non legitur, quod Do-
minus promissit ipsi Caleb hunc montem
aut Hebron distincte, sed in generali dixit
ad eum per Moysen : Terra quam calcavit
pes tuus, erit possessio tua : per quod Do-
minus innuebat, quod daretur ei terra, lo-
cus seu pars terræ, quam magis eligeret.
Vel si facta est in speciali promissio ista, di-
cendum est, quod Caleb in sua exploratione
perambulavit hunc locum. Non tamen dicen-
dum est, sicut quidam ait, solum Caleb ve-

nisse in Hebron : nec in hoc credendum est
Rabbi Salomoni, quoniam Numerorum ter-
tiodecimo de duodecim exploratoribus gene-
raliter legitur : Ascenderunt ad meridiem,
et venerunt in Hebron. Porro in monte hoc
erant Enacim, id est gigantes nati de stir-
pe Enac. *Si forte sit Dominus mecum, et*
potero delere eos, sicut promisit mihi. Si
Dominus istud promiserat huic Caleb, cur
ait, *Si forte,* quasi de veritate dubitans di-
vini promissi ? Respondetur, quod ait, *Si*
forte, ad insinuandum flexibilitatem liberi
arbitrii, per quod obieci ponere poterat
impletioni promissionis divinæ : item ad
innuendum quod Deus omnia libere opera-
tur, et ejus occulta judicia homines latent.
Recte etiam dixit, *Si forte Dominus sit me-*
cum, id est supernaturaliter juvet me, quo-
niam viros illos gigantes naturali virtute
nequibat devincere. Habitabant quoque gi-
gantes in monte hoc, id est in urbibus et
fortalitiis sitis in monte isto.

Benedixitque ei Josue, id est, commen-
davit hunc Caleb, et bona imprecatu est
ei : quia vir erat magnæ gratiæ ac virtutis,
ac fuit eis ambobus grandis ratio amandi se
invicem familiari præcipuoque amore, tum
propter virtutum similitudinem, tum quia
de tot millibus hominum pariter numera-
tis, ipsi duo dumtaxat superstites erant :
et tradidit ei Hebron in possessionem. Ve-
rumtamen juxta præhabita, Hebron tunc
fuit destructa per Josue, quamvis aliqui
dicant, quod non in toto. *Atque ex ea fuit*
Hebron Caleb filio Jephone Genezaro us-
que in presentem diem, quia secutus est
Dominum Deum Israel. Nomen Hebron,
antea vocabatur Cariatharbe, quod in-
terpretatur, civitas quatuor, eo quod ibi
in spelunca duplici, in agro prope urbem
Hebron, sepulti sint quatuor Patriarchæ
cum suis uxoribus : quod de tribus Patri-
archis, videlicet Abraham, Isaac et Jacob,
uxoribusque eorum, Sara, Rebecca et Lia,
dubitationem non habet, quum in Gene-
si hoc legatur. De primo autem, puta de
Adam et Eva, quid sentiendum sit, mox
tangetur. Quidam vero affirmant, quod di-

Nam, xiv,
23.

Gen, xxv,
9, 10; xxxv,
27-29; xvi,
29-31; xxii,
69.

Non. XIII,
23.

Josue. XV,
11.

eta sit ita, eo quod ibi gigantes quatuor A sint sepulti, videlicet Tholmai, Sisai, Achiman, eorumque pater Enac, de quibus in Numeris legitur. Sunt qui opinantur, quod vocata sit Cariath Arbe, id est civitas Arbe, qui fuit gigas, et principatum gessit ibidem : unde in sequenti fertur capitulo, Cariath Arbe patris Enac : quasi dieat, Civitas Arbe, qui fuit pater Enac gigantis.

Adam maximus ibi inter Evacim situs est. Per Adam, communiter intelligunt expositores hoc loco hominem protoplastum, B qui maximus fuit in sapientia atque virtutibus, praesertim ante suam in paradiso transgressionem : postmodum quoque sancte vixit, fuitque valde magnus auctoritate apud posteros suos, potissime apud bonos quos docuit : fuit et maximus paterna fecunditate, et prima ac generali propagatione. Ille igitur fuit in spelunca illa sepultus : quod etiam inde apparentiam sumit, quia circa locum hunc post suam a paradiso expulsionem, dicitur habitasse interdum, quamvis de hoc parva sit certitudo. Orig- C nes tamen dixit, Adam in monte Calvarie

fuisse sepultum, atque ab osse capitis ejus, locum illum vocatum montem Calvariae : quod Hieronymus reprobat ex eo quod dicitur hic, Adam maximus, etc. Denique Lyra refert, quod secundum Hebraeos, Adam sit hic nomen commune, significans hominem : et quod per Adam maximum, intelligatur hic Abraham, qui fuit praecipuus Patriarcha. At vero magnus ille theologus et sanctus pater noster Athanasius, refert magistros Judaeorum asserere, quod Adam sepultus sit in monte Calvariae, et S. Thomas hoc recitat super Lucam. Augustinus etiam in homilia dicit, quod Adam in monte Calvariae sit sepultus. Quidam autem dixerunt, quod Adam hic sumitur pro homine illo gigante nomine Tarbe* : sed non reor quod illius sepulturam Scriptura ista hic curavit describere, et cum Hieronymo potius arbitror, quod per Adam jam intelligatur primus ille parens et Protoplastus.

Et cessavit terra a praeliis. Hoc idem in fine undecimi capituli scriptum est, et ibi expositum. Dicitur autem terra cessasse a praeliis, quoniam habitantes in terra, a praeliis cessaverunt.

* Arbe

ARTICULUS XXIII

EXPOSITIO CAPITULI QUINTIDECIMI : IGITUR SORS FILIORUM JUDE PER COGNATIONES SUAS, ISTA FUIT.

SORS seu distributio terrae concessa tri- D bni Juda, nunc recitatur. *Igitur sors filiorum Juda per cognationes suas*, id est terra posteritati atque familiis Juda patriarchae per missionem sortis concessa, *ista fuit* : *A termino Edom usque ad desertum Sin*, id est, a finibus terrae Iudaeorum ex una parte, incepit et tendebat usque desertum quod est inter terram promissionis et Aegyptum : quod pro una parte sua vocatur desertum Sin, quia in diversis partibus suis diversa sortitur vocabula, ut ple-

nus in expositione Exodi scripsi : *contra meridiem*, id est plagam meridianam : *pro-* tenditur quoque *et usque ad extremam partem australis plagae* : quia portio seu funiculus tribus Juda, fuit in plaga australi seu meridionali terrae promissionis versus Aegyptum. Primo autem describitur distributio tribus Juda, quoniam principalior fuit et numero major atque audacior. Idcirco in una extremitate terrae promissionis est collocata et versus Aegyptios, quorum impugnationem filii Israel potuerunt

timere : quatenus ipsa tribus esset munimen totius terræ promissæ, et tanquam bellicosior, reprimeret insurgentes contra filios Israel hostes.

Initium ejus a summitate muris Salsissimi, id est maris Mortui, de quo jam dictum est saepe : a quo ex una parte fuit exordium terræ Juda : *et a lingua ejus*, videlicet maris Salsissimi, *que respicit meridiem*, id est plagam australem. Erat autem hoc mare in loco latus australe et orientale jungente. *Egrediturque contra ascensum Scorpionis*. Per Scorpionem intelligitur hic mons quidam, in quo scorpiones plurimum abundabant, et usque ad pedem montis illius protendebatur linea descriptionis terræ tribus istius. *Et pertransit in Sina*, id est usque in partem deserti, in quo est mons Sinai, et hoc est idem cum deserto Sin, *ascenditque in Cadshurne, et pervenit in Esron, ascendens ad Aldar, et circumiens Carcaa, atque inde pertransiens in Asemona, et perveniens ad torrentem Egypti*, puta ad Nilum, secundum quosdam, quantum ad aliquam Nilii partem. Potius tamen per hunc torrentem, puto intelligendum quendam rivum, qui erat in parte australi terræ promissæ, qui vocatur Rhinocolura : vocaturque rivus Egypti, vel quia inde scaturiens, aut quoniam illuc eurrens sive respiciens. *Eruantque termini ejus mare Magnum*. Hoc non est intelligendum de mari Oceano, sed Mediterraneo, terram promissionis terminante ab occidente : quod respectu quorundam particularium fluviorum, qui juxta Hebrææ linguæ proprietatem, maria nuncupantur, D mare Magnum vocatur. *Hic erit finis meridiane plagæ* : id est, mare hoc erit terminus sortis Judæ, quantum ad plagam australem.

Ab oriente vero erit initium mare Salsissimum, id est, ex parte orientali inchoabitur sors tribus Juda a mari Mortuo jam præfato, *usque ad extrema Jordanis*, ubi videlicet Jordanis intrat Mortuum mare, *et ad ea que respiciunt*, id est sita sunt, *ad aquilonem, a lingua maris*, forsân Salsis-

simi, *usque ad eundem Jordanem*. *Ascenditque terminus in Beth agla*, id est, sors ista protenditur in locum sic dictum, *ascendens* * *ab aquilone in Betharaba, as-* et transit *cendens ad lapidem Boan filii Ruben* : qui ad quemdam de tribu Ruben natum pertinuit : *et tendens usque ad terminus Debera de calle Achor, contra aquilonem respiciens Galyata, que est ex ulcersa ascensionis Adoniam, ab australi parte torrentis, transitque ad aquas que vocantur fons Solis* : quæ aquæ fons erant, et vocatæ sunt ita ratione alienjûs proprietatis sive effectus, aut similitudinis, aut situs sive originis : *et erunt eritus ejus ad fontem Rogel*, qui est prope Jerusalem, ut dicitur tertio Regum : ubi Adonias obtulit hostias. *Ascenditque per convallē filii Enan*, quæ vallis etiam juxta Jerusalem erat, ut patet in Jeremia et quarto Regum. Ideo subditur : *ex latere Jebusæi ad meridiem, hæc est Jerusalem*, id est, civitas ibi situata, in qua Jebusæi commorabantur, Jerusalem nuncupatur : *et inde se erigens ad verticem montis, qui est contra Gennom, etc.* Multa nomina urbium et locorum, fontium et montium, in isto sequentibusque ponuntur capitulis, in quibus non est difficultas in se, nec magna vis, quamvis res significatæ per nomina ista, pro parte nos lateant : ideirco ab expositoribus transiliuntur. *Inclinaturque in Baala, que est Cariathiarim, id est urbs silvarum*, forsân sic dicta a silvis circumjacentibus. Tamen quod dicitur, *Id est urbs silvarum*, translator apposuit. Cariath quippe interpretatur civitas : *Iarim, silvæ*. *Et circumit de Baala contra occidentem usque ad montem Seir*, id est Edom, ita quod usque pedem montis illius aut eireiter tenditur : *transitque juxta latus montis Iarim ad aquilonem in Cheshon, et descendit in Bethsames, Transitque in Thamma urbem Philistinorum, et pervenit contra aquilonem partis Accaron* : quæ etiam fuit urbs Palæstinorum : *inclinaturque Sechrona, et transit montem Baala, pervenitque in Jebneel, et maris Magni contra occidentem fi-*

III Reg. 1, 9.

Jer. VII, 31.
IV Reg.
XXIII, 10.

ne concluditur, id est terminatur extremitate Mediterranei maris. Hi sunt termini filiorum Juda per circuitum in cognationibus suis.

Caleb vero, id est ipsi Caleb, filio Josue dedit ipse Josue partem in medio filiorum Juda, quia et Caleb erat de tribu Juda; et quod hic dicitur, præcedenti capitulo continetur, atque ibidem expositum est. Atque inde, puta de Hebron, cunscendens ipse Caleb, venit ad habitatores Dabir, id est urbis sic nominatæ, quæ prius vocabatur Cariathsepher: quod quid interpretetur seu signet, translator exposuit, addens, id est civitas litterarum. Quæ forte sic dicebatur, eo quod fuerunt ibidem aliqui specialiter litterati aut sapientes secundum legem eorum: vel quod litteræ, quibus utebantur populi Chananæorum, erant ibi excogitatæ: aut quod studium scientiarum vixit ibi: vel, ut in Scholastica habetur historia, quoniam cives ejus erant scriptores. Dixitque Caleb: Qui percurserit Cariathsepher, et ceperit eum, dabo ei Aram filium meum uxorem. Cepitque eam, scilicet urbem illam, Othoniel, qui post mortem Josue fuit primus iudicum Israel, filius Cenez, id est viri sic appellati, de quo in præcedenti est dictum articulo, frater Caleb junior. Deditque ei Aram filiam suam uxorem. Circa quod oritur questio, quomodo Caleb vir justus, dedit filiam suam uxorem fratri suo, avunculo filiæ suæ. Ad quod in fine articuli hujus responsio erit.

Quæ quum pergeret simul, id est, cum patre suo et marito iter faceret, non pedestris, sed super asinum sedens, suasa est a viro suo secrete, ut peteret a patre suo agrum, id est terram fertilem cultui aptam, ultra ea quæ pater suus ei jam assignavit pro dote et hereditate. Suspiravitque ut sedebat in asino, id est super asinum. Ideo autem ingemuit, ut quasi ex vehementia desiderii videretur multum affligenda, nisi obtineret intentum. Cui Caleb, Quid habes? inquit. At illa respondit: Da mihi benedictionem, id est bene-

ficium seu donum quod peto. Terram australem et arentem, id est infecundam propter aquarum defectum, dedisti mihi, junge et irriguam, quæ scilicet aquis irrigetur. Dedit itaque ei Caleb irriguum superius et irriguum inferius, id est agros sic situatos, quod tam in superioribus suis partibus, quam in inferioribus irrigabantur sufficienter: vel agros irrigos circa civitatem ab oriente et occidente. Quocirca oritur questio, quoniam in Deuteronomio legitur: Terra ad quam ingrederis, scilicet terra promissionis, non est sicut terra Egypti, ubi jacto semine aquæ ducuntur irriguæ, sed montuosa est et campestris, de cælo exspectans pluviam: ex quo apparet, quod agri, de quibus nunc sermo, irrigabantur aquis pluviarum, non fluviorum aut fontium. Pluvia autem agris ejusdem territorii est communis. Respondetur, quod quamvis generaliter ita fuit, attamen aliqui agri terræ promissionis etiam aquis fluminum aut fontium poterant irrigari, quemadmodum et in Egypto aliquando pluit.

Consequenter civitates tribus Juda nominantur in textu. Hic tamen sciendum, quod eadem civitates interdum in diversarum tribuum sortibus nominantur: quia etsi primo deputatæ fuerunt ad unam tribum, postea tamen ex aliqua causa sunt alteri tribui assignatæ: et forte diversæ civitates quandoque idem nomen sortitæ sunt, sicut et aliquæ urbes plura habent vocabula. Unde infra habetur: Cariathbaal, hæc est Cariathiirim urbs silvarum: quæ vocata est Cariathbaal, quoniam habitatores ejus coluerunt idolum nomine Baal. Enumerantur quoque in sorte tribus Juda, civitates et villæ Philistinorum, videlicet Accaron, Azotus et Gaza, multaque aliæ urbes, quas tunc nondum obtinuerunt. Jebusæum autem habitatorem Jerusalem non potuerunt filii Juda delere, habitavitque Jebusæus cum filiis Juda in Jerusalem usque in presentem diem.

Circa hoc dubitationes occurrunt. Prima est, quia ut infra habetur, Jerusalem per-

Josue xiv, 12-14.

Ibid. 6.

Deut. xi, 10, 11.

Josue xviii, 28.

finiebat ad tribum sortemque Benjamin, A quomodo ergo filii Juda in Jerusalem commanserunt? et quare non potius ait Scriptura, quod filii Benjamin non potuerunt Jebusæum illum delere? Secunda est, quomodo verum sit istud? Quemadmodum enim filii Juda alias plures urbes cum suis habitatoribus deleverunt non propriis viribus, sed supernaturali et gratioso Dei auxilio, ita et Jebusæum vincere potuerunt.

Ad primum quidam respondent, quod Jerusalem pro parte fuit pertinens ad tribum Juda, et pro parte ad Benjamin tribum, ita quod pars in qua postea constructum est templum, fuit in finiculis Benjamin. Porro Magister in historiis ita concordat prædicta ad invicem, quod Jerusalem pertinebat ad tribum Juda, quantum ad concessionem; ad Benjamin vero, quantum ad traditionem factam per sortem. Hinc filii Juda dicuntur non potuisse Jebusæum deicere. Ad secundum dicunt expositores catholici, quod per Jebusæum nunc intelligatur populus Jebusæorum, et quod filii Juda non potuerunt eos delere ex quodam fortalicio, quod in urbe Jerusalem tenuerunt, non ex defectu omnipotentiae Dei, sed quia fortassis non impugnaverunt fortalitium illud cum tanta fide et spe in Deo, quod prævalere meruerint: vel ex alia causa occulta Deus non contulit eis triumphum illum, sicut nec Philistæos delevit ex causis præactis. Verum ut refert Lyra, Hebræi dicunt, quod Jebusæi isti non erant de stirpe Jebusæorum, sed dicti sunt Jebusæi quoniam habitabant in Jerusalem, quæ alio nomine Jebus vocata est; et quod erant de stirpe Abimelech regis Geraræ, cum quo Abraham fœdus percussit et juramento firmavit: et quod duravit hoc fœdus ad certum tempus, quod tempore Josue nondum effluerat. Propter quod, juramento illo obstante, non potuerunt filii Juda Jebusæos illos licite impugnare. Postea vero David expugnavit Jebusæos, eo quod tempus dicti fœderis tunc effluxit.

Nunc solvenda est quæstio superius mota, quomodo licuit ipsi Caleb, tradere fi-

liam suam Othonieli fratri suo in conjugem. Ad quod aliqui dicunt, quod Othoniel dicitur frater ipsius eo modo, quo Abraham vocavit Lot fratrem suum, et Joab *Gen. xiii, 8* dixit ad Amasam, Salve, mi frater: quia *II Reg. xx,* consanguinei erant. Et isti dicunt, quod ^{9.} Cenez fuit frater ipsius Caleb. In Scholastica autem historia fertur, quod Caleb et Othoniel fuerunt fratres uterini tantum, id est ex matre dumtaxat: quoniam Caleb fuit filius Jephone, Othoniel vero filius fuit Cenez, nisi forte pater eorum binominus fuerit. Et additur ibi: Caleb maluit servare votum suum, quam legem quæ interdicit matrimonium cum filia fratris, nisi forte lex intelligatur de filia fratris ex patre. Hæc ibi. At vero Lyra respondet: Probabiliter potest dici, quod licet Othoniel frater esset Caleb, non tamen peccavit accipiendo neptem suam. Non enim hoc erat contra legem naturæ, quoniam Abraham accepit Saram filiam fratris sui, nec contra legem Moysis. Circa quod dici potest, quod non sit explicite contra ea, quæ de personis a mutua contractione conjugali in Levitico prohibitis, describuntur. Aliqui tamen dicunt, quod implicite exstet prohibitum, sicut ibidem plenius habetur expositum. Quamvis autem tale matrimonium non sit contra immediata præcepta legis naturæ, tamen contra secundaria ejus præcepta, quæ ex primis illis principiis tanquam conclusiones deducuntur, esse censetur a multis.

Juxta mysticum sensum, per sortem et tribum Juda, quæ primo hereditatem accepit latiore et ditiore, intelliguntur sancti Apostoli electissimi discipuli Christi de tribu Juda exorti: qui primitias Sancti Spiritus acceperunt, et pluribus per totum mundum præfecti sunt, latiusque spiritualiter dominati: qui et in regno cœlesti præclariores sortiti sunt mansiones. Insuper, per Caleb æque robustum in juventute sua ac senio, potest intelligi Deus Pater, ejus est fortitudo invariabilis et æterna. Per filiam Caleb, quæcumque anima fidelis devota, quæ super asinum sedet, dum

Gen. xl, 29;
xx, 12.

Lev. xxi,
6-18; xx,
passim.

Sensus
mysticus.

Rom. xiii,
23.

Gen. xxi,
27, 31.

II Reg. v,
6-9.

proprie carnis concupiscentiis passionumque motibus dominatur. Per Othoniel, Christus, cui talis anima desponsatur, dum per fidem et caritatem ei unitur. Hanc sponsam suam Christus hortatur, ut a Patre celesti agrum, id est spirituales fecunditatem, consolationem internam, fontem lacrimarum, sapientie flumen, gratiarum fluentia, charismatum affluentiam superiorum cum prostratione ac gemitu petat, dicens : *Terram arcentem*, id est fragilem

Rom. vii.
18.
Sap. ix, 15.

carnem, in qua non habitat bonum, et quae aggravat animam, *dedisti mihi*. Rursus terra hae arida, est conversatio bona, tamen in carne et in terra ista exhibita, *Junge et irriguam*, id est, da corpus rationis iudicio per omnia prompte subjectum, concede conversationem in hac terra celestem, donum lacrimarum impende, virtuo-

Philipp. iii.
20.

Asae fertilitatis exuberantiam elargire. Quam itaque anima istud postulaverit incessabiliter et ferventer, dat ei Pater aeternus *irriguum superius*, id est gratiam compunctionis et affluentiam fletus, ubertatemque mentis ex desiderio regni celestis, ex suavissima complacentia Creatoris, ex compassione dominicae passionis, ex plenitudine devotionis, ex ardore fruendi dilecto plenarie. Dat quoque *irriguum inferius*, id est spiritum contritionis et fletus, ex consideratione propriarum et alienarum culparum, ex timore divini iudicii, ex imaginatione infernalis supplicii, ex attentione multiplicis miseriae huius vitae, imperfecti-
onis defectuositatisque propriae; et quia non prius quod spirituale, sed quod animale, ideo per irriguum istud inferius, perducitur anima ad irriguum illud superius.

1 Cor. xv,
46.

ARTICULUS XXIV

ELUCIDATIO CAPITULI SEXTIDECIMI : CECIDIT QUOQUE SORS FILIORUM JOSEPH.

PARS terrae filiis Joseph distributa, nunc recitatur. *Cecidit quoque sors filiorum Joseph*, id est tribuum Ephraim et Manasse; non quod tribus illae habuerint sortem unam, aut duas sortes confuse permixtas; nec istud intelligendum est de integra tribu Manasse, sed de media ejus parte, quia pars alia ab altera parte Jordanis suam jam sumpserat sortem. Itaque quod ait, *Cecidit quoque sors filiorum Joseph*, dicitur hic in generali et indeterminate; postea autem in speciali describitur. *Cecidit ergo ab Jordane contra Jericho*, quia ab una ripa Jordanis incepit ex opposito urbis Jericho, *et aquas ejus*. Unde quarto Regum legitur Elisens sanasse aquas Jericho, mittendo in eas sal. *Ab oriente solitudo*, a plaga orientali fuit seu copit hae sors a solitudine, *quae ascendit de Jericho ad montem Bethel*, id est loca montana quae

IV Reg. ii.
21.

sunt circa oppidum Bethel. Hinc in Evangelio legitur, quod homo descendens de Jerusalem in Jericho, incidit in latrones, qui scilicet erant in solitudine illa; in qua et Christus jejunavit atque tentatus est. *Et egreditur de Bethel Luza*. Plures fuerunt urbes in terra sancta, vocatae Bethel et Luza. Aliqui tamen dicunt, quod Bethel et Luza accipiantur nunc pro urbe Jerusalem; quod item sors ista dicatur egressa de Bethel in Luza, propter diversas partes urbis ejusdem, ita quod civitas illa totalis Jerusalem, continebat in se hae duo oppidula, sicut et nunc sunt aliquae magnae urbes habentes et continentes plura oppida parva tanquam proprias partes. *Transitque terminum Archi, Aturoth, et descendit ad occidentem juxta terminum Jephleti, usque ad terminos Bethoron inferioris*. Fuit autem urbs Bethoron duplex, una superior

Luc. x, 30.

Matth. ix,
1 et seq.

III Reg. ix, et inferior alia, ut patet tertio libro Re-
 17. gum. *Et Gazer*, id est oppidi sic vocati, de
 Josue xxi, quo legitur infra. *Finibaturque regiones*
 21. *ejus mari Magno*, id est Mediterraneo. *Possederuntque filii Joseph Manasses et Ephraim*, id est tribus natæ ex Manasse et Ephraim. Porro per regiones, intelligendæ sunt diversæ urbes quas possederunt, quæ et ante ad diversa particularia regna spectabant. Occiderunt namque filii Israël in terra promissionis reges triginta unum, sicut jam patuit.

Consequenter in speciali describitur sors
 et hereditas Ephraim. *Et factus est terminus filiorum Ephraim per cognationes suas, et possessio eorum ad orientem Aturoth Addar usque Bethoron superiorem : egrediunturque confusa in mare*, quia hæ urbes assignatæ sunt tribui Ephraim. *Machmethath vero*, id est locus sic dictus, aquilonem respicit, et circumit terminos contra orientem in Thanathscho, et pertransit a torrente * Janoe, descenditque de Janoe in Aturoth et Nuathatha, et pervenit in Jericho, egrediturque ad Jordanem de Taphua. Pertransitque contra mare in callem Arundineti : quæ vallis forsitan sic appellatur propter arundines in ea abundanter crescentes : suntque egressus ejus in mare Salsissimum, id est in mare Mortuum, de quo dictum est sæpe. *Hæc est possessio tribus filiorum Ephraim : urbesque separate sunt*, id est specialiter et se-

orsum deputatæ. *filii Ephraim in media possident filiorum Manasse, et villæ eorum*. Quamvis enim qualibet tribus habuit propriam partem et sortem, tamen interdum urbes quadam unius tribus, quantum ad aliquem situm, interlocatæ erant infra terminos alterius sortis : quia et linea, per quam fiebat terræ sortiumque divisio, non poterat semper protrahi in directum, sed interdum hinc inde flectebatur propter interposita loca impertransibilia.

Et non interfecerunt filii Ephraim Chananeum, id est populum Chananeorum, qui habitabat in Gazer, id est in urbe sic nominata : de qua legitur tertio Regum, quod Pharao rex Egypti, ascendit, et percussit Chananeos qui habitabant in Gazer, et urbem succendit, deditque eam in dotem filiae suæ uxori Salomonis, et tunc Salomon urbem illam reedificavit. *Habitavitque Chananeus in medio Ephraim tributarius*. Ex hoc apparet, quod Ephratæi habuerunt facultatem interficiendi illos, sed ex ambitione et cupiditate ad quas erant proclives, permiserunt vivere illos contra Dei præceptum, a quo eis erat præceptum ut Chananeos omnino delerent, ut Numerorum liber clare monstrat. Verumtamen istud non videtur omnibus Ephratæis, sed eis qui urbem Gazer obtinuerant, imputandum, qui et graviter ac multipliciter peccaverunt in isto.

III Reg. ix,
16, 17.

Nom.
xxviii, 51-
56.

ARTICULUS XXV

EXPOSITIO CAPITULI SEPTIMDECIMI : CECIDIT AUTEM SORS TRIBUI MANASSE.

DESCRIBITUR nunc distributio terræ D facta filiis Manassæ, et primo repetitur sors distributa mediæ parti tribus ejus, quum dicitur : *Cecidit autem sors tribui Manasse. Ipse enim Manasses est primogenitus Joseph*, secundum ordinem tem-

poris, prout in Genesi habetur. Attamen Jacob patriarcha benedicendo filiis Joseph, prætulit Ephraim ipsi Manassæ, quemadmodum Geneseos codex narrat. *Machir primogenito Manasse*, id est, sors illa primo venit ac data est ipsi Machir primoge-

Gen. xlviii,
13-20.

Gen. xli,
51.

Num. XXVIII.
1.

nito Manassæ, hoc est posteritati atque A familiis natis ex Machir, qui obiit in Egypto, *patri Galaad* : habuit enim filium nomine Galaad : *qui fuit vir pugnator*. Quod ait, *qui*, videtur posse referri, sive ad Machir, sive ad Galaad : sed ad Machir referendum censetur, quia et alibi legitur idem de ipso. Dicitur quoque vir pugnator, non quod fuerit bellator injustus aut contentiosus rixator, sed quoniam fortis et strenuus pugnando pro causis justis : et ita sonat in laudem, quod dicitur vir pugnator. *Habuitque possessionem Galaad et Basan*, id est, posteritas Machir partim possedit terram Galaad, terramque Basan. Unde constat, quod Galaad quandoque sit nomen viri, quandoque patriæ. *Et reliquis filiorum Manassæ juxta familias suas* cecidit sors, quemadmodum filiis Machir, videlicet *filiis Abiezer, et filiis Helec, et filiis Esriel, et filiis Sechem, et filiis Hephher, et filiis Semida*. Isti sunt filii Manassæ filii Joseph per cognationes suas. Ista distributio a Moyse facta est eis in campestribus Jericho super et circa Jordanem, quemadmodum in Numeris et in Deuteronomio legitur.

Num.
XXXI, 33, 39.
42 Deut. III,
13-15.

Consequenter describitur distributio facta mediæ tribui Manassæ in terra promissionis a Josue, *Salphaad vero filio Hephher, etc., non fuerunt filii, sed solæ filiarum* quinque, quarum nomina exprimuntur in littera, *Veneruntque in conspectu Eleazari sacerdotis, qui fuit summus sacerdos seu pontifex post Aaron patrem suum, et Josue et principum, dicentes : Dominus præcepit per manum Moysis, ut daretur nobis pos-*

* *nostro- sessio in medio fratrum suorum* *, id est cognatorum qui de Manassæ exorti sunt. De

Num.
XXVIII, 1-6.

hac re legitur in Numeris : Accesserunt filiae Salphaad, steteruntque coram Moyse atque dixerunt : Pater noster non habuit mares filios. Cur tollitur nomen illius de familia sua, quia non habuit filium ? Date nobis possessionem inter cognatos patris nostri. Retulitque Moyses causam earum ad judicium Domini, qui dixit : Justam rem postulant filiae Salphaad. Da eis possessio-

nem inter cognatos patris sui. *Deditque eis Josue juxta imperium Domini, possessionem in medio fratrum patris earum*. Regulariter autem terra dividebatur secundum viros, qui erant capita familiarum. *Et ceciderunt funiculi Manassæ decem, absque terra Galaad et Basan trans Jordanem*, id est, decem partes per sortes distinctæ, assignatæ sunt mediæ tribui Manassæ in terra promissa, juxta decem capita cognationum seu familiarum ipsius : sicque funiculus sumitur hic pro parte terræ funiculo mensurata, videlicet mensura pro mensurato, quia funiculus est metiendi instrumentum, juxta illud Zachariæ, Ecce vir, et in manu ejus funiculus mensorum. *Filiæ enim Manassæ, videlicet præfatæ filiæ Salphaad genitæ ex stirpe Manassæ, possederunt hereditatem in medio filiorum ejus*, id est inter mares genitos ex Manassæ, sicut jam dictum est. *Terra autem Galaad, cecidit in sortem filiorum Manassæ qui reliqui erant*, id est in hereditatem mediæ tribus Manassæ trans Jordanem sub Moyse, sicut nunc patuit.

Zach. II, 1.

Fuitque terminus Manassæ ab Aser, id est, sors ejus ex una parte cepit a sorte tribus Aser, *Machmethath*, id est locus ille seu urbs spectans ad sortem tribus Manassæ, *quæ respicit Sichem*, id est terram seu civitatem sic nominatam : et egreditur ad dexteram juxta habitatores fontis Taphuæ. Etenim in sortem Manassæ ceciderat terra Taphuæ, quæ est juxta terminos Manassæ filiorum Ephraim : id est, terra vicina civitati nomine Taphuæ, ex una parte pertinuit ad tribum Manassæ, quamvis ipsa civitas cum terra sibi vicina ad tribum pertinuerit Juda*, ut supra claruit. *Descenditque terminus vallis Arundineti, in qua crescunt et abundant arundines, in meridiem torrentis civitatum Ephraim*, id est ad plagam australem, cui conjungitur torrens ad civitates Ephraim pertineus sive respiciens, *quæ civitates Ephraim in medio sunt urbium Manassæ* : quod in præcedenti articulo expositum est. *Terminus Manassæ ab aquilone torrentis, et exitus,*

* Ephraim
Josue XVI,
8, 9.

Ibid. 9.

id est progressio ejus, pergit ad mare Me-
diterraneum : ita ut ab austro, id est ver-
sus partem australem terræ promissionis,
in qua parte fuit sors Judæ, sit possessio
Ephraim, quæ fuit propinquior sorti ac
tribui Judæ, quam sors Manasse : ideo sub-
ditur, *et ab aquilone Manasse*, id est, ad
plagam aquilonarem, sit possessio mediæ
tribus Manasse. *Et utramque claudit ma-*
re, id est, ambas has sortes seu posses-
siones Ephraim et Manasse, terminat ab
una parte Mediterraneum mare.

Fuitque hereditas Manasse in Issachar, B
et in Aser, id est propinqua atque conti-
gua sortibus tribuum Aser ac Issachar, et
alicubi angulariter eas subintrans, *Beth-*
san, id est civitas illa, *et viculi ejus*, et
Jebtaam cum viculis suis, et habitatores
Dor cum oppidis suis, id est habitationes
seu habitacula atque divitiæ urbis Dor et
oppidorum ei subditorum aut annexorum,
habitatores quoque Endor cum viculis suis,
similiterque habitatores Thénac cum vic-
ulis suis, et habitatores *Mageddo cum vi-*
culis suis, et tertia pars urbis *Nopheth*, C
Nec potuerunt filii Manasse has civita-
tes subvertere : quod non fuit ex defectu
omnipotentiae Dei, sed ex defectu fidei et
virtutum eorum, ob quem non meruerunt
tam copiosum a Deo subsidium, quod po-
tuissem delere has urbes. *Postquam au-*
tem convenerunt filii Israel, subjecerunt
Chananeos, et fecerunt sibi tributarios,
nec interfecerunt eos : quos ex præcepto
Dei debuerunt occidere, sique peccave-
runt in isto, ut dicebatur præcedenti arti-
culo.

Locuti sunt filii Joseph, id est tribus
Manasse et Ephraim, *ad Josue, et dire-*
runt : *Quare dedisti mihi terram in pos-*
sessionem sortis et funiculi unius, quum
sim tantæ multitudinis, et benedixerit mi-
hi Dominus ? Hæ duæ tribus habuerunt
utique duas sortes, utpote quælibet suam,
et nunc dictum est, quod filiis Joseph ec-
ciderunt decem funiculi : quomodo ergo
jam conqueruntur, quod eis data sit tan-
tum sors una et unus funiculus ? Et quo-

A modo singulariter dicunt, Quare dedisti
mihi ? Respondetur, quod quælibet earum
conquesta est de tam exigua sibi hereditate
collata, respectu multitudinis supposito-
rum suorum ac jumentorum et divitiarum :
per munus quoque funiculum, intellexerunt
totalem hereditatem eis concessam. Locuti
sunt quoque de se invicem singulariter,
quia ex uno Patriarcha filio Jacob, puta
ex Joseph, nati fuerunt. Petierunt itaque
terminos suos dilatarî, non per subtractio-
nem partis de sortibus tribuum aliarum,
sed alio modo. Videtur autem eorum que-
rela fuisse injusta, quoniam debuerunt
esse contenti distributione, quam eis sors
a Deo directa ac moderata donavit. *Ad quos*
Josue ait : *Si populus multus es, ascende*
in silvam, et succide tibi spatia in terra
Pherezei et Raphaim : quasi dicat, Si glo-
riaris de multitudine et fortitudine tua,
ostende tuam virilitatem, et pugnando ac-
quire residuum sortis tuæ quod nondum
obtinuisti. In locis quoque silvestribus præ-
para tibi loca ad commorandum : quia an-
gusta est tibi possessio montis Ephraim, id
est urbes sitæ in monte Ephraim et cir-
cunquaque : qui mons ab Ephraim novum
nomen tunc sumpsit.

Cui responderunt filii Joseph : *Non po-*
terimus ad montana conscendere, quum
ferreis curribus utantur Chananeï qui
habitant in terra campestri, in qua sicut
sunt Bethsan cum viculis suis, et Lauser *
medium possidens valem : ad quos perti-
nebant montana, ideo restitissent. In hoc
responso fassi sunt filii Joseph suam in-
D firmitatem, et fidei suæ imperfectionem :
quia si plene credidissent ac sperassent in
Deo, scivissent quod Dei auxilio potuis-
sent faciliter prævalere, non obstantibus
ferreis curribus, qui in Judicium volumine
dicuntur currus faleati, quoniam ferreis
uncis instar faleis factis erant muniti in
suis lateribus. Nam talibus curribus sole-
bant antiquitus uti in bello. Hinc Josue
rursus eos hortatur ut ante, ut scilicet in
Deo sperantes, transeant ad montem, id
est ad montana. *Et ait ad domum Joseph*

* Jezrael

Judic. 1, 19;
iv. 3, 13.

et Ephraim: Populus multus es, et magna fortitudinis. Non habebis sortem unam, sed transibis ad montem, et succides tibi atque purgabis ad habitandum spatia, et poteris ultra procedere quoniam subverteris Chananorum: id est, angustiis sortis tibi concessæ noli esse contentus, sed dilata et

amplia eam per modum præfactum. Quidam tamen exponunt sic, quod Josue dedit eis licentiam dilatandi terminos suos extra fines terræ promissionis, præsertim quia cognovit in spiritu, quod et gentiles quorum terra non fuit filiis Israel promissa, impugnaturi erant Israelitas.

ARTICULUS XXVI

DECLARATIO CAPITULI OCTAVIDECIMI: CONGREGATIQUE SUNT OMNES FILII ISRAEL IN SILO.

QUALITER ceteris tribubus Israel divisa ac distributa sit residua pars terræ promissionis, modo describitur. *Congregatique sunt omnes filii Israel in Silo, quæ fuit urbs ad tribum Ephraim perti- nens: nec oportet asserere quod universi et singuli simul erant collecti intra mœnia urbis illius, sed erant ibi et circumquaque collecti: ibique fiverunt tabernaculum testi- monii, quia ex ordinatione Josue trans- tulerunt eum sollemnitate decenti taberna- culum Moysis factum in solitudine Sinai, de Galgala in Silo, ob loci opportunitatem, et quoniam Josue Ephrataeus, vir in divino cultu præfervidus, libenter habuit illud in terra et sorte tribus suæ. Et fuit eis terra subiecta: quia (ut dictum est) qui reman- serant, non audebant contra eos mutire, nec pugnam inire.*

Josue x. 21.

Remanserant autem filiorum Israel septem tribus, quæ necdum acceperant posses- siones suas. Nam quinque tribus, videlicet Ruben, Gad, Juda, Ephraim et Manasse, jam acceperunt. Ad quos Josue ait: Usque- quo marceitis ignavia, id est, torpore et ne- gligentia contabescitis, et non intratis ad possidendam terram quam Dominus Deus patrum vestrorum dedit vobis, id est, dan- dam præcepit et obtulit? Eligite de singu- lis tribubus terros, id est tres viros. An isti fuerunt electi dumtaxat de singulis tri-

bubus quæ nondum partem suam sortitæ fuerunt, an absolute de omnibus tribubus Israel, posset inquiri: et magis apparet, quod de omnibus tribubus. Denique Josue vir discretus et justus, dedit septem tribu- bus istam electionem, ne postea conqueri possent sibi factam esse fraudem sive in- juriam. Ut mittam eos, et pergant et cir- cumneant terram promissionis, quæ non- dum divisa et data est, et describant eam, id est mensurent ac partiantur, juxta nume- rum uniuscujusque multitudinis, id est in partes majores sive minores, secundum quod una tribus est populosior, alia autem minor in personis. Unde per Moysen dix- rat Dominus: Pluribus dabitur majorem, et paucioribus minorem. Referantque ad me quod scripserint.

Num. xxxi, 54.

Dividite vobis terram in septem par- tes, non in toto æquales: imo non solum distinguebantur partes istæ secundum magnitudinem quantitatis, sed etiam secun- dum fertilitatem. Unde Magister in historiis protestatur: Josue mandavit eis, ne ter- ram metirentur secundum quantitatem, sed secundum æstimationem fertilitatis. Nam sæpe pluris sunt decem jugera, quam cen- tum. Præcepitque quod in scriptis redige- rent terre divisionem. Rursus in Schola- stica fertur historia, quod prædictis viris sumptis ex singulis tribubus, Josue addi-

dit decem viros in arte metiendi peritos, A quos propter artem veritas non lateret. *Judas sit in terminis suis ab australi plaga*, id est, tribus Juda remaneat in sua sorte sibi jam præsita, quæ est in parte meridionali terræ promissionis; et domus Joseph, videlicet tribus Ephraim atque dimidia tribus Manasse, persistent ab aquilone in sortibus suis, in parte terræ promissionis aquilonari. Hæ etenim tribus, tanquam ceteris præclariores, audaciores et potentiores, ad aliarum tribuum tuitionem constitutæ sunt in terminis terræ promissæ B extremis, per quos adversarii magis ingredi poterant: siquidem a parte occidentis, terra illa clauditur et munitur Mediterraneo mari; Jordanis vero claudit et tutatur latus ejus orientale. *Mediam inter hos terram in septem partes describite, et huc venietis ad me, ut coram Domino Deo vestro mittam hic sortem vobis: quia non est inter vos pars Levitarum, sed sacerdotium Domini est eorum hereditas. Gad autem et Ruben, et dimidia tribus Manasse, jam acceperant possessiones suas trans C Jordanem ad orientalem plagam, quos dedit eis Moyses famulus Domini.*

Quumque surrexissent viri, ut pergerent ad describendam terram, præcepit eis Josue, dicens: *Circuite terram et describite eam, ac revertimini ad me, ut hic coram Domino Deo vestro in Silo mittam vobis sortem. Itaque perreperunt, et lustrantes eam in septem partes diviserunt, scribentes in volumine. Reversique sunt D* *in castra ad Josue in Silo: et mense septimo redierunt. Qui misit sortes coram Domino in Silo. Quamvis autem partes terræ fuerunt inæquales, non tamen fuit periculum in sortium missione, quasi sors major ac melior posset tribui evenire minori, quia ab infallibili providentia Dei, moderabatur eventus sortis. Verumtamen quidam dicunt, quod partes terræ erant æquales, et quod nihilo minus una tribus accepit partem majorem quam alia, in quantum continebat in se plures domos sive familias, unaque domus majorem partem quam*

alia, secundum quod plura capita continebat. Sed præfacta expositio verior reputatur. *Et divisit terram filiis Israel in septem partes.*

Et ascendit sors prima filiorum Benjamin, quæ prima fuit inter has septem. Fuitque terminus eorum contra aquilonem. Textus in se difficultatem parvam vel nullam habet, quamvis nobis qui loca illa non vidimus, obscuritatem producat. *A Jordane pergens juxta latus Jericho*, ita quod Jericho fuit in sorte Benjamin, ad montem conscendens, et perveniens ad solitudinem Bethoren, id est, quæ est juxta urbem nomine Bethaven, atque pertransiens juxta Luzam ad meridiem, ipsa est Bethel. Superius habitum est, quod Bethaven alio nomine dicta sit Bethel. Nunc quoque de Bethaven et Bethel, quasi de distinctis urbibus fit mentio, et dicitur hic, quod Luza ad meridiem sita, sit Bethel. Ideo ista Luza et Bethel videtur esse Jerusalem, quæ partim pertinebat ad tribum Juda, cujus sors ad meridiem fuit. Porro Bethel quæ infra distincte a Jerusalem nominatur, videtur alia esse ab ista. Quemadmodum autem plures homines, sic plures urbes ac villæ, eodem sæpe nomine designantur: quod potuit præcipue esse in terra promissionis, in qua antea erant tam multa parva regna, videlicet triginta et unum: inter quæ tamen regnum Asor existit magnum juxta præhabita. *Descenditque in Ataroth Addar, in montem qui est ad meridiem Bethoron inferioris, et inclinatur circumcis contra mare ad meridiem montis qui respicit Bethoron contra Africam; suntque citus ejus in Cariathbaal, quæ vocatur Cariathiarim, urbem filiorum Juda. Hæc est plaga $\frac{1}{4}$ magna, id est major pars sortis Benjamin. Denique multa nomina in hoc passu ponuntur, quæ ante exposita sunt, videlicet Bethoron, Cariathiarim, Nephtoa, Ennom, Geennom, Rogel, etc., ex quorum expositione textus fit planior. *Descenditque ad lapidem Boen filii Ruben. Secundum quosdam, per Ruben non intelligitur hic primogenitus Ja-**

Josue XII.

Ibid. XI. 10.

* in castra

cob nomine Ruben, cujus tribus sortem accepit ab alia parte Jordanis, sed alter ejusdem nominis. Attamen dici posset, quod lapis ille ex aliquo eventu aut facto notabili, nomen suscepit ab aliquo nato ex Ruben primogenito Jacob. Interdum quoque aliqui unius tribus, habitabant in terra et sorte alterius tribus.

Deinde urbes ad tribum Benjamin pertinentes exprimuntur in textu, numero viginti sex, cum villis sibi adjunctis. Quomodo autem Jerusalem fuit in tribu Benjamin, et quomodo in tribu Juda, expressum est vicesimo quarto articulo. In Scholastica autem fertur historia, quod sors Benjamin angustissima fuit propter terræ fertilitatem. Verumtamen plures urbes et quasdam majores habebat, quam quædam aliæ tribus, ut infra patebit.

Sensus
mysticus.

At vero juxta mysticum sensum, quemadmodum per terram promissionis intelligitur regnum cœleste electis paratum ac repromissum, ita per terræ promissæ divisionem, et congruam variamque distributionem, intelliguntur diversæ mansiones regni cœlorum, in quo unusquisque juxta sua merita præmiatur. Rursus, sicut septem tribubus se negligenter habentibus locutus est Josue, *Usquequo marceitis ignavia, et non intratis ad possidendum ter-*

ram quam Dominus dedit vobis? ita et multo plus possunt hæc dici negligentibus, pigris atque carnalibus Christianis, quibus promissum est regnum cœlorum, et tamen ad illud non adspirant, neque accelerant, imo potius retrocedunt: quorum unicuique clamat Apostolus: Surge, qui dormis, et exurge a mortuis. Dominus quoque in Apocalypsi: Quia tepidus es, incipiam te evomere ex ore meo. Executiamus ergo omnem ignaviam, universum torporem: quia non pigritantibus, nec otio et carnalitati vacantibus, sed vere timoratis ac fervidis cœlorum conceditur regnum: quod cum desidia quærere, est Deum altissimum ac supermunificentissimum in suis promissis dignissimis spernere. Postremo, quemadmodum in terra promissionis ad aliorum ac infirmiorum tutamen et propugnationem constitutæ sunt tribus robustiores in extremis terræ periculosioribus, sic in militante Ecclesia ad perfectiores spectat, pusillos pie sufferre, infirmos portare, tentatos ac fragiles orando, exhortando, ædificando jugiter sustentare, gravioribus quoque se opponere tentamentis, et contra invisibiles hostes defendere imperfectos. Propter quod ait Apostolus: Debemus nos firmiores, imbecillitatem infirmorum portare, et non nobis placere.

Ephes. v,

14.

Apoc. m,

16.

Rom. xv, 1.

ARTICULUS XXVII

EXPLANATIO CAPITULI NONIDECIMI: ET EGRESSA EST SORS SECUNDA FILIORUM SIMEON.

MODO describuntur sortes sex tribuum. *Et egressa est sors secunda filiorum Simeon, id est, tribui Simeon evenit sors immediate post Benjamin, per cognationes suas. Fuitque hereditas eorum in medio possessionis filiorum Juda: Bersabee, id est civitas sic vocata. Bersabee autem quandoque est nomen mulieris. Et Sabee et*

Molada, etc., id est oppida ista; et ponuntur in littera decem et septem oppida tribui huic concessa, sicque habuit urbes pauciores quam Benjamin tribus. Denique, sicut præhabitum est, et expositores fatentur concorditer, tribus Juda, tanquam major, fortior atque pugnacior, habuit maximam sortem et terræ partem: quia non

solum per sortis easum partem suam accepit, sed item per concessionem, ita quod habuit ea loca quæ bellando acquirere potuit. Sicque quoniam exstitit bellicosa et fortis, ampliavit non modice terminos suos: ideo aliquæ urbes et villæ quas acquisivit, collatæ sunt tribui Simeon, et aliquæ tribui Dan: vel, quia tribus Juda non potuit omnia loca sua sufficienter occupare, implere et inhabitare: vel, quia terra residua non erat pro aliis tribubus satis magna. Quæ causæ tangi videntur, quum subditur: *Hæc est hereditas filiorum Simeon in possessione et funiculo*, id est sorte seu terra funiculo mensurata, *filiorum Juda, quia major erat*, videlicet ipsa possessio tribus Juda. *Et idcirco filii Simeon possederunt in medio hereditatis*

* eorum ejus *.

Præterea in Scholastica recitatur historia, quod tribus Juda et tribus Ephraim, tanquam privilegiatæ ac principales, habuerunt terram absque sorte: quod præinductis non consonat, quum et in præhabitis

Josue xv, 1.

ipsius mentio facta sit, Sors filiorum Juda per cognationes suas ista fuit; et alias,

Ibid. xvi, 1.

Ceciditque sors filiorum Joseph. Et Dominus jusserat totam terram promissionis, sortibus dividi. Nisi forte intelligatur per verbum prædictum, quod obtinuerunt terram, non tantum per sortem. Rursus in eadem Historia legitur: Proiectis sortibus, prima sors Judæ egressa est, secunda Simeoni, tertia Benjamin, quarta Ephraim, quinta medietati tribus Manasse, sexta Issachar. Quocirca miror quod sic refert, quum in textu manifeste habeatur oppositum. Si quidem præcedenti habetur capitulo, quod

Ibid. xviii, 11.

inter septem tribus primo egressa est sors Benjamin, nuncque asseritur in isto capitulo, quod Simeon accepit sortem post Benjamin. In alio capitulo quoque dicitur, Josue reprehendit septem tribus de ignavia, quod non introierunt in terram eis a Deo donatam: quod fuit postquam tribus Juda et Ephraim tribusque Manasse suas acceperunt hereditates. Nec dici potest, quod in istis capitulis non servetur ordo historiæ.

Consequenter describitur sors tribui Zabulon data. *Ceciditque sors tertia filiorum Zabulon per cognationes suas. Et factus est terminus possessionis eorum usque Sarid*, quia usque ad locum seu oppidum sic vocatum extenditur. *Ascenditque de mari*, forsan Mediterraneo. Unde in Genesi Jacob prædixit: Zabulon in littore maris habitabit et in statione navium, pertingens usque ad Sidonem. Fuerunt autem duodecim urbes tribui huic concessæ. Circa quod quæstio potest moveri, quomodo in isto observata sit et impleta jussio Dei, qui præcepit pluribus dare partem majorem, paucioribusque minorem. Porro tribus Zabulon multo major fuit, quam tribus Simeonis aut etiam Benjamin. Nempe, ut in Numerorum libro habetur, in secunda populi enumeratione fuerunt in tribu Zabulon sexaginta millia quingenti; in tribu autem Simeonis viginti duo millia ducenti, atque in tribu Benjamin quadraginta quinque millia sexcenti. Ad istud poterit responderi, quod forsane urbes tribus Zabulon erant majores, vel terra ejus fertilior, aut utilior, viculisque abundantior, aut spatiosior, quamvis minus ædificata et inhabitata. Similis quoque responsio ad consimiles potest quæstiones evolvi. Amplius, inter urbes Zabulon nominatur et Bethlehem, quæ alia est ab illa, in qua natus est Christus, quæ ad tribum pertinuit Juda.

Gen. XLIX, 13.

Num. XXXVI, 27, 41, 41.

Sequitur descriptio sortis Issachar. *Issachar, id est tribui Issachar, egressa est sors quarta per cognationes suas. Fuitque ejus hereditas Jezrael*, etc. Et exprimuntur in littera sedecim urbes ejus, inter quas una est Bethsames. Fuit autem terra hæc Issachar opulenta, pulchra, agriculturæque apta: propter quod Jacob prædixit in Genesi: Issachar, asinus fortis, accubans inter terminos, vidit requiem quod esset bona, et terram quod optima, et supposuit humerum suum ad portandum. Unde, ut sanctus ait Hieronymus, tribus Issachar possedit pulcherrimam in Galikea provinciam, inter mare Mediterraneum et Jordannem, et inter montes atque maritima. De-

Gen. XLIX, 14, 15.

inceps ponitur distributio facta tribui Aser. *Ceciditque sors quinta tribui filiorum Aser per cognationes suas. In ejus funiculo erant civitates viginti duæ cum villis suis; et inter cetera fertur, quod pertingebat usque ad civitatem munitissimam Tyrum, et usque ad Sidonem magnam: quo constat quod ex antiquis temporibus fuerunt urbes illæ præcipuæ. Fuit autem hæc terra Aser fecunda, producens delicata cibaria.*

Gen. XLIX, 20.

Unde Jacob prædixit: Aser, pinguis panis ejus, et præbebit delicias regibus. Consequenter describitur possessio tribus Nephthali. *Filiorum Nephthali sexta sors cecidit per cognationes suas: in qua erant civitates decem et novem. Fuitque terra Nephthali contigua seu propinqua terræ Zabulon contra meridiem, et terræ Aser ad occidentem, terræque Juda ad orientem.*

Tob. I. 1.

De hac Nephthali tribu fuit Tobias, et de prope Naasson, quæ in littera (ut videtur) Enhasor vocatur.

Sequitur descriptio sortis Dan. *Tribui filiorum Dan per familias suas egressa est sors septima, et fuit terminus possessionis eorum Saraa et Esthaol: quæ duæ*

Josue XV, 33.

Judic. XVIII, 11.

urbes ex sorte tribus Juda, datæ sunt eis, ut tactum est, et pertinebant ad tribum Dan, ut etiam in Judicium libro ostenditur, quamvis aliqui aliter opinentur. Nam et de ceteris urbibus Dan sub eadem connexionione jungitur, et *Hirsems, id est civitas Solis, Selebin et Aialon, etc.* Porro Hirsems dicitur civitas Solis, ob aliquam ejus eminentiam, proprietatem sive eventum; aut quia idololatræ solem coluerunt ibidem. In Ægypto quoque fuit civitas Solis, juxta il-

Is. XIX, 18.

ista est civitas, quæ in Judicium libro vocatur Lais, quam ibi leguntur expugnasse sexcenti viri de tribu Dan, et eandem Dan nuncupasse. Sed contra hoc objici posset, quoniam expugnatio illa fuit Josue jam defuncto: siquidem in fine illius capituli legitur, In diebus illis non erat rex in Israel. Josue autem auctor est hujus libri, et hic narratur historia: nisi forte dicatur, quod per spiritum prophetiæ hæc præcognovit, et de futuris per modum præteriti prophetice sit loentus. *Hæc est possessio filiorum Dan per cognationes suas, urbes et viculi earum.*

B

Quumque complisset terram sorte dividere singulis per tribus suas, dederunt filii Israel possessionem Josue in medio sui, juxta præceptum Domini, urbem quam postulavit, Thamnath Saraa in monte Ephraim. Illam etenim urbem petivit, quia et ipse exstitit Ephratæus. Ideirco in tribu sua voluit commorari. Dederunt autem ei urbem juxta placitum suum, scilicet quam elegit. Sed quum ipse fuerit princeps et judex totius Israelitici populi, cur petiit urbem ab illis? Dici potest, quod ex humilitate hoc fecit. Vel per filios Israel nunc specialiter intelliguntur non quicumque de populo, sed Eleazar pontifex, Caleb, et ceteri principes in tribubus Israel, qui ex mandato Dei terram diviserunt filiis Israel, quorum nomina in Numeris sunt scripta: et ita ex divina ordinatione pertinebat ad eos dare ipsi Josue partem suam. Atque, ut Josephus loquitur, dederunt ei etiam Sichem. Insuper dici potest, quod

D tota communitas simul sumpta, est aliquo modo supra principem suum, in quantum est res quædam communitatis ordinata ad bonum ipsius. Unde, secundum Philosophum in libro Politicorum, spectat ad eam destituere sen deponere eum communi consensu, si tyrannizet aut prorsus inutilis sit. *Et edificavit civitatem, habitavitque in ea. — Hæc sunt possessiones, quas sorte diviserunt Eleazar sacerdos, et Josue filius Nun, et principes familiarum ac tribuum filiorum Israel in Silo coram Domino, ad*

Num. XXXIV, 17-29.

ostium tabernaculi testimonii, partitque sunt terram.

Postremo ex his patet virtuositas Josue, qui quamvis primus esset in populo et principalis divisor, non tamen præripuit partem præstantiorem: sed tanquam dispensator fidelis et prudens, ultimo sibi providit, et nulli præjudicavit, nec extulit semetipsum: in quo præsentibus ac dispensatoribus grande et fructuosum dedit exemplum, ut amplius quærant bonum commune, quam proprium. Hinc Glossa ait, et sumptum est ex Origene: Vide mansuetudinem et humilitatem Jesu, id est Josue, qui nomen Salvatoris digne præferbat. Ipse aliis dedit hereditatem, et terram jussit describi, ac descriptam sibi ostendi, et se ipsum in novissimis reservavit.

A Voluit omnium esse novissimus, ut esset omnium primus. Non sibi hereditatem assumit neque præsumit, sed accipit a populo cui dedit. Hæc tunc exemplariter facta, nobis imitanda proponuntur, ut impleamus quod scriptum est, quod Josue adimplevit: Quanto major es, humilia te in omnibus, et invenies gratiam coram Deo. Et alibi: Rectorem te posuerunt? noli extolli, esto in illis quasi unus ex ipsis. Hæc Origenes. Denique verus Jesus per Josue figuratus, petit a populo suo sibi locum in monte Ephraim dari. Stat namque ad ostium mentis et pulsatur, ut in apice mentis suscipiatur et commoretur, ita ut intellectus ipsum sinceriter contempletur, et voluntas eum amet ferventer, ipsa quoque memoria stabilietur in ipso.

Ecli. iii, 20.
Ibid. xxxii, 1.

Apoc. iii, 20.

ARTICULUS XXVIII

ELUCIDATIO CAPITULI VICESIMI: ET LOCUTUS EST DOMINUS AD JOSUE.

DESCRIPTIONE divisionis terræ completa, nunc agitur de assignatione civitatum refugii. *Et locutus est Dominus ad Josue, dicens: Loquere filiis Israel, et dic eis: Separate urbes fugitivorum, id est, aliquas urbes seorsum ac specialiter deputate, quæ sint in refugium eorum qui sanguinem effuderunt, seu homicidium commiserunt absque peccato, videlicet omnino excusabiliter atque fortuito, et sine proposito; de quibus locutus sum ad vos per manum Moysis: quia in Numeris Dominus jussit istud per Moysen: ut confugiat ad eas, id est aliquam earum, quicumque animam percusserit nescius, id est, hominem nescienter excusabiliterque occidit, et possit evadere iram proximi, qui ultor est sanguinis, id est vindictam consanguineorum, qui parati sunt effusionem sanguinis seu mortem occisi ulcisci, quum ad unam,*

Num. xxxv, 9 et seq.

D id est aliquam, harum confugerit civitatum. *Stabitque ante portam civitatis, id est, judices civitatis faciet convocari ad portam, vel dum ibi fuerint, præsentabit se eis. Antiquitus quippe judices in portis civitatum sedebant, ut citius ac facilius haberetur ad eos recursus. Et loquetur senioribus, id est majoribus atque judicibus, urbis illius, ea quæ se comprobent, id est, per quæ probet se, innocentem, ita quod in illo homicidio non consistat culpabilis. Sicque suscipient eum, id est, intrare urbem permittent, et dabunt ei locum ad habitandum, si excusatio illa apparuerit rationabilis.*

Quumque sanguinis ultor, puta propinquus occisi, paratus ulcisci (et jus habens ad hoc, si homicida fuerit inexcusabilis, sententia inde lata) eum fuerit persecutus, non tradent fugitivum in manus ejus, id est

propinqui ejus qui occisus est, *quia ignorans percussit proximum ejus*, id est sine proposito et intentione lædendi, nec fuit negligens in adhibendo cautelam. *Nec antebiduum vel triduum ejus esse probatur inimicus*, id est, probari non potest, quod antea fuerit hostis illius, quem nunc improvise inculpabiliterque occidit. *Et habitabit in civitate illa*, nisi aliunde obstaculum oriatur, seu mors interveniat, *donec stet ante judicium*, id est, ad tribunal illius urbis ducatur, in ejus dominio seu terminis homicidium perpetravit, *causam reddens facti sui*, id est, opus suum pro posse excusans, et qualiter contigerit manifestans. Finalis quippe sententia de sua innocentia aut reatu, non dabatur per iudices civitatis refugii, nisi in ejus dominio accidisset homicidium, sed ad * iudices jam præfatos, et ad eos pacifice ducebatur de urbe refugii. Quod si innocens judicabatur, ad urbem refugii reducebatur, mansurus ibi secure; si vero reus inveniebatur, mox dabatur cognatis occisi interimendus. *Et moriatur sacerdos magnus, qui fuerit in illo tempore*: id est, tamdiu in civitate refugii habitabit, quousque pontifex tunc præsidens moriatur, vel etiam quousque reconcilietur amicis occisi. *Tunc*, scilicet mortuo pontifice, *revertetur homicida, et ingreditur civitatem seu villam, et domum suam de qua fugerat*.

Decreveruntque, id est, pro civitatibus refugii assignare proposuerunt, imo et assignaverunt, *Cedes*, id est urbem sic nominatam, *in Galilæa montis Nephthali*, id est, in qua Galilæa est mons ad sortem tribus Nephthali pertinens: *et Sichem*, id est oppidum illud, *in monte Ephraim, et Cariatharbe, ipsa est Hebron, in monte Juda*. Hæ tres fuerunt citra Jordanem in terra promissionis. Aliæ tres fuerunt trans Jordanem in terra Amorrhæorum, ut patet in littera: quæ quum plana sit, expositionem non exigit.

Circa hæc multa possunt inquiri. Primum, cur æque multæ erant civitates refugii in terra duarum ac mediæ tribuum, atque in

A terra tribuum novem ac mediæ. Secundum est, cur occisor omnino excusabilis, cogebatur tam diu esse profugus a propria domo et oppido. Tertium, cur post mortem summi pontificis revertebatur ad propria. Possent et alia multa hic quæri, quæ super librum Numerorum et alibi potius habent locum, puta de homicidio casuali, et quando ac qualiter homicidium totaliter excusetur. Ad primum dici potest, quod terra duarum tribuum ac mediæ erat latissima, et multum a templo ac tabernaculo distans: B ideo erant et ibi tres civitates refugii. Ad secundum dicendum, quod profugus erat talis occisor tam diu, ne ejus præsentia concitaret propinquos occisi ad iram et ultionem. Ad tertium respondetur, quod defuncto pontifice, erat quasi quædam innovatio status in populo, et quoniam summo pontifice (qui erat omnium spiritualis pater) sublato, sic affici debuerunt pio mœrore et luctu, quod proprias obliviscerentur injurias.

Præterea, juxta intelligentiam spiritua- C lem, per civitates refugii intelliguntur materiales ecclesiæ consecratæ, ad quas rei et homicidæ confugientes, non capiuntur: imo non solum excusabiles, sed et inexcusabiles injuriatores et homicidæ assecurantur in eis: quia lex evangelica, lex pietatis censetur, ideo in ea superabundat misericordia. Figura quoque distat a figurato, et major est dignitas sacrorum locorum, quam urbium erat illarum. In novo etiam Testamento cum novo pontifice ac principe intrant rei. Rursus, per D civitates refugii designantur principes et prælati, ad quos refugium habent innocentes, et omnes qui habent causam. Unde, secundum Philosophum, ad judicem tanquam ad vivam legem et animatam justitiam confugiunt homines. Item, per civitates refugii exprimuntur loca pœnitentiæ et monasteriorum, ad quæ confugiunt multi, ne ab invisibilibus hostibus ad carceres infernales trahantur. Generalius autem loquendo, per civitates refugii intelliguntur remedia contra peccata; per

Sensus spiritualis.

* per

Jordanem vero designatur Baptismus. Quem admodum ergo trans Jordanem et citra eundem, fuerunt tres urbes refugii : sic ante institutionem sacramenti Baptismi fuerunt tria peccatorum remedia, scilicet fides parentum, immolatio hostiarum, et circumcisio ; ita et post institutionem Baptismi sunt tria remedia vitiorum, unum est Pœnitentia, alterum Eucharistia, tertium Matrimonium, quod non solum officium est naturæ, sed et remedium contra concupiscentiam carnis et actum ejus illicitum. Porro jejunium, oratio et elemosyna, tam ante Baptismum, quam postea, fuerunt culparum remedia : similiter contritio cordis, emendatio vitæ, satisfactio pro offensa. Denique, omnes sex civitates

A refugii ad sacerdotes et Levitas spectabant, quoniam bona clericorum debent esse communia, secundum Hieronymum. Atque ad clerum totus populus debet habere refugium, specialiter etiam homicidæ ad sacerdotes ad confitendum. Postremo, et hoc notandum, quod tres civitates refugii trans Jordanem, dicuntur fuisse in montibus : quia præfata remedia post Baptismum, per eas signata, magnæ et sublimis sunt gratiæ sacramenta. Ecclesiæ quoque fundantur in monte altissimo Domino Jesu Christo : similiter prælati, principes ac judices debent in sublimitate prudentiæ ac virtutum consistere, ceterisque fama, conversatione, et gubernatione fulgere.

ARTICULUS XXIX

ELUCIDATIO CAPITULI VICESIMI PRIMI : ACCESSERUNT AUTEM PRINCIPES FAMILIARUM LEVI.

COMPLETA descriptione civitatum refugii, nunc recitatur distributio urbium facta Levitis. Levitæ autem quandoque generaliter accipiuntur pro filiis Levi, tam sacerdotibus, quam ministris templi, inferioribus illis : et ita nunc capiuntur. Interdum vero, prout a sacerdotibus distinguuntur. Accesserunt autem principes familiarum Levi, quæ familiæ paulo post exprimuntur, ad Eleazarum sacerdotem : non quod ipse solus tunc fuit sacerdos, sed princeps exstitit sacerdotum : et ad Josue filium Nun, et ad duces cognationum per singulas tribus filiorum Israel, id est principes tribuum : locutique sunt ad eos in Silo terræ Chanaan, atque

Num. xxxv, 1-8.

ta. Erant autem suburbana illa magna, quorum quantitas in Numeris exprimitur. *Dederuntque filii Israel, id est, petitioni Levitarum satisfecerunt, de possessionibus suis, juxta imperium Domini, civitates et suburbana earum.* Num. xxxv, 4, 5.

Egressaque est sors in familiam Caath filiorum Aaron sacerdotis, de tribubus Juda et Simeon et Benjamin civitates tredecim. Littera ista est aliquantulum intricata. Itaque ordo verborum et sensus est : primo cecidit sors familiæ Caath, scilicet filiis Aaron : quorum sors comprehendebat tredecim urbes, quæ datæ sunt illis Aaronitis a tribubus tribus, hoc est a tribu Juda, tribuque Simeon, ac Benjamin. Et reliquis filiorum Caath, id est Levitis qui superfu-
erant, datæ sunt civitates decem, de tribubus Ephraim et Dan, et dimidia tribu Manasse. Quocirca pensandum, quia, ut legitur in Exodo, Levi patriarcha tres ha-

Exod. vi, 16, 18, 20.

buit filios, scilicet Gerson et Caath et Merari : Caath genuit Amram, patrem Moysis et Aaron. Ex Aaron nati sunt pontifices et ceteri sacerdotes, qui nunc vocantur Aaronitæ, seu familia Caath filiorum Aaron. Reliqui autem filiorum Caath, puta Levitæ qui supersunt, nati sunt ex Caath per alios filios ejus, qui fuerunt Isaar et Hebron et Oziel. Porro filiis Gerson, id est Levitis natis ex Levi per filium suum Gerson, egressa est sors, ut acciperent de tribubus Issachar et Aser et Nephthali, dimidiaque tribu Manasse in Basan : quæ fuit regio ultra Jordanem, et pertinebat ad mediam tribum Manasse, ut patuit. Unde quod ait, In Basan, referendum est ad dimidiam tribum Manasse dumtaxat, quæ habitavit in Basan, quoniam tribus Issachar et Aser et Nephthali citra Jordanem manebant. Civitates numero tredecim : quarum quædam erant in Basan, ut infra habetur. Et filiis Merari per cognationes suas, id est Levitis natis ex Levi per Merari, datæ [sunt] de tribubus Ruben et Gad et Zabulon urbes duodecim : quarum major pars fuit trans Jordanem, ubi tribus Ruben et Gad morabantur, et minor pars fuit citra Jordanem, in funiculo Zabulon.

Josue xvii,
1.

Ibid. xx, 7.

Dederuntque filii Israel Levitis civitates et suburbana earum juxta præceptum Domini per manum Moysis, singulis sorte tribuentes. De tribubus filiorum Juda et Simeon, dedit Josue, etc. Hic exprimuntur urbes datæ Aaronitis in speciali : inter quas primo nominatur Hebron, quæ fuit refugii civitas, ut dictum est capitulo præcedenti. Quarum ista sunt nomina : filiis Aaron per familias Caath Levitici generis (prima enim sors illis egressa est) Cariath-arbe patris Enac, quæ vocatur Hebron, in monte Juda, et suburbana ejus per circuitum. Agros vero et villas ejus dederat Josue ipsi Caleb filio Jephone ad possidendum : ita quod agri et villæ annexi civitati Hebron, erant hereditaria possessio hujus Caleb, qui etiam fuit dominus urbis Hebron, et mansit inter Levitas ibidem. De tribu autem filiorum Benjamin, dedit Josue

A Aaronitis Gabaon, etc. Littera plana est. Itaque universæ civitates Levitarum fuerunt quadraginta octo, quarum decem fuerunt trans Jordanem in tribubus Ruben et Gad et media tribu Manasse. In illis autem urbibus etiam alii multi cum Levitis manebant.

Deditque Dominus Israeli omnem terram, quam traditurum se eis, patribus eorum juraverat, et possederunt illam, atque habitaverunt in ea. Istud videtur contrariari dictis jam sæpe, quod scilicet filii Israel tempore Josue non obtinuerunt omnem terram eis promissam, imo nec tempore Judicum, sed tempore David et Salomonis. Respondetur, quod verbum jam præinductum, posset per modum hyperbolice locutionis intelligi, vel loquitur hæc scriptura de futuro per modum præteriti, quasi prophetale oraculum proferens. Promissio quoque Dei fuit intelligenda, quod terra daretur filiis Israel successive, secundum quod poterant eam populare, id est sufficienter inhabitare, ne bestię contra eos in terra non habitata multiplicarentur : sicque promissio illa est successive impleta. Dataque est ab eo pax in omnes per circuitum nationes, id est, filiis Israel dedit Dominus quietem et pacem, circa gentes in eorum circuitu demorantes, ita quod nulla earum audebat se contra Israelitas erigere longo tempore, quousque filii Israel, Deo relicto, ad idololatriam sunt prolapsi. Nullusque eis hostium resistere ausus est : id est, nullus eorum qui adhuc erant residui ex gentibus, quarum terras Dominus Israeli promisit, audebat bellum eis movere ; sed cuncti in eorum ditionem redacti sunt, id est perfecte subjecti et tributarii facti : quod ex Dei auxilio factum est. Attamen filii Israel, qui ex cupiditate ceperunt illos ad habitandum inter se sub tributo, contra Dei præceptum fecerunt, præsertim quando satis copiosi fuerunt ad terræ populationem. Ne unum quidem verbum, quod illis præstaturum se esse promiserat, irritum fuit, sed rebus expleta sunt omnia.

Deut. vii, 22.

Circa præhabita advertendum, quod Levi-
vitæ fuerunt per omnes tribus Israel hinc
inde dispersi, quatenus undique instrue-
rent filios Israel, et eos ab idololatria
revocarent. Et item, quia communi tri-
bunum stipendio sustentabantur, ideo ne
qua tribus ex hoc gravaretur, per omnes
dispersi sunt tribus; atque ne cultus Dei
videretur ad unam tantum tribum spectare.

Sensus
spiritualis.

Insuper spiritualiter per civitates Levi-
tarum, collegia clericorum, cœnobîa reli-
giosorum, et cetera sacra loca signantur, in

A quibus spirituales homines commorantur :
quorum loca atque stipendia, a sæcularibus
eis exstant collata, ut fundatoribus suis ac
ceteris spiritualia bona communicent et
impendant. Sunt quoque hi homines spiri-
tuales et clerici ac religiosæ personæ per
omnem Christianitatem diffusi, ut undi-
que instruant plebem. Christianis quoque
contulit Deus exuberantissima munera gra-
tiarum, et invisibiles atque visibiles ho-
stes frequenter subiecit Ecclesiæ, quam et
ubique diffudit terrarum.

ARTICULUS XXX

EXPOSITIO CAPITULI VICESIMI SECUNDI : EODEM TEMPORE VOCAVIT JOSUE RUBENITAS.

JAM enarratur, qualiter duæ et media B
tribus ad loca sua reversæ sint. *Eodem
tempore* quo completa sunt quæ in fine
præcedentis recitantur capituli, *vocavit Jo-
sue Rubenitas et Gaditas et dimidiam tri-
bunum Manasse, dixitque eis: Fecistis omnia
quæ præcepit vobis Moyses famulus Do-
mini*, id est, juxta ejus imperium præces-
sistis ceteras Israel tribus, et pugnastis
pro eis, quousque terram obtinuerunt. *Mi-
hi quoque in omnibus obedistis, eundo et
redeundo ac præliando, secundum quod
vobis jussi; nec reliquistis fratres vestros* C
*longo tempore usque in præsentem diem,
custodientes imperium Domini Dei vestri.*
In his verbis obedientia commendatur,
suntque beati qui suis superioribus taliter
secundum Deum obediunt, et quibus, qui
præsunt, tale testimonium perhibent. *Quia
igitur dedit Dominus Deus vester fratri-
bus vestris quietem et pacem, sicut pollici-
tus est, revertimini in tabernacula vestra,
ita dumtaxat*, id est, sub hac conditione
et forma vos ad redeundum licentio, *ut
custodiatis attente per diligentem memo-* D
riam, et opere compleatis mandatum illud

præcipuum de diligendo Dominum Deum,
*et legem quam præcepit vobis Moyses fa-
mulus Domini*, id est Deus per Moysen,
scilicet cetera præcepta moralia, judicia-
lia, ac cærimonialia. Hinc subditur : *ut
diligatis Dominum Deum vestrum* amore
supernaturali, infuso, gratuito, potissime
propter puram et infinitam bonitatem ip-
sius, et quoniam prior dilexit vos, deinde
propter universa beneficia et promissa ip-
sius, *et ambuletis in omnibus viis ejus*, id
est, ad beatificum finem tendendo, ob-
servetis omne opus virtutum necessarium
ad hujusmodi finem. Qui enim in uno of-
fendit, omnium reus efficitur. *Et observe-* 10.
tis mandata ejus, adhæreatisque ei per
fidem, spem et caritatem, per quas potis-
sime et interne colitur Deus, *ac serviatis
ei in omni corde, toto intellectu et integra
voluntate, ne cor vestrum divisum sit, ad-
hærendo partim Creatori partimque crea-
turæ, et in omni anima vestra*, id est ce-
teris animæ viribus, per quas Deo servire
potest.

1 Joann. iv,
10.

Jacob. ii,
10.

*Benedixitque eis bona imprecando, et
dimisit eos. Qui reversi sunt in taberna-*

1 Reg. xxx,
24.

cula sua, etc. Quumque dimitteret eos in tabernacula sua, et benedixisset eis, dixit ad eos: In multa substantia, id est copiosa possessione, revertimini, etc., dividite prædam hostium, quam scilicet ab hostibus vestris Chananæis jure prælii, imo ex Dei (eujus sunt omnia) donatione obtinistis, cum fratribus vestris, illis videlicet, qui interim quod vos hic fuistis, remanserunt in urbibus et villis vestris ad custodiendum ea quæ vestra sunt. Hic tamen non dicitur, quantum illis dare deberent. Legitur autem primo Regum, quod

David statuit legem, ut æqua esset portio pugnatorum, et eorum qui ad sarcinas remanserant, custodiendo pertinentia ad pugnantes. Verumtamen ante illud tempus servabatur lex illa, saltem quantum ad aliqualem divisionem cum illis. Nam et Abraham in Genesi, et Josue in hoc loco illud servari jusserunt. Porro, ut Josephus refert, populus Israel deduxit has tribus non sine lacrimis, et vix semetipsos ab invicem dividerunt.

Reversique sunt et abierunt filii Ruben, et filii Gad, et dimidia tribus Manasse, a filiis Israel de Silo, quæ sita est in Chanaan, ut intrarent Galaad terram possessionis suæ, quam obtinuerant juxta imperium Domini in manu Moysis. Quumque venissent ad tumulos Jordanis in terram Chanaan, videlicet circa terminos ejus, edificaverunt juxta Jordanem, in terra promissionis ac novem tribuum, non ab alia parte Jordanis, altare infinite magnitudinis. Infinitum multipliciter sumitur: uno modo, pro eo cujus nullus est finis, nec

in duratione, nec in essentia, nec in perfectione, sicque competit soli Deo; alio modo, pro re ultra modum ac solitum magna, et ita accipitur modo. Unde alia translatio habet, Aram ingentem. Atque ut fertur, in Hebræo habetur, Altare magnæ visionis, quod scilicet a longe poterat conspici. Potest quoque per hyperbolen accipi.

Quod quum audissent filii Israel, et ad eos certi nuntii detulissent, edificasse filios Ruben et Gad et dimidiam tribum

A Manasse, altare contra filios Israel, id est ex opposito habitationis novem tribuum. Vel ideo dicitur, Contra filios Israel, quia sic eis fuit relatum, quod illi construxissent altare hoc in malum atque perniciem ceterarum tribuum Israel. Convenerunt omnes in Silo, ut ascenderent et dimicaret contra illos ex zelo divini honoris ad ulciscendum injuriam Dei, et ne Deus eos plagaret, nisi ipsius vindicarent injuriam, quemadmodum propter excessum Achan erant puniti. Denique frequenter contingit, quod hi qui contra alios diu concorder praeliantur, sopitis extraneis bellis, intestina incipiant gerere prælia. Et interim miserunt ad illos in terram Galaad Phinees et decem principes cum eo, singulos de singulis tribubus, id est unum specialem de qualibet tribuum decem, computando tamen mediam tribum Manasse pro una tribu. Hos ergo miserunt ad inquirendum certius veritatem, quoniam non ex relatu volatili, nec ex levi injustave causa ineundum est bellum, potissime magnum, periculosum et intestinum.

Qui venerunt ad filios Ruben et Gad, et dimidiam tribum Manasse in terram Galaad, dixeruntque Phinees et sui ad eos: Hæc mandat omnis populus Domini, id est, filii Israel in Dei cultu manentes, jubent vobis dici, et seiscitantur per nos, vos qui jam indigni estis populus Dei vocari: Quæ est ista transgressio? id est, cur peccastis tam graviter? Cur dereliquistis Dominum, per mentis aversionem et inobedientiam, edificantes altare sacrilegum, id est abusivum in Dei obsequio, et a cultu ejus recedentes? Sic enim isti putabant, quod illi fecissent illud altare ad offerendum super illud sacrificia, quæ tunc offerri non poterant, nisi in Silo in tabernaculo Domini, et super altare ejus ibidem: ideo altare ab illis alibi factum ad sacrificandum, fuisset sacrilegum sen abusivum rei sacræ, puta altaris seu immolationis, quæ secundum se, dicunt quid sacrum. Vel, ut Josephus scribit, putabant eos construxisse illud altare ad sacrificandum diis alienis.

An parum vobis est, quod peccastis in A possessionis vestre, id est indignam ut in ea poneretur tabernaculum Domini et altare, propter idololatrias et alias impietates ibi ante commissas, et ideo extra illam ad ripam Jordanis construxistis altare, in quo tanquam vobis viciniore quam est altare Domini situm ad ostium tabernaculi, hostias offeratis, quasi attedati remotius ire ad immolandum : transite ad terram, in qua tabernaculum Domini est, et habitate inter nos : quia potius volumus vobis terram nostram dividere, quam ut eam soli habentes, peccare vos permittamus. Ideo subditur : tantum ut a Domino et a nostro consortio non recedatis, adificato altari præter altare Domini Dei vestri : id est, hoc solum optamus et petimus, atque sub hac conditione terram nostram vobis communicare parati sumus, ut Deum non offendatis, nec nostram communionem in Dei cultu derelinquatis, quod et nobis esset nocivum : quod patet exemplo quod sequitur. Nunc Achan filius Zare, præterit mandatum Domini, usurpando de anathemate Jericho, et super omnem populum Israel ira ejus incubuit ? quia in ultionem illius facinoris quidam fuerunt occisi, plures fugati, et omnes turbati. Et ille Achan erat unus homo, atque utinam solus periisset in scelere suo, id est, quantum in nobis est, valde optaremus quod ipse solus fuisset occisus pro suo facinore. Istud supra plenius recitatur, et ibi expositum est.

Num. xxv, 1-3, 18; xxxi, 16. Beelphegor ? adorando idolum Phogor, seu comedendo de immolatis eidem, quando ad suggestionem Balaam, Balac rex misit filias Madian, quæ filios Israel ad fornicationem illam spirituales, videlicet idololatriam, et etiam carnalem provocarent attraherent. *Et usque in presentem diem macula hujus sceleris, id est diffamia et vituperatio quedam, ex tanto scelere consequentæ, in vobis permanet.* Quamvis autem crimen illud fuit commune et aliis tribubus, Phinees tamen et sui nunc specialiter imputant illud his tribubus, quia putabant eos nunc rursus simile facinus commisisse. Propter quod illud quodammodo rediret, et de novo imputaretur, secundum quod in Evangelio debita dimissa reputantur a servo nequam, qui conservo suo noluit misereri. Verumtamen hi, quibus Phinees et sui ista locuti sunt, non videntur crimen illud in Beelphegor commisisse, sed potius patres aut propinqui seu consortes eorum : imo et qui illud fecerunt, mox fuerunt occisi, ut Numerorum liber habet. Sed et crimen illud præcessit secundam populi Israelitici dinumerationem, in qua isti fuerunt connumerati, ut in Numeris describitur. Dicuntur tamen peccasse in Beelphegor eo modo, quo peccatum aliquorum toti societati aut communitati solet adscribi. *Multique de populo corruerunt, id est, propter crimen illud interfecti sunt.* Circa quod aliqui dicunt, quod multi propter peccatum paucorum corruerunt. Ex quo sequeretur, quod non solum qui crimen illud commiserunt, sed item qui consenserunt, aut non debite restiterunt, fuerunt occisi. Nam et principes jussi fuerunt suspendi, et viginti quatuor millia de populo ceciderunt. *Et vos hodie dereliquistis Dominum, et cras, id est cito post hæc, in universum Israel ira ejus deserviet, id est, omnes puniemur a Domino pro vestro excessu.* Porro, quæ æquitate hoc fieri posset, supra diffuse expositum est.

Matth. xviii, 34.

Num. xxv, 5; xxvi, 1, 2.

Ibid. xxv, 4, 9.

Josue vii.

Quod si putatis immundam esse terram

possessionis vestre, id est indignam ut in ea poneretur tabernaculum Domini et altare, propter idololatrias et alias impietates ibi ante commissas, et ideo extra illam ad ripam Jordanis construxistis altare, in quo tanquam vobis viciniore quam est altare Domini situm ad ostium tabernaculi, hostias offeratis, quasi attedati remotius ire ad immolandum : transite ad terram, in qua tabernaculum Domini est, et habitate inter nos : quia potius volumus vobis terram nostram dividere, quam ut eam soli habentes, peccare vos permittamus. Ideo subditur : tantum ut a Domino et a nostro consortio non recedatis, adificato altari præter altare Domini Dei vestri : id est, hoc solum optamus et petimus, atque sub hac conditione terram nostram vobis communicare parati sumus, ut Deum non offendatis, nec nostram communionem in Dei cultu derelinquatis, quod et nobis esset nocivum : quod patet exemplo quod sequitur. Nunc Achan filius Zare, præterit mandatum Domini, usurpando de anathemate Jericho, et super omnem populum Israel ira ejus incubuit ? quia in ultionem illius facinoris quidam fuerunt occisi, plures fugati, et omnes turbati. Et ille Achan erat unus homo, atque utinam solus periisset in scelere suo, id est, quantum in nobis est, valde optaremus quod ipse solus fuisset occisus pro suo facinore. Istud supra plenius recitatur, et ibi expositum est.

Deinde describitur Rubenitarum et sociorum eorum rationabilis excusatio. *Responderuntque filii Ruben et Gad et dimidie tribus Manasse, principibus legationis Israel : Fortissimus Dominus Deus Israel ipse novit, id est, scit vera esse quæ dicimus, et Israel simul intelligat, id est, populus Israel qui vos misit, ex nostra responsione veritatem cognoscat. Si prævaricationis animo, id est proposito seu intentione idololatræ, hoc altare, de quo mentio est, construximus, non custodiat nos Dominus ab invisibilibus et visibilibus hostibus, sed puniat in presenti.* Istud

Josue vii.

fuit quasi juramentum per execrationem seu imprecationem mali in se ipsum, sicut et illud Apostoli: Ego testem invoco Deum in animam meam, etc. *Et si ea mente fecimus hoc altare, ut holocausta et sacrificia et pacificas victimas super eo imponeremus ad immolandum vero Deo, ipse querat et judicet*, id est, debitam pœnam a nobis requirat, nosque dijudicet. Denique holocaustum est hostia quæ ad divinæ majestatis honorem tota comburitur; sacrificium autem nunc sumitur pro hostia quæ pro remissione peccati offertur. *Pacificæ vero victima est hostia pro pace, salute aut gratia, impetranda aut conservanda, Domino immolata. Et non ea magis cogitatione atque tractatu*, id est consilio seu deliberatione, *ut diceremus*, id est, inter nos probabiliter conjecimus ac contulimus; vel, *Ut diceremus vobis, assignando causam ædificationis hujus altaris: Cras dicent filii vestri filiis nostris*, id est, probabiliter suspicamur ac formidamus, quod tempore procedente posteri vestri dicturi sint posteris nostris: *Quid vobis et Domino Deo Israel?* id est, non pertinetis ad Dominum, nec estis de sorte et numero populi ejus. Cujus ratio subditur: *Terminum posuit Dominus inter vos et nos (o filii Ruben et Gad) Jordanem fluvium, et idcirco partem non habetis in Domino*: id est, non estis pars populi ejus, nec habetis jus offerendi in tabernaculo ejus, vel super altare ipsius, quum terra promissionis, populo Dei promissa, finiatur ad Jordanem. *Et idcirco per hanc occasionem*, id est calvam et falsam persuasionem, *avertent* D fortassis, id est, avertere poterunt, *fili vestri filios nostros a timore Domini*: quia videntes se ita repelli a cultu Dei, ad idolatriam cadent.

Putavimus itaque melius, et diximus: Extruamus nobis altare, non in holocausta, neque ad victimas offerendas, sed in testimonium inter nos et vos, et sobolem nostram vestramque progeniem, ut serviamus Domino, etc. Textus est planus. Ad hoc quippe fecerunt altare istud, ut tam

A eis quam posteritati eorum esset in signum et memoriale ac argumentum, quod et ipsi essent populus Dei, et jus haberent sicut et ceteræ tribus Israel, ad offerendum super altare Dei. *Absit a nobis scelus hoc, ut recedamus a Domino, et ejus vestigia*, id est præcepta et effectus beneficos, scilicet arcam testimonii et altare, *relinquamus*. Quemadmodum enim vestigium repræsentat eum qui illud impressit, ita sapientia, omnipotentia, justitia, bonitas et eminentia Dei, in ejus præceptis effectibusque præfatis relucet. *Exstructo altari ad holocausta et sacrificia et victimas offerendas, præter altare Domini quod exstructum est ante tabernaculum ejus*. Unum enim altare fuit in atrio ante et extra ostium tabernaculi, super quod sacrificia populi offerebantur, et de illo jam sermo. Aliud in tabernaculo erat.

Quibus auditis, etc. Hic recitatur quemadmodum Phinees et qui cum eo erant, valde contentati fuerunt ex ista responsione. *Dixitque Phinees filius Eleazari sacerdos ad eos: Nunc scimus quod vobiscum sit Dominus, quia alieni estis a prævaricatione hac*, quia tam solliciti exististis et estis ad præcavendum, etiam in futurum, Dei offensam; *et liberastis filios Israel de manu Domini*: id est, per anticipationem præservastis ceteras tribus Israel a pœna, quæ eis immineret, si commisissetis crimen quod imposuimus vobis. *Reversusque est cum principibus ad filios Israel, et retulit eis. Placuitque sermo cunctis audientibus. Vocaveruntque filii Ruben et filii Gad*, per quos et filii dimidiæ tribus Manasse dantur intelligi, *altare quod extruxerant, Testimonium nostrum quod Dominus ipse sit Deus*, id est, quod veri Dei populus atque cultores sumus. Nam (ut Josephus protestatur) hunc titulum superscripserunt altari ad perpetuam veritatis memoriam.

Ex hac historia edocemur zelo divini honoris fervere, amore justitiæ inflammari, pro posterorum nostrorum sollici-

tari salute, parati esse pro justitia mori, A adimplere, rationabilem quoque excusationem libenter suscipere; sed et gaudere de innocentia proximorum, ac Deum cordialiter collaudare pro donis gratiae quae aliis confert.

ARTICULUS XXXI

EXPOSITIO CAPITULI VICESIMI TERTII : EVOLUTO AUTEM MULTO TEMPORE.

SANCTUS vir Josue de plebis sibi commissæ salute sollicitus, eam hortatus est ad perseverandum in Dei cultu, sicut nunc enarratur. *Evoluto autem multo tempore a tempore illo, postquam pacem dederat Dominus Israeli,* ita quod nemo filios Israel impugnare præsumpsit ut ante, *subjectis in gyro nationibus universis,* quarum terras promiserat Dominus Israelitis : quæ pro maxima parte erant occisæ, residuæ vero erant Israeli subjectæ : *et Josue jam existente longævo et persenilis ætatis :* quando jam cœpit appropinquare C anno centesimo decimo ; *postquam diviserat terram filiis Israel, secundum quod Dominus imperaverat, vocavit Josue omnem Israelem,* id est communem plebem, *et majores natu et principes familiarum, ac duces tribuum, et magistros in lege peritos, dixitque ad eos.* Littera difficultatem non habet.

Ego senui, et progressioris ætatis sum, vosque cernitis omnia quæ fecit Dominus Deus vester cunctis per circuitum nationibus, etc. Multæque adhuc supersunt nationes ; Dominus disperdet eas, et possidebitis terram. Tantum confortamini, id est, hoc præcipue opto et hortor, ut confortentur corda vestra in Deo per gratiam et virtutes, per spem et fortitudinem ; et estote solliciti, ut custodiatis cuncta quæ scripta sunt in volumine legis Moysis, et non declinetis ab eis quæ Deus præcepit,

B *nec ad dexteram, nec ad sinistram :* utrumque vitiosum vitando extremum, ut via regia incedatis, nec per prospera neque adversa frangamini, sed semper in medio perseveretis, nec ultra vires quidpiam attentetis, nec per teporem et negligentiam tabescatis : *ne, postquam intraveritis ad gentes quæ inter vos futurae sunt, matrimonia faciendo cum eis, aut familiaritates, aut periculosas societates, juretis in nomine deorum earum, contra illud in Deuteronomio scriptum, Per nomina externorum deorum ne juraveritis. Itemque : Dominum Deum tuum timebis, et per nomen ejus jurabis. Qui enim jurat per deos gentilium, ostendit se colere eos, atque in veritatis testimonium eos assumit, sieque veneratur eosdem. Et serviatis eis, et adoretis illos ; sed adhæreatis Domino Deo vestro. Et nunc auferet Dominus gentes magnas, et nullus vobis resistere poterit, quia Dominus pro vobis pugnabit, sicut pollicitus est. Hoc tantum diligentissime præcavete, id est, cum omni cautela custodite, sive præfatum malum vitate, ut diligatis Dominum Deum vestrum toto corde usque in finem indesinenter.*

Quod si volueritis cum eis, id est gentibus, quarum terras Dominus vobis dedit, miscere connubia atque amicitias copulare : quod de amicitiiis socialibus, familiaribus et carnalibus intelligendum censetur, quoniam tales amicitiae ad peccata solent alli-

Exod. xxiii, 13; Deut. vi, 13; x, 20.

cere. Non autem prohibuit Dens filiis Israel spiritualem habere dilectionem ad illos : imo potius hoc præcepit. *Jam nunc scitote, quod Dominus non deleat eas ante faciem vestram, sed gentes adversariæ erunt vobis in foream et laqueum ac offendiculum, et sudes in oculis vestris.* id est, multipliciter vos affligent, detrudent et capient, atque aretabunt et pungent, ad diversa etiam vitia trahent, *donec vos auferat atque disperdat de terra hac optima. En ego hodie ingredior viam universæ terræ :* id est, cito subibo mortem corporalem, quæ cunctis in terra degentibus hominibus est via ad monumentum, imo ad vitam futuram, seu ad æternam salutem aut condemnationem perpetuam. *Et toto animo cognoscetis, quod de omnibus verbis quæ se Dominus præstiturum pollicitus est, unum non præterierit incassum. Sicut ergo implevit opere quod promisit, et prospera cuncta venerunt, sic adducet super vos quidquid*

malorum pœnarium cominatus est vobis, donec vos auferat, etc. Cito atque velociter consurget in vos furor Domini, si violaveritis ejus præcepta, præsertim si idola colueritis : de quibus comminationibus in Deuteronomio diffuse habetur. Quæ omnia quam vere in perversis, rebellibus atque idololâtris filiis Israel sint impleta, liber Judicium, librique Regum clarissime referunt.

Deut.
xxxiii, 15-68.

Juxta mysticum sensum, discant prælati et prædicatores verbi Dei ex isto capitulo, propriam fragilitatem et mortem humiliter intueri, doceantque subditos suos beneficia Dei recolere, ac majora bona eis in nomine Dei in futuro promittere, quæ nec oculus vidit, nec auris audivit, nec mens concepit. Deinde eos ad virtutes hortentur, divini rigorem judicii prædicent, æternam damnationem minentur, et quidquid ad salutem pertinet animarum, fideliter et constanter, jugiter et ardentem denuntient.

Sensus mysticus.

I Cor. ii, 9.

ARTICULUS XXXII

EXPLANATIO CAPITULI VICESIMI QUARTI : CONGREGAVITQUE JOSUE OMNES TRIBUS ISRAEL.

NON suffecit fideli duci Josue, populum sibi commissum semel admonuisse, sed quum videret sibi vitæ terminum imminere, rursus hortatus est eos, prout in isto narratur capitulo. *Congregavitque Josue, id est, ad se venire fecit, omnes tribus Israel, etiam eas quæ trans Jordanem manebant, in Sichem, id est urbem seu locum sic appellatum, qui secundum Josephum ad Josue pertinebat. Et vocavit majores natu ac principes tribuum, ac judices et magistros, steteruntque in conspectu Domini, id est, divinæ majestati devote se præsentaverunt, parati audire verbum Dei. Hos superiores specialiter convocavit, quoniam ex eorum virtuosa conversatione ac*

bono regimine, prosperitas, pax et salus populi communis magna ex parte pendebat, quum in Ecclesiastico scriptum sit : Secundum judicem populi, sic et ministri ejus : Jeremiasque dicat : Quoniam stulte egerunt pastores, ideo omnis grex eorum dissipatus est. Per quod majores prælati, principesque Ecclesiæ instruuntur specialem ac diligentem habere respectum ad suos officiatos, qualiter se habeant, et an sua officia digne et efficaciter prosequantur : quos et specialiter exhortari debent, et si opus fuerit, increpare. *Et ad populum, puta ad omnes simul tam majores quam minores, sic locutus est, commemorando eis diversa beneficia Dei, ut per*

Ecclesi. x, 2.
Jer. x, 21.

considerationem illorum accenderentur Dei amore, et grati esse satagerent, atque ad meliora provocarentur.

Hæc dicit Dominus : Trans fluvium habitaverunt patres vestri ab initio generationis eorum, Thare pater Abraham, et Nachor pater ipsius Thare, servieruntque diis alienis. Quemadmodum in Genesi legitur, Thare pater Abraham primo habitavit in Chaldæa, deinde cum filio suo Abraham et Lot, ex Chaldæa venit in Mesopotamiam, obiitque ibidem. Itaque verba ista dupliciter possunt exponi. Primo sic : Trans fluvium, id est ultra Euphraten qui inter Chaldæos et terram promissionis decurrit, habitaverunt patres vestri. Secundo sic : Trans fluvium qui inter terram Chanaan et inter Mesopotamiam fluit, habitaverunt patres vestri. Ibi tamen non habitaverunt ab initio, nec ibi moratus legitur Nachor pater Thare ; nec Abraham alienis diis servivit, sed Nachor pater ejus et Thare, ut dicunt Hebræi, saltem ad tempus. *Tuli ergo, id est, exire feci, et exeundi voluntatem infudi ; Tuli, inquam, Abraham patrem vestrum de Mesopotamiae finibus, et adduxi eum in terram Chanaan, ut eam darem posteris ejus. Multiplicavique semen ejus : quia ex Agar genuit Ismaelem, et alios ex Cetura, quæ fertur fuisse Agar.* *Et dedi ei Isaac,* supernaturaliter fecundando Saram, non obstante duplici causa suæ sterilitatis, videlicet senectute et naturali infecunditate ejus etiam in juventute. *Illi, videlicet Isaac, rursum dedi Jacob et Esau ex Rebecca, quæ naturaliter exstitit infecunda.* Porro quod ait, Rursum, referendum [est] ad verbum, Dedi, non ad Isaac, qui uno concubitu genuit ambos filios suos. *E quibus Esau dedi montem Seir ad possidendum, id est, terram Idumæorum montuosam donavi Esau et posteris ejus.* *Jacob vero et filii ejus descenderunt in Ægyptum* necessitate famis coacti et amore Joseph.

Clamaverunt autem filii Israel ad Dominum ex timore, quum post exitum de Ægypto vidissent Ægyptios se insequen-

tes : qui posuit tenebras inter vos et Ægyptios : nam angelus posuit nubem densam et tenebrosam ex una parte inter Ægyptios et Hebræos, ita quod Ægyptii tota nocte nequibant Hebræos accedere, ut in Exodo legitur ; et adduxit super eos mare, et operuit eos. Viderunt oculi vestri cuncta quæ in Ægypto fecerim : non quod omnes quibus Josue ista locutus est, viderint mirabilia Dei in Ægypto, sed Eleazar, Josue, Caleb et multi de tribu Levi, et qui in pueritia sua exierunt Ægyptum, ita quod in prima numeratione populi numerati non erant, tamen in exitu suo rationis compotes erant. Sed quomodo poterant isti omnia illa signa et plagas Ægyptiorum videre, quum habitarent seorsum in terra Gessen ? Ad quod aliqui dicerent, quod etiam in terra Gessen habitaverunt multi Ægyptii ibi plagati. Potest etiam dici, quod interiori visu ea viderunt. Et habitastis in solitudine multo tempore.

Et induxi vos in terram Amorrhæi, qui habitabat trans Jordanem, id est in regiones Schon regis Amorrhæorum, et Og regis Basan. Quumque pugnarent contra vos, tradidi eos in manus vestras : hoc ipsum apertum monstratur in libro Numerorum. Surrexit autem Balac filius Sephor rex Moab, et pugnavit contra Israelem. Non legitur alibi, quod Balac iniit pugnam corporalem contra filios Israel, sed insidiatus est eis ac restitit, inducendo eos ad magna facinora ex suggestionem Balaam, ex cujus consilio misit ad filios Israel speciosas puellas. Hinc subditur : Misitque et vocavit Balaam filium Beor, ut malediceret vobis, mala vobis imprecando per incantationes suas et carmina ac maleficia, seu magicas artes, ex quibus, Deo permittente, fiunt alterationes et obstupescationes ac debilitationes in hominibus ; et ego nolui audire eum, id est, a maledictione et ejus effectu prohibui immutando cor ejus : ideo subditur, sed econtrario per illum benedixi vobis tribus vicibus, prout in Numerorum historia enarratur. Omnipotens etenim Deus ad libitum suum immutat

Exod. xiv, 19, 20.

Ibid. 27, 28.

Num. xxi, 21-35.

Ibid. xxxi, 16.

Ibid. xxii, 5, 6.

Ibid. 31, 38.

Ibid. xxiii, xxiv.

Prov. xxi, 1. hominum mentes, et quocumque voluerit, vertit eorum voluntates, intentiones, proposita, ac verba disponit. *Josue iii, 17; vi, 1; xl, 3, 8.* *Transistis-que Jordanem, et cenistis ad Jericho, pugnaveruntque contra vos viri civitatis ejus Jericho, Amorrhæus et Pherezeus, etc., qui confluxerant in urbem illam ad succurrendum eis adversum vos, sicut in expositione supradicta patuit plenius.*

Exod. xxiii, 28; Deut. vii, 20. *Misique ante vos crabrones, id est hujusmodi muscas pungitivas, seu anxietatum et sollicitudinum ac timorum puncturas, ut supra expositum est; et ejeci eos, etc.*

Nunc ergo timete Dominum timore casto et filiali, vel saltem initiali, et servite ei corde perfecto atque verissimo. Multiplex est perfectio. Una absoluta, et extra ac supra omne genus: quæ soli competit Deo. Alia in genere, quæ etiam multiplex est: Una, qua mens creata fertur in Deum per cognitionem et dilectionem secundum extremum posse suum indesinenter sen semper in actu: et hæc competit Sanctis in patria. Alia, qua Deo adhæret per virtutes heroicas in hac vita: quæ convenit personis in virtutibus consummatis. Alia, qua Deo adhæret per evangelicorum observationem consiliorum. Alia, qua omnia illa vitat, quæ caritati contrariantur divinæ, observando cuncta præcepta: et hæc est perfectio sufficientiæ, de qua verbum istud potest exponi. Porro cor verissimum est, in quo absque admixtione falsitatis, vanitatis et iniquitatis, est veritas vitæ, veritas justitiæ, veritasque doctrinæ. *Et auferte deos quibus servierunt patres vestri in Mesopotamia, et in Ægypto.* Non est verisimile quod filii Israel, quibus Josue loquebatur, habuerunt idola ad colendum, qui jam tot et tanta in Dei virtute prælia victoriose egerunt; et si forte aliqua idola reservaverunt sibi occulte, potuit esse propter pretiositatem materiæ. Ideirco quod ait, *Auferte*, potest exponi. Nolite admittere, neque recipere; et si quæ habetis, abjicite. Sic et Jacob, convocata omni domo sua: *Auferte, inquit, deos alienos.*

Gen. xxxv, 2.

A Veruntamen quidam hic scribit: Potest dici, quod aliqui eorum habuerunt idola, quæ apportata fuerant de Ægypto. Sed B. Augustinus hoc reprobatur, dicens: Non habebant adhuc simulacra gentium, quum supra, obedientiam eorum commendaverit Josue: et si post tantas legis comminationes ea habuissent, non essent consecuti tot prospera.

Sin autem malum vobis videtur, ut Domino serviatis: propter difficultatem viæ salutis, et arduum ac multitudinem præceptorum ipsius, seu propter expensas sacrificiorum. Quibusdam vero malum aut inutile, seu etiam stultum atque superfluum visum est Deo servire, quia non crediderunt eum habere cognitionem et providentiam inferiorum et actuum humanorum, vel quia viderunt quod justis et servientibus Deo frequenter contingunt adversa, et impiis prospera. Unde per Malachiam loquitur Dominus talibus: *Invaluerunt super me verba vestra, et dixistis: Vanus est qui servit Domino, et quod emolumentum, quia custodivimus præcepta ejus?* De quibus in Psalmo: *Dixerunt, Quomodo scit Deus, et si est scientia in Excelso?* Atque in libro Job: *Dixerunt, Quis est Omnipotens, ut serviamus ei?* Sed hi quibus Josue loquebatur, tot et tanta Dei mirabilia conspexerunt, et ex ejus cultu tot prospera fuerunt consecuti, quod de ejus providentia et remuneratione non dubitaverunt. Itaque, Si malum vobis videtur Deo vero servire, *optio vobis datur*, id est, libera electio. *Eligite vobis hodie quod placeat, cui servire potissimum debeatis, utrum diis quibus servierunt patres vestri in Mesopotamia, an diis Amorrhæorum, in quorum terra habitatis.* Istud sanctus Josue profert quasi ironice: quasi dicat, Quidquid horum elegeritis, stolidum erit, atque peribitis id agendo. Vel ideo ait, *Optio vobis datur*, quia non cogit Deus hominem ad suum obsequium, sed propriæ libertati eum relinquit, non ut licenter agat quidquid voluerit, sed ut libere agendo mereatur aut demereatur, juxta illud Ecclesia-

Malach. iii, 13, 14.

Ps. lxxii, 11.

Job xxi, 15.

Ecclesi. xv,
14, 15, 17.

stici : Deus ab initio constituit hominem, et A reliquit eum in manu consilii sui : adjecit præcepta sua ; ad quod volueris, porrige manum tuam. *Ego autem et domus mea*, id est domestici mei, *serviemus Domino*. Quasi dicat : In hoc merito me principem vestrum sequi debetis.

Responditque populus et ait : Absit a nobis, ut relinquamus Dominum, qui eiecit universas gentes, id est, hostes quorum terras jam possidemus, pro maxima parte delevit, seu quosdam, imo et multos de omnibus illis occidit. *Serviemus ergo Domino, quia ipse est Deus noster*, id est creator et gubernator noster altissimus. Hæc est sufficiens copiosaque ratio serviendi Domino per patriæ cultum, quia creavit nos, et summus rector atque provisor est noster. *Dixitque Josue ad populum : Non poteritis servire Domino*. Hoc non dixit, insinuando absolutam impossibilitatem, sed difficultatem serviendi Altissimo perseveranter usque in finem, tum propter pronitatem istorum ad mala, tum propter divinorum arduum et multitudinem præceptorum, tum propter rigorem justitiæ. Unde subjungit : *Deus enim sanctus et fortis æmulator est*, id est, Deus essentialiter sanctus atque omnipotens, est detestator peccati, amator virtutum, osor peccantium. *Nec ignoscet sceleribus vestris atque peccatis*, si incideritis ea, nisi pœnitentiam veram egeritis. Non enim dimittit peccata inulta. Possunt autem per scelera, intelligi peccata in Deum, præsertim idololatria, superstitio, et species ejus ; per peccata vero, culpæ in proximum, ut furtum, rapina, etc. *Si dimiseritis Dominum per inobedientiam, et servieritis diis alienis*, qui a vera deitate deficiunt et distant in infinitum ; *convertet se*, non per aliquam mutationem sui ipsius, sed per effectum, quia a pietatis et liberalitatis suæ affluentia et dulcore ad rigorem procedet justitiæ, *et affliget vos atque subvertet*.

Dixitque populus ad Josue : Nequaquam ita ut loqueris, erit, sed Domino serviemus. Ex hoc videtur, quod vel Josue vel

populus sit mentitus. Et respondendum, quod ea quæ Josue dixit, intelligenda sunt per modum cujusdam exercitationis et avisationis ac comminationis. Nempe et id quod ait, Non poteritis servire Domino, præter expositionem prædictam, potest adhuc dupliciter accipi. Primo sic, Non poteritis propriis viribus, et sine auxilio gratiæ Dei, Deo servire meritoria servitute. Secundo sic, Non poteritis Deo servire servitute tam magna et reverentia, ut dignus est ipse, qui immensæ est majestatis, atque ob hoc infinita reverentia dignus. Sic ergo non erit ut loqueris, id est secundum quod verba tua videntur sonare, et ut minaris, et exercitando nos, faris. Sic religiosi eos qui instant pro ordine, exercere ac probare solent, dicendo : Non poteritis religionis hujus servare rigorem, nec perseverare in eo.

Et Josue ad populum : Testes, inquit, vos estis, quia ipsi elegeritis vobis Dominum, ut serviatis ei. Responderunt, Testes sumus hujus rei. Sed quomodo iidem poterant esse auctores et testes ? Respondendum, quod testificatio ista non fuit nisi iterata professio aut recognitio proprii actus, et testimonium contra se ipsos, si verba propria non impleverint. Ex hoc Josue infert : *Nunc ergo, ait, auferte*, id est, per anticipationem cavete ne suscipiatis, *deos alienos de medio vestri ; et inclinate corda vestra ad Dominum Deum Israel*, id est, humiliter ea subjicite Deo, et ad gratiæ ejus susceptionem ac incrementum ea parate et applicate, sicut ait Psalmista : *Inclinavi cor meum ad faciendas justificationes tuas in æternum*. Unde in Proverbiis legitur : *Hominis est animum præparare*. Itemque : *Cor hominis disponit viam suam*. Verumtamen hoc ipsum efficere est aliquo modo a Deo, et donum ipsius, qui hominem ab impedimento hujus inclinationis ac præparationis, id est a proposito peccandi ac vitiis, retrahit et avertit. Propter quod tertio Regum Salomon deprecatur : *Dominus inclinet cor nostrum post se*. Et Propheta in Psalmo : *Inclina cor meum in testimo-*

Ps. cxviii,
112.

Prov. xvi,
1. 9.

III Reg. viii,
38.
Ps. cxviii,
36.

nia tua. *Diritque populus : Domino Deo nostro serviemus, et erimus obedientes praeceptis ejus.* Si hoc dixerunt innitendo gratiae Dei, et de ejus auxilio confidentes, bona fuit responsio : si autem praesumendo de viribus suis, incauta et praesumptuosa fuit locutio : sicque incepit in eis illud

Rom. x, 3. Apostoli, Ignorantes Dei justitiam, et suam volentes statuere, justitiae Dei non sunt subjecti. Magis tamen apparet, quod secundum primum sensum locuti sint hoc.

Percussit ergo Josue in die illo foedus, id est, de novo obligavit populum ad Dei obsequium, fecitque pactum inter Deum et populum, ut populus Deo serviret. Unde Septuaginta transtulerunt, Disposuit Jesus testamentum ad populum : quae dispositio fuit testamenti jam dati repetitio. *Et proposuit populo praecepta atque judicia,* id est, praecepta Dei moralia, caerimonialia ac judicialia populo commemoravit, et observanda admonuit, *in Sichem ; scripsitque omnia verba haec in volumine legis Domini,* id est in libro hoc, in quo lex Dei commemoratur. Vel, In volumine legis Dei, id est in Scriptura canonica, quae tota est quasi unum divinae legis volumen, ad quod pertinet liber iste, quemadmodum pars ad totum. *Et tulit lapidem praegrandem,* id est valde magnum, quem ab aliis accipi fecit, vel cum aliorum adjutorio sumpsit ; *posuitque eum subter quercum,* videlicet sub ramis et frondibus quereus, *quae erat in sanctuario Domini.*

Circa hoc occurrunt dubia duo. Primum, quomodo in sanctuario Domini potuit esse quereus aut aliqua arbor, quum in Deuteronomio Dominus dixerit : Non plantabis lucum et omnem arborem juxta altare Domini Dei tui. Secundo, quomodo dicatur Josue posuisse hunc lapidem subter quercum quae erat in sanctuario Dei, quum ex textus serie et tenore videatur ista fecisse in Sichem, ubi percussit foedus praefatum, in ejus memoria erexit hoc saxum. Sanctuarium autem Domini fuit in Silo, urbe multum a Sichem distante. Ad primum posset quis respondere, quod Josue seu populus

A Israel non plantavit hanc quercum juxta Dei sanctuarium seu altare, sed plantatam reperit ibi. Quod si objiciatur, non lieuisse ut arbor plantata relinqueretur ibidem, quia ad hoc datum fuit a Deo illud praeceptum, ne filii Israel assimilarentur idololatriis, qui juxta suorum templa deorum habebant lucos et arbores ad exercendam libidinem : dici potest, quod arbor ista sic sita fuit, quod ratio praecepti illius non habebat locum in ea, quia non erat ad incitamentum libidinis, fuitque ante sanctuarium. Verumtamen quidam dicunt, in B Hebraeo haberi, Subter limen, eo quod verbum illud Hebraicum exstet aequivocum. Aliqui quoque fatentur, per sanctuarium hic intelligi, non tabernaculum Moysis, sed synagogam, in qua habitatores Sichem convenerunt ad audiendum verbum Dei, atque ad Dominum exorandum : et juxta hoc, pateret ad secundum solutio. Alii vero dicunt, quod postquam Josue percussit foedus, ac populo judicia et praecepta in C Sichem proposuit, ascendit cum populo ipso in Silo, ut simul coram Domino starent, et tunc ibi in tabernaculo posuit lapidem pro signo horum in futurum : sicut et transito Jordane, fecit duodecim saxa tolli de fundo Jordanis, et poni in tabernaculo pro memoriali miraculosae desiccationis fundi Jordanis, ut dictum est. Porro Septuaginta sic transtulerunt : Disposuit Jesus testamentum ad populum in die illo, et dedit illi legem et judicium in Silo coram tabernaculo Dei Israel. Unde ex hac translatione monstratur, quod per sanctuarium intelligendum sit hic, non synagoga praefata, sed tabernaculum Moysis.

Josue iv, 8.

Et dixit Josue ad omnem populum Israel ibi adstantem : En lapis iste erit vobis in testimonium, id est materiale signum suo modo testimoniativum, quemadmodum in agrorum et provinciarum confinio lapides statuuntur, in signum et testimonium terminationis ac distinctionis illorum ; *ne forte postea negare velitis* audivisse vos verba Dei, et quod Dominum elegistis in Deum, atque ad ejus cultum vos adstrinxistis, et

mentiri Domino Deo vestro, id est ad injuriam et irreverentiam Dei, quod in vestram perniciem eederet. At vero in Scholastica fertur historia : In signum fœderis memorati, effudit Josue etiam aquam super terram. Mos erat gentilibus, in signum et robur initi fœderis, sanguinem suillum effundere : quasi dicerent, Sic effundetur sanguis illius qui violaverit fœdus istud. Hebræi vero aquam effundentes, atrociorē pœnam violatori signabant. Alii namque liquores non ita funduntur ex vase, quin aliquod sui vestigium in eo relinquant : solus aquæ liquor prorsus effunditur. Quod faciebant Hebræi in fœdere inito cum Domino : quasi dicerent, Non solum violator fœderis hujus peribit, sicut in aliis contingit fœderibus, sed tota progenies ejus peribit cum illo, ut nullum vestigium ejus appareat super terram. Solebant quoque veteres dura et diu durabilia, scilicet lapides, in signum eligere *, ut sua diuturnitate initum fœdus posteris ad memoriam revocarent. Hæc ibi. *Dimisitque populum, singulos in possessionem suam.*

Et post hæc mortuus est Josue filius Nun, servus Domini, centum decem annorum. Circa quod Magister in historiis protestatur : Quadraginta quatuor annorum erat quum accessit ad Moysen, et quadraginta annis servivit ei in deserto. Ex quo colligitur, quod viginti sex annis rexit populum post transitum Jordanis. *Sepelieruntque eum in finibus possessionis suæ in Thamnathsare*, id est urbe sic dicta, vel in agro aut aliquo loco prope urbem, ut moris tunc erat. *Servivitque Israel Domino cunctis diebus Josue*, ita quod sub ejus regimine idola non colebant, nec ipse hoc tolerasset, et seniorum qui longo vixerunt tempore post Josue, et qui noverant omnia opera Domini quæ fecerat in Israel, id est beneficia, signa, prodigia, victorias ac varia gratiæ dona, quæ Israelitiæ plebi exhibuit in Ægypto, in eremo, et in terra promissionis, quorum aliqua propriis oculis conspexerunt, alia didicerunt relatu. Verumtamen

istud non est universaliter intelligendum de omnibus filiis ac tribubus Israel : imo, ut infra in libro Judiæ scriptum est, vivente adhuc Phinees filio Eleazari, et Othoniele marito filiæ Caleb, tribus Dan coluit idolum Michæ, et habitatores Gabaa commiserunt gravissimum scelus in uxorem Levitæ, imo et in ipsum virum impia voluntate. Sed intelligendum est, quod pro majori parte Domino servierunt ; tamen et aliæ tribus in aliquibus, etiam vivente Josue, peccaverunt, quemadmodum de tribu Ephraim ac tribu Manasse præhabitu est, quod cupiditate ducti, fecerunt Chananæos tributarios, nec juxta Dei præceptum eos interfecerunt.

Ossa quoque Joseph, quæ tulerant filii Israel de Ægypto, secundum quod in Exodo legitur, *sepelierunt in Sichem*, id est in terra sic dicta. *In parte agri quem emerat Jacob a filiis Hemor patris Sichem.* Nam Sichem quandoque ponitur pro territorio illo, quandoque pro urbe, interdum pro viro sic appellato. Scriptum est autem Genesis ultimo, quemadmodum Joseph in extremis positus, jussit ut filii Israel in exitu suo de Ægypto, ossa sua secum deferrent, ac sepelirent. *Quem emerat Jacob a filiis Hemor patris Sichem* : nam Hemor habuit filium nomine Sichem, qui violavit Dinam filiam Jacob ; *centum novellis ovibus.* Secundum Lynam, in Hebræo habetur, Centum obolis. Sed potius reor in Hebræo haberi sicut Hieronymus transtulit, et forte dictio illa Hebraica exstat æquivoca. Antiqui quippe pecoribus pro pecunia utebantur. Unde et pecunia ab hoc nomine Pecus, nomen sortitur, quemadmodum in Decreto ex verbis inducitur Augustini. Qualiter autem Jacob emit agrum illum, in Genesi recitatur. Attamen ibi habetur, quod emit eum a filiis Hemor. Facta est enim emptio illa ex communi consensu Hemor, filiorumque ejus : ideo ab utrisque legitur emptus ager ille. Et agrum illum contulit Jacob filio suo Joseph, prout in Genesi describitur. Verumtamen ibi habetur, quod tulit agrum illum de manu Amorrhæi in

* erigere

Judic. xviii, 30, 31.

Ibid. xix, 23, 22.

Josue xvi, 10; xvii, 12, 13.

Exod. xiii, 19.

Gen. xxxiii, 19.

Ibid. i, 24.

1, q. 3, c. Totum quidquid.

Ibid. xlviii, 22.

areu et gladio suo, quia videlicet aliquam A ejus partem emit, et aliam ac majorem ejus partem jure praelii obtinuisse asseritur, prout in Genesi plenius omnia ista exposui. *Et fuit in possessione filiorum Joseph*, id est, in sorte et hereditate tribus Ephraim continebatur hic ager. Josue namque dedit tribui Ephraim agrum illum. Refert autem Hieronymus se vidisse in Sichem sepulera aliorum undecim Patriarcharum. Nam quælibet tribus Ægyptum egrediens, fertur ossa sui Patriarchæ secum tulisse. Atque ut in Scholastica enarratur historia, B credibile est quod postea unaquæque tribus suum Patriarcham in suam retulerit sortem, id est, in sua hereditate ac funiculo sepelivit.

Eleazar quoque filius Aaron mortuus est : cujus non describitur ætas ; *et sepelierunt eum in Gabaath*, id est urbe sic dicta, *Phinees et filii ejus*, id est Phinees filius Eleazari, et filii ipsius Phinees : *quæ urbs data est ei*, scilicet Eleazaro ad habitandum *in monte Ephraim*. Aliqui textus habent : Et sepelivit eum in Gabaath Phinees filius ejus, quia videlicet Phinees primogenitus Eleazari fuit principalis in patris sui sepelitione. Circa quod scribit quidam, quod Phinees successit in hereditate patris sui : quod non videtur idonee dictum, eo quod sacerdotes et Levitæ scribantur hereditatem non habuisse, sed Dominus et sacrificia ejus fuerunt eorum hereditas.

Deut. xviii,
1, 2.

Circa præhabita Augustinus diligenter inquit : Cur Josue, saltem in extremis suis, non corripuit tribus Ephraim et Manasse, eo quod Chananæos non occiderunt, quum super eos confortati fuerunt, sed tributarios statuerunt. Quocirca loquitur Augustinus : Mirum, quod saltem in novissimis verbis, quibus allocutus est populum, non eos objurgavit, quod his gentibus pepercerunt, quas Dominus omnino esse perdendas præcepit. Ad quod Augustinus respondet : An forte credendum sit, filios Israel timuisse, si Chananæos eis obedire paratos persequerentur, ne compellerent

illos ex desperatione acrius repugnare, sicque illos superare non possent ? Et ita in his filiis Israel fuit timor humanus et fidei quædam defectio : quoniam si in eis fuisset fides perfecta, consecuti essent triumphos quos Josue. Quia vero in eis non fuit tanta fides, etiam quum prævaluissent, ausi non sunt pugnare usque ad inimicorum interuccionem, non de malitia vel de superbia, nec de contemptu divini præcepti, sed de infirmitate animi. Hæc Augustinus.

Insuper quæri posset, quum Josue sit editor hujus libri, quis alius compilavit et scripsit finem hujus capituli, scilicet, Et post hæc mortuus est Josue, usque ad terminum libri. Ad quod quidam respondet, quod Esdras apposuit hoc. Verumtamen circa istud esset diligentius inquirendum, an ne hoc fuit appositum ante Esdram. Forsan enim in bibliis Hebræorum in fine hujus libri adjecta erant hæc verba ante Babylonicam captivitatem. Unde quemadmodum in fine Deuteronomii ipse Josue addidit et conscripsit, qualiter defunctus C et sepultus sit Moyses, ita probabile puto, quod cito post mortem Josue aliquis vir sanctus aut vates adjecit in libro ejus verba præacta, et forsan ille qui librum Judicium, dirigente Spiritu Sancto, conscripsit.

Deut. xxxiv,
5-12.

Postremo, ex isto capitulo instruuntur qui præsunt et prædicant, qualiter plebem Dei debeant informare, exhortari et avisare, recitando eis universa beneficia Dei et Domini Jesu Christi, quæ, quanta et qualia pro nostra assumpsit, fecit, pertulitque salute : quibus verbis adjicere debent, ut timeant Dominum indesinenter sancto et filiali timore, et jugiter serviant ei corde perfecto atque verissimo : quatenus sicut totum quod sunt, possunt et habent, a Deo sortiti sunt, ita ad ejus reverentiam, cultum, amorem, totum quod sunt, quod possunt, quod habent, ordinent, convertant expendant, omni simulatione, duplicitate, carnalitate, torpore exclusis. Proponere etiam populo debent, quam arcta sit via salutis, quam metuendus et ingens sit ri-

Sensus
spiritualis.

Matth. vii,
13.


gor divinæ justitiæ, et quanta damnatorum A
 supplicia. Per lapidem autem magnum a
 Josue erectum, intelligitur Christus altis-
 simus, qui angularis est lapis in testimo-
 nium positus, et in signum cui contradi-
 ctum est a multis, qui nunc usque est lapis
 offensionis et petra scandali incredulis ac
 perversis, et cunctis qui Domino mentium-
 tur, de quibus ait Scriptura : Inimici Do-
 mini mentiti sunt ei. Per quercum, quæ est
 arbor fortis et durativa ac nutritiva porco-

1 Petr. ii, 6;
 Ephes. ii, 20.
 Luc. ii, 34.
 1 Petr. ii, 8.

Ps. lxxx,
 16.

rum, designatur crux Christi fortissima,
 omnium hostium triumphatrix, perpetue
 durans, ejus fructus peccatores nutrit et
 reficit. Septuaginta autem pro Quercu trans-
 tulerunt, Terebinthus, ejus resina est me-
 dicinalis. Ideirco per eam quoque signifi-
 catur crux Salvatoris, per quam curata sunt
 vulnera animarum, et sanitas æternæ salu-
 tis recuperata. Ad laudem et gloriam Om-
 nipotentis, qui est super omnia Deus su-
 blimis et benedictus. Amen.

ENARRATIO
IN LIBRUM JUDICUM



PROŒMIUM

JUDICES singuli suo nomine, quorum non est corruptum cor, qui non sunt aversi a Domino, ut sit memoria illorum in benedictione. Eccli. XLVI, 13, 14.

Sicut ait Scriptura, Omnis potestas a Domino Deo est, qui juxta profundissimam sapientiæ suæ censuram, universa decenter gubernat, atque suaviter et connaturaliter cuncta disponit. Ipse suprema inter creata per se ipsum immediate est regens, et inferiora per superiora ad proprios dirigit fines. Denique juxta diversitatem et congruentiam temporum diversimode regit genus humanum, et populum ipsum Israeliticum sibi olim peculiarem, durante veteris Testamenti decursu, tripliciter legitur gubernasse. Primo per judices, secundo per reges, tertio per pontifices, prout communiter dici solet. Potest tamen addi et quartus modus. Primo etenim, si rite pensetur, rexit populum illum per legislatorem, qui præfuit toti populo illi, tanquam prælatus et princeps ac legifer. Judices autem (secundum doctores) non præerant, ut veri principes aut prælati plebis illius, aut per modum alicujus dominii, sed per modum exhortationis atque consilii, ut infra magis tangetur. Moysi vero successit Josue in principatu et jure dominii. Post Josue autem dati sunt judices secundum ordinem in hoc libro descriptum.

Primus itaque modus regiminis Israelitici populi, fuit principatus monarchicus, quo unus toti multitudini præsidebat, non tamen ut rex, sed ut princeps et dux : sicque Moyses et Josue præfuerunt. Secundus deinde regiminis modus fuit per modum consiliaris directionis : et ita judices gubernabant ; et duravit usque Saulem. Ex tunc usque ad transmigrationem plebis illius in Babylonem, duravit in ea regale dominium. Post reditum vero a captivitate illa, pro majori temporis parte, per pontifices rectus est populus ille. Nam et Joannes Hyrcanus filius Simonis fratris Judæ Machabæi, pontifex fuit, quamvis tandem imposuerit suo capiti regium diadema ipse aut filius ejus. Veruntamen infra in isto describitur libro, quod Abimelech filius Gedeonis, fuit rex Sichimorum. Sed ipse indignus est judex Israeliticæ plebis vocari, et habuit principatum usurpatum tyrannicum, nec præfuit toti territorio Hebræorum.

Porro judices Israel fuerunt viri virtutum ac justi, et si qui eorum aliquando peccaverunt, pœnituerunt tamen atque salvati sunt. Unde in themate præinducto quadrupliciter commendantur : Primo, a nominatione propria in libro vitæ conscripta, qua per approbationem a Deo sunt cogniti, quum dicitur, Judices singuli suo nomine, supple, vocati sunt. Secundo, ab interiori integritate, quum additur, Quorum non est corruptum cor. Hæc demum integritas, est virtuositas ipsa interna, quæ est immunitas a læsione peccati, et sanitas gratiæ ac virtutum, sicque includit virtutum congeriem. Tertio commendantur ex constantia perseverantiæ cultus divini, quod quamvis in præfata compre-

hendatur integritate, specialiter tamen exprimitur, ad designandum quod ceteris ad idololatriam corrudentibus, iudices Deo stabiliter adhæserunt. Unde subjunctum est, Qui non sunt aversi a Deo. Quarto, a suo commendabili fine, exemplarique fama, quia sic hujus vitæ curriculum finiverunt, quod in exemplum posteris sunt relictum, et facti sunt æterna memoria digni, magnisque laudibus extollendi. De quorum gestis tractat liber nunc exponendus, imo potius tractat de Deo, et ejus donis atque effectibus circa populum illum per iudices seu eorum temporibus, ut jam in processu patebit.

ENARRATIO IN LIBRUM JUDICUM HEBRAICE SOPHETIM

AGITUR IN EO DE JUDICIBUS, PRINCIPIBUS, DEFENSIONEQUE POPULI ISRAEL,
ET DE VICTORIIS AC TRIUMPHIS HABITIS CONTRA ADVERSARIOS.

ARTICULUS PRIMUS

EXPOSITIO LITTERALIS CAPITULI PRIMI : POST MORTEM JOSUE, CONSULUERUNT
FILII ISRAEL DOMINUM.

LIBER Judicum est continuatio et prosecutio historiæ libri Josue : quia, ut asserit Augustinus, historia libri Josue porrigitur usque ad tempora, quibus filii Israel ad idololatriam labi cœperunt : quod qualiter factum sit, in isto volumine recitatur. Unde in isto capitulo aliqua per recapitulationem dicuntur. Itaque, *Post mortem Josue consuluerunt filii Israel Dominum, dicentes : Quis ascendet ante nos contra Chananæum, id est populum Chananæorum in hac terra superstitem, et erit dux belli?* Consuluerunt autem Dominum per Phinees sacerdotem, qui patri suo Eleazaro in pontificatu successit : ideo sicut Josue et filii Israel tempore suo Dominum per Eleazarum consuluerunt, sic isti per Phinees. Fiebat quoque consultatio ista per hoc, quod summus sacerdos, scilicet Phinees, per orationes et sacrificium petebat revelationem a Deo de agendis aut omittendis. Circa hæc seribit quidam : Filii Israel experti fuerunt male eis contigisse, dum Josue misit exercitum ad debellandum op-

Josue vii.

pidum Hai, Domino inconsulto : ideo isti Dominum consuluerunt, quasi tunc male ipsis evenerit, quoniam Domino inconsulto, a Josue missi fuerunt, aut quasi non evenisset eis male, si tunc Dominum super hoc consuluissent. Verumtamen infra in isto narratur libro, quod filii Israel bis processerunt ad pugnam contra filios Benjamin, Deo consulto et annuente; et nihilo minus multo pejus accidit eis, quam dum contra Hai profecti sunt.

Judic. xx.

Dixitque Dominus, id est, angelus ex parte Dei respondit sacerdoti Dominum consulenti : *Judas ascendet. Ecce tradidi terram in manu ejus.* Quæritur, an hoc sit intelligendum de certa et particulari persona, an de tribu Juda. Videtur quod de persona, quoniam personæ, non tribui, esse competit ducem belli. Denique in exercitu necessarium fuit habere principem bellatorum, quem oportebat esse determinatam personam. Oppositum hujus probatur, quia expositores per Judam intelligunt communiter tribum Juda : quod etiam Au-

Judic. iii.
9, 10.

gustinus probat per hoc, quod Scriptura non solet nominare ducem populi Israel, nisi exprimat ejus originem seu tribum, de qua ortus sit; non autem nunc exprimit, de quo ortus sit Judas hic: ideo per Judam, intelligitur hoc loco tribus Juda. Infra quoque habetur, quod Othoniel filius Cenez, fuit primus dux seu judex populi Israel post Josue. Ad argumenta in oppositum Augustinus respondet, quod Dominus dixit tribum Juda debere esse ducem belli, ad innuendum, se velle quod totus populus Juda contra Chanaanæos pugnaret. Habito autem isto responso, poterunt filii Israel inter se communi consensu ordinare exercitum suum, et aliquem in eo constituere principalem. Porro in Scholastica fertur historia: Creditur Caleb post Josue populo præfuisse, sed propter temporis brevitatem quo præfuit, nec rectoribus neque judicibus annumeratur.

Insuper circa hæc scribit Lyra: Judas ascendet, id est tribus Juda. Hoc communiter exponitur sic, quod Judas instituebatur dux in bellis filiorum Israel generaliter; sed hoc non bene consonat sequentibus, quoniam Aod et Barac, Jephthe et Gedeon, fuerunt duces in magnis præliis, et tamen non erant de tribu Juda. Ideo aliter exponunt Hebræi, dicentes per verba illa, Judas ascendet, intelligi, quod tribus Juda prima expugnaret adversarios in sorte sua: propter quod subditur, Et ait Judas Simeoni fratri suo: Ascende mecum in sortem meam. Hæc Lyra. Circa hæc dico, quod nec Augustinus, nec Glossa, nec Magister in historiis, nec aliquis expositor notabilis quem legerim, dicit quod Judas seu aliquis de tribu Juda, instituebatur generaliter dux in bellis filiorum Israel, eo scilicet tempore, quo judices plebem illam regabant. Augustinus quoque satis innuit, quod ille refert Hebræos asserere. Ait equidem Augustinus: A tribu Juda voluit Dominus incipere conteri Chanaanæos. Ideo expositores catholici non erant ita notandi, nec eis sic erant præferendi Hebræi.

Et ait Judas, id est tribus Juda, *Simeoni fratri suo*, id est tribui Simeon: quam nominat fratrem, quia de toto populo tribus illius loquitur collective, quasi de homine uno, et omnes erant de semine Jacob, quemadmodum in Numeris leguntur filii Israel dixisse per nuntios regi Edom: Hæc mandat frater tuus Israel. *Ascende mecum in sortem meam*, id est in terram quæ per sortis missionem data est mihi, *et pugna contra Chanaanæum*, id est, assiste et adjuva me ad expugnandum residuos Chanaanæos quos nondum devici. Nondum enim obtinuerunt filii Israel omnia oppida et fortalitia eis per Josue distributa, propter diversas causas in expositione libri Josue introductas. *Ut et ego pergam tecum in sortem tuam*, ad debellandum ibi adversarios tuos. *Et abiit cum eo Simeon*. Cur Judas potius postulavit auxilium Simeonis, quam tribuum aliarum, quarum aliquæ numero et robore excesserunt progeniem Simeonis? Respondetur, quod ideo, quia (ut dictum est) per Josue hereditas seu sors filiorum Simeonis fuit in medio filiorum Juda, ideo congruebat ut invicem se juvarent. *Ascenditque Judas*, fultus auxilio Simeonis, *et tradidit Dominus Chanaanæum et Pherezæum in manus eorum*. Ante jam dictum est, quod filii Israel consuluerunt Dominum, quis ascenderet contra Chanaanæum; et item quod Judas dixit ad Simeonem, Pugna mecum contra Chanaanæum. Nunc autem dicitur Dominus tradidisse in manus ipsorum, non Chanaanæum dumtaxat, sed etiam Pherezæum, id est quosdam de residuis Chanaanæis ac Pherezæis. Superius ergo per Chanaanæum designatæ sunt etiam ceteræ gentes de tribu Cham, habitantes ibidem. *Et percusserunt in Bezece*, id est in loco seu oppido sic dicto, aut prope, *decem millia virorum Chanaanæorum*.

Inveneruntque Adonibezec in Bezece. Adonibezec interpretatur Dominus Bezece, et præerat loco illi. Adonai quippe interpretatur Dominus. *Et pugnaverunt contra eum, ac percusserunt*. Fugit autem Ado-

Num. xx,
14.

Josue xix,
9.

nibezec, multis de ejus exercitu cæsis, et quibusdam fugientibus secum : *quem persecuti, comprehenderunt in via, cæsis summitatibus*, id est extremis partibus, *manuum ejus ac pedum*, scilicet digitis vel potius pollicibus, secundum quod in Hebræo fertur haberi. Ideo autem absciderunt ei sic pollices, ut amplius esset ad bella ineptus, et forte ad irrisionem ipsius, quia fortassis audierunt eum aliis sic fecisse. Deo tamen sic ordinante id factum est. Propter quod subditur : *Dixitque Adonibezec : Septuaginta reges, amputatis manuum ac pedum summitatibus, colligebant sub mensa mea ciborum reliquias*. Ex hoc patet, quod fuit magnæ potentiae, imo et prosperitatis terrenæ. Attamen reges illi non fuerunt tam magni, ut modo sunt reges communiter. Unde in Josue habitum est, quod filii Israel percusserunt in terra Chanaan triginta unum reges. Ex isto etiam constat, quod Adonibezec fuit crudelis et arrogans, qui ad potestatis suæ ostentationem, ita tractavit tot reges ; nec æstimare oportet, quod eodem tempore tot reges sub mensa ejus comederunt ciborum fragmenta, sed forsitan successive. *Sicut feci aliis, ita reddidit mihi Dominus*. Itaque recognovit justo Dei judicio se ita plagatum, et filios Israel divina virtute sibi prævaluisse. Jam enim ex tot mirabilibus Dei, quæ vidit aut percepit, habuit aliqualem veri et summi Dei notitiam. Quod si suam temporalem punitionem pro suis peccatis æquanimiter toleravit, atque in Deum Israel credendo, pœnituit, prout verba ejus aliquantulum sonare videntur, non esset damnatus. Est ergo impletum in eo, quod in libro Sapientiæ legitur : Per quæ quis peccat, per hæc et punitur. Habacuc quoque : Quia tu spoliasti gentes multas, spoliabunt te reliqui.

Adduxeruntque eum in Jerusalem, et ibi mortuus est. Hoc dicitur hic per anticipationem. Nam subditur : *Oppugnantes ergo filii Juda Jerusalem, ceperunt eam* : quo facto, introduxerunt illuc Adonibezec regem, et ibi mortuus est ; non tamen ex

sola illa abscissione summitatum pedum ejus ac manuum. In Scholastica autem historia dicitur, quod reliquerunt eum ibidem, et ita supervixit ad tempus. Præterea scriptum est in Josue, quemadmodum Adonibezec * rex Jerusalem, cum aliis regibus oppugnavit Gabaon, quia transfugerunt Gabaonitæ ad filios Israel, et illum Adonibezec cum ceteris regibus sibi adjunctis, filii Israel occiderunt. Hic ergo Adonibezec fuit alter ab illo. Nec constat, an fuerit ejus successor an filius. *Et percusserunt in ore gladii*, id est, habitantes in Jerusalem occiderunt filii Juda, *tradentes eamque incendio civitatem*, id est, urbem pro majori ipsius parte combusserunt, ita quod istud per synecdochen atque hyperbolen intelligendum est. Fuit enim in quadam parte Jerusalem quoddam fortissimum fortalitium, in quo aliqui Jebusæi manebant, et usque ad tempus David mansit invictum, ut secundo Regum habetur. Unde et in Josue legitur : Jebusæum habitatorem Jerusalem non potuerunt filii Juda delere. Ex quo apparet, quod Josue vivente, filii Juda obtinuerunt Jerusalem præter fortalitium illud. Propter quod quidam dixerunt, totum quod dicitur hic, dici per recapitulationem, usque ibi, Surrexerunt alii qui non noverunt Dominum.

Et postea descendentes filii Juda, pugnaverunt contra Chananæum, qui habitabat in montanis, et ad meridiem, et in campestribus. Terra etenim sortis Juda fuit magna præ ceteris sortibus, et erant in ea quædam loca montana, in quibus oppida erant sita, itemque loca campestria, quorum habitatores expugnaverunt filii Juda, sicut et eos qui ad meridianam plagam suæ sortis manebant. *Pergensque Judas contra Chananæum qui habitabat in Hebron*. Totum quod dicitur hic, quasi de verbo ad verbum in Josue continetur, et ibi expositum est, usque ibi, Filii autem Cinæi. Unde quod dicitur hic, *Pergensque Judas*, intelligendum est de Caleb et adjutoribus ejus ex tribu Juda progenitis. Sicque passus iste per recapitulationem hoc

* Adonibezec
Josue x, 4.
27.

II Reg. v, 7.

Josue xv,
63.

Ibid. 13-19.

loco inducitur, ut aliqui opinantur. Verumtamen Augustinus probabilius reputat, ista post mortem Josue esse gesta, eo ordine quo hic narrantur, atque in libro Josue ea esse descripta per prolepsim, id est anticipationem sive præoccupationem.

Filii autem Cinai cognati Moysis. Per Cinæum quidam intelligunt Hobab filium Jethro sacerdotis Madian : quem Hobab dicunt alio nomine Cin vocatum, qui, sicut Moyses exoravit, mansit et intravit cum filiis Israel terram promissionis : fuitque cognatus Moysis, id est affinis, quia frater conjugis Moysis. Alii per Cinæum intelligunt ipsum Jethro, quia fuit cognatus, id est socer Moysis. Unde (ut dicitur) in Hebræo habetur, Filii Cinæi soceri Moysis. Sed sensus redit in idem. Isti namque fuerunt posteri ipsius Jethro ac filii ejus, ad Judaismum conversi. *Ascenderunt de civitate Palmarum,* hoc est urbe nomine Engaddi, vel (ut alii dicunt) de Jericho, quæ interdum vocatur urbs Palmarum : quæ tamen tunc erat omnino destructa, nec reedificata [est] nisi post tempora David diu, ut legitur tertio Regum. Si ergo ascenderunt de Jericho, intelligendum est quod ascenderunt de locis vicinis urbi præfata. Unde Magister in historiis ait : Forte de campestribus Jericho, ubi erant cum filiis Benjamin, transtulerunt se ad tribum Juda. Jericho autem ad tribum Benjamin pertinebat, ut in Josue libro habetur. *Ascenderunt ergo cum filiis Juda in desertum sortis ejus, quod est ad meridiem Arad.* In sorte etenim Juda, fuit quoddam desertum ad plagam meridianam respectu loci D oppidi nomine Arad. *Et habitaverunt cum eo,* id est inter filios Juda, quos ceteris principaliores et fortiores viderunt : atque (ut fertur) Hebræi dicunt, quod ideo illuc profecti sunt ac demorati, ut addiscerent legem ab Othoniel, quem dicunt fuisse peritum in lege. Verumtamen a Levitis poterant legem addiscere, præsertim a Phinees.

Consequenter narratur, qualiter tribus Juda reddidit vicem tribui Simeon, cam

A juvando. *Abiit autem Judas cum Simeone fratre suo, et percusserunt simul Chananeum qui habitabat in Sephaath,* id est Chananeos in oppido seu territorio illo, ad sortem Simeonis spectante, morantes, et interfecerunt eum, vocatumque est nomen urbis illius Horma, id est anathema, quia funditus fuit destructa. *Cepitque Judas Gazam cum finibus suis, et Ascalonem atque Accaron cum terminis suis.* Infra legitur : *Hæ sunt gentes quas Dominus dereliquit, ut erudiret in eis Israel :* B quinque satrapas Philistinorum. Porro Gaza, Ascalon et Accaron, erant urbes satraparum illorum. Ex quo videtur, quod urbes illæ manserunt sub illorum dominio satraparum. Quomodo ergo tribus Juda cepit eas ? Nisi forte dicatur, quod post rursus eas amisit, vel cepit eas non perfecte ex toto, aut permixtim habitaverunt in eis cum Philistæis. Unde et postea contra se invicem pugnaverunt. *Fuitque Dominus cum Juda, et montana possedit,* id est, Dei auxilio adsistente, loca montuosa C et oppida ibi sita in suo funiculo, jure et vi belli obtinuit : *nec potuit delere habitatores vallis, quia falcatis curribus abundabant.* Currus falcati, sunt ferrei currus instar falcis scindentes, seu ferreos uncas quasi falcis habentes. Hinc et in Josue libro filii Joseph dixisse leguntur : Non poterimus ad montana conscendere, quum ferreis curribus utantur Chananeï qui habitant in terra campestri. Verumtamen, sicut filii Israel divina virtute obtinuerunt montana, ita et habitatores vallis ac campi D potuissent eadem superare virtute, si tantam habuissent fidem, quod ex difficultate negotii per naturam, non hæsitassent de supernaturali adjutorio Dei, prout super Josue dictum est plenius. *Dederuntque Caleb Hebron, sicut dixerat Moyses ; qui deleverit ex ea tres filios Enac.*

Jebuseum autem habitatorem Jerusalem non deleverunt filii Benjamin ; habitavitque Jebuseus cum filiis Benjamin in Jerusalem usque in præsentem diem. Jam dictum est, quod filii Juda ceperunt et

III Reg. xvi, 34.

Josue xviii, 21.

Judic. iii, 1, 3.

Josue xvii, 16.

Ibid. xiv, 13 ; xv, 14.

combusserunt Jerusalem, habitatoresque A
ejus in ore gladii percusserunt. Quomodo
ergo filii Benjamin nunc dicuntur habitas-
se in urbe illa, nec delevisse eos qui ha-
bitabant ibidem? Ad hoc B. Augustinus
respondet, quod duæ tribus, scilicet tribus
Juda et cognatio Benjamin, habuerunt ur-
bem Jerusalem sibi communem. De hoc
dictum est plenius super Josue, qualiter
tribus Juda habuit urbes dupliciter, scilicet
per concessionem et sortium divisio-
nem; tribui vero Benjamin deputata est
Jerusalem solum per sortem, et ita habi- B
taverunt in ea aliquantulum reparata. Nec
universi Chananæi habitatores Jerusalem
fuerunt occisi a filiis Juda, quia nec illi
qui in fortalio erant, nec illi qui fuge-
rant, nec qui tempore devastationis Jeru-
salem extra eam fuerunt; nec omnes hos
potuit tribus Benjamin superare; et forsitan
ex cupiditate permisit quosdam illorum
vivere, quos potuissent perimere, facien-
tes in hoc contra Dei præceptum, ut in
expositione Josue magis expressum est.

Domus quoque Joseph. Ex Joseph ortæ C
et computatæ sunt duæ tribus, videlicet
Ephraim et Manasse. Sicque per domum
sen familiam Joseph, potest intelligi utra-
que tribus, vel tribus Ephraim quæ prin-
cipalior fuit. Itaque domus, id est filii ac
posterii Joseph, *ascenderunt in Bethel*, quæ
fuit urbs alia a Jerusalem, quæ etiam ap-
pellata est Bethel, quamvis et ista Bethel
alio nomine vocata sit Luza, quemadmo-
dum et Jerusalem. *Fuitque Dominus cum*
eis. Nam quum obsiderent urbem quæ pri-
us Luza vocabatur, viderunt hominem D
egredientem de civitate, dixeruntque ad
eum: Ostende nobis introitum civitatis,
et faciemus tecum misericordiam. Si vide-
runt virum illum exeuntem de Bethel, qua-
re non consideraverunt qua via aut porta
exierat? Respondetur, quod viderunt eum
venientem de urbe, non tamen locum quo
exiit: imo viderunt quod non exierat per
aliquam urbis publicam portam. Ex quo
conjecerunt, quod per occultum egressus
fuerat locum. Dicuntque aliqui, quod ei-

vitas illa habuit subterraneum locum ad
exerundum atque intrandum. *Qui quum*
ostendisset eis secretum introitum, per-
cusserunt urbem in ore gladii. Hominem
autem illum et omnem cognationem ejus
dimiserunt: propter benevolentiam et be-
neficientiam ejus in ipsos, sicut et Josue
ac filii Israel eripuerunt Rahab et ejus co-
gnationem a morte. *Qui dimissus, abiit*
in terram Hetthin, et edificavit ibi cici-
tatem. Cognatio ejus profecta est secum,
et habuit eum ut principem, quoniam per
eum evaserunt interitum, et eorum sub-
sidio urbem construxit. *Vocavitque eam*
Luza, quæ ita appellatur usque in præ-
sentem diem.

Consequenter in textu describitur, qua-
liter quinque tribus Israel, puta Manasse,
Ephraim, Zabulon, Aser et Nephthali, non
deleverunt ex urbibus suis Chananæos, sed
sub tributo permiserunt eos inter se com-
morari, contra præceptum Dei: ideoque
paulo post inciderunt facinora multa, se-
cundum quod Dominus eis per Moysen
prænuñtiavit. Textus autem est planus,
atque in libro Josue pro magna parte præ-
habitus atque expositus, ita quod ista di-
cuntur vel hic per recapitulationem, vel
ibi per anticipationem. *Arctavitque Amor-*
rheus filios Dan in monte, nec dedit eis
locum ut ad planiora descenderent: habi-
taritque in monte Hares, quod interpreta-
tur testatio, in Aialon et Salehim:* id est, * testaceo
Amorrhæi sic invaluerunt, quod non per-
miserunt Dannitas ad campestria suam
habitationem diffundere, sed in urbibus
suis in locis sublimibus compulerunt eos
manere: quod Dannitæ pati meruerunt
per sua peccata. *Et aggravata est manus*
domus Joseph, factusque est ei tributarius.
Hoc potest exponi, vel quod familia nata
ex Joseph aggravata, id est oppressa est
ab Amorrhæis, ita quod tandem facta est
tributaria illis adversariis suis: vel quod
manus sen potestas filiorum Joseph, ag-
gravata est super Amorrhæos, et fecit eos
sibi tributarios: quod magis verum existi-
mo, quia et hoc de aliis tribubus Israel

tunc legitur factum. *Fuit autem terminus Amorrhæi*, id est habitatio Amorrhæorum illorum superstitum, *ab ascensu Scorpionis*, id est montis sic appellati, in quo abundaverant scorpiones, ut super Josue dictum est, *Petra*, id est locus sic dictus a lapide quodam vel eventu qui contigit ibi, *et superiora loca* circa petram eandem sita.

ARTICULUS II

SOLUTIO QUESTIONUM DUARUM, ET DE SPIRITUALI HUIUS CAPITULI INTELLECTU.

QUÆRITUR quis sit auctor libri istius. Respondetur, quod quum liber iste sit pars Scripturæ canonicæ, auctor ipsius principalis est utique Spiritus Sanctus, cujus inspiratione et directione volumen istud est editum. Porro de auctore et conscriptore ejus ministeriali, executivo et immediato, non habetur certitudo. Sed aliqui opinantur, quod unusquisque judicum chronice propria gesta, et ea quæ in populo Israel suo tempore contigerunt, conscripserit; et tandem a Samuele vel Esdra, aut aliquo Prophetarum, omnia illa in unum hunc codicem sint redacta. Magister vero in historiis dicit: Verisimilius videtur, quod Ezechias, qui et Parabolas Salomonis et libros Regum in unum redegit, etiam istum compegerit librum. Sed dictum hoc satis ambiguum est cum suis particulis, præsertim quod dicit libros Regum ab Ezechia in unum compositos. Puto quoque, quod liber iste diu ante Esdram, imo et ante Ezechiam fuerit apud Hebræos, præsertim quum ante duos illos fuerint tot docti et sancti viri, spiritu prophetiæ fulgentes inter Judæos tempore Samuelis, David et Salomonis, a quibus aliquid poterat compilari. Est autem hic liber ornate et compendiosissime scriptus.

Quæritur item, an judices habuerunt prælaticam potestatem, seu jurisdictionem jusque dominii super populum Israel. Et apparet, quod imo. Judex namque judicariam habet potestatem et coercivam super eos quorum est judex. Insuper multitudo

carens principe et rectore, est inordinata, et quasi oves sine pastore. Propter quod Moyses morti propinquans, locutus est: Provideat Dominus hominem qui sit super multitudinem hanc, ne sit populus Domini sicut oves sine pastore. Si ergo non erant principes plebis, fuit plebs illa inordinata, et velut oves pastore carentes. Amplius, infra habetur: In diebus illis non erat rex in Israel, sed unusquisque quod sibi bonum et rectum videbatur, hoc faciebat: quod intelligendum videtur de tempore quo nec judex erat in populo illo. Rursus in principio libri Ruth habetur: In diebus unius judicis, quando judices præerant. Sed qui præsunt, prælationem et jurisdictionem habent in eos quibus præsunt. Præterea infra legitur, quemadmodum Galaaditæ dixerunt ad Jephthe: Veni, et esto princeps noster, et pugna contra filios Ammon. Quibus Jephthe respondit: Si vere venistis ad me, ut pugnem pro vobis, et tradiderit eos Dominus in manus meas, ero princeps vester. Gedeon quoque legitur populo præfuisse. Denique Samuel judex erat, et de ipso ait Gregorius, quod ex principatu ejeetus est. Adhuc autem judices erant vicarii Dei in directione atque regimine populi, et medii inter Deum et populum. In oppositum est doctorum auctoritas, quorum verba in præmio sunt inducta.

Ad hanc quæstionem communiter respondetur, quod Deus omnipotens reservavit sibi specialiter dominativum regimen ple-

Num. xxvii.
16, 17.

Judic. xvii.
6; *xxi.* 24.

Ruth i. 1.

Judic. xi.
6, 9.

bis illius, ita quod iudices praeerant solum A
tanquam directores et consilarii, quibus
populus sponte obtemperavit. Sicque inter
Deum et plebem medii erant. Unde quum
Judic. viii, 22, 23. ad Gedeonem dixissent, Dominare nostri
tu et filius tuus : respondit, Non domina-
bor vestri, nec dominabitur in vos filius
meus, sed dominabitur vobis Dominus Deus
vester. Legitur quoque primo Regum quem-
admodum Samuel dixit filiis Israel, quum
I Reg. x, 19. sibi regem dari petissent : Vos hodie pro-
jecistis Dominum Deum vestrum, qui solus
salvavit vos de universis tribulationibus
vestris. Sed et Dominus dixit ad Samue-
Ibid. viii, 7. lem : Non te abjecerunt, sed me, ne re-
gnem super eos. Ad argumenta breviter
dici potest, quod potestatem et auctori-
tatem judiciariam, principatum ac praeiden-
tiam iudices habuerunt, extense loquen-
do, ratione prudentiae, gratiae et virtutum
sibi desuper praestitarum, per quas Deus
fecit eos ad iudicandum, consulendum ac
succurrendum idoneos ; et maxime, quo-
niam Dominus suscitavit eos in iudices.

Sensus
mysticus.

At vero juxta mysticum sensum, sicut C
per Josue intelligitur Christus, ita per
iudices designantur sancti Apostoli, qui
Christo eis in ascensione, quantum ad
praesentiam corporalem, ablato, coeperunt
in omnibus assidue consulere Dominum,
ejus directionem et illustrationem, per
orationes atque jejunia devotissime im-
plorando. Qui in die sacratissimae Pente-
costes misit eis Spiritum Sanctum, a quo
deinceps in omnibus sunt directi, sicut
Joann. xiv, 26. eis praedixit Salvator : Spiritus Sanctus

quem mittet Pater in nomine meo, ille vos
docebit omnia, et suggeret vobis omnia
quaecumque dixero vobis. Insuper sicut Jo-
sue mortuo, filii Israel contra Chananaeos
gentesque alias pugnaverunt, Judam du-
cem belli habentes ; sic Christo in caelum
assumpto, gloriosissimi Apostoli contra
infideles Judaeos ac gentiles idololatrias
praeliari coeperunt spiritualibus armis, vi-
delicet per Scripturas atque miracula, per
virtuosissimam vitam ac diversa superna-
turalia Spiritus Sancti charismata : per
B quae innumerabilia millia saluberrime con-
vicerunt, converterunt, et ad spiritualem
ac vivificam mortificationem traxerunt. *Et
ait Judas Simeoni fratri suo : Ascende
mecum in sortem meam.* Post missionem
Spiritus Sancti, duodecim Apostolis divisa
est terra, ut unusquisque in territoriis si-
bi deputatis sermocinaretur. Verumtamen
adjuverunt se mutuo, et frequenter qui-
dam eorum in eisdem locis praedicaverunt,
sicut et Paulus in Italia ac Asia legitur pra-
dicasse. Sicque unus ascendit in sortem
alterius, et e contra. *Oppugnantes ergo filii
Juda Jerusalem, ceperunt eam, et percus-
serunt in ore gladii.* Sic benedicti Apostoli
ipsam Jerusalem pro maxima parte con-
verterunt ad Christum per gladium Spiri-
tus Sancti, quod est verbum Dei : quam et
spiritualiter accenderunt igne divini amo-
ris. Sed fortalitium obtinere nequibant, id
est, principes sacerdotum Annam et Cai-
pham, Joannem et Alexandrum, non va-
luerunt, propter illorum obdurationem,
convertere.

Ephes. vi, 17.

ARTICULUS III

EXPOSITIO CAPITULI SECUNDI : ASCENDITQUE ANGELUS DOMINI DE GALGALIS.

PRAEVARICATIO filiorum Israel in fine D
praecedentis capituli recitata, nunc in-
crepatur. *Ascenditque angelus Domini de
Galgalis ad locum Flentium.* Angelus ille

in similitudine corporis humani visibiliter
apparebat, et primo in loco qui dicitur
Galgala, in quo filii Israel erant sub Josue
circumcisi. Quumque filii Israel concur-

rissent ad eum ibidem, quia vel unus alteri A nuntiavit ejus apparitionem. vel prænuntiata fuit ab aliquo viro sancto, tunc angelus transtulit se inde ad alium locum, qui appellatus est locus Flentium, ex eventu, ut infra habetur; sed tunc ita non vocabatur. Attamen quando auctor hujus libri ista descripsit, sortitus fuit hoc nomen. Insecuti sunt autem filii Israel angelum. Quumque plures convenissent ad eum in illo loco, ait loquens ex Dei persona, a quo missus fuit ad populum increpandum, ut saltem ex angelica visione et increpatione se emendarent, qui verbis Moysis ac Josue non obedierunt.

Eduxi vos de Ægypto. Jam pro maxima parte obierant ex Ægypto educti, imo omnes pene qui primo numerati fuerunt; sed beneficia patribus exhibita, filiis quodammodo erant impensa, qui in patribus suis fuerunt de Ægypto educti. *Et introduxi vos in terram, pro qua juravi patribus vestris,* Abrahæ scilicet, Isaac et Jacob, *et pollicitus sum ut non facerem irritum pactum meum vobiscum in sempiternum,* id est fœdus fidelitatis et amicitiae ac familiaritatis, quod inii cum patribus vestris, quibus promisi quod semen eorum extollerem, defensarem, salvarem, per omne tempus veteris Testamenti; *ita dumtaxat,* id est sub hac conditione, et sic quod hoc tantum exegi ac jussi, *ut non feriretis fœdus cum habitatoribus terræ hujus,* id est, confœderationem pacis et periculosæ concordiae non iniretis cum Chananæis, quos justo judicio occidi præcepi, *et aras eorum subverteretis,* id est fana atque altaria, in quibus sua idola coluerunt. Hoc in libro Numerorum et Deuteronomio sæpius jusserat Dominus. *Et nolulistis audire interiori et obedientiali auditu vocem*

Act. vii, 38.
Exod. xix, 3.

Ibid. xiii, 21; xiv, 19.

meam. Ex his apparet, quod angelus iste fuit qui Moysi legem ac præcepta Dei (jubente Domino) revelavit: vel, qui columnam nubis ante filios Israel movit. Veruntamen in datione legis et Hebræorum educatione, deductione et inductione, multi angeli ministerium exhibuerunt, quum et

in Actis Apostolorum beatissimus Stephanus dicat Judæis: *Accepistis legem in dispositione angelorum.* Et forte angelus iste ex parte illorum omnium loquitur angelorum, secundum quod unus fatur ex parte communitatis aut plurium. *Cur hoc fecistis?* quasi dicat, Per inobedientiam et ingratitudinem graviter peccastis. *Quamobrem nolui delere eos a facie vestra,* id est, residuos Chananæos, Philistæos ac alios, quorum terram vobis promisi, non abstuli, nec virtutem prævalendi illis totaliter contuli vobis, *ut habeatis hostes,* a quibus justo Dei judicio affligamini, *et dii eorum sint vobis in ruinam,* id est, paulatim ex consortio Chananæorum, ad eorum idololatriam corrumpatis, et pœnas incidatis condignas. Veruntamen istud malum culpæ Deus non fecit, nisi permissive, seu gratiam vitandi vitia subtrahendo. Nam unum peccatum est causa alterius, estque culpa et pœna culpæ. Sicque quod ait, *ut,* tenetur concomitanter, non directe causaliter, juxta quem modum Isaias loquitur Deo: *Indurasti cor nostrum, ne time-* *Is. lxiii, 17.*
mus te.

Quumque loqueretur angelus verba hæc ad omnes filios Israel ibi præsentem, vel ad omnes, id est quosdam de omnibus, *elevaverunt vocem suam, et fleverunt.* Erant enim corda eorum grandi compunctione concussa et alterata, ideo in singultum et ululatum subito proruperunt. *Et vocatum est nomen loci illius, locus Flentium sive Lacrimarum:* id est, terra seu statio illa vocata est locus Flentium sive Lacrimarum ex illo eventu, et propter abundantiam tanti ploratus: quemadmodum locus in quo Joseph cum suis patrem suum deplanxit in Chanaan, vocatus est Planetus *Gen. i, 11.*
Ægypti, ut dicitur Genesis ultimo; sicut et Galgala, collis Præputiorum. *Immolaveruntque ibi hostias Domino,* scilicet angelo disparente. Sciebant quippe angelum in Dei persona esse locutum, ideo non angelo, sed Deo et Domino angelorum sacrificia obtulerunt, videlicet hostiam pro peccato, ut eis ignosceretur, et hostiam pro gratia-

Josue v, 3.

rum actione, propter beneficia Dei eis ab A angelo commemorata. Sed quæri potest, qualiter licuit eis alibi, quam in tabernaculo Domini, sacrificia immolare. Respondetur, quod ex dispensatione divina quæ eis per revelationem illam angelicam satis innotuit. Obtulerunt autem hostias per manus sacerdotum, et forte Phinees pontifex fuit ibi, et obtulit. Nec enim putandum est, quod universi filii Israel fuerint in prædictis culpabiles, sed plures ex eis. Refert Lyra, quod Hebræi dicunt ipsum Phinees fuisse hunc angelum; et item, quod B Phinees fuit angelus, in corpore humano assumpto apparens. Quod quam fatuum sit, patet ex introductis. Non enim Phinees eduxit eos de terra Ægypti, nec compete- bat ei sic loqui ex persona Dei. Scriptura quoque clarissime docet, quod fuit verus homo, Eleazari filius, ejusdem speciei cum aliis, et naturali ordine natus.

Dimisit ergo Josue populum. Hoc sonat quasi Josue interfuisset increpationi prælatæ angelicæ, et ea facta, immolatisque hostiis, populum Israel licentiasset. Et quomodo dicitur nunc populum dimisisse, qui in exordio hujus libri defunctus asseritur? Et respondendum, quod passus iste aper- tissime per recapitulationem inseritur, ad continuandam ac proseguendam historiæ seriem, videlicet qualiter filii Israel ad tempus Domino servierunt, deinde ad ido- latriam sunt prolapsi. Porro quod ait, Dimisit ergo Josue populum, non est intel- ligendum, quod populum dimisit propter verba et facta jam immediate descripta;

Josue XXIV,
28.

sed sensus est, quod populum dimisit, pro- pter ea quæ suo loco sunt recitata, videli- cet in Josue libro, ubi narratur, qualiter fœdus inter Deum ac populum renovavit. Quo facto, populum fecit abire: quod fuit per tempus notabile ante apparitionem et increpationem angeli nunc inductam. Quæ autem sequuntur, usque ad id, Omnisque illa generatio, habentur Josue ultimo, et ibi exposita sunt. Verum ubi nostra trans- latio continet, quod Josue sepultus est in Thamnathsare, refert Lyra in Hebræo ha-

beri tale nomen, quod interpretatur Tham- nathsolis: quoniam dicunt Hebræi, super sepulcrum Josue positam fuisse similitu- dinem solis pro memoriali, quod ad ejus imperium sol stetit tam diu immobilis. *Omnisque illa generatio congregata est ad patres suos*, id est defuncta, sicut et patres eorum; et animæ horum, qui boni fue- runt, aggregatæ fuerunt tempore opportu- no animabus patrum electorum. Verumta- men quidam illorum adhuc vixerunt per tempus magnum post ea quæ consequenter narrantur, puta Othoniel primus judex, et Phinees, ac alii quidam, qui tamen com- paratione aliorum paucissimi erant: id- circo in tanta pluralitate non computantur, nec Scriptura solet curare aut explicare numeri temporisque minutias.

Deinde reditur ad historiæ ordinem. *Et surrexerunt*, id est, nati sunt et creve- runt, *alii, qui non noverant Dominum per fidem formatam et actualem scientiam, et opera quæ fecit cum Israel*, id est ma- gnia quæ eis exhibuit in Ægypto, in C mari Rubro, in deserto, in terra Amorrhæ- orum et Chananæorum. *Feceruntque filii Israel malum in conspectu Domini, et ser- vierunt Baalim et Astaroth**, id est simu- lacris et diis idololatrarum, videlicet Baal, et deæ quæ Astaroth appellatur. Glossa autem per Baalim intelligit Jovem; per Astaroth, seu (ut Septuaginta transtule- runt) Astarten, Junonem, quæ fuit soror et uxor Jovis incestuosi atque adulteri, qui et proprium patrem expulit regno, ac tru- cidare conatus est. *Ac dimiserunt Domi- num Deum patrum suorum, qui eduxerat eos de terra Ægypti, et secuti sunt deos alienos, deos quoque populorum, qui ha- bitabant in circuitu eorum, et adorave- runt eos; et ad iracundiam concitaverunt Dominum*, id est, suis peccatis promeruerunt, quod invariabilis, duleis et super- tranquillissimus Deus, rigorem justitiæ in eis exereuit. Nec enim incommutabilis Deus ad passionem aliquam potest moveri, qui per Jeremiam fatetur: Numquid me ad iracundiam provocant? nonne semetipsos

* alias non habetur, et Astaroth.

Jer. VII, 19.

in confusionem vultus sui? *Dimittentes A eum, et servientes Baal et Astaroth. Iratusque Dominus, per similitudinem effectus, non per commotionem affectus, id est justam ullionem exereens, tradidit eos in manus diripientium, id est gentilium, qui bona Israelitarum rapuerunt, eosque pro parte interfecerunt; qui ceperunt eos, et rendiderunt hostibus qui habitabant per gyrum, nec potuerunt resistere adversariis suis; sed quocumque pergere voluissent, manus Domini super eos erat, sicut locutus est, et juravit eis; et vehementer afflicti sunt.*

Denique in isto capitulo summarie et in communi breviter recitatur, quod in sequentibus capitulis in speciali prosequitur. *Suscitavitque Dominus judices, qui liberarent eos de vastantium manibus, id est, aliquibus viris electis gratiam, sapientiam, et virtutes fortitudinemque concessit ad exhortandum, dirigendum, ac eripiendum errantes, afflictos et captos. Sed nec illos audire voluerunt.* Verumtamen, ut in processu patebit, interdum quidam, imo multi Hebræorum obtemperaverunt iudicibus; multi vero non obtemperaverunt: de quibus subjungitur: *fornicantes cum diis alienis, id est per mentis aversionem idololatriam exerecentes: et quamvis omne mortale peccatum sit fornicatio spiritualis, hoc est aversio mentis creatæ a Sponso cœlesti, et constupratio ejus interior a diabolo, specialiter tamen et maxime idololatria, juxta illud Osee, Fornicati sunt*

Osee IV, 12.

Ps. LXXII, 27.

a Deo suo; juxtaque illud Psalmi, Perdidiisti omnes qui fornicantur abs te. Et adorantes eos. Cito deseruerunt viam, per quam ingressi fuerant patres eorum, id est observantiam legis divinæ, per quam patres eorum tendebant ad finem felicem. Et audientes mandata Domini, omnia fecerunt contraria: et ita non habuerunt excusationem de ignorantia, sed peccaverunt ex deliberatione et certa scientia. Unde probatur, quod et tunc fuerunt inter eos aliqui boni, proponentes eis verbum salutis ac divina præcepta.

Quumque Dominus suscitaret judices in diebus eorum, flectebatur misericordia: id est, ex propria et connaturali sibi pietate, post effectus suæ rigorosæ justitiæ, impendebat pœnitentibus effectus et opera suæ elementariæ: imo et non pœnitentes frequenter gratiose prævenit, et pœnitentes effecit, quos tamen communiter per adversa reduxit ad cor, et per vexationem eis tribuit intellectum. Ideo subditur: et audiebat afflictorum gemitus, eis misericorditer ignoscendo ac pie subveniendo.

Is. XXVIII, 19.

Propterea sequitur: et liberabat eos de cæde vastantium, id est de læsione et oppressionem adversariorum suorum. Postquam autem mortuus esset judex, revertebantur ad pristina vitia, et multo faciebant majora, id est pejora, quam fecerant patres eorum, sequentes deos alienos, servientesque eis, et adorantes eos. Ista non sunt intelligenda per omnia de eisdem numero. Loquitur enim Scriptura de toto populo illo quasi de uno sen eisdem. Sed diversa ad diversos sunt referenda. Nec omnes fecerunt hujusmodi mala, sed multi. *Non dimiserunt adinventiones suas, id est excogitatas malitias, et viam durissimam, id est obstinatam pravitatem, præsertim idololatriam, quæ ad æternam ducit amaritudinem, per quam ambulare consueverant.* Unde dulcis Jeremias ait: Vide, inquit, quia malum et amarum est, te reliquisse Dominum Deum tuum, et non esse timorem ejus apud te. In cultu etiam idolorum sunt aliqui actus laboriosi et duri.

Jer. II, 19.

Iratusque est furor Domini in Israel, et ait Dominus: Quia irritum fecit gens ista pactum meum, id est, fœdus amicitiae violavit, quod pepigi cum patribus eorum, et vocem meam contempsit audire, id est, legem meam transgressa est. Loquitur autem Dominus de impiis illis aspernanter, dicendo, Gens ista, ex zelo justitiæ, juxta illud: Sprevisisti omnes discedentes a justitiis tuis. *Et ego non delebo gentes quas dimisit Josue, id est, non subjeciam eas filiis Israel vitiosis, nec de terra ista eas omnino expellam, ut in ipsis experiar Is-*

Ps. CXVIII, 118.

rael, id est, per infideles hos faciam alios A
experiri ac noscere de Israelitica plebe,
utrum custodiant viam Domini, et ambu-
lent in ea, id est, legem meam obser-
vent : et loquitur Deus de se ipso quasi de
alio ; *sicut custodierunt patres eorum, an*
non. Nempe per hoc quod filii Israel aver-
terunt se a familiaritate ac vitiis et idolo-
latria illorum gentilium, atque ex conse-
quenti eis praevaluerunt ac dominabantur,
per experientiam innotuit cunctis, quod
in via Dei ambulaverunt, et Deo fideles
erant ; per hoc autem quod communicave-

runt infidelibus illis in idololatria, commu-
biis, societate ac vitiis, et ex consequen-
ti superabantur ab illis, experimentaliter
patuit, quod circa Deum verum male et
infideliter se habebant. *Dimisit ergo Domi-*
nus omnes has nationes, id est quosdam ex
omnibus illis, puta ex Chananeis, Phere-
zaeis, Jebusæis, Philistæis, etc. *Et cito sub-*
vertere noluit eas in toto, nec tradidit in
manus Josue, propter causam prædictam :
eius rei et aliae causæ fuerunt, ut in ex-
positione Josue dictum est, et infra tan-
getur.

ARTICULUS IV

DE SPIRITUALI EJUSDEM SECUNDI CAPITULI INTELLIGENTIA.

JUXTA mysticum sensum, multa ex præ-
senti edocemur capitulo. Siquidem ex
ejus exordio innotescit, quod unus actuum
angelorum sanctorum circa homines, præ-
sertim circa sibi commissos, sit, eosdem pie
et caritative sive forinsecus sive interius
increpare, et beneficia Dei eis ad memo-
riam revocare ; ea quoque impropere in-
gratis, et ipsos sic ad contritionem, fletum
et emendationem inducere, inobedientibus
etiam comminari. Rursus constat ex his,
quod homines angelicis inspirationibus
non acquiescendo, merentur eorum directi-
one privari : sicque ab ipsis relict, gravius
ruunt. Non tamen ex toto relinquuntur ab
ipsis durante hac vita. Iterum elucescit ex
introducetis, quod optimus modus provocan-
di aliquem ad meliora, sit, ei divina benefi-
cia commemorare, et suam ingratitudinem
demonstrare, atque futura et imminetia
comminari adversa, præsertim æterna illa
Acherontis tormenta. Studeamus ergo an-
gelicis ac virtuosis inspirationibus obedi-
re ; vereamur angelos sanctos animarum
nostrarum custodes offendere ; beneficia
nobis per Christum exhibita, assidue reco-

B lamus : qualiter de Ægypto, id est vitiorum
caligine, et de præsentis sæculo nequam
nos eduxit, atque in terram et regnum,
imo in cælum militantis Ecclesiæ introdu-
xit : regnum quoque promisit triumphantis
Ecclesiæ : ita dumtaxat, ut non feriamus
fœdus cum habitatoribus terræ, id est, car-
nalibus et iniquis non consentiamus ho-
minibus in rebus illicitis : et aras eorum
subvertamus, id est, eorum sacrilegia, abu-
siones et superstitiones vitemus, soli Do-
mino fideliter servientes. Insuper exemplo
C filiorum Israel, ex increpationibus ange-
lorum ac prælatorum, imo quorumlibet
devotorum, intime compungamur, pœni-
teamus, inflammemur, ita ut elevata vo-
ce abundanter salubriterque ploremus ; et
hostias Domino immolemus, cui spiritus
contribulatus est sacrificium gratum : ho-
stiam (inquam) satisfactionis, et observan-
tiam præceptorum : quia sacrificium sa-
lutare est, attendere mandatis : hostiam
quoque laudis et gratiarum actionis. Sed
et corpora nostra sic castigemus, ut juxta
D apostolica documenta, exhibeamus ea Deo
hostiam vivam, sanctam ac placitam.

Ps. l., 19.

Eccli.
xxxv., 2.
Hebr. xiii.,
15.

Rom. xii., 1.

Servieruntque filii Israel Domino cunctis diebus Josue, id est quamdiu præfuit eis. Sic et discipuli Christi, quamdiu cum eis fuit Dominus Jesus, Domino servierunt.

Joann. xvii, 12.

Propter quod dixit in Joanne : Quum essem cum eis, ego servabam eos. *Et seniorum qui longo post eum vixerunt tempore*. Per seniores illos, intelliguntur sancti Apostoli et eorum cooperatores, primi illi discipuli ac apostolici viri, qui post Christi ascensionem longo tempore in sæculo isto vixerunt, sub quorum regimine Christiani veri Israelitæ Deo ferventissime servierunt. Ex quibus probatur, quam fructuosus necessariusque consistat subditis bonus prælatus : quia secundum judicem populi, sic et ejus ministri ; et qualis est rector civitatis, tales et inhabitantes in ea. *Omnisque illa generatio congregata est ad patres suos*, quoniam sanctis Patriarchis ac Prophetis in cœlesti sunt throno conjuncti.

Eccli. x, 2.

Et surrexerunt alii, qui non noverant Dominum, et opera quæ fecit cum Israel, feceruntque malum in conspectu Domini.

Hi alii, sunt hæretici, schismatici, et omnes ingrati ac reprobi Christiani, qui Deum incarnatum et ejus beneficia non agnoscent vera et salutari notitia : quia etsi dicant se ea cognoscere, attamen factis negant, tam vitiose agentes in conspectu Altissimi, quasi Deus non sit inspector et judex actuum humanorum. Denique serviunt diis alienis, id est idolis et simulacris suis, putantes aurum robur suum, et obrizo dicentes, Fiducia mea. Etenim ea

Tit. i, 16.

Job xxxi, 24.

A quæ maxime diligunt, quærunt, colunt, exercent, hæc sunt dii eorum. Superborum namque et ambitiosorum deus est, honor, prælatio, dignitas, et quidquid hujusmodi est ; cupidorum deus est, nummus ; luxuriosorum, caro immunda seu fœda voluptas ; gulosorumque, venter. Sic sanctis prælatis et virtuosis rectoribus sublatis, cœpit Ecclesia tepere, deformari, corrumpere ; et tam invisibilibus quam visibilibus hostibus, Tureis, Sarracenis, Tartaris, ac aliis frequenter est tradita ; nunquam tamen in toto a Domino derelicta, imo frequenter suscitavit ei judices virtuosos, præsules sanctos, reges et imperatores vere fideles ac strenuos, et alios viros egregios, per quos sæpe subvenit et reformavit Ecclesiam, et hostes ejus dejecit. Nihilominus postea denuo redierunt multoties Christiani ad pristina, imo et graviora facinora : qui cursus sua vicissitudine duravit usque in præsens.

Postremo, quemadmodum Deus in infidelibus illis experiebatur Israelem, an viam Domini veraciter custodiret ; ita in novo Testamento permisit esse hæreticos, Sarracenos, aliosque infideles, ut in eis experiri populum christianum, an vere sit christifidelis, efficaciter dissentiendo, aut etiam repugnando illis iniquis usque ad sanguinem. Propter quod ait Apostolus : Oportet hæreses esse, ut et qui probati sunt, manifesti fiant in vobis. Hinc dixit Gregorius : Abel esse renuit, quem Cain malitia non exercet. 1 Cor. xi, 19.

ARTICULUS V

ELUCIDATIO LITTERALIS CAPITULI TERTII : ILE SUNT GENTES QUAS DOMINUS DERELIQUIT.

NUNC in speciali incipit auctor describere tribulationes, servitutes et oppressiones filiorum Israel ab adversariis suis : quæ septem fuerunt, quarum jam

prima describitur. Aliqua tamen præmittuntur, continuando et declarando materiam. Dictum est namque in fine præcedentis capituli, quod Dominus non deleverit Judic. ii, 21.

adversarios Hebræorum ex toto, propter A ipsorum Hebræorum demerita. Nunc ergo exprimuntur adversarii illi in speciali, et plures causæ adduntur, cur Dominus eos dimisit.

Hæ sunt gentes, quæ paulo post nominabuntur, quas Dominus dereliquit superstites in terra Israelitis promissa, ut erudiret in eis, id est per eas seu per earum impugnationes et repugnationes, Israel, id est Israeliticam plebem tunc existentem, eorumque posteros, de quibus subjungitur, et omnes qui non noverant bella Chananeorum, qui erant acres et periti in arte pugnandi. Unde in Deuteronomio *legitur, quod nullus antea poterat eis resistere. Ut postea discerent filii eorum certare cum hostibus, et habere consuetudinem præliandi, id est, tam ipsi quam eorum posteritas, fierent exercitati, prompti, ac docti ad pugnam : in qua ars maxime vallet, et armorum peritia plus quam corporum fortitudo, quum in libro de Re militari dicat Vegetius, quod multitudo imperita in arte bellica, nec bene disposita, non sit nisi hostium victima. De qua re plenius scribit Ægidius libro de Regimine principum.* Unde et scriptum est : Melior est sapientia quam vires. Verumtamen, sicut hic loquitur Augustinus, Bellum non est per se appetibile ; sed pax, ad quam ordinandum est bellum. Sed quoniam tempore illo cultus Dei non vigeat communiter nisi in uno Israelitico populo, in medio gentilium commorante, quem noverat Dominus a gentilibus assidue et acriter impugnandum ; voluit Dominus, ut populus D suus exercitaretur ad pugnam, non tamen ad crudelitatem. Unde super illud, Ut discerent filii eorum certare cum hostibus, Augustinus disseruit : Id est, ut tanta pietate et obedientia legis pugnarent, quanta patres eorum, qui et bellando placuerant Deo : non quod optandum sit bellum, sed quia pietas laudabilis est in bello. Hæc est alia causa, cur Dominus gentes illas dimisit, quam illa, quæ in fine præcedentis capituli tacta est.

Quinque satrapas Philistinorum : non solum reliquit satrapas illos, sed et Philistæos eis subjectos. Porro satrapa dicitur, quasi satis rapiens, vel quasi satis paratus : et erant hi satrapæ, quasi parvi reges seu reguli et principes quinque principalium civitatum Philistiim, puta Azoti, Gazæ, Ascalonis, Geth, et Accaron. Omnemque Chananeum et Sidoniam atque Hevæum : in quibus verbis ponitur singulare pro plurali : qui habitabat in monte Libano, id est locis et oppidis illis montanis, de monte Baal Hermon, usque ad introitum Emath, id est Antiochiæ. Dimisitque eos, ut in ipsis experiretur Israel, utrum audiret mandata Domini, quæ præceperat patribus eorum per manum Moysis, an non. Ista est alia causa, et istud in fine præcedentis capituli est elucidatum. Augustinus quoque et Glossa super hoc verbum, Experiretur, dicunt : Non ut Deus omnium cognitor, etiam futurorum, agnosceret, sed ut ipsimet scirent, et propria conscientia glorificarentur aut convincerentur. Insuper fuit et alia causa, cur Deus non ejecit nec delevit gentes illas totaliter et repente, ne scilicet terra illa pro magna parte maneret diu non habitata, sicque in solitudinem redigeretur, et bestię crescerent contra filios Israel. Hinc in Deuteronomio dixerat Dominus : Paulatim ejiciam eos, ne crescant contra te bestię, etc. Non enim erat tanta filiorum Israel multitudo, quod poterat in principio sui ingressus tantam terram satis populari et occupare ac colere, nec Deus vult omnia supernaturaliter operari.

Itaque filii Israel habitaverunt in medio Chanani, Hethi, et Amorrhæi, et Pherezæi, et Hevæi, et Jebusæi, et duxerunt uxores filias eorum, ipsique filii Israel, filias suas filiis eorum, scilicet Chananeorum, tradiderunt uxores, simul miscentes connubia. Quod fuit filiis Israel in lege frequenter prohibitum. Nec inter illos videtur matrimonium verum fuisse, quum dispar cultus impediat matrimonium contrahendum, dirimatque contractum. Pro-

Deut. ix, 2.

Eccl. ix, 16, 18.

Deut. vii, 22.

¹ Esdr. x. pter quod tempore Esdræ ab invicem se-
parabantur taliter conjugati : nisi forte
dicatur, quod isti Israelitæ fuerunt idolo-
latræ, sicut et Chananæi. Nam subditur :
et servierunt diis eorum. Erant equidem
ad idololatriam valde proni. Feminæ quo-
que blanditiæ allieiebant animos marito-
rum, nolentium suas contristare delicias.
Sed et convictus ille, et familiaritas tan-
ta, mutuaque convivium, eos faciliter ad
idololatriam pertrahebant. Ideirco Deus per
Moysen prohibuit filiis Israel cum Chana-
næis inire conjugia ; eis quoque prædixit, B
quod per connubia talia ad idololatriam
laberentur. Nam et Salomon tali erat occa-
sione veneratus idola. *Feceruntque malum
in conspectu Domini, et obliti sunt Domini
Dei sui*. Unde et Josephus : Converterunt
se, inquit, ad agriculturam, et ad divitias
dando se, per epulas atque libidinem imbel-
les effecti, in conversatione legis integri non
fuerunt. *Servientes Baalim et Astaroth*.

III Reg. xi,
1-8.

*Iratusque Dominus contra Israelem, tra-
didit eos in manus Chusan Rasathaim regis
Mesopotamiæ*, id est, ab illo rege permisit C
eos impugnari ac superari. Quemadmodum
autem Aquilegia dicitur, quasi aquis ligata,
quia in medio jacet aquarum ; sic Mesopo-
tamiæ dicitur a μέσος, quod est medium, et
ποταμός, quod est fluvius, quia in medio
duorum sita est fluminum. Est autem Mesopotamia pars Syriæ. *Servieruntque ei octo
annis*, dando tributa, seu exhibendo dura
obsequia. *Et clamaverunt ad Dominum*,
vexatione dante eis intellectum, quod pro
suis excessibus talia paterentur. *Qui susci-
tarit*, id est, gratiose concessit, *eis salva-
torem, et liberavit eos, Othoniel videlicet
filium Cenez, fratrem Caleb minorem*, qui
et Axam filiam Caleb habuit contoralem.

Is. xxviii,
19.

Josue xv,
17.

De isto Othoniele dictum est plenius in Jo-
sue libro. Hinc etiam constat, quod filii
Israel nimis cito ad idololatriam sunt pro-
lapsi, quum et Othoniel terram promissionis
ingressus sit. Fuit autem Othoniel
salvator et liberator Israelis solum mini-
sterialis, et a tribulatione temporali, imo
et a malis culpæ eos retraxit, ac in via le-

gis direxit. Propterea subditur : *Fuitque
in eo Spiritus Domini*, id est auctoritas,
virtus et gratia Spiritus Sancti, *et judi-
cavit Israel*, dirigendo, hortando ac dis-
cernendo. Hunc Othonielem Josephus vo-
cat Cenez, quasi æquivocum suo patri, id
est eodem nomine æquivoce nuncupatum.
*Egressusque est ad pugnam cum aliquibus
de populo Israel, contra regem præfatum*.
Et quoniam erat de tribu Juda, sicut et
Caleb, probabile est quod filii Juda ierunt
secum ad prælium.

*Et tradidit Dominus in manus ejus
Chusan Rasathaim regem Syriæ*, id est
Mesopotamiæ : in quo patet magnitudo pie-
tatis divinæ, quod tam cito subvenit filiis
Israel, qui tam enormiter excesserunt ; *et
oppressit eum. Quievitque terra quadra-
ginta annis*, id est, filii Israel in terra sua
de cetero tamdiu pacifice habitaverunt,
et bene vixisse creduntur sub judice illo.
Et in hoc quoque innotescit dulcedo divi-
næ elementiæ, quia post tam brevem in-
quietudinem, contulit per unum virum
justum toti populo tam longam quietem.
Videtur præterea Glossa sentire, quod tan-
to tempore servierunt Baalim et Astaroth,
quanto tempore servierunt regi Mesopota-
miæ, scilicet octo annis. Itaque Dominus
contemperavit et adæquavit in hoc pœnam
culpæ, quantum ad tempus. Et sumpsit hoc
Glossa ex Origene. Imo translatio Septua-
ginta interpretum continet sic : Quanto, in-
quiens, tempore servierunt Baalim, tanto
tempore servierunt Chusan Rasathaim. Po-
stremo, in hoc tempore quietis, quæ dici-
tur quadraginta annis durasse, includuntur
octo anni servitutis : quod similiter intel-
ligendum est in sequentibus, ubi numerus
annorum quietis taxatur, in quo anni ser-
vutis comprehenduntur secundum expo-
sitores. Et idem in Scholastica habetur
historia. Nec aliter posset salvari historia
ista, eo quod tertio Regum determinetur,
quoto tempore ab exitu Israel de Ægypto
cœperit Salomon templum ædificare, sci-
licet quadringentesimo octogesimo anno : III Reg. vi,
qui anni computantur pro magna parte ¹.

per tempora judicium, et multo plures anni fuissent, nisi (ut tactum est) anni servitutis, sub annis quietis includerentur. *Et mortuus est Othaniel filius Cenez, aetate grandævus atque virtutibus plenus.* Circa quod tempus Dionysius Liber, pater unus deorum gentilium, natus est ex filia regis qui regnavit in Thebis.

ARTICULUS VI

DE INTELLIGENTIA HUIUS CAPITULI TERTII SPIRITUALI.

OMNIA in populo illo Israelitico figuratim gesta sunt. Ideirco, quod Deus reliquit in terra promissionis gentes idololatrias, *ut erudiret in eis Israellem*, quatenus disceret bella Chananæorum, consuetudinemque haberet pugnandi : quid aliud figuravit, nisi quod populum christianum vult esse exercitatum, peritum et promptum ad spiritualia contra invisibiles hostes certamina, et contra aciem vitiorum, imo et contra hostes fidei christianæ visibiles, et contra rei publicæ inimicos, quos omnes inter Christifideles venire permittit, ut in eis erudiat Christianos ad hujusmodi prælia virtuosa ? Indigent igitur Christiani gratia discretionis spirituum, fortitudinis dono, et omni armorum spirituali apparatu, quemadmodum ad Ephesios hortatur Apostolus : Accipite armaturam Dei, ut possitis resistere in die malo, et in omnibus perfecti stare. State ergo succincti lumbos vestros in veritate, et induti loriceam justitiæ, in omnibus sumentes scutum fidei ; et galeam salutis assumite, et gladium spiritus, quod est verbum Dei, orantes omni tempore in spiritu. Ecce quid ad unumquemque nostrum pertineat, qualiter debeamus jugiter supra custodiam nostram stare, et contra adversarios nostræ salutis pugnare, qui per satrapas Philistinorum et ceteras gentes incredulas designantur. Possunt quoque per quinque satrapas, intelligi quinque sensus exteriores, qui satis rapiunt oblectamenti in suis objectis contra imperium rationis, et

Ephes. vi, 13, 14, 16, 18.

Habac. ii, 1.

mentis dominari conantur. Contra quorum abusum pugnare tenemur, quia per hoc Dominus experitur, quod mandata ejus obedienter audimus.

Insuper, sicut filii Israel ex societate et convietu Chananæorum, ad profana connubia, deinde ad idololatriam sunt dilapsi, ac Deum verum obliti, et ingratisimi facti : sic religiosi claustra sua egrediendo, et inter sæculares manendo, vescendo ac conversando, ad diversa ac gravia vitia devolvuntur, mente infrigidantur ; nec solum spirituales, sed et carnales interdum fornicationes noseuntur sceleratissime nimis incidere. Vitanda ergo sunt eis omnia ista, quantum fieri potest : in ejus rei figuram, Deus prohibuit Israeliticæ plebi societatem et convietum Chananæorum. Amplius, sicut filii Israel contra Deum superbe erecti, a rege Syriæ sunt oppressi, humiliati, et vili servituti subjecti ; ita qui se in cornibus extollunt superbiæ, et de sæculari aut spirituali præsentia intumescunt, relinquuntur a Domino, et ei qui est rex super omnes superbiæ filios, mox subduntur, atque vilissimæ servitutis jugo premuntur. Interdum quoque humiliantur in vita præsentia a visibilibus inimicis, aut certe viris justis. Siquidem sedes ducum superbiorum destruxit Deus, et sedere fecit mites pro eis, qui deponit potentes de sede, humilesque exaltat. *Et clamaverunt ad Dominum.* Sic et nos in omni necessitate, tribulatione, angustia, non cessemus toto affectu clamare ad Dominum, ut suc-

Job xlii, 25.

Eccli. x, 17.

Luc. i, 52.

currat, eripiat et conservet nos : imo et antequam juste affligamur pro nostris piaculis, pœnitere et veniam obtinere nitamur. Discamus quoque exemplo filiorum Israel Dominum efficaciter exorare, ut judicem suscitet nobis, id est, prælatus nobis donet idoneum, et prædicatorem condignum, cujus directioni, increpationi, judicio, cum omni gratiarum actione jugiter acquiescamus. Præterea, sicut Othoniel processit ad pugnam contra adversarios populi, cui præerat ipse ; sic omnis qui præest, satagat pro grege sibi commissio efficaciter præliari, orando, exemplariter conversando, docendo, et omni modo sibi possibili subditorum procurando salutem.

Postremo, per Othoniel intelligi potest Christus verus salvator, quem Pater misit in redemptionem Israelitarum et gentium universarum : de quo Isaias prædixit : Requiescet super eum Spiritus Domini ; et judicabit in justitia pauperes, et arguet in æquitate pro mansuetis. Rursus, per Othoniel potest bonus prælatus, seu quicumque justus judex ac princeps signari, qui

bonum rei publicæ toto exquirat corde, et illud tuetur, ac pro ereptione plebis sibi commissæ, omni qua potest virtute laborat. Origenes demum, per Othoniel intelligit triumphantis Ecclesiæ Angelum sanctum, ad custodiam et subventionem hominum desuper missum. Et super illud, *Mortuus est Othoniel*, ait : Quare defunctus est ? Quia jam indignus erat populus habere judicem talem, id est tam bonum. Nam et eo defuncto, ut subdit Scriptura, adjecerunt filii Israel facere malum. Super illud quoque, Quanto tempore servierunt Baalim, quod in Septuaginta habetur, disseruit : Disce, o tu qui peccasti, tanto tempore te humiliare, pœnitere et satisfacere coram Deo, quanto tempore te errasse et peccasse cognoscis. Non exspectes ut humiliet te adversarius, et necessitas pœnitentiam invito extorqueat, sed pœnitendo præveni manus illius : quia si te tu ipse correxeris, pius est Dominus qui vindictam suam temperet ei, qui pœnitendo illam prævenit. Tu ergo in confessione præoccupata faciem

Ps. xciv, 2.

C Judicis summi, et veniam consequeris.

ARTICULUS VII

ELUCIDATIO CAPITULI QUARTI : ADDIDERUNT AUTEM FILII ISRAEL FACERE MALUM IN CONSPECTU DOMINI.

Biblia ple-
raque alia
hic continu-
ant capitu-
lum ter-
tium.

MODO describitur secunda filiorum Israel oppressio generalis in terra promissionis. *Addiderunt autem filii Israel facere malum in conspectu Domini* omnia intuentis : in quo patet magna eorum pronitas ad peccandum, quoniam Othoniel mortuo, statim redierunt ad solita crimina. Porro malum quod facere præsumpserunt, fuit præcipue idololatria. Et ponitur hic malum, pro malorum (id est culparum) congerie, quoniam multa atque enormia patrabant facinora. *Qui confortavit adversus eos Eglon regem Moab, quia fecerunt malum*

in conspectu ejus. Circa quod loquitur Origenes : Nostris vitiis vires hostium augentur ac nutriuntur, id est, vitiorum nostrorum demeritis, Deus auxilium suum abstrahit nobis, et hostes confortat, prævalereque sinit, imo et facit. *Et copulavit ei filios Ammon et Amalec*, id est, permisit, aut etiam instigavit Ammonitas ac Amalecitas ad auxiliandum Moabitis. Amalecitiæ autem erant valde atroces Israelis hostes ab eo tempore, quo sub Moyse cæsi fuerunt a Josue. Circa hoc quæri posset : si Deus confortavit Moabitas contra Hebræos, et Ammonitas Ama-

leccitasque instigavit, ut ferrent auxilium A regi Moab, ergo non peccaverunt Israellem vastando. Et respondendum, quod potestas hostium fuit a Deo, non autem potestatis abusio. Deus quoque confortavit et instigavit illos ad invadendum Hebræos, ad puniendum Hebræorum peccata, in quantum illa punitio fiebat justo judicio. Sed illi non prosequabantur confortationem, instigationemque illam ea intentione, nec justo judicio, sed ex crudelitate, cupiditate et odio. Sic per Jeremiam et Ezechielem Deus frequenter testatus est, se convocare et B confortare regem Babylonis adversus Jerusalem ac ceteras nationes, sicut de hoc super Prophetas plenius scripsi.

Jer. i, 15;
Ezech. xxx,
24, 25.

Abiitque Eglon cum auxiliariis suis, recedendo de terra sua ad terram Israelitarum, et percussit Israel, occidendo multos Hebræos, et possedit urbem Palmarum, id est Jericho: quæ tamen (ut patuit) nondum fuit reedificata. Sed, ut in Ecclesiastica fertur historia, Fecit sibi domum in loco quo antea Jericho stetit: quod, ut reor, fecit in contemptum Israel, eo quod post C transitum Jordanis, filii Israel primo urbem illam obtinuerunt ac destruxerunt; et terram circumjacentem possedit rex Eglon. Servieruntque filii Israel Eglon regi Moab decem et octo annis, solvendo tributa, et exhibendo dura obsequia, ut moris est victis. Et videtur Origenes sentire, quod tot annis servierunt vitiis jam præfatis, ideoque tot annis pœnam luerunt. Nam ait: Certum est, secundum modum peccati, conversionisque dilationem, castigationis tempora terminari seu definiri.

Et postea clamaverunt ad Dominum, id est, de suis peccatis pœnitentes, veniam et auxilium petierunt a Deo, videntes sibi idolorum cultum obesse, non prodesse. Et mirum, quod infra tot annos non clamaverunt ad Dominum, sed post eos: quo constat, quam exæcati erant et indurati, propter quod acerrima disciplina indiguerunt. Qui suscitavit eis salvatorem, vocabulo Aod, filium Gera filii Jemini. Per Jemini quidam intelligunt Benjamin, qui-

dam aliquem vilem et malitiosum de Benjamin tribu. Unde Magister in historiis scribit: Jemini quidam dicunt fuisse quemdam vilem de Benjamin, qui posteris suis, legitur ob ignominiam suam saepe impropertatus. Unde primo Regum habetur: Audite me, filii Jemini. Hebræi vero tradunt hunc fuisse Benjamin, et per aphæresim, id est talem figuram, ubi nos ponimus, Jemini, ponunt, Jamin, quod sonat dextrarium vel dextralem. Benjamin autem, filius dexterae interpretatur. Qui utraque manu pro dextera utebatur: quia tam prompte ac potenter utebatur sinistra, ut dextera, imo et fortius, secundum Hebræos: propter quod dicunt, quod fuit debilis dextera manu, non simpliciter, sed comparative. Etenim tales solent in sinistrae usu esse potentiores. Septuaginta tamen, Ambidextrum transtulerunt.

Miseruntque filii Israel per illum munera, id est tributa, aut etiam quædam jocalia aut encænia ad impetrandum elementiam, regi Moab. Qui Aod fecit sibi gladium ancipitem, id est, ense ab utraque parte acutum fecit sibi parari, habentem in medio caputem, id est manubrium, longitudinis palmæ manus, videlicet breve, ut minus consideraretur; et accinctus est eo subter sagum, id est infra pallium militare formæ quadratæ, in dextero femore: quia sic sibi magis conveniebat, si erat fortior in sinistra, quemadmodum fortiores in dextera suspendunt ense suum in sinistro latere. Porro si in usu utriusque manus fuit æque robustus, dici potest,

D quod ideo gladium in dextero posuit femore, ut minus notaretur ense accinctus, et eum improvisius posset extrahere. Sic et secundo Regum legitur Joab vestitus tunica stricta, et desuper accinctus gladio dependente usque ad ilia, etc. Ex his apparet, quod Aod intendebat, si posset, mittere manum in Eglon. Obtulitque munera Eglon regi, id est, præsentavit et dedit ei ex parte filiorum Israel. Erat autem Eglon crassus nimis. Septuaginta transtulerunt, Erat Eglon exilis valde: quod secundum Augu-

I Reg. xxii,
7.

Gen. xxxv,
18.

II Reg. xx,
8.

stinum, intelligendum est a contrario sensu, seu per antiphrasin, secundum quod mons dicitur a movendo, et lucus a lucendo. Et tertio Regum : Benedixit Naboth Deo et regi, id est maledixit.

III Reg. XXI,
10, 13.

Quumque obtulisset regi munera, persecutus est socios qui cum eo venerant, id est, cum sociis sui itineris Israelitis rediit usque ad Galgalam. *Et reversus de Galgalis ubi erant idola*. Eglon quippe posuerat deos suos seu eorum simulacra in Galgalis, in contemptum et irrisiōem filiorum Israel, qui locum illum reputabant specialiter sanctum : quoniam transito Jordane, fixerunt ibi tabernaculum Dei cum area, celebraveruntque Pascha, et circumcisi fuerunt ibidem. Quemadmodum Hadrianus imperator in christianæ religionis contemptum, statuit simulacra Veneris atque Adonidis in loco ubi natus est Christus ; Antiochus quoque statuam Jovis in templo Dei in Jerosolymis, ut primo Machabæorum describitur. Itaque Aod viso tanto sacri loci contemptu, zelo Dei accensus, ad Eglon mox rediit, et dixit ad regem : *Verbum secretum habeo ad te, o rex*, id est, occultum et mysteriale quid habeo tibi insinuare sermone aut facto. Dicuntque aliqui, quod verbum accipitur hic pro facto, secundum quod quarto Regum loquitur Ezechias :

Josue IV,
19; v, 3, 10.

I Mach. I,
57.

IV Reg. XX,
13; Is. XXXIX,
2.

Non fuit verbum in domo mea, quod non ostenderim eis. *Et ille*, scilicet rex, *imperavit silentium* ; et ut esset major opportunitas audiendi verbum secretum, jussit adstantes exire. Ideo subditur : *Egressisque omnibus qui circa eum erant, ingressus est Aod ad eum*, propius accedendo. *Sedebat autem in æstivo cœnaculo solus* post aliorum egressum.

• Dei Dixitque Aod : *Verbum Domini * habeo ad te*. Et sumitur hic verbum pro somnio seu visione, secundum Petrum Comestorem, ut sit sensus : Revelationem ex parte Dei tibi habeo indicare. Quo audito, rex quasi ad reverentiam revelantis Dei surrexit, sicut subjungitur : *Qui statim surrexit de throno*, id est sede regali. Aliqui dicunt, quod non oporteat in his excusare

A ipsum Aod de mendacio, præsertim quia mendacium istud fuit officiosum, scilicet ad liberationem filiorum Israel ordinatum ; nec Aod commendatur de isto mendacio, sed de zelo Dei et pietate ad populum suum : quemadmodum Judith et obstetrices non de suis mendaciis, sed de pietate et sollicitudine pro populi et infantium Israel liberatione laudantur. Augustinus vero et Glossa ac alii multi dicunt, quod Aod non mentiebatur in his, quia secretum opus et occultum sermonem habebat ad regem, quoniam ex divina inspiratione dixit et fecit ista : imo secundum Augustinum, Deus præcepit ei hæc facere, quem populo suo suscitavit in salvatorem. Et istud melius sonat.

Judith xv,
xvi; Exod.
i, 20, 21.

Extenditque Aod sinistram manum, et tulit, id est extraxit, *sicam de dextero femore suo*. Sica vocatur gladius brevis. Unde in Actibus Apostolorum imponitur Paulo, quod eduxerit in desertum quatuor millia virorum sicariorum, qui scilicet talibus gladiis utebantur. *Infixitque cam in ventrem ejus tam valide, ut capulus*, id est manubrium ferreum, *sequeretur in vulnere* : sicque et capulus videtur ventrem intrasse ; *atque pinguisimo adipe stringeretur* ; nec eduxit gladium, sed ita ut percusserat, reliquit in corpore : quoniam properavit recedere, atque ut ministri regis, viso tam horribili genere mortis proprii regis, gravius terrentur. Licuit autem huic Aod, ita circumvenire et occidere regem, tanquam publicum plebis Dei tyrannum, et sicut licuit * in præliis justis uti insidiis. *Statimque per secreta naturæ alvi stercora proruperunt*, sicut in mortibus tam violentis et repentinis fieri solet, ut et in suspensis urinam emittentibus cernitur. *Aod autem clausis diligentissime ostiis cœnaculi, et obfirmatis sera*, ne servi subito introeuntes, viderent quid esset actum, *per posticum*, id est secretum locum et exitum, *egressus est*, ne quis eum conspiceret exeuntem. Tamen, ut quidam ait, in Hebræo habetur, *Per porticum* ; sed credibilis videtur, quod per secretum exierit

Act. XXI, 38.

* licet

locum. Et forte dictio illa Hebraica, est ad A
utrumque æquivoca.

Servique regis ingressi, forte aliquam domum aut cameram stantem ante cœnaculum, viderunt clausas fores, id est januas, cœnaculi. *Espectantesque diu donec erubescerent*, quod rex tam diu occuparetur purgando alvum, ut ipsi suspicabantur, et videntes quod nullus aperiret, tulerunt clavem. Circa hoc loquitur Augustinus : Quomodo servi clave aperuerunt, quod Aod clave non clauserat? aut si Aod clave clauserat, quomodo eam secum non asportavit? Ad quod respondet, quia alia clavis allata est, aut tale fuit genus clausuræ, quod sine clave poterat claudi, non tamen sine clave aperiri, ut videmus in januis quæ impulsione clauduntur. *Et aperientes, invenerunt dominum suum in terra jacentem mortuum* : quo viso, turbati ac territi sunt, quemadmodum servi Holofernis, quum audissent quod occisus esset a Judith.

Aod autem, dum illi turbarentur, effugit et pertransiit locum idolorum, videlicet Galgalam, ubi rex sua posuerat idola, unde reversus fuerat; venitque in Seirath, id est in urbem sic dictam, in tribu et monte Ephraim sitam; statimque insonuit buccina in monte Ephraim, tanquam jam victor, aut de victoria certus. *Descenderuntque cum eo filii Israel*, quibus per nuntios aut et proprio ore significavit qualiter regem occiderit : ideo animati, descenderunt cum eo de monte; ipso in fronte, id est principio exercitus, *gradiente*, tanquam audace ac strenuo duce ad pugnandum in D primis parato, quemadmodum de Juda legitur Machabæo et Jonatha ejus fratre. *Qui dixit ad eos: Sequimini me, tradidit enim Dominus inimicos nostros Moabitas in manus nostras. Descenderuntque post eum, et occupaverunt vada Jordanis, quæ transmittunt in Moab*, id est, circa aquas Jordanis se posuerunt, ubi poterat Moabitis esse regressus ad terram suam. *Et non per-*
* *dimiserunt* * *transire quemquam de Moabitis*, qui ita erant turbati ex inopinato regis

sui interitu, quod mens atque consilium fugit ab eis; *sed percusserunt Moabitas tempore illo circiter decem millia, omnes robustos et fortes viros. Nullus eorum eradere potuit; humiliatusque est Moab in die illo sub manu Israel. Et quievit terra octoginta annis*, in quibus comprehenduntur decem et octo anni servitutis, ut dictum est, a præliis.

Post hunc fuit Samgar filius Anath, id est, post Aod præfuit judex nomine Samgar, de quo non exprimitur de qua tribu exstiterit, *qui percussit de Philistæis sexcentos viros vomere* : quia Philistæi isti voluerunt terram Israel introire et impugnare. Aliqui autem dicunt non esse verisimile, quod solus percussit tot viros, quum tamen Deo auxiliante id fecerit. David quoque legitur octingentos viros occidisse impetu uno, et Samson mille, mandibula asini. In Scholastica autem fertur historia, quod Samgar eodem obiit anno : ideo tempus præsidentiae suæ non computatur. *Et ipse quoque defendit Israel ab impugnatione hostili. Et videtur fuisse rusticanus agricola*, sicut et Glossa ex verbis innuit Origenis.

Deinde describitur tertia Israelitarum tribulatio generalis. * *Addideruntque filii Israel facere malum post mortem Aod. Quare non ait, Post mortem Samgar? Quia, ut dictum est, valde modico tempore præfuit. Et tradidit illos in manus Jabin regis Chanaan. Ex hoc elicitur, quod Chananæi desierunt jam esse tributarii Israelis, et regem sibi fecerunt. Qui regnavit in Asor, quæ fuit urbs metropolis, de qua in Josue libro legitur : Quæ antiquitus primatum tenebat inter omnia regna illa. Legitur quoque ibi, quod Josue eam combussit, sed interim fertur a Chananæis reædificata. Vel dicitur Jabin iste regnasse in Asor, id est in territorio, in quo Asor antea stetit, quemadmodum Eglon asseritur possedisse urbem Palmarum. Denique Josue scribit, quod Jabin rex Asor misit ad Jobab; sed ille alius fuit ab isto. Estque probabile, quod iste de illius semine fuit : propter*

II Reg. xxiii, 8.
Judic. xv, 15.

* Biblia alia hic sum exorduntur capitulum quartum.

Josue xi, 10.

Ibid. 13.

Judic. iii, 13.

Josue xi, 1.

I Mach. v, 43; Cf. Ibid. xvi, 6.

* *dimiserunt*

quod rursus sibi usurpavit regnum terræ illius. *Habuitque ducem exercitus sui nomine Sisaram. Ipse autem Jabin habitavit in Haroseth Gentium*, id est in urbe sic dicta, vel propter multitudinem habitatorum suorum, vel quoniam diversarum linguarum aut nationum gentes morabantur in ea.

Erat autem Debora prophetis uxor Lapidoth, id est viri sic dicti, qui infra vocatur Barac, ut communiter dicunt expositores. Et quid contra hoc objici posset, infra tangetur. Denique, ut asserit Origenes, de nullo judicium ait Scriptura, quod fuit propheta, sed de sola Debora hoc testatur, ne eam quis ob sexus fragilitatem contemneret, tanquam ad judicandi officium minus idoneam. *Quæ judicabat populum in illo tempore*. Quamvis secundum communem legem deceat feminas regi et judicari a viris, omnipotens tamen Deus qui supra omnem est legem, aliter potest disponere. Est equidem sexus femineus, sexus subjectionis, non superpositionis, et feminæ communiter sunt debilis rationis. Sed Creator omnipotens per dona gratiæ potest eas viris virtuosiores et sapientiores efficere : et forte ad humiliandum superbos ac rebelles Israelitas, feminam eis præfecit in judicem. *Et sedebat sub palma quæ illius nomine vocabatur*, videlicet palma Deboræ, *inter Rama et Bethel in monte Ephraim* : ibi, inquam, sedebat tempore opportuno, ut unicuique indigenti consilio aut iudicio pateret ad eam accessus. Propter quod subditur : *Ascendebantque ad eam filii Israel* : sedit enim in monte Ephraim ; *in omne iudicium*, id est, pro obtinendo justo iudicio seu sano consilio in causa quacumque.

Quæ misit et vocavit per nuntium ad se, Barac filium Abinoem de Cedès Nephthali. Ex hoc argui posset, quod non erat idem vir Lapidoth et Barac, vel quod non fuit Deboræ hujus maritus, quia tam remote ab invicem habitabant, et in terra tribuum diversarum. Cedès etenim fuit urbs tribus Nephthali, Debora vero in terra

tribus Ephraim morabatur. Hinc, ut refert Lyra, quidam Hebræi dicunt, quod Lapidoth sit nomen commune, significans, lichinariam : ideo dicunt eam sic appellatam, quoniam pro lucernis in tabernaculo Domini lucentibus, lichinia faciebat. At vero qui dicunt Lapidoth et Barac fuisse virum eundem binomium, probant hoc, quia utrumque nomen eandem habet interpretationem : quia utrumque coruscatio interpretatur ; et hi dicere possunt, quod Barac forte pro tunc, quando sic vocabatur, ex aliqua causa ad tempus erat in Cedès Nephthali, quamvis alias habitaret cum Debora. *Dixitque ad eum : Præcepit tibi Dominus Deus Israel*, id est, mihi revelavit se velle, et ejus præceptum mihi jam notificatum, tibi denuntio, videlicet : *Vade, descende, et educ exercitum in montem Thabor* : in quo Christus coram tribus Apostolis fuit transfiguratus, estque mons ille in Galilæa ; *tollesque tecum decem milia pugnatorum de filiis Nephthali, et de filiis Zabulon*, insinuando eis qualiter tibi revelavi præceptum Dei de his agendis, ut sint de victoria certi. *Ego autem adducam ad te*. Hoc dicitur ex persona Dei, non Deboræ : ut sit sensus, Ego Dominus adducam ad te, *in loco torrentis Cison, Sisaram principem exercitus Jabin, et currus ejus, et omnem multitudinem ejus* : id est, sic disponam, quod venient contra te ad pugnandum in loco torrentis Cison, hoc est, permittam ut ex instigatione angelorum malorum atque ex propria animositate tibi occurrant. *Et tradam eos in manu tua*.

Dixitque ad eam Barac : Si venis mecum, vadam quo Dominus jussit ; *si nolueris venire mecum, non pergam*. Tanquam dicat : Indigeo tua præsentia, ut per te, quæ prophetissa es, Dominus mihi revelet quid agere debeam. Videtur Barac aliquantulum pusillanimis exstitisse, aut non satis de adiutorio Dei sperasse ; vel ex humilitate hæc dixit. Et præceptum Dei putavit sic posse intelligi. Si autem culpabilis fuit, postea inde pœnituit. Vel forsitan

Matth. xvii,
1, 2.

æstimavit, quod filii Israel verbis suis non A crederent, nisi Debora secum veniret. *Quæ dixit ad eum : Ibo quidem tecum, sed in hac vice tibi victoria non reputabitur, quia in manu mulieris tradetur Sisara,* id est, a femina occidetur, non a te, secundum quod infra narratur : quod factum videtur propter imperfectionem ipsius Barac in spe, qui tamen postea crevit in virum sanctum, quum in epistola ad Hebræos inter sanctos ab Apostolo numeretur. *Sur-*
Hebr. xi, 32.
rexit itaque Debora, et perrexit cum Barac in Cedes, id est oppidum illud : ex quo B apparet, quod Barac habitavit ibidem. *Qui uccitis Zabulon et Nephthali,* id est, Zabulonitis et Nephthalitis ad se convocatis, *ascendit cum decem millibus,* quæ erant de duabus his tribubus, *habens Deborah in comitatu suo,* ut sanctæ feminae meritis, precibus, consilio, revelatione adjuvaretur.

Haber autem Cinæus, id est vir ille sic dictus, quoniam erat de semine Jethro, qui et Cin nominatur, *recesserat quondam a ceteris Cinæis fratribus,* id est consanguineis suis, qui habitabant inter filios C Juda, ut dictum est, *filiis Hobab cognati Moysis,* quia fuerunt posteri ipsius Hobab, qui fuit filius Jethro et frater Sephoræ uxoris Moysis : sicque cognatus hic sumitur pro affine. Aliqui tamen dicunt, quod ipsemet Jethro vocatus sit Hobab. *Et tetenderat tabernacula usque ad convalem quæ vocabatur Sennim, et erat juxta Cedes.* Fuit quippe vir dives, et pecora multa habens : propter quod tabernacula sua late tetendit in locis pascualibus extra oppidum Cedes.

Nuntiatumque est Sisaræ, quod ascendisset Barac filius Abinoem in montem Thabor cum Debora, et congregavit nongentos currus falcatos, qui instar falcis cædebant, et omnem exercitum ad torrentem Cison, sicut Debora prophetavit. Dixitque Debora ad Barac : Surge, hæc est enim dies in qua tradidit, id est, dare decrevit et nunc tradet Dominus Sisaram in manus tuas. Itaque more prophetico loquitur de futuro per modum præteriti propter

A certitudinem prophetiæ. Sed qualiter ait nunc Debora, Tradidit Dominus Sisaram in manus tuas, quum paulo ante locuta sit, Tibi non reputabitur victoria, quia in manus feminae tradetur Sisara? Respondetur, quod finaliter datus fuit in manus mulieris, ut interficeretur ab ea. Datus est quoque in manus Barac, ita quod eum fugavit, et exercitum ejus prostravit.

Descendit itaque Barac de monte Thabor, decemque millia cum eo; perterruitque Dominus Sisaram et omnes currus ejus, B id est existentes in curribus, et universam multitudinem, scilicet totum exercitum, in ore gladii ad adspectum gladiatorum ipsius Barac et sui exercitus. Perterruit autem Dominus Sisaram et ejus exercitum intus et extra. Nam corda eorum immutavit ab audacia ad pavorem, eaque stupida et imbecillia fecit. Hoc etenim competit Creatori omnipotenti, ad omne libitum suum alterare, afficere atque disponere cor omne creatum. Unde et Augustinus hic ait : Ecce quomodo commendat Scriptura Deum agere in cordibus hominum, ut det exitum quem decrevit. Pavere etenim fecerat Sisaram, ut adversario traderet eum. Insuper perterruit illos ab extra : quia, ut Josephus scribit, Ventus maximus et grando ac imber super eorum facies irruebant, arcus et fundæ fiebant inutiles, multi de equis suis curribusque excussi, conterebantur. *In tantum ut Sisara de curru desiliens, pedibus fugeret, et Barac persequeretur fugientes currus et exercitum usque ad Haroseth Gentium, et omnis hostium mul-*
D *tudo ad internecionem caderet,* vel occisi ab exercitu Barac, vel modo præfacto. Recitat Josephus, quod in exercitu Sisaræ erant trecenta millia armatorum, et decem millia equitum, et ultra nongentos currus falcatos, et adhuc duo millia et centum.

Sisara autem fugiens, pervenit ad tentorium Jahel uxoris Haber Cinæi. Erat enim par inter Jabin regem Asor, et domum Haber Cinæi, id est ipsum Haber et ejus domesticos. Forte enim rex ille non ita odivit Cinæos sicut Hebræos, quia non

erant ex semine filiorum Israel, quos maxime odiebat. *Egressa ergo Jahel in occursum Sisara, quem audivit venisse, dixit ad eum : intra ad me, id est, in domum meam ; intra, ne timeas. Qui ingressus tabernaculum ejus, et opertus ab ea palatio. Septuaginta transtulerunt, Pellibus. Fuit enim lassatus, et volebat quiescere. Dixit : Da mihi, obsecro, paululum aquae. Per aquam solet Scriptura quemeumque potum significare, sicut per panem, quemlibet cibum. Quia valde sitio. Quae aperuit utrem lactis, et dedit ei bibere. Lactis enim potatio, somnum profundum et gravia somnia inducit, ac gravat. Et operuit illum. Dixitque Sisara ad eam : Sta ante ostium tabernaculi, et quum venerit aliquis, interrogans te, et dicens : Numquid hic est aliquis ? respondebis, Nullus est. Tulit itaque Jahel uxor Haber, clavum tabernaculi, scilicet grandem clavum, quo in tabernaculo suo aliquando utebatur, assumens pariter et malleum. Et egressa absconse, vel ab ostio tabernaculi, vel a camera in qua Sisara jacuit, quam forte rursus intravit ad considerandum, an fortiter jam dormiret, posuit supra tempus capitis ejus clavum, percussumque malleo, defixit in cerebrum usque ad terram, id est valde profunde, ut sit hyperbolicus sermo. Vel, Usque ad terram, id est tam valide, quod Sisara in terram de lecto prolapsus est, ut patet sequenti capitulo. Tempus autem, pars capitis est : pro quo Septuaginta transtulerunt, γράβον, id est maxillam. Qui soporem morti socians, defecit et mortuus est. Circa quod quidam dicit, quod inter soporem et mortem Sisarae non fuit temporis intervallum : quod non videtur. Sisara namque ex percussione evigilavit, quamvis magnitudine poenae oppressus, loqui et reniti nequiverit ; nec sine actuali dolore ac poenae perceptione animam exhalavit. Et ecce Barac sequens Sisaram, quem adhuc vivere existimavit, ideo secundum suam reputationem eum insequabatur, veniebat. Residuum hujus capituli planum est.*

A Sed quæri potest, an Jahel bene egit interficiendo sic Sisaram : et quod imo, manifeste habetur sequenti capitulo. Oppositum vero probatur, quoniam afflicto non est addenda afflictio. Item fallaciter ac simulatorie se habebat ad Sisaram, dicens : Intra, Domine, ne timeas. Crudelissimum quoque videtur, hominem in somno occidere. Insuper pax fuit inter regem Sisarae, et per consequens etiam inter Sisaram, et inter maritum Jahel ac ejus domesticos : et ita videtur Jahel fœdus pacis et amicitiae violasse. Et respondendum, quod secundum legem communem loquendo, Jahel in facto isto fuisset reprehensibilis in quibusdam, tam in verbis quam in signis et facto ; sed divino instinctu ex speciali moderamine Dei creditur sic fecisse, saltem quantum ad principale quo eum occidit. Unde Debora prophetavit, quod Sisara in manum feminæ erat tradendus, haud dubium quin a Deo, qui superbissimum principem illum voluit ita per feminam humiliare, sicut et Holofernem arrogantissimum

C justo judicio dejecit per Judith. Non tamen oportet hanc Jahel excusare in toto : nam et operi virtuoso frequenter venialia miscentur peccata. Præterea, dato quod inter Jabin et Haber Cinæum, ejusque domum, fuisset amicitiae pacisque fœdus, illud tamen non fuit observandum in derogationem et detrimentum boni communis, cujus hostis fuit hic Sisara. Tres quoque sunt comites juramenti ac voti seu fœderis : idcirco dum observatio horum esset contra discretionem, justitiam aut veritatem, non esset laudabilis. Quidam vero hic scribit, quod quamvis inter Jabin et Haber fuisset fœdus sub juramento, tamen Jahel non tenebatur hoc observare, quia in talibus fœderibus feminæ non vocantur. Sed huic dicto obviare videtur, quod ait Glossa : Mulier ista prius amicitiae fœdus habebat cum Sisara. Denique textus fatetur, quod pax erat inter Jabin et domum Haber Cinæi. Vir autem et uxor duo sunt in carne

Judith xiii,
1 et seq.

Gen. ii, 24.

Amplius quæri potest, an liceat unien-
que occidere publicum hostem rei publicæ
ac tyrannum. De hac re loquitur S. Tho-
mas in scripto suo super secundum Sen-
tentiarum, distinctione 4, ubi inter cetera
allegat Tullium, qui in libro de Officiis
eos commendat, qui occiderunt Julium
Cæsarem, quamvis suum amicum et fami-
liarem, quoniam quasi tyrannus jus usur-
pavit imperii. Et addit Thomas ibidem :
Tullius loquitur in casu quo aliquis per
violentiam subripit sibi dominium, nolen-
tibus subditis, vel etiam ad consensum co-
actis, et quando recursus haberi non potest
ad superiorem, per quem de invasore queat
judicium fieri. Tunc enim qui ad libera-
tionem patriæ tyrannum occidit, laudatur
et præmium accipit. Hæc Thomas ibidem.

Porro in libro de Regimine regum, dif-
fusius de hac ipsa scribit materia, inter
reliqua loquens : Si non fuerit excessus
tyrannidis, utilius est remissam tyranni-
dem tolerare ad tempus, quam contra ty-
rannum agendo, multis implicari periculis,
quæ sunt ipsa tyrannide graviora. Si vero
sit intolerabilis excessus tyrannidis, visum
fuit quibusdam ad virtutem virorum for-
tium pertinere, tyrannum perimere, seque
pro communitatis liberatione exponere
mortis periculis, quemadmodum Aod legi-

tur Eglon regem Moab necasse. Sed hoc
apostolicæ doctrinæ non congruit. Docet
enim nos S. Petrus, non solum bonis et
modestis, sed etiam dyseolis dominis re-
verenter subdi debere : Hæc est, inquit,
gratia, si propter conscientiam Dei sustineat
quis tristitias, patiens injuste. Unde quum
multi Romanorum Imperatores fidem Chri-
sti persequerentur tyrannice, et magna
multitudo tam nobilium quam populi es-
set ad fidem conversa, non resistendo, sed
mortem patienter et ardentem sustinendo,
laudabiles facti sunt. Esset quoque hoc
multitudini et ejus rectoribus periculo-
sum, si privata præsumptione aliqui at-
tentarent præsidentium necem, etiam ty-
rannorum. Plerumque enim hujusmodi
periculis magis exponunt se mali, quam
boni. Malis autem grave solet esse domi-
nium regum, non minus quam tyranno-
rum : quia secundum sententiam Salomo-
nis, Dissipat impios rex sapiens. Magis ergo
ex hujusmodi præsumptione immineret
periculum multitudini de boni regis amis-
sione, quam remedium de tyranni subtra-
ctione. Ideo contra tyrannorum sævitiam
procedendum videtur publica auctoritate,
non præsumptione aliquorum privata. Hæc
Thomas, qui in libro præallegato conscri-
bit et alia multa de ista materia.

1 Petr. ii,
18, 19.

Prov. xx,
26.

ARTICULUS VIII

DE SENSU EJUSDEM QUARTI CAPITULI MYSTICO.

SICUT præhabitum est, Judaicus popu-
lus figura fuit populi christiani, et
quidquid in filiis Israel corporaliter ac
litteraliter gestum est, in Christianis spi-
ritualiter, imo et sæpe corporaliter adim-
pletur ; et quia per septenarium universi-
tas designatur, possunt per septem illas
Israeliticæ plebis oppressiones et servitu-

tes, intelligi universæ persecutiones quæ
Christianis propter eorum peccata illatæ
sunt, inferuntur aut infliguntur. Præter-
ea, sicut filii Israel ab una tribulatoria et
hostili servitute erepti, paulo post recidi-
vaverunt, ita in Christianis multoties ac-
tum est. Quemadmodum etiam populus il-
le post ruinam et deformationem sæpe est

reformatus, sic Dominus et Salvator suam A frequenter reformavit Ecclesiam. Amplius, quoniam iudices illi erant viri mirabiles, virtuosi, prudentes, in salutem plebis Israel suscitati a Domino; ideirco per unumquemque eorum potest allegorice Christus intelligi secundum aliquam proprietatem, virtutem et actionem quæ in singulis illis fuit ac fulsit virtutibus. Nam quidquid perfectionis et eminentiæ erat in illis divisim et incomplete, totum simul et perfecte fuit in Christo. Potest quoque per unumquemque illorum iudicum, angelicus B aliquis spiritus designari, in ministerium missus eorum qui hereditatem sortiuntur æternæ salutis: similiter virtuosus prælati, ac principes prudentes et strenui, imo et ceteri boni Christifideles qui semetipsos efficaciter judicant, examinant et castigant, contra invisibiles hostes vitiorumque aciem pugnant idonee.

Hebr. i, 14.

Mahometi depictio.

Denique, per Eglon pinguiissimum regem Moabitarum, cui Dominus Ammonitas et Amalecitas adjunxit, rite accipitur carnalissimus atque turpissimus ille impius Mahometus, legifer vel potius fæcifer et seductor Sarracenorum: per quem omnipotens Deus occulto ac imperscrutabili iudicio varias gentes falli permisit: qui carnalium voluptatum immoderatissimus exstitit doctor, amator et exsecutor, imo instar Epicuri, in illis felicitatem constituit; qui quindecim simul habebat uxores, duasque concubinas. Nec his contentus, finxit sibi a Deo permissum etiam aliorum uxores cognoscere, cognatas quoque et quasenumque propinquas: sicque incestuosus fuit D et adulter nequissimus. Porro, per Aod ambidextrum, intelligitur Christus, in quo nil erat sinistrum, obliquum, perversum, et omnia quæcumque fecit ac pertulit, prospera noscuntur; qui in omni eventu mansit animo constans. Hic gladio oris sui in die iudicii, damnatum jam Mahometum in anima, amplius condemnabit in corpore simul et anima.

Deinde, per Jabin regem Chanaan, designatur princeps terrenus iniquus, justos

infestans. Per Sisaram vero principem militiæ Jabin, quicumque minister præcipuus, domino suo in malitia se conformans: quia, ut Salomon contestatur, Rex Prov. xxix, 12. injustus omnes ministros habet iniquos.

Per Deborah vero prophetissam, et per Jahel, intelligitur vel ipsa Ecclesia cœlesti Sponso unita, in qua plurimi spiritu claruerunt prophetico; vel ipsa sacratissima virgo Maria, unigeniti Filii Dei Mater, singularisque Sponsa, præ cunctis gratia prophetiæ ornata. Ecclesia ergo quæcumque de filiis suis fidelem et strenuum principem frequenter admonuit, et nunc usque hortatur, ut inimicis fidei christianæ viriliter reluctetur: cui et divinum promittit auxilium. Sed ille respondet se hoc aggredi non audere, nisi Ecclesia pergat secum, id est, orationibus et sanctis suis suffragiis eum prosequatur ac tueatur: cui libenter Ecclesia annuit, attamen ei prænuntiat, quod victoria non reputabitur ei, quia in manus feminae tradetur Sisara talis. Precibus namque et meritis Ecclesiæ, et præsertim Virginis gloriosæ, confertur contra infideles triumphus. Quemadmodum etiam Deus perterrituit Sisaram et omnem ejus exercitum ad occursum Barac, ita frequenter per apparitiones cœlestes et angelicas opes, exterruit et dejecit Sarracenos contra fideles prælia ineuntes. Rursus, per Sisaram designatur diabolus, cui Dominus ait: Inimicitias ponam inter te et mulierem, id est Christiferam Virginem; ipsa conteret caput tuum. Hæc etenim clavo et malleo, id est acutissima sua humilitate cœlos penetrante, ac Verbi cœlestis virtute prorsus devicit diabolus. Denique, Deus ex Virgine volens suo tempore incarnari, sexum honoravit femineum, dans Deborah gratiam prophetiæ et judicandi prudentiam, et ipsi Jahel tradens Sisaram occidendum, ut et feminae non diffidant se ad divinorum posse pertingere perfectionem charismatum.

Gen. iii, 15.

Amplius, exemplo Aod studeamus zelo boni communis fervere, et contra hostes Ecclesiæ continuis affectuosisque precibus compugnare; sed et ambidextri esse con-

mur, quatenus tam in prosperis quam ad- A mus. Quemadmodum enim prospera et
versis, maneamus constantes : temporalia spiritualia per dexteram, sic temporalia et
quoque ad spiritualia efficaciter ordine- adversa per sinistram signantur.

ARTICULUS IX

DECLARATIO CAPITULI QUINTI : CECINERUNTQUE DEBORA ET BARAC FILIUS ABINOEM.

CONSUETUDO fuit sanetis hominibus B
C utriusque sexus, post beneficia magna Deo devotissime regratiari : quod utique omnes fecerunt, corde et ore Deum laudando, et ejus beneficia recolendo. Sed quædam personæ super hoc specialia cantica ediderunt, et ea reliquerunt in scriptis, sicut et Debora ista prophetis. *Cecineruntque*, id est, Deum intime laudaverunt *Debora et Barac filius Abinoem, in die illo dicentes*. Debora sola ex tactu Spiritus Sancti creditur canticum istud composuisse ; Barac vero eccinit illud cum ea. Sic et C
apostolus Paulus in quarumdam suarum epistolarum exordiis sibi annumerat Timotheum atque Silvanum, quum tamen ipse solus epistolas illas dictaverit.

I Thess. i, 1.
II Thess. i, 1.

Qui sponte obtulistis de Israel animas vestras ad periculum : id est, o vos, viri de numero tribuum Israel, qui voluntarie, non coacte, venistis ad bellum contra Sisaram, quod erat secundum humanum judicium, et quantum ad causas naturales, ac ea quæ forinsecus apparebant, valde periculosum : quia paucissimi erant Israelitæ respectu illorum Chananæorum tam fortiter armatorum, totque faleatos currus habentium, ut dictum est præcedenti capitulo ; *benedicite Domino*, gratias referendo, non in vobis ipsis inaniter gloriano, quia non vestris viribus prævaluistis. Et hoc ipsum exstitit donum Dei, quod tam confidenter venistis ad prælium istud. Verumtamen, quoniam Debora prænuntiavit et promisit eis ex parte Dei victoriam, non erat filiis Israel in illo congressu periculum

per respectum ad causas supernaturales, videlicet habendo respectum ad certitudinem propheticæ promissionis ac divini auxilii. Denique, duplex est benedictio : Una consecrationis, et auctoritativæ est collationis : sicque superior benedicit inferiori, et Creator creaturæ, dicente Apostolo, Sine ulla contradictione, quod minus *Hebr. vii, 7.*
est, a meliore benedicatur. Alia est benedictio gratiarum actionis et laudis : sicque inferior benedicit superiori, et homo Deo. Porro, per animas intelligi possunt C
ipsimet homines, secundum quod totum significatur per partem, præsertim per partem principalem ; vel animalis vita illorum, quæ corpori et animæ est communis.

Audite, reges, auribus percipite, principes : id est, o universi magnates tam majores quam inferiores, audite hæc verba Dei, ut discatis omnipotentiam ejus, cui nullus potest resistere ; et sciatis, non in multitudine bellatorum, sed in adjutorio Altissimi vim bellorum consistere. *Ego sum, ego sum quæ Domino canam, psallam Domino Deo Israel*. Repetitio, est confirmatio dicti, et seriositatis ac devotionis indicium. Et congrue ait, Ego sum : quasi dicat, Tanto amplius ac specialius habeo Deum pro isto miraculoso laudare triumpho, quanto plus ceteris revelatio mihi facta est de exitu hujus belli ; et quanto mihi confusibilis exstitisset, si adversum quid contigisset populo meo ; et quanto plus plebem hanc diligo, ejus mater et iudex, ac directrix sum constitu-

ta a Domino. Itaque canam Domino ore, A
psallam ei et mente.

Cor. XIV,
15.

Domine, quum exires de Seir, et pertransires per regiones Edom, terra mota est. Istud consonat ei, quod in Deuterono-

Deut.
XXVIII, 2.

mio Moyses loquitur : Dominus de Sinai venit, et de Seir ortus est nobis; apparuit in monte Pharan. Circa quod recitat Lyra : Dicunt Hebræi, quod Dominus primo obtulit legem filiis Esau habitantibus in monte Seir, sed ipsi noluerunt eam recipere, et tunc dedit eam filiis Israel in monte Sinai.

Sicque exponunt litteram istam, Quum exires de Seir, eo quod recusassent legem sibi oblatam. Magister quoque in historiis narrat : Tradunt Hebræi, quod Dominus misit angelos suos ad Idumæos in Seir, et ad Ismaelitas in Pharan, et obtulit eis legem : quam quum nollent accipere, venit ad Judæos in Sinai cum multis millibus angelorum, et legem contulit ibi Hebræis. Istud secundum Lyram, videtur esse ficticium : quia secundum veteris Testamenti Scripturas, populus Hebræorum fuit specialiter a Deo electus, ut Christus nasceretur ex eo : propter quod speciali sanctitate debebat pollere. Unde a ceteris sunt segregati per fidem et cultum unius Dei, deinde per circumcisionem et legis susceptionem. Hinc expositores catholici sic exponunt : Domine, quum exires de Seir, Idumæos in suis erroribus ac idololatriis juste derelinquendo. Verumtamen præfato dicto Hebræorum consonare videtur quod ait Glossa : Exisse dicitur Dominus de Seir, et transisse per regiones Edom, quoniam Idumæis legem recipere nolentibus, D

dedit eam Judæis in monte Sinai. Cur autem dicuntur Idumæi eam recipere noluisse, nisi quia eis offerebatur? Hoc quoque videtur littera ista prætere, dicendo : Et transires per regiones Edom. Siquidem propter præfatam relictionem, non apparet quod diceretur transisse per regiones Edom. Itaque probabiliter dici potest, quod Deus ex sua pietate per merita sanctorum patriarcharum Abrahamæ et Isaac, obtulit Idumæis et Ismaelitis legem, saltem per inspi-

rationes angelicas et divinos instinctus, exhortando illos interius ad fidem et cultum unius veri Dei. Propter quod dicitur transisse per regiones Edom, taliter visitando corda habitantium ibi; sed quia non erant electi, ut filii Israel, non dedit eis gratiam recipiendi legem tam sanctam : nihilo minus fecit quod fuit in se. Porro Seir quandoque est nomen montis in terra Idumæorum, quandoque pro terra illa accipitur. Edom quoque est proprium Esau nomen; interdum pro Idumæa suscipitur.

B Et quamvis Idumæa fuit regio una, nunc tamen pluraliter dicitur, Per regiones : vel propter diversas regni illius partes, vel quia plurale pro singulari est positum.

Tunc itaque terra mota est, juxta illud in Psalmo : A facie Domini mota est terra. Ps. cxiii, 7. Quum equidem Dominus legem erat daturus, totus mons Sinai fuit igne opertus, et nubes densissima operuit illum. Ex qua elangor buccinæ, fulgura atque tonitrua procedebant, ex quibus mons Sinai contremuit, vel secundum apparentiam, aut vere realiter. Sed et filii Israel in circuitu ejus stantes, vehementer contremuerunt : sicque de eis potest intelligi, quod terra dicitur mota. *Cœlique ac nubes distillarunt aquis* : quia ex nube illa densissima diffundebatur tunc aqua, qua cœli aerei, id est partes aeris, ibi madebant. Vel ideo ait, Cœli, quoniam ad generationem nubis illius, influentia cœlestis forsitan cooperabatur : imo Cœli, id est, angeli sancti habitantes in cœlis, nubem illam produxisse creduntur, sicut et cetera mira quæ ibi fiebant.

Montes fluxerunt a facie Domini, id est, ex præsentia majestatis divinæ, montes in quibus Deus mirabilia fecit, et per suos effectus apparuit, quasi defecisse a sua naturali vi ac dispositione videntur, prout de monte Pharan et Seir præfactum est. Interdum etiam, Deo jubente, translati et comminuti ac complanati sunt montes, juxta illud Job : Qui transtulit montes de locis suis. Et in Numerorum libro : Sculpuli torrentium inclinati sunt. *Et Sinai*

Exod. xix,
16-19; xx,
18.

Job ix, 5, 6.
Num. xxi,
15.

a facie Domini Dei Israel, id est, mons Sinai, in legislatione specialiter fluxit modo jam dicto, et aliqua pars ejus forte consumebatur ex actione ignis et pluviae. Sic igitur fluxit a facie Dei, qui super montem illum descendit per subjectam creaturam, puta per angelos sanctos ac metuentes effectus, ita quod mons ille maximo igne atque densissima nube opertus, vix apparebat : propter quod fluxisse asseritur. Sic quoque spiritualiter creatura Deum sublimiter contemplando, dum per raptum in ipsum demergitur, deficere et quasi in nihilum redigi perhibetur. Non quod sit totus in pulverem resolutus, secundum quod impiissimus et stolidissimus Mahometus in suo recitat Aleorano, quod Moyse in montem Sinai ascendente, mons ipse totus in pulverem est redactus, ita quod Moyse cecidit quasi mortuus, atque in terra jacens laesus, clamavit : O Domine, ego sum primus credentium in te.

In diebus Samgar filii Anath. qui post ^{Judic. m, 31.} Aod fuit judex Israel tempore modico, ut supra patuit, *in diebus Jahel uxoris Haber Cinæi, quieverunt semitæ.* Quod dupliciter potest exponi : Primo, quod hostes quieverunt a semitis Israel, eas non ingrediendo ad impugnandum ut ante, præsertim postquam Samgar percussit de Philistæis sexcentos viros vomere uno, et postquam Jahel Sisaram interfecit ; tempore autem intermedio intraverunt et prævaluerunt. Secundo, quod in diebus Samgar et Jahel quieverunt semitæ, ita quod filii Israel non audebant secure transire per consueta suæ terræ itinera, timore Philistinorum et Chananæorum terram Israel deprædantium, latrocinantiumque in ea. Nec enim Samgar potuit Philistæos plene compescere ; et usque ad tempus quo Jahel Sisaram inter- ^{Ibid. iv, 3.} emit, filii Israel fuerunt multis annis a Chananæis oppressi, ut præcedenti narratur capitulo. *Et qui ingrediebantur per eas, ambulaverunt per calles devios :* quia adversariorum timore, declinabant ab itineribus rectis, ne inciderent hostium manus. Vel sensus est, quod adversarii filiorum

A Israel jam præfati, diverterunt frequenter a callibus rectis, ut magis secretiusque nocerent, ut latrunculis atque prædonibus moris est. *Cessaverunt fortes in Israel,* id est, per decem et octo annos, quibus filii Israel servierunt Jabin regi Chanaan, pauci aut nulli viri virtutum ac fortes fuerunt in populo Israel. Nec adversariis suis audebant resistere, ideo subditur : *et quieverunt a præliis ;* sed erant formidolosi et corde infirmi. *Donec surget Debora, surget mater in Israel,* id est, quousque B Deus per Deborah prophetissam, judicem ac matrem spiritualem Israeliticæ plebis, hortaretur et confortaret filios Israel.

Nova bella elegit Dominus, id est, insolito modo devicit hostes, quia per feminas triumphavit. Nam Deborah suscitavit ad vocandum et confortandum Barac ac alios filios Israel, atque in manus Jahel tradidit Sisaram. *Et portus hostium ipse subvertit,* id est, filiis Israel dedit potestatem vastandi urbes eorum, a quibus paulo ante opprimebantur, quum tamen filii Israel essent inermes. Unde subjungitur : *Clypeus et hasta si apparuerint in quadraginta millibus Israel :* id est, nec clypeus nec hasta inventi sunt in exercitu Israel, in quo primo erant decem millia ; deinde, quum prævalere cœpissent, multi ex tribus Israel accurrerunt, ita quod usque ad quadraginta millia aut circiter exereverunt. Quemadmodum vero Glossa testatur, Jabin rex Chanaan abstulit filiis Israel arma, sicut et Philistæi primo Regum eis fecisse leguntur. ^{1 Reg. xiii, 19.}

Cor meum diligit principes Israel. Hoc secundum Glossam, ex persona Dei inducitur, qui fideles duces ac judices Israel diligebat, præsertim prædestinatos. Potest tamen ex persona Deborah accipi, quia et ipsa spiritualiter ac cordialiter seu intime diligebat principales hujus exercitus. *Qui propria voluntate obtulistis vos discrimini,* id est periculo corporali, *benedicite Domino,* sicut expositum est. Porro spirituali discrimini, puta periculo peccati mortalis, nullus debet se exponere seu offer-

re, imo hoc esset peccatum mortale. Qui A

* asinos

ascenditis super nitentes asinas *, id est, o vos, filii Israel, qui super pulchras et validas asinas de præda hostium acquisitas ascenditis, *et sedetis in judicio*, id est, aliis præestis ad judicandum, *et ambulatis in via*. Quamvis enim Debora et alii fuerint iudices principales, tamen sub eis minores aliqui iudices erant. In Hebræo, ut ait Glossa, habetur : *Sedentes super iudicium, et ambulatis in via*, id est, qui nunc secure pergitis per itinera terræ Israel, per quæ paulo ante non audebatis transire præ adversariorum formidine. *Loquimini*, id est, sequentia verba proferte : *Ubi collisi sunt currus, et hostium suffocatus est exercitus*, id est in terra hac Israel, in qua divina

Judic. iv,
15, 16.

virtute contrafacti sunt miraculose currus Chananæorum, et ipsi Chananæi miraculose occisi sunt secundum modum in præcedentis capituli expositione inductum ; *ibi narrentur justitiæ Domini*, id est justa judicia Dei, et justii effectus suæ justitiæ, quibus hostes Israel trucidavit, quia tyrannice et prava intentione filios Israel con-

* clementia

culcabant ; *et clementiæ* * in fortes Israel, id est miserationes et beneficia Dei quæ impendit Israelitis, quorum peccatis ignoravit, et eos insuper fecit triumphatores. *Tunc descendit populus Domini ad portas*, id est, populus Israel accessit urbes adversariorum, *et obtinuit principatum super eosdem*.

Surge, surge, Debora ; surge, surge, et loquere canticum. His verbis sancta mulier præ abundantia spiritualis lætitiæ de exaltatione divinæ justitiæ et pia sui populi ereptione, se ipsam hortatur ad laudandum et regratiandum Domino Deo. Itaque, *surge*, id est, mente ad Deum te erige, atque ad ejus honorem erecto sta corpore, et loquere canticum. Verumtamen in Hebræo non habetur, *Surge, surge, Debora*, ut asserit Glossa ; sed, *Expergiscere spiritu, scilicet prophetiæ. Surge, Barac, et apprehende captivos tuos, fili Abinoem*, id est, eos qui in bello occisi non sunt, cape ac tene.

Salvatae sunt reliquiae populi, id est, residui ex Israel prævaluerunt in prælio. *Dominus in fortibus dimicavit*, id est, per fortes Israel viros contra Chananæos pugnavit ; vel, *Dimicavit in fortibus*, id est contra robustos adversarios nostros. In Hebræo, secundum Glossam, habetur : *Dominus propter me in fortibus dimicavit* : et est vox totius populi Israel, Deo gratias referentis. *Ex Ephraim delevit eos in Amalec* : id est, per Josue Ephratæum Dominus debellavit fortes filiorum Israel inimicos in Amalecitis, ita quod adversarii illi fuerunt ipsimet Amalecitiæ. Quemadmodum enim in Exodo legitur, Josue fugavit Amalec et populum ejus in ore gladii. Deinde Debora prophetavit de expugnatione Amalecitarum tunc futura per Saul. *Et post eum ex Benjamin in populos tuos, o Amalec*, id est, o tu, princeps seu popule Amalecitarum, Deus dimicabit contra populos tuos ex Benjamin, id est per Saul regem ortum ex Benjamin tribu, post Josue Ephraitam.

Exod. xvii,
13.

De Machir principes descenderunt et de Zabulon, qui exercitum ducerent ad bellandum, id est, duces hujus nostri exercitus, partim nati fuerunt de stirpe Machir filii Manassæ, et partim de tribu Zabulon. *Duces Issachar fuerunt cum Debora*, id est, aliqui aliorum ductores nati ex tribu Issachar, associaverunt se Deboræ, *et Barac vestigia sunt secuti*, id est, cum eo processerunt ad pugnam. Circa quod ait Glossa : Quædam pars illorum mansit cum Debora ad laudandum Deum ac deprecandum, pars autem alia est secuta Barac ad populum Israel exhortandum, et ad Sisaram debellandum. *Qui Barac quasi in præceps et barathrum, se discrimini dedit*, id est, secundum humanum judicium et apparentiam exteriori, apertissimo et ingenti periculo se commisit, cum paucis inermibus eundo ad pugnam contra tantum Chananæorum exercitum. Vel, *Dedit se discrimini*, quasi in præceps et barathrum, id est, adversarios insecutus est per loca aspera, in quibus præcipitia erant et valles profundæ ac foveæ : imo secundum Glos-

sam, præcipitavit se in torrentem Cison, A adversarios persequendo.

Itaque commendatis Israeliticis qui venerunt ad pugnam, increpantur qui non venerunt. *Divisa contra se Ruben*, id est tribu Ruben separante se ab his qui transierunt ad pugnam, vel potius tribu illa inter se per intestinam dissensionem discordiamque divisa, quoniam quidam in ea hortabantur ire ad prælium, alii dehortabantur, *magnanimatorum reperta contentio est*, id est, qui vere magnanimes erant in tribu illa, et parati ad pugnam, contra B imparatos ac timidos contenderunt. *Quare habitas inter duos terminos, ut audias sibilos gregum?* id est, cur tu, tribus Ruben, commoraris circa Jordanem inter filios Israel qui in terra promissionis morantur, et inter tribum Gad mediamque tribum Manasse trans Jordanem manentes, ut intendas vociferationibus jumentorum tuorum? quasi dicat: Tantum desideras pecora tua servare ac multiplicare, atque in eorum balatu sic gloriaris, quod negligis cum aliis tribubus ire ad prælium jux-

Venerunt reges subjecti Jabin regi, aut ei confæderati, et pugnaverunt contra Israel. Pugnaverunt reges Chanaan, id est Chananaeorum, inter quos Jabin rex Asor ^{Josue xi, 10.} tenebat primatum, prout in libro Josue legitur; *in Thanach juxta aquas Mageddo*, id est in provincia in qua erat torrens Cison, qui præterfluit Mageddo. Hebræus, secundum Petrum Comestorem, habet, In Ramazache: quod significat altitudinem campi, et denotat quod in campo ubi præliatum est, filii Israel facti sunt superiores. *Et tamen nihil tulere prædantes*. Subsannatio est adversariorum: quasi dicat, Frustra contra Israel pugnaverunt, quia pugnando nil profecerunt, prædando aut prævalendo, imo vita sua privati sunt. *De celo dimicatum est contra eos*, id est, Deus creator supernaturaliter restitit eis, corda ipsorum terrendo, atque per ventum, imbrem, coruscationes, tonitrua eos dejiciendo. *Stellæ manentes in ordine et cursu suo, contra Sisaram pugnaverunt*. Hoc primo intelligi potest de corporibus cœlestibus, in quantum ad generationem impressionum præfactarum forsitan aliquo modo cooperabantur, quæ tamen præter cursum naturæ potius generatæ censentur. Glossa, per stellas in suo cursu et ordine permanentes, intelligit angelos sanctos ordinate dispositos, et sua ministeria exercentes, qui filios Israel adjuverunt saltem orando. Potest rursus de stellis et planetis intelligi, qui contra Sisaram pugnasse dicuntur, in suo cursu ac ordine permanendo, id est solitum cursum ac dispositionem suam naturalem servando, in quantum diem causando, seu naturale obsequium exhibendo, aut aliquam influentiam imprimendo, cooperati sunt filiis Israel ad triumphum, juxta quod in libro Sapientiæ scriptum est: Pu- ^{Sap. v, 21.} gnabit pro Deo orbis terrarum contra insensatos. Sicque per verba ista innuitur differentia hujus victoriæ, ab ea quæ sub Josue desuper est concessa, per hoc, quod sol et luna steterunt in cœlo immobiles ^{Josue x, 13.} spatio unius diei, ut legitur in Josue libro. Itaque, sic Magister in historiis loquitur:

Galaad ta Dei præceptum. *Gad* * *trans Jordanem quiescebat*, id est, tribus Gad trans Jordanem a labore subveniendi se subtrahebat, *et Dan vacabat navibus*, id est, tribus Dan erat circa mercimonias suas et lucra, quæ per exercitium navium acquiruntur, tam occupata, quod non curavit succurrere. *Aser habitabat in littore maris, et in portubus morabatur*, id est, tribus Aser degebat circa littus Mediterranei maris, et in locis portuum maris ejusdem, in ejus littore morabatur et tribus Dan. Sicque si-

Judic. iv, 6. similis causa retraxit has tribus ab auxilio fratrum. *Zabulon vero et Nephthali obtulerunt animas suas morti*, id est arduis mortis periculis. Nam decem millia quæ primo sibi collegit Barac, erant de tribubus Zabulon ac Nephthali, prout præcedenti habetur capitulo. *In regione Mero-me*, id est excelsi, videlicet in territorio illo, in quo erat mons Thabor, in quem Barac duxit suum exercitum, ut præcedenti capitulo continetur.

Ibidem.

Quod ait, Stellæ pugnauerunt contra Sisaram, nequaquam est mathematice intelligendum, quasi fatali constellatione hoc gestum sit, sed quoniam coruscationes et fulgura de sublimi sic ferebantur in hostes, quasi sidera laberentur. Estque hyperbolicus sermo.

Torrens Cison traxit cadavera eorum, videlicet Chananæorum occisorum, seu in illo torrente mersorum aut projectorum. *Torrens Cadumim, torrens Cison*, id est, torrens ille Cison, assimilatus est torrenti Cadumim, scilicet mari Rubro : quoniam sicut mare Rubrum traxit cadavera Ægyptiorum in se mersorum, sic torrens Cison cadavera Chananæorum. Cadumim autem interpretatur, antiquorum, et sumitur pro mari Rubro, in quo sub Moyse antiqua miracula sunt peraeta; istud vero bellum factum est juxta torrentem Cison. *Conculca, anima mea, robustos*. Hoc potest esse vox populi, cohortantis se ad conculcandum hostium colla, secundum quod Josue jussit principibus Israel ponere pedes suos super colla regum Chananæorum. Vel Debora ait hoc in sua persona, ut sit sensus: *Conculca, anima mea, robustos*, id est, zelo justitiæ vilipende hos Chananæos olim fortes. *Ungulæ equorum ceciderunt, fugientibus impetu, et per præceps ruentibus fortissimis hostium* : id est, dum potentiores in exercitu Sisaræ festinantissime fugerent, fugiendoque præcipitanter corruerent, etiam ungulæ equorum ipsorum contritæ sunt ictibus grandinis, coruscatione, et asperitate locorum. Quasi dicat : Quid in tanta tempestate putas equitibus accidisse?

Maledicite terræ Meroz, dixit angelus Domini. Meroz, ut in Scholastica fertur historia, fuit unus de principibus Chanaan. Et interpretatur Meroz, arcanum, sicque per Meroz Glossa et alii multi intelligunt adversariam potestatem, quæ præerat Chananæis, et eos contra filios Israel incitavit. Per angelum vero quidam intelligunt Deborah prophetissam, vel Barac missum a Deo pro liberatione Israelis; alii, Michaëlem qui præerat Synagogæ. Et potius puto

per angelum esse intelligendum spiritum illum angelicum, per quem fiebant Deborahæ revelationes propheticæ. Itaque angelus jussit per Deborah maledici diabolo, qui præerat Chananæis, ceterisque apostatis angelis qui erant cum illo. Unde subjungitur : *maledicite habitatoribus ejus*, id est angelis malis principi suo cohærentibus in ipso, quasi in terra manentibus; *quia non venerunt ad auxilium Domini*, id est ad auxiliandum populo Dei, *in adjutorium fortissimorum ejus*, id est ad subveniendum ducibus Israel, sed magis ad resistendum. Verumtamen litteralius dici potest, quod angelus jussit maledici præfato viro potenti nomine Meroz, et terræ ac subditis ejus, quia succurrere noluerunt filiis Israel.

Benedicta inter mulieres Jahel uxor Haber Cinæi, id est laude digna et virtuosa, quasi una laudabilium feminarum, non tamen omnibus aliis sanctior, quemadmodum Christifera Virgo dicitur benedicta inter mulieres; *et benedicatur in tabernaculo suo*, id est a suis domesticis, majorique gratia impleatur a Domino, quoniam hostem populi Dei occidit. *Aquam petenti, lac dedit* : id est, Sisaræ postulanti sibi dari aquam ad potandum, dedit lac bibere, ut fortius obdormiret, ut dictum est in expositione præcedentis capituli; *et in phiala principum obtulit ei butyrum*, id est, in tali repositorio quo principes uti solent, obtulit ei pinguedinem lactis, forte ad comedendum ut super cibum adhuc potaret de lacte : quod non fuit præcedenti expressum capitulo. *Sinistram manum misit ad clavum, et dexteram ad fabrorum malleos*. Percussitque Sisaram, quærens in capite vulneri locum; et tempus valide perforans, inter pedes ejus ruit. Quum enim clavum ejus capiti infigeret, præ dolore expergefactus est, et primo impetu nondum victa natura, ejecit se de lecto in terram. *Defecit et mortuus est*. Et tunc ante pedes ejusolvebatur, quousque animam exhalavit; *et jacebat exanimis et miserabilis*, id est, corpus ejus exstinctum jacuit ut cadaver.

Exod. xiv.

Josue x, 24.

Luc. i, 28, 42.

Judic. iv, 19.

Per fenestram respiciens ululabat mater ejus, sollicita pro filio suo, eo quod ultra constitutum tardaret reverti : ideo per-
timuit quod evenisset ei, quemadmodum
noverat et aliis contra filios Israel præli-
antibus evenisse. Noverat quippe vetula
illa, qualiter Deus filiorum Israel frequen-
ter pugnasset pro eis, et forsitan vidit aut
perecepit tempestates illas in aere subito
factas : propter quod formidavit, filium
suum cum suis eo esse percussum, aut ali-
ter interisse. *Et de cœnaculo loquebatur :*
Cur moratur regredi currus ejus? quare
tardaverunt pedes quadrigarum illius?
Una sapientior ceteris uxoribus ejus, etc.
Deinde recitatur qualiter nurus sua, scili-
cet una uxor Sisaræ, soerui suæ con-
solatoria verba respondit, et plana est lit-
tera.

Postremo Debora convertit sermonem
suum ad Dominum, et canticum suum de-
vote concludit. *Sic pereant inimici tui,*

Domine, id est indurati tyranni et per-
scentores plebis tuæ fidelis : quod zelo ju-
stitiæ et ex amore boni communis profer-
tur, non ex rancore, imo potius ex spirituali
amore, quatenus scilicet impii in vita hæc
puniantur, ne in futuro gravius condem-
nentur, et ne vivendo diutius, gravius pec-
cent, atque damnationem mereantur ma-
jorem. *Qui autem diligunt te spirituali et*
infusa dilectione, sicut sol in ortu suo
splendet, ita rutilent, id est, donis gratiæ
in præsentī copiose clarificantur, et in pa-
tria Beatorum, donis gloriæ præclarissime
decorentur, imo glorificentur in corpore
et anima, et fulgeant sicut sol in regno Pa-
tris cœlestis. Unde (ut fertur) in Hebræo
habetur, Sicut sol in fortitudine sua, id
est tam clare ut sol, quando lux solis erit
septemplex, id est septies major quam
nunc est, ut Isaias ait : quod in futura mun-
di innovatione complebitur. *Quievitque*
terra per quadraginta annos.

Matth. xiii,
43.

Is. xxx, 26.

ARTICULUS X

MYSTICA EJUSDEM CANTICI EXPOSITIO.

DEBORA designat Ecclesiam, seu unam-
quamque animam vere devotam; Barac,
vere virtuosum principem seu prælatum.
Ecclesia ergo cum filiis suis contemplans
beneficia Salvatoris, et qualiter visibilibus
ac invisibilibus hostibus sæpe divina vir-
tute prævaluit, assidue et grata ac devo-
tissima mente Dominum laudat, et fideles
qui vere sunt milites Christi, hortatur :
Qui sponte obtulistis de Israel animas ve-
stras ad periculum, benedicite Domino : id
est, vos, Christifideles, veri Israelitæ per
contemplationem, qui spirituales militem
voluntarie assumpsistis, et contra adversa-
rios fidei seu invisibiles adversarios forti-
ter dimicatis aut dimicastis, Deo grates
rependite, et omne bonum ei adscribite :

quoniam datum est vobis a Deo, non solum
ut credatis in Christum, verum etiam ut
patiamini pro illo. *Audite, reges, auribus*
percipite, principes, id est universi majores
atque minores, qui efficaciter vos ipsos
aut alios gubernatis, qui estis genus ele-
ctum, regale sacerdotium. *Ego sum, ego*
sum quæ Domino canam, psallam Domi-
no Deo Israel. Ecclesia namque est sponsa
Dei carissima, cui potissime competit Deo
cantare ac psallere. Sed et unaquæque de-
vota persona Deo jugiter psallat, juxta il-
lud Psalmi : *Benedicam Dominum in omni*
tempore, semper laus ejus in ore meo. Un-
de Apostolus exhortatur : *Cantantes et psal-*
lentes in cordibus vestris Domino. Quocirca
loquitur Origenes : Beati qui possunt can-

Philipp. i,
29.

I Petr. ii, 9.

Ps. xxxiii, 2.

Ephes. v,
19.

tare canticum Domino. Quis, putas, ita canoræ vocis est, et ita sinceræ mentis, ut cantilena ejus divinum possit oblectare auditum? Ille profecto, qui nullum in se habet raucum peccati sonum, qui nihil offensionis in lingua, nihil crassitudinis, id est carnalis affectionis, in spiritu gerit.

Domine, quum exires de Seir. Dominus et Salvator suos misit Apostolos atque discipulos ubique terrarum, et evangelicam legem sine personæ exceptione obtulit universis: quam multi in primis suscipere renuerunt, et tandem pene ab omnibus est

Ps. LXIV, 8,
9.

recepta. Tunc *terra mota est*, id est habitantes in terra, visis mirabilibus quæ per Christi discipulos gerebantur. Et quidam tunc moti sunt ad credendum, alii ad persequendum credentes: estque impletum quod prædixit Psalmista, Turbabitur gentes, et timebunt qui habitant terminos, a signis tuis. *Cœlique ac nubes distillaverunt aquis*, id est sancti Apostoli et eorum cooperatores, de quibus prædictum est: Cœli enarrant gloriam Dei. Et: Qui sunt isti qui ut nubes volant? Aquam sapientiæ

Ps. XVIII, 2.
Is. LX, 8.
Ecclesi. XV, 3.

salutaris audientium cordibus infuderunt. *Montes fluxerunt a facie Domini.* Per montes interdum intelliguntur superbi, qui instar montium magni et alti sunt in oculis suis; quandoque virtuosus, qui vere sunt magni et alti per gloriosa charismata Spiritus Sancti; aliquando vero principes et prælati, propter præsidentiae dignitatem et altitudinem sui officii. Quidam autem superbi, ad Christum se convertendo, pristinam altitudinem humiliter abjecerunt; alii in sua arrogantia perierunt.

In diebus Samgar quieverunt semitæ. Frequenter in Ecclesia semitæ, seu observantiæ mandatorum, cessaverunt in multis: et loca sacra in solitudinem sunt redacta, et Christiani vehementer oppressi sunt ab Hunnis, Vandalis, Gothis, Turcis et Saracenis, aliisque tyrannis: donec surgeret Debora, id est, quousque Ecclesia desuper reformata, rursus prævaluit. *Nova bella elegit Dominus.* Vere nova et inaudita bella elegit in novo Dominus Testamento: qui

A per paucos simplices inopesque Apostolos, mundum fidei christianæ subiecit, idololatriam dissipavit, Romanum sibi imperium subdidit non armorum potentia, non magica arte, quam veri Christiani summe abhorrent, non dialectica subtilitate, nec eloquentia Tulliana, neque per blandimenta carnalia; sed per supernaturalia, solique Deo possibile infinita miracula, per allegationes Scripturæ, per exemplarissimam et virtuosissimam vitam, per apparitiones angelicas et revelationes cœlestes: imo usque in præsens, fidem catholicam per eadem conservavit in esse, non obstante quod Judæi, hæretici, philosophi, tyranni toties et tam acriter eam extinguere sint conati. Hinc subditur: *Clypeus et hasta si apparuerint in quadraginta millibus Israel.* In sanctis nempe martyribus, qui per fidem et patientiam contra persecutores constantissime pugnaverunt, nulla exstitit armatura corporea, nulla resistentia bellica: et tamen præfatis modis in tantum prævaluerunt, quod quanto plus tyranni nitebantur fidem extinguere, tanto plus crevit, et ipsa persecutio tandem cessavit.

Cor meum diligit principes Israel. Vere valde nobis amandi sunt sancti Apostoli, doctores, patres, et principes nostri, de quibus prædictum est: Constitues eos principes super omnem terram. *Qui ascenditis super nitentes asinas*, id est, corpora vestra in se irrationabilia, pigra et stolidia, habetis in servitutem mentis redacta, et spiritui pulchre subjecta. *Et sedetis in iudicio*, id est, aliis præestis, et ambulatis in

Ps. XLIV,
17.

D via virtutum. *Loquimini: Ubi collisi sunt currus, et hostium suffocatus est exercitus*, id est in terris olim infidelium, ubi infideles conversi sunt, et saluberrime defecerunt, juxta illud: Verte impios, et non erunt; *ibi narrentur justitiæ Domini*, id est beneficia Dei, et opera suæ justitiæ, in vasis iræ ostensa; actus quoque suæ elementariæ, vasis misericordiæ exhibiti. Hoc ubique terrarum impletum est. *Tunc descendit populus Domini ad portas*, id est virtutum executiones, quæ sunt portæ in-

Prov. XII, 7.

Rom. IX,
22, 23.

trandi regnum cœlorum, quemadmodum A vitia portæ sunt inferi. Unde dixit Salva-
 Math. vii, 14. tor : Quam angusta porta et arcta via est, quæ ducit ad vitam ! *Et obtinuit principatum* promerendo paradysum cœlestem ; in præsentī quoque, conversi ad Christum, dominium multiplex sunt sortiti.

Surge, Barac, et apprehende captivos tuos : id est, tu, prælate, eos custodi, quos II Cor. x, 5. jugo Christi jam subdidisti, et quorum intellectum in captivitatem redegisti in obsequium Dei. *Dominus in fortibus dimicavit* : quia per fortissimos Christi Apostolos B et alios virtuosos Christi discipulos, robustissimas infidelium nationes convertit, et contra earum reges ac principes victorose pugnavit.

Præterea, per tribus et personas Israel, quæ contra Sisaram ascenderunt ad pugnam, designati sunt electi Judæi, qui crediderunt in Christum, et contra dæmonum aciem præliati sunt inelyte ; electi quoque Christiani, ex paganismo conversi, qui contra hostes humanæ salutis ac perfidos digne luctantur. Sed et quidam Apostoli C et primi discipuli Christi, ex diversis tri-

bubus Israel erant nati : de quibus cantamus : Ibi Benjamin adolescentulus in mentis excessu ; principes Juda, duces eorum, principes Zabulon, et principes Nephthali. Porro, per tribus Israel ignavas, seu contra se invicem divisas, intelliguntur obstinati Judæi, qui ad Christum noluerunt converti ; et item vitiosi Christiani, qui contra adversarios Dei ac fidei negligunt præliari, et suis commodis, honoribus, contentionibusve intenti sunt, ita quod malunt se invicem devastare, quam adversus perfidos ac tyrannos vitiorumque turbas concorditer dimicare. Postremo, qualiter contra inimicos christianæ religionis dimicatum sit ubertim de cœlo, ita quod perfidi diffugerunt ; qualiter etiam per Jahel benedictissima virgo Dei Mater Maria, per Sisaram autem diabolus designentur, præhabitum est. Angelus quoque Michael princeps Ecclesiæ, præcipit maledici zelo æquitatis multitudini principum ac gentium discredentium, adversantium ac reluctantium prospero statui ac salutī militantis Ecclesiæ, nisi resipiscant.

ARTICULUS XI

EXPLANATIO LITTERALIS CAPITULI SEXTI : FECERUNT AUTEM FILII ISRAEL MALUM IN CONSPECTU DOMINI.

JUXTA ordinem rei gestæ, nunc recitatur quarta Israelitarum oppressio generalis. *Fecerunt autem filii Israel malum in conspectu Domini*. Quotidie omnes peccamus, atque in Dei præsentia facimus mala, quum et justus septies in die cadat ; sed dum filii Israel dicuntur malum fecisse, et ob hoc hostibus traditi, intelligendum est præsertim de maximo illo malo, videlicet idololatria ac multis criminibus ei annexis. *Qui tradidit eos in manus Madian*, id est Madianitarum : qui nati fue-

runt ex filio Abrahæ ac Ceturæ, nomine Madian, ut patet in Genesi ; *septem annis, et oppressi sunt valde ab eis ; feceruntque sibi antra et speluncas in montibus*, ut ibi laterent, ne occiderentur aut caperentur. Hoc impotentiores et timidiore fecerunt, audaciores vero et fortiores fecerunt quod subditur : *et munitissima ad repugnandum loca*, id est fortalitia, ex quibus repugnarent, si obsiderentur. *Quumque servisset Israel*, id est, agros seminasset, *ascendebat Madian et Amalec*, id est Ama-

lecitæ, ceterique orientalium nationum, et apud eos figentes tentoria, sicut erant in herbis, cuncta vastabant: siquidem tempore veris et deinceps terræ nascentia consumeabant, et jumenta filiorum Israel diripiebant sive mactabant; usque ad introitum Gazæ; nihilque omnino ad vitam pertinens relinquebant in Israel, non oves, non boves, non asinos. Ipsi enim et universi greges eorum veniebant cum tabernaculis suis, et instar locustarum universa complebant innumera multitudo hominum et camelorum, quidquid tetigerant devastantes. Humiliatusque est Israel valde in conspectu Madian.

Et clamavit populus Israel ad Dominum, non tamen sinceriter, neque omnes, ut ex sequentibus innotescit, postulans auxilium contra Madianitas. Qui misit ad eos virum prophetam: quem Hebræi dicunt fuisse Phinees, non quod adhuc viveret a tempore Josue, imo et Moysis, sed quod in alio apparuerit corpore. Etenim asserunt angelum eum fuisse: quod totum est falsum. Et locutus est: Hæc dicit Dominus Deus Israel: Ego vos feci conscendere de Ægypto, et eduxi vos de domo servitutis, et liberavi de manu Ægyptiorum et omnium inimicorum qui affligebant vos, etc., et tradidi vobis terram eorum, et dixi: Ego Dominus Deus vester, ne timeatis deos Amorrhæorum. Itaque Deus per virum illum exprobravit ingratias illis beneficia sua.

Venit autem angelus Domini. Glossa et Scholastica historia, multique alii dicunt, angelum istum fuisse virum, qui jam ante fertur missus a Deo ad populum increpandum. Angeli etenim in Scripturis sæpe viri vocantur, præsertim quia apparent in forma virili. Sed huic dicto objiciunt alii, quod vir iste vocatur propheta. Angeli vero non consueverunt in Scripturis prophetæ vocari. Denique scriptura ista loquitur de angelo isto et de viro illo, tanquam de distinctis personis. Verumtamen Augustinus hic ait: Cur non exprimatur nomen hujus Prophetæ, occulta est causa. Sed

quia post verba Prophetæ statim subjungitur, Et venit angelus, non absurde intelligitur angelus iste nomine viri significatus. Nomine enim virorum sæpe dicuntur angeli. Sed angelos prophetas dici, non occurrit; quamvis eum qui propheta est, occurrat angelum appellari. Sed si angelorum dicta prophetica, nota fiunt his quibus futura prænuntiant, cur non potest dici angelus et propheta? Hæc Augustinus. Attamen potius reor, quod vir ille propheta, fuerit verus homo.

Venit ergo angelus, et sedit sub quercu: apparuit enim in forma humana; quæ erat in Ephra, id est urbe sic dicta, vel in agro vicino, et pertinebat, quercus illa et ager ac lapis super quem angelus sedit, ad Joas patrem familie Ezri, id est honorabiliorum in illa familia, ita quod dicitur pater ejus non generatione, sed potentatu et honorabilitate. Quumque Gedeon filius ejus excuteret atque purgaret frumenta in toreulari per suos ministros, nam multos habuit servos. Ideo autem excussit blada, quia fugere intendebat, et frumenta secum in aliquo loco munito reponere pro necessario victu in longum. Excussit autem in toreulari, ut fugeret Madian. Sed quare non magis in horreo? Forte quia secretius fiebat in toreulari. Circa hoc Josephus ait: Hoc fuit maxime propitiationis divinæ indicium, quod utebatur toreulari pro arca, quia futurum erat per eum, ut aræ implearentur ac toreularia. Apparuit ei angelus Domini eum salutans, et ait: Dominus tecum, virorum fortissime. Ecce quam solennis salutatio, imo et laus. Nec recolo aliquem in veteri Testamento tam solenniter desuper salutatum. Sed quomodo fuit virorum fortissimus, qui fugere disponebat? Dicunt quidam, quod taliter salutabatur ac laudabatur propter gesta ejus futura. Attamen dici potest, quod sicut ceteri judices erant viri in virtute præclari quando mittebantur ad populum liberandum, ita et Gedeon. Et quod fugere voluit, prudentiæ fuit, non vitii: quia conspexit se non posse viribus suis resistere hosti-

Gen. XIX, 10;
Dan. IX, 21.

Matth. XI,
10.

bus ; nec fuit ad idololatriam lapsus ; sed A et corporali fortitudine præpollebat.

Dixitque ei Gedeon : Obsecro, domine mi. Gedeon angelum nominat dominum, quamvis nondum cognoverit quod angelus esset, quia in specie honorabilis atque authenticus viri angelus apparuit sibi. *Si Dominus nobiscum est.* Angelus dixerat, Dominus tecum, non autem, Dominus vobiscum ; Gedeon vero sic repetit, imo et replicat, Si Dominus nobiscum est. Erat quippe Gedeon vir humilis : ideo sibi videbatur, quod si Dominus esset secum, esset B quoque cum aliis Israelitis quos reputavit se meliores. Itaque, quasi contra verba illa arguens, dicit : Si Dominus nobiscum est, *cur ergo apprehenderunt nos omnia ista,* id est tot et tanta adversa ? quasi dicat, Non apparet quod Dominus sit nobiscum. *Ubi sunt mirabilia ejus, quæ narraverunt patres nostri, atque dixerunt, De Ægypto eduxit nos Dominus ? Nunc autem dereliquit nos Dominus, et tradidit in manu Madian.* Tanquam dicat, In tantum reliquit nos modo, ac si non fecisset tot et C tanta mirabilia pro liberatione patrum nostrorum. Vel, Ubi sunt mirabilia ejus ? quasi dicat, Utinam et modo ageret talia pro nostra ereptione.

Respexitque ad eum Dominus, id est angelus in Dei persona apparens, ac loquens ad eum, quasi compatiens ei, et approbans eum. Deus quoque respexit eum suæ intuitu pietatis, et interiora ejus confortavit per gratiam. *Et ait : Vade in hac fortitudine tua,* id est in hac fide et gratia tibi concessa. *Et liberabis Israel de manu D Madian.* Scito quod miserim te, et de hac visione et prænuntiatione non ambigas. *Qui ait : Obsecro, mi domine, in quo,* id est qua virtute atque manerie, *liberabo Israel de Madianitis me potentioribus ?* Deinde suam inidoneitatem probat, adjiciens : *Ecce familia mea infima est in Manasse,* id est, in tribu Manasse, familia de qua sum est valde parva et una de minimis, *et ego minimus,* id est, valde modicus sum, *in domo patris mei.* Ex humilitate

hæc dicit, ad excellentiores se comparans : quemadmodum Saul adhuc bonus, quum audisset quædam verba a Samuele, respondit : Numquid non filius Jemini ego sum, ^{I Reg. ix, 21.} de minima tribu Israel, et cognatio mea novissima inter omnes familias de tribu Benjamin ? ut legitur primo Regum libro. Quemadmodum autem super Josue dictum est, tribus Israel dividebantur in familias, ^{Josue vii, 14.} familiæ in domos, domus in capita virorum. *Dixitque ei Dominus : Ego ero tecum per opem et adsistentiam gratiosam. Et percuties Madian quasi unum virum :* id est, faciliter me auxiliante prævalebis, quasi unum dumtaxat hominem impugnare.

Denique ex his verbis Gedeon cœpit pensare, quod angelus esset qui sibi colloquebatur, præsertim ex tam magnifica promissione. Verumtamen nondum fuit certus de hoc, nec volebat incauta facilitate credere apparitioni. Unde subjungitur : *Et ille, Si inveniri, inquit, gratiam coram te, da mihi signum quod tu sis qui loquaris ad me,* id est, quod tu vere sis missus a Deo, seu angelus sanctus : quasi jam implens quod docet Joannes apostolus, ^{I Joann. iv, 1.} Noli te omni spiritui credere, sed probate spiritus an ex Deo sint. Hinc loquitur Origenes : Gedeon, vir eruditus, habens exemplum Josue præcessoris sui, cautius agit. Sciebat enim angelos tenebrarum posse transfigu- ^{II Cor. xi, 14.} rare se in angelos lucis : ideo examinat spiritum si a Deo sit. Quemadmodum Josue quum principem militiæ cœlestis vidisset, inquit : Noster es, an adversariorum ? Hinc ^{Josue v, 13.} Gedeon discutit angelicam visionem diversitate et admiratione signorum. *Nec recedas hinc, donec revertar ad te, portans sacrificium et offerens tibi,* non tanquam Deo, cui soli sacrificium immolatur, sed offerens tibi, id est, coram te illud præsentans, quatenus tu offeras illud Deo, et per aliquod signum in ista sacrificiatione fiendum intelligere queam certive, quod tu sis missus a Deo, seu angelus ejus. Hinc Augustinus : Intelligendum est, non cum angelo, sed per angelum sacrificium obtu-

lisce. *Qui respondit: Ego præstolabor ad-*

rentum tuum.
Ingressus est itaque Gedeon, et corit hædum, et de farine modio azymos panes non fermentatos: nam panes Deo offerendi, azymi erant, secundum legem: carnesque ponens in canistro, et jus carniū mittens in ollam, tulit omnia sub quer- cum, et obtulit ei, videlicet angelo, juxta sensum nunc introductum, non quasi sacrificans creaturæ. Cui dixit angelus Domini: Tolle carnes hædi, et azymos panes, et pone supra petram illam, et jus desuper funde. Quumque fecisset ita, extendit angelus summitatem virgæ quam tenebat in manu, in signum auctoritatis divinæ sibi commissæ, et tetigit carnes et azymos panes, quasi sacrificans ea Deo. Ascenditque ignis de petra: quem ignem angelus supernaturaliter fecit de petra exire; vel naturali virtute hoc egit, quum et nos exutiamus ignem saxo et chalybe. Et per hoc angelus se ostendit non hominem esse, quia si homo fuisset, ligna et ignem sacrificio supposuisset. Et carnes azymosque panes consumpsit. Sicque sacrificium illud factum est holocaustum. Circa hæc quærit Glossa: Quomodo Gedeon ausus est sacrificium offerre alibi quam in tabernaculo Domini? Et respondet, quod Gedeon primo putavit illum esse prophetam, et de sacrificio offerendo consuluit ipsum, et ejus responsionem secutus est. Angelus autem Domini evanuit ex oculis ejus, corpus assumptum subito deponendo, vel illud invisibile aliis faciendo, aut etiam evolando.

Vidensque Gedeon quod angelus Domini esset, quod ex tot et tantis mirabilibus satis advertit, dixit: Heu! mi Domine Deus, quia vidi angelum Domini facie ad faciem, id est elare ad oculum. Cur viso angelo non potius est gavisus, quam ita perterritus? Respondetur, quia (ut ex verbis quæ sequuntur elicitur) formidavit se protinus moriturum, quia ad Moysen dixerat Dominus: Non videbit me homo, et vivet. Et angelus iste in Dei persona erat

A locutus. Unde et Manue, viso angelo, est locutus: Morte moriemur, quia vidimus Dominum. *Dixitque ei Dominus. An idem* ^{Judic. xiii, 22.} angelus statim apparuerit ei rursus ad oculum, et ista locutus sit ei, an per interiorē alloctionem dixerit ei hæc, potest esse ambiguum; sed potius arbitror quod per angelum. *Pax tecum, ne timeas inordinate, non morieris nunc ut formidas. Edificavit ergo Gedeon altare Domino* ex devotione. Infra tamen habetur, quia auctoritate hoc fecit. Unde et istud nunc *B* dicitur per anticipationem. *Vocavitque illud, Domini pax*, quia angelus dixit ad eum, Pax tecum; et ibi prænuntiavit ei liberationem filiorum Israel de Madianitis. Hebræis autem consuetudo fuit, imponere nomina rebus ab eventu seu aliqua proprietate vel actione, etc.

Quumque adhuc esset in Ephra, quæ est familia Ezri, id est in loco seu oppido illo, ad illam familiam pertinente, nocte illa dixit Dominus ad eum per angelum, sive in somno sive in vigilia: Tolle taurum patris tui, id est, taurum quem pater tuus Joas intendit idolo Baal sacrificare, amove et occide, ne idolo immoletur; et alium taurum annorum septem etiam tolle. Illum alium taurum cives urbis illius impinguarunt, ut sacrificaretur Baal, ut in Scholastica fertur historia: ideo Dominus jussit ut taurum inde auferret. Destruesque aram Baal, quæ est patris tui. Quo constat, quod pater Gedeonis fuit ad idololatriam lapsus. Et nemus, quod circa aram est, scilicet arbores ibi consitas, succide, id in contemptum idololatriæ, et zelo cultus divini, atque in signum quod per te idololatria destruetur in populo Israel. Et edificabis altare Domino Deo tuo in summitate petre hujus, id est magni saxi, super quam ante sacrificium posuisti. Ex confessione enim, apparitione et sacrificatio- ne angeli ibi factis, consecratus fuit locus ille, ut in eo construeretur altare. Tollesque taurum secundum, puta taurum illum septennem, et offeres Deo holocaustum super struem, id est compositionem materiam-

que, *lignorum, quæ de nemore, quod est A* circa aram Baal, *succideris*, ut sic in Dei obsequium convertantur, quæ erant idololatriæ deputata, ad ampliorem idolorum et idololatrarum confusionem. Deinde in textu describitur, qualiter Gedeon executus est ista. Et plana est littera. Porro, altare extra tabernaculum Dei construere, et in illo sacrificare non licuit, nisi ex dispensatione divina. Nec Gedeoni aliter licuisset sacrificare, quia non erat Levita, si tamen per se et non potius per manus sacerdotis sacrificavit.

Quumque surrexissent viri oppidi ejus mane, viderunt destructam aram Baal, lucumque succisum et taurum alterum impositum super altare quod tunc edificatum erat. Dixeruntque ad invicem : Quis hoc fecit ? Quumque perquirerent auctorem facti, dictum est : Gedeon filius Joas fecit hæc omnia. Et dixerunt viri civitatis illius ad Joas : Produc filium tuum huc, ut moriatur, id est, Gedeonem da nobis ad occidendum, quia destruxit aram Baal, et succidit nemus. Itaque constat, quod C nondum omnes filii Israel de sua idololatria recesserunt, nec omnes clamaverunt ad Dominum ex vera contritione. *Quibus ille, scilicet Joas, respondit : Numquid ultores estis Baal, ut pugnetis pro eo ?* quasi dicat, Si Baal est deus, potest personaliter suam ulcisci injuriam. *Qui adversarius ejus est, moriatur antequam lux crastina veniat. Si deus est, vindicet se de eo qui suffodit aram ejus, id est, hodie occidatur ab ipso Baal, non a vobis. Hinc patet, quod Joas non tantum erat cultui Baal deditus, D* quod propter contemptum Baal voluerit suum filium trucidari : et forte jam aliquando noverat ex Gedeonis relatu, qualiter ex divina commissione talia fecit, quum probabile sit, quod super hoc interrogaverit Joas suum filium Gedeonem. *Ex illo die vocatus est Gedeon Jerobaal, id est fortitudo Baal, quasi fortis contra Baal, qui non vindicavit se de Gedeone ; eo quod Joas pater Gedeonis dixisset : Si Baal deus est, vindicet se, etc.*

Spiritus autem Domini induit Gedeon, id est, gratia Spiritus Sancti impletus est ad prosequendum ea quæ sibi erant desuper jussa. Itaque Spiritus Domini, Spiritus Sanctus, seu Dei voluntas induit Gedeonem, assumendo eum quasi instrumentum atque ministrum, ut prosequeretur per eum rigorem suæ justitiæ in adversarios Israelis, et suæ pietatis effectum in ipso Israelitico populo. Qui clangens buccina, convocavit domum Abiezer, id est progeniem viri sic dicti : de qua domo fuit et Gedeon, B ideo tanquam cognatos vocavit eos in primis : *ut sequeretur se. Misitque nuntios in universum Manassen, id est ad tribum Manasse, qui et ipse secutus est eum ; et alios nuntios in Aser et Zabulon et Nephthali, qui occurrerunt ei ad auxiliandum. Insinuaverat enim illis quæ manifestata et commissæ sibi erant a Domino.*

Dixitque Gedeon ad Dominum, ipsum orando : Si salvum facies per manum meam Israel, sicut locutus es, ponam vellus hoc lane, id est laneum vellus, in area, id est horreo. Si ros in solo vellere fuerit, id est, vellus dumtaxat fuerit rore complutum seu madefactum hac nocte, et in omni terra siccitas, id est, per totam areæ terram circumpositam siccitas manserit, sciam per hoc signum, quod per manum meam, sicut locutus es, liberabis Israel. Et factum est ita. Et de nocte consurgens, id est valde mane, quia sollicitus fuit in isto negotio, expresso vellere, concham rore implevit. Qui in signum veritatis ac signi, et pro declaratione divinæ pietatis ac omnipotentiae ejus, rorem ex vellere extorsit, et currere fecit in vasculum. Dixitque rursus ad Dominum : Ne irascatur furor tuus, id est rigor tuæ justitiæ, contra me, si adhuc semel tentavero, id est, experiri quæsiero veritatem tuæ promissionis, quarens signum in vellere aliud a prædicto, et quasi contrarium illi signo. Oro ut solum vellus siccum sit, id est, hac nocte in area maneat siccum, et omnis terra rore madens, id est, totum spatium areæ humectetur rore. Fecitque

Dominus nocte illa ut postulaverat, et fuit siccitas in solo vellere, et ros in omni terra. In quo patet benignitas et dignatio ac condescendentia Dei.

Circa hoc quæritur, an Gedeon peccavit, hæc signa quærendo. Videtur quod imo, quia dubitasse videtur de veritate promissionis divinæ, et pro majori certificatione signa petisse, ut patet ex suo modo loquendi. Nam ait, Si saluum facies, etc. Et rursus, Si hoc feceris, sciam. Ad istud Origenes respondet in homilia, et idem habetur in Glossa, quod non peccavit in isto : quod exitus rei probavit ; nam exauditus fuit a Domino. Nec exaudisset eum Dominus in his signis, si ea contra mandatum legis petisset. Isidorus quoque testatur, quod non quasi incredulus postulavit hæc signa, sed propter mysteria quæ scivit futura, hoc est ex instinctu Spiritus Sancti, ad præfigurandum quædam mysteria : de quibus in sequenti erit articulo

A sermo. Hinc alii dicunt, quod petiit signa non ex diffidentia, sed ex familiaritate divina et desiderio divini honoris, quatenus scilicet Deus in signis illis magis glorificaretur. Verumtamen S. Thomas in secunda secundæ, quæstione 97, ait : Gedeon ex debilitate fidei signum petisse videtur, unde nec excensatur, sicut nec Zacharias pater beatissimi Joannis Baptistæ. Et istud videtur magis consonum superficiei litteræ hujus. Unde pro concordantia aliquantula dici posset, quod in hac petitione non mortaliter, sed venialiter fuit culpabilis : nec ex incredulitate, sed fidei aliquali debilitate petivit hæc signa, quia fortassis aliquantulum verebatur, ne propter peccata populi Israel, quem scivit adhuc pro magna parte esse idololatram, divina promissio non sortiretur effectum. Gedeon quoque videtur timuisse, ne offenderet Deum, signum secundum petendo : propter quod dixit, Ne irascatur furor tuus, etc.

Luc. i, 18, 20.

ARTICULUS XII

DE SPIRITUALI EJUSDEM CAPITULI SEXTI INTELLECTU.

QUEMADMODUM Origenes testatur, Quiescit terra, dum quiescit peccatum, id est, habitatores terræ ab infestationibus et impugnationibus conquiescunt, dum cessant peccare. Moveri autem dicitur terra, id est habitantes in ea, quando animas hominum movere cœperint ac perturbare peccata. Verumtamen istud intelligendum est de ea hominum tribulatione, persecutione et poena, quæ eis propter eorum demerita infligitur et contingit. Sunt autem aliæ causæ diversæ, propter quas etiam justi interdum in vita hac affliguntur, ut scilicet exerceantur, et aliis in exemplum proponantur virtutum, et gloriosius coronentur, nuncque probatiores fiant et crescant in omni virtute ac gratia. Sic etenim

C passi sunt martyres sancti, et Christi Ecclesia a Romanis Imperatoribus, aliisque tyrannis generales et acerbissimas persecutiones frequenter perpessa est. Denique electi in hac vita pro suis peccatis affligi, sicque purgari consueverunt. Reprobi vero etiam in pessimis actibus multoties prosperantur, nec super eos est virga Dei. Insuper, sicut filii Israel pro suis excessibus in manus Madianitarum, Amalecitarum, et aliarum orientalium nationum sunt traditi et vehementer ab illis afflicti ; sic Christiani fideles qui sunt Israel Dei, pro suis culpis interdum ab invisibilibus hostibus impugnari ac superari sinuntur. Et quo amplius Deum offendunt, eo majorem super eos potestatem accipiunt hostes nequissimi, ita

Job xxi, 9.

Galat. vi, 16.

quod eos vincunt facilius, atque ad plura ac enormiora trahunt peccata. Specialiter quoque per orientales justorum persecutores, intelliguntur hæretici, qui Christi nomine gloriantur, et Catholicos quasi perfidos persequuntur.

Præterea, sicut præfati filiorum Israel inimici, terram promissionis ingrediebantur, dum Israelitæ seminaverunt, et terra fructificare incepit, tuncque omnia terræ nascentia voraverunt, nec aliquid ad vitam pertinens in Israel relinquebant: sic atrocissimi ac callidissimi nostrarum adversarii animarum, tunc potissimum nos impugnant, dum viderint nos per veram contritionem seu religionis ingressum converti ad Dominum, et fructum proferre virtutum, terramque corporis nostri vomere scindere disciplinæ, ut spiritui fiat subiecta, et semen suscipiat vitæ: quod fit

Rom. vi, 13.

dum de cetero non exhibemus membra nostra arma iniquitatis peccato, sed arma justitiæ Deo. Tunc itaque summe conantur bona inchoata a fructuoso processu et felici consummatione totaliter impedire. Verumtamen per transgressores illos Judæos, quorum fructum adversarii consumpserunt, proprie designantur Christiani indigni, qui (juxta Apostolum) seminant in carne, et ideo de carne metunt corruptionem: quorum fructus et opera a dæmonibus possidentur. Qui autem metunt in spiritu, non vincuntur ab illis, nisi per propriam negligentiam cœperint locum dare diabolo.

Ephes. iv, 27.

Porro, sicut filii Israel fecerunt sibi antra et speluncas in montibus, munitissima quoque loca ad repugnandum, ita et nos spiritualiter faciamus. Montes quippe sunt Sancti, et Christus ipse est mons montium: in quo antra, in quibus saluberrime abscondamur telaque hostium evadamus; sunt sacratissima vulnera ejus. Rursus, speluncæ istæ et antra, sunt corda Sanctorum, et occultæ ac piæ affectiones eorum ad nos, per quas et in quibus nos recipere ac protegere sunt parati, dummodo tota mente humiliter confugiamus ad eos, et eorum virtutes utcumque sectari nitamur. Mu-

nitissima demum ad repugnandum loca, sunt sanctæ virtutes, fides, timor, humilitas, sed et exempla Sanctorum, ac religiosa cœnobita, et congregationes devotæ, sacramentaque Christi, et in primis contritio, confessio et satisfactio perseverans, consideratio dominicæ passionis intenta, meditatio novissimorum. Ad hæc igitur et consimilia loca, remedia, confugia, in omni tentatione, tribulatione et adversitate mox confugiamus.

Amplius, Gedeon in aliquibus verbis et actibus suis, figura est Christi. Quemadmodum enim Gedeon in toreulari excussit et purgavit frumenta, sic Christus in primo suo adventu inter reprobos et electos discrevit, quos vita et merito ab invicem separavit, sicut palea separatur a tritico. Unde et quosdam ex Synagoga in Apostolos ac discipulos sibi assumpsit, per quos et alia multa Judæorum millia post suam resurrectionem et ascensionem, misso Spiritu Sancto, convertit. In secundo vero suo adventu permundabit plenarie aream suam, congregabitque triticeum in horreum cœlestis palatii, paleas vero incendet inextinguibili igne. Insuper, sicut Gedeon fugere voluit Madianitas, sic Christus in sua infantia in Ægyptum a facie Herodis translatus est, et tempore Passionis appropinquante, a facie obstinatorum Judæorum divertit, quemadmodum Evangelista testatur, dicendo: Jesus ergo jam non in palam ambulabat apud Judæos, etc. Sed et salutatio Gedeoni ab angelo facta, qua dictum est, Dominus tecum, virorum fortissime,

Matth. iii, 12.

Ibid. ii, 13, 14.

Joann. xi, 54.

competit excellentissime Christo, qui (ut princeps Apostolorum fatetur) erat vir potens in opere et sermone; de quo Prophetæ prædixit: Accingere gladio tuo super femur tuum, potentissime. At vero, sicut Gedeoni Israel liberaturo, et suam insufficientiam humiliter confitenti, apparuit angelus eum confortans, consolans, adsistentiamque promittens atque triumphum: sic Christo sua sacratissima passione mundum redempturo, et sponte paventi, ac humanæ naturæ assumptæ naturalem

Cf. Act. ii, 22; Luc. xxiv, 19. Ps. xlv, 1.

Luc. xxi. infirmitatem monstranti, angelus de cœlo A
43. apparuit, consolatoria verba protulit, et
suae passionis ineffabilem et incomparabi-
lem fructum commemoravit.

Sacrificium quoque Gedeonis, qui ear-
nes et azymos obtulit panes, nonne sacrifi-
cium Christi præfigurasse videtur, eo quod
Christus in specie panis, novæ et evange-
licæ legis instituit Sacramentum, et paulo
post propriam carnem obtulit Deo Patri in
Ephes. v. 2. ara crucis oblationem et hostiam in odo-
rem suavitatis? Sicque lapis super quem
posuit suum sacrificium Gedeon, typus est B
crucis; et ignis de lapide illo egrediens,
sacrificiumque consumens, præfiguravit
ardentissimam Christi caritatem, ex qua
se ipsum pro humani generis immolavit
salute. Adhuc autem, sicut Gedeon Deo ju-
bente ædificavit altare in summitate pe-
træ, quod etiam Salvatoris crucem præfi-
guravit; sic Dominus noster Unigenitus
Patris, unum et verum templum æterno
Patri construxit super petram, sicut fate-
Matth. xvi, tur: Super hanc petram ædificabo Ecele-
18. siam meam. Rursus, per hoc quod Gedeon C
aram Baal est demolitus, et taurum idolo-
latriæ consignatum exstinxit, quid præsi-
gnatum censetur, nisi quod Christus per
universum orbem idololatriam dissipavit,
universisque gentium diis potentior est
inventus? Iterum, per hoc quod Spiritus
Domini induit Gedeonem, typice præmon-
strabatur, quod Christum hominem Spiritus
Sanctus undique præveniret, impleret,
Is. xl, 2. dirigeret, prout cecinit Isaias, Requiescet
super eum Spiritus Domini. Unde et in
Joann. iii, Evangelio legitur: Non ad mensuram dat D
34. Dens Spiritum homini, utpote Christo. De-
nuo, sicut Gedeon Spiritu Dei indutus, præ-
ventus et motus, convocavit ad se clangore
buccinæ atque per nuntios domum Abie-
zer, de qua exstitit oriundus, et alias quas-
dam Israel tribus, ut sibi ad auxiliandum
adsisterent; sic Christus sua eloquentissi-
ma ac sonorissima prædicatione ad suam
imitationem ac discipulatum vocavit quos-
Matth. iv, dam suæ cognationis ac tribus, puta Jaco-
21; *Marc.* bum et Joannem, sed et alium Jacobum,
iii, 17, 18.

ejusque fratres, et ex aliis tribubus quos-
dam, imo et millia multa.

Præterea de mystica velleris Gedeonis
significatione loquitur Origenes: Quidam
ex præcessoribus nostris, per vellus intel-
lexit Israeliticam plebem, per terram reli-
quam ceteras gentes, per rorem vero ver-
bum et gratiam Dei. Primo etenim tempore
legis scriptæ, sermo et gratia Dei solis Is-
raelitis concessa sunt, ceteris nationibus
in sna siccitate et sterilitate relictis; sed
post Christi adventum ordo iste est va-
riatus, quoniam Israelitis bona illa juste
subtracta sunt, et gentibus copiosissime
superinfusa: quod secundum Gedeonis si-
gnum evidenter ostendit, quia in illo terra
areæ rore est madefacta, et vellus inven-
tum est siccum. Huic expositioni applicat
Origenes illud ex Psalmo, Descendet sicut *Ps. lxxi, 6.*
pluvia in vellus, et sicut stillicidia stillan-
tia super terram: ubi per vellus intelligit
populum Synagogæ, quem Christus primo
perfudit rore gratiæ suæ; per terram au-
tem, gentilitatem, quam postmodum, re-
lictis Judæis, copiosissime omni superno
charismate adimplevit. Denique, per vel-
lus Gedeonis, potest intelligi populus re-
ligionis; per aream, sæculares: et sæpe
contingit, quod sæcularibus donis gratiæ
destitutis, claustrales eisdem abundant. In-
terdum quoque contingit oppositum. Ite-
rum, per hoc vellus intelligitur gloriosis-
sima virgo Maria; per aream, ceterarum
universitas feminarum. Itaque Virgo Dei-
fera primo præ ceteris impleta est omni
rore divinorum charismatum, in tantum
quod materna fecunditas virginalisque pu-
ritas convenerunt in ea, a qua prærogativa
ceteræ omnes feminae siccae fuerunt: qui-
bus vel materna fecunditate, aut aliis do-
nis gratiose perfusis, præstantissima Virgo
ab omni virilis seminis contagione, omni-
que concupiscentiarum humore mansit sic-
cissima.

Tropologice ex isto capitulo multiplici-
ter edocemur. Primo, ne vana aut impia
societate fallamur: sed sicut Gedeon in
Dei mansit obsequio, confratribus dome-

sticis et cognatis suis ad idololatriam cor-
ruentibus; ita in Dei timore, cultu et via
justitiæ persistamus, quantumlibet nobis
propinqui, vicini, condomestici, sociales
aut familiares, intimorate, carnaliter et
inique se habeant, nosque ad mala pertra-
here enitantur: imo peccantibus humili-
ter condoleamus, et oremus pro illis. De-
inde ad humilitatem, exemplo Gedeonis,
instruimur: nempe vir ille ab angelo tam
inaudite salutatus, tamque magnifice com-
mendatus, judex quoque ac liberator sui
populi designatus, nequaquam se extulit, B
sed humiliavit se valde, inefficiam suam
perpendens, dicensque, *Ecce familia mea
infima est in Manasse, et ego minimus*

in domo patris mei. Omnis ergo abjiciatur
ambitio, et propriam defectuositatem ac
vitiositatem jugiter adspiciat unusquisque.
Sed et in summitate petrae, id est fidei fir-
mitate ac certitudine, ædificemus Deo al-
tare, id est sanctæ caritatis affectionem
sursum tendentem, in qua Deo omnia of-
feramus: nec aliter confidamus nos posse
adversarios nostræ salutis dejicere, nisi
vellus animæ nostræ, id est cor nostrum,
impleatur rore cœlesti, hoc est magna
et multa virtute ac gratia Spiritus San-
cti. Sed et pro communi bono ac profe-
ctu Ecclesiæ societatisque propriæ, unus-
quisque sit semper sollicitus, laborans et
orans.

ARTICULUS XIII

EXPLANATIO LITTERALIS CAPITULI SEPTIMI: IGITUR JEROBAAL, QUI ET GEDEON,
DE NOCTE CONSURGENS.

EXSECUTIO belli nunc recitatur. *Igitur Jerobaal, qui et Gedeon alio nomine appellatur, de nocte consurgens, ut congressus ejus magis lateret adversarios suos, et omnis populus ejus cum eo, videlicet triginta duo millia, venit ad fontem, qui vocatur Harad. Erant autem castra Madian in valle ad septentrionalem plagam collis excelsi. Dixitque Dominus per angelum ad Gedeon: Multus tecum est populus, quia tot millia, nec tradetur Madian cum adjutoribus suis in manus ejus, ne gloriatur contra me Israel, et dicat: Meis viribus liberatus sum.* Voluit itaque Dominus talem conferre victoriam, quæ non poterat aliqua probabilitate alteri adscribi, quam sibi. *Loquere ad populum, et cunctis audientibus prædica: Qui formidolosus est corde, et timidus in exteriori apparatu et signo, revertatur, ne et ipse ingruente bello deficiat aut fugiat, et suo exemplo alios faciat trepidare. Recesserunt-*

C que de monte Galaad, et reversa sunt ex populo viginti et duo millia virorum, qui se timere senserunt, nec contra legis præceptum audebant ire ad prælium: et forte libenter exonerati fuerunt ab illo congressu, qui humano judicio exteriorique apparentia videbatur valde periculosus. Nam et populus ille, quamvis multus fuisse dicebatur, tamen respectu adversariorum existit paucus, ut infra patebit. Reversi sunt itaque de monte Galaad: qui fuit alter a monte Galaad trans Jordanem, in quo Laban apprehendit Jacob patriarcham, prout in Genesi legitur.

Ad bellatores autem specialiter pertinet virtus cardinalis, quæ fortitudo vocatur, ut ardua viriliter aggrediantur, et dura æquanimiter tolerant, imo pro justa causa parati sint mori. Ideo formidolosi et timidi sunt, in quibus timor carnalis seu naturalis sive mundanus non est per virtutem hanc refrenatus ac moderatus. Hinc Ada-

Gen. XXXI,
23.

mantius Origenes : Formidolosus, inquit, A est, qui quasi adolescente vitio, antequam videat mala, sola cogitatione [terretur], per gelida membra volvens ac monstrans formidinem, ut non tam conspectu, quam auditu et expectatione periculorum solvatur. Porro timidus est, qui primo aspectu ad congressum trepidat, non tamen toto corde terretur, sed reparari et animari denuo potest. Denique, sicut pugnatoribus vitandus est timor, ita audacia : quia inter illa duo vitiosa extrema, mediat fortitudo ; magis tamen vitandus est timor immoderatus. Verumtamen moderatus timor utilis est in bellis, quoniam diligentiam parit, et cavet pericula, nec fortitudini contrariatur.

Quemadmodum autem Gedeon jussit formidolosos reverti, ita et alios de quibus in Deuteronomio Deus praeceperat : Qui *Deut. xx, 5-7.* aedificavit (inquiens) domum, et non dedicavit eam, revertatur ; similiter qui plantavit vineam, et nondum fecit eam communem, et qui desponsavit uxorem, et non accepit eam. *Et tantum decem millia remanserunt. Dixitque Dominus ad Gedeon : Adhuc populus multus tecum est, quia adhuc decem millia secum manserunt. Duc eos ad aquas, forte ad fontem praefatum, et ibi probabo eos : et de quo dixerō tibi ut tecum vadat, ipse pergat ; quem ire prohibuero, revertatur, id est, per corporale indicium tibi monstrabo, qui ad praelium pergent. Quumque descendisset populus ad aquas, dixit Dominus ad Gedeon : Qui manu et lingua lambuerint aquas, id est, solo dorso curvato eum manu projecerint D aquam in os, sicut solent canes lambere, non quod canes lambant manu qua carent, sed quod canes aquam lingua arripiant, sicut illi eam manibus rapiebant, et item quoniam canes bibunt genu non flexo ; separabis eos seorsum, ita quod stabunt simul separati ab aliis. Qui autem curvatis*

* *erant* genibus biberint, stabunt * in altera parte. Fuit itaque numerus eorum qui manu ad os projiciente aquas lambuerant, id est, parce et cursim sumpserant, trecenti viri.

Omnis autem reliqua multitudo flexo poplite, id est genu, biberat. Fuit autem potatio ista in meridiano calore, quando major est aestus et sitis, ut in Scholastica habetur historia.

Et ait Dominus ad Gedeon : In trecentis viris, id est per adjutorium horum trecentorum virorum, qui lambuerunt aquas, liberabo vos, et tradam in manu tua Madian. Omnis autem reliqua multitudo revertatur ad locum suum. Quæritur, cur Dominus illos elegit ad praelium, qui instar B canum aquam sumpserunt genu non flexo. Respondetur, quod illi erant magis magnanimes ac fortiores, ut Josephus tangit. Quod enim noluerunt genua ad potandum curvare, sed stando potabant parum et festinanter, tanquam minus fatigati, minusque sitientes, et tanquam prompti ad procedendum, magnanimitatis ac fortitudinis fuit signum. Bibere vero genibus flexis, erat signum majoris fatigationis ac sitis. Rursus quæritur, cur Dominus similitudinem canum induxit. Ad hoc Glossa ex Augustino respondet, quia prae ceteris animalibus canes dicuntur suis dominis amorem et fidelitatem servare. Sunt quoque pugnaces, audaces, intimidi.

Sumptis itaque pro numero cibariis et tubis, id est, tantum de cibo ac tubis accipiens, quod trecentis viris sufficiebat, omnem reliquam multitudinem abire praecepit ad tabernacula sua, et ipse cum trecentis viris se certamini dedit, id est, ad pugnam processit, obediens Deo in re tam invisā et inopinata. Castra autem Madian erant subter in valle. Eadem nocte dixit Dominus ad eum : Surge, et descende in castra, id est ad tentoria Madianitarum, quia tradidi eos in manu tua. Sin autem solus ire formidas. Secundum Magistrum in historiis, cor Gedeonis fuit dissolutum, ideo Dominus rursus eum confortat alio modo, qui subditur. Descendat tecum Phara puer, id est minister tuus. Gedeon multos habebat ministros ; unde praecedenti habetur capitulo, quod assumpsit decem viros de servis suis. Ideo Phara iste vide-

tur fuisse minister ejus præcipuus, audax A et fortior ceteris. *Et quum audieris quid loquantur Madianitæ, tunc confortabuntur manus tuæ*, id est potentia tuæ operativæ, imo tu ipse, quia per partem intelligitur totum: exprimunturque manus, quia sunt præcipua organa operandi: *et securior ad hostium castra descendes*.

Descendit itaque in partem castrorum, ubi erant armatorum vigiliæ, id est custodes deputati ad vigilandum. *Madian autem et Amalec, et omnes orientales populi, fusi jacebant in valle, ut locustarum multitudo; camelis autem innumerabiles erant sicut arena quæ in littore maris jacet. Quumque venisset Gedeon, narravit aliquis somnium proximo suo, et in hunc modum referebat: Videbatur mihi quasi subcinericius panis ex hordeo, id est hordeaceus, volvi, hoc est moveri, et in castra Madian descendere. Quumque pervenisset ad tabernaculum, id est ad tentoria, percussit illud atque subvertit, et terræ funditus coæquavit, id est, existentes in eis occidit. Respondit is cui loquebatur: Non est hoc aliud nisi gladius Gedeonis, id est, nil aliud per tuum somnium designatur, nisi occisio Madianitis infligenda per Gedeonem. Tradidit enim Dominus in manu ejus Madian et omnia castra ejus. Secundum Josephum, vir iste exponens somnium, dixit: Vile est hordeum inter grana, et populus Israel inter gentes videtur abjectus. Atque in Israel vilis est familia Gedeonis. Non est hoc aliud nisi gladius ejus. Itaque hordeaceus panis, qui est ex materia suæ et forma vilis, Gedeonem si D gnavit, qui reputatione Madianitarum, fuit nullius momenti et natione declivis. Quumque audisset Gedeon somnium et interpretationem ejus, adoravit Dominum, gratias agens de tam gratiosa sui confortatione et assecuratione. Consideravit quippe, quod somnium illud et expositio ejus non erant fortuita neque inania, sed divinitus dispensata, quia per angelicam administrationem facta fuit ostensio illa somnialis per imaginarias formas in somno, quem-*

admodum servi Pharaonis somnia talia habuerunt in carcere. Ex angelica quoque illuminatione, revelatione interna, alius ille intellexit somni sensum. Hujusmodi etenim visiones et interpretationes spectant ad dona gratiæ gratis datæ: propter quod bonis et malis communes sunt; interdum quoque malis hominibus conceduntur propter bonos aut propter bonum commune.

Et reversus est ad castra Israel, et ait trecentis viris: Surgite, tradidit enim Dominus in manus nostras castra Madian. Probabile quoque est, quod retulit eis somnium illud et expositionem ejusdem. Dirisitque trecentos viros in tres partes, faciendo ex eis tres turmas ab invicem congruenter distantes. Et dedit tubas in manibus eorum, id est unicuique viro tubam unam, lagenasque vacuas potu seu aqua, non tamen penitus vacuas, quum subdatur, ac lampades in medio lagenarum: intelligendo per lampades, faculas ardentes quæ erant sic inclusæ lagenis, quod non lucebant exterius, ne advenientes ostenderent. Habebant autem tubas in dextera, lagenas cum lampadibus in sinistra. Et dixit ad eos: Quod me facere videritis, hoc facite. Servi enim et milites principem suum sequi et ei se conformare, obtemperareque debent. Ingrediar partem castrorum, et quod fecero, sectamini. Quando personaverit tuba in manu mea, vos quoque per circuitum castrorum clangite, et conclamate: Domino et Gedeoni.

Ingressusque est Gedeon, et trecenti viri in partem castrorum, incipientibus vigiliis noctis mediæ, quia tunc fortius dormierunt hostes, præsertim quia nil suspicabantur adversi. Gedeon autem et viri sui introierunt per gyrum castrorum, per tria loca, secundum quod erant in tres cuneos separati. Et custodibus Madianitarum suscitatis ex Israelitarum adventu, cæperunt buccinis canere et inter se lagenas complodere, id est repercutere. Quumque per gyrum castrorum in tribus personarent locis, et hydrias, id est lagenas, terreas*

Gen. XLV. 5-19.

* clangere

confregissent, quibus con fractis, lampades A refulgebant, *tenuerunt sinistris manibus lampades, et dextris sonantes tubas, clamaveruntque : Gladius Domini Dei Israel, et Gedeonis ;* atque, ut Josephus addit, *vacuas quoque pharetras secum tulerunt. Omnia itaque castra turbata sunt, id est, universi Madianitæ cum suis repente sunt excitati, confusi et territi, et vociferantes, ululantesque fugerunt : quia apparuit eis, quod tres magni exercitus, collisionem armorum facientes, irruerent super eos ; ex buccinatione quoque, et hydriarum confractione, B* et Israelitarum conelamatione, horribilis sonitus causabatur ; et tot faecularum lumina et splendores incutiebant terrorem. *Immisitque Dominus gladium in omnibus castris, et mutua se ciede truncabant : id est, sic confudit adversarios, quod se invicem occidebant, nec cognoverunt se invicem.*

Conclamantes autem viri Israel, illi videlicet, quos Gedeon fecit reverti, persecuti sunt Madian. Et dedit Dominus victoriam populo Israel in die illa. Misitque Gedeon nuntios in omnem montem Ephraim, dicens : Descendite in occursum Madian, et

occupate aquas usque Bethbera atque Jordanem, etc. Et ita Ephratæi quoque occurrerunt fugientibus Madianitis, nec permiserunt eos transire Jordanem. *Apprehensosque duos viros Madian, scilicet Oreb et Zeb, qui erant reges seu reguli Madianitarum, interfecit populus Ephraim, Oreb in petra Oreb, et Zeb in torculari Zeb.* Petra illa et torcular illud, sortita sunt ista agnomina ab eventu. Ex quo enim Ephratæi interfecerunt Oreb juxta lapidem magnum aut super illum, vocatus est lapis ille, petra Oreb : quæ petra, alia est ab illa de qua Moyses aquam produxit. Differunt quoque *Exod. xvn, 6.* nomina duo hæc Oreb, in modico apice, seu litteris, forsân etiam interpretatione. Torcular vero, in quo occisus est Zeb, ab eo cognominatum est torcular Zeb, id est torcular in quo occisus est Zeb. *Et persecuti sunt Ephratæi Madian, capita Oreb et Zeb portantes ad Gedeon trans fluenta Jordanis.* Sequenti capitulo scribitur, qualiter Gedeon transivit Jordanem, et post transitum illum facta est allatio ista capitum Oreb et Zeb ad Gedeonem : ideo hie recitatur per anticipationem. .

ARTICULUS XIV

EJUSDEM CAPITULI EXPOSITIO SPIRITUALIS.

MYSTICE, sicut præhabitu est, Gedeon Christum multipliciter præfiguravit : sed et nominis interpretatione D præsignavit eundem. Gedeon quippe interpretatur circuîens in utero, et ita significat illum qui secundum naturam assumptam, clausus in utero virginæ Genitricis, secundum divinitatis suæ incircumscriptibilem majestatem circuîvit, intra se clausit, et circumplexus est eam. Jerobaal vero interpretatur fortis contra Baal : et ita significat Dominum Salvatorem, omnium aerearum potestatum invictissimum debellatorem. Quod ergo Gedeon surrexit de no-

ete, hoc designat, quod Christus in primo suo adventu venit occulte ; in secundo quoque, sicut fur in nocte, sic veniet. Quemadmodum etiam Gedeon cum suis venit ad fontem, sic Filius Dei inter ceteros venit ad Jordanis fluenta, ut baptizaretur. *Erant autem castra Madian in valle : per quod insinuatur, quod omnes iniqui et justorum persectores jacent in bassitudine vitiorum, in falsitatis caligine, et propriis iniquitatibus sunt oppressi.*

Dirigitque Dominus ad Gedeon : Multus tecum est populus, etc. Per hoc edocemur, quantum displiceat Domino vana præsuum-

Marc. xiii, 32-36.

Luc. iii, 21 ; Matth. iii, 13.

ptio, et stulta confidentia in propriis viribus, gloria quoque inanis et commendatio sui ipsius. Itaque, si in spirituali praevalerimus conflictu, nequaquam dicamus quod viribus nostris praevaluerimus, quantumcumque in resistendo laboraverimus jejunando, orando, vigilando, plorando, aut aliis modis. Nam quamvis talia cooperentur et adjuvent ad triumphum, non tamen sine gratioso Dei succursu sufficiunt: imo et omnia illa sunt Dei dona, qui ea per nos misericorditer operatur. Ideo totis praecordiis omne bonum Deo jugiter adscribamus, qui per Osee testatus est: Perditio tua ex te, in me tantummodo auxilium tuum. Et per se ipsum: Sine me nihil potestis facere. Hinc fatetur Apostolus: Quid habes quod non accepisti? Itemque: Deus est qui operatur in vobis velle et perficere.

Cunctis audientibus prae dica: Qui formidolosus est, revertatur. Sacra Scriptura uberrime nos hortatur, omnem carnalem, mundanum, inordinatum timorem abjicere; spiritualiter vero, filialiterque timere, atque in Deo tota mente confidere. Nec utilis est ad spiritualia bella contra daemones et peccata, nisi qui exclusis vitiosis illis timoribus, sperat in Domino, et gratiae ejus innititur, atque in ejus indesinenti subsidio commoratur, quum Propheta decantet: Dominus illuminatio mea et salus mea, quem timebo? Dominus protector vitae meae, a quo trepidabo? Veruntamen, sicut in praelio corporali, ita in pugna spirituali, moderatus timor est necessarius, quatenus sicut ex Dei pietate et ope spem salutarem D concipimus, ita ex propriae fragilitatis et instabilitatis ac culpae intuitu vereamur. Sicque inter spem tanquam inter molam superiorem, et inter timorem salubrem, tanquam inter molam inferiorem, spiritualiter ac prudenter molamur, ita quod omnis duritia, praesumptio, incauta securitas, stulta audacia, frangantur ac dissipentur in nobis, simulque custoditi, solliciti ac timorati in omnibus. Quemadmodum autem major pars populi Gedeonis erat for-

midolosa et rediit, sic major pars populi christiani inordinatis succumbit timoribus, nec perseverat cum Christo.

Dixitque Dominus ad Gedeon: Duc eos ad aquas. Sic Deus Trinitas Christo homini jussit, ut ad aquas Baptismatis per se ac suos discipulos perduceret homines ipsum sequi volentes; ad aquas quoque sapientiae salutaris, et ad poenitentiae lacrimas. *Et ibi probabo eos:* quia qui vere observant, quae in Baptismo profitentur, filii sunt salutis, et electi a Deo; ceteri reprobandi. *Et de quo dixero tibi, ut tecum vadat, ipse pergat; quem ire prohibuero, revertatur.* Sicut et Christus in Evangelio contestatur: Nemo venit ad me, nisi Pater meus traxerit eum. Et rursus: Omne quod dat mihi Pater, ad me veniet. Praeterea, per eos qui stando biberunt, et manu ac lingua lambuerunt, intelliguntur boni et recti corde: qui opere et sermone serviunt Deo, agendo quod docent aut discunt. Per eos vero qui genu flexo bibebant, significantur, quorum corda terrenis carnalibusque curvantur. At vero per eos qui redierunt, antequam venirent ad aquas, sunt designati, qui aliquando credere in Christum proposuerunt; sed audito, quam areta sit via salutis, quam incomprehensibilia sint testimonia evangelicae legis, mutant propositum. Per eos autem qui ad aquas venerunt, catechumeni exprimuntur.

In trecentis viris liberabo vos. Per centenarium perfectio denotatur, idcirco per viros illos trecentos, signantur omnes viri perfecti primitivae Ecclesiae, in summam ac sanctam Trinitatem credentes: per quos aggressus est Christus totius mundi idololatriam extirpare, vanitates et vitia reprobare, et genus humanum vero Deo subjiicere. Quibus Christus dedit tubas in manu, id est virtutem sonorae et efficacissimae praedicationis. Unde et quosdam Apostolorum vocavit filios Tonitru; et omnibus dixit: Dabo vobis os et sapientiam, cui non poterunt resistere et contradicere omnes adversarii vestri. Dedit quoque eisdem lampades ardentes, id est miraculorum co-

Osee xiii, 9.

Joann. xv, 5.

I Cor. iv, 7.

Philipp. ii, 13.

Eccli. xv, 3.

Ps. lxxix, 6.

Joann. vi, 44, 37.

Matth. xix, 16-22; vii, 14.

Ps. xvi, 1.

Marc. iii, 17.

Luc. xxi, 15.

ruscationem, et auctoritatem excommuni-
candi rebelles, splendidissimasque virtutes. Insuper dedit eis lagenas seu hydrias
terreas, id est propriæ fragilitatis humilem
recognitionem, ne ex tam supernaturalibus
ac multiplicibus præclarissimis donis
extollerentur. Propter quod unus eorum
II Cor. iv, 7. in persona omnium fassus est : Habemus,
inquiens, thesaurum istum in vasis fictilibus,
ut sublimitas virtutum sit ex Deo. Confregerunt
quoque has hydrias, dum se ipsos pro fide
catholica variis lacerationibus, tormentis,
ac mortibus devotissime ac constantissime
exposuerunt. Sicque per hæc mundum legi
ac fidei Christi

A miraculosissime subdiderunt. Nam et ipsa
mundi conversio ad tam arduissimam legem
et incomprehensibilem fidem, omni miraculo,
per quod facta est, mirabilior cognoscitur.

Postremo, per hoc quod Gedeon missus
est ad tentoria Madian, ut audiret verba
loquentium, atque ex somnio et interpretatione
ipsius confirmaretur in Domino : præfiguratum
censetur, quod credentes in Christum, roborantur
in fide, non solum ex vaticiniis et oraculis
Prophetarum Moisaicæ legis, imo etiam vatum gentilium,
qui multa de Christo et ejus mysteriis sunt
præfati, ut Job, Balaam et Sibyllæ.

ARTICULUS XV

EXPOSITIO CAPITULI OCTAVI : DIXERUNTQUE AD EUM VIRI EPHRAIM.

QUID scentum sit præfatam victoriam
magnam et prosperitatem ingentem, nunc
recitatur. *Dixeruntque ad eum*, puta ad
Gedeonem *viri Ephraim*, scilicet Ephraim
qui occurrerant Madianitis : *Quid hoc
est quod facere voluisti, ut non nos vocares
quum ad pugnam pergeres contra Madian?*
quasi dicant, Irrationabiliter in hoc
egisti, et nostræ excellentiæ fecisti injuriam.
Ephraim isti fuerunt multum superbi
multis ex causis. Primo, quoniam Jacob
patriarcha prætulit ipsum Ephraim
secundogenitum sancti Joseph, primogenito
ejus D Manassæ. Secundo, quoniam Jacob
prædixit, quod tribus Ephraim major futura
esset tribu Manasse dignitate principatus
et numero personarum. Tertio, quoniam
Josue qui Moysi in principatu successit,
fuit Ephraim statim post tribum Juda sortem
suam accepit. Duæque tribus illæ tanquam
ceteris digniores vel bellicosiores, consti-

C tutæ fuerunt in duabus extremitatibus
terræ promissæ, quasi ad tutamen tribuum
aliarum : et quoniam ex arrogantia
generatur invidia, Ephraim isti inviderunt
triumpho et gloriæ Gedeonis. Nec forefecit
eis, non vocando eos ad pugnam, ad quam
nec tribum Juda reliquis præstantiorem
vocavit : atque ex rationabili causa hoc
creditur omisisse, et forte propter eorum
superbiam, ex qua forsitan dedignati
fuissent eum sequi. *Jurgantes fortiter* : quia,
ut Salomon loquitur, Inter superbos
semper sunt jurgia ; *et prope vim*, id est
quasi violentiam, *inferentes* duci ac
judici suo, scilicet Gedeoni : quia, ut
scriptum est in Proverbiis, Ubi fuerit
superbia, ibi erit et contumelia.

*Quibus ille respondit : Quid enim tale
facere potui, quale vos fecistis?* quasi
dicat : Fortiores et victoriosiores fuistis
in prælio isto quam ego. *Nonne melior
est racemus Ephraim vindemiis Abiezer?*
ac si loquatur : Pauci de vestra tribu plus

Ger. XLVIII,
20.

Ibid. 19.

Nom. XXVII,
18-23.

Josue XV,
XVI.

Prov. XIII,
10.

Ibid. XI, 2.

valent et fortius pugnaverunt, quam multi ex familia mea. Vel sensus est, quod paucæ personæ, videlicet duo reges occisi ab Ephraïtis, magis erant reputandæ, quam multi vulgares occisi a populo Gedeonis. Hinc subditur : *In manus vestras tradidit Dominus principes Madian, Oreb et Zeb. Quid tale facere potui quale vos fecistis? Quod quum locutus esset, requievit spiritus*, id est indignatio seu animositas, eorum qui tumebant contra eum, reputantes se eo nobiliores. Quærebant namque honorem, et in hoc detulit eis. Sicque in eo impletum est quod Salomon protestatur :

Prov. xv, 1.

Responsio mollis frangit iram.

Quumque venisset Gedeon ad Jordanem, transiit eum cum trecentis qui erant secum; et præ lassitudine, fugientes persequi non poterant. Dixitque Gedeon ad viros Socoth, id est ad habitatores urbis sic dictæ, juxta quam Jacob recedens ab Esau, tabernacula sua fixit, appellavitque nomen loci illius Socoth, id est tabernacula, ut in Genesi legitur. *Date, obsecro, panes populo qui mecum est, quia valde defecerunt fame et lassitudine.* Porro nomine panis designatur in Scripturis quicumque eibus. *Ut possimus persequi Zebee et Salmana reges Madian.* Jam dictum est, quod Oreb et Zeb erant reges Madian; nunc vero adjicitur, quod Zebee et Salmana erant reges Madianitarum. Quomodo ergo unum et idem regnum habuit simul reges tam multos? Ad quod dicendum videtur, quod isti fuerunt reguli et principes particulares, ita quod unusquisque eorum præfuit certæ parti regionis illius, sicut in terra Philistiim erant satrapæ quinque : et forte hi reges Madian, habuerunt super se unum totius regni sui generalem principalemque regem. Nam et in Numeris leguntur filii Israel occidisse quinque reges Madian, et tamen pro tunc Balac fuit principalis rex Madian, secundum quod in librum Numerorum dicunt expositores. *Responderunt principes Socoth*, id est rectores et superiores urbis illius : *Forsitan palmæ manuum Zebee et Salmana in manu tua sunt, et*

Gen. xxxiii, 16, 17.

Num. xxxi, 8; xxi.

idcirco postulas ut demus exercitui tuo panes. Ista fuit superba, subsannativa, et negativa responsio, tanquam dicant : Tu loqueris quasi jam certus sis de triumpho, et quasi jam ceperis eos qui multo potentiores te sunt. Viri isti nondum percepisse videntur, quemadmodum Gedeon superaverat Madianitas. Quibus ille ait : *Quum ergo tradiderit Dominus Zebee et Salmana in manus meas, et quum reversus fuero victor in pace, conteram carnes vestras cum spinis tribulisque deserti* : secundum quod infra legitur id fecisse. Fuit autem hæc urbs in terra promissionis prope Jordanem, et habitatores ejus fuerunt de populo Israel : ideo gravius peccaverunt, contra tribus suis necessaria alimenta negando, et Gedconi tam irrisorie respondendo. Denique, quia in isto fertur capitulo, quod Gedeon transiit Jordanem post primam pugnam, elicitur quod natus fuit ex ea media tribu Manasse quæ habitationem accepit ultra Jordanem cum tribubus novem in terra promissionis.

Josue xv, 48.

Ibid. xiii, 7.

Et inde conscendens, venit in Phanuel, id est ad oppidum sic vocatum, circa quod luctabatur Jacob, de Mesopotamia veniens, cum angelo, ut in Genesi habetur. *Et locutus est ad viros loci illius Phanuel similia*, sicut ad habitatores Socoth postulando cibaria. *Cui responderunt sicut responderant viri Socoth. Dixit eis : Quum reversus fuero victor in pace, destruam turrim hanc* : in qua tunc erant, qui ei sic responderunt, fuitque turris illa in civitate Phanuel nominata.

Gen. xxxii, 24, 30.

Zebee autem et Salmana requiescebant, quasi securi et nihil suspicantes adversi, cum omni exercitu suo, scilicet quindecim millibus. Unde subjungitur : *Quindecim enim millia remanserant ex omnibus turmis orientalium populorum, cæsis centum viginti millibus bellatorum. Ascendensque Gedeon per viam eorum qui in tabernaculis morabantur ad orientalem partem Nobe et Jegbaa, percussit castra hostium, etc.*, id est residuos Madianitarum, scilicet quindecim millia ista. Fuge-

runtque Zebec et Salmana, quos persequens Gedeon comprehendit, turbato omni exercitu eorum.

Revertensque de bello ante solis ortum, id est altero die valde mane, sicut ex textu insinuari videtur : tamen (ut fertur) in Hebræo habetur, De altitudine solis, id est ante solis occasum, sole adhuc existente alte in cælo : *apprehendit puerum de viris Socoth,* id est civem urbis illius, extra eandem, *interrogavitque nomina principum et seniorum Socoth,* ut eos occideret, quia aut soli, aut præ ceteris, erant in prædictis culpabiles ; *et descripsit septuaginta septem viros,* id est, tot principalium virorum nomina scripsit aut scribi jussit Gedeon ex ore illius pueri ; vel puer ille hæc scripsit. *Venitque ad Socoth, et dixit illis : En Zebec et Salmana, etc.* Quasi dicat : Jam videtis, quod Dei auxilio victor factus sum horum, et quod impia fuit irrisio vestra. *Tulit ergo seniores,* id est superiores, *civitatis,* quam potenter obtinuit ; vel viso tanto triumpho, non audebant ingressum negare ; *et spinas deserti ac tribulos, et contrivit cum eis atque comminuit viros Socoth,* id est, cum spinis illis ac tribulis fecit eorum corpora lacerari, vel per spinas illas ac tribulos traxit eos. *Turrinque Phaniel subvertit cum auxilio sui exercitus, occisis habitatoribus civitatis Phaniel :* non omnibus, sed illis qui sibi ex turre illa irrisorie responderunt, seu et eorum fautoribus.

Dixitque ad Zebec et Salmana : Quales fuerunt viri quos occidistis in Thabor, id est in monte illo vel circiter ? *Qui responderunt : Similes tui erant,* videlicet pulchri et fortes viri, *et unus ex eis quasi filius regis,* id est elegantior apparatu, forma ac robore, quasi filius regis fuisset. *Quibus ille ait : Fratres mei fuerunt, filii matris mee.* Ex quo apparet, quod erant fratres Gedeonis uterini, et ex sola matre ; vel more Scripturæ, per fratres intelligit cognatos. *Vivit Dominus :* quod fuit juramentum ex rationabili causa prolatum ; *quia si servassetis,* id est, non occidissetis

A eos, non vos occiderem ; sed pro misericordia illis exhibita, facerem vobis misericordiam. Dixitque Jether primogenito suo : Surge et interfice eos. Etenim juxta Mosaicam legem, propinquus occisi tenebatur occisorem tempore et loco opportuno occidere. *Qui non eduxit gladium. Timebat enim.* Non timebat quod capti illi sibi resisterent, sed timebat, id est, adhuc præ teneritudine ætatis et mollitie cordis, horrebat sanguinis effusionem, atque in principes tantos tam exornatos, formidavit mittere manum. *Quia adhuc puer erat,* scilicet nondum viginti annorum, quia in numeratione populi non computabantur, nisi qui ad minus erant viginti annorum : *qui et viri vocabantur, et ad bella procedere erant idonei, quantum est ex parte ætatis. Dixeruntque Zebec et Salmana : Tu, surge et irrue in nos, quia juxta ætatem et robur es* hominis,* id est, virilis ætatis es, et fortitudinem habes hominis bene dispositi. Viri illi animosi erubuerunt a puero perimi, et metuebant ex hoc post mortem pati diffamiam, sicut Abimelech læsus a muliere, jussit se a proprio occidi armigero, ne post mortem suam diceretur in ejus opprobrium, quod esset a femina interfectus. Poterant quoque citius occidi a Gedeone, quam a puero.

Surrexitque Gedeon, et interfecit Zebec et Salmana, et tulit ornamenta ac bullas, quibus colla regaliū camelorum decorari solent, id est, illa accepit, deponendo ea ab his qui utebantur eisdem. Bulla autem est ornamentum regaliū puerorum, equorum aut camelorum, præcipue circa collum, in rotunditate similis bullis quæ in aquis vento inflantur, quasi dicta a bulliendo. Accipitur quoque aliis modis.

Dixeruntque omnes viri Israel ad Gedeon, hoc est aliqui seu principales de singulis tribubus : Dominare nostri, tu et filius tuus primogenitus, seu magis idoneus, aut quem post te præesse volueris, et filius filii tui, hoc est usque ad tertiam generationem. Vel per hunc modum loquendi insinuabant, quod de cetero sem-

Num.
xxxv, 16-21.

Num. 1, 3,
45.

* est

Judic. ix,
53, 54.

per sibi ac posteris suis praessent Gedeon et posteri ejus. *Quia liberasti nos de manu Madian. Quibus ille ait : Non dominabor vestri, nec dominabitur in vos filius meus, sed dominabitur vobis Dominus : id est, Deus Israel erit Dominus vester, qui sibi reservavit dominium super vos, et judices vult vobis praesse, non per modum domini, sed directionis atque consilii. Quod qualiter intelligendum sit, in expositione primi capituli clarius est expressum. Unam petitionem postulo a vobis : Date mihi in-
 aures, id est aurea aurium ornamenta, ex
 praeda vestra, id est de spoliis occisorum. Inaures enim aureas Ismaelitae habere et etiam in auribus ferre consueverant. Ex hoc verbo apparet, quod Madianitae isti fuerunt Ismaelitae. Contra quod argui potest, quoniam Madianitae descenderunt de Abraham per Madian filium Ceturae, Ismaelitae autem per Ismaelem filium Agar, sicut in Genesi patet. In oppositum argui potest, quoniam in Genesi legitur Joseph venditus Madianitis Ismaelitis. Ad istud Augustinus respondet, quod vel Ismaelitae habitando in terra Madian, dicti sunt Madianitae, vel ex mutuo matrimonio ; vel Agar et Cetura erant mulier una, secundum quod dicunt Hebraei. Et si hoc ultimum diceretur, consequenter (ut videtur) dicere oporteret, quod unus filiorum Ceturae, scilicet Madian, sit idem qui Ismael.*

*Qui responderunt : Libentissime dabimus : nec immerito, quia victoriam et maximam opulentiam erant per Gedeonem sortiti. Expandentesque pallium projece-
 runt in eo inaures de praeda, et fuit pondus inaurium mille septingenti sicli auri, absque ornamentis et monilibus et veste purpurea, quibus Madian reges uti soliti erant, et praeter torques aureas camelorum. Fecitque ex eo, puta ex pondere tanti auri seu inaurium aurearum, Gedeon ephod, id est vestimentum seu ornamentum sacerdotale, imo et pontificale, quod et superhumeralis vocatur. Et posuit in civitate sua Ephra. Circa hoc Magister in historiis ait : Per ephod quod est dignius*

vestimentum pontificis, intelligitur quod Gedeon fecerit sibi omnia pontificalia indumenta. Et fecit in Ephra tabernaculum et altare, praeter illud quod erat in Silo. Et factus sacerdos, immolavit super illud hostias Domino. Alii quoque latentur, quod tactus quadam indiscreta devotione, haec fecit, sicut et Ozias rex thurificare praesumpsit. Voluitque Gedeon in urbe et domo sua habere cultum Dei, sicut habebatur in Silo.

Circa haec quaeritur, quando Gedeon fecerit ista. Ad quod Augustinus respondet, quod circa finem vitae suae, non statim quando inaures accepit. Unde dicit, istud de ephod hic recitari per prolepsim, id est anticipationem : quia, ut Augustinus videtur innuere, si Gedeon antea haec fecisset, terra non requievisset tot annis, videlicet quadraginta, sub ejus regimine. Addit tamen Augustinus, quod si fecit haec ante, non circa finem vitae suae, Deus patienter hoc tulit, ut pax perseveraret in terra : quia etsi contra legem haec egerit, non tamen longe recessit a lege, quae talia in tabernaculo fieri jussit in Dei honorem. Iterum quaerit Augustinus, quomodo de tanto auro factum sit unum ephod. Ad quod inquirendo respondet in primis, quod forsitan totum ephod aureum fuit, atque tam solidum ex materia auri, quod per se potuit stare erecte. Deinde adjungit, quod forte per ephod, tanquam per dignius, intelliguntur alia sacerdotalia ornamenta : nempe in lege erat praecceptum, ut fieret ephod non ex auro dumtaxat, sed item ex hyacintho, purpura, cocco bis tineto et bysso. Interdum vero accipitur ephod pro linea veste. Unde et mater Samuelis legitur suo filio ephod tulisse. Et secundo Regum narratur, quod in deportatione arcae, indutus sit David ephod lineo.

Fornicatusque est omnis Israel in eo. Hoc aliqui sic exponunt, quod licet Gedeon non sit usus hoc ephod in idolorum obsequio, tamen post mortem ejus filii ejus fecerunt hoc. Augustinus vero exponit sic, quod fornicati dicuntur Israelitae in ephod

Gen. xxv,
2, 12.

Ibid. xxxvii,
28.

II Par. xxi,
19.

Exod.
xxviii, 6.

I Reg. ii,
18, 19.

II Reg. vi,
14.

illo per hoc, quod consenserunt his, quæ A
Gedeon contra legem fecit, et communica-
verunt ei in culpa. Fornicatio equidem, in
Scripturis pro quacumque mortali accipi-
tur culpa, non solum pro carnali fornica-
tione et idololatria. *Et factum est Gedeoni
et omni domui ejus in ruinam*: quia Ge-
deon peccavit in his, et filii sui communi-
caverunt ei in culpa hac. Propter quod
Deus justo judicio permisit omnes filios
ejus legitimos (uno dempto) occidi, juxta
modum in sequenti capitulo scriptum.

Judic. ix, 5.

Et humiliatus est Madian coram filiis B
Israel, id est, divina virtute victi sunt et
dejecti per Israelitas, *nec potuerunt ultra*
cervices elevare; sed quievit terra per qua-
draginta annos, quibus præfuit Gedeon,
sub cujus præsentia non sunt inquinati
idololatria.

*Habuitque septuaginta filios, qui egressi
sunt de femore ejus, et forte aliquas filias,*
eo quod plures haberet uxores. Concubina
autem illius genuit ei filium nomine Abi-
melech. Quæritur an concubina illa fuit
uxor ejus legitima, an adultera. Videtur
quod fuerit uxor ejus, quia vir sanctus
fuit, non adulter. Ergo qua ratione Abra-
ham, Jacob et David excusantur ab adulte-
rio, quamvis concubinas habuisse dicantur,
quamvis de concubitu cum Bethisabee
David non excusetur: qui tamen concubi-
nas habuisse leguntur, quoniam concubinæ
in Scripturis frequenter vocantur uxores
minus principales; sic excusandus videtur
et Gedeon. In oppositum argui potest, quod
concubina hæc Gedeonis non habitavit cum
eo in Ephra, sed remote ab eo in Sichem. D

Gen. xvi, 1-
4; xxx, 3-5;
II Reg. v, 13.

Ibid. xi, 4.

Hebr. xi,
32.

Ad istud quidam dicunt, quod fuit uxor
ejus secundaria et adjuncta. Alii opinan-
tur oppositum; sic tamen, quod concubina
illa non fuit pro tunc alterius uxor. Nam
et in Scholastica fertur historia, quod Abi-
melech fuit naturalis filius Gedeonis et spu-
rius. Sed mirum, si tantus vir qui præfuit
populo Dei, et inter Sanctos ab Apostolo
numeratur, fuit concubinarius et adulter:
nisi forte quis putet, quod ex dispensati-
one divina habuerit eam, secundum quod

infra de Samsone dicetur quod filiam
Philistinorum duxit in conjugem: quod
secundum legem ei non licuit. Sed quia
peccare humanum est, si mulier illa non
fuit Gedeonis uxor legitima, credendum
videtur quod non diu mansit in illo pec-
cato, si illicite habuit eam: quo dato, cer-
tum est quod vere inde pœnituit. Nam
subditur, *Mortuusque est Gedeon in sene-*
ctute bona: quod de nullo præcedentium
judicium scriptum est, ne forte de salvati-
one et sanctitate Gedeonis quis ambigat,
quoniam reprehensibilia quædam de eo
jam scripta sunt; *et sepultus est in sepul-*
cro Joas patris sui in Ephra de familia
Ezri.

Postquam autem mortuus est Gedeon,
aversi sunt filii Israel mente a Deo, tan-
quam ingratis ac pessimi, atque ad
omne malum pronissimi, præsertim ad ido-
latriam; *et fornicati sunt per idololatriæ*
erimen cum Baalim. Percusseruntque cum
Baal fœdus, ut esset eis in deum: quo-
niam firmiter statuerunt, promiserunt, seu
juraverunt, de cetero in ejus cultu perse-
verare, secundum quod electi Israelitæ
quandoque percusserunt fœdus cum Do-
mino, quod esset eis in Deum. *Nec recor-*
dati sunt Domini Dei sui, qui toties et
tam pie eruit eos de manibus inimicorum
suorum omnium per circuitum; nec fece-
runt misericordiam cum domo Jerobaal:
id est, beneficiis ejus fuerunt ingrati circa
filios ejus legitimos principales, quorum
nullum assumpserunt in judicem, nec cru-
delissimam eorum occisionem mox ulti
sunt. Præterea Augustino testante, et ha-
betur in Glossa, post mortem Gedeonis,
gravius transgressi ac fornicati sunt filii
Israel, quam ante propter ephod præfa-
tum, quo in idololatria usi dicuntur. Sed
mirum videtur, si Gedeon peccavit in usu
ephod atque officio sacerdotum, quod non
fuit punitus a Deo, quemadmodum Ozias
rex Israel: qui quum thurificare cœpisset,
mox percussus est lepra, quum tamen Ozias
multo minus se intromiserit de officio sa-
cerdotali, quam Gedeon; nec increpatus a

Judic. xiv,
1-4.

II Par.
xxvi, 19.

sacerdotibus, aut aliquo viro sancto, aut A
 Propheta. Si autem increpatus fuit, cur
 non pœnituit et dimisit? Quod si pœnituit
 et cessavit, cur non abstulit aut destruxit
 ea quæ fecit? Si vero peccavit in illis con-
 tra legis præceptum, id est mortaliter, nec
 inde pœnituit, non esset salvatus. Hinc
 quidam sunt opinati, quod nec peccavit in
 illis, sed ex dispensatione divina usus est
 sacerdotis officio, et per consequens ephod,
 sicut et supra legitur sacrificium obtulis-
 se. Hæc tamen opinio debilis comproba-
 tur, quia, ut in expositione sexti capituli B
 patuit, Gedeon non obtulit sacrificium il-
 lud Deo, sed præsentavit illud ei, qui sibi
 apparuit, ut per illum Deo immolaretur.
 In textu quoque manifeste asseritur, quod
 factum est Gedeoni in ruinam. Augusti-
 nus item et Thomas, Glossa, Magister in hi-
 storiis, et alii viri catholici communiter
 tenent oppositum. Hinc demum inconve-
 nienter quidam hic scribit, quod Gedeon
 sacrificium obtulit Deo ex dispensatione
 divina, dum angelus sibi primo apparuit.

Sensus
 moralis.

Moraliter ex prædictis discamus tam san- C
 cti Gedeonis, quem Origenes in homilia
 vocat sanctissimum, humilitatem patien-
 tiamque sectari. Qui molli et humili re-
 sponsione superborum et injuriantium jur-

gia, et quasi violentiam quamdam tam
 mansuete sustinuit, tamque humiliter su-
 peravit atque exstinxit, et ante apostolica
 documenta vicit in bono malum. Si tantus *Rom. xii,*
 judex ita ad subjectos se habuit, quanto ^{21.}
 magis ad proximos, pares et superiores
 debemus nos ita habere, et superba dura-
 que verba vitare; quoniam sermo durus *Prov. xv, 1.*
 suscitatur furorem, imo et pias mentes ex-
 asperat. Sed nec armatis precibus con-
 emur aliquid extorquere a proximis, potis-
 sime a præsidentibus, quum et Gedeon
 tam humiliter postularit ab inferioribus
 sibi aureas dari inaures. Postremo, quo-
 niam Gedeon ex vehementi quodam fervo-
 re et zelo divini honoris, ad præfatos ex-
 cessus in factione usuque ephod dilapsus
 est, videamus ne et nos aliqua indiscretione
 præcipitemur: imo quo major est fervor,
 eo et majus instat periculum, nisi discre-
 tione regatur. Exemplo quoque virorum
 Socoth et Phaniel, omnem subsannatio-
 nem atque irrisionem injustam, præsertim
 superiorum ac sapientiorum, prorsus vi-
 temus, ne et similia eis, aut certe pejo-
 ra incurramus tormenta. Nam et Salomon
 contestatur: Illusores Deus illudet. Et Isaias *Ibid. iii, 34.*
 ait: Nolite illudere, ne constringantur vin- *Is. xxviii,*
 cula vestra. ^{22.}

ARTICULUS XVI

DECLARATIO LITTERALIS CAPITULI NONI: ABIIT AUTEM ABIMELECH FILIUS JEROBAAL.

OPPOSITA juxta se posita, clarius in- D
 notescunt: ideoque inseritur hic hi-
 storia unius impii præsidentis in Israel, ex
 cujus malitiis, aliorum judicium bonitas
 evidentius innotescit. Alii etenim judices
 filios Israel liberaverunt, reformaverunt et
 conservaverunt in statu bono; iste econ-
 trario eos corripuit, vastavit, destruxit.

*Abiit autem Abimelech filius Jerobaal,
 in Sichem ad fratres matris suæ, et locu-*

*tus est ad eos et ad omnem cognationem
 domus patris matrisque suæ*.* Sichem in- ^{* matris}
 terdum est nomen viri, aliquando urbis, ^{sive}
 quandoque territorii. Nunc autem accipitur
 pro oppido, quod fuit in tribu Ephraim.
 Eratque urbs refugii, prout in Josue libro *Josue xx, 7.*
 continetur. Unde videtur quod concubina
 hæc Gedeonis fuit ex Ephraim tribu nata.
 Ex quo ultra elici probabiliter potest, quod
 non erat uxor Gedeonis, cui secundum le-

gem non licuit ex aliis tribubus ducere conjugem. *Dicens : Loquimini ad omnes viros Sichem : Quid vobis est melius, ut dominantur vestri septuaginta viri omnes filii Jerobaal, an ut dominetur vobis vir unus ?* quasi dicat : Multo plus expedit vobis, ut ego solus vobis præsimum, quam tot viri. Nec dubium quin expedientius sit, unum habere principem bonum, quam multos qui præsint, quum et teste Philosopho, pluralitas principum mala sit. Propterea principatus monarchicus amplius commendatur : nihilo minus melius est, multos bonos habere rectores, quam unum malum ; nec consequens fuit, quod omnes illi septuaginta filii Gedeonis præsuisent simul post patrem suum, si unus iste non præsideret. Ipse tamen sic loquebatur, quasi omnes illi optarent præsese. Denique iste Abimelech fuit aperte et inverecunde ambitiosus, non obstante quod fuit de concubina, imo et ancilla (ut infra habetur) natus. Quumque virtuosus pater ejus offerentibus sibi dominium dixerit, Non dominabor vestri, nec dominabitur in vos filius meus, iste palam locutus est, dominari se velle. Deinde persuasionem adjungit, quod ipsum potius debeant promovere. *Simulque considerate, quia os vestrum et caro vestra sum, id est frater et consanguineus vester.* Propter quod mihi favorabiliores esse debetis, et ego promotus, vicem vobis rependam et committam officia : quum tamen principatus debeat virtuti magis quam carnali origini. Unde nec alicui alteri judicii bono legitur in præsidentia suus filius successisse.

Locutique sunt fratres matris ejus de eo ad viros Sichem, et inclinaverunt cor eorum post Abimelech, dicentes : Frater noster es. Dederuntque ei septuaginta pondo argenti. Pondo, indeclinabiliter sumptum, designat idem quod pondus vel libra. Dederunt itaque ei tantam pecuniam, ut moris est novis principibus munera dare. *De fano Baalberith.* Complexum istud. Baalberith, est nomen fani seu templi illius sacrilegi, in quo Sichimitæ illi per-

ausserunt fœdus cum Baal, quod esset deus eorum. Nam Berith interpretatum, dicitur fœdus. In Scholastica autem historia fertur, quod juraverunt huic Abimelech in fano Baal, quod scilicet haberent eum pro principe : ideoque vocatum est fanum Baalberith, quoniam Berith conjuratio interpretatur. *Qui conduxit sibi ex eo, scilicet præfato argento, viros inopes et vagos, et secuti sunt eum,* qui putabant oportere undequaque acquirere, etiam ex iniquo, nec necessaria vitæ volebant per honestos procurare labores. Ideo pro pecunia sanguinem innoxium effundere erant parati. *Et venit in domum patris sui in Ephra, et occidit fratres suos septuaginta viros, auxiliantibus ei illis latrunculis, super lapidem unum, uno tamen excepto.* Unde videtur, quod primo cepit et fecit eos teneri, deinde successive occiderit aut decollaverit eos. Ecce quam inhumana crudelitas ! Ecce ad quanta facinora trahit ambitio ! Timuit quippe Abimelech, quod fratres sui resisterent suæ promotioni, aut ab aliis tribubus acceptarentur in iudices. *Remansit autem Joatham filius Jerobaal minimus, id est junior, et absconditus est : quia se ipsum abscondit, vel alii hoc fecerunt, nec eum fratribus suis ab Abimelech est inventus.*

Congregati sunt autem omnes viri Sichem, et universæ familiæ urbis Mello, id est sic appellatæ. Mello autem tertio Regum libro, pro quadam voragine sumitur. Abieruntque et constituerunt regem Abimelech juxta quercum quæ stabat in Sichem : non quod fuerit proprie rex, nec toti præfuit Israelitico populo, sed Sichimitis. Sicque nomen regis extense nunc sumitur, sicut in Genesi, ubi secundum nostram translationem dicitur Abrahæ, Princeps Dei es apud nos, Septuaginta transtulerunt, Rex Dei es apud nos. Porro Saul fuit primus rex Israel, loquendo de regibus proprie dictis, qui generale habuerunt dominium.

Quod quum nuntiatum esset Joatham jam præfato, ivit et stetit in vertice montis Garizim : de quo monte in libro Josue habetur : elevataque voce clamavit, ut au-

Judic. ix.
18.

III Reg. xi,
27.

Gen. xxiii, 6.

I Reg. x, 1.

Josue viii,
33.

directur a Sichimitis, remote inferius stantibus : *Audite me, viri Sichem, ita ut audiat vos Dominus*, id est, verba et opera vestra pravissima audire et scire se pandat per debitam ultionem : quod zelo justitiæ iste Joatham protulit. *Ierunt ligna*. Joatham parabolice locutus est illis, qui manifestatam veritatem noluerunt audire, et ipse infra propriam parabolam pro magna parte exponit. Itaque sensus hujus litteræ est, non ille quem verba immediate designant, sed quem res significatæ per verba ista, significant. Ait ergo : *Ierunt ligna, ut ungerent super se regem* : id est, filii Israel solliciti fuerunt pro obtinendo rectore idoneo, pro qua re sæpe occupati fuerunt. *Dixeruntque olivæ : Impera nobis*. Per olivam, potest intelligi quæcumque persona pietate abundans, quam sibi petierunt præesse, ut Debora prophetissa. *Quæ respondit : Numquid possum deserere pinguedinem meam*, videlicet oleum, *quæ et dii utuntur et homines*, dii videlicet in luminaribus templorum, et homines in præparationibus eibariorum ac medicinarum, *et venire, ut inter ligna promovear*, id est, popularibus negotiis inquietari ? Sieque per pinguedinem olivæ, intelliguntur internæ affectiones pietatis et misericordiæ spiritualis : quæ per exteriores occupationes sæpe interrumpuntur. Propter quod virtuosæ personæ prælationem sæpe refugiunt. *Dixeruntque ligna ad arborem ficum : Veni, et super nos regnum accipe*. Potest per ficum intelligi Baræ, qui suo triumpho maxime consolatus est filios Israel. *Quæ respondit : Numquid possum deserere dulcedinem meam fructusque suavissimos*, id est exercitationes virtuosas, et interiores consolationes eis annexas, *et ire, ut inter cetera ligna promovear* ? secundum sensum præhabitu.

Locuta sunt quoque ligna ad vitem : Veni, et impera nobis. Quæ respondit : Numquid possum deserere vinum meum quod lætificat Deum et homines, et inter ligna cetera promoveri ? Non quod Deus in sua natura vino utatur, sed quia læta-

tur Dominus in operibus suis, imo potius in se ipso, quod talis et tantus est, ut tam præclarus et incomparabilis sit in suis effectibus, juxta illud : Non est similis tui in diis, Domine, et non est secundum opera tua. Qui et omnipotentiam, sapientiam et bonitatem suam in vite excellenter declarat, de ligno tam vili ac tenui quam vigorosissimum ac utilissimum produciens liquorem. Vel dicitur vinum lætificare Deum, quoniam ministros templi sui exhilarat. Potest autem per vitem Gedeon designari, qui instar vitis fructificavit in prole, et lætificavit filios Israel suo triumpho, atque ex contemplatione Dei et apparitionibus angeli sancti repletus est gaudio. Hi omnes, sicut et ceteri judices boni, noluerunt sibi dominium super filios Israel usurpare, sed per modum prudentialis directionis humiliter præfuerunt. Dixeruntque omnia ligna ad rhamnum : Veni, et impera super nos. Per omnia ligna hæc, designantur Sichimitæ prædicti ; per rhamnum vero, Abimelech. Rhamnus est genus rubi primo molle, deinde spinosum, quod inter ligna habet naturam producendi ignem ex se, dum vento agitur, ut Josephus contestatur. Quæ respondit : Si vere me constituitis regem vobis, venite et sub mea umbra requiescite. Sic et Abimelech exegit, ut Sichimitæ sub sua manerent protectione. Si autem non vultis sub mea requiescere umbra, egrediatur ignis de rhamno, et devoret cedros Libani, id est, principales ex vobis incendantur et occidantur a me, secundum quod infra in isto capitulo legitur factum.

Nunc ergo si recte, id est juste, et absque peccato constituistis super vos regem Abimelech, et bene egistis cum Jerobaal et cum domo ejus : qui quamvis jam mortuus erat, tamen in suis filiis est punitus et ingratanter tractatus ; et reddidistis vicem beneficiis ejus, qui pugnavit pro vobis, et animam suam dedit periculis, ut erueret vos de manu Malian. Quamvis etenim Gedeon ab angelo fuit de victoria assecutus, tamen secundum humanum judicium,

Ps. LXXXV,
8.

Judic. IV.

Ibid. IV, V.

magnis se exponere periculis, pergendo A cum paucis ad pugnam contra centum viginti millia hominum. *Qui nunc surrexistis contra domum*, id est posteros seu filios, *patris mei, et interfecistis filios ejus septuaginta viros*, uno tamen excepto, quia Scriptura minutias numerorum et temporum non curat nec computat, *super unum lapidem*. Ex hoc etiam patet, quod adjuutores Abimelech fuerunt ex populo Sichimorum, qui Ephratæi fuerunt. *Et constitutis regem Abimelech filium ancillæ ejus, videlicet Gedeonis, eo quod frater vester sit*. Si ergo recte et absque vitio egistis cum Jerobaal et domo ejus, hodie letamini in Abimelech, de ejus promotione, et ille letetur in vobis. Sin autem perverse egistis in his, egrediatur ignis ex eo, et consumat habitatores Sichem et oppidum Mello. Egrediaturque ignis de viris Sichem et Mello oppido, et devoret Abimelech. Per ignem, intelligitur quæcumque punitio seu persecutio gravis. Sicque maledictio ista post tres annos fuit impleta: quoniam rebellantibus Sichimitis, ipse Abimelech multos eorum igne occidit, alios gladio, protinusque fuit peremptus ab ipsis. *Quæ quum dixisset, fugit et abiit in Bera, habitavitque ibi ob metum Abimelech fratris sui*.

Circa hæc oritur quæstio. Dictum est enim, quod propter peccatum Gedeonis in usu ephod, deleta sit domus ejus: ergo Sichimitæ juste occiderunt filios ejus, et erant in hoc instrumentum divinæ justitiæ. Respondetur, quod quamvis Deus justo judicio permisit hoc fieri. Sichimitæ tamen ex impiis causis ad hoc faciendum sunt moti: nec ipsi fuerunt a Gedeone injuriam passi, sed beneficia multa et magna sortiti, ideo ingratiissimi ei effecti sunt.

Regnavit itaque Abimelech super Israel tribus annis. Misitque Dominus spiritum pessimum inter Abimelech et habitatores Sichem. Secundum Augustinum, istud intelligi potest factum a Domino permissive et imperative, ut sit sensus, quod Deus justo judicio voluit et permisit Sichimi-

tas adversus Abimelech concitari et tentari a pessimo dæmone, imo a multis dæmonibus sub suo principe agentibus, ad perturbandum ac dissipandum pravam illorum concordiam. Perversitas tamen intentionis dæmonum in talibus, non est imperative a Deo, qui non jubet peccata committi. *Qui cœperunt eum detestari, tanquam crudelissimum fratricidam, ambitiosissimumque tyrannum, et scelus interfectionis septuaginta filiorum Jerobaal, et effusionem sanguinis eorum, videlicet filiorum Gedeonis, conferre, id est retorquere, in Abimelech fratrem suum, et in ceteros Sichimorum principes, qui eum adjuverant*. Superius dictum est, quod Abimelech conduxit viros vagos et inopes, qui eum juverunt: quomodo ergo nunc dicuntur eum juvisse principes Sichimorum? Ad quod dicendum videtur, quod Abimelech in regem promotus, illos auxiliares suos in officiis magnis constituit. *Posueruntque insidias adversum eum in summitate montium. Et dum illius præstolarentur adventum, quatenus eum improvise occiderent, quia et insidias adversus eum posuerunt in montium summitate, exercebant latrocinia, agentes prædas de prætereuntibus, quos spoliaverunt aut etiam occiderunt, præsertim si erant de parte Abimelech. Nuntiatumque est Abimelech*.

Venit autem Gaal filius Obed cum fratribus suis, et transivit, id est ingressus est, Sichimam, scilicet territorium illud. Ad cujus adventum erecti, id est animati et roborati, habitatores Sichem, egressi sunt in agros, vastantes vineas, quæ ad Abimelech vel ejus auxiliares pertinebant, utrasque vinearum illarum calcantes, in aspersionem Abimelech: et factis cantantium choris, id est choreis, ingressi sunt fanum dei sui, et inter epulas et pocula maledicebant Abimelech, clamante Gaal filio Obed, viro potente et ambizioso, qui cupiebat, occiso Abimelech, præsidere populo illi: Quis est iste Abimelech? quasi dicat, Vilis et impius est, et nobis præesse indignus. Et quæ est Sichem, ut serviamus

ei? tanquam dicat, Præclara et vetus urbs A
est, in qua non decet tam vilem regnare.
Numquid non est iste filius Jerobaal? id
est, filius est Gedeonis nati ex tribu Ma-
nasse, cujus filius non habet jus regnandi
in terra hac tribus Ephraim. *Et constituit*
Zebul serrum suum principem, id est bal-
livum aut præfectum, *super viros Hemor*
patris Sichem, id est super nobiles habitato-
res oppidi hujus, in quo olim Hemor: qui
fuit tempore Abrahæ princeps et pater ur-
bis istius: qui et filium habuit nomi-
ne Sichem, ut in Genesi habetur. Sicque B
habitatores Sichem, quamvis Israelitæ et
Ephrataei, dicuntur viri Hemor, id est suc-
cessores ejus in possidendo et inhabitando
urbem hanc ipsam. Et forte aliqui ex reli-
quiis antiquorum illorum Amorrhæorum,
adhuc habitabant ibidem, sicut et in aliis
urbibus terræ promissionis. *Cur ergo ser-
viamus ei?* quasi dicat, Indigna premimur
servitute. Porro quod dictum est, Num-
quid non est filius Jerobaal? quidam ex-
ponunt quasi ironice dictum: ac si Gaal
dicat, Abimelech non est filius Gedeonis C
legitimus, sed spurius. *Utinam daret ali-
quis populum istum sub manu mea, ut*
auferrem de medio Abimelech.

* Dictum-
que est

Dictumque * Abimelech, id est, quidam
amici ipsius Abimelech suggererunt ei:
Congrega exercitus multitudinem, id est,
totum tuum exercitum collige, *et veni*.
Deinde subjungitur, quis ista insinuaverit
ipsi Abimelech. *Zebul enim, auditis ser-
monibus Gaal filii Obed*, qui dixerat, *Uti-
nam daret quis populum istum sub manu*
mea, ut auferrem de medio Abimelech, id D
est, ut ipsum occiderem, *iratus est valde*,
zelans pro domino suo. Verumtamen dis-
simulavit iram suam, ut deciperet ipsum
Gaal. Ideo subditur: *Et misit clam ad Abi-
melech nuntios, dicens: Ecce Gaal filius*
Obed venit in Sichimam cum fratribus
suis, et oppugnat adversum te civitatem,
id est, urbem Sichem conatur sibi allie-
re, subicere, et contra te provocare. *Surge*
itaque cum populo tuo qui tecum est, et
latita in agro, et primo mane oriente sole,

*irruere super civitatem. Illo autem adve-
niente adversum te, fac ei quod potueris.*

Surrexit itaque Abimelech cum omni, id
est toto, *exercitu suo nocte, et tetendit in-
sidias juxta Sichimam in quatuor locis*,
ne Gaal per aliquam viam posset effugere.
*Egressusque est Gaal valde mane de do-
mo, et stetit in introitu portæ civitatis*
Sichem. Surrexit autem Abimelech, etc.
*Quumque vidisset Gaal populum venien-
tem cum Abimelech, dixit ad Zebul*, qui
simulavit se esse fautorem Gaal: *Ecce de*
*montibus multitudo descendit. Cui ille re-
spondit: Umbras montium vides, quasi*
capita hominum, et hoc errore deciperis.
*Rursusque Gaal ait: Ecce populus de um-
bilico terræ descendit. Vidit enim Gaal ex*
alia parte terræ inferiore, in qua capita
montium non apparebant, alium cuneum
venire. Cui dixit Zebul: Ubi est nunc os
tuum, quo loquebaris, Quis est Abimelech,
ut serviamus ei? Nonne hic populus est
quem despiciebas? quasi dicat, Nunc re-
pressa est tua præsumptuosa locutio. *Egre-
dere, et pugna contra eum.*

*Abiit ergo Gaal, exspectante Sichimo-
rum populo belli eventum.* Fuit autem in
urbe illa intestina dissensio, quibusdam
faventibus ipsi Abimelech, aliis vero fa-
ventibus Gaal: ideireo nec fautores Abi-
melech exierunt in ejus auxilium, nec fau-
tores Gaal habitantes in Sichem secuti sunt
eum, sed omnes præstolabantur exitum pu-
gnæ. *Et pugnavit contra Abimelech, qui*
persecutus est eum fugientem Gaal, et in
urbem compulit eum fugere. Ceciderunt-
que ex parte ejus plurimi usque ad por-
tam civitatis, et Abimelech sedit in Ruma,
id est, cum exercitu suo ibi quievit, præ-
stolans iteratum exitum Gaal. *Zebul autem*
ipsum Gaal et socios ejus expulit de urbe
Sichem, nec in ea passus est commorari.
Sequenti ergo die egressus est populus, sei-
licet Gaal cum suis, in campum, etc. Dein-
de in littera recitatur, qualiter Abimelech
contra eum prævaluit. *Duce autem turme*
palantes, id est vagantes et palam curren-
tes, *per campum, adversarios perseque-*

bantur. Abimelech quippe in isto congressu divisit populum suum in tres turmas, quarum duæ persequabantur Gaal ac socios ejus. Porro *Abimelech* cum tertio cuneo omni die illo oppugnabat, id est obsedit, urbem Sichem, quam cepit, interfectis habitatoribus ejus, ipsamque destruxit ita, ut sal in ea dispergeret, in signum perfectæ victoriæ supra eam. Quod quum audissent qui habitabant in turre Sichimorum, quæ turris fuit sita scorsum, ingressi sunt fanum dei sui *Berith*, etc. Qui qualiter ibi occisi sunt igne et fumo, in textu, qui B planus est, recitatur.

Abimelech autem inde proficiscens, venit ad oppidum *Thebes*, quod circumdans, obsedit, cepit, et turrim in medio urbis sitam, ad quam habitatores urbis confugerant, nitebatur succendere. Fuerunt autem tres urbes vocatæ hoc nomine *Thebes*: una in Ægypto, de qua fuit sacra legio *Thebæorum*; alia in Græcia, a qua dicuntur *Thebani*; tertia in Judæa, de qua fuit *Elias*, et inde dicuntur *Thebitæ*. Et ecce una mulier fragmen molæ, id est magni saxi, desuper jaciens, illisit capiti *Abimelech*, et confregit cerebrum ejus. Secundum *Lynam*, in Hebræo habetur, Cervicem ejus: et addit, Si enim confregisset cerebrum ejus, statim mortuus fuisset, ut videtur. Potius puto, quod dictio illa Hebraica sit ad utrumque æquivoca. Nec sequitur, quod fracto cerebro, subito exspirasset: imo si cervicem ejus confregisset, ulterius loqui

III Reg.
xvii, 1.

A non potuisset infelix iste *Abimelech*. Idcirco melius translatum est verbum illud Hebræum in *Cerebrum*. Itaque cerebrum ejus confregit, id est, letaliter vulneravit. Qui vocavit cito armigerum suum, et ait ad eum: *Exagina gladium tuum et percutem*, id est, occide me qui ultra diu vivere nequeo, ne forte dicatur, quod a femina interfectus sim. Qui jussa perficiens, interfecit eum. Superbissimus ille humanum opprobrium magis quam Dei judicium formidavit; nec lieuit ei mortem suam sic accelerare, quia hoc æquivalenter fuit, se ipsum occidere: idcirco peccavit in hoc, sicut et *Saul* in proprium gladium ruens. Peccavit quoque, quia ex causa tam vana fecit sibi mortem infligi celeriore. ^{1 Reg. xxxi, 4.}

Illo quoque mortuo, omnes qui cum eo erant de *Israel*, reversi sunt in sedes suas. Et reddidit Deus malum quod fecerat *Abimelech* contra patrem suum. *Sichimitis* quoque, quod operati erant, retributum est, id est, pro suis excessibus digne puniti sunt. Et venit super eos maledictio *Jotham filii Jerobaal*, id est imprecatio mali pœnalis quod eis fuerat imprecatus: quod ex divino instinctu prænuntiasse videtur. Refert *Josephus*, quod pestem hanc passi sunt *Ephraïtæ*, eo quod contra *Gedeonem* tam superbe jurgati sunt. Sed (sicut nunc patuit) non solum ob hoc, sed et propter iniquitatem eorum in filios *Gedeonis*, et quia tam sceleratissimum fratricidam constituerunt sibi regem.

ARTICULUS XVII

EXPOSITIO EJUSDEM CAPITULI NONI SPIRITUALIS.

DOCEMUR in primis in isto capitulo, ex D parentum virtuositate aut sanetitate nequaquam præsumere aut inaniter nobis blandiri, quasi sufficiat nobis progenitores aut prædecessores sanctos habere. Ecce enim sanctus vir *Gedeon*, cum quo toties

D ore ad os locutus est angelus, vir præcipue pius et humilis, quam sceleratissimum, crudelissimum et ambitiosissimum habuit filium. Denique, per *Abimelech* figurati sunt omnes ambitiosi, qui præidente defuncto, ad principatum aut prælationem

adspirant, imo meliores ac doctiores præcedere ac impedire conantur; qui sibi ipsis sumunt honorem præsentia, pericula non pensantes, nec ponderantes quam durissimum fiet iudicium eis qui præsumunt. Tales instar Abimelech interficiunt omnes fratres suos, id est, eos quos sibi metumunt præferendos, per oblocutiones in aliorum cordibus annihilari nituntur, ut scilicet reputentur pro nihilo; atque in summum auxilium conducunt vagos et inopes, quia ad persequendum meliores se, sibi alliciunt homines leves, virtutibus destitutos. Specialiter quoque per Abimelech designantur, qui per potentiam, aut carnis propinquitatem, aut nobilitatem, vel certe per subornationes, preces, blandimenta, seu promissa aut munera adipisci conantur principatum aut prælaturam. Per Sichimitas vero designantur hi, qui talem eligunt aut promovent ob propria commoda, vel ex carnali amore: inter quos postea solet oriri turbatio magna. Immo si modicus error in principio, magnus erit in fine: quam maximus in principio error et excessus, quantum in processu augebitur? quamque intolerabilis in fine consistet? Ideo explicari non valet, quam multa et magna incidant crimina, qui taliter promoventur aut promovent. Totis ergo præcordiis vitemus omnia vitia ista, et subesse optemus ac obedire, non præsidere. Nempe quis est, qui ad prælationem afficitur, aut in ea manere lætatur, nisi qui divini rigorem iudicii non veretur, nec insufficientiam propriam, nec sua novissima intuetur?

Præterea, sicut Abimelech locutus est Sichimitis, *Quid vobis est melius, ut dominantur vestri septuaginta viri?* sic quidam ambitiosi aut invidiosi aliorum promotionem impedire conantes, et se ipsos quærentes, dicere solent his, quibus præficiendus est aliquis: Si ille aut ille fuerit vobis prælatus, faciet quidquid illi aut illi suggererint ei, sicque habebitis prælatos seu dominos multos. Melius igitur vobis est, ut me unum, aut eum quem vobis commendo, habeatis in præsentem, et vi-

cissitudinem vobis reddam, ac vestris consiliis et voluntatibus acquiescam. Itaque talibus præsentibus, eorumque subditis clamare potest vir bonus spiritualiter renovatus, designatus per Joatham, stans in monte, hoc est in Christo et ejus doctrina: *Ierunt ligna ut ungerent super se regem*: id est, homines christiani prælatum aut principem habere conati sunt, quia sine rectore nulla multitudo potest subsistere. *Dixeruntque olivæ: Impera nobis.* Quales viri per olivam, ficum et vitem sint intelligendi, ex præcedenti claret articulo. Viri autem hujusmodi virtuosissimi contemplativi, sicut adipe et pinguedine supernis charismatibus impinguati, virtuosissimis actibus assidue insistentes, prælationem et occupationem externam abhorrent, refugiunt, præsertim dum eos, a quibus petuntur, vident moribus suis non convenire, seu dueros et indurabiles esse. *Dixeruntque ad rhamnum: Veni, et impera super nos.* Per rhamnum, homines sæculares, carnales, passionati, mente et corpore incircumcisi, signati sunt. Et tales nunc communiter ad ecclesiasticas dignitates, principatus sive officia promoventur, dum propter peccata populi illud contingit, Deo in suo furore regem donante. Et quoniam tales fracti et reformati non sunt, faciliter et frequenter contingit, quod ignis indignationis, iræ, impatientiæ seu flamma cupiditatis ex eis egreditur, et eorum subjectos inflamat et vastat, ita quod contra se invicem præliantur et se mutuo demoliuntur, quemadmodum quotidie cernimus et deflemus.

Insuper, per Gaal et ejus fautores præfigurati censentur, qui superioribus suis incaute rebelles sunt, eisque depulsis aut trucidatis, præesse pro illis affectant: sicque contentiones, rebelliones, seditiones, pugnas, et devastationes terræ nascentium, urbium et villarum, pauperum quoque et innocentium oppressiones inducunt, et tandem ipsimet pessime pereunt. Heu! ista videmus quotidie fieri, quoniam pro episcopatibus et principatibus obtinendis, ista et consimilia sceleratissime fiunt.

Sap. vi, 6.

Ps. lxxii, 6.

Osee xiii,

11.

ARTICULUS XVIII

EXPLANATIO CAPITULI DECIMI : POST ABIMELECH SURREXIT DUX IN ISRAEL, THOLA.

PROCESSUS vitæ et gubernationis filiorum Israel sub duobus iudiciis, hic narratur. Quinta quoque eorum tribulatio describi incipitur. *Post Abimelech surrexit dux in Israel, Thola filius Phua patris Abimelech, vir de Issachar, qui habitavit in Samir montis Ephraim.* Iste fuit vir bonus, nec se ipsum ingessit, sed Deo sic disponente effectus est iudex, non sibi usurpans nomen regis, sicut Abimelech. *Et iudicavit Israel viginti et tribus annis* : sub cujus regimine, Deo, non idolis servierunt; *mortuusque est ac sepultus in Samir.* Sed quæstio oritur, quomodo potuit Phua iste esse patruus ipsius Abimelech, id est frater patris ejus, scilicet Gedeonis, quum Gedeon fuerit de tribu Manasse, et Thola de Issachar tribu? Ad quod Augustinus aliique respondent, quod Gedeon et Phua fuerunt fratres ex tribu matris, quæ successive duxit unum maritum de Manasse, alium de Issachar. Sed contra hoc argui potest, quod vir et uxor debebant esse de tribu eadem, exceptis Levitis. Respondetur, quod viri tenebantur accipere conjugem suæ tribus, ne fieret confusio sortium seu permixtio hereditatum, non autem e contra, quoniam feminae non habuerunt hereditatem, nisi quando parentes earum non habuerunt filium marem : sicque eadem femina diversarum tribuum viris poterat copulari. Unde et Saul de tribu Benjamin, filiam suam dedit uxorem David de tribu Juda. David quoque Achinoam Jezraelitem sumpsit in conjugem. Verumtamen his objici potest, quod in Numeris Dominus jubet : Omnes viri ducunt uxores de tribu et cognatione sua, et cunctæ feminae maritos de eadem tribu accipient : nec sibi commisceantur tribus, sed ita mancant ut a Domino separatæ sunt.

I Reg. xviii,
27.Ibid. xxv,
43.Num.
xxxvi, 7-10.

Hinc successit Jair Galaadites, id est de terra Galaad trans Jordanem, quæ ad tribum Manasse pertinuit : et ita vir iste fuit de tribu Manasse ; qui iudicavit Israel per viginti et duos annos, habens triginta filios, sedentes, id est, suo tempore equitantes, super triginta pullos asinarum, id est mulos, ut quidam exponunt : quum tamen muli ex asino et equa gignantur : ideo potest exponi de pullis asino et asina natis. Nam et Balaam super asinam equitavit, sed et Christus super asinæ pullum, qui non fuit mulus, sed asinus. Verumtamen, secundum Lyram, in Hebræo solum habetur, Pullos. Propter quod (ut referunt doctores) Hebræi per pullos intelligunt hic, equos juvenes et electos : quod non videtur idonee dictum, quia (secundum Origenem aliosque doctores) Hebræi nunquam leguntur equis usi ad equitandum, quum tamen David tot gesserit bella. Et Absalom super mulum sedebat, ut secundo Regum habetur. Et principes triginta civitatum, quæ ex nomine ejus sunt appellatæ Havoth-jair, id est oppida Jair, usque in præsentem diem in terra Galaad. Mortuusque est Jair ac sepultus in loco, cui est vocabulum Camon.

Num. xxi,

22.

Matth. xxi,

2, 3.

II Reg. xviii,

9.

Filii autem Israel peccatis veteribus jungentes nova, fecerunt malum in conspectu Domini, et servierunt diis alienis, videlicet Baalim et Astaroth : in quo notantur duæ idololatriæ. Et subjungitur de aliis quinque idololatriis in genere, in quibus variæ speciales idolorum culturæ comprehenduntur. Et diis Syriæ ac Sidonis, et Moab, et filiorum Ammon, et Philistiim ; dimiseruntque Dominum, et non coluerunt eum. Contra quos iratus Dominus, non per affectionis commotionem, sed per effectus similitudinem, tradidit

eos in manus Philistiim et filiorum Ammon, ut per illos punirentur, quorum deos colebant : per quod discerent, sibi nequaquam prodesse cultum deorum illorum, a quorum cultoribus specialiter opprimebantur, et a quibus diis non poterant adjuvari. Afflicti que sunt, et oppressi vehementer per annos decem et octo : in tantum, ut filii Ammon vastarent Judam et Benjamin et Ephraim. Afflictusque est Israel nimis. Et clamantes ad Dominum, dixerunt : Peccavimus tibi, etc.

Quibus locutus est Dominus. Dicunt Hebraei, quod per Phinees sacerdotem : quod videtur ficticium, quia Phinees secundum hoc fuisset circiter trecentorum annorum, sicut per tempora judicum, et annos quos sub Moyse et Josue habuit, posset probari. Verius igitur creditur, quod per alium sanctum virum, et forte Prophetam; sive per angelum, quoniam iste loquens, loquitur in persona Dei, nec præmittit nec adjungit, Hæc dicit Dominus, ut moris est Prophetarum. Numquid non Ægyptii et Amorrhæi, filii que Ammon et Philistiim, Sidonii quoque et Amalec et Chanaan, id est Chananaei, oppresserunt vos, et clamastis ad me, et erui vos de manu eorum? Sicut paulo ante expressæ sunt septem idololatriæ Israelitarum, ita nunc contra illos exprimentur septem gentes, a quibus afflicti sunt et erepti. Et tamen reliquistis me, et coluistis deos alienos. Ideirco non auldam, ut ultra vos liberem : quod comminative, non assertive, prolatus est; et sub conditione fuit intelligendum, videlicet nisi filii Israel se emendarent. Ite, et invocate deos D *quos elegistis, ipsi vos liberent in tempore angustiarum. Derisorie atque ironice dixit hoc Dominus.*

Dixeruntque filii Israel ad Dominum : Peccavimus, redde tu nobis quidquid tibi placet. Sic et David secundo libro Regum ait : Melius est ut incidam in manus Domini, multæ enim sunt misericordiæ ejus, ^{II Reg. XXV, 14.} *quam in manus hominum. Tantum nunc libera nos, id est, hoc potissimum deprecamur, ut saltem nunc pareas nobis, et ita nos emendabimus, quod non deveniemus ad talem articulum. Quæ dicentes, omnia idola projecerunt, et servierunt Domino Deo. Qui doluit super miseriis eorum, id est, per modum compatiens se habuit, cito subveniundo eisdem.*

*Itaque filii Ammon conclamantes, in Galaad fixerunt tentoria : contra quos congregati filii Israel, in Maspha castrametati sunt. Dixeruntque principes Galaad, id est principales in tribu et terra illa, singuli ad proximos suos : Qui primus ex nobis contra filios Ammon ceperit dimicare : unde videtur, quod magis infestabantur ab Ammonitis, quam a Philistæis; erit durus populi Galaad, id est filiorum Israel in Galaad commorantium, ita quod specialiter præerit eis. Itaque per hanc promissionem cupiebant aliquem virum idoneum animare ac provocare ad assumendum specialiter bellum tam periculosum et arduum, atque ad præliandum primo * in acie.*

* prima

Ex ista historia commendatur nobis fragilitas, ingratitude, perversitas hominum ineffabiliter magna, infinita quoque misericordia Dei. Ideo nullus desperet; et qui misericordiam Dei impetrare desiderat, incessabiliter clamet ad Dominum, et omnia vana phantasmata et objecta, occasiones peccandi et vitia, in quibus offenderat Deum, de corde suo prorsus abjiciat, confiteatur, et Domino obsequatur.

ARTICULUS XIX

ELUCIDATIO LITTERALIS CAPITULI UNDECIMI : FUIT ITAQUE ILLO IN TEMPORE
JEPHTHE GALAADITES.

QUINTÆ tribulationis filiorum Israel A historia, in præcedenti capitulo inchoata, nunc continuatur. *Fuit itaque illo in tempore Jephthe Galaadites* : quia fuit de territorio nomine Galaad, et item de civitate sic nominata, atque de semine viri nomine Galaad. Etenim Galaad quandoque est nomen terræ illius, quandoque urbis existentis in ea, aliquando viri, qui habitavit ibidem. *Vir fortissimus corpore*, postea quoque fortissimus in anima, quia vir sanctus, *atque pugnator*. ab actu ac peritia præliandi, *filius mulieris meretricis*, qui Jephthe natus est de Galaad, id est de viro sic appellato, qui fuit pater Jephthe. *Habitavit autem Galaad*, scilicet vir præfatus, *uxorem*, id est legitimam conjugem, aliam a meretrice prædicta, *de qua suscepit filios*, qui postquam creverant in ætatem fortitudinemque virilem, *ejecerunt Jephthe*, id est, eum a se ex aspersione, et forte ex invidia repulerunt, quia virilior ac robustior eis fuit. Nam infra ait : Nonne vos estis qui odistis me ? *Dicentes* : *Heres in domo patris nostri esse non poteris*, quia de adultera matre natus es, id est manzer seu spurius, ideirco noster coheres non eris. Porro non omnis meretrix exstat adultera, sed mater Jephthe concumbendo eum viro conjugato, adultera est effecta. Tamen (ut aliqui dicunt) in Hebræo et in libris correctis habetur, De adultera matre natus es. Quos ille fugiens atque deritans, *habitavit in terra Tob*, id est in regione sic dicta. *Congregatique sunt ad eum viri inopes et latrocinantes*, et quasi ducem* sequebantur. Dicunt aliqui, quod D non exercebant prædas et latrocinia, nisi in adversarios Israelitarum, quemadmo-

* princeps

dum David et viri ejus primo Regum leguntur prædati Amalecitas et alios quosdam gentiles : quod non videtur probabilitatem habere, quia et viri isti ad Jephthe profecti, infideles fuerunt. Et Jephthe erat ibi in terra gentilium ; nec Jephthe pro tunc curavit Israelitas defendere, a quibus ejectus fuit et despectus.

In illis diebus pugnabant filii Ammon contra Israel. Quibus fortiter instantibus, perrexerunt majores natu de Galaad, id est terræ seu cognationis illius, quæ fuit ex tribu Manasse : imo, ut in Numerorum libro habetur, Galaad fuit filius Machir filii Manassæ ; *ut tollerent in auxilium sui Jephthe* ; *dixeruntque* : *Veni et esto princeps*, id est judex noster, et pugna contra filios Ammon, id est, princeps belli esto adversus illos. *Quibus ille respondit* : *Nonne vos estis qui odistis me, et ejecistis de domo*, id est habitaculo et familia, *patris mei* ? Unde videtur, quod aliqui fratrum suorum inter istos fuerunt, vel fratres sui horum auctoritate ejecerant eum ; aut communitati imputat, quod a quibusdam ex ea peractum. *Et nunc venitis ad me necessitate compulsi*. Quasi dicat : Non facilius vobis credendum est, et necessitate ista cessante, infideles eritis mihi. *Dixeruntque* : *Ob hanc ergo causam nunc ad te venimus, ut proficiscaris nobiscum, sisque dux omnium qui habitant in Galaad*. Tanquam dicant : Quidquid sit de rebus præteritis, nunc ex amore et bona intentione venimus ad te. *Jephthe quoque dixit eis* : *Si vere, veritate rei et sermonis, venistis ad me pro causa prætaeta, ut pugnem pro vobis contra filios Ammon, tradideritque Dominus eos*, videlicet Ammonitas, in

manus meas, ero vester princeps? Si hoc A dixit ex desiderio præsidentis et proprii honoris, vituperabile fuit; si autem ex caritate, ut scilicet sua præsidentia traheret eos ad Dei cultum, et conservaret terram in pace, laudabiliter dixit hæc. *Qui responderunt ei: Dominus qui hæc audit,* id est cognoscit. Auris equidem zeli audit omnia.

Sap. 1, 10.

Ipsa mediator, id est inter nos præsens, *et testis est,* id est auctor, testis, ac iudex huius negotii, qui dixit per Jeremiam: Ego sum iudex et testis, *quod nostra promissa faciemus,* id est implebimus, constituendo B et tuendo te principem nostrum.

Jer. xxiv, 23.

Abiit itaque Jephthe cum principibus Galaad, fecitque cum omnis populus principem sui. Jephthe venit cum Galaaditis usque in Maspha trans Jordanem, in quo loco convenerant filii Israel, non solum viri de Galaad, ad tractandum, qualiter esset resistendum filiis Ammon. Quod ergo nunc dicitur omnis populus cum fecisse principem suum, intelligendum videtur de omnibus ibi collectis, non tantum de Galaaditis; feceruntque eum principem C sui ante victoriam. *Locutusque est Jephthe omnes sermones suos coram Domino in Maspha:* id est, primo humiliavit se coram Deo, et ejus invocavit auxilium, atque in omnium præsencia repetivit pactionem inter se Galaaditasque initam, pro ratificatione majori.

Et misit nuntios ad regem filiorum Ammon, qui ex persona sui dicerent: Quid mihi et tibi est, id est, quid causæ et rationis contra me habes, *quia venisti contra me, ut vastares terram meam,* id est terram filiorum Israel, quibus præsens, et terram in qua constitutus sum iudex? *Quibus ille respondit: Quia tulit,* id est, injuste et violenter abstulit et sibi subjecit, *Israel terram meam de jure,* quamvis non de facto, *quando ascendit de Ægypto, a finibus Arnon,* id est loci sic nuncupati, *usque Jaboc,* id est locum sic nominatum, *atque Jordanem. Nunc ergo cum pace redde eam mihi.* Quemadmodum in Numeris describitur, Schon rex Amorrhæorum jure

Num. xxi, 26, 23-25.

seu vi prælii abstulit regi Moabitarum magnam sui regni partem. Quumque Schon rex negasset filiis Israel transitum per regnum sui imperii, processissetque obviam filiis Israel ad pugnandum, tradidit eum Dominus cum omni terra ac populo suo in manus Israelitarum: qui extunc possederunt aliqua loca, quæ aliquando erant de regno Moabitarum. Et illa rex iste filiorum Ammon modo repetiit, quia ipse etiam nunc regnavit in Moab.

Per quos rursum mandavit Jephthe et imperavit eis, ut dicerent regi Ammon: Hæc dicit Jephthe, Non tulit Israel terram Moab, nec terram filiorum Ammon: id est, populus Israeliticus non abstulit Ammonitis aut Moabitis quidquam de regno eorum, quod pro tunc pertinuerit eis, quamvis aliqua abstulerunt, quæ aliquando pertinnerunt ad illos. Unde in Deuteronomio Dominus ait populo Israel: Non pugnes contra Moabitas, non enim dabo tibi quidquam de terra eorum. Et rursus ibidem: Non pugnes contra filios Ammon, non enim dabo tibi de terra eorum, quia filiis Lot tradidi eam. *Sed quando filii Israel de Ægypto conscenderunt, ambulavit* D *per solitudinem usque ad mare Rubrum, et venit populus Israel in Cades Barne, ut in Deuteronomio habetur. Misitque Israel nuntios ad regem Edom, id est Idumæorum, dicens: Dimitte ut transeam per terram tuam. Qui noluit acquiescere precibus ejus.* Hinc legitur in Numeris: Ecce

Deut. ii, 9, 19.

Ibid. i, 19.

Num. xx, 16-18.

Deut. ii, 4.

in urbe Cades positi, obsecramus ut nobis transire liceat per terram tuam. Cui respondit Edom: Non transibis per me, alioqui armatus occurram tibi. Verumtamen his objici potest, quod in Deuteronomio Dominus loquitur: Transibitis per terminos fratrum vestrorum [filiorum] Esau, qui habitant in Seir, et timebunt vos. Ad hoc aliqui dicunt, quod primo negavit, videlicet anno secundo egressionis Israel ex Ægypto; postea autem vel idem rex Edom, vel ejus successor, concessit filiis Israel transitum illum, anno scilicet quadragesimo egressionis præfatæ. Alii dicunt, quod nec

post concessit: et quod in verbis his, Transibitis per terminos, sumitur *per* pro *juxta*, ita quod transierunt juxta Idumæam, non per eam. Sed primum verius reor.

Misit quoque Israel ad regem Moab, pro licentia transeundi per regnum ejus, qui et ipse transitum præbere contempsit. Hoc in libris Moysis non habetur. Imo objici potest, quod in Deuteronomio filii Israel

Deut. II,
28, 29.

leguntur regi Hesebon nuntiasse: Concedas transitum nobis, sicut fecerunt filii Esau et Moabitæ. Ad quod datur responsio similis præcedenti. Mansit itaque in Cades, id est in illa solitudinis parte, non multum distante ab urbe Cades. Et circumivit ex latere terram Edom et terram Moab, post primam illam negationem licentiæ transeundi per terras illas. Unde in Deuteronomio habetur: Circuivimus montem Seir longo tempore. De hoc in Scholastica historia ex Josepho recitatur: Egrediens Israel de Cades, circumivit Idumæam, incedensque per desertum Arabiae, et prætergrediens Archim metropolim Arabum, venit in montem Hor. Venitque ad orientalem

Ibid. I.

plagam terre Moab, et castrametatus est trans Arnon, qui secundum Josephum, est fluvius de montibus Arabiae descendens, et per desertum fluens, erumpit in stagnum. Nec voluit intrare terminos Moab, Moabitæ invitis: libenter tamen intrasset, si annuissent. Arnon quippe confinium est terre Moab, juxta illud Numerorum: Arnon terminus est Moab, dividens Moabitas et Amorrhæos.

Num. XXI,
13.

Misit itaque Israel nuntios ad Schon regem Amorrhæorum qui habitabat in Hesebon, pro licentia eundi per terram ipsius, et dixerunt ei: Dimitte ut transeam per terram tuam usque ad fluvium. Qui et ipse despiciens Israel, non dimisit eum transire per terminos suos, id est, licentiam illam negavit, tamen impedire non potuit, quia paulo post fuit occisus: sed infinita, id est valde et ultra solitum numerosa, multitudine congregata, egressus est contra eum, id est Israeliticum populum, in Jasa, id est loco sic nuncupato, et

A fortiter resistebat. Tradiditque eum Dominus in manus Israel cum omni exercitu suo, et percussit eum, et possedit Israel omnem terram Amorrhæi, videlicet Schon regis Amorrhæorum, et universos fines ejus de Arnon usque Jaboc. Estque Jaboc (secundum Josephum) fluvius quidam. Et de solitudine, quæ est inter Egyptum et Chanaan, usque ad Jordanem. Hinc scriptum est in libro Numerorum: Misit Israel nuntios ad Schon regem Amorrhæorum, qui concedere noluit ut transiret Israel per terminos suos, quin potius exercitu congregato, egressus est obviam in desertum, et percussus est in ore gladii ab Israel, et possessa est terra ejus ab Arnon usque ad Jaboc et filios Ammon. Rex Schon pugnavit contra regem Moab, et tulit omnem terram quæ ditionis illius erat usque ad Arnon.

Num. XXI,
21, 23, 24,
26.

D Dominus ergo Deus Israel subvertit Amorrhæum, pugnante contra illum, scilicet contra regem Amorrhæorum jam dictum, populo suo Israel. Et tu nunc vis possidere terram ejus, id est terram illam populi Israel, quam acquisivit tam jure belli quam dono Dei, cujus sunt omnia, et qui dat terram quaecumque jure creationis ac summi dominii cuicumque voluerit? Nonne ea quæ possidet Chamos deus tuus, tibi jure debentur? Hoc sonare videtur, quasi Jephthe putaverit quod falsus Ammonitarum deus, qui Chamos vocatur, possederit terram illam, aut eam contulerit regi ac populo Ammon, ut hac ratione eis debetur de jure. Verum, ut tangit Augustinus, Jephthe hæc protulit secundum vanam opinionem ac reputationem ejus, cui hæc nuntiavit, secundum quod consuetudo Scripturæ est, negotia recitare secundum hominum æstimationem pro tempore illo currentem. Quemadmodum autem cultores veri Dei, vero Deo adscribunt ea quæ habent ac obtinent: ita falsorum cultores deorum, diis suis suas possessiones victoriasque attribuunt. Quæ autem Dominus Deus noster victor obtinuit, id est, potenter et juste incredulis indignisque abstu-

lit, et nobis largitus est, *in nostram cedent possessionem*. Tanquam dicat, arguens per locum a majori : Si tibi debentur, quæ a deo tuo falso te putas habere, multo plus nobis debentur, quæ auctoritate atque auxilio Dei veri sumus adepti.

Nisi forte melior es Balac filio Sephor, rege Moab, qui conduxit Balaam ad maledicendum filiis Israel. Quasi dicat : Tu non habes majus jus repetendi hanc terram, quam Balac, qui fuit rex Moab, quando a filiis Israel percussus est Schon rex Amorrhæorum, et tamen Balac non repetiit eam. *Aut docere*, id est per scripta idonea probare, *potes*, quod *jurgatus sit contra Israel*, et *pugnaverit contra eum*, id est, quod præfatus Balac, aut aliquis ejus successor, moverit litem et pugnam pro terra hac recuperanda contra populum Israel, *quando habitavit*, id est toto tempore quo populus Israel commoratus est, *in Hesebon*, id est in urbe sic nominata, *et viculis ejus*, et in *Aroer* urbe : quas a rege Amorrhæorum jure belli obtinuit, sicut et ille eas acquisivit a rege Moab ; et *in villis illius*, C *vel in cunctis civitatibus juxta Jordanem* Israeli a Deo collatis : habitavit, inquam, *per annos trecentos*. Qui anni numerandi sunt a tempore quo Schon rex a filiis Israel victus est, usque ad tempus quo Jephthe hæc dixit : qui per verba hæc probat sibi ac populo suo attinere terram illam jure præscriptionis, eo quod infra tot annos sine impetitione possederint eam, etiam titulo justo. Porro præfati anni trecenti sic computantur : nempe post Schon occisionem Moyses vixit ad tempus, ita quod D unus annus computatur sub eo. Scriptura vero non exprimit quamdiu præfuerit Josue : post quem et Caleb fertur aliquantulum præfuisse ; Othoniel vero præfuit annis quadraginta, Aod octoginta, vel saltem tam diu quievit terra per eum, Samgar anno (ut dicitur) uno, Debora et Barac per annos quadraginta, Gedeon totidem, Abimelech annis tribus, Thola annis viginti tribus, Jair viginti duobus. Si autem ex horum adunatione annorum non consurgit inte-

gra summa trecentorum annorum, aut si superest parum, excusatur per hoc quod minutias numerorum ac temporum pertransit Scriptura. *Quare tanto tempore nihil super hac repetitione tentasti ?* Non quod iste rex Ammon vixerit per tot annos, sed sub ejus persona dantur et prædecessores ejus intelligi. *Igitur non ego pecco in te, sed tu contra me male agis, indicens mihi bella non justa*. *Judicet Dominus arbiter*, id est judex et cognitor, *hujus diei*, id est omnium quæ fiunt in eo, *inter filios Israel, et inter filios Ammon*, dando triumphum habenti causam justam. *Noluitque acquiescere rex filiorum Ammon verbis Jephthe, quæ per nuntios mandaverat*.

Factus est ergo Spiritus Domini super Jephthe, id est, in corde ipsius facta est motio atque directio gratiosa Spiritus Sancti, magnanimitas quoque pugnandi pro bono communi populi ex auxilii spe divini. *Et circueiens Galaad et Manasse*, id est terram Galaad, in qua trans Jordanem morabatur media tribus Manasse, *Maspha quoque Galaad*, id est locum illum ex alia parte Jordanis, in quo etiam fuit alius locus seu territorium, nomine Galaad : quæ loca perambulavit ad congregandum ex eis exercitum ; et *inde transiens ad filios Ammon, votum vocit Domino, dicens : Si tradideris filios Ammon in manus meas, quicumque primus fuerit egressus de foribus domus meæ, mihi que occurrerit revertenti cum pace a filiis Ammon, eum holocaustum offeram Domino* : id est, quodcumque vivum et animatum primo obviaverit mihi redeunti victori, offeram illud Deo in holocaustum : quod ad divinæ majestatis honorem totaliter consumebatur. Tamen, secundum Augustinum sensus est, Quicumque homo primo occurrerit mihi : quoniam Jephthe non dixit, Quodcumque, sed, Quicumque, etc. Quale fuerit votum istud, et an licite sit impletum, in fine tractabitur hujus capituli. *Transivitque Jephthe ad filios Ammon, ut pugnaret contra eos. Quos tradidit Dominus in manus ejus. Percus-*

sitque ab Aroer usque dum venias in Men-nith, viginti civitates, et usque ad Abel, quæ est vineis consita, plaga magna nimis. Humiliatique sunt filii Ammon a filiis Israel.

Revertenti autem Jephthe in Maspha domum suam, occurrit unigenita filia cum tympanis et choris, id est musicis instrumentis, et sodalium suarum choreis, volens suo patri, quem prævaluisse audivit, congratulari: non enim habebat alios liberos. Qua visa, scidit vestimenta sua præ tristitia et dolore, et ait: Heu me, filia mi, decepisti me, et ipsa decepta es. Filia ista non decepit patrem suum formaliter, quia nil egit ad illum decipiendum; sed aliquid fecit pia intentione, ex cuius eventu pater ejus materialiter est deceptus, quia contra suum propositum et intentum victoria sua versa est ei in luctum, et filiam quam magnifice per matrimonium exaltare speravit, immolare coactus est seu inductus, nec posteritatem reliquit per eam: sed et votum suum quod eum gaudio æstimavit implere, cum interno implevit mœrore. Aperui enim os meum ad Dominum, promittendo quod ei offeram mihi primitus occurrentem; et aliud facere non potero. Cui illa respondit: Pater mi, si aperuisti os tuum ad Dominum, fac mihi quodecumque pollicitus es, concessa tibi ultione atque victoria de hostibus tuis. Quasi dicat: Plus gaudeo de tua victoria, quam contrister de morte mea, et hoc propter bonum commune, cui [non] præfero bonum particulare. Videtur mihi ista venerabilis virgo fuisse in bonitate et obedientia quodammodo similis Isaac patriarchæ, qui post patris sui informationem acquievit, ut Deo in holocaustum immolaretur.

Diritque ad patrem: Hoc solum præsta mihi quod deprecor, differendo voti tui impletionem: quod sine rationabili causa non est differendum, quum scriptum sit in Ecclesiaste, Si quid vovisti Deo, ne moreris reddere. Dimitte me, ut duobus mensibus circumream montes: terra etenim illa est montuosa; et plangam virginitatem

meam, id est, me ipsam virginem, seu virginitatis meæ sterilitatem atque opprobrium defleam, eo quod semen in Israel non relinquo, et tua in me posteritas pereat; cum sodalibus meis, quæ ex compassione mecum plorabunt: quarum compassio erit ploratus mei aliquale solatium. Illis quippe diebus opprobriosum erat sine sobole mori, quum scriptum sit: Maledictus qui non reliquerit semen in Israel. Cui ille respondit: Vade. Et dimisit eam duobus mensibus. Quumque abiisset cum sociis ac sodalibus suis, flebat virginitatem suam in montibus. Expletis duobus mensibus, reversa est ad patrem suum, nequaquam fugiens mortis formidine, ne pater ejus quasi voti transgressor, coram Deo fieret reus. Et fecit ei sicut voverat: in quo patet, quantum vir ille Dominum formidavit, justusque erat, qui unicam filiam maluit ita offerre, quam Deo votum non adimplere. Exinde mos increvit in Israel, et consuetudo servata, ut post anni circulum, id est, anno uno completo, conveniant in unum filii Israel, et plangent filiam Jephthe diebus quatuor, quolibet scilicet anno per quatuor dies, aliqua hora opportuna quotidie, eo quod passa sit istud tam innocenter ac sponte et obedienter, occasione communis victoriæ filiis Israel desuper condonatæ.

Circa hæc occurrit antiqua atque difficilis quæstio de ista materia: an scilicet votum Jephthe fuit laudabile, et utrum voti ejus impletio exstitit Deo accepta et licita. Quocirca Augustinus diffuse conscripsit: ejus verba habentur in Glossa. Et inter cetera ait: Jephthe non dixit, Quodecumque exierit, sed, Quicumque exierit: ubi hominem tantum cogitavit; non tamen fortasse unicam filiam, quamvis illam in tanta patris gloria quis posset anteire, nisi forsitan ejus uxor? Quicumque autem cogitaverit Jephthe in illa promissione, non videtur filiam cogitasse: non enim diceret, Heu me, filia mi, impedisti me (sic enim habet translatio Septuaginta): per quod indicat se impeditum, ne illud quod

Deut. xxv, 6, 7, 9.

cogitabat, impleret. Quem autem potuit cogitare, qui filium non habebat? An conjugem cogitavit, et ut hoc fieret, Deus non voluit? et ut hoc non relinqueretur impunitum, ne quis postea illud auderet, ideo filia primo occurrit, quatenus ex magna Dei providentia per id quod contigit, magnum Ecclesiae sacramentum figuraretur? Ex utroque ergo prophetia aptata est, quod volens cogitavit, et quod nolenti contigit. Si ergo uxorem cogitavit, conjux Christi Ecclesia est. Sed quia hujus Jephthe conjux, virgo esse non potuit, in eo quod filia eius primo occurrit, et voti temeritas non mansit inulta, et Ecclesiae virginitas figurata consistit. — Quia ergo de hoc voto Jephthe nihil videtur judicasse Scriptura, sed reliquisse legentibus judicandum, quatenus intellectus noster judicando exerceatur: possemus jam dicere, Deo displicuisse hoc votum, et ipsum votum esse perductum ad istam vindictam, ut voventi patri unica occurreret filia; nec Deum prohibuisse ipsum Jephthe a voti sui impletionem infra tot dies induciarum, quas contulit filiae suae, sed ideirco votum illud sic esse punitum, ne posteris relinqueretur in exemplum. Possemus (inquam) hoc dicere, nisi duo Scripturae testimonia nos retardarent, propter quae ipsum culpae veremur. Unum est, quod eum ponit Apostolus inter Sanctos in epistola ad Hebraeos. Aliud quod hic praemisit Scriptura, Et factus est super Jephthe Spiritus Domini, et votum vovit: ut omnia quae postea fecit, videantur intelligenda esse opera Spiritus Sancti. Sed an etiam humanis sacrificiis figurari oportuit ministeria Christi, merito quaeritur. Sed Deus voluit primogenita esse sua, non tamen voluit ea sacrificari, sed redimi: non ergo diligit, sed odit Deus sacrificia talia. Sed inter Sanctos non solum Jephthe, sed et Gedeon numeratur, quem ephod reprehensibiliter fecisse fatemur: nam et in eo quod signum petiit, tentans in vellere, nescio an sit transgressus praecceptum hoc, Non tentabis Dominum Deum tuum. Sed eum bene esse defunctum, ere-

dendum est. Porro Jephthe, Deo non jubente neque poscente, et contra legitimum ejus praecceptum, ultro sacrificium vovit humanum. Nam ait, Quicumque exierit de janua domus meae obviam mihi: per quae verba non vovit aliquod pecus, quod secundum legem posset Deo offerri; nec consuetudinis fuit, ut redeuntibus cum victoria ducibus, jumenta occurrerent. Canes autem solent occurrere dominis, de quibus Jephthe, quum voveret, cogitare non potuit, ne et contemptibile animal et offerri illicitum videatur vovisse. Haec Augustinus.

Deut. xxiii, 18.

Rursus loquitur Augustinus: Utrum, quia dictum est, Factus est super Jephthe Spiritus Domini, secuta sint illa, ut et voveret et triumpharet et votum impleret, et attribuenda sint Spiritui Sancto, non facile dixerim: quum nulla describatur prosperitas Gedeonis, postquam ephod produxit: Jephthe autem post votum illud victoriam est sortitus. Sed considerandum, quod et Gedeon hostes prostravit, postquam Deum tentavit. Sic etenim scriptum est: Et dixit Gedeon ad Dominum: Ne irascatur indignatio tua in me, si adhuc semel tentavero. Iram namque Dei metuebat, quia tentando se peccasse sciebat. Hoc tamen peccatum secuta est evidentia magni signi, prosperitasque triumphi. Jam enim Deus statuerat afflicto Israelitico populo subvenire, et hujus ducis, scilicet Gedeonis, quem ad hoc opus assumpserat, utebatur animo non solum fideli et pio, sed etiam deficiente ac delinquente, ad praenuntianda quae volebat, et ad complenda quae dixerat. Non enim per istos tantum, sed et per Saulem omnino reprobatum, multa beneficia praestitit populo. Quis enim egit, nisi Spiritus Domini, ut Gedeoni tentare volenti, et non credenti quod jam Dominus ei fuit locutus, potissimum veniret in mentem de vellere prius sicco, et post compluto? Ecce Augustinus hic dicit: Gedeon tentando peccavit, nec credidit. Sed de hoc plenius dictum est in expositione capituli sexti.

Judic. vi, 39.

Præterea, de ista materia scribit Lyra: Hebraei dicunt, quod Jephthe filiam suam

Hebr. xi, 32, 33.

Judic. xi, 29, 30.

Exod. xiii, 2, 12, 13.

Judic. viii, 27; vi, 36-40.

Deut. vi, 16.

non immolavit, sed quod votum ejus fuit A per Phinees relaxatum. Et quidam eorum affirmant, quod fuit interpretatum per sapientes, ita quod votum illud non esset implendum per mortem filiae innocentis. Unde et super illud, Dimitte me ut circum-
cam montes, dicit glossa quædam Hebraica : Id est, sapientes in lege accedam, quia fortassis invenirent modum relaxationis seu interpretationis voti istius. Deinde probabiliter sine incauta assertionem sequitur istam opinionem, dicendo, quod Jephthe obtulit eam, non per mortem corporalem, B sed civilem, prout religiosi cœnobium intrando dicuntur mori mundo, quia a sæcularibus actibus sequestrati, mancipantur omnino divinis : sic filia Jephthe fuit Domino consecrata per virginitatis observationem, insistendo jejuniis, orationibus, ac piis operibus.

Circa hæc dico satis esse credibile, quod quidam doctores Hebræi id dicant, non tamen omnes, præsertim quum Josephus dicat, quod Jephthe eam occidendo obtulerit. Deinde opinio illa catholicis contrariatur C doctoribus. Jam enim ex verbis S. Augustini patuit, quod eam per corporalem obtulit mortem, secundum quod Deus jussit Abraham, ut sibi Isaac in holocaustum offerret. Unde quemadmodum Abraham intendebat ipsum Isaac primo occidere gladio, deinde igne corpus exstinctum incendere, propter quod ignem et gladium tulit secum ; ita credendum videtur, quod Jephthe fecerit filiae suæ. Insuper B. Hieronymus protestatur, quod Jephthe fuit indiscretus in promittendo, et impius adimplendo. D Idem Josephus loquitur. Imo, secundum Josephum, fuit stultus vovendo, et impius proseguendo, quoniam obtulit sacrificium, nec legitimum, nec Deo earum. Quod si eam obvium habuisset, an eum immolasset ? Thomas quoque, in secunda secundæ, questione 88 : Quædam, inquit, in omnem eventum sunt bona, ut actus virtutum, et talia absolute possunt voveri. Alia sunt, quæ licet in se considerata, sint bona, exitum tamen malum possunt habere.

re : et de talibus fuit votum Jephthe, ideo votum ejus fuit incautum, quia simpliciter vovit, quod malum potuit sortiri eventum. Veruntamen quoniam supra legitur, quod factus est super eum Spiritus Domini, ideo fides ejus atque devotio, ex qua movebatur ad vovendum, fuit a Spiritu Sancto. Estque probabile eum pœnituisse de morte filiae innocentis. Sed et factum ejus aliquod bonum præfiguravit.

Amplius, opinio illa Hebræorum non consonat textui, in quo evidenter asseritur, quod filiae suæ post duos menses ad se reversæ fecit sicut voverat. Intentio autem sua in vovendo [fuit], per corporalem occisionem Deo offerre eum, qui sibi redeunti victori primum occurrerit : ideo hoc implevit, et quale exstitit votum, sive licitum, sive illicitum, talis et ejus impletio. Nec valet, quod quidam ait, Si eam occidisset, votum suum nullo modo impleret : quia emissio voti non potest fieri, nisi de bono. Nam quamvis votum proprie sumptum, sit actus virtutis, et solum de bonis, attamen consuetudo loquendi est, ut etiam incautæ seu temerariæ promissiones Deo factæ, vocentur vota, sicut et juramenta illicita, juramenta dicuntur. Dicitur quoque in textu, quod ex eo tempore, quo Jephthe fecit suæ filiae sicut promisit, consuetudo in Israel est servata, ut filii Israel plangent filiam Jephthe quolibet anno quatuor diebus : quod non fecissent, nisi fuisset occisa.

Postremo dicendum videtur, quia si (ut asserit Augustinus) Jephthe intendebat Deo promittere, quod immolaret ei in holocaustum hominem sibi victori primitus obviantem, votum ejus fuit absolute illicitum, et contra Dei præceptum secundum legem communem ; nec fuit vere actus virtutis, nec elicitive aut directe ex fide et devotione, sed ex errore et indiscretionem procedens, quia (ut loquitur Augustinus) virtute nemo male utitur. Et idem dicendum de voti illius impletione. Si autem ex occulto Spiritus Sancti instinctu processit ob mysticam rationem, futurorum-

que typum, utrumque commendabile fuit : A aliter occiderunt, ne violarentur, et quod nec potest aliter excusari in toto aut commendari, sicut nec hoc, quod aliquæ sanctæ feminæ se ipsas præcipitaverunt, aut

Samson se ipsum cum Philistæis peremit, prout primo de Civitate Dei Augustinus testatur. Aug. de Civ. Dei, I, 21.

ARTICULUS XX

DE MYSTICO HUIUS UNDECIMI CAPITULI SENSU.

JUXTA allegoriam, per Jephthe libera-
torem ac judicem Israelis, intelligitur
Christus vernus salvator et judex universorum.
Quemadmodum autem Jephthe a fratribus
suis contemptus est et ejectus, ut spurius;
sic Christum contempserunt et abjecerunt
Judæi, imo et credentes ei excommunicaverunt,
sicut Joannes evangelista testatur : Jam, in-
quiens, conspiraverant Judæi, quia si quis
confiteretur eum esse Christum, extra synagogam fieret.
Generis quoque vilitatem imposuerunt Filio
Dei, dicentes : Nonne hic est filius fabri ?
Quemadmodum etiam ad Jephthe congregati
sunt viri inopes et latrocinantes, id est
prædones ; ita ad Christum pauperes
convenerunt, et ejus discipuli sunt effecti :
qui desuper confortati, deprædati sunt potestates
aereas, vasa earum, utpote peccatores,
abstrahendo eisdem, et eos Christo incorporando,
quos et salubriter occiderunt, a pristina
vita iniqua eos funditus extinguendo.
In cujus rei figuram, dictum est beatissimo
Archiapostolo : Surge, Petre, occide et manduca.
De præfata quoque deprædatione dictum est
per Isaiam de Domino Jesu Christo : Fortium
dividet spolia. Ipse equidem est qui fortem
armatum ligavit, et spolia ejus diripuit.
Amplius, sicut Judæi necessitate compulsi
requisierunt Jephthe, et elegerunt eum in
principem, tanquam fortissimum et bellicosissimum
virum ; sic post Christi resurrectionem multa
Judæorum millia ad Christum, quem ante spreverunt,
conver-

sa sunt, ab infernalibus hostibus formidantes
occi. Et circa finem sæculi omnes generaliter
sunt eum requisituri, detecta per Eliam et Enoch
Antichristi fallacia.

Rursus, sicut Jephthe vovit Deo in holocaustum,
quod sibi de victoria redeunti primo occurreret ;
sic Unigenitus Patris post suam victoriosissimam
passionem de limbo patrum revertens, et corpus
suæ animæ iterum uniens, sicque resurgens, et
primo Mariæ Magdalenæ apparens, seu principem
Apostolorum sibi primo occurrentem inter viros
(ut creditur) habens, eos tam valide suo inflammavit
amore, quod mundo penitus obierunt, et Deo
gratissima holocausta sunt facti. Aptius tamen
per filiam Jephthe intelligitur Christi caro
seu assumpta humanitas, quam in ara crucis
obtulit Patri pro totius salute mundi. Potest
item per Jephthe, Deus Pater ; per filiam
Jephthe, Sapientia Patris incarnata signari.
Quemadmodum ergo Jephthe propriam obtulit
filiam Deo in holocaustum ; sic Pater æternus
Sapientiam incarnatam tradidit pro omnibus
nobis in mortem, prout testatur Apostolus :
Proprio, inquit, Filio non pepercit Deus, sed
pro nobis omnibus tradidit illum. Unde et per
Isaiam loquitur Pater : Propter scelus populi
mei percussi eum. Christus quoque ad Patrem
in Psalmo, Omnes, ait, fluctus tuos induxisti
super me. Et item : Quoniam quem tu percussisti,
persecuti sunt. Idcirco in Actibus princeps
Apostolorum fatetur : Deus qui prænuntiavit
per os

omnium Prophetarum pati Christum suum, A implevit sic. At vero, per hoc quod filii Israel omni anno per quatuor dies congregati, fleverunt filiam Jephthe, præfiguratum censetur, quod Christiani quolibet anno, specialiter diebus sacræ hebdomadæ, conveniunt ad audiendum cum intima compassione et lacrimis historiam dominicæ passionis.

Præterea, juxta tropologiam docemur in isto capitulo neminem temerarie judicare, vota quoque juramenta que licita fideliter adimplere, et nequaquam de gratiosa Om- B nipotentis subventionem diffidere. Ecce enim virum illum, qui princeps exstitit virorum latrocinantium, fecit misericordissimus Deus judicem populi sui sanctum : qui adeo factus est zelator justitiæ, tamque coram Altissimo timoratus, quod unicum pignus suum maluit in holocaustum, sicut promiserat, immolare, quam voti frangere fi-

dem. Quo constat, quam odibiles Deo, condemnabilesque consistent, qui promissa et juramenta ac vota tam male custodiunt, imo tam frequenter ac faciliter violant ; qui pro parva re jurant atque pejerant : in quibus summe culpabiles sunt quidam religiosi, qui substantialia suæ religionis non servant, imo quotidie transgrediuntur ; sed et falsi testes, et quidam negotiatores ac venditores, in quibus non regnat zelus justitiæ, sed condemnanda cupiditas. Simus ergo exemplo Jephthe Deo grati ac timorati, constantes et justii, bonum honestum, et maxime omnis honestatis bonitatisque fontem, cunctis utilibus ac delectabilibus omni tempore cordialissime præferentes, malentes propriam vitam et cuncta creata amittere, quam superdignissimum Creatorem offendere, secundum quod ordo exigit caritatis, qui cadit utique sub præcepto, estque de necessitate salutis.

ARTICULUS XXI

EXPOSITIO LITTERALIS CAPITULI DUODECIMI : ECCE AUTEM IN EPHRAIM ORTA SEDITIO EST.

Prov. xiii,
10.

SICUT præhabitu est, inter superbos C semper jurgia. Itaque tribus Ephraim eodem malignitatis spiritu quo triumpho Gedeonis invidit, et contra virum illum insurgere usurpavit, ita nunc recitatur contra Jephthe insultum fecisse ex mera superbia et rancore. *Ecce autem in Ephraim orta seditio est*, id est, filii Ephraim seditionem contra Jephthe moverunt. *Nam transeuntes contra aquilonem*, id est trans Jordanem ad terram Galaad, quæ respectu sortis Ephraitarum, in plaga fertur fuisse aquilonari, *dixerunt ad Jephthe : Quare D vadens ad pugnam contra filios Ammon, vocare nos noluisti ?* quasi dicant : Vilipendisti nos, et nobis forefecisti, quasi solus volens habere famam et honorem victoriae, quum tamen simus de tribu præclariori,

quam tu. De variis causis tantæ elationis Ephratæorum, dictum est in exordio expositionis capituli octavi. *Igitur incendimus domum tuam*, id est habitaculum tuum seu te ipsum cum tuis domesticis. O quam scelerata et ingrata elatio ! *Quibus ille respondit : Disceptatio erat mihi et populo meo contra filios Ammon vehemens, vocavique vos, ut mihi præberetis auxilium, et facere noluistis.* Quo constat quod mendose dixerunt : Quare vadens ad pugnam, nos vocare noluisti ? Unde finxerunt ut occasionem contra virum justum et eis amicum haberent, quemadmodum scriptum est in Proverbiorum libro : Occasiones querit, qui vult recedere ab amico ; omni tempore erit execrabilis. *Quod cernens, posui in manibus meis animam meam,*

Judic. viii,

1.

Prov. xviii,

1.

transivique ad filios Ammon: id est, manifeste periculo vitam meam exposui, pergen- do cum paucis contra fortem et numerosum exercitum Ammonitarum, quemadmodum illud quod inter hostes in manibus bajulatur, amissionis periculo patet. Et tradidit eos Dominus in manus meas. Quid com- merui, ut adversum me consurgatis in praelium? quasi dicat: Injuste insurgitis contra me, qui vobis nil forefecit.

Vocatisque ad se cunctis viris de Galaad, qui cum assumpserunt in principem: etenim tamdiu dederunt ei Ephratæi indu- cias, quousque suum colligeret populum; pugnavit contra Ephraim. Percusseruntque viri Galaad Ephraim, id est Ephraitas: nam etsi pauciores erant adjutores ipsius Jephthe, tamen Deo auxiliante, superbis, ingratis et seditiosis prævaluerunt. Ideo subditur, quia dixerat tribus seu populus Ephraim: Fugitivus est Galaad de Ephra- im, id est, plebs seu familia urbis seu viri nomine Galaad, ad quam urbem atque familiam ipse Jephthe pertinuit, vilis et impotens est, ac per modum fugitivi se habet respectu Ephratæorum, qui multi ac potentes et bellicosi consistunt. Quasi di- cat, Nobis non valent miseri illi resistere. Et habitat in medio Ephraim et Manasse. In Hebræo (ut fertur) non habetur verbum hoc, Habitat: et sic sensus est planus, vi- delicet quod Galaad in medio Ephraim, id est inter Ephraitas est vilis, si simul acci- piantur, vel invicem comparentur. Porro secundum nostram translationem est dif- ficultas, qualiter Galaad, de quo Jephthe, in medio Ephraim habitabat, quum inter D eos Jordanis exstiterit: nisi forsitan dica- tur, quod timore Ammonitarum quidam jam ante de populo Galaad fugerunt de sedibus suis, et transmisso Jordane, inter filios Ephraim atque dimidiæ tribus Ma- nasse cum Ephraim commorantis, demo- rabantur. Propter quod Ephratæi præfa- tum verbum irrisorie protulerunt.

Occupaveruntque viri Galaaditæ vada, id est aquas, Jordanis, se constituendo in locis supra Jordanem, per quæ Ephraim

reversurus erat, id est, Ephraitæ de praelio fugientes, ad propria remeassent, nisi eos prævenissent et impedivissent Galaaditæ. Quumque venisset ad ea de Ephraim nu- mero fugiens, atque dixisset, Obsecro ut me transire permittas; dicebant Galaadi- tæ: Numquid Ephratæus es? Secundum Magistrum in historiis, improprie dicti sunt Ephratæi, nati ex Ephraim, quum Ephra- tæus ab Ephrata nuncupatur, ac Ephraitæ ab Ephraim. Quo dicente, Non sum Ephra- tæus, interrogabant eum, id est require- bant: Dic ergo, Schibboleth: quod quid significet, translator apposuit, dicens, quod interpretatur spica. Qui respondit, Sib- boleth, eadem littera spicam, id est verbum illud Hebræum spicam designans, expri- mere non valens. Quamvis etenim omnes essent linguæ Hebrææ, tamen in profe- rendo illud idioma, secundum diversita- tem locorum, erant ab invicem differentes, sicut et in Teutonicis, aliisque conspiciamus populis. Unde et Judæi Jerosolymitæ co- gnoverunt Petrum ex sua lingua, quod fuerit Galilæus. Itaque Ephraitæ dictionem præfatam exprimere non valebant, sive ex dissuentione, sive ex generali quadam pro- prietate, defectuve linguæ, sicut est natio quædam, litteram r non valens in dictio- nibus pronuntiare, ita quod ubi nos dici- mus, Proprie proprium, dicunt, Popie po- pium. Quæ res in Universitate Parisiensi stantes frequenter movet ad risum. Sta- timque apprehensum, jugulabant in ipso transitu Jordanis, certi quod esset de Ephraim tribu. Et ceciderunt in illo tem- pore de Ephraim quadraginta duo millia. Quam stragem, secundum Josephum, etiam ideo sunt perpassi, quoniam contra Gede- onem consurrexerunt. Nempe frequenter Deo juste sic disponente, contingit, quod contumeliosi et arrogantes, ab uno æqua- nimiter tolerati et impune relictæ, humili- entur valde ab alio: idcirco de talibus dici solet, Bene pertinet ad suum magistrum.*

Judicavit itaque Jephthe Galaadites Is- rael sex annis, et mortuus est ac sepultus in civitate sua Galaad. Post hunc judica-

* respon- debat

Matth. xxvi, 73.

vit Israel, id est Israeliticum populum, A Abesan de Bethlehem, qui habuit triginta filios et totidem filias. Hunc (ut fertur) dicunt Hebræi fuisse Booz maritum Ruth. Qui septem annis judicavit Israel. Cui successit Ahialon Zabulonites, id est de Zabulon tribu, et judicavit Israel decem annis. Post hunc, Abdon Pharathonites, id est de loco seu oppido suo sic nominatus, qui habuit quadraginta filios, et triginta ex eis nepotes, ipso vivente : tamen post mortem ipsius, præfati filii sui plures generaverunt ; ascendentes super septua- B
ginta pullos asinarum : per quos pullos, non esse intelligendos equos, dictum est in explanatione capituli decimi. Et judicavit Israel octo annis. Sub his tribus judi-

Judic. x, 4.

cibus non sunt filii Israel ad idololatriam lapsi, nec specialia bella in eis sunt gesta. Mortuusque est ac sepultus in Pharathon, id est oppido sic vocato, terræ Ephraim : unde Ephraita fuisse videtur ; in monte Amalec : non illius Amalec qui contra Israel dimicavit, sed alicujus Hebræi sic nuncupati, ut creditur.

Juxta moralitatem discamus exemplo dejectionis filiorum Ephraim, omnem arrogantiam, gloriam vanam, invidiamque abjicere, dissensiones vitare, persecutiones justorum et rebellionem contra superiores penitus abhorrere, neminem subsannare, nec contendendi aut malignandi excogitare occasiones, sed humilitatem, pacem, constantiam conservare.

ARTICULUS XXII

DECLARATIO LITTERALIS CAPITULI TERTHDECIMI : RURSUMQUE FILII ISRAEL
 FECERUNT MALUM IN CONSPECTU DOMINI.

SEPTIMA oppressio generalis Israelitarum modo describitur : quæ qualibet præhabitarum duravit diutius, quadraginta videlicet annis. Prima autem duraverat octo annis ; secunda, decem et octo ; tertia, viginti ; quarta, septem ; quinta, decem et octo, etc. ; ista, ut dictum est, annis quadraginta. Rursumque filii Israel fecerunt malum in conspectu Domini, qui tradidit eos in manus Philistinorum quadraginta annis. Unde probabile est, quod ista eorum facinora fuerint præinductis enormiora, sicut et diuturnior fuit poena ; non tamen describuntur hic in speciali.

Erat autem vir quidam de Saraa, id est de loco seu oppido sic vocato, ad tribum Dan pertinente. Unde subjungitur : de stirpe Dan natus, nomine Manue, habens uxorem sterilem. Cui apparuit angelus Domini, et dixit ad eam : Sterilis es per naturam, et absque liberis ; sed concipies

et paries filium : quem Deus vult nasci de sterili, ut mirabilior sit ejus nativitas, et multiplicentur in eo mirabilia Creatoris, ad gloriam et honorem ipsius. Etenim virum tam supernaturali fortitudine decorandum, decuit supernaturali potentia concipi. Cave ergo ne bibas vinum et siceram, id est quemcumque potum inebriativum, nec immundum quidquam comedas, id est nullum cibum lege prohibitum : et qui sunt hujusmodi cibi, describitur in Levitico ; quia concipies et paries filium, cujus non tanget caput novacula, id est, caput ejus non radetur. Erit enim nazareus Dei, id est Deo consecratus, et ad ejus obsequia deputatus, ab infantia et ex matris utero, id est mox a tempore quo anima ejus suo corpori uniectur in utero, vel a tempore nativitatis seu circumcisionis.

Circa hoc quæritur : Primo, cur matri Samsonis Nazaræum concepturæ, pro-

Lev. xi, passim.

hibentur cibi ac potus hoc loco, qui in A
Num. vi, 3. Numerorum libro prohibentur Nazaræis.
 4. Respondendum, ut ipsa per talem abstinentiam ac obedientiam digna efficeretur tantum concipere puerum, et supernaturali fecunditate dotari. Secundo quæritur, cur Nazaræorum caput non radebatur. Dicendum, ut distinguerentur a ministris et sacerdotibus idolorum, quorum capita radi solebant. Et item, ut tam intenti essent circa interiorem mentis decorem, quod exteriorem ornatum nequaquam adverterent. Quæritur tertio, quomodo Samson fuit nazaræus Dei ex utero matris. An sicut sacratissimus Joannes Baptista per gratiam gratum facientem et dona ei adjuncta, hoc est, an fuit sanctificatus in utero. Ad quod communiter respondetur, quod non; sed nazaræus Dei sic appellatur, tanquam per supernaturalem fortitudinem deputatus ad hoc, quod Deus per eum inciperet suum populum liberare: quod fuit donum gratiæ gratis datæ. Videtur tamen frequenter et valde præventus donis gratiæ gratum facientis, quæ saltem in sua circumcisione suscepit.

Et incipiet liberare Israel de manu Philistinorum. Recte ait, Incipiet liberare. Non enim liberavit ex toto aut plene Israeliticum populum de manu Philistiim, imo sub Samuele, Saule et David fuerunt multoties a Philistæis impugnati.

Quæ quum venisset ad maritum suum, dixit ei: Vir Dei venit ad me habens vultum angelicum, terribilis nimis. Angelum quippe in viri specie apparentem, putabat virum esse: quem dixit habere vultum angelicum, id est ultra humanum modum speciosum, splendidum, atque authenticum, ita quod in ejus vultu interior sanctitas resplendebat. Propter quod dixit eum esse virum Dei, id est hominem virtuosum placentem Deo, et missum ab eo. Quem et valde terribilem dixit, videlicet quasi fulgureo splendore terrificum, sicut et Christus in templo, suaque passione instante perterrituit intuentes. Denique apparuit angelus iste mulieri huic in agro, ut

infra habetur. In Scholastica quoque historia legitur: Mulieri isti, in agro sæpe pro sterilitate amovenda oranti, apparuit angelus. In eadem quoque fertur Historia, quod mulier ista erat formosa: propter quod vir ejus erat zelotes. Quumque ipsa angeli pulchritudinem commendasset, contristatus est ejus maritus, atque ut mitigaret irrationabilem viri tristitiam, consuluit ei ut ambo simul Dominum exorarent, quatenus vir ille rursus veniret, et ambos de puero informaret.

B *Quem quum interrogassem, quis esset et unde venisset, et quo nomine vocaretur, noluit mihi dicere.* In omnibus his declaratur eminentia feminæ hujus in prudentia et virtute. Scivit enim non esse credendum omni spiritui, ideo interrogavit hæc tria: videlicet, quis esset qui apparebat, an scilicet Propheta, an angelus; et unde venisset, an scilicet missus esset ab aliquo, an proprio motu venisset, et an venisset missus de cælo; et quo nomine vocaretur. Sed cur angelus non respondit ad ista? Dicendum, quod ad duo primo paulo post fuit responsurus per evidentiam facti, ut statim dicetur. Ad tertium vero nec post respondit, ob causam quæ infra habebitur. *Sed hoc respondit: Ecce concipies et paries filium. Cave ne vinum bibas nec siceram.* Nam et talis potus mulieribus specialiter est periculosus, quum inebrientur facilliter. Propter quod et antiquorum Romanorum feminæ abstinebant a vino, ut refert Valerius. *Et ne aliquo vescaris immundo.* Erit enim puer nazaræus Dei ab infantia usque ad diem mortis suæ, id est per omne tempus vitæ suæ, sicut et Samuel. Aliqui autem erant nazaræi Dei ad certum tempus, ut in Numeris describitur: qui scilicet vovebant ad tempus determinatum Deo per specialem devotionem et orationem vacare, sicut et Augustinus hic tangit in Glossa.

Oravit itaque Manue Dominum, et ait: Obsecro, Domine, ut vir Dei quem misisti. Adhuc enim credidit hominem fuisse, non angelum; et juxta morem Hebræi sermo-

1 Joann. iv,

1.

Num. vi, 2.

nis, loquitur in sua oratione de Domino et de Deo, quasi de alio et alio, quum idem sit Deus et Dominus. *Veniat iterum, et doceat nos quid debeamus facere de puero qui nasciturus est*, id est, qualiter puerum hunc nasciturum tractabimus et alemus.

Num. vi, 3,
4.

Verumtamen hoc ex lege potuit Manue scire, quum in Numerorum libro dicatur, a quibus Nazaræus debeat abstinere. Sed hoc vel ignoravit, aut plenius scire optavit vir iste. *Exaudivitque Dominus precantem Manue, et apparuit rursus angelus Domini uxori ejus*. Unde apparet, quod femina illa fuit marito suo devotior, atque ob hoc angelica apparitione condignior. *Sedenti in agro. Manue autem maritus ejus non erat cum ea*. Non apparuit ei angelus cum aliis residenti, aut more femineo aliis confabulanti, sed solitarie consedenti in agro ad meditandum atque orandum : ob quam causam et Isaac frequenter egrediebatur in agrum. Secreta namque divina et revelationes ac apparitiones angelicæ, non in tumultibus aut frequentia hominum, sed in solitariis et secretis locis manifestari consueverunt. *Quæ quum vidisset angelum, festinavit et cucurrit ad virum suum, nuntiavitque ei, dicens : Ecce apparuit mihi vir quem ante videram*. Ex his videtur, quod vidit angelum a longe venientem, et antequam eam accessit, ipsa cucurrit ad virum suum. Non ergo improvise et subito ante eam stetit, ne et ipsa ex hoc adverteret angelum esse. *Qui surrexit, et secutus est uxorem suam, quæ ferventi alacritate præeucurrit ad angelum*.

Gen. xxiv,
63.

Veniensque ad virum, puta ad angelum, dixit ei : Tu es qui locutus es mulieri, id est, qui uxori meæ prænuntiasti de puero nascituro? Voluit enim Manue de hoc plenius certificari. *Et ille respondit : Ego sum ille. Cui Manue : Quando, inquit, sermo tuus fuerit expletus*, id est opere verificatus, *quid vis ut faciat puer?* id est, quid ex parte Dei jubes, ut faciat puer quem promisisti? *aut a quo se observare debet?* id est, quem cibum et potum debet cavere? *Dixitque angelus Domini*

ad Manue : Ab omnibus quæ locutus sum uxori tuæ, abstineat se, id est, vinum et siceram et omnem cibum lege prohibitum vitet per omne tempus vitæ suæ, quum futurus sit nazaræus Dei usque ad mortem. Qui autem ad tempus certum erant nazaræi, per tempus illud ab hujusemodi cibis ac potibus abstinebant. Mater quoque Samsonis abstinebat a talibus usque ad pueri sui nativitatem. *Et quidquid ex vinea nascitur, non comedat*, videlicet uvas aut uvam passam. Hinc in Numeris clarius legitur : *Acetum ex vino, et quidquid de uva exprimitur, non bibit, videlicet nec agrestam, nec uvas recentes, siccasque non comedet. Quidquid ex vinea esse potest, ab uva passa usque ad acinum, non comedet. Et quod ei præcepi*, id est, quod puero nascituro observandum præfixi, *impleat opere, atque custodiat assidua recordatione, ne fiat transgressor tempore procedente*.

Num. vi, 3,
4.

Dixit itaque Manue : Obsecro ut acquiescas precibus meis, et faciamus tibi hædum de capris. Per hæc verba, secundum Augustinum, Manue invitavit angelum ad pariter epulandum pro nuntio bono, ut sit sensus : *Faciamus tibi hædum de capris*, id est, hædum de grege caprarum præparemus tibi ad comedendum. *Cui respondit angelus : Si me cogis*, id est, quantumcumque instanter aut importune rogaveris me : sicut in Genesi legitur, quod Lot compulit angelos oppido, id est, valde instanter rogavit, et quasi instar compellentis se habuit : *non comedam panes tuos*.

Gen. xix, 3.

Manue obtulit hædum parare, et angelus repetit Panes : quia per panes quæcumque cibaria designantur. Sed cur angelus noluit manducare, quum interdum manducasse legantur? Respondetur, quod angelus nunc volebat manifestare se angelum esse, per modum qui subditur : *Si autem vis holocaustum facere*, id est, hædum Deo in holocaustum offerre, *affer illud Domino, et non mihi*. Offer (inquam) Domino pro gratiarum actione beneficii tibi ab eo per me promissi.

Ibid. xviii,
9.

Et nesciebat Manue, quod angelus Domini esset : nec uxor ejus adhuc scivit hoc. *Dixitque ad eum*, id est Manue ad angelum : *Quod est tibi nomen, ut si sermo tuus fuerit expletus, honoremus te?* Si Manue jam credidit eum qui sibi apparuit, esse missum a Deo, seu esse Prophetam, ut aliqui dicunt, cur dubitative locutus est, dicens : Si sermo tuus, etc., quasi promissio Dei posset non adimpleri? Et respondendum, quod hæc dictio, *si*, quandoque accipitur pro *non*, quandoque pro *quia*, interdum pro *dum* : et ita nunc accipi potest, ut sit sensus : Quum sermo tuus, etc. Vel conditionaliter dixit, Si sermo tuus, etc., non quasi ex dubitatione de veritate divini promissi, sed quia promissiones divinæ quandoque intelliguntur cum implicita conditione, videlicet nisi homo obicem ponat peccando : et ita ex consideratione propriæ fragilitatis, dubitatio quædam potest subesse ; quædam tamen sunt absolutæ promissiones. Quæritur quoque, cur quæsit nomen angeli, ut posset eum opportuno tempore honorare. Dici potest, quod ideo, quatenus nomen viri exprimendo, posset absentem facilius invenire, et invento honorem impendere. Vel si eum non inveniret, in scriptis factum istud, nomenque viri redigeret. Quocirca quæri iterum potest, qualiter eum voluit honorare. Dicendum, quod honore duliæ, non latriæ. Et forsitan proposuit ei munuscula exhibere, seu aliter venerari, secundum quod hominem sanctum et Dei vatem concedet honorari.

Cui ille respondit : Cur queris nomen meum, quod est mirabile? quasi dicat : Non est tibi rationabilis causa vel necessitas interrogandi et sciendi nomen meum, quum non sim homo, ut putas, et quoniam nomen meum perfecte intelligere nunc non vales, secundum quod nomen designat rem, quantum ad suam perfectionem, consistentiamque completam. Ideo (Damasceno testante) angeli quantum ad terminum seu speciem suam specialissimam, ignoti sunt nobis. Est igitur nomen angeli hominibus

A mirabile, non quasi penitus ex sua natura omni menti creatæ incomprehensibile, quod Deo est proprium, sed quasi non plene cognoscibile viatoribus in hac vita. Circa hoc scribit Lyra : Nomina angelorum qui mittuntur in ministerium, variantur secundum legationes eis commissas. Propter quod angelus ad purganda Isaïæ labia missus, unus de Seraphim nuncupatur, *Is. vi, 6.* quamvis non fuerit de ordine Seraphim. Angeli autem de futuris, ad quæ desuper mittentur, præcognitionem non habent, nisi in quantum revelatur eis a Deo : quæ revelatio fit secundum divinæ indicium voluntatis. Ideo angelus dixit nomen suum esse occultum (secundum quod in Hebræo habetur, ubi nos habemus, Mirabile), quoniam nesciebat, ad quid in futuro erat mittendus. Quamvis autem hoc dictum, secundum se satis consonet doctrinæ Catholicorum, tamen non sufficit huic proposito. Nam angelus iste scivit ad quid tunc missus fuit. Ergo cognovit nomen quod ei pro tunc competebat. Sunt etiam aliqua C fixa angelorum vocabula. Ideo quoque angelus nomen suum non revelavit huic viro, quia secreta cœlestia ac divina non sunt hominibus revelanda, nisi secundum mensuram a Deo præfixam.

Tulit itaque, id est attulit, *Manue hædum de capris et libamenta*, videlicet materias liquidas, quæ cum holocaustorum carnibus immolari solebant, *et posuit supra petram*, id est lapidem grandem, juxta quem angelus ex proposito stetit, *offerens Domino, qui facit mirabilia* : quia omnipotens est, et supra omnem rerum naturalem cursum et ordinem potest ad libitum operari. Quæri potest, an Manue obtulit ista Deo tanquam sacerdos, quum non esset sacerdos, an obtulit ista angelo non ut Deo, sed ut angelus, quem adhuc hominem sanctum aut Prophetam putavit, ea ex parte sui Deo offerret. Ad quod aliqui dicunt, quod sicut ex commissione angeli et dispensatione divina obtulit ista extra tabernaculum Domini, ita et sacerdotale explevit officium. Alii vero dicunt, quod adduxit

et posuit ista supra petram, ut ille qui sibi A apparuit, ea offerret. Unde secundum Lyr-
ram, in Hebræo habetur, Offerens Domino
mirabili occulto ad faciendum, id est ei
qui sibi apparebat, et dixit nomen suum
esse mirabile seu occultum, ut ipse exple-
ret seu immolaret hoc holocaustum : quod
Prophetis ex divina lieuit dispensatione.
Unde tertio libro Regum legitur Elias ho-
locaustum Domino obtulisse. Veruntamen
Septuaginta transtulerunt, Offerens Domi-
no mirabilia facienti. Angelus quoque jam
dixerat Manue, ut offerret illud Deo.

III Reg.
xviii, 30-38.

Ipsæ autem et uxor ejus intuebantur,
considerando quid fieret de materia illa in
holocaustum oblata, cui non erat ignis sup-
positus ad incendendum oblata. *Quumque*
ascenderet flamma altaris in cælum. Per
altare, intelligitur petra illa, qua vice altaris
ntebantur : de qua virtute divina ignis
erupit ; et forte angelus tetigit eam, sicut
de angelo Gedeoni apparente dictum est
supra. Imo ad minus tetigit eam spirituali
tactu, sua virtute influendo in eam. Porro
flamma illa ascendit in cælum aereum, id
est usque ad notabilem aeris altitudinem.
Unde et amici Job leguntur sparsisse pul-
verem super capita sua in cælum. *Angelus*
Domini in flamma pariter ascendit, per
hoc ostendens se angelum esse, qui corpus
assumpsit aereum, et illud, quum volebat,
deposuit.

Judic. vi,
21.

Job ii, 12.

Quod quum vidisset Manue et uxor
ejus, proni ceciderunt in terram, et ultra
eis non apparuit angelus Domini. Statim-
que intellexit Manue, et etiam uxor ejus,
angelum Domini esse, ex tam subita ascen-
sione et disparitione ; et item ex mira-
culosa productione tanti ignis, præfatum
holocaustum repente vorantis. Et dixit ad
uxorem suam : Morte moriemur, id est,
statim exspirabimus, quia vidimus Domi-
num. Secundum Augustinum, ex quadam
magna turbatione et perterritione hoc di-
xit ; ex qua etiam tam ipse quam uxor
ipsius corruerunt in terram, prout moris
est fragilitati humanæ, visis cœlestibus ac
divinis, vehementer terreri, et corporali-

bus viribus ad tempus destitui. Unde et
Daniel : *Langui, inquit, post visionem per*
dies. Et rursus : Domine, in visione tua
dissolutæ sunt compages meæ, et nihil in
me remansit virium. Præterea, quoniam
Dominus dixit ad Moysen : Non videbit me
homo, et vivet ; simpliciores inter Judæos
putabant eos mox morituros, qui Deum
aut angelum conspexissent in forma sen-
sibili. Cui respondit mulier, quæ viro suo
sapientior atque virilior fuit : Si Dominus
nos vellet occidere, tanquam iniquos, vel
B *per apparitionem istam mirabilem, tan-*
quam ea indignos, de manibus nostris ho-
locaustum et libamenta non suscepisset, id
est accepta non habuisset, quum tamen
acceptaverit ea, sicut per ignis hujus mi-
rabilem productionem et holocausti devo-
rationem monstravit, quemadmodum et
holocausta Abel, Aaron, Salomonis et Eliæ
monstravit sibi placere. *Sed nec ostendis-*
set nobis hæc omnia, nec ea quæ ventura
sunt, id est futura et secreta, dixisset, qua-
lia non solet nisi suis caris monstrare, ne-
que ea quæ sunt ventura per nos, scilicet
quod filium salvatorem Israelis habebimus.

Dan. viii,
27 ; x, 16.

Exod.
xxxiii, 20.

Gen. iv, 4 ;
Lev. ix, 23 ;
III Reg. viii,
10, 11 ; xviii,
38.

Peperit itaque filium, et vocavit nomen
ejus Samson, qui fuit tertius in ordine eo-
rum, quorum nomen Deus legitur prænun-
tiasse. Primus equidem fuit Ismael ; se-
condus, Isaac ; tertius, Samson. Crevitque
puer ætate, gratia, et fortitudine : ideo
subditur, et benedixit ei Dominus dando
et multiplicando in eo superna charisma-
ta, et specialiter fortitudinem etiam cor-
poralem antea nusquam visam. Fuit autem
D *inter gentiles et Hercules, filius Jovis, vir*
fortissimus ante Samsonem. Unde in libro
de Civitate Dei recitat Augustinus, quod
Samson putatus fuit esse Hercules in alio
corpore. Corripitque eum esse Spiritus
Domini. A circumcisione sua fuit in eo
gratia gratum faciens, virtutes quoque et
dona ei annexa, quæ tunc dabantur in cir-
cumsione, quemadmodum nunc in Ba-
ptismo : nec sine illorum infusione remitte-
batur peccatum originale, nec infantuli
ad limbum patrum perducebantur. Verum-

Gen. xvi,
11 ; xvii, 19.

tamen Spiritus Domini cœpit esse in Sam-
sone statim ut ad ætatem pervenit adultam,
per relucetiam fortitudinis et probitatis
ac magnanimitatis, præcipue *in castris*

Dan, id est in tribu et turmis seu habita-
culis Dan patriarchæ, *inter Sarai et Es-
thaol*, quia in illis locis et intermediis mor-
rabantur filii Dan.

ARTICULUS XXIII

DE MYSTICO EJUSDEM CAPITULI TERTHIDECIMI INTELLECTU.

SAMSON evidens fuit Christi figura pe-
ne in omnibus. Nam et Samson inter-
pretatur, sol eorum : quod maxime com-
petit Christo, qui est sol sapientiæ, solque
Sap. v, 6. justitiæ. De quo impii fatentur : Sol intel-
ligentiæ non est ortus nobis. De quo et
Malach. iv, per Malaechiam loquitur Pater : Orietur vo-
2. bis timentibus nomen meum, Sol justitiæ.
Joann. i, 16. Christus ergo, qui solus inter omnia ex se et
eminenter lueet, de cujus plenitudine
omnes accepimus, in quo et ardentissima
caritas fuit, vere est sol universorum fide-
lium, imo ipse secundum naturam assum-
ptam, seu anima ejus, cunctos illuminat
eives triumphantis Ecclesiæ. Porro, per Phi-
listæos, qui erant præ ceteris acerrimi ac di-
turniores filiorum Israel hostes et oppres-
sores, intelliguntur invisibiles nostrarum
æmuli animarum, a quibus Christus cœpit
nos liberare in sua incarnatione. Mox enim
conceptus in utero, fuit ratione plenissime
utens, cœpitque affici et orare pro generis
humani salute, atque extunc promeruit no-
bis charismata gratiæ. At vero in sua pas-
sione satisfecit pro nobis plenarie. Effe-
ctum autem suæ perfectæ liberationis, seu
plenum fructum suæ dignissimæ passionis
tribuet cunctis electis in die judicii uni-
versalis, quibus tunc consummatam tri-
buet felicitatem in anima et corpore, au-
feretque ab eis omnem mortalitatem et
passibilitatem utriusque.

Denique, quod Samson a matre natura-
liter sterili, supernaturali auxilio concur-
rente, conceptus et natus est, angelo annun-

B tiant, quid designavit, nisi quod Christus
a Matre supernaturaliter fecundata, denun-
tiant Archangelo, est conceptus ac geni-
tus? Rursus, quod Samson ex utero matris
usque ad mortem, Dei exstitit nazaræus,
præfiguravit, quod Dominus Jesus ab in-
carnationis exordio consecratus est Patri
æterno, et usque ad mortis exitum ei ple-
nissime adhæsit, servivit ac militavit, atque
ab omni immundo abstinnit. Iterum Sam-
son incomparabili fortitudine sua ipsum
præmonstravit, qui exsultavit ut gigas ad
currendam viam, geminæ plane gigas sub-
stantiæ, de quo Isaias prædixit : Vocabitur
nomen ejus, Admirabilis, Consiliarius, Deus,
Fortis. Et Psalmista : Dominus fortis et
potens, Dominus potens in prælio. Item-
que : Accingere gladio tuo super femur
tuum, potentissime. Denique Christus ob-
tulit Deo Patri hædum et libamenta in
holocaustum, id est corpus suum et san-
guinem in ara crucis in odorem suavitatis :
quod ardentissima inflammavit dilectio.
Et sicut de Samsone ait Scriptura, Cre-
vit itaque puer, et benedixit ei Dominus,
cœpitque in eo esse Spiritus Domini in
castris Dan ; ita de Christo in Evangelio
legitur, Puer Jesus proficiebat sapientia,
ætate et gratia. Et rursus : Non ad mensu-
ram dat Deus Spiritum homini, scilicet
Christo, cujus animæ capacitatem omnino
replevit charismatibus gratiæ, virtutum,
donorum, beatitudinum et fructuum, do-
nisque gratiæ gratis datæ. Quorum ex-
cellentia cœpit relucere in Christo, po-

Ps. xviii, 6.

Is. ix, 6.

Ps. xxiii, 8.

Ps. xlii, 4.

Luc. ii, 52.

Joann. iii,
34.

Is. xi, 2.

tissimum in castris Dan, id est inter ejus A
discipulos, qui fuerunt filii Dan, id est ju-
dicii seu discretionis, quam didicerunt a
Christo.

Præterea, tropologicè studeat unusquis-
que fidelium esse Samson, id est sol eorum,
inter quos conversatur, quatenus (juxta
Matth. v.
16. Christi doctrinam) luceat lux ejus omnibus
illis. Satagat igitur quilibet alium in omni
virtute, in omni scilicet humilitate, pati-
entia, mansuetudine, prudentia, exempla-
ritate, continentia, sobrietate, caritate et
puritate excedere, ut his sanctis virtutibus B
clarificet atque ædificet omnes. Et imper-
fectorum elationem, iram, impatientiam,
insipientiam, intemperantiam, aversionem
vineat, frangat, extirpet; sitque filius
Manue, id est quiescentis seu pacis; nam
Manue interpretatur quiescens. Et offerat
hædum ac libamenta, implendo illud Apo-
Rom. xii. 1. stoli: Obsecro vos, fratres, per misericor-
diam Dei, ut exhibeatis corpora vestra ho-
stiam viventem, sanctam, Deo placentem.
Coloss. iii.
5. Et denuo: Mortificate membra vestra, quæ
sunt super terram. Qui hoc modo satagit C
esse Samson, incipit fratres seu proximos
suos de manu Philistiim liberare, imo in-
dubitanter de potestate dæmonum eripit
plurimos vivos et mortuos, oratione, ex-
emplo ac meritis.

Specialiter quoque per Samsonem ex
utero matris usque ad obitum, Dei naza-
ræum, designantur religiosi Deo perpetuo
consecrati, atque in holocaustum oblati, et
etiam illi qui in baptismali innocentia us-
que in finem perseverant: quorum est a
vino et sicera, id est ab omni ebrietate et
crapula, penitus abstinere.

Postremo, et in novo Testamento fuit
quidam nomine Samson, vir vere ac spiri-
tualiter fortissimus, mirabiliter deificatus,
primo monachus, deinde præsul sanctissi-
mus: qui inter cetera sua magnalia legitur
quatuor mortuos suscitasse; ad cujus im-
perium malitiosissima silvestris femina ex-
spiravit, draco immanissimus obedivit; qui
instar solis in Ecclesia coruscavit. Quo ad-
huc in materno utero existente, matri ejus
in visu ostensum est, quod sol ex utero
suo progrediens, totum illustraret mun-
dum. Qui beatissimus vir antiquum illum
Samsonem in spiritali fortitudine, san-
ctitate, miraculis vicisse videtur: quan-
quam et Samson ille tam solenniter præ-
nuntiatus ab angelo, miraculose quoque
conceptus, fuisse magnus Sanctus creda-
tur, qui et ab Apostolo ad Hebræos inter
Sanctos annumeratur, qui per fidem vice-
runt regna, operati sunt justitiam, adepti
sunt repromissiones, etc. *Hebr. xi.*
32, 33.

ARTICULUS XXIV

EXPOSITIO CAPITULI QUARTIDECIMI: DESCENDIT ERGO SAMSON IN THAMNATHA.

NUNC recitatur, cur et qualiter impu- D
gnare cœperit Philistæos. *Descendit*
ergo Samson in Thamnatha: id est, ex
quo tanta ei fortitudo collata fuit a Domi-
no, ut Philistæos debellare inciperet, hinc,
Deo instigante, ivit ad oppidum Philistino-
rum, nomine Thamnatha: quod situ bassius
fuit terra, in qua Samson demorabatur,
ideo dicitur descendisse. Descendit autem

ad intnuendum quædam solennia, quæ tunc
agebantur ibidem: non ad imitandum,
quoniam idololatriam abhorrebat; sed ma-
gis ad irridendum, atque ut visa infidelium
abusione vesana, magis corroboraretur in
devotione et cultu unius Dei. *Videns ibi*
mulierem, id est puellam virginem, *de fi-*
liabus Philistiim, id est de numero filia-
rum Philistinorum, *ascendit*, redeundo ad

domum paternam. *Et nuntiavit patri suo A et matri suae, dicens : Vidi mulierem in Thamnatha de filiabus Philistinorum : quam, quæso, ut mihi accipiatis uxorem,* id est, mihi consentiatis et cooperemini ad hoc, ut eam accipiam conjugem (per verba de presenti seu juxta formam tunc solitam). Itaque jam erat adultæ ætatis æ nubilis. Samson quoque tanquam bonus prudensque filius, noluit clam inire conubium, sed de scitu et consensu suorum parentum. Per quod docentur fideles filii ac filiae, ne clandestina matrimonia contrahant, sed suorum utantur parentum seu propinquorum et amicorum consiliis, nisi fortassis vellent religionem intrare aut penitus continere.

Cui dixerunt pater et mater sua : Numquid non est mulier in filiabus fratrum tuorum, id est in tribu Dan : sicque cognati vocantur hic fratres, quoniam Samson unigenitus fuit : *et in omni populo tuo ?* Si per omnem populum Samsonis, intelligatur sola plebs tribus Dan, istud est quasi expositio verbi præhabiti ; si vero per omnem populum illum intelligantur ceteræ tribus Israel, sensus est, quod parentes Samsonis reputabant magis illicitum, quod acciperet conjugem ex filiabus Philistiim, quam ex alia quacunque Israel tribu, eo quod plus distabant Philistæi ab Israelitis, quam una Israelitica tribus ab alia : quum tamen utrumque secundum legem videretur illicitum, quum scriptum sit in libro Numerorum : Omnes viri ducent uxores de tribu et cognatione sua. Et in Deuteronomio : Non inibis cum eis, videlicet alienigenis, conjugia. *Quia vis accipere uxorem de Philistiim, qui incircumcisi sunt,* quum tamen dispar cultus impediat matrimonium contrahendum, dirimatque contractum.

Dixitque Samson ad patrem suum : Hanc mihi accipe, quia placuit oculis meis. Videtur, quod illa fuit irrationabilis causa, ita quod Samson ex libidinosa concupiscentia motus sit ad contrahendum conjugium, et contra illud quod scriptum

est : Ne sequaris concupiscentiam oculorum tuorum. Respondetur, quod sicut Jacob dilexit Rachel propter naturalem dispositionem et decorem ipsius, non tamen sistendo ibidem, sed ad finem honestum talia referendo ; ita de Samson sentiendum videtur, præsertim quia subjungitur : *Parentes autem ejus nesciebant, quod res a Domino fieret,* id est, quod Samson ex divino moveretur instinctu. Poterat tamen in illa Samsonis complacentia ad puellam, venialis culpa alicujus concupiscentiæ admisceri. Denique, quia res illa fiebat a Domino, qui dispensavit cum Samson in propria lege, quia in generali prohibuit matrimonia cum alienigenis contrahi : ideo Samson excusatur in hoc a peccato. Nam et Scriptura hæc dicendo, quod parentes ejus iguorabant rem illam a Domino agi, satis insinuare censetur, quod Samson hoc scivit, sive per inspirationem internam, sive per revelationem exterius per angelum factam.

Et quæreret occasiones contra Philistinim :* id est, hoc quoque nesciebant parentes Samsonis, quod ipse quæreret aliquam justam causam seu occasionem impugnandi allophylos. Quocirca quæri potest, quid necesse erat Samsoni occasionem hujusmodi quærere, quum filii Israel a Philistæis graviter premerentur, et terra Philistinorum esset pars terræ Israelitis promissæ. Alii quoque judices statim quum potuerunt, congregato exercitu, impugnaverunt hostes Israeliticæ plebis. Respondetur, quod filii Israel propter sua peccata fuerunt subiecti Philistinorum imperio, et sub tributo eis deserviebant, ita quod interim fuit inter eos pax quædam et compositio per juramentum aut promissionem firmata, quæ sine nova occasione non fuerat infringenda. Unde per Jeremiam et Ezechielem Deus frequenter prædixit se puniturum et regi Babylonis subiecturum Sedeciam regem, eo quod violavit pactum cum rege Nabuchodonosor initum. Hinc in Ezechiele legitur : Qui dissolvit pactum, numquid effugiet ? Quod autem alii judices fecerunt, ex

Num. xv, 39 ; Eccli. xviii, 30. Gen. xxix, 17, 18.

* occasio-
nem

Num. xxxvi, 7.

Deut. vii, 2, 3.

Ezech. xvii, 15.

divina fecerunt commissione, et forte eorum temporibus non erant hujusmodi paeta inter filios Israel et hostes eorum. *Eo enim tempore dominabantur Philistiim Israeli cum abusione et fastu, ideo Samson quæsiuit contra ipsos occasionem.*

Descendit itaque Samson cum patre suo et matre in Thamnatha, ad desponsandum puellam. Quæritur, an parentes ejus peccaverunt in hoc. Videtur, quod imo, quum scriptum sit in Deuteronomio : Filiam illius, videlicet alieni seu infidelis, non accipies filio tuo. Respondetur, quod crediderunt filium suum moveri a Deo : quoniam per angelum fuit prænuntiatus et supernaturaliter natus, atque (ut aliqui dicunt) Samson insinuavit eis, sibi divinitus notificatum, quod matrimonium illud Deo placeret, et quod res illa ageretur a Domino. Sciebat etiam Samson ex revelatione in quodam communi seu indistincte, quod ex illo conjugio oriretur contra Philistæos occasio, quamvis nondum cognosceret modum determinate.

Quumque venissent ad vineas oppidi, nomine Thamnatha : quæ erant extra oppidum sitæ ; apparuit catulus leonis sævus et rugiens, et occurrit ei, id est, catulus ille Samsoni, ut dilaniaret et devoraret Samsonem. Irruit autem Spiritus Domini in Samson, id est, Spiritus Sanctus movit, excitavit et confortavit Samsonem ad invadendum leonem, et dilaceravit leonem, quasi hædum in frusta discerperet, nihil omnino habens in manu : imo nec læsit manus suas hoc faciendo ; propter quod nemo suspicabatur de facto. Et in hoc patuit mira ipsius fortitudo : quani tamen ex sola complexione, naturalive dispositione non videtur habuisse, ut infra tangetur. Præterea, quidam in veteri Testamento leonem occidisse leguntur, ut David et Banaïas ; quidam quoque in novo Testamento : de quorum nullo habetur quod fecerit hoc, nihil omnino habens in manu. Et hoc patri et matri noluit indicare. Ex hoc verbo multa eliciuntur. Primum, quod ad tempus pro aliqua causa a suis divertit

1 Reg. xvii,
36 ; 1 Par.
xi, 22.

A parentibus, et tunc ei occurrit leo. Secundo, quod erat virtuosus, prudens et humilis, non vanus ac levis, quoniam tantum opus celavit, neque jactavit se : sicut et Saul adhuc humilis, non indicavit patri seu patruo suo, quemadmodum a Samuele fuit unctus in regem. Tertio, quod parentes Samsonis consideraverunt cum notabiliter immutatum in facie, et aliquid peregissee, ideo interrogaverunt quid egisset : et tamen noluit eis indicare, quia nondum patuit ejus fortitudo in aliquo facto tam magno. Ideo secretum suum tenuit sibi, juxta illud in Isaia : Secretum meum mihi. *Descenditque de vineis in Thamnatha, et locutus est mulieri quæ placuerat oculis ejus : quia cum suis parentibus tractavit cum puella et ejus parentibus de conventionne connubii, et concordaverunt, ita quod sponsalia tunc fecerunt.*

1 Reg. x, 16.

Is. xxiv, 16.

Et post aliquot dies revertens ut acciperet eam in sponsam et conjugem, condormiretque ei. Itaque factis sponsalibus reversus est cum suis parentibus ad domum parentum, deinde cum eis rediit ad domum puellæ. Declinavit sicut et ante parum ab itinere, relictis in via parentibus, ut videret cadaver leonis, quem interfecit, non ex vanitate et curiositate, sed magis ut ex recenti materiæ miraculi hujus aspectu incitaretur de novo ad gratiarum actionem et laudem pro tanto beneficio, quod vicit volentem se devorare. Et ecce examen, id est congregatio, apum in ore leonis erat, et favus mellis, ex apum mellificatione. Sunt autem diversæ species apum : quarum quædam naturaliter horrent foetida loca, quædam vero ignobiliores talia non abhorrent, quales istæ videntur fuisse. Quem, scilicet favum mellis, quum sumpsisset in manibus, comedeat in via ; veniensque ad patrem suum et matrem, dedit eis partem mellis : sed et sponsæ suæ tradidit partem, ut Magister in historiis addit ; qui et ipsi comederunt ; nec tamen eis inquirentibus unde mel illud collegisset, voluit indicare, quod mel de corpore leonis sumpserat.

Descendit itaque pater ejus cum eo, imo et mater sua, et fecit filio suo Samson convivium nuptiale in domo sponsæ. Sic enim juvenes facere consueverant, id est procurare, ut eorum parentes facerent nuptiale convivium. Quum ergo cives illius loci, scilicet Thamnathæi, vidissent eum, id est considerassent, quod Samson esset juvenis valde robustus et audax, dederunt ei sodales triginta, qui essent cum eo. Secundum expositores, quum cives Thamnathæi exercebant epulas nuptiarum, timentes robur Samsonis, adjunxerunt ei de suis tot juvenes fortes, sermone et specie socios, et quasi ob nuptiarum honorem, sed re ipsa custodes, quatenus ei resisterent, si crescente convivarum satietate, aliquid attentaret adversus eos. Quibus locutus est Samson: Proponam vobis problema, hoc est quæstionem obscuram et difficilem ad solvendum. Quærebat enim occasionem contra eos, et probabiliter æstimavit ex propositione illius problematis contentionem mox orituram, ut justam contra ipsos litem acquireret. Ideo addidit: quod si solveritis mihi infra septem dies convivii nuptialis, quod per unam duravit hebdomadam, sicut et in Genesi Laban ait ad Jacob: Imple hebdomadam dierum copulæ hujus; dabo vobis triginta sindones, id est lineas vestes, et totidem tunicas laneas. Sin autem non potueritis solvere, vos dabitis mihi triginta sindones et ejusdem numeri tunicas. Responderunt ei: Proponere problema ut audiamus. Erubuerunt enim eo inferiores apparere in sapientia. Dixitque eis: De comedente exivit cibus, et de forti egressa est dulcedo. Sensus hujus problematis infra in textu exprimitur. Josephus autem refert eum ita proposuisse: Qui cuncta devorat, cibum genuit de se suavem, licet ipse sit insuavis. Nec potuerunt per tres dies propositionem solvere, id est, exponere qualiter esset intelligenda, quamvis inter se diligentissime conquisissent.

Quumque adesset dies septimus, dixerunt ad uxorem Samson: Blandire viro

A tuo, ut indicet tibi quid significet problema. Quod si facere nolueris, incendemus te et domum patris tui. An idcirco vocastis nos ad nuptias, ut spoliaretis? Infra habetur, quod uxor ejus septem diebus convivii flebat coram eo, quatenus sibi explanaret problema præfatum: quomodo ergo nunc dicitur, quod quum adesset dies septimus, dixerunt triginta viri illi ad eam, Blandire viro tuo? Ad hoc in Scholastica respondetur historia: Quum adesset dies septimus, id est, quum adhuc esset dies inter septem primus. Vel, Quum adesset, id est appropinquaret, ita quod quarto die venerunt ad eam. Alii compendiosius dicunt, quod hoc loco per septimum diem intelligitur sabbatum, quod erat septimus dies hebdomadæ inter illos dies occurrens, et erat quartus dies in ordine dierum convivii. Sed quomodo tunc verum est quod septem diebus rogavit uxor virum suum Samsonem cum lacrimis, quum non nisi quatuor diebus hoc fecerit? Respondetur, quod ibi capitur totum pro parte majori, ut sit sensus, quod aliquibus illorum diebus, et pro majori parte illorum dierum sic supplicavit: quemadmodum in Actis habetur, quod Jesus per dies quadraginta apparuit suis, non quod quolibet illorum dierum eis apparuit, sed in multis ipsorum, videlicet primo et ultimo, et interdum intermediis quoque diebus. Quæ fundebat apud Samson lacrimas, et querebatur, dicens: Odis me, et non diligis: idcirco problema quod proposuisti filiis populi mei, non vis mihi exponere. At ille respondit: Patri meo et matri nolui dicere, et tibi indicare potero? Septem igitur diebus convivii flebat ante eum.

Tandemque die septimo, qui in ordine dierum convivii septimus erat, quum ei molesta esset, blandis, lacrimosis et incessantibus precibus, femineisque blanditiis etiam in lecto, exposuit ei problema cum spe et exactione, quod ipsa nemini revelaret. Quod ipsa non observavit. Nam subditur: Quæ statim indicavit civibus suis, scilicet pronubis seu sodalibus jam prædictis. Et illi

dixerunt ei, puta Samsoni, die septimo ante solis occubitum. quia si distulissent diutius, obligati fuissent Samsoni sindones tunicasque prædictas. *Quid dulcius melle? et quid fortius leone?* quasi dicant, Sensus problematis est, quod de ore leonis acceptus est cibus, et de eodem leone occiso prodiit favus mellis, quem apes ibi fecerunt. Ad quod (ut in Scholastica historia dicitur) addidit Samson: Quid dolosius muliere? quasi dicat, Uxor mea decepit me. Idcirco subjungitur: *Qui ait ad eos: Si non arassetis in vitula mea, non invenissetis propositionem meam.* Per vitulam intelligit suam uxorem propter feminarum lasciviam; vel quia idololatriæ insolentiis ac vanitatibus dedita erat; aut quia sibi fuit subjecta, ut vitula tauro. Est itaque sensus: Si non instar arantium profundassetis inquisitionem vestram cum adiutorio meæ uxoris, non reperissetis ex ingenio proprio intellectum mei problematis.

Irruit itaque in eum Spiritus Domini: id est, inspiratio Dei movit eum ad faciendum quod subditur, ideo nec culpabile fuit. *Descenditque Ascalonem,* id est urbem Philistinorum sic dictam, *et percussit ibi triginta viros:* quia jam habuit causam

contra Philistiim. Et quamvis illi erant innoxii ab hac causa, tamen divino iudicio rei mortis fuerunt ob alia crimina sua, et quia in filios Israel sæpe ac graviter peccaverunt. *Quorum ablutas vestes,* videlicet sindones et tunicas, *dedit his qui problema solverant.* Iratusque nimis contra suam uxorem, quæ ei tantam infidelitatem exhibuit, et contra sodales, qui per fraudem et vim obtinuerunt triumphum, quia per mortis comminationem extorserunt a sua uxore, quod solutionem problematis a suo quæsivit marito, eisque revelavit, quum tamen ex se ipsis debuissent illud exponere; *ascendit in domum patris sui:* dimitendo ad tempus uxorem ex indignatione et ira, imo ex ira per zelum, quousque fervor iræ suæ cessavit. *Uxor autem ejus, maritum accepit unum de amicis ejus et pronubis,* id est sodalibus, qui ejus adstiterat nuptiis, et se esse simulavit amicum Samsonis, aut forsitan erat. Veruntamen quum vinculum matrimoniale sit insolubile viventibus conjugatis, mulier illa non contraxit verum connubium cum altero illo. Porro, quod Samson fuit verus ejus maritus, non obstante dispari cultu, fuit ex dispensatione divina.

ARTICULUS XXV

DE MYSTICA INTELLIGENTIA EJUSDEM CAPITULI QUARTIDECIMI.

PER hoc quod Samson relictis sui populi filiabus, complacentiam habuit ad desponsandum sibi alienigenam ex Philistiim natam, quoniam contra Philistæos occasionem quærebat, præfiguratum est, quod Christus relictis Judæis, ex quibus secundum carnem duxit originem, desponsavit sibi Ecclesiam ex gentibus præelectam: pro ejus conversione et spiritualibus nuptiis secum agendis, instanter rogavit Patrem æternum, quoniam contra dæmones

præliari optavit, quorum filii erant gentiles idololatæ: quos dæmones Dominus et Salvator invasit, et de gentilium animabus ejecit. Quemadmodum etiam Samsonis parentes plurimum mirabantur, quod Samson alienigenam ducere voluit; sic primi quidam ex Judaismo conversi, vehementer sunt admirati, quod Dominus Jesus per suos discipulos ad gentilium conversionem, spiritualemque desponsationem processit. Unde quum beatissimus princeps

Apostolorum introisset ad Cornelium cen- A
turionem ac ejus domesticos, prædicasset-
Act. xi, 2, 3. que eis, disceptaverunt contra eum, dicen-
tes : Quare introisti ad viros præputium ha-
bentes, et manducasti eum eis? ut in Actis
scriptum est. Paulus quoque de infidelibus
1 Thess. ii, 15, 16. loquens Judæis : Deo, inquit, non placent,
et omnibus hominibus adversantur, pro-
hibentes nos loqui gentibus verbum Dei,
ut salvæ fiant. Verumtamen, sicut parentes
Samsonis cognita Dei voluntate, suo filio
acquieverunt, et ei alienam puellam sum-
pserunt in conjugem ; sic ipsi summi di-
scipuli Christi ex Judæis progeniti, facti
sunt ministri conversionis gentilium, et
paranymphi fuerunt conjunctionis Christi
atque Ecclesiæ ex gentilitate assumptæ.

Amplius, sicut Samson ad desponsan-
dum alienigenam transiens, occidit leonem
sævum in vineis ; sic Christus per Aposto-
los ad gentilitatis conversionem progre-
1 Petr. v, 8. diens, vicit in via diabolum, qui tanquam
leo rugiens circuit, quærens quem devo-
ret. Invenitque in ore diaboli apum exa-
men, id est multitudinem animarum ab
Job xl, 18. illo spiritualiter devoratarum, qui absorbet
fluvium, nec miratur ; ejus esca electa,
dum sibi incorporat et deglutit animas su-
perbenedictæ Trinitatis imagine insigni-
tas. Has rapuit Christus ex ore diaboli, et
fecit eas sibi cibum dulcissimum, quem
sibi incorporavit, Deoque Patri obtulit ei
inviscerandum.

Deinde, sicut pater Samsonis fecit filio
suo nuptiale convivium septem dierum ;
sic Pater Christo per totum tempus evan-
gelicæ legis nuptias facit cum militanti Ec-
Matth. xxii, 2. clesia, juxta illud in Evangelio : Simile est
regnum cœlorum homini regi, qui fecit
nuptias filio suo. Iterum, sicut Samson in
illo convivio commensalibus suis proble-
ma proposuit ; sic Dominus Christus in
Evangelio multas nobis proponit parabo-
las, quarum intellectum requirit a nobis :

et si salubriter intellexerimus eas, largitur
nobis pro præmio amictum virtutum et
mentis munditiam ; si quo minus, ratio-
nem exquiret a nobis negligentiae et insi-
pientiae nostræ. Sed sicut Philistæi intelle-
ctum problematis invenire non valentes,
rogabant Samsonis uxorem, ut precibus a
suo extorqueret marito interpretationem
problematis ; ita et nos rogemus Eccle-
siam, id est personas devotas, quatenus il-
luminacionem et sapientiam salutarem ora-
tionibus suis ac meritis adipiscantur nobis
B a Sponso cœlesti. Præterea, per hoc, quod
uxor Samsonis ei infidelis effecta est, et
alteri nupsit, est figuratum, quod Eccle-
sia in multis ad eam pertinentibus deserit
Sponsum supernum, et cadit, atque diabo-
li adultera redditur. Hinc Salvator iratus,
discedit a talibus. Et sicut Samson in Asea-
lone percussit triginta viros, quorum vestes
tradidit expositoribus sui problematis ; sic
Christus sapientes sæculi hujus et recidi-
vantes condemnat, et sapientiam eorum
naturalem, virtuosaque merita, quæ ali-
quando habuerunt, communicat et largitur
C suis electis, quoniam bona talia meritoria
non deserit irremunerata.

Moraliter studeamus et nos alienigenam
ducere, id est, animas sæculares et pecca-
trices convertere, ac Christo unire. Diabo-
lum quoque leonem sævissimum vincere
enitamur, per humilitatem et caritatis fer-
vorem, orationes et lacrimas, atque per ju-
gem cordis custodiam, incessabilemque
profectum. Verumtamen nequaquam emol-
liamur blandimentis femineis, nec aliqua
D superemur carnali affectione, nec omni
credamus spiritui, neque secreta nostra
alicui incaute pandamus, imo nec ea quæ
in secreto accepimus, infideliter resere-
mus, quum in Ecclesiastico scriptum sit :
Qui denudat arcana amici, perdit fidem.
Et rursus ibidem : Denudare amici myste-
ria, desperatio est animæ infelicis.

1 Joann. iv, 1.

Ecclesi. xxvii, 17, 24.

ARTICULUS XXVI

EXPOSITIO CAPITULI QUINTIDECIMI : POST ALIQUANTUM AUTEM TEMPORIS QUUM DIES TRITICEÆ MESSIS INSTARENT.

IMPUGNATIO Philistinorum a Samsone, A modo describitur. *Post aliquantum autem temporis quum dies triticeæ messis instarent, venit Samson, invisere, id est visitare, volens uxorem suam, et attulit ei hædum de capris : in quo patet quod non erat immansivus in ira, sed cito indulgens, quia post modicum tempus ad suam rediit conjugem, a qua tam graviter fuit offensus, infideliterque tractatus ; nec tantum rediit, sed et munusculum attulit ei, ut et ipsa placaretur, si forte ex suo recessu fuisset offensa. Graviter igitur peccant mariti, qui contra suas contorales tam leviter indignantur, et diu ab illis se subtrahunt, ac difficulter placantur.*

Quumque cubiculum ejus solito vellet intrare maritali affectu, ne et illa ex sua ab eo absentia caderet. Propter quod non licet viro, a sua uxore immoderate se absentare. Prohibuit eum pater illius, puta uxoris, dicens : Putavi quod odisses eam, quia reliquisti eam ad tempus, et ipsa multum offenderat te ; et ideo tradidi illam amico tuo : juxta sensum in præcedentis expositione capituli introductum ; sed hoc factum fuit nimis cito. Et quamvis mora multo major intervenisset, tamen primo marito ad conjugem redeunte, magis spectat ad eum, et restituenda est ei, quam pertineat ad secundum, quum vinculum matrimonii consummati, inter viventes non solvatur. Sed habet sororem quæ junior et pulchrior illa est, ideo amabilior videbatur ; sit tibi pro ea uxor. Sed tale matrimonium modo non licet. Cui respondit Samson : Ab hac die non erit culpa in me contra Philistæos : id est, non peceabo, mala pœnæ infligendo Philistæis, quia ad hoc habeo cau-

sas justas, quum tam graviter sim offensus ab eis, a quibus et uxor mea mihi jam est ablata. Faciam enim vobis mala. Itaque eos præavisavit, nec instar latronum sine præcomminatione ipsos invasit. Quod si quæratur, cur ob istas injurias sibi a paucis Philistæis irrogatas, toti populo comminatus est ac intulit damna : respondetur, quod divino instinctu hoc fecit, quoniam Philistæi erant in filios Israel generaliter rei, eratque Samson divinæ justitiæ instrumentum ad punitionem illorum.

Perrexitque et cepit trecentas vulpes. Samson jam fuit judex populi Israel, sicut de eo Jacob prædixit : Dan judicabit populum suum, id est Samson natus de stirpe Dan. Ideo habuit famulos et auxiliosos satis multos, quorum auxilio per retia atque industrias cepit tot vulpes. Nam vulpes ibi abundant. Et forte angelico juvabatur auxilio, quia in hoc præordinatus et natus fuit ut affligeret Philistæos. *Caudasque earum junxit ad caudas, hoc est, caudam unius alligavit caudæ alterius per apta ligamina. Colligavit autem duas vulpes ad invicem, et faces ligavit in medio, id est, inter quodlibet par vulpium sic colligatarum, unam ligavit facem, eam innectendo illi ligamini quo vulpes fuerant colligatæ : quod ligamen fuit satis ad hoc longum. Quas faces igne succendens, dimisit vulpes, quas tenebat instar canum vinculatas in rure juxta blada, ut huc illucque discurrerent. Erantque faces illæ difficulter extinguibiles, et non incendebant vulpes. Quæ statim perrexerunt in segetes Philistinorum.* Vulpes quippe visis flammis, quæ erumpebant ex facibus, erant turbatæ ac territæ ; nec more solito festinabant ad

Gen. XLIX, 16.

Judic. XIV, 20.

silvas, speluncas, latibula, nec prompte A currere quibant : ideo introierunt loca eis viciniora, videlicet segetes, in quibus forte paulatim comburebantur et ipsæ. *Quibus segetibus succensis per faces ardentes, quoniam segetes jam fuerunt maturæ et siccæ, et comportatæ jam fruges, id est in agris collectæ, seu in acervos grandes reductæ, et adhuc stantes in stipula, concrematæ sunt, in tantum, ut vineas quoque et oliveta flamma consumeret* in diversis campis, in quibus divisim dimiserat vulpes per se et per auxiliarios suos. Non B enim verisimile est, quod solus hæc omnia fecerit.

Dixeruntque Philistiim : Quis fecit hanc rem? Quibus dictum est ab aliquo Hebræo aut Philistæo : Samson gener Thamnathi, id est maritus filiæ viri de Thamnatha, quia tulit uxorem ejus, et alteri tradidit, hæc operatus est. Ascenderuntque Philistiim, et combusserunt tam mulierem quam patrem ejus. Quibus ait Samson : Licet hæc feceritis, id est, feminam illam et patrem ejus combusseritis, in quantum fuerunt C occasio incendii rerum vestrarum, tamen adhuc ex vobis expetam ultionem, propter alias vestras iniquitates, quarum flagellum sum ex commissione divina ; et tunc quiescam. Qui enim iratus est, dum se ad libitum ultus est, conquiescit et delectatur. Unde et passionibus irascibilis, dicuntur in passionibus concupiscibilis terminari. Hæc itaque dixit eis per internuntium, si-ve ore tenus quibusdam illorum : in quo patet magnanimitas ejus.

Percussitque eos ingenti plaga, quæ non D exprimitur hic determinate et qualiter facta sit ; ita ut stupentes, id est, de tam inopinato eventu et miro effectum vehementer mirantes, præsertim quod in uno viro tanta consisteret fortitudo, et quod Hebræi, qui eis fuerunt tot annis subjecti, talia perpetrarent, suram femori imponerent, id est, unum crus superponerent alteri, ut moris est eis, qui cura grandi gravantur, atque sollicitè meditantur de his quæ eis acciderunt, aut futura verentur, quid item

in talibus sint acturi. Sic mæsti ponere solent maxillam super manum. Sura est tibia. Hinc Septuaginta transtulerunt : Percussit Samson alienigenas ad tibiā super femur, id est tam mirabiliter, ut præ stupore tibiā unius pedis super femur alterius ponerent, non illi qui jam erant percussi, sed alii. Sic Augustinus et Glossa exponunt. Porro, ut Lyra refert, in Hebræo habetur : Percussit eos plaga magna : tibiā super crus suum. Quod exponunt Hebræi de percussione peditum cum equitibus, quoniam pedites in bello magis innituntur tibiis, equites cruribus. Quidam hic scribit : Sura est posterior pars cruris, femur anterior : quod non videtur idonee dictum, quum sura sit tibia, et femur pars cruris posterior. Unde et Abraham dixit : Pone manum tuam subter femur meum. *Gen. xxiv, 2.* Magister quoque in historiis : Tibiis, inquit, incedimus, super femur sedemus. At vero, secundum Rabbi Paulum, ista est littera : Percussit eos sura super femur plaga magna : quod secundum eum, antiqui Hebræorum exponunt, dicentes, quod sine armis et adjuncto extrinseco percussit eos calcitrando, sicut homo cum calcaneo suo conjuncto suræ, percutit femur alterius ; et si percussio est valida, cadit percussus. Sicque ad ostendendum eminentiam fortitudinis Samsonis, exprimitur modus iste percutiendi extraneus atque insolitus.

Et descendens, habitavit in spelunca petrae Etam. Sic et David fugiens Saulem, in speluncis et juxta petras legitur habitasse. *I Reg. xvii, 1.* Verumtamen Samson non ex timore neque ^{1.} ut fugiens, in spelunca illa moratus est, sed potius ex devotione, ut Deo vacaret quietius, et ne occasione sui urbs in qua esset, periclitaretur. *Igitur ascendentes Philistiim in terram Juda, id est in sortem tribus Juda, quæ erat in una extremitate terræ promissionis, et advenientibus Philistæis primo occurrens, castrametati sunt in loco, qui postea vocatus est Lechi, id est maxillæ, ubi eorum fusus est exercitus. Dixeruntque ad eos viri de tribu Juda : Cur ascendistis adversum nos? quasi*

dicant, Servi et tributarii vestri sumus, nec repugnare disponimus. *Qui responderunt: Ut ligemus Samson, venimus, et reddamus ei quæ in nos operatus est*, id est, ut eum vinctum tradamus superioribus nostris, quatenus debite illudatur et occidatur.

Descenderunt ergo tria millia virorum de Juda ad specum silicis Etam, scilicet ad præfatam speluncam. *Dixeruntque ad Samson: Nescis quod Philistiim imperent nobis? Quare ergo hoc facere voluisti?* quasi dicant, Exposuisti nos omnes periculo. *Quibus ille ait: Sicut fecerunt mihi, sic feci eis*, id est, pro injuriis mihi injuste illatis intuli eis justas vindictas, præsertim propter communem Israelitici populi liberationem. Nec hoc fuit contra illud Pro-
Prov. xx,
22.verbiorum, Ne dicas, reddam malum pro malo: quia pro malo culpæ, non est malum culpæ retribuendum. Interdum tamen malum pænæ est reddendum pro malo culpæ, ut servetur decor justitiæ, præsertim pro conservatione rei publicæ. *Ligare, inquit, te venimus et tradere in manus Philistinorum*. Hoc facere voluerunt viri Juda timore Philistinorum, a quibus viderunt se et totum populum Israel impugnandum, nisi traderent Samsonem in manus eorum. *Quibus Samson: Jurate, inquit, et spondete mihi, quod non me occidatis*, si me ligari permisero. Samson scivit quod non possent eum invitum ligare, nec volebat eis resistere, quia non voluit lædere eos: ideo se ligari permisit, tamen sub hac conditione. Maluit quoque permittere quod ligaretur, quam quod filii Juda et aliæ tribus Israel a Philistæis infestarentur. Denique petiit certificari de hoc, quod non occideretur, non solum juramento, sed etiam promissione, quæ interdum fortius ligat quam juramentum. *Qui dixerunt: Non te occidemus*, et hoc juraverunt ac promiserunt; *sed vinctum trademus*. *Ligaveruntque eum duobus novis funibus*, qui solent esse fortiores, *et tulerunt eum de petra Etam*.

Qui quum venissent ad locum Maxillæ: quod nomen loco illi impositum est ab

A eventu, qui paulo post recitatur; *et Philistiim vociferantes præ gaudio, quasi jam certi de hostis sui captivitate et morte, occurrissent ei, quem viri Juda trahebant ut reum et furem, irruit in eum Spiritus Domini*, id est, a Deo motus et confortatus est ad faciendum quæ subjunguntur. *Et sicut solent ad odorem ignis, id est ex impressione caloris, ligna consumi, ita vincula quibus ligatus erat, dissipata sunt et soluta*, id est, tam celeriter ac faciliter dissipavit et rupit ea. *Inventamque maxillam, id est mandibulam asini, quæ jacebat, arripiens, interfecit in ea mille viros*: quod satis mirabile fuit, quod inter tot concussiones mansit illæsus ac vivus, quum esset inermis. Hoc quoque mirabile, quod tantus pugnator, sciens se tot tamque acerrimos hostes habere, non habuit gladium secum, nec aliquam armaturam, sed de sua fortitudine et Dei auxilio satis securus fuit. Imaginor autem, quod visis Philistæis, mox impetuosisime cucurrit in eos, atque tam velocissime unum super alium trusit ac plurimos simul prostravit, et omnes sic perturbavit, quod nullus illorum poterat eum accedere ad nocendum. *Et ait: In maxilla asini, id est cum maxilla, tanquam per instrumentum, in mandibula pulli asinarum, hoc est juvenis asini ex asinabus nati, delevi eos*, id est, Philistæos occidi, *et percussi mille viros* de exercitu Philistæorum. Alii autem fugerunt (secundum Josephum) ex timore. *Quumque huc canens verba complisset*. Cecinit enim canticum istud, gratias agens Deo de tam miro triumpho, atque (ut in Scholastica fertur historia) metricè cecinit ista. Præterea aliqui quærent, an totum canticum istud Samsonis descriptum sit. Estque probabile, quod non, quia nunc dictum est: Quumque hæc canens verba complisset; quasi dicatur, Omnia verba illius carminis non describuntur hoc loco. *Projecit mandibulam de manu, usu ejus completo; et vocavit nomen loci illius, Ramathlechi*: quod quid significet, auctor exponit, addens, quod interpretatur, elevatio maxillæ. De-

cuit quippe, locum in quo tam mirabile A contigit opus, ab eodem opere nomen novum sortiri, ad perpetuam rei memoriam, Deique laudem.

Exod. xv,
1-19.
Judic. v, 1-
31.

Sitiensque valde, nam fortiter laboravit. Dicunt tamen Hebræi, quod sitis illa fuit pœna peccati, quia (ut dicunt) dedit sibi gloriam, et non Deo. Quod non videtur, quum jam dictum est, quod gratias agens Deo, cecinit canticum, sicut et Moyses Pharaone submerso, Debora quoque et Barac adepta victoria. Fuit autem naturale post tantum conflictum sitire. Denique beneficium Dei recognoscens, devote oravit. *Clamavit ad Dominum, et ait: Tu dedisti in manu servi tui salutem hanc maximam*, id est valde mirabilem, *et en siti morior*, id est, morti propinquo, statimque moriar, nisi subvenias, *incidamque in ma-*

nus incircumcisorum, id est Philistinorum, qui me siti languentem faciliter capere possent. *Aperuit itaque Dominus molarem dentem in maxilla asini, et egressæ sunt ex eo aquæ*, sicut et aqua exivit de petra percussa Moysis virga. Et videtur, quod aquæ per creationem exierint inde, quum nil dentis aut petræ videatur versum in aquas illas. *Idco appellatum est nomen loci illius, Fons invocantis de maxilla, usque in præsentem diem*: quia de maxilla illa quasi de fonte, aqua manavit ad invocationem Samsonis. Sicque locus ille videtur nomina duo sortitus, videlicet istud et præcedens, propter duo miracula ibi facta. Vel (ut in historiis ait Magister) mutato priore nomine, nomen istud impositum est loco illi. *Judicavitque Israel in diebus Philistim viginti annis.*

11.

ARTICULUS XXVII

DE SENSU EJUSDEM CAPITULI QUINTIDECIMI MYSTICO.

Habac. iii,
2.

QUEMADMODUM Samson post aliquantum temporis rediit suam invisere uxorem, afferens ei hædum: sic Dominus et Salvator ad tempus solet suæ irasci Ecclesiæ seu animæ peccatrici, propter ipsius peccata: sed quum iratus fuerit, misericordiæ recordatur. Et sæpe prævenit gratiose atque piissime visitat, quam juste reliquerat. Sicque nonnunquam suam reformat Ecclesiam seu animam recidivantem. Nec vacuus redit, sed hædum adducit, quoniam corporis sui exhibet Sacramentum, sed et spiritualia alimenta.

Insuper, sicut Samsonem solito ingredi cupientem cubiculum suæ uxoris, prohibuit pater conjugis, dicens, Tradidi eam alteri viro; sic Christum thalamum cordis suorum fidelium volentem intrare, spiritualesque nuptias exercere, frequenter impedire nituntur carnales propinqui, amici ac

dæmones, asserentes, quod ipsos fideles oporteat carnalibus nuptiis tradi; sicque animas Christo in fonte Baptismatis, deinde in sacramento Pœnitentiæ consecratas, avertunt ab ipso, et tradunt dæmoniis constuprandas. Quibus animarum deceptoribus Christus vehementer irascitur, comminatur, infernalesque vulpes colligatas fœdere societatis nequissimæ, et faces cupiditatis, iræ, concupiscentiæ, malignitatis secum ferentes in caudis suis, in talium deceptorum segetes, hoc est actiones ac studia, permittit discurrere, ad tentandum ac superandum eosdem. Qui et vincuntur, et quidquid aliquando boni egerunt, amittunt, corruendo in vitia. Tunc iniqui gravius excæcati, efficiuntur instar Philistinorum Christo magis rebelles, et cum in suis membris persequuntur. Plurimosque secum implicare peccatis nituntur, in tan-

tum, quod etiam viri Juda, hoc est, qui A spirituales esse videntur, ut quidam religiosi et sacerdotes ac clerici, per reprobam vitam opponant se Christo, dicentes ei in suis ministris, a quibus admonentur et increpantur : *Nescis quod Philistiim imperent nobis*, id est, quod sæcularibus vanitatibus, vitiisque carnalibus ac dæmonum tentamentis victi ac subditi sumus, ita quod frustra corripimur, quia percussimus fœdus cum morte, et cum inferno fecimus pactum ? Hæc plane, etsi non sermone, tamen opere dicunt.

Is. xxviii,
15.

Insuper, sicut Samson propter filiorum Israel salutem se permisit ligari, ita et Filius Dei. Quemadmodum etiam Samson mandibula asini mille viros percussit, sic Christus per lignum crucis universos suos hostes, qui millenario designantur, prostravit. Et sicut Samson fatigatus sitivit usque ad mortem, sic Dominus Jesus in cruce locutus est, Sitio. Etenim corporaliter vehementissime sitiebat, sed siti majori nostram affectavit salutem. Porro, per dentem molarem, ex quo fluxit Samsoni rivulus aquæ, intelligitur cornu crucis, quæ animam Christi refecit : quoniam ex consideratione fructus suæ passionis, quam

Joann. xix,
28.

tulit in cruce, refocillabatur cor ejus. Sic ergo et nos quaecumque tribulatione, tentatione, labore afflicti aut lassati fuerimus, cum omni spe clamemus ad Dominum, qui hortatur : Venite ad me, omnes qui laboratis et onerati estis, et ego reficiam vos. Qui et in Apocalypsi ultimo capitulo protestatur : Qui sitit, veniat ; et qui vult, bibat aquam vitæ gratis.

Matth. xi,
28.

Apoc. xxii,
17.

Caveamus indesinenter, ne quempiam impediamus ab ingressu Christi in animam ejus, a devotione interna, a spirituali profectu aut religionis ingressu. Non simus Christo rebelles, et jugiter evitemus, ne Philistiim imperent nobis. Nempe omnis qui peccat, servus est peccati, et iniqui sunt servi corruptionis. Absit ut aliquis nostrum instar virorum Juda cooperetur Philistæis adversus Samsonem, hoc est, nemo cooperetur dæmonibus aut etiam vanis et vitiosis hominibus ad seducendum aut perturbandum et scandalizandum animas Christi sanguine liberatas. Etenim vae homini per quem scandalum venit. Et Apostolus monet : Ne ponatis offendiculum fratri aut scandalum. Et rursus : Quæ pacis sunt, seetemur ; et quæ ædificationis sunt, invicem custodiamus.

Joann. viii,
34.
II Petr. ii,
19.

Matth.
xviii, 7.

Rom. xiv,
13, 19.

ARTICULUS XXVIII

EXPOSITIO LITTERALIS CAPITULI SEXTIDECIMI : ABIIIT QUOQUE IN GAZAM,
ET VIDIT IBI MULIEREM.

CONFLICTUS Samsonis contra adversarios suos usque ad mortem ipsius, hic scribitur. *Abiit quoque in Gazam*, quæ fuit una quinque principalium urbium Philistinorum. Quo constat quod eos non formidavit, nec Gazenses audebant eum invadere, etiam in propria urbe. *Et vidit ibi mulierem meretricem, ingressusque est ad eam*. Si introivit ad eam ad fornicandum, peccavit mortaliter. Ex quo elicitur, quod

non fuit sanctificatus in utero : quia sic sanctificati, dicuntur postea mortaliter non peccare. Hebræi tamen (ut fertur) legunt, Mulierem hospitatricem, quia dictio Hebræa utrumque designat. Circa quod scribit quidam : Propter hoc non invaserunt eum Philistæi ibi, videlicet in hospitio, quia secundum legem terræ, debet homo in hospitio securitatem habere. Quod non videtur idonee dictum, quoniam rei, præ-

sertim publici hostes totius communitatis, A securitatem non habent in suorum hospitibus æmulorum. Philistæi autem reputabant Samsonem suæ reipublicæ maximum hostem : imo talibus adversariis prohibetur ingressus in terram quam vastant.

Quod quum audissent Philistiim, et percrebuisse apud eos, intrasse urbem Samson, circumdederunt eum. Hoc intelligi potest, quod eives Gazæi circumdederunt domum, in qua Samson erat ; vel quod alii quoque Philistæi circumdederunt urbem illam, ne per aliquam ejus partem evaderet. *Positis in porta civitatis custodibus,* in ea scilicet porta, per quam fuerat exiturus ; vel singulare ponitur pro plurali, ut sit sensus, quod in singulis portis urbis illius posuerunt viros armatos ad observandum ejus egressum. *Et ibi tota nocte cum silentio præstolantes, ut facto mane exeuntem de domo mulieris, vel de porta civitatis, occiderent in altero horum locorum.* Sed quomodo præstolabantur in porta tota nocte, quum subjungatur, *Dormivit autem Samson usque ad noctis medium?* Dici potest, C quod per synecdochen hoc dicatur. Porro, an tamdiu vere dormivit, an potius tamdiu dormisse dicatur, quia tamdiu jacuit cum femina illa, juxta communem modum loquendi, ignoro. *Et inde consurgens, apprehendit ambas portæ fores, id est januas, cum postibus suis et sera, impositasque humeris suis portavit ad verticem montis qui respicit Hebron.* Unde percipisse videtur se esse obsessum. Quare Philistæi hoc cernentes, eum non invaserunt? An sopor vel timor eos invasit? Vel si resistere et D eum invadere nitebantur, mox eos abjecit ac repulit. Denique si peccavit cum femina illa, mirum quod Deus in illo articulo dedit et conservavit in eo fortitudinem tantam : in quo mira Dei misericordia commendatur. Unde et videri alicui potest, quod fortitudo illa fuit in eo habitualiter, quamdiu legem Nazaræorum servavit. Aliqui vero dicunt, quod non aderat ei semper sive ad libitum, sed interdum, secundum quod expediebat secundum dispositionem divinam.

Post hæc amarit mulierem quæ habitavit in valle Sorec : est autem Sorec, genus aut locus vitis : et vocabatur Dalila. Scriptura non docet, an mulier ista fuit de stirpe Philistinorum an Hebræorum ; nec etiam exprimit, an duxit eam uxorem. Et puto, quod sumpsit eam in conjugem, quoniam multo tempore sedit cum ea, ne videatur tanto tempore in fornicatione sedisse. Videtur quoque, quod fuerit Philistæa, quoniam satrapæ Philistinorum tam confidenter accesserunt ad eam, ut deciperet B virum suum, et ipsa tam cito acquievit eisdem, tamque infatigabiliter laboravit pro hoc. *Veneruntque ad eam principes Philistinorum atque dixerunt : Decipe eum, et disce ab illo in quo habeat tantam fortitudinem, et quomodo eum superare valeamus, et vinctum affligere. Quod si feceris, dabimus tibi singuli mille et centum argenteos.*

Locuta est ergo Dalila ad Samson : Dic mihi, obsecro, in quo sit tua maxima fortitudo, id est, in quo consistat, et ex qua causa dependeat, et quid sit in quo ligatus, erumpere nequeas? Cui respondit Samson in dolo, vel forte ironice, non assertive, et sic excusaretur a culpa mendacii. Infra tamen Dalila ei imponit quod mentitus sit ei. Quod si ita, est mendacium illud jocosum, non perniciosum. Si septem nervicis funibus, hoc est de nervis formati, necdum siccis, et adhuc humentibus, qui difficilius dirumpuntur, ligatus fuero, infirmus ero ut ceteri homines. Qui licet essent robusti in suo genere, tamen D respectu Samsonis erant infirmi : propter quod ceteri homines videbantur ei infirmi. Attuleruntque ad eam satrapæ Philistinorum septem funes, ut dixerat. Nam Dalila statim insinuavit eis verba Samsonis. Quibus funibus vinxit eum hoc permittentem. In Scholastica habetur historia : Dormientem et inebriatum Samsonem. Latentibus apud se insidiis, scilicet satrapis illis, et eorum familiis, qui et occulte venerunt ; et in cubiculo finem rei expectantibus, an scilicet Samson rumperet vincula

illa, an non. Et erant satrapæ in aliquo A loco cubiculi satis secreto. *Clamavitque ad eum: Philistiim super te, Samson*, id est, Philistæi super te irruunt. *Qui rupit vincula, quomodo si rumpat quis filum factum de stuppa, tortum sputamine, quum odorem ignis acceperit.* Nam feminæ nendo miscent aliquid salivæ seu sputi, ut materia quæ filatur, magis cohæreat. *Et non est cognitum in quo esset fortitudo ejus.* Denique visa seu cognita vinculorum illorum diruptione tam mire facillima, Philistæi clam abierunt.

Dixitque Dalila ad eum: Ecce illusisti mihi, et falsum locutus es; saltem nunc indica mihi, quo ligari debeas, ita ut erumpere nequeas. Cui ille respondit: Si ligatus fuero septem novis funibus, qui nunquam fuerunt in opere, infirmus ero et aliorum hominum similis in debilitate, quibus per fortitudinem dissimilis sum. Quibus rursum vinxit eum Dalila, et clamavit: Philistiim super te, Samson, in cubiculo insidiis præparatis, juxta expositionem præactam. Nam Dalila iterum insinuaverat Philistæis responsum Samsonis. Quo cognito, venerunt cum funibus novis. *Qui rupit vincula quasi fila telarum: in quo patet admirabilis fortitudo ipsius.* *Dixitque Dalila rursum ad eum: Usquequo decipis me, et falsum loqueris? Ostende quo vinciri debeas. Cui respondit Samson: Si (inquit) septem crines capitis mei cum licio plexueris, hoc est composueris, et clavum his crinibus circumligatum terræ fixeris, infirmus ero. Quod quum fecisset Dalila, dixit ad eum: Philistiim super te, Samson.* Qui consurgens de somno: unde videtur quod ipsa hoc fecit dormienti Samsoni, qui habuit longissimos pilos, videlicet nunquam rasos; *extravit clavum crinibus et licio.*

Dixitque Dalila: Quomodo dicis quod amas me, quum animus tuus non sit mecum? Per tres rices mentitus es mihi, et noluisti dicere in quo sit maxima fortitudo tua. Quasi dicat: Signum est quod non dicis hoc vere, quia secreta tua abscondis

a me, et mentiendo contristas atque illudis me; quum tamen ego ex amore præcipuo cupiam tua scire occulta, quum amicorum sit proprium, desiderare cognoscere et mutuo sua communicare secreta. *Quumque molesta ei esset, et per multos dies jugiter adhereret, spatium ad quietem non tribuens, id est, eum dormire non sinens, defecit anima ejus, et ad mortem usque lassata est: nec tamen vi aut timore compescuit improbam illam, quia sensualiter nimis afficiebatur ad ipsam. Tunc aperiens veritatem rei, dixit ad eam: Ferrum nunquam ascendit super caput meum, id est, crines capitis mei nunquam abrasi sive abscissi sunt, quia nazareus, id est consecratus Domino sum de utero matris meæ. Si rasum fuerit caput meum, recedet a me fortitudo mea: quantum ad excellentiam suam, propter transgressionem præcepti Nazaræis dati de hoc quod non radantur; et deficiam, eroque sicut ceteri homines.* Ezech. XLIV, 20.

Vidensque illa, id est considerans, quod confessus ei esset omnem animum suum, id est totum cor suum de ista materia. Hoc namque ex modo loquendi Samsonis perpendit, quia cum multa gravitate et reverentia Dei hæc protulit. Et vidit eum infra longum tempus non rasum. *Misit ad principes Philistinorum ac mandavit: Ascendite adhuc semel: jam enim tribus vicibus ascenderant; quia nunc mihi aperuit cor suum. Qui ascenderunt, assumpta pecunia quum promiserant. At illa dormire eum fecit super genua sua, et in sinu suo reclinare caput: et forte inebriaverat eum.* *Vocavitque tonsorem, quem jam ante fecit in domo adesse, et rasis septem crines, id est universos pilos capitis ejus, quia septem, est numerus universitatis. Vel septem duntaxat. Aptius tamen per septem crines, intelliguntur septem collectiones pilorum ipsius. Unde (ut fertur) in Hebræo habetur, Septem floccellos. Sicque abrasit totam ejus cæsariem per septem floccellos discriminatam seu disgregatam. Nam et infra habetur: Jamque capilli ejus renasci cœperunt. Unde apparet, quod non septem tantum*

pili erant abscissi. *Et cepit abigere eum, et a se repellere. Statimque ab eo fortitudo discessit. Dixitque : Philistiim super te, Samson. Qui de somno consurgens, dixit in animo suo : Egrediar, sicut ante feci, et me exentiam.* Dicunt aliqui, quod Dalila rasum Samsonem in somno etiam ligavit, ad experiendum pro certo, an adhuc vincula rumpere posset. Sicque sensus est : Exentiam me de vinculis. Sed quia ipsa jam pro certo cognoverat, quod rasmus fortitudinem perderet, nec in sinu suo quiescentem videtur potuisse multum ligare, B potest ita exponi : Exentiam me de irruentibus in me, si venerint. Nesciens quod recessisset ab eo Dominus.

Quem quum apprehendissent Philistiim, statim cruerunt oculos ejus, ne amplius noceret, aut resistere posset, sed pro libitu suo ei illuderent, et longam infligerent mortem. Et duxerunt Gazam vinctum catenis, qui funes toties ruperat, et clausum in carcere : prius tamen circumduxerant eum per terram, secundum Magistrum in historiis ; molere fecerunt, opera dura atque servilia ei injungendo. Dicunt tamen quidam Hebræi, quod coegerunt eum cum mulieribus Philistæis fortibus commisceri, ut ex ejus semine fortem acquirerent sobolem. Quod non videtur multum probabile, quia extimuissent, quod soboles illa faveret Hebræis. Nam filii ad propinquos patris magis affici solent. Ideo reor, quod si Samson habuisset filios ex feminis Philistæis quas habuit, Philistæi illos occidissent, si adfuisset facultas.

Jamque capilli ejus renasci cœperant : D non tamen ex hoc accevit ei pristina fortitudo, ut aliqui pueriliter imaginantur, et infra patebit. Et principes Philistinorum convenerunt cum aliis multis in unum, ut immolarent hostias magnificas Dagon deo suo, falso et ficto, et epularentur, adscribentes deo suo comprehensionem Samsonis, dicentes : Tradidit deus noster inimicum nostrum Samson in manus nostras. Quod etiam populus videns, laudabat deum suum, eademque dicebat. Quæ vero Deo

permittente, imo et volente, facta sunt propter peccatum Samsonis, ut purgaretur in vita hac. Non enim debuit sua secreta conjugii perfidæ revelare ; nec excusatur, quamvis eo ignorante fuerat rasmus, quia ad hoc culpabilem præbuerat occasionem. *Lantesque per convivia, sumptis jam epulis, præceperunt ut vocaretur Samson, hoc est adduceretur, et ante eos luderet, id est, suo caeco incessu et incerto progressu exhiberet eis jocum et risum. Qui eductus de carcere, ludebat ante eos. Feceruntque eum stare inter duas columnas. Qui dixit puero regenti gressus suos : Dimitte me ut tangam columnas, quibus omnis imminet domus, et recliner super eas, et paululum requiescam. Domus autem erat plena virorum ac mulierum. Et erant ibi omnes principes Philistinorum, ac de tecto et solarario circiter tria millia utriusque sexus, spectantes ludentem Samson.*

At ille invocato Domino, Dominum invocando ex totis præcordiis, ait : Domine Deus, memento mei, et, pro id est... Vel, Memento mei, mihi ignoscendo, atque ad limbum patrum meam animam perducendo. Redde mihi nunc pristinam meam fortitudinem : per quod constat, quod ex capillorum crescentia non accevit ei pristinum robur ; Deus meus, ut ulciscar me de hostibus meis. Et pro amissione duorum luminum, id est amborum oculorum meorum, in quorum pupilla lumen exstiterat visuale, unam ultionem recipiam. Zelo justitiæ hæc oravit, præsertim quoniam de superstitiosis sacrificiis atque blasphemii Philistinorum tabescebat cor ejus, et quia præordinatus ac natus fuit ad reprimendam Philistinorum impietatem.

Et apprehendens ambas columnas, quibus innitebatur domus : et erat templum seu fanum Dagon, secundum Isidorum, Scholasticamque historiam ; alteramque earum dextera, et alteram laeva tenens, ait : Moriatur anima mea cum Philistiim, id est, ego ipse seu vita mea animalis cum ipsis exstinguatur. Attamen sui ipsius ex-

stinctionem non intendebat directe, sed A et aliis causam illius mortis procuravit, concomitanter, quia nequibat evadere, morientibus illis. *Concussisque fortiter columnis, cecidit domus super omnes principes et ceteram multitudinem quæ ibi erat.* Secundum Augustinum, Deus per Samsonem fecit illud miraculum, quia supernaturaliter reddidit ei fortitudinem pristinam : ideo ex divino instinctu fecit hæc Samson. Unde et excusatur, quod ita occidit se ipsum, imo et commendatur, quod pro communi bono populi sui, ita se ipsum morti exposuit, ut interficeret oppressores populi Dei. Pœnituit quoque de culpis suis, et illa mors fuit ei purgatio, et forte quoddam martyrium. *Multoque plures interfecit moriens, id est hora qua sibi*

et aliis causam illius mortis procuravit, *quam ante vivus occiderat.* Nam præter satrapas et convivas occidit ibi tria millia plebis, ex tecto atque solarario ipsum ludentem spectantis ac irridentis. Vel ideo dicitur moriens multo plures interfecisse, quoniam omnes principes et nobiliores terræ erant ibi oppressi, quorum pauci plus reputantur quam multi vulgarium.

Descendentes autem fratres ejus et universa cognatio, tulerunt corpus ejus, et sepelierunt inter Saraa et Esthaol in sepulcro patris sui Manue. Judicavit Israel viginti annis. Ideo satis juvenis obiisse videtur. Siquidem in adolescentia sua cœpit Philistæos affligere. Et extunc cœpit filios Israel (ut creditur) judicare.

ARTICULUS XXIX

SPIRITUALIS EXPOSITIO EJUSDEM SEXTIDECIMI CAPITULI.

Gregor. homil. 21.

ABIIT quoque in Gazam, et vidit ibi C *mulierem meretricem.* Per Gazam (secundum Gregorium in homilia) designatur infernus, quem Christus passione finita ingressus est, quantum ad animam suam, id est in limbum patrum, in quo fuerunt animæ, quæ aliquando peccatrices fuerunt in sæculo, et quoad hoc, per mulierem meretricem signantur. Porro, quoad corpus suum, jacuit et dormivit in monumento, quasi in domo meretricis, id est carnis infectæ et corruptæ : non quod corpus Christi fuerit tale, sed quia in monumentis non nisi hujusmodi corpora consueverunt reponi. Per Philistæos significantur demones, perfidique Judæi, qui Christum in sepulcro gloriabantur esse conclusum, et illic adhibuerunt custodes, ut Christum in corde credentium seu crediturorum omnino exstinguerent, quatenus nec memoria remaneret ipsius, juxta illud Jeremiæ : *Eradamus eum de terra viventium, et nomen*

Jer. xi, 19.

ejus non memoretur amplius. Verumtamen, sicut Samson media nocte surgens a somno, removit et secum tulit portas Gazæ ad supereilium montis ; sic Salvator vel media nocte vel valde mane surgens a mortuis, exivit infernum, conterens portas æreas, atque de clauso exivit sepulcro, et eos qui erant in limbo, constituit in loco excelso. Præterea, per Gazam intelligi potest terra universa idololatrarum, quam Christus per Apostolorum et aliorum prædicationem discipulorum intravit : in qua vidit mulierem meretricem, id est gentilitatem idololatriæ deditam, ad quam gratiose divertit, meretricem illam convertit, et de ea effecit devotissimam summi Dei cultricem atque carissimam suam sponsam. Quo cognito, Philistæi, utpote principes, reges, imperatores infideles cum perfidis satellitibus suis, persequi, obsidere, occidere nisi sunt Christum in suis membris, et fidem ac legem ipsius prorsus auferre de

terra; sed ipse omnem ipsorum resisten-
tiam evacuavit, et faciem orbis terræ im-
plevit semine verbi cœlestis, multitudinē
quoque credentium.

Amplius, per Dalilam a Samsonē ama-
tam, sed versutam, mendosam et infidelis-
simam ei, intelligitur Synagoga, ad cujus
redemptionem primo ac specialiter Chri-
stus descendit. Hæc Synagoga diu versute
ac multipliciter Dominum Jesum tentavit,
et qualis esset ipsius potestas, exploravit:

Luc. xx, 2. Die, inquit, nobis, in qua potestate hæc
facis? Et sicut Samson permisit se ligari, B

Ibid. iv, 30. prehendi, et tamen transiens, per medium
ipsorum ibat, eorum elabens manus. Quem-

Matth. xxvi, 37;
Marc. xiv, 33.

Joann. xviii, 12;
Luc. xxii, 64; *Matth. xxvi, 57;*
xxvii, 1, 2, 27
et seq.

Is. lxiii, 3. quemadmodum demum Samson tandem captus,
excæcatus, ligatus, et in carceratus est; sic
Salvator tempore prædisposito infirmita-
tem ostendit, cœpitque contristari, pavere
et tædere. Moxque irruerunt in eum Phi-
listiim, et comprehendentes ligaverunt,
ejusque oculos velaverunt, et in domo Cai-
phæ quasi in carcere tenuerunt captum us-
que mane; deinde mane facto, duxerunt
eum in suum concilium, et irriserunt. De-
nique ipsum persequendo, meruerunt oc-
cidi, disperdi et condemnari ab eo, sicut
per Isaiam prædixit: Calcavi eos in furore
meo, et conculcavi eos in ira mea.

Quemadmodum etiam Samson oravit si-
bi restitui pristinam fortitudinem suam;
Hebr. v, 7. sic Christus passione instante, cum clamo-
re valido lacrimisque oravit, et pro sua
resuscitatione ac amissæ ad horam forti-
tudinis reparatione precatus est: Pater, D

Joann. xvii, 1.

inquit, clarifica Filium tuum. Per hoc
vero, quod Samson fanum Philistæorum
mira evertit virtute, et ejus simul oppres-
sit cultores, quid aliud figuratum est, nisi
quod Christus per suos fideles ubique ter-

rarum idolorum diruit templa, et pertina-
ces in idololatria dissipavit? Rursus, sicut
Samson unam expetiit ultionem pro duo-
bus sibi ablati luminibus; sic Dominus et
Salvator ex zelo justitiæ per Isaiam locu-
tus est, Dies ultionis in corde meo, annus
retributionis meæ venit. Postremo, per ho-
nestam sepulturam Samsonis a suis cognatis,
præfigurata cognoscitur venerabilissi-
ma Salvatoris sepultura a suis discipulis.

Is. lxiii, 1.

Moraliter docet nos ista historia, muli-
erum blandimenta fallaciasque vitare, de
propriis viribus nunquam præsumere, vin-
cula vitiorum effugere, concessa quoque
gratiæ dona diligentissime custodire. Et-
enim, sicut Philistiim captum Samsonem
mox excæcaverunt, sic animam tentationi
succumbentem, dæmones protinus omnino
excæcare nituntur, quatenus excæcatam,
statim quocumque voluerint, trahant, illu-
dant, contaminent; maxime vero moliuntur
viros perfectos et religiosos, per Samso-
nem expressos, dejicere et cæcare. Quod
si facere prævaluerint, præcipue glorian-
tur, et jocum ac ludum suum de ipsis ef-
ficiunt, juxta illud: Qui tribulant me,

exultabunt si motus fuero. Ideo super

Ps. xii, 5.

nostram stemus custodiam, sintque oculi

Habac. ii, 1.

nostri semper ad Dominum. Et si, quod
absit, contigerit nos per peccata et dia-
bolica tentamenta cæcari, clamemus cum

Ps. xiv, 15.

Samsonē cum omni constantia et fervore
ad Dominum, ut nos rursus illuminare ac
confortare dignetur, quatenus de invisibi-
libus hostibus nostris valeamus nos vin-
dicare, tanto ardentius ac indesinentius
insistendo universarum incrementis vir-
tutum. Atque de cetero cautiores perseve-
remus, magisque timorati, humiles et cir-
cumspecti in omnibus, ut cadant a latere
nostro mille, et decem millia a dextris
nostris.

Ps. xc, 7.

ARTICULUS XXX

ELUCIDATIO CAPITULI SEPTIMIDECIMI : FUIT EO TEMPORE VIR QUIDAM
DE MONTE EPHRAIM, NOMINE MICHAS.

CONSEQUENTER describuntur tres ca-
sus, qui tempore iudicium aut circiter
contigerunt. Primus est, de idolo Michæ,
qui in isto ac sequenti recitatur capitulo.
Quo autem tempore casus iste acciderit,
infra tangetur. *Fuit eo tempore* : non quo
Samson præfuit, de quo in fine præceden-
tis capituli dictum est, sed quo iudices
præerant, loquendo de tempore illo inde-
terminate : *vir quidam de monte Ephraim,
nomine Michas*, qui exstitit Ephratæus,
*qui dixit matri suæ : Mille centum argen-
teos quos separaveras tibi*, id est, seorsum
posueras quasi pro tua salute, deputando
illos pro idoli formatione, et aliis ad ido-
latriam requisitis, *et super quibus me
audiente iuraveras*, id est, cum iuramento
asseruisti, quod ex eis faceres idolum fa-
bricari : *ecce ego habeo, et apud me sunt*.
Quasi dicat, In bona custodia sunt : atque
(ut aliqui dicunt) Michas ad tempus eos
occulte subtraxerat matri suæ, volens eos
in alium expendere usum. Nunc autem ex
causa restituit eos matri suæ, quia de pe-
cuniæ amissione vidit eam multum affli-
ctam, et conturbatam, imo et subtractori

Reddidit ergo eos matri suæ, id est,
Michas præfatam pecuniam matri suæ re-
stituit, *quæ dixerat ei*, videlicet filio suo :
Consecravi et vovi argentum hoc domino,
id est deo quem colo, ut ad ejus honorem

A fiat ex isto argento simulacrum. Ideo sub-
ditur, *ut de manu mea suscipiat filius
meus* : id est, secundum hanc formam ju-
ravi et vovi facere idolum ex ista pecunia,
quod ego dabo pecuniam istam in manum
filii mei, quatenus ipse faciat inde fieri
quod promisi. Unde subjungitur, *et faciat
per manus artificis sculptile atque confla-
tile*. Ex hoc verbo aliquibus visum est,
quod facta sint inde idola duo : unum per
sculpturam et tusionem, aliud per con-
flationem seu fusionem. Alii dicunt, quod
B fuit unum dumtaxat, quod primo confla-
tum est, deinde per sculpturam politum :
quod verius reor, quoniam in sequenti ca-
pitulo legitur, quod filii Dan posuerunt in
Lais idolum Michæ. In Psalmo quoque ha-
betur de filiis Israel : *Feecerunt vitulum in
Horeb, et adoraverunt sculptile*. Ubi per
sculptile intelligitur vitulus aureus, qui
fuit primo conflatus, deinde et sculptus.
Et nunc trado illud tibi, id est, argentum
prædictum tibi filio meo assigno, sicut
promisi.

Reddidit ergo eos matri suæ, id est,
C Michas eandem pecuniam mox restituit
matri suæ, jam voto matris partim com-
pleto, ut ipsa ulterius exsequeretur pro-
prium votum, habens in hoc consensum
filii sui. *Quæ tulit ducentos argenteos, et
dedit eos argentario*, id est artifici ex ar-
gento fabricanti, *ut faceret ex eis sculptile
atque conflatile*. De residuo vero illius pe-
cuniæ, facta sunt cetera ad idololatriam
illam spectantia. *Quod idolum post suam
formationem fuit in domo Michæ ad tem-
pus, ut infra habetur. Qui tediculam quo-
que in ea deo separavit*, id est, parvam
ædem seu camerulam pulchram in domo

Judic. xviii,
31.

Ps. cv, 19.

Exod.
xxxii, 4.

sua seorsum aptavit idolo illi, quasi oratorium quoddam : *et fecit ephod ac theraphim* : quod translator exponit, addens de suo : *id est vestem sacerdotalem et idola*. Ephod quippe vocatur superhumeralis : quo nomine et alia sacerdotalia vestimenta possunt intelligi. Sed quomodo nunc pluraliter dicitur, Idola, quum dictum sit, quod fuerit idolum unum ? imo sequenti capitulo fit mentio de idolis et de sculptili atque conflatili, tanquam de rebus distinctis : ideo apparet, quod erat ibi unum idolum principale, et ultra hoc alia quædam imagines sive simulaera, secundum quod moris est idololatriis talia plurificare, et unum principale statuere. *Implevitque unius filiorum suorum manum*, id est, unum de filiis suis, et forte primogenitum, aut alium quem ad tantum officium reputavit magis idoneum, investivit de sacerdotio per aliquod positum in manu illius. Vel, Implevit manum ipsius, dando ei duplicem portionem aut certa munuscula. Vel, Implevit manum ejus, ponendo in manu ipsius sacrificia, quæ per ipsum obtulit deo suo seu idolo. *Et factus est ei sacerdos. In diebus illis non erat rex in Israel, sed unusquisque quod sibi rectum videbatur, hoc faciebat.*

Fuit quoque in tempore illo alter adolescens de Bethlehem Juda, non de illa Bethlehem, quæ erat in tribu Zabulon, ex cognatione ejus. Quod dicitur, Ejus, quidam referunt ad Micham, dicentes, quod adolescens iste fuit cognatus Michæ, quod et Magister in historiis ait; alii referunt ad Judam, dicentes, quod fuit de cognatione Judæ ex parte matris. Nam tribus Levitica et sacerdotalis cuilibet (ut dicitur) poterat tribui copulari, præcipue tribui Juda, tanquam regali et nobiliori. Unde (ut fertur) in Hebræo habetur, Ex cognatione Juda. *Eratque ipse Levites*, id est de stirpe Levi ex parte matris, *et habitabat ibi*. Porro adolescens iste (ut patet infra) fuit de semine Moysis, eratque Jonathas filius Gersam filii Moysis. *Egressusque de civitate Bethlehem, peregrinari voluit ubicumque*

commodum sibi reperisset, id est peregre habitare in loco ubi necessaria sibi abundantius inveniret. Nam ceteræ tribus Israel tunc male solverunt solvenda Levitis, scilicet decimas et alia quædam. Nam multorum ad idololatriam labebantur. Ideo cogebantur Levitæ locum mutare, et necessaria quærere per diversa.

Quumque venisset in montem Ephraim iter faciens, et declinasset parumper in domum Michæ, interrogatus est ab eo, unde venisset. Qui respondit : Levita sum de Bethlehem Juda, et vado ut habitem ubi potero, et utile mihi esse perspexero. Dixitque Michas : Mane apud me, et esto mihi parens, tanquam pater, habendo eam et providentiam mei in spiritualibus ac divinis, *ac sacerdos ; daboque tibi per annos singulos decem argenteos ac vestem duplicem, et quæ ad victum sunt necessaria. Acquievit, etc. Fuitque illi*, videlicet Michæ, *quasi unus de filiis*, id est, amoro- se et reverenter tractavit Michas Levitam illum, quasi proprium filium, imo et quasi patrem (nam dixerat, Esto mihi parens), non ut servum. *Implevitque Michas manum ejus*, sicut expositum est, *et habuit apud se puerum sacerdotem*, præfatum scilicet adolescentem. *Nunc scio, dicens, quod benefaciet mihi deus habenti Levitici generis sacerdotem*. Per deum, intelligit Michas falsum deum, quem coluit : cui acceptius reputavit sacerdotale officium alienius de tribu Levi, quam alterius tribus.

Nunc quæritur, quo tempore iste acciderit casus. Quocirca recitat Lyra : Dicunt expositores nostri, quod post mortem Josue, ante judicium suscitationem. Ad quod allegant quod tactum est : In diebus illis non erat rex in Israel. Dicunt quoque, quod historia ista hic scribitur, ad ostendendum necessitatem dandi iudices Israeli, qui errata corrigerent. Hanc responsionem Lyra non approbat, quoniam iudices Israel non habebant efficaciam corrigendi, quia non præerant per modum dominii, sed directionis atque consilii. Iterum, quoniam causa suscitandi iudices fuit, ut per eos

Judic. xviii,
18.

Exod. ii, 22.
Judic. xviii,
30.

filii Israel liberarentur a tribulationibus A quibus affligebantur. Deinde adjungit: Hebraei vero dicunt, quod factum Michæ contigit sub Othoniele, qui successit Josue. Ad quod probandum, inducunt quod in fine habetur sequentis capituli: Mansitque apud illos idolum Michæ omni tempore, quo domus Dei fuit in Silo. Quod tempus incepit ante obitum Josue, sub quo filii Israel non corruerunt ad idololatriam.

Judic.
xviii, 31.

Ibid. n, 7.

Circa hæc dico, quod catholicorum doctorum responsio introducta, sit vera, et consonantior textui, quam ista Hebræorum responsio; quia sub Josue translatum fuit tabernaculum Domini de Galgalis in Silo, ut Josue libro legitur. Si ergo idolum Michæ fuit in Lais, seu inter filios Dan ibidem, omni tempore quo fuit domus seu tabernaculum Dei in Silo, probabilius sonat, quod idolum istud cœpit esse in tribu Dan ante præsidentiam Othonielis, et statim post Josue mortem, quam postea. Secundo dico, quod nec Hebræi generaliter dicunt istud sub Othoniele factum, quamvis quidam eorum sic sentiant: imo Josephus et alii quidam dicunt, hoc factum statim post mortem Josue, ante Othonielis judicatum, quemadmodum etiam in Scholastica narratur historia. Insuper in isto et sequenti capitulo scribitur, quod in diebus illis non erat rex in Israel. Et certum est, quod nomine regis non intelligatur princeps, monarchice cum regali auctoritate potestatisque plenitudine præsident. Sic enim tempore judicium usque ad Saul, non erat princeps in Israel: ideo per regem

Josue xviii,
1.

intelligitur quicumque rector aut judex. Ideo factum est istud, vacante hujusmodi rectoria. Præterea, objectiones contra hæc factæ, nil obtinent. Judices namque quum essent viri mirabiles, virtuosus, prudentes, habuerunt sufficientem idoneitatem corripiendi errantes, imo et corrigendi rebelles, ut patet de Jephthe, qui una vice occidit de Ephraim quadraginta duo millia pugnatorum: imo ad corrigendum idololatrias non solum judices, sed et totus populus Israel ex Dei tenebatur præcepto, ut patet in Deuteronomio. Amplius, judices non sunt dati solum ad liberandum Israel ab adversariis suis, sed item, imo et principaliter, ad reducendum filios Israel ad cultum Dei, atque ad conservandum eos in illo. Nam et multi judices eis concessi sunt, qui non eruerunt eos ab hostium impugnatione, scilicet Samgar, Thola, Jair, Abesan et Abdon.

Judic. xv, 6.

Deut. xxi.

Convenienter demum dicunt expositores catholici, quod ista historia hic narratur, ad ostendendum necessitatem dandi judices Israeli ad corrigendum errata: quia quum dictum est, In diebus illis non erat rex in Israel, immediate subjunctum est, Sed unusquisque quod sibi rectum videbatur, hoc faciebat. Quasi dicatur: Ideo unusquisque fecit quod voluit, quia defuit rector et judex: quod et experientia frequenter in populo illo edocuit. Unde supra habetur: Quum mortuus esset judex, revertebantur, et multo majora, id est pejora, fecerunt, quam fecerant patres eorum.

Judic. n, 19.

ARTICULUS XXXI

EXPLANATIO CAPITULI OCTAVIDECIMI: IN DIEBUS ILLIS NON ERAT REX IN ISRAEL.

PROSEQUITUR jam Scriptura, qualiter D in Israel: ideo nemo repressit hujusmodi propagata sit idololatria de una domo ad unam urbem seu tribum. In diebus illis non erat rex, id est rector et judex, seclera, sed cito diffundebantur; et tribus Dan quærebat possessionem sibi, id est, aliqui de tribu Dan quærebant aptam ur-

bem, id est mansionem ad habitandum. *Usque ad illum enim diem inter ceteras tribus sortem non accepit.* In Josue libro legitur, quemadmodum filiis Dan, sicut et aliis tribubus Israel, assignatae sunt multae urbes ad inhabitandum per sortem, inter quas una ibidem vocatur Lesem, ut quidam exponunt : quomodo ergo nunc dicitur, quod usque ad illud tempus tribus Dan non accepit inter alias tribus sortem ? Respondetur, quod per synecdochen dicitur istud ; et item, quod nondum acquisierant sufficientia loca et oppida ad manendum. *Nam et supra fertur, quod Amorrhæus arcitavit filios Dan in monte, nec dedit eis locum ut ad planiora descenderent. Denique, quamvis tribubus Israel simul per sortium missionem multae urbes assignabantur, non tamen mox adeptae sunt eas, sed paulatim pugnando.*

Miserunt ergo filii Dan, stirpis et familiae suae quinque viros fortissimos de Saraa et Esthaol, ut explorarent terram, etc., in qua sita erant oppida eis a Josue deputata. Qui quum pergentes venissent in montem Ephraim, et intrassent domum Michæ, requieverunt ibi. Forte enim tenebat hospitium. *Et agnoscentes vocem adolescentis Levitæ, quia ex modo suae loquelae eum noverunt.* Nempe (ut dictum est) quamvis omnes Judæi uno idiomate uterentur, illud tamen diversimode proferebant, sicut in ceteris solet fieri linguis. *Utentesque illius diversorio, id est domo seu camera in qua necessaria corpori exercebat ; in præfata vero ædicula exercuit sua divina ; dixerunt ad eum : Quis te huc adduxit ? quid hic agis ? quam ob causam huc venire voluisti ?* Itaque tria interrogaverunt : primum, a quo esset adductus ; secundum, quid ageret ibi ; tertium, cur illuc advenit. Ipse vero non respondit eis explicite, quantum ex textu habetur, nisi ad secundum, quia subjungit : *Hæc et hæc, videlicet decem argenteos, vestemque duplicem et victui necessaria, præstitit mihi Michas, ut præcedenti fertur capitulo, et me mercede conduxit, per dona præfata, ut*

sim ei sacerdos. Rogaverunt autem eum ut consularet Dominum, id est oraculum et responsum a Deo, vel potius a deo Michæ falso, quem adolescentem illum et Micham colere conspexerunt. Sicque viri isti erant idololatæ, vel ad idololatriam proni. Et scire possent ex tali oraculo, an prospero itinere pergerent, et res haberet effectum. Qui respondit eis : Itte cum pace ; Dominus respicit viam vestram, id est approbat vos in hoc, quod ambulationem hanc assumpsistis, et, pro id est, iter quo pergitis. Istud responsum dedit eis statim ex proprio capite, ne eorum precibus amplius molestaretur. Vel dæmon ei respondit per idolum.

Euntes itaque quinque viri, venerunt Laïs, id est ad urbem sic nominatam, videruntque populum habitantem in ea absque ullo timore, juxta consuetudinem Sidoniorum, securum et quietum, nullo eis penitus resistente, magnarumque opum, et procul a Sidone, atque a cunctis hominibus separatam. Reversique ad fratres suos in Saraa et Esthaol, et sciscitantibus quid egissent, responderunt : Surgite, et eamus ad eos. Vidimus enim terram valde opulentam et uberem. Nolite negligere, nolite cessare. Eamus et possideamus eam ; nullus erit labor. Intrabimus ad securos in regionem latissimam, tradetque nobis Dominus locum, in quo nullius rei est penuria, eorum quæ gignit humus. Hoc hyperbolice dictum est, ad insinuandum magnitudinem opulentiae terræ illius. Multa tamen gignuntur ex terra pretiosa et medicinalia, quæ ibi non erant ; sed communi victui necessaria abundabant ibidem.

Profecti sunt ergo de cognatione Dan sexcenti viri accincti armis bellicis, ascendentesque manserunt in Cariathiarim, id est urbe sic dicta, Judæ, id est pertinente ad tribum Juda ; qui locus ex eo tempore castrorum Dan nomen accepit, id est, deinde vocatus est, castra Dan, quia turba ex tribu Dan nata, ibi ad tempus seu per noctem quievit, et est post tergum Cariathiarim. Ex quo videtur, quod non manse-

Josue XIX,
40-47.

Judic. I, 34.

Ibid. XII, 6.

Ibid. XVII, 5.

Ibid. 10.

• in pace

Judic. xiii,
25.

runt in urbe illa, sed ea pertransita, extra et prope eam. Fuit autem et alter locus vocatus castra Dan, ut supra patuit. *Inde transierunt in montem Ephraim. Quumque venissent ad domum Michæ, id est ad locum ei vicinum, dixerunt quinque viri, qui prius missi fuerant ad considerandum terram Lais, fratribus suis, id est viris sexcentis : Nostis, id est, scitisne, vel scire vos congruit, quod in domibus istis, id est in una harum domorum ad Micham spectantium, sit ephod et theraphim, et sculptile atque conflatile.* Hoc totum præcedenti articulo expositum est. *Videte quid vobis placeat, id est, attendite et nobis insinuate, quid vobis debeat complacere de præfatis ephod, theraphim et idolo, an scilicet vultis illa vobiscum portare. Et ex sequentibus verbis elicitur, quod determinaverunt ea secum deferre. Et quum paululum declinassent, ingressi sunt quinque viri domum, id est diversorium prædictum, adolescentis Levitæ, qui erat in domo, id est familia Michæ; vel, In domo Michæ, quia domus Levitæ pertinebat ad Micham; vel, In domo Michæ, quia domus Levitæ fuit domus partialis totius domus pertinentis ad Micham; salutaruntque eum verbis pacificis. Sexcenti autem viri ita ut erant armati, stabant ante ostium, tanquam ad adjuvandum viros quinque parati, si indigerent.*

At illi qui ingressi fuerant domum juvenis, puta Levitæ, sculptile et ephod et theraphim atque conflatile tollere nitebantur. Ex hoc argui posset, quod sculptile illud fuit aliud a conflatili, quia separatim sic exprimuntur, aliis duobus inter ea expressis. Et sacerdos stabat ante ostium, sexcentis viris fortissimis haud procul, id est non remote, expectantibus reditum quinque virorum. Jam dicebatur, quod sexcenti viri stabant ante ostium : quomodo ergo nunc dicitur, quod sacerdos seu Levita stabat ante ostium, sexcentis viris illis haud procul expectantibus? Ad quod videtur dicendum, quod juvenis ille stetit ante ostium intrinsecus, alii extrinsecus,

Ibid. xvii,
3, 5.

A et per aliquantam distantiam. *Tulerunt igitur quinque viri qui intraverant, sculptile, ephod, idola atque conflatile. Quibus dixit sacerdos : Quid facitis? quasi dicat, Cur tam irrationabiliter vos habetis? Unde apparet, quod ædicula in qua erant sacra Michæ, stetit quasi contigue ad diversorium sacerdotis. Cui responderunt : Tace et pone digitum tuum super os tuum, id est, omnino sile et clausum os tuum tene. Quod dixerunt vel comminando, vel quasi familiariter suggerendo. Nam subditur : B *venique nobiscum, ut habeamus te patrem ac sacerdotem. Quid tibi melius est, ut sis sacerdos in domo unius viri, videlicet hujus Michæ, an in una tribu et familia in Israel? quasi dicant, Istud tibi honorificentius utiliusque consistit. Tamen revera fuit ei magis vitiosum atque damnabile, quia quo pluribus in idololatria præfuit, eo plurium implicabatur criminibus, graviusque peccavit. Verumtamen sexcenti viri illi non fuerunt una totalis tribus in Israel, sed tantum se reputabant, et totaliter loquebantur ad alliciendum sibi Levitam.**

Quod quum audisset, acquievit sermonibus eorum ex ambitione et cupiditate, et tulit ephod et idola ac sculptile. Jam dictum est quod quinque viri tulerunt illud, ipsi enim cœperunt illa afferre; sed acquiescente eis Levita, permiserunt eum omnia illa auferre et tollere secum; et cum eis profectus est. Sicque commisit furtum, aliena sic auferendo. Qui quinque et sexcenti viri ac Levites, quum pergerent, et ante se ire fecissent parvulos et jumenta, et omne quod erat pretiosum, imo et sacerdotem cum sacris suis, quæ pretiosissima arbitrabantur : quæ omnia præmiserunt, ne si qui eos insequerentur, possent nocere parvulis et jumentis, aut pretiosa attingere; jamque a domo Michæ essent procul, viri qui habitabant in ædibus, id est domibus, Michæ, videlicet ejus domestici et vicini, quibus domos suas forsitan locavit, conclamantes secuti sunt Danitas : quia Michas convocavit eos, ut secum insequerentur.

rentur spoliatores illos ; et post tergum A poterant cum juvare, reversus est in domum suam.

Qui quum respectissent, dixerunt ad Micham : Quid tibi vis? cur clamas? Nam aliorum conclamationem ei specialiter imputabant. Quasi dicant : Quomodo audes contra nos sic clamare? Qui respondit : Deos meos, quos mihi feci, tulistis. Ecce quam stolidi verba! Quomodo enim homo tam fatuus effici potest, ut opera manuum suarum aut aliarum colat ut deos? Contra quam infinitam dementiam in Isaia et in libro Sapientiae disputatur plenarie. Sed B quomodo ait, Deos meos, si non erat nisi idolum unum? Ad quod ex praecedenti articulo patet responsio. Est quoque consuetudo idololatriae taliter loqui, et plurali uti pro singulari, quemadmodum de vitulo conflatili dixerunt impii Israelitae : Isti sunt dii tui, Israel. Itaque, Deos meos tulistis, id est mihi abstulistis et vobiscum furtive portastis, et sacerdotem, quem Michas putavit per violentiam et timorem coactum a Danitis ad pergendum cum ipsis, et omnia quae habeo, id est ephod et C cetera sacerdotalia ornamenta et sacra, quorum usus fuit in cultu deorum meorum : quae omnia tantum appretior, quod cetera quae mihi non abstulistis, comparisonem illorum pro nihilo reputo. Unde (ut fertur) in Hebraeo habetur, Et quid amplius mihi? tanquam dicat, Illis ablatis, vilipendo quae mihi manserunt. Sicque in sua superstitione et idololatria fuit male devotus. Et utinam nos tam valide ad verum Deum ac spiritualia afficiamur, quod eorum respectu, pro nihilo reputemus temporalia et terrena. Et dicitis, Quid clamas? Dixeruntque ei filii Dan : Cave ne ultra loquaris ad nos, et veniant ad te viri animo concitati, et ipse cum omni domo tua pereas, id est, tu cum tuis domesticis occidaris a nobis, tuaque domus comburatur. Quasi dicant : Noli nos quasi maleficos insequi, quia non animo furandi, sed religionis zelo fecimus illa quae fecimus. Videns autem Michas quod fortiores se essent, quia nec dii sui

Scerenti autem viri tulerunt sacerdotem, et quae supra diximus, veneruntque in Laïs, etc., et percusserunt habitantes in ea in ore gladii, urbemque incendio tradiderunt. Os gladii, est ejus acumen : quod ita consumit sen necat quos caedit, sicut os manducantis consumit cibaria. Nullo penitus ferente praesidium, eo quod procul habitarent a Sidone, et cum nullo hominum haberent quidquam societatis ac negotii. Erat autem civitas situ in regione Rohob. Secundum Lynam, in Hebraeo habetur, In torrente Rohob. Sed potius reor verbum illud Hebraicum ad utrumque esse æquivocum, aptiusque esse translatum hoc loco, In regione, quam, In torrente. Quam rursum exstruentes, habitaverunt in ea, vocato nomine civitatis Dan, juxta vocabulum patris sui quem genuerat Israel, quae prius Laïs dicebatur. Porro hæc civitas sorte ceciderat tribui Dan, et ita ex concessione, imo et jussione divina poterant eam expugnare Danitæ, praesertim si ad idololatriam non ruissent.

Posueruntque sibi sculptile, id est, idolum illud sculptum erexerunt ad suam damnationem sibi in deum, et Jonathan filium Gersam filii Moysis, ac filios ejus, Erod. II, 22. videlicet Jonathæ, posuerunt sibi in sacerdotem, quum tamen non essent de semine Aaron, in tribu Dan, id est in praefata sua urbe atque familia, non tamen in tribu illa totali. Iste Jonathas fuit praefatus adolescens Levita, quia et Moyses fuit de tribu Levi. Ecce quod nemo de progenitorum suorum sanctitate debet praesumere, aut incaute confidere, sed de humili atque idonea illorum scetatione potest sperare, quum Jonathas ille nequissimus fuerit nepos sanctissimi Moysis, qui idololatriam tam infinite exhorruit, cujus etiam filius, nomine Gersam, creditur virtuosus fuisse. Sic itaque posuerunt idolum illud et sacerdotes sacrilegos sibi usque ad diem captivitatis suae : qua capti sunt per regem Assyriorum Salmanasar, ut quarto Regum describitur. IV Reg. XVII, 6.

Is. XLIV-
XLVI; Sap.
XIII-XV.

Judic. XVII,
5.

Exod.
XXXII, 4.

Sed quia subjungitur, *Mansitque apud eos* A *te* instanter, cito subvertetur domus tua. *idolum Michæ omni tempore quo fuit domus*, id est tabernaculum, *Dei in Silo*, id est urbe sic appellata, idcirco Hieronymus et alii quidam dicunt, quod dies captivitatis istius non refertur ad tribum Dan, sed ad domum Domini, usque ad arcæ captivitatem, quæ a Philistiim capta fuit, ut primo Regum libro habetur. Tuncque area ex terra Philistinorum remissa, translatum fuit tabernaculum Dei cum area de Silo in Cariathiarim, prout primo libro Regum legitur.

¹ Reg. iv.
11.

^{Ibid.} vii, 1.

Sensus
moralis.

Moraliter, per matrem Michæ, intelliguntur parentes, qui sobolem suam docent superbiam, eamque ad desiderandum et expetendum divitias et honores tanquam idola quædam inducunt. Per Micham vero, superbi et cupidi ac lascivi, quorum dii venter, nummus et dignitas sunt. Et sicut Danitæ abstulerunt Michæ suos deos, sic illi frequenter privantur suis deliciis, divitiis atque honoribus per potentiores. Docemur quoque ex ista historia, quam noceva sit populo pastoris carentia, itemque absentia : quia et Salomon fatetur : Ubi C non est gubernator, corruiet populus. Nam et lupi explorant pastoris absentiam. Postremo, per habitatores Lais opulentos et secure manentes, designantur homines carnales, intimorati, et suæ negligentes salutis : qui nullo resistente, id est facillime, superantur, falluntur, atque ad sempiternam damnationem a Danitis, id est invisibilibus inimicis, trahuntur. Propter quod ait Scriptura : Si non in timore Dei tenueris

^{Philipp. iii.}
19.

^{Prov. xi.}
14.

^{Eccli. xxvii.}
4.

Rursus, per Micham qui implevit manum unius filiorum suorum, ita quod factus est ei sacerdos, bene accipiuntur prælati, sacerdotes ac clerici, præsertim pluraliter beneficiati, qui suis nepotibus, ne dicam et filiis, ecclesiastica beneficia largiuntur si ve procurant propinquitatis affectu, et de patrimonio Salvatoris, quasi propriam hereditatem efficiunt.

At vero per Levitam sacerdotem, qui statim respondit Danitis, *Ite cum pace, Dominus respicit viam vestram*, recte signantur confessores, qui incaute faciliterque absolvunt, dummodo valeant nummos acquirere ; adulatores quoque et somniantores, qui libentius placentia, quam vera atque salubria dant responsa. Per eundem demum Levitam, qui fecit commutationem illam sacerdotii tam injustam, præfigurati sunt sacerdotes, clerici et prælati, ambitiosi ac cupidi, qui jugiter ad majora adspiciunt, et commodi sui affectu, beneficia aut dignitates suas commutant, qui erubescunt simplici præbenda esse contenti. Iterum, per Micham qui Levitam conduxit, et per Levitam qui pro mercede sacerdotale exhibebat officium, apte simoniaci designantur. Per Danitas vero, qui voluntate et potestate pro ratione et æquitate usi sunt circa Micham, comminatione reprimentes eundem, raptores violenti, oppressoresque imbecilliorum intelliguntur : quibus omnibus æternalis damnatio debetur gravissima.

ARTICULUS XXXII

EXPOSITIO CAPITULI NONIDECIMI : FUIT QUIDAM VIR LEVITES, HABITANS IN LATERE MONTIS EPHRAIM.

SECUNDUS casus circa iudicium temporis factus, hic recitatur. *Fuit quidam vir Levites, habitans in latere montis Ephraim*, id est in urbe sita in latere mon-

tis illius, ad tribum Ephraim pertinentis. Levitæ quippe per omnes tribus Israel erant dispersi, propter causas sæpe præfactas. *Qui accepit uxorem de Bethlehem*

Juda. Poterant namque aliis tribubus, potissimum tribui Juda, tanquam regali ac nobiliori, matrimonialiter sociari, quia ex hoc non sequebatur hereditatum confusio. *Quæ reliquit eum, et reversa est in domum patris sui in Bethlechem, mansitque apud eum quatuor mensibus*. Secundum Lyram, in Hebræo habetur, Quæ fornicata est super eum : in quo tangi videtur causa suæ recessionis a marito, qui eam ob suam fornicationem ejecit. Vel ipsa, viro suo ignorante, abiit cum adultero. Verumtamen credo Hieronymum transtulisse sicut in Hebræo habetur, et quod forte verbum illud Hebræum sit ad utrumque æquivo- cum ; et aptius esse translatum hoc loco in hoc verbum, Reliquit, quam transferretur in Fornicata est. Nam paulo post sequitur : *Secutusque est eam vir suus, volens ei reconciliari atque blandiri*. Quod viri, uxoribus suis adulteris, non solent peragere, quamvis interdum ad magnam aliorum instantiam recipiant eas ad veniam : imo si fuisset adultera, vir obligatus fuisset eam traducere. Verius ergo reor quod in Scholastica fertur historia, utpote quod mulier fuit viro suo irata propter aliquem viri excessum. Nec verisimile est, quod cum adultero ausa fuisset redire in domum proprii patris. Josephus autem ait, quod fuit mulier speciosa, et vir eam valde dilexit, non tamen similiter amabatur ab ea, idcirco ex passione amoris verebatur aliquid sinistrum de ea. Unde frequenter inter eos lites oriebantur : quibus mulier gravata, rediit tandem ad suos parentes, quam secutus est vir victus amore ipsius. *Et volens eam secum reducere, habens in comitatu puerum, id est ministrum, et duos asinos, unum pro sua evectione, alium pro evectione ministri, et ut in reditu uxor sua super asinum illum sederet, sive ut asini necessaria victui aut alia quævis portarent in via*.

Quæ suscepit eum, id est, mulier illa, viso suo marito, cum benigne recepit, tanquam oblita injuriæ sibi factæ, quia jam quatuor mensibus absens fuit marito ; et

A introduxit in domum patris sui. Quod quum audisset socer ejus, eumque vidisset, occurrit ei lætus, et amplexatus est hominem. Mansitque gener, puta Levites maritus filiae viri ad quem venit, in domo soceri tribus diebus, comedens cum eo et bibens familiariter. Die autem quarto de nocte, id est valde mane, consurgens, proficisci voluit, id est, redire cum conjuge sua. Quem tenuit socer, et ait ad eum : Gusta prius paulillum panis, id est aliquid cibi, etc.

B Surrexitque adolescens die quinta, et venit contra Jebus, que altero nomine vocabatur Jerusalem, ducens secum duos asinos onustos et concubinam. Ex hoc evidenter elicitur, quod concubina in Scripturis veteris Testamenti interdum pro legitima uxore accipitur, quia hæc mulier jam bis vocata est uxor viri istius. Sicque in Genesi Bala et Zelpha interdum vocantur uxores, aliquando concubinæ ipsius Jacob. Jamque aderant juxta Jebus, et dies mutabatur in noctem, id est, nox cœpit diei succedere. Nam paulo post meridiem exierunt Bethlechem, secundum quod socer dixit ad generum : Considera quod dies ad occasum declivior sit, id est, meridianam horam transierit, et propinquat ad vesperam, quia tunc sol descendere incipit. Mane apud me etiam hodie, et iluc lætum diem, et cras proficisceris, ut vadās in domum tuam. Dixitque puer ad dominum suum : Veni, obsecro, declinemus ad urbem Jebusæorum. Cui respondit dominus : Non ingrediar oppidum gentis alienæ. Jebusæi quippe oderant Israellem. Sed transibo usque Gabaa ; et quum illuc pervenero, manebimus in ea, aut certe in urbe Rama.

Circa hoc refert Lyra : Dicunt Hebræi, quod historia ista contigit tempore Othonielis antequam filii Juda ceperunt Jerusalem : de qua captione legitur primo hujus libri capitulo : Oppugnantes filii Juda Jerusalem, ceperunt eam, et percusserunt in ore gladii, tradentes eunctam incendio civitatem. Sed ista opinio videtur inepta,

Gen. xxx, 4, 26; xxxv, 22.

Judic. i, 8.

quia (ut patet ex primi expositione capituli) aliqui dicunt, quod Josue adhuc vivente, filii Juda obtinuerunt Jerusalem. Quod Josue xv, 8. etiam in Josue libro satis insinuari censetur. Et si non sub Josue, tamen ante praesidentiam Othonielis sortiti sunt eam, sicut ex primo capitulo comprobatur. Porro, quod ista historia contigerit ante iudicatum Othonielis, eisdem probatur rationibus, quibus probatum est, historiam Michae non sub Othoniele accidisse. Josephus quoque hoc idem testatur, et infra ex littera ostendetur. Ideo dici potest, sicut et in libro Josue scribitur, quod in Jerusalem simul habitabant Jebusaei cum Israelitis; et plures fuerint ibi de gentibus alienis, quam in Gabaa urbeve Rama.

Ibid. 63.

Transierunt ergo Jebus, et caeptum carpebant iter, occubuitque eis sol juxta Gabaa urbem, quae est in tribu Benjamin. Quo quum intrassent, sedebant in platea civitatis, et nullus eos recipere volebat hospitio, vel quia omnes erant malitiosi, vel pro maxima parte. Et si qui boni erant ibidem, verebantur importunitatem pati ab impiis, si extraneos hospitarent; aut aliquid tale eos retraxit. Et ecce apparuit homo senex revertens de agro et opere suo vespere, qui et ipse de monte erat Ephraim, et peregrinus habitabat in Gabaa. Homines autem regionis illius, scilicet cives Gabaa et urbium vicinarum, erant filii Jemini, id est insolentes et improbi. Elevatisque oculis, vidit senex, qui scilicet venit de agro, sedentem hominem, praefatum Levitam, cum sarcinulis suis, id est parvis sarcinis seu oneribus, in platea civitatis, et dixit ad eum: Unde venis, et quo vadis? Qui respondit ei: Profecti sumus de Bethlehem Juda, et nunc vadimus ad domum Dei, id est ad tabernaculum Dei in Silo. Illuc enim volebat cum suis ex devotione causa orationis accedere, et inde domum reverti. Nullusque sub tectum suum nos vult recipere, habentes paleas et fenum in asinorum pabulum, et panem ac vinum in meos et ancillae tuae usus et pueri qui mecum est. Nulla re indigemus, quam a civibus

A hujus oppidi optemus, nisi hospitio, quia necessaria victui habemus nobiscum. Cui respondit senex: Pax tecum sit. Ego praebebo omnia quae necessaria sunt, ultra ea quae habes; tantum, quæso, ne in platea maneat. Fuit enim senex ille de monte Ephraim, quemadmodum et Levita, et ita amplius condoluit ei. Introduxitque eum in domum suam, et pabulum asinis prae-buit, et postquam laverunt pedes suos, recepit eos in convivium.

Illis epulantibus, et post laborem itineris B cibo et potu reficientibus corpora, venerant viri civitatis illius, qui consideraverant pulchritudinem feminae in platea, filii Belial, id est absque jugo, quod translator adjecit, exponendo nomen hoc, Belial. Erant itaque sine jugo, id est observatione legis divinae ac naturalis, intimorati, indomiti, inverecundissimi. Et circumdantes domum senis, fores pulsare coeperunt, clamantes ad dominum domus, et dicentes hospiti: Educ Gen. xix, 5. virum qui ingressus est domum tuam, ut abutamur eo: sicut et Sodomitae dixerunt ad Lot. Egressusque est ad eos senex, et ait: Nolite, fratres mei, nolite facere malum hoc. Fratres eos vocat ratione concivilitatis et habitationis, et de semine Israel omnes fuerunt. Quia ingressus est homo hospitium meum, et cessate ab hac stultitia. Habeo filiam virginem, et hic homo habet concubinam, id est uxorem, sicut expositum est; educam eas ad vos, ut humilietis eas, et vestram libidinem completis. Tantum obsecro, ne scelus hoc contra naturam operemini in virum. Ex hoc apparet quod volebant viro abuti. Josephus tamen dicit oppositum, asserens quod querebant dumtaxat uxorem ipsius; sed ideo loquebantur de viro, ut sic extorquerent ab eo uxorem suam, sed hospes id ignoravit.

Nolebant acquiescere sermonibus ejus, videlicet senis, in toto; vel ita se habuerunt in apparatu, ac si non contentarentur, nisi eis vir traderetur. Quod cernens homo, eduxit ad eos concubinam suam, id est conjugem: quae concubina vocatur,

non a concubitu fornicario, sed a concubitu simpliciter dicto. Nunc tamen in communi modo loquendi, concubina in malo accipitur, prout vocatur a concubitu secundum se intento, puta libidinoso. *Et tradidit eis illudendam: qua quum tota nocte abusi essent, videlicet quia illicite aut etiam innaturaliter ea utebantur, dimiserunt eam mane. At mulier, recedentibus tenebris, venit ad ostium domus ubi manebat dominus suus, puta maritus, qui dominus conjugis appellatur, quia vir caput est mulieris. Unde et Sara Abraham dominum nuncupavit: quod et princeps Apostolorum in sua Canonica prima uxoribus in exemplum proponit, ut viros suos honorent. Posset tamen per dominum conjugis, hospes intelligi. Unde et maritus dixerat seni: Habemus vinum et panes in meos et ancillæ tuæ usus. Et corruit ibi.*

Mane facto, surrexit homo et aperuit ostium, ut coeptam expleret viam. Et ecce concubina ejus jacebat ante ostium sparsis in limine manibus, præ afflictione, fatigatione, verecundia, et mœrore. Cui ille, putans eam quiescere, loquebatur: Surge, et ambulemus. Qua nihil respondente, intelligens quod erat mortua, etc., reversus in domum suam, arripuit gladium, et cadaver uxoris cum ossibus suis in duodecim partes ac frusta concidens, misit in omnes terminos Israel. Probabile est, quod non misit ad tribum Benjamin, quia Gabaanitæ Benjamitæ fuerunt. Nec opus fuit mittere nuntium specialem ad tribum Levi, quæ erat per omnes tribus dispersa. Quomodo ergo misit duodecim partes per duodecim nuntios ad duodecim terminos Israel? Respondetur, quod pro tribu Levi, tribus Joseph fuit in duas tribus divisa. Et rursus, tribus Manasse pro media parte habitavit ultra Jordanem, pro media citra, et ita ad

A eam missæ sunt duæ partes. *Quod quum vidissent singuli, id est, factum istud per nuntios intellexissent, atque in signum veritatis partes divisi corporis conspexissent, conclamabant: Nunquam res talis facta est in Israel, id est tam abominabilis, innaturalis, crudelis, ex eo die quo ascenderunt patres nostri de Aegypto usque in præsens tempus. Verumtamen adoratio vituli aurei, et declinatio Danitarum ad idolatriam, videtur scelerationior fuisse re ista; sed forte circa unam personam non contigit ante facinus tantum, vel loquendo de peccato in proximum. Ferte sententiam, et in commune decernite, id est, concorditer judicate, quid facto opus sit, id est, qualiter crimen istud sit ulciscendum. Quasi dicant: Oportet nos convenire in unum, et super hoc habere consilium.*

Posset hic quæri, an senex suam filiam, et Levites suam uxorem impiorum illorum exponendo seu offerendo libidini ad vitandum gravius crimen, videlicet vitium contra naturam, vel ne Levita occideretur ab illis, excusentur a culpa. Videtur quod sic: quia ex quadam pietate et caritate hoc fecisse videntur, aut ex metu in virum constantem cadente. Oppositum vero probatur, quod unus non debet committere veniale peccatum, ut alium a mortali præservet. Nec ex timore pœnæ, admittendum seu committendum est malum culpæ: multo minus debet quis aliquam personam adulterio vel stupro exponere. Dicendum, quod si senex protulit verba illa cum proposito deliberato sic faciendi, non excusatur a toto, quamvis a tanto. Si vero locutus est verba hæc ex subreptione, aut solum animo avertendi impios illos a suo conceptu, excusatur saltem a mortali. Levita quoque suam conjugem exponendo ex causis præfatis, non excusatur in toto.

Ephes. v,
23.
Gen. xviii,
12.

1 Petr. iii,
6.

B

C

D

ARTICULUS XXXIII

EXPOSITIO CAPITULI VICESIMI : EGRESSI ITAQUE SUNT OMNES FILII ISRAEL.

REORUM justa debellatio modo describitur. *Egressi itaque sunt omnes filii Israel* : non simpliciter omnes, sed omnes de quibus in fine præcedentis capituli continetur ; *et pariter congregati, quasi vir unus de Dan usque Bersabee*, hoc est de extremitatibus terræ promissionis a parte aquilonari, in qua erat tribus et urbs Dan, usque ad partem australem, in qua fuit civitas Bersabee, *et terra Galaad*, id est tribus Israel ultra Jordanem in terra Galaad, et circumeirea morantes, aliquibus tamen demptis, ut infra habetur, *ad Dominum in Maspha*, hoc est in loco aut oppido sic vocato. *Et omnes anguli populorum*, id est in extremis terminorum tribuum Israel demorantes, *et cunctæ tribus Israel*, verumtamen tribu Benjamin dempta, *in ecclesiam populi Dei conveniunt*. Jam dictum est quod convenerunt in Maspha ; porro domus seu tabernaculum Dei fuit adhuc in Silo : quomodo ergo nunc dicitur, quod convenerunt in ecclesiam populi Dei ? Respondetur, quod ecclesia populi Dei vocatur hic intransitive, ipse Dei C populus congregatus, sicut et multitudo Christifidelium nunc appellatur Ecclesia. Convenerunt ergo in ecclesiam populi Dei, quia partes populi seu particulares tribus et turmæ, confluerunt ad totum, imo confluyendo totum constituerunt. Possunt quoque per angulos populorum, principes seu principales in tribubus designari. Quemadmodum enim latera concurrunt in angulo, sic communes et vulgares connectuntur in superioribus suis. Unde et Christus lapis angularis est appellatus, quia in ipso D tanquam in angulo, conjuncti sunt per fidem et caritatem populi duo, videlicet Ju-

dæi atque gentiles. *Quadringenta millia peditum pugnatorum*. Hinc elici potest, quod filii Israel magis multiplicati fuerunt in Ægypto, non obstante ibi eorum servitute gravissima, deinde in solitudine, quam in terra promissionis hucusque. Nempe, si his quadringentis millibus addantur qui defuerunt, videlicet Benjamitæ et habitatores Jabes Galaad qui deerant, ut infra ^{Judic. xxi, 8.} narratur, adhuc summa multum deficit a summa eorum, ad quam in prima numera- ^{Num. i, 46.} tione, et item ab ea ad quam in secunda ^{Ibid. xxvi, 51.} B numeratione ascenderunt.

Interrogatusque Levita maritus mulieris interfectæ, quomodo tantum scelus perpetratum esset : de qua re voluerunt certius informari, quamvis jam illud audierint per nuntios ejus. Voluerunt quoque agnoscere, an ejus recitatio nuntiis concordaret, quoniam factum principaliter tetigit eum. *Respondit: Veni in Gabaa Benjamin cum uxore mea, illucque diverti. Et ecce homines civitatis illius circumdederunt nocte domum in qua manebam*, hoc est, quidam viri Belial post solis occasum vallabant hospitium meum, *volentes me occidere*, id est per concubitum contra naturam usque ad mortem affligere, secundum unam expositionem in præcedenti articulo tactam ; vel secundum Josephi opinionem, volebant interficere virum, nisi eorum voluntati suam exponeret conjugem. Est autem satis probabile, quod femina illa fuit multum decora, et quod ejus pulehritudinem perceperunt pravissimi illi. *Et uxorem meam incredibili libidinis furore vexantes*, id est, D immoderate et innaturaliter eam tractantes. Et recte ait, Libidinis furore : quia tam irrefrenatissimus concupiscentiæ ar-

Is. xxviii, 16 ; Act. iv, 11 ; Ephes. ii, 20.

dor, merito furor vocatur, tanquam rationi prorsus contrarius. Denique mortua est. Quam arreptam, in frusta conscidi, missique partes in omnes terminos possessionis vestrae, quia nunquam tantum nefas et tam grande piaculum factum est in Israel. Adestis omnes filii Israel. Decernite, hoc est, judicate secundum legis tenorem, quid agere debeatis: quia secundum legem tenebantur hoc vindicare.

Stansque omnis populus, et quasi unius hominis voce respondit, id est, concorditer determinaverunt: non quod omnes simul protulerint verba hæc, sed aliqui superiorum et iudices, quorum sententiæ ceteri acclamabant. Credendum est quoque, quod Levita per testes probavit quæ dixit, præsertim per ministrum suum quem habuit secum, et per senem hospitem suum, et ejus domesticos, qui fortassis ob tantum flagitium egressi sunt Gabaa, atque ad testificandum adducti sunt. Non recedemus, id est non revertemur, in tabernacula nostra, nec suam quisquam intrabit domum, donec fecerimus quæ sequuntur. Sed hoc contra Gabaa in commune faciemus. Decem viri eligantur e centum ex omnibus tribubus Israel, et centum de mille, et mille de decem millibus, ut comportent exercitui cibaria, et possimus pugnare contra Gabaa Benjamin, et reddere ei pro scelere quod meretur.

Convenitque universus Israel, per synecdochen sumendo partem majorem pro toto, ad civitatem Maspha, quasi homo unus, eadem mente unoque consilio, ut dictum est; et miserunt nuntios ad omnem tribum Benjamin, scilicet ad diversas urbes ipsorum, qui dicerent: Cur tantum nefas in vobis repertum est, id est in aliquibus de vestra progenie? quasi dicant: Hoc vobis cedet in dedecus, nisi dissentiat, et puniendos tradatis malefactores. Ideo subditur: Tradite homines de Gabaa qui hoc flagitium perpetrarunt, ut moriantur, et auferatur malum de Israel.

Qui noluerunt fratrum suorum filiorum Israel audire mandatum, sed ex cunctis

urbibus quæ sortis suæ erant, concenerunt in Gabaa, ut illis ferrent auxilium, et contra universum populum Israel dimicaret. Quod fuit omnino injustum, et ex carnali amore atque elatione processit, non ex zelo justitiæ, nec ex caritate. Invenitque sunt viginti quinque millia de Benjamin educentium gladium, præter habitatores Gabaa qui septingenti erant præter mulieres et parvulos, viri fortissimi, hoc est valde fortes in corpore, fortitudine virtutum carentes in anima, ita sinistra, ut dextra præliantes: sieque instar Aod judicis quasi ambidexteri erant; et sic fundis jacientes lapides ad certum, ut capillum quoque possent percutere, et nequaquam in alteram partem ictus lapidis deferretur. Hoc totum hyperbolica est locutio, in qua aliquid dicitur per excessum, ad insinuandum magnitudinem aut eminentiam rei, quæ aliter tam convenienter exprimi nequit: ideo in tali locutione non continetur mendacium, quia et loquens scit quousque credatur. Itaque per verba inducta non aliud designatur, nisi quod habitatores Gabaa erant fundibularii valde periti, non autem quod juxta verborum tenorem, potuerint tangere a remoto capillum, quem nec videre sic poterant: sicut et Pharaon dixit ad Joseph, Sine oris tui imperio nemo movebit manum aut pedem in omni terra Ægypti.

Virorum quoque Israel, absque filiis Benjamin, inventi sunt quadringenta millia educentium gladios, et paratorum ad pugnam. Qui, scilicet filii Israel contra Benjamin congregati, surgentes, venerunt in domum Dei, hoc est in Silo. Itaque de Maspha venerunt in Silo, et in tabernaculum Dei causa orationis, atque ut ibi per summum sacerdotem consulerent Dominum, sicut tunc moris erat. Unde subjungitur: consulueruntque Dominum per Phinees, qui per orationem et sacrificium petiit sibi revelari quod quærebatur, atque dixerunt: Quis erit in exercitu nostro princeps certaminis contra filios Benjamin? Ex hoc probatur vera esse opinio Josephi, af-

Judic. iii, 13.

Gen. xli, 44.

firmantis quod ista historia gesta sit ante Othoniel, nullo iudice praesidente. Si enim Othoniel aut alius iudex tunc praefuisset, acceperunt illum pro duce exercitus, nec super hoc Dominum consulissent. Nam et in ceteris bellis sub iudicibus gestis, ipsi iudices fuerunt duces exercitus. *Quibus respondit Dominus per angelum : Judas sit dux vester.* Hoc potest intelligi vel de tribu illa, vel de viro aliquo principali in ea, ut scilicet tribus illa esset in exercitu prima ac principalis, vel quod aliquis vir ex ea esset princeps exercitus.

Statimque filii Israel surgentes mane, castrametati sunt juxta Gabaa. Et inde procedentes ad pugnam contra Benjamin, urbem Gabaa expugnare ceperunt. Egressique filii Benjamin de Gabaa, occiderunt de filiis Israel viginti duo millia virorum. Rursum filii Israel et fortitudine et numero confidentes. Ex hoc habetur, quod tam in primo congressu quam in isto filii Israel cum immoderata audacia et quadam elatione, videlicet in sui exercitus multitudine, ac propriis viribus magis, quam in Domino confidentes, processerunt ad pugnam : ideo Dominus permisit eos bis prosterni, ut humiliati, ad ipsum confugerent. *In eodem loco in quo prius certarant, aciem direxerunt, ita tamen, ut prius ascenderent in Silo ad domum Dei, et flerent coram Domino usque ad noctem.* Verumtamen fletus ille non processit ex vera contritione et humilitate, sed magis ex damni sui dolore, et suae dejectionis rubore. *Consulerentque eum, et dicerent : Debeo ego populus et exercitus tuus, ultra procedere ad dimicandum contra filios Benjamin fratres meos : dicendo, Fratres meos, fatentur se non ex invidia, sed zelo justitiae contra illos moveri, quasi justitiam carni et sanguini praefidentes ; an non ? Quibus ille respondit : Ascendite ad eos, et inite certamen.*

Quumque filii Israel altera die contra filios Benjamin ad praelium processissent, eruperunt filii Benjamin de portis Gabaa, et occurrentes eis, tanta in illos cede

A bacchati sunt, ut decem et octo millia virorum educentium gladium prosternerent.

Quocirca mirum videtur quod succubuerunt, quum tamen, Deo jubente, inissent certamen. Et cur Dominus dixit eis, ut congredierentur, quum eos agnosceret ruituros ? Et respondendum, quod ideo, quia justam causam habebant. Expediebat quoque eorum saluti, in praelio cadere, quia et ipsa congressio morsque illata, fuerunt eorum purgatio. Voluit item eorum fidem probare, et obedientiam coronare ; imo

B nos omnes instruere, ut nequaquam frangatur spes nostra et fides in Domino, etiamsi adversa contingant, quemadmodum sanctus Job loquitur : Etiamsi occiderit me, in ipso sperabo. Hinc elici potest, quod interdum in bellis succumbunt hi qui justam praelii habent causam : quod propter eorum aliquas culpas solet accidere, et pro eorum salute. Porro injusti ad majorem suam damnationem, temporalem sortiuntur prosperitatem, quia et ipsi fortassis aliquid habent boni, quod temporaliter muneretur. Denique praeter causam praetactam, assignatur et alia rationabilis causa a Catholicis et Hebraeis, cur filii Israel bis sunt victi : quia videlicet circa vindictam injuriae Dei fuerant negligentes (quia Danilas, qui modico tempore ante hoc factum ad idololatriam corruerunt, non impugnaverunt, sicut in Deuteronomio fuit praecceptum ; et sicut tempore Josue vulerunt novem tribus pugnam inire contra tribum Ruben et Gad, ac mediam tribum Manasse, quum putassent illos altare sacerilegum construxisse), quum tamen ad ulciscendam injuriam hujus Levitae, fuerint satis proni.

Quamobrem omnes filii Israel, puta residui de eorum exercitu, venerunt in domum Dei, et sedebant flentes coram Domino, ex vera contritione et humilitate, certi quod propter aliqua sua peccata sic essent prostrati. Jejunaveruntque illo die usque ad vesperam, pro satisfactione divinae offensae, et obtulerunt ei holocausta, ad divinae reverentiam majestatis, quam offende-

Job xiii, 15.

Judic. xviii, 30, 31.

Deut. xiii, 6-18.

Josue xxii, 11, 12.

runt, et pacificas victimas, pro remissione A suarum culparum ad pacificandum se Domino, et ut victoriam obtinerent. Fuitque magni, quod bis tam lamentabiliter pro causa justa prostrati, imo et semel ad prælium ire jussi, nequaquam contra Dominum murmuraverunt, imo nec contra Phinees sacerdotem, suspicando quod eos deeeperit referendo divina responsa, aut confingendo; sed humiliter confugerunt ad Deum, eumque orando, plorando, sacrificando, et jejunando, imo et cordialiter pœnitendo placare conati sunt. *Et super statu suo B interrogaverunt*, hoc est, per sacerdotem petierunt sibi divinitus revelari, quid eis esset agendum in tali articulo et eventu. *Eo tempore ibi erat arca fœderis Domini, et Phinees filius Eleazari filii Aaron prae-*positus domus, id est princeps et pontifex tabernaculi Dei. *Consuluerunt igitur Dominum per Phinees, per cujus manus et sacrificia obtulerunt, atque dixerunt: Ex-*ire ultra debemus ad pugnam contra filios Benjamin fratres nostros, an quiescere? *Quibus ait Dominus: Ascendite.* Unde ap- C paret, quod urbs Gabaa fuit alius sita, quam campus in quo filii Israel erant. *Cras enim tradam eos in manus vestras.*

Josue viii, 4.

Posueruntque filii Israel insidias per circuitum urbis Gabaa: quatenus viri illi in insidiis positi, intrarent atque incenderent urbem, Benjamitis inde egressis ad pugnam contra reliquos Israelitas. Qualiter autem liceat uti insidiis in præliis justis, dietum est super Josue octavo. Et tertia vice, sicut semel et bis, contra filios Benjamin exercitum produxerunt. Sed et filii D Benjamin audacter eruperunt de civitate, et fugientes adversarios longius persecuti sunt, hoc est filios Israel, qui ex industria et condicto fugerunt, ut filios Benjamin ab urbe sua protraherent; ita ut vulnerarent ex eis, sicut primo die et secundo, et cæderent per duas semitas vertentes terga, quarum una ferebatur in Bethel, et altera in Gabaa, atque prosternerent triginta circiter viros. Putaverunt enim eos solito more cedere. Qui fugam arte simulantes,

inierunt consilium, ut abstraherent eos de civitate, et quasi fugientes, ad supradictas semitas perducerent. Omnes itaque filii Israel surgentes de sedibus suis, etc., hoc est, major pars exercitus quæ se remote a civitate absconderat, surgens de suis latibulis, cepit Benjamitis resistere. Erat quippe exercitus filiorum Israel in tres partes divisus: quarum una et minor jacuit in insidiis circa urbem; alia pars et major, accessit urbem ad provocandum et extrahendum filios Benjamin; tertia et maxima pars fuit remote latens, et ad illam protraxerunt filios Benjamin, filii Israel qui simulaverunt fugam. *Ingravatumque est bellum contra filios Benjamin, et non intellexerunt quod ex omni parte illis instaret interitus.*

Percussitque eos Dominus, hoc est percussioni exposuit, in conspectu filiorum Israel, quibus dedit virtutem percutiendi Benjamitas. Et interfecerunt ex eis in illo die viginti quinque millia, et centum viros, omnes bellatores et educentes gladium, etc. Remanserunt itaque de omni numero Benjamin, qui evadere potuerunt et fugere in solitudinem, sexcenti viri. Sederuntque in petra Remmon, hoc est in loco petroso, munito in solitudine, mensibus quatuor. Et planxerunt ibi suam calamitatem magno ploratu. Regressi autem filii Israel, omnes reliquias civitatis Gabaa, a viris usque ad jumenta gladio percusserunt. An vero quod ait, Usque ad jumenta, intelligendum sit inclusive, an potius exclusive, dubium esse potest. Cunctasque D urbes et viculos Benjamin vorax flamma consumpsit. Occiderunt autem filii Israel etiam mulieres et parvulos ac parvulas in tota Benjamin tribu.

Refert Lyra in Hebræo haberi, quod filii Benjamin præter habitantes Gabaa, erant viginti sex millia, et quod mille ex eis fugerunt ad oppida sua, ex quibus prius venerunt in Gabaa, atque in oppidis illis a filiis Israel sint occisi. Sed hoc non videtur textui consonare, quo dictum est: Remanserunt itaque de omni numero Benja-

min, qui evadere potuerunt, et fugere in A natio ejus, quod dicitur, Qui evadere potuerunt. Ex his patet tota hujus capituli solitudinem, sexcenti viri : nisi forte quod littera, quæ est proluxa.

ARTICULUS XXXIV

EXPLANATIO CAPITULI VICESIMI PRIMI : JURAVERUNT QUOQUE FILII ISRAEL IN MASPHA.

QUALITER reparata sit tribus Benja- B min, quæ pene extincta fuit, hic enarratur. *Juraverunt quoque filii Israel in Maspha, antequam contra Benjamin pugnare cœperunt : Nullus nostrum dabit filiis Benjamin de filiabus suis uxorem.* Hoc juraverunt in detestationem facinoris Benjamitarum, et puto quod juraverunt, postquam cognoverunt tribum Benjamin velle adsistere Gabaanitis, quia extunc communicaverunt illis in crimine. *Veneruntque omnes in domum Dei in Silo, etc., et flere cœperunt, dicentes : Quare, Domine Deus Israel, factum est hoc malum in populo tuo, ut hodie una tribus auferretur ex nobis, id est ex Israelitico populo ? quasi dicant, Utinam non contigisset. Verumtamen nondum fuit tribus Benjamin omnino occisa, sed videbatur breviter peritura, quia non apparuit prima facie modus, qualiter posset per generationem conservari, eo quod ceteræ tribus jurassent filias suas non sociare Benjamitis conjugio, nec poterant gentiles accipere ob legis prohibitionem.*

Deut. vii, 3.

Altera autem die diluculo consurgentes, exstruxerunt altare in tabernaculo Domini. Sed nonne jam erat ibi altare ? Dixerunt aliqui, quod illud prius in aliquibus reparaverunt, vel translatum fuit, ideo novum fecerunt ; vel ejus relatio, atque in pristino loco positio, vocatur ejus exstructio. Et obtulerunt ibi, per manus sacerdotis, holocausta pro gratiarum actione de triumpho concesso, et pacificas victimas pro remissione culpæ, pace, et gratia conservationis

in bono statu, et dixerunt : Quis non ascendit in exercitu Domini qui Benjamitas occidit, de universis tribubus Israel ? Hoc inquisierunt, ut ea occasione providerent residuis Benjamitis de nuptiis : qui enim ibi non erant, non juraverunt se non daturus filias suas filiis Benjamin ; et item ut illos punirent. Ideo subditur : Grandi enim juramento se constrinxerant, quum essent in Maspha, interfici, id est, quod interficerent, eos qui defuissent. Ductique pœnitentia filii Israel super fratre suo Benjamin, cœperunt dicere : Ablata est tribus una de Israel. Unde uxores accipient ? Omnes enim in commune juravimus, non daturus nos his filias nostras. Idcirco dixerunt : Quis est de universis tribubus Israel, qui non ascendit ad Dominum in Maspha ? Et ecce inventi sunt habitatores Jabes Galaad, hoc est urbis sitæ in terra Galaad, in illo exercitu non fuisse. Eodem quoque tempore quum essent in Silo, nullus ex eis ibi repertus est.

Miserunt itaque decem millia viros robustissimos, et præceperunt eis : Ite et percutite habitatores Jabes Galaad in ore gladii, tam uxores quam parvulos. Mirum videri potest, quod tam in tota tribu Benjamin quam in urbe hac Galaad etiam feminas ac parvulos peremerunt, quum parvuli penitus fuerint innocentes. Estque probabile, quod multæ feminae displicentiam habuerunt de crimine illo Gabaanitarum. Ad quod dici potest, quod in majorem tanti facinoris detestationem hoc factum sit, et viri in suis uxoribus ac par-

Gen. II, 24.

vulis sint puniti, quum tamen viri in Benjamin ante mulierum ac parvulorum occisionem, fuerint pene omnes perempti. Fuit quoque mors illa innocentibus major corona, et feminis quæ pœnituerunt, vel in mortali culpa non erant, purgatio. Sed et rigor divinæ justitiæ commendabatur in hoc. Vir quoque et mulier una sunt caro, et proles est aliquid suorum parentum. *Et hoc erit quod observare debebitis: Omne generis masculini et mulieres quæ cognoverunt viros, interficite; virgines reserveate.* Antequam inceperunt interficere eos qui in Jabes commorabantur, eum diligenti examine scrutabantur pro posse, quæ virgines essent, et separabant eas seorsum. Et satis faciliter poterant invenire, quæ nec maritatæ nec diffamatæ fuerunt. Unde subjungitur: *Inventæque sunt de Jabes Galaad quadringentæ virgines, quæ nescierunt viri torum, imo nec illegitimam copulam, et adduxerunt eas ad castra in Silo in terram Chanaan.* Miseruntque filii Israel nuntios ad filios Benjamin, qui erant in petra Remmon, hoc est in loco saxeo illo valde munito, et præceperunt eis, videlicet nuntiis, ut susciperent eos, scilicet Benjamitas illos, cum pace, reducendo eos inde pacifice ad populum Dei in Silo. Veneruntque filii Benjamin in illo tempore. Et datæ sunt eis uxores de filiabus Jabes Galaad, quadringentis videlicet viris, totidem sponsæ.

Dixeruntque majores natu, qui in suis familiis præsidebant, quorum tamen nullus præfuit toti plebi: Quid faciemus reliquis, qui non acceperunt uxores? etc. Et ingenti studio providendum est, ne una tribus deleatur ex Israel, etc. Nonne ex quadringentis illis conjugiiis poterat tribus Benjamin reparari? Poterat plane, sed non ita cito. Ideo propter ducentos residuos uxorandos, non debebant filii Israel præfatum suum frangere juramentum, quamvis quidam dicat oppositum. *Ceperuntque, hoc est excogitaverunt, seu ab invicem acceperunt, consilium, atque dixerunt: Ecce solennitas Domini est in Silo anni-*

A versaria, id est annua quædam festivitas, quæ Silo sita est ad septentrionem urbis Bethel, non illius, quæ alio nomine vocatur Jerusalem. Præceperuntque majores natu filiis Benjamin, atque dixerunt: Ite et latitate in vineis. Quumque videritis filias Silo, id est filias civium urbis nomine Silo, ad ducendos choros, id est choreas, ex more procedere extra urbem, exite repente de vineis, et rapite ex eis singuli singulas uxores, id est quilibet unam puellam ad nubendum. Veruntamen raptus talis secundum legem non licuit, sed necessitas et majorum commissio excusavit raptores in toto vel partim. *Quumque venerint patres earum ac fratres, et adversum vos queri, id est conqueri, atque jurgari ceperint, violentiam vobis obijciendo, dicemus eis: Miseremini eorum. Non enim rapuerunt eas jure bellantium atque victorum: id est, isti Benjamitæ non dicunt quod filias vestras de jure acceperint, sicut hi qui vincunt in prælio, rapiunt filias eorum quos superant, et quantum ad hoc, non habent se præsumptuose; sed rogantibus ut acciperent, non dedistis: id est, filias vestras noluistis dare his Benjamitis, quum tamen rogarent sibi de uxoribus provideri. Et a parte vestra peccatum est, hoc est, vos ipsi estis in culpa: non ideo, quoniam filias vestras non dedistis filiis Benjamin, eas sibi dari rogantibus, eo quod promisistis vos non daturus filias illis, sicut et nos natu majores; sed quoniam filias vestras permisistis sic echorizando vagari, quod rapi taliter potuerunt.*

Feceruntque filii Benjamin ut sibi fuerat imperatum, et juxta numerum suum rapuerunt sibi de his quæ ducebant choros, uxores singulas. Abieruntque in possessionem suam, quam habuerunt latissimam, quia sexcenti isti residui totam terram tribus Benjamin poterant possidere: ideoque feminæ eis assignatæ, et parentes quarundam, facilius consenserunt filiis Benjamin ad ineundum connubia; ædificantes urbes, et habitantes in eis. Filii

quoque Israel reversi sunt per tribus et A familias in tabernacula sua.

In diebus illis non erat rex in Israel, sed unusquisque quod sibi rectum videbatur, hoc faciebat. id est, sine refrenatione fecit quod voluit. Nullus autem respiciens ad malum operatur, ut divinus Dionysius contestatur, id est, nullus optat aut facit malum sub ratione mali, sed solum sub ratione boni veri aut apparentis, quum bonum sit appetitus objectum. Hinc in

Prov. xxi, 2. Proverbiis habetur : Omnis viri via recta

Ibid. xxi, 15. sibi videtur. Et rursus : Via stulti recta in B oculis ejus. Verumtamen non est putandum, quod in diebus illis unusquisque in Israel fecit omnino sine refrenatione omne quod voluit, aut quod sibi bonum apparuit, quia et parentes prohibuerunt sobolem suam a multis malis, et domini suos ministros, in urbibus quoque fuerunt speciales rectores ac judices : ideo distributio præfata, est accommodata pro generibus singulorum ; vel per hyperbolen dictum est hoc, et quia in multis sic fuit. Denique, non solum dum deest superior aut prælatus, sed item dum is qui præest, est penitus negligens in corrigendis et corripiendis excessibus, verbum hoc dici potest : In diebus illis non erat rex in Israel. Talis etenim

præsidens, nomine et non re præsidens est : cui loquitur Zacharias, O pastor et

Zach. xi, 17.

idolum ! Præterea, quoniam clausula ista, In diebus illis, etc., etiam posita est in descriptione casus ipsius Michæ et Danitarum, asserit Josephus casum istum et illum circa eadem tempora contigisse.

Judic. xvii, 6 ; xviii, 1, 31.

Moraliter ex horum trium capitulorum historia informamur, quanta mala nascentur ex carnali concupiscentia, et quam ineffabiliter illa obtenebret et incorrigibilia faciat corda seducta : ideo prorsus vitanda est. Porro, per tribum Benjamin, quæ hominibus suæ prosapiæ opem et defensionem in malis exhibuit, intelliguntur, qui ex carnali amore aut commodo defendunt, excusant, et adjuvant suos propinquos, amicos, aut socios in peccatis, sicque ipsorum involvuntur sceleribus, atque justitiæ renituntur, tandemque pereunt. Rursus ex prædictis instruimur, quod volentes corripere aut corrigere alios, debent hoc facere ordinate, et in primis emendare se ipsos, neque ex rancore, sed zelo justitiæ vitia vindicare. Docemur quoque incauta nequaquam facere juramenta, sed omnia agere cum cautela. Ad laudem et gloriam Omnipotentis, qui est super omnia Deus sublimis et benedictus. Amen.

Sensus moralis.

ENARRATIO
IN LIBRUM RUTH

PRÆFATIO

TESTE sancto Hieronymo, Hebræi librum Ruth dicunt ad librum Judicum pertinere, quia in diebus unius judicis historia Ruth scribitur contigisse. Estque liber iste quoddam illius voluminis complementum. Quocirca quaeri potest, cur potius intitulatur a Ruth, quam a Booz vel Noemi. Respondendum, quod ideo, quia in isto libello specialiter recitantur virtutes istius Ruth, et gratia Dei in ea amplius commendatur, atque per eam docetur impleta prophetia Isaïæ de Christo, dicentis : Emitte Is. xvi, 1. Agnum, Domine, dominatorem terræ, de petra deserti ad montem filiæ Sion. In quibus verbis vel ipsa Ruth ob suam constantiam, firmitatemque animi, petra vocatur; vel per Petram deserti, intelligitur locus de quo exstitit oriunda.

ENARRATIO IN LIBRUM RUTH

ARTICULUS PRIMUS

ELUCIDATIO CAPITULI PRIMI : IN DIEBUS UNIUS JUDICIS.

I*N diebus unius judicis, quando judices A*
præerant. Hoc non est intelligendum,
quod in diebus unius judicis Israel præ-
fuerunt plures judices Israeli; sed quod
ait, Quando, exprimit tempus indetermi-
natum, ut sit sensus : Quando, id est quo
tempore, successive præerant judices. Præ-
erant autem (ut dictum est) per modum
directionis atque consilii magis, quam per
modum jurisdictionis atque dominii. *Fa-*
cta est fames in terra Judææ, id est magna
caristia sive sterilitas. An autem in sola
Judæa fuerit illa fames, an etiam in cir-
cumjacentibus terris, Scriptura non ex-
primit. Tamen quia mox subditur, quod
quidam ex Bethlehem transierunt ad habi-
tandum in terra Moabitarum, quæ regio
est Judææ vicina, videtur vel quod solum,
vel præcipue fuit hæc fames in territorio
Judæorum.

Quæritur, quis fuerit judex sub quo ac-
cidit ista historia. Ad hoc Lyra respondet :
Magister in historiis et expositores aliqui
dicunt, quod judex iste fuit Heli, qui cum
hoc sibi sacerdotium usurpavit : qui non C
fuit de stirpe Eleazar, sed de Ithamar. Li-
cet autem istud secundum sit verum, vi-
delicet quod Heli sacerdos et judex, non
fuit de Eleazar, sed de Ithamar, non tamen
videtur verum quod sibi usurpaverit sa-

cerdotium, quoniam primo libro Regum
Dominus ait ad eum : Loquens locutus *1 Reg. ii, 30.*
sum, quod domus tua et domus patris tui
ministraret in conspectu meo in sempi-
ternum. Ergo sacerdotium illud habuit ex
ordinatione divina. Nec verum videtur,
quod ista res sub Heli contigerit, quoniam
a principio quo Heli cœpit populum judi-
care, usque ad principium regni David,
fluxerunt tantum octoginta anni, videlicet
quadraginta sub Heli, et totidem sub Sa-
muele et Saul, ut ex primo Regum habe-
tur. Ergo infra hos octoginta annos fuit *Ibid. iv, 18;*
peregrinatio Elimelech, generatio Obed ex *Act. xiii, 21.*
Ruth, generatio quoque Jesse ex Obed, et
generatio David ex Jesse, imo et vita Da-
vid usque ad regni sui exordium, in quo
erat triginta annorum. Quod non videtur *11 Reg. v, 4.*
posse salvari, quoniam Noemi decem annis
mansit in terra Moab, qui additi triginta
annis vitæ David, in quibus cœpit regna-
re, faciunt annos quadraginta. Jesse quoque
dum genuit ipsum David, senex fuit : quia
sex filios genuit ante eum, ut legitur pri-
mo libro Regum. Sicque habuit triginta *1 Reg. xvi,*
novem annos ad minus, quando genuit Da-
vid. Hi autem anni simul juncti, faciunt
octoginta annos, si addatur et annus ille
quo Noemi est reversa, et Ruth ipsi Booz
conjugio sociata et imprægnata. Et ita non

remanet tempus aliquod vitæ Obed, quousque generasse potuerit ipsum Jesse. Hæc Lyra.

Circa hæc dico, quod Magister in historiis non dicit, quod Heli sibi sacerdotium usurpavit. Sic equidem ait : Post Samsonem judicavit Israel Heli sacerdos, qui tamen non judex, sed sacerdos a digniori officio agnominatus est, translato sacerdotio a filiis Eleazar. Hoc videlicet Heli primus de filiis Ithamar accepit sacerdotium. In diebus ejus facta est fames in terra. Ecce in his verbis non videtur, quod Heli sacerdotium usurpaverit sibi. Verumtamen addit ibidem Magister : Eleazar et Ithamar fuerunt filii Aaron. De Eleazaro debuit esse sacerdos, de Ithamar autem Levita. Quæ additio vera est, si per sacerdotem intelligatur summus sacerdos seu pontifex, per Levitam sacerdos simplex ; non autem, si intelligatur quod de solo Eleazaro debuit esse quicumque sacerdos, et de Ithamar Levita, non sacerdos, quum

Lev. x. 1, 2, 7;
Num. iii. 3,
4.

Judic. xx,
28.

III Reg. ii,
35, 27.

I Par. xxiv,
4.

I Reg. xvii,
12.

Ibid. xvi, 18.

in Levitico scriptum sit, quod Nadab et Abiu filii Aaron sacerdotes fuerunt, ipso Aaron pontificatum gerente ; ipsisque Nadab et Abiu igne consumptis, pro eis sacerdotio functi sunt Eleazar et Ithamar, sicque deinceps filii Ithamar fuerant sacerdotes. Et Phinees primogenitus Eleazari post patrem summus pontifex fuit. Sic et Heli iste pontifex fuit, pontificatu translato ad posteros Ithamar : quod duravit usque ad Sadoc pontificem, qui fuit de Eleazar, ejectione Abiathar, qui fuit de Ithamar. Insuper primo libro Paralipomenon describitur, quemadmodum David distribuit viginti quatuor ordines sacerdotum, quorum ordinum sedecim erant de Eleazaro, octo de Ithamar. Deinde dico, quod improbatio illa Magistri in historiis, scilicet quod judex ille non fuerit Heli, non videtur idonea. Non enim dicit Scriptura, quod Jesse fuit senex quando genuit David, sed quando David occidit Goliath, seu missus fuit ad Saul : imo antequam David fuit primo missus ad Saul, talis fuit et tantæ ætatis, quod unus dixit de eo Sauli : Ecce

vidi David filium Isai, scientem psallere, et fortissimum robore, virum bellicosum et prudentem in verbis.

Præterea refert et approbat Lyra opinionem Hebræorum, dicentium quod judex sub quo contigit historia ista, fuit Abesan, de quo dictum est in Judicum libro, et quod Abesan alio nomine dictus sit Booz : sicque idem vir et judex fuit Abesan et Booz, qui fuit ante Heli quadraginta sex annis, ut patet ex decursu libri Judicum. Sed ista opinio videtur inepta et textui huic contraria. Ait enim Scriptura in libri hujus exordio, In diebus unius judicis. Quum autem Scriptura dicit aliquid contigisse in diebus alienius regis aut judicis, certum est quod intelligat hoc de diebus, in quibus talis rex aut judex fuit judex aut rex, non de ceteris ejus diebus. Abesan autem non præfuit nec exstitit judex, nisi septem annis, ut in Judicum libro legitur. Porro Noemi fuit in terra Moab decem annis. Si ergo Abesan et Booz idem vir fuit, in ejus præsentia contigit fames illa, post ejus exordium Elimelech cum Noemi profectus est de Bethlehem in terram Moabitarum, jam diu defunctus fuisset ante reditum Noemi, nisi diceretur a suo judicatu depositus adhuc sanus : quod nemo affirmat, nec in aliquo judice Israel factum est. Si vero dicatur, quod Elimelech iter illud arripuit antequam Booz cœpit populum judicare, potius esset dicendum, quod fames ista incepit tempore Jephthe, qui sex annis præfuit ante Abesan. Si autem dicatur, quod fames aut peregrinatio illa ideo sub Abesan (qui et Booz) asseritur facta, quia sub eo est terminata ; pariformiter dici posset, quod fames et peregrinatio illæ sint factæ sub Heli antequam cœpit præesse, et sub ejus judicatu sint terminatæ, quia res a fine suo nomen sortitur. Sicque satis multum habebitur de tempore pro vita Obed, quousque genuit Jesse, quoniam Heli obiit dum nonaginta et octo erat annorum, et quadraginta præfuit annis, ut in primo Regum libro habetur. Verumtamen non est verum, quod res quancumque

Judic. xii,
8-10.

Ibid. 9.

Ibid. 7, 8.

I Reg. iv,
15, 18.

denominationem a fine accipiat, imo et aliquam sumit a suo principio. Et quamvis denominetur a fine, non tamen dicitur facta in fine suo seu termino sui esse, sed in principio ejus. Præterea non oportet putare, quod Jesse fuit ad minus triginta novem annorum dum genuit David : imo Benjamin junior ipso Joseph tempore ingressionis suæ in Ægyptum, habuit ad minus filios novem quando nondum erat triginta septem annorum, ut in Genesi ostenditur. Melius ergo dicunt Catholici quam Hebræi.

Gen. XLVI,
21.

Judic. XII,
11-13.

I Par. IV,
22.

Itaque, *In diebus unius judicis facta est fames in terra* : quæ quamvis quandoque contingat ex naturalibus causis, tunc tamen propter magna Judæorum crimina creditur contigisse. Quod non videtur posse salvari, si judex ille fuit Abesan aut Jephthe, qui cum præcessit, aut Ahialon vel Abdon, qui post Abesan fuerunt : quia (ut patuit) sub illis non leguntur filii Israel recessisse a cultu Dei, ut Judicium duodecimo dictum est. Denique, circa illud primi libri Paralipomenon, Et qui stare fecit solem, ait B. Hieronymus : Tempore Elimelech propter prævaricatores legis sol stetit, ut viso miraculo, converterentur ad Dominum : quod quoniam contempserunt, in tantum prævaluit fames, quod qui in tribu Juda prior videbatur, cogente inopia, cum uxore et filiis patria pulsus, in peregrinatione cum filiis mortuus est. Hebræi tamen (ut fertur) perhibent eum peregrinatum in Moab, non ex indigentia, sed ad vitandum molestiam : quia quum esset abundans, multi indigentium confugiebant ad ipsum, quibus invite sua communicavit, ideo abiit. Et quia ex vitiosa causa recessit cum bonis suis mobilibus, justo Dei judicio depauperatus atque defunctus est cum filiis suis in terra non sua. Unde et Noemi infra testatur, Egressa sum plena : quod tamen ad alium sensum potest exponi.

Abiitque homo de Bethlehem Juda, ut peregrinaretur in regione Moabide cum uxore sua ac duobus liberis. Ipse voca-

batur Elimelech, et uxor ejus Noemi; et duo filii, alter Mahalon, et alter Chelion, Ephrataei, de Bethlehem Juda. Ingressique regionem Moabitidem, morabantur ibi. Et mortuus est Elimelech maritus Noemi, remansitque ipsa cum filiis. Qui acceperunt, scilicet filii Noemi, uxores Moabitidas, quarum una vocabatur Orpha, altera Ruth. Circa hoc refert Lyra : Dicunt Hebræi et quidam Catholici, quod Ruth filia fuit Eglon regis Moabitarum. Quod satis reprobatur Lyra, præsertim quod non fuit filia regis Eglon, quem Aod judex Israel interfecit, quia ille jam mortuus fuit amplius quam per annos ducentos. Nec apparentiam habet, quod rex Moab dederit filiam suam viro extraneo. Nihilominus dictum illud posset aliquantulum colorari, ex eo quod scriptum est libro primo Paralipomenon : Securus et Incedens, qui principes fuerunt in Moab. Ubi scribit Hieronymus : Mahalon et Chelion filii Elimelech, hic Securus et Incedens dicuntur. Si ergo principes ibi erant, videntur ibi nobiliter uxorati. Jam quoque præhabitu est, quod pater eorum fuit de nobilioribus civibus Bethlehem. Unde qui istud vellet defendere, dicere posset, quod Eglon rex pater Ruth, fuit alter ab illo quem Aod interfecit. Ego tamen non puto id verum esse, quum et Noemi et Ruth in magna paupertate de terra Moab reversæ sint. Hieronymus quoque, In Hebræo, inquit, non principes, sed mariti dicuntur.

I Par. IV,
22.

Manserunt ibi decem annis, et ambo mortui sunt, duo scilicet filii Noemi, Mahalon videlicet et Chelion, in terra Moab infra decem annos peregrinationis illius. Remansitque mulier orbata duobus liberis ac marito : ideo fuit mœstissima, quia nec filii ejus sobolem reliquerunt, propter quod spem posteritatis amisit. Et surrexit ut in patriam pergeret, scilicet in Judæam et Bethlehem, cum utraque nuru sua, id est uxoribus filiorum suorum, de regione Moabide. Et quod dicitur, Cum utraque nuru sua, potest determinare verbum illud, Surrexit, ut sit sensus, quod duæ feminae

illæ surrexerunt cum ea, ut per spatium A deducerent eam : vel complexum illud, Ut in patriam pergeret : eritque sensus, quod surrexit cum mulieribus illis, ut simul cum eis reverteretur in terram suam. Sed prima expositio verior reputatur, quia inter alia subiungitur :

Et jam in via revertendi posita in terram Juda, dixit ad eas : Ite in domum matris vestræ, id est, quælibet vestrum ad propriam redeat matrem. Non enim erant sorores. Atque per hoc quod dicitur, In domum matris, videtur quod patres earum obierint. Faciat vobiscum Dominus misericordiam, sicut fecistis cum mortuis, id est cum vestris maritis adhuc viventibus, nunc defunctis, ad quos habuistis vos pie et amorose ; vel, Cum mortuis, habendo vos caritative et liberaliter circa sepulturam ipsorum, et ipsorum mortem vehementer deflendo ; et mecum. Det vobis invenire requiem in domibus virorum quos sortituræ estis, id est, bonos ac pacificos vobis concedat maritos, quia et hoc magnum est Dei donum. Quemadmodum enim

Ecclesi. xxvi, 1.

in Ecclesiastico scriptum est, Mulieris bonæ beatus vir, numerus enim annorum illius duplex : ita veraciter perhibetur, Viri boni beata uxor, etc. Nam et bonus vir melius potest compescere perversam uxorem, quam uxor bona durum et perversum maritum. Et osculata est eas, in signum magnæ dilectionis, sicut in separatione amantium fieri solet. Quæ elevata voce flere cœperunt, scilicet ex vehementi interiorum commotione cum singultu et ululatu : ad quod propter cordis molliem pronæ sunt feminæ ; et dicere : Tecum pergenus ad populum tuum. Hoc intendebant, trahente eas amore soerus, quæ tam amiceabiliter habuit se ad ipsas, quod ab ea separari, fuisset ipsis molestum valde.

Quibus illa respondit, magis quærens illarum, quam proprium, commodum : Revertimini, filie meæ. Cur venitis mecum ? Num ultra habebo filios in utero meo, ut viros ex me sperare possitis ? id est, sub illa spe non habetis mecum redire, quasi

valeatis cum fratribus defunctorum inire connubium, qui juxta morem nostræ legis susceperint semen fratribus suis defunctis : quod et ante legem Moysis servabatur, ut in Genesi ostenditur de Juda et filiis ejus circa Thamar. In Scholastica quoque fertur historia : Apud Moabitas servabatur lex de semine suscitando. Revertimini, filie meæ, et abite : jam enim senectute confecta sum, nec apta vinculo conjugali. Etiam si possem hac nocte concipere et parere filios, si eos expectare velitis donec crescant, et annos pubertatis impleant, ante eritis vetulæ quam nubatis. Nolite, quæso, filie meæ, favere hoc, quia vestra angustia magis me premit, id est, gravius affligor ex consideratione vestræ tristitiæ ac necessitudinis, et quod in sterilitatis opprobrio maneretis, mecum manendo, et egressa est manus Domini contra me, id est, Deus sua virtute me acriter visitavit per mortes mariti mei et filiorum meorum in juventute eorum, et antequam genuerunt.

Deut. xxv, 5 ; Gen. xxxviii, 8.

Elevata igitur voce, rursus flere cœperunt. Orpha osculata est socrum, ac reversa est, acquiescens persuasioni illius. Ruth adhesit soerui suæ. Cui dixit Noemi : En reversa est, id est, redire jam cœpit, cognata tua : forte enim fuit neptis istius Ruth, vel propter affinitatem sic nominat eam ; ad populum suum, et ad deos suos. Non videtur hæc Noemi fuisse multum devota et fervens, quoniam nurum illam, scilicet Orpham, non admonuit (ut apparet) ad cultum unius veri Dei, imo nec ipsam Ruth, quum tamen tam diu essent ad invicem commoratae et familiares : imo videtur ipsi Ruth dedisse consilium redeundi, sicut jam rediit Orpha. Nam addit, Vade cum ea. Quæ respondit : Ne adverseris mihi, ut relinquam te et abeam. Hæc Ruth fuit electa a Deo, ideo eam sic affectit, attraxit, et constantem effecit. Imo (ut Magister in historiis recitat) Noemi dixit ad Ruth : Audi, filia. Non est Deus noster sicut dii gentium, nec populus noster secundum ritum gentium vivit. Expedit ti-

bi ut redeas ad populum tuum et ad deos tuos. Et ait Ruth : *Quocumque enim perrexeris, pergam : et ubi morata fueris, et ego pariter morabor. Populus tuus, populus meus* : quasi dicat, Parata sum sequi ritum populi tui ; *et Deus tuus, Deus meus*, id est, Deo tuo volo servire, non diis Moabitum.

Præterea (ut fertur) videns Noemi ipsam Ruth velle ad Judaismum converti, probavit constantiam ejus, ne post apostataret a lege assumpta, ideirco proposuit ei aliqua ardua legis, quemadmodum religionem intrare optantibus proponuntur ardua ordinis. Itaque Noemi dixit ad Ruth : Hebræis et conversis ad legem eorum, non licet exire et commorari extra terram eis a Deo concessam, nisi ex grandi necessitate. Ad quod Ruth respondit : Quocumque perrexeris, pergam ; quasi dicat, Non alibi. Rursus Noemi ait : Non licet mulieribus Hebræis esse solas cum viris, nisi cum suis maritis. Respondit Ruth : Ubi commorata fueris, et ego pariter commorabor ; quasi dicat, Non cupio esse sola cum viro. Iterum Noemi : Nos, inquit, tenemur ad onera legis, atque ad unius Dei cultum. Et Ruth ait : Populus tuus, populus meus ; quasi dicat, Volo ei conformari in observantiis legis. Deus tuus, Deus meus, quem solum de cetero colam. Denuo Noemi est locuta : Transgressoribus legis nostræ infliguntur duræ diversæque mortes, videlicet lapidatio, combustio, strangulatio, gladiatio. Responditque Ruth : *Quæ te terra morientem suscepit, in ea moriar, ibique accipiam locum sepulture* : tanquam dicat, In terra tua mori parata sum, juxta meorum exigentiam meritorum. *Hæc mihi faciat Deus et hæc addat*, id est, præacta aut consimilia adversa mihi infligat Deus verus, per quem solum de cetero juro tempore opportuno, si non sola mors me et te separaverit loco, habitatione et religione. Hunc modum jurandi didicisse videtur

A Ruth ab Hebræis, hoc est a suo marito aut soero. *Videns ergo Noemi, quod obstinato*, id est firmo et immobili, *animo Ruth decreverisset secum pergere* ex inspiratione divina : sicque obstinatio sumitur hic in bono ; *adversari noluit, nec ad suos ultra reditum persuadere*.

Profectæque sunt simul, et venerunt in Bethlechem. Quibus urbem ingressis, velociter apud cunctos cives fama percrebuit, id est, unus alteri velociter insinuavit reditum Noemi, quia et antea erat famosa, et omnibus cara ac pulchra matrona. Ideo subditur, *dicebantque mulieres : Hæc est illa Noemi*, id est mulier illa olim ita notabilis. Et ita de ejus reditione gaudebant, ejus quoque adversitatibus condolebant : quasi dicant, Ecce jam quasi sola venit, quæ cum marito et filiis abiit. *Quibus illa ait*, adversitatem suam ostendens, et gaudentium lætitiā moderans : *Ne vocetis me Noemi (id est pulchram)*. Noemi quippe, pulchra interpretatur. Quasi dicat : Habeo nomen sine nominis proprietate. *Sed vocate me Mara (id est amaram)*, quia amaritudine, hoc est tristitia et dolore, *valde replevit me Omnipotens*, ejus dispositione et voluntate defuncti sunt maritus meus et filii. *Egressa sum plena*. Secundum eos qui dicunt eam abiisse cum opulentia ob causam inductam, sensus est, quod cum divitiis et comitatu recessit. Secundum alios sensus est, quod cum marito et filiis abiit, quos sibi præ cunctis divitiis cariores fuisse testata est, quemadmodum uxor Tobie ait : Sufficiebat nobis paupertas nostra, ut divitias computaremus hoc, quod videbamus filium nostrum. *Et vacuum me reduxit Dominus*, scilicet marito filiisque orbatam, aut etiam depauperatam. *Cur ergo vocatis me Noemi, quam Dominus humiliavit, et afflixit Omnipotens ? Venit ergo Noemi, etc., in Bethlechem quando primum hordea metebantur*, id est tempore hordeaceæ messis.

Tob. v, 25.

ARTICULUS II

SPIRITUALIS EXPLANATIO EJUSDEM CAPITULI PRIMI.

SICUT in modica testa continetur nucelens duleis, atque in favo mellis dulcedo. in malo quoque granato granum medicinale: ita et in brevi hoc libro Ruth, suavia Christi et Ecclesiæ sacramenta inclusa sunt. Allegorice ergo, per judicem Israel, in ejus diebus facta est sterilitas in Judæa, intelligitur collectio pontificum, qui Judæis præerant in primo Christi adventu atque post resurrectionem ipsius: qui populum a Christi prædicatione, fide et cultu totis viribus averterunt, ita quod magna bonæ conversationis sterilitas, et spiritualis alimonie carentia, in populo illo Judaico exstiterunt.

Abiitque homo de Bethlehem Juda, nomine Elimelech, quod interpretatur, Dominus meus rex: id est, Christus Dominus et rex noster cum Ecclesia ingressus est terras gentilium, quia post suam resurrectionem Judæis in sua perfidia induratis, per primitivæ Ecclesiæ prædicatores, sanctos Apostolos, et per Prophetarum oracula visitavit gentiles, et in eorum demoratus est cordibus. *Cum duobus liberis*: per quos ordo Prophetarum et chorus signatur Apostolorum, seu ipsi Apostoli et ceteri eorum cooperatores discipuli. Per Noemi demum, quæ pulchra interpretatur, Ecclesia designatur, cui in Canticis dicitur: O pulcherrima mulierum! *Et mortuus est ibi Elimelech*. Christus namque in membris suis persecutiones sustinuit tyrannorum, et sibi fieri reputavit quod suis infligebatur fidelibus: quibus per Zachariam locutus est. Qui tetigerit vos, tanget pupillam oculi mei. Unde et rursus fatetur: *Quod uni ex minimis meis fecistis, mihi fecistis*. Specialiter vero mortuus fuit in

corde eorum qui per tormenta et violentias corruerunt a fide. *Remansitque mulier orbata duobus liberis ac marito*: quia et sancti Apostoli ceterique discipuli pro Christo sunt martyrizati, sicut et olim Prophetæ ab impiis sunt afflicti: sicque eorum præsentia Ecclesia fuit privata, quæ etiam in hac vita Sponsi cœlestis claro et beatifico privatur consortio ac adspectu. Præterea interdum contingit Ecclesiam ad tempus relinqui, ita ut solitis consolationibus, supernorumque charismatum affluentis destituatur, atque gravissimis persecutionibus exponatur, in tantum, ut cum Apostolo dicat: *Supra modum gravati sumus supra virtutem*, ita ut tæderet nos vivere. Tunc ergo quasi orbatam se cœlesti marito conqueritur.

Et surrexit ut in patriam pergeret cum utraque nuru sua. Ecclesia namque quosdam gentilium inconvertibiles reperit: ideo eis relictis, vicissim conversos ex Judaismo in terra sancta revisit, quemadmodum Jacobus de Hispania in Judæam reversus est, et rursus prædicavit ibidem, plurimosque convertit. Apostoli quoque, per aliquot annos cunctis* temporibus in Jerusalem et ad primitivam ibi Ecclesiam redierunt, sicut hoc partim in Actibus edocetur; aliquas quoque ex gentibus conversas personas secum duxerunt. Verumtamen per hanc Noemi reditorem, præcipue figurabatur quod fideles circa finem mundi prædicaturi sunt Synagogæ, et conversuri eandem. Porro, per hoc quod Noemi utrique nurni suæ reditum persuasit, datur intelligi quod Ecclesia non statim recipit infideles, aut etiam catechumenos ad Baptisma, sed probat spiritus si ex Deo sint.

II Cor. 1, 8

* certis

I Joann. 4, 1.

Cant. v, 9.

Act. ix, 5.

Zach. ii, 8.

Matth. xxv, 40.

Per idem intelligi potest, quod quasdam A personas ex gentilitate conversas Ecclesia remisit et ad loca priora direxit ad prædicandum ibidem, ut proliferarent et fructificarent in gentibus : quæ in obstinatis Judæis proficere non valebant, in quibus nec primitiva Ecclesia quivit multum facere fructum.

Insuper, sicut mulieres et cives in Bethlehem de reditu Noemi admirati sunt et gavisi : sic Jacobus Jerosolymorum primus antistes et primitiva ejus Ecclesia gloriabantur et admirabantur non parum, quando Paulus et Barnabas, imo et alii quidam Apostoli, præcipuique discipuli ex Judaismo conversi, venerunt ad ipsos, et narra-verunt qualiter fructificassent in gentibus, multaque millia convertissent, et divinis coruscassent miraculis. Quibus cognitis, dixerunt Jerosolymitæ fideles : *Hæc est illa Noemi*, id est pulchra Christi sponsa. Illi vero dixerunt : *Ne vocetis me Noemi (id est pulchram), sed Mara (id est amaram)*, propter gravissimas quas ab infidelibus sustinuerunt persecutiones, et quia de per-euntium exæcatione et disperitione intensissime doluerunt, et quia multi ex eis erant atrocissime ab infidelibus interempti. Unde quantum ad hoc, quasi vacuos se redire arbitrabantur. Nunc quoque Ecclesia Christi multipliciter deformata, et pristina gratiæ ac virtutum atque divinorum charismatum pulchritudine destituta, et tam ab invisibilibus quam a visibilibus hostibus conculcata, querula ait voce : *Ne vocetis me Noemi, sed Amaram*, quia amaritudinibus sum repleta.

Moraliter quoque in terra Israel, id est in Ecclesia Christi, fit famas, id est victutum carentia, *in diebus unius judicis*, id est indigni et scandalose viventis prælati aut principis : sub quo etiam aliqui boni patiuntur famem audiendi verbum Dei, qui informari cupiunt de necessariis ad salutem ; sed qui præsent, non instruunt eos, imo subvertunt pro posse. Ideo boni tales peregrinantur in terram Moab. Quod etiam in bono potest intelligi, quoniam Moab in-

terpretatur, ex patre. Sicque terra Moab, est congregatio devotorum et vere fidelium, qui ex Deo sunt nati, et venientibus ad se sermoeinantur quæ Dei sunt, ita quod sibi ipsis et pravis desideriis salubriter moriuntur, sicut quibusdam scribit Apostolus : Mortui enim estis, et vita vestra abscondita est cum Christo in Deo. At vero, ^{Coloss. iii, 3.} per Ruth, quæ socrui suæ inavertibiliter mansit adhærens, intelligitur quæcumque fidelis anima, quæ nulla persuasionem, adversitate aut occasione recedere vult ab ecclesiastica unitate. Per Orpham vero accipiuntur, qui ad tempus credunt, ^{Luc. xiii, 13.} punguntur, et bona efficiunt ; sed tempore adversitatis, tentationis aut etiam prosperitatis, labuntur. Docemur quoque ex ista historia ad intuendum ac assequendum fidelitatem, constantiam, ceterasque virtutes hujus electæ Ruth : quæ amore socrus suæ, imo potius impulsu Spiritus Sancti, propriam terram et plebem reliquit, nuptias perfidorum contempsit, ad terram Israel, ad cultum ac populum veri Dei accessit, et cum Deo de cetero servivit fideliter. Nulla ergo sensuali affectione quorumcumque propinquorum aut amicorum, nullo voluptatis amore, nullo proprii intuitu commodi separemur a Deo, nec præceptis Ecclesiæ efficiamur rebelles, nec viam relinquamus justitiæ, sed in Dei filiali ac spirituali timore et ferventi amore maneamus immobiles. Proximis quoque simus fideles, et cum Noemi ita nos habeamus ad proximos, ut non sine fletu et ululatu valeant a nobis diu ac longe avelli.

D Insuper, Ruth in multis est figura Ecclesiæ ex gentilitate collectæ, quæ diis suis, consanguineisque relictis, soli conjuncta est Salvatori. Sed et quæcumque fidelem animam, specialiter religiosam personam, quæ mundum et mundana Christi amore relinquit, designat. Postremo, quicumque fidelis priori devotione, perfectione seu gratia spoliatus, seu a contemplationis decore, spiritualique conversatione ad carnalia devolutus, aut etiam exterioribus occupationibus detineri coactus, et per eas

distractus, merito conqueri potest ac dice- A modi homo vere conteritur, et super dam-
re : Ne vocetis me Noemi, sed Amaram, quia no suæ animæ lacrimatur, atque ad prio-
amaritudine sum repletus : si tamen hujus- ris vitæ puritatem ac libertatem adspirat.

ARTICULUS III

ELUCIDATIO LITTERALIS CAPITULI SECUNDI : ERAT AUTEM VIRO ELIMELECH CONSANGUINEUS.

QUALITER Ruth ad notitiam mariti si- B bi a Deo gratiose provisi pervenerit, nunc narratur. *Erat autem viro Elimelech, id est ipsius Elimelech, consanguineus homo potens, de semine Juda, et magnarum opum, nomine Booz : qui non solum in temporalibus, sed et in virtutibus existit opulentus, quia suis bene utebatur divitiis. Dixitque Ruth Moabitidis ad socrum suam : Si jubes, vadam in agrum, et colligam spicas. Ecce quam humilis petitio licentiæ, et item quam pium opus, videlicet colligere spicas : sed et quam justum et non fraudulentum fuerit ejus propositum, pandit subdendo, quæ fugerint manus metentium : non ergo proposuit aliquam spicam furtim subtrahere. Sed et verecundia bonæ Ruth insinuat ex verbo quod addit, ubicumque clementis in me patrisfamilias reperero gratiam. Cui illa respondit : Vade, filia mi. Et hoc quoque fuit amorosum congruumque responsum. Humilibus enim impendenda est benevolentia omnis. Petenti quoque humiliter, affectuose est respondendum ; et si fieri D expedit, pie acquiescendum. Abiit ergo, et colligebat spicas post terga metentium.*

Accidit autem ut ille ager, quem intravit Ruth, haberet dominum nomine Booz, qui erat de cognatione Elimelech. Ager ille jam antea pertinebat ad Booz, forte ex legitima successione. Non ergo intrante Ruth agrum illum, accidit istud, quod scilicet ager ille habuit possessorem seu dominum nomine Booz : sed hoc accidit, quod Ruth agrum illum intravit, et quod ager

ad Booz pertinens, visitabatur a Ruth : quod utique ex divina contigit præordinatione, ad consolationem ipsius Ruth. Deus etenim humiles multipliciter consolatur. Et ecce ipse veniebat de Bethlehem, dixitque Booz, suos visitans operarios et messorum : Dominus vobiscum. Hæc fuit salutatio bona : quasi dicat, Dominus adsit vobis per gratiam. Ex quo sumptum perhibetur, quod in celebratione sacerdos per hæc verba plebem salutatur. Qui responderunt ei : Benedicat tibi Dominus. Hæc fuit resalutatio valde idonea et imprecatio boni præcipui. Intelligendum est namque, quod spiritualia bona sibi invicem principaliter imprecabantur. Dixitque Booz juveni qui præerat messoribus in eorum officio : Cujus est puella hæc ? id est, ad quam spectat personam, seu ejus est conjux aut filia ? Non enim agnoverat eam, et ipsa Ruth in apparatu, incessu, collectione spicarum, tam verecunde atque humiliter se habebat, quod Booz vir grandævus et bonus, non ex libidine, sed consideratione tantæ probitatis, motus fuit ad istam interrogationem. Refert Lyra, quod (secundum Hebræos) ipsa Ruth colligebat spicas jacentes sedendo, ne ipsa se inclinante, aliqua pars sui cruris discooperiretur. Sed hoc fabulosum videtur. Talis namque collectio in sedendo, solet adscribi pigritiæ, et aptius poterat geniculando colligere, nec sic discooperiebatur. Qui respondit : Hæc est Moabitidis, quæ venit cum Noemi de regione Moabide, et rogavit ut spicas colligeret remanentes, sequens messorum vesti-

gia; et de mane usque nunc stat, id est perseverat, in agro, et ne ad momentum quidem domum reversa est: in quo patet, quam laboriosa, perseverans, et agilis fuit in labore pro sustentatione communi sui ipsius et suæ socrus.

Et ait Booz ad Ruth: Audi, filia. Booz ratione ætatis et auctoritatis seu eminentiæ, imo et ex caritate et pietate nominat eam filiam. Ne vadas in alterum agrum ad colligendum, nec recedas ab hoc loco, sed jungere puellis meis, et ubi messuerint, sequere. Mandavi enim pueris, id est ministris meis, ut nemo tibi molestus sit. Hoc ergo præcepit eis, auditis verbis præfati juvenis, antequam dixit ista verba ad Ruth, quamvis Scriptura non exprimat hoc; sed ex verbis istis hoc innuit. Sed etiam si sitieris, vade ad sarcinulus, id est vasa seu repositoria ciborum ac potuum, et bibe aquas, quas pueri mei bibunt. Quæ cadens in faciem suam, et adorans super terram prostrata, ipsum Booz adoratione dulciæ, tanquam eminentem personam, in quo ejus declaratur humilitas, dixit ad eum: Unde hoc mihi, ut invenirem gratiam ante oculos tuos, et nosse me dignareris peregrinam mulierem? quasi dicat, Non promerui beneficia tanta a te. Et tamen revera multo majora promeruit. Ideo sequitur: Cui ille respondit: Nuntiata sunt mihi omnia quæ feceris socrui tuæ post mortem viri tui. Itaque jam ex fama, quamvis non facie, agnoverat eam Booz. Et quod reliqueris parentes tuos, et terram in qua nata es, et veneris ad populum quem antea nesciebas. Superius tactum est, quod pater Ruth forsitan jam erat defunctus: ideo per parentes, possunt intelligi mater ejus et cognati antiquiores. Reddat tibi Dominus pro opere tuo tam virtuoso, id est præfatis bonis actibus tuis: id est, in præsentem det tibi prosperitatem et quamdam remunerationem inchoatam; et plenam mercedem recipias a Domino Deo Israel in futuro, ad quem venisti spirituali accessu per cordis conversionem et Judaismi susceptionem, seu etiam corporali

adventu, in quantum Deus in medio populi sui atque in tabernaculo suo, quod fuit in medio filiorum Israel, specialiter morabatur, et sub ejus confugisti alas, id est, sub ejus pietate, ope, et potestate te constituisti, ut te tueatur ac salvet. Itaque alæ Dei, metaphorice sunt misericordia ejus et potestas.

Quæ ait, quasi sufficienter regratiari non valens, nec de suis laudibus publice a tanto viro prolatis se extollens, sed ejus benignitati totum adscribens: Inveni gratiam in oculis tuis, domine mi, id est, tibi pie complacui, et pie me adspexisti, et inde beneficia mihi gratiose impendis, qui consolatus es me, et locutus es ad cor ancillæ tuæ, id est, affectuose me consolatus es intime, et verba tua dulcissima penetraverunt et lætificaverunt mea præcordia, quæ non sum similis unius puellarum tuarum, id est, nec infimæ tuæ ancillæ æqualis sum in bonitate et dignitate, quum sim gentilium filia. Denique tanta gratitudo, prudentia, et humiliatio Ruth, provocaverunt ipsum Booz ad beneficia ampliora ei præstanda, sicut subjungitur. Dixitque Booz ad eam: Quando hora vescendi fuerit, veni huc, videlicet ad operarios meos, et comede panem, id est, cum eis manduca de cibis meis, et intinge buccellam tuam, non unam tantum, sed quot volueris, in acetum pro refrigerio. Acetum namque est refrigerativum. Ideirco in tanto caumate et labore necessarium fuit.

Sedit itaque ad latus messorum, ad comedendum, non tamen tam prope, quod tetigit viros; nec ex opposito sedit viro- rum illorum, ne inspiceretur; et congegavit polentam sibi, id est, materiam victus collegit, et inde cibum paravit, quasi totum cibum suum de mensa aliena sumere erubescens. Comeditque et saturata est, id est sufficienter, non immoderanter aut gulose, refecta, et tulit reliquias esearum suarum, quas prudenter reposuit, et suæ socrui conservavit. Hanc polentam vocat Josephus ἀλγερν. Atque inde surrexit ut spicas ex more colligeret. Præcepit autem Booz pue-

ris suis, dicens : *Etiam si vobiscum metere voluerit, ne prohibeatis eam, etc.* In quibus verbis caritas, liberalitas, et misericordia Booz ad peregrinam feminam, commendantur. *Collegit ergo in agro usque ad vesperam*, in quo patet ejus instantia laboriosa ; *et quæ collegerat, virga cædens et crecutiens*, scilicet cum baculo, *invenit hordei quasi ephi mensuram*, id est mensuram hordei, quæ mensura vocatur ephi, *id est tres modios*. Et hoc juxta mensuram et modum loquendi regionis illius. Nomina quippe et quantitates mensurarum, quemadmodum et nummorum, juxta diversitatem locorum ac temporum variantur. Ideo ignoramus quantum modius ille continuit.

Quos portans, videlicet hordeum illud excussum seu hordeorum manipulos, reversa est in civitatem Bethlehem, et ostendit socrui suæ, ut ei congratularetur. Insuper protulit et dedit ei de reliquiis cibi sui, quo saturata fuerat. Dixitque ei socrus sua : Ubi hodie collegisti ? et ubi fecisti opus ? Sit benedictus qui misertus est tui. Indicavitque ei apud quem esset operata, et nomen viri dixit ei, quod Booz vocaretur vir in cujus agro collegerat. Cui

A respondit Noemi : Benedictus sit a Domino, id est, laudem et remunerationem a Deo recipiat, quoniam eandem in specie gratiam, quam præbuerat vivis, servavit et mortuis : id est, sicut beneficus fuit marito meo et filiis ejus quum adhuc viverent, ita nunc quoque benefacit eisdem, non in eorum persona quantum ad temporalia ista, sed in persona tua, quæ fuisti conjux unius filiorum illorum, et etiam in mea persona, quæ eram uxor mariti illius. Rursumque Noemi : Propinquus, inquit, noster est homo, id est, Booz iste affinis est nobis, quia vir meus fuit cognatus ipsius, similiter tuus maritus. Per hoc Noemi auxit fiduciam Ruth, ad colligendum fiducialiter in agris Booz. At vero, per hoc quod Ruth tam cito excussit manipulos suos, nec congregavit inde acervum, videtur insinuari magna sua et socrus suæ paupertas. Et Ruth : Hoc quoque, inquit, præcepit mihi, ut tamdiu messoribus ejus jungerer, donec omnes segetes meterentur. Cui dixit socrus : Melius est, filia mi, ut cum puellis ejus ex eas ad metendum, ne in alieno agro quispiam resistat tibi. Juncta est ergo puellis Booz, etc., in agro et messione usque ad finem messis.

ARTICULUS IV

DE SPIRITUALI EJUSDEM CAPITULI SECUNDI INTELLECTU.

ALLEGORICE per Ruth, Ecclesia ex gentibus adunata ; per Booz, Christus ; per Noemi, Synagoga accipitur. Quemadmodum autem Ruth inseparabiliter se adjunxit socrui suæ, ita Ecclesia gentilium Synagogæ in Christum credenti, obediitque ei promptissime. Itaque, sicut Ruth locuta est socrui, *Si jubes, radam in agrum, et colligam spicas*, sic Ecclesia ista a conversa Judæa sumpsit licentiam introcundi veteris Testamenti Scripturam, quæ est

D fertilissimus ager, quadruplicem generans fructum, quadriformem videlicet sensum : in qua spicas, id est, diversas collegit sententias, *post terga metentium*, id est, sequendo vestigia Apostolorum sanctorum, qui erant in agro isto messorum præcipui, dum hordea metebantur, id est, Prophetarum exponebantur oracula ; et reponebantur in horreis, quia in Scripturis novi Testamenti, in libris Evangeliorum et Epistolarum, in Apocalypsi et Actibus allegabantur et

contenta manebant. Quemadmodum autem ad hordei medullam, ob tegumentorum ejus duritiam atque tenaciam, difficulter pertingitur; ita ad prophetarum intelligentiam voluminum, propter eorum multiplicem involutionem, difficillimum fuit pertingere absque speciali Spiritus Sancti illuminatione.

Itaque hujus agri dominus est Booz, id est Salvator, qui est Deus scientiarum Dominus, in quo sunt omnes thesauri sapientiae et scientiae absconditi. Hic paterfamilias elementissimus fuit Ecclesiae ex gentilitate conversae, eam consolando, reficiendo, laudando, eo quod carnales suos affectus, et quidquid a Deo est aversivum, propter Deum reliquerit, credentibusque Judaeis adhæserit. Jussit quoque huic Ecclesiae, ut in præfato suo agro ad libitum remaneret, colligeret: imo dedit ei metendi licentiam, id est alios convertendi ac publice prædicandi; atque ad suae familiae mensam posuit eam, Sacramentum corporis sui ac sanguinis, alia quoque pretiosissima fercula spiritualia exhibens ei, imo omnibus illis simul.

Denique ista Ecclesia tantam in se Christi benignitatem experta, prostravit se ei humillime ac devotissime gratias egit, et catellis se comparans, nec dignitati servorum, qui scilicet ex Judaismo crediderant, æquari se posse præsumens. Virga quoque excutiens quæ collegit, invenit tres modos: id est, profectum suum in fide et moribus, juxta doctrinam Scripturæ bene examinans, cognovit se superbenedictæ Trinitatis notitiam attigisse, exercitia etiam

A incipientium, proficientium et perfectorum scandisse, sed et virtutes et dona ac fructus Spiritus obtinuisse: quæ omnia sibi desuper condonata, fideli Synagoga monstravit, quæ admirata est vehementer de tantis beneficiis Ecclesiae gentium distributis, benedixitque Salvatorem, qui tam copiosissime gentibus est misertus, et de oleastro fecit olivam, imo tandem testatus est: Non inveni tantam fidem in Israel. Insuper Synagoga ista electa, piissime confortavit Ecclesiam gentium in spe et caritate, dicens ad eam: *Propinquus noster est homo iste*. Christus namque vere effectus est noster propinquus, nostram assumendo naturam: qui et eos qui erant sub lege naturæ, congregavit in unam Ecclesiam sub tempore illo, quam quasi sororem Ecclesiae sub evangelica lege existentis, sibi ab exordio desponsavit.

Moraliter docet nos ista historia, exemplo Ruth nos ipsos in omnibus humiliare, prælatis et superioribus, sapientioribus ac senioribus sincerissime obedire: quod ad religiosos certum est maxime pertinere. Quod si quis nos ipsos, aut dona Dei in nobis laudaverit, nulla ex hoc elatione aut vanitate tangamur: imo tanto humilior Deo regratiemur, quanto majora aut plura contulerit nobis charismata. Stemus quoque in agro usque ad vesperam, id est, in studio Scripturæ, exercitiisque virtutum jugiter persistamus, a spirituali profectu nunquam cessemus, otiositatem, nugas et verbositates, omnem etiam negligentiam maxime abhorrentes.

ARTICULUS V

EXPLANATIO CAPITULI TERTII: POSTQUAM AUTEM REVERSA EST AD SOCRUM SUAM.

PROCESSUS quo Ruth devenit ad magnum conjugium, modo describitur. *Postquam autem reversa est Ruth de agro ad socrum suam: quod non est intelligen-*

Dum de die secundo aut tertio quo collegit in agro, sed potius de die ultimo aut circiter, quum in præcedentis capituli fine dicatur: Juncta est puellis Booz, et tandiu

cum eis messuit, donec hordea et triticum in horreis conderentur. Itaque, postquam hoc modo reversa est ad socrum suam, ad quam interim sapius rediit, *audivit ab ea*, scilicet a socra sua, quæ dixit ad Ruth : *Filia mea, quæram tibi requiem*, id est opulentum connubium et statum honestum, ut de cetero non indigeas taliter laborare, *et providebo ut bene sit tibi*, laborando ad hoc cum omni industria et diligentia mihi possibili, quia tam virtuose te habes circa me. *Booz iste, cujus puellis in agro*

Ruth. n. 20. juncta es, propinquus noster est : prout præcedenti capitulo continetur, atque expositum est ; *et in hac nocte aream hordei ventilat*. Ventilare, est grana purgare, jactando ea ad ventum. Porro aream hordei ventilare, est hordea in area seu horreo posita, ita mundare. Hoc autem fecit Booz per suos ministros, et forte nocte illa ad ventilationem se disponebant. Unde quidam exponunt sic : Ventilat, id est, festum agit pro ventilatione. Quocirca in Scholastica fertur historia : Mos erat in Israel, quod in ventilatione areæ, dominus seu paterfamilias grande fecit convivium pueris suis atque messoribus, et dormiebat in area, et quasi sollemnizans, ab amplexibus abstinebat. Idem fiebat in ovium tonsione. Si autem et post vindemiam, non legi.

Lavare ergo et ungere, id est, corpus tuum lava et unge, *et induere cultioribus vestimentis*, ut sic ornata, magis complaceras viro ad ineundum connubium tecum, *et descende in aream*. Non te videat homo, videlicet ipse Booz, imo nec alius, *donec esum potumque finierit*, id est ante finem cœnæ : non quod postea se præberet visibilem viro ante ingressum lecti, sed quia faciliter post cœnam potuit se celare, dummodo ante eam se occultaret. *Quando autem ierit ad dormiendum, nota locum in quo dormiat* : *veniesque*, ipso jam dormiente, *et discooperies pallium quo operitur a parte pedum, et projicies te*, tamen silenter et cum modestia, *et ibi jacebis*. Ipse autem quum evigilaverit, teque esse cognoverit, *dicet tibi quid agere debeas*. Vi-

A detur Noemi dando consilium istud, peccasse : quia tam nurum suam, quam ipsum Booz, exposuit fornicationis periculo ante conjunctionem legitimam. Et modus iste clandestinus, non erat consonus legi. Fuit quoque vir alter propinquior ei, quam Booz : nec sufficit bonam habere intentionem, sed per media apta oportet ad eam procedere. Ruth tamen excusatur, quia non melius scivit, nec fuit docta in lege. *Quæ respondit : Quidquid præceperis, faciam*. Verumtamen obedientia debet esse discreta, et super congruam ferri materiam. *Descenditque in aream, et fecit omnia quæ sibi imperaverat socrus sua*.

Quumque comedisset Booz et bibisset, et factus esset hilarior, [issetque] ad dormiendum juxta acervum manipulorum, venit Ruth abscondite, quæ jam ante inter acervos absconderat se, *et discooperto pallio a pedibus ejus, se projecit*. *Et ecce nocte jam media, expavit homo*, quum evigilasset, *et conturbatus est*, quia nescivit quid erat, et forsitan suspicabatur esse adversum quid, ut spiritum malum aut inimicum visibilem ; *viditque mulierem jacentem ad pedes suos*. Forsitan enim luna splendente consideravit hoc visu. Vel si caput mulieris tangendo percepit hoc, ponitur visus pro tactu, vel pro interiori notitia. *Et ait illi : Quæ es ? Illaque respondit : Ego sum Ruth ancilla tua*. *Expande pallium tuum super famulam tuam, quia propinquus es*, id est, accipe me in tuam jure propinquitatis, ut susceites semen nepoti tuo defuncto. Si autem Ruth per verba hæc petebat amplexum, non excusaretur : nisi forsitan per ignorantiam, quum tamen ignorantia juris non exenset, ad cujus notitiam quis tenetur. Quidam autem affirmant, quod per ista quærebat desponsationem, quia tunc moris erat, quod sponsalia contrahens, posuit vestimenti sui extremum super sponsam. Porro Magister in historiis ait, quod Booz indicavit huic Ruth in tali sollemnitate castitatem esse servandam. Unde apparet, quod ipsa copulam postulavit. Noemi quoque (ut dicitur) ideo

fecit eam tali die et hora accedere, quatenus Booz tunc pronior esset ad amplexum ipsius; tamen et Noemi poterat consuetudinem illam seire.

Et ille: Benedicta es, inquit, a Domino, filia. Mirum, quod ex subitanea conturbatione non reprehendit eam ex indignatione, quod ausa fuisset talia attentare. Sed videtur fuisse vir mitis, et cognita voce Ruth, quam sincere dilexit, fuit placatus, imo et Deus spiritum ejus mansuefecit, itaque eam laudavit. *Et priorem misericordiam posteriore superasti.* Priorem misericordiam hujus Ruth, ipse Booz vocat, quod ipsa Ruth tam amorose et pie se habuit circa summum maritum in ejus vita, morte et sepultura, et circa matrem illius. Posterio-rem autem ejus misericordiam nominat, quod optavit matrimonio sociari cognato mariti sui defuncti, non qualicumque, sed viro grandævo, et quasi seni, ad suscitandum semen defuncto. Hinc subditur: *quia non es secuta juvenes, pauperes sive divites.* Quasi dicat: Non ex libidine mota es, quod inde probatur, quod non quæstisti alterum maritum adolescentem seu juvenem pulchrum, cum quo poteras amplius delectari, sed me. *Noli ergo metuere inordinato timore, sed quidquid dixeris mihi,* hoc est, quidquid rationabiliter a me petieris, *faciam tibi pro posse meo.* *Scit enim omnis populus qui habitat intra portas urbis meæ,* scilicet Bethlehem: quam dicit urbem suam, quia natus (ut creditur) et commoratus fuit in ea, et unus de principalioribus urbis erat, aut præfuit ibi: *mulierem te esse virtutis,* id est virtuosam: *quod probabiliiter cognoverunt ex fama et inspectione et protestatione multorum.* *Nec abnuo me propinquum, sed est alius me propinquior.* *Quiesce hac nocte, et facto*

A mane, si te voluerit propinquitatis jure retinere, bene res acta est. Sin autem ille qui propinquior me est, id est magis affinis tibi, qui et viro tuo cognatior fuit quam ego, noluerit te accipere, ego absque ulla dubitatione te accipiam. *Vixit Dominus.* Ecce juratio. His verbis Booz pandit se eam velle accipere in casu illo propter ipsius Ruth virtuositatem, et propter legis præceptum, ac desiderio prolis deputandæ marito defuncto. *Dormi usque mane.*

Dormivit itaque ad pedes ejus usque ad noctis abscessum, id est usque ad horam propinquam diluculo, non tamen usque ad tenebrarum recessum. Nam subditur: *Surrexit itaque antequam homines cognoscerent se mutuo.* *Et dixit Booz: Cave ne quis noverit quod huc veneris,* ne scilicet aliquis opinaretur aliquid mali gestum ibidem; et quoniam modus ille ponendi se ad pedes viri, seu occulte petendi conjugium, reprehensibilis videbatur. Completo autem inter eos connubio, res poterat publicari. Itaque Booz prudenter providit famæ suæ ac Ruth. *Et rursum: Expande, inquit, pallium tuum, quo operiris, et tene utraque manu.* *Qua extendente et tenente, mensus est ei sex modios hordei.* Qui modii non fuerunt tam magni, quin sola Ruth potuit eos expedite portare. *Quæ portans, ingressa est civitatem, et venit ad socrum suam.* *Quæ dixit ei: Quid egisti, filia?* *Narravitque ei, scilicet socrui suæ, omnia quæ sibi fecisset homo,* id est, quam gratiose fecisset sibi hic Booz in verbis et factis. *Et ait: Ecce sex modios hordei dedit mihi, et ait: Nolo vacuum te redire ad socrum tuam.* *Dixitque Noemi: Erspecta, filia, donec videamus quem res exitum habeat: neque enim cessabit homo, nisi compleverit quod locutus est.*

ARTICULUS VI

SPIRITUALIS PERTRACTATIO EJUSDEM CAPITULI TERTII.

SANCTISSIMA illa ex Judaismo conver-
sa Synagoga, considerans quam stu-
diose ac fervide Ecclesia ex gentilitate col-
lecta, occupasset se in Scripturis, et multis
ornata esset virtutibus, locuta est ei: *Filia
mea, quæram tibi requiem, et providebo
ut bene sit tibi*, id est, ad vitam contem-
plativam quietissimam et pectoris pacem
perducere te conabor, ut decurso vitæ hu-
jus curriculo, ad æternales gloriæ nuptias
perducaris. *Booz iste, propinquus noster
est*: hoc est, Christus in natura humana
communicat nobis. *Et in hac nocte aream
ventilat*. Quemadmodum comparatione ve-
teris Testamenti, tempus evangelicæ legis
ac gratiæ, dies vocatur, dicente Apostolo,
Rom. xiii, 12. Nox præcessit, dies autem appropinquavit;
sic tempus hujus legis et gratiæ nox appel-
latur, respectu status et vitæ Beatorum in
patria. Christus itaque in hac nocte, hoc
1 Cor. xiii, 12. est in tempore vitæ præsentis, in qua ob-
Luc. i, 79. scire cognoscimus, atque in tenebris et
umbra mortis sedemus, ventilat aream hor-
dei, hoc est, Ecclesiam suam examinat, bo-
nos a malis discernit, electos a reprobis
dividit, diversitate meritorum et visitatio-
nis internæ. Nunc enim exercet hujusmodi
judicium discretionis, de quo perhibuit:
Joann. xii, 31. Nunc judicium est mundi. In fine autem
sæculi, judicium remunerationis et præ-
miorum facturum est, quod et particulari-
ter facit in obitu singulorum. Nunc igitur
modis præfatis ventilat aream suam, quo-
niam quosdam in Ecclesia et in sæculo isto
juste relinquit et perire permittit, alios mi-
sericorditer vocat atque finaliter salvat.

Consulitur ergo Ecclesiæ, cuilibet quo-
que fidei animæ: *Lavare*, a vitiis omnibus
Jer. iv, 14. te purgando, juxta illud Jeremiæ: Lava a
malitia cor tuum, ut salva fias. Et in Isaia:

A Lavamini, mundi estote. *Ungere* charisma-
tibus Spiritus Sancti, hoc est, Deum inten-
tissime ora, ut donis et gratiis Spiritus
Sancti ungere te dignetur, ut unctio ejus
1 Joann. ii, 20, 27. doceat te de omnibus. *Et induere cultio-
ribus vestimentis*. Vestimenta hæc cultio-
ra, sunt præclariores virtutes, et actus
earum eminentiores, seu et quæcumque
virtutes, secundum suum gradum subli-
miorem. Cultioribus ergo vestimentis in-
duimur, dum non solum bona et vere sa-
lubria, sed item meliora et viciniora saluti,
Hebr. vi, 9. assidue operamur, apicemque virtutum
adipisci conamur. *Et descende in aream*,
hoc est, taliter adornatus in anima, intra
Ecclesiam. *Non te videat homo*, id est, ope-
ra tua fac cum intentione secreta, qua soli
Deo cupias complacere, *donec esum po-
tumque finierit*, hoc est epulationem, qua
in suorum cordibus cum eisdem epulatur
et cœnat, prout in Apocalypsi contestatur:
Ego sto ante ostium, et pulso; si quis ape-
ruerit mihi, intrabo ad illum, et cœnabo
cum illo, et ipse mecum. *Apoc. iii, 20.* Durante igitur
tali interno convivio, abscondat se homo,
se ab exterioribus elongando.

*Quando autem ierit ad dormiendum,
nota locum in quo dormiat*. Dormit Salva-
tor in cordibus contemplativorum et om-
nium perfectorum virorum, dum ipsi in
eo obdormiunt per contemplationis sopo-
rem, et omnium exteriorum relictionem, et
ibi se invicem complectuntur brachiis ca-
ritatis. Debuit ergo Ecclesia gentium obser-
vare, qualiter Christus ita quievit in cor-
dibus sanctorum ex Judaismo credentium.

D *Et discooperies pallium quo operitur a
parte pedum*. Pallium Christi, est corpus
ipsius. Unde et in Genesi de ipso prædi-
ctum est: Lavans vino stolam suam, et
Gen. xlix, 11.

sanguine uvæ pallium suum. Porro per pedes Christi, conversatio ejus humana et corporalis in mundo hoc habita, designatur. Discooperire igitur pallium Salvatoris ex parte pedum, est diligenter inspicere quæ pro nobis corpus Christi sustinuit, et qualiter ipse inter homines vixit, ut sic ejus vestigia imitemur. Quod in suis martyribus Ecclesia victoriosissime adimplevit. *Et projicies te, et ibi jacebis*, hoc est, humiliter Domino te prosternes, et in humilitate offeres preces. *Ipsæ autem dicet tibi quid agere debeas*: quia qui ita se applienerit Dei Filio incarnato, illuminabitur exuberanter celeriterque ab eo.

Et ecce nocte jam media, expavit homo, hoc est, Christus per modum admirantis se habuit, videns in conversis gentilibus tantum fervorem, humilitatem, perfectionem: in ejus rei typo, de fide centurionis legitur admiratus; *et conturbatus est*, per modum compatiens se habens. *Viditque mulierem jacentem ad pedes suos*. De qua in libro Proverbiorum legitur: Mulierem fortem quis inveniet? *Et ait illi*, non ex ignorantia: *Quæ es?* tanquam dicat, Mirum quod aliqua talis est. Unde in Cant. vi, 9. *cis fertur*: Quæ est ista, quæ ascendit quasi aurora consurgens? *Illaque respondit*: *Ego sum Ruth ancilla tua*, id est Ecclesia seu anima virtuosa.

Expandè pallium tuum super famulam tuam, id est, merito passionis et sanguinis corporis tui me protege, et donis gratiæ me adimple, *quia propinquus es*, imo proximus nobis, et pro mea salute humanam assumpsisti naturam. Propter quod D

ait Apostolus: Quia pueri communicaverunt carni et sanguini, et ipse communicavit eisdem. His auditis, Dominus Jesus commendavit Ecclesiam, animamque fidelem: *Benedicta es*, inquit, *a Domino, filia, et priorem misericordiam*, quam proximis in corporalibus exhibuisti, *posteriore misericordia superasti*, tibi ipsi sic providendo, et vitia tua curando, seu spiritualia opera pietatis proximis impendendo; *quia non es secuta juvenes*, id est, carnalia oblectamenta spreveristi, et spiritualem cum Domino unionem summe optasti. *Noli metuerè, quidquid dixeris mihi, faciam tibi*, te in omnibus rationabiliter postulatis pie exaudiendo. Omnis enim qui petit, accipit. *Nec abnuo me propinquum, sed est alius me propinquior*. Quis est iste alius qui propinquior nobis est, aut esse potest quam Christus, nisi forte prælatus nobiscum conversans, qui communione conversationis, identitate status, similitudine mortalitatis et culpæ, proximus nobis est? cum quo per caritatem uniri debemus, quo nos refulgente aut deserente, Christus non deserit nos.

Surrexit itaque Ruth mane, quia Christo jubente, a sua prostratione erexit se, et cœpit contemplari divina. Postremo, sicut Booz sex modios hordei pallio Ruth infudit; sic cordi Ecclesiæ Christus perfectionem impressit supernorum charismatum. Senario namque significatur perfectio. *Nolo vacuam te redire*. Sic Dominus et Salvator accedentem ad thronum gratiæ suæ, non permittit, quantum in se est, sine fructu redire, quia ipse dat omnibus affluenter.

ARTICULUS VII

ELUCIDATIO LITTERALIS CAPITULI QUARTI: ASCENDIT ERGO BOOZ AD PORTAM, ET SEDIT IBI.

DESPONSATIO hujus Ruth hic narratur. *Ascendit ergo Booz ad portam, et sedit ibi* cum iudicibus, qui tunc in portis

urbium consueverunt sedere, ut cunctis ad eos facilius pateret accessus. Erat autem et Booz unus iudicum in urbe Bethlehem,

ut putatur. Quicumque vidisset propinquum *Ruth* 12. *præterire, de quo prius sermo habitus est, qui scilicet erat propinquior, dixit ad eum: Declina paulisper, et sede hic, vocans eum nomine suo, quod non exprimitur hic, forte propter indignitatem ipsius, quia in hac causa male se habuit. Qui divertit, et seddit. Tollens autem Booz decem viros de senioribus civitatis, dixit ad eos: Sedete hic, ut coram tot testibus negotium istud solennius fieret. Quibus residentibus, locutus est ad propinquum: Partem agri fratris nostri, id est consanguinei, Elimelech, vendidit Noemi, quæ reversa est de regione Moabide, id est, Noemi ista disposuit vendere, vel forsitan vendidit partem agri Elimelech sui olim mariti. Nempe, quod ait, Vendidit, utroque modo accipi potest, ut infra patebit. Est autem consuetudo Scripturæ, ut cognati invicem fratres vocentur. Quod audire te volui, et tibi dicere coram cunctis sedentibus et majoribus natu de populo meo. Si vis possidere agrum illum jure propinquitatis, eme et posside. Quia hic dicitur, Eme, videtur quod ager nondum venditus fuit a Noemi. Vel si venditus fuit, tunc quod dicitur, Eme, intelligendum est de venditi agri redemptione, quæ erat emptio quædam, pertinuitque ad jus propinquioris, ut in Levitico habetur. Sin autem displicet tibi, hoc ipsum indica mihi, ut sciam quid facere debeam. Nullus est enim propinquus, excepto te, qui prior es; et me, qui secundus sum. Hoc sonat, quasi Elimelech non habuisset propinquos nisi hos duos: quod nequaquam putandum est. Est igitur sensus: Nullus propinquus est, ad quem scilicet pro præsentem videatur pertinere emptio ista, nisi tu, qui in propinquitatis gradu es primus, et ego secundus. Respondit: Ego emam agrum.*

Lev. xxv, 25.

Cui dixit Booz: Quando emeris agrum de manu mulieris. Si per mulierem intelligatur Noemi, sequi videtur, quod agrum istum ante non vendidit. Unde quod superius dictum est, Agrum vendidit Noemi, exponendum est, vendere disposuit. Ruth

A quoque Moabitidem, quæ uxor defuncti fuit, debes accipere conjugem, quum sit eadem ratio ac jussio legis de faciendo utroque. Unde juxta Josephum, Booz dixit: Ergo non ex media parte oportet te legum habere memoriam. Habeas necesse est cum agro relictam Mahalon, ut suscites nomen propinqui tui in hereditate sua, hoc est, filium gignas ex Ruth, qui vocetur filius cognati tui defuncti, et ei in sua succedat hereditate. Talis autem filius, vocabatur filius legalis defuncti, ne periret ejus memoria, et naturalis filius ejus qui genuit eum.

B Cui ille respondit: Cedo juri propinquitatis: quia in ea parte qua ex præcepto legis commoditatem consequi poterat, voluit jure gaudere; non autem in parte qua poterat inde gravari, alienigenam pauperemque ducendo. Neque enim posteritatem familiæ meæ delere debeo, id est, non ita debeo vacare generationi prolis, quæ adscribatur cognato meo jam mortuo, ut negligam insudare generationi filiorum qui mihi ipsi attribuantur. Sicque vir iste non erat caritativus, sed pravus, reputans velut superfluum, semen suscitare alteri seu defuncto. Fuitque similis filio Judæ, qui videns sibi non nasci filios, semen fudit in terram, ut in Genesi habetur. Vel: Non debeo posteritatem familiæ meæ delere, hoc est, non me debeo occupare circa educationem et provisionem prolis nascituræ ex femina ista, quæ proles alteri deputetur, et per hoc negligere curam et provisionem propriæ sobolis. Aliqui vero exponunt sic: Non debeo posteritatem familiæ meæ delere, quia videlicet, si ex femina ista gignerem filios, filii illi non essent inter filios Israel computandi, quum in Deuteronomio scriptum sit: Ammonites et Moabites non intrabunt in Ecclesiam Dei in æternum. Sed si hoc dicere intendebat, erravit: quia præceptum illud suscipit dispensationem in conversis ad Judaismum, et propter virtutem et fidelitatem Ammonitarum ac Moabitarum quorundam ad filios Israel, ut patet in libro Judith de Achior principe Ammonitarum. Nec illud

Gen. xxxviii, 9.

Deut. xxiii, 3.

Judith xiv, 6.

praeceptum concernebat (ut dicitur) mulieres, sed viros : ideo non respiciebat prolem natam ex femina Ammonite vel Moabite, et ex viro Israelita. Tu meo utere privilegio, quod mihi ex propinquitate competit circa emptionem et matrimonium istud, quo me libenter carere profiteor. Videtur autem vir iste aliquantulum excusabilis a legis transgressione, si ita fuit dispositus corde, quod accepisset Ruth conjugem, si Booz eam remuneret.

Hic autem mos antiquitus erat in Israel inter propinquos, videlicet a tempore quo per Moysen data est lex, ut si quando, id est aliquando, alter alteri suo juri cedebat, ut esset firma concessio, qua unus concessit ac dedit suum jus alteri, solvebat, hoc est exuebat, homo calceamentum suum, et dabat propinquo suo cui concessit jus suum. Hoc erat testimonium cessionis in Israel, id est, per hoc factum significabatur, quod deponens calceamentum suum expoliabatur suo jure, et alter investiebatur de eo. Verum an istud fiebat in qualibet juris cessione, vel solum in cessione circa connubium, textus non exprimit. Et magis apparet istud secundum. Scriptum est enim in Deuteronomio quod propinquo renuente accipere uxorem defuncti, mulier in faciem illius spuebat, ejusque calceamentum solvebat. Quod observabatur, dum mulier virum illum conveniebat coram iudicibus, et ille non acquievit. Porro dum propinquus illum conveniebat, nec annuit, tunc ipsemet suum solvit calceamentum. Et ita erat in casu isto.

Dixit ergo propinquo suo Booz : Tolle D calceamentum. Quod statim solvit de pede suo. At ille, videlicet Booz, majoribus natu et universo populo : Testes, inquit, vos estis hodie, quod possederim omnia quae fuerunt Elimelech et Chelion et Mahalon, hoc est, quod nunc habeo jus possidendi hereditaria bona, quae aliquando pertinebant ad Elimelech et filios ejus, tradente Noemi illa mihi ad emendum et possidendum, siue ad redimendum quae vendita erant ; et Ruth Moabitidem in conjugem sumpse-

A rim, id est, ad contrahendum cum ea modo adstrinxerim, ut suscitem nomen defuncti in hereditate sua, ne vocabulum ejus de familia sua ac fratribus et populo deleatur. Per praedicta enim nondum eam formaliter sumpsit in conjugem : quod et infra innuitur. Vos, inquam, hujus rei testes estis.

Respondit omnis populus, etc., Nos testes sumus. Faciat Dominus hanc mulierem quae ingreditur domum tuam, hoc est statim intrabit, sicut Rachel et Liam, id est, benedicat ei sicut benedixit Racheli et Liae, quae fuerunt principales uxores Jacob patriarchae : imo et inter eas principalis quodammodo exstitit Rachel, quam Jacob primo petiit, atque formaliter cum ea primo contraxit : unde et nunc primo exprimitur ; quae edificaverunt domum Israel, id est, populum Israeliticum genuerunt per hoc, quod Rachel peperit duos Patriarchas, et Lia sex, a quibus exortae sunt octo tribus in Israel ; ut sit exemplum virtutis in Ephrata, id est tam virtuosa quod aliis in exemplum proponatur virtutum in urbe hac, quae primo appellata est Ephrata, et habeat celebre nomen in Bethlechem, id est famam solennem, juxta illud : Memoria justi cum laudibus ; nomen autem impiorum putrescet. Fiatque domus, id est posteritas, tua sicut domus Phares, quem peperit Thamar Judae. Talis (inquam) fiat tua posteritas de semine quod dederit tibi Dominus de hac puella. Fuit enim Ruth adhuc juveneula, quamvis non virgo. Omnia bona haec imprecati sunt viri illi huic Booz, quia ipse multum benigne, juste et humiliter habuit se, accipiendo istam paupereulam : juste, quantum ad Deum, ob cujus praeceptum haec fecit ; benigne, quantum ad defunctum, cui semen suscitare proposuit ; humiliter, quantum ad conjugem istam, qua fuit excellentior valde in multis. Denique imprecatio seu benedictio ista fuit copiose impleta, quia in temporalibus ac spiritualibus benedixit Dominus huic Ruth, fecitque eam exemplarem et famosam non solum in Bethle-

Deut. xxv,
9.

Ibid. 7.

Gen. xxxv,
23, 24.

Prov. x, 7.

Matth. 1, 3.

hem, sed et ubique terrarum; atque ex semine ejus, sicut ex semine Phares, orta est regia tribus, et tandem Rex regum Dominus Jesus Christus.

Tulit itaque Booz Ruth, et accepit uxorem post præinducta, secundum formam tunc solitam, et forsitan per verba de præsentia. *Ingressusque est ad eam, et dedit illi Dominus ut conciperet ex Booz, et pareret filium.* Quod recitatur hic pro beneficio magno, quia de stirpe illa nasciturus fuerat Christus: et forsitan supernaturaliter factum est, quod ex sene illo concepit, quæ ex marito adolescente antea nequivit concipere. Honorificum quoque fuit alienæ et egenæ, ex tanto viro prolem habere. Denique, sicut *Matth. 1, 5.* Salmon licite sumpsit Rahab ad Judaismum conversam in conjugem, ita hanc Booz.

Dixeruntque mulieres ad Noemi: Benedictus Dominus qui non est passus, id ^{* successor} *est non permisit, ut deficeret successio* familie tuæ, et vocaretur nomen ejus in Israel.* Hic supplendum est aliquid, ut sit sensus: Benedictus Dominus qui non est passus, ut deficeret posteritatis tuæ legalis successio, sed econtrario fecit, ut vocaretur nomen ejus in Israel, id est, successio tua in memoria perseveret, et filii tui posteritas recolatur. *Et habeas qui consoletur animam tuam, et enutriet senectutem, id est infantulum istum ex nuru tua natum: in quo magnam consolationem habebis, tanquam in filio filii tui. De nuru tua natus est qui te diligit, id est, infans iste quum ad ætatem adultam pervenerit, te amabit et tractabit ut propriam matrem seu aviam, si tam diu manseris vivens. Et multo tibi* *melior est unicus filius iste, quam si septem haberes filios, hoc est, honorabilius tibi est secundum æstimationem humanam, aut etiam vere, unum hoc modo habere filium de tanto viro, quam septem habere filios ex tuo olim marito: sicut et* *1 Reg. 1, 8.* Eleana dixit ad Annam, Numquid non ego melior tibi sum, quam si haberes decem filios? Et maxime verum fuit hoc verbum mulierum ad Noemi, in quantum ex illo infante Christus fuerat nasciturus.

A Susceptumque Noemi puerum posuit in sinu suo, et nutricis ac gerulæ officio fungebatur ex amore et gaudio. Jam enim et ipsa cœpit in domo Booz morari cum nuru sua, a qua separari nequibat. *Vicinæ autem mulieres congratulantes ei et dicentes: Natus est filius Noemi, id est, huic Noemi natus est filius iste per nurum suam, in quantum iste filius deputatur filio Noemi, et tam carus ac consolatorius est ei, quasi ipsamet eum peperisset; vocaverunt nomen ejus Obed, de scitu et consensu Booz.*

B Hic est pater Isai patris David. Imposueruntque nomen puero in sua circumcissione. Porro Obed interpretatur serviens: ideo puerum sic vocabant, quia dixerunt, quod amplius deserviret ipsi Noemi, quam si septem filios proprios haberet.

Hæ sunt generationes Phares: Phares genuit Esron, Esron genuit Aram, Aram genuit Aminadab, Aminadab genuit Naasson, Naasson genuit Salmon, Salmon genuit Booz. Circa hoc oritur difficultas, quomodo Booz fuerit filius ipsius Salmon, qui

C sub Moyse et Josue fuit, et terram promissionis ingressus est, inter quem et tempus hujus connubii fluxerunt pene trecenti anni. Ad quam difficultatem amovendam, aliqui dicunt fuisse tres Booz sibi in generationis linea succedentes, qui sub uno nomine comprehenduntur, quoniam idem nomen sortiti sunt. Verumtamen solutio ista non habet aliquod fundamentum ex Scriptura canonica: imo ubicumque in Scripturis novi aut veteris Testamenti generatio ista describitur, de uno dumtaxat Booz fit mentio; nec impossibile fuit, præsertim illis temporibus aliquem vivere annis trecentis, quum et sanctus Job post suam curationem vixerit annis centum quadraginta. Ad quem etiam Eliphaz dixit: Senes sunt inter nos multo vetustiores quam patres tui. Imo, secundum Chronicas, tempore Caroli regis fuit quidam nomine Joannes, qui annis vixit quadringentis: propter quod Joannes de Tempore vocabatur. Mardocheus quoque, qui captus et translatus fuit cum Joachin rege Juda, *Num. 1, 7; 11, 3; 12, 17; 13, 14; 1 Par. 11, 10, 11.* *Job xlii, 16.* *Ibid. xv, 10.* *Esther 2, 5, 6.*

et tempore Assueri regis adhuc erat robustus, probatur valde diu vixisse. De hoc et super Matthæum diffusius scripsi. *Booz genuit Obed, Obed genuit Jesse*, Jesse genuit David regem*, in quo vaticinium Jacob de regia dignitate tribui Juda danda, cœpit impleri. Hinc quoque elicitur, editum esse hunc librum tempore David, aut postea;

A nec ultra David genealogia ista protenditur aut descendit, quum omnibus constet, Christum ex David stirpe nasciturum fuisse, et jam genitum esse. Ideo demonstrato quod David ex Ruth Moabite descendit, satis innotuit Christum (juxta Isaïæ oraculum) ex ea descensurum. Ad quod declarandum, liber iste specialiter est conscriptus. Is. xl, 1, 10.

ARTICULUS VIII

DE SPIRITUALI EJUSDEM CAPITULI QUARTI SENSU.

ASCENDIT ergo Booz ad portam. Per Booz (juxta præhabita) intelligitur Christus, qui ascendit ad portam, quando de sacratissima Virgine conceptus, ex eadem est natus. Deinde sedit in porta, quia ubique per discipulorum suorum prædicationem post suam passionem et ascensionem se reperibilem præbuit. Unde de ipso sub nomine Sapientiæ scriptum est: Sapientia foris prædicat, in plateis dat vocem suam, et in foribus portarum profert verba sua. Et alibi: Sapientia facile invenitur ab his qui quærent illam; præoccupat eos qui se concupiscunt. Qui de luce vigilaverit ad illam, non laborabit: assidentem enim illam foribus suis inveniet. Præterea, quia in portis judices olim sedebant, potest per portam intelligi locus quo Christus populum Judæorum edocuit, et Scribas, Phariseos ac sacerdotes reprehendit ac judicavit, sicut de eo per Malachiam fuit prædictum: Ipse quasi ignis conflans, et sedebit conflans et emundans quasi argentum, et purgabit filios Levi.

Quumque vidisset propinquum præterire, de quo prius sermo habitus est. Juxta prædicta, per istum propinquum intelligitur ordo seu universitas prælatorum Ecclesiæ, vicariorumque Christi: quos omnes et singulos Christus divino instinctu et per inspirationes angelicas, per Scripturas quo-

B que et prædicatores hortatur, ut accipiant Ruth Moabitem eis affinem et proximam, id est, Ecclesias sibi commissas et gregem dominicum tanquam carissimam sponsam spiritualiter diligant, amplectantur, custodiant et fecundent, quatenus fratri eorum defuneto, utpote ipsi Christo pro salute omnium crucifixo, susceperint semen ex suis Ecclesiis, id est, multos in Deo regenerent et convertant, virtuosaque opera tanquam filios copiose producant. Sed, proh dolor! jam multi prælati hæc adimplere despicunt: qui relictis spiritualibus nuptiis ac divinis affectibus, ad carnalia convertuntur, et instar propinqui ipsius Booz, parati sunt emere agrum Noemi, id est temporalia commoda sequi, et propria lucra reponere, nolentes ipsam Ruth desponsare, id est pastoralis officii debitum ovibus sibi creditis exhibere: de quibus per Ezechielem Dominus protestatur: Væ pastoribus qui pascabant semetipsos. Lac comedebatis, et lana operiebamini; gregem autem meum non pascabatis.

D Sed sicut Booz accepit Ruth, quam alius eo propinquior refutavit; sic Christus non relinquit Ecclesiam, nec deserit oves suas. Emit quoque agrum, dum sanguinis sui pretio comparavit sibi genus humanum, ac mundi promeruit principatum. Iterum, sicut propinquus ille dixit ad Booz, *Cedo*

Ezech. xxxiv, 2, 3.

juri propinquitatis, tu meo utere privilegio; sic plane infideles et negligentes praelati jus suæ praelaturæ dimittunt, quantum ad executionem salubrem, et Christo suas committunt oves, non caritative, sed derisive reipsa dicentes: Custodiat eas qui custodit Israel. Ideo Christus loquitur eis, singulisque eorum: *Tolle calceamentum*, id est, præsidentiae tuæ tegumento te fate-re indignum, et illo te privo. Porro, hoc tegumentum est ipsa præsidentendi potestas sive auctoritas, qua tales se muniunt, et facta sua exeunt, voluntate pro ratione B ntes, et quasi sibi licere putantes quid-
Amos vi, 14. quid voluerint, illud Amos dicentes: Num- quid non in fortitudine nostra assumpsimus nobis cornua? In horum testimonium, Chri- stus sibi assumit in testes decem viros de majoribus natu, senioresque Israel univer- sos, scilicet electos, sapientia præmaturus, atque in virtutibus elarior, qui inelyte impleverunt Decalogum: qui omnes cu- piunt Ecclesiam fecundari a Christo, sicut olim ab eo fecundata est Synagoga: quod et superplene impletum est.

Postremo, sicut Obed nato; mulieres di-

A xerunt ad Noemi, *Benedictus Dominus*, etc.; et rursus, *De nuru tua natus est qui te diligit, et multo tibi melior est quam si septem haberes filios*: ita Ecclesia ex gen- tibus congregata, et copiosissime fecun- data a Salvatore, gratias Deo egerunt et congratulatæ sunt primitivæ Ecclesiæ ex Judæis collectæ fideles animæ, eo quod Ec- clesia illa gentilium ab Ecclesia Judæorum conversa, tam copiosissimum atque san- ctissimum protulit fructum, multis electis Judæis præstantiorem. De qua gentilitatis B fecunditate, vehementissime est gavisæ pri- mitiva illa Synagoga fidelis, quæ de suæ plebis excæcatione et sterilitate ineffabili- ter mæsta fuit: ideo quidquid caritatis et pietatis valebat, Ecclesiæ ex gentibus con- gregatæ exhibuit; imo simul cum ea facta est una universalis Ecclesia unigeniti Filii Dei sponsa carissima, sicut ipse prædixit, Alias, inquit, oves habeo, et illas oportet me adducere, et fiet unum ovile et unus pastor. Qui est Dominus Jesus Chri- stus cum Patre æterno, et Spiritu Sancto C paraceto, unus super omnia Deus subli- mis et benedictus. Amen.

Joann. x, 16.

ENARRATIO
IN LIBRUM PRIMUM REGUM

PROCEMIUM

REGES ex te egredientur. Gen. xvii, 6.

Deus qui universorum finem considerat, cuncta quæ condidit, ad proprium Job xxxiii, 3; Sap. viii, 1. dirigit finem. Quemadmodum autem inter creata hujus inferioris sensibilis mundi, dignior est homo : sic supersapientissimus ejus Creator excellentiori modo regit eundem, et eum a mundi rexit exordio. Denique quo homo ad errorem et deviationem existit proclivior, eo copiosius ei providit de gubernatore. Nempe quum omnis homo possit faciliter decipi et errare, non satis reputavit bonus et infallibilis ac providentissimus Deus regere hominem per hominem, sed angelica adjecit præsidia, supernorum et infallibilium spirituum gubernativam directionem apposuit, non solum hominibus subditis qui reguntur, sed et eorum rectoribus : imo non tantum singulis hominibus angelos singulos deputavit custodes, qui de infimo angelorum sunt choro, sed et singulis politiis singulos donavit custodes ac rectores angelicos, qui de tertio angelorum ordine esse creduntur. Propter quod in Ecclesiastico fertur : In unaquaque gente præposuit rectorem. Ecclesi. xvii, 14.

Nec his contenta Majestas altissima, etiam per se ipsam curat, regit, instruit, et accendit, ac perficit hominem. Nec sic aliis eum commisit, ut immemor sit ipsius, et divinam ac propriam gubernationem tollat ab eo, præsertim quum in libro Job dicatur : Quem Job xxxiv, 13. constituit Omnipotens alium super terram ? aut quem posuit super orbem, quem fabricatus est ? Siquidem, ut theologica edocet veritas, solus Deus intus justificat, gratiam infundendo, et ejus infusione peccata tollendo. Ipse per infusionem virtutes largitur, et sine actuali ipsius motione nil possumus promereri, sed ipse operatur in nobis velle et perficere pro sua bonitate, id est ex propria pietate. Philipp. ii, 13.

Insuper, finita prima mundi ætate, quum homines post diluvium cœpissent densissimis idololatriarum infidelitatibus obtenebrari, ac gravibus vitiis excæcari, volens benignissimus Deus humano generi tandem plenarie subvenire, mittendo a summo cœlo Verbum suum æternum, unigenitum Filium, in hunc mundum per Incarnationis mysterium, qui in assumpta natura inter homines videretur, atque cum eis conversaretur, ac de omnibus ad veram salutem necessariis provideret eisdem : hæc, inquam, volens omnium Dominus ac provisor altissimus præordinato facere tempore, de idololatrarum societate eduxit electissimum quemdam virum, Abraham patriarcham, ex cujus posteritate et semine Pater æternus Unigenitum suum statuit incarnandum. Propter quod virum illum, et ejus posteritatem variis donis ac gratiis decoravit, et inter cetera ipsi promisit, quod reges Ibid. xvii, 6, 16. ex ipso existerent nascituri, ut Filius Regis cœlestis, summi et omnipotentis, in terra quoque ex regibus nasceretur, quos electo suo fidelique populo Deus voluit præsidere.

Itaque de his regibus et eorum regiminibus ac populis tractat liber nunc exponendus : propter quod liber Regum vocatur. Sed quoniam tota sancta Scriptura tractat

principaliter de Deo gubernatore et salvatore, aptius dici potest, quod liber iste tractat de Deo, ut principali rege et gubernatore, per reges Israel, Israeliticum populum gubernante : quem populum post Moysen et Josue per Judices gubernavit usque ad Samuelem inclusive, et usque ad Saul exclusive ; deinde a Saul usque ad Sedeciam seu Babylonicam captivitatem per reges ; post reditum vero a Babylone, per sacerdotes et pontifices usque ad Joannem Hyrcanum, seu filium ejus Aristobulum, qui quum pontifex esset, etiam regium suo capiti diadema imposuit. Præterea, quoniam gubernationi ac præsidentiae Judicium, immediate successit gubernativa præsidentia regum, ideo in voluminis hujus exordio aliqua de iudiciis Israel conscribuntur, puta de Heli et filiis ejus, de Samuele quoque, filiisque ipsius. Et ita introducitur modus per quem, imo et causa ob quam, reges in populo Dei præesse cœperunt.

Postremo, quamvis hic liber totalis, a Catholicis in quatuor libros partiales dividatur, ab Hebræis tamen solum in duos dividitur, quorum primum vocant Samuel, a suo auctore, quia pro majore parte a Samuele creditur scriptus, qui liber continet primum et secundum libros Regum ; secundum nominant Malachim, id est Regum, a materia. Et sicut Magister in historiis ait, Scriptus est liber iste ehronice sub singulis regibus, qui compactus est in unum a Jeremia : quod patet ex hoc, quia idem finis est hujus libri et Jeremiæ.

HIERONYMI IN LIBRUM REGUM PRÆFATIO

VIGINTI et duas litteras esse apud Hebræos, Syrorum quoque lingua et Chaldæorum testatur, quæ Hebrææ magna ex parte confinis est. Nam et ipsi viginti duo elementa habent eodem sono, sed diversis characteribus. Samaritani etiam Pentateuchum Moysis totidem litteris scriptitant, figuris tantum et apicibus discrepantes. Certumque est, Esdram scribam, legisque doctorem, post captam Jerosolymam et instaurationem templi sub Zorobabel, alias litteras reperisse, quibus nunc utimur, quum ad illud usque tempus iidem Samaritanorum et Hebræorum characteres fuerint. In libro quoque Numerorum hæc eadem supputatio, sub Levitarum ac sacerdotum censu mystice ostenditur. Et nomen Domini tetragrammaton in quibusdam Græcis voluminibus usque hodie antiquis expressum litteris invenimus. Sed et psalmi tricesimus sextus, et centesimus decimus, et centesimus undecimus, et centesimus octavusdecimus, et centesimus quadragesimus quartus, quanquam diverso scribantur metro, tamen ejusdem numeri texuntur alphabeto. Et Jeremiæ Lamentationes et Oratio ejus, Salomonis quoque in fine Proverbia, ab eo loco in quo ait, Mulierem fortem quis inveniet? eisdem alphabetis vel incisionibus supputantur. Porro quinque litteræ duplices apud Hebræos sunt, CAPH, MEM, NUN, PHE, SADE. Aliter enim scribuntur per has principia medietatesque verborum, aliter fines. Unde et quinque a plerisque libri duplices æstimantur : Samuel, Malachim, Dibre haiamim, Esdras, Jeremias cum Cinoth, id est Lamentationibus suis. Quomodo igitur viginti duo elementa sunt, per quæ scribimus Hebraice omne

Num. iii,
39.

Prov. xxxi,
10, *ad finem*
usque.

quod loquimur, et eorum initiis vox humana comprehenditur ; ita viginti duo volumina supputantur, quibus quasi litteris et exordiis, in Dei doctrina, tenera adhuc et lacteus viri justi eruditur infantia.

Primus apud eos liber vocatur Beresith, quem nos Genesim dicimus. Secundus Veele semoth, qui Exodus appellatur. Tertius Vaiera, id est Leviticus. Quartus Vaiedabber, quem Numeros vocamus. Quintus Elle haddebarim, qui Deuteronomium prænотatur. Hi sunt quinque libri Moysis, quos proprie Thorah, id est legem appellant.

Secundum, Prophetarum ordinem faciunt, et incipiunt ab Jesu filio Nave, qui apud illos Josue ben Nun dicitur. Deinde subtexunt Sophetim, id est Judicium librum ; et in eundem compingunt Ruth, quia in diebus Judicium facta ejus narratur historia. Tertius sequitur Samuel, quem nos Regnorum primum et secundum dicimus. Quartus Malaehim, id est Regum, qui tertio et quarto Regnorum volumine continetur. Meliusque multo est, Malaehim, id est Regum, quam Malachoth, id est Regnorum dicere. Non enim multarum gentium regna describit, sed unius Israelitici populi, qui tribubus duodecim continetur. Quintus est Isaias. Sextus Jeremias. Septimus Ezechiel. Octavus, liber duodecim Prophetarum, qui apud illos vocatur There asar.

Tertius ordo Hagiographa possidet : Et primus liber incipit ab Job. Secundus a David, quem quinque incisionibus et uno Psalmorum volumine comprehendunt. Tertius est Salomon, tres libros habens, Proverbia quæ illi Misle, id est Parabolas appellant. Quartus Ecclesiasten, id est Coheleth. Quintus est Canticum Canticorum, quem titulo Sir hasirim appellant. Sextus est Daniel. Septimus Dibre haïamim, id est verba dierum, quod significantius *ἡρονικόν* totius divinæ historiæ possumus appellare : qui liber apud nos Paralipomenon primus atque secundus inscribitur. Octavus Esdras, qui et ipse similiter apud Græcos et Latinos in duos libros divisus est. Nonus Esther.

Atque ita fiunt pariter veteris legis libri viginti duo : id est, Moysis quinque, et Prophetarum octo, Hagiographorum novem ; quanquam nonnulli Ruth et Cinoth inter Hagiographa scriptitent, et hos libros in suo putent numero supputandos, ac per hoc esse priseæ legis libros viginti quatuor : quos sub numero viginti quatuor seniorum, Apocalypsis Joannis inducit, adorantes Agnum, et coronas suas prostratis vultibus offerentes, stantes coram quatuor animalibus oculatis ante et retro, id est in præteritum et in futurum respicientibus, et indefessa voce clamantibus : Sanctus, Sanctus, Sanctus, Dominus Deus omnipotens, qui erat, et qui est, et qui venturus est.

Apoc. iv, 4, 6, 8, 10.

Hic prologus Scripturarum quasi galeatum principium, omnibus libris quos de Hebræo vertimus in Latinum, convenire potest, ut scire valeamus, quidquid extra hos est, inter apocrypha esse ponendum. Igitur Sapientia, quæ vulgo Salomonis inscribitur, et Jesu filii Sirach liber, et Judith, et Tobias, et Pastor, non sunt in canone. Machabæorum primum librum, Hebraicum reperi ; secundus Græcus est, quod ex ipsa quoque phrasi probari potest. Quæ quum ita se habeant, obsecro te, lector, ne laborem meum reprehensionem existimes antiquorum. In templo Dei offert unusquisque quod potest : alii aurum, argentum et lapides pretiosos ; alii byssum et purpuram et coccum offerunt et hyacinthum. Nobiscum bene agitur, si obtulerimus pelles et caprarum pilos. Et tamen Apostolus contemptibilia nostra, magis necessaria judicat. Unde et tota illa tabernaculi pulchritudo, et per singulas species Ecclesiæ præsentis futuræque distinctio, pelli-
bus tegitur et ciliciis, ardoremque solis et injuriam imbrium ea quæ viliora sunt

Exod. xxv.

1 Cor. xii, 22.

prohibent. Lege ergo primum, Samuel et Malachim meum : meum, inquam, meum. Quidquid enim crebrius vertendo et emendando sollicitius et didicimus et tenemus, nostrum est. Et quum intellexeris quod antea nesciebas, vel interpretem me existimato, si gratus es ; vel paraphrasten, si ingratus. Quanquam mihi omnino conscius non sim, mutasse me quidpiam de Hebraica veritate. Certe si incredulus es, lege Græcos codices et Latinos, et confer cum his opusculis quæ nuper emendavimus ; et ubicumque discrepare inter se videris, interroga quemlibet Hebræorum, cui magis accommodare debeas fidem : et si nostra firmaverit, puto quod eum non existimes conjectorem, ut in eodem loco mecum similiter divinaverit.

Sed et vos, famulas Christi, rogo, quæ Domini discumbentis pretiosissima fidei myrrha ungitis caput, quæ nequaquam Salvatorem quæritis in sepulcro, quibus jam ad Patrem Christus ascendit, ut contra latrantes canes qui adversum me rabido ore desæviunt, et circumeunt civitatem, atque in eo se doctos arbitrantur, si aliis detrahant, orationum vestrarum clypeos opponatis. Ego sciens humilitatem meam, illius semper sententiæ recordabor : Dixi, Custodiam vias meas, ut non delinquam in lingua mea. Posui ori meo custodiam, quum consisteret adversum me peccator. Obmutui et humiliatus sum, et silui a bonis.

Ps. xxxviii,
2, 3.

ENARRATIO

IN LIBRUM PRIMUM SAMUELIS

QUEM NOS DICIMUS

PRIMUM REGUM

IN HOC AGITUR DE GUBERNATIONE POPULI ISRAEL PER JUDICES, DE ELECTIONE
REGIS SAUL, DE REGIMINE, GESTIS ET MORTE IPSIUS.

ARTICULUS PRIMUS

EXPOSITIO LITTERALIS CAPITULI PRIMI : FUIT VIR UNUS DE RAMATHAIM SOPHIM.

LOCUTURUS auctor libri hujus de Sa-
muele, et cur ac qualiter successit ipsi
Heli in judicatu seu judiciaria dignitate,
incepit a patre Samuelis. *Fuit vir unus de*
Ramathaim, id est urbe sic nuncupata,
quæ fuit urbs *Sophim*, id est excelsorum
seu speculationum, quia fuit urbs sita in
loco sublimi, et ita de ea undique longe
ac late poterat quis videre. Vel dicitur,
urbs excelsorum et speculationum, quia (ut
fertur) viri studiosi et speculativi moraban-
tur in ea. Itaque Ramathaim hoc loco est
dictio una et nomen civitatis, quæ in Mat-
thæo vocatur Arimathea, atque a Josepho
Ramatha vocatur. Rama namque interpre-
tatur excelsum. *De monte Ephraim*. Mons
Ephraim, interdum accipitur pro monte
magno, seu loco montuoso in tribu Ephraim
sito. Aliquando vero accipitur pro terra seu
provincia circumjacente : unde tertio Re-
gum habetur, quod Benhur fuit præfectus
Salomonis in monte Ephraim, id est in una

A parte seu regione totius Israelitici regni,
et ita secundum quosdam nunc sumitur.
Et nomen ejus Elcana : quod nomen con-
gruit ei. Nam Elcana interpretatur posses-
sio Dei. Et vir iste fuit Deo intentus et
ejus possessio, quia per electionem et gra-
tiam ad Deum pertinuit, qui per Isaiam
protestatur : Omnem qui invocatur nomen
meum, in gloriam meam creavi eum. *Fi-*
lius Jeroham filii Eliu, filii Thohu, filii
Suph, Ephrataeus.

Dicunt quidam, quod nuncupatus sit
B Ephrataeus, quia in monte Ephraim habi-
tauit. Alii scribunt, quod dicitur Ephra-
tæus, quia ex parte matris natus fuit de
Bethlehem ex tribu Juda, quæ Bethlehem
alio nomine Ephrata dicitur : quod alii
reprobant, quoniam juxta morem Scriptu-
ræ, filii non a matribus, sed a patribus
cognominantur. Quocirca dicendum vide-
tur, quod etiam in Scripturis filii sæpe a
matribus cognominantur, secundum quod

Is. XLIII, 7.

Gen. XLVIII, 7.

Matth.
XXVII, 57.

III Reg. IV,
8.

in libro Judicum legitur, quod Jephthe fuit Judic. xi, 1. filius mulieris meretricis. In eodem libro, viri Sichem de Abimelech dixisse leguntur, Ibid. ix, 3. Frater noster est, videlicet ex parte matris suæ, ut patet ibi ex textu : imo infra patebit, quod Joab et fratres ejus communiter nominantur filii Sarviæ, quæ fuit mater eorum, et raro vel nunquam vocantur filii patris eorum. Denique per hoc quod ante jam dictum est, ipsum Eleana fuisse de monte Ephraim, satis insinuaturn videtur quod Ephrataeus exstiterit, secundum quod Ephrataeus dicitur a monte Ephraim. II Reg. ii, 18; et passim. Ideo, quod postea dicitur Ephrataeus, ideo factum apparet, ne etiam ex parte matris putaretur fuisse de monte illo, et ut sciretur ex parte matris fuisse de tribu Juda et oppido Bethlehem. Unde et infra frequenter describuntur matres filiorum Juda, et loca seu oppida matrum. Ideo cum Magistro in historiis reor tenendum, quod dicitur Ephrataeus, id est Bethlehemita. Quod autem non fuerit de tribu Ephraim, omnes fatentur, dicentes, quod fuit Levites descendens a Levi per Gaath et Isaar Exod. vi, 18, 21; I Par. vi, passim. ac Core. Sicque ex parte patris fuit Corita; nec fuit de stirpe Aaron, quoniam Aaron fuit filius Amram, Amram vero frater Isaar, de quo descendit Core, ut primo libro Paralipomenon narratur.

Et habuit duas uxores, nomen uni Anna, et nomen secundæ Phenenna : non ex libidine, sed quia (ut dicitur) prima ejus uxor fuit Anna, quæ erat pulchra ac sterilis, ideo sterilitatem ejus expertus, aliam superaccepit. *Fueruntque Phenennæ filii*, id est, Phenenna filios habuit ex Eleana : D atque (ut dicunt Hebræi) decem habuit filios : *Annæ autem non erant liberi*, id est, nullam habuit prolem. *Et ascende-
bat vir ille de civitate sua Ramathaim statu-
tis diebus*, id est, temporibus seu festis in lege expressis et ordinatis ad hoc, quod in eis viri pergerent ad urbem in qua erat templum seu tabernaculum Dei, hoc est in solennitate paschali, Pentecostes et Secnopegie seu Tabernaculorum. Vel potius tam tempestive ante hæc festa, quod in

ipsis erat in urbe cultus divini. Hinc subditur : *ut adoraret et sacrificaret Domino exercituum in Silo*, id est in tabernaculo quod tunc erat in oppido nomine Silo. De isto legis præcepto, scilicet ter eundi ad domum Dei in anno, habetur in libro Exodi : Ter in anno apparebit omne masculinum tuum coram Domino. In Levitico quoque. Porro cum habitantibus remote a tabernaculo, frequenter dispensabatur, ita quod non nisi in Pascha illuc pergere tenebantur. Unde quibusdam probabilius esse videtur, quod vir iste non ascendit nisi in Pascha, quoniam paulo post dicitur : *Sicque faciebat per singulos annos, quum redeunte tempore ascenderent in domum Domini; et sic provocabat eam*. Sed hoc ex verbis illis non sequitur, imo magis apparet ex textu, quod ter ascendit in anno : quia jam dictum est, Ascendit vir ille statutis diebus. Præterea Josue transtulit arcam Josue xviii, 1. in Silo, et civitas illa ad tribum Ephraim pertinebat, ut in libro Josue legitur. Eleana autem morabatur in monte Ephraim, et ita non multum remote a Silo. *Erant autem ibi*, puta in Silo et in tabernaculo Domini, *duo filii Heli*, videlicet *Ophni et Phinees sacerdotes Domini*, sub patre suo, qui pontifex fuit et iudex.

Venit ergo dies opportuna, et immolavit Eleana. Quamvis Levites exstiterit, tamen non licuit ei sacrificare, nisi per manus sacerdotis. *Deditque Phenennæ uxori suæ et cunctis filiis ejus et filiabus partes*, id est unicuique illorum aliquam partem de carnibus hostiæ immolatæ. Obtulerat enim hostiam pacificam, ejus adeptus incendebatur super altare, pectusculum vero armusque dexter erant sacerdotis sacrificantis, residuum exstitit offerentis : et de illo dividebant offerentes his qui secum ascenderant, præsertim domesticis suis. De hoc in Levitico et alibi plenius scriptum est. Lev. vii, 31, 32. *Annæ autem dedit unam partem carnis* oblatae, *tristis*, quod ei plus dare non potuit, utpote quoniam prolem non habuit ; *quia Annam diligebat*, ideo de ejus sterilitate, afflictione, opprobrio amplius tri-

Exod. xxiii, 17; Lev. xxiii, 4 et seq.; Deut. xvi, 16.

stabatur. Nec dubium quin et Phenennam A dilexit. Sed per istum modum loquendi innuitur, quod Annam magis dilexit, non solum conjugali, sed et spirituali amore : nec ideo tantum, quoniam Anna pulchrior fuit, sed et ideo maxime, quia erat tam virtuosa. In Hebræo habetur, Dedit Annæ missionem unam duplicem, id est unum ferculum quod in mensa mittitur, seu partem unam duas partes valentem. Seu (ut alii dicunt, et redit in idem) in Hebræo habetur, Dedit Annæ unam partem pulchram, vel duplicem, quia Annam diligebat : ideo eam honoravit, liberaliter ei præstando portionem tam elegantem.

Dominus autem concluserat vulvam ejus, id est, fecunditatem ei non præstitit, et erat ex naturali causa sterilis, ut apparet. Vel Dominus pia dispensatione abstulit ei fecunditatem ad tempus, ut interim sua oratione et patientia mereretur suo tempore feliciter fecundari. *Affligebat quoque eam remula ejus*, id est inimica seu invida, puta Phenenna. Raro quippe concordant uxores ejusdem mariti, præsertim dum C maritus plus diligit unam quam aliam. *Et vehementer angebat*, id est, ad magnam induxit angustiam, quum tamen afflicto non sit addenda afflicto, et de his quæ insunt a natura, non mereamur laudari aut vituperari ; *in tantum, ut ei exprobraret*, id est improperearet, *quod Dominus conclusisset vulvam ejus*. Sicque Phenenna de beneficiis suæ fecunditatis intumuit atque inaniter gloriabatur, et Deo fuit ingrata, et justam personam injuste fecit mœrere. Propter quod collatis beneficiis meruit D mox privari. Porro illa flebat, non ex impatientia, malitia, aut inordinato mœrore, sed desiderio prolis ad Dei obsequium educandæ, et quoniam moderate contristabatur, quod marito suo fructum connubii proferre nequivit ; *et non sumebat* cibum*, ut moris est aliis, scilicet cum jucunditate et consueta mensura ; et quod parum est, reputatur pro nihilo, juxta quod in libro Job xxii, 6. Job legitur : Nudos, id est parum vestitos, spoliasti vestibus. Vel, Non sumebat ci-

bum, id est, partem ei a viro suo collatam, tunc non comedit. Homines enim in magna tristitia positi, minus afficiuntur ad cibum. Et sancta femina ista potius desideravit compunctioni et orationi, quam comestioni insistere.

Dirigit ergo ei Eleana vir suus : Anna, cur fles ? et quare non comedis ? et quamobrem affligitur cor tuum ? Bonus maritus condoluit contorali, cujus virtutes cognovit. Ideo consolabatur eam pro posse : quasi dicat, Non decet te taliter contristari. *Numquid non ego melior sum tibi quam decem filii ?* Quod juxta Hebræos intelligitur sic, Ego melior tibi sum propter dilectionem, fidelitatem et consolationem meam ad te, quam decem filii Phenennæ sint ei. Sed melius videtur a Catholicis sic exponi : Ego melior tibi sum, et magis gaudere debes de me, quam si filios decem haberes. Maritus namque et uxor sunt una caro ; et vir, conjugis suæ solatium est. Verumtamen huic expositioni quidam sic objicit : Quia etsi Anna haberet decem filios, non propter hoc excluderetur aut minueretur amor Eleanæ ad ipsam, sed potius includeretur et augetur : quæ reprobatio non concludit, quoniam etsi amor viri non fuisset per hoc exclusus aut minutus a conjugis sua, attamen amor ille propter annexam sterilitatem non produxit delectationem, quam produxisset, si fecunditas fuisset adjuncta. Imo quo Anna plus suum amavit maritum, eo plus tristabatur, quod ei non peperit fructum.

Surrexit autem Anna a mensa, postquam comederat et biberat in Silo : quo constat quod ad mariti sui consolationem et exhortationem parum quid sumpsit de cibo et potu. Surrexit autem ut iret ad fores tabernaculi ad orandum. *Et Heli sedente super sellam*, id est sedem decentem, ante postes domus Dei, quatenus a quærentibus consilium facilliter inveniretur : *quum esset Anna amaro animo*, id est, in magna tristitia constituta ob causas præfactas. Sicque amaritudo non sumitur hic ut est vitium, sed pro amaritudine

Gen. ii, 24;
Matth. xix,
5, 6.

* capiebat

Job xxii, 6.

laudabili compunctionis aut contritionis A sive mœroris, quia fortassis ob sua peccata putavit se fructu uteri esse privatam.

Is. xxxviii, 17.

Prov. xiv, 10.

De hac amaritudine loquitur Ezechias : Ecce in pace amaritudo mea amarissima. De qua et in Proverbiis fertur : Cor quod novit amaritudinem animæ suæ, in gaudio ejus non miscbitur alienus. *Oravit ad Dominum flens largiter*, id est copiose ex abundantia suæ devotionis : ideo oratio ejus fuit potens et exaudibilis valde ; *et vocit votum, dicens : Domine exercituum, si respiciens videris afflictionem famulæ tuæ*, id est, pietatis tuæ adspectu alleviaveris cordis mei mœrorem, misericorditer succurrendo, *et recordatus mei fueris, nec oblitus ancillæ tuæ*, id est, per piam exauditionem ostenderis te esse memorem mei, *dederisque servæ tuæ sexum virilem*, id est filium masculum ; *dabo eum Domino omnibus diebus vitæ ejus*, id est, offeram eum tibi, ut per totum tempus vitæ suæ consecratus sit tibi, *et novacula non ascendet super caput ejus*, id est, nazaræus erit,

Num. vi, 5.

et juxta ritum Nazaræorum, pili capitis sui nunquam abradentur, prout in Numeris de Nazaræis præcipitur. Aliqui autem erant nazaræi Dei, id est Deo consecrati ad tempus, sicut ibidem habetur ; quidam perpetuo, sicut et Samson, ut Judicum libro legitur. De litteralibus vero et spiritualibus causis rituum seu jussionum ad Nazaræos spectantium, in prætaeto Numerorum libro et alibi dictum est. Denique oratio ista Annæ, sicut et ceteræ preces, in quibus idem sensus sub aliis verbis frequenter repetitur, fuit fervens omnino et efficax : D qualibus orationibus utitur sæpe Psalmista, sicut dum ait : Exaudi Deus orationem meam, et ne despexeris deprecationem meam ; intende mihi, et exaudi me.

Ps. liv, 2, 3.

Factum est autem quum illa multiplicaret preces, id est, orationem suam diu protraheret, *coram Domino* : in quo patet orationis ejus instantia. Nee obest quod ait Salvator, Orantes nolite multum loqui : quia hoc intelligitur de inutili et superflua verborum multiplicatione, non de diutur-

Matth. vi, 7.

na orationis protractione, quum scriptum sit apud Lucam : Erat Jesus pernoctans in oratione Dei. Qui et passione instante oravit prolixius. *Ut Heli observaret os ejus*, id est, consideraret an aliquid loqueretur. Porro Anna loquebatur in corde suo, id est, cum intima attentione intra se protulit verba suæ affectionis, *tantumque labia illius movebantur*. Per motum labiorum, non excluditur motus menti ac dentium, quorum motio motum consequitur labiorum. Sed tantum labia ejus mota dicuntur, ad insinuandum quod oravit tam silenter seu basse, quod verba ejus audiri non poterant. Ideo subditur : *et vox ejus penitus non audiebatur*. Protulit tamen verba in ore ; sed circa interiora ita erat attenta, quod instrumenta vocalia a vocis exterioris formatione sonora remittebantur : et forsitan tam quiete oravit etiam ideo, ne verborum suorum strepitu, alium quempiam a suæ orationis advertentia impediret.

Æstimavit ergo eam Heli temulentam, id est ebriam vino, *dixitque ei : Usquequo ebria eris ?* Pertinuit quippe ad præsulem ac judicem populi ex suo officio, corripere reos. *Digere paulisper vinum quo mades*, id est, vade et dormi ad tempus, ut quiescendo digestio potus fiat in te, nec humores os tuum sic impleant. Respondens Anna : *Nequaquam, inquit, domine mi, ebria sum, nec digestionem vini indigeo. Nam mulier infelix nimis ego sum*, id est valde misera, loquendo de miseriis pœnæ, non culpæ, saltem mortalis, hoc est, adversitatibus sum repleta ex sterilitate, dolore, opprobrio, et insultationibus ac derisionibus æmulæ meæ Phenennæ, ideo non delectat me vinum potare. Unde subjungitur : *Vinum et omne quod inebriare potest, non bibi*, hoc die, et alias non nisi raro ac sobrie ; *sed effudi animam meam in conspectu Domini*, id est, cordis mei affectus obtuli Deo, juxta illud : Effundite coram illo corda vestra. *Ne reputes ancillam tuam quasi unam de filiabus Belial*, id est, noli me computare in numero mu-

Luc. vi, 12; xxii, 43.

Ps. lxi, 9.

lierum gulosarum atque rebellium, quæ sine jugo legis, et absque freno disciplinæ conversantur et peccant; *quia ex multitudine doloris et mœroris mei locuta sum usque in præsens*, id est, hucusque oravi, seu alia quæque locuta sum ex vehementi dolore de mea præsentī sterilitate et mœrore persecutionis quam diu sustinui. Dolor equidem proprie est de malo præsentī; mœror seu tristitia, de malo præterito.

Tunc Heli, compatiens mulieri devotæ in tantis afflictionibus constitutæ, *ait ei*: *Vade in pace*, id est, tranquillitatem pectoris et quietem forinsecus ab infestantibus habere pergendo; *et Deus Israel det tibi petitionem tuam quam rogasti eum*. Hebraica veritas habet, Dabit tibi. Hoc etenim dixit Heli ex confidentia bona, quoniam vidit Annam tam ardentem et instanter orasse; et quoniam scivit Deum specialiter pronum exaudire constitutos in gravi afflictione et adversitate, quemadmodum ait

Ps. xc, 15.

Psalmista: Cum ipso sum in tribulatione. Et forsā ex repentino instinctu Spiritus Sancti dixit hoc Heli pro mulieris consolatione. Prælati quippe diversimode tanguntur a Spiritu Sancto ad loquendum atque agendum propter subditorum salutem aut utilitatem. Nam et Anna verbum illud, quasi ex ore Dei prolutum accepit, et credidit sic futurum. Ipse nempe omnipotens Deus fecit verbum illud sic sonare in auribus corporis ejus ac cordis, id est, eam movit ad accipiendum taliter verbum præfatum. *At illa dixit*: *Utinam inveniat ancilla tua gratiam in oculis tuis*, id est, cupio ut digneris mihi esse gratus et orans pro me.

Et abiit mulier in viam suam, redeundo a loco orationis ad suum maritum, *et comedit*, vultusque illius non sunt amplius in diversa mutati, id est, apparatus seu dispositio faciei ejus mansit de cetero uniformis et bene se habens, eo quod cor ejus fuerat tranquillatum, ac firmiter consolatum ex certa spe suæ exauditionis. Ex varia etenim dispositione cordis, facies et præcipue oculi diversimode disponuntur

et alterantur ac colorantur, juxta quod ait Scriptura: Cor hominis immutat faciem ejus, sive in bonum, sive in malum. Hinc in Ecclesiastico legitur: Ex visu cognoscitur vir, et ab occurso faciei cognoscitur sensatus. Quidam tamen callidi et versuti, norunt interiorem suam malitiam ficta vultus dispositione abscondere. Porro virtuosorum est, motus passionum reprimere et frenare, imo et anticipare, ne in vultu aut visu appareant. Perfectorum vero ac sapientium est, in uniformi cordis ac vultus dispositione persistere, quemadmodum de beatissimo fertur Martino, quod nemo unquam vidit eum iratum, tristem, ridentem, turbatum, aut dissolutum, imo semper quasi angelicum præferebat in facie apparatus. Quidam hæc verba exponens: Passiones, inquit, iræ et tristitiæ, quæ mutant faciem in diversos colores, recesserunt ab Anna ex consolatione exteriori verborum Heli, et ex interiori consolatione gratiæ Dei. Circa quod dicendum videtur, quod virtuosa hæc mulier, etiam ante horum auditum verborum, non subjacuit passionibus iræ atque tristitiæ, imo multum mitis et patiens erat, quia nec æmulæ suæ dura respondit aut restitit, nec viro suo contra illam conquesta videtur. Porro Petrus Comestor hæc compendiose exponens: Mulier, ait, ex promissione sacerdotali abiit secuta, vultusque illius non sunt amplius in diversa mutati, id est, animus ejus non est deinceps distractus in varietates dubitationis.

Et surrexerunt mane Eleana ejusque comitiva, *et adoraverunt coram Domino* in atrio tabernaculi, *reversique sunt et venerunt in domum suam in Ramatha urbem suam*, quæ ante vocatur Ramathaim. *Cognovit autem Elcana uxorem suam Annam*, post reditum. Siquidem eundo ad templum seu tabernaculum Dei, existendoque in urbe cultus divini, tempore festi, et redeundo, continuerunt viri ac feminae usque ad reversionem in propria. Unde et postea iverunt viri ac feminae separatim. *Et recordatus est ejus Dominus*, id

Ecclesi. xiii, 31; xiv, 26.

est, supernaturaliter dedit ei virtutem concipiendi. *Et factum est post circulum dierum, concepit Anna*, videlicet evolutis diebus suae reditionis, quum cognosceretur a suo marito. Vel dicitur post circulum dierum concepisse, quantum ad animationem fetus in utero, quae facta est, materia ad hoc satis parata et organizata, ad quod numerus certus dierum requiritur. *Et peperit filium, vocavitque nomen ejus Samuel*, quod interpretatur, postulatio Dei, seu postulatus a Deo : ideo ratio nominationis hujus subjungitur, *eo quod a Domino postulasset eum*, id est, Deum orasset pro puero isto sibi supernaturaliter dando.

Ascendit autem vir ejus Eleana, et omnis domus ejus, id est domestici, scilicet Phenenna cum sobole sua, *ut immolaret hostiam solennem Domino* pro gratiarum actione, [et] *votum suum*, id est sacrificium quod Deo promisit, si puerum sibi concederet, seu oblationem votivam sive spontaneam, de quibus hostiis dicitur in Levitico. *Et Anna non ascendit illa vice cum viro suo ad domum Dei in Silo. Dixit enim viro suo : Non vadam, donec ablactetur infans, et ducam eum ad tabernaculum Domini, ut appareat ante conspectum Domini, qui in tabernaculo specialiter habitare asserebatur, et maneat ibi jugiter*, id est omni tempore opportuno. *Et ait Eleana vir suus : Fac quod bonum tibi videtur, et mane donec ablactes eum ; precorque ut impleat Dominus verbum suum.* Quomodo intelligenda sunt ista ? Nonne Anna tenebatur in die purificationis suae puerum suum cum oblationibus praesentare et offerre in domo Dei, juxta quod Dominus jusserat ? Insuper quomodo licuit devotissimae Annae abstinere a visitatione tabernaculi Domini, usque ad Samuelis ablactationem, quum ceterae uxores eum suis maritis ad minus in Pascha accederent domum Dei, sicut jam dictum est de Phenenna conjuge Eleanae ? Amplius, inconveniens fuisse videtur, ut Samuel bi-

Lev. vii,
12 et seq.

Ibid. xii, 6
et seq.

culo ad serviendum ibidem. Pueri equidem circa finem secundi anni solent amoveri a lacte.

Ad primum horum respondendum videtur, quod utique secundum communem legem fieri debuit, prout in praëlegato libro Levitici de purificandis puerperis continetur. Sed quoniam Samuel erat Domino sic promissus et deputatus, quod in ejus cultu jugiter permaneret, apparet quod mater ejus ex inspiratione et dispensatione divina infantulum domi tenuerit, quousque ablactaretur. Ex eadem quoque ratione poterat interim a visitatione tabernaculi abstinere.

Ad tertium Magister in historiis ait : Quidam dicunt tres esse ablactationes : primam, a lacte mamillae, quae fit tertio anno ; secundam, a lacte infantiae, quae fit septimo anno ; tertiam, a lacte pueritiae, quae fit duodecimo. Sicque removetur puer, prima ablactatione a lacte nutricis, ab ipsa nutrice ; secunda ablactatione amovetur a paedagogo ; tertia, a tutore. Dicunt ergo quidam, puerum Samuelem adductum ad domum Dei post secundam ablactationem, ut litteris imbueretur. Unde in sequentibus legitur, quod per singulos annos mittebat ei mater sua tunicam parvam. Alii dicunt eum adductum post tertiam ablactationem, quasi jam idoneum ad ministrandum, quia mox subditur sequenti capitulo : Puer autem erat minister in conspectu Domini. Haec in Historiis.

Alii vero dicunt : Duplex est ablactatio : una est abstractio a lacte uberum, quae fit circa principium tertii anni, vel circiter. Alia est ablactatio, quando puer abstrahitur a lacte pueritiae, dum scilicet incipit uti communibus cibis, quod fit circa decimum annum : de qua ablactatione loquitur jam Scriptura, quoniam ante decimum annum aut circiter pueri non sunt apti ad faciendum aliquod officium in templo Domini, sed extunc possunt aliqua parva officia exercere, sicut accendere lampades, et paulatim assuefieri ad majora. Verumtamen his obviare videtur, quod paulo post

1 Reg. ii, 11.

in textu evidenter subjungitur : *Mansit A* ergo mulier, et lactavit filium suum donec amoveret eum a lacte : quod manifeste intelligendum videtur de ablactatione a lacte mamillæ, quod ipsamet Anna præbuit filio suo. Deinde addit Scriptura : *Et adduxit eum secum, postquam ablactaverat.* Denique in historia de nativitate Virginis gloriosæ habetur, quod parentes ipsius eam, completo per triennium ablactationis tempore, ad templum cum oblationibus adduxerunt, et in illa ætate dicit eam Epiphanius per quindecim gradus templi ascendisse B tam expedite, ac si fuisset ætatis perfectæ. Tunc quoque parentes ejus dimiserunt eam ibi cum virginibus aliis. Hæc autem historia in aurea Legenda adscribitur S. Hieronymo, quamvis recitative magis quam assertive forsitan referat eam, et quantum ad aliqua, dicatur apocrypha.

Itaque juxta textum videtur dicendum, quod statim post ablactationem a lacte materno, sit Samuel oblatus et relictus in tabernaculo, et ibi per tempus nutritus, deinde imbutus, sicque adhuc puerulus C exorsus sit ministrare. Nam et infra habetur, Puer autem erat adhuc infantulus : quod de eo jam ibi adducto asseritur. Puer autem decem duodecimve annorum, non videtur apte infantulus dici. Est item probabile, quod in tantæ electionis puero tam supernaturaliter dato, fuit ab infantie annis aliquid ingeniositatis, capacitatis et agilitatis supra vires naturæ, ita quod in quinto aut sexto anno poterat aliqua parva exercere obsequia.

Præterea super id quod dictum est, Ma- D neat ibi jugiter, scribit Lyra : In Hebræo habetur, Usque in sæculum, id est usque ad quinquagesimum annum, quia ultra non debebant Levitæ servire in templo, ut habetur in Numeris. Unde et infra legitur, quod Samuel factus judex populi, ibat per singulos annos circumiens Bethel et Galgala et Maspha, et judicabat Israel in supradictis locis. Hæc Lyræ verba videntur sonare, ac si Samuel mansisset in tabernaculo Domini usque ad quinquagesimum

annum : quod non est putandum, imo adhuc valde juvenis factus est judex populi et propheta, et ibat de urbe in urbem atque ad bellum, prout suum requirebat officium. Quum etenim Deo ordinante factus est judex populi, ex dispensatione divina perrexit a tabernaculo ad loca et oppida opportuna, et revertebatur in Ramatha, ^{1 Reg. vii, 17.} ubi et domus ipsius erat, judicavitque populum ibi, ut infra fertur. Insuper, quamvis Levitæ ultra quinquagesimum annum non debebant servire in templo, faciendo

opera laboriosa sive majora, ut habetur ^{Num. iv, passim.} in libro Numerorum ; attamen post quinquagesimum manserunt ministri templi ut ante, faciendo tamen obsequia alia, juxta illud Numerorum : Quumque quinquagesimum annum ætatis impleverint, ser-

uire cessabunt, eruntque ministri fratrum suorum in tabernaculo fœderis, ut custodiant quæ sibi fuerint commendata : opera autem ipsa non facient. Ex quibus ostenditur, quod Samuel post quinquagesimum annum non fuit licentiatus a tabernaculo

Dei recedere, ex hoc quod Levitæ non ministrabant in templo modo præfato ultra quinquagesimum annum.

Et dixit Eleana : *Precor ut impleat Dominus verbum suum.* Quid necesse fuit hoc precari, quasi verus et sanctus Deus possit suum verbum non implere ? Et respondendum, quod verba divinæ promissionis intelligenda sunt sæpe sub implicita conditione, videlicet nisi homines suis excessibus mereantur oppositum : ideo Eleana hoc rogavit, ut verbum illud quod Heli dixit ad Annam, Dominus dabit tibi petitionem tuam, impleretur, ut scilicet Samuel sic Deo offerretur ac ministraret in tabernaculo, omnique tempore vitæ suæ nazaræus Dei consisteret, ut Anna promiserat.

Et adduxit eum, scilicet Samuelem Anna, *in vitulis tribus,* id est cum totidem vitulis, *et tribus modis farinæ, et amphora vini, et adduxit eum ad domum Domini in Silo.* Non adduxit omnia ista ad immolandum, sed unum vitulum ad offe-

Num. iv, 3; viii, 25.

1 Reg. vii, 16.

Num. iv, passim.

Ibid. viii, 25, 26.

rendum, alios duos ad dandum domui Heli, ut puer gratiosius tractaretur, quem gubernationi sacerdotis commiserunt. Nam subditur: *Et immolaverunt vitulum* in sacrificium per manus sacerdotis, ipse videlicet Eleana et Anna. Similiter de tribus modiis farinae, id est similæ, et amphora vini, tantum dederunt pro libamine sacrificii sicut oportuit, atque residuum dederunt pontificis domui. *Et obtulerunt puerum Heli. Et ait Anna: Obsecro, mi domine, suppleendum est, ut patienter me audias; vivit anima tua, domine, id est, B* quam verum est quod anima tua vivit, tam verum est quod nunc dicam, videlicet, *Ego*

sum mulier illa, quæ steti coram te hic orans Dominum pro puero isto. Oravi, et dedit mihi Dominus petitionem meam, quam postulavi eum: idcirco et ego commodavi eum Domino, id est, Deo et ejus obsequio deputavi, et quasi concessi magis quam dedi, quum universa sint Dei, et istum infantem sic commodavi, ut a Domino obtineamus mercedem, tam puer quam ego, cunctis diebus quibus fuerit accommodatus Domino, id est per omne tempus vitæ ipsius, quo ipse in Dei cultu sponte permanserit. Et adoraverunt ibi in Silo in atrio tabernaculi Dominum Eleana et Anna.

ARTICULUS II

SPIRITUALIS EXPOSITIO EJUSDEM CAPITULI PRIMI.

HIC liber Regum inter Scripturas canonicas est solennis, mysteriis plenus, moralibus documentis refertus, ad informationem regum et principum, imo et prælatorum omnium, præcipue valens. Itaque allegorice per Eleanam, qui (ut habitum est præcedenti articulo) interpretatur possessio Dei, intelligitur Christus Unigenitus Patris æterni, loquens in Proverbiis: Dominus possedit me initio viarum suarum; atque in Evangelio alloquens Patrem: Omnia mea tua sunt, et tua mea sunt. Hic fuit vir, etiam a suæ conceptionis et incarnationis exordio, non magnitudine corporis et ætate, sed omni perfectione sapientiæ ac virtutum. De quo Jeremias prædixit: Mulier circumdabit, id est, in utero habebit, feret, ac pariet virum. Nempe mulierem brachiis suis circumdare aut amplecti virum, non est novum neque mirum. De tali ergo circumdatione Jeremias non loquebatur, quippe qui verbis istis immediate præmisit: Novum faciet Dominus super terram. Fuit quoque Christus vir

Cunus, id est maxime singularis et unicus, parem non habens, et summe indivisus a se, ac divisus seu distinctus ab aliis, et maxime uniformi modo se habens, utpote a luce sapientiæ ac virtutum sinceritate et æquitate nunquam recedens. Fuit item *de Ramathaim Sophim*, id est, de sublimitate altissimæ contemplationis, et ab altitudine cæli Oriens nobis ex alto. Fuitque Ephraïm, id est frugifer, seu maxime fructuosus, et omni gratia plenus, qui dixit: Quia quæ placita sunt Patri, facio semper. De quo ab Isaia erat prædictum: Si posuerit pro peccato animam suam, videbit semen longævum, et voluntas Domini in manu ejus dirigetur. Cui et Pater ait per Isaiam: Dedi te in lucem gentium, ut sis salus mea usque ad extremum terræ. Ecce quam fructuosissimus fuit. *Et habuit duas uxores*, id est Synagogam, primo fecundam, quæ exprimitur per Phenennam, et Ecclesiam ex gentibus congregatam, primo sterilem, sed fecundissimam postmodum. Et sicut Phenenna ex sua fecunditate intumuit, et

Prov. viii, 22.

Joann. xvii, 10.

Jer. xxxi, 22.

Ps. xviii, 7; Luc. i, 78.

Joann. viii, 29.

Is. liii, 10.

Ibid. xlix, 6.

Annam contempsit, vexavit et persecuta A est valde : sic Synagoga ex multitudine et magnitudine præstitorum sibi desuper charismatum superbivit, et gentilitatem, imo et primitivam Ecclesiam gentium, eos quoque qui ex Judaismo Ecclesiæ gentium se junxerunt, multipliciter impugnavit, et quod omni gratia Dei careret Ecclesia, impropertavit eidem impia Synagoga.

Et ascendebat vir ille de civitate sua. Sic et Christus statutis diebus venit Jerosolymam, intravitque templum, et secundum naturam assumptam adoravit Patrem, sacrificans ei sacrificium perfectissimæ orationis ac devotissimæ laudis. *Deditque Phenennæ partes.* Tunc enim nondum conversi erant gentiles, nisi paucissimi; sed Judæorum multi tunc erant fideles, quibus gratiæ partes seu dona diversa largitus est. Gentilitati autem dedit permodicum, et ejus sterilitati condoluit, quia secundum prædestinationem æternam, valde specialiter eam amavit. *Dominus autem concluderat vulvam gentilitatis,* id est, mentem ipsius nondum per dona gratiæ fecundavit. *Porro illa flebat, et non capiebat cibum.* Nam quidam gentilium adspirabant ad fidem et gratiam Salvatoris, et suam derelictionem deflebant. Unde et quidam illorum dixerunt Philippo, Domine, volumus Jesum videre : quia nondum pabulo Scripturarum, consolatione interna, donis charismatum erant refectioni. Verum Salvator hanc gentilitatis desolationem cito consolari dignatus est, et ejus orationem implevit, dans ei copiosissimum fructum, ita quod plures filii facti sunt desertæ, quam ejus quæ fuit libera, et habuit virum.

Insuper, sicut Heli putavit Annam intentissime deprecantem, exsistere temulentam; sic principes sacerdotum, conversam gentilitatem ad Dominum affectuosissime proclamantem, reputabant insanientem. Tandem tamen multa turba sacerdotum legalium conversa ad Christum, confortavit et consolata fuit humilem gentilitatem, promittens ei exauditionem et fecundationem a Domino : quo facto, tranquillitatem

concepit in anima, et a Christo sponso est fecundata. Quumque filios genuisset ex aqua et Spiritu Sancto, noluit eos Deo offerre, nisi ablactatos a lacte, sciens nullum Deo acceptum, nisi qui carnalium delectationum fœditatem et immoderantiam aspernatur, dicente Apostolo : Omnis qui lactis est particeps, expers est sermonis justitiæ. Nec enim sapientia invenitur in terra suaviter viventium, sed potius in his qui carnem suam crucifixerunt cum vitiis et concupiscentiis. Ideo loquitur Isaias :

Quem docebit Dominus scientiam? et quem intelligere faciet auditum? Ablactatos a lacte, avulsos ab ubere. Facta igitur hac ablactatione, adduxit Ecclesia filios suos ad arcem perfectionis, ad vitam contemplativam, ad æternam salutem, *in vitulis tribus*, id est per fidem, spem et caritatem, *et tribus modis farinæ*, hoc est in fide superdignissimæ Trinitatis, in quibus est deitas una purissima, tanquam mundissima similia : et sicut tres modii sunt æquales, sic in tribus superbenedictis Personis est vera et summa æqualitas; *et amphora vini*, id est consolatione et potatione spirituali, ac sapore justitiæ, seu communione sanguinis Christi.

Præterea, tropologice per Elecanam designatur prælatus, quem oportet esse actione præcipuum, ut vere sit vir unus, viri nomine dignus, uniformis et stabilis, et contemplatione præ cunctis suspensus : sicque sit de Ramatha, id est celsitudine speculationis, ita ut oculo contemplationis secreta mysteria, præterita, præsentia et futura, æternam et increatam veritatem, incircumscriptamque bonitatem queat conspiciere, et cum summo ardore diligere. Qui habet duas uxores, unam virtuosam et aliam vitiosam, id est animam subditi boni sibi commissam, similiter animam mali. In omni etenim grege reperiuntur communiter aliquæ animæ bonæ et aliquæ malæ. Et qui boni sunt, infestationem ab impiis patiuntur. Sunt etiam aliquæ animæ ad tempus devotæ et fructuosæ, quæ tamen tempore procedente extolluntur incaute ac

dilabuntur. Aliæ vero quæ diu spirituali-
ter fuerant infecundæ, præveniuntur a Spi-
ritu Sancto, et convertuntur atque fructifi-
cant. Ideo in hac vita omnia incerto cursu
aguntur, et necessarium est semper timere
I Cor. x. 12. ac providere, ne qui stare videtur, labatur.
Apoc. iii. 11. Ideo in Apocalypsi monetur : Tene quod
habet, ne alius accipiat coronam tuam.

Præterea, quidam per duas uxores vitam
activam et contemplativam intelligunt. Est-
que necesse in primis assumere vitam ac-
tivam, exercendo se in actibus virtutum
moralium, in luctu et labore pœnitentiæ B
salutaris, in exterioribus misericordiæ ope-
ribus, et ita per vitam istam tanquam per
januam ad vitam ingredi contemplativam.
Quamvis autem vita activa, instar Phenennæ,
videatur contemplativa vita fructuo-
sior esse, contemplativa tamen secretior
est atque diviniore : imo interdum profert
unum meritorium actum, multis vitæ acti-
væ operibus præstantiorem. Deinde tempo-
re opportuno sua ferventissima oratione,
inealescenti amore, sincero intuitu solet
quandoque multis gratiam conversionis C
mereri. Quemadmodum autem Phenenna
Annam tanquam infecundam improbe ex-
probrabat, sic quidam activi contemplati-
vis tanquam otiosis et inutilibus obloqui
solent. Porro Anna plorat, nec accipit ei-
bum, quoniam anima contemplativa ex mul-
tis causis lacrimatur ubertim, puta ex puro
ad Deum amore, et ex dulci complacen-
tia gratiosæ præsentiae ejus, ex desiderio
quoque suæ beatificæ visionis et plenæ
fruitionis. Deinde sui ipsius et aliorum de-
flet peccata, et proprium imperfectum an-
xie deflet, atque cum Anna ardentissime
orat, ut Deus præstare sibi dignetur fecun-
ditatem optatam, quam Deo semper cum
omni gratiarum actione adscribere propo-
nit fortissime. Plorat demum ex medita-
tione et compassione passionis dominicæ.
Ideo fecundatur, consolatur et tranquilla-

tur a Domino in tantum, ut nec prosperis
extollatur, neque adversis deiciatur, nec
vultus ejus amplius in diversa mutantur.
Vir hujus animæ, uno modo dici potest
ejus prælatus bonus, qui tali animæ vehe-
menter congratulatur, et gratias refert Deo
pro ea.

Moraliter ex isto capitulo edocemur, ex-
emplo Annæ, patientiam in omni adversi-
tate habere, mansuetudinem observare, nec
contra injuriantes contendere; increpatio-
nes etiam eas quas forsitan non merui-
mus, æquanimiter tolerare, et correptores
ipsos reverenter affari, ac deprecari ut orent
pro nobis. In omni quoque angustia ad
Deum confugere confidenter, et coram eo
cor nostrum effundere orando instanter, et
taliter exorare cum disciplina atque silen-
tio, ne sibilo oris et gestibus indisciplina-
tis, aliorum devotionem impediamus, aut
eorum orationes interrumpamus : imo qui
taliter orat, iram colligit magis quam ve-
niam, secundum Chrysostomum ; imo ta-
lis Deum offendit et proximum, et sua in-
quietudine ac indiscretionem graviter lædit
se ipsum. Hinc et Rabanus loquitur : For-
ma orandi nobis hic traditur, ut non in
multiloquio, sed in compunctione et la-
crimis Dominum invocemus, quoniam sa-
crificium Deo spiritus contribulatus. Po-
stremo, studeat quilibet nostrum esse vir
unus. Nam ut disseruit Origenes : Quamdiu
peccatores sumus, indigni sumus titulo hu-
jus laudis. Peccator etenim non est unus,
sed multus. Intueor equidem vultum illius,
nunc irati, nunc mansueti, nunc læti, nunc
tristi, nunc tranquilli, nunc perturbati, et
ita non est unus, sed tot in eo personæ
videntur, quot mores. Ideo ait Scriptura :
Sapiens in sapientia manet ut sol, stultus
autem mutatur ut luna ; imo unusquisque
justorum non solum est unus, sed et omnes
competenter unus dicuntur, quia ipsorum
est cor unum et anima una.

Ps. lxi, 9;
Thren. ii,
19.

Ps. l, 19.

Eccli.
xxvii, 12.

Act. iv, 32.

ARTICULUS III

EXPOSITIO LITTERALIS CAPITULI SECUNDI ET CANTICI SANCTÆ ANNÆ : EXSULTAVIT
COR MEUM IN DOMINO.

PROPRIMUM est sanctorum, de acceptis beneficiis Dei non inaniter erigi, sed magis humiliari, et Deo piissimo ac liberalissimo grates referre. Et quædam utriusque sexus personæ, speciale atque præcipuum quodecumque beneficium Dei sortitæ, speciale etiam canticum super hoc cecinerunt ac ediderunt, et illud reliquerunt in scriptis, ut non solum propriis in personis, sed insuper corde et ore posterorum, Deum laudarent; atque ex consideratione divinorum effectuum, ipsum omnium fontem bonorum, Deum excelsum et omnipotentem, in se ipso extollerent, contemplerentur et honorarent, quemadmodum libro Judicum Debora, et hoc loco Anna, in Evangelio quoque gloriosissima Virgo Deifera, fecisse leguntur. Itaque hoc spiritu prophetiæ illustrata, non solum circa se facta, et sibi jam exhibita intuens, sed et quædam sibi aliisque futura prospiciens, grata et hilari voce prorumpit in laudem Dei: quæ laus seu gratiarum actio hic vocatur oratio, præsertim quia et gratiarum actio, pars ac species orationis existit, secundum illud ad Timotheum, Obsecro primo omnium fieri obsecrationes, orationes, postulationes, gratiarum actiones pro omnibus hominibus.

Ait ergo: *Exsultavit cor meum in Domino*: id est, tam vehementi jucunditate impletum est spirituali, quod redundavit in partem sensitivam atque in corpus, juxta illud Psalmi: Cor meum et caro mea exsultaverunt in Deum vivum. Denique omnis delectatio ordinata et bona, est in Deo. Delectatio quippe consistit in actu, et ei annectitur, eumque concomitatur et perficit, dummodo actus conveniens sit ac pla-

ceus, vel saltem conveniens reputetur. Delectatio autem ordinata et bona, non nisi in actu consistit virtutis, ejus actus ad debitum finem refertur et congruenter exsequitur. Dupliciter itaque contingit gaudere seu delectari, aut exsultare in Deo. Primo, tanquam in proprio et immediato objecto: sicque delectamur in Deo per fidem, spem, caritatem et contemplationem, hoc est, in ipsum credendo, in ipsum sperando, cum amando et contemplando. Propter quod dixit Apostolus: Deus spei vos repleat omni gaudio et pace, in credendo. Et rursus: Spe gaudentes. Sic quoque lætamur in Deo, ipsum orando, laudando, psallendo. Secundo, delectamur in Deo tanquam in objecto mediato, seu tanquam in fine, in quantum operationes virtutum circa objecta creata versantium, ordinamus ad Dei honorem, et eas secundum Deum exsequimur. Præterea, quamvis gaudium seu delectatio magis ad vires appetitivas, videlicet ad appetitum sensitivum ac voluntatem pertineat, nihilo minus experientia docet, quod etiam in aliarum potentiarum actibus delectatio vera existat, sicut in intelligendo, recordando, gustando, tangendo, et aliorum exteriorum interiorumque sensuum actione. Delectatio etenim oritur ex unione potentiæ cognoscitivæ aut appetitivæ cum objecto sibi conveniente, ipsaque delectatio est quasi quædam quietatio, tranquillatio, ac diffusio potentiæ in suo objecto sibi convenienti.

Anna igitur ex contemplatione dilectioneque Dei, et ex speculatione beneficiorum ac operum ejus, toto corde, hoc est intellectu ac voluntate, exhilarata: Exsultavit, inquit, cor meum in Domino, id est, intel-

Judic. v, l-31; Luc. i, 46-55.

* hæc

1 Tim. ii, l.

Ps. LXXXIII, 3.

Rom. xv,

13.

Ibid. xii, 12.

lectus seu ratio et voluntas animæ meæ in Deo sunt gloriatae. Et gloriatio illa intellectualis, solet gaudium appellari; et proprie exsultatio, quasi extra se saltatio, nuncupatur, quando ex plenitudine sua redundat in inferiores animæ vires, atque per signa relucet in corpore, præsertim in visu et vultu: imo aliquando resultat in tantum, quod facit hominem tripudiare, saltare ac plaudere, quemadmodum David ante arcam viribus totis saltavit, et claudus ex utero matris, a principe Apostolorum enuratus, ambulavit exsiliens, ac Dominum laudans. Nempe, ut ait Philosophus, Quemadmodum sphaera superior suo impetu rapit et post se trahit sphaeras inferiores, quas quotidie circumvolvitur ab oriente in occidentem, illis econtrario motu proprio ab occidente in orientem tendentibus; sic superior pars animæ, præsertim voluntas, inferiores vires, appetitumque sensitivum, sua in eas redundantia post se trahit ac rapit: quod in sublimiter contemplantibus clarissime demonstratur, quorum corpus et corporeæ vires ex vehementi occupatione intellectualium virium circa divina objecta, sopiuntur et a suis actibus suspenduntur.

Et exaltatum est cornu meum in Deo meo. Quum dicat Psalmista, Dixi iniquis, Nolite inique agere; et delinquentibus, Nolite exaltare cornu; et Amos dicat, Væ qui dicitis, Numquid non in fortitudine nostra assumpsimus nobis cornua? quid est quod sancta hæc femina protestatur, Exaltatum est cornu meum? Sed advertendum, quod cornu in Scripturis multipliciter sumitur: Uno modo pro regia potestate, ut sicut in Daniele et Apocalypsi frequenter, ut quum apud Daniele legitur: Considerabam cornua, et ecce cornu aliud parvulum ortum est de medio eorum, et tria de cornibus primis evulsa sunt. Secundo accipitur cornu pro evidenti manifestatione, juxta illud in Luca: Erexit cornu salutis nobis. Tertio, pro fortitudine corporali seu spirituali, ut quum in Deuteronomio in benedictione Joseph asseritur: Cornua ejus, cornua rhinocerotis, in ipsis ventila-

bit gentes. Quarto, pro inordinata et præsumptuosa erectione sui ipsius: et hoc vocatur cornu superbiæ; sicque frequentius in Scripturis et in communi modo loquendi accipitur. Quinto, pro forti et virtuosa tendentia in aliquod magnum: quod vocatur cornu magnanimitatis. Hinc aliqui recte dicunt, quod cornu in Scripturis sumitur pro motu seu conatu mentis se extendentis in aliquid arduum: quod si fiat secundum rationis dictamen et divinæ legis doctrinam, vocatur cornu virtutis; sin autem, vocatur cornu elationis. Itaque Anna ait: Exaltatum est cornu meum in Deo meo, id est, motus et actus spei meæ, per Dei auxilium, consecutus est optatum effectum: quoniam quod orando obtinere speravi, obtinui. Rursus, Exaltatum est cornu meum in Deo, id est, fortitudo mihi gratiose concessa prævaluit.

Dilatatum est os meum super inimicos meos, id est, adversarios meos juste irrisi, puta Phenennam et liberos ejus, qui me oderunt et afflixerunt, quamvis ego diligere eos. Invisibiles quoque animæ meæ hostes, qui me ad pusillanimitatem et immoderatam tristitiam trahere nitebantur, derisi et vici. Vel, *Dilatatum est os meum,* id est, late apertum ad laudandum et glorificandum Dominum Deum, super inimicos meos, id est de justa eorum dejectione. Vel, *Super eos,* id est plus quam os eorum. *Quia lætata sum in salutari tuo,* id est in salubri tuo auxilio, vel in te ipso omnium summo salutari, de quo beatissima cecinit Virgo: Exsultavit spiritus meus in Deo salutari meo. Vel, *In salutari tuo,* id est in expectatione et fide Salvatoris futuri, scilicet regis Messiae, de quo Jacob: Salutare tuum, inquit, expectabo, Domine. Et Simeon justus: Viderunt, ait, oculi mei salutare tuum. Denique merito hujus fidei atque lætitiæ spiritualis prævaluit Anna, et ex ipsa lætitia dilatavit modo præfato os suum. Ex his consolationibus et donis sibi concessis, Anna se elevat ad contemplandum et laudandum Deum in semetipso.

II Reg. vi,
14.

Act. iii, 8.

Ps. lxxiv, 5.

Amos vi,
1, 14.

Dan. vii, 8.

Luc. i, 69.

Deut. xxxiii,
17.

Luc. i, 47.

Gen. xlix,
18.
Luc. ii, 30.

Non est sanctus ut est Dominus : quoniam ipse solus essentialiter et independenter sanctus est, et sanetitas infinita, ejus essentia est puritas prorsus interminata. De quo legitur in prima Joannis 1 Joann. i, 3. *epistola : Deus lux est, et tenebrae non sunt in eo ullae. Ceteri, sancti sunt per participationem et gratiam ad certam mensuram. Neque enim est alius extra te, id est, præter te non est alius verus Deus, aut tibi æqualiter sanctus. Hinc per Isaïam Dominus contestatur : Ante me non est formatus Deus, et post me non erit. Et iterum : Numquid est Deus absque me? Et non est fortis sicut Deus noster, videlicet Deus Israel qui solus est verus atque omnipotens Deus, ejus fortitudo est independentens, imparticipata, et penitus infinita, quæ non potest in tot et tanta, quin possit in infinities plura atque majora, cui omnia non solum sunt possibilia, sed et facilia, imo facillima et æque facilia.*

Luc. i, 37; Jer. xxxii, 17, 27.

Consequenter invehitur contra præsumptuosos et arrogantes. Ad litteram quoque loquitur contra Phenennam et sobolem ejus, quæ contra Annam intumuerunt. *Nolite multiplicare loqui sublimia, id est verba jactantiæ et præsumptionis, gloriantes inaniter, non in Domino, sed in vobis, quasi a vobis aliquid habeatis, nisi deficere et peccare. Ideo ait Propheta : Disperdat Dominus universa labia dolosa et linguam magniloquam. Recedant vetera de ore vestro, id est, a verbis iniquis ac solitis, pungitivis, derisoriis contra me sæpe prolatis, cessate, quia Deus scientiarum Dominus est, id est, ipse in se ipso sapientissimus est, et dator ac Dominus omnis scientiæ : ideo omnia ei constant, et superborum verba vitiosa detestatur ac punit ; et ipsi præparantur cogitationes, hoc est, ei ostenduntur ac innotescunt ad judicandum. Quasi dicat : Non solum verborum, sed cogitationum quoque inspector et judex est Dominus. Arcus fortium superatus est, id est, armatura et impugnatio præsumentium de propriis viribus succubuerunt, sicut et jacula Phenennæ et prolis ejus amplius*

1 Cor. iv, 7. Ps. xi, 4. Prov. vi, 16-19.

A mihi inferri non poterunt ; et infirmi, id est propriam fragilitatem et infirmitatem seu defectuositatem humiliter recognoscentes, *accincti sunt robore, id est gratia ac virtutibus desuper confortati, juxta quod in Isaïa scriptum est : Qui dat lasso virtutem, et robur, his qui non sunt, multiplicat.*

Repleti prius, pro panibus se locaverunt : hoc est, qui aliquando erant abundantes ac divites, ob suam ingratitudinem atque superbiam, ad tantam sunt devoluti inopiam, quod pro necessariis vitæ se locaverunt et servierunt ; et famelici saturati sunt : id est, qui pauperes erant, sua humilitate meruerunt ditari, sufficienterque refici. In quibus verbis Anna tangit Phenennam et pueros ejus, a sua præsumptione dejectos, et pristina fecunditate ac ubertate privatos. Donec sterilis peperit plurimos : hoc est, ipsa hæc Anna quæ diu fuerat infecunda, procreavit sobolem copiosam, videlicet tres filios et filias duas, ut infra habetur ; et quæ multos habebat filios, puta Phenenna, infirmata est : quia nascentibus filiis filiabusve Annæ, filii Phenennæ moriebantur, ut fertur. Circa hoc in Scholastica narratur historia : Quod in cantico legitur, Donec sterilis peperit plurimos, etc., Hebræus pro Plurimos, habet Septem ; et pro Infirmata est, habet Seeta est, id est separata ; et tradit quod singulis filiis Annæ nascentibus, singuli Phenennæ filii moriebantur ; et quinque filiis Annæ, duos filios Samuelis connumerat, ut sint septem. Hæc ibi. In quibus verbis per quinque filios Annæ, intelliguntur tres filii ejus, et filiæ duæ : ita quod filius notat prolem, non sexum, vel indifferenter seu indistincte sexum utrumque, sicut quum dicimus : Pater et filius sunt correlativa.

His addit Lyra : Quidam Hebræi dicunt, quod quando Anna peperit puerum unum, Phenenna sepeliebat duos de pueris suis : ideo nato quarto puero Annæ, octo filii Phenennæ erant mortui. Ideo Anna propinquante ad partum quintum, timens

Is. xi, 29.

Phenenna de morte duorum filiorum suorum superstitum, humiliter Annam rogavit, ut oraret pro vita et conservatione filiorum suorum superstitum : quod Anna fecit. Ideo duo filii illi Phenennæ, de cetero reputati sunt filii Annæ, quoniam ejus precibus sunt conservati in vita : sicque dicitur septem peperisse. Et isti Hebræi dicunt Phenennam decem filios habuisse. His adjicit Lyra : Istæ expositiones non habentur de textu, sed ab Hebræis ponuntur ad verificandum hoc dictum. Peperit septem. Ideo verius videtur dicendum, quod translatio nostra est melior, dicens : Peperit plurimos. Nam dictio Hebraica, puta Scibeah, hic posita, æquivoca est ad significandum septem, quam significationem sequuntur hic Hebræi moderni : et ad designandum satietatem, et hanc significationem secutus est noster translator, et forsitan tunc Hebræi hanc sequebantur. Secundum hoc ergo Anna peperit satietatem, hoc est, habuit pueros ad sufficientiam : quod expressit Hieronymus, dicendo, Plurimos. Et hoc convenientius fuit dicere, quam si dixisset, Satietatem, vel Satis, secundum quod idem dicit Hieronymus in epistola ad Pammachium, de optimo genere interpretandi, quod melior interpretatio non semper transfert verbum ex verbo, sed interdum sensum ex sensu.

Verum contra hæc scribit Rabbi Paulus, dicendo, quod dictio ista, Scibeah, in Hebræo non est proprie æquivoca, prout hic ponitur. Solum enim significat septem, in propria significatione, licet saturitatem designet secundum etymologiam. Sed translatio nostra quæ dicit, Plurimos, obtinet veritatem ex alia ratione. Nam in Hebræo Septem quandoque significat Plurimos, ut intelligatur numerus determinatus pro indeterminato, ut in Isaia : Apprehendent septem mulieres virum unum. Sicque translator noster hic transtulit non sensum ex sensu, sed etiam verbum e verbo. Hæc Paulus, ejus verba longum est discutere. Tamen quod Lyra ait, verius reor, præsertim quum multa æquivoca sint, quamvis pro-

Is. iv, 1.

prie non significant nisi unum, hoc dempto, quod dicit modernos Hebræos hic dicere Septem, quasi antiqui Hebræi ita non dixerint : quod tamen dicit opinative magis quam assertive. Sciendum ergo, quod etiam antiqui Hebræi ita dixerunt : siquidem Septuaginta sic transtulerunt : Sterilis peperit septem, et fetosa in filiis infirmata est. Textus quoque quo utitur Origenes, sic continet : Quoadusque sterilis peperit plurimos. Præactas autem Hebræorum narrationes seu expositiones, Origenes reputat fabulas. Hoc tamen facit, ad innuendum quod versiculus iste ad litteram exponi non queat de Anna, quæ non peperit septem, sed quinque.

Dominus mortificat et vivificat. Hoc ad litteram videtur Anna dixisse, quia filios Phenennæ vidit in spiritu occidendos a Domino, filiis suis in vitam progredientibus. Sicque *deducit ad inferos* animas defunctorum, sumendo infernum sive pro loco damnatorum, sive pro limbo puerorum, sive pro limbo patrum, sive pro purgatorio, *et reducit* mortuos suscitando, vel eos qui letaliter infirmantur, curando. Tales enim erant quasi in via ad inferos. *Dominus pauperem facit et ditat.* Quosdam enim justo judicio privat terrenis divitiis, quosdam spiritualibus opibus, quos a virtutum fastigio ruere sinit ; alios contrario modo ditat. *Humiliat superbos, et sublevat humiles.* Litteraliter quoque insinuat Phenennam sobole divitem, esse depauperatam per filiorum interitum, et sibi oppositum contigisse. *Suscitat de pulvere egenum, et de stercore elevat pauperem, ut sedeat cum principibus, et solium gloriæ teneat :* quia frequenter pauperes atque ignobiles promovet ad principatum et regimen aliorum, quemadmodum Moysen oves pascentem toti Israelitico prætulit populo. Hinc in Ecclesiastico scriptum est : Sedes ducum superborum destruxit Deus, et sedere fecit mites pro eis. Hæc in se ipso Nabuchodonosor expertus, fatetur : Post finem dierum Altissimo benedixi, quia potestas ejus potestas sempiterna, et omnes habitatores

Exod. iii, 1, 10.

Eccli. x, 17.

Dan. iv, 31, 32, 34.

terræ apud ipsum in nihilum reputantur: A
juxta voluntatem suam facit, tam in virtu-
tibus cœli, quam in habitatoribus terræ, et
gradientes in superbia, potens est humili-
liare. Hinc rursus se in somno audisse fa-
tetur: In sententia vigilum decretum est,
et sermo sanctorum est, donec cognoscant
vivi quoniam dominatur Excelesus in
regno hominum, et cuiusque voluerit
dabit illud, et humillimum hominum con-
stituet super eo. Denique sic Dens Joseph
de squalore ergastuli præfecit Ægypto, et
tres pueros ex camino ignis fecit principes
in provincia Babylonis.

Hinc subditur: *Domini enim sunt car-
dines terræ*. Cardines terræ, dicuntur ejus
extremities, quæ sunt Dei, sicut et totum
terræ elementum, potestate et jure crea-
tionis, conservationis, ac gubernationis. *Et
posuit super eos orbem*. Hoc ait, quoniam
terra est quasi fundamentum et infimum
elementorum, et secundum apparentiam
videtur cœlum seu orbis super extrema
terræ locatus, juxta æstimationem illorum
qui putabant cœlum esse velut cameram
ac semicirculum, juxta quem modum in
Isaia legitur: Qui expandit cœlos sicut ta-
bernaculum ad inhabitandum. Ubi Septua-
ginta transtulerunt, Velut cameram. Vel
sensus est: Posuit super eos orbem, hoc
est, polum fecit cardinibus terræ eminen-
torem.

Pedes sanctorum suorum servabit, hoc
est, affectus et processus eorum manu te-
nebit ac diriget, juxta illud: Ad dirigen-
dos pedes nostros in viam pacis; *et impii
in tenebris conticescent*, hoc est, suo tem-
pore confusi silebunt, nec evidenti verita-
ti contradicere poterunt, præsertim in die
judicii: sicque obmutescent in tenebris
culpæ ac infernalis miseræ, quamvis in
inferis ejulabunt. *Quia non in fortitudi-
ne sua roborabitur vir*, id est, propriis
viribus nemo poterit Deo resistere, imo
nec boni quid agere, aut virtuosus cense-
ri. *Dominum formidabunt adversarii ejus*:
Deus enim omnipotens ad libitum suum
perterret, dejicit et condemnat omnem im-

piorum catervam, præsumptionem, ani-
mositatem, audaciam. Et istud generaliter
potissime fiet in die judicii, sicut Isaïas
prædixit: Ad eum venient, et confunden-
tur omnes qui repugnant ei. *Et super ip-
sos in cœlis tonabit*: quod et instante ex-
tremo judicio fiet ineffabiliter aerius, quam
super Ægyptios olim intonuit: quod fiet
in cœlo aereo. Tonabit quoque super eos,
sententiam horribiliter proferendo. Hinc
scriptum est: Tonabit Deus voce magni-
tudinis suæ, post eum rugiet sonitus. To-
nabit voce sua mirabiliter, qui fecit magna
et inserutabilia.

Dominus judicabit fines terræ, hoc est
omne genus humanum: quod fit particu-
lariter in mortibus singulorum, et univer-
saliter fiet in die novissimo. Ideo ait Pro-
pheta: Paravit in judicio thronum suum, et
ipse judicabit orbem terræ in æquitate, ju-
dicabit populos in justitia. *Et dabit impe-
rium regi suo, et sublimabit cornu Christi
sui*. Tempore Annæ nondum præfuit ali-
quis rex Israël. Ideo istud de Christo ve-
rissime explanatur, cui Pater dedit omne
judicium, hoc est judiciariam potestatem,
et executionem particularis ac generalis
judicii, juxta illud Joannis: Dedit ei po-
testatem et judicium facere, quia filius ho-
minis est. Itemque: Pater omne judicium
dedit Filio. Hanc etenim judicii execu-
tionem Christus sua humilitate, dijudicatione
et passione promeruit. Exinanivit nempe
se ipsum, factus obediens usque ad mor-
tem, propter quod et Deus exaltavit illum.

Porro cornu Christi, id est potestatem
et magnificentiam Christi Filii sui, Deus
Pater multipliciter exaltavit ab exordio
mundi, per mysteria et figuras, atque ora-
cula, ac vaticinia Prophetarum ac Patriar-
charum, per quos primo in lege naturæ, de-
inde in lege scripta adventum, excellentiam
et efficientiam regis Messiae prædixit. De-
inde, instante temporis plenitudine, in ip-
sa salutifera et incomprehensibili Verbi
æterni incarnatione, Deus Trinitas contulit
Christo secundum naturam assumptam, au-
ctoritatem, potestatem atque dominium, non

Is. XLV, 25.

Job XXXVII,
4, 5.

Ps. IX, 8, 9.

Joann. V,
27.

Ibid. 22.

Philipp. II,
7-9.

Dan. IV, 11.

Gen. XLII, 13,
41.Dan. III, 23,
97.

Is. XL, 22.

Luc. I, 79.

solum super totum genus humanum, sed et super omnem naturam creatam, universamque creaturam. Sicque in ipsa incarnatione exaltavit cornu Christi sui secundum rei veritatem, non tamen secundum manifestationem et executionem. Hinc Christus ante suam passionem dixit : Pater diligit Filium, et omnia dedit in manu ejus. Statim vero in ipsa Christi ex Virgine nativitate, coepit Deus Pater cornu Christi exaltare per manifestationem, per mirabilia quæ in ejus nativitate ad ipsius declarationem fiebant : quia tunc stella apparuit Magis, angelus quoque pastoribus, quibus et Christi ortum ac magnificentiam patefecit ; multitudo etiam celestis exercitus eadem cecinit hora, templum Æternitatis collapsum est, olei fons erupit. Deinde Christus inter homines conversando ac prædicando, per verba atque miracula suam coepit excellentiam declarare et exsequi ; non tamen plenarie, quia adhuc fuit passibilis, et paulo post crucifixus. Post resurrectionem vero et ascensionem, misso desuper Spiritu Sancto, exorsus est eam sublimius exsequi et monstrare per sanctos Apostolos, primitus in Judæa, deinceps ubique terrarum : quod et interim per diversos sanctos est prosecutus. Porro in generali et extremo judicio, omnes adversarii Christi plenissime subjiacentur eidem.

Hæc de litterali hujus cantici expositione sint dicta.

Præterea, sicut hic refert Lyra, quidam magnus apud Hebræos, videlicet Joathan filius Oziel, in translatione sua Chaldaica aliter canticum istud exponit ad litteram : quam expositionem Lyra satis prolixè prosequitur, sed eam brevius quo potero tangam. Itaque ait Joathan ille, quod propter mirabilia quæ Anna prævidit in spiritu a

A filio suo Samuele fienda, quæ infra habentur in textu, dixit : *Exsultavit cor meum in Domino*. Et quia prævidit quod Heman cum filiis suis natus ex Samuele, futurus erat cantor in templo, adjecit : *Exaltatum est cornu meum*, id est gloria mea, in Deo meo. Insuper quia prævidit Philistæos propter arcam Dei plagandos et compellendos ad remittendum hanc, addidit : *Dilatatum est os meum super inimicos meos*. Et quia prævidit regem Assyriorum Sennacherib cum suis dejiendum, propter blasphemias suas in Deum, ait : *Non est sanctus ut est Dominus*, etc. Prævidit quoque qualiter Chaldæi erant regnum Juda et templum vastaturi, atque ob hoc a Persis et Medis vastandi, ideo est locuta : *Nolite multiplicare loqui sublimia*, scilicet vos Chaldæi ; quasi dicat, Quia et vos in brevi estis perdendi. Præcognovit etiam qualiter tempore Antiochi erant Græci Judæos oppressuri, et per Machabæos vincendi : propter quod addit, *Arcus fortium*, puta Græcorum, *superatus est, et infirmi*, scilicet Machabæi cum suis, qui primo fugerunt, *accincti sunt robore*. Prævidit item qualiter Judæi erant sub Assuero rege per Aman affligendi, atque per Esther ac Mardochæum eruendi, ideirco apposuit : *Repleti prius*, scilicet Aman et sui primo ditissimi, *pro panibus se locaverunt*, quia per Esther sunt penitus suppeditati ; *et famelici saturati sunt*, quia tunc filii Israel liberati, fuerunt ditati et copiose refectioni. Ad istam quoque expositionem sequentia applicat : de qua expositione pertransco, quoniam falso innititur fundamento, videlicet Messiam nondum venisse. Est item satis incertum, an Anna præcognoverit omnia ista : quæ si præcognovisset, probabile reor, quod de eis clarius ac latius prophetasset.

Joann. iii, 35.

Matth. ii, 2.

Luc. ii, 9 et seq.

I Cor. xv, 24-28.

I Par. vi, 33; I Reg. viii, 2.

Ibid. v, 6, 11; vi, 1 et seq.

IV Reg. xix, 35; Is. xxxvii, 36.

IV Reg. xxv.

ARTICULUS IV

SPIRITUALIS EXPLANATIO CANTICI HUIUS.

Sensus al-
legoricus.

PER Annam, quæ interpretatur gratia, A designatur Ecclesia et quæcumque fidelis persona. Itaque Christi Ecclesia, videns omnem plenitudinem gratiæ sibi a Deo collatam, et quidquid divinorum charismatum olim fuit in Synagoga, in se præclarissime esse translatum, eum gratiarum actione fatetur: *Ersultavit cor meum in Domino*. Et quia regia potestas sacerdotiumque legale Judæis ablata sunt, et Ecclesiæ sublimiori modo concessa, subjungit: *et exaltatum est cornu meum*, videlicet regnum et sacerdotium, *in Deo meo*. Unde sacratissimus princeps Apostolici agminis scribit fidelibus: Vos genus electum, regale sacerdotium, gens sancta, populus acquisitionis. *Dilatatum est os meum super inimicos meos*: id est, Judæos fidei adversarios juste irrideo, potenter devici ratione, miraculis et allegationibus Scripturarum veteris Testamenti multipliciter confutavi; similiter hæreticos utriusque Testamenti Scripturis contrivi, tyrannos quoque et persecutores divino auxilio superavi. Et hoc, *quia lætata sum*, o Domine Pater æterne, *in salutari tuo*, id est in fide et gratia Christi, per quem tot bona sum consecuta, qui mihi promisit: Dabo, inquit, vobis os et sapientiam, cui non poterunt resistere et contradicere omnes adversarii vestri.

Luc. XXI, 15.

II Cor. III, 6.

Ideo, o Judæi ceterique increduli, *Nolite multiplicare loqui sublimia*, id est verba præsumptuosa et vana, contra Ecclesiam gloriantes insipienter; sed *recedant vetera de ore vestro*: id est, pristina infidelitatis verba relinquite, litteralem occidentem legis ac Prophetarum sensum abjicite, doctrinam et expositionem infidelium magistrorum vestrorum calcate, *quia Deus*

scientiarum Dominus est, qui per Spiritum Sanctum sanctos Apostolos plenissime ac verissime docuit intelligentiam legis ac Prophetarum, quemadmodum ante passionem suam Christus eis promisit, dicendo: Quum venerit ille Spiritus veritatis, docebit vos omnem veritatem. *Arcus fortium superatus est*: id est, omnis armatura seu argumentatio Judæorum et philosophorum, ceterorumque perfidorum, qui olim videbantur potentes, et Ecclesiam diversimode invaserunt, soluta et victa est; *et infirmi accincti sunt robore*: id est, Apostoli et primi discipuli Christi induti sunt omni virtute ex alto, et per eos, gentiles olim omni spiritali fortitudine gratiæ destituti, effecti sunt virtuosus ac victoriosi, quemadmodum Paulus apostolus scripsit eisdem: Confortamini in Domino, et in potentia virtutis ejus; accipite armaturam Dei. *Repleti prius*, puta Judæi, qui olim multiplices opulentia sapientiæ ac virtutum, ac spiritalibus fereulis abundabant, *pro panibus se locaverunt*: quia privati sunt omnibus bonis illis, et quidam ex eis conversi, a Christianis doctrinam veræ salutis mendicaverunt. *Donec sterilis peperit plurimos*: id est, conversa gentilitas olim infecunda, innumerabiles regeneravit ex aqua et Spiritu Sancto, atque per evangelicæ legis prædicationem parturit, sicut ait Apostolus: In Christo Jesu per Evangelium ego vos genui; *et quæ multos habebat filios*, scilicet Synagoga, in qua frequenter fuerunt multi electi, *infirmata est*, quia jam dudum omnino succubuit, et in extremam hanc captivitatem redacta est.

Joann. XVI, 13.

Luc. XXIV, 49.

Ephes. VI, 10, 11.

Joann. III, 5.

I Cor. IV, 15.

Dominus mortificat, qui per Titum et Vespasianum corporaliter trucidavit Judæos incredulos, quos et per invisibiles

hostes excæcari et indurari juste permisit, *et vivificat*, per gratiam in præsentī, et per gloriam in futuro, vasa misericordiæ suæ, electos ex gentibus. *Dominus pauperem facit* Synagogam, *et ditat* Ecclesiam; *humiliat* Judæos incredulos, *et sublevat* Christifideles. *Suscitat de pulvere egenum, et de stercore elevat pauperem, ut sedeat cum principibus, et solium gloriæ teneat.* Multos enim gentiles vitiis obtenebratos, et sordibus carnalitatū involutos, ad tantam divinorum charismatum exuberantiam erexit atque provexit, quod inter apostolicos digne sunt connumerati, et aliorum prælati effecti, sessurique sunt inter eos, quibus Salvator spopondit: Vos qui secuti estis me, sedebitis super thronos, judicantes duodecim tribus Israel. Ad istam expositionem sequentia queunt faciliter applicari.

Rom. ix, 23.
24.

Matth. xix,
28.

Sensus
tropologi-
cus.

Præterea exponi potest hoc canticum in persona cujuslibet Christiani devoti, præsertim religiosi. Unusquisque ergo fidelis dicere potest: *Exsultavit cor meum in Domino*: id est, considerando seu contem-
plando infinitam bonitatem, omnipotentiam et sapientiam Dei, universamque perfectionem, excellentiam et beatitudinem ejus, gavisus sum vehementer, et toto corde congratulatus sum tam incircumscriptibili perfectioni et gloriæ Creatoris, præsertim contemplando superbeatissimæ Trinitatis, Patris et Filii et Spiritus Sancti, communicationem et emanationem ad intra; mutuam quoque trium supervenerabilium Personarum contemplationem, dilectionem, complacentiam, fruitionem, consistentiamque superfelicissimam et æternam. Exsultavit demum cor meum in Domino, intuendo beneficia ejus generalia ac specialia, naturalia et supernaturalia, corporalia ac spiritualia, præsertim, quæ, quanta et qualia Unigenitus Patris æterni pro nostra salute assumpsit, fecit ac pertulit; considerando etiam divina promissa, et qualiter superoptimus et supersapientissimus et supermunificentissimus Deus Trinitas se ipsum et sui ipsius claram, immediatam, facia-

lem, deliciosissimam visionem, æternam ac beatificam fruitionem, inæstimabiliter prorsus duleissimam, nobis præparavit in præmium. His igitur modis exsulemus in Domino, imo et in omni actu virtuoso ad Dei honorem exhibito gloriemur, juxta illud: *Servite Domino in lætitia.* Et rursus: *Gaudete in Domino semper.* Nec solum in actibus bonis, sed item in persecutionibus, adversitatibus, correptionibus et tentationibus, sicut ait apostolus Jacobus: *Omne gaudium existimate, fratres, quum in tentationes varias incideritis.* Et Salvator: *Gaudete, inquit, in illa hora, et exsultate, quoniam merces vestra copiosa est in cœlis.* Qui autem lætatur quum malefecerit, aut quia laudatur et honoratur ab aliis, aut quoniam temporaliter prosperatur, aut quia videt alios inter se discordare, contendere aut turbari, non jam in Domino, sed potius in diabolo gloriatur, et vanus et excors est.

Ps. xcix, 2.

Philipp. iv,

4.

Jacob. i, 2.

Matth. v,

12; Luc. vi,

23.

Prov. ii, 14.

Et exaltatum est cornu meum in Deo meo: id est, virtus seu fortitudo animæ meæ in adjutorio Altissimi, hostibus meæ salutis restitit, atque prævaluit ac profecit. Hoc dicat ad gloriam Omnipotentis, qui in quacumque tentatione cernit se triumphasse, aut profecisse in bonis, et gratus sit Deo, nequaquam extollens se ipsum, et semper sit cautus et timoratus, ne cadat. Absint semper a nobis diabolica cornua crudelitatis, animositatis, ambitionis. Circa hoc loquitur Origenes: Sunt cornua quædam justorum, quibus utuntur bona agendo, aut recte loquendo, sicut quum dicunt ad Dominum: *In te inimicos nostros ventilabimus cornu.* Unde et alibi dicitur: *Exaltabuntur cornua justi.* Oportet ergo nos habere cornua ista, quæ justis de crucibus Christi apicibus conferuntur, ut in his destruamus et ejiciamus adversarias potestates de anima nostra: quibus expulsis, plantetur in nobis vinea, quæ facta est dilecto in cornu in loco uberi.

Ps. xxxiii,

5, 7.

Ps. xliii, 6.

Ps. lxxiv,

11.

Is. v, 1.

Dilatatum est os meum super inimicos meos. Hoc dicat ad Dei honorem, qui recordatione et allegatione Scripturæ adver-

sarios veritatis, præsertim invisibiles æmulos superavit; qui hostibus boni communis efficaciter fuerit reluctatus. *Quia latatatum, o Domine, ego creatura tua, in salutari tuo, de quo cecinit Isaias : Videbunt omnes fines terræ salutare Dei nostri. In quo qui sinceriter delectatur, exaudiri ac triumphare meretur, sicut ait Scriptura : Qui orat * Dominum in oblectatione, exaudietur. Et rursus : Delectare in Domino, et dabit tibi petitiones cordis tui. Non est sanctus ut est Dominus : ideo oportet ei in sanctitate et iustitia jugiter deservire. Maledictusque est qui opus ejus efficit negligenter. Neque enim est alius extra te. Nam Pater in Filio, et Filius in Patre, Pater quoque ac Filius in Spiritu Sancto, et Spiritus Sanctus in Patre ac Filio. Nam singulæ Personæ in singulis vere et imperscrutabiliter ac circuminsessibiliter sunt. Et non est fortis sicut Deus noster, qui solus potest humanæ ac fragili creaturæ tantum conferre gratiæ robur, ut spiritibus illis callidissimis atque nequissimis, et concupiscentiis propriis ac vitiis universis prævaleat, et in Deo sit stabilita; imo et si pro fidei conservatione exegerit ratio, etiam miracula operetur, sicut prædixit Salvator : Qui credit in me, opera quæ ego facio, et ipse faciet.*

Nolite multiplicare loqui sublimia, gloriantes. Hoc præsumptuosis, superbis, vaniloquis, ex caritate est opponendum, ut cessent a verbis jactantiæ, nec laudent neque extollant se ipsos, quum et Apostolus dicat : Noli altum sapere, sed time. Salomon quoque : Laudet te alienus, et non os tuum; extraneus, et non labia tua. Denique unusquisque dicat viribus animæ suæ, intellectui videlicet, cogitativæ et imaginativæ : Nolite multiplicare loqui sublimia, gloriantes, id est, ab omni cogitatione superba, ab adinventionibus vanis, ab apprehensionibus phantasticis, a magnificatione proprii subjecti cavete, nec intra vos coram Deo proferre seu loqui audete, quod coram hominibus loqui est reprehensibile. Ab altis quoque materiis, et ab incomprehensibi-

lium perscrutatione est temperandum, ut non audeamus de supersubstantiali Deo aliquid fari præter tradita nobis in divinis Scripturis, ut divinus Dionysius et Damascenus scripserunt. Nempe, ut Salomon protestatur : Sicut qui comedit mel multum, non est ei bonum : sic qui perscrutator est majestatis, opprimetur a gloria. Hinc Origenes disseruit : Non dixit, Nolite loqui excelsa. Ergo licet mihi aliqua loqui excelsa. Multiplicare autem loqui excelsa et ardua, mihi non licet, quum scriptum sit : Altiora te ne quæsieris, et fortiora te ne scrutatus fueris; sed quæ præcepit tibi Deus, intellige semper. Quæ sunt ergo in quibus excelsa me loqui oportet? Quando de omnipotentia Dei, de invisibilitate et sempiternitate ejus loquor, excelsa loquor; quando de Unigeniti ejus coæternitate, ceterisque mysteriis pronuntio, excelsa loquor; quando de Spiritus Sancti magnificentia dissero, excelsa loquor. Post hanc Trinitatem omnia sunt humilia et dejecta, comparisonem celsitudinis ejus. Hæc Origenes. Recedant vetera de ore vestro, id est, omnia verba inordinata, vitiosa, illicita deinceps vitate. Si quis loquitur, quasi sermones Dei. Sermo vester semper in gratia sit sale conditus. Hinc ad Ephesios docetur : Omnis sermo malus ex ore vestro non procedat; sed qui bonus est ad ædificationem, ut det gratiam audienti.

Arcus fortium superatus est. Hi qui fortes et magnos se arbitrantur, justo Dei judicio permittuntur faciliter vinci omni vento tentationum ac impetu passionum, et multipliciter labi, sive dum ab aliis patiuntur adversa, sive dum laudantur et honorantur a proximis, quia radices humilitatis et fundamentum timoris Dei non habent. Interdum quoque contingit devotos et virtuosos ex sua negligentia periculosave securitate aut tentationum impulsu paulatim evacuari et cadere. Et infirmi accincti sunt robore, humiles scilicet et qui se jugiter infirmos, defectuosos, vilesque judicant. Nam et infirma ac stulta mundi elegit Deus. Repleti prius, id est, qui donis

Is. lxi, 10.

Ecclesi. xxxv, 20.
* adorat

Ps. xxxvi, 4.

Luc. i, 75.

Jer. xlviii, 10.

Joann. xiv, 10.

Ibid. 12.

Rom. xi, 20.

Prov. xxvii, 2.

Prov. xxv, 27.

Ecclesi. iii, 22.

1 Petr. iv, 11.

Coloss. iv, 6.

Ephes. iv, 29.

1 Cor. i, 27.

gratiæ abundabant, *pro panibus se locaverunt*, quando (ut tactum est) ad ruinam sunt devoluti, et rursus per pœnitentiam conantur ad pristinam redire mensuram, seque humiliant, et illorum orationibus, meritis ac doctrinis quærunt refici ac juvari, quibus aliquando in spiritualibus fuerant ditiores. *Et famelici saturati sunt.*

Matth. v, 6. Bene famelici sunt, qui esuriunt sitiuntque justitiam, et famem habent audiendi verbum Dei : qui saturari merentur et refici

Philipp. iii, 13. Hi sunt qui quæ retro sunt obliviscentes, in anteriora extendunt

Ps. cxxxviii, 16. se ipsos, non arbitantes se apprehendisse, sed assidue proprium imperfectum pen-

santes, toto affectu student in omni virtute proficere, quotidianas suas defectuositates et culpas uberrime deplorantes. Hæc itaque contigerunt, *donec sterilis*, id est anima prius infructuosa, *peperit plurimos fructus virtutum* ; *et quæ multos habebat filios*, id est, quæ antea erat in bonis actibus fecunda, *infirmata est*, gratiam amittendo. Ideo nullus alium, quamvis iniquum aut negligentem, incante dijudicet aut contemnat : quia etsi hodie illo fortassis est melior, eras forsitan erit deterior. Ideo ait Salvator : Nolite judicare. Et Paulus : Tu quis es, qui iudicas alienum servum ? Suo Domino stat aut cadit. Stabit autem : potens enim est Deus statuere illum.

Matth. vii, 1.
Rom. xiv, 4.

Dominus mortificat, impios occidendo et condemnando, seu vitam gratiæ non præstando, aut gratiam delinquenti juste tollendo ; *et vivificat* : quia ab ipso est vita naturæ, vita gratiæ, et vita gloriæ, qui et impium per pœnitentiam pie vivificat. Mortificat quoque salubriter, dando mortificationem vivificam, de qua ait Apostolus : Mortificate membra vestra quæ sunt super terram. Et iterum : Mortui enim estis, et

Coloss. iii, 5, 3.

A vita vestra abscondita est cum Christo in Deo. Hæc mortificatio, est vitiorum extinctio, sui ipsius a vitiis refrenatio, membrorum scandalizantium abscissio, id est eorum ab omni usu pravo coercitio, et maxime privati amoris extirpatio integra, ita ut quis dicere queat : Vivo autem, jam non ego, vivit vero in me Christus. *Deducit ad inferos*, sicut expositum est, et etiam inspirando homini considerationem infernalis damnationis ac pœnæ æternæ salubrem ; *et reducit*, dando vitæ correctionem, atque levando mentem ad cœlestium intuitum gaudiorum. *Dominus pauperem facit et ditat, humiliat*, dando homini veram et humilem sui ipsius recognitionem, infundendo humilitatis virtutem, *et sublevat* mentem de vitiorum profundo, de lacu miseriæ, de pusillanimitate, per spei fiduciam, et confessionem remediantem. *Suscitat de pulvere egenum*, etc., id est, in infimis cogitationibus, inquinamentisque carnis detentos, paulatim perducit ad vitam spiritualem et sanctam, contemplationisque apicem, ita ut tales inter viros heroicos reputentur, et digni sint aliis præsidere.

Galat. ii, 20.

Ps. xxxix, 3.

Pedes sanctorum suorum servabit, ut perseverent ac progrediantur in regia via, et nec deflectant ad dexteram aut sinistram. Incessabiliter equidem indigent conservatione divina, qua sibi paulisper substracta, mox corruunt. *Et impii in tenebris conticescent*. Obnubilati etenim tenebris ignorantiae et errorum, passionum ac vitiorum, tacent et obmutescunt a laudibus Dei devotis, ab orationibus fervidis, ab exhortatione idonea, a correptione fraterna, et ab utilibus verbis. Et juxta Apostolum, a veritate avertunt auditum, atque ad fabulas convertuntur.

Deut. v, 32, 33; xvii, 11; Is. xxx, 21.

II Tim. iv, 4.

ARTICULUS V

DECLARATIO RESIDUE PARTIS HUIUS CAPITULI SECUNDI.

HIC recitatur reprobatio Heli sacerdotis, pontificis ac iudicis Israelitarum, filiorumque ejus. *Et abiit Elcana in Ramatha in domum suam*, id est, cum Anna rediit in propria. *Puer autem Samuel*, qui ab innocentia et puritate, non a morum insolentia, puer vocatur : sed et ætate exstitit puer, moribus autem et sapientia fuit vir ; imo ut Josephus refert, duodecimo anno vitæ suæ orsus est vaticinari. *Puer autem erat minister*, Levitarum obsequio, *in conspectu Domini*, qui Samuelis ministerium approbavit, *ante faciem Heli sacerdotis*.

Porro filii Heli erant filii Belial, id est indomiti et absque iugo, *nescientes Dominum*. Non enim sciebant Dominum practica et formata scientia, juxta quod Dominus ait per Jeremiam : Tenentes legem, nescierunt me. Attamen Dominum cognoverunt informi scientia, de qua ad Romanos asseritur : Quum cognovissent Deum, non sicut Deum glorificaverunt. *Neque officium sacerdotum ad populum*, hoc est, proprium officium non curabant agnoscere, nec illud sciebant formata scientia, quæ bonæ actioni est juncta. *Sed quicumque immolasset victimam*, id est animal immolaticium in hostiam pacificam, de qua præcipue sermo, *veniebat puer sacerdotis*, id est minister alicujus filiorum Heli ex commissione domini sui, *dum coquerentur carnes*, et habebat fuscinulam tridentem, id est ferreum instrumentum trium dentium, quo carnes ex caldaria extrahuntur, *in manu sua*, et mittebat eam in lebetem, vel in caldariam, aut in ollam sive in cacabum ; et omne quod levabat fuscinula, id est quaecumque partem carnis existentis in olla, tollebat sacerdos sibi de

A manu sui ministri, et fecit sibi illud lautius coqui. *Sic faciebant universo Israeli venientium in Silo.*

Etiam antequam adolerent adipem, id est, antequam offerentes exhiberent suo modo adipem sacerdotibus ad accendendum, vel antequam ipsi sacerdotes hoc facerent : nam ad eorum spectabat officium, cremare adipem super altare holocaustorum, ut patet in Levitico : *veniebat puer sacerdotis, et dicebat immolanti*, videlicet viro qui animal adduxit, ut per manus sacerdotis Domino offerretur : *Da mihi carnem* de animali oblato, *ut coquam* sacerdoti seorsum juxta desiderium ejus. *Non enim accipiam a te carnem coctam, sed crudam* : quod fuit contra ritum et observantiam legis, secundum quam animali occiso et immolato, carnes ejus coquebantur communiter, tam sacerdoti quam offerenti : et tunc una, imo et melior pars, cessit in usum ac esum sacerdotis, alia in usum offerentis. Holocausta vero totaliter comburebantur ; nec aliqua pars hostiæ immolatæ pro peccato, cessit in offerentium usum : quæ omnia patent in Levitico, et ibi cum rationibus suis exposita sunt. *Dicebatque illi immolans : Incendatur primum juxta morem hodie*, id est legis jussionem, *adepts*, juxta illud Levitici, Omnis adeps Domini erit jure perpetuo. Ideo ad Dei honorem debuit adeps primo cremari. Unde in animalium excoriatione adeps separabatur, et primo accendebatur. *Et tolle tibi quantumcumque desiderat anima tua*, id est, de reliquo corpore animalis, præsertim cocto, accipe quantum vis, etiam plus quam secundum legem sacerdoti debetur, dummodo non fiat præacta injuria Deo. *Qui respondens, aiebat : Ne-*

Lev. iii, 5,
11, 16.

Ibid. 16, 17.

ququam sic faciam. Nunc enim dabis A *mihi carnem crudam, alioqui tollam vi.*

Ecce quanta contumacia, incorrigibilitas et aspernatio Dei, imo et violentia manifesta ! Ita intumuerunt et male audaces fuerunt filii Heli et eorum ministri, videntes patrem suum esse iudicem populi atque pontificem, id est civiliter ac spiritualiter præsentem. Porro ministri illi fuerunt Levitæ sacerdotibus servientes. *Erat ergo peccatum puerorum, maxime filiorum Heli et ministrorum eorum, grande nimis coram Domino, id est divino iudicio, quia sacrilegi erant in Deum, et violenti ac scandalosi in proximum, imo in totam communitatem ; quia retrahebant homines a sacrificio Domini, id est, impediabant eos a legitima immolatione, et propter abusum eorum, multi omiserunt sacrificia debita præsentare.* Hinc Josephus ait : Filii Heli contra homines injuriosi, contra divinitatem impii, nulli iniquitati parebant.

Samuel autem ministrabat ante faciem Domini, puer accinctus ephod lineo, id C *est tali linea veste, quali uti consueverunt Levitæ in suo officio, qua et minores sacerdotes poterant uti. Et non erat ephod sacerdotale, id est pontificis, ejus superhumeralis ephod appellabatur, ut in Exodo inductum est. Aliqui quoque affirmant, quod fuit ephod propheticum, quoniam et prophetæ aliqui tali solebant veste uti. Quod autem minores sacerdotes ea poterant uti, hinc demonstratur, quoniam infra habetur quod Doeg interfecit octoginta quinque viros indutos ephod. Et tunicam D parvam fciebat ei mater sua, quam afferebat statutis diebus ascendens cum viro suo, ut immolaret hostiam solennem et votum suum. Per tunicam, intelligi potest omnis vestitus Samuelis in illa ætate. Et benedixit Heli Elcanæ et uxori ejus, dixitque ei : Reddat tibi Dominus semen de muliere hac pro fœnore quod commodasti Domino, id est pro eo quod hunc puerum Samuelem per modum fœnoris Deo obtulisti. Fœnus enim commodatur, ut pro eo*

aliquid recipiatur. Sic parentes Samuelis eum Domino obtulerunt, quatenus inter cetera etiam per hoc mererentur ampliorum fecunditatem adipisci a Domino : quod et factum est, sicut subjungitur. *Et abierunt in locum suum. Visitavit ergo Dominus Annam, dando ei fecunditatem, et concepit et peperit successive tres filios, sic tamen, quod unus illorum fuit Samuel, ut communiter dicitur, et duas filias.* Denique ad tantam prolificationem videtur benedictio et oratio Heli pontificis cooperata ; nam et propter dignitatem tanti officii Deus tunc multa agebat. *Et magnificatus est puer Samuel apud Dominum, id est, in virum perfectum coram Deo exerevit, proficiens sapientia, ætate et gratia.*

Heli autem erat senex valde, et audivit omnia quæ faciebant filii sui universo Israheli, circa eorum sacrificia, et quomodo dormiebant cum mulieribus quæ observabant ad ostium tabernaculi, id est, foris ad atrium excubabant : quia venerunt ut juxta legis præceptum in Levitico scri- Lev. xii, 6. *ptum, post partum suum purificarentur et immolarent. Sicque impii illi polluebant eas, quæ venerant ut purificarentur. Aliqui tamen dixerunt, quod non dormiebant cum illis, sed sumpta pecunia, licentia-verunt eas ad dormiendum cum suis maritis infra dies purificationis : quod dictum, pro prima sui parte, videtur contrarium textui : pro secunda vero sua parte, credibile est, ex quo sacerdotes isti erant tam seclerati. Et dixit eis : Quare facitis res hujuscemodi quas ego audio, res pessimas ab omni populo, id est multo peiores quam sunt quæ faciunt populares ? Vel, Pessimas ab omni populo, id est, abstrahendo a sacrificiis populi carnes crudas, etiam ante adipis eremationem, et uxores abstrahendo a suis maritis per adulterium. Nolite, filii mei. Non enim est bona fama quam ego audio, ut transgredi faciatis populum Domini, communitatem scandalizando, atque a solitis sacrificiis (ut dictum est) avertendo, uxores quoque ad scelera inducendo enormia.*

Exod.
xxviii, 40.

1 Reg. xxii,
18.

Si peccaverit vir in virum, seu homo in hominem, placari ei potest Deus, per sacrificia et orationes tam suas quam sacerdotis, non tamen sine pœnitentia vera peccantis. Si autem in Deum peccaverit vir, quis orabit pro eo? quasi dicat, Irremissibile est: quod non est intelligendum, quasi sit simpliciter irremissibile, vel quasi non sint sacrificia instituta in lege pro

Lev. xvi, 29-31; xxiii, 27-32; Num. 7-11.

Eccli. xxviii, 3, 5.

1 Joann. v, 16.

Matth. xii, 31, 32; Marc. iii, 29.

peccatis in Deum commissis, præsertim quum pro adoratione aurei vituli Dominus jussit certa sacrificia tam ab Aaron quam a populo immolari. Sed istud dicitur, ad insinuandum quod peccata in Deum commissa, loquendo in generali, sint multo enormiora et difficiliora remissibilia, quam peccata in proximum, secundum quem modum in Ecclesiastico habetur: Homo homini servat iram, et a Deo querit medelam? Quis exorabit pro delictis illius? Joannes quoque in prima sua Canonica: Est, inquit, peccatum ad mortem; non dico ut pro illo roget quis. Sic et Salvator in Evangelio: Blasphemia, ait, Spiritus non remittetur in hoc sæculo neque in futuro. Porro peccata in Deum, sunt proprie quæ sunt contra tria prima præcepta; peccata in proximum, quæ sunt contra alia septem. Et quamvis loquendo in genere, peccata in Deum, sint graviora, nihilo minus in speciali, quædam peccata in proximum, graviora sunt quibusdam peccatis in Deum: ut homicidium gravius est, quam violatio sabbati sive perjurium: nam et peccata in proximum, sunt contra Dei præcepta.

Et non audierunt vocem patris sui auribus cordis, id est, increpationi et jussioni sui patris non acquieverunt, quia obdurati erant consuetudine vitiosa; quia voluit Dominus occidere eos. Si hoc ita est, videtur quod excusabiles erant, et quod Deo sit imputanda eorum perditio: non enim poterant voluntati Dei resistere, neque hanc immutare. Præterea, teste Apostolo, Deus vult omnes homines salvos fieri, et ad agnitionem veritatis venire. Propter quod in secunda sua Canonica beatissimus Archiapostolus contestatur: Non

1 Tim. ii, 4.

II Petr. iii, 9.

A tardat Dominus promissum, sed patienter agit propter vos, nolens aliquos perire, sed omnes ad pœnitentiam reverti. Unde et per Ezechielem locutus est: Numquid voluntatis meæ est mors impii, dicit Dominus, et non, ut convertatur a viis suis, et vivat? Verum ad omnia ista, secundum Damascenum, est una responsio, quod scilicet Deus voluntate antecedente vult omnes salvari, impiosque converti, videlicet considerando eos ut homines sunt; non autem voluntate consequente, quia pensando quosdam ut reprobos et iniquos, vult eos damnari, et interdum temporaliter perimi. Hi ergo non obtemperaverunt suo patri, quia Dominus voluit eos occidere, in quantum erant tam vitiosi: propter quod gratiam, sine qua nemo convertitur, eis juste abstraxit. Verumtamen non fuerunt necessitati ad vitia, quia remansit in eis libertas arbitrii. Et si fecissent quod erat in eis, non fuissent a Deo relictii. Ideo eorum damnatio non est Deo imputanda. Et quoniam Deus præcognovit filios Heli per temporalem pœnam non convertendos, voluit eos etiam morte infernali occidere.

Puer autem Samuel proficiebat atque crescebat, et placebat tam Deo quam hominibus: quia per dona naturæ et munera gratiæ, fuit valde amabilis, affabilis, humilis, caritativus, suavis et exemplaris in cunctis. Sic et de Moyse scriptum est in Ecclesiastico: Dilectus Deo et hominibus Moyses. Sed objici potest illud Psalmistæ, Quoniam Deus dissipavit ossa eorum qui hominibus placent; et quod ait Apostolus ad Galatas, Si hominibus placerem, Christi servus non essem. Et respondendum, quod scriptura hæc loquitur de hominibus bonis et virtuosis, aut saltem bonæ inclinationis, de quibus rursus idem fatetur Apostolus, Ego per omnia omnibus placeo; non autem de perversis et induratis hominibus, de quibus ait Scriptura, Abominantur impii virum justum.

Ezech. xviii, 23.

Eccli. xlv, 1.

Ps. lvi, 6.

Galat. i, 10.

1 Cor. x, 33.

Prov. xxix, 27.

Venit autem vir Dei ad Heli. Quis fuerit iste vir Dei, nescitur; et quidam Judæi de hoc diversimode fabulantur. Nam ali-

qui dicunt, quod fuerit Phinees, quem constat jamdudum obisse. Sed dixerunt quidam Hebræi, quod fuit resuscitatus, vel idem in alio corpore : quæ omnia sunt incerta aut falsa. Alii dixerunt, quod fuit Elias, quem constat tunc nondum fuisse natum, nisi quod quidam stulti Hebræi affirmant etiam Eliam fuisse in alio corpore Phinees ipsum. Alii dixerunt, quod fuit angelus in specie viri. Quidam vero, quod fuit Eleana pater Samuelis. Sed juxta litteram verius reor, quod fuit aliquis Propheta existens tunc temporis, qui saltem hac vice tactus fuit gratia prophetali, sicut et in libro Judicum legitur Dominus misisse virum prophetam ad filios Israel increpandos. Nec puto, quod vir iste fuerit Eleana : quia jam multa sunt nominatim de eo relata, cur ergo et istud opus præclarius ceteris, non esset nominatim de eo conscriptum ? *Et ait ad eum : Numquid non aperte revelatus sum domui patris tui, imo manifeste apparui Aaron patri tuo et domesticis ejus, quum esset in Ægypto ?* quod secundum Hieronymum fuit, quando Dominus jussit Aaron ut iret in occursum Moysi, ut legitur in Exodo : quod Dominus per angelum creditur Aaron præcepisse. Et quamvis Dominus forsitan non apparuit ita domui Aaron, tamen ipse Aaron poterat domui suæ significare apparitionem et jussionem sibi factas a Domino. Dicuntque aliqui, quod Deus tunc revelavit ipsi Aaron, quod futurus erat summus sacerdos. Hoc tamen in textu isto non exprimitur evidenter. Quod vero subjungitur, *in domo Pharaonis*, exponi potest, quoniam terra habitationis Hebræorum ad Pharaonem pertinuit.

Et elegi eum ex omnibus tribubus Israel mihi in sacerdotem, imo et in pontificem præ ceteris universis. Electio Dei æterna est, sed per exteriora quædam signa manifestatur interdum in tempore. Sicque in Exodo describitur, quando et qualiter Deus revelavit Moysi in monte Sinai, quod applicaret ad se Aaron et filios ejus, ut sacerdotio fungerentur, et Aaron pontifica-

tu. Deinde in Numeris recitatur, qualiter idem ostenderit Dominus per virgæ Aaron floritionem. Josephus vero ait, quod etiam parentibus Aaron et Moysis Deus in Ægypto revelavit in somno, quod generaturi essent filium, qui filios Israel educeret de Ægypto. Tunc quoque revelavit eis de sacerdotio et pontificio Aaron. *Ut ascenderet ad altare meum, et adoleret mihi incensum, et portaret ephod pontificale, scilicet superhumerales, coram me ; et dedi domui patris tui, id est sacerdotibus Aaronitis, omnia de sacrificiis filiorum Israel*, id est quasdam partes de sacrificiis universis, præsertim pacificis seu salutaribus, quæ offerebantur pro pace ad eum sive ad homines danda aut conservanda, seu pro salute data, danda, aut conservanda ; et quando fiebant pro salute aut pace data, dicebantur sacrificia gratiarum actionis. De his itaque sacrificiis armus dexter et petus cedebant in usum sacerdotis offerentis ; similiter pellis. Porro adeps et duo renes atque renunculi, adolebantur seu incendebantur Domino super altare holocausti. In hostiis autem pro peccatis, plura pertinebant ad sacerdotes, quia ex eis nil cessit in usum offerentium ea pro suis peccatis. Sed quando pro totius populi peccato fiebat oblatio, totum, etiam pellis, comburebatur.

Quare calce, id est aspernanter et insolenter, sicut quod calce repellitur, *abjecisti victimam meam*, id est sacrificia mihi offerenda, non permittendo ut legitime immolentur, *et munera mea*, id est hostias spontaneas, quæ ultra debitum ex devotione offeruntur ? Vel, *Munera mea*, quia hæc ipsa quæ mihi offeruntur, sunt dona et beneficia mea vobis a me collata, quemadmodum primo libro Paralipomenon David loquitur Deo : *Tua sunt omnia, et quæ de manu tua acceperimus, dedimus tibi. Quæ præcepi ut offerrentur in templo*, id est in atrio tabernaculi, in quo atrio stetit altare holocausti. Quamvis enim immolarentur spontaneæ, tamen locus fuit determinatus ex lege. *Et magis honorasti filios*

Num. xvii, 8.

Lev. vii, 32-34, et 8.

1 Par. xxix, 14.

Judic. vi, 8-10.

Exod. iv, 27.

Ibid. xxviii, 1 et seq.

tuos, quam me : quia permisisti eos impune mea violare praecepta in punctis praetactis, et partes sacrificiorum sacerdotibus deputatas voluisti eis dari ; ea vero quae mihi offerenda erant, non fecisti mihi offerri. Quamvis etenim Heli filios suos increpavit, non tamen ita districte, ut tenebatur, seu ut enormitas criminum eorum exegit. Ideo Glossa ait ex verbis Hieronymi : Coereuit et corripuit eos, sed lenitate seu mansuetudine paterna, non severitate et auctoritate pontificali. Ideo in iniquitate filiorum suorum damnatus est, videlicet in quantum ei iuste imputabatur, quia non restitit eis, nec increpavit et castigavit ut debuit. Sicque etiam pro propria culpa punitus est, quia neglexit debitum sui implere officii. *Ut comederetis primitias omnis sacrificii Israel populi mei*, id est, praecipuas partes sacrificiorum adhuc crudas assumeretis, faceretisque eas vobis laute et seorsum coqui contra legis praeceptum : quod filii Heli fecerunt juxta praehabita, et patri eorum imputatur, quia non debite impedivit.

Propterea ait Dominus Deus Israel : Loquens locutus sum, ut domus tua, id est tu ipse et filii tui, *et domus patris tui*, id est cognatio Aaron, de cujus semine natus es, *ministraret in conspectu meo*, sacerdotale et etiam pontificale officium exsequendo in templo, *usque in sempiternum*, id est per omne tempus veteris Testamenti. Istud de summi sacerdotis officio potissimum dicitur. Quæritur ergo, ubi vel quando locutus sit Dominus, quod domus Heliungeretur sacerdotio summo. Et apparet quod nullibi. Praeceperat enim Dominus in Exodo et libro Numerorum, ut Aaron pontifex, et post eum primogenitus ejus Eleazar, sicque deinceps, pontifices essent. Heli autem non fuit de stirpe Eleazari, sed ipsius Ithamar. Respondendum, quod in casu summum sacerdotium poterat et debebat devolvi ad filios Ithamar, et ita tunc factum est, et creditur id contigisse propter peccata posterorum Eleazari, qui in executione pontificii sui valde negligentes fu-

erant. Ideo, sicut hic legitur, Dominus dixit quod summum sacerdotium transferretur ab eis ad Heli filium Ithamar : et forte per aliquem Prophetam praenuntiavit hoc tunc, quamvis scriptum non sit. Non enim omnia scripta sunt.

Nunc autem dicit Dominus : Absit hoc a me, id est, exigente justitia mea, non implebo illam promissionem, quae sub conditione fuit intelligenda, utpote nisi peccando enormiter, obicem poneretis, sicut nunc posuistis. *Sed quicumque glorificaverit me*, mihi cum debita fidelitate et reverentia serviendo, *glorificabo eum* premio copioso. *Qui autem contemnunt me*, id est, scienter et ex habitu pravo peccant, praesertim qui incorrigibiles sunt, et suis abutuntur officiis, *erunt ignobiles*, id est, confusibiliter disperibunt : et ipsa eorum iniquitas est ignobilitas maxima. Et interdum fit istud in vita praesenti, quamvis non semper : quia frequenter impii prosperantur et florent in saeculo isto, justi vero e contrario adversitatibus affliguntur. Dominus tamen ad litteram loquebatur potissimum de sacerdotibus illis legalibus, qui bene agendo, honorabantur in vita praesenti, Deo sic disponente.

Ecce dies veniunt, et praecidam brachium tuum, id est, potestatem et auctoritatem pontificalem tollam a te ac posteris tuis, *et brachium domus patris tui*, id est, tuam cognationem a patre tuo seu avo aut proavo procreatam, auferam de hac vita in juventute eorum. Ideo subditur : *ut non sit senex in domo tua*, id est in sobole tua atque domesticis. Translatio ista pontificii a domo Heli ad posteritatem Eleazari, facta est tempore Salomonis, qui Abiathar pontificem natum de Heli ejecit a pontificio, et tradidit illud Sadoc ex Eleazaro nato : sicque summum sacerdotium fuit reductum ad priorem originem. *Et videbis amulum tuum in templo in universis prosperis Israel* : quoniam sub Salomone fuit mira prosperitas in Israelitico populo, et ingens honor pontificis, et hoc Heli vidit, et invidit, non personaliter, sed in sobole

Exod.
xxviii, 1 ;
Num. xx,
25, 26.

III Reg. ii,
27, 35.

sua : quia Abiathar et filii ejus de sua A
dejectione et ipsius Sadoe promotione dole-
bant, invidiamque habebant nonnunquam,
aut quidam eorum. *Et non erit senex in
domo tua omnibus diebus.* Hoc verificatum
est per interfectionem filiorum Heli in ju-
ventute eorum : per occisionem etiam sa-
cerdotum quos Saul impie trucidavit, qui
magna ex parte fuerunt de Heli et Ithamar.
*Veruntamen non auferam virum penitus
ex te ab altari meo,* id est, aliqui postero-
rum tuorum erunt in officio sacerdotum
minorum : in quo et Abiathar post suam B
dejectionem a pontificio mansit; *sed ut
deficiant oculi tui et tabescat anima tua :*
id est, hoc ipsum quod aliqui posterorum
tuorum erunt in sacerdotali officio, erit
ad afflictionem et desolationem ipsorum,
quantum ad hoc quod videbunt se ita hu-
miliatos et subditos his, quibus patres eo-
rum aliquando præfuerunt; *et magna pars
domus tuæ morietur, quum ad virilem
etatem venerit :* quod in sacerdotibus No-
be occisis a Saul videtur impletum. *Hoc
autem erit tibi signum, quod venturum C
est duobus filiis tuis Ophni et Phinees : In
die una morientur ambo,* id est, per hoc
scies vera esse quæ dixi, quod duo filii tui
eodem die interficientur. Quasi dicat : De
propinquo do tibi signum, quoniam te se-
ne adhuc vivente, percipies eos ambos pa-
riter interisse.

*Et suscitabo mihi sacerdotem fidelem,
qui juxta cor meum et animam meam
faciet,* id est, vivet, et suum implebit of-
ficiū secundum meam voluntatem et in-
tentionem. Loquitur autem Deus metapho-
rice de se, quasi de homine, dicendo, Juxta
animam meam, quum ipse in sua natura
sit simplicissima mens. *Et edificabo ei do-
mum fidelem,* id est, bonam et stabilem
posteritatem ei concedam. Quidam expo-
nunt ista de Christo, qui est sacerdos in
æternum secundum ordinem Melchisedech,
cujus posteritas fuerunt sancti Apostoli et
ceteri electi sacerdotes ac præsules evan-

gelicæ legis. Cui expositioni non videtur
consonare quod subditur : *et ambulabit co-
ram Christo meo cunctis diebus.* Ideo alii
exponunt ista de Sadoe pontifice justo, qui
coram Salomone est fideliter conversatus
plurimis annis. *Futurum est autem ut qui-
cumque remanserit in domo tua, veniat ut
oretur pro eo,* id est, templum seu atrium
ejus ingrediatur, non jam ad sacrifican-
dum et orandum pro aliis, ut moris ac ju-
ris est sacerdotum, sed magis ad rogandum
ut sacerdotes orent pro ipso, eisque offe-
rat aliquid, quatenus deprecentur pro ip-
so. Ideo subditur : *et offerat nummum ar-
genteum et tortam panis, dicatque alicui
sacerdotum : Dimitte me, obsecro, ad unam
partem sacerdotalem,* id est, ad vescendum
de aliqua portione hostiæ Deo oblatae, ad
esum sacerdotum spectante, *ut comedam
buccellam panis,* id est, modicum quid
manducem. Potest quoque istud exponi de
sacerdotibus inferioribus ex Heli descen-
dentibus, qui ad pontificem habebant re-
currere et aliquid ei offerre, ut oraret pro
ipsis.

Præterea quæritur, cur tanta ultio per
tot generationes inflata est posteris Heli
propter peccatum ipsius, quum alibi Do-
minus sæpius protestetur, se visitaturum
peccata patrum in filios usque in tertiam
et quartam generationem. Respondetur,
quod pœnæ corporales vitæ præsentis, sunt
medicinales, et ordinantur a Deo in bonum
animæ patientium eas : idcirco non adver-
satur justitiæ, quod proles pro peccato pa-
rentis talia sustinet. Illi etiam posteri aliun-
de culpabiles erant : propter quod majora
perpeti meruerunt, nec eis debebatur di-
gnitas pontificalis ex lege aut jure suc-
cessionis. Nam et ipsum Abiathar eiecit
Salomon a pontificatu propter propriam
ipsius Abiathar culpam, propter quam di-
xit ad ipsum, Filius mortis es. In talibus
quoque casibus parentes puniuntur in pœ-
nis et adversitatibus sobolis suæ, Deo sic
ordinante.

III Reg. i,
passim ; ii,
35.

I Reg. xxii,
18.

III Reg. ii,
26 ; iv, 4.

I Reg. xxii,
18.

Exod. xx,
5 ; Num. xiv,
18.

Ps. cix, 4.

III Reg. ii,
26.

ARTICULUS VI

DE MYSTICO SENSU RESIDUE PARTIS HUIUS SECUNDI CAPITULI.

E*T abiit Eleana in domum suam.* Quum Eleana iste vir Levites et virtuosus, complisset in tabernaculo Domini suum obsequium, et Anna uxor ipsius, pariter redierunt in sua. Per quod significatur, quod sacerdotes, pastores, praelati et praedicatores verbi Dei, mox ut in ecclesiis, et circa subditos seu proximos suum compleverunt officium, debeant evagationes et fabulationes vitare, atque ad loca intrare secreta, ut ibi conscientiae suae domum seu interiora cordis sui discutiant et emendent, Deoque vacent, quatenus orando et B meditando, seque devotionaliter exercendo, obtineant illuminationem tam copiosam, et fervorem tam validum a Spiritu Sancto, quod rursus tempore opportuno queant alios magis idonee informare, purificare, accendere.

Porro filii Heli, filii Belial, nescientes Dominum neque officium sacerdotum ad populum. Per impios illos sacerdotes, intimoratos, avaros, adulteros, designantur nunc universi sacerdotes et clerici, religiosi atque canonici, qui amplius quaerunt C commoda sua et oblectamenta immunda, promotionesque proprias, quam Dei honorem et animarum salutem; et ecclesiastica bona, oblationes fidelium, et quae Domino offeruntur, expendunt carnaliter aut superbe, et avaritiae student: sicque sub professione, nomine et habitu spiritualitatis, cor gerunt repletum vanitatibus mundi aut vitiis carnis. Idcirco sunt filii Belial, membra et servi diaboli, satellites dæmoniorum, quibus inestimabilis ira propinquat, et intoleranda damnatio proxima D est, quia peccata eorum sunt coram Deo grandia nimis: nam et populum Dei enormiter scandalizant, ac bonis ecclesiae quae

consumunt, sunt prorsus indigni. Et quidam eorum sunt adeo intimorati ac vitiosi, quod ea quae pro reparatione ecclesiae ac necessariis in divino officio aut condecenti ornatu basilicae offeruntur, in suos redigunt usus, ne dicam, in usus scortorum et filiorum suorum. Quid dicturi sunt impii et infelicissimi isti, quum divino tribunali fuerint praesentati? Resipiscant ergo et erubescant, et dignos poenitentiae agant fructus, et Samuelis imitentur virtutes, qui ephod lineo fuit accinctus, per quod mortificatio carnis, puritas cordis, exemplaritas operis figurantur, quibus ministros Ecclesiae decorari oportet. Nempe ut asserit Glossa: Qui Deo ministrare desiderat, necesse est ut caste et sobrie vivat, praesertim quum cunctis fidelibus jubeat Christus: Videte ne graventur corda vestra crapula vel ebrietate. Sed, proh dolor! multi cum filiis Heli quaerunt non solum sufficientia, sed et superabundantia et delicatiora, et incontinentiae praebent incitamenta.

Et tunicam parvam faciebat ei mater sua. Tunica parva, est humilis vita, quam mater Ecclesia parat ac docet filios suos, quatenus opera sua, quantumlibet magna, in humilitate custodiant, parvipendant; et quidquid boni in eis est, Deo semper attribuant: sicque juxta Judae apostoli documentum, odiant eam quae carnalis est, maculatam tunicam. *Et benedixit Heli Eleanae et uxori ejus, dixitque: Reddat tibi Dominus semen de muliere hac pro fœnore quod commodasti Domino.* Sic boni praelati, religiosorumque patres, benedicere debent saecularibus, qui sobolem suam offerunt Deo in locis devotis: in quibus dum proles oblata seu sponte ingressa, bene se habet, gaudium parit superioribus suis,

II Tim. ii,
26.
Matth. iii,
8.

Tit. ii, 12.

Luc. xxi, 34.

Judæ 23.

quorum benedictione et oratione, imo et A meritis ac precibus prolis laudabiliter conversantis. Deus frequenter etiam in temporalibus benedicit parentibus, et eos mente fecundat ac corpore. Verum sunt aliqui Deo ingrati ac infideles, qui filios suos aut filias a religionis ingressu spiritualive conversatione, toto posse avertunt; et quod Deus eis gratiose concessit, malitiose abstrahunt Deo. Quod si aliquem ex fructu uteri sui habuerint mundo ineptum, hunc deputant Deo, cui non viliora, sed præstantiora sunt offerenda.

Et Heli audivit omnia quæ faciebant filii sui universo Israeli. Per hunc Heli, qui (quantum ad se) videtur fuisse vir mitis et pius, intelliguntur negligentes prælati et patres, imo et universi qui circa impletionem præcepti fraternæ correptionis sunt remissi ac tardi, præsertim qui subditos suos debite increpare ac castigare non satagunt: propter quod omnia subditorum vitia redundant in ipsos, et damnantur ac puniuntur pro ipsis. Ideo periculosum est præsidere, et curam accipere C animarum. Atque, ut asserit Origenes, Bonum est non prosilire ad ecclesiasticas dignitates. Unde et Chrysostomus: Quis est, inquit, qui cupit præesse, nisi qui non timet iudicium Dei? Ecce Heli filiis suis increpatorie est locutus: Quare facitis res hujusemodi, res pessimas? Et tamen tanquam transgressor præcepti paternæ ac fraternæ correptionis, reprobatur a Domino, improperturque ei quod magis honoraverit filios suos quam Deum. Constat ergo quod juxta gravitatem et scandalositatem culparum eorum qui peccant, dire et acriter sint a superioribus suis reprehendendi ac puniendi et reprimendi. Quid ergo damnationis imminet his, et quam detestabiles sunt coram Altissimo, qui debitum suæ prælationis et præceptum cor-

reptionis in subditis suis non implent, in tantum, ut nec molliter quidem seu remisse corripiant delinquentes, vel personarum sint acceptores, unum palpando præ alio? O quam variis modis communicant hi peccatis alienis! Insuper, quam multi præsules et archidiaconi ac decani audiunt his diebus, qualiter filii, id est subditi eorum presbyteri, canonici, seu in sacris Ordinibus constituti, dormiunt cum mulieribus conjugatis ac aliis, imo et Sponso cœlesti consecratis; nec tamen, ut tenentur, corripunt, sed pœna pecuniaria contentantur, nec luera quærent animarum, sed suarum impletionem bursarum! Aut, quod sceleratissimum est, hæc ipsa facinora quæ in aliis corripere et corrigere obligantur, exercent etiam publice, et magis quam subditi, et transgredi permittunt ac faciunt populum Dei. Hi maledicti non solum privantur divinis promissis, quæ bonis sacerdotibus ac prælatis idoneis facta sunt et parata: sed cum Heli incurrunt comminationes atque punitiones multiplices ac pavendas a Iudice adorando, in cujus manus Hebr. x, 31. incidere est horrendum; qui glorificantes se, gloriose exaltat; et eos a quibus contemnitur, qui filios suos aut proximos magis honorant, amant, aut timent, quam Deum, horribiliter confutabit.

Accendamus igitur zelo justitiæ et Deitatis fervore in primis contra nos ipsos, et contra vitia nostra et negligentias proprias, detestando, puniendo et vitando ea quotidie cum debita seriositate; deinde adversus peccata et vitia proximorum, potissime subditorum et domesticorum nostrorum: et quos magis diligimus, reprehendamus instantius; nec ex timore offendendi homines, aut desiderio complacendi hominibus, omittat quis quæ Deus requirit. Alioqui judicabitur plus honorare homines, quam hominum Creatorem.

ARTICULUS VII

EXPOSITIO LITTERALIS CAPITULI TERTII : PUER AUTEM SAMUEL MINISTRABAT
DOMINO CORAM HELI.

RECITATUR hic, qualiter præscripta A
inrepatio et reprobatio Heli pontifi-
eis, etiam manifestata sit Samueli, et per
Samuelem pontifici; promotio quoque Sa-
muelis ad gratiam prophetalem. *Puer au-*
tem Samuel ministrabat Domino coram
Heli, et sermo Domini erat pretiosus, id
est, difficulter obtineri poterat divina seu
prophetalis responsio ad interrogata ac du-
bia. Pauci quoque tunc erant qui populum
salubriter informabant. *In diebus illis non*
erat visio manifesta : quia etsi alieni fie-
bat revelatio prophetica, sicut in præce-
denti capitulo dictum est de viro Dei misso
ad Heli, hoc tunc raro et secrete fiebat.
Omne autem rarum, est pretiosum, dum-
modo sit appetibile. Circa hæc scribit Ly-
ra : Propter malitiam filiorum Heli, et
negligentiam patris eorum in corrigendo,
cessaverunt revelationes et responsiones
Domini. Unde in Hebræo habetur : Sermo
Domini erat prohibitus et obturatus. Con-
tra quæ objici potest, quia (ut dicunt Tho-
mas et alii) quamvis interdum puniat Deus
unum pro peccato alterius in temporalibus,
non tamen in spiritualibus. Denique
temporibus Manassæ, Amon, et filiorum
Josiaë, erat multo major iniquitas sacerdo-
tum, imo et populi, quam tempore isto
Heli : et tamen tunc erant multi et magni
Prophetæ, et visiones apertæ, ut patebit
infra libro quarto, et secundo Paralipo-
menon, atque frequenter in Jeremia. As-
seritque Rabbi Paulus, dictionem illam
Hebraicam, pro qua Hieronymus transtu-
lit, Pretiosus, non significare nisi pretio-
sum. Itaque juxta doctrinam Augustini li-
bro de Civitate Dei, videtur dicendum, quod
apud æternam et infinitam sapientiam Cre-

atoris, invariabiliter ac sapientissime est
decretum ac definitum, quando et ubi ac
qualiter miracula et ceteri miraculosi ef-
fectus contingant. Sic quoque de prophe-
ticis visionibus est tenendum.

Factum est ergo in die quadam, Heli
jacebat in loco suo, id est in lecto seu tha-
lamo juxta tabernaculum, ad dormiendum,
et oculi ejus caligaverant, præ senectute,
ex organi indispositione. Alioqui si organum
visus in sene esset dispositum sicut in ju-
vene, tam clare videret senex ut juvenis,
ut ait Philosophus. *Nec poterat videre lu-*
cernam Dei, antequam exstingeretur. Hoc
aliqui sic exponunt, quod non poterat vide-
re in die, quando lucerna tabernaculi erat
exstincta. Alii sic : Non poterat videre an-
te diem, quando lucerna exstinguebatur.
Quæ expositiones obscuræ sunt, et extortæ
videntur. Quidam ergo magis ad litteram
et clarius sic exponunt, quod non vale-
bat videre lucernam adhuc ardentem seu
lucentem, propter visus sui debilitatem,
quemadmodum vespertilio lucem diei pati
non potest. Sed huic expositioni quoque
objicitur, quod nemo tam debilem habet
visum, nec ita cæcutiens est, quin clarius
videat lucernam ardentem quam exstin-
ctam. Hinc secundum Magistrum in histo-
riis, Hebræi distinguunt et punctuant ita :
Non poterat videre ; deinde subjungunt
secundum Hebraicam veritatem, Lucerna
Domini nondum exstinguebatur : sicque
congruenter subjungitur, Samuel autem
dormiebat. His concordat quod libro de He-
braicis quæstionibus dicitur. Et idem ap-
probat Lyra, additque : Translatio nostra
videtur hoc loco corrupta per imperitiam
correctorum, qui duos versus conjunxe-

runt in unum, sicut in aliis pluribus locis A est factum : ideo consequenter posuerunt hic Lucernam in accusativo, pro Lucerna in nominativo. Unde apparet, quod veritas nostræ translationis a principio fuit hæc, Non poterat videre : ita quod versus hic terminatur. Et sequitur : Lucerna Domini antequam exstingueretur, Samuel dormiebat, hoc est, antequam lucerna Domini exstinguebatur, puta in nocte, Samuel dormiebat.

Exod. XXV,
37; Lev.
XXIV, 3.

Verumtamen quia non videtur quod talis corruptio possit de facili generaliter B fieri, reor dicendum, quod textus sicut jacet, potest convenienter salvari : pro quo primo pensandum, quod in tabernaculo erant septem lucernæ ardentes de nocte, quarum quatuor exstinguebantur de mane, quæ rursus de vespere accendebantur. Et istæ lucernæ erant lampades valde clare lucentes, absque intermedio rostro super candelabrum positæ : quæ omnia in Exodum exposita sunt. Insuper advertendum, quod dupliciter dicitur aliquis non posse videre lucernam ardentem seu lampadem. C Primo, quia nequaquam perceptivus est visualium specierum seu radiorum ipsius. Secundo, quia eam non potest inspicere absque sui visus pœna ac læsione. Juxta quem modum noctua nequit lumen solis videre. Dicendum ergo, quod Heli ita fuit cæutiens, quod absque notabili visus sui tormento, nequibat lampades illas ardentes et lucentes adspicere. Sicque communiter dicitur, quod homo non potest solem in rota suæ claritatis intueri. Et ita non poterat Heli videre lucernam Dei, hoc est D lampades illas ardentes, intelligendo plurale per singulare, antequam exstinguerentur : non quod postea viderit eas. Quemadmodum fertur apud Matthæum, quod Joseph non cognovit Mariam, donec peperit : non quod postea eam cognoverit. Vel forte extinctis lampadibus in ipso crepusculo vel aurora, melius et sanius vidit eas, quam in tanti luminis conglomeratione atque vigore.

Matth. 1,
25.

Samuel autem dormiebat in templo Do-

mini ubi erat arca Dei. Per templum Domini, intelligitur hic tabernaculum Moysis. Arca vero erat in Sancto sanctorum, in quo nemo dormivit, imo nec in exteriori tabernaculi parte. Ideirco dicitur Samuel in templo dormivisse, hoc est in quadam appendicia ejus, puta in thalamo juxta tabernaculum, in quo thalamo solus dormivit Heli; non tamen in lecto eodem. *Et vocavit Dominus Samuel.* Hoc Dominus fecit per ministerium angeli, qui (ut apparet) vocavit Samuelem dormientem, ita quod ex illa vocatione evigilavit : sicque videtur fuisse vocatio exterior, sicut et paulo post alloquebatur eum allocutione exteriori vocali, quanquam et interiori vocatione imaginaria potuerit eum usque ad expergefactionem vocasse. *Qui Samuel respondens, ait : Ecce ego paratus sum ad tuum præceptum. Et cucurrit ad Heli, et dixit : Ecce ego præsto sum. Vocasti enim me nunc.* Hoc Samuel æstimavit : ideo dixit falsum materialiter, non autem formaliter; imo formaliter dixit verum, quia sic dixit, ut sensit. *Qui dixit : Non vocavi te, fili, in hac hora. Revertere, et dormi. Et abiit, et dormivit.*

Et adjecit Dominus rursum vocare Samuelem. Consurgensque Samuel, abiit ad Heli, et dixit : Ecce ego, quia vocasti me. Qui respondit : Non vocavi te, fili mi. Revertere, et dormi. In quibus promptissima Samuelis obedientia commendatur, quia intempestæ noctis silentio toties et tam celeriter ac patienter surrexit et cucurrit ad Heli dominum suum, a quo se vocari putavit. Ex quo item elicitur, quod non jacuerunt remote ab invicem. Porro Samuel necdum sciebat Dominum, eo modo quo Prophetæ, id est, necdum cognoverat modum quo Dominus consuevit Prophetis apparere ac loqui, vel præ juventutē nondum habuit scientiam de Deo notabilem; neque revelatus fuerat ei sermo Domini, hoc est, allocutio prophetalis non fuit ei adhuc facta aut declarata. Dicit quoque Josephus, quod duodecimo suo anno cœpit propheticas visiones habere. *Et adjecit Do-*

minus, et vocavit adhuc Samuelem tertio. A Qui consurgens, abiit ad Heli, et ait: *Ecce ego, quia vocasti me. Intellexit ergo Heli, quia vocaret Dominus puerum. Heli namque innocentiam eminentemque gratiam Samuelis perpenderit, ideo præsupposuit eum vocari a spiritu bono. Et ait ad Samuelem: Vade et dormi; et si deinceps vocaverit te, dices: Loquere, Domine, quia audit servus tuus. Abiit ergo Samuel, et dormivit in loco suo.*

Et venit Dominus, id est angelus in Dei persona apparens, et loquens, et stetit, et B vocavit sicut vocaverat secundo, id est prius seu altera vice. Vel, Secundo, id est, bis expressit nomen Samuelis, ipsum vocando. Nam subditur: *Samuel, Samuel.* Quæ repetitio est signum dilectionis, vel excitatio attentionis, vel seriositatis et magnitudinis rei indicium. Porro, ut Josephus innuit, Dominus ter Samuelem vocavit, ad præfigurandum tres dignitates ipsius: quia ex hac hora est factus propheta, postea iudex, obtulit quoque sacrificium ut sacerdos, eo quod parvulus esset Ichabod filius C Phinees filii Heli. Verumtamen si præinducta rite pensentur, Dominus Samuelem quater vocavit. *Et ait Samuel: Loquere, Domine, quia audit servus tuus.* Circa hunc passum quidam scribit: Quemadmodum ars et natura procedunt de imperfecto ad perfectum, sic revelationes secundum processum temporis; quia Prophetæ posteriores, ad tempus Christi propinquant, habuerunt clariores prophetias de Christo, quam Prophetæ priores. Ad quod dico, quod istud in quibusdam sic fuit, sed non est D regulariter verum. Non enim Aggæus, Nahum, Habacuc, Joel, et similes eis, fuerunt magis illuminati de mysteriis Christi, quam David et Isaias, qui diu ante fuerunt; sed econverso, quum dicat Hieronymus, quod Isaias universa Christi atque Ecclesiæ mysteria, ita ad liquidum prosecutus est, ut potius evangelista quam propheta sit iudicandus.

Et dixit Dominus ad Samuelem: Ecce ego facio verbum in Israel, id est, cito fa-

ciam opus tam metuendum, et plagam seu ultionem tam grandem in Israelitico populo, quod quicumque audierit, tinnient ambæ aures ejus, id est, quicumque fidelium illud pereceperit ac bene perpenderit, vehementer mirabitur ac pavebit, instar ejus qui audit sonum tam ingentem, quod aures suæ tinniunt inde. Hoc impletum fuit in arcæ captivatione, et filiorum Heli ac populi Israel magna strage, ac ceteris quæ in sequenti scribuntur capitulo. In die illa suscitabo adversum Heli omnia, quæ I Reg. iv, 10 et seq.
locutus sum super domum ejus; incipiam et complebo. Prædixi enim ei, scilicet Heli pontifici per virum Dei, ut præcedenti Ibid. n. 27 et seq.
habetur capitulo, quod judicaturus essem domum ejus in æternum, id est, debite puniturus tam ipsum Heli, quam filios ejus ac posteritatem pœnis perpetuis, juxta expositionem capituli præcedentis, propter iniquitatem, id est congeriem magnam ac enormitatem iniquitatum ejus, eo quod noverat indigne agere filios suos, et non corripuerit eos tam rigore ut tenebatur, prout ista capitulo præcedenti exposita sunt. Idecirco juravi domui Heli, id est, irrevocabiler de ipsis definivi, quod non expietur iniquitas domus ejus victimis et muneribus usque in æternum, id est, quod eorum facinora nunquam dimittentur eis per quæcumque sacrificia legis, quantum ad pœnam vitæ præsentis: pœnitentibus tamen non præcludebatur via salutis, quantum ad remissionem culpæ ac pœnæ æternæ. Ecce quam terribiliter loquitur Dominus contra Heli, eo quod præceptum paternæ correctionis non adimplevit.

Dormivit autem Samuel usque mane, aperuitque ostia domus Domini. Et Samuel timebat indicare Heli pontifici visionem præfatam, propter ipsius terribilitatem, et propter ipsius Heli auctoritatem, atque ne nimis contristaretur senior ille. Vocavit ergo Heli Samuelem, et dixit: Samuel, fili mi? Qui respondens, ait: Præsto sum. Et interrogavit eum: Quis est sermo quem locutus est ad te Dominus? Oro te, ne ce-

laveris me. Hæc faciat tibi Dominus, et hæc addat, id est, taliter te castiget et gravius te affligat per temporalia quævis adversa, prout justitiæ suæ placuerit, *si absconderis a me sermonem ex omnibus verbis quæ dicta sunt tibi*. Dicunt quidam, quod ista fuit forma adjurandi quemcumque, solita apud Hebræos, et quod iste sit sensus : Faciat tibi Deus tot mala, quot fecit alicui homini, et adhuc plura. Sed videtur quod adjuratio ista sub tali sensu, fuisset illicita, quoniam imprecatio talis obviasset ac derogasset justitiæ. Non enim meruisset quis tanta incidere mala, propter hoc quod non impleisset hujusmodi, ad quæ per verba illa adjurabatur. Sicque adjuratio illa fuisset maledictio inhumana, quum tamen multi justiea usi legantur : ideo exponenda videtur sub quadam conditione implicita, sicut exposita est.

Indicavit itaque ei Samuel universos sermones, id est cuncta verba sibi contra domum Heli, et contra populum Israel revelata, et non abscondit ab eo. Et ille respondit : Dominus est, totius creaturæ factor, princeps et judex, a quo appellari non potest, et cui nullus potest aut debet resistere, quum ipse sit vere omnipotens, et prima mensura, causa ac regula totius justitiæ, sapientiæ ac virtutis : ideo quidquid dicat, bonum et sapientiale consistit. Hinc subditur : *Quod bonum est in oculis suis, faciat*, id est, quod sapientia sua dictaverit, impleat. Hinc in libro Sapientiæ legitur : Quis tibi, Domine, imputabit, si perierint nationes quas tu fecisti ? Nec enim est alius Deus quam tu, cui cura est de omnibus. Quum sis ergo justus, omnia juste disponis. Virtus enim tua, justitiæ initium est. Hinc sanctus Job dixit : Quis ego, ut contradicam sermonibus Sancti ? Ex hac tam patienti et humili responsione Heli eliciunt aliqui, quod acceptando super se et suos divinæ sententiæ æquitatem, meruit, mediante sua contritione, peccatorum suorum remissionem, et pro eis temporaliter est punitus, non æternaliter condem-

natus, quamvis et post hanc vitam etiam purgatorii tulerit pœnas : quod item ex his quæ in sequenti habentur capitulo, censetur probabile. Erat enim pavens pro area Dei magis, quam pro filiis suis tempore belli ; auditaque arcæ captione, ex nimio mœrore cecidit mortuus, quum tamen filiorum suorum occisione audita manserit sedens. Denique responsionem hanc Heli secutus est David, fugiens Absalonem. Porro verba sanctorum dicentium Heli damnatum, exponi possunt, quod æternam meruit damnationem filios suos non increpando condigne, et damnatus fuisset, nisi pœnituisset. Et rursus de condemnatione temporalis occisionis verificantur.

Crevit autem Samuel, et Dominus erat cum eo, et non cecidit ex omnibus verbis ejus in terram, id est, cuncta quæ prophetavit et docuit, erant vera, nec quidquam ex eis fuit frustratum aut suppeditatum. Sic et Job : Lux, inquit, vultus mei non cadebat in terram. Et cognovit universus Israel a Dan usque Bersabee, id est totus populus ille ab una terræ suæ extremitate usque ad aliam, quod fidelis Samuel propheta esset Domini. Et addidit Dominus ut appareret in Silo, id est, post præscriptam apparitionem adhuc sæpius apparuit Samueli in tabernaculo suo, quod erat in urbe Silo ; quoniam revelatus fuerat Dominus Samueli in Silo : id est, ex quo jam semel cœpit se ibi manifestare Samueli, prout Prophetis se manifestare consuevit variis modis, videlicet in somno atque vigilia, et per angelos sanctos ; hinc in eodem loco dignatus est Dominus prosequi revelationes suas ad Samuelem, *juxta verbum Domini*, id est secundum quod Dominus per Moysen in Deuteronomio prædixit se responsurum populo suo per Prophetas. Propter quod jussit : Non sit inter vos qui pythones consulat neque divinos, et quærat a mortuis veritatem. Hinc loquitur Isaias : Numquid non a Deo suo populus quæret veritatem ? Ad legem magis et ad Prophetas : et * secundum legis man-

Esther xiii,
9.

Sap. xii,
12, 13, 15,
16.

Job vi, 10.

II Reg. xv,
26 ; xvi, 10,
11.

Job xxiv,
21.

Deut. xviii,
11.

Is. viii, 19,
20.

* id est

data procedite, quærendo consilia et re- A sponsa, et ad Prophetas pro talibus confu- gialis. *Et evenit sermo Samuelis universo* A *Israeli*, id est, universis in generali et singulis interrogantibus eum, contigit quod eis prædixit.

ARTICULUS VIII

DE SPIRITUALI HUIUS CAPITULI TERTII INTELLECTU.

SERMO Domini erat pretiosus. Hoc est B quod ait in Evangelio Christus : Mes- sis multa, operarii autem pauci : nam etsi sint multi qui verbis abundant, pauci tamen inveniuntur, in quibus vita et mores verbis prædicationis concordent. Ideo sermo eorum contemnitur, nec dignus est sermo Domini appellari, quum potius sit locutio vanitatis et verbum cupiditatis, quam caritatis et rectæ intentionis : alie- qui in primis prædicarent sibimetipsis. De- nique, prædicandum est tempore opportu- no, et non nimis sæpe, nec nimis raro, ut C euncta moderetur discretio. Ideo super hunc locum ait Hieronymus : Prædicatio si rara est, non sufficit ; si assidua, vilescit. Prædicandum est itaque sæpe, sed non nimis continue, quum dicat Apostolus : Terra su- per se venientem sæpe bibens imbrem, ac- cipit benedictionem. Terra bibit imbrem, dum populus devote et avide audit ser- monem. Porro qui indiscreta assiduitate sermocinantur, figurantur per seminfluos qui erant secundum legem immundi. Ideo ait Scriptura : In auribus insipientium ne loquaris, quia despicient doctrinam eloquii tui. Itemque : Ubi non est auditus, non effundas sermonem.

In diebus illis non erat visio manifesta : quia dum negligens præest, illuminatio deest subjectis. Ideo ait Salomon : Quum impii sumpserint principatum, gemet po- pulus. *Heli jacebat in loco suo, et oculi ejus catigaverant.* Per Heli intelliguntur prælati remissi, inutiles, mala consuetudi- ne et vitiis inveterati, corde obtenebrati,

qui videre non queunt lucernam, id est Sapientiam Patris incarnatam, seu verba legis divinæ, quia non habent intellectum formatum ac bene dispositum. Etenim ani- malis homo non percipit ea quæ sunt Dei. Nec sapit eis Scriptura divina, quam vocat lucernam qui ait : Lucerna pedibus meis verbum tuum. Isti quoque non possunt vi- dere lucernam Dei, id est, divina præcep- ta attendere et implere recusant. Unde in Proverbiorum libro habetur : Mandatum, lucerna est ; et lex, lux ; et via vitæ, incre- patio disciplinæ.

Et vocavit Dominus Samuel. Quemad- modum Dominus per juvenem Samuelem redarguit senem Heli, ita quotidie quos- dam, qui vitam suam in negligentis et vitiis transegerunt, corripit Dominus per juniores devotos et fervidos. Quidam etiam in suæ conversionis exordio tantis gratiæ donis replentur, tamque strenue ac instan- ter proficiunt, quod seniores pigros cito præcedunt : quibus specialis humilitas ne- cessaria semper est, atque sollicite obser- vanda. Postremo pensemus in textu hujus capituli, quam prompte obediens, quam vi- gil et alacer, quam docilis ac dirigibilis fu- erit Samuel in adolescentia sua, qui tam cito ac sæpe in ipsa nocte cucurrit ad Heli, et ei in cunctis mox paruit. Quod si alicui fuerit aliquid specialis devotionis, illumi- nationis aut visionis superne concessum, nequaquam incaute et sine legitima ratio- ne id prodatur, pensans quod loquitur Isaias, Secretum meum mihi, ne de cetero simili dono privetur.

ARTICULUS IX

ELUCIDATIO CAPITULI QUARTI : ET FACTUM EST, IN DIEBUS ILLIS CONVENERUNT PHILISTIIM.

A DIMPLETIO divinæ comminationis, in duobus præcedentibus capitulis positæ, hoc loco describitur. *Et factum est, in diebus illis convenerunt Philistiim in pugnam*, id est ad pugnandum contra filios Israel, qui a tempore Samsonis cœperunt se opponere Philistæis, quibus ante quadraginta annos servierant, ut in libro Judicum scriptum est. *Egressus est namque Israel obviam Philistiim in prælium, et castrametatus est Israel*, id est, filii Israel posuerunt acies suas atque tentoria, *juxta lapidem Adjutorii*, id est in campo circa saxum grande, quod (ut infra fertur) vocatum est lapis Adjutorii, propter causam ibi descriptam. Sicque juxta ordinem historię, istud dicitur per $\pi\rho\lambda\eta\psi\iota\nu$, id est anticipationem, quantum ad nomen loci istius; sed habendo respectum ad tempus quo ista conscripta sunt, non est anticipatio, quia tunc locus ille sic appellabatur. Porro *Philistiim venerunt in Aphec*, id est ad locum sic dictum, qui pertinebat ad urbem nomine Jezrael, *et instruxerunt aciem*, id est, exercitum suum ordinaverunt, *contra Israel*. Nam turba inordinate locata in prælio, non est nisi victima hostium, secundum Vegetium libro de Re militari. *Inito autem certamine, terga vertit Israel Philistæis, et cæsa sunt in illo certamine passim*, id est communiter, *per agros, quasi quatuor millia virorum ex Israel*. Nam et populus Israel multipliciter erat culpabilis, et sacrificia debita male persolvit.

Et reversus est populus ad castra, id est ad tentoria sua: quod tam de Israelitis, quam de Philistæis accipi potest. *Dixeruntque majores natu de Israel*, id est nobiliores et duces exercitus seu principes

tribuum, quibus incumberebat cura boni communis: *Quare percussit nos Dominus hodie coram Philistiim?* hoc est, cur permisit nos suos cultores percuti, et quosdam nostrum occidi ab idololatræ istis incircumcisis? Et in his verbis insinuaverunt, hostes suos nil potuisse, nisi potestate eis a Deo concessa, quod omnium bellorum moderator sit Dominus, dans triumphum quibus voluerit, propter causas suæ sapientiæ notas. Sic ergo quasi admirando locuti sunt, Cur percussit nos Dominus? Et habita inter se collatione, putaverunt, quod propter absentiam arcæ id contigisset. Nam in desiccatione Jordanis et vastatione Jericho, arca fuit ante populum deportata, ut patet in libro Josue. Tamen in circuitione Jericho, portabatur inter bellatores et vulgus. Hinc subdunt: *Afferamus ad nos de Silo arcam fœderis Domini* per Levitas seu sacerdotes. In Numerorum etenim libro habetur, quod portanda erat per Levitas. Præfatis tamen Josue capitulis, legitur portata per sacerdotes. *Et veniat in medio nostri, ut salvet nos de manu inimicorum nostrorum.*

Misit ergo populus quosdam Levitas et sacerdotes in Silo, et tulerunt inde arcam fœderis Domini exercituum: quæ dicebatur arca fœderis Domini, quia in ea continebantur tabulæ testamenti, per quod Dominus iniit pactum et fœdus percussit cum Israel; *sedentis super Cherubim*. In libro Exodi describitur, quod propitiatorium fuit sedes Dei in Sancto sanctorum. Cur ergo dicitur Deus sedens super Cherubim, et non potius super propitiatorium? Respondetur quod ideo, quia secundum unam expositionem, quæ per verba hæc confirmari videtur, propitiatorium illud erat quædam

Judic. xiii, 1.

1 Reg. vii, 12.

Josue iii, 6, 14; iv, 11.

Ibid. vi, 13.

Num. iv, passim.

Josue iii, 6; vi, 6.

Exod. xxv, 22.

aurea mensa seu tabula super arcam levata, et in suis extremitatibus sustentata per Cherubim duos, inter quos media fuit tabula illa, propter quod et super Cherubim fertur Dominus sedens; et quia ibidem gloria Domini interdum apparere solebat:

Ps. LXXIX, 2.

ideo quoque in Psalmo cantatur, Qui sedes super Cherubim. Denique Cherubim plenitudo scientiæ interpretatur. Dicitur ergo Dominus super Cherubim residere, quoniam omnium intellectualium substantiarum intellectum, capacitatem, scientiamque transcendit. *Erantque duo filii Heli cum arca fœderis Domini, Ophni et Phinees*, tanquam principales arcae custodes, et Phinees primogenitus Heli fungebatur officio sui patris in multis, qui et filiis suis præcepit, ne sine arca redirent ad se: propter quod timuerunt et aerius pugnaverunt, ut in Scholastica recitatur historia.

Quumque venisset arca fœderis Domini in castra, vociferatus est omnis Israel vo-

* clamore ce * grandi præ gaudio, et ex spe prævalendi propter dignitatem et reverentiam arcae præsentis, de cuius adventu Deo re- gratiabantur. Et forsitan ad ineutiendum timorem adversariis, etiam sic clamabant. *Et personuit terra, et audierunt Philistiim vocem clamoris, dixeruntque: Quænam est hæc vox clamoris magni*, id est tam alti et gaudiosi, *in castris Hebræorum? Et cognoverunt quod arca Domini venisset in castra*. Unde hoc cognoverunt Philistæi? et quid ipsi sciverunt loqui de arca? Respondendum, quod inter Philistæos sæpe habitaverunt quidam Hebræi, et aliqui Philistæi multa audierunt ab Hebræis de Deo et lege eorum, et de efficacia ac sanctimonia arcae, ideo suspicabantur arcam venisse.

Timueruntque Philistiim, dicentes: Venit Deus in castra, id est, Deus Hebræorum venit ad eos ad auxiliandum. *Et ingemuerunt, dicentes: Vae nobis. Non enim fuit tanta exsultatio heri et nudiustertius: vae nobis. Quis nos servabit*, id est eripiet, *de manu Deorum sublimium istorum? Cur pluraliter aiunt, Deorum, quum scire potuerint filios Israel unum solum colere*

A Deum? Dici potest, quod utebantur plurali pro singulari. Vel opinabantur, filios Israel cum summo Deo suo etiam quosdam alios colere deos, sicut et sæpe fecerunt inique. *Illi sunt Dii qui percusserunt Aegyptum omni plaga in deserto*, id est, finali et consummata plaga percusserunt Aegyptios, eos mergendo in mari Rubro, quod per partem deserti Aegypti currebat, ut in Exodo legitur. Quasi dicant: Sicut Aegyptii victi sunt, ita et nos vincemur. Huic expositioni catholicorum, ut dicit quidam, non videtur consonare littera sequens, qua subditur, *Confortamini, et estote viri*, id est viriles, o Philistiim, ne serviatis Hebræis, sicut et illi servierunt nobis; sed dicendum, quod littera ista bene consonat præinductis. Non enim est inconueniens, quod idem exercitus ex quibusdam considerationibus formidavit, deinde ex aliis causis et considerationibus se invicem animavit et confortavit, sicut et idem homo primo veretur, deinde se consolatur: quemadmodum etiam libro primo Machabæorum de exercitu Jonathæ fertur, quod cognita comprehensione Jonathæ, de qua maxime doluerunt et territi erant, hortati sunt semetipsos, et exierunt parati in prælium. Imo de isto sunt in Scripturis multa exempla. Expositio quoque Hebræorum quam ponit, non videtur recitatione condigna. *Confortamini et bellate*.

Exod. XIV.

1 Mach. XII, 50.

Pugnaverunt ergo Philistiim, et cæsus est Israel, et fugit unusquisque de exercitu Israel, qui evadere potuit, in tabernaculum suum. Et facta est plaga magna nimis, et ceciderunt de Israel triginta millia peditum, et arca Dei capta est, duo quoque filii Heli mortui sunt. Currens autem vir de tribu Benjamin ex acie, quem (ut fertur) Hebræi dicunt fuisse Saul, dicentes, quod abstulit tabulas testamenti de manu Goliath Gethæi, quas ille ex arca accepit, et reportavit eas in Silo. Quod videtur ad Judaicas fabulas pertinere, quia et Saul tunc adolescens fuit, nec potuisset humana potentia tabulas abstulisse illi giganti. Si autem supernaturali virtute id egit, ea-

dem potuisset et arcam Philistæis auferre. *Venit in Silo in die illa, scissa veste et conspersus pulvere caput. Quumque ille venisset, Heli sedebat super sellam, id est cathedram, contra viam, quæ duxit ad locum certaminis, spectans, id est expectans, secundum quosdam, quia (ut dicunt Hebræi) jam cæcus fuit. Vel si adhuc erat cæcutiens, vidit illuc utcumque, cupiens scire exitum belli. Erat enim cor ejus parens pro arca Domini.* Nam propter comminationes sibi factas, valde expavit de exitu malo; præsertim, quia audierat filios suos una die casuros. *Vir autem ille postquam ingressus est, nuntiavit urbi. Et ululavit omnis civitas.*

1 Reg. II, 30
et seq.

Et audivit Heli sonitum clamoris, dixitque: Quis est hic sonitus tumultus hujus? At ille festinavit, et venit, et nuntiavit Heli. Heli autem erat nonaginta et octo annorum, et oculi ejus caligaverant, et videre non poterat. Et dixit ad Heli: Ego sum qui veni de pælio, et ego qui de acie fugi hodie. Cui ille ait: Quid factum est, fili mi? Respondens autem ille qui nuntiabat, Fugit, inquit, Israel coram Philistiim, et ruina magna facta est in populo. Insuper et duo filii tui mortui sunt, Ophni et Phinees, et arca Dei capta

est. Specialissime ergo timuit ne arca caperetur: quam quum captam audisset, cecidit retrorsum. Audita autem morte filiorum suorum ac plebis, quievit; sed arcae comprehensione audita, præ tristitia corruit. Unde videtur in eo affectus gratiæ et zelus Dei, pro tunc prævaluisse affectioni naturæ, amorique sobolis. Unde subditur: *Quumque ille nominasset arcam Domini, cecidit de sella retrorsum juxta ostium, et fractis cervicibus, mortuus est. Senex enim erat vir et grandævus, scilicet nonaginta octo annorum; et ipse judicavit Israel quadraginta annis.* Sicque videtur quinquaginta octo annorum fuisse, quando effectus est judex.

Nurus autem ejus, etc. Hic enarratur, qualiter uxor Phinees auditis tam mæstis rumoribus, subito peperit, et pariendo mox expiravit. Primo tamen puerum natum vocavit Ichabod, quod interpretatur, inglorius seu sine honore. Unde et causam nominationis adjecit, dicens: *Translata est gloria de Israel, hoc est ipsa honorabilis res, scilicet arca; vel, gloriatio Israelis extincta est, ablata sibi tam sancta re.* Et eadem verba protulit ex parte mariti sui defuncti et fratris illius, qui si vixissent, merito dixissent hæc verba.

ARTICULUS X

SPIRITUALIS PERTRACTATIO EJUSDEM CAPITULI QUARTI.

PER Philistæos, qui interpretantur, portione cadentes, intelliguntur invisibiles inimici, aut etiam homines impii, vitiorum superfluitate inebriati, qui invident justis, et contra eos ineunt pugnam temptationis, aut corporalis afflictionis, seu persecutionis: a quibus fideles propter sua peccata sæpe vincuntur in agris, id est in latitudine viæ ad perditionem ducentis.

Præterea, per Israelitas, de sua ruina

mirantes, atque pro sua subventionem arcam Domini afferentes, intelliguntur Christiani, qui instante tribulatione quacumque seu pestilentia, circumferunt Sacramentum atque reliquias, non tamen emendant suam conversationem et mores: ideo propter sua demerita non juvantur, imo interdum graviore peste cæduntur: et hoc justissimo Dei judicio, qui cordium videns arcana, scit illos pro evasione et cessatio-

ne periculorum corporalium deprecari, non ex recta radice, hoc est non ex caritate, neque sincera intentione, sed ex amore carnali, quo diligunt vitam præsentem ac prospera ejus. Sicque oratio eorum fit in peccatum, et indignationem provocat Deitatis : quoniam importune et indiscrete orant pro his rebus, de quibus ignorant, an saluti eorum expediant ; et ea quæ Deus requirit ab eis, et de necessitate sunt salutis, omittunt : quod totum præposterum est, et vere contrarium æquitati. Quemadmodum etiam ex clamore Israelitarum fuerunt Philistæi perterriti, sic dæmones ex cantu et pulsu, ex sacris et sacramentis Ecclesiæ solent arceri et formidare : nihilo minus vitiosam ecclesiasticorum vitam cernentes, qui Deum ore laudantes, cor suum longe ab ipso avertunt, hortantur se invicem ad impugnandum fideles, præcipue clerum, ex quibus, heu ! prosternunt quotidie millia multa, quos ad diversa et gravia ducunt peccata.

Is. xxix, 13;
Malth. xv,
8; *Marc.* vii,
6.

Præterea, per hoc quod Hebræi arcam suam et gloriam, ac tabulas testamenti continentes Decalogum, amiserunt, figuratum censetur, quod exigentibus suis sceleribus, præsertim in Christum commissis, privandi erant omni gloria legis suæ, sapientia spirituali et scientia salutari, et quod ipsa lex, quantum ad præcepta moralia, cum

A libris Prophetarum ac Psalmis transferenda fuit ad gentiles : quo facto, defecit sacerdotium ac pontificium Judæorum. Quod item præfigurabatur per subitam mortem Heli pontificis, filiorumque ejus sacerdotum. Interitus quoque Synagogæ, per mortem nurus præfatæ, designabatur : quæ tamen intereundo peperit filium, quia reliquæ ex Synagoga salvatæ sunt, sicut per Jeremiam Deus prædixit : Congregabo vos unum de civitate, et duos de cognatione.

Rom. xi, 5.

Jer. iii, 14.

B Postremo pensandum, quod Heli et nurus ejus qui vituperantur, tantum de arcæ comprehensione tristati sunt, quod subito expiraverunt. Quo constat, quod reprehendendi sunt Christiani quamplurimi, qui de captione sancti Sepulcri, et vastatione totius sanctæ Terræ, et sacratissimorum locorum profanatione, parva aut nulla afficiuntur mœstitia. Rursus, de corporali Israelitarum occisione ululaverunt habitantes in Silo ; sed de quotidiana peccantium morte spirituali in anima, et de æterna pereuntium condemnatione, et præsertim de tam multiplici ac enormi Dei inhonoratione et offensione omni pene momento, vix est qui lacrimam fundat. Ubi spiritualis dilectio ? ubi zelus divini honoris ? Et tamen propter has causas, semper causa est et ratio copiosa pie lugendi omni veraciter Christifideli, ut sanctus ait Basilius.

ARTICULUS XI

EXPOSITIO CAPITULI QUINTI : PHILISTIM AUTEM TULERUNT ARCAM DEI.

MODO describitur, qualiter Philistæi propter arcam plagati sunt, hoc est propter scelera quæ commiserunt in Deum, et circa ipsius arcam. *Philistiim autem tulerunt arcam Dei, et asportaverunt eam a lapide Adjutorii in Azotum* : quæ fuit una quinque principalium urbium terræ eorum, et forte primo occurrit eis in reditu, ideo primo in eam tulerunt arcam. *Tulerunt-*

D *que Philistiim arcam Dei, et intulerunt eam in templum Dagon* : ad reverentiam Dagon dei sui, adscribentes ei victoriam suam ; *et statuerunt eam juxta Dagon*, tanquam trophæum, id est spoliū victoriæ. *Quumque surrexissent diluculo Azotii altero die*, ut præ solito Dagon deum suum honorarent, cujus virtute arbitrabantur se tantum sortitos triumphum, ecce

Dagon jacebat pronus in terra ante arcam Domini, tanquam eam adorans, ut Josephus scribit. Quod Deus omnipotens fecit, ad reprimendum Philistinorum audaciam atque blasphemiam, dicentium se arcam cepisse virtute Dagon : ejus oppositum patuit per hoc, quod Dagon jacuit sic prostratus ante arcam. *Et tulerunt*, hoc est acceperunt, *Dagon* sacerdotes ipsius, *et restituerunt eum in locum suum*, erubescens de dei sui tanta dejectione ; et mane ac clam restituerunt eum, ne communitas hoc ipsum perciperet.

Rursumque mane die altero consurgentes, invenerunt Dagon jacentem super faciem suam in terra coram arca Domini. Qualiter verum est hoc, quum protinus snbjungatur, *caput autem Dagon et duæ palmæ manuum ejus, abscissæ erant super limen* ? Caput ergo et facies erant jam separatæ a corpore Dagon : non itaque jacuit super faciem suam. Respondetur, quod Dagon jacuit super faciem suam, id est super inferiorem superficiem suam, ac si vultum habuisset terræ hærentem ; sed et caput jacuit, versa in terram facie ejus. Et in his Deus evidentius demonstravit omnipotentiam ac justitiam suam super deum et populum Philistinorum ; nec poterat plaga ista celari ut prior, quia idolum reintegrari nequivit. Et facta est ista punitio ministerio angeli ; tamen incertum videtur, an ministerio angeli boni, an mali, quoniam tales plagæ ab utrisque factæ leguntur. Porro *Dagon solus truncus remanserat in loco suo*. Propter hanc causam non calcant sacerdotes Dagon, et omnes qui ingrediuntur templum ejus, id est nullus ingredientium illud ex plebe eorum, *super limen Dagon*, id est super limen templi ejus, *in Azoto usque in hodiernum diem* : quasi limen illud sanctificatum sit ex contactu Dagon super illud sic dimembrati, propter quod indignos se reputabant super illud calcare. Sic et in Genesi habetur, quod filii Israel non comedunt nervum qui emareuit in femore Jacob.

Aggravata est autem manus Domini su-

A *per Azotios* : id est, Deus omnipotentiam atque justitiam suam pœnalius adhuc monstravit in habitatoribus Azoti, quia ex præ-tactis mirabilibus non fuerunt conversi ab idololatria dei sui, quem tam confusibiliter a Deo Israel victum et plagatum viderunt ; *et demolitus est*, id est, destruxit seu graviter vulneravit, *eos*, sicut subjungitur. Verumtamen quod in aliquibus libris mox sequitur, istud videlicet, *Et ebullierunt villæ et agri in medio regionis illius, et nati sunt mures, et facta est confusio mor-*
B *tis magna* * *in civitate*, non est in libris correctis, quia nec in Hebræo, sed ab aliquo glossatore primo est additum per modum expositionis et glossæ, atque a minus peritis post textui additum et insertum : quod et in aliis locis Scripturæ reperitur aliquando factum. Porro sensus hujus additionis ex sequentis capituli expositione patebit. *Et percussit in secretiore parte natium*, utpote inferiorum partium, per quas egeruntur grossiora naturæ superflua, *Azotum et fines ejus*, id est, habitatores urbis illius, villarumque ejus.

Videntes autem viri Azotii hujusmodi plagam : quæ (secundum expositores concorditer) fuit dysenteria foeda ac vehemens et crudelis, et intestinorum inferiorum corruptio et putrefactio quædam, in tantum quod vermibus scatebant et prominebant extrinsecus : quam plagam per experientiam in se videbant, id est sentiebant, aut etiam adspexerunt ad apponendum remedium. Quæritur, quare hac plaga magis, quam alia, sint percussi. Responderi potest, quod ad humiliandum eorum blasphemiam, præsumptionem, turpissimamque superbiam. Unde cantatur in Psalmo : *Percussit inimicos suos in posteriora, opprobrium sempiternum dedit illis. Dixerunt : Non maneat arca Dei Israel apud nos, quoniam dura est manus ejus*, id est ultio nobis propter eam inflicta, dura, inquam, *super nos et super Dagon deum nostrum*. Ecce quam stulti et miseri, qui illum coluerunt pro deo, qui se ipsum nequibat juvare, nec suos cultores ; nec converti

Ps. LXXVII,
66.

voluerunt ad eum, cujus insuperabilem A experiebantur potentiam. *Et mittentes, congregaverunt omnes satrapas Philistinorum ad se, et dixerunt: Quid faciemus de arca Dei Israel? Responderunt Gethæi: Circumducatur arca Dei Israel: quia sperabant quod in aliis urbibus non fieret propter eam hujuscemodi plaga; vel experiri volebant, an propter arcam seu ob ejus præsentiam infligeretur eis illa punitio, quod tamen Azotii fassi jam erant. Et circumduxerunt arcam Dei Israel. Illis autem circumducentibus eam, fiebat manus Domini Dei per singulas civitates interfectionis magnæ nimis; et percutiebat viros uniuscujusque urbis a parvo usque ad majorem, qui et præ feminis erant culpabiles; et computrescebant prominentes extales eorum, id est, extremæ partes eorum per quas immunditiæ emittuntur. Inieruntque consilium Gethæi, et fecerunt sibi sedes pelliceas, utpote mollissima sedilia, ut minus affligerentur sedendo. Siquidem illa pars sedis, super quam in-eumbebant parte qua sedemus, erat de pellibus forsitan ovium.*

Miserunt ergo arcam Domini in Accaron. Quumque venisset arca Domini Dei in Accaron, exclamaverunt Accaronitæ, dicentes: Adduxerunt ad nos arcam Dei Israel, ut interficiat nos et populum nostrum. Miserunt itaque et congregaverunt omnes satrapas Philistinorum: qui quinque erant, juxta numerum quinque principum urbium. Qui dixerunt: Dimittite arcam Dei Israel, et revertatur in locum suum, id est ad populum Israel, vel ad Silo seu in tabernaculum Domini, et non interficiat nos, id est, propter ejus præsentiam non interficiamur, cum populo nostro. Multi quippe ex plagis præactis moriebantur. Fiebat enim pavor mortis in singulis urbibus, et gravissima valde manus Domini Dei. Viri quoque qui mortui non fuerant, percutiebantur in secretiore parte natum, et ascendebat ululatus uniuscujusque civitatis in cælum. Quæri potest,

cur isti idololatæ non projecerunt arcam illam in ignem; vel, cur non conciderunt eam in frusta. Respondere quis poterit, quia (ut Salomon protestatur) non est sapientia, non est scientia, non est consilium contra Dominum, qui immutat corda hominum, et quocumque voluerit, vertit ea. Ipse autem noluit hoc habere. Vel, ut aliqui opinantur, non audebant hoc facere, ne pejora eis acciderent. Itaque juxta Glossam, justo Dei judicio communi plaga percussi sunt, quia culpa eorum fuit communis.

B Mystice, per arcam intelligitur Christus seu ejus humanitas. Per dejectionem ergo et detractionem Dagon, præfigurata est destructio idolorum ubique terrarum, ex spirituali adductione Salvatoris per Apostolorum prædicationem ad gentes. Per vulnationem quoque et interfectionem infidelium allophylosum, designata est spiritualis obcæcatio atque perpetua damnatio eorum qui christianam noluerunt recipere fidem. Per Philistinorum vero percussione in natibus, præmonstratum censetur, quod hi, qui ex sua arrogantia et præsumptione manserunt inereduli, meruerunt (ut ait Apostolus) dari in reprobum sensum, atque ignominiosas incidere passiones carnalitatibus exterius prominentis, id est, usque ad vitia contra naturam se extendentes. Postremo, per hoc quod fecerunt arcam circumduci ad experiendum, an plagæ illæ fierent vere a Deo Israel propter præsentiam aræ, designata est curiositas, imo perversitas et stulta subtilitas philosophorum et tyrannorum et aliorum obstinatorum, Porphyrii, Juliani, Averrois, Celsi, et consimilium: qui videntes signa, prodigia atque miracula sanctorum Apostolorum et apostolicorum virorum, nisi sunt ea obscurare et annihilare, volentes ea reducere ad causas naturales occultas, vel ad magicas artes, sive ad diabolicas opes et cooperationes: qui omnes defecerunt, scrutantes scrutinia, et deceperunt in primis se ipsos, ac alios multos quorum nomina scripta non erant in libro vitæ.

Prov. xxi, 30.

Job xii, 24.

Prov. xxi, 1.

Sensus mysticus.

Rom. i, 28.

Ps. lxxiii, 7.

Apoc. xvii, 8.

ARTICULUS XII

DECLARATIO CAPITULI SEXTI : FUIT ERGO ARCA DOMINI IN REGIONE PHILISTINORUM
SEPTEM MENSIBUS.

CAPITULUM hoc enarrat, qualiter arca Dei remissa sit, et de mirabilibus Dei in hoc opere perpetratis. *Fuit ergo arca Domini in regione Philistinorum septem mensibus* : infra quos præfatis modis plagati sunt, et non cessantibus plagis. *Et post hæc vocaverunt Philistiim, et communitas populi, sacerdotes et divinos suos, tanquam ceteris prudentiores. Vocantur autem divini, qui sibi usurpant quod Dei est, scilicet præcognitionem et annuntiationem futurorum pure contingentium seu similium notitiam secretorum, de quibus* B interdum a dæmonibus instruuntur eo modo, quo dæmones talia scire queunt, conjecturaliter magis quam certitudinaliter, ex subtilitate ingenita et experientia longa. *Dicentes : Quid faciemus de arca Dei? Indicate nobis, quomodo remittamus eam in locum suum. Qui dixerunt : Si remittitis arcam Dei Israel, nolite dimittere eam vacuum, id est inhonoratam. Quasi dicant : Pro irreverentia Deo Israel irrogata circa arcam ipsius, impendite ei honorem per oblationes et dona ; aliter non poteritis* C cum placare. Hinc subditur : *sed quod debetis, reddite ei pro peccato vobis relaxando, et tunc curabimini ; et scietis per experientiam vestræ curationis, quum juxta nostram consultationem egeritis, quare non recedat manus ejus a vobis, id est, cur interim effectus divinæ potentiae, utpote punitio vestra, non cessat. Nam lucusque fuit inter Philistæos diversa opinio de causa prædictæ plagationis. Nempe nonnulli dixerunt eam contigisse ex aeris infectione, alii ex corruptione fructuum terræ, D quidam a casu, nonnulli ob arcæ præsentiam. Qui dixerunt : Quid est quod pro*

delicto reddere debeamus ei? id est, quam satisfactionem, ut culpa nostra nobis dimittatur?

Responderuntque illi : Juxta numerum provinciarum Philistinorum, id est principalium urbium cum villis et attinentiis suis, quæ urbes fuerant quinque, quinque anos aureos et quinque mures aureos facietis formari per manus artificum, ut sint memoriale divinæ potestatis et suæ ultionis in vobis. Verumtamen Josephus dicit, quod erant quinque simulacra hominum aurea. Quia plaga una fuit omnibus vobis et satrapis vestris, id est eadem ultio in specie : et ideo sicut fuit communis et par plaga, debet esse satisfactio una ac generalis, ut pœna correspondeat culpæ. Facietisque similitudines anorum vestrorum, et similitudines murium, qui mures demoliti sunt terram : mures enim ebullierunt de terra, et fructus ipsius destruxerunt ; imo et prominentes extales ipsorum Philistinorum mordebant et corrodebant ; et dabitis Deo Israel gloriam, id est, potentiam atque justitiam ejus protestabimini ista agendo : per quæ etiam fatebimini vos esse percussos ab ipso, eo quod arcam ejus ceperitis ; *si forte releveret Deus manum suam, id est, plagas suas tollat, a vobis. Jam ante dixerunt, Et tunc curabimini : quare ergo dubitative nunc dicunt, Si forte, etc. ? Respondetur, quod illud fuit verbum bonæ fiduciæ, non certæ scientiæ. Et a diis vestris et terra vestra. Ex hoc videtur, quod Philistæi non solum coluerunt Dagon, et quod Deus non solum exercuit ultionem in Dagon, sed item in aliis Philistinorum diis seu idolis, sicut et olim in diis Ægyptiorum. Quare aggravatis corda*

vestra per obstinationem et impœnitentiam et per arcæ detentionem, *sicut aggravavit Ægyptus et Pharaon cor suum*, id est Ægyptii qui populum Israel dimittere diu recusaverunt? *Nomne postquam percussus est, tunc dimisit eos, et abierant?* Nunc ergo arripite, et facite plaustrum novum, non vetus, ad reverentiam arcæ; et duas vaccas fetas, id est vitulos jam habentes, quibus non est impositum jugum, jungite in plastro, et recludite vitulos earum domi. Tolletisque arcam Domini, et ponetis in plastro, et vasa aurea quæ exsolvestis ei pro delicto ponetis in capsellam ad latus ejus; et dimittite eam, ut vadat. Et adspicietis. Et si quidem per viam finium suorum ascenderit contra Bethsames, ipse fecit nobis hoc malum grande; si autem minime, sciemus quia nequaquam manus ejus tetigit nos, sed casu accidit.

Fecerunt ergo illi hoc modo. Et tollentes duas vaccas quæ lactabant vitulos, junxerunt ad plaustrum, vitulosque earum concluserunt domi. Et posuerunt arcam Dei super plaustrum, et capsellam quæ habebat mures aureos et similitudines anorum. Ibant autem in directum vaccæ per viam quæ ducit Bethsames, et itinere uno gradiebantur pergentes et mugientes, et non declinabant ad dexteram neque ad sinistram. Sed et satrapæ Philistinorum sequebantur usque ad terminos Bethsames. Textus planus est. Itaque omnia ista consuluerunt sacerdotes et divini ad agnoscendum pro certo, an plagæ illæ fuissent inflictæ a Deo. Quod enim vaccæ insolitæ jugum portare, et a suis fetibus separatæ, traherent currum per viam rectam, per quam ante nunquam iverunt sine ductore seu auriga, fuit multipliciter supra naturam. Ideo fuit signum sufficiens, quod tribulatio illa esset a Deo Israel propter arcam immissa.

Porro Bethsamitæ metebant triticum in valle: quo constat, tempore messis hæc contigisse. Eratque Bethsames una sacerdotalium urbium in sorte Benjamin*. Ideo autem fecerunt Philistæi vaccas trahere

A currum per viam ducentem ad urbem istam, quia fortassis primitus occurrebat egredientibus ab urbe Philistim, a qua arca cepit remitti. Est quoque et alia urbs sic vocata in Nephthali tribu. *Et elevantes oculos, viderunt arcam, et gavisii sunt Bethsamitæ, quum vidissent arcam.* Et plaustrum venit in agrum Josue Bethsamitis, id est civis præfatae urbis, et stetit ibi: quia vaccæ substiterunt ibidem, quasi peracto suo officio, ex instinctu divino. Erat autem ibi lapis magnus, et conciderunt ligna plaustrum, vaccasque imposuerunt super ea, id est super ligna plaustrum conseissa in frusta, holocaustum Domino, id est ad offerendum carnes vaccarum illarum Deo in holocaustum, quod ignis lignorum illorum voravit.¹

Levitæ autem deposuerunt arcam Dei de plastro, antequam plaustrum concidebatur, et capsellam quæ erat juxta eam, in qua erant vasa aurea, id est præfata simulacra anorum ac murium: quæ (ut ex isto loco apparet) concava erant, ita quod aliquid poterant continere; propter quod, juxta proprietatem Hebræi sermonis, vasa dicuntur. Etenim vasa vocant Hebræi, omnia quæ sunt alicujus rei contentiva. Quidam tamen per vasa aurea intelligunt vasa hujusmodi, in quibus, ut dicunt, positi erant ani muresque aurei: quod non est idonee dictum, quia in textu paulo ante habetur, Tolletis arcam et vasa aurea quæ exsolvestis ei pro delicto. Et posuerunt arcam atque capsellam super lapidem grandem, qui, secundum Judæorum fabulas, fuit ara olim constructa ab Abraham, qui (ut in Genesi legitur) in pluribus locis ædificavit altaria. Viri autem Bethsamitæ, scilicet sacerdotes urbis illius sacerdotalis, obtulerunt holocausta, scilicet vaccas prædictas, aut etiam sacrificia alia. Nam subditur: et immolaverunt victimas in illa die Domino, pro gratiarum actione, quod arcam tam miraculose et gloriose reduxit. Unde et ligna plaustrum ac vaccas, in quibus fecit Deus prodigia illa, converterunt in Dei honorem, id est in holocausti mate-

Josue XIX, 38.

Gen. XII, 7; XIII, 18; XXII, 9.

riam et inflammationem, tanquam quæ A Deo jam fuerunt quodammodo consecrata.

Et quinque satrapæ Philistinorum cum famulis suis, viderunt ista et mirabilia memorata, et reversi sunt in Accaron in die illa, certificati ex istis prodigiis, quod eorum plaga fuit a Deo. Credendum quoque videtur, quod Philistæi his gestis fuerunt sanati. Hi sunt autem ani aurei, quos

• Domino reddiderunt Philistæi pro delicto suo *. Hic exprimuntur quinque urbes præcipuæ, quarum quælibet dedit aureum anum unum. Azotus unum, Gaza unum, Ascalon unum, B Geth unum, Accaron unum. De numero quoque murium aureorum subjungitur: Et mures aureos exsolverunt secundum numerum urbium Philistiim quinque provinciarum, id est quinque aureos mures, secundum quod quinque erant metropoles, ab urbe murata usque ad villam quæ erat absque muro. Hoc tripliciter explanatur. Primo, quod erant tantum quinque urbes Philistinorum, et ideo tantum quinque mures aureos esse oblatos. Isidorus vero et Magister in historiis dicunt oppositum, ad- C jicientes, quod erant quinque præcipuæ urbes, et aliæ minus principales, quarum una (ut infra habetur) Siceleg fuit. Ideo dicunt, quod unaquæque principalium civitatum illarum, obtulit tam aureum anum quam aureum murem; ceteræ solum aureos mures. Tertiū dicunt, quod solum offerebantur quinque aurei ani et totidem mures, et quod ceteræ urbes seu villæ adjacentes pro expensis contribuerunt. Et usque ad Abelmagnum, id est lapidem magnum, de quo jam supra dictum est. D Hoc additur, ad monstrandum quod urbes et villæ Philistinorum porrigebantur usque ad lapidem illum ex una parte. Abel autem interpretatur, luctus: ideo lapis seu locus ille vocatus est Abel, quoniam paulo post fuit ibidem luctus ingens, propter eorum qui arcam viderunt, occisionem. Alii dicunt, per Abelmagnum, intelligi oppidum Bethsames, quod secundum eos dictum est postea Abel, ob luctum præfatum: quod non videtur, quia subjungitur, super

quem posuerunt arcam Domini, qui erat usque in illa die in agro Josue Bethsamitis: in ejus agro non erat sita urbs illa, sed lapis præfatus.

Percussit autem Dominus de viris Bethsamitis quosdam, eo quod vilissent arcam Domini nudam et discoopertam, secundum quod Philistæi eam remisisse creduntur: et sic arcam adspicere, prohibitum fuit, non Num. iv, 20. solum undecim tribubus, sed et Levitis, sub pœna mortis. Et percussit de populo septuaginta viros. Hoc, ut recitat Lyra, etiam Hebræi exponunt sic, quod solum septuaginta viri fuerunt percussi, qui erant tantæ reputationis, quod æquiparabantur septuaginta millibus de plebeiis, juxta quem modum dicitur ad David infra secundo Regum: Tu unus pro decem millibus computaris. Principales enim de populo percussi II Reg. xviii, 3. fuerunt, quia debebant populum ordinare et præcavere de prædictis offensis. Sed huic expositioni obviare videtur series litteræ, in qua apertissime quasi de diversis narratur, quod Dominus percussit de populo septuaginta viros, et quinquaginta millia plebis. Præterea ad sacerdotes et Levitas præcipue pertinebat, instruere populum de necessariis ad salutem et spiritualibus rebus. Si ergo principales ex populo, ut optimates et judices, percussi fuissent, quia populum non compescuerunt ab intuitu arcæ, videtur quod sacerdotes et Levitæ præsertim percussi fuissent pro illo vulgi peccato. Magister quoque in historiis et alii expositores solennes aliter tenent, et litteram sicut jacet exponunt. Itaque advertendum, quod arcam dimiserunt satis diu sub dio, et magis diu quam licuit: propter quod populus Israel indique copiosissime concurrebat, et multi ex curiositate arcam intuebantur, contra illud Numerorum: Alii nulla curiositate videant Num. iv, 20. quæ sunt in sanctuario, priusquam involvantur; alioqui morientur. Quamvis autem peccata subditorum superioribus imputentur, non tamen sic, quin et ipsis subditis, qui et pro propriis puniuntur excessibus; nec ignorantia juris divini, quod

I Reg. xxvii, 6.

quis scire tenetur, puta divina praecepta, A quod postea illuc deduceretur. *Descendite, et reducite eam ad vos.*

Insuper Lyra scribit, quod una causa percussiois populi fuit, quia holocaustum indebite offerebant, offerendo vaccas in holocaustum, quum tamen in Levitico jussit Dominus, ut non nisi masculus offerretur in holocaustum. Si autem illa fuisset causa percussiois praetactae, videtur omnino, quod sacerdotes qui hoc fecerunt, fuissent percussi. Ideirco juxta praetacta magis apparet, quod ex dispensatione seu inspiratione divina obtulerunt vaccas illas B in holocaustum, sicut et sacrificabant ibi in agro extra tabernaculum et altare. Nam vaccae illae per mirabilia Dei in eis ostensa, erant Deo quodammodo consecratae, et ei tantummodo offerendae, nec sumptae erant ex pecoribus Israeliticae plebis.

Luxitque populus residuus, eo quod percussit Dominus plebem plaga magna. Quae autem fuerit plaga illa, nescitur. *Et dixerunt viri Bethsamitae : Quis poterit stare in conspectu Domini Dei sancti hujus?* quasi dicant : Tanta est districtio divinae C justitiae, quod metuendum est in ejus praesentia apparere, atque difficile ei placere, et ejus percussioem evadere. Juxta quem sensum scriptum est in Josue libro : Non poteritis servire Domino, Deus enim sanctus et fortis aemulator est, et non ignoscet sceleribus vestris. *Et ad quem ascendet a nobis?* id est, quis tantae virtutis invenietur, qui dignus sit eam * suscipere? *Miseruntque nuntios ad habitatores Cariathiarim, quae erat urbs famosa et fortis, dicentes: Reduxerunt Philistiim arcam Domini.* Sed D cur non remiserunt eam in Silo ad tabernaculum Domini? Forsitan intendebant

Queritur circa praedicta, quo spiritu sacerdotes et divini Philistinorum dederunt tam sanum consilium de modo remittendi arcam ad populum Israel. Ad quod quidam respondent, quod ex instigatione revelationeque daemonum, quos etiam dicunt divinitus compulsos ad dandum divinis tale responsum, quemadmodum saepe leguntur daemones propalasse virtutes Sanctorum. Porro sanctus Hieronymus in quibusdam locis videtur sentire, quod sicut Balaam, ita et isti ex spiritu Dei bono fuerunt inspirati ad ista dicenda. Nam prophetia et secretorum revelatio, sunt dona gratiae gratis datae, quae bonis et malis communia sunt.

Iterum queritur, quum arca fuerit res prorsus inanimata, cur propter ejus intuitum tam graviter caesus est populus. Et respondendum, quod Deus sub poena mortis prohibuit non solum adspectum arcae nudae, sed et aliorum quae in tabernaculo erant, ad commendandum dignitatem sacerdotalis officii, et praesertim propter mysticas significationes spiritualesque rationes super librum Numerorum expressas. Arca autem fuit figura humanitatis Christi et Sacramenti altaris, quae non sunt nisi cum debita reverentia adspicienda. *Num. iv, 20*

Rursus quaeri potest, cur Philistaei percussi non sunt, quia arcam viderunt nudam. Respondetur, quia non fuit eis prohibitum, quoniam lex eis data non fuit. Unde ad Romanos ait Apostolus : Scimus quia quaecumque lex loquitur, his qui in lege sunt, loquitur. Etenim hi quibus lex data est, per legem judicantur. *Rom. iii, 19.*

Josue xxiv, 19.

* arcam

ARTICULUS XIII

DE SPIRITUALI EJUSDEM CAPITULI SEXTI INTELLECTU.

PER terram Philistinorum, designatur A gentilitas : per arcam, Christus sapientia Patris. Fuit itaque Christus septem mensibus, id est multo tempore evangelicæ legis, in terra gentilium. Durante etenim persecutione Ecclesiæ, fideles et infideles passim habitabant commixtim. Quumque perfidi et tyranni Christum in suis membris irreverenter tractarent atque crudeliter persequerentur, fiebat frequenter, quod impii illi a Deo subitaneis ac letalibus plagis terribiliter cædebantur, ita quod territi, a Christianorum persecutione quandoque ad tempus cessabant, et arcam mittebant de loco ad locum, Christianos pel- lendo de urbe in urbem, quos tandem victi dimiserunt in pace : imo innumerabiles ex eis conversi, munera Deo Christianorum immolaverunt. Feceruntque *similitudines anorum* suorum : id est, inquinamenta et vitia sua per inhonestiora membra commissa, humiliter confitebantur. Denique ex isto, quod Philistæi fecerunt et obtulerunt similitudines membrorum in quibus erant plagati, et bestiarum per quas puniebantur, videtur mos inolevisse, quod hi qui cruciantur in manu, pede aut alio membro, offerant talium membrorum similitudines cereas, aureas sive argenteas Omnipotenti.

Amplius, per plastrum novum, in quo arca remissa est, intelligi potest cor spiritualiter innovatum seu reformatum ; vel homo perfectus, qui exemplis suis, meritis et precibus alios secum defert ad regnum cœleste, Deum quoque portat in se, ita ut ei valeat dici, quod Eliseus dixit Eliæ, et rex D Israel Eliseo : Pater mi, enrrus Israel et auriga ejus. Talia plastra Christum portant de loco et populo uno ad alium, qui

et ingratis ac induratis relictis, ad dociles revertuntur : quod devotissimis prædicatoribus ac prælatis potissimum competit, quibus multos lucrifacientibus competit illud in Psalmo, Currus Dei decem millibus multiplex. Huic plaistro duæ vaccæ fetæ junguntur, quibus nondum impositum fuit jugum : per quas intelliguntur fideles personæ, virtuosus actibus secundatæ, quæ jugo iniquitatis ac dæmonum sub- jici renuerunt, et viris præfatis cooperantur in bonis, et ipsos trahunt ad diversos B hinc inde visitandos ac instruendos. Hæ personæ gradiuntur per rectam ac regiam viam, et omni sensuali affectu ad propin- quos aut prolem relicto, naturali quoque amore caritati subjecto, evangelica implent consilia, parentes, sobolem, consanguineos, conjugem deserendo, quatenus Deo liberiori, stabiliiori, puriorique mente intenti sint. De quibus in Deuteronomio legitur dictum figuraliter : Qui dixit patri suo et matri suæ, Nescio vos, et fratribus suis, Ignoro illos, et nescierunt filios suos, hi C custodierunt eloquium tuum. Pergunt itaque per viam quæ ducit Bethsames, hoc est per arctam viam salutis, quæ ducit ad domum non manufactam, æternam in cœlis, in qua Sol intelligentiæ atque justitiæ clare et incessabiliter cernitur ac laudatur, juxta illud Psalmi : Beati qui habitant in domo tua, Domine ; in sæcula sæculorum laudabunt te. Siquidem Bethsames interpretatur, domus solis. Mugiuntque per- gendo, sua ac proximorum peccata plan- gendo, cum gemitu deprecando, ad patriam et visionem Dei beatificam adspirando, juxta illud beati Apostoli : Infelix ego homo ! quis me liberabit de corpore mortis hujus ? Quo affectu cecinit et Propheta :

Ps. LXVII, 18.

Matth. XIX, 29.

Deut. XXXII, 9.

Matth. VII, 14.
II Cor. V, 1.

Ps. LXXXIII, 5.

Rom. VII, 24.

IV Reg. II, 12 ; VII, 14.

Ps. cxi, 5. Heu mihi, quia incolatus meus prolongatus est. Et item : Sitiuit anima mea ad Deum fortem vivum. Ili itaque in capsella, hoc est in conscientia humili vel pœnitentia saluari, custodiunt et reponunt bona quæ operantur.

Porro Bethsamitæ metebant triticum in valle. Per Bethsames designatur non solum triumphans Ecclesia, in qua Sol justitiæ facie ad faciem lucet atque conspicietur, sed militans quoque Ecclesia, in qua per gratiam et virtutes, per fidem et sapientiam contemplatur et colitur. Sicque Bethsamitæ non solum sunt cives cœlestis Jerusalem, sed et filii militantis Ecclesiæ, qui in valle hac lacrimarum et humilitatis declivitate triticum metunt, hoc est, virtutum opera et fructus spiritus intra se colligunt, ut divites fiant in operibus bonis; qui oculos cordis elevando, Christum Dominum sibi gratiose advenientem intuentur, et super hoc gloriantur; qui plaustrum concidunt in frusta, et vaccas desuper ponunt in holocaustum, dum se ipsos per contritionem et devotionem totaliter divino mancipant cultui, nihil sui relinquentes sibimetipsis, atque ad idem agendum suos inducunt discipulos et subiectos.

Erat autem ibi lapis magnus. Per quem cordis constantia, aut fidei fundamentum, aut Dominus ipse, cui ait Psalmista, Dominus petra mea, potest intelligi : cui debet omne opus bonum inniti atque imponi, ne deiciatur, quatenus qui bona exsequimur, viro comparemur sapienti, qui domum suam ædificavit supra petram, ita ut nec venti adversitatum, nec flumina tentationum, nec impetus passionum aut vitiorum potuerint eam deicere. *Et quinque satrapæ Philistinorum viderunt, et reversi sunt in Accaron in die illa.* Per quinque satrapas istos, rite designantur filii sæculi, nobiles et potentes secundum carnem, delectationibus quinque sensuum

dediti, qui etsi audiant verba Dei, videantque exempla justorum, et miracula Omnipotentis agnoscant, raro tamen et pauci convertuntur ad Dominum. Propter quod ait Apostolus : Videte vocationem vestram, fratres, quia non multi potentes, non multi nobiles, non multi sapientes secundum carnem, sunt inter vos.

Percussit autem Dominus de viris Bethsamitis, eo quod vidissent arcam Domini. Per hoc præfiguratum cognoscitur, quod hi qui sacramentum Eucharistiæ irreverenter intuentur aut sumunt, aut Christum præsumptuose contemplari attentant, aut fidei secreta curiose rimantur, percuti ac perire merentur. Quod in multis hæresiarchis, qui per septuaginta viros exprimuntur, et in illorum infelicibus discipulis, qui per quinquaginta millia figurati sunt, videmus impletum : qui olim fuerunt in Ecclesia tanquam filii et ministri ac membra, sicut ait sanctus Joannes in prima sua Canonica : In nobis erant, sed non erant ex nobis. Frequenter quoque contingit quod ecclesiastici viri notabiliter virtuosus, et in Domino spiritualiter gloriantur, repente vana gloria impugnentur ac polluantur, et quadam spirituali elatione labantur. Ideo castigantur a Domino in præsentis, ne pereant in futuro. Nam et impiissima et callidissima illa vulpecula inanis gloria, seu spiritualis superbia, in spiritualium charismatum affluentia periculosius insidiatur, irrepit et maculat : propter quod jugi et timorata cordis custodia opus est incessanter. *Luxitque populus :* quia devoti et caritativi aliorum deplorant ruinam, et simul de proprio casu suspecti sunt. *Et dixerunt viri Bethsamitæ, etc.,* quia ex propriæ dejectionis experientia pensant, quam difficile sit jugiter in via justitiæ perseverare : unde et alios exhortantur ad spiritualem cautelam et ad perfectionis constantiam, a qua dolent se corruisse.

I Cor. xiii, 12.

I Joann. ii, 19.

Ps. xvii, 3;
II Reg. xxii, 2.

Matth. vii, 24, 25.

Deut. iv, 9,
15; *Prov.* iv, 23.

ARTICULUS XIV

EXPOSITIO CAPITULI SEPTIMI : VENERUNT ERGO VIRI CARIATHIARIM,
ET REDUXERUNT ARCAM DOMINI.

REFORMATIO Israelitici populi facta A per Samuelem, et illorum ad meliorem statum reductio, hic narratur. Nempe ut *Prov. xi, 14.* Salomon protestatur, quum defecerit Propheta, populus corruet. Sic econtra, quum Propheta adfuerit, populus surget, nisi forte obstinatus, incorrigibilisque consistat. *Venerunt ergo viri Cariathiarim*, id est habitatores principales urbis illius, *et reduxerunt arcam Domini.* Credendum videtur, quod sacerdotes seu Levitæ, juxta *Num. iv, 6.* legis præceptum, portaverint eam in vectibus super humeros suos. *Et intulerunt eam in domum Abinadab*, qui erat vir justus et tam famosæ virtutis, quod præ ceteris reputaverunt eum dignum præsentia hospitacioneque arcæ, et fuit sacerdos in Gabaa. Istud quod dicitur hic, quod intulerunt eam in domum Abinadab in Gabaa, aliqui dicunt non fuisse tunc factum, quos sequitur Lyra : Hoc, inquiens, non fuit factum statim, sed per magnum tempus post, quia per aliquod tempus arca fuit in Cariathiarim, et inde translata fuit in Maspha, et inde in Galgala, ut dicitur in libro de Hebraicis quæstionibus; et postea translata fuit in Nobe, deinde in Gabaa, ut dicitur hic. Sed istud non videtur textui consonare, quoniam de eisdem viris et sub eodem contextu hic legitur, Venerunt viri Cariathiarim, et reduxerunt arcam Domini, et intulerunt eam in domum Abinadab in Gabaa : quod totum videtur hic dici de eadem arcæ translatione. Denique non apparet, quod tot intermediis translationibus omissis, scriptura ista loquatur de translatione arcæ in oppidum Gabaa, post descriptionem translationis ejus de Bethsames in Cariathiarim. Ili quoque qui eam repor-

taverunt in Cariathiarim, diu fuerunt defuncti, antequam arca fuit translata in oppidum Gabaa : ideo de eis istud non verificatur. Potius igitur reor, quod Gabaa non sit hoc loco nomen civitatis, de qua fuit Saul; sed juxta interpretationem *1 Reg. x, 26.* suam, designat excelsum seu collem, quia in loco eminenti constituerunt arcam propter reverentiam ejus, juxta quem modum in Evangelio fertur : Vox in Rama (id est in excelso) audita est; ita quod Rama non sumitur ibi pro urbe. Et istud concordat dictis Hieronymi et Magistri in historiis, ut super Paralipomenon plenius est ostensum.

Eleazarum autem filium ejus sanctificaverunt, id est instituerunt, *ut custodiret arcam Domini.* Et forte juxta ritum legis in Levitico scriptum, consecraverunt eum *Lev. viii.* in sacerdotem, si ante non fuit sic consecratus. Vel si jam erat sacerdos, hortati sunt eum, ut per continentiam ab uxore ad tempus, per orationes et sacrificium, exhiberet se ad custodiendum arcam idoneum. *Et factum est, ex qua die mansit arca in Cariathiarim, multiplicati sunt dies* : id est, multis diebus seu potius annis, puta viginti annis, mansit ibidem. Unde subjungitur : *Erat quippe jam annus vicesimus*, id est, tot anni fluxerunt interim quod arca fuit illo in loco. Videtur autem Josephus velle, quod arca fuit ibi usque ad octavum annum regni Saulis, in quo anno octavo ipse deportavit eam secum in castra, hoc est ad locum certaminis, ut infra tangitur. *Et requievit omnis Israel post Dominum* : id est, infra hoc tempus ad Dominum sunt conversi, et quieverunt in eo, adhærentes ei fideliter.

1 Reg. xiv, 18.

Quum enim viderent, qualiter a Philistæis A
 1 Reg. iv, 10, 11. erant percussi propter sua et Heli filiorum-
 que ejus facinora, et quam graviter Deus
 Ibid. v, 6, 9, 12; vi, 8 et seq. plagaverat Philistæos propter arcae præ-
 sentiam, atque quam miraculose arcam
 reduxit, compuncti sunt, et admonitioni-
 bus Samuelis obtemperarunt. Unde quod
 dictum est, Erat quippe jam annus vicesi-
 mus, quidam exponunt, quod tot anni flu-
 xerunt ex eo tempore, quo post mortem
 Heli cæpit Samuel instruere plebem.

Ait autem Samuel ad universam do-
mmum Israel, dicens: Si in toto corde vestro B
revertimini ad Dominum per plenam con-
tritionem, obedientiam, dilectionem, au-
ferte deos alienos de medio vestri, Baalim
et Astaroth. Si juxta præhabita totus po-
pulus Israel per tot annos quievit post
Dominum, quid necessaria fuit exhortatio
ista? vel, qualiter apud se adhuc deos ali-
enos habebant? Ad hoc videtur dicendum,
quod quamvis cessaverunt idola colere, ad-
huc tamen apud se tenuerunt simulacra.
Et forsitan quidam eorum nondum ex toto
ab idololatria recesserunt. Totum namque C
frequenter sumit varias denominationes a
diversis partibus suis, ita quod diversa
quasi de eodem toto prolata, ad diversas
ejus partes sunt referenda. Et præparate
corda vestra Domino, id est, ad gratiam
ac virtutes seu ad earum incrementa dis-
ponite vos, faciendo quod in vobis est, et
obicem auferendo, et servite ei soli, servi-
tute latriæ, quæ soli vero Deo debetur, et
eruet vos de manu Philistiim. Abstulerunt
ergo Baalim, id est, idola Baal comminu-
erunt, et cultum ipsius abjecerunt, et Asta-
roth, id est idola hujusmodi falsi dei, et
servierunt Domino soli.

Dixit autem Samuel: Congregate uni-
versum Israel in Maspha. Commisit enim
quibusdam, qui ex parte ipsius discurre-
rent per totam terram Israel ad denuntian-
dum, ut cuncti ad eum venirent viri ac
principales de populo. Vel commisit istud
principibus tribuum. Ut orem pro vobis ad
Dominum. Nonne et alibi potuit orare pro
populo etiam non præsentem? Poterat uti-

que. Voluit tamen orare pro communitate,
 ea præsentem et Dominum invocante, qua-
 tenus ex multarum præsentia facierum
 exaudibilior esset sua oratio. Ob aliam quo-
 que causam populum convocavit, videlicet
 ad tractandum cum eis de bono communi,
 atque ad renovandum pactum inter Deum
 et populum. Denique ad illam urbem, sci-
 licet Maspha, populum convocavit: vel
 propter convenientiam loci, vel quoniam
 urbs illa exstitit celebris, quoniam Josue
 frequenter fuerat ibi.

Et convenerunt in Maspha, hauserunt-
que aquam. Fuit etenim consuetudo Ju-
dæis, initum fœdus cum Deo vel homine
confirmare per aliquod signum vel factum
sensibile, ut patet in Josue libro, et alibi Josue xxiv,
26, 27. Sæpe. Sic et hac vice renovato fœdere, quo
obligaverunt se Deo servire, in signum et
testimonium pacti hujus, aquam hause-
runt, et effuderunt in conspectu Domini:
tanquam ipso facto dicentes, Sic sanguis
noster fundatur, et pereat vita nostra, si
non servaverimus pactum; item ad figu-
randum, quod sicut aqua effusa, non re-
dit, ita nec ipsi ad idololatriam reverte-
rentur. Vel aquam haustam fuderunt, ad
designandum cordium suorum effusionem
coram Deo per devotam orationem, contri-
tionem et planetum. Nam subditur: Et
jejunaverunt in illa die ad impetrandum
remissionem culparum, atque dixerunt:
Tibi peccavimus, Domine, et ita humili-
averunt se ipsos. Propter quod aliqui di-
cunt, quod in signum humiliationis sui
ipsorum, aquam fuderunt, quasi dicentes:
Instar aquæ hujus effusæ, viles atque inu-
tiles sumus. Quidam, quos Scholastica hi-
storia sequitur, dicunt, quod in aqua illa
fuerunt maledicta congesta, quemadmo-
dum in aqua sacrificii zelotypiæ: quam Num. v, 18.
si bibisset idololatra, labia sua sibi invi-
cem inseparabiliter jungebantur. Sicque
patuit infidelitas ejus. Nonnulli dixerunt,
quod Samuel idolum quoddam comminuit,
ejusque pulverem misit in aquam illam:
quam bibentes, discreti sunt idololatræ ab
aliis, ita quod in barbis idololatrarum ap-

Exod.
xxxii, 20.

paruit signum impietatis eorum. Cui simile est, quod in Exodo Moyses fertur fecisse. *Judicavitque Samuel filios Israel in Maspha*, causas eorum discernendo, lites discordiasque sedando.

Et audierunt Philistiim, quod congregati essent filii Israel in Maspha, et ascenderunt satrapæ Philistinorum cum suis ministris ad Israel, id est ad impugnandum filios Israel, quos contra se congregatos suspiciebantur. Quod quum audissent filii Israel, timuerunt a facie Philistinorum. Dixeruntque filii Israel ad Samuelem: Ne cesses clamare, id est ferventer orare, pro nobis ad Dominum Deum nostrum, ut salvet nos de manu Philistinorum, qui de propriis meritis non præsumimus, nec de viribus nostris confidimus, sed te esse Dei amicum cognoscimus. Tulit autem Samuel agnum lactentem unum, et obtulit illum holocaustum integrum Domino. Præhabitu-
tum est, quod Samuel erat Levita, non Aaronita: qualiter ergo licuit ei sacrificare? nisi ex dispensatione divina, et necessitate urgente, atque ut aliqui dicunt, quoniam Ichabod filius Phinees filii Heli adhuc parvulus erat. *Et clamavit Samuel ad Dominum pro Israel, et exaudivit eum Dominus.*

1 Reg. ii, 11,
18.

Factum est autem, quum Samuel offerret holocaustum Domino, Philistiim iniere prælium contra Israel. Intonuit autem Dominus fragore, id est sonitu vel tonitruo, magno in die illa super Philistiim, et exterruit eos: quia (ut Josephus tradit, et in Scholastica historia recitatur) mota est terra, et pandebant seu patebant hiatus per loca, et fulgure quidam interierunt. Juxta quem modum Deus exterruit Sisaram et ejus exercitum, ut recitat Josephus. Et cæsi sunt a filiis Israel. Egressique filii Israel de Maspha, persecuti sunt Philisteos, et percusserunt eos usque ad locum qui erat subter Bethchar. Ceteri vero fugerunt, quos filii Israel insequentes percusserunt. In ejus tam gratiosi ac miraculosi triumphi memoriale perpetuum, fecit Samuel quod subditur: Tulit autem, id est

A accepit, *Samuel lapidem unum grandem, et posuit eum inter Maspha et Sen*, hoc est in terminis inter loca seu oppida sic vocata, in loco hujus victoriæ; *et vocavit nomen loci illius, lapis Adjutorii*, propter supernaturale Dei auxilium ibi impensum. *Dixitque: Hucusque auxiliatus est nobis Dominus*, hoc est usque ad tempus istud seu usque ad locum hunc. Sicque locus ille vocatus est lapis Adjutorii, id est ager aut campus continens lapidem significativum et memorativum auxilii, ibi desuper
B dati.

Et humiliati sunt Philistiim, nec apposuerunt ultra ut venirent in terminos Israel. Facta est itaque manus Domini super Philisteos, hoc est, divina potestas eos repressit, et debilitavit, ac refrenavit ab impugnatione Israelitarum, *cunctis diebus Samuelis*, id est omni tempore quo præfuit Israeli: quia sub Samuele Domino servierunt, et ita tam meritis Samuelis quam propriis, istam adversariorum suorum repressionem sortiti sunt. *Et redditæ sunt urbes quas tulerant Philistiim ab Israel, Israeli, ab Accaron usque Geth et terminos suos. Liberavitque Israel de manu Philistinorum. Eratque pax temporis inter Israel et Amorrhæum*, hoc est reliquias Amorrhæorum qui adhuc morabantur in terra promissionis: quia pro tunc non resistebant Hebræis, imo (ut aliqui dicunt) serviebant tunc eis sub tributo.

Judicabat quoque Samuel Israelem, hoc est Israeliticum populum, *cunctis diebus vitæ suæ*. Contrarium hujus apparet ex sequenti capitulo, quoniam eo vivente præfuit Saul rex. Et respondendum, quod Saul regnante, Samuel adhuc erat magnus in populo, et judicavit, hoc est, judicia Dei docuit populum, ac in multis direxit tam regem ad tempus, quam multos de populo, quamdiu vixit. *Et ibat per singulos annos circumiens Bethel, et Galgala, et Maspha, et judicabat Israelem in supradictis locis*, id est tribus urbibus illis tunc famosis. Dicuntque aliqui, quod Bethel erat famosa, quoniam Jacob vidit som-

1 Reg. x, 1,
24.

Gen. xxviii,
12-19.

nium ibi, ut in Genesi habetur : Galgala, A
Josue v, 2-10. propter secundam circumcisionem ibi factam, ut dicitur in Josue, et propter Pascha celebratum ibidem : Maspha, propter frequentiam Josue in eadem. Et juxta hoc, per Bethel esset hoc loco intelligenda Jerusalem. Fuit autem et alia Bethel. Nam et Jeroboam posuit unum aureorum vitulorum in Bethel. Itaque in tribus solennitatibus hebdomadariis, quarum scilicet quaelibet duravit una hebdomada, utpote Paschæ, Pentecostes, et Scenopegiae, ascendebat ad oppida illa, et judicavit plebem in eis. Aliis B
III Reg. xii, 29. diebus ascendit ad eum populus in Ramatha, ut judicaretur et instrueretur ab eo. Unde subjungitur : *Revertebaturque festis illis expletis in Ramatha,* in qua natus est. *Ibi enim erat domus ejus* paterna et hereditaria. Levitæ namque et sacerdotes habuerunt loca propria ad manendum. *Et ibi judicavit Israel.* Infra, Samuel ait ad
I Reg. i, 1. populum : Si de manu cujusquam munus accepi ; quasi dicat, Non accepi : ex quo videtur, quod propriis expensis visitavit loca præfata ad populum judicandum et C

erudiendum. Quo plane exemplo reprehenduntur, qui in visitationibus gravant visitatos expensis, et sumunt ab eis munuscula, quod in jure frequenter ac districte etiam sub pœna excommunicationis prohibetur.

Edificavit etiam ibi, scilicet in Ramatha, *altare Domino.* In libro Josue scribitur, qualiter novem tribus volebant ascendere ad præliandum contra duas ac mediam tribus, eo quod juxta Jordanem edificassent altare. In Deuteronomio quoque Dominus
Josue xxii, 10 et seq. jussit, ut non nisi in uno loco sacrificia fierent. Quomodo igitur licuit Samueli in Ramatha altare construere ? Et respondendum, quod eadem auctoritate et dispensatione, qua sacrificavit quum non esset sacerdos, ut tactum est. Nam et Gedeon ac
Judic. vi, 18-24 ; *III Reg.* xviii, 30-38. Elias, qui nec Levitæ erant, sacrificasse noscuntur. Porro quod ex Deuteronomio allegatum est, intelligendum est, sicut ex textu ibidem colligitur, pro tempore quo Dominus urbem divini cultus determinavit, *Deut.* xii, 5. et templum seu tabernaculum Dei cum arca in urbe illa fuerat stabiliter collocatum.

ARTICULUS XV

DE MYSTICO SEPTIMI HUIUS CAPITULI SENSU.

VENERUNT viri Cariathiarim, et reduxerunt arcam. Per viros illos qui cives erant urbis Israeliticæ plebis, intelliguntur conversi ex Judaismo, qui Christum per arcam designatum, cum reverentia fideliter susceperunt. Per Eleazarum vero, sacerdotes qui ex lege ad Evangelium sunt conversi, accipiuntur, de quibus
Act. vi, 7. S. Lucas ait : Multa turba sacerdotum obedi-
Is. lxi, 6. bat fidei. Et Isaias : Vos sacerdotes Domini vocabimini. De quibus et Malachias
Malach. iii, 3. ait : Erunt Domino offerentes sacrificia in D
sacerdos sanctificatus est, quatenus dignus

esset arcam custodire, præfiguratum est, quam puros et sanctificatos esse oporteat sacerdotes novæ legis, qui Christum Unigenitum Patris consecrant, offerunt, tractant, et sumunt.

Requievit omnis Israel post Dominum. Ita et nos, relictâ inquietudine vitiorum, immoderatione passionum, sollicitudine sæculari, stabiliri et conquiescere studeamus in Deo. Ipse enim est finis noster, ad quem semper respicere et adspirare debemus, in quo solo vera et salutaris quies consistit, et in ipso per fidem, sapientiam et virtutes defigimur. Optimum etenim est, *Hebr.* xiii, 9.

- Ps. xl, 9.* gratia et virtute cor stabiliri. Impii autem A autem non habuero, nihil mihi prodest. Imo de quibusdam talibus ait Salvator : Attende a falsis prophetis, qui veniunt ad vos in vestimentis ovium, intrinsecus autem sunt lupi rapaces. Et sicut ibidem sequitur Christus, vestimenta ovium sunt, jejunium, oratio, eleemosyna : quibus, id est quorum fictis imaginibus, seductores suam celant impietatem. Insuper deos alienos auferamus de medio nostri, hoc est, unusquisque de corde suo tollat ac jugiter pellat omnem affectionem vitiosam ad creata ac peritura, vana phantasmata, cogitationes perversas, inutiles phantasias. Quod enim quis amplius colit et amat, quam Deum, hoc sibi impie efficit deum seu ultimum finem. *Matth. vn, 15.*
- Thren. i, 8.* nis habetur : Peccatum peccavit Jerusalem, propterea instabilis facta est. Propter quod in libro Job dicitur : Si iniquitatem abstuleris, stabilis eris, et non timebis. B *Ibid. vi, passim.*
- Job xl, 14.* Hinc quoque in Ecclesiastico fertur : Homo sanctus in sapientia manet ut sol. Nam stultus sicut luna mutatur. Porro stultus est omnis qui dono sapientiæ caret, et vitiis passionibusque succumbit, in quo puerilitatis vitium regnat : quoniam sicut pueri poma et pira præferunt auro et gemmis, sic talis carnalia et caduca præponit divinis atque æternis. Taliumque stultorum, juxta Salomonem, infinitus est numerus.
- Eccli. xxviii, 12.*
- Eccle. i, 15.* *Ait autem Samuel ad universam domum Israel : Si in toto corde vestro revertimini ad Dominum, auferite deos alienos de medio vestri.* Hoc unusquisque prælatus et prædicator dicere debet toti congregationi, et unicuique cui præest aut prædicat. Oportet equidem toto corde converti ad Dominum, quem toto corde jubemur diligere, et cui præ omnibus tenemur intellectui et voluntate integraliter adhærere, qui ait per Joëlem : Convertimini ad me in toto corde vestro. De his vero qui convertuntur ad Dominum non toto corde, scriptum D *Jer. xxx, 21.*
- Deut. vi, 5; Matth. xxii, 37.* est in Osee : Divisum est cor eorum, nunc interibunt. Hi sunt qui Deo et sæculo volunt inhærere ac complacere. De his quoque qui solo ore convertuntur ad Dominum, ipse per Isaiam testatur : Populus hic labiis me honorat, cor autem eorum longe est a me. Similiter de his qui solo exteriori opere videntur converti ad Deum, scribit Apostolus : Si distribuero in cibos pauperum omnes facultates meas, et si tradidero corpus meum, ita ut ardeam, caritatem *Ephes. vi, 5-7.*
- Is. xxix, 13; Matth. xv, 8.* *Dixit autem Samuel : Congregate universum Israel in Maspha.* Sic majores prælati et Pontifex summus deberent opportunis et præfixis temporibus, præsertim instantibus arduis causis, synodum convocare, ac devotissime celebrare. *Haureruntque aquam, et effuderunt in conspectu Domini.* Ita et nos aquam lacrimosæ con-

tritionis ac devotionis hauriamus precibus ex fonte divinæ et incircumscriptibilis pietatis, Patrem misericordiarum fervide deprecantes, ut hujusmodi contritionem et devotionem nobis conferre dignetur, et effundamus sicut aquam cor nostrum in conspectu Domini Dei nostri, aut * precibus nostris abstinentiam, jejunium et humilitatem semper jungamus, dicentes ex intimo corde : Tibi peccavimus, Domine. *Et audierunt Philistiim, quod congregati essent filii Israel.* Sic invisibiles hostes præcipue impugnare non cessant congregationes devotas, et quanto diligentius ad profectum virtuosum nos damus, tanto invidiosius et insolentius instant. Tunc ergo devoti clament ad Dominum, et superiorum suorum, præsertim virorum virtuosorum, imo et Beatorum in patria, suffragia orationesque postulent.

Tulit autem Samuel agnum lactentem.

Sic devotus pastor pro sibi commissis et recommendatis celebrare debet, et Patri æterno offerre Unigenitum suum, Agnum qui tollit peccata mundi. Quemadmodum C autem Samuele sacrificante et orante, intonuit Dominus magno super Philistæos fragore; sic meritis orationum et celebrationum devotorum sacerdotum, atque virtute Sacramenti altaris quod offerunt, Deus fugat et conterit invisibilium hostium turbam. Tonat quoque Altissimus, dum per os efficacium prædicatorum loquitur populo suo, per quod spirituales hostes vertuntur in fugam, ut Rabanus ait. *Tulit autem Samuel lapidem unum.* Per hunc lapidem Adjutorii, inter Israelitas Philistæosque positum, intelligitur Dominus et Salvator, qui est lapis angularis, petra refugii, et pretiosissima gemma, ac robur et fons adjutorii nostri, qui inter electos et reprobos stat defensor. Unde Septuaginta transtulerunt, Inter Maspha novam et veterem. Alia quoque quædam translatio continet, Inter Maspha et Siceleg, quæ sunt urbes Philistinorum.

Facta est itaque manus Domini super Philistæos cunctis diebus Samuelis. Sic

præsentibus viris virtuosis ac sanctis, repelluntur a subditis contrariæ potestates. Nempe qualis est rector civitatis, tales *Ecclesi. x, 2.* et habitantes in ea. Quo constat, quantum bonum, et quam præfulgidum Dei donum sit, pastor idoneus et condignus. Ideo vere ait Scriptura : Rex sapiens, populi stabilitum est. Itemque : Multitudo sapientium, sanitas est orbis terrarum. *Et reddite sunt urbes.* Sic virtuosus prælatus animas a dæmonibus victas Christo reducit, et congregationes deformatas reformat, atque ab ecclesia malignantium in ecclesiam Deo militantium multos restituit ac deducit. *Eratque pax inter Israel et Amorrhæum.* Sic boni fideles cum peccatoribus, quantum sine offensa Dei queunt, libenter pacem habere conentur, dicente Apostolo : Si fieri potest, quod in vobis est, cum omnibus hominibus pacem habete. Sit etiam in unoquoque nostrum pax ordinata inter Israel et Amorrhæum, hoc est inter spiritum rationalem divina contemplantem, et inter carnem, ita quod corpus in cunctis prompte obediat rationi, et ratio Deo. Absit autem a nobis pax inordinata et pessima, qua spiritus acquiescit desideriis carnis, et ratio concupiscentiis servit, ita quod fatua famula dominæ principatur. Hæc est pax inquinata, quam cum Eva habuit Adam, quando ad Evæ suggestionem comedit fructum prohibitum. *Gen. iii, 6.*

Judicabat quoque Samuel Israellem cunctis diebus vitæ suæ. Sic is qui præest, omni tempore præsentia suæ infatigabiliter debet suum implere officium, et subditos sine personarum acceptione judicare, corripere, corrigere, informare, sicut Timotheo jubet Apostolus : Prædica verbum ; insta opportune, importune ; argue, obsecra, increpa in omni patientia. Hoc est contra eos, qui dum senescunt, substituunt sibi vicarios, et sollicitudinem pastorem remittunt, quum tanto plus deberent esse pro commissis solliciti, quanto plus appropinquant suo fini, atque examini Judicis summi. *Et ibat per singulos annos circumiens.* Sic omnino, sic veri episcopi,

Thren. ii, 19.

* et

Jer. xiv, 20.

Joann. i, 29.

Is. xxviii, 16; Act. iv, 11; 1 Petr. ii, 6.

Sap. vi, 26.

Ibidem.

Rom. xii, 18.

Gen. iii, 6.

11 Tim. iv, 2.

archidiaconi, abbates et ceteri visitatores A
omni tempore opportuno, et in jure de-
terminato, debent subditos suos, cœnobîa,
collegia, parochias, caritative ac strenue
visitare, vitia extirpare, collapsa et defor-
mata totis viribus reformare, bonos confir-

mare in bonis, et provocare ad meliora, præ-
cipua quoque loca diligentius custodire :
sicque reverti ad propria, ad providendum
propriis suis ovilibus, atque ut ibi prompte
inveniantur a cunctis qui eorum consilio
aut judicio egent.

ARTICULUS XVI

EXPOSITIO LITTERALIS CAPITULI OCTAVI : FACTUM EST AUTEM QUUM SENUISSET SAMUEL.

HISTORIA hujus narrat capituli, cur et
qualiter Israeliticus populus petiit præ-
fici sibi regem : ejus postulationis duplex
fuit causa, ut infra habetur. *Factum est
autem quum senuisset Samuel*, ita quod so-
lito more non potuit exercere labores in vi-
sitando et omnibus serviendo, ac exteriora
tractando : quod viris sanctis onerosum
est valde, quippe quibus dulcissimum atque
carissimum est, vacare divinis, et spiritu-
alibus occupari. Propter quod Augustinus
vir sanctus dixit : Mallem quotidie aliquid
manibus operari, quam causas et lites ve-
stras audire et expedire. *Posuit filios suos
judices super Israel*, id est, constituit eos
plebis Israeliticæ judices, non reges aut
principes. Hoc sanctus Samuel non fecit
carnali affectu, sicut nunc multi promo-
vent suos cognatos, ne dicam et filios, ad
præbendas et ecclesiasticas dignitates ; sed
quoniam judicavit eos ad judiciale offi-
cium vere dignos, et forsitan tunc digni
erant, quamvis post suam promotionem
corrupti sint corde, quemadmodum Saul.
Principatus quippe ostendit virum, et ho-
nores mutant in multis mores. Verumta-
men non recolo me legisse, quod aliquis
Judicum ante Samuelem, vel vivens sive
in extremis constitutus, posuerit aliquem
filiorum suorum judicem populi. Nam ut
in prima secundæ asserit Thomas, et idem
dicunt Alexander de Hales, alique com-
muniter, et infra patebit, Deus elegerat

B sibi filios Israel in populum peculiarem
et prædilectum : ideo voluit per se ipsum
eis præficere judices et rectores. Unde de
judicibus communiter scriptum est, quod
Dominus suscitavit eis salvatorem seu judi-
cem. Hinc Moyses nullum filiorum suorum
instituit judicem, sed petiit sibi revelari a
Domino, quem vellet sibi succedere. Unde
videtur, quod Samuel ex divino instinctu
fecerit istud, et quod filii ejus primo boni
fuerunt.

*Fuitque nomen filii ejus primogeniti
Joel, et nomen secundi Abia, judicum in
Bersabee.* Magister in historiis ait : Quum
senuisset Samuel, posuit filios suos Joel et
Abiam, alterum in Bethel, alterum in Ber-
sabee, ut ibi sedentes, judicarent popu-
lum. Quomodo ergo hic dicitur, Judicum
in Bersabee, quasi ambo fuerint judices
ibi? Ad quod videtur dicendum, quod Scri-
ptura brevitati hic studens, per expressio-
nem unius loci, dat alterum locum intelli-
gi. Vel forte successive sederunt ambo in
Bersabee. Iterum quæri potest, quomodo Ma-
gister in historiis dicat unum eorum posi-
tum fuisse in Bethel, quum Josephus dicat,
In Bethlehem; quod etiam Rabanus sequitur,
immo et Magister præfatus circa exordium
libri hujus. Ad quod dicendum, quod per
Bethel, intelligit Bethlehem. Vel vitio scri-
ptorum, pro Bethlehem, scriptum est Be-
thel. *Et non ambulaverunt filii illius in
viis ejus*, hoc est, virtutes et opera virtuo-

*Deut. vii, 6;
xvii, 15.*

*Judic. iii,
9, 15.*

*Num.
xxvii, 16.*

*1 Reg. xv,
11.*

sa sui patris secuti non sunt; *sed declina- A* *naverunt a recto itinere post avaritiam, illam sectando : quod iudicibus summe vitandum est; acceperuntque munera intentione sinistra, et perverterunt iudicium, hoc est, injuste iudicaverunt scienter ad complacendum his, a quibus munera acceperunt. Contra quod scriptum est in Exo-*
do : Non accipias munera, quæ excæcant etiam prudentes, et subvertunt verba iustorum. Porro iudex debet esse quasi animata justitia, et tanquam lex viva, ut nec amore, nec odio, nec cupiditate, nec timore, nec aliquo modo ab æquitate et veritate discedat. Et quocumque modo contrarium fecerit, ad satisfactionem seu restitutionem tenetur his, quibus impie iudicando damnum aut molestiam infert.

Exod. xxiii, 8.

Congregati ergo universi majores natu Israel, venerunt ad Samuelem in Ramatha, dixeruntque ei Samueli : Ecce tu senuisti, et filii tui non ambulant in viis tuis, hoc est, rectitudinem iudiciorum operumque tuorum non imitantur. Constitue nobis regem, ut iudicet nos, sicut et uni-
versæ habent nationes, id est ceteræ gentes communiter, vel quædam de omnibus. Si nobiliores isti, juxta evangelicæ sapientiæ documenta, primo admonuissent iudices illos, vel patri eorum denuntiassent, ut filios suos corripere, consultius processissent. Nunc autem statim processerunt ad depositiones illorum. Displicuitque sermo in oculis, hoc est in intellectu et ratione seu sapientia, Samuelis, eo quod dixissent, Da nobis regem, ut iudicet nos, et non potius, Corrige filios tuos, ut juste se habeant. Displicuit ergo illa petitio Samueli, non ex ambitione, sed æquitate et amore ad bonum commune, quia sciebat populo potius expedire quod regeretur per iudices, et quoniam scivit quod Deus sibi retinuit regale atque monarchicum regimen populi hujus. Insuper displicuit Samueli quod voluerunt gentibus conformari, instar gentium regem habendo, quasi non regerentur excellentiori modo a Deo, quam gentes. Displicuit quoque sancto viro su-

Matth. xviii, 15-17.

orum perversitas filiorum. Et oravit Samuel ad Dominum, ut ei revelaret quid sibi esset agendum.

Dixit autem Dominus ad Samuelem : Audi vocem populi in omnibus quæ loquuntur tibi de ista materia, id est, præfice eis regem. Si peccaverunt regem petendo, cur Dominus jussit satisfieri eorum petitioni? Respondetur, quod Deus justo iudicio istud permisit sive mandavit, in pœnam et humiliationem superbientium, et quoniam regem habere non erat malum in se, et quia ex adimplerone petitionis illorum, seu regum institutione, decreverat multa bona elicere. Nam et per Jacob patriarcham prædixit reges ex tribu Juda nascituros. Ad Abraham quoque: Reges, inquit, egredientur ex te. Unde quod Dominus dixit, Audi vocem eorum, quasi iratus, locutus est. Non enim te abjecerunt, sed me, id est non te solum aut principaliter, sed me qui hucusque fui eorum rex, et de vicario regiminis mei eis providi, iudices suscitando. Idcirco oportet patientiam te habere. Quamvis autem Samuel filios suos instituit iudices, dicuntur tamen filii Israel eum abjecisse, quia eum in suis filiis abjecerunt, vel quia adhuc mansit iudex supremus in populo illo, ita quod ad eum fiebat in majoribus et dubiis causis recursus. Nam super illud, Quum senuisset, loquitur Glossa : Ætate et curis gravatus, solennia non poterat celebrare iudicia. Ne regnem super eos, per me ipsum circa eos exercendo præsidetiam regiam. Nam secundum doctores, ipsi iudices non habebant super populum aliquid præ-
laticæ auctoritatis aut juris, nisi quod populus Israel in tribulationibus suis utebatur illorum consilio aut prudentia, prout de hoc super librum Iudicum plenius reco-

Gen. xlix, 10.

Ibid. xvii, 6.

lo dictum. Sic igitur abjecerunt me et te, juxta omnia opera sua, quæ fecerunt a die qua eduxi eos de Ægypto, usque ad diem hanc : hoc est, sicut et ipsi et patres eorum frequenter se male habuerunt, a tempore egressionis eorum ex Ægypto usque in præsens, sic et in isto male egerunt. Itaque non est intelligendum, quod

isti de quibus hæc dicebantur, fuerunt de A .Egypto educti, nisi in lumbis patrum suorum: vel quod in omnibus actibus suis interim peccaverunt, quum et præcedenti capitulo multa bona de istis conscripta sint. *Sicut dereliquerunt me, et servierunt diis alienis* interdum, non semper, *sic faciunt etiam tibi*, hoc est, ingrati sunt tibi, et præsentiam tuam abjiciunt, sicut mihi fuerunt ingrati, et meam gubernationem dereliquerunt, subdentes se alienorum dominationi deorum. Ecce quam pie et dignantissime loquitur Deus majestatis B immensæ ad labilem atque ex se fragilem creaturam, se comparans homini. *Nunc ergo vocem eorum audi. Verumtamen contestare*, id est, cum protestatione certifica, *eos, et prædic eis jus regis, qui regnaturus est super eos.*

Dixit itaque Samuel omnia verba Domini ad populum, qui a se petierat regem, et ait hoc Samuel populo: Hoc erit jus regis qui imperaturus est vobis: Filios vestros tollet et ponet in curribus suis, hoc est, faciet eos aurigas quadrigarum suarum, *facietque sibi equites*, id est, quosdam filiorum vestrorum faciet esse equites suos, *et quosdam præcursores quadrigarum suarum; et constituet sibi ex eis tribunos*, qui præsent mille viris, *et centuriones*, ita quod oportebit eos patere assiduus præliorum periculis, sicque dignitati eorum erunt annexa onera gravia, *et aratores agrorum, et messorum segetum, et fabros armorum et curruum suorum. Filias quoque vestras faciet sibi unguentarias et focarias*, hoc est unguentorum paratrices et D coatrices, *et panificas*, id est panum factrices. *Agros quoque vestros et vineas, et oliveta optima tollet, et dabit servis suis. Sed et segetes vestras, et vincarum redditus uldecimabit*, hoc est, ad decimam accipiet, *ut det eunuchis*, id est custodibus lecti sui aut puellarum, *et famulis suis. Servos etiam vestros et ancillas et juvenes optimos et asinos auferet, et ponet in opere suo. Greges quoque vestros uldecimabit, vosque eritis ei servi.*

Circa hæc arguit Thomas in prima secunda, quæstione 105: Sicut regnum est optimum regimen, ita tyrannis est pessima corruptio regiminis. Sed Dominus regem instituendo, instituit jus tyrannicum. Dicitur enim primo Regum: Hoc erit jus regis qui imperaturus est vobis, Filios vestros tollet, etc. Ad idem Doctor respondet: Jus illud non determinatur regi ex institutione divina, sed magis prænuntiatur ibi usurpatio regum, qui sibi constituunt jus iniquum, in tyrannidem degenerantes, et subditos deprædantes. Quod patet per hoc, quod in fine subjungitur, Vosque eritis ei servi: quod proprie ad tyrannidem pertinet, quia tyranni suis subditis principantur ut servis. Unde ista dicebat Samuel ad deterrendum eos, ne peterent regem. Nam sequitur: Noluit autem populus audire vocem Samuelis. Verumtamen potest contingere, quod etiam bonus rex absque tyrannide filios subditorum tollat, et constituat tribunos et centuriones, et multa a subditis suis accipiat ad procurandum bonum commune. Hæc Thomas. Hinc dicunt et alii, quod quædam sunt de jure regis in necessitate constituti, quæ non sunt de jure ejus extra casum necessitatis, imo tunc ad tyrannidem pertinerent. Prædicta ergo omnia possunt in necessitate ad jus regis spectare, quia in tali casu sunt regis seu principis ad utendum, et disponendum de eis secundum exigentiam boni communis. Si vero rex aut princeps modo prætaeto utatur bonis ac sobole subditorum, extra necessitatis articulum, puta ad proprium commodum, tyrannicum est.

Insuper advertendum, quod duplex est dominatio: Una videlicet naturalis et ordinata, qua quis aliis præest ad illorum profectum et utilitatem: quæ dominatio etiam quædam servitus appellatur, in quantum ad inferiorum commodum, non ad emolumentum proprium, ordinatur. Hæc tamen est servitus administrationis et prælationis ac dignitatis, secundum quam summus Prælatum Ecclesiæ vocat se Servum

servorum. Alia est dominatio innaturalis, A inordinata, et quodammodo violenta, qua quis aliis præsides solum ad commodum suum, quæ est tyrannis. Veruntamen inter has duas est dominatio quædam media, quæ quamvis ordinetur ad commodum dominantis, tamen hoc ipsum fit sine injuria servientis, imo cum utilitate et mercede ipsius. Itaque etiam subditi regis virtuosus, sunt servi ipsius servitute ordinatæ subjectionis, et etiam casti timoris atque spontaneæ voluntatis.

Et clamabitis in die illa a facie regis vestri, quem elegistis vobis, hoc est, a rege tali liberari petetis, propter pressuras et præfatas injurias quas inferet vobis, et non exaudiet vos Dominus in die illa in prætaeta petitione, quia inobedientiam vestram puniet, quia petistis vobis regem.

Noluit autem populus audire vocem Samuelis, id est, admonitioni qua hortatus est eos, ut cessarent petere regem, acquiescere noluerunt, sed dixerunt : *Nequaquam,* id est, nullo modo succedet nobis tam male cum rege, ut cominaris. Vel, C Nequaquam obtemperabimus tibi in hac tua persuasionem. Vel, Nequaquam clamabimus a facie regis nostri, nec omittet Dominus nos exaudire, eo quod petierimus regem. *Rex enim erit super nos, et erimus nos quoque sicut omnes gentes.* Quasi dicant : Inferiores et viliores esse videmur ceteris gentibus, quoniam non habemus regem seu principem tantæ dignitatis, ut illæ, sed solum judicem et rectorem consiliativum. *Et judicabit nos rex noster, et egredietur ante nos, et pugnabit bella nostra pro nobis. Et audivit Samuel omnia verba populi, et locutus est ea in auribus Domini.* Dixit autem Dominus ad Samuellem : *Audi vocem eorum, et constitue super eos regem.* Et ait Samuel ad viros Israel : *Vadat unusquisque in civitatem suam,* hoc est, ad propria revertamini, patientiamque habete, quousque Dominus mihi revelet quem ipse velit vobis regem creari. Quamvis enim Deus a principio non instituit eis regem, attamen circa regem

instituendum duo instituit. Primum, ut in ejus electione expectarent judicium Dei, juxta illud Deuteronomii : *Eum constitues regem, quem Dominus Deus elegerit.* Secundum fuit, ut non facerent sibi regem alterius gentis. Propter quod subditur ibi : *De medio fratrum tuorum.*

Deut. xvii, 15.

Ibidem.

Sensus moralis.

Moraliter docemur ex isto capitulo, quam detestanda sit in judicibus omnis avaritia, et quanta ex ea sequantur peccata : quia ut ait Glossa, pro munere facit justitiam opprimi, et ad epulas ac pretiosa convivium ab aliis præparata inducit, imo gignit dolos, mendacia, perjuriam, inviscerositatem, testimonia falsa, innocentium oppressionem, et innumerabilia mala. Patet quoque ex dictis, quam periculosum et malum existat in subditis, immansio proprii sensus, nec superioris sui sanis obtemperare consiliis. Item, quod servi Dei non debent velle assimilari filiis et amatoribus sæculi. Et rursus ex præhabitis innotescit, quod Deus interdum exaudit petitiones malorum in pœnam eorum, exaudiens eos ad votum, non ad salutem. Idecirco in his, de quibus sumus incerti an sint pro nostra salute, debemus sic Dominum invocare, ut ejus moderamini sapientissimo atque piissimo committamus ipsam precum nostrarum exauditionem, in quantum expediat nostræ saluti exauditio ipsa : et hoc est cum conditione saltem implicita exorare.

Circa capitulum hoc quæritur, an populus Israel peccavit postulando regem. Et apparet quod non, quia secundum Philosophum tertio Politicorum, regimen monarchicum seu regale, quo unus toti multitudini principatur, est optimum : ergo hoc petere, non est culpa. Insuper Dominus dedit formam et modum petendi regem, dicendo : *Quum ingressus fueris terram,* et dixeris, *Constituam super me regem,* cum constitues quem Dominus elegerit. Oppositum tamen hujus patet ex dictis, atque ex eo quod infra habetur : *Scietis quia grande malum feceritis in conspectu Domini, petentes super vos regem.* Ad hanc quæstionem Lyra ex verbis S. Thomæ re-

Deut. xvii, 14, 15.

I Reg. xii, 17.

spondet : Filii Israel peccaverunt regem petendo, quoniam Deus elegit sibi filios Israel in populum peculiarem et specialem, ideo voluit esse immediatus rex plebis illius, propter quod legem dedit ei in monte Sinai per se ipsum, id est per angelum in persona ipsius loquentem, et non per hominem mediatorem. Hinc voluit homines gubernatores populi illius institui a se immediate, tanquam vicarios suos, non tanquam reges et dominos, ut patet de Moyse et Josue, et de iudicibus sequentibus, de quibus in libro Iudicum legitur, Suscitavit Dominus illum aut illum : et ideo filii Israel fecerunt contra ordinationem Dei, petendo super se regem hominem mortalem. Dicendum ergo ad primum objectum, quod si gubernatio regis est optima, ergo optimum est habere Deum regem immediate. Ad aliud respondendum, quod verba illa Dei de rege constituendo, fuerunt permissio, non concessio proprie dicta.

Sed contra hæc scribit Rabbi Paulus, dicendo : Institutio regis in aliquo populo, non tollit immediatam gubernationem Dei ab eis. Stat enim quod Deus sit immediatus rex alicujus populi, ipsum in principalibus per se regendo, et tamen populus ille habeat regem hominem, ut patet de populo christiano. Denique populus christianus non est minus peculiaris et specialis populus Dei, quam olim populus Hebræorum ; sed longe plus, juxta illud : Vos autem genus electum, regale sacerdotium, gens sancta. Et tamen populus christianus gubernatur per homines reges. Insuper Deus dedit populo christiano legem, non per angelum in sua persona apparentem, sed per se ipsum in humanitate assumpta : ergo magis est peculiaris populus Dei, quam populus Israel. Et tamen competit sibi regi per reges. Amplius, si filii Israel peccaverunt regem petendo, ergo perseverassent semper in illo peccato, durante regimine regio. Propter has rationes Paulus dicit, quod populus Israel non peccavit, regem petendo, sed quia petierunt regem aliter quam eis fuit concessum. Nam petierunt

A regem qui eis præesset cum plenaria potestate, ita quod esset absolutus a legibus. Non enim solum postulabant esse sub rege modo eis concessa a Deo, videlicet qui eis præesset secundum Dei præcepta, sed ut rex judicaret eos eo modo, quo reges gentilium communiter judicabant eos absque limitatione potestatis, et absque refrenatione appetitus. Ista responsio Rabbi Pauli, nullius videtur valoris. Nulla enim gens in mundo tam fatua fuit aut est, quæ cupiat talem habere regem, qui regat eos absque limitatione potestatis, et absque refrenatione appetitus, quum hoc sit tyrannice gubernari : imo Romani et alii multi gentiles interfecerunt aut ejecerunt reges suos se ita habentes.

Dicendum ergo, quod populus Israel peccavit regem petendo. Nam et super illud Deuteronomii, Eum constitues, etc., loquitur Augustinus : Cur populus Israel Deo displicuit regem petendo, quum hoc fuerit eis permissum ? Sed intelligendum est, non hoc fuisse secundum voluntatem Dei qui id fieri non præcepit, sed desiderantibus permisit. Glossa etiam super illud, Constitues, ait : Permittit, non committit. Præterea, infra Samuel ait : Videntes quod Naas rex filiorum Ammon venisset contra vos, dixistis, Nequaquam, sed rex imperabit nobis, quum Dominus Deus vester regnaret in vobis. Deinde ait : Invocabo Dominum, et dabit voces et pluvias, et videbitis, quia grande malum feceritis, petentes super vos regem. Quo facto, populus dixit : Ora pro servis tuis ; addidimus enim universis peccatis nostris malum, ut peteremus nobis regem. Quibus Samuel dixit : Vos fecistis universum malum hoc. Ecce apertissime docet Scriptura, quod peccaverunt, regem petendo.

Nunc ergo ad instantias respondendum. Ad quas dicendum, quod tempore Mosaicæ legis ceteræ gentes communiter ad idololatriam declinabant, imo et summi Dei providentiam negaverunt. Ideo Deus voluit in regimine Judæorum suam providentiam multipliciter demonstrare, exercendo in eis

Deut. vii, 6.

Exod. xxiv.

Ibid. iii, iv.

Num. xxvii,

18 et seq.

Judic. iii,

9, 15.

Deut. xvii,

15.

Deut. xvii,

15.

1 Reg. xii,

12.

Ibid. 17.

Ibid. 19.

Ibid. 20.

1 Petr. ii, 9.

regiam gubernationem per se et iudices A suscitando, qui auctoritatem praelaticam non habebant in populo (ut communiter) secundum doctores catholicos. Insuper voluit eis monstrare, quis fieret rex eorum, quando imo * requirerent regem : et hoc modo immediate regi a Deo, non stat cum regimine regis mortalis. Ad aliud respondendum, quod populus christianus non est populus unius tantummodo nationis, sed juxta Prophetarum oracula, omnes tribus, linguas et gentes includit, et per praedicationem evangelicae legis, universis nationibus multipliciter patefacta est veritas unius summi Dei, et generalis atque di-

stineta ac plena providentia ejus. Ideirco, quamvis populus christianus, ad quem et Apostoli, ac primitiva Ecclesia ex Judaismo conversa, est pertinens, sit maxime peculiaris plebs Dei ; non tamen praefata ratio habuit locum in eo, quod immediate absque regali humano regimine gubernaretur. Et per hoc patet ad tertiam objectionem responsio. Ad quartum dicendum, quod quamvis filii Israel peccaverunt, regem petendo, tamen nec ipsi, nec eorum posterii peccaverunt, illum suscipiendo in regem, quem Deus perhibuit se elegerisse in regem ipsorum, puta Saulem, David, et posteros ejus.

ARTICULUS XVII

EXPOSITIO LITTERALIS CAPITULI NONI : ET ERAT VIR DE BENJAMIN, NOMINE CIS.

INSTITUTIO primi regis Israel, hoc loco describitur. *Et erat vir de Benjamin*, id est de tribu Benjamin natus, *nomine Cis, filius Abiel*. Primo libro Paralipomenon habetur, Ner genuit Cis, et Cis genuit Saul : quomodo ergo Cis vocatur filius Abiel? Ad hoc in libro praerallegato Paralipomenon est responsum. *Filii Seror, filii Bechorath, filii Aphia, filii viri Jemini*. Aiunt quidam, quod Jemini fuit vir quidam vilissimus in tribu Benjamin, qui posteris suis saepe legitur impropere. Nam et Saul infra se humiliando, et quasi indignum ad regnandum probando : Numquid non, inquit, filius Jemini ego sum, et cognatio mea novissima inter omnes familias de tribu Benjamin? Verumtamen Josephus protestatur, quod Cis fuit vir potens ac nobilis, et Saul strenuus. Hinc alii dicunt, quod Benjamin et filius Jemini, idem significant, quoniam BEN est idem quod filius, et JAMIN idem quod Jemini, quod interpretatur dextera. Sed huic responsioni obviare videtur, quod ait, Numquid non

C filius Jemini ego sum? Nempe si idem significant Benjamin et filius Jemini, tunc idem est dicere, Numquid non filius Jemini ego sum? et, Numquid non Benjamin ego sum? Nisi forsitan dicatur, quod Jemini hic sumatur pro Benjamin, ut sit sensus, Filius Jemini, id est, Benjamita seu de semine Benjamin ego sum. *Fortis robore*, id est, ipse Cis fuit robustus, et forsitan non solum corpore, sed et corde, utpote virtuosus.

Et erat ei filius vocabulo Saul, electus et bonus. Posset quis dicere : Si electus, ergo et praedestinatus. Sed electus, in Scripturis frequenter aliter quam pro praedestinato accipitur, ut in Psalmo : Non communicabo cum electis eorum. Et : Electos Israel impedivit. Fuit ergo electus, id est vir elegans et magnae praerogativae in naturalibus, et bonus moraliter. *Et non erat vir de Israel melior illo*, id est convenientior eo ad officium regis, quoniam fuit magnus, robustus, pulcher et virtuosus, ut quidam exponunt. Verumtamen, per haec

Ps. CXL, 4.

Ps. LXXVII, 31.

verba videtur specialiter insinuari præcipua excellentia ipsius Saul in omni virtute, seu magna valde virtuositas ejus, propter quam nemo in populo Israel fuit dignior eo ad regnum. Qui enim melior, qui perfectior, qui sapientior in omni populo, eligendus est ad præsidendum, secundum Origenem. Et quamvis in foro contentioso sufficiat eligere bonum et sufficientem, tamen in foro conscientiae necesse est eligere meliorem, seu eum quem conscientia judicet optimum atque dignissimum ad primatum. *Ab humero et sursum eminebat super omnem populum*, id est, valde elegantis erat staturæ: quod competit principi. Sicque de eminentia in naturalibus atque gratuitis commendatur.

Perierant autem asinae Cis patris Saul, id est, perditæ seu amissæ erant ad tempus, et perditæ putabantur. *Et dixit Cis ad Saul filium suum: Tolle tecum unum de pueris*, id est de ministris, *et consurgens, vade et quære asinas*. Propter viæ solatium, vel propter negotii expeditionem, aut propter ipsius Saul honorabilitatem voluit pater suus ut non iret solus, sed cum ministro. *Qui quum pertransissent montem Ephraim et per terram Salisa, et non invenissent, transierunt etiam per terram Salim*: de qua apud Joannem scri-

Joann. III,
23.

ptum est: Erat Joannes baptizans in Ænnon juxta Salim, id est locum seu oppidum sic vocatum; *et non erant; sed et per terram Jemini*. Hic per Jemini designatur vir quidam notabilis et famosus, ut videtur. *Et minime reppererunt. Quum autem venissent in terram Suph*. Per hunc Suph

1 Reg. I, 1.

quidam intelligunt atavum Samuelis, de quo Suph in exordio hujus libri habetur. Sed quum Suph ille fuerit Levites, juxta præhabita, non videtur terram habuisse hereditariæ possessionis: nisi forte dicatur terra Suph, ratione originis, vel quia ad alenda pecora sua habuit eam. *Et non invenissent; dicit Saul ad puerum qui erat cum eo: Veni, et recertamur, ne forte dimiserit pater meus asinas, et sollicitus sit pro nobis*, id est, ne forte tam an-

xius sit propter nos, timendo de nostro periculo, quod desierit sollicitari pro asinabus. Sciebat etenim Saul, se esse valde dilectum, imo carissimum patri suo: tamen ex humilitate connumerat sibi suum ministrum, dicendo, *Et sollicitus sit pro nobis*. In hoc quoque apparet bonitas Saul, imo et prudentia ejus, quod patris sui dolorem verisimiliter æstimavit, et eidem condoluit.

Qui puer ait ei: Ecce vir Dei est in civitate hac, puta in Ramatha, cui propinquus sumus, *vir nobilis*, quia erat judex populi, et propheta, et omnium nobilitate virtutum ornatus; *omne quod loquitur, sine ambiguitate venit*, id est, quidquid futurum prædicat, certissime adimpletur, loquendo de prophetia. *Nunc ergo camus illuc, si forte indicet*, id est, quia forsitan indicabit, *nobis de via nostra, propter quam venimus*, id est de negotio viæ nostræ, scilicet de asinabus quas quærimus. Mirum, quod Saul ista non scivit, aut non consideravit, videlicet Samuelem esse prophetam, et habitare in Ramatha, et venientibus ad se dare responsa. Puto autem quod habitualiter sciverit ista.

Dixitque Saul ad puerum suum: Ecce ibimus. Quid feremus ad virum Dei? Pannis defecit in sitarciis nostris, id est, viaticum quod nobiscum accepimus in peris, saccis seu repositoriis nostris, jam pene consumptum est; *et sportulam non habemus*, id est munusculum in sportella, seu argentum in pera parva, *ut demus homini Dei, nec quidquam aliud*. Unde secundum D Lyram, in Hebræo habetur, Encænium; sed potius reor, nomen illud Hebraicum ad utrumque esse æquivocum. *Rursum puer respondit Sauli, et ait: Ecce inventa est in manu mea quarta pars stateris argenti*, id est, manum meam mittendo in bursam meam, extraxi nummum qui valet quartam partem stateris argenti. Stater autem est medieta uncia, valens (ut dicitur) quinque nummos usuales. Et idem dicuntur siclus et stater. *Demus homini Dei, ut indicet nobis viam nostram*, id est, quid

agere debeamus, et qualiter habeat se materia, propter quam arripuimus iter hoc. Præterea, si Saul et puer ejus intendebant pecuniam dare Prophetæ pro spirituali actu seu prophetica denuntiatione veritatis, tanquam pretium rei, fuisset illicitum, quia simoniaeum est. Si autem tanquam victus stipendium, vel ex urbanitate et tanquam liberale munusculum, ne vacui coram Propheta starent; vel quasi benevolentiae suæ indicium ad provocandum Prophetam ad insinuandum quod scire optabant, seu ad captandum ejus benevolentiam, sicut religiosi aliquid datur, ut orent pro dante, non fuisset illicitum dare neque accipere. Verum, ut Josephus scribit, erravit Saul, putans Prophetam munera accepturum. Tamen nec Samuel legitur accepisse, nec Saul obtulisse: atque ut ait Hieronymus, Si accepit stipes, fuit vitæ, non prophetiæ pretium.

Demum quod sequitur, Olim in Israel, usque ad id, Et dixit Saul, non sunt verba pueri Saul, sed auctoris libri istius, secundum Hebræos. Verumtamen secundum Bedam, non sunt verba historiographi, id est scriptoris seu auctoris libri, sed Esdræ, qui reparando hunc librum, sicut et ceteras veteris Testamenti Scripturas a Chaldæis combustas, interposuit verba ista. *Olim in Israel sic loquebatur unusquisque vadens consulere Deum*, et pergens ad inquirendum consilium de agendis, si-ve oraculum aut responsum a Deo per Prophetam, per cujus os Spiritus Domini loquebatur, juxta quod in secunda Petri Canonica asseritur: Non voluntate humana allata est aliquando prophetia, sed Spiritu Sancto inspirati, locuti sunt sancti Dei homines. *Venite, et camus ad Videntem*, id est Prophetam. Interdum tamen aliqui i-
II Petr. 1, 21.
D
venerunt vel soli vel secrete ad Prophetam, et tunc non dixerunt hæc verba ad alium. *Qui enim Propheta dicitur hodie*, id est tempore isto, *vocabatur olim Videns*. Eidem etenim rei imponuntur et competunt diversa nomina secundum diversas proprietates et actiones, entitates seu habitudines ejus. Dicebantur ergo Videntes, ab

actu et excellentia interioris visionis, quia ex supernaturali revelatione cognoverunt et mentaliter præviderunt multa secreta atque futura: et iidem Prophetæ vocati sunt a denuntiatione talium quæ sic videntur, videlicet a profundo, id est a loquendo et denuntiando procul posita, id est futura seu ab aliorum cognitione remota.

Et dixit Saul ad puerum suum: Optimus sermo tuus. Jam ante dixit ad suum ministrum, Ecce ibimus; nunc vero, Optimus sermo tuus. Ex quibus consideratur bonitas, docilitas, humilitas et affabilitas ejus. Dicunt autem Hebræi, puerum istum fuisse Doeg Idumæum, qui postea fuit potentissimus pastorum Saul, ita quod Saul postea taliter eum promovit, quia hac via secum perrexit, quando in regem est unctus, et duxit eum ad Samuelem. *Veni, camus. Et ierunt in civitatem, in qua erat vir Dei*.
I Reg. xxi, 7.

Quumque ascenderent clivum civitatis, id est, montuosum ascensum sive flexuosum urbis Ramatha, *invenerunt puellas egredientes ad hauriendam aquam, et dixerunt eis puellis: Num hic est Videns?* hoc est, Estne Propheta in urbe hac? *Quæ respondentes, dixerunt illis, Hic est. Ecce ante te est*, id est, parum distas ab eo, quia in oppido est in loco altiori, quam sit locus, in quo nunc stas. *Festina nunc. Hodie enim venit in civitatem, quia sacrificium est hodie populi in excelso*, hoc est, ipse ex parte populi offeret hodie hostiam pacificam in loco sublimi: cujus
Lev. vii, 34.
D
sacrificantem, aliæ partes ad offerentes spectabant, et edebantur ab eis. Hieronymus videtur sentire, quod sacrificium hic sumatur pro prandio quod paraverat Samuel in calendis, id est exordio mensis. Sed præacta expositio verior reputatur. Qualiter autem licuerit Samueli, qui non fuit sacerdos, sacrificare, et qualiter in excelsis offerri licebat, præhabitu est. *Ingredientes urbem, statim invenietis eum antequam ascendat excelsum ad vescendum. Neque enim comesurus*, id est co-

I Reg. vii.

mesturnus, est populus a Samuele invitatus, A donec ille veniat : quia ipse benedicet hostiæ, id est cibo proponendo pransuris, qui fuit oblatum in pacificam hostiam, et deinceps comedent qui vocati sunt. Nunc ergo conscendite, quia hodie reperietis eum. Puellæ istæ primo singulariter locutæ sunt ad Saul, Ecce ante te, festina nunc ; jam vero pluraliter loquuntur ei et ejus ministro. Loquebantur enim singulariter Sauli, ut principali, et forte ipse interrogavit puellas : deinde cernentes quam familiariter ac socialiter habuit se ad suum ministrum, locutæ sunt pluraliter simul ambobus. Fueruntque puellæ istæ satis diffusæ in verbis more femineo, multo plura dicentes, quam erant interrogatæ, et velut instruantes viros ignotos. Etenim tanquam contribules tanti Prophetæ, pandebant aut etiam jactitabant se scire ritus et consuetudines Vatis sancti. Quidam vero affirmant, quod admirantes decorem et elegantem staturam Saulis, ac delectatæ pulchritudine ejus, cupiebant eum diutius intueri : ideo detinebant eum in verbis.

Et ascenderunt in civitatem. Quumque illi, Saul et puer ejus, ambularent in medio urbis, apparuit Samuel egrediens obviam illis, non casualiter, sed ex proposito, ejus causa subjungitur : ut ascenderet in excelsum. Dominus autem revelaverat auriculam Samuelis, id est, secreta manifestaverat Samueli, sicut qui aliquid intimat alteri in aure, ante unam diem, antequam veniret Saul, id est die immediate præcedente, eadem hora qua contigit obviatio ista, seu egressus Samuelis ad obviandum Sauli, dicens : Hac ipsa quæ nunc est hora, cras mittam ad te virum de terra, id est de sorte et tribu, Benjamin, et unges eum ducem, id est regem, super populum meum Israel, et salvabit populum meum de manu Philistinorum, qui tunc erant populo Israel magis infesti. Deus autem sæpe plus tribuit, quam promittit, sicut ad liberalissimum Dominum pertinet. Unde et postea salvavit populum suum per Saul, non solum de manu Philistino-

rum, sed et aliorum multorum, et specialiter paulo post de manu Naas regis filiorum Ammon. 1 Reg. xi, 11.

Quocirca quæstio oritur, quum infra Samuel dicit filiis Israel, Videntes quod Naas venisset adversum vos, dixistis, Nequaquam, sed rex imperabit nobis : ita quod adventus regis illius fuit filiis Israel occasio regem petendi : cur Dominus non dixit, Salvabit populum meum de manu Ammonitarum ? Ad quod dici potest, quod Ammonitæ non erant tam duri ac potentes, ut Philistæi : ideo data promissione de Philistinorum refrenatione, satis dabatur intelligi dejectio Ammonitarum. Salvavit autem Saul filios Israel de manu Philistinorum frequenter et pro magna parte ; non tamen semper neque totaliter : imo tandem occisus fuit ab eis. Unde quod Dominus ait, Salvabit, etc., potest intelligi, quod penitus superasset Philistæos, nisi peccando meruisset succumbere. Siquidem hujusmodi promissiones intelliguntur sub conditione, nisi videlicet obex ponatur. Ibid. xxi, 3.

C Quia respexi populum meum oculo pietatis ad succurrendum : quod mirum videtur, quum Dominus quasi indignatus dederit regem. Unde videtur, quod rege dato, et se quasi repulso a regia præsentia, magis debuerit eos relinquere, quam ante : quod quamvis justum fuisset, tamen piissimus Dominus reddidit bona pro malis. Ad quod etiam quorundam bonorum devotæ preces cooperabantur. Propter quod subditur : Venit enim clamor eorum ad me, id est, fervens oratio horum mihi accepta est. Vel, Clamor eorum, id est gemitus afflictionis et oppressionis eorum, qui est unum de quatuor quæ coram Deo ultionem efflagitant, juxta illud :

[morum,
Clamitat ante Deum vox sanguinis, et Sodo-
Vox oppressorum, merces detenta laborum.

Hinc ait et in Exodo Dominus : Clamor filiorum Israel venit ad me. Exod. iii, 9.

Quumque adspexisset Samuel Saulem, Dominus dixit ei, videlicet Samueli per

revelationem seu allocutionem internam, A factam per angelum, quia per angelos factae sunt revelationes propheticae, ut divinus Dionysius docet. *Ecce vir quem dixeram tibi*, est iste qui tibi propinquat, teque affabitur. *Iste dominabitur populo meo*. Est quaedam dominatio ordinata et recta, qua superior imperat subditis, juxta legis divinae tenorem, ad subditorum utilitatem. Sicque Saul dominatus est populo, quamdiu bene se habuit. Sic Moyses appellatus est dominus a filiis Israel, imo et ab Aaron fratre ac subdito suo. Alia est dominatio B fastus et usurpata, qua quis alteri praest ac imperat injuste secundum propriae libitum voluntatis. Sicque pro majori temporis parte dominatus est Saul populo, cui frequenter impie jussit secum procedere contra David. Secundum Lynam, in Hebræo habetur, Iste retinebit populum meum : quia ad regem pertinet populum retinere, ne in bellis praecipitanter se ingerant, et etiam tempore pacis, ne injuste contra proximos agant. Verumtamen potius puto, quod verbum illud Hebræum, utrumque C significet, et ita in Hebræo non magis habetur, Retinebit, quam Dominabitur; aptiusque translatus est, Dominabitur, quam si transferretur, Retinebit : quoniam filii Israel petierant regem qui eis imperaret ; et dominari communiter adscribitur regibus. Saul quoque permodico tempore retinuit populum, ne injuste contra proximos ageret : quia biennio, ut legitur, praefuit bene, diu autem induxit populum suum ad persequendum David et cuneum ejus.

Accessit autem Saul ad Samuelem in medio portae, et ait : Indica mihi, oro, ubi est domus Videntis. Ecce quam humile verbum. Istud autem contigisse videtur in porta, per quam Samuel exiit urbem versus excelsum, in quo fuerat oblaturus : quia jam dictum est, Quumque illi, scilicet Saul et puer ejus, ambularent in medio urbis, apparuit Samuel egrediens obviam illis, ut ascenderet in excelsum. Respondit Samuel Sauli, dicens : *Ego sum Videns*. Non jactanter hoc dixit, sed veritatis amore, et

quoniam publicum fuit, atque ex Dei precepto tenebatur ei dicere et facere quae sequuntur. Sacratissimus vero Joannes Baptista interrogatus, *Propheta es tu?* alio Joann. 1, 21. intuitu dixit, *Non. Ascende ante me in excelsum, ut comedas hodie mecum*. Quare non dixit, *Sequere me*, vel, *Perge mecum in excelsum*, sed, *Ascende ante me?* An ad praefigurandum, quod Saul erat sibi et aliis praeficiendus in regem? Samuel quoque erat senex, nec potuit per iter illud montuosum celeriter scandere. *Et dimittam te mane. Et omnia quae sunt in corde tuo, indicabo tibi*. Quod non dixerit hoc de asinarum inventione, constat ex verbis sequentibus, quia de illis tanquam de alia re, mox subdit : *Et de asinis quas nudius tertius perdidisti, ne sollicitus sis, quia inventae sunt*. Itaque, sicut Magister in historiis refert, est sensus : Omnia quae sunt in corde tuo, id est ea quae tibi praecipuam faciunt admirationem et dubitationem, indicabo, id est exponam tibi. Quemadmodum enim in Scholastica fertur historia, dicunt Hebraei Saulem vidisse per somnium, se collocatum in vertice palmæ : quod Samuel sibi exposuit, dum unxit eum in regem ; nam hoc praefiguravit visio collocationis illius in summitate arboris palmæ. *Et cujus erunt optima quaeque in Israel?* id est, ad quem pertinebunt maximae dignitates atque praecipuae opes Israeliticae plebis? *Nonne tibi et omni domui patris tui?* id est, tibi et tuis consanguineis ac soboli tuae deputabuntur ac conferentur. Nam regia dignitas data est Sauli, et filio ejus Isboseth ad tempus post eum. Saul quoque suos cognatos promovit ad diversa officia. Ideo ait Glossa : Uno de familia sublimato, omnibus suis prodest. Denique etiam per haec verba Samuel dedit Sauli intelligere visionem praefatam, quam et Saul ex verbis his intellexit, utpote quod sublimandus esset in principem populi. Nam sequitur :

Respondens autem Saul, ait : Numquid non filius Jemini ego sum? Hoc jam in isto articulo expositum est. *De minima tribu*

Exod.
xxxii, 22.

1 Reg. xxi;
xxiii, 8; xxiv,
3; xxvi, 2,
etc.

Israel, id est de tribu Benjamin. quæ tunc erat paucissima numero, quoniam tempore Judicium fuit quasi exstincta propter crimen in uxorem Levitæ commissum, ut in Judicium historia legitur. Vel ideo ait, De minima tribu, quoniam Benjamin fuit junior inter filios Jacob. Juniores autem solent vocari minores, sicut et Jacobus, frater Simonis et Judæ, dicitur Minor, quia vocatione posterior respectu Jacobi fratris Joannis. Propter quod Joseph dixit de Benjamin : Iste est frater vester parvulus? Ubi alia translatio habet, Minimus. Et tamen Benjamin erat tunc singulis fratribus suis sobole major, utpote decem filios habens. *Et cognatio mea novissima*, id est, extrema seu infima est, *inter omnes familias natas de tribu Benjamin*. Juxta hunc modum Gedeon quoque ait : Ecce familia mea infima est in Manasse, et ego minimus in domo patris mei. Tales autem locutiones ex humilitate et urbanitate prolatae, facilliter verificantur : quia quod altero majus est uno respectu, alia consideratione potest eo minus consistere. Sic quippe et Paulus : Ego, inquit, sum minimus Apostolorum, qui non sum dignus vocari Apostolus. Item, Venit Jesus peccatores salvos facere, quorum primus ego sum. Rursus, quod dicitur minima seu novissima, potest exponi valde parva. *Quare ergo locutus es mihi sermonem istum?* videlicet, Cujus erunt optima quæque? quasi dicat, Non videtur credibile, quod tam ignobilis sit taliter sublimandus.

Assumens itaque Samuel Saulem et puerum ejus : hoc fuit sacrificio jam completo : *introduxit eos in triclinium*. Per triclinium, secundum Glossam, intelligitur cœnaculum sic nuncupatum a triplici ordine lectulorum seu mensarum ipsorum discumbentium in eisdem. Nam olim super lectos sedendo edebant. *Et dedit eis locum in capite*

eorum qui fuerant invitati, id est in loco supremo illorum propter futuram Saulis dignitatem, et quia electus erat ad eam a Domino. *Erant enim quasi triginta viri. Dixitque Samuel coquo : Da partem quam dedi tibi, et præcepi ut reponeres seorsum apud te. Levavit autem coquus armum, et posuit ante Saul*. Sicque partem regalem posuit ante futurum regem. *Dixitque Samuel : Ecce quod remansit*, id est, quod residuum fuit de hostia immolata, ceteris partibus ejus deputatis pro aliorum hic invitatorum refectione. Nam ceteras oblatæ carnis partes, Samuel pro aliorum deputaverat esu, et armum pro Saul : ideo subditur, *pone ante te, et comede : quia de industria servatum est tibi*, quando aliæ partes determinatæ fuerunt pro aliis, quando populum vocavi. *Et comedit Saul cum Samuele in die illa. Et descenderunt de excelso*, juxta quod fuit triclinium, in oppidum Ramatha, prandio facto extra urbem. *Et locutus est Samuel cum Saule in solario domus Samuelis*. Ibi enim locutus est Samuel de pertinentibus ad salutem eum Saul, admonendo eum ad meliora. *Stravitque Saul in solario, et dormivit*.

Quumque mane surrexissent, et jam dies lucesceret, vocavit Samuel Saulem in solario, dicens : Surge, et dimittam te. Et surrexit Saul. Egressique sunt ambo, ipse videlicet, scilicet Saul, et Samuel domum Samuelis, et secutus est eos puer Saulis. Quumque descenderent in extremam partem civitatis, Samuel dixit ad Saul : Dic puero ut antecedit nos, et transeat, ne audiat verba mea, nec videat quod facturus sum tibi. Hoc videtur dixisse in oppido. Tu autem subsiste paulisper : hoc extra oppidum creditur protulisse in loco quo unxit Saulem : ut indicem tibi verbum Domini, id est, tibi denuntiem quæ Deus jussit tibi dici et fieri per me.

Judic. xx,
46, 47; xxi,
3, 6.

Gen. xxxv,
18.

Ibid. xliii,
29.

Ibid. xlii,
21.

Judic. vi,
13.

1 Cor. xv, 9.

1 Tim. i, 13.

ARTICULUS XVIII

DE SPIRITUALI HUIUS NONI CAPITULI SENSU.

PER Cis, designatur quicumque praelatus; per filium Cis Saulem, subditus virtuosus, quem Deus Pater per Samuelem, id est per Christum, praefficit gregi suo, regem (id est praelatum) petenti. Qui enim inter subditos ceteris eminet sapientia et virtute, dignus est praelatione. Tali Sauli praecipitur quærere asinas perditas, id est rudes animas deviantes per loca diversa, id est hinc inde per vitiorum abrupta: quas quum invenire nequiverit, debet ad Christum confugere, ut ejus directione juvetur. Sieque Christus talem pro aliorum salute sollicitum, invitat ad vescendum secum in mensa sapientiae, et reficit eum quadruplici intellectu Scripturae, panditque ei qualiter inventae sint, inveniri possint animae oberrantes, quae interdum per alios bonos, et non per pastores proprios, convertuntur. Denique Christus est in civitate, id est in militante ac triumphante Ecclesia, et qui ad ipsum vult pergere, debet aliquid ei deferre, quum scriptum sit: Non apparebis in conspectu Dei tui vacuus. Debet ergo ei offerre orationem, laudem, aut gratiarum actionem vel debitam servitutem.

Porro per puellas egredientes ad hauriendum aquas, recte intelliguntur animae innocentes, personae simplices, quae per desideria pia et opera bona accedunt ad thronum gratiae confidenter, ad fontem sapientiae Verbum Dei in excelsis, ut aquam sapientiae ex evangelicis libris, tanquam ex fontibus Salvatoris, atque ex praedicantium sermonibus, ex evangelicis quoque hauriant sacramentis, quae et gratiam sibi communicatam, aliis caritative impartiuntur, et qualiter Christus valeat inveniri, pro posse ostendunt. Nam dicunt, *Hic est Chri-*

stus. Etenim ubique est praesens, qui et suis promisit: Ecce ego vobiscum sum cunctis diebus. *Ecce ante te.* Non enim longe est ab unoquoque nostrum: imo praecipue eos qui se concupiscunt, et in viis ostendit se eis hilariter. Siquidem facienti quod in se est, Deus gratiose mox adest: dat enim omnibus affluenter, qui in veritate eum accedunt ac deprecantur. Multoties etiam praevenit non quærentes. *Festina nunc.* Nemo quippe, ut sanctus ait Ambrosius, cum desidia digne quærit Christum; et incomparabile illud infinitumque bonum cum pigritia et negligentia quærere, est parvipendere illud. Idcirco ait per Isaiam: Si quæritis, quærite; convertimini et venite. Si quæritis, inquit, id est, si Deum per gratiam adipisci cupitis et studetis, quærite eum condigne, utpote toto corde et tota tribulatione animae vestrae. Ideo ait: Convertimini ad me in toto corde vestro.

Hodie enim venit in civitatem. Dominus et Salvator quotidie intrat Ecclesiam per sacramentalem praesentiam, per gratiosam inhabitationem, per multiplicem actionem, sicut fatetur: Pater meus usque modo operatur, et ego operor. *Quia sacrificium est hodie populi in excelso.* Populus christianus per manus sacerdotum suorum quotidie offert atque sacrificat Patri aeterno unigenitum Filium ejus in sublimitate catholicae veritatis, et in devotionis sanctae excelso, contemplationisque arce. *Ingradientes urbem, statim invenietis eum.* Qui enim incorporatur Ecclesiae, mox unitur Christo: et civitatem hanc per fidem et caritatem intranti, protinus dicitur quid eum oporteat facere. *Nunc ergo consecrante.* Hoc est quod monet Apostolus: Quae

Matth.
xxviii, 20.
Act. xvii, 27.
Sap. vi, 14, 17.

Jac. i, 5.

Is. xxi, 12.

Deut. iv, 29.

Joel ii, 12.

Joann. v, 17.

Act. ix, 7.

Coloss. iii, 1, 2.

Exod. xxiii, 15; xxxiv, 20.

Hebr. iv, 16.

Eccli. i, 5; xv, 3; *Is.* xlii, 3.

sursum sunt quærite, ubi Christus est in A stia et æterna contemplamini et amate, dextera Dei; quæ sursum sunt sapite, non quorum intuitu et amore cuncta sensibilia quæ super terram: id est, divina, cœle- atque carnalia pro nihilo habetote.

ARTICULUS XIX

EXPOSITIO CAPITULI DECIMI: TULIT AUTEM SAMUEL LENTICULAM OLEI.

U NCTIO Saulis in regem facta secrete, B et publicatio ejus, hic describuntur. *Tulit autem*, id est, in manu sua accepit et secum portavit, *Samuel lenticulam olei*, quo reges atque pontifices ungebantur in lege, dicebaturque oleum unctionis: de quo dictum est in Levitico. Porro secundum Magistrum in historiis, lenticula est vas quadrangulum fictile, habens foramen in latere. Alii scribunt, quod fuit vas aureum sive argenteum, in quo ponebatur oleum memoratum. Ait namque Isidorus: Lenticula est vas olearium, ex argento aut ære factum, a liniendo vocatum, quia exinde reges et sacerdotes liniebantur. *Et effudit super caput ejus*, in signum interioris unctionis, qua cor ejus regia auctoritate perfundebatur. *Et deosculatus est eum*, in signum dilectionis præcipuæ, quia electus fuit a Deo in regem et salvatorem plebis suæ ab impugnatoribus ejus. In signum quoque, quod non invidit, imo et favit promotioni suæ, quum tamen per eam ipse Samuel ac filii sui dejicerentur a principatu: in quo patet virtuositas Samuelis. *Et ait: Ecce unxit te Dominus super hereditatem suam in principem*, id est, per unctionem istam statuit te regem super Israeliticum populum, qui est plebs Dei hereditaria peculiaris. Unde per Isaïam loquitur Dominus: Benedictus populus meus Egypti, et opus manuum mearum Assyrio; hereditas autem mea Israel. *Et tu liberabis populum ejus de manibus inimicorum ejus, qui in circuitu ejus sunt.*

Et hoc tibi signum, quia unxit te Do-

minus in principem. Totum hoc nec de Lyra. textu est, nec in Hebræo habetur, sed ab aliquo veterum commentatorum fuit pro glossa adjectum, postmodumque ex scriptorum imperitia litteræ est insertum.

Quumque abieris hodie a me. Hic dantur Sauli signa veritatis præfatæ prænuntiationis propheticæ, vel quia aliquantulum dubitabat ex consideratione sui humilis status, vel ut fides ejus certior redderetur. *Invenies duos viros juxta sepulcrum Rachel in finibus Benjamin in meridie.* Rachel juxta Bethlehem, in sorte et terra tribus Juda, sepulta est, ut legitur in Genesi. Si ergo viri isti in termino tribus Juda inventi sunt, quomodo in finibus Benjamin sunt reperti? Respondetur, quod sepulcrum Rachel situm fuit in extremis finibus Juda, quod fuit in confinio Benjamin, quoniam tribus istæ erant contiguæ, erantque iidem fines ambarum. Quidam tamen exponunt sic: Invenies duos viros, supple, nunc existentes juxta sepulcrum Rachelis, qui erunt in finibus Benjamin dum eos reperies, *salientes magnas foveas*, id est, præ gaudio magno transilientes fossata, vel causa exercitii id agentes. Secundum quosdam, Hebræus habet, Ad claras foveas, quod secundum eos potest esse proprium nomen, quemadmodum Clara Vallis. Verumtamen magis periti asserunt istud, videlicet, Salientes magnas foveas, in Hebræo non haberi. *Dicentque tibi: Inventæ sunt asinæ, ad quas iteras perquirendas; et intermissis pater tuus asinis, sollicitus est pro vobis, et dicit: Quid faciam de filio*

Lev. viii;
Exod. xxx,
25 et seq.

Is. xix, 25.

Gen. xxxv,
19.

meo? quasi dicat, Tam mœstus sum, eo quod tempore æstimato non rediit, ut ignorem quid agere debeam. Quo constat, quam valide eum dilexit, non solum ut filium, sed et quia tam elegans fuit in naturalibus et supernaturalibus donis.

Sequitur signum secundum. *Quumque abieris inde, et ultra transieris, et veneris ad quercum Thabor.* Dicunt nonnulli, quod Thabor sit hic nomen viri, non montis, ita quod querens illa a viro illo cognomen sortita est ab eventu, sicut in Genesi dicitur, querens Fletus, ubi sepulta est Debra. *Invenient te ibi tres viri ascendentes ad Deum in Bethel, unus portans tres hãdos, et alius tres tortas panis, et alius portans lagenam vini,* id est ad offerendum atque orandum in excelso urbis sic dictæ: in quo loco dicebatur Deus esse sicut in ceteris locis divini cultus. Sicque ascendendo ad locum illum, dicebantur ad Deum ascendere quum tamen ad incircumscriptibilem infinitumque Deum ubique præsentem, motibus corporis non accedatur. *Quumque te salutaverint, dabunt tibi duos panes, et accipies de manu eorum.*

Sequitur tertium signum. *Post hæc venies in collem Domini,* id est in collem in quo morabantur prophetæ, secundum Glossam. Quidam vero per collem hunc Domini, intellexerunt collem Cariathiarim, in quo exstitit area Dei: quod alii reprobant, quia inde jam erat translata per Samuelem in Maspha, quod nihilo minus faciliter solveretur, quoniam multa retinent nomina sua antiqua, quamvis prima appellationis cessaverit causa, sicut in Evangelio dicitur Simon leprosus. *Ubi est statio Philistinorum:* quia in loco illo aliquando castrametati sunt Philistæi; sive ut alii opinantur, per stationem Philistinorum designatur locus munitus seu castrum, in quo Philistæi constituerant quosdam ex suis homines bellicosos ad refrenandum Hebræos, quemadmodum primo libro Machabæorum multoties fertur, quod in arce Jerusalem alienigenæ positi erant. Unde infra quoque narratur, quod Jonathas percussit statio-

nem Philistinorum quæ erat in Gabaa. *Et quum ingressus fueris ibi urbem, obritum habebis gregem prophetarum descendentium de excelso,* id est præfato Domini colle in quo commorabantur, et ante eos obviam habebis psalterium et tympanum et tibiam et citharam, id est quosdam in his musicis instrumentis ludentes atque psallentes: et hoc ex spirituali jucunditate; ad provocandum quoque spirituales fervorem et alacritatem, aut etiam propheticam revelationem, prout infra libro quarto legitur Eliseus dixisse: Adducite mihi psalterem. Diversæ equidem melodiæ diversas in homine excitant affectiones. Nam quædam planetum, quædam gignunt lætitiã, imo et devotionem, elevationemque mentis ad contemplandum sublimia. *Ipsosque prophetantes. Et insiliet in te Spiritus Domini,* id est, Spiritus Sanctus repente ac prompte descendet in te per quosdam suos effectus, multiplicationemque gratiæ ac donorum. Ideo subditur: *et prophetabis cum eis, et mutaberis in virum alium,* id est, solito devotior ac spiritualior eris.

Magister in historiis recitat, quod Samuel primus instituit conventus religionum jugiter psallentium Domino, et dicebantur conventus eorum cuneus, quasi cuniens, vel cunitus; dicebanturque prophetare, id est Deum jugiter laudare, et forte quidam ex eis aliquando prophetabant. Hæc ibi. Præterea, tripliciter dicitur aliquis prophetare. Primo, prænuntiando futura pure contingentia ex revelatione divina: a quo actu proprie, imo et in communi modo loquendi appellantur Prophetæ. Secundo, quia Scripturas exponit, sicque loquitur Paulus: Prophetæ duo aut tres dicant. Tertio, quia spiritualia cantica seu psalmos decantat, seu Deum collaudat. Potest addi et quartus modus, quo falsi prophetæ interdum Prophetæ dicuntur, sicut in Jeremia Hananias propheta, ceterique prophetæ qui apprehenderunt Jeremiam prophetam, dicentes: Judicium mortis est huic viro. Itaque in illo cuneo prophetarum, erant tribus prætactis modis prophe-

Gen. xxxv, 8.

Matth. xxvi, 6; Marc. xiv, 3.

1 Mach. i, 35, 36; iii, 45; vi, 18, 26, etc.

1 Reg. xiii, 3.

IV Reg. iii, 15.

1 Cor. xiv, 29.

Jer. xxvi, 8, 11.

tæ, ut creditur : imo fuerunt ibi nonnulli, quorum unusquisque vaticinabatur futura, et Scripturas exposuit minus peritis, et psallebat eum aliis.

Quando ergo evenerint signa hæc omnia tibi, id est ista quæ tibi prædixi, quæ naturaliter pro certo præsciri non poterant, quum mere contingentia fuerint, quamvis respectu divinæ providentiæ certa, *fac quæcumque invenerit manus tua*, id est, quidquid rationabiliter agendum tibi occurrerit : et iste est modus loquendi, ad insinuandum quod dirigeretur a Deo ; ideo subditur, *quia Dominus tecum est* per gratiam specialem. *Et descendes ante me in Galgala*. Sicut Andreas expositor dicit, Samuel per hæc verba docuit Saulem, quid sibi agendum esset in arduis causis, non statim post præinducta, sed postquam esset a populo susceptus in regem, ut scilicet in arduis casibus imminentibus nil attentaret agere sine præsentia directioneque Samuelis, qui pro Saule Dominum sacrificiis orationibusque placaret, si opus esset, Dominum quoque consuleret. Itaque ait, *Descendes ante me in Galgala*, quoniam locus ille famosus et aptus est ad sacrificandum et orandum pro te. *Ego quippe descendam ad te*, dum te ibi esse cognovero, *ut offeras*, per manum meam, oblationem pro peccato seu holocaustum, et immoles pacificas victimas : id est, ego pro te offeram ista, nec recedes quousque venero. Ideo subditur : *Septem diebus expectabis, donec veniam ad te, et ostendam tibi quid facias* : instruendo te de agendis, ut sine Propheta et sacerdote nil agas. Verumtamen istud complexum, Septem diebus, referunt et conjungunt quidam ad verbum hoc, *Offeras*, ut sit sensus, quod septem diebus sacrificaret pro eo quotidie semel, quemadmodum in consecratione pontificum fieri jussit Dominus. Verum Andreas hoc reprobatur, eo quod nullibi in Scripturis legatur, quod in inunctione novi regis deberet talis sacrificatio fieri tot diebus ; nec legitur facta pro aliquo rege, nec sequenti capitulo in quo legitur de

A innovatione regni Saulis, fit aliqua mentio de hujusmodi oblatione pro Saul. Aliqui autem potius tenent, quod Samuel loquebatur Sauli non indeterminate pro quocumque casu arduo sibi in posterum imminenti, sed pro certo casu, qui sibi post suam designationem in regem, hoc est post suæ unctionis et electionis publicationem, instaret.

Itaque quum avertisset humerum suum, ut abiret a Samuele, immutavit ei Deus cor aliud, id est, per gratiæ suæ visitationem dedit Sauli cor virtuosius et specialiter magnanimius ; *et venerunt omnia signa hæc in die illa* : ex quo probatur clara et plena divinæ providentiæ cognitio, sublimitas quoque gratiæ prophetalis Samueli concessa. *Veneruntque ad prædictum collem, et ecce cuneus prophetarum obviis. Et insiluit in eum Spiritus Domini, et prophetavit in medio eorum. Videntes autem omnes qui noverant eum heri et nuntiastertius, quod esset cum prophetis et prophetaret ipse Saul, dixerunt ad invicem* : *Quænam res accidit filio Cis ?* Admirati sunt enim de tanta tamque repentina immutatione Saulis : quasi dicant, Quo ordine, aut qua ex causa factum est istud ? Siquidem prophetæ illi, erant viri devoti et quasi sequestrati a sæculo. *Num et Saul inter prophetas ?* tanquam dicant, Mirum est hoc, et tamen videmus sic esse. *Responditque alius ad alterum, dicens* : *Et quis pater ejus ?* ac si dicant : Hoc auget admirationem, quoniam constat, quod pater istius non sit propheta. Porro, ut dicitur, in Hebræo habetur, *Et quis pater eorum ?* quasi dicant, suam admirationem quodammodo solvendo ac moderando : Idem est Pater omnium prophetarum, videlicet Deus qui dona gratiæ suæ libere impertitur, quibuscumque voluerit ; nec ex carnali propagatione prophetiæ gratia obtinetur : ideo Pater cœlestis potuit et huic gratiam hanc conferre. *Propterea versum est in proverbium, Num et Saul inter prophetas ?* De rebus namque miris et inopinatis solet interdum aliquod formari

proverbium seu verbum vulgare, figurale, A obsecrum, quomodo hi quibus revelaverint illud tacebunt? Non ergo glorificemus nos ipsos, sed manum Domini exspectemus.

Et convocavit Samuel populum in Maspha, quia in urbem illam jam transtulerat Samuel arcam Dei, et ait ad filios Israel: *Hæc dicit Dominus Deus Israel: Ego edu- xi Israel de Ægypto, et erui vos, id est patres vestros, de manu Ægyptiorum, et de manu omnium regum qui affligebant vos. Vos autem hodie projecistis Dominum Deum vestrum, id est, beneficiis ejus in- grati fuistis, et improbe recessistis de ejus regimine, qui solus salvavit vos de uni- versis malis et tribulationibus vestris; et dixistis: Nequaquam volumus diutius regi per judices, sed regem constituere super nos, prout supra patuit. Ex his innotescit, quod peccaverunt regem petendo. Nunc ergo state coram Domino per tribus vestras et per familias. Et applicuit Samuel omnes tribus Israel, et cecidit sors super cognationem Benjamin. Et applicuit tri- bum Benjamin et cognationem ejus, et cecidit sors super cognationem Metri, et pervenit usque ad Saul filium Cis.* Pro Metri, in Hebræo habetur Macheri, ut Josephus protestatur: atque ut dicunt Hebræi, est nomen commune, significans peritos in arte sagittandi aut projiciendi lapides fundis. Gabaanitæ autem, de quibus ortus est Saul, ab antiquo fuerunt peritis- simi fundibularii, prout in Judicum libro legitur. Inde cognominata est una familia urbis illius, cognatio Macheri Metri, de qua natus est Saul. Sed qualiter pervenit sors usque Saul, quum fuerit absens? Respondetur, quod Scriptura non exprimit quales fuerint illæ sortes, ideo non constat. Porro Magister in historiis ait: Creditur Samuel temperasse sortes juxta cor suum. Ideo dicunt, quod a Deo temperatæ fuerunt, secundum illud Proverbiorum: Sortes mittuntur in sinum, sed a Domino temperantur.

Quæsierunt ergo eum, et non est inven- tus illic in populo ibi præsentem. Et consu- luerunt post hæc Dominum per Samue-

proverbium seu verbum vulgare, figurale, A obsecrum, quomodo hi quibus revelaverint illud tacebunt? Non ergo glorificemus nos ipsos, sed manum Domini exspectemus.

Et convocavit Samuel populum in Maspha, quia in urbem illam jam transtulerat Samuel arcam Dei, et ait ad filios Israel: *Hæc dicit Dominus Deus Israel: Ego edu- xi Israel de Ægypto, et erui vos, id est patres vestros, de manu Ægyptiorum, et de manu omnium regum qui affligebant vos. Vos autem hodie projecistis Dominum Deum vestrum, id est, beneficiis ejus in- grati fuistis, et improbe recessistis de ejus regimine, qui solus salvavit vos de uni- versis malis et tribulationibus vestris; et dixistis: Nequaquam volumus diutius regi per judices, sed regem constituere super nos, prout supra patuit. Ex his innotescit, quod peccaverunt regem petendo. Nunc ergo state coram Domino per tribus vestras et per familias. Et applicuit Samuel omnes tribus Israel, et cecidit sors super cognationem Benjamin. Et applicuit tri- bum Benjamin et cognationem ejus, et cecidit sors super cognationem Metri, et pervenit usque ad Saul filium Cis.* Pro Metri, in Hebræo habetur Macheri, ut Josephus protestatur: atque ut dicunt Hebræi, est nomen commune, significans peritos in arte sagittandi aut projiciendi lapides fundis. Gabaanitæ autem, de quibus ortus est Saul, ab antiquo fuerunt peritis- simi fundibularii, prout in Judicum libro legitur. Inde cognominata est una familia urbis illius, cognatio Macheri Metri, de qua natus est Saul. Sed qualiter pervenit sors usque Saul, quum fuerit absens? Respondetur, quod Scriptura non exprimit quales fuerint illæ sortes, ideo non constat. Porro Magister in historiis ait: Creditur Samuel temperasse sortes juxta cor suum. Ideo dicunt, quod a Deo temperatæ fuerunt, secundum illud Proverbiorum: Sortes mittuntur in sinum, sed a Domino temperantur.

Quæsierunt ergo eum, et non est inven- tus illic in populo ibi præsentem. Et consu- luerunt post hæc Dominum per Samue-

proverbium seu verbum vulgare, figurale, A obsecrum, quomodo hi quibus revelaverint illud tacebunt? Non ergo glorificemus nos ipsos, sed manum Domini exspectemus.

Et convocavit Samuel populum in Maspha, quia in urbem illam jam transtulerat Samuel arcam Dei, et ait ad filios Israel: *Hæc dicit Dominus Deus Israel: Ego edu- xi Israel de Ægypto, et erui vos, id est patres vestros, de manu Ægyptiorum, et de manu omnium regum qui affligebant vos. Vos autem hodie projecistis Dominum Deum vestrum, id est, beneficiis ejus in- grati fuistis, et improbe recessistis de ejus regimine, qui solus salvavit vos de uni- versis malis et tribulationibus vestris; et dixistis: Nequaquam volumus diutius regi per judices, sed regem constituere super nos, prout supra patuit. Ex his innotescit, quod peccaverunt regem petendo. Nunc ergo state coram Domino per tribus vestras et per familias. Et applicuit Samuel omnes tribus Israel, et cecidit sors super cognationem Benjamin. Et applicuit tri- bum Benjamin et cognationem ejus, et cecidit sors super cognationem Metri, et pervenit usque ad Saul filium Cis.* Pro Metri, in Hebræo habetur Macheri, ut Josephus protestatur: atque ut dicunt Hebræi, est nomen commune, significans peritos in arte sagittandi aut projiciendi lapides fundis. Gabaanitæ autem, de quibus ortus est Saul, ab antiquo fuerunt peritis- simi fundibularii, prout in Judicum libro legitur. Inde cognominata est una familia urbis illius, cognatio Macheri Metri, de qua natus est Saul. Sed qualiter pervenit sors usque Saul, quum fuerit absens? Respondetur, quod Scriptura non exprimit quales fuerint illæ sortes, ideo non constat. Porro Magister in historiis ait: Creditur Samuel temperasse sortes juxta cor suum. Ideo dicunt, quod a Deo temperatæ fuerunt, secundum illud Proverbiorum: Sortes mittuntur in sinum, sed a Domino temperantur.

Quæsierunt ergo eum, et non est inven- tus illic in populo ibi præsentem. Et consu- luerunt post hæc Dominum per Samue-

Quæsierunt ergo eum, et non est inven- tus illic in populo ibi præsentem. Et consu- luerunt post hæc Dominum per Samue-

I Reg. viii.

Judic. xx,
16.Prov. xvi,
33.

lem, qui oraculum Dei poposcit, *utrumnam* A *venturus esset illuc. Responditque Dominus: Ecce absconditus est domi.* Dicunt aliqui, quod Saul sciens se quaeri, mansit in domo sua in Gabaa. Alii probabilius asserunt, quod venit cum aliis usque in Maspha, juxta Samuelis edictum, et ne de singularitate vel inobedientia notaretur; sed in hospitio suo in Maspha se occultavit ex humilitate et pudore, reputans se indignum regali fastigio et honore. Cui assertioni videtur consonare quod subditur: *Cucurrerunt itaque, et tulerunt eum inde.* B Si autem fuisset adhuc in Gabaa, tædiosa intervenisset mora antequam fuisset adductus, nec tam celeriter potuisset afferri. *Stetitque in medio populi, et altior fuit universo populo ab humero et sursum. Et ait Samuel ad omnem populum: Certe videtis quem elegit Dominus, ut sit rex: quia tam excellens statura consona fuit regiae dignitati, et quia fuit vir fortis, pulcher ac strenuus, imo quod amplius est, virtuosus, et optimus Samuele excepto.* Hæc Samuel dixit, ne tribus nobiliores ægre C ferrent promotionem Saulis. *Quoniam non est similis illi in omni populo. Et clamavit omnis populus,* id est, quidam de omnibus tribubus, seu major pars populi, vel prima facie omnes propter novitatem rei conclamabant, *et ait: Vivat rex diu et prospere.*

Locutus est autem Samuel ad populum legem regni, id est, jura regis exposuit plebi, quid scilicet regi tenerentur, et qualiter rex ac populus de cetero ad invicem se

haberent, *et scripsit in libro,* forte antequam ibi advenit, *et reposuit coram Domino,* puta in tabernaculo arcæ. *Et dimisit Samuel omnem populum singulos in domum suam. Sed et Saul abiit in domum suam in Gabaa. Et abiit cum eo pars exercitus, quorum tetigerat Deus corda,* id est, viri boni qui consenserunt electioni divinæ, et verbis Samuelis credebant, certi quod Deus per quemcumque sibi placentem posset populum suum salvare. *Filii vero Belial,* quorum indomita erat malitia, qui suam superbiam jugo legis divinæ non refrenabant, *dixerunt: Num salvare nos poterit iste?* tanquam dicant: Non est aptus pro rege quum sit simplex, nec satis exercitatus in bellicis rebus. *Et despexerunt eum* tanquam de tribu natum ignobiliore seu minori: et forsitan isti superbi fuerunt de nobilioribus tribubus oriundi; *et non attulerunt ei munera:* prout tunc fuerat consuetudo principibus et regibus noviter institutis dare encænia: quod nunc usque apud quosdam est moris. *Ille vero dissimulabat se audire:* quod fuit prudentiæ. Commisit namque dispositioni providentiæ Dei conservationem suæ institutionis, nec voluit regnum suum aurbatione, lite et sanguine inchoare. Denique, si ostendisset se verba illa audire, nec vindicasset, pusillanimis videretur. Si vero ulcisceretur, ferocitati et arrogantiae adscriptum fuisset: ideo debet unusquisque suæ præsidentiae principatum a pietate, modestia, et patientia inchoare. Roboratur namque elementia thronus regis.

Prov. xx,
28.

ARTICULUS XX

DE SPIRITUALI HUIUS DECIMI CAPITULI SENSU.

SICUT præhabitum est, per Samuelem D intelligitur Christus, qui suos vicarios spiritualiter ungit, gratiarum charismata eorum cordibus influendo, per quæ ad su-

orum executionem officiorum sunt idonei, nisi obicem ponant. Itaque per lenticulam olei, ecclesiastica possunt sacramenta designari, quæ gratiæ sunt vasa, ex quibus

fideles multiplicem hauriunt gratiæ largitatem. Rursus lenticula olei, potest intelligi ipsa omnipotentia et munificentia Dei, in qua omnia virtualiter et supereffluentissime continentur, de qua et copiosissime effunduntur. *Et deosculatus est eum* : per quod designatur, quam specialiter amet Salvator suos vicarios, aliorum efficaces pastores, per quorum diligentiam et conatum passio sua fructificat, Deus Pater honoratur, et animæ, propter quas ipse Filius Dei factus est homo ac crucifixus, salvantur.

Et ait : Ecce unxit te Dominus super hereditatem suam in principem. Hereditas

Dei est populus christianus, quem omnium

1 Cor. vi, 20. Dominus emit et redemit pretio magno, qui

per inspirationem internam sive per superiorem prælatus loquitur vicario suo noviter instituto in prælationis officio : Ecce unxit te Dominus super hereditatem suam in principem, hoc est, attende tui dignitatem officii, et satisfac ei, ut oratione cordis, prædicatione oris, exemplo virtuosæ conversationis pascas gregem tuum tibi commissum. Unde Apostolus Colossensibus

Coloss. iv, 17. scribens : Archippo, inquit, dicite : Vide ministerium tuum quod accepisti in Domino, ut illud impleas. *Inventæ sunt asinæ.* Diligente pastore suos undique visitante, et reducere cupiente errantes, interdum denuntiatur a bonis hominibus, quod etiam

hi quos nondum personaliter adiit aut instruxit, conversi sunt : quod Deus interdum agit exemplis, meritis et precibus solliciti ac devoti pastoris. *Et intermissis pater tuus asinis, sollicitus est pro vobis.* Quamvis enim officium prælationis sit sanctum, nihilo minus est valde periculosum. Fit aliquando, ut qui alios cupit convertere, pervertatur ab aliis, et paulatim refrigescat a caritatis suæ fervore, ita ut illud Apocalypseos ei dicatur a Domino :

Matth. xxiv, 12. Habeo adversum te, quod caritatem tuam primam reliquisti.

Apoc. ii, 4.

Post hæc venies in collem Domini. Per collem Dei, contemplationis gratia seu virtutum perfectio designatur, ad quam a Spiritu Sancto perducitur, qui aliorum regi-

mine fideliter occupatur, et in vitæ activæ exercitiis se caritative exerceat. In hoc colle est statio *Philistinorum* : quoniam invisibiles hostes acriter contra tales præliari non cessant. Nam et angelus Satanæ Paulum colaphizavit. *Ibi obvium habebis gregem prophetarum* : quia in vita contemplativa occurrunt homini psalmi et cantica ac vaticinia patrum ac vatium, in quorum decantatione, intelligentia, meditatione multipliciter oblectatur, ita quod insilit in se Spiritus Sanctus, et vaticinatur eum illis

11 Cor. xii,

7.

Deum laudando, futuraque contemplando, et mystica ex divina illuminatione intelligendo : sicque mutatur in alterum virum, quia divinus et spiritualis prorsusque theoricus efficitur, et hominem in homine exuens, super se elevatur, ita ut cum Jeremia queat fateri : Factus est sermo Dei

Jer. xx, 9.

in corde meo quasi ignis æstuans, et defecit, ferre non sustinens. *Quando ergo evenierint signa hæc omnia tibi, fac quæcumque invenerit manus tua* : quia dum homo tantis gratiæ charismatibus adimpletur, secure a Spiritu Sancto dirigitur, et agere potest quodcumque ratio seu conscientia sua esse agendum dictaverit. Tunc tamen descendere debet in *Galgala*, hoc est ad religiosa secretaque loca, in quibus sacrificium laudis, thymiama orationis, et observantiam mandatorum imolet Deo, et Christum ibidem præstoletur *septem diebus*, omni videlicet tempore opportuno, ut de agendis illustretur ac doceatur ab ipso. Sicque ibidem in abscondito hauriat, quod postmodum ovibus publice communicet et

propinet, juxta quod ait Scriptura : Memoriam abundantiae suavitatis tuæ erucebunt. Præterea, viro quocumque sæculari tam spirituali et contemplativo effecto, multi mirantur, et dicere queunt : *Num et Saul inter prophetas ?*

Ps. cxliv, 7.

Instruamur demum ex isto capitulo, ad imitandum primam illam Saulis humilitatem, prudentiam, atque modestiam, qui sciens se electum et unctum in regem, abscondit se, reputans se indignum. Væ igitur eis, qui quum adhuc passionibus suis

sordescant, et vanitate repleantur, ingerunt se ad præsidendum, et ad prælationem cæca et indurata mente adspirant. Rursus, exemplo Saulis adhuc pii ac humilis, discamus proprias laudes, etiam si magnum quid in nobis exstiterit, humiliter reticere, jactantiam omnem vitare, et quæ in secreto acceperimus, inviolabiliter ac prudenter celare, quum Ecclesiasticus affirmet : Qui denudat arcana amici, perdit fidem. Denudare autem amici mysteria, desperatio est animæ infelicis. Propria quoque mysteria et secreta nequaquam incaute pandamus, quum scriptum sit : Omni homini cor tuum ne reveles, ne postea convitietur tibi. Sunt autem qui celare nil norunt, nec propria, nec aliorum occulta, etiam si ea receperunt in fide, quum tamen ea sine mortali culpa non valeant prodere : quibus illud Ecclesiastici poterit dici, Sicut sagitta infixa femori canis, sic verbum in corde stulti.

Dixit Samuel ad populum : *Vos hodie projecistis Dominum, qui solus salvavit vos.* Hoc dici potest perversis subditis, qui de bono et humili simplicique prælato non contentantur, sed eum et Christum in eo conantur abjicere aut repellunt, prudentiorem aut nobiliorem secundum carnem petentes : imo de omnibus qui bonum suum a se removere quærunt pastorem, hoc verificatur, qui valde insipienter agunt, Deo ingrati sunt, atque enormiter peccant, et frequenter acquirunt pejorem aut minus sufficientem. *Abiit cum eo pars exercitus.*

Per illos divinitus tactos, qui iverunt cum Saul, eique munera attulerunt, figurati sunt boni et timorati subjeeti, qui corde et opere suo adhærent superiori, imo et corpore tempore opportuno, ac debitam ei obedientiam reverentiamque impendunt. Porro per filios Belial, qui Saul electum a Deo in regem aspernabantur, nec ei detulerunt encænia, designantur subditi intemorati, superbi, rebelles, non pensantes illud Apostoli : Omnis anima potestatibus sublimioribus subdita sit. Non est enim potestas, nisi a Deo : quæ autem a Deo sunt, ordinata sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. *Ille vero dissimulabat se audire.* Sic et nos discamus improborum hominum insolentias, impropria, injuriationes surda aure transire, quemadmodum scriptum est : Qui inquirebant mala mihi, locuti sunt vanitates. Ego autem tanquam surdus non audiebam, et sicut mutus non aperiens os suum. Postremo etiam is qui præest, subditorum suorum improbitates, et præsertim propriam injuriam, debet quandoque dissimulare, quando videlicet opportune emendare non potest. Sed prohi dolor ! multi sunt qui Dei injurias et offensas dissimulant ; propriam vero injuriam, quamvis permodicam, protinus ulciscuntur, quum tamen dicat Chrysostomus : Propriam injuriam æquanimiter tolerare debemus, Dei vero injuriam nec usque ad aures dissimulare.

Eccli.
xxvii, 17, 24.

Ibid. viii,
22.

Ibid. xix,
12.

Rom. xiii,
1, 2.

Ps. xxxvii,
13, 14.

ARTICULUS XXI

EXPLANATIO CAPITULI UNDECIMI : ASCENDIT NAAS AMMONITES, ET PUGNARE COEPIT.

PRIMA Saulis victoria hic narratur, per quam Dominus patefecit ipsum ex divina ordinatione regem fuisse effectum. Præmittitur autem in aliquibus libris, Et factum est quasi post mensem : quod non est de textu, quum nec in Hebræo contentum sit. *Ascendit autem Naas Ammonites,* id est rex Ammonitarum, *et pugnare coepit*

Lyra.

adversus Jabes Galaad. Jabes, nomen est civitatis situatæ ultra Jordanem in terra Galaad, in sorte mediæ tribus Manasse. Galaad quoque quandoque est proprium nomen viri, quandoque montis, interdum territorii, aliquando civitatis, quemadmodum super librum Numerorum et alibi est ostensum. Itaque Naas cum suo exercitu urbem nomine Jabes obsedit et impugnavit, et forsitan ex eodem motivo, quo rex filiorum Ammon, terram filiorum Israel trans Jordanem tempore Jephthe invasit, affirmans eam sibi injuste ablatam a populo Judæorum, quando de Ægypto egressi sunt.

Num. xxxii.

Judic. xi, 4, 13.

Dixeruntque omnes viri, id est habitatores, *Jabes ad Naas: Habeto nos fœderatos*, id est, pacis pactum ini nobiscum, *et servemus tibi*, annuum dando tributum. Videbant enim se non posse regi huic resistere, nec erat eorum spes stabilita in Deo. *Et respondit ad eos Naas Ammonites: In hoc feriam vobiscum fœdus, ut eriam, per manus et ferra servorum meorum, omnium vestrum oculos dextros: quatenus illis erutis, sitis de cetero inepti ad prælia, in quibus oculi sinistri scutis teguntur; ponamque vos opprobrium in universo Israel:* id est, in toto Israelitico populo faciam vos aspernabiles et abominandos, seu cunctis formidabiles, ita quod visa plaga vestra terrebuntur, quatenus non præsumant mihi resistere. Quamvis enim utroque oculo excæcari, majus fuisset damnum, tamen dextero privari, fuisset majus opprobrium. *Et dixerunt ad eum seniores Jabes: Concede nobis septem dies induciarum et dilationis, ut interim mittamus nuntios ad universos terminos Israel, id est ad singulas tribus, et si non fuerit rex aut populus qui defendat nos a tua impugnatione, egrediemur ad te ad faciendum seu sustinendum quod jusseris.*

Venerunt ergo nuntii in Gabaa Saulis, in qua natus fuit et morabatur. Concessit quippe rex ille quod petierunt, non ex pietate, sed animositate, quasi auxilia virorum Jabes contemnens, ut Josephus lo-

quitur. *Et locuti sunt verba hæc Naas comminatoria, audiente populo. Elevarit omnis populus vocem suam, et flevit ex compassione fratrum suorum in tantis angustiis positorum, et quia viderunt populum Israel ita contemni, vel quia demeruerunt sic tribulari. Et ecce Saul veniebat, sequens boves de agro.* Dicunt quidam, quod casu venit post boves; alii, quod egressus erat in agrum ad exercitandum se in sagittando vel gratia spatiandi, sicque reversus sit hora qua boves reducebantur. Porro Josephus protestatur, quod venit de agricultura. Non enim propter regnum dimisit adhuc prius officium; vel forsitan ex humilitate hoc egit, et inter alios qui boves suos ac pecora reducebant, familiariter ivit ac conferebat. *Et ait: Quid habet populus quod plorat? Et narraverunt ei præfati nuntii, vel etiam cives Gabaa, verba virorum Jabes: siquidem nuntii fuerunt specialiter missi ad Saul.*

Et insiluit Spiritus Domini in Saul, quum audisset verba hæc, hoc est, ex instinctu et operatione Spiritus Sancti, seu voluntatis divinæ, ad magnanimitatem, audaciam, et iram per zelum motus est vehementer ac subito, non obstante sua humilitate. Etenim simul stat, quod aliquis ex consideratione propriæ parvitatæ, vilitatis, ac defectuositatis sit humilis, atque ex consideratione divini subsidii seu aliarum rerum quæ ad magnanimitatem inducunt, existat magnanimus. *Et iratus est furor ejus nimis*, id est, ipse valde ad iram per zelum est concitatus, ægerrime ferens quod rex idololatra populum Dei sic sprexit ac tribulavit, quia in hoc Deum contempsit, cujus inhonationem Saul ægrius tulit, ac magis optavit ulcisci. *Et assumens utrumque bovem, conscidit in frusta*, id est, duos ex bobus suis per se vel per ministros frustatim divisit, *misitque in omnes terminos Israel per manum nuntiorum propriorum, vel et eorum qui erant missi a Jabitis, dicens: Quicumque aptus ad bellum non exierit, secutusque fuerit Saul et Samuelem, sic fiet bobus*

C

D

ejus, hoc est, pecoribus suis privabitur. Nominavit autem se ante Samuelem, quia volebat recognosci ac timeri ut rex. In regum quoque edictis rex debet præponi, sed et Saul jam major seu dignior, quamvis non sanetior fuit Samuele : quoniam dignitas penes prælationem præsidentiamque pensatur, bonitas vero seu sanctitas penes virtutem. Comminabatur autem in primis Saul pecorum ablationem, non hominum trucidationem, ut temperate inciperet suam exercere jurisdictionem.

Invasit ergo timor Domini, id est timor incussus a Deo, vel timor bonus Deo placens, cui placet ut populus timeat suos superiores Dei vicarios, *populum, et egressi sunt quasi vir unus*, id est omnes concorditer, *et recensuit eos*, id est numeravit, *in Bezeec*, id est juxta urbem sic dictam, in

Judic. i, 5.

II Reg. xxiv, 1.

qua (ut in Judicum libro legitur) Adonibezec imperavit. Recensuit autem non ex elatione, ut David, sed ut melius sciret qualiter et in quot partes divideret tantum exercitum. *Fueruntque filiorum Israel trecenta millia; virorum autem Juda triginta millia*. Viri autem Juda numerabantur seorsum, tanquam præcipue bellicosi, fortes ac nobiles. Sed mirum videtur, quod filii Israel non erant multo plures, quum

Num. i, 46; xxvi, 51.

in utraque numeratione facta per Moysen in deserto, fuerint quasi in duplo plures. Veruntamen satis probabile est, quod infra tam paucos dies universi viri Israel non poterant convenire. Rursus putandum, quod hi qui secundum legem erant removendi a prælio, removebantur, præsertim quum Samuel fuerit præsens.

Deut. xx, 5-8.

Et dixerunt Saul, Samuel ceterique majores, nuntiis qui venerant: Sic dicetis viris qui sunt in Jabes Galaad: Cras, hoc est de proximo, utpote tam cito sicut venire poterimus, erit vobis salus, id est auxilium liberationis ab hostibus, *quum incaluerit*, id est, calorem in inferioribus causando ascenderit, *sol*. Proposuerunt enim valde mane super hostes irruere, ut infra insinuat. At vero in Scholastica fertur historia, quod Saul in Gabaa promisit Jabitis

A se tertia die venturum in auxilium eis, et quosdam ex nuntiis retinuit secum qui ducerent eum. Videtur tamen quod in populo erant satis multi qui viam noverunt. *Venerunt ergo nuntii, et annuntiaverunt viris Jabes*, quæ Saul et Samuel ac ceteri eis demandaverunt. Estque credibile, quod Samuel ex divina revelatione cognovit quod Saul cum suis triumpharet. *Qui lætati sunt de instanti subsidio, et dixerunt Ammonitis ironice, et ut deciperent ipsos: Mane exhibimus ad vos, tanquam victi, et facietis nobis omne quod placuerit vobis*. Quasi dicant: Non est qui adjuvet nos. Hoc dixerunt die immediate præcedente adventum Saul. *Et factum est quum venisset dies crastinus*, id est die immediate sequente, postquam viri Jabes dixerunt Ammonitis, *Mane exhibimus ad vos, constituit Saul populum*, hoc est exercitum suum divisit, *in tres partes. Et ingressus est media castra Ammonitarum, in vigilia matutina, et percussit Ammon usque dum incalesceret dies*. Ex tribus etenim locis irruit super improvisos, et de sua victoria quasi tutos, et ita occidit eos a primo diluculo usque ad altum diem. *Reliqui autem dispersi sunt, ita ut non relinquerentur ex eis duo pariter*.

Et ait populus ad Samuelem, cujus ordinationem voluerunt laudare: Quis est iste vir aut cœtus virorum, qui dixit, Saul non regnabit super nos? Hoc enim formaliter aut æquivalenter dixerunt, qui præcedenti capitulo dixisse leguntur: Num

I Reg. x, 27.

D *tu et Saul, tradite illos manibus nostris, et interficiemus illos tanquam rebelles. Et ait Saul: Non occidetur quisquam in die hac, quum ista sit dies juvenitatis et laudis, quam diem nolumus sanguinis effusione, et multorum mœrore obnubilare. Ideo subditur, quia hodie fecit Dominus salutem in Israel*, id est, victoriam contulit nobis: ideo, sicut misericordiam consecuti sumus a Domino, sic debemus misericordiam facere proximis nostris, et gratiarum actioni sacrificiisque insistere. *Dixit au-*

tem Samuel ad populum : Venite, camus A in Galgala, et innoremus ibi regnum, id est, regiam unctionem et auctoritatem regalem Saulis confirmemus in urbe illa, ut de communi omnium consensu suscipiatur pro rege, nullo contradicente. Hoc locutus est Samuel, quoniam vidit omnes jam unanimiter inclinatos ad hoc, et consentire in praesidentiam Saulis. Et perrexit omnis populus in Galgala, et fecerunt ibi regem

Saul coram Domino in Galgala, id est, confirmaverunt eum in regno, subjiciendo se sponte jurisdictioni ipsius. Et immolaverunt ibi victimas coram Domino pacificas, id est, per manus Samuelis vel aliorum sacerdotum, obtulerunt ibi hostias pro pace habita et conservanda, atque pro gratiarum actione concessa triumpho. Et levatus est ibi Saul, et cuncti viri Israel nimis.

ARTICULUS XXII

SPIRITUALIZATIO EJUSDEM UNDECIMI CAPITULI.

QUUM filii Israel regem obtinuissent virum justum et bonum, et Samuel tam regem quam populum informasset, qualiter invicem se haberent, ac Domino deservirent, statim contra eos ascendit rex Ammonitarum : ita diabolus videns Ecclesiae seu cuicumque congregationi esse de bono pastore provisum, et praelatum eum credito sibi grege Deo concorditer deservire, nititur eos invadere, perturbare, et discordes efficere. Cui interdum respondent fideles : *Habeto nos foederatos*, id est, desine nos tentare de mortalibus vitiis, ne penitus separemur a Deo, *et servimus tibi*, in venialibus culpis : quas etsi singulas, non tamen omnes vitare vale-

Rom. vii, 25.

Prov. xxiv, 16.

mus, sicque carne servimus legi peccati, propter quod aliquid in nobis habet princeps mundi, et septies cadimus omni die. Ad quod diabolus respondet fidelibus : *In hoc feriam vobiscum foedus, ut etiam omnium vestrum oculos dextros*, id est, oculos interiores, quibus conspiciatis spiritualia et divina, obtenebrem, quatenus nihil salubriter cognoscatis, et quidquid salutis est parvipendatis ; oculos vero sinistros, quibus carnalia et caduca, vana et mundana consideratis ac sortiri conamini, vobis di-

mittam ; *ponamque vos opprobrium in universo Israel*, id est in tota militante Ecclesia, quae contemplatur aeterna.

His cognitis, pensantes Christifideles, quod invisibilis hostis non aliud quærat, quam damnationem ipsorum perpetuam, ad totius Ecclesiae suffragia convertuntur, et undique petunt orari pro se. Denique istis auditis, verus praelatus et fervidus pastor contra invisibiles adversarios inflammatur, et universos sibi commissos hortatur, ut pro afflictis, tentatis et lapsis concorditer deprecantur. Habet quoque tres ordines subditorum, quoniam aliqui sunt incipientes, quidam proficientes, nonnulli perfecti : quibus omnibus juxta dona sibi collata laborantibus, et suum praesidentem juvantibus, invisibiles hostes vincuntur, dum fulgor gratiae menti infunditur, ita quod in corde diescit, et Sol justitiae Christus caritatis calorem producit in ipso. Ecce quid ad verum spectet pastorem, ut scilicet totis praecordiis de subditorum suorum spirituali detrimento, læsione, pressura tristetur, et contra adversarios animarum armetur, indignetur, succurrat cum omni plebe sibi subjecta, nec cesset, quousque sortiatur triumphum. Rursus, tres

in Ecclesia sunt ordines, religiosi, militares, vulgares; item activi, contemplativi, et ex utraque commixti.

Iterum, sicut Gabaanitæ levaverunt vocem suam, et ploraverunt auditis angustiis proximorum suorum, utpote Jabitarum; sic unaquæque devota congregatio seu persona lugere debet ex animo, dum alicujus devotæ congregationis aut suppositi deformationem aut dejectionem perceperit: pro cuius reformatione cum omni fervore debet conari; obtenta demum victoria, offerendæ sunt Deo pacificæ hostiæ, sacrificia scilicet laudis et gratiarum actionis, ut totus triumphus, profectus, et quidquid per-

A fectionis fuerit quis sortitus, totum Omnipotenti datori ac adiutori sincerissime adscribatur.

Postremo, exemplo Saulis discant reges et principēs esse ad misericordiam proni, et pœnitentibus indulgere, atque in die sui honoris, prosperitatis et triumphi, non superbire nec malignari: quod totum unicuique Christiano sectandum est. Hinc Tullius in laudibus Julii ait: Nulla te virtus gratiosiore exhibet, quam tua clementia. Inclytus quoque Pompeius: Præclarissimum, inquit, victoriæ genus est, posse ulcisci et nolle. Hinc rex apum, disponente Auctore naturæ, caret aculeo.

ARTICULUS XXIII

DECLARATIO CAPITULI DUODECIMI: DIXIT AUTEM SAMUEL AD UNIVERSUM ISRAEL.

IN fine præcedentis capituli scriptum est, ^{1 Reg. xi, 15.} qualiter Saul et populus ejus in Galgala lætati sint nimis. Volens itaque Samuel gloriationem illorum moderari, et revocare ipsos a præsumptione, ne scilicet præsumerent se bene egisse regem petendo, ostendit eisdem, verbis atque prodigiis, quod regem petendo peccaverint. *Dixit autem Samuel ad universum Israel ibi congregatum cum Saul: Ecce audivi vocem vestram*, id est, postulationem vestram implevi, *juxta omnia quæ locuti estis ad me, et constitui super vos regem*, cum ungendo ac vobis monstrando, quem Deus elegit et fieri jussit regem. *Et nunc rex graditur ante vos; ego autem senui et incanui*, id est, canus effectus sum ex senectute: et tamen, ut infra patebit, Samuel multis annis vixit post hæc. Porro *fili mei vobiscum sunt*, tanquam parati ad obsequium regis et communitatis, vel ut exigatis ab eis, si aliquid habent a me, quod alicui vestrum injuste abstulerim: itaque ^{coram vobis} *conversatus vobiscum* ab adolescentia mea

usque ad diem hanc: quia adhuc adolescens existens, cœpit populum judicare. *Ecce præsto sum*, id est præsens et paratus ad respondendum. *Loquimini de me coram Domino, et coram christo ejus*, videlicet Saule rege inuncto, *utrum bovem cujusquam tulerim aut asinum*: id est, justam contra me querelam proponite coram Deo et rege, si alicui subtraxi bovem aut asinum aut simile quidquam; *si quempiam calumniatus sum, si oppressi aliquem*, id est, facto aut verbo aut iniquo judicio irrogavi alicui injuriam, *si de manu cujusquam munus accepi; et contemnam illud hodie*, id est, fatebor nunc donum illud esse injuste acceptum et contemnendum, et tanquam vile abjiciam, *restituamque vobis. Et dixerunt: Non es calumniatus nos, neque oppressisti, neque tulisti*, id est, non accepisti, *de manu alicujus quidpiam muneris pro excreendo aut pervertendo judicio, imo nec aliquo reprehensibili modo.*

Dixitque ad eos: Testis est Dominus adversum vos, et testis christus ejus in

die hac, quia non inveneritis in manu mea quidpiam : id est, tam Deus quam rex iste Dei vicarius testes sunt, quod personaliter fassi estis non invenisse vos aliquid reprehensibilitatis aut violentiæ in omni conversatione mea aut officio meo, et hoc ipsum testimonium valet ad vestram reprehensionem, quod scilicet injuste repulistis me a principatu judicii. *Et dixerunt : Testis. Et ait Samuel ad populum : Dominus qui fecit Moysen et Aaron*, eorum substantiam producendo, et eos filiis Israel præficiendo, *et eduxit patres nostros de terra Ægypti*, supple, adest et est testis horum : qui per Jeremiam locutus est, Ego sum iudex et testis; de quo Job, Ecce enim in cælo est testis meus, et conscius meus in excelso. Dicitur autem Deus testis actuum humanorum, non quod ipse coram superiori iudice testimonium ferat, sed quoniam omnia ei constant, et ipse tempore opportuno, tam iudex erit quam testis.

Sed quæritur, cur Samuel se ita commendaverit, quum in Proverbiis scriptum sit : Laudet te alienus, et non os tuum. Et in Ecclesiastico : Non te iustifices ante Deum. Unde sanctus Job profitetur : Si iustificare me voluero, os meum condemnabit me. Et respondendum, quod Samuel populum increpaturus, primo ex rationabili causa expurgat se coram Deo et rege, ne postea inculparetur injuste; atque ad innuendum, quod purus et inculpabilis esse debet, qui accusaturus seu iudicaturus est alios. Et item ad Dei honorem, aliorumque ædificationem hoc egit. Et propter has ac alias quasdam causas, leguntur viri sancti interdum suas commemorasse iustitias, non ob propriam laudem, aut præsentis vitæ honorem, nec sic, quasi a venialibus culpis immunes fuerint : et hoc prætendunt auctoritates inductæ. Præterea, ad litteram patet ex præinductis magna valde sancti Samuelis iustitia atque perfectio, qui in tanti regimine populi infra tot annos irreprehensibiliter vixit ac præfuit, et propriis suis expensis iudiciale explevit officium visi-

tationisque actum, nec unquam quæsivit proprium commodum aut honorem : quod totum cunctis iudicibus est valde pensandum ac imitandum. Hinc quoque in Ecclesiastico asseritur : Dilectus a Deo suo Samuel, testimonium præbuit in conspectu Domini et christi; pecunias et usque ad calecamenta ab omni carne non accepit, et non accusavit illum homo.

Nunc ergo state, ut iudicio contendam adversum vos coram Domino, hoc est, ut probem vos reos, atque ingratos beneficiis Dei, sicut in foro contentioso solet causa probari : et probem hoc de omnibus misericordiis Domini, id est gratiosis beneficiis Dei, quas fecit Dominus vobiscum, et cum patribus vestris : quomodo Jacob ingressus est Ægyptum, et clamaverunt patres vestri ad Dominum, et misit Moysen et Aaron, et eduxit patres vestros de Ægypto, et collocavit eos in hoc loco. Qui obliti sunt Domini Dei sui, idola colendo, et tradidit eos puniendos, in manu Sisaræ magistri militiæ Asor, id est Jabin regis urbis nomine Asor, ut scribitur in Iudicum libro, et in manu Philistinorum et in manu regis Moab ac gentium aliarum, sicut in libro Iudicum diffuse scriptum est; et pugnaverunt adversum eos. Postea autem clamaverunt ad Dominum, et dixerunt : Peccavimus, quia dereliquimus Dominum, et servivimus Baalim et Astaroth. Nunc ergo erue nos de manu inimicorum nostrorum, et serviemus tibi. Et misit Dominus Jerobaal, hoc est Gedeonem, et Badan, id est Samsonem qui fuit de tribu Dan, et Barac*, et Jephthe, et Samuel : sicque loquitur de se quasi de alio. Misit quoque Dominus alios iudices, scilicet Othoniel, Aod, Samgar, Jair, etc., ut in libro Iudicum recitatur. Et eruit vos de manu inimicorum vestrorum per circuitum, quando conversi clamastis ad Dominum, vexatione dante vobis intellectum, et habitastis confidenter, quamdiu Deo obediens fuistis, et de iudicum directione eratis contenti.

Vidistis* autem quod Naas rex filiorum Ammon venisset adversum vos, dixistis

Ecclesi. XLVI, 16, 22.

Judic. IV, 2.

* Alias et Barac non est in textu.

Is. XXVIII, 19.

* Videntes

Jer. XXIX, 23.

Job XVI, 20.

Prov. XXVII, 2.

Ecclesi. VII, 5.

Job IX, 20.

¹ Reg. xiii, 19. *mihî : Nequaquam, sed rex imperabit nobis : quum Dominus Deus vester regnaret in vobis*, hoc est, immediatus rex vester fuit, ita quod sub eo non habuistis hominem præidentem, nisi iudices. Præcedenti

^{Ibid.} xi, 14. capitulo patuit, qualiter Naas rex cum populo suo a Saule rege et populo Israel victus est. Quomodo ergo nunc dicitur, quod filii Israel petierunt regem, videntes quod Naas contra eos venit, quasi petitio regis secuta sit adventum Naas contra Israelitas? Ad hoc ex Josepho respondetur, quod ante unctionem Saulis petitionemque regis, Naas multos vastavit ex filiis Israel trans Jordanem : quod fuit una causa, ex qua moti sunt petere regem. Deinde post mensem inunctionis Saulis venit Naas rex contra Jabes. *Nunc ergo presto est rex vester, quem elegistis et petistis*. Quomodo verum est hoc? Non enim videntur filii Israel elegisse Saulem in regem, sed Dominus eum ad hoc elegit ac designavit, non præcedente populi electione. Respondetur, quod dicuntur eum elegisse, hoc est unanimiter acceptasse in regem magis quam alium. *Eccc dedit vobis Dominus regem*.

Si timueritis Dominum, filiali aut saltem initiali timore, et servieritis ei, et audieritis vocem ejus, et non exasperaveritis os Domini, id est, sapientiam ejus non provocaveritis ad indignationem et ultionem adversus vos; *eritis et vos et rex vester, sequentes Dominum Deum vestrum*, hoc est Deo veraciter adhærentes, cui non adhærent in veritate, nisi qui ei obediunt. *Si autem non audieritis vocem Domini, sed exasperaveritis sermonem ejus*, id est, eloquia et præcepta Dei amare seu aspere acceperitis, non caritative ac dulciter; *erit manus Domini super vos, et super patres vestros* : hoc est, tam vos quam patres vestri qui vos ad mala inducunt, seu a vitiis non refrenant pro posse, incurretis debitas pœnas Dei; vel, Super patres vestros defunctos condemnatos, quorum damnatio seu tormentum angebitur ex iniquitatibus et condemnationibus vestris, in quantum præbuerunt et reliquerunt vobis occasio-

A nem et exemplum peccandi, et pœna unius damnati redundat in alium. Quidam exponunt sic : Erit manus Dei super vos, et super patres vestros, id est, ita erit super vos in posterum, sicque puniemini, sicut jam ante fuit, et sicut puniti fuerunt patres vestri transgressores.

Consequenter per miraculum probat Samuel suorum veritatem verborum. *Sed et nunc state, et videte rem istam grandem, quam facturus est Dominus in conspectu vestro. Numquid non messis tritici est hodie?* hoc est, imo jam est tempus triticeæ messis. *Invocabo Dominum, et dabit voces et pluvias*, id est, subito et super naturam tonabunt tonitrua, micabuntque fulgura, et imber copiosus descendet, quum tamen jam sit aura serena, nec naturales causæ præcesserunt; *et scietis et videbitis, quia grande malum feceritis vobis in conspectu Domini, petentes super vos regem. Exclamavit*, id est, ferventer oravit, *Samuel ad Dominum, et dedit Dominus voces et pluvias in die illa*, imo et grandinem, ut in Scholastica narratur historia. *Et timuit omnis populus nimis Dominum et Samuelem* : siquidem propter tam vehementem, miraculosam, insolitam tempestatem horrore percussi sunt, præsertim quia culpabiles erant, et lædi seu perimi formidabant. *Et dixit universus populus ad Samuelem* : *Ora pro servis tuis ad Dominum Deum tuum, ut non moriamur hac tempestate. Addidimus enim universis peccatis nostris malum, ut peteremus nobis regem*, id est, ceteris peccatis nostris adjecimus

D vitium istud, videlicet regis postulationem. *Dixit autem Samuel ad populum* : *Nolite timere quod nunc moriemini ex hac tempestate, nec timeatis timore ex diffidentia procedente aut desperationem causante, nec solo servili timore, et omnem carnalem, sæcularem, inordinatum timorem abjicite*. Sic consolatus est Samuel illos, quoniam vidit quod pœniterent, et inordinate timerent. *Vos fecistis universum malum hoc. Verumtamen nolite recedere a tergo Domini*, id est, non cessetis Deum

sequi per adhesionem fidelem et obedi-
tiam perseverantem. Loquitur autem de
ineircumscriptibili et simplicissimo Deo
metaphorice more humano. *Sed servite*
Dominus in omni corde vestro; et nolite
declinare post vana, id est, omnem ido-
latriam, superstitionem et magicam ar-
tem, ac ceteras vanitates a vobis repellite,
quæ non proderunt vobis, neque eruent
vos, quia vana sunt. Et non derelinquet
Dominus populum suum propter nomen
suum magnum : id est, propter sui ipsius
piissimam majestatem, et propter excel-
lentiam suam famam dilatandam et conser-
vandam propitiabitur vobis, quemadmo-
dum per Ezechielem testatur : Non propter
vos ego faciam, notum sit vobis, sed pro-
pter nomen sanctum meum. Unde in Isaia
fatetur : Propter me ego faciam, ut non
blasphemer, et gloriam meam alteri non
dabo. Hinc Josue orans pro populo, locu-
tus est Domino : Quid facies nomini tuo
magno? Denique non relinquit Deus homi-
nem, nisi prius relinquatur ab eo ; et
quantum in se est, nullum permittit peri-
re. *Quia juravit Dominus vos sibi facere*
populum, id est, per se ipsum testatus est,
quod per dona gratiæ suæ faciet vos sibi
devotos, nisi obicem peccando ponatis.
Hinc scriptum est in Deuteronomio : Edu-
xit vos Dominus de fornace ferrea Ægy-
pti, ut haberet populum hereditarium. Et
rursus ibidem loquitur Moyses Israelitico
populo : Non dimittet te, nec omnino de-
lebit, neque obliviscetur pacti in quo ju-
ravit patribus tuis.

Ezech.
xxxvi, 22,
32.

Is. xlviii,
11.

Josue vii, 9.

Ezech. ii, 12.

II Petr. iii,
9.

Deut. iv, 20.

Ibid. 31.

Absit autem a me hoc peccatum in Do-
mino, ut cessem orare pro vobis. Nempe
ex quo penituerunt, atque humiliter pe-
tierunt orari pro se, peccasset utique Sa-
muel, si propter præteritam eorum impro-
bitatem, injuriamque sibi ab ipsis illatam,
renuisset orare pro ipsis, nec jam erant
inimici ipsius. In hoc tamen Samuel spe-
cialiter commendatur, quod tam fideliter
oravit pro his, a quibus ejectus erat ex
principatu : imo ut infra habetur, oravit
quoque pro Saule sibi inimicante. Ideo
efficaciam orationum Samuelis Dominus
tangit apud Jeremiam dicens : Si steterint
Moyses et Samuel coram me, non est ani-
ma mea ad populum istum. *Et docebo vos*
viam bonam et rectam, id est salutaria
documenta, vitiorum obliquitate carentia,
per quorum observationem pertingere po-
teritis ad veram felicitatem. Deinde via
ista docetur : *Igitur timete Dominum* fi-
liali timore, quæ est fuga mali culpæ. Sic
quippe Deum timere, est timere separari
ab eo, et abominari peccata, in quantum
sunt Dei offensiva, et separativa ab illo
qui summe diligitur, quemadmodum bo-
nus filius timet patris sui offensam. *Et*
servite illi servitute patriæ, in veritate vi-
tæ, justitiæ et doctrinæ, *et in toto corde*
vestro, absque simulatione et admixtione
hypocrisis. *Vidistis enim magnifica quæ*
in vobis gesserit Dominus, id est mirabi-
lia opera et præclara beneficia ejus, quibus
grati esse debetis. *Quod si perseveraveri-*
tis in malitia, et vos et rex vester pariter
peribitis.

I Reg. xv,
11.

Jer. xv, 1.

ARTICULUS XXIV

DE MYSTICA INTELLIGENTIA CAPITULI HUIUS DUODECIMI.

EXORDIUM capituli huius docet uni-
versos qui præsent et judicant alios,
quam juste et irreprehensibiliter debeant
conversari coram sibi commissis, ne di-

spergant et perdant quos reducere et sal-
vare tenentur. Præterea, si unicuique est
damnabile, scandalizare unum pusillum :
quanto magis eis qui præsent, ineffabili-

Matth.
xviii, 6.

ter est damnosum, scandalizare gregem eis A
 commissum? Quum ergo qui præsunt, non
 solum ex caritate, sed etiam ex debito ju-
 stitiæ et obligatione sui officii teneantur
 fraternæ correptionis præceptum in subdi-
 tis suis implere: tales, hoc est, tam virtuo-
 sos et exemplares se studeant exhibere, ut
 digni existant id facere, ne eis dicatur,

Luc. iv. 23.

Rom. ii. 21.

Qui alium doces, te ipsum non doces. Væ
 ergo pastoribus et prædicatoribus verbi
 Dei, qui in officiis suis potius quærunt
 propria commoda et honorem, quam Om-
 nipotentis honorificentiam et animarum
 salutem. Quibus per Ezechielem Dominus
 comminatur: Væ pastoribus qui pasebant
 semetipsos. Lac comedebatis, et lana ope-
 riebamini, gregem autem meum non pavi-
 stis. De tali prælato seu prædicatore apud

*Ezech.
xxxiv. 2, 3.*

*Zach. xi.
17.*

Zachariam habetur: Brachium ejus aridi-
 tate siccabitur, et oculus dexter ejus obte-
 nebrezens obscurabitur. O pastor et ido-
 lum derelinquens, gregem! Itaque is qui
 præest, nullum calumniatur aut opprimat,
 et personarum acceptor nequaquam effi-
 ciatur. Tempore quoque visitationis li-
 benter exponet se accusationi subditorum
 suorum et emendationi Visitorum, non
 contemnens subire judicium cum servo et
 subdito suo. Judex autem omnem prorsus
 cupiditatem devitet. Insuper sicut Samuel

*Lev. xix.
13, 15.*

*Num. xvi.
15.*

hie, ita et Moyses locutus est Deo: Tu seis
 quod nec asellum quidem unquam accepe-
 rim ab eis, nec afflixi quemquam illo-
 rum. Sed et Vas electionis suis ait discipu-
 lis: Argentum et aurum et vestem nullius
 concupivi, ipsi scitis. Sed heu! jam vide-
 tur impletum quod asserit Isaias: Omnes
 diligunt munera, sequuntur retributionem.

*Act. xx.
33, 34.*

Is. i. 23.

*Nunc ergo stute, ut judicio contendam
 adversum vos.* Quemadmodum sanctus Sa-
 muel volens populum digne corripere, re-
 citavit eis in primis beneficia Creatoris
 collata eis, eorumque patribus, deinde eo-
 rum ingratitude et excessus; sic pastor
 seu prædicator debet fidelibus frequen-
 ter proponere beneficia Salvatoris: quæ,
 quanta et qualia fecit, assumpsit et tolera-

vit pro nobis, et quoties ac quam multum
 misertus est nostri, quanta bona fecit Ec-
 clesiæ suæ. Deinde debet proferre ingra-
 titudines, perversitates, recidivationsque
 populi, quatenus opposita invicem compa-
 rata, clarius pateant et salubrius adver-
 tantur. Quemadmodum autem in veteri
 Testamento misit Dominus viros electos,
 videlicet judices, reges, Prophetas, per
 quos plebi multipliciter succurrebat; ita in
 novo Testamento misit innumerabiles, præ-
 clarissimos ac sanctissimos viros, marty-
 res, confessores, præsules, abbates, prædi-
 catores, qui prædicando egregie, vivendo
 sanctissime, ac miranda operando prodi-
 gia, purgaverunt, illuminaverunt et refor-
 maverunt Ecclesiam.

Numquid non messis tritici est hodie?
 id est, tempus convertendi et colligendi
 homines in horreum Dei, id est in Ecce-
 siam, prout in Evangelio Veritas contesta-
 tur: Levate, inquit, oculos et videte

*Joann. iv.
35.*

regiones, quia jam albæ sunt ad messem.
 Et item: Messis quidem multa, operarii
 autem pauci. *Invocabo Dominum, et dabit
 voces,* id est comminationum seu subli-
 mium doctrinarum tonitrua, *et pluvias gra-
 tiarum cœlestium,* quibus semen verbi Dei
 in mente fecundatur, crescit in opus, et
 fructificat per exemplum. *Nolite recedere
 a tergo Domini.* Hoc est quod admonet
 Christus: Qui vult venire post me, abne-
 get semetipsum, et tollat crucem suam
 quotidie, et sequatur me. Siquidem Chri-
 stus passus est pro nobis, vobis relinquens
 exemplum, ut sequamini vestigia ejus. *Et*

*Matth. ix.
37; Luc. x.
2.*

nolite declinare post vana, quærendo car-
 nales delicias, terrenas divitias, tempora-
 les honores, risus, jocos, ludos, spectacula
 aut choreas, ne illud Jeremiæ Dominus
 vobis impropet: Elongaverunt a me, et
 ambulaverunt post vanitatem, et vani facti
 sunt. Verum ut ait Psalmista: Beatus vir
 cujus est nomen Domini spes ejus, et non
 respexit in vanitates et insanias falsas.

Luc. ix. 23.

*1 Petr. ii.
21.*

Jer. ii. 5.

*Ps. xxxix.
5.*

*Absit a me hoc peccatum in Domino, ut
 cessem orare pro vobis.* Quamvis hoc dicere
 debeat quilibet Christianus, quum dicat

Matth. v. 44. Salvator, Orate pro persequentibus et calumniantibus vos; maxime tamen praelatus et praedicator, qui quantumcumque a proximis aut subditis offendatur, nihilo minus orare debet pro ipsis: imo tanto plus compati et subvenire, quanto plus illos viderit insanire, instar indulgentissimi patris, qui quanto plus a phrenitico filio suo invaditur, tanto amplius miserans miseretur, totisque viribus insanienti auxi-

liatur. Hinc Filius Dei cruci affixus, pro crucifixoribus et blasphematoribus suis oravit; et Stephanus pro lapidantibus se intercessit: imo Moyses et Paulus, deleride libro vitae, anathemaque fieri a Christo, deprecabantur, nisi pro errantibus exaudirentur. Postremo, quamvis omnis Christifidelis, maxime tamen praelatus implere debet, quod ait Apostolus: Noli vinci a malo, sed vince in bono malum. *Is. lvi, 12; Luc. xxiii, 34; Act. vii, 59; Exod. xxxii, 32; Rom. ix, 3. Ibid. xii, 21.*

ARTICULUS XXV

ELUCIDATIO CAPITULI TERTIDECIMI: FILIUS UNIUS ANNI ERAT SAUL QUUM REGNARE COEPISSET.

Transgressio et reprobatio Saulis hic recitatur. *Filius unius anni erat Saul quum regnare coepisset.* Hoc duobus modis exponitur: Primo, ut nomen hoc Saul, sit nominativi casus: critque sensus, quod Saul in exordio regni sui fuit unius anni, non quoad temporis fluxum, sed quantum ad cordis sinceritatem, utpote humilis tanquam parvulus, prout ait Salvator: Nisi conversi fueritis, et efficiamini sicut parvuli, non intrabitis in regnum caelorum. Fuit itaque unius anni, id est purus et innocens, tanquam puerulus anni unius. Quum enim omnipotens Deus promovet hominem ad aliquam dignitatem aut praesidentiam sive officium, efficit eum dignum ad illa per gratiarum charismata, nisi homo ponat obstaculum; nec Deus directe promovere solet indignos, sed permissive. Denique quo praesidentia altior est, eo praesidens majoris debet esse perfectionis: ideo regem decet esse virtuosissimum ac divinum. Secundo exponitur, prout Saul est dativi casus, ut sit sensus, quod ipsi Saul erat filius, id est, filium D habuit anni unius, videlicet ipsum Isboseth, quum ipse Saul regnare coepit, et duobus annis regnavit ipse Isboseth. Con-

tra quod instatur, quia (ut infra habetur) Isboseth, qui mox post mortem Saul coepit regnare, fuit quadraginta annorum in sui exordio regni, Saul autem viginti annis regnavit. Denique Scriptura non intendit hic explicare aetatem aut tempus regnationis filii Saulis, sed Saulis regis. *II Reg. ii, 10.*

Quidam demum exponunt sic, Filius unius anni, id est viginti unius annorum, erat Saul quum regnare coepit, quia (ut in libro Numerorum habetur) a viginti annis et supra eligebantur ad praelia: sicque fuit unius anni, id est, unum habuit annum ultra vicesimum. Quod stare non valet, quia (ut tactum est) filius Saul praefatus erat quadragenarius quum regnare exorsus est, et Saul praefuit annis viginti. Verumtamen contra hoc objici potest, quod in Actis legitur: Dedit eis Deus Saul filium C Cis annis quadraginta. Ad quod Beda ibidem, alique concorditer dicunt, quod ibi in annis illis Saul, includuntur viginti anni quibus praefuit Samuel. Aliter non videtur, qualiter accipi posset computatio annorum ab exitu de Aegypto, usque ad tempus quo Salomon coepit templum aedificare, ut infra in tertio libro habebitur. Idem affirmat et Josephus. Nihilo minus contra haec *Num. i, 3. Act. xiii, 21.*

Matth. xviii, 3.

argui potest. quoniam juxta præhabita, Samuel adhuc adolescens cœpit esse populi judex, statim post obitum Ieli. Fuit autem senex in exordio regni Saul, ut præcedenti habetur capitulo : ergo diutius præfuit quam annis viginti.

Et duobus annis regnavit ipse Saul super Israel, quia duobus annis præfuit virtuose, deinde tyrannice. Circa hoc scribit quidam : Potest dici, quia post duos annos regni Saulis ipse David in regem a Samuele est unctus, et extunc Saul non regnavit de jure, sed tantum usurpative : ideo sequentes anni regni ipsius hic reseccantur. Sed contra hoc, utpote quod Saul extunc non regnavit de jure, objicitur, quia adhuc, imo usque ad finem vitæ suæ, retinuit sibi jus regale seu regiam potestatem et auctoritatem. Propter quod David occidi jussit adolescentem, qui se Saulem occidisse perhibuit, Davidque sæpius dixit : Quis extendet manus suas in christum Domini, et innocens erit ? Unde et pectus suum percussit, eo quod chlamydem abscidisset illius. Itaque Saul adhuc permansit verus ac legitimus rex Israel, habendo respectum ad ejus auctoritatem et regiam potestatem ; sed quantum ad potestatis suæ abusum, fuit tyrannus. Talibus autem principibus ac prælatis, quantum ad ea quæ ad ipsorum officia pertinent, tenentur subditi obedire, tanquam veris superioribus, prout super secundum Sententiarum, distinctione ultima, Thomas declarat.

Et elegit sibi Saul tria millia de Israel, id est tria millia virorum Hebræorum, quos reputavit ad præliandum fortiores et audaciores : atque (ut aliqui opinantur) hoc fecit, quum regnasset per annum unum et duos, id est post tres annos. Tamen de illis tribus millibus dedit mille sub manu Jonathæ filii sui primogeniti ac strenuioris. Unde subjungitur : *Et erant cum Saul duo millia in Machmas et in monte Bethel*, id est in locis seu urbibus illis, per quarum terminos magis poterat Philistæis patere ingressus ad Israel : ideo Saul ibi opposuit se. Mille autem viri erant cum

Jonatha in Gabaa Benjamin, id est urbe illa in sorte Benjamin sita, quæ (secundum Magistrum in historiis) fuit civitas Phinees filii Eleazari, id est urbs sibi deputata ad habitandum, et in illa Eleazar fertur sepultus. Verumtamen in Josue libro legitur : Eleazar mortuus est, et sepe-
lierunt eum in Gabaath, quæ data est ei in monte Ephraim : in quo monte non videtur sita fuisse Gabaath seu Gabaa Benjamin. Porro ceterum populum remisit, unumquemque in tabernacula sua. Et percussit Jonathas stationem Philistinorum, quæ erat in Gabaa. Philistæi tanquam dominantes filiis Israel, construxerunt seu habuerunt in terra ipsorum loca munita seu fortalitia, in quibus posuerunt bellatores, qui populum Israel servarent sub jugo Philistiim. Est itaque sensus, quod Jonathas in urbe Gabaa tale castrum obtinuit, et Philistæos inibi constitutos occidit.

Quod quum audissent Philistiim, Saul cecinit buccina in omni terra, dicens : Audiant Hebræi. Saul pro certo coniecit, quod Philistæi cognito eo quod fecerat Jonathas, ex indignatione mox convenirent ad impugnandum Israeliticum populum : ideo voluit super hoc suum populum avisare, ut se observarent. Hinc misit nuntios qui præmisso buccinæ sonitu, annuntiaverunt hæc ipsa. Hinc subditur, *Et universus Israel audivit hujusemodi famam : Percussit Saul stationem Philistinorum*, juxta sensum præhabitum. Quod enim Jonathas egerat, rex terræ, videlicet Saul, judicabatur fecisse, sicut victoria militum adscribitur principi. *Et crexit se Israel adversus Philistiim.* Supra scriptum est, Humiliati sunt Philistiim, nec apposuerunt ultra ut venirent in terminos Israel ; quod factum est tempore Samuelis : quomodo ergo statio Philistinorum fuit adhuc in terra Israel, Saul regnante ? Iterum dictum est ibi, Facta est manus Domini super Philistæos cunctis diebus Samuelis : ergo jam ante imperium Saul, crexit se Israel contra Philistiim. Ad primum respondetur, quod ad certum tempus non introierunt terram

Josue xxiv, 33.

1 Reg. iii, 20, 21 ; vii, 15 ; xii, 2.

11 Reg. i, 15.

1 Reg. xxvi, 9.

Ibid. xxiv, 6.

1 Reg. vii, 13.

Ibidem.

Israelitarum, vel non cum tanta potentia A sicut ante; vel dato quod ultra non introierunt Samuele populum judicante, tamen filiis ejus praesidentibus male, judicantibusque injuste, potuerunt forsitan intrare. Dato quoque quod non introierunt, attamen potuerunt ibi in munitionibus relinquere eos quos ante posuerunt ibidem. Ad aliud respondetur, quod Samuele praesidente, multum refrenata fuit potestas Philistinorum super filios Israel, non tamen in toto ablata, sicque sub Saul *crevit se populus Israel adversus Philistiim* magis quam ante. *Clamavit ergo populus post Saul in Galgala, ex timore Philistinorum Saulem exhortando, ut provideret sibi ac regno suo contra Philistinorum invasionem.*

Et Philistiim congregati sunt ad praeliandum contra Israel triginta millia curruum. Mirum quod tot currus habebant, quum de Pharaone legatur in Exodo, quod tulit secum sexcentos currus electos, quando videlicet insecutus est filios Israel. Hinc aliqui dicunt, quod ponatur hic continens pro contento, videlicet numerus currum C pro numero bellatorum, qui erant in curribus et pugnabant ex eis, ut erat tunc moris. *Et sex millia equitum.* Aliqui textus habent, Sexcenta millia equitum; sed melius dicitur, Sex millia. *Et reliquum vulgus, sicut arena quae est in littore maris plurima, id est innumerabile instar arenæ: quod tamen hyperbolicum verbum est. Et ascendentes, castrametati sunt in Machmas ad orientem Bethaven.*

Quod quum vidissent viri Israel se in arcto positos, id est in grandi periculo vel D in loco angusto, (afflictus enim est populus) scilicet viri praefati de Israel, qui timore, lassitudine seu aliis modis erant tribulati, absconderunt se in speluncis et in abditis, in petris quoque et in antris, et in cisternis: Hebraei autem transierunt ** in terram Jordanem terram * Gad et Galaad, id est, transmigrantes Jordanem, ingressi sunt terram duarum ac mediae tribuum. Hoc sonat, ac si Hebraei non fuissent Israelitæ. Ad quod in Scholastica respondetur histo-*

ria: Quidam erant in Israel, sic appropriato vocabulo dicti, qui praetimore creduntur in castra Philistiim descendisse ad obsequendum illis. Vel (ut aliqui scribunt) ideo dicebantur Hebraei, quia frequenter transibant Jordanem. Nam Heber interpretatur, victor seu transiens. Inde Hebraei, quasi transeuntes. Veruntamen hi Hebraei videntur potius a Philistæis fugisse, quam ad ipsos confugisse: quia Jordanis erat a plaga orientali, respectu terrae promissionis; terra autem Philistinorum, a parte B occidentali. *Quumque esset Saul adhuc in Galgala, universus populus perterritus est qui sequebatur eum: quoniam erant paucissimi comparatione exercitus Philistinorum, nec plene confidebant in Domino.*

Et exspectavit septem diebus Samuelem juxta placitum, id est, prout Samuel ei injunxerat. Unde scriptum est supra, quemadmodum Samuel dixit Sauli in prima sua inunctione: Descendes ante me in Galgala. Ego quippe descendam ad te, ut offeras oblationem, et immoles victimas pacificas. Septem diebus exspectabis me. Quod ibi tripliciter fuit expositum, et juxta expositionem illam triformem, potest et istud tripliciter exponi. Primo, quod exspectavit Samuelem septem diebus oblationis fiendae quotidie per tot dies pro sua unctione in regem: quae expositio non videtur conveniens, quoniam Saul jam fuit in regem bis unctus, ideo non apparet quod usque ad tempus istud fuerit oblatio illa dilata. Secundo a quibusdam exponitur, quod exspectavit juxta placitum Samuelem, quatenus Samuel sacrificaret et consuleret Deum pro ipso Saule. Debuit autem Samuelem exspectasse per septem integros dies, et non exspectavit eum hac vice, nisi per sex dies, quoniam diem quo significavit Samueli ut veniret ad se, inter septem dies exspectationis annumeravit, quum tamen post diem illum debuerit septem praestolari diebus Samuelis adventum. Sed huic expositioni videtur contradicere littera, asserens quod Saul septem diebus exspectavit Samuelem. Tertio ergo exponitur, quod

Exod. xiv, 7.

1 Reg. x, 8.

non expectavit plenarie per septem dies, A imo septimo die ante occasum per aliquot horas usurpavit sacrificare, quod per Samuelem fieri debuit : sicque peccavit in hoc, quod non expectavit septem integros dies ; et item quod sacerdotale assumpsit officium, sicut Ozias rex Israel : quibus duobus excessibus adjecit et tertium, excusando se ipsum. *Et non venit Samuel in Galgala tam cito ut Saul putavit eum venturum.* Venit tamen septimo die, ut infra habetur. *Dilapsusque est populus ab eo,* id est, populus Israel, qui fuit cum Saul, B recessit ex timore ab eo.

Ait ergo Saul : Afferte mihi holocausta et pacifica, id est materias seu pecora, quæ offeram Deo in holocausta, ut remittat nobis nostra peccata : et tale sacrificium totaliter incendebatur, præsertim dum offerebatur pro peccatis multitudinis, ut in Levitico habetur, ideo holocaustum vocatum ; et item quæ offeram in hostiam pacificam, id est pro pace atque victoria obtinendis. *Et obtulit holocaustum.* Quumque complisset offerens holocaustum, id C est, hostiam holocaustomatis jam obtulisset rex Saul, quod non erat sui officii, ecce Samuel veniebat satis tempestive ad offerendum. Legalia namque sacrificia licite immolabantur usque ad horam, in qua sacrificium jure vespertinum offerebatur, post quod illo die aliud sacrificium non offerebatur, quoniam illud erat consummatio omnium sacrificiorum diei. *Et egressus est Saul obviam ei, ut saluaret eum.* Honora- vit enim Samuelem propter ejus senectutem et sanctitatem, prophetalemque gratiam ; et quoniam jam ante judex fuerat populi, et suis orationibus ac meritis multa bona a Deo obtinuit populo : sed et hac vice speravit juvari per Samuelem. *Locutusque est ad eum Samuel : Quid fecisti ?* quasi dicat, Graviter jam peccasti, et mirum quod ita egisti. *Respondit Saul : Quia vidi quod dilaberetur populus a me, et tu non veneras juxta placitos dies, porro Philistiim congregati fuerant in Machmas, dixi : Nunc descendant Philistiim ad me*

in Galgala, et faciem Domini non placavi, satisfaciendo pro peccatis meis ac populi mei. *Necessitate compulsus, obtuli holocaustum Domino.* Saul mendose se excusavit, quia non erat necessitas vera, absoluta, sufficiens : talisque usurpata oblatio, fuit magis offensiva Dei, quam placativa.

Dixitque Samuel ad Saul : Stulte egisti, quia contra mandata Dei, *nec custodisti mandata Domini Dei tui, quæ præcepi tibi ex parte Dei,* ut scilicet expectares me septem diebus totalibus, nec propriis manibus sacrificares. *Quod si non fecisses, jam nunc præparasset Dominus regnum tuum super Israel in sempiternum :* id est, si istos excessus non commisisses, nec postea similes, Dominus firmasset præsentiam tuam regiam super Israeliticam plebem, per omne tempus veteris Testamenti, quantum est ex parte tui, seu respectum habendo ad merita tua. Verumtamen providentia Dei omnia pariter intuens, et universa complectens, nec fallitur nec mutatur. Qualiter autem hujusmodi prænationes, promissiones, seu comminationes invariabilis Dei, sint intelligendæ sub conditione, et mutationi subjectæ per respectum ad ordinem proximarum contingentium naturaliumque causarum, quum tamen prorsus incommutabilis sit in se ipsa præordinatio, præscientia ac providentia Dei, frequenter dictum est alibi, et primo Sententiarum determinatur. Denique, sicut asserit Augustinus, Deus instituit Saul in regnum, non ad permanendum, imo tribui Juda præordinavit tribuere regnum ; sed totum hoc, utpote Saulem esse prævaricaturum ac removendum, et tribum Juda in principatu mansuram, fuit infallibiliter in præscientia Dei. Hinc ait Gregorius : Deus non mutat decretum, quamvis mutet sententiam, non illam quæ exprimit æternam præordinationem, sed eam quæ temporalem exprimit dispositionem. *Sed nequaquam regnum tuum ultra consurget,* id est, nullus filiorum tuorum succedet tibi in regno super totum Israeliticum populum. Nam et filius Saul qui ei successit,

II Par. xxxvi.
16.

Lev. iv, 21.

II Reg. II, non nisi duobus regnavit annis. Non tamen A
10. super Juda; nec super ceteras tribus pacifice.

Quæsit sibi Dominus virum secundum
* *juxta* *dum* * *cor suum*. Non quasi a casu aut ex
incertitudine Dominus aliquem quærit, quamvis sic faciat aliquid quæri; sed per modum quærentis se habet, dum omnium corda considerat, et unum præ alio ad aliquid sibi assumit, eligit seu acceptat: quem tamen ipse per dona gratiæ suæ efficit talem, et ab æterno sic ordinavit. Loquebatur quoque Samuel more prophetico de futuro per modum præteriti, propter certitudinem prophetiæ: ut sit sensus, Quæsit sibi Dominus virum secundum cor suum, id est, decrevit sibi assumere in regem virum virtuosum, divinæ voluntati conformem et beneplacentem. *Et præcepit ei*, id est præcipiet, *Dominus ut sit* * *dux super populum suum*: vir iste est David, qui dum ista dicebantur, erat puer; eo quod non servaveris quæ præcepit Dominus.

Surrexit autem Samuel: ex quo elicitur C
tur, quod post increpationem prætaetam mansit ad tempus cum Saul in Galgala; et ascendit de Galgalis in Gabaa Benjamin. Illuc namque perrexerunt et filii Israel cum Samuele, vel cito post eum, adversus Philistiim, ideo pro confortatione populi Israel ivit ad Gabaa. *Et reliqui populi Israel*, qui non iverunt cum Samuele, *ascenderunt post Saul*, cum sequendo, *obviam populo Philistinorum*, qui Philistæi expugnabant
* *de* *eos*, videlicet Israelitas, *venientes ex* * *Galgala in Gabaa*, id est ad urbem sic dictam, D
in colle Benjamin, in quo contigit expugnatio illa. *Et recensuit*, id est numeravit *Saul populum*, scilicet filios Israel, qui *inventi fuerant cum eo*, et erant ceteris (ut videtur) constantiores, quoniam illis fugientibus, seque abscondentibus, manserunt cum rege ad præliandum, *quasi sexcentos viros*. Sic cum Gedeone non manserunt, nisi trecenti viri; et cum Juda Machabæo, octingenti. *Et Saul et Jonathas filius ejus, populusque qui inventus fu-*

erat cum eis, erat in Gabaa Benjamin. Porro Philistiim consederant in Machmas. Et egressi sunt ad prædandum, id est ad spoliandum bona Judæorum, de castris Philistinorum tres cunei: et tamen nullum eunecorum illorum audebant invadere filii Israel, timore prostrati et inermes. Ideo quoque fecerunt tres cuneos, ut magis nocerent, et quia resistantiam non timebant. Unus cuneus pergebat contra viam Ephraim ad terram Saul. Porro alius ingrediebatur per viam Bethoron. Tertius autem verterat se ad iter termini in terram Sabaâ imminentis valli Seboim contra desertum.*

Porro faber ferrarius non inveniebatur in omni terra Israel. Cujus subjungitur ratio: Caverant enim Philistiim, ne forte facerent Hebræi gladium aut lanceam: id est, idcirco non permiserunt inter Hebræos commorari aliquem fabrum, ne faceret eis ensem aut lanceam. Ex quo constat, quod filii Israel erant adhuc multum gravati jugo dominii Philistinorum. Ideo autem fertur in textu, Faber ferrarius, quia sunt quidam fabri lignarii, id est carpentatores, sicut in Evangelio legitur Joseph fuisse faber. Descendebat ergo omnis Israel ad Philistiim, scilicet in terram Philistinorum, quando pacem habuerunt cum illis, ut exaceret, id est, per fabros Philistinorum acui faceret, unusquisque vomerem suum, et ligonem, et securim, et tridentem, et sarculum. Retusæ itaque erant acies vomerum et ligonum et tridentium et securium, id est cessante pace, et lite durante, ex defectu præfatæ exactionis acumen ferri instrumentorum istorum erat reductum et hebetatum, usque ad stimulum corrigendum, id est, inclusive usque ad reformandum seu exacuendum instrumentum, quo boves arantes punguntur ad laborandum, seu alium quemcumque aculeum. Quumque venisset dies prælii inter Hebræos et Philistæos, non est inventus, id est non fuit, ensis aut lancea in manu et totius populi qui erat cum Saul et Jonatha, excepto Saul et Jonatha filio ejus.

Saul

Matth. XIII, 55; Marc. VI, 3.

et

1 Reg. XI,
II.

Quod ait, Excepto, refertur ad illud, Totius A populi, non ad illud, Qui sequebatur Saul, qui se ipsum non sequebatur. Sed contra hæc argui potest, quoniam filii Israel jam ante interfecerunt filios Ammon, quod sine armis et gladiis facere non valebant: imo et occisorum illorum arma diripuisse videntur, sicque abundasse armis. Ad hoc Josephus ait, quod Philistiim abstulerunt arma dumtaxat illis qui erant in Gabaa juxta eos, et hi soli manserunt cum Saul et Jonatha, ceteris in fugam versis atque latentibus. Porro in prælio contra Ammo-

nitas universæ tribus fuerunt, inter quas multi gladios habuerunt et lanceas.

Egressa est autem statio Philistiim, ut transcenderet in Machmas. Jam in textu præhabitum est, quod Philistiim consederant in Machmas, quomodo igitur egressa est statio eorum ut transcenderet in Machmas? Et respondendum, quod statio Philistinorum tunc existens in Machmas, egressa est inde, ut transcenderet versus Saul. Vel, Egressa est, ut transcenderet in Machmas, id est, in illo loco inciperet transcendere ad alium locum.

ARTICULUS XXVI

DE SPIRITUALI HUIUS CAPITULI TERTHDECIMI INTELLIGENTIA.

FILIUS unius anni erat Saul quum *B regnare cepisset.* Per Saul in exordio sui regni instar infantuli humilem, innocentem et mitem, et modico tempore juste regnantem, deinde superbum, ferocem, et tyrannizantem, intelligitur quicumque prælatus, princeps seu præsident, qui in præsidentiae suæ initio pius, justus et innocens est; deinde honores mutant in eo mores, ita quod asper et arrogans redditur, præsidetque injuste tanquam tyrannus, quærens plus propria commoda et honores, quam bonum commune et subditorum salutem. C Et istud est insipientia maxima et execratio detestanda, quum unumquemque oporteat esse tanto sollicitiorem et timoratiorem coram Altissimo, quanto pro pluribus daturus est rationem, et quo majora desuper sortitus est dona, quo in altiori est gradu, et quo durius sibi iudicium imminet. Hæc igitur pensent qui præsumt, et ex honoribus sibi impensis potius affligentur, quam gloriabuntur vel extollentur.

Et elegit sibi Saul tria millia. In hoc Saul gerit Christi personam, et possunt D per tria millia designari universi præde-

stinati, qui in statu sunt triplici, videlicet animalium, rationalium, et spiritualium. Nam et quidam sunt servi fideles, alii autem interni amici, ceteri vero occulti filii; quidam sunt in via purgativa, alii in via illuminativa, ceteri in via perfecta. Rursus, per tria millia figurantur universi tribus virtutibus theologicis decorati, et superbenedictæ Trinitatis cultores, qui contra invisibiles adversarios præliantur. Per ceteros qui remittuntur ad propria, denotantur qui a catholicæ fidei sinceritate elongant se. Insuper, sicut Saul secum detulit duo millia, et mille suo filio assignavit, sic superiores prælati debent se ipsos in primis vallare fortissimis auxiliariis multis, qui sint consilarii justi, prædicatores idonei, pastores devoti. Tales quoque esse oportet archidiaconos, præpositos et decanos, quibus omnibus in jure certa et ardua dantur præcepta. Quod si contigerit superiorem prælatum, archiepiscopum sive episcopum, tentari, nutare, deficere, debet horum orationibus, exhortationibusque fulciri ac erigi, imo et modeste redargui. Præterea, debet prælatus talis superior

quosdam ex his auxiliariis suis, communi-
care et associare suffraganeo suo, antistiti
seu praelato inferiori, quatenus talium sub-
ventionem et cooperatu, universum sibi cre-
ditum gregem digne gubernet, sicque instar
Jonathæ percutiat stationem Philistinorum,
id est, dæmones tentatores gregis sibi sub-
jecti, orando, efficaciter prædicando, juste
exemplariterque vivendo dejiciat.

*Quod quum audissent Philistiim, Saul
cecinit buccina.* Quemadmodum Philistæi
audita suorum strage, se collegerunt ad
impugnandum acerrime filios Israel, sic
invisibiles hostes victis quibusdam ex suis,
vehementius insaniunt et insurgunt con-
tra fideles victores. Ideo debet praelatus
buccina prædicationis suos super hoc avi-
sare, eosque informare de modo et con-
stantia fortiter resistendi. *Quum vidissent
viri Israel se in arcto positos, absconde-
runt se.* Sic aliqui Christiani cernentes se
undique a diabolo, mundo et carne tenta-
ri, pusillanimes fiunt, et quærunt tenta-
tionum certamen evadere. Quidam vero
succumbunt, tentatoribus consentientes.
*Nonnulli quoque in foramine petræ, in fos-
sa humo, id est in Christi vulneribus et in
dominicæ passionis memoria, salubriter se
occultant, et in propriæ humiliationis pro-
fundo se celant, atque in tantum parvi-
pendunt, et quasi nihil se reputant, quod
a dæmonibus nequeunt tangi. Et exspecta-
vit Saul septem diebus Samuelem.* Per sep-
tem dies, universum hoc tempus septem
diebus decurrens, exprimitur. Praelatus
igitur indesinenter gratiosam Christi sub-
ventionem ac præsentiam debet fiduciali-
ter præstolari, nec præstolando deficere,
nec sibi illicita usurpare.

*Egressi sunt ad prædandum de castris
Philistinorum tres cunei.* Per hos tres cu-
neos intelliguntur tyranni et hæretici at-

que hypocritæ, seu infideles Judei, genti-
les perfidi, et superbi philosophi : item
spiritus maligni, superbiæ, fornicationis,
et avaritiæ : a quibus omnibus boni fide-
les multipliciter impugnati fuerunt. *Porro
faber ferrarius non inveniebatur in Is-
rael.* Per fabros istos intelliguntur virtuosi
praelati, doctores condigui, prædicatores-
que sancti, qui spiritualia arma fidelibus
præparant, et gladium spiritus quod est
verbum Dei, ac lanceam militarem, vide-
licet caritatis fervorem, seu discretionis
acumen, omnia penetrantem et adversa-
riorum interiora pungentem. Cavent autem
Philistiim, id est, dæmones et omnes san-
ctæ fidei inimici machinantur et student
tales fabros auferre Ecclesiæ, sicut jam,
proh dolor ! pro maxima parte ei ablati
sunt, in tantum quod fideles quamplures
ad Philistiim pergunt, ut sua acuunt ferra-
menta : quia vera et spirituali sapientia
derelicta, ad philosophica documenta, ad
prudentiam sæculi, imo ad mundanas versu-
tias se convertunt, atque in talibus suam
acuunt mentem, suntque sapientes ut fa-
ciant mala, obtusi vero, imo et cæci, in
pertinentibus ad salutem. Postremo, per
hoc quod prælio imminente non sunt in-
venti ensis et lancea, nisi in manibus Saul
et Jonathæ, præfigurabatur, quod praelati
et eorum vicarii debeant tantæ esse per-
fectionis, quod quantumcumque subditi
spiritualibus armis priventur, et passio-
num immoderantiis agitentur, ipsi tamen
in omni virtute, in rationis splendore, in
luce sapientiæ perseverent firmissime, et
mala vincant in bono, suaque bonitate
ac probitate aliorum defectuositates reprimant et reformat, quoniam ipsi sunt velut
mensura et regula subditorum : mensu-
ram vero et regulam oportet exsistere uni-
formem.

*Cant. ii, 14;
Is. ii, 10.*

*Ephes. vi,
17.*

Jer. iv, 22.

Rom. xii, 21.

*Lev. xix,
35, 36.*

ARTICULUS XXVII

ELUCIDATIO CAPITULI QUARTIDECIMI : ET ACCIDIT QUADAM DIE.

HIC recitatur qualiter Deus miraculo-
sam victoriam Judæis contulerit su-
per Philistiim. *Et accidit quadam die ut
Jonathas filius Saul diceret ad adolescen-
tem armigerum suum : Veni, et transeamus
ad stationem Philistinorum, quæ est
trans locum illum. Patri autem suo hoc
ipsum non indicavit, quia videbatur opus
prorsus periculosum. Ideo Jonathas conji-
ciebat quod pater suus, a quo tenerrime
amabatur, non sineret quod se periculo
tanto exponeret. Porro Saul morabatur in
extrema parte Gabaa, sub malogranata
quæ erat in agro Gabaa; et erat cum eo
populus quasi sexcentorum virorum. Et
Achias sacerdos, filius Achitob fratris
Ichabod filii Phinees, qui Phinees ortus
fuerat ex Heli sacerdote Domini in Silo,
prout de his dictum est supra, portabat
ephod, id est vestimentum ac ornamentum
illud sacerdotale, quo pontifex utebatur,
cui etiam vesti jungebatur rationale judi-
cii : quæ detulit secum, quatenus in his
consuleret Dominum coram area ibi tunc
existente, si necessarium videretur. Sed et
populus ignorabat quo isset Jonathas : quia
nec populo suum notificavit propositum,
ne quispiam manifestaret illud patri suo.
Erant autem inter ascensus, per quos ni-
tebatur Jonathas transire ad stationem
Philistinorum, eminentes petrae ex utra-
que parte, et ita inter eas exstitit vallis
prærupta, et quasi in modum dentium sco-
puli hinc inde prærupti, id est eminentia
saxa acuta superius quasi dentata. Nomen
uni Boses, et nomen alteri Sene. Unus
scopulus prominens ad aquilonem ex al-
verso Machmas, et alter ad meridiem con-
tra Gabau.*

¹ Reg. iv,
21.

*Dixit autem Jonathas ad adolescentem
armigerum suum : Veni, transeamus ad
stationem incircumcisorum horum, id est
infidelium Philistinorum : quos zelo justi-
tiæ ex magnanimitate Jonathas sprexit in
quantum hujusmodi, juxta illud Psalmi,
Ad nihilum deductus est in conspectu ejus
malignus; si forte faciat Dominus pro no-
bis. Quod ait, Si forte, non dicit quasi vo-
lens tentando experiri an Dominus eos ju-
varet, sed ex confidentia divini auxilii :
cui tamen confidentiæ inest incertitudo ex
consideratione propriæ culpæ, per quam
redditur homo frequenter indignus divino
subsidio. Idcirco ad excludendum præsum-
ptionem locutus est, Si forte. Secundum
quem modum Caleb ait : Da mihi montem
istum, si forte sit Dominus mecum, et po-
tueram delere eos sicut promisit mihi. Quia
non est Domino difficile salvare vel in
multis vel in paucis, id est omnipotenti
Deo, ejus fortitudo est infinita, eique per-
facile est conferre victoriam populo per
paucos bellatores, et per multos. Unde
etiam secundo Paralipomenon libro Asa
rex ait : Domine, non est apud te ulla di-
stantia, utrum in paucis auxiliaris, an in
pluribus. Dixitque ei armiger suus : Fac
omnia quæ placent animo tuo. Perge quo-
cupis, et ero tecum ubicumque volueris :
quo innotescit confidentia, magnanimitas,
audacia hujus armigeri, quem Jonathas
sibi elegit quia consideravit virilitatem
animi ejus et corporis robur.*

Ps. xiv, 4.

Josue xiv,
12.

II Par. xiv,
11.

*Et ait Jonathas : Ecce nos transimus ad
viros istos. Quumque apparuerimus eis, si
taliter locuti fuerint ad nos, Manete donec
veniamus ad vos, stemus in loco nostro;
tanquam parati expectare eorum acces-*

sum, nec ascendamus ad eos. Si autem dixerint, Ascendite ad nos, ascendamus ad eos, quia tradidit, hoc est dare decrevit, eos Dominus in manibus nostris. Hoc erit nobis signum dandæ victoriæ. Et forsân revelatum hoc fuerat Jonathæ, vel ex occulto Dei instinctu hoc protulit : imo secundum Josephum, Jonathas Dominum fervide exoravit pro triumpho, et sic Dominus præstitit ei signum prædictum. Denique, obviam ire adversariis, majoris videtur esse audaciæ ac virtutis, quam eorum præstolari accessum ad se.

Apparuit igitur uterque stationi Philistinorum. Dixeruntque Philistiim : En Hebræi egrediuntur de cavernis, in quibus absconditi fuerant. Et locuti sunt viri de statione ad Jonathan, et ad armigerum ejus; dixeruntque : Ascendite ad nos, et ostendemus vobis rem, hoc est, expediemus vos cito, et invenietis quos quæritis præparatos. Vel, Ostendemus vobis rem amisam quam quæritis. Jonathas quippe et armiger ejus pergebant hinc inde pro via aptiore inveniendâ, quasi quæsissent quid perditum. Ideo Philistæi sic responderunt ironice. Et ait Jonathas ad armigerum suum : Ascendamus; sequere me. Tradidit enim eos Dominus in manus Israel. Ascendit Jonathas reptans, id est, trahens se per viam ascensionis tortuosam, non tritam, manibus et pedibus, et armiger ejus post eum. Itaque quum vidissent faciem Jonathæ, alii cadebant ante Jonathan, hoc est, ipse Jonathas quosdam Philistæorum prostravit virtute divina ipsum confortante, et Philistæorum robur ac animum infirmante, alios armiger ejus post eum interficiebat eodem modo, sequens eum. In Scholastica vero historia fertur, quod Deus exterruit illos. Porro Josephus scribit, quod nebula spissa repente surrexit de terra Philistæorum, visum ita offuscans, quod nec se ipsos ad invicem, nec Jonathan ac ejus armigerum cognoscebant. Aliqui opinantur, quod Deus percussit illos aerisia, qua aliquid confuse cognoscitur, non distincte, sicut Sodomitæ erant

A percussi in foribus Lot, et Syri ad instantiam Elisei.

Gen. xix, 11;
IV Reg. vi,
18.

Et facta est plaga prima quam* percussit, hoc est percutiendo inflixit, Jonathas et armiger ejus quasi viginti virorum Philistinorum in media parte jugeris, quam par boum in die arare consuevit. In fine præcedentis capituli dictum est, quod non fuit inventus ensis aut lancea, nisi in manu Saul et Jonathæ. Quid ergo gestavit in manu armiger Jonathæ? Dici potest, quod fustem aut clavam, et forsân alicui occisorum abstulit gladium. Et factum est miraculum in castris per agros Philistinorum, quia miraculose fuerunt percussi aerisia seu nebula, imo et interiori virium enervatione atque formidine. Sed et omnis populus stationis eorum qui ierant ad prædandum, obstupuit, id est, tres cunei Philistinorum, de quibus in præcedenti habetur capitulo, visa strage suorum, præ admiratione et timore defecerunt. Et conturbata sunt castra, hoc est, Philistæi in suis tentoriis sunt confusi, et recessit ab eis mens atque consilium, et accidit quasi miraculum a Deo. Quasi, dicit hic veritatem, non similitudinem tantum, sicut et apud Joannem : Vidimus gloriam ejus gloriam quasi Unigeniti a Patre. Vere namque fuit miraculum, quod ita prostrati sunt.

I Reg. xiii,
22.

B Quocirca quidam reprobat prædictam Josephi positionem de nebula : quia (ut ait) si contigisset per nebulam, non fuisset miraculum, quoniam nebula repente et frequenter consurgit. Nebula quoque illa ita obnubilasset visum Jonathæ et sui armigeri, sicut Philistinorum. Sed reprobatio ista parvi vigoris est. Quamvis enim nebula ex naturali causa consurgat, tunc tamen quantum ad modum quo consurrexit, fuit miraculum, quemadmodum supra habitum est de vocibus et pluviis ad preces Samuelis concessis. Quoniam nebula illa supernaturaliter data est ad infidelium dejectionem, non decuit ut filios Israel obscuraret.

Ibid. 17.

Joann. i, 14.

D Et respexerunt speculatores Saul qui erant in Gabaa Benjamin, sedentes in al-

I Reg. xii,
17, 18.

to ad inspicendum longe ac late quid fieret, et ecce multitudo prostrata, et huc illucque diffugiens. Qui prostrati erant, non fugerunt hinc inde, sed ex toto Philistinorum exercitu multi jam erant occisi, alii perturbati huc illucque fugerunt, et se invicem peremerunt, quia non cognoverunt se mutuo. Tres etiam cunei Philistiim redeuntes ad suos in castra, impugnaverunt eosdem: quemadmodum in libro Judicium legitur de Madianitis, quod fugientes et undique discurrentes, mutua se cæde truncabant. *Et ait Saul populo qui erat cum eo: Requirite et videte quis abierit ex nobis.* Hoc dixit postquam speculatores nuntiaverunt ei prædicta. Tunc enim Saul optavit scire per quos facta erat strages illa Philistinorum. *Quumque requisissent, repertum est non adesse Jonathan et armigerum ejus. Et ait Saul ad Achiam: Applica arcam Domini,* hoc est, arcam assume, ut coram ea consulas ac invoces Dominum, quatenus nobis revelet, quid agere debeamus. *Erat enim ibi arca Domini in die illa cum filiis Israel. Quumque loqueretur Saul ad sacerdotem, tumultus magnus ortus est in castris Philistinorum. Crescebatque paulatim et clarius resonabat, quia se invicem invaserunt. Et ait Saul ad sacerdotem: Contrahe manum tuam,* id est, retrahe eam, ab inceptis cessando. Jam enim extenderat manus ad applicandum sibi arcam, atque ad exorandum; et dum Dominus tardaret dare responsum, cupiens Saul hostes invadere, et filio suo succurrere, dixit sacerdoti verba prætaeta.

Conclamavit ergo Saul et omnis populus qui erat cum eo, exhortantes se invicem ad persequendum Philistiim, et venerunt usque ad locum certaminis. *Et ecce versus fuerat gladius uniuscujusque ad proximum suum, et cædes magna nimis. Sed et Hebræi qui fuerant cum Philistiim heri et nudiustertius, ascenderantque cum eis in castris, qui ex timore confugerunt ad Philistæos, reversi sunt ad adsistendum Saul, ut essent cum Israel, et his qui erant cum Saul et Jonatha. Omnes quoque Israel-*

litæ qui se absconderant in monte Ephraim, audientes quod fugissent Philistæi, sociaverunt se cum eis in prælio. Et erant cum Saul quasi decem millia virorum, cum quo paulo ante non erant, nisi sexcenti, ut patet capitulo præcedenti. Tamen hic versus fertur non esse de textu. Et salvavit Dominus Deus Israel in die illa. Pugna autem pervenit usque ad Bethaven, quia usque ad urbem illam insecutus est Saul hostes. Et viri Israel sociati sunt sibi in die illa.

I Reg. xiii, 15.

Adjuravit autem Saul populum Israel, dicens: Maledictus vir qui comederit panem usque ad vesperam, hoc est, hoc juro, quod morte dignus erit, et occidetur, quicumque ex meo exercitu comederit aliquid, donec ulciscar de inimicis meis, id est, Philistæos fugientes occidam. Timuit enim, quod populo circa refectio- nem intento, illi aufugerent. Vidit quoque populum ad manducandum inclinatam de præda fugientium Philistinorum. Et non manducavit universus populus panem, hoc est, nullus de exercitu Saul ausus fuit quidquam comedere ante horam præfixam. Omneque terræ vulgus venit in saltum, in quo erat mel super faciem agri. Ingressus est itaque populus Saul saltum, hoc est silvam seu nemus, et apparuit fluens mel, nullusque applicuit manum ad os suum, id est, nemo eorum qui adjurationem Saulis audivit, ausus fuit aliquid de melle illo imponere ori suo. Timebat enim populus juramentum. Dicit autem Magister in historiis: Fertur quod tanta copia mellis ibi sit in cannis arborum et cavernis petrarum et abditis terræ, quod plures reperiantur favi super terram decidentes.

Porro Jonathas non audierat, quum adjuraret pater ejus populum. Extenditque summitatem virgæ quam habebat in manu, et intinxit in favum mellis. Et convertit manum suam ad os suum, et illuminati sunt oculi ejus, hoc est exhilarati et melius colorati ex aliquali virium repa- ratione, qui ex lassitudine famis et belli calore depressi et reverberati, ac discolor-

rati fuerunt, sicut et facies ejus. Asserit A Josephus, Jonathan invenisse apum cubilia in queren, quæ in sorte Ephraim fuit. Respondensque, hoc est, ad verbum factum Jonathan proportionabiliter loquens, unus de populo ait: Jurejurando constrinxit pater tuus populum, dicens: Maledictus vir qui comederit panem hodie, hoc est ante vesperam, puta hoc die artificiali. Defecerat autem populus. Dixitque Jonathan: Turbavit pater meus terram, id est, incauta illa obligatione nocuit populo, et inquietavit eundem. Vidistis ipsi quod illuminati sunt oculi mei, eo quod gustaverim paululum de melle isto: quanto magis, si comedisset populus de præda inimicorum suorum, quam reperit? Nonne major plaga facta fuisset in Philistiim? quasi dicat, Utique. Si enim stando celeriter aliquid comedissent, et bibissent, confortato stomacho, velocius insecuti fuissent adversarios suos.

Percusserunt ergo Philisteos in die illa a Machmas usque in Aialon. Defatigatus est autem populus nimis ex itinere, labore, cursu, jejunio; et versus ad prædam, hoc est, pecora ac cetera quæ Philistæi reliquerunt in campis seu alibi, apprehendens, tulit oves et boves et vitulos, et mactaverunt in terra: hoc est, ex festinatione et vehementia famis, occiderunt pecora illa, ubicumque ea ceperunt indifferenter, et non in loco elevato seu saxo eminenti, unde sanguis potuisset effluere. Ideo sequitur: Comeditque populus cum sanguine carnes illas, non satis purgatas a suo cruore. Comederunt quoque cum sanguine, id est illicite et contra legem, secundum quam debuerunt primo sacrificia Deo offerre de hostium præda. Nuntiaverunt autem Sauli, tanquam regi, cui attinebat reos corripere, cui etiam imminabat periculum ex populi transgressione, dicentes, quod populus peccasset Domino, hoc est ad irreverentiam Dei, comedens cum sanguine, id est carnes ex quibus sanguis non fuit sufficienter eliquatus, quum tamen in Deuteronomio Dominus dicat: Comedes absque

esu dumtaxat sanguinis, quem quasi aquam super terram effundes. Qui ait: Prævaricati estis; roloite ad me jam nunc saxum grande, super quod animalia occiduntur.

Et dixit Saul satellitibus suis: Dispergimini in vulgus, hoc est, hinc inde inter vulgares sparsim discurrite, et dicite eis, ut adducat ad me unusquisque bovem suum et arietem, hoc est, quod quicumque habuerit bovem, aut aliud animal mundum esibile, et voluerit illud occidere, perducet illud ad me, et occidite super istud saxum elevatum, ex quo sanguis valeat eliquari, et vescimini: et istud jussit fieri coram se, ne faceret quis occulte. Forsan hic ponitur singulare pro plurali, videlicet saxum pro saxis, quum non videatur probabile, quod in tanta famis inedia suffecerit tot millibus hominum unum saxum ad mactandum super illud pecora manducanda. Et non peccabitis Domino, comedentes cum sanguine. Adduxit itaque omnis populus unusquisque bovem in manu sua usque ad noctem, et occiderunt ibi.

Edificavit autem Saul altare Domino, hoc est, aram construi fecit, super quam Deo fieret oblatio gratiarum actionis pro concessio triumpho. Tuncque primum cepit edificare altare Domino. Ex quo elicitur, quod ante obtulit sacrificium super altare antea constructum ab aliis. Vel si et antea construxit altare, istud tamen dicitur primo ædificasse, quoniam in aliis oblationibus factum ejus displicuit Deo. Qualiter autem licuit tunc alibi immolari, quam in tabernaculo Domini, et super altare atrii, id est factum est sæpe.

Et dixit Saul: Irruamus super Philisteos nocte, et vastemus eos usque dum illucescat mane, nec relinquamus ex eis virum. Dixitque populus: Omne quod bonum tibi videtur in oculis tuis, fac. Et ait sacerdos præfatus Achias: Accedamus huc ad Deum, id est, a Deo quæramus consilium. Et consuluit Saul Dominum per sacerdotem. Ad pontificem autem præcipue pertinebat consulere Dominum, id est per orationes et oblationes a Deo consi-

Deut. xii, 15,
16, 23, 24.

Num. xxvii,
21.

lium quærere de agendis. Nam et per Moy- A sen Dominus dixit, quod Eleazar pro Josue consuleret Dominum. *Dicens : Num persequar Philistiim? Si trades eos in manus Israel? Et non respondit ei Dominus in die illa.* Jam habitum est, quod Saul dixit, Irruamus super Philistæos nocte: moxque sacerdos subjunxit, Accedamus huc ad Deum, et protinus Saul consuluit Dominum: quomodo ergo nunc additur, Non respondit ei in die illa? Respondetur, quod dies hic sumitur pro die naturali, qui noctem includit. Deinde dicendum, quod nec B nocte illa, nec die sequenti responsum a Deo sortitus est.

Is. xxviii,
16; Act. iv,
11; 1 Petr.
ii, 7.

Dixitque Saul suis officiatis: Applicate huc universos angulos populi. Per angulos populi, quidam intelligunt principes, qui sunt quasi lapides angulares, quoniam sicut in lapide tali concurrunt parietes, ita populares confluent et concurrunt ac ununtur in principe suo. Unde et Christus dicitur lapis angularis, quia in ipso convenerunt et fide uniti sunt Judæi atque gentiles. Alii per angulos populi, intelligunt ejus extremitates, et contenta in eis, ut sit sensus: Applicate huc universos angulos populi, id est universum populum ab extremitatibus suis. *Et scitote et videte per missionem sortis, per quem acciderit peccatum hoc,* propter cujus demeritum negatur nobis responsio Domini *hodie.* Præsupposuit Saul, quod non nisi propter peccatum alicujus de populo suo, Deus responsum renueret aut differret. Siquidem tempore illo communiter dabantur divina responsa, præsertim pontifici Dominum D consulenti: nihilo minus potuit Deus omnipotens liberrime agens, etiam ex alia causa negare et differre responsa. *Vixit Dominus salvator Israel, quia si per Jonathan filium meum factum est, absque retractione morietur.* Quasi dicat: Per viventem Dominum juro, quod is qui suo peccato causa est negationis divinæ responsionis, jam occidetur absque revocatione prioris sententiæ meæ, qua dixi, Maledictus homo, etc., quantumcumque ille fuerit mihi

carus et utilis, in tantum quod nec carissimo filio meo Jonathæ parcerem. Hoc Saul jurasse videtur zelo quodam justitiæ, præsertim quia (ut sibi apparuit) ille per suam culpam nocuit communitati, et inobediens fuit regi; et ipse Saul fuit judex totius populi sui, voluitque culpam absque personarum acceptione ulcisci. *Ad quod nullus contradixit ei de omni populo.*

Et ait ad universum Israel: Separamini vos in partem unam, et ego cum Jonatha filio meo ero in parte altera. Responditque populus Israel ad Saul: Quod bonum tibi videtur in oculis tuis, fac. Et dixit Saul ad Dominum Deum Israel: Domine Deus, da judicium, seu indicium, hoc est, per sortis directionem ostende: Quid est, id est, cur accidit, et quid istud significat, quod non responderis serro tuo, videlicet mihi, hodie? Si in me aut in Jonatha filio meo est iniquitas hæc, da ostensionem; aut si hæc iniquitas est in populo tuo, da sanctitatem: hoc est, fac peccatum hoc expurgari per pœnam, ut purificemur a tanti transgressoris consortio. Veruntamen istud, Da sanctitatem, non est de textu, quum non habeatur in Hebræo. Et deprehensus est Jonathas et Saul, populus autem exivit, id est, immunis apparuit ab hac culpa, quia super nullum de populo stante seorsum sors corruit. Et ait Saul: Mittite sortem inter me et Jonathan filium meum. Et captus est Jonathas, hoc est, deprehensus est sorte.

Dixit autem Saul ad Jonathan: Indica mihi quid feceris. Et indicavit ei Jonathas, et ait: Gustans gustavi in summitate virgæ, quæ erat in manu mea, paululum mellis: et ecce ego morior, id est, paratus sum mori, secundum Josephum, vel mortem evadere nequeo. Et ait Saul: Hæc faciat mihi Deus, et hæc addat, quia morte morieris, Jonatha. Iste fuit modus loquendi apud Hebræos, et est sensus: Nisi implevero quod juravi seu dixi, inferat mihi Dominus pœnam hujus peccati, imo et ampliore, seu pœnis aliarum culparum mearum eam apponat. Et ita istud fuit quasi

juramentum execrationis, sicut et illud A
 11 Cor. i, 23. quod ait Apostolus : Ego testem invoco
 Deum in animam meam. *Diritque populus
 ad Saul, quasi admirando de tali rigore
 patris in filium tam elegantem atque ama-
 bilem, et toti regno tam utilem : Ergone
 Jonathas morietur, qui fecit salutem hanc
 magnum in Israel? Quod inquirendo ne-
 gant esse agendum. Hoc nefas est. Quasi
 dicant : Non deest, nec licet. Vivit Domi-
 nus, si ceciderit, hoc est, non cadet, capit-
 lus de capite ejus in terram : id est, nullam
 penitus lesionem permittimus ei infligi B
 pro causa hac : quia cum Deo operatus est
 hodie, hoc est, per Dei auxilium praevaluit
 hostibus, et salvavit nos de manu Philis-
 tiim. Liberavit ergo populus Jonathan, ut
 non moreretur. Recessitque Saul, nec per-
 secutus est Philistiim. Porro Philistiim
 abierunt in loca sua.*

At Saul confirmato regno, hoc est prin-
 cipatu suo, super Israel, pugnabat per cir-
 cuitum adversus omnes inimicos ejus, con-
 tra Moab et filios Ammon, et Edom, et
 reges Soba, et Philistaeos : et quocumque C
 se verterat, superabat adversarios suos fre-
 1 Reg. xxxi, 3. quenter et diu, quamvis tandem ab hosti-
 bus victus sit. Secundum Lyram, in He-
 braeo habetur : Quocumque se verterat,
 impie agebat, vel impius fiebat. Sed verius
 creditur, quod Rabbi Paulus affirmat : Di-
 ctio, inquit, Hebraica hic posita, aequi-
 voca est. Uno modo significat, Supera-
 bat ; alio modo, Impie agebat. Unde nostra
 translatio vera est, concordans cum littera
 praecedenti, qua dictum est, Pugnabat ad-
 versus omnes inimicos ejus ; cum littera D
 quoque sequenti, qua dicitur, Et eruit Israel
 de manu vastatorum ejus. *Congregatoque
 exercitu, percussit Amalec, et eruit Israel
 de manu vastatorum ejus.*

*Fuerunt autem filii Saul, Jonathas et
 Jessui et Melchisua. Cur non exprimitur
 hic Isboseth filius Saul? Respondetur, quia
 non erat virilis, neque magnanimus aut
 militans, sed pusillanimis et ineptus ad
 bellicos gestus. Unde nec bello interfuit,
 in quo pater suus ac fratres interierunt.*

*Et nomina duarum filiarum ejus, nomen
 primogenitae Merob, et nomen minoris Mi-
 chol ; et nomen uxoris Saul, Achinoam,
 filia Achimaus. Et nomen principis mili-
 tiae ejus, Abner, filius Ner, patruelis Saul.
 Porro Cis fuerat pater Saul, et Ner pater
 Abner, filius Abiel.*

*Erat autem bellum potens ipsius Saul
 ac populi sui adversus Philistaeos omnibus
 diebus regni Saul, id est frequenter omni
 tempore quo regnavit, ita quod totum a
 parte denominatur. Philistaei equidem erant
 valde bellicosi, duri, multi et fortes, et
 Dominus eos reliquit, ut in ipsis experire-
 tur Israel, utrum audiret mandata Do-
 mini, an non, ut legitur in libro Judicum.
 Nam quemcumque viderat Saul virum
 fortem et aptum ad praelium ex populo
 Israel, sociabat eum sibi, id est, exerci-
 tui suo eum conjunxit, si potuit. Et bene
 ait, Fortem et aptum ad praelium. Quidam
 enim sunt corpore fortes, inepti tamen ad
 bella, quoniam timidi, pusillanimes, aut
 obtusi. Oportet enim ut bellatores, sint
 etiam animo fortes, ne pericula mortis
 immoderate formident. In bellis quoque
 plus prodest prudentia quam corporeae
 vires.*

Circa praehabita quaeritur, an Saul pec-
 cavit adjurando populum, et dicens, Ma-
 ledictus vir qui comederit panem donec
 ulciscar me de inimicis meis. Apparet,
 quod non, quia Philistaei erant tyranni, et
 letales adversarii plebis Dei, sicque Saul
 amore rei publicae et zelo justitiae voluit
 eos occidere, atque ex eadem radice jura-
 vit illud. Porro Jonathas deprehensus est
 sorte, tanquam culpabilis, et ob ejus trans-
 gressionem, qua patris sui violavit prae-
 ceptum, negavit Deus responsum. In oppo-
 situm argui potest, quoniam sicut sunt
 tres comites voti, ita et juramenti, videli-
 cet discretio, justitia, veritas, quemadmo-
 dum super illud Jeremiae, Jurabis, Vivit
 Dominus, in veritate et justitia et judicio,
 scribit Hieronymus : Praefato autem jura-
 mento Saulis, videtur defuisse discretio,
 quia nec casum necessitatis intendebat ex-

cipere, ut apparet, eo quod paulo post A voluerit Jonathan occidere, qui ex quadam necessitate parum manducavit de melle. Insuper Jonathas videtur patris sui præceptum rationabiliter reprobasse, dicendo : Turbavit pater meus terram, etc., sicut expositum est.

Ad istud quidam respondent, quod indiscrete culpabiliterque juravit. Quod item peccavit, volendo occidere Jonathan, qui patris sui præceptum non audivit, nec scivit, et ex necessitate contra id egit. Et addunt, quod sors super Jonathan venit ad B ostendendum innocentiam ejus, non culpam, ut scilicet deprehensus, se coram omnibus excusaret. Asserunt quoque, quod Deus negavit responsum, non propter Jonathæ culpam, sed ob causam aliam sibi notam. Verum ista responsio non videtur textui consona. Quum etenim Deus non respondisset, Saul intente oravit, ut Dominus manifestaret, ob cujus culpam non dedit responsum, atque ad hoc agnoscendum sortem mitti præcepit, quæ inter tot millia cecidit super Jonathan. Sortes autem C in veteri Testamento potissime temperabantur a Domino, ut Salomon contestatur : ideo Jonathas videtur fuisse culpabilis, præsertim quum dicat Scriptura, quod captus est Jonathas. Nec alia causa negationis divini responsi videtur in textu insinuari, nisi hujusmodi culpa. Jonathas quoque deprehensus, non se excusavit a culpa, sed facto suo simpliciter recitato, adjecit : En ego morior, id est, paratus sum mori, secundum Josephum.

Itaque dici potest, quod in bello ne-

cesse est plurima sustinere, propter liberationem et defensionem rei publicæ, et frequenter contingit, quod per integrum diem prælium durat : sicque juramentum Saul non videtur omnimode discretionem caruisse. Nam et si populus suus cœpisset comedere, non ita faciliter ac celeriter potuisset avelli a refectione. Denique juxta hæc videtur Jonathas quoque peccasse, patris sui præceptum reprobando tam absolute, quum dixit : Turbavit pater meus terram. Quum vero objeitur, quod ignoravit patris sui præceptum seu juramentum, respondere quis potest, quod ignorantia illa eum non excusavit in toto, quia fortassis non debuit se ita ab exercitu patris sui abstrahere, patre suo id ignorante, nisi ex speciali divino fecerit hoc instinctu. Oportet enim ut in bellicis rebus magna vigeat disciplina et obedientia. Unde in gestis legitur Romanorum, quod Torquatus princeps proprium filium interfecit, eo quod se absente et nesciente commiserit bellum, quum tamen obtinuisset triumphum : quod etiam Thomas in libro de Regimine regum allegat.

Præterea circa hoc quæritur, an populus bene fecit Jonathan liberando. Videtur, quod non, quia culpabilis fuit. Ad quod arbitror respondendum, quod in hoc bene egerunt. Jonathas namque etsi non a toto, tamen a tanto excusabilis fuit, et propter commune bonum, præceptum seu juramentum patris sui rationabiliter in ipso Jonatha dispensationem admisit, quoniam evidens fuit utilitas, tam idoneum virum in tali casu a morte eripere.

ARTICULUS XXVIII

DE SPIRITUALI EJUSDEM CAPITULI QUARTIDECIMI INTELLECTU.

ACCIDIT ut Jonathas diceret ad adolescentem armigerum suum : Veni, et transeamus ad stationem Philistinorum.

D Jonathas juxta præhabita inferiores prælatos et prædicatores præfiguravit, per ejus armigerum adolescentem egressi * sunt * expressi

talium praelatorum et doctorum coopera-
tores, vicarii atque discipuli : qui pergunt
ad stationem Philistinorum, quando ad sa-
cularium et carnalium societates hominum
properant, ut eorum vitiis expugnatis, da-

Matth. xii,
29.

Luc. x, 3.

monibus quoque quorum vasa erant, de-
pulsis, reducant ipsos ad Dominum. Unde
Salvator dixit discipulis : Ecce ego mitto
vos sicut oves in medio luporum. *Patri
autem suo hoc ipsum non indicavit* : opera
quippe supererogationis secrete fieri so-
lent. *Sed et populus ignorabat quo isset
Jonathas* : quia pusilli et imperfecti non
sciunt interna exercitia, incrementaque
spiritualia perfectorum. *Erant autem inter
ascensus*, etc. Per tortuositates et difficul-
tates illas itineris Jonathæ atque armigeri
ejus, figurabatur, quod arcta sit via salu-
tis, et semita pertingendi ad spiritualem
victoriam vitiorum ac dæmonum ardua :
quam tamen oportet incedere volentem sal-
vari, potissime eos qui aliis sermocinantur
aut præsunt, et illos secum salvare nitun-
tur. Ita occurrunt eis *scopuli* instar den-
tium *prærupti*, id est adversitates acutæ, C
et *eminentes petrae ex utraque parte*, id
est gratiosa subsidia Dei, et utriusque Te-
stamenti scripturæ, exempla quoque San-
ctorum novæ ac veteris legis, ut sint muniti
per arma justitiæ a dextris et a sinistris :
nam et plures nobiscum sunt, quam con-
tra nos.

Matth. vii,
14.

II Cor. vi, 7.

IV Reg. vi,
16.

*Transcamus ad stationem incircumci-
sorum horum, si forte faciat Dominus pro
nobis : quia non est Domino difficile sal-
vare vel in multis vel in paucis*. Incircum-
cisi corde, sunt omnes qui irreformati sunt D
mente, qui passionum suarum immoderan-
tias non refrenant : ad quorum informa-
tionem et conversionem virtuosus prælatus et
prædicatores confidenter accedunt, non ob-
stante difficultate negotii, quoniam Omni-
potentis auxilio innituntur, qui ita potest
per paucos convertere multos, sicut per
plurimos. Magnanimes igitur sint in Deo,
pleni spe ferventi ac humili, pensantes
illud Apostoli : Omnia possum in eo qui
me confortat. Et illud : Deus conteret Sa-

Philipp. iv,
13.
Rom. xvi,
20.

tanam sub pedibus vestris velociter. Porro
nonnulli sunt pusillanimes, nec plene con-
fidunt in Domino : ideo viam poenitentiae
et salutis seu religionem verentur arripe-
re, propter rei difficultatem, non respiran-
tes in Omnipotente, qui paratissimus est
auxiliari, nec ullum in se sperantem re-

Eccli. ii, 11.

*Dixeruntque Philistiim : En Hebræi
egrediuntur de cavernis, in quibus abs-
conditi fuerant*. Per Philistæos durissimos
fidelis populi inimicos, intelliguntur ob-
stinati in vitiis ; hæretici quoque et schi-
smatici ac tyranni, et ceteri perfidi, qui
domesticos fidei aspernantur, et Catholico-
rum doctrinas, disputationes ac invasiones
contumaciter parvipendunt, et tamen per
Dei auxilium miraculose vincuntur. Deni-
que invisibiles hostes spernunt nos, tan-
quam mures. Et sicut mures capiuntur mu-
scipula, pedibusque cattorum, sic dæmones
suarum tentationum astutiis nos involvunt,
et virium suarum crudelitatibus capiunt,
et occidunt. Et sicut cattus ludit cum mure
ferociter, sic dæmones ludunt nobiscum
sævissime, dum per delectationes et ludiera
nos pertrahunt ad inferna.

Et respexerunt speculatores Saul : quia
præfatum triumphum fidelium considerant
boni pastores ac prædicatores ferventes, et
eum cum gaudio annuntiant suo superiori :
quo cognito, ille cum suis inflammatur
ad succurrendum tam fructuose præside-
ntibus aut sermocinantibus ; et applicat sibi
arcam, id est, ex sacra Scriptura sumit
consilium et doctrinam, qualiter sit pro-
cedendum ; sicque venit ad locum certa-
minis, in quo contra aciem vitiorum præ-
liari oportet. *Et ecce versus fuerat gladius
uniuscujusque ad proximum suum, et cæ-
des magna nimis*. Istud assidue lamen-
tabiliterque impletur, dum unusquisque
animam proximi sui venatur ad mortem, Mich. vii, 2.
et homines se invicem scandalizant, et vi-
tiose inflamment ad concupiscendum ver-
bis et factis, gestu, incessu, ornatibus, imo
et omissionibus : sicque quotidie innume-
rabiles pereunt. *Sed et Hebræi qui fuerant*

cum Philistiim, reversi sunt, ut essent cum Israel. Multi etenim aliorum exemplo convertuntur ad Dominum, relictâ societate iniqua: et qui aliquando timuerunt spiritualia aggredi bella, ex aliorum profectu et perseverantia animantur, aggrediunturque ardua virtutum molimina.

Adjuravit autem Saul populum, dicens: Maledictus vir qui comederit panem usque ad vesperam, donec ulciscar de inimicis meis. Sic prælatus seu prædicator populum debet inducere ad abstinentiam atque jejunia, ut per ea invisibiles superet ho-

stes, et tanto studiosius insistat, ac suos insistere faciat virtutibus, quanto acrius a dæmonibus fuerant impugnati aut læsi. Nam et de pessimis quibusdam spiritibus

Marc. ix,
28.

Christus testatur: Hoc genus dæmoniorum in nullo potest exire, nisi in oratione et jejunio. Quumque populus sic abstinet et jejunat, occurrit et repræsentatur ei mel copiosum, quia tunc dæmones proponunt eis delectabilia mundi et carnis, a quibus interdum etiam boni, instar Jonathæ, allciuntur et seducuntur, nec informationi et inerepationi mox acquiescunt: imo interdum eis apparet, quod illuminentur oculi eorum ex talibus, dicentes: Qui non est expertus, quid seit? Et: Ubi abundavit iniquitas, abundat et gratia. Illuminantur etiam ex talibus eo modo, quo oculi primorum parentum aperti sunt in esu vetiti fructus: quia ex sua transgressione experimentaliter discunt et sentiunt, quam malum et damnosum sit ipsis, divina violasse præcepta.

Eccli.
xxxiv, 10.
Rom. v, 20.

Gen. iii, 7.

Defatigatus est autem populus nimis, etc. Sic frequenter contingit, quod fideles jejuniis et spiritualibus actibus fatigati, excedunt in refectione et repausatione carnali, et manducant cum sanguine. Insuper, per hoc quod Saul proprio filio noluit parcere, prælati ac judices instruuntur sine personarum acceptione justitiam exer-

cere. Per hoc vero quod Jonathas propter alia sua laudabilia opera liberatus fuit a populo, edocetur, quod bonis hominibus non ex malitia lapsis, aut semel deceptis, sit specialiter condolendum, et quantum congrue poterit fieri, ignoscendum. Nam et Deus multis pareit, gratiamque largitur propter eorum præcedentia merita, quamvis ad tempus mortificata, seu propter eorum occulta opera ex suo genere bona.

At Saul confirmato regno suo super Israel, pugnabat per circuitum adversus omnes inimicos ejus. Sic quilibet præsidens christianus debet esse omni virtute armatus, et præliari contra universos nequissimos spiritus, a quibus vel ipse vel hi, quibus præsidet, impugnantur: utpote virtute humilitatis, contra superbiæ spiritum; virtute castitatis ac sobrietatis, contra spiritum gulæ et fornicationis; virtute liberalitatis, contra spiritum cupiditatis. Sicque de aliis. *Erat autem bellum potens adversus Philisteos omnibus diebus Saul.*

C Sic bono præsidente prælato, aut strenuo imperatore rempublicam gubernante, acerrimum geritur bellum contra visibiles aut invisibiles sanctæ fidei inimicos. *Nam quemcumque viderat Saul virum fortem et aptum ad prælium, sociabat cum sibi.* Hoc ad litteram regibus atque principibus est sectandum. Spiritualiter quoque episcopi et ceteri majores prælati, suis collegiis ac familiis et numero sui cleri debent gratis ac sapienter adjungere litteratas et virtuosas personas, quibus dumtaxat conferre debent præbendas, dignitates, et parochiales ecclesias: quorum cooperatione, consilio, opere, prudentia et virtute cunctis valeant hostibus prævalere. Quidam vero instar Pharaonis masculos necant, feminasque reservant: quia indo-

Exod. i,
16, 22.

et sapientes refutant.

ARTICULUS XXIX

EXPOSITIO CAPITULI QUINTIDECIMI : ET DIXIT SAMUEL AD SAUL.

RECITATUR hic, qualiter Saul expu- A
gnavit Amalecitas, et quomodo circa
hoc dire peccavit. *Et dixit Samuel ad
Saul : Me misit Dominus*, id est direxit,
*ut ungerem te regem super populum ejus
Israel*. Ideo mihi credere et acquiescere
debes. Supra legitur Dominus dixisse ad
I Reg. ix, 16. Samuelem : Mittam ad te virum de ter-
ra Benjamin, et unges eum ducem super
populum meum Israel. Si ergo Dominus
misit Saul ad Samuelem, ut Samuel un-
geret illum, quomodo misit Samuelem ad
Saul pro causa illa ? Et respondendum, B
quod missio qua dicitur Dominus mittere
vates suos seu alios ad aliquid, non est
semper intelligenda de missione locali, sed
sæpe potius de directione mentali. Unde
infra tertio libro, Ahias propheta senex et
cæcus sedens in domo sua, dixit uxori Je-
roboam venienti ad se : Ego missus sum
ad te durus nuntius. Sic et Abdias in ex-
ordio suæ visionis loquitur de se ipso :
Abdiæ 1. Legatum ad gentes misit Dominus.

Nunc ergo audi vocem Domini, hoc est
præceptum quod tibi per me præcipit Do-
minus, et noli circa istud inobediens fieri,
sicut jam circa alia excessisti. *Hæc dicit
Dominus exercituum : Recensui quæcum-
que fecit Amalec Israeli, quomodo restitit
ei in via quum ascenderet de Ægypto*, id
est, recordatus sum malorum pœnalium,
quæ rex et populus Amalecitarum intule-
runt filiis Israel in deserto egressis de
Ægypto : quemadmodum scriptum est in
Exod. xvii, 8. Exodo, Venit Amalec et pugnavit contra
Israel in Raphidim. Quod in Deuteronomio
plenius recitatur, Domino ibi jubente : Me-
Deut. xxv, 17, 18. mento quæ fecerit tibi Amalec in via, et
extremos agminis tui, qui lassi residebant,
cecidit, quando tu eras fame et labore

confectus. Denique, quando Deus peccata
nostra ulciscitur, dicitur ea recensere, seu
ad memoriam revocare ; sed dum ea di-
mittit, ultionemve differt, dicitur ea quo-
dammmodo oblivisci. *Nunc ergo vade, et
percutite Amalec et demolire*, id est destrue,
universa ejus, videlicet urbes et habitacu-
la. *Non parcas ei*, nec regi nec populo,
nec concupiscas ex rebus ipsius aliquid :
sed interfice per te et tuos ministros *a viro
usque ad mulierem, et parvulum atque
lactentem* inclusive, id est universos vi-
ros, et mulieres, atque infantes, *bovem et
ovem, camelum et asinum*, id est universa
pecora eorumdem.

Circa hoc quæritur, qualiter istud con-
veniebat divinæ justitiæ, quod propter pec-
cata parentum tandiu defunctorum, jussit
occidi posteritatem eorum, præsertim fe-
minas et puellas ac parvulos, imo et peco-
ra, quum infantes et jumenta fuerint pror-
sus innoxia. Respondetur, quod propter
peccata parentum enormia Deus frequenter
percussit illorum posteritatem, in quantum
posterii secundum carnem descenderunt ab
illis, et erant aliquid suorum parentum, ita
quod parentes puniebantur in eis, et quia
suorum parentum sequebantur excessus,
consenseruntque eis, atque in detestatio-
nem paternorum facinorum. Propter quod
parvuli quoque et pecora trucidabantur.
Nec in hoc parvulis præjudicabatur, qui
et propter originale peccatum erant mortis
debitores, et expediebat eis tunc mori :
quia si ad ætatem pervenissent adultam,
patrum suorum secuti fuissent facinora,
et æternaliterque perissent. Et ne in virili
ætate efficerentur populo Dei nimis mole-
sti. At vero pecora propter homines facta
sunt : ideo de eis est disponendum secun-

dum merita vel demerita, seu congruentiam hominum, quia de mediis secundum exigentiam finis disponitur. Refert quoque Magister in historiis : Sunt qui dicunt, Amalecitas fuisse maleficos ac habuisse peritiam se vertendi in pecudes : ideo, ne sub forma illa evaderent, Dominum præcepisse, ut pecora quoque perirent. Hoc idem Rabbi Salomon asserit, ut recitat Lyra, quod tamen dicit esse ficticium. Nihilominus Augustinus libro de Civitate Dei, multa narrat de hujusmodi transformatis : certumque est multos gentilium fuisse intentos hujusmodi magicis artibus.

Præcepit itaque Saul populo, hoc est, Saul per litteras aut nuntios populo Israelitico jussit ad certum locum confluere, et esse paratum ad pugnam : siquidem verba Dei per Samuelem sibi denuntiata, eis significavit ; et recensuit eos, id est, numeravit et ordinavit, seu convenienter disposuit, quasi agnos, hoc est ad libitum suum, ita quod obediebant sibi, et sub ejus regimine ibant, quemadmodum agni sub virga pastoris, ducenta millia peditum, et decem millia virorum Juda. Viri de tribu Juda communiter numerantur seorsum, tanquam potentiores, nobiliores, et amplius bellicosi. Non est autem putandum, quod in tribu Juda non fuerint pro tunc, nisi decem millia virorum, et in ceteris tribubus non nisi ducenta millia, quum in bello contra Naas regem Ammonitarum, fuerint triginta millia virorum Juda, et trecenta millia de tribubus aliis, ut supra ; sed Saul hac vice cum præfato numero contentus fuit, præsertim quum ex divina promissione esset de victoria certus. *Quumque venisset Saul usque ad civitatem Amalec.* In regno Amalecitarum fuerunt plurimæ civitates : ideoque per civitatem Amalec hic intelligitur vel metropolis regni, vel urbs prima in via occurrens, vel per singulare designatur plurale. *Tetendit insidias in torrente.*

Dixitque Saul Cinæo, id est posteris natis ex Jethro, qui alio nomine cognominatus est Raguel, et Cin, cujus filia fuit

A *Moysis uxor, ut in libro Exodi habetur : ex cujus videlicet Raguelis semine natus est Reclab. Abite corde, recedite corpore, atque discedite cum proposito non redeundi, ab Amalec, ne forte involvam te cum eo, id est, ne aliqui de populo meo improvise aut casualiter noceant vobis cum ceteris habitatoribus terræ hujus. Quum pluraliter præmisisset, Abite, cur singulariter subdit, Te, nisi forsan ad aliquem eminentiorem inter Cinæos id specialiter dixerit ? Tu enim, id est pater tuus Jethro, seu Hobab frater uxoris Moysis : quem tamen Hobab quidam dicunt fuisse ipsum Jethro. Quibus obviare videtur illud Numerorum : Dixit Moyses Hobab filio Raguel, etc. Fecisti misericordiam cum omnibus filiis Israel, quum ascenderent de Ægypto : quoniam Jethro salubre consilium præstitit Moysi, ut in Exodo describitur. Hobab vero ductor fuit filiorum Israel in deserto, ut in Numeris scriptum est. Et recessit Cinæus de medio Amalec. Sicque deinceps habitaverunt Cinæi inter filios Israel.*

C *Percussitque Saul Amalec ab Hevila donec venit* ad Sur, quæ est e regione Ægypti, id est ab una extremitate regni ad aliam, quemadmodum in Deuteronomio jusserat Moyses, dicens : Quum Dominus dederit tibi requiem, delebis nomen Amalec de sub cælo. Et apprehendit Agag regem Amalec vivum : quem et viventem secum duxit ad propria ad ostensionem suæ victoriæ, quod fuit superbæ ; vel ut multa extorqueret a rege capto pro ipsius dimissione, quod fuit avaritiæ. Verumtamen Josephus velle videtur, quod Saul pepereit et misertus fuit ipsi Agag propter pulchritudinem ejus. Omne autem vulgus, imo et nobiles, interfecit in ore gladii, id est acumine ensis. Et pepercit Saul et populus, Agag et optimis gregibus ovium et armentorum, vestibus et arietibus, et universis quæ pulchra erant, nec voluerunt disperdere ea. Quidquid vero vile fuit et reprobum, hoc demoliti sunt.*

Factum est autem verbum Domini, id est, Dominus per angelum dixit, ad Samu-

Num. x, 29.

Exod. xviii, 17-23.

Num. x, 31.

Deut. xxv, 19.

I Reg. xi, 8.

Exod. ii, 18, 21.

elem, dicens : Pœnitet me quod constitue-
rim Saul regem, id est, per modum pœ-
nitentis me habeo circa hoc, reprobando
quem ante approbavi ac promovi ad re-
gnum. Constat autem, quod in invariabili,
supersapientissimo et incomprehensibili
Deo non cadat dolor seu pœnitentia, sed
more humano loquitur Deus hominibus.
Quia dereliquit me, per mentis suæ aver-
sionem a me, per inobedientiam, arrogan-
tiam et cupiditatem, et verba mea opere
non implevit. Contristatusque est Samuel.
Et clamavit Samuel ad Dominum tota no-
cte. Unde apparet, quod in ipsa nocte facta
sit ei allocutio ista. Non dicitur hic, quod
clamavit ad Dominum pro Saul. Ideo aliqui
dicunt, quod sciens Samuel Saulem repro-
batum, clamavit, id est ferventer oravit,
pro regno et populo. Nihilominus dicen-
dum, quod etiam clamavit pro Saule, ut
infra in isto patet capitulo. Oravit ergo ut
Dominus ignosceret Sauli. Circa quod ali-
qui dicunt, quod Samuel forsitan ignora-
vit an prætaeta verba, videlicet, Pœnitet
me, Dominus dixerit definitive, an com-
minatorie. Quibus obviare videtur, quod
supra Samuel dixit ad Saul : Nequaquam
ultra regnum tuum consurget. Quæsit
sibi Dominus virum secundum cor suum,
et præcepit ei ut esset dux super popu-
lum suum. Quod propter certitudinem pro-
phetiæ Samuel prædixit de David futurum
per modum præteriti, sicut ibidem expo-
situm est.

Quumque de nocte surrexisset Samuel
ut iret ad Saul mane, nuntiatum est Sa-
mueli, quod venisset Saul in Carmelum,
id est ad montem illum sublimem, et ere-
xisset sibi fornicem triumphalem, sequens
in hoc arrogantiam gentium, id est arcum
de myrtis et palmis seu olivis in signum
adeptæ victoriæ, sicque in monte illo in-
venit materiam fornicis hujus. Et in isto
patet superbia Saul, qui ad jactantiam
suam hoc fecit, quum illam victoriam de-
buerit humiliter Deo adscribere. Et rever-
sus transisset, descendissetque in Galgala.
Venit ergo Samuel ad Saul in Galgala, et

A Saul offerebat holocaustum Domino, per
manus sacerdotis, pro gratiarum actione
de concessio triumpho secundum legem,
quamvis non fecerit hoc ex pura et debita
humilitate, de initiis prædæ, quæ at-
tulerat de Amalec, id est de primitiis spo-
liorum, seu optimis spoliis acquisitis ab
Amalecitis. Et quum venisset Samuel ad
Saul, dixit ei Saul : Benedictus tu Domi-
no, id est ad gloriam Dei, impleri verbum,
id est præceptum Domini de occidendis
Amalecitis. Dixitque Samuel, probando
falsitatem sermonis Saulis : Et quæ est
hæc vox gregum, scilicet boum et ovium,
quæ resonat in auribus meis, et armen-
torum quam audio? quasi dicat, Per ex-
perientiam innotescit, quod non implesti
Dei præceptum, qui pecora et omnia Ama-
lecitarum jussit occidi. Ait Saul, se ex-
cusando, et populum accusando, imo et
excusando partim eundem : De Amalec
adduxerunt ea. Pepercit enim populus me-
lioribus oribus et armentis, ut immola-
rentur Domino Deo tuo; reliqua vero oc-
cidimus.

Ait autem Samuel ad Saul : Sine me,
id est, pacifice audi me, et indicabo tibi
quæ locutus sit Dominus ad me nocte. Di-
xitque ei : Loquere. Et ait Samuel : Nonne
quum parvulus esses in oculis tuis, id est
vilis et modicus propria reputatione, ca-
put in tribubus Israel factus es, id est rex
duodecim tribuum Israel? Ideo sicut per
humilitatem meruisti sic promoveri, ita
per arrogantiam tuam jam meruisti regno
privari. Unxitque te in regem super Is-
rael, et misit te Dominus in viam, et ait :
Vade, et interfice peccatores Amalec, et
pugnabis contra eos usque ad interneccio-
nem eorum. Quare ergo non audisti vocem
Domini, sed versus ad prædæ es, et fe-
cisti malum in oculis Domini? Et ait Saul
ad Samuelem, se pertinaciter excusando :
Imo audi vi vocem Domini, et ambulavi
in via per quam misit me Dominus, et
adduxi Agag [regem] Amalec. In hoc Saul
se ipsum accusat, quoniam Dominus jussit
ipsum Agag una cum populo suo interfici.

Et Amalec interfeci. Tulit autem de præ-
da populus oves et boves. Hic rursus impo-
nit populo, quod ipse fieri jussit aut saltem
permisit, quod tamen debuit prohibere. Et
primitias eorum quæ cæsa sunt, ut immo-
lent Domino Deo suo in Galygalis. Verum-
tamen illa non fuit principalis totave causa,
imo ex cupiditate magis quam ex devotione
fecerunt hoc.

Et ait Samuel : Numquid vult Dominus
holocausta et victimas, et non potius ut
obediatur voci Domini? quasi dicat, Uti-
que. Præsertim, quoniam sacrificia illa
legalia non erant per se accepta, sed ex
obeditione, caritate et devotione offeren-
tium ea : ideo quando contra obedientiam
offerebantur, prorsus displicerunt, sicut
in casu isto. Obedientia autem per se pla-
cet, per quam homo se ipsum et propriam
voluntatem offert ac subiecit Deo : quod
majus fuit, quam pecora alienamque car-
nem Deo sacrificare. Et intelligitur istud
de obedientia, seu potius actu ipsius inte-
riori, prout obedientia est virtus specialis
respicieus præceptum superioris sub pro-
pria ratione præcepti. Alio modo obedientia
est virtus generalis, dum sumitur pro ad-
implatione cujuscumque præcepti. Melior
enim est obedientia quam victimæ, præser-
tim obedientia qua propria mens subditur
Deo ; et auscultare mandata superiorum
cum promptitudine cordis, magis bonum
est, quam offerre adipem arietum. Et recte
exprimit specialiter adipem, quia præcipue
offerebatur, juxta illud Levitici : Omnis
adeus Domini est jure perpetuo. Quoniam
quasi peccatum ariolandi est, repugnare,
id est præcepto superioris resistere et re-
niti, propriam inobedientiam palliando ;
seu alio modo, tam grave est crimen ut
ariolari, quod est genus superstitionis seu
speciei magicæ artis ; et quasi scelus ido-
lolatricæ est, nolle acquiescere, id est ex
proposito et certa malitia esse inobedien-
tem. Quemadmodum enim ariolator atque
idololatra serviunt creaturæ magis quam
Creatori ; ita qui sic inobediens est, magis
audit, colit, honorat voluntatem propriam,

quam divinam. Hoc testimonium, sicut in
statutis ordinis Cartusiensis asseritur, suf-
ficientem habet obedientiæ laudem, suffi-
cientem quoque inobedientiæ vituperatio-
nem. Hinc loquitur Paulus : Qui potestati
resistit, Dei ordinationi resistit. Salomon
quoque : Melior, inquit, est obedientia quam
victimæ. Itemque : Vir obediens loquetur
victorias. Denique verbis his Samuelis pul-
chre consonat illud Michææ : Numquid pla-
cari potest Dominus in millibus arietum,
aut in multis millibus hircorum pinguium?

Rom. xiii, 2.

Eccle. iv,

17.

Prov. xxi,

28.

Mich. vi,

7, 8.

B Indicabo tibi, o homo, quid sit bonum, aut
quid Dominus requirat a te : Utique facere
judicium, et sollicitum ambulare cum Deo.

Pro eo ergo quod abjecisti sermonem
Domini, id est, Dei præceptum transgres-
sus es, et illud de corde tuo repulisti, ab-
jecit te Dominus, id est, decrevit abjicere,
et certissime abjiciet in sobole tua, ne sis
rex. Nempe quum pœna debeat culpæ cor-
respondere, justum est, ut qui Deum in-
honorat, et ejus parvipendit præcepta, de-
primatur et vilipendatur ab eo, juxta quod
supra dixit : Quicumque glorificaverit me,
glorificabo eum ; qui autem contemnunt
me, erunt ignobiles.

1 Reg. ii, 30.

Dixitque Saul ad Samuelem : Peccavi,
quia prævaricatus sum sermonem Domini
et verba tua, quæ erant verba Dei. Saul
ambitosus, audita suæ depositionis sen-
tentia, territus fuit, et cœpit se humiliare
potius fiete, et ex servili timore suæ tem-
poralis confusionis, quam ex vera carita-
te, humilitate, contritioneque cordis : et
forsan suspicabatur ac metuebat, quod
Samuel ex Dei præcepto mox alium con-
stitueret regem. Timens populum : qui ti-
mor ex prava processit radice : siquidem
quia superbus fuit, et amator propriæ lau-
dis, ac humani favoris, formidavit populo
displicere, ne minus solito honoraretur et
commendaretur a plebe. Et obediens, id
est acquiescens, voci, id est suggestioni
eorum, persuadentium mihi quod melio-
ra et pretiosiora reservarentur. Sed nunc,
quæso, porta peccatum meum, id est, con-
dole mihi, et culpam meam pie suffer et

Lev. iii, 16,
17.

Rom. i, 25.

satisfac pro eadem, *et revertere mecum, ut* A
adorem Dominum, quatenus ex tua prae-
 sentia exaudibilior fiat oratio mea, te per
 tuam orationem supplente meum defe-
 ctum. *Et ait Samuel ad Saul : Non re-*
vertar tecum. Hoc dixit Samuel, quia pro
 tune ita intendebat, quamvis paulo post
 ad magnam Saulis instantiam mutavit pro-
 positum, ideo non mentiebatur formaliter.
 Vel dicere voluit, quod non rediret cum
 ipso pro tune. Cui simile est, quod apud
 Joannem ait Salvator, Ego non ascendam
 ad diem festum hunc : et tamen paulo B
 post ascendit ad eum. Vel, Non ascendam
 tecum, ut orem pro te, eo modo quo op-
 tas, ut scilicet Deus ita ignoscat tibi, quod
 in regno permanear in sobole tua : quo-
 niam Samuel seivit Deum oppositum defi-
 nivisse. Et huic expositioni concordat quod
 subditur : *quia projecisti sermonem Do-*
mini, et projecit te Dominus ne sis rex
super Israel.

Et conversus est Samuel ut abiret. Ille
autem, videlicet Saul, apprehendit sum-
mitatem pallii ejus, utpote Samuelis, qui C
verterat se ad recedendum, ut retraheret
eum ; quæ et scissa est ex vi retractionis.
Et ait Samuel ad eum : Scidit, id est, hac
seissione pallii mei præfiguravit, Dominus,
scindendum esse regnum Israel a te ho-
die : hoc, inquam, hodie præsignavit, et
tradidit, id est, tradet seu tradere defini-
vit, illud proximo tuo meliori te, scilicet
ipsi David, qui vel tune erat, aut futurus
fuit virtuosior Saule. Porro Triumphator
in Israel, id est Deus omnipotens, cujus
virtute et gratia conceditur victoria Isra- D
eli, et cui omnis adscribenda est victoria,
quum tamen tu victoriam a Deo conces-
sam, tibi, plus quam licet, adscripseris,
non pareet, id est, præfatam pœnam non
relaxabit, quia immobiliter statuit, quod
in tua successione regalis principatus non
permanebit. Vel, Non pareet, quia non
permittit peccatum omnino inultum trans-
ire, qui nullum bonum dimittit irremune-
ratum, nullumque malum impunitum, se-
cundum illud Job : Deus inultum abire non

patitur. Nihilo minus vere pœnitentibus
 culpam dimittit, imo et pœnam æternam
 quam meruerunt, commutat in tempora-
 lem. Hinc in libro Sapientiæ dicitur Deo :
 Ob hoc quod omnium Dominus es, omni- Sap. xii, 16.
 bus te parere facis : quod etiam ideo
 dictum est, quoniam Deus citra condi-
 gnium punit, tam in purgatorio, quam in
 inferno. *Et pœnitudo non flectetur* : quia
 in incommutabili Deo non potest consiste-
 re pœnitudo, dolor seu pœnitentia (proprie
 dicta) de sententia ab ipso prolata. Nec
 etiam flectitur pœnitudo nostra, ita ut
 in se ipso mutetur vel revocet quod de-
 finivit, quamvis in Genesi legatur, quod
 tactus dolore cordis intrinsecus, dixit, Pœ- Gen. vi, 6,
 nitet me fecisse hominem : quod meta- 7.
 phorice intelligendum est, sicut et multa
 similia. Porro super eos qui non habent
 contritionem ex corde, sicut nec Saul hac
 vice, non pareit nec flectitur Dominus,
 juxta illud Deuteronomii : Reddit odien- Deut. vii,
 tibus se statim, ita ut disperdat illos, et 10.
 ultra non differat, protinus eis restituens
 quod merentur. *Neque enim homo est in*
propria natura, ut agat pœnitentiam, sed
est invariabile et supersimplicissimum ens,
qui per Malachiam protestatur : Ego Domi- Malach. iii,
nus, et non mutor. Hinc in Numerorum 6.
 libro Balaam ait : Non est Deus quasi ho- Num. xxiii,
 mo ut mentiatur, nec ut filius hominis ut 19.
 mutetur. Denique, quum Deus sit sapientiæ
 infinitæ, omnia æternaliter perfectissime
 intuens, non potest in eum cadere pœni-
 tentia de eo quod dixit aut fecit.

At ille ait : Peccavi. Sed nunc honora
me coram senioribus populi mei et coram
Israel. Si ex condigna et profunda humi-
 litate dixisset, Peccavi, non tam sollicitus
 fuisset de sua honoratione : imo pro pu-
 blico peccato, coram omnibus publice se
 humiliasset, honoreque regio se recogno-
 visset indignum. *Et revertere mecum, co-*
mitando et sequendo me tanquam regem,
ut adorem Dominum Deum tuum. Reversus
ergo Samuel, secutus est Saulem, propter
regiam dignitatem condescendens ac defe-
rens ei, tanquam vicario Regis altissimi. At

Joann. vii,
8, 10.

Job xxiv, 12.

vero super illud, Seidit Dominus regnum a te, narrant quidam Judæi, quod Samuel contulit Sauli signum tunc, dicens : Ille regnabit pro te, qui abscindet oram chlamydis tuæ. Unde quum David fecisset hoc, locutus est Saul ad eum : Nunc scio quod certissime regnaturus sis. *Et adoravit Saul Dominum.* Samuel quoque rogavit pro ipso.

1 Reg. xxiv,
21.

Dixitque Samuel : Adducite ad me Agag regem Amalec. Et oblatus, id est adductus, est ei Agag pinguis, tremens ex formidine mortis, quæ omnium terribilium terribilissimum est. Et dixit Agag : Siccine separat amara mors? Hoc quidam exponunt tanquam dictum a Samuele, ut sit sensus, quod Samuel dixit Agag, id est ipsi Agag regi, Siccine, id est siene, separat amara mors, id est timor mortis amaræ, sensum et animum tuum a te, qui præ mortis horrore es quasi alienatus a sensu et impos mentis? Secundo exponitur, tanquam dictum ab Agag, qui cernens se occidendum, ex desolatione et admiratione tanti infortunii sui locutus est, Siccine separat amara mors? id est, siene dividit mors acerba viventem a societate et loco vivorum? quasi dicat, Utique. *Et ait Samuel : Sicut fecit absque liberis mulieres gladius tuus, id est, sicut tu multos juvenes occidisti, per quod matres eorum privasti filiorum suorum solatio.* Quidam tamen exponunt hoc de Agag in persona regis Amalecitarum, qui tempore Moysis quosdam filiorum Israel in deserto occidit, et matres eorundem filiis suis privavit. *Sic absque liberis erit inter mulieres mater tua, id est, tu quoque nunc interficeris : quo facto, mater tua absque filiis erit.* Dicunt autem nonnulli, quod mater hujus Agag jam inter alios Amalecitas fuit occisa. Sicque per verba ista insinuat, quod nullus ex filiis illius esset superstes,

Exod. xvii,
8 ; Deut.
xxv, 17, 18.

ipso Agag occiso : quia etsi habuit alios, jam fuerunt occisi. *Et in frusta conscidit eum Samuel coram Domino in Galgalis.* Non simpliciter conscidit eum in frusta, sed coram Domino fecit hoc, id est virtuose et zelo justitiæ, non ex crudelitate aut amore inordinatæ vindictæ. Nam sicut fecerat Agag, sic factum est ei.

Abiit autem Samuel in Ramatha, Saul vero ascendit in domum suam in Gabaa, et non vidit Samuel ultra Saul usque ad diem mortis suæ. Quod ait, Usque ad diem mortis suæ, referri potest tam ad mortem Samuelis, quam Saulis. Potest quoque intelligi vel inclusive, vel exclusive. Sed quocumque horum intelligatur modorum, non videtur posse verificari, quum infra scriptum sit, quod Saul cum ceteris prophetavit coram Samuele. Ad quod respondetur, quod Samuel vidit tunc Saulem non in regio apparatu, sed prophetica dispositione. Insuper Saul morti vicinus, vidit Samuelem suscitatum ad horam, si tamen vere in sua persona apparuit; et Samuel Saulem vidit. Alii quoque dicunt, quod Saul cum ceteris venit ad Samuelem in extremis laborantem, quum infra scriptum sit : Mortuus est autem Samuel, et congregatus est ad eum universus Israel. Sed istud non videtur verum, quia congregatio illa potius facta est ad sepeliendum honorifice Samuelem. Potest etiam dici, quia quod modicum est, pro nihilo reputatur. Unde, si postea vidit eum, hoc fuit quasi in transensu seu incidentaliter et sine affatu. *Verumtamen lugebat Samuel Saul, quoniam Dominum pœnitebat, quod constituisset regem Saul super Israel, id est, peccata Saulis deflevit, et ipsum propter sua peccata, per quæ meruit ita reprobari a Domino; et ita quem increpavit in publico, deploravit in abdito : quo constat, quod ex caritate prodiit increpatio illa.*

1 Reg. xix,
24.

Ibid. xxviii,
14.

Ibid. xxv,
1.

ARTICULUS XXX

DE TROPOLOGIA EJUSDEM CAPITULI QUINTIDECIMI.

PER Amalee designantur demones et tyranni, hæretici et omnes iniqui, qui impugnant filios Israel ex Ægypto egressos, in deserto ac solitudine existentes, id est electos et bonos vitia sæculi relinquentes, seu religionem ingressos : qui in deserto, id est in abstractione et secreto pœnitentiæ, ascendunt ad terram æternæ hereditatis seu cœlestis promissionis, de qua dicitur : *Ps. xxvi, 13.* Credo videre bona Domini in terra viventium. Præcepit ergo Dominus principibus et praelatis, ut talibus Amalecitis inferant pugnam, et quidquid vitiositatis in ipsis est, demoliantur, atque ipsorum confutent errores, persecutionesque superent, et tentamenta elidant : imo quæ pretiosa reputantur ab illis, penitus aspernentur, videlicet prospera mundi, honores, opes, delicias, nec ullo modo cum ipsis communicent in peccatis. Itaque Saul, id est principes et praelati, imo et cuncti vere Christifideles, contra illos tendunt insidias in torrente, id est in profluvio lacrimarum, in aqua sapientiæ salutaris, in consideratione dominicæ passionis, quia per hæc sepurant acies vitiorum, Satanamque prosternunt, et suæ salutis adversarios vincunt. Dicunt quoque Cinæo, ut ab Amalecitis discedat. Nam inter iniquos commorantur communiter aliqui boni, quibus est persuadendum, ut a periculosa se retrahant societate, et ad minus mente elongentur ab illis, ne *Ps. xvii, 27.* cum perversis pervertantur.

At vero per hoc, quod Saul pepereit Agag regi, et melioribus Amalecitarum pecoribus, et rebus eorum pretiosis, datur intelligi, quod hi qui aliis præsunt, frequenter periclitantur, dum ad ea quæ

mundi sunt, immoderate afficiuntur, atque hominibus placere desiderant, et propria commoda quærunt, imo magnatibus adulantur : sicque vel amore vel timore aut cupiditate seu desiderio propriæ laudis, omittunt fraternæ correptionis implere præceptum, et huic sæculo conformantur. Hinc tales praelatos ac principes reprobatur Dominus, eo quod non sint ei plene fideles, et pœnitet eum quod ipsos in officiis praelaturæ locaverit. Ipsi vero frequenter arbitrantur se justos, et si corripiantur, mox se excusant et indignantur, aliosque inculpant. Malunt tamen se superficialiter humiliare, quam de stationibus suis expelli. Præterea unicuique qui in promotionis suæ primordio fuit humilis, procedenteque tempore videns se quasi radicum in præsidentia, assumit sibi arrogantiae cornua, dici potest : *Nonne quum parvulus esses in oculis tuis, caput in Israel factus es?* Nunc autem, quia extollis te, reprobari a Domino promereris. Unde in Ecclesiastico legitur : Sedes ducum superbiorum destruxit Dominus, et sedere fecit mites pro eis. *Eccli. x, 17.*

Insuper docemur ex isto capitulo, quantæ excellentiæ sit virtus obedientiæ, quæ et in religiosis potissime commendatur. Imo, quemadmodum universi qui præsunt, volunt sibi a suis subditis obtemperari ; sic ipsi in primis cum omni reverentia ac diligentia divinis obediant jussis, et sibi commissos ad idem inducant : quos et a transgressionibus districte cohibeant, ne involvantur eorum excessibus ; nec irrationabilibus vulgi suggestionibus acquiescant.

ARTICULUS XXXI

ELUCIDATIO CAPITULI SEXTIDECIMI : DIXITQUE DOMINUS AD SAMUELEM.

REPROBATIONE Saulis recitata, nunc A describitur substitutio electi regis pro illo. *Dixitque Dominus ad Samuelem : Usquequo tu luges Saul*, id est, reprobationem ejus a regni dominio defles, compatiendo amotioni ipsius, *quum ego projecerim eum, ne regnet super Israel? Imple cornu tuum oleo tali*, quali inungi solent reges atque pontifices, ut dictum est plenius in expositione superiorum; *et veni ad me* spirituali accessu per promptitudinem cordis, *ut mittam te ad Isai Bethlehemitem*, hoc est civem et habitatorem B oppidi Bethlehem. Superius dictum est, quod Samuel unxit Saulem oleo lenticulae, quæ est vas fictile : quod mystice factum videtur, ad præfigurandum instabilitatem et fragilitatem regni Saul. David vero ungi jubetur oleo cornu, ad præsignandum regni sui soliditatem, quoniam cornu vas solidum est. Oleum tamen fuit ejusdem speciei, quia in utrisque fuit eadem specie dignitas regia. *Providi enim in filiis ejus mihi regem. Et ait Samuel : Quomodo vadam?* quasi dicat, Periculosum est C mihi hanc exsequi jussionem, nisi tu provideris, et congruentem mihi ostenderis modum. *Audiet enim Saul*, quod alium unxerim regem, *et interficiet me*, nisi tu protexeris me. Hoc Samuel dixit, non diffidenter aut temere asserendo, aut mortem superflue formidando, sed prudenter conjiciendo, quia probabile erat secundum humanam considerationem, quod sic eveniret. *Et ait Dominus : Vitulum de armento tolles in manu tua*, id est tecum duces, *et dices : Ad immolandum Domino D veni*. Hoc ita erat. Fuit tamen et alia causa principalior, quam caute subtenit. Veritas quippe interdum rationabiliter occultatur,

quamvis falsitas nunquam sine culpa proferatur. *Et vocabis Isai ad victimam*, ut ipse et filii ejus intersint oblationi, *et ego ostendam tibi quid facias, et unges quemcumque monstravero tibi*.

Fecit ergo Samuel sicut locutus est ei Dominus. Venitque in Bethlehem. Et admirati sunt seniores civitatis Bethlehem, de hoc quod Samuel venit ad eos, *occurrentes ei cum reverentia*. Mirabantur autem, tum quoniam solitarie venit, aut cum paucissimis, tum quoniam raro venerat illuc. Siquidem sanctus et senex Prophe- ta non consuevit quoquam pergere, nisi ex ardua causa. *Dixeruntque : Pacificusne est ingressus tuus?* Hoc interrogaverunt, timentes ne eum suscipiendo, offenderent regem quem sciebant non bene stare cum Samuele. Vel metuebant quod missus esset a Deo vel a rege, ad increpandum vel ad denuntiandum adversa. *Et ait : Pacificus*. Quasi dicat : Non imminet vobis periculum ex meo adventu. *Ad immolandum Domino veni. Sanctificamini*, id est, ad devotionem specialem vos præparate per orationes, vestium lotiones, continentiam a conjugibus, aut simili modo consueto in lege; *et venite mecum, ut immolem in excelso* : quod lieuit Samueli, quamvis sacerdos non fuerit, sed Levita, ex dispensatione divina. *Sanctificavit ergo Samuel Isai et filios ejus*, adspargendo eos aqua lustrationis, et orando pro ipsis, exhortando eos ad devotionem, *et vocavit eos ad sacrificium*, quod et pro ipsis specialiter immolavit.

Quumque ingressi essent Isai et filii ejus coram altari, ut quidam exponunt, vel potius locum secretum in domo Isai, ut ibi fieret unctio regis occulte, *vidit Samuel*

ipsum *Eliab*, et ait: Num coram Domino A
est christus ejus? id est, nonne iste coram
Deo mihi adductus, est electus a Deo in
regem? Hoc enim Samuel aestimavit, quo-
niam Eliab fuit primogenitus Isai, et ele-
gantior ceteris in statura. Ideo, sicut de
1 Reg. x, 24. Saul proceræ staturæ dixerat populo, Certe
videtis quem elegit Dominus, quia non est
similis ejus; ita putavit de Eliab. Et dixit
Dominus ad Samuelem. Qualiter dixit Do-
minus Samueli verba sequentia in aliorum
præsentia? Non dubium quin per ange-
lum; sed an angelus foris apparuit Samu-
eli, et verba extra sonantia protulit, an
potius intra ipsum loquebatur in visione
imaginaria seu intellectuali, non est adeo
certum. Credibile tamen est, quod intra
loquebatur ad aures ejus mentales; quo
dato, tenendum est, quod etiam Samuel
prætaeta verba dixit, id est, intra se cogi-
tavit et interiori ejus interrogationi ange-
lus in persona Dei apparens et loquens,
respondit. Ne respicias vultum ejus, neque
altitudinem stature ejus, id est, non sic
reputes apparatus suæ faciei virilem, et C
sublimem suæ personæ staturam, ut inde
arbitreris eum electum in regem; quoniam
abjeci eum, id est, decrevi eum ab hac
eminentia regia repellendum: et forsitan
pro tunc fuit vitiosus, imo ex sequenti
capitulo elucescit, quod satis elatus erat
et iracundus, sicut patebit. Magister tamen
in historiis ait: Videns Eliab primogeni-
tum procerum et optimum, existimavit fu-
turum regem. Sed optimus, accipitur ibi
pro eleganti.

Ibid. xvii,
28.

Nec juxta intuitum hominis ego judi- D
co, id est, sententiam de dignitate aut in-
dignitate, bonitate aut pravitate rerum,
præsertim rationalium creaturarum, non
profero secundum exteriorum earum dis-
positionem. Homo enim videt ea quæ pa-
rent, id est apparent forinsecus: quæ pri-
mo apprehendit per sensum exteriorum,
deinde per sensum communem et vim
imaginativam, deinceps per cogitativam,
et tandem per vim intellectivam; sicque
ex cognitione exteriorum, procedit ad in-

teriorum notitiam: in quo processu fre-
quenter decipitur, præsertim quia mens
libera est, et auxiliante gratia Dei, potest
refrenare ea, ad quæ inclinat natura, et
quæ indicant exteriora. Aliqui etiam assu-
munt sibi forinsecus per industriam aut
versutiam signa, quorum signata longe sunt
ab interioribus eorumdem. quemadmodum
Joab, cum amicitiae apparatu inimicaliter
dixit ad Amasam, Salve, mi frater. Ideo
scriptum est: Est qui nequiter se humi- 11 Reg. xx,
liat, et interiora ejus plena sunt dolo. Do- 9.
minus autem intuetur cor, id est cogi- Eccli. xix,
tationum et affectionum secreta, qui in 23.
Apocalypsi fatetur: Scient omnes Ecce- Apoc. ii, 23.
siae, quia ego sum scrutans corda et renes.
Hinc ait Salvator: Nolite judicare secun- Joann. vii,
dum faciem. In Proverbiis quoque habetur: 24.
Qui inspector est cordis, ipse intelligit, et Prov. xxiv,
servatorem animæ tuæ nihil fallit. 12.

Et vocavit Isai Abinadab filium suum
secundo genitum, et adduxit eum coram Sa-
muele, qui dixit: Nec hunc elegit Dominus
ad regnandum. Hoc Samuel ex revelatione
cognovit, sicut de ceteris non electis ad
regnum. Adduxit autem Isai Sammau, de
quo ait: Etiam hunc non elegit Dominus.
Adduxit itaque Isai septem filios suos co-
ram Samuele. Si Isai adduxit septem filios
suos coram Samuele, excepto David, ergo
habuit filios octo, quum tamen primo Pa-
ralipomenon libro non nisi septem filios
habuisse legatur. Respondetur, quod hic
inter filios Isai computatur Nathan, seu
(ut alii dicunt) Jonathan filius Sammaa fi-
lii Jesse*, quem filium Sammaa adoptave-
rat sibi ipse Isai in filium, et eum inter
proprius filios enutrivit. Et ait Samuel ad
Isai: Non elegit Dominus ex istis. Dixit-
que Samuel ad Isai: Numquid jam com-
pleti sunt filii, id est plenarie coram me
præsentati? Qui respondit: Adhuc reli-
quus est parvulus, et pascit oves. Et ait
Samuel ad Isai: Mitte, et adduc eum. Nec
enim discumbemus, id est, non ponemus
nos ad edendum, priusquam huc ille ve-
niam. Sciebat equidem illum electum esse
in regem, et voluit eum jejuno stomacho

1 Par. ii,
13-15.

* Samma
filii Isai.

ungere. et ante refectionem præceptum Dei implere.

Misit ergo et adduxit eum. Erat autem rufus, id est rubicundus, et pulcher aspectu, decoraque facie. Fuit equidem elegantis complexionis atque egregiæ indolis, et per elegantiam naturalium eminenter dispositus ad bonitatem eximiam gratuitorum. *Et ait Dominus Samueli: Surge.* Expectando namque adventum David, sedebat: et unctio illa fieri debuit, cum devotione et reverentia, stando. *Et unge eum, ipse est enim.* Tulit ergo Samuel cornu olei, et unxit eum in medio fratrum ejus. *Et directus est Spiritus Domini a die illa in David, et deinceps,* id est, ab illa hora infusus est ei Spiritus Sanctus, quantum ad gratiæ incrementum, et quoad specialia quædam bona. Hieronymus vero et Josephus dicunt, quod spiritus prophetiæ cœpit ex hac hora esse in David. Quidam vero specialiter istud exponunt de gratia fortitudinis, qua hucusque Saul prævaluit hostibus, et deinceps cœpit esse in David. Potius autem reor esse intelligendum de infusione Spiritus Sancti, quantum ad dona seu incrementa gratiæ gratum facientis et gratiæ gratis datæ, per quæ David de die in diem magis aptus reddebatur ad regnandum. Non enim unctus fuit in regem, quatenus mox regnaret, sed ut tempore opportuno rex esset: nec adhuc habuit jurisdictionem regalem ad populum. *Surgens autem Samuel, abiit in Ramatha.*

Spiritus autem Domini recessit a Saul, id est, Deus dona quædam Spiritus Sancti subtraxit Sauli, cui jam ante ablata erant charismata gratiæ gratificantis: sed ex nunc privatus fuit etiam gratia naturalis discretionis atque constantiæ: *et exagitabat eum spiritus nequam a Domino,* id est, diabolus permissione divina et justo Dei iudicio inquietavit et vexavit Saulem. *Dixeruntque servi Saul ad eum: Ecce spiritus Domini malus,* puta diabolus, quantum ad suam naturam a Deo creatus, et divinæ justitiæ subserviens, malus vero ex propria voluntate. Itaque, spiritus Dei ratione

A creationis et acceptæ potestatis, malus vero per potestatis abusum et corruptam in cunctis intentionem, *exagitat te. Jubeat dominus noster rex, et servi tui qui coram te sunt, quærent hominem scientem bene psallere cithara, ut quando arripuerit te spiritus Domini malus, psallat manu sua, et levius feras.* Et ait Saul ad servos suos: *Providete ergo mihi aliquem bene psallentem, et adducite eum ad me.* Et respondens unus de pueris, id est ministris, ait: *Ecce vidi filium Isai Bethlehemitem scientem psallere,* id est in cithara melodizare, et fortissimum robore, et virum bellicosum, et prudentem in verbis, et virum pulchrum; et Dominus est cum eo. In verbis his David multipliciter commendatur, tam ab excellentia naturalium, quam a donis gratuitis: videlicet a fortitudine corporis, ab audacia seu magnanimitate cordis, a prudentia in sermone, et a pulchritudine corporali: a donis quoque gratuitis, quum dicitur. Et Dominus est cum eo.

Circa hæc recitat Lyra: Dicunt Hebræi, quod puer hæc recitans, fuit Doeg principalis inter famulos Saul, qui jam concepit odium contra David, et eum sic commendavit, quatenus Saul in sua vesania ipsum sibi adductum occideret. Unde in commendatione David aliquid addidit quod non videtur verum, dicendo, Et virum bellicosum, quia adhuc juvenis erat, propter quod Saul postea dixit ei: Non vales resistere Philistæo isti, quia puer es. Sed istud videtur ad fabulas pertinere Judæas, quum quotidie multi coram Saul ad-
I Reg. xvii, 33.
 D sisterent quos non invasit. Nec pro tunc verisimile fuit, quod illum specialiter trucidaret, a quo specialiter refocillationem et liberationem acceperat. Argumentum quoque prætaetum non videtur idoneum, quoniam in Scripturis juvenes sæpe viri vocantur, quemadmodum infra libro secundo decem armigeri Joab juvenes appellantur, de quibus constat, quod ultra vicesimum
II Reg. xviii, 15.
 annum erant. Viri autem secundum veteris Testamenti scripturas vocantur, qui
Num. i, 3.
 vicesimum annum sortiti sunt. Denique

paulo post in isto fertur capitulo, quod Saul dilexit ipsum David nimis, et factus est armiger ejus. Dicebatur autem David vir bellicosus, loquendo de praeliis justis, quæ præcipue ordinantur ad bonum rei publicæ : ad quæ zelo justitiæ fuit bonus, et strenuus in eisdem. Verumtamen de isto nil assero, quia et S. Hieronymus prætacetam opinionem Hebræorum approbare videtur, nisi forsitan recitative loquatur. Potius tamen reor, quod puer iste fuit amator ipsius David, et promotor ipsius ex corde.

Misit ergo Saul nuntios ad Isai, dicens : Mitte ad me David filium tuum qui est in pascuis. Tulit itaque Isai asinum plenum, id est bene oneratum, panibus, quibus fecit illum asinum onerari, et lagenam vini, et hædum de capris, et misit per manum David filii sui Sauli : ne in conspectu regis vacuus appareret, et illa erant quasi jocalia sive eneænia. Et venit David ad Saul, et stetit coram eo. At ille dilexit eum nimis, et factus est armiger ejus. Misitque Saul ad Isai, dicens : Stet David in conspectu meo. Invenit enim gratiam in oculis meis. Igitur quodcumque spiritus Dei malus arripiebat Saul, qui per temporum intervalla vexabatur velut phreneticus, David tollebat citharam, id est, in manu eam acceperat, et percutiebat manu sua citharæ chordas : et refocillabatur Saul, et levius ferebat. Recedebat enim ab eo spiritus malus.

Circa hoc quæritur, an virtute citharizationis aut symphonie fugentur dæmonia, et obsessi refocillantur. Videtur quod imo, quia (ut apparet) Glossa hoc sentit, allegando Boetium, recitantem quod quidam philosophus tactu citharæ fugavit ab obsesso quodam dæmonium. Magister quoque in historiis ait hic : Tradunt mathematici, quod multi dæmones harmoniam ferre non possunt, et quandoque nulli. Insuper in libro Tobie Raphael protestatur, quod jecur seu cor piscis quem dejecit Tobias, fumo suo expellit omne dæmonum genus a viro seu femina. Et circa hoc in Scholastica fertur historia : Nec super hoc mirari

Tob. vi, 8.

A debemus, quum fumus ejusdam arboris adustæ, eandem vim habere perhibeatur. Præterea in libro Confessionum loquitur Augustinus : Omnis affectus, spiritus et natura, proprios habent motus seu modos in cantu, quorum occulta familiaritate excitantur. Melodia igitur, quæ naturali virtute alterat passiones animæ, sic immutare potest hominis dispositionem, quod dispositio illa passiva, qua disponitur ad recipiendam dæmonis vexationem, tollitur, sieque cessabit in homine talis afflictio.

B Amplius, Josephus libro de Judaico bello narrat fuisse in exercitu Titi, obsidentis urbem Jerusalem, virum quemdam, qui per lapidem annulo inclusum, expellebat dæmonia ab obsessis. Postremo, ad idem videtur sacra Scriptura conferre, hoc loco asserens manifeste, quod ad sonitum citharæ recessit dæmon a Saule.

In oppositum tamen arguitur, quia quum dæmones sint incorporales et spirituales substantiæ, non sunt susceptivæ immutationis ab objectis sensibilibus atque corporeis. Iterum, de diabolo scriptum est, quod non sit potestas super terram quæ comparetur ei. Non ergo potest refrenari aut expelli virtute sonorum aut consimilium naturalium rerum. Glossa quoque ex verbis Isidori ait : Non propter citharæ sonum recessit diabolus, sed propter citharæ mysterium, quoniam crucem Christi significat. In cithara quippe est lignum, et chorda superextensa ; et lignum exprimit crucem, chorda carnem Salvatoris in cruce distentam : ejus rei significatio, virtus et apprehensio terruerunt diabolum. His rationibus consentiunt multi, dicentes, quod si dæmones essent animalia, corpore aërea, animo passiva, mente rationalia, tempore perpetua, ut dixerunt Platonici, dici posset quod ex melodia, fumo et consimilibus immutarentur et fugarentur ; sed quum sint immateriales, sensibilia et corporalia non possunt in eos imprimere.

Job xli, 24.

Sed objici potest, quod in gemmis sunt miræ et occultissimæ vires imprimentes in animam rationalem, et disponentes eam

ad scientiam et virtutes. Denique quamvis A sensibilia directe non imprimant in substantias spirituales, tamen dum applicantur ad agendum aliquid circa eas, ipsae substantiae tales separatae cognoscunt vires illorum, ex quarum apprehensione, et secreta ac coelesti virtute, causantur in eis diversi effectus. Certum est enim, in rebus naturalibus et materialibus esse quamplures vires actionum primarum qualitatum omnino supergredientes, quas ex secretis influentiis atque respectibus coelestium corporum sortiuntur, in tantum B quod vires illae sunt quodammodo spirituales, prout Guillelmus Parisiensis in libro de Universo, Alkindus quoque astrologus libro de Radiis stellieis docent. Insuper rationabiliter dicitur, quod quum melodiae habeant vim laetificativam in multis, et multum sibi alliciant audientis attentionem, possunt in arrepticiis et obsessis causare dispositiones et affectiones, per quas minus subijciuntur impressionibus daemonum, et eorum vexationes minus advertant. Praeterea sicut ait Petrus Comestor, C physici dicunt, quod harmonia laetum efficit laetorem, et tristem tristorem. Verum ex hoc sequi videtur, quod Saul ex sua vexatione mœstus, ex citharizatione fuisset mœstior factus. Ad quod respondetur, quod dictum illud physicorum intelligendum sit de laeto et tristi ex complexione, non de tristi ex superinducta vexatione.

Sensus
moralis.

Postremo, moraliter docemur ex isto capitulo, quod iusti debeant alios moderate defflere, non nimis intense aut diurne, praesertim propter mala poenalia, tempo-

raliave adversa: imo divino iudicio debent se sapienter conformare, certi quia quem Deus spernit, nemo corrigere potest. Rur- ^{Eccle. vii, 14.} sus patet ex isto capitulo, quod ea quae alios possunt inflammare ad iram, superbiam et persecutiones justorum, caute celanda sint. Ex hoc demum, quod Samuel dixit, *Sanctificamini, et venite mecum ut immolem*, innotescit, quantum se debeant ad devotionem ac cordis munditiam praeparare, qui celebrationi cupiunt interesse, potissime qui volunt communicare. Simili modo ex hoc quod Dominus dixit ad Samuelem, *Ne respicias vultum ejus, neque altitudinem staturae ejus*, instruimur non multum ad naturalia dona attendere, sed ad gratiarum charismata, et eos magis diligere, qui virtuosiores esse censentur, neque ob naturalium elegantiam alicui inordinate aut sensualiter affici. Amplius, per Saul a daemone tribulatum, designatur quicumque iniquus a quo discessit Spiritus Sanctus. Propter quod suis passionibus ac vitiis tanquam daemonibus agitur. Per David vero citharistam, notatur quicumque homo devotus, cui Dominus linguam contulit eruditam, ita quod verbis bonis, verbis consolatoriis informatoriisque abundat, per quae tentatos et passionatos ad relevamen et tranquillitatem perducit, implens illud Apostoli: Si praecoepatus fuerit ^{Galat. vi, 1.} homo in aliquo delicto, vos qui spirituales estis, hujusmodi instruite in spiritu lenitatis. Itemque: Corripite inquietos, consolamini pusillanimes, suscipite infirmos, ^{1 Thess. v. 14.} patientes estote ad omnes. Qui hoc agit, daemonia multa saluberrime fugat.

ARTICULUS XXXII

ELUCIDATIO CAPITULI SEPTIMIDECIMI: CONGREGANTES AUTEM PHILISTIM AGMINA SUA.

DESCRIBITUR hic praelara victoria David de Philistaeo. *Congregantes autem Philistim*, id est rex et quinque satrapae

Philistinorum, *agmina sua* ad faciendum unum totalem exercitum ex particularibus agminibus suis, quibus seorsum praerant

satrapæ, in prælium convenerunt in Socho Judæ, id est juxta urbem nomine So-

Josue xv,
35.

cho, pertinentem ad tribum Juda. Fuit autem et alia urbs sic dicta ultra Jordanem, de qua in libro Judicum narratur, Dixit

Judic. vii, 5.

* Socoth

Gedeon ad viros Socho *. Et castrametati sunt inter Socho et Azeca, id est inter oppida sic vocata. Estque Azeca urbs, usque

Josue x, 10.

ad quam Josue percussit exercitus quinque regum. In finibus Dommin. Dommin quandoque est nomen civitatis in sorte Judæ,

quandoque deserti inter Jerusalem et Jericho situati. Porro Saul et filii Israel congregati venerunt in vallem Terebinthi : in qua scilicet valle stetit terebinthus, sub

Gen. xxxv,
4.

qua Jacob infodit absconditque idola domesticorum suorum, ut legitur in Genesi. Et direxerunt aciem ad pugnandum contra Philistiim. Et Philistiim stabant super montem ex parte hac, et Israel stabat

super montem alium oppositum ex parte altera ; vallisque erat inter eos : et stetit

utraque turba in monte, quatenus ex loco illo eminenti impugnaret adversarios contra se venientes per vallem, ita quod montis præsidium habuisset, per quod facilius

oppressisset contra se ascendentes.

Et egressus est vir spurius de castris Philistinorum nomine Goliath de Geth urbe Philistiim. Circa hoc in Scholastica fertur historia : Iste dictus est spurius, quoniam natus est de patre ignobili, id est gentili, et nobili matre Judæa. Spurius quippe et hybrida dicitur ignobilis ex patre, quemadmodum manzer et nothus ex matre. Alii dicunt, quod manzer appellatur natus de scorto, spurius de concubina, no-

thus de adultera. Altitudinis sex cubitorum et palmi. Palmus dicitur sexta pars cubiti. Cubitus vero continet pedem usua-

lem cum medio, quamvis aliqui dicant, quod duos contineat pedes. Porro, qualiter secundum geometricam artem unus cubitus contineat sex cubitos nostros, expo-

situm est super Genesim. Itaque Goliath iste fuit de semine giganteo et giganteæ staturæ. Et cassis ærea, id est ferrea, erat

super caput ejus : nam æs pro omni me-

tallo accipitur. Nec cassis fieri solet de ære proprie sumpto, sed de ferro. Et lorica hamata induebatur, id est, lorica ferreis laminis cooperta, quatenus imperforabilior

esset, nec per ejus foramina pertransiret ensis, sagitta aut spiculum. Hamus autem est ferreum instrumentum, quo pisces capiuntur, et macula seu lamina lorice : inde hamatum, de hamo factum. Porro pondus lorice ejus, quinque millia sictorum æris erat ; et ocreas æreas habebat in cruribus, et clypeus æreus tegebat humeros

ejus. Clypeus ille (secundum quosdam) fuit ferrea lamina, descendens a casside usque ad scapulas, et inter eas in acutum procedens ad muniendum collum, connexionemque armorum capitis et corporis. Hastile autem, id est stipes, hastæ ejus, erat quasi liciatorium texentium : ex quo patet soliditas, fortitudo, complanatio, mobilitas hastæ illius. Est autem liciatorium, lignum circa quod licia involvuntur. Ipsum autem ferrum hastæ ejus, sexcentos sictos habebat ferri, id est, tantæ molis, tantique ponderis fuit. Et armiger ejus antecede-

bat eum.

Stansque clamabat adversum phalangas, id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

id est turbas seu agmina, Israel. Quamvis enim ex toto populo constabat unus totaliter exercitus, distinguebatur tamen ille exercitus per tribus et cuneos. Et dicebat eis : Quare venistis parati ad prælium ? quasi dicat, Qualiter audetis vos opponere nobis ? seu, Quare vultis generale certamen committere, quum per duellum possit controversia inter nos terminari ? Numquid non ego sum Philistæus ? tanquam dicat, Utique ego de præclara hac natione et plebe sum Philistinorum, et gigas ac pugil eorum. Et vos estis servi Saul : ideo non deberetis contra nos convenire, qui jam diu dominati fuimus vestri. Eligite ex vobis virum, et descendat de monte in quo statis adversum me, ad singulare certamen in valle hac. Si quiverit pugnare mecum, et percusserit me, erimus vobis servi ; si autem ego prævaluerim, et percussero eum, vos servi eritis, et servietis nobis. Et

stansque clamabat adversum phalangas,

*• aiebat ait • Philistæus : Ego exprobravi agmi-
nibus Israel hodie, id est, opprobriose et
contemptibiliter locutus sum eis, impo-
nendo ipsis, quod sint servi Philistinorum :
quod tanto confusibilis eis est, quanto
plus de propinquo hoc irrogatum est ip-
sis. Date mihi virum, et ineat mecum sin-
gulare certamen. Audiens autem Saul et
omnes Israelitæ sermones Philistæi hu-
juscemodi, id est tam audacia et animosa
verba ipsius, seu verba ipsius Goliath tam
proceri et fortis, stupebant de altitudine
sue staturæ, et metuebant nimis, propter
fortitudinem, audaciam, ferocitatem, et ar-
maturam ipsius, nec quisquam præ timore
audebat contra illum duellum assumere.*

*David autem erat filius viri Ephratæi,
id est de Ephrata, quæ alio nomine voca-
ta est Bethlehem, de quo supra dictum
† Reg. xvi, l. est, de Bethlehem Juda, cui nomen erat
Isai, qui habebat octo filios : computato
filio filii sui, ut in præcedentis capituli
expositione est tactum ; et erat vir in die-
bus Saul senex ætate et morum maturita-
te, sagacitateque animi, et grandævus, id
est magnæ reputationis et probitatis, inter
viros. Abierunt autem tres filii ejus ma-
jores post Saul in prælium. Et nomina
trium filiorum ejus qui perrexerunt ad
bellum, Eliab primogenitus, et secundus
Abinadab, tertius quoque Sammaa. David
autem erat minimus, id est ultimus natus,
maximus tamen virtute. Tribus ergo ma-
joribus secutis Saulem, abiit David, et re-
versus est a Saul ut pasceret gregem patris
sui in Bethlehem. Præcedenti capitulo di-
ctum est, quod jam ante hæc David factus
est armiger Saul : cur ergo non prodiit se-
cum ad prælium ? Respondetur, quod Saul
hæc vice pepereit ei de hoc, propter adole-
scentiam ejus, et quia nondum expertus
fuerat ejus potentiam in bellicis gestis. In
hoc quoque patuit humilitas David, quod
post tantam sui apud regem promotionem,
acquievit rursus pecora custodire.*

*Procedebat ergo Philistæus mane et ve-
spere, hoc est, quotidie bis processit modo
prætaeto ad exprobrandum populo Israel,*

*A semel mane, et semel de vespere, et stabat
quadraginta diebus. Tot enim diebus uter-
que exercitus pro majori sui parte mansit in
monte, stans et exspectans, ut pars sua ad-
versa primo in vallem descenderet, et sic
eam facilius superaret. Philistæus quoque
quotidie opportunis horis stetit cum suis.*

*Dixit autem Isai ad David filium suum :
Accipe fratribus tuis ephi polentæ. Polen-
ta est grana tritici tosta, et manibus con-
fricata, instar grani pilo tusi. Aliqui tamen
dicunt, quod polenta sit pulmentum de fa-
rina purgatissima factum. Unde legitur in*

Josue libro : Comederunt de fructibus ter- Josue v, 11.

*ræ, et polentam ejusdem anni. Porro ephi,
mensura est trium modiorum, juxta mo-
dum illius loci ac temporis. Est itaque
sensus, Accipe polentam trium modiorum,
ut portes eam fratribus tuis. Et decem pa-
nes istos ; et curre in castra, hoc est, fe-
stinanter vade in tentoria seu in agmina
Israel, ad fratres tuos tres seniores ; et de-
cem formellas casei has deferes ad tribu-
num, id est, hos decem caseos parvos atque*

*C recentes dabis principi, sub quo militant
fratres tui, ut se habeat favorabiliter circa
ipsos, præcavendo pro posse eorum peri-
cula. Præcepit etiam Isai filio suo David,
secundum Josephum, ut tolleretur secum pi-
gnora fratrum, id est libellos repudii, de
quibus in Deuteronomio : quia pergenti-
bus ad pugnandum, erat consuetudo dare
uxoribus libellum repudii, ut si infra annos
tres non redirent, liceret uxoribus nubere
aliis viris. Et fratres tuos visitabis, si recte
agent ; et cum quibus ordinati sunt, disce.*

*Cf. II. list.
Scholast.*

*Deut. xxiv,
1-5.*

*D Saul autem et illi, videlicet fratres David,
et omnes filii Israel, in valle Terebinthi
pugnabant adversum Philistiim. Jam ha-
bitum est, quod uterque exercitus stetit in
monte, nec generale prælium commiserunt
hucusque : quomodo ergo Saul cum omni-
bus suis pugnavit in valle Terebinthi con-
tra Philistiim ? Respondetur, quod quotidie
aliqui egrediebantur bellantes, sicque to-
tum a parte denominatur ; vel, Pugnabant,
id est, ad præliandum se disponebant, et
invicem nocumenta aliqua inferebant.*

*Surrexit itaque mane David, et com-
mendavit gregem custodi, et onustus abiit,
sicut praeceperat ei Isai. Et venit ad lo-
cum Magala, id est sic nominatum: sicque
Magala est proprium nomen loci. Vel, ut
aliqui dicunt, est nomen commune, signi-
ficans circulum seu fossatum, quia per
gyrum exercitus expedit fieri aliquam fos-
sam, qua contra adversariorum repentinam
et improvisam impugnationem muniatur,
et aliquo modo tutetur. Et ad exercitum,
qui egressus ad pugnam, vociferatus erat
in certamine, quemadmodum in congres-
sibus solet vociferatio exhortationis ad prae-
lium fieri. Ex quo constat, quod singulis
diebus quidam hinc inde egrediebantur ad
pugnam. Direxerat enim aciem Israel;
sed et Philistiim ex adverso fuerant prae-
parati. Derelinquens ergo David vasa, id
est instrumenta seu modios polentae et
consimilia, scilicet panes et caseos, quae
attulerat: derelinquens, inquam, sub ma-
nu custodis ad sarcinas, quia commisit ea
alieni custodienda in loco ubi talia custo-
diebantur, cucurrit ad locum certaminis,
quia ultra castra fuerat, et interrogabat si,
id est an, omnia recte agerentur erga fra-
tres suos.*

*Quumque adhuc ille loqueretur eis, sci-
licet fratribus suis inventis, vel, eis quos
interrogavit, apparuit vir ille spurius as-
cendens, Goliath nomine, Philistaeus de
Geth, de castris Philistinorum. Et loquen-
te eo, utpote Goliath, haec eadem verba, qui-
bus ante exprobravit filiis Israel, audivit
David exprobratorem illum tam arrogan-
tem. Omnes autem Israelitae quum vidis-
sent virum, fugerunt a facie ejus, timentes
eum valde: id est, nullus eorum audebat
contra illum procedere, et unusquisque se
elongavit ab illo pro posse; et dixit unus
quispiam, id est quidam seu quicumque
de populo Israel: Num vidisti virum hunc
qui ascendit? Ad explorandum enim Israel
ascendit. Virum ergo qui percusserit eum,
id est, Goliath istum occiderit, ditabit rex
Saul divitiis magnis, et filiam suam dabit
ei uxorem, et domum ejus faciet absque*

*A tributo in Israel. Hoc jam promulgatum
fuit ex imperio regis, antequam David ad-
venerat, ut fortiores ex Israel animarentur
spe praemii tanti ad dimicandum adversus
Goliath.*

*Et ait David ad viros qui stabant secum,
dicens: Quid dabitur viro qui percusserit
Philistaeum hunc, et tulerit opprobrium
de Israel? id est, populum Israeliticum per
suum triumphum liberaverit ab imprope-
riis et irrisionibus Philistaei istius. Quis
est enim hic Philistaeus incircumcisis, qui
exprobravit acies Dei viventis? Ista protu-
lit David zelo fidei et aemulatione justitiae,
atque amore boni communis, et tanquam
rex motus est, contemnens impium illum
corde magnanimo, quemadmodum seri-
ptum est: Ad nihilum deductus est in con-
spectu ejus malignus. Ac si dicat: Infidelis
iste idololatra, nimis vilis et detestabilis
est ad injuriandum sic plebi fidei ve-
rum Deum colenti, ejus injuria in Deum
redundat. Denique David tam diligenter
inquisivit de mercede victori Goliath prae-
standa, non quod intuitu terrenae remun-
erationis aut amore temporalis honoris,
principaliter incitabatur ad pugnandum
contra Goliath, sed zelo divini honoris ac
boni communis; secundario autem et con-
comitanter amore praefatae remuneratio-
nis, praesertim quia a Deo etiam moveba-
tur ad hoc. Referebat autem ei populus
eundem sermonem, dicens: Haec dabun-
tur viro qui percusserit eum.*

Ps. xiv, 4.

*Quod quum audisset Eliab frater ejus
major, videlicet primogenitus, loquente eo
cum aliis, iratus est contra David, formi-
dans quod David juvenili audacia arripe-
ret contra Goliath conflictum et caderet, et
ita ex fraterno amore ira illa manavit; et
ait: Quare venisti? et quare dereliquisti
pauculas illas oves in deserto? quasi di-
cat: Utilius tibi esset, quod non venisses,
ad quem potius pertinet pauculas pascere
oves, quam contra gigantem duellum as-
sumere. Ego novi superbiam tuam, qua
adspiras ad conjugium filiae regis. Unde
aliqui dicunt, quod Eliab aestimavit ipsum*

1 Reg. xvi, 6.

David ex arrogantia motum, eo quod præ ceteris unctus fuit in regem. *Et nequitiam cordis tui, quia ut videres prælium, descendisti*, id est, tam malitiosum et nequam te esse cognosco. quod gloriaris in sanguinis effusione, et in bellis secundum se: propter quod et nunc venisti, ut videas talia. *Et dixit David: Quid feci? Numquid non verbum est?* David prudens et mansuetus adolescens, increpationem acerrimam fratris sui senioris æquanimiter tulit, et commotionem illius cum quadam urbanitate et jucunditate dissimulavit ac pertransivit, dicendo: Quid feci? Numquid non verbum est? ac si dicat: Quo excessu merui tantam correptionem? An non licet mihi modice loqui, et interlocutorie interrogare? Nec adhuc aliud feci nisi quod inquisivi de facto: et interrogatio ista verbum est, non res aut bellum. Cur ergo tantum irasceris super hoc? *Et declinavit paululum ab eo ad alium. Dixitque eundem sermonem. Et respondit ei populus eundem sermonem sicut prius.*

Audita sunt autem verba quæ locutus est David, et annuntiata sunt verba David in conspectu Saul. Quibus auditis, Saul iussit sibi adduci David. *Ad quem quum fuisset adductus, locutus est ei, scilicet Sauli: Non concidat cor cujusquam in eo*, id est, nemo vestrum perdat fiduciam aut eadat pavore. *Ego servus tuus vadam et pugnabo adversus Philistæum.* Et ait Saul ad David: *Non vales resistere Philistæo isti, nec pugnare adversus eum, quia puer es*, id est adolescens, et needum ad robur virilis ætatis perductus, nec expertus multum in armis. *Hic autem vir bellator est ab adolescentia sua.*

Dixitque David ad Saul: Pascibat servus tuus patris sui gregem, et veniebat leo vel ursus, id est leo et ursus, ut ex consequentibus constat, *et tollebat arietem*, id est duos arietes, scilicet quilibet unum, *de medio gregis: et persequabar eos et percutiebam*, id est, interficiebam eos, *eruebamque de ore eorum*: quod fuit per supernaturale robur atque auxilium Dei exhibitum

A David. Quocirca scribit Hieronymus, quod David ex hoc concepit audaciam, quoniam Spiritum Sanctum accepit, expertus adiutorium Dei in suffocatione leonis et ursi. Verumtamen ubi et quando hoc factum sit, ignoratur, nec Scriptura hoc docet. Nihilominus puto quod factum sit, postquam David unctus fuit in regem, quia ex tunc gratia fortitudinis corporalis ac spiritualis data est ei. Imo ex tempore illo cœpit anagogicos motus, ardentissimosque affectus habere in Deum, et per sapientiam unitivam ac mysticam theologiam contemplari divina. *Et illi consurgebant adversum me, et apprehendebam mentum eorum, et suffocabam interficiebamque eos. Nam et leonem et ursum interfeci ego servus tuus. Erit ergo et Philistæus hic incircumcisis, quasi unus ex eis. Nunc vadam, et auferam opprobrium populi. Quoniam quis est iste Philistæus incircumcisis, qui ausus est maledicere exercitui Dei viventis? Et ait David: Dominus qui eripuit me de manu*, id est potestate invasioneque, *leonis, et de manu ursi, ipse liberabit me de manu Philistæi huius.* Secundum Hieronymum, catholicosque doctores, David ex revelatione divina præsevit se triumphaturum in isto conflictu: ideo verba ista et alia quæ in littera continentur, non solum sunt verba bonæ spei, sed certitudinis absolutæ.

Dixit autem Saul ad David: Vade, et Dominus tecum sit, dando tibi victoriam. Ex hoc aliqui opinantur, quod etiam Saul ex revelatione cognovit, quod David prævaleret. Verumtamen hoc ex verbis istis non sequitur, nec præcedentia verba hoc sonant. Nam statim hæc verba dixerat Saul: *Non vales resistere Philistæo isti, nec pugnare adversus eum, quia puer es.* Attamen ex verbis David prætaetis saltem concepit quamdam fiduciam. *Et induit Saul ipsum David vestimentis*, hoc est armis suis, *et imposuit galeam æream super caput ejus*, etc. *Accinctus ergo David gladio ejus super vestem suam, cepit tentare, si posset armatus incedere. Non enim habebat consuetudinem.* Ex hoc inferunt qui-

dam, quod David jam fuit vir, ac virilis A staturæ. Alioqui Saul non induisset eum arma sua, præsertim quum Saul fuerit magnæ staturæ. Alii dicunt, quod ista fuerunt arma Saul, non quia corpori suo serviebant : sic enim non convenissent ipsi David, eo quod Saul ab humero omnibus 1 Reg. x. 23. emeretur ; sed quia erant accepta de armamentario regis. *Dixitque David ad Saul : Non possum sic incedere.* Ex hoc videtur, quod erant propria arma Saul. Propter quod David dixit sibi non competere ea, quia et valde gravabant eum. Isidorus et Richardus affirmant, quod David præ ætate et parva statura non poterat portare arma Saul. Ex quo apparet, quod erant propria arma Saulis. Aliam quoque tangit rationem, subdendo : *quia non consuetudinem habeo*, esse et ire in armis. *Et deposuit ea, et tulit baculum quem semper habebat in* * *manibus manu* *, hoc est virgam seu baculum suum pastoralem, quem omni tempore opportuno consuevit habere in manibus, dum gregem pascibat. Vel, Semper, quia illum habebat consuetudinarie in manu, et non C alium. *Et elegit sibi quinque limpidissimos lapides de torrente*, id est saxa clara, rotunda, et plana, non angulata, quoniam talia saxa rectius celeriusque moventur, dum projiciuntur ; et juxta ripam torrentis, vel in fundo siccato jacebant ; *et misit eos in peram pastoralem, quam habebat secum*, in qua victui necessaria deportavit, dum exivit cum grege ad pascua, *et fundam manu tulit, et processit adversum Philistæum.*

Ibat autem Philistæus, incedens et appropinquans adversum David, et armiger ejus ante eum. Quumque insperisset eum Philistæus, et vidisset David, despexit eum. Erat autem adolescens rufus et pulcher adspectu. Et dixit Philistæus ad David : Numquid ego canis sum, quod tu venis ad me cum baculo ? quasi dicat : Stultissime agis, quod inermis contra me, quasi contra canem venis cum baculo, non cum ense, quum ego non sim canis, sed fortissimus expertissimusque pugnator. *Et maledixit*

Philistæus David in diis suis, hoc est, per invocationem et virtutem deorum suorum imprecabatur ipsi David mala poenalia. *Dixitque ad David : Veni ad me, et dabo carnes tuas volatilibus cæli et bestiis terræ. Dixit autem David ad Philistæum : Tu venis ad me cum gladio et hasta et clypeo ; ego autem venio ad te in nomine Domini exercituum, Dei agminum Israel, quibus exprobrasti hodie. Et dabit te Dominus in manu mea, et percutiam te, et auferam caput tuum a te. Et dabo cadavera castrorum Philistæum hodie volatilibus cæli et bestiis terræ, ut sciat omnis terra, quia est Dominus Deus in Israel ; et noverit universa ecclesia hæc, quia non in gladio, nec in hasta salvat Dominus. Ipsius enim est bellum, et tradet vos in manus nostras.*

Quumque surrexisset Philistæus, et veniret et appropinquaret contra David, festinavit David, et occurrit ad pugnam ex adverso Philistæi. *Et misit David manum suam in peram, tulitque unum lapidem, et funda jecit, et circumducens, percussit eum in fronte. Et infixus est lapis in fronte ejus, et cecidit in faciem suam super terram.* Ex hoc apparet, quod uno jactu David occidit Goliath. Magister tamen in historiis dicit, quod in eodem vulnere percussit Philistæum secundo lapide, deinde et tertio, ita quod tertio jactu et saxo illum dejecit. Unde et glossa quædam super Matthæum disseruit, quod sicut David vicit Goliath tribus lapidibus, sic Christus diabolum tribus tentationibus. Præterea quæritur, qualiter potuit David Goliath capite armatum, in fronte contingere. Ad quod quidam Judæi respondent, quod ferrum galeæ cessit lapidi miraculose. Alii dicunt, quod galea circa frontem fuit discooperta. Hinc in Scholastica fertur historia : Fabulantur quidam Judæi, quod ferrum galeæ et loriceæ obsequium præstitit Deo, locum dans lapidi, ut intraret ad hominem occidendum. Propter quod circumcisio deinceps facta est cultello ferreo, quæ prius fiebat petrino. Hæc ibi. *Prævaluitque Da-*

vidit adversum Philistæum in funda et lapide, percussitque Philistæum interfecit. Quumque gladium non haberet in manu David, ecurrit et stetit super Philistæum, et tulit gladium ejus, et eduxit eum de vagina sua, et interfecit eum Goliath gladio suo, quem de vagina extraxit, præcuditque caput ejus.

Videntes autem Philistæi quod mortuus esset fortissimus eorum, fugerunt. Et surgentes viri Israel et Juda, vociferati sunt, et persecuti sunt Philistæos usque dum venirent in vallem, et usque ad portas Accaron. Cecideruntque vulnerati de Philistiim in via Saraim, et usque ad Geth, et usque ad Accaron. Et revertentes filii Israel, postquam persecuti fuerant Philistæos, invaserunt castra eorum, id est, bona eorum quæ reliquerunt in tentoriis, diripuerunt. Assumens autem David caput Philistæi, attulit illud in Jerusalem, non hac vice, sed postea diu quando Jebusæos in arce Jerusalem habitantes voluit perterrere, ut dicitur. Unde ad incutiendum eis timorem, monstravit eis caput gigantis, quem divina prostravit virtute. Nam illi in fortalitii sui firmitate gloriabantur. Arma vero ejus posuit in tabernaculo suo. In Hebræo, ut dicitur, non habetur, Suo; sed simpliciter, In tabernaculo: ideo exponitur de tabernaculo Domini, in quo, in signum divinæ victoriæ, posuit arma illa. Unde et postea accepit ab Achimelech pontifice ensem Goliath. Vel forsitan ad tempus posuit ea in domo sua, deinde in tabernaculo.

Eo autem tempore quo vidit Saul egredientem David contra Philistæum, ait ad Abner principem militiæ suæ: De qua stirpe descendit hic adolescens? Dixitque Abner: Vivit anima tua, rex, si novi, id est, quam verum est, quod tu, domine rex, vivis, tam verum est, quod istud ignoro. Et ait rex: Interroga tu, cujus filius sit iste puer. Quumque regressus esset David, percussit Philistæo, tulit eum Abner, et introduxit coram Saule, caput Philistæi in manu habentem. Et ait ad eum Saul: De

qua progenie es tu, o adolescens? Dixitque David: Filius servi tui Isai Bethlehemitæ ego sum. Hoc Saul toties tamque sollicite interrogavit non solum ex admiratione tam strenui facti, sed specialiter, quoniam filiam suam promisit dare victori Goliath; et quum esset valde superbus, anxius erat, ne cogeretur eam dare uxorem ignobili; sed cognito quod David esset de nobilissima tribu Juda, et filius Isai viri famosi ac nobilis, fuit gavisus atque contentus. Præterea mirum apparet, quod nec Saul nec Abner cognovit ipsum David, quum tamen non diu ante multis diebus fuerit in regis palatio, imo in regis adspectu. Ad quod quantum ad Saul, datur responsio, quod ex frequenti sua exagitatione a spiritu malo, factus fuit modicæ debilisque memoriæ, et vis ejus imaginativa fuit non parum impedita a sua cognitione. Atque ut Glossa tangit ex verbis Augustini, interim quod David a Saul recesserat, creverat sua barba, quam nec Judæi tunc abradebant: ideo cito immutavit dispositionem apparatusque vultus. Insuper Saul et Abner fuerant quotidie in multis et arduis occupati, propter quod particularis personæ poterant faciliter oblivisci: imo de Abner probabile est, quod propter bella undique imminetia, raro fuerit domi, et ita raro aut nunquam viderat ipsum David in regis palatio.

Postremo, quia in isto capitulo facta est mentio de David et Goliath duello, oritur quæstio, an duellum sit licitum: et videtur quod imo, auctoritate Scripturæ istius et sancti David exemplo. Præterea sancti principes, ut Carolus Magnus, et sanctus Ludovicus, duella sustinuisse et approbasse videntur. Amicus quoque optimus miles, pro Amelio suo carissimo assumpsit duellum. In oppositum est doctrina Ecclesiæ, et jura quamplura.

Et respondendum, quod secundum Ostiensem, Gaufredum, Durandum ac alios, duellum propriè est bellum duorum contra se invicem pro veritatis ostensione assumptum, ita ut qui vicerit, justus appa-

reat; qui vietus fuerit, reus putetur: et istud duellum, dicitur omnino esse illicitum etiam inter vulgares. Nam quamvis David cum Goliath duellum inierit, non tamen est hoc sumendum pro lege: quia ut Hieronymus ait, privilegia paucorum communem legem non faciunt. David quoque ex dispensatione et revelatione divina hoc fecisse credendus est. Ideo vero illicitum est, quia est contra illud præceptum, Non tentabis Dominum Deum tuum. Verumtamen alii quidam distinguunt, quia aut offert quis duellum, aut suscipit. Et si offert aut suscipit, aut suscipit illud sponte, aut iudicis auctoritate et injunctione. Itaque dicunt eos peccare mortaliter, qui offerunt aut suscipiunt duellum spontanee; eos vero excusari a culpa, qui suscipiunt illud iudice sententiente, quum aliter nequeant periculum corporis sui aut rerum suarum damna evadere. Tertia demum est opinio dicentium, quod omnes isti peccant mortaliter, quamvis non æque enormiter, quoniam culpa ejus qui invite suscipit illud iudice judicante, extenuatur pro magna parte; deinde plus peccat, qui sponte suscipit illud; maxime vero, qui præbet. Similiter peccant mortaliter iudices illud fieri judicantes, et assessores qui ad hoc consilium, auxilium aut favorem impendunt. Secundæ autem opinioni præactæ magis consentit Guillelmus, dicens eam rationabilem esse, præsertim dum innocens accusatur ad mortem: qui si duellum sibi oblatum recuset, statim suspendetur. Nam durum videtur tenere, quod talis potius teneatur permittere se suspendi, quam se defendere in duello. Nec talis videtur Deum tentare, quum propter necessitatem vitæ id faciat. Etenim dum humanum deest subsidium, potest homo confugere ad divinum.

Insuper advertendum, quod duellum quandoque communius sumitur, utpote pro singulari bello unius cum alio, sine divini præstolatione auxilii, sed ut per fortitudinem, artem aut fortunam terminetur inter aliquos controversia civilis aut criminalis. Et de hoc duello iterum aliqui dicunt, quod

A in nullo casu sit licitum, nec ex parte præbentis, nec ex parte judicantis, neque ex parte suscipientis: quia intentio taliter duellantium, est interficere adversarium suum, quod nulli privatæ personæ est licitum. Ad quod videtur valere illud Augustini in libro de Libero arbitrio: Quomodo arbitrandum est, hos carere libidine, qui pro rebus his gladiantur, quas amittere possunt inviti? Verum ista positio aliis nimis dura videtur. Ideo dicunt, quod si appellato de duello, negetur alia probatio ac appellatio, possit se licite defendere duellando, tam in causa criminali pro sua vita tuenda, præsertim si innocens sit, quam in causa civili pro suis rebus: quoniam sicut licet alicui pugnare pro corporis sui defensione, ita pro rerum suarum conservatione.

Ad instantiam vero præhabitam dicunt, quod in tali duello directe intenditur propriæ vitæ seu rei suæ defensio, per accidens autem, adversarii interfectio; et de iudicis auctoritate id facit, qui ad duellum est appellatus. Asserunt tamen isti, quod appellans ad duellum, et iudex auctoritatem aut licentiam ad hoc præstans, semper mortaliter peccant. Ad præactam quoque Augustini auctoritatem respondent, quod loquitur inquisitive, non determinative. Sed quoniam juxta præinducta, aliqui principes justi leguntur admisisse aut concessisse duella, aliqui opinantur, quod duella in aliquo casu a iudice possunt sine peccato permitti, sicut dum nobiles superiorem habentes, inter se movent guerram, et terras suas ac subditos mutuo vastant igne et ferro, unusque illorum alium coram superiore provocet ad duellum, et alius mox suscipiat illud, superior quoque probabiliter æstimet, quod præfata subditorum et innocentium vastatio, per duellum valeat terminari, non videtur peccare tale duellum permittendo: quia habenti curam communitatis, licitum est interdum permittere mala minora, ut vitentur majora.

Hanc opinionem refert et sequitur Lyra, et addit: Huic dicto videtur concordare

Thomas in sua Summa, dicendo, quod quando in duello non expectatur aliquis miraculosus eventus, ut in proposito, tale duellum propinquat ad communem sortium rationem, quibus in aliquibus casibus uti est licitum. Hæc Lyra. Quocirca dubitatio aliquantula oritur, cur more solito non alleget magis determinate, ubi Thomas hoc dicat. An quia non occurrebat memoriæ, vel forsan ex alia causa? Itaque advertendum, quod Thomas in secunda secundæ, quæstione 95, sic scribit: Judicium ferri candentis seu aquæ ferventis, propter percipiendam alicujus occulti notitiam, est illicitum. Primo, quoniam ordinatur ad manifestandum secreta quæ divino judicio reservantur. Secundo, quia non est divina auctoritate sancitum. Hinc in decreto Stephani Papæ prohibetur, ac superstitiosum vocatur. Et est partim simile de duello, præsertim si pugiles sint multum dissimiles virtute corporali aut arte. Alias minus

illicitum esset, eo quod non expectetur ibi miraculosus effectus, sed magis pertineat ad communem rationem sortium. Hæc Thomas. In ejus verbis non habetur, quod in præhabito casu duellum licite permittatur a iudice, sed quod in casu prætaeto sit minus illicitum. Ex quo sequi videtur, quod secundum eum etiam in tali casu illicitum sit.

Hæc tamen recitative scripsi, non declinando assertive ad unam positionem istarum potius, quam ad aliam. Verumtamen quantum ad propositum pertinet de duello sancti David, videtur quod sponte inire duellum contra adversarium fidei, pro fidei defensione, et ad removendum nominis divini blasphemiam, aut contra tyrannum et publicum hostem totius communitatis, pro defensione boni communis, sit licitum atque laudabile: et ita operatus est David. Sic quoque fecisse legitur Heraclius imperator.

ARTICULUS XXXIII

DE MYSTICIS SENSIBUS EJUSDEM CAPITULI SEPTIMIDECIMI.

CONGREGANTES *Philistiim agmina* *sua*, etc. Quemadmodum Philistiim non cessaverunt sua agmina contra Israelitas colligere, et fines ipsorum intrare, sic invisibiles hostes, perversi quoque et perfidi homines, indesinenter impugnant vere Christifideles et justos, et contra eos se congregant, armantes se multitudine, non virtute et ratione. Est quippe et in dæmonibus quædam prælatio, et superiores dirigunt suos satellites ad varia maleficia peragenda. Porro *Saul et filii Israel congregati venerunt in vallem Terebinthi*. Per vallem designatur humilitas; per terebinthum, quæ est arbor de qua fluit resina multum medicinalis, figuratur crux Christi, qui suæ merito passionis et per san-

guinem crucis suæ, omnium curat vulnera vitiorum. Fideles ergo et veri Israelitæ, in valle se collocant Terebinthi, hoc est in humili recordatione dominicæ passionis, ejus ope et merito triumphare confidunt et vincere omnes æmulos suæ salutis. *Et Philistiim stabant super montem ex parte hac*. Impii etenim stant in monte elationis, quæ est ex parte diaboli, de quo Zacharias inducit: Quis tu, mons magne, coram Zorobabel in planum? Hi stant in monte vanitatis, qui confidunt in viribus suis, et de sua potestate præsumunt. *Et Israel stabat super montem ex parte altera*. Electi enim et virtuosus se figunt in Christo, in sapientia salutaris, in altitudine caritatis, in sublimitate virtutum, in apice fidei chri-

Zach. iv, 7.

stianæ, in doctrina et unitate militantis Ecclesie. Unde Isaias et Michæas prænu-
Is. II, 2;
Mich. IV, 1.
 runt: Erit in novissimis diebus præparatus mons domus Domini in vertice montium. *Vallisque erat inter eos.* hoc est humilitas, quæ inter electos et reprobos dividit. *Et egressus est vir spurius de castris Philistinorum.* Per Goliath capitaneum blasphemorum ac pugilem hostium plebis Dei, qui ad singulare certamen evocavit quemcumque de Israel, intelligitur princeps tenebrarum, seu quilibet hæresiarcha, aut rex perfidorum impugnantium Ecclesiam Dei: B qui omnes a Christo, unico et invictissimo pugile Patris æterni, vincuntur.

David autem erat minimus. Sic Dominus ac Salvator, vere humillimus fuit inter
Luc. XXII, 27.
 suos discipulos, quibus locutus est: Ego in medio vestrum sum, sicut qui ministrat. *Dixit autem Isai ad David filium suum: Accipe fratribus tuis ephi polentæ.* Quemadmodum Isai misit filium suum David ad visitandum tres fratres suos in prælio constitutos, sic Pater æternus Unigenitum suum misit in sæculi hujus campum, ad visitandum genus humanum, cujus assumpsit naturam, quod bellis periculosissimis laboravit; misitque hominibus per Christum ephi polentæ, scilicet mensuram trium modiorum, hoc est superbeatissimæ Trinitatis fidem et cultum, *et decem panes,* puta Decalogum. Nam fide adorandæ Trinitatis et observantiis præceptorum optime reficiuntur fideles. *Et decem formellas casei deferet ad tribunum.* Per tribunum significantur prælati; per decem recentes parvosque caseos, spiritualia oblectamenta, D quæ in observatione Decalogi sentiuntur a viris perfectis, quales esse oportet prælatos, qui Decalogum tanto sublimius debent implere, quanto in altiori sunt gradu et ordine. Rursus, per tres fratres David, tres status fidelium exprimuntur, puta incipientium, proficientium, et perfectorum, quibus Deus per Christum proportionata misit cibaria: quoniam incipientibus misit polenta seu pultem, hoc est facilem simplicemque doctrinam; proficientibus

panes, id est solidum cibum; perfectis formellas casei, hoc est evangelicorum consiliorum adimpletionem. Quemadmodum enim cascus additur pani, et gustum facit utriusque suavem; sic consilia superadduntur præceptis, et amborum executionem contemperant.

Præterea, sicut Saul promisit vincenti Goliath dare in conjugem propriam filiam, sic Christo victori diaboli desponsata est universalis Ecclesia, quæ est filia Regis æterni, imo et quælibet anima virtuosa. Et sicut ipsi David volenti configere contra Goliath, dure locutus est senior frater suus, sic Christo durissime loquebatur superior pars Judaici populi, utpote sacerdotes, Scribæ, Pharisei: quod Christus patientissime tulit. Rursus, sicut David leonem vicit et ursum, sic Filius Dei spiritum superbiæ, qui tanquam leo rugiens circumit, quærens quem devoret; spiritum quoque carnalitat, qui per ursum exprimitur. *Petr. V, 8.*

Et induit Saul David vestimentis suis. Nam populus Judæorum voluit Christum sibi assimilare in vita et observantiis litteræ: sed sicut David abiecit arma Saul, sic Dominus Jesus omnem mundi ornatum, divitias et honores, corpoream armaturam, sæcularem potentiam, multitudinem famulorum; sicque expeditus ab omnibus illis *tulit baculum quem semper habebat in manibus,* id est potestatem suam regalem et auctoritatem pontificalem, salvativam ac judicariam potestatem, qua prostravit diabolum. *Elegit quoque sibi quinque limpidissimos lapides de torrente,* id est pulcherrima ac solidissima documenta ex quinque Moysis libris, et ex abundantia sapientiæ legalis, quæ *misit in peram suam pastorem,* id est in cor sive in os suum, *et funda jecit,* id est, per suam prædicationem documentum fidei sparsit, et præceptum perfectæ caritatis effudit, per quod diabolum superavit, quem etiam vicit, quando dixit ad Patrem: Si non potest hic calix transire nisi bibam illum, fiat voluntas tua. Iterum, quinque limpidissimi lapides ex torrente electi, possunt intelligi quin-

Math. XXVI, 42.

Luc. xxiii,
31.

que sapientissima verba Christi, ex fonte suæ sapientiæ sumpta, quæ protulit pendens in cruce, quorum primo vulneravit in fronte diabolum, dicens : Pater, ignosce illis, quia nesciunt quid faciunt.

Postremo, sicut David occidit Philistæum ense illius, sic Christus condemnavit diabolum propter propriam illius crudelitatem et impietatem. *Arma* quoque diaboli

posuit in tabernaculo suo, quoniam manifestavit Ecclesiæ, qualiter et per quæ machinamenta diabolus Christum tentavit, et fideles impugnet : quod per Evangelistas descripsit. Juxta prætaeta autem, debemus et nos contra diabolum omni virtute armari, et fortiter præliari, innitendo solius Dei auxilio et animo indefesso virtuosis actibus insistendo.

ARTICULUS XXXIV

EXPOSITIO CAPITULI OCTAVIDECIMI : ET FACTUM EST QUUM COMPLESSET LOQUI AD SAUL.

* conglutina-
ta

GESTA sancti David hic plenius recitantur, et qualiter prosperitatibus ejus adversitates mox admisceri cœperunt; specialiter, cur et qualiter odium regis incurrit, et multa sustinuit ab eodem. *Et factum est quum complisset David loqui ad Saul* verba in præcedenti capitulo scripta, *anima Jonathas colligata * est animæ David* ferventissimæ et indissolubilis vinculo dilectionis, *et dilexit eum Jonathas quasi animam suam*. Per hoc quod dicitur, Anima Jonathæ colligata est animæ David; et rursus, *Dilexit eum quasi animam suam*: insinuatur, quod ista dilectio fuit sincera et spiritualis: nihilo minus fuit socialis, sed ad caritatem sanctam referebatur. *Tulitque eum Saul in die illa*, id est, Saul accepit ipsum David secum tanquam strenuissimum militem, ut secum maneret de cetero; *et non concessit ei ut reverteretur in domum patris sui*. Istud duravit ad tempus, quousque concepit contra David rancorem.

Inierunt autem David et Jonathas fœdus, id est inviolabilis amicitiae pactum, adstringendo se invicem primo per verba ad perpetuam, socialem et familiarem dilectionem, et forsan juramento aut promissione firmaverunt hoc pactum. Jonathas quoque in signum tantæ dilectionis

Begit quod subditur: *Diligebat enim eum quasi animam suam*. Nam *exspoliavit se Jonathas tunica qua erat indutus*, forsan superius, *et dedit eam David, et reliqua vestimenta sua usque ad gladium et arcum suum, et usque ad balteum*. Per hoc quod in fine hujus clausulæ fertur, *Et usque ad balteum*, datur intelligi, quod istud quod narratur de gladio et arcu ac balteo, intelligendum sit inclusive. Itaque dedit Jonathas Davidi vestimenta sua et arma, innuens quod reputaret eum quasi se ipsum. Amicus etenim, præsertim tam carus, est alter ipse. Et item ad insinuandum, quod David dignus esset amietu armaturaque filii regis. Et rursus hæc fecit, quia amicis omnia solent esse communia. Item, quia jam habiturus fuit suam sororem in conjugem. Præterea, amor fundatur in quadam similitudine: nam omne animal diligit simile sibi; amicitia vero in quadam communione. Itaque Jonathas vir inclytus atque magnanimis, et laudabiliter bellicosus ac fortis et juvenis pulcher, et præelare complexionis ac optimæ indolis, et naturaliter affectuosus, videns ipsum David in cunctis sibi tam convenientem et similem, concepit repente ad eum tam maximam amicitiam et amorem, quæ præcipue fundabatur in bono honesto. Talis quoque

Eccli. xiii,
19.

dilectio singulariter fulsit et arsit in viris A evangelicæ legis, Amelio et Amico, quorum præclarissimi actus habentur.

Egredebatur quoque David ad omnia, scilicet ad quæcumque misisset eum Saul, et prudenter se agebat, id est, se ipsum ad omnia illa cum circumspectione et discretionem movebat. *Posuitque eum Saul super viros belli*, id est, bellatoribus præcipuis eum præfecit : tamen sub Abner, et quibusdam, non omnibus ; *et acceptus erat in oculis universi populi Israel, maximeque in conspectu famulorum Saul*, id est specialium et domesticorum satellitum, bellatorumque Saul. Erat enim David in naturalibus eminenter bene dispositus et valde amabilis atque affabilis, strenuus quoque et victoriosus, ac fideliter quærens bonum commune, et laboriose desudans pro illo. Tales autem rei publicæ tam utiles, valde amantur communiter.

Porro quum reverteretur David percussio Philistæo, et ferret caput ejus in Jerusalem. Istud (ut tactum est) non fuit statim post occisionem Goliath, sed postea diu. Siquidem sicut jam patuit, post occisionem Goliath David fuit pacifice multis diebus in domo Saulis. *Egressæ sunt mulieres de universis urbibus Israel*, id est, de principalibus urbibus regni exierunt feminae quædam in musicis trita, cantantes, chorosque ducentes in occursum Saul regis in tympanis lætitiæ : quia suo sono pariebant audientibus jucunditatem, et ipsæ feminae ex lætitia luserunt in eis ; *et in sistris*. Sistrum dicitur genus tubæ, seu aliud instrumentum, quod percussum, gignit sonum ut tympanum vel cymbalum. *Et præcinebant mulieres, ludentes atque dicentes*, nam simul ore cantabant, et manu in instrumentis illis ludebant : *Percussit Saul mille, et David decem millia*. In Scholastica historia recitatur, quod mulieres præcinebant, Percussit Saul mille ; et virgines respondebant, Et David decem millia. Veruntamen textus magis videtur innuere, quod totum istud præcinebant feminae illæ : quo facto, virgines totum re-

petierunt, ut fieri solet in cantilenis, quæ de bellorum exitibus ac triumphis solent componi. Præterea dicitur David decem millia percussisse, vel quia principalior causa fuit occisionis Philistinorum quam Saul : siquidem Goliath vincendo, fuit causa quod universi Philistæi fugerunt ; vel, quoniam ipsum trucidavit Goliath, qui pro decem millibus reputabatur propter fortitudinem suam, secundum quod infra secundo libro habetur de David : Tu unus pro decem millibus computaris.

B *Iratus est autem Saul nimis*, id est indignatus, eo quod servus suus excellentius landabatur quam ipse, *et displicuit in oculis ejus interioribus iste sermo*, id est, intellectui suo displicens fuit cantus ille, *dixitque : Dederunt David decem millia*, hoc est, dejectionem decem millium Philistinorum adscripserunt ipsi David, *et mihi mille dederunt. Quid ei superest, nisi solum regnum ?* id est, hoc sibi præcipue videtur restare, ut promoveatur in regem. Itaque Saul ambitiosus timuit regno privari ; sciensque sibi per Samuelem prædictum, quod Dominus alium ipso meliorem C elegisset in regem, protinus cœpit suspicari, quod David is esset. Hinc concepit contra eum invidiam, quæ est dolor de prosperitate alterius, in quantum illa concipitur, ut minorativa seu impeditiva proprii præconii seu honoris : et quanto is cui quis invidet plus prosperatur, et ceteris melius placet, tanto miser invidus magis intra se cruciatur. Sicque contigit misero huic Saul, ut infra in textu docetur. *Non rectis ergo oculis Saul adspiciebat David a die illa, et deinceps*. Hoc quidam de corporalibus intelligunt oculis, quoniam invidi eos quos odio habent, solent ex obliquo respicere, quum graves eis sint ad videndum. Potest quoque de interioribus accipi oculis, qui in Saule erant infecti invidia : ideo perverse judicavit de David, nec recto, sed erroneo cordis intuitu ipsum consideravit.

Post diem autem alteram, invasit spiritus Dei malus, puta diabolus a bono Deo

II Reg. xviii, 3.

I Reg. xv, 28.

creatus, sed voluntarie impius, *Saul*, et *A* *ipsam tibi dabo uxorem; tantummodo esto vir fortis, et praeliare bella Domini*, id est, hoc tantum requiro a te, ut strenue praelieris, quatenus scilicet desiderio primogenitæ filiae meæ exponas te periculis praeliorum incaute, et cadas. *Saul autem reputabat dicens: Non sit manus mea in eo, sed sit super eum manus Philistinorum.* *Ait autem David ad Saul*, non tantum conjugium recusando, sed comparatione regalis fastigii se urbane humiliando: *Quis ego sum? aut quæ est vita mea, aut cognatio patris mei in Israel, ut fiam gener regis?* quasi dicat, Nec ratione personæ meæ, nec ratione vitæ, nec ex parte cognationis dignus sum tanto connubio: quod aliquo modo potuit verificari, secundum quod locutiones ex humilitate prolatae, solent secundum aliquam considerationem veræ censi. Absolute tamen loquendo, David erat dignissimus matrimonio illo, et suo contra Goliath triumpho promeruit illud. *Factum est autem tempus quum deberet dari Merob filia Saul David, data est Hadrieli Molathitæ uxor*: sicque in hoc violavit Saul, quod ipsi David promissit. Causa tamen hujus mutationis non exprimitur in hoc loco.

1 Reg. xvii, 15. *Et timuit Saul ipsum David*, id est, regnum timuit esse transferendum a se ad David ac posteros ejus, eo quod Dominus esset cum eo per gratiam copiosam ac multiformem, et a se recessisset. Amovit ergo Saul eum a se, id est a sua præsentia, quia ex odio eum invite vidit, non tamen a suo palatio, et fecit eum tribunum super mille viros, id est chiliarchum seu millenarium: quod fecit perversa intentione, ut scilicet David eum illis contra Philistæos congregiundo, occideretur. *Et egrediebatur, et intrabat in conspectu populi. In omnibus quoque viis suis David prudenter se agebat, et Dominus erat cum eo. Vidit itaque Saul quod prudens esset nimis, et cepit cavere eum. Omnis autem Israel et Juda diligebat David. Ipse enim ingrediebatur et egrediebatur ante eos.*

Dixitque Saul ad David: Ecce filia mea major, id est senior, nomine Merob,

ipsam tibi dabo uxorem; tantummodo esto vir fortis, et praeliare bella Domini, id est, hoc tantum requiro a te, ut strenue praelieris, quatenus scilicet desiderio primogenitæ filiae meæ exponas te periculis praeliorum incaute, et cadas. *Saul autem reputabat dicens: Non sit manus mea in eo, sed sit super eum manus Philistinorum.* *Ait autem David ad Saul*, non tantum conjugium recusando, sed comparatione regalis fastigii se urbane humiliando: *Quis ego sum? aut quæ est vita mea, aut cognatio patris mei in Israel, ut fiam gener regis?* quasi dicat, Nec ratione personæ meæ, nec ratione vitæ, nec ex parte cognationis dignus sum tanto connubio: quod aliquo modo potuit verificari, secundum quod locutiones ex humilitate prolatae, solent secundum aliquam considerationem veræ censi. Absolute tamen loquendo, David erat dignissimus matrimonio illo, et suo contra Goliath triumpho promeruit illud. *Factum est autem tempus quum deberet dari Merob filia Saul David, data est Hadrieli Molathitæ uxor*: sicque in hoc violavit Saul, quod ipsi David promissit. Causa tamen hujus mutationis non exprimitur in hoc loco.

Dilexit autem David Michol filiam Saul alteram. Et nuntiatum est Saul, et placuit ei. Dixitque Saul: Dabo eam illi, ut fiat ei in scandalum, et sit super eum manus Philistinorum, id est occasio ruinæ et mortis. *Dixitque Saul ad David: In duabus rebus gener meus eris hodie. In Hebræo, ut dicitur, non habetur, In duabus rebus, sed, In duabus gener: ut sit sensus, In ambabus filiabus meis eris nunc gener meus, quia primogenitam habuisti, quantum ad sponsalia, et nunc aliam habebis sponsam et conjugem. Vel, In duabus rebus, id est pro interfectione Goliath, et pro præputiis Philistinorum, quæ requiram a te, obtinebis in conjugium filiam meam. Verumtamen Hieronymus dicit, duas res fuisse centum præputia Philistinorum, quæ David prius dederat Sauli pro filia ejus Merob, atque ducenta præputia, quæ dedit*

pro Michol. *Et mandavit*, id est præcepit, *A Saul servis suis : Loquimini ad David clam me*, id est me quasi nesciente, *dicentes : Ecce places regi, et omnes servi ejus diligunt te. Nunc ergo esto gener regis*, quatenus eis hoc dicentibus, rege non audiente, David plus crederet, quod dicerent hoc sincere, non adulatorie. *Et locuti sunt servi Saul in auribus David omnia verba hæc. Et ait David : Num parum vobis videtur, esse generum regis? quasi dicat, Magnum est. Ego autem sum pauper vir et tenuis : pauper in substantia, tenuis* B *in potestate. Ac si dicat : Facultatibus et potentia impar sum, et vix habeo dona quæ in tali conjugio sponsus solet dare sponsæ et propinquis ipsius. Et renuntiaverunt servi Saul, dicentes : Hujusmodi verba locutus est David.*

Dixit autem Saul : Sic loquimini ad David : Non habet rex necesse sponsalia, nisi tantum centum præputia Philistinorum, ut fiat ultio de inimicis regis, id est, alia munera a David non exigo, nisi ut centum Philistæis abscidat eorum præ- C *putia, et mihi præsentet ac numeret ea. Triplici causa petiit Saul istud. Primo, quia præcipue odiebat Philistæos, tanquam si-*

bi molestiores. Secundo, quoniam Philistæi maxime horruerunt et contempserunt circumcisionem, ideo pro majore eorum afflictione et confusione voluit eos sic circumcidi. Tertio, ut certus esset quod percussisset Philistæos, non Israelitas, quibus jam abscisa erant præputia. Porro Saul cogitabat David tradere in manus Philistinorum. Quicumque renuntiassent servi ejus David verba quæ dixerat Saul, placuit sermo in oculis David, ut fieret gener regis. Et post paucos dies surgens David abiit in Accaron cum viris qui sub ipso erant; et percussit David cum viris suis ex Philistiim ducentos, et attulit præputia eorum, et annumeravit ea regi, ut esset gener ejus. Dedit itaque ei Saul Michol filiam suam uxorem, tamen invite, ut Magister in historiis ait. Et vidit Saul et intellexit, quod Dominus esset cum David. Michol autem filia Saul, diligebat eum; et Saul magis cœpit timere David. Factusque est Saul inimicus David cunctis diebus, id est usque ad mortem suam. Et egressi sunt principes Philistinorum. A principio autem egressionis eorum, prudentius se gerebat David, quam omnes servi Saul, et celebre factum est nomen ejus nimis.

ARTICULUS XXXV

DE SPIRITUALITATE EJUSDEM CAPITULI OCTAVIDECIMI.

DAVID pene in omnibus est evidens D Christi figura. Saul vero typum gerit principum Judæorum, Scribarum et Phariseorum. Jonathas autem significat electissimos illos Judæos, qui Christo inter Israelitas corporaliter conversanti familiariter adhæserunt. Itaque *Factum est quum complessset David loqui ad Saul, anima Jonathæ colligata est animæ David* : id est, dum Christus sermocinatus fuisset superioribus ac senioribus Judæorum, Apostoli

et ceterique discipuli ac feminæ sanctæ, totis præcordiis cœperunt diligere Salvatorem, admirantes in verbis gratiæ quæ procedebant de ore ipsius. Nam loquebatur sicut potestatem habens, non sicut Scribæ et Pharisei, et ea quæ docuit, in primis opere excellentissime adimplevit. Testimonia quoque quæ prædicavit, credenda comprobavit per innumerabilia gloriosa miracula. Quemadmodum etiam Jonathas se ipsum totaliter exuit, vestesque suas et arma

Luc. iv, 22.

Matth. vii, 29; Marc. i, 22.

tradidit David, sic præfati discipuli omnia A
Matth. xix. 27. sua propter Dominum reliquerunt. Rursus,
 David se in cunctis prudenter agendo, et
 omnia sibi commissa strenue expediendo,
 Christum præfiguravit, qui loquitur Patri :
Joann. xvii. 4. Opus consummavi quod dedisti mihi ut
 facerem : qui se in cunctis sapientissime
 et irreprehensibiliter egisse protestans, di-
Ibid. viii. 46. xit Judæis : Quis ex vobis arguet me de
 peccato ?

Insuper, per mulieres quæ cecinerunt
 in choro, *Percussit Saul mille, et David de-*
cem millia, intelliguntur animæ devotæ ex B
 Judaismo conversæ, quæ dixerunt de Chri-
Luc. vii. 16. sto : Propheta magnus surrexit in nobis.
 Istæ professæ sunt, quod Christus decies
 plures convertit ad Dominum, et saluber-
 rime mortificavit atque correxit, quam
 sacerdotes, Scribæ et Pharisei. Hinc pon-
 tifices, seniores, Scribæ et Pharisei inex-
 stinguibile odium conceperunt in Christum.
 Et quanto Filius Dei in sapientia, eloquen-
 tia, sanctitate, fama, miraculis gloriosior
 et eis excellentior fuit, tanto invidiosius
 persecuti sunt eum, cupientes eum trans-
 fodere : quorum rabiem Christus interdum
Ibid. iv. 30; patientissime declinavit, seque abseondit,
Joann. x. 39. quousque hora suæ passionis desuper præ-
 stita *, fuit impleta. Iterum, sicut furente
 Saule, David psallebat ut illius mitigaret
 insaniam ; sic furentibus contra se præfa-
 tis Judæis, Salvator mundi sapientissimæ
 prædicationis cecinit melodiam, divino-
 rumque operum magnificentiam demon-
 stravit, ut vel sic converterentur ad fidei
 veritatem. Ipsi vero, tanquam phrenitici
 insanientes in medicum, ipsum transfigere D
 sunt conati. Præterea, sicut David in om-
 nibus prospere peragente, et omnibus com-
 placente, Saul timuit eum, dicens, *Quid ei*
superest, nisi regnum? sic Christo quotidie
 crescente in fama et ostensione sapientiæ
 ac virtutum, timuerunt principes Judæo-
Joann. xii. 19. rum, dicentes : Videtis quia nihil profici-
 mus. Ecce totus mundus abiit post eum.
Ibid. xi. 47, 48. Itemque : Quid facimus, quia hic homo
 multa signa facit ? Si dimittimus eum sic,
 omnes credent in eum. Quemadmodum

etiam Saul, quantum in se fuit, tradidit
 David in manus Philistinorum ; sic præfati
 Judæi Christum tradiderunt manibus paga-
 norum, Pilato et satellitibus ejus Romanis.

Matth. xxvii. 2, 27.

Moraliter in isto capitulo docemur ca-
 ritatem, prudentiam, obedientiam, patien-
 tiam, fortitudinem, fidelitatem, humilitatem
 et fructuositatem electi David, in quibus
 omnibus ipsum imitari debemus : quod ad
 præsidentes potissime pertinet, ut inter
 eos eorumque subditos, sit fervens invio-
 labilisque dilectio, et ipsi coram subditis
 B suis prudenter et exemplariter intrent et
 exeant, sintque in cunctis virtutibus fru-
 ctuosi. Præterea, sicut David promptissime
 obedivit Sauli, et nihilo minus tot ab illo
 toleravit adversa, nec tamen mala, sed bo-
 na rependit pro malis, et impio illi cessit
 humiliter ; ita et nos superioribus nostris
 fideliter obtemperemus. Quod si aliquando
 grave aliquid intulerint nobis corripiendo
 aut disciplinando, etiam absque nostris
 demeritis, totum hoc æquanimiter patia-
 mur, et illis humiliter deferamus ; atque

C in universis prudenter agamus nos, omnia
 ordinate ac decenter agentes, et per dis-
 cretionem dirigamus omne obsequium no-
 strum, et taliter conversemur, ut omnis
 Israel, id est omnes proximi et domestici
 nostri, nos diligant. Postremo, sicut David
 et Jonathas fœdus amicitiae inierunt, sic
 volenti in Christo proficere, expedit fide-
 lem, sincerum, virtuosum et familiarem
 amicum habere, quatenus se invicem ca-
 ritative corripiant, exhortentur, juvent et
 dirigant semper. Nempe, ut Ecclesiasticus
 D asserit : Amicus fidelis, protectio fortis.

Qui invenit illum, invenit thesaurum. Ami-
 co fideli nulla est comparatio ; et non est
 digna ponderatio auri et argenti, contra
 bonitatem fidei illius. Amicus fidelis, me-
 dicamentum vitæ et immortalitatis ; et qui
 metunt Dominum, inveniunt illum. Ad
 hanc amicitiam in bono honesto fundatam
 exigitur, ut unus in alio nequaquam dissi-
 mulet malum culpæ, nec aliquid contra-
 rium virtuti optet ab alio, nec propter
 alium agat quidquam iniquum. Ideo in Ec-

Ecclesi. vi. 14-16.

Sensus moralis.

I Cor. xiv. 40.

Eccli. vi, 1. ecclesiastico dicitur : Noli fieri pro amico, A ex præinductis, quod frequenter hi qui inimicus proximo. Si ergo videris amicum specialibus et eminentioribus gratiæ donis tuum cum alio quocumque contendere, non ornantur, plures habeant æmulos et persecutores : in quo patientes existere debent, cum adjuves contendendo, imo a contentione averte eundem. Innotescit demum nec extolli, nec alios aspernari.

ARTICULUS XXXVI

ELUCIDATIO CAPITULI NONIDECIMI : LOCUTUS EST AUTEM SAUL AD JONATHAN FILIUM SUUM.

VITIA interiora quibus non statim re- B sistitur, crescent paulatim, et tandem sic invalescunt et sæviunt, ut amplius intus latere non queant, sed per verba et facta iniqua erumpant forinsecus. Sic contigit Sauli, qui quum sanctum David per occulta machinamenta non potuisset occidere, cœpit eum persequi manifeste, nec odium suum in David, ab intimo David amico quivit abscondere. Sic peccata faciunt miserrimum hominem insanire, ut jam nec Deum nec homines erubescat aut vereatur. Hoc totum in isto monstratur capitulo.

Locutus est autem Saul ad Jonathan filium suum et ad omnes servos suos speciales domesticos, ut occiderent David. Putavit Saul, quod Jonathas magis eligeret David, quamvis amicissimum virum atque sororium, trucidare, quam se patrem suum offendere. Non enim consideravit bonitatem et æquitatem filii sui. Porro Jonathas filius Saul diligebat David valde. Et indicavit Jonathas David, dicens : *Querit pater meus occidere te per me et suos ministros. Quapropter observa te, quæso, ma-* D *ne, id est, diligenter custodi te, et manebis clam, id est, occulte, et absconderis, id est, abscondes te, ita ut nemo præter me sciat quo lateas. Ego autem egrediens cum patre meo de urbe in agrum, stabo juxta patrem meum in agro, in quo Saul egredi consuevit gratia spatiandi, vel ad consiliandum, ubicumque fuerit, id est in quocumque loco invenero patrem meum melius*

dispositum ad acquiescendum persuasionibus meis, videlicet tempore opportuno quum fuerit tranquillus et lætus; *et ego loquar de te ad patrem meum, et quodcumque videro patrem meum velle circa te, nuntiabo tibi in loco tuæ absconsionis, ad quem veniam ad te.*

Locutus est ergo Jonathas de David bona ad Saul patrem suum, dixitque ad eum : Ne pecces, rex, in servum tuum David, quia non peccavit tibi, et opera ejus bona sunt tibi valde; et posuit animam suam in manu sua, et percussit Philistæum, hoc est, grandi periculo exposuit vitam suam, incundo duellum contra Goliath. Et quamvis David ex revelatione præscivit se triumphaturum, tamen quantum ad exteriorem apparentiam, judiciumque humanum, fuit res plena periculo. *Et fecit Dominus salutem magnam universo Israeli. Vidisti, et lætatus es. Quare ergo peccas in sanguine innoxio, interficiens David qui est absque culpa? Quod quum audisset Saul, placatus voce, id est rationabili et pia persuasione, Jonathæ, juravit : Vivit Dominus, quia non occidetur ex meo præcepto. Vocavit itaque Jonathas David, et indicavit ei omnia verba hæc. Et introduxit Jonathas ipsum David ad Saul, et fuit ante eum sicut erat heri et nudius tertius.* Nudius tertius, componitur ex nunc et dies ac tertius : quasi, Nunc est tertius dies. Sed hic indeterminate accipitur pro tempore præterito.

Motum est autem rursus bellum inter Philistæos et Israelitas, et egressus David, pugnavit adversum Philistiim, percussitque eos David plaga magna, et fugerunt a facie ejus ceteri qui non erant percussi. Et factus est spiritus Domini malus in Saul. Sedebat autem in domo, et tenebat lanceam. Porro David psallebat manu sua. Nisusque est Saul configere David lancea in pariete: quia ex victoria quam vir sanctus obtinuit, motus fuit contra eum rancore, quum tamen pugnasset pro eo. Et declinavit David a facie Saul. Lancea autem casso vulnere perlata est in parietem: id est, Saul non tangendo David, impegit lanceam suam in parietem absque vulnere ipsius David; et David fugit in domum suam, et salvatus est nocte illa, id est, per fugam evasit mortem in nocte, in qua Michol per fenestram eum deposuit, sicut in textu, qui planus est, recitatur.

Misit ergo Saul satellites suos nocte in domum David, ut custodirent eum, et interficeretur mane. Quod quum annuntiasset David Michol uxor ejus, dicens: Nisi salvaveris te nocte hac, cras morieris; deposuit eum per fenestram. Porro ille abiit et aufugit, atque salvatus est. Tulit autem, id est accepit, Michol statuam, id est ligneum aut saxeum simulacrum hominis, et posuit eam super lectum, videlicet inter lintheamina, et pellem pilosam caprarum posuit ad caput ejus, id est supra caput statuæ, ad repræsentandum capillos David, sicut statua repræsentavit caput ipsius: sic et Rebecca pelliculas hædorum circumposuit manibus Jacob; et operuit eam vestimentis. Stravit etenim lectum quasi infirmantis, et (ut in historiis ait Magister) opertoriis supposuit jecur capræ adhuc calidum et spirans seu fumans, ad exprimendum similitudinem anhelantis. Misit autem Saul apparitores, id est ministros quorum officium fuit trucidare maleficos, qui raperent, id est comprehenderent, David. Primo quippe misit satellites ad obsidendum David in propria domo, quatenus

*Gen. XXVII,
16.*

A mane egredientem occiderent. Quumque non egrederetur, misit lictores qui caperent eum in domo sua. Et responsum est, quod ægrotaret. Rursumque misit Saul nuntios ut viderent David, dicens: Afferte eum ad me in lecto, ut occidatur. O quanta iniquitas et quanta crudelitas, sic afflicto et innocenti addere afflictionem! Quumque venissent nuntii, inventum est simulacrum super lectum, et pellis caprarum ad caput ejus. Dixitque Saul ad Michol: Quare sic illusisti mihi, et dimisisti inimicum meum ut fugeret? Et respondit Michol ad Saul: Quia ipse David locutus est mihi, dicens: Dimitte me, id est, per fenestram deponere me, alioqui interficiam te. Hoc dixit ad satisfaciendum patri suo, fuitque officiosum mendacium, quoniam ipsamet Michol virum suum intime amans, persuasit ei ut fugeret.

David autem fugiens, salvatus est. Et venit David ad Samuel in Ramatha urbem, et nuntiavit ei omnia quæ fecerat sibi Saul. Et abierunt ipse et Samuel, et morati sunt in Naioth, id est in colle sic dicto, qui fuit in Ramatha, in quo colle erant mansiones prophetarum. Nuntiatumque est Sauli a dicentibus: Ecce David est in Naioth in Ramatha. Misit ergo Saul lictores, id est carnifices, ut raperent David. Qui quum vidissent cuneum prophetarum vaticinantium, id est Deum laudantium seu prophetica cantica psallentium; et forsan quidam eorum spiritum prophetiæ habebant: et Samuelem stantem super eos, id est præsidem eis ac dirigentem, factus est etiam in illis Spiritus Domini. Spiritus Domini, est Spiritus Sanctus, qui non est creatus nec factus, sed a Patre et Filio immanenter æternaliterque procedens, coæternus, coequalis et consubstantialis utrique. Sed dicitur factus in homine, quando aliquid gratiose operatur in eo. Factus est ergo in istis Spiritus Dei, id est, Spiritus Dei per spirituales quamdam devotionem cœpit esse in eis absque sua, sed non sine illorum mutatione. Et prophetare ceperunt etiam ipsi, id est, Deum laudare, et

verba prophetarum depromere ceperunt. *Quod quum nuntiatum esset Sauli, misit et alios nuntios; prophetaverunt autem et ipsi. Et rursus misit Saul tertios nuntios, qui et ipsi prophetaverunt.*

Et iratus iracundia vitiosa Saul, tanquam obstinatus in pravitate, qui de gratiosis effectibus Spiritus Sancti, concessis suis ministris, non jam gratias egit, sed indignabatur, abiit etiam ipse in propria persona, ut male tractaret David, in Ramatha, et venit usque ad cisternam magnam, quae est in Socho, et interrogavit et dixit: In quo loco sunt Samuel et David? Dictumque est ei: Ecce in Naioth in Ramatha sunt. Et abiit in Naioth in Ramatha. Et factus est etiam super eum Spiritus Domini, et ambulabat ingrediens, et prophetabat usque dum veniret in Naioth.

Et velut amens effectus, exspoliavit se etiam ipse vestimentis suis, regalia et exteriora indumenta exuendo, et forsitan induendo superius aliquam lineam vestem religiosam, sicut tunc induti erant illi prophetae, cum quibus cecinit Deo. Et quia hic dicitur, Exspoliavit se etiam ipse, videtur quod et praefati nuntii se conformiter exuerunt. Et prophetavit cum ceteris coram Samuele, et cecinit laudes Deo tota die illa et nocte nudus, id est parum vestitus, seu solitis exterioribus vestibus carens: sicut in Evangelio legitur Petrus fuisse nudus piscando; et adolescens qui Christum comprehensum sequebatur, amictus erat sindone super nudo. Sic et Michol dixit ad David, quum ante arcam saltasset, exutus regias vestes et ephod indutus: Quam gloriosus fuit rex Israel hodie nudatus, quasi si nudetur unus de scurris! Unde et exivit proverbium: Num et Saul interpretas? quasi admirando dicant, Mirum est hominem talem sic assimilari prophetis. Istud quoque supra expositum fuit. Potest tamen hic accipi quasi irrisorie dictum: tanquam dicant, Ista devotio non diu durabit.

Circa hæc quaeritur, qualiter factus sit in istis Spiritus Dei, an scilicet habuerunt

veram devotionem quæ caritatem et virtutem patriæ præsupponit et exigit, quia ex illis procedit. An potius habuerunt quandam devotionem volatilem et informem, et sensibilem quemdam fervorem, quemadmodum multi in mortalibus vitiis existentes, compunguntur et plorant ad horam ex sermocinatione aut melodia ecclesiæ, seu devotorum inspectione, aut ex visis miraculis, qui tamen veram non habent contritionem, nec plenum emendationis propositum. Et talis devotio, est donum gratiæ gratis datae, qualem et Judæi sæpe habent, ac Sarraceni in ritibus suis. Qualis etiam forsitan fuit eorum compunctio, qui missi ad comprehendendum Christum, reversi ad Scribas et Phariseos, dixerunt: Nunquam sic locutus est homo, sicut hic loquitur. Et istud secundum videtur probabiliter posse teneri. Unde et Rabanus ait hic: Non est mirum, hominem reprobum transitorie prophetare. Et ut addit Isidorus, de talibus dicturus est Dominus: Amen dico vobis, Nescio vos. Nihilo minus magna misericordia Dei fuit, hujus qualiscumque devotionis collatio.

Juxta allegoriam, quemadmodum Jeremias, ita et David suis assiduis atque durissimis persecutionibus sibi a Saul illatis, Christum et ejus persecutiones sibi a Judæis inflictas, præsertim a principibus sacerdotum, præfiguravit. Et sicut David abscondit se, de consilio Jonathæ sibi dicentis, *Quærit pater meus occidere te*; sic Christus abscondens se, exivit de templo: cui et nonnulli dixerunt, *Vade hinc, quia Herodes quærit occidere te*. Porro obsessio David in domo sua a satellitibus Saul, quid aliud quam Christi in sepulcro collocati custoditionem præsignasse videtur? Et sicut David dimisso, positum est in ejus lectulo simulacrum; sic Christo egresso de monumento, collocata sunt in ejus monumento lintamina atque sudarium. At vero per nuntios missos ad David capiendum, qui mutato proposito prophetaverunt, significantur Scribæ et Pharisei, qui ex instigatione pontificum directi fuerunt ad

Joann. xxi, 7.

Marc. xiv, 51, 52.

II Reg. vi, 20.

I Reg. x, 12.

Joann. vii, 46.

Matth. xxv, 12.

Sensus spiritualis.

Joann. viii, 59.
Luc. xiii, 31.

Matth. xxvii, 66.

Joann. xx, 6, 7.

Christum affligendum, qui tamen zelum A vatore, et Spiritum Sanctum sortiti sunt, quibus ante passionem suam asseruit : *Joann. viii, 28.*
Rom. x, 2. quemdam Dei ac legis habuerunt, sed non secundum scientiam : imo quorum nonnulli postea vere conversi fuerunt ad Sal-

ARTICULUS XXXVII

EXPOSITIO CAPITULI VICESIMI : FUGIT AUTEM DAVID DE NAIOTH.

NUNC recitatur, qualiter David in tot B tribulationibus suis habuerit refugium ad fidelissimum suum amicum Jonathan. *Fugit autem David de Naioth, quæ est in Rama, id est Ramatha, ut præcedenti articulo dictum est, veniensque ad locum, in quo secrete reperit Jonathan, locutus est coram Jonatha : Quid feci? Itaque angustiam cordis sui querulose exposuit Jonathæ, ut dolor interior per verba evaporans, mitigaretur, atque ut consolationem consiliumque a Jonatha sortiretur. Quæ est iniquitas mea, et quod peccatum meum in patrem tuum, quia querit animam meam? Creditur autem, quod Jonathas ignoravit patrem suum voluisse occidere David, postquam juravit quod non occideretur, prout præcedenti fertur capitulo, ita quod Jonathas interim fuit absens. Ideo David reverso insinuavit, quid interim a Saul sustinuit. Qui, scilicet Jonathas, dixit ei : Absit a te. Non morieris, id est, pater meus non occidet te. Neque enim faciet pater meus grande quidquam vel parvum, nisi prius indicaverit mihi. Hoc fuit verbum bonæ fiduciæ. Hunc ergo celavit a me pater meus sermonem tantummodo? Neque enim* erit istud. Et juravit rursum David, id est, Jonathas iterum juravit ipsi David, quod non occideretur, dummodo posset ipsum defendere. Vel Deo inspirante intellexit David non esse occidendum a Saule, sed successurum ei in regno. Et ille, scilicet David, ait : Scit profecto pater tuus, quod invenit gratiam in oculis tuis, et dicet : Ne*

sciat hoc Jonathas, ne forte tristetur. Quinimo, vivit Dominus, et vivit anima tua, quia uno tantum (ut ita dicam) gradu, ego morsque dividimur, id est, morti sum proximus, tot circumdatus laqueis mortis, et vix lanceam patris tui evasi, satellitibus quoque et apparitoribus ejus fui vallatus. Loquitur autem de morte quasi de re positiva, quum tamen non sit nisi privatio vitæ : nisi per mortem intelligatur et prævia poena mortem inducens.

Et ait Jonathas ad David : Quodecumque dixerit mihi anima tua, faciam tibi. Dixit autem David ad Jonathan : Ecce calendæ sunt crastino, id est, cras erit initium mensis, et ego ex more sedere soleo juxta regem ad vescendum, tanquam gener ipsius, et in tali festivitate præcipue. Dimitte ergo me, ut abscondar in agro usque ad vesperam diei tertiæ, ut interim certificeris quid pater tuus prætendat de me. Si respiciens, id est absentiam meam considerans, requisierit me pater tuus, respondebis ei : Rogavit me David, ut iret celeriter in Bethlehem, quia victimæ solennes ibi sunt universis contribulibus suis. Si dixerit, Bene, pax erit servo tuo. Si autem fuerit iratus, scito quia completa est malitia ejus, id est, quod absolute et malitiose decreverit me trucidare. Elicitur ex his, quod Judæi festum Neomeniæ seu Calendarum celebraverunt tribus diebus : quod tamen non habuerunt ex lege, quæ non jussit illud nisi una die servari, sed ex patrum suorum traditione aut

1 Reg. xix, 18.

1 Reg. xviii, 11 ; xix, 10, 11, 14, 20.

Num. xxxviii, 11.

** nequaquam*

consuetudine, ut Glossa testatur. Querunt autem nonnulli, an David interim ivit in Bethlehem, et putant nonnulli quod imo. Porro, littera videtur insinuare quod non, quoniam David dixit : Dimitte me, ut abscondar in agro usque ad vesperam diei tertiae. Tamen de intellectu hujus verbi infra dicetur. *Fecit ergo misericordiam in servum tuum, quia fœdus Domini me famulum tuum inire tecum fecisti. Si autem est iniquitas aliqua in me, tu me interfice, et ad patrem tuum ne introducas me. Et ait Jonathan : Absit hoc a me*. Neque enim fieri potest, ut si certe cognovero completum esse patris mei malitiam contra te, non annuntiem tibi. Responditque David ad Jonathan : Quis renuntiabit mihi, si quid forte responderit tibi pater tuus dure de me? Et ait Jonathan ad David : Veni, et egrediamur foras in agrum.*

Quumque exissent ambo in agrum, ait Jonathan ad David : Domine Deus Israel, si investigavero sententiam patris mei crastino vel perendie, quid scilicet judicet de te, et aliquid boni fuerit super David, id est, pater meus prosperum quid promiserit mihi de te, et non statim misero ad te, et notum fecero tibi, hæc faciat Deus Jonathan et hæc augeat. Itaque hoc execrationis juramento Jonathan se adstrinxit ad istud. Si autem perseveraverit patris mei malitia adversum te, revelabo aurem tuam, et dimittam te ut vadas in pace, et sit Dominus tecum, dando tibi victorias, sicut fuit cum patre meo, multos ei præstando triumphos. Tamen quoad dona gratiæ, non est intelligenda imprecatio ista, quum, quantum ad illa, Dominus a Saul recesserit. Et si vixero, facies mihi misericordiam Domini : id est, opera pietatis Deo placentia mihi impendes, et misericorditer ages mecum sicut Dominus fecit tecum, nec vindicabis in me, aut in posteris meis injurias, quas tibi irrogat pater meus. Hinc subditur : Si vero mortuus fuero, non auferas misericordiam tuam a domo, id est posteritate et sobole mea usque in sempiternum, id est, quamdiu vixeris, et idem

A successoribus tuis committere poteris. Hæc locutus est Jonathan, quoniam firmiter credidit regnum esse transferendum a Saul ad David, prout prædixerat Samuel. Quocirca queritur, an et David hoc credidit. Si sic, quomodo dixit, Ego et mors uno tantum gradu dividimur? Si non, ergo fuit incredulus. Respondetur, quod David opportuno tempore id credebat certissime adimplendum. Quandoque vero habuit ad causas naturales, humanas, propriasque adspectum, et poterat æstimare, quod promissio illa divina de suo principatu forsitan posset intelligi sub conditione, quemadmodum tales promissiones accipi solent. *Aut si non fecero quod jam dixi, quando eradicaverit Dominus inimicos David, unumquemque de terra.* Per hoc innuitur, quod Jonathan noverat patrem suum, et ei contra David faventes, auferendos de vita hæc propter impietates eorum in David. *Auferat David Jonathan de domo sua, id est, me quoque occidat, et requirat Dominus de manu inimicorum David, id est, persecutores tuos puniat propter excessus eorum in te.* Hoc Jonathan dixit zelo justitiæ, atque de castigatione vitæ præsentis, ne æternaliter damarentur.

Pepigit ergo fœdus Jonathan cum domo David, id est cum ipso David et semine ejus; et requisivit Dominus de manu inimicorum David. Quasi dicat : Hoc quod Jonathan deprecatus est fieri adversariis David, hoc factum est eis; quia exegit Deus ab eis debitas ultiones. Istud aliqui dicunt hic interpositum et adjunctum ab Esdra. *Et addidit Jonathan dejerare David, id est, valde et plurimum juravit ipsi David, quod servaret ei fidelitatem et amicitiam inviolatam, eo quod diligeret illum. Sicut enim animam suam, ita diligebat eum.* Hoc Scriptura frequenter resumit pro nostra utique informatione, et pro commendatione nobilissimi Jonathan : qui si ambitiosus fuisset et Deo rebellis, invidisset ipsi David tanquam ei per quem promotio sua ad regale culmen poterat maxime impediri; et tamen illo non obstante, dilexit eum

1 Reg. xiii, 14; xv, 28.

tenerrime. Erubescant ergo, qui desiderio parvi honoris, invidiam concipiunt et rancorem adversus confratres et proximos suos.

Dixitque ad eum Jonathas : Cras Calendarum sunt, et requireris, id est, pater meus quæret ubi sis. Requiretur enim sessio tua usque perendie, id est, durante hoc festo, quæret pater meus cur non veneris ad con-sedendum in mensa ipsius. Descendes ergo festinus ab urbe Bethlehem, si interim ivit ad eam, vel ab alio loco ad campum istum, et venies ad locum, in quo celandus es, in die qua operari licet, id est die proxima feriali post festum hoc Calendarum : quia in tali die homines in domibus occupati, non sic egrediuntur ad campum, sicut diebus festivis : ideo die feriali ista secretius fieri poterant ; et sedebis juxta lapidem cui nomen est Ezel. Et ego tres sagittas mittam juxta eum, et jaciam quasi exercens me ad signum. Mittam quoque et puerum, dicens ei : Vade, et affer mihi sagittas. Si dixero puero : Ecce sagittæ intra te sunt, tolle eas ; tu veni ad me, quia pax tibi est, et nihil est mali, vivit Dominus. Si autem sic locutus fuero puero : Ecce sagittæ ultra te sunt ; vade in pace, quia dimisit te Dominus. Ideo Jonathas dedit Davidi signum hoc, quoniam ignoravit an posset venire in agrum ad David, et loqui eum ipso, nemine id sciente. De verbo autem quod locuti fuimus ego et tu, Dominus sit inter me et inter te usque in sempiternum, id est, Deus sit perpetuus testis hujus pacti quod simul percussimus, quod inter nos et posteros nostros manebit, cuius pacti alter non adfuit testis.

Abconditus est ergo David in agro, et venerunt Calendarum, et sedit rex ad comedendum panem. Quumque sedisset rex super cathedram suam ad vescendum in die Calendarum (secundum consuetudinem), quæ erat juxta parietem, surrexit Jonathas, et sedit Abner ex latere Saul, vacuusque apparuit locus David. Hoc a quibusdam ita exponitur, quod completo conjugio inter David et Michol, ipse David tanquam

A gener regis, sedit in mensa primus post regem, Jonathas vero statim post David, et tertio Abner. Absente ergo David, videns Jonathas nullum esse sedentem inter patrem suum et se, surrexit de loco suo, et ipse Abner sedit in loco ipsius Jonathæ ex latere Saulis, ita quod inter eos nullus consedit. Jonathas vero sedit post Abner, quoniam moris non est, ut filius regis sedeat proximus patri in mensa. Sicque locus David qui erat inter regem et Abner, apparuit vacuus a suo sessore. *Et non est locutus Saul quidquam in die illa, id est, non interrogavit de causa absentiae David. Cogitabat enim quod forte evenisset ei, ut non esset mundus nec purificatus, id est, putabat quod David se absentaret a mensa sua, eo quod incurrisset aliquam irregularitatem immunditiamve legalem ex interfectione Philistinorum seu contactu rei immundæ, vel ex concubitu : propter quam immunditiam non fuisset idoneus esse in mensa regis, in qua ad manducandum ponebatur pars aliqua sacrificii in festo Neomeniæ immolati, de qua edere non licebat immundis, quousque secundum legem purificati consisterent : ad quam purificationem mora temporis exigebatur.*

Quumque illuxisset dies secunda post Calendarum, id est post primum Neomeniæ diem, rursus apparuit vacuus locus David. Dixitque Saul ad Jonathan filium suum : Cur non venit filius Isai, nec heri, nec hodie ad vescendum in mensa mea ? Responditque Jonathas Sauli : Rogavit me obire, id est instanter, ut iret in Bethlehem, et ait : Dimitte me, quoniam sacrificium solenne est in civitate mea ; unus de fratribus meis accersivit me. Nunc ergo si inveni gratiam in oculis tuis, vadam cito, et ridebo fratres meos. Ob hanc causam non venit ad mensam regis. Iratus autem Saul adversum Jonathan, eo quod tam favorabiliter excusavit David, vel quia dimisit eum illæsum, dixit ei : Fili mulieris circum ultro rapientis, hoc est feminae libidinosæ, numquid ignoro, quia diligis filium Isai ? id est, scio quod fami-

liariter ames David, *in confusionem tuam*, hoc est, sic amando eum, quem ego sic odio, ostendis te non esse filium meum legitimum : quia legitime nati, intensius diligunt patres suos, secundum Glossam ; sicque ostendis matrem tuam esse adulteram, et te esse filium adulteræ : quod confusibile est matri tuæ et tibi. *Omni- bus enim diebus quibus filius Isai vixerit super terram, non stabilieris tu*, id est, certum non erit quod mihi succedes in principatu regali, et ideo minus curaberis, *neque regnum tuum*, hoc est, etiam si fueris rex effectus, adhuc incertum erit, an manebis in regno, eo quod filio Isai promissum putetur regnum. *Itaque jam nunc mitte, et adduc cum ad me, quia filius mortis est*. Respondens autem Jonathas Sauli patri suo, ait : *Quare morietur ? quid fecit ? Et arripuit Saul lanceam, ut percuteret eum. Et intellexit Jonathas, quod definitum esset a patre suo, ut interficeretur David. Surrexit ergo Jonathas a mensa in ira furoris, hoc est, eum ira ingenti, quæ fuit ira per zelum, et non comedit in die Calendarum secunda panem*, id est, tota die illa post horam illam qua sic surrexit, nil manducavit ex compassione. *Contristatus est enim super David*, hoc est de injusta persecutione ipsius, eo quod confudisset eum pater suus, id est, ipse Saul irreverenter et confusibiliter refutavit excusationes, quas Jonathas fudit pro David.

Quumque illuxisset mane, venit Jonathas in agrum juxta placitum David, hoc est juxta condictum, et sicut David optavit, et puer parvulus cum eo. *Et ait ad puerum : Vade, et affer mihi sagittas quas ego jacio. Quumque puer cucurrisset, jecit aliam sagittam trans puerum. Venit itaque puer ad locum jaculi quod miserat Jonathas. Et clamavit Jonathas post tergum pueri, et ait : Ecce ibi est sagitta porro ultra te. Clamavitque iterum Jonathas post tergum pueri, dicens : Festina velociter, ne steteris. Collegit autem puer Jonathæ sagittas, et attulit ad dominum suum ;*

A et quid ageretur, penitus ignorabat. Tamen modo enim Jonathas et David removerant. Dedit ergo Jonathas arma sua puero, et dixit ei : Vade, et defer in civitatem.

Quumque abisset puer, id est servulus Jonathæ, redeundo velociter in civitatem, surrexit David de loco in quo latuit, qui vergebat ad austrum, et cadens pronus in terram, adoravit tertio, hoc est tribus vicibus, antequam venit ad Jonathan. Adoravit autem vel Deum adoratione patriæ, vel Jonathan tanquam excellentem personam adoratione duliæ. *Et osculantes se alterutrum*. Quum enim David juxta Jonathan se tertio prostravisset, Jonathas levavit eum celeriter, et inter amplexus et oscula fleverunt pariter, David ex sua afflictione, et Jonathas ex amorosa compassione, et quia ab invicem separari compellebantur ; David autem amplius, quia causa fuit sua, et majoribus ac pluribus tribulationibus fuit circumdatus. *Dixit ergo Jonathas ad David : Vade in pace*, hoc est, pectoris tranquillitatem habe, et tene in inquietudinibus istis, in quibus tibi pax temporis denegatur. *Quæcumque juravimus ambo in nomine Domini*, hoc est, quæ nobis invicem promissimus observare cum juramento, supple, sint rata, *dicentes : Dominus sit inter te et me, et inter semen tuum et semen meum usque in sempiternum*. Moris est eorum qui in vehementi sunt afflictione, compassione, aut etiam intensissima dilectione, sermonem abrumpere, defectivelyque loqui. Unde et Christus videns civitatem, et eam deplorans : Si cognovisses, inquit, et tu. Ita nunc accidit David et Jonathæ. Unde secundum Glossam, nimius dolor fecit eos loquendo deficere. *Et surrexit David, et abiit ; sed et Jonathas ingressus est civitatem.*

Moraliter hic docemur, quanta sit impiorum perversitas, et quanta sit patientia electorum : quæ, quanta et qualia passi sint justi ab impiis. Ecce Saul ineffabiliter excecatus, putavit regnum posse manere in successione sobolis suæ, non obstante

Luc. xix,
41, 42.

Sensus
moralis.

quod Samuel propheta toties ex parte Dei A
I Reg. xiii. 14; xv. 28. prædixit sibi oppositum, et voluit illum
occidere, quem suspicabatur a Deo electum
in regem, quasi suo furore posset Omni-
potentis mutare decretum. Et in hoc Saul
gessit typum Herodis, qui audiens Chri-
stum natum, conatus est extinguere illum,
quum tamen crederet prædixisse sanctos
Matth. ii. 6. Prophetas, quod Christus regnaret. Deni-
que, sicut David absconditus est in agro,
sic Christus Dominus in Ægypto. Docemur
hic quoque tempore tribulationum ad ami-
cos fideles, ad viros discretos et virtuosos B
confugere, et eis nostrum cor aperire, at-
que eorum consolatione foveri, et consiliis
Eccli. vi. 6. uti. Hinc in Ecclesiastico habetur : Multi
Ibid. 7, 8. pacifici sint tibi, et consiliarius sit tibi unus
de mille. Itemque : Si possides amicum, in
tentatione posside illum, et ne facile cre-
das ei te ipsum. Est enim amicus secun-
dum tempus suum, et non permanet in die
tribulationis.

Docet nos ista historia, ad quanta faci-
nora trahat ambitio maledicta, quæ fecit
Saulem frangere juramentum, persecui ju-
stum, velle transfodere innocentem, et pro-
prium velle filium lanceare. Ne ergo hu-
jusmodi gravamina incidamus, matrem
vitemus pestiferam, et potius eupiamus

humiliari, subesse et obedire, quam subli-
mari in vita hac et præesse ac jubere. Ex-
emplo etiam Jonathæ sit in nobis amicitia
vera, invieta, inviolata, quam pro nulla
lædamus re temporali. Spiritualiter quo-
que festum Calendarum colamus, quod (ut
Glossa testatur) Judæi celebraverunt epu-
lis, oblationibus et otio corporali. Nos ve-
ro illud celebremus sacrificiis laudum Dei
et orationum ac Eucharistiæ, refectione
virtutum, et misericordiis pauperum, at-
que cessatione a vitiis omissionum et com-
missionum. Postremo, sicut Jonathas misit
tres sagittas : sic qui alios cupit converte-
re, mittat in eos sagittam comminationis
de brevitate vitæ præsentis, de amaritudine
mortis, de acerbitate pœnarum purgatorii
et inferni, de rigore divini judicii tam par-
ticularis quam universalis ; sagittam quo-
que instructionis de credendis et agendis
ac evitandis, de consiliis et præceptis, de
omnibus necessariis ad salutem ; et item
sagittam consolationis de venia consequen-
da, de magnitudine præmiorum, de mo-
mentanea parvitate et celeritate præsen-
tium adversitatum ad felicitatem futuram.
Iterum mittat sagittam paternæ ac justæ
correctionis, sagittam discretæ correctio-
nis, sagittam moderatæ exercitationis.

Rom. viii.
18.

ARTICULUS XXXVIII

EXPLANATIO CAPITULI VICESIMI PRIMI : VENIT AUTEM DAVID IN NOBE.

MODO describitur, qualiter David ad D
principem sacerdotum devenit, et ab
eo pie tractatus est, et quomodo propter
hoc Saul persecutus est principem illum
cum suis. Et dicunt nonnulli, quod Saul
audiens ipsum David evasisse, ebannivit
eum de tota terra regni sui. Unde et sacer-
dotem cum suis occidit, eo quod pie rece-
perit sanctum David. Et hoc asserit Lyra :
cui Rabbi Paulus contradicit, affirmans

bannitionem istam non haberi ex littera,
nec probari ex occisione sacerdotum, quo-
niam Saul generaliter atque tyrannice per-
sequebatur ipsum David et ei faventes. Sed
respondendum, quod ex isto capitulo et ex
sequentibus innotescit, quod Saul non so-
lum bannivit David quoad ejus personam,
sed et totam ejus progeniem. Nec ante hæc
legitur persecutus eos, qui David recepe-
runt aut ei faverunt, quamvis præcedenti

^{1 Reg. xx, 33.} habeatur capitulo, quod voluit pereutere A lancea Jonathan, satis audacter pro David loquentem : quia hoc fuit ad modicum ex impetu suæ vesanïæ, et ipsum Jonathan redeuntem pacifice mox recepit.

Venit autem David in Nobæ oppidum sacerdotum, ad Achimelech sacerdotem, imo et pontificem. Voluit equidem in urbe illa religiosa, et in tabernaculo Domini ibi tunc existente, Deum devote orare, ut se eripere de tot tribulationibus dignaretur. *Et obstupuit,* id est, vehementer mirabatur, *Achimelech, eo quod venisset David* B *ad locum illum, quia adhuc nil scivit de aversionibus Saulis a David; et non putavit ipsum David, nisi pro ardua causa illuc* *venisse, quemadmodum et seniores Bethlehem mirabantur, quum venisset Samuel propheta ad eos. Mirabatur quoque, quod absque solita comitiva advenit. Unde subiungitur : et dixit ei : Quare tu solus venisti, et nullus tecum est? Hoc dixit, vel quia perpauci erant cum David, ita quod velut nulli videbantur respectu solitæ comitivæ David; vel, quia qui secum venerunt, non erant notabilis reputationis. Aliqui tamen secum venerunt, quum et apud* *Matthæum dicat Salvator : Non legistis quid fecerit David quando esuriit et qui cum eo erant? Infra quoque quærit Achimelech : Si mundi sunt pueri, id est servi, qui tecum venerunt? Istum Achimelech quidam dicunt fuisse fratrem Achiz, de quo supra dictum est. Verumtamen Hieronymus ait, quod fuit ipse Achias filius Achitob, filii Phinees, filii Heli.*

^{Matth. xii, 3.}

^{1 Reg. xiv, 3.}

Et ait David ad Achimelech sacerdotem : Rex præcepit mihi sermonem, et dixit : Nemo sciat rem propter quam expediendam missus es a me, et cujusmodi tibi præcepta dederim. Nam et pueris meis condixi in illum et in illum locum, hoc est, ceteris ministris meis commisi et iussi, ut in illo et in illo loco me præstolentur, aut sibi commissa adimpleant. Nunc ergo si quid de necessariis mihi habes ad manum, vel quinque panes, da mihi, id est saltem totidem panes : et ex numero

panum, aliqui putant, quod David venit se quinto ; *aut quidquid inveneris.* Quidam etiam dicunt, quod David ista dicendo, non fuit mentitus formaliter, quia non intendebat decipere. Alii opinantur oppositum, asserentes quod non oportet eum a mendacio excusare officioso : imo videtur David ista finxisse, quatenus sacerdos promptius sibi daret quæ postulavit. Ex sequenti etiam innotescit capitulo, quod David videns ibi ipsum Doeg, probabiliter scivit, quod Achimelech sacerdoti immineret periculum ex sua receptione et refectione, gladiique porrectione.

Et respondens sacerdos ad David, ait illi : Non habeo panes laicos ad manum, quibus scilicet licite vescuntur vulgares, sed tantum panem sanctum, id est panes propositionis sacerdotibus dedicatos. ^{Lev. xxiv, 5-9.} *Omni equidem sabbato ponebantur super mensam propositionis in exteriori tabernaculi parte duodecim panes recentes et calidi, et erant ibi usque ad sabbatum sequens, tuncque removebantur a mensa, ut a sacerdotibus* C *cederentur : quibus sublati, mox alii duodecim panes imponebantur, ut in Levitico* *habetur. Præterea erant apud Judæos triplices panes, videlicet panes propositionis præfati, solis sacerdotibus liciti secundum legem communem ; panes quoque oblationis, quibus vesciebantur Levitæ, et in altari holocaustorum offerebantur ; et panes communes seu laici, omnibus liciti. Si mundi sunt pueri, hoc est ministri tui, maxime a mulieribus, manducent, id est, edant ex eis, et tu ipse. Quasi dicat : Propter necessitatis articulum poteritis eis vesci, quod alias non liceret. Tamen si ex coitu sunt immundi, eis non dabo etiam in necessitate, nisi forsitan in necessitate extrema, in qua omnia sunt communia, et quæ legem non habet.*

Et respondit David sacerdoti, et dixit ei : Et quidem si de mulieribus agitur, id est, quæstio agitur, continuimus nos a concubitu ab heri et nudiustertius quando egrediebamur. Quum tamen immunditia illa ex legitimo toro contracta, non daret

Lev. xxi.

nisi usque ad vesperam. Nec erat semper peccatum, sed inhabilitas quædam ad ingrediendum locum cultus divini, seu ad manducandum de immolatis, ut super Leviticum diffuse expressum est. *Et fuerunt vasa puerorum sancta*, id est, corpora eorum immaculata a coitu, vel corda eorum a transgressione impediende in necessitate esum panum istorum. Porro *via hæc polluta est*, id est, in via qua venimus huc, aliquid culpæ incurrimus, *sed et ipsa sanctificabitur in vasis*, id est, per contritionem et continentiam puerorum, tolletur hujusmodi culpa. Vel, *Via hæc polluta est*, id est, progressus iste veniendi ad esum panum sanctorum, est illicitus secundum legem communem; sed sanctificabitur in vasis, quia per necessitatem puerorum fit licitus in speciali. Videtur quoque sic posse exponi: *Via hæc polluta est*, quia jam dixi aliqua non vera, et ex his quæ nunc aguntur inter nos, imminet tibi periculum, o sacerdos; sanctificabitur tamen in vasis, quia ex quadam necessitate, non ex malitia, ad ista inductus sum. Porro, ut Magister in historiis scribit, Hebræi sic habent: Sunt vasa puerorum sancta: quod intelligunt de vasis ad comedendum; quasi dicat, In vasis mundis licet tibi ponere panes mundos. Porro *via hæc laica est*: id est, interrogatio tua laicalis est seu imperita; quasi dicat, Cur quæris de immunditia, quum etiam si mundi essent pueri, vesci non deberent hujusmodi pane de lege communi? Sed et ipsa sanctificabitur hodie in vasis, id est conscientiis nostris: scimus enim quod necessitas nos excusat, et quasi sanctificat. Erant enim (ut dicunt Hebræi) jejuno valde exhausti.

Dedit ergo ei sanctificatum panem. Hic ponitur singulare pro plurali, quia tam David quam sociis ejus dedit panes sanctificatos. *Neque enim erat ibi panis, nisi tantum panes propositionis, qui sublati fuerant a facie Domini*, id est a mensa propositionis: quæ erat in exteriori parte tabernaculi, in quo Dens dicebatur specialiter habitare et esse tanquam in templo,

Ibid. xxiv.
6.

ubi et apparebat, et dedit responsa, ac gratiose operabatur; *ut ponerentur panes calidi*. Ex hoc quidam concludunt, quod istud contingebat in sabbato, quia in eo fiebat hæc alternatio seu permutatio panum, ut dictum est. Circa hæc in Scholastica historia dicitur: Hebræi tradunt David non comedisse panem propositionis, nec aperte hic legitur quod comederit. Hæc ibi. Quocirca dico, quod indubitanter inde comedit, nec Hebræis illis credendum est, quum Veritas summa apud Matthæum protestetur: Et comedit ipse, et qui cum eo erant..

Erat autem vir quidam ibi de servis Saul in die illa intus in tabernaculo Domini. Tabernaculum Domini hoc loco, sicut et alibi sæpe, accipitur pro atrio tabernaculi, in quo atrio erat altare holocaustorum: et illud ingredi poterant laici ad offerendum atque orandum; non autem tabernaculum ipsum, in quod solis sacerdotibus patebat ingressus. *Et nomen ejus Doeg Idumæus*: qui fuit (ut fertur) puer seu famulus, pergens cum Saul quando a Samuele inunctus fuit, ut dictum est supra; *potentissimus pastorum Saul*. Circa hoc scribit Lyra: Pastorum, hoc est iudicum, ut dicunt Hebræi. Iudices namque in veteri Testamento frequenter nominantur pastores, quia per eos rex reddebat iudicia. Non est enim verisimile, quod esset animalium custos, quoniam erat primus inter servos Saul. Hæc Lyra. Circa quæ videtur dicendum, credibile esse, quod quidam Hebræi ita exponant: nihilo minus est tenendum, quod fuit potentissimus pastorum animalium Saulis, non quod personaliter custodierit et paverit pecora regis, nisi forsitan ante suam promotionem a rege; sed erat capitaneus eorum qui paverant greges, cui rationem reddebant, et qui respectum habebat ad ipsos. Et hoc Josephus sentire videtur. Nempe quod in aliquibus libris subjungitur, Hic pascibat mulas Saul, non est in textu, sed ex Josepho additum. Istud autem de Doeg hic interponitur, quia sequenti capitulo recitatur, qualiter Doeg iste retulit Sauli quæ hic gesta narrantur.

Lev. xxiv.
8.Matth. xii.
4.Exod. xl.
27.Num. viii.
19; xviii, 22,
23.

1 Reg. ix, 3.

Ibid. xxii.
9, 10.

Quæritur, quid ibi agebat, et cur ibi intus A erat hic Doeg alienigena, conversus tamen ad Judaismum. Respondetur, quod ex voto adstrictus fuit, esse ibidem per aliquot dies causa orationis aut oblationis.

Dixit autem David ad Achimelech: Si habes hic ad manum hastam aut gladium. Supple, Da mihi: quod tamen in aliquibus libris habetur quasi de textu. *Quia gladium meum et arma mea non tuli mecum.* Sermo enim regis urgebat. Quod ait, Sermo regis urgebat, verum est secundum quod David hoc intellexit, quia Saul præcepit obsideri, capi, et occidi David. Propter quod David per fenestram eelerrine dimissus, non potuit secum tollere arma sua. Verumtamen Achimelech intellexit istud de præcepto regis, quo putavit eum præcepisse ipsi David, ut tam velociter iret pro negotio expediendo sibi injuncto, quod non habuit tempus secum sumendi propria arma. Apparet quoque, quod David temperavit sic verba sua, quatenus pontifex sibi libentius daret, quod postulavit. *Et dixit sacerdos: Ecce hic gladius Goliath Philistæi, quem percussisti in valle*

1 Reg. xix, 12.

Ibid. xvii, 50, 51.

Terebinthi, ut dictum est supra, est involutus pallio post ephod. Ephod quandoque accipitur pro linea veste, quandoque pro veste sacerdotali. Gladius igitur ille involutus fuit pallio post ephod, vel ita quod primo fuit involutus lineo panno, et super hunc pallio; vel involutus pallio, positus fuit post ephod sacerdotale, ut in loco tali tutius conservaretur.

Circa hæc scribit quidam: Dicunt hic aliqui, quod propter victoriam David concessam, gladius Goliath fuit Domino consecratus. Quod consequenter reprobatur, addens: Sed hoc non videtur verum, quoniam talis consecratio est ad semper. Propter quod res Domino consecrata, non poterat redire ad usus communes, ut dictum fuit in Levitico. Et sic David non potuisset de cetero licite uti gladio illo. Hæc ille. Circa quæ dico, supra satis esse expositum, qualiter gladius ille fuit collocatus in tabernaculo. Sed sive fuerit consecratus Do-

Lev. xxvii.

mino, sive non, reprobatio prætaeta non censetur idonea. Quædam enim consecrabantur Domino ad certum tempus, et tempore illo expleto, poterant ad communes ac pristinos usus reverti: quædam consecrabantur Domino perpetue: ideoque omnis consecratio non fuit ad semper. Iterum, eorum quæ Domino volebantur, quædam sic volebantur, quod anathematizabantur, id est, separabantur ab aliis, ita ut nemo eis amplius uteretur, et illa non poterant vendi a sacerdotibus nec alienari. Quandoque autem non sic obligabantur nec separabantur votiva, et tunc ad alios poterant redigi usus, ut super Leviticum et alibi diffuse expositum est. Insuper, dato quod gladius ille fuisset perpetue consecratus, tamen dici posset, quod sicut David licite vesceretur pane sancto, non obstante legis præcepto, necessitate eum excusante, ita et gladium illum ex necessitate resumpsit. Nam et taliter excusatur, quod sabbato illo præfato multo plus ambulavit, quam lex in generali concessit, secundum quam non nisi mille passus licuit in sabbato ambulare.

Lev. xxvii.

Ibid. xxiv, 9.

Si istum vis tollere, tolle. Neque enim hic est alius absque eo. Et ait David: Non est huic gladio alter similis, id est tam bonus, saltem in hoc oppido seu populo isto: et accepit secum gladium illum. Josephus vero dicit lanceam. Da mihi eum.

Surrexit itaque David, et fugit in die illa a facie Saul: non quod die illo fuerit coram Saul, sed fugit a facie ejus, elongando se magis ab ipsius præsentia; et venit ad Achis regem Geth, id est regem Philistinorum, cujus una urbs præcipua fuit Geth. Porro omnes reges Philistinorum vocabantur ad tempus Abimelech, quemadmodum reges Egyptiorum Ptolemæi aut Pharaones, ut refert Hieronymus. Dixeruntque servi Achis quum vidissent David: Numquid non iste est David rex terre? quasi dicant. Cito erit rex Israel. Unde aliqui trahunt jam fuisse vulgatum, quod Samuel unxerat eum in regem. Nonne huic cantabant per choros, dicentes, Percussit

1 Reg. xviii, 7.

Saul mille, et David decem millia? Hæc A dixerunt regi suo Achis, quatenus comprehenderet et occideret David: quia nisi hoc faceret, cito haberet eum hostem. *Posuit autem David sermones istos in corde suo*, id est, verba hæc impressit memoriæ, et sensum eorum valde pensavit; *et extimuit valde a facie Achis regis Geth*, timens occidi, eo quod tot millia Philistinorum percusserat: præsertim quia et Saul jam miserat ad Achis, ut redderet sibi servum suum fugitivum, ut Magister in historiis addit. Ex quo innuitur, quod ad tempus B latuerat in Geth aut prope.

Et immutavit os suum coram Achis, assumens apparatus hominis fatui, atque aliena et impertinentia loquens, ut amens; *et collabebatur inter manus eorum*, puta servorum Achis, a quibus trahebatur ad regem. Nam quasi insannus ambulavit super manus et pedes, et labebatur hinc inde ut epilepticus. *Et impingebat in ostia portæ*, cum capite suo portam percutiendo quasi volens transire per januas clausas, *defluentque saliva ejus in barbam*, sieque instar obsessi spumabat. Alia translatio habet, Tympanizabat ad ostia, et ferebatur in manibus suis; et ut fertur, in Hebræo habetur, Pingebat super ostia, formando ibi quasdam figuras, prout stulti facere solent: per quæ omnia fecit regem Geth credere, quod esset impos mentis, quod et credidit. *Et ait Achis ad servos suos: Vidistis insanum hominem; quare adduxistis eum ad me? An desunt nobis furiosi, quod introduxistis istum ut fureret me presente? Dimitte illum hinc, ne ingreditur domum meam.*

Ex isto capitulo docemur in primis, quod Sensus spiritualis. necessitas sit mater dispensationis. Deinde, quod panis vitæ qui descendit de cœlis, Joann. vi, 33, 41. Dominus Christus, in Sacramento altaris nequaquam sumendus sit ab immundis, præsertim a luxuriosis. Unde super illud Petri, Novit Dominus pios de tentatione II Petr. ii, 9, 10. eripere, iniquos vero in die judicii reservare cruciandos, magis autem eos qui post carnem in concupiscentiis immunditiæ ambulant, ait Beda: Fornicatores majora patientur supplicia, quam generales iniqui. Vasa ergo puerorum Dei, ministrorum Ecclesiæ, et omnium communicare optantium, sancta sint, ut ab omni inquinamento carnis et spiritus sint purgati, sobrii et devoti. Postremo, sicut David suo apparatu et gestibus assimilavit se fatuo, sic Christus propter nos factus est opprobrium II Cor. vii, 1. hominum et abjectio plebis. Et quia immutavit os suum coram Scribis et Phariseis, sola futura, cœlestia, spiritualia ac æterna sermocinans et promittens, terrenaque omnia contemnenda affirmans, ideo C visus est illis esse insipiens, in tantum quod dixerunt, Dæmonium habet; et, Insanit; et, Numquid interficiet semetipsum? Joann. viii, 48; x, 20; viii, 22. Imo propter incomprehensibilem et inauditam altitudinem suæ doctrinæ, etiam sui exierunt tenere eum, dicentes, quia in furorem versus est, ut legitur apud Marcum. Marc. iii, 21. Hinc in libro Sapientiæ impii dicunt de eo: Gravis est nobis etiam ad videndum, quoniam immutatae sunt viæ ejus. Rursus, sicut David ferebatur in manibus suis, sic et multo incomprehensibilis Christus in D Cœna ferebatur in manibus suis, quando se ipsum in Sacramento porrexit Apostolis. Matth. xxvi, 23, 27.

ARTICULUS XXXIX

DECLARATIO CAPITULI VICESIMI SECUNDI : ABIT ERGO INDE DAVID.

CAPITULUM præsens enarrat, qualiter A occasione David interfecti sunt sacerdotes, et urbs eorum cum omnibus suis vastata. *Abit ergo inde David*, scilicet a rege Achis, *et fugit in speluncam Odollam*. Odolla fuit urbs terræ promissionis, juxta quam erat spelunca grandis, imo multæ cavernæ et rupes. Et erat ibi munitissimus locus. De hac urbe habetur in *Josue xii, 15.* Michæa : Usque ad Odollam veniet gloria Israel. *Quod quum audissent fratres ejus, et omnis domus patris ejus, id est cognati sui propinqui, descenderunt ad eum illuc.* Ex quo videtur, quod Saul ebannivit eos propter David, vel persequi cœpit. *Et convenerunt ad eum omnes qui erant in angustia constituti, id est dire afflicti et injuste suppeditati, et oppressi ære alieno, id est debitis prægravati, quæ solveere non valebant, et amaro animo, propter casus adversos; et factus est eorum princeps.* Hos David suscepit, non ad faciendum aliqua mala eorum auxilio, sed quia condoluit eis, et eos voluit consolari. Propter quod et confugerunt ad eum, scientes eum injuste expulsum, et confidentes suo tempore plenius relevari per ipsum, quia sperabant eum in brevi promovendum ad regnum. Suscepit etiam eos, ut eorum subsidio tueretur se ipsum, et adversarios Israelitarum infideles persequeretur. *Fueruntque cum eo quasi quadringenti viri.* Circa hæc scribit quidam : Quia David jam erat rex inunctus, poterat in tali casu solutionem debitorum prolongare, et in pluribus forefacta relaxare. Sed contra hoc objici potest, quia non erat inunctus in regem, ita ut ante Saulis mortem regnaret, aut auctoritate fungeretur, seu jurisdictione regali, ut dictum est supra, et communiter dicunt hoc

ibi expositores : imo contra legem fuit, exigere ab aliquo natione Judæo solutionem debitorum in magnum illius gravamen, seu ultra ipsius vires. *Erod. xxii, 25.*

Et profectus est David inde in Maspha, que est Moab, hoc est ad urbem sic dictam sitam in regione Moabitarum : quod dicitur ad differentiam urbis sic appellatæ, in regno Israel situatæ. Et dixit ad regem Moab : Maneat, oro, pater meus et mater mea vobiscum, id est in urbe tua, donec sciam quid faciat mihi Deus, hoc est, donec videam exitum hujus persecutionis meæ a Saul, et quousque Deus me liberet. Ex isto elicitur, quod nec parentibus David, quamvis valde antiquis, licuit in terra et urbe sua manere. Unde apparet, quod tota progenies David fuit bannita a Saul. *Et reliquit eos ante faciem regis Moab, qui acquievit precibus David cui condoluit, quia et ipsum Saul odivit, a quo jam fuerat impugnatus, ut supra narratur. Manseruntque apud eum cunctis diebus quibus David fuit in presidio, hoc est in expeditione in qua munitiones ad manendum quæsivit.* Vel, In presidio, id est præfato fortalitio, in quo (ut fertur) rex Moab collocavit ipsum David et viros ejus, prope terram promissionis. Quis autem fuerit iste rex Moab, apud quem manserunt parentes David, et aliæ personæ debiles seu antiquæ, quæ eum sequi nequibant, inquiretur infra libro secundo. *I Reg. xiv, 47.*

Dixitque Gad propheta ad David : Noli manere in presidio jam præfato ; proficiscere ex hac terra, et vaide in terram Juda. Per terram Juda, potest intelligi specialiter terra possessionis tribus Juda, in qua David poterat tutius demorari, tanquam natus ex tribu illa. Vel per terram

II Reg. x.

Juda. designatur tota terra Israeliticæ plebis, intelligendo totum per partem principalem. Hæc Propheta ex parte Dei præcepit David : Primo, ut in terra sua tribulationibus exerceretur, ad communem omnium fidelium informationem, et maxime, quoniam ipse fuit figura evidens Christi. Ideo quæ circa eum fiebant, et gesta ipsius, mystica erant, et præfigurativa mysteriorum Christi. Secundo, ne aliqui existentes cum David, ad idololatriam declinarent in terra polluta. *Et profectus est David, et venit in saltum Haret.*

Et audivit Saul quod apparuisset, hoc est, in terra Israel iterum visus esset, David et viri ejus qui erant cum eo. Saul autem quum maneret in Gabaa, et esset in nemore quod est in Rama, hastam manu tenens, cunctique servi ejus circumstantur eum, ait ad servos suos qui circumstantur eum : Audite me nunc, filii Jemini. Qualiter hoc quod ait, Jemini, multipliciter ^{I Reg. ix, 1.} *possit intelligi, dictum est in expositione superiorum. Numquid omnibus vobis dabit filius Isai agros et vineas, quæ sunt bona utilia, et universos vos faciet tribunos et centuriones, promovendo vos ad dignitates atque officia, quæ sunt bona honesta, quoniam conjurastis adversum me omnes, id est, ita habetis vos, ac si contra me jurassetis, et non est qui mihi renuntiet, maxime quum et filius meus fœdus inierit cum filio Isai? Non est qui doleat vicem meam, hoc est, mihi condoleat seu pro me tristetur, ex vobis, nec est qui annuntiet mihi, qualiter possum capere filium Isai : eo quod suscitaverit filius meus servum meum adversum me, quia fœdus secum ineundo, auxit ipsius audaciam, insidiantem mihi usque hodie, quatenus me ejecto aut interfecto, possit regnare. Ecce qualiter passiones et vitia pervertunt rationis iudicium, quæ et Saulem tam irrationabiliter loqui fecerunt. Et qualis quis est, taliter sentit judicatque de aliis. Hinc Saul iste totus ambitiosus, judicavit ipsum David desiderio regnandi sibi insidiari. Itaque Saul loentus est verba hæc, ad insinuandum suis*

A ministris, quod frustra parcerent David : quia et dato quod David esset rex, non tamen ditaret, nec exaltaret eos, sed suos contribules et consanguineos ac propinquos.

Respondens autem Doeg Idumæus, qui adsistebat et erat primus inter servos Saul, id est unus de præcipuis ejus ministris, ^{I Reg. xxi, 7; ix, 3.} *quia erat super custodes pecorum regis, quem Saul sic sublimavit, quia fuit socius sui itineris, quando a Samuele fuit inunctus : Vidi, inquit, filium Isai. Doeg volens Sauli placere, conformavit se ei in modo loquendi, dicendo veluti ex contemptu, Filium Isai. In Nobe apud Achimelech filium Achitob sacerdotem, qui consuluit pro eo Dominum. Hoc præcedenti capitulo non habetur, ideo aliqui dicunt, quod Doeg (ut moris est fabulatorum) addidit istud de suo mendaciter, ut regi magis placeret. Infra tamen magis insinuari videtur, quod consuluit Dominum pro David. Et cibaria dedit ei. Sed et gladium Goliath Philistæi dedit illi.*

Misit ergo rex ad accersendum Achimelech sacerdotem filium Achitob, et omnem domum patris ejus sacerdotum qui erant in Nobe : qui universi venerunt ad regem. Et ait Saul ad Achimelech, quem etiam ex ira et indignatione non exprimit proprio nomine : Audi, fili Achitob. Qui respondit : Præsto sum, domine. Dixitque ad eum Saul : Quare conjurastis adversum me, tu et filius Isai? Ex suspitione loquitur, quasi ex certa scientia. Et dedisti ei panes et gladium, et consuluisti pro eo Dominum, ut consurgeret adversum me, insidiator usque hodie permanens? Respondensque Achimelech regi, ait : Et quis in omnibus servis tuis sicut David fidelis et gener regis, id est, præ ceteris fidelis est tibi, obsequiosus, obediens et affinis, et pergens ad imperium tuum, et gloriosus in domo tua? Num hodie cæpi consulere Dominum pro eo? quasi dicat, Quum talis et tantus sit, non solum in tempore isto, sed et ante frequenter pro eo consului Dominum. Verumtamen, qui dicunt ipsum Doeg mendose dixisse, quod Achimelech consuluit

Deum pro David, exponunt sic : Num hodie A cepi, id est, nec modo nec unquam consului Deum pro eo. *Absit hoc a me. Ne suspicetur rex adversum servum suum rem hujusmodi in universa domo patris mei, quod scilicet conjuraverim contra te, aut in tuam perniciem consuluerim Deum pro David. Non enim scivit servus tuus quidquam super hoc negotio, id est de controversia et fuga David a te, vel modicum vel grande. Dixitque rex : Morte morieris, Achimelech, tu et omnis domus patris tui.*

Et ait rex emissariis qui circumstabant eum. Per emissarios quidam intelligunt sagittarios, alii servos et cursores qui emittuntur ad facta principum exsequenda, alii eos qui dirigebantur ad exsequenda seu disponenda negotia regni. Unde (ut fertur) per emissarios Rabbi Salomon intelligit Abner et Amasam ; sed non puto quod Saul adhuc tenuerit secum Amasam filium sororis David. *Convertimini et interfecite sacerdotes Domini. Nam manus eorum cum David est, scientes quod fugisset, et non indicaverunt mihi. Noluerunt autem servi regis emissarii et qui Deum timebant, manus suas extendere in sacerdotes Domini : quia videbant regem apertissime deviare atque enormiter tyrannizare. Sacerdotes quoque tanquam partem Dei peculiarem formidabant indigne tractare, ne in eis Dominum formidarent * majestatis, quum et ipsi sacerdotes intercessores sint populi apud Deum, et mediatores inter Deum et homines. Propter quod tanquam spirituales patres, sunt specialiter diligendi ac honorandi. Et ait rex ad Doeg : Convertere, tu, et irrue in sacerdotes Domini. Conversusque Doeg Idumæus, irruit in sacerdotes, et trucidavit in die illa octoginta quinque viros vestitos ephod lineo, id est, qui veste tali sacerdotali consueverunt indui, vel forsitan tunc erant ea vestiti : imo quidam affirmant, quod venerunt ita vestiti, ut flecterent animum regis irati. Potius tamen reor, quod non sciverunt regem contra eos esse commotum, sicut et præacta verba Achimelech videntur innu-*

ere. Dicunt quoque Hebræi, non omnes fuisse sacerdotes, nec ephod indutos, sed dignos fuisse, et quia de tribu erant sacerdotali. *Nobe autem civitatem sacerdotum percussit in ore gladii, viros et mulieres et parvulos et lactantes, bovemque et asinum et ovem in ore gladii, id est omnes qui habitabant in ea, imo et pecora universa : in quo patet tyrannis, imo et furia Saul. Doeg autem tanquam alienus a sanguine Israel, pronior fuit ad ista, nec sine adjutorio impiorum hæc egit.*

B Eradens autem unus filius Achimelech filii Achitob, cujus nomen erat Abiathar, fugit ad David. Et tulit secum ephod, quod Moyses fieri fecit, ut in Scholastica historia fertur, et partim in sequenti capitulo tangitur. Et nuntiavit ei, quod occidisset Saul sacerdotes Domini. Et ait David ad Abiathar : Sciebam enim in die illa, quod quum ibi esset Doeg Idumæus, procul dubio annuntiaret Sauli, me ibi fuisse, et cetera ibi gesta. Quidam dicunt, quod Scire capitur hic pro Conjicere ; sed non videtur, quum David testetur, Sciebam quod procul dubio, etc. Ideireo apparet, quod David debuit ipsum Achimelech præmonuisse de imminente periculo. Unde et se accusat, dicendo : Ego sum reus omnium animarum domus patris tui, id est interfectionis vitæ patris tui et cognatorum ipsius : vel quia culpabilis sum in eo, quod non prædixi eos prudenter, saltem post mentis recessum ; vel quia occasione mei occisi sunt, ita quod sum causa materialis, ob quam sunt interfecti. Mane mecum, ne timeas. Si quis quæsierit animam meam, quæret et animam tuam, id est, tam carus et familiaris eris mihi, quod si quis voluerit occidere te, ita accipiam hoc, ac si me velit occidere. Vel sensus est : Erimus unius consortii et unum in Domino, ita quod qui quæsierit nocere uni, quæret nocere et alteri. Mecumque servaberis, quia ego et qui mecum sunt, te defendent.

Moraliter, sicut David fugit in speluncam Odollam, ita et nos ab inquietudine, importunitate atque molestiis persecuto-

^{1 Reg. xxi,}
^{7.}

Sensus
moralis.

* offende-
rent

rum, fugiamus ad meditationis et contemplationis secretum, ad poenitentiae locum, ad humilitatis profunditatem, recognoscentes nos dignos omni tribulatione et adversitate, ad orationis quoque cubiculum. Sed quemadmodum jussum est sancto David in praesidio non manere, sed ingredi terram Juda, sic viris exercitatis injungitur, ut certamen tentationis non vitent, imo legitime certent, et inter bonos potius velint adversitatibus exerceeri, quam inter iniquos carnaliter repausare. Præterea, sicut Saul bannivit beatum David, sic principes sacerdotum excommunicaverunt Dominum Salvatorem, præcipientes, Ut si quis scit ubi est, indicet, ut capiant eum. Quemadmodum etiam Saul persecutus est eos, qui receperunt et bene tractaverunt David, ita pontifices et Judæi conspiraverunt, ut si quis fateretur Jesum esse Christum, extra

Joann. xi, 56.
Ibid. ix, 22.

A synagogam fieret : quæ omnia in Evangelio continentur. Nihilo minus sicut cognati David venerunt ad eum in prædictam speluncam, ita Apostoli et ceteri primo credentes, aggregaverunt se Christo, persecutionem Judæorum ad tempus vitanti. Amplius, sicut turbatus est Saul, audito quod apparuisset David et viri ejus, sic diabolus et angeli ejus, pravique homines conturbantur, cognito adventu boni prælati, et eos qui illi adhærent, conantur occidere, spiritualiter aut corporaliter extinguendo eosdem. Per Doeg vero designantur delatores, adulatores, accusatores, mendaces et seminatores discordiæ, qui procurant fieri multa mala. Saul quoque est figura eorum qui nullam excusationem, quamvis rationabilem, volunt admittere, sed solum suæ animositatis et iracundiæ impetum insequuntur.

ARTICULUS XL

EXPLANATIO CAPITULI VICESIMI TERTII : ET NUNTIAVERUNT DAVID, DICENTES.

HIC describitur quædam victoria David, et ingratitudo eorum quos juvit, ac duplex persecutio quam evasit. *Et nuntiaverunt* aliqui de populo Israel, ipsi David, dicentes : *Ecce Philistiim oppugnant Ceilam*, id est urbem sic dictam, quæ (ut in libro Josue legitur) ad tribum Juda pertinet, *et diripiunt areas*, id est, annonam seu blada contenta in areis, ipsasque areas vastaverunt. *Consuluit ergo David Dominum, dicens per Abiathar sacerdotem : Num, id est anne, vadam, hoc est, placetne tibi ut pergam, et si perrexero, percutiam Philistæos istos?* In quo patet bonitas David, qui, quamvis rex Israel esset inimicus suus gravissimus, nihilo minus terram et plebem ejus defendere conenpivit. *Et ait Dominus per angelum ad David, tamen per Abiathar, cui Deus ministerio an-*

Josue xv, 44.

C geli manifestavit quid fieri vellet : *Vade, et percuties Philistæos, et salvabis Ceilam. Et dixerunt viri qui erant cum David, ad eum : Ecce nos hic in Judea, id est in terra sortis Juda, consistentes, timemus, quum tamen hic non sint hostes, quanto magis, si ierimus in Ceilam, id est usque ad urbem illam hostibus jam vallatam, adversus agmina Philistinorum, timebimus? Rursus ergo David consuluit Dominum, nesciens an timor suorum esset a Deo, vel ne inordinate formidando, demererentur adjuvari a Domino, sicque obicem ponerent promissioni divinæ. Qui respondens, ait ei : Surge, descende in Ceilam; ego enim tradam Philistæos in manu tua. Hoc responso confirmati sunt viri David. Abiit ergo David et viri ejus in Ceilam, et pugnavit adversum Philistæos. Et abegit ju-*

menta eorum, id est, jumenta quæ adduxerunt Philistæi ad asportandum blada Judæorum in terram suam, abstulit Philistæis, et ea removit a Ceila. Et percussit eos plagâ magna, et salvavit David habitatores Ceilæ.

1 Reg. xxi, 20.

Porro eo tempore, quo fugiebat Abiathar filius Achimelech ad David, prout præcedenti habetur capitulo, in Ceilam, ex quo apparet, quod et tunc David fuit ibidem aut prope, ephod secum habens descenderat, id est, ephod illud secum portavit. Hoc interponitur hic, ad insinuandum quod David consuluit Dominum per Abiathar pontificem indutum veste illa pontificali, in qua erat rationale judicii seu Doctrina et Veritas, ut in Exodo expositum est, per quæ manifestabatur responsio Dei.

Exod. xxviii, 30.

Nuntiatum est autem Sauli, quod venisset David in Ceilam. Et ait Saul: Tradidit Dominus eum in manus meas, conclususque est introgressus urbem, in qua portæ et seræ sunt. Et præcepit Saul omni populo, ut ad pugnam descenderet in Ceilam, et obsideret David et viros ejus. Quod cum David rescisset, quia præpararet ei Saul clam malum, id est, quum David cognovisset quod Saul disponderet cum exercitu venire ad obsidendum Ceilam, ad comprehendendum ipsum David, dixit ad Abiathar sacerdotem: Applica ephod, id est, indue illud, ut in eo consulas Dominum. Et ait David ad Deum per sacerdotem: Domine Deus Israel, audivit famam servus tuus, quod disponat Saul venire in Ceilam, ut evertat propter me urbem hanc, nisi habitatores ejus tradiderint me manibus ejus. Si tradent me viri Ceilæ in manus ejus, et si descendet Saul, sicut audivit servus tuus? Domine Deus Israel, indica servo tuo. Et ait Dominus: Descendet, id est, veniet huc, nisi cito exieris. Dixitque David rursum: Si tradent me viri Ceilæ, et viros qui mecum sunt, in manus Saul? Et dixit Dominus: Tradent, si manseris hic quousque urbs obsideatur a Saule: et in hoc fuissent ingrati beneficiis David, tamen ex timore forsân fecissent hoc. Sur-

rerit ergo David, et viri ejus quasi sexcenti, et egressi de Ceila, huc atque illuc vagabantur incerti. Nuntiatumque est Sauli, quod fugisset David de Ceila, et salvatus esset: quamobrem dissimulavit exire.

Morabatur autem David in deserto in locis firmissimis. Mansitque David cum viris suis quasi sexcentis, in monte solitudinis Ziph, in monte opaco: quia solitudo illa erat propinqua oppido tribus Juda nomine Ziph, et erat mons ille opacus seu obscurus; tamen ex eo longe poterat videri. Querebat tamen eum Saul cunctis diebus, id est, assidue per annos aliquot multipliciter laboravit comprehendere David; et non tradidit eum Dominus in manus ejus. Et vidit David, quod egressus esset Saul ut quæreretur animam ejus. Porro David erat in deserto Ziph in silva. Et surrexit Jonathas filius Saul, et abiit occulte ad David in silvam, et confortavit manus, id est, potestatem ejus seu vires operativas, et ipsum David, et ex consequenti ejus exercitum, in Deo, quia juste et sapienter hoc fecit, et fiduciam ipsius David, quam in Deo habuit, auxit et roboravit. Dixitque ei: Ne timeas, neque enim inveniet te manus Saul patris mei, id est, non comprehendet te. Tamen paulo post invenit eum, ita quod scivit ubi fuit, et fuit prope eundem. Et tu regnabis super Israel: quod Jonathas scivit ipsi David esse promissum a Deo; et ego ero tibi secundus, id est, primus post te. Sed et Saul pater meus scit hoc, scilicet quod regnabis post eum. Si Saul hoc scivit, cur persequeretur David? Et respondendum, quod Saul ad mentem rediens, et gesta ac verba Samuelis revolvens, bene advertit, quod David utique post se regnaret. Nihilominus passionibus et perversitatibus mentem ejus obtenebrantibus, ad humanas vires respiciens, speravit se posse ipsum David occidere, sicque ipsius promotionem ad regnum impedire. Percussit ergo uterque fœdus coram Domino, id est, pristinum amicitiae pactum innovaverunt et confir-

Josue xv, 24, 55.

maverunt coram Domino. Quod Magister A in historiis sic exponit : Id est, coram Gad propheta et Abiathar sacerdote. Et juxta hoc Gad fuit cum David. *Mansitque David in silva, Jonathas autem reversus est in domum suam.*

Ascenderunt autem Ziphæi ad Saul in Gabaa, dicentes : Nonne ecce David latitat apud nos in locis tutissimis silvæ, in colle Hachila, quæ est ad dexteram deserti ? Nunc ergo sicut desideravit anima tua, ut descenderes, descende ; nostrum autem erit ut tradamus eum in manus regis. Isti B Ziphæi fuerunt de tribu Juda, quia descenderunt de Caleb per filium ejus Mesa, ipse est pater Ziph, ut primo Paralipomenon legitur. Sicque Ziph quandoque est nomen viri, aliquando urbis. Isti Ziphæi inique egerunt contra David cognatum et contribulem suum. *Dixitque Saul : Benedicti vos Domino, id est, ad laudem Dei benedicti sitis, seu benedicti estis a Domino, quia doluistis vicem meam, id est, mihi condoluistis.* Sicque Saul benedixit eis pro opere vitioso, quod tamen sibi apparuit bonum, quemadmodum latrones gratias agunt Deo, dum dividunt spolia horum quos occiderunt. *Abite ergo, oro, et diligentius præparate, et curiosius agite, et considerate locum ubi sit pes ejus velociter, vel quis viderit eum ibi, ubi dixistis. Recogitat enim de me quod callide insidiet ei. Considerate et videte omnia latibula ejus, in quibus absconditur, et revertimini ad me ad rem certam, ut radam vobiscum. Quod si etiam in terram se obstruxerit, id est, foveis terræ se occultaverit, perscrutabor eum in cunctis millibus Juda, id est cum omni multitudine quæ est in Juda. Vel, In cunctis millibus Juda, id est, per omnia loca tribus Juda : in qua millia esse dicuntur, vel propter urbium, vel propter hominum copiositatem, juxta illud Michææ, Et tu, Bethlechem, parvulus es in millibus Juda. Per hæc insinuat, quod etiam valde multi de tribu Juda, favebant Sauli contra David. *At illi surgentes, abierunt in Ziph ante Saul.**

David autem et viri ejus erant in deserto Maon in campestribus ad dexteram Jesimon. Irit ergo Saul et socii ejus ad quærendum eum in deserto Maon. Estque Maon proprium nomen deserti illius, vel (ut alii dicunt) oppidi adjacentis. *Et nuntiatum est David, qui tanquam vir prudens, ordinavit quosdam ex suis qui explorarent studia et itinera Saul.* Vel per Gad prophetam Dominus sibi talia revelavit. *Statimque descendit ad petram.* Per petram intelligit Hieronymus quemdam munitissimum locum, in quo David et sui reposuerunt ea quæ ipsis oneri fuerunt, ut essent expeditiores ad omnia. Alii per petram intelligunt petrosam et profundam cavernam, ubi deposuerunt talia. *Et versabatur in deserto Maon. Quod quum audisset Saul, persecutus est David in deserto Maon. Et ibat Saul et viri ejus ad latus montis situati in deserto Maon, ex parte una ; David autem et viri ejus erant in latere montis ex parte altera. Porro David desperabat se a facie Saul posse evadere.* Cujus subjungitur ratio : *Itaque Saul et viri ejus in modum coronæ cingebant David et viros ejus.*

Sed quæritur, qualiter fidelis David sciens se unctum in regem ad succedendum Sauli in regno, diffidebat se posse evadere. Ad quod quidam respondent, quod non desperavit evasionem pro se, sed pro suis. Et iterum, aliqui dicunt, quod non desperavit evasionem pro sua persona, quoniam certus erat de impletione divini promissi, sed desperavit se posse evadere absque bello cum Saule : quod bellum exhorruit ex timore occisionis virorum suorum et aliquorum qui erant cum Saul, persequentes eum involuntarie magis quam sponte. Hæc autem responsiones non videntur textui concordare, in quo clarissime dicitur, quod desperavit se posse evadere. Denique supra legitur, quemadmodum David inter cetera dixit ad Jonathan : *Vivit Dominus et vivit anima tua, quia uno tantum (ut ita dicam) gradu ego et mors divimur.* Ideo ad istud quæsitum est aliter

1 Par. ii. 42.

Mich. v. 2.

1 Reg. xx, 3.

ibi responsum. Insuper dici potest, quod A
desperavit se posse evadere secundum ordi-
nem et processum proximarum natura-
liumque causarum seu propriis viribus.
Quod vero timuit pro se ipso, constat etiam
1 Reg. XXVII, 1. ex hoc quod infra ait, Aliquando una die
incidam in manus Saul. Circa hunc locum
loquitur Rabbi Paulus : Translatio nostra
in hoc loco multum deviat ab Hebraica ve-
ritate. Nam pro eo quod habemus, Porro
David desperavit se posse evadere : in He-
braeo habetur, Porro David festinavit ad
eundum a facie Saul. Sed (ut alibi demon-
stravi) male sonat asserere, quod transla-
tio nostra deviet ab Hebraica veritate. Sic
enim devieret a veritate, et falsa esset. Id-
circo tenendum est, quod sermo ille He-
braeus sit forsitan ad utrumque horum
æquivocus. Aptiusque transtulit Hierony-
mus, Desperavit se posse evadere, quam si
transtulisset, Festinavit ad eundum a fa-
cie Saul, id est ad fugiendum ab eo. Quum
enim se cerneret cinctum ab exercitu Saul
in modum coronæ, non poterat fugere; nec
festinavit ad fugiendum, quum sciret hoc C
impossibile sibi esse.

*Et nuntius venit ad Saul, dicens : Fe-
stina et veni, quoniam infuderunt se Phi-
listiim super terram regni tui. Reversus
est ergo Saul, desistens persequi David,
et perrexit in occursum Philistinorum.
Propter hoc vocaverunt locum illum, Pe-
tram dividentem, quoniam juxta petram
ibi existentem divisus est, et abiit Saul
eum suo exercitu a David et sociis ejus :
quod totum factum est ex ordinatione di-
vina pro David evasione.*

Sensus
spiritualis.

Tropologice, per Philistæos expugnantes
Ceilam, qui et areas diripiebant, quos Da-
vid, id est Christus, repulit, vicit et spo-
liavit, designati sunt invisibiles hostes, qui
olim Synagogam et modo Ecclesiam dire-
impugnant, et pro maxima vineunt parte,
ita quod areas, id est congregationes de-
votas, cœnobia, collegia, particularia Chri-
sti ovilia, spiritualibus fructibus nudant
ac privant. Sed Dominus et Salvator non
deserit suos, sed pugnans pro ipsis, invi-

sibiles illos adversarios per sua auxilia at-
que angelica subsidia rursus expugnat, et
sicut in Isaia est prædictum, fortium divi-
dit spolia. Unde de vasis misericordiæ Do-
minus ibi præmittit : Ideo dispartiam ei
plurimos. Hinc et ipsemet in Evangelio
protestatur : Quum fortis armatus custodit
Luc. XI, 21, atrium suum, in pace sunt ea quæ possi-
det; si autem fortior illo superveniens,
vicerit eum, universa vasa ejus diripiet.
Et consuluit David Dominum. Sic et Chri-
stus secundum naturam assumptam nihil
omnino egit sine familiari et certo consi-
lio Spiritus Sancti, cujus donis anima ejus
fuit plenissima, et per donum consilii di-
rigebatur a Spiritu Sancto in universis
agendis. Unde et a Spiritu utique Sancto
Matth. IV, 1; Luc. IV, 1. ductus est in desertum. Ideo ait per Isaia-
m : Spiritus Domini super me, eo quod unxe-
rit me. Et item : Et nunc (inquit) Dominus
misit me et Spiritus ejus. Et dixerunt vi-
ri qui erant cum David. Per formidinem
illorum virorum David, præfiguratus est
timor Apostolorum, discipulorumque Chri-
sti, qui eum sæpe cum metu secuti sunt
propter Judæorum persecutiones, et quo-
niam passionem suam eis prædixit. Hinc
Marcus ait : Erant autem in via ascenden-
tes Jerosolymam, et præcedebat illos Jesus,
32. et stupebant, et sequentes timebant.

Præterea, sicut viri Ceilæ ingrati, a Da-
vid liberati, nihilo minus tradidissent eum
Sauli; sic Judæi, quibus Christus benefi-
cia multa exhibuit, prædicando, miracula
faciendo, et eos interdum ad devotionis
spiritum convertendo, tandem tamen co-
ram Pilato petierunt eum occidi, ingratissi-
mi facti, quibus et antea dixit : Multa
bona opera ostendi vobis ex Patre meo ;
propter quod horum me lapidatis ? Iterum,
sicut David cum suis frequenter moratus
est in locis deserti, ita et Dominus Jesus.
Matth. IV, 1; Joann. XI, 54. Amplius, per Ziphæos qui accusaverunt
ipsum David Sauli, intelliguntur carnales
incredulique Judæi, qui visis mirabilibus
Salvatoris, iverunt et nuntiaverunt ea pon-
tifici, Scribis et Pharisæis, qui et Christum
sæpe circumdederunt in modum coronæ,

Joann. 8, 24, 31, 39. dicentes : Quousque animam nostram tol-
lis ? Qui et sumptis saxis voluerunt eum
mox lapidare, ita quod supernaturali pote-
Luc. iv, 30. state transiens per medium illorum ibat,
factus invisibilis eis. Discamus ergo et
nos, exemplo electorum, libenter pati ad-
versa, atque in omni tribulatione ad Deum
confugere, et in ipso invicta mente confi-
Job xiii, 13. dere, cum sancto Job protestantes : Etiam
si occiderit me, in ipso sperabo. Postremo

A pensandum, quod David et Jonathas tribus
vicibus foedus amicitiae inierunt : primo
in domo, secundo in agro, tertio in deser-
to. Per quod figuratum est, quod homo
debet pactum inire cum Salvatore : primo,
in cordis secreto, secundo, in exercitio
actionis, tertio, in abstractione contem-
plationis ; vel, corde, ore, et opere ; item,
mente, corpore, et per alios quos con-
vertit.

I Reg. xviii,
3 ; xx, 46 ;
xxiii, 18.

ARTICULUS XLI

EXPOSITIO CAPITULI VICESIMI QUARTI : ASCENDIT ERGO DAVID INDE.

*A*LIA sancti David persecutio hic nar-
ratur. *Ascendit ergo David inde*, vi-
delicet de solitudine Maon, *et habitavit in*
locis tutissimis Engaddi, id est firmissi-
mis latibulis prope et extra urbem sic di-
ctam, in qua (secundum Magistrum in hi-
storiis) erat vinea balsami. Unde in Canticis
Cant. i, 13. dicitur : Botrus Cypri dilectus meus mihi
in vineis Engaddi. Vineam illam transtulit
postea in Babyloniam Cleopatra, ut narra-
tur : quod forsitan de Babylonia urbe Aegy-
pti est intelligendum. *Quumque reversus*
*esset Saul, postquam persecutus est Philis-
taeos, nuntiaverunt ei, dicentes : Ecce Da-
vid in deserto est Engaddi. Assumens ergo*
Saul tria millia electorum virorum, id est
elegantium bellatorum, *ex omni Israel,*
perrexit ad investigandum David et viros
ejus, etiam super abruptissimas petras, id
est altas et eminentes in desertis, ab ac-
cessu hominum abstractas, *quæ solis ibi-*
cibus perviæ sunt, id est solis capreis sil-
vestribus perambulabiles. De his capreis
fertur, quod ab altis locis se possunt præ-
cipitare, et sine læsione se in cornibus
suis recipere. *Et venit ad caulas ovium,*
quæ se offerebant vivanti, id est, quæ sitæ
erant prope commune iter, ad quas venit,
de locis eremi redeundo aut recedendo.

B *Eratque ibi spelunca, quam ingressus est*
Saul, ut purgaret ventrem. Et mirum, quod
non timuit ibi forsitan inesse aliquam fe-
ram. Verum inconsultæ erat audaciæ.

Porro David et viri ejus in interiori
parte speluncæ latebant : quo constat, quod
fuit grandis spelunca, quam solum virum
intrare fuit periculosum. *Et dixerunt ser-
vi David ad eum. Jam enim elegerunt*
eum sibi in principem. *Ecce dies de qua*
locutus est Dominus ad te, Ego tradam
tibi inimicum tuum, ut facias ei sicut pla-
C *cuerit in oculis tuis.* Hucusque non legitur
Dominus ista dixisse ad David. Creditur
tamen, quod ei in magna angustia alicubi
constituto Dominus ista promiserit pro con-
solatione ipsius. Quocirca oritur difficul-
tas, quia si Dominus ista promisit David
de Saule pro tempore isto, ergo David po-
tuisset sine peccato occidere Saulem, quia
ad hoc fuit ei a Domino traditus, ut face-
ret ei quod vellet ; quum tamen paulo post
legatur David pœnituisse de hoc, quod par-
tem chlamydis Saulis absciderit. Et respon-
dendum, quod promissio illa Dei, non fuit
intelligenda de traditione Saulis in manus
David, ad hoc quod occideret eum, sed ut
faceret ei sicut placeret in oculis suis in-
terioribus, hoc est, sicut recta conscientia

sibi dietaret, seu ratio indicaret : imo nunquam dat Deus unum in manum alterius directe ad hoc, quod cum inordinate occidat. Quinimo Deus sic dedit Saulem in manus David, quatenus bonitas, virtus, perfectio ipsius ad omnium nostrum adificationem claresceret, per hoc quod crudelissimo hosti suo tam pius et clemens fuit.

Surrexit ergo David, et præscidit oram chlamydis, id est extremitatem pallii, *Saul silenter*. Mirum, quod tam silenter hoc facere potuit, quod Saul non sensit. Sed multa hujusmodi non nisi speciali Dei moderamine fecit David. Vel Saul intentus ad alia multa, et circa requisita naturæ, non percepit sonitum parvum. David quoque industriosissimus fuit. Vel chlamys fuit protine seorsum deposita. Denique juxta Glosam, chlamys est sagum militare, quod et

* pyralica pyroclita * vocatur, ἀπὸ τοῦ πυρ, quod est ignis, quoniam eo utebantur pyralæ. *Post hoc percussit cor suum David, eo quod abscidisset oram chlamydis Saul*, id est, pectus suum in quo cor continetur, tunde-

bat, pœnitendo et reprehendendo se de eo quod fecit, quia circa dominum suum irreverenter habuerit se. Vel cor suum, id est conscientia sua, redarguit eum.

Dixitque ad viros suos : Propitius sit mihi Dominus, id est, gratiose præservet me a peccato, ad quod instigatis me. Nam ut Josephus sensit, viri David contra eum murmurabant, eo quod nollet occidere hostem suum sævissimum, quod dixit se sine peccato patrare non posse, quemadmodum subditur : *ne faciam hanc rem*, utpote læsionem, *domino meo christo Domini*, id est uncto unctione regali ex imperio Dei, *ut mittam manum meam in eum, quia christus Domini est* : ideo reservandus fuit divino judicio, nec interficiendus auctoritate privata, præsertim a subdito. Et quamvis fuit tyrannus, non tamen tantus, quod fuit occidendus ab aliquo de populo suo, qui aliter potuit manum illius evadere. Porro quod subditur, *Vivit Dominus*, usque ad id, *Et confregit David*, non est

A de textu hoc loco, nec in Hebræo habetur, sed infra in casu consimili, et ibi exponitur. *Et confregit David servos suos sermonibus istis*, id est, pacatos reddidit, et malum eorum propositum fecit cessare sermonibus jam præactis, et forsitan pluribus verbis, quæ non sunt scripta : *et non permisit, ut consurgerent in Saul*. Verumtamen si consurrexissent in Saul, periculose egissent, quoniam tria millia foris dominum suum præstolantia non abissent, quousque novissent quid domino suo accidisset ; et cognita ejus occisione, obsedissent David cum suis in spelunca, et ulti fuissent regis interitum.

Porro Saul exsurgens de spelunca, pergebat cepto itinere. Surrexit autem David post eum, sequendo Saulem per aliquantulum spatium extra speluncam. *Et egressus de spelunca, clamavit post tergum Saul, dicens : Domine mi rex. Et respexit Saul post se, et inclinans se David pronus in terram, adoravit, dixitque ad Saul : Quare audis*, id est, audiendo vera esse credis, *verba hominum loquentium, David quærit malum adversum te ?* Aliqui namque detractores et odio habentes sanctum David, atque Sauli placere optantes, ut Doeg et similes, concitaverunt Saulem contra David, suggerendo Sauli quod David quæreret ejus interitum, ut posset regnare : ad quod etiam suspicandum, Saul ex propria malitia erat satis pronus. *Ecce hodie viderunt oculi tui*, id est, tu ipse nunc vides, *quod tradiderit te Dominus in manum meam in spelunca*. Omnia enim, etiam minima, cadunt sub providentia Dei, et ejus dispositione id contigit, quod Saul introiit specum in quo latuit David : quod respectu divinæ providentiæ non fuit casuale. *Et cogitavi ut occiderem te* : ex quo videtur, quod David habuit primum motum iræ inclinantis ipsum ad vindicandum se ; *sed pepercit tibi oculus meus*, id est, oculo exteriori respexi te pie, et oculus meus interior, utpote ratio, refrenavit iracundiæ motum. *Dixi enim, Non extendam manum meam in dominum meum, quia christus*

1 Reg. xxvi,
10, 11.

Dominus est. Quin potius, pater mi, vide et agnosce oram chlamydis tuæ in manu mea, quomodo quum præscinderem summitatem chlamydis tuæ, nolui extendere manum meam in te.

Animadvertite et vide, quoniam non est in manu mea malum neque iniquitas, id est, tale peccatum in Deum aut in proximum, non est in mea operatione seu practica potestate, quale tu mihi imponis. Non tamen voluit David asserere se esse immunem ab omni culpa. *Neque peccavi in te*. Jam dictum est quod percussit eum cor suum, eo quod chlamydis oram præsciderit, ergo peccavit in Saul. Similiter primus ille motus occidendi regem, non videtur veniali caruisse peccato. Et respondendum, quod non nisi veniales culpæ fuerunt. David vero nunc de mortali loquitur culpa. *Tu autem insidiaris animæ meæ ut auferas eam. Judicet Dominus inter me et te*, reddendo unicuique quod meretur, et ulciscatur Dominus me ex te, dando tibi in vita hac correctionem pro excessibus tuis in me, ne pereas in æternum. Hoc ex zelo justitiæ, imo et ex caritatis affectione deprecatus est David. *Manus autem mea non sit in te*, id est, absit ut ego ipse vindicem me de te, quia nec publica auctoritate, nec jurisdictione super te fungor. *Sicut et in proverbio antiquo dicitur: Ab impiis egredietur impietas*, id est, impii agent inique. Hoc refertur ad id quod David dixit ad Saul: *Tu autem insidiaris animæ meæ, ut auferas eam*. Quasi dicat: Ita me persequendo sic te habes, quod proverbium illud antiquum competit tibi. Vel D refertur ad illud, *Ulciscatur Dominus me ex te*, id est, per alios tibi consimiles in malitia, puniat te, sicut in proverbio veteri fertur, *Ab impiis egredietur impietas*, id est, unus iniquus alium perimet: quod contingit frequenter justo Dei iudicio, qui propter illorum peccata occulta aut manifesta, vult aut permittit sic fieri, sicut et unum regnum iniquum frequenter destruxit per aliud regnum iniquum.

Circa hæc scribit Lyra: Proverbium hoc

A dicebatur, quando Dominus per aliquem malum vindictam sumpsit de alio pejore, vel æque malo. Et quoniam David sensit se innocentem, noluit quod talis ultio per se ipsum fieret de Saule. Hebræi autem dicunt, quod proverbium istud antiquum est lex data a Deo, qui apud Daniele vocatur Antiquus dierum. Et accipiunt istud ex lege in Exodo, ubi dicitur de occiso a casu, quod Dominus tradidit eum in manum occidentis: quod dicunt accidere propter peccatum occultum ipsius occisi, pro quo dignus fuit occidi, et etiam pro peccato occulto occidentis, pro quo dignus fuit expelli de sua civitate usque ad mortem pontificis. Et quia peccata ista occulta non possunt vindicari per humanum iudicium, vindicantur sic per divinum. Sed hoc dictum non semper est verum, licet aliquando possit contingere, quia frequenter contingit homicidium casuale absque peccato occidentis vel occisi hoc demerente secundum iudicia divina nobis occulta: omnia tamen ad bonum electorum ordinantur. Hæc Lyra. Circa hæc dico, quod quum Deus sit provisor et moderator actuum humanorum, sine rationabili causa nil faciens aut fieri sinens, raro aut nunquam permittit aliquem casualiter occidere aut occidi, nisi pro aliquo occidentis vel occisi peccato manifesto aut abdito: alioqui a tali articulo seu eventu unum eripit, aliumque præservat. Propter quod etiam per angelos sanctos tuetur et regit hominum vitam.

Manus ergo mea non sit in te. Quem persequeris, rex Israel? quem persequeris? quasi dicat: Non deest tantum, sic occupari et fatigari et variis exponi periculis propter tantillum. Ideo subditur: *Canem mortuum persequeris et pulicem unum*, id est me, qui comparatione excellentiæ atque potentiæ tuæ, sum quasi mortuus canis, et multum vilis, ac similis puliei, qui hinc inde saliendo evadit mortem: sic et ego ad diversa loca confugiendo. Itaque humilis David se ipsum multum humiliat, ut mitiget iram regis superbi, quo in veritate

Dan. vii, 9.

Exod. xxi, 13.

melior fuit, quantum ad dona gratiæ ac virtutum; tamen quantum ad dignitatem, quæ penes prælationes et principatus attenditur, Saul fuit major. *Sit Dominus iudex, et judicet inter me et te: et videat Dominus*, id est, per effectum justitiæ suæ ostendat se videre quæ patior a te, viderique faciat, ut et aliis innotescat, sicut in *Gen. xvm, 21.* Genesi ait: *Descendam et videbo, etc.: et judicet causam meam, et eruat me de manu tua.*

Quum autem complexset David loquens sermones hujusmodi ad Saul, dixit Saul: Numquid hæc vox tua est, fili mi David? Numquid, hic sumitur pro Nonne, siquidem scivit quod fuit locutio David. Et levavit Saul vocem suam, et flevit. Compunctus etenim fuit ex tanta humilitate, beneficentia, probitateque David: ex quibus et propriam perversitatem, ingratitudinemque perpendit. *Dixitque ad David: Justior tu es quam ego.* Quare non dixit, Misericordior tu es quam ego, quum David exhibuerit sibi misericordiam tantam? Et respondendum, quod justitia David magna apparuit in prædictis, quoniam noluit vindicare se ipsum, et divini judicii veritati suam commisit causam. Justitia quoque uno modo, est generalis omnisque virtus. Comparatio tamen illa, Justior es quam ego, fuit impropria, quemadmodum si dicatur: Homo est sapientior bruto, et angelus virtuosior diabolo. *Tu enim tribuisti mihi bona, ego autem reddidi tibi mala. Et tu indicasti mihi hodie quæ feceris mihi bona, quomodo tradiderit me Dominus in manum tuam, et non occideris me. Quis enim quum invenerit inimicum suum, dimittet eum in via bona?* quasi dicat: Pauci sunt tantæ bonitatis, qui adversarios suos letales dimitterent abire illæsos, data eis facultate et opportunitate lædendi illos. Et istud specialiter rarum fuit in veteri lege, quæ dixit: Diliges amicum tuum, et odio habebis inimicum, nondum promulgata evangelicæ legis perfectione, quæ tamen in lege illa Mosaica velabatur. Nempe et Moyses scripsit: Non

quæres ultionem, nec memor eris injuriæ civium tuorum. *Sed Dominus reddat tibi vicissitudinem hanc*, id est, simile tibi restituat, et pro beneficiis mihi impensis vicem tibi rependat, *pro eo quod hodie operatus es in me.*

Et nunc quia scio quod certissime regnaturus sis, et habiturus in manu tua regnum Israel. Hoc enim Saul perpendit ex consideratione virtutum David, per quas pensavit eum dignum esse impletionem promissionis ei factæ de regno obtinendo, sicut ipse per vitia sua factus fuit indignus permanere in regno. *Jura mihi in Domino*, id est vere et per Deum legitime, *ne deleas*, id est, quod post mortem meam non delebis nec penitus interficies semen meum, quod erit superstes post me, *neque auferas nomen meum de domo patris mei*, id est memoriam personæ meæ de parentela et cognatione mea, interficiendo posteros meos. Parentes enim in sobole sua quodammodo manent, et per generationum successionem manet ac viget eorum memoria. Verum est dictum illud commune: Qualis quisque est, taliter judicat et talia sentit de aliis. Unde Saul ambitiosus et vindicativus, paulo ante miratus fuit, quod David eum non interfecit in casu præscripto. Nunc quoque timens et suspicans ipsum David ita acturum eum semine suo, sicut ipse in simili casu egisset eum semine David, petiit juramentum præactum, ut assecraretur de tali periculo.

Et juravit David Sauli, quod non deleteret semen ejus in toto. Verumtamen postea, ad instantiam Gabaonitarum occidit filios filiæ Saul; non tamen delevit totaliter posteros Saul, nec illos occidit, nisi ex voluntate et actione divina. Nec Deus sic reprobavit Saulem, sicut postea aliquos reges Israel, quorum totam posteritatem, quantum ad masculos, se deleturum prædixit; sed reprobavit eum pro se et sua sobole, quantum ad regium principatum. *Abiit ergo Saul in domum suam* tristis de adversis suis successibus, et pœnitens se totaliter persecutum fuisse David, ac inde

Lev. xix, 18; Matth. v, 43.

Lev. xix, 18.

II Reg. xxi, 6-9.

cessare proponens. In quo tamen proposito A tatem, instabilitatem, et odium toties erant non diu permansit. *Et David, et viri ejus experti : propter quod probabiliter conje-* ascenderunt ad tutiora loca : quia non cerunt, quod eos rursus in brevi insequeretur, sicut et fecit.

ARTICULUS XLII

DE SPIRITUALI EXPOSITIONE EJUSDEM CAPITULI VICESIMI QUARTI.

QUOD Saul toties insecutus et persequen- tus est sanctum David cum suis in deserto, hoc allegorice præfiguravit, quod princeps tenebrarum Dominum Jesum Christum in deserto tentare præsumpsit. Tropologice quoque designat, quod religiosos et eremitas, atque veraciter pœnitentes, acrius instantiusque impugnat : imo, quemadmodum Saul assumpsit tria millia acerrimorum bellatorum ad exstinguendum David, sic princeps caliginis callidiores crudelioresque dæmones mittit ac dirigit ad tentandum præfatos, etiam per abruptissimas petras, id est inaccessibilissima eremi loca, solis ibicibus (id est viris contemplativis, qui saliunt in montibus) accessibilia : qui per humilitatem se ipsos in profundum propriæ parvipensionis præcipitant, atque in cornibus fidei et spei se sine læsione recipiunt : quia in Domino fideliter confidentes, nequaquam desperant. Deinde per donum sapientiæ et caritatis divinæ fervorem, ad montes potestatum cœlestium, ad excellentias virtutum, ad contemplationem limpidam æternorum, ad Deum deorum exsiliunt : sieque fructuosissime conversantur, et tempore opportuno, prout tanguntur a Spiritu Sancto, super se elevantur, ita ut illud beati Job de eis possit pronuntiari : Numquid nosti tempus partus ibicium ? De quibus loquitur admirans præclarissimus Isaias : Qui sunt isti qui ut nubes volant, et quasi columbæ ad fenestras suas ? Et rursus : Qui sperant (inquit) in Domino, assument pennas ut aquilæ ; volabunt, et non deficient.

Matth. iv, 1-11; Luc. iv, 2-13.

Job xxxix, 1.

Is. lx, 8.

Ibid. xl, 31.

Erat autem ibi spelunca. Per speluncam recte accipitur defectuositas naturæ humanæ : in qua defectuositate latuit Verbum æternum, ita quod ejus deitas cognoscatur a paucis ; in qua etiam latebant viri ac socii ejus sancti Apostoli, ceterique discipuli, qui propter carnis mortalitatem vilipendebantur a multis, nec tantæ, ut erant, excellentiæ credebantur : in quorum persona fassus est unus eorum, Habemus thesaurum istum in vasis fictilibus, ut sublimitas virtutis sit ex Deo. Hanc ipsam speluncam ingressus est Saul, qui licet plurimum superbiret, et regio culmine efferreretur, tamen necessitatibus subjacuit corporis, et ventrem cogeatur purgare. Denique in hac spelunca traditus est Saul in manibus David, hoc est, princeps sacerdotum in manus Christi, qui in Evangelio dixit : Pater diligit Filium, et omnia dedit in manus ejus. Itemque ad Patrem : Dedisti ei potestatem omnis carnis. Unde et passione instante, uno verbo omnes incredulos contra se stantes prostravit, ita quod abeuntes retrorsum, corruerunt resupini in terram. Invitis quoque principibus sacerdotum, expulit negotiantes de templo. Insuper, quasi oram chlamydis pontificum Christus abseidit, dum eos juste et caritative reprehendens, ipso pontificio ostendit indignos atque privandos.

II Cor. iv, 7.

Joann. iii, 35.

Ibid. xvii, 2.

Ibid. xviii, 6.

Matth. xxi, 12.

Verum circa verba, *Præscidit David oram chlamydis Saul silenter*, multa scribit Gregorius, ejus verba Richardus in suis Moralitatibus et Glossa inducunt. Per Saul namque signantur vitiosi prælati ; per

David, subditi boni. Saul ventrem purgat, A dum pravi pastores et prædicatores indigui, conceptam in corde malitiam fœde ac turpiter exsequuntur. Ipsum tamen Saullem David ferire veretur: quoniam subditi virtuosius suis superioribus, quamvis iniquis, non audent detrudere, nec vitam ipsorum ullo linguæ gladio cædunt. Qui si interdum ex humana infirmitate vix a superiorum increpatione valeant abstinere, excedunt quidem extrema et exteriora mala præpositorum, et tamen humiliter ac modeste loquuntur de culpis illorum, et quasi oram chlamydis silenter incidunt: quia dum dignitati prælaticæ saltem et latenter et innoxie derogant, quasi regis superpositi vestem fœdant. Tamen ad semetipsos mox revertuntur, seque de tenuissimo verbi excessu redarguunt.

An liceat
subditis
superiores
suos corripi-
re, etc.

Circa hæc quæritur, an liceat subditis superiores suos corripere, accusare, aut denunciare; et ex verbis Gregorii allegatis videtur, quod non, præsertim quum iterum protestetur: Facta præpositi, gladio oris ferienda non sunt, etiam dum recte reprehendenda judicantur. Si quando autem contra eos, vel in minimis lingua labitur, necesse est, ut per afflictionem pœnitentiæ reprimatur, quatenus ad se ipsam redeat, et dum præpositæ dignitati deliquerit, ejus contra se iudicium perhorrescat, a quo sibi præpositus est in quem peccat. Nam quum in præpositos delinquimus, ejus ordinationi obviamus, qui ipsos præposuit nobis. Hæc Gregorius. Præterea, beatus Anacletus Papa ait: Sententia Cham filii Noe damnatur, qui præpositorum vel doctorum suorum culpam produnt. Rursus eadem causa sanctus Zephyrinus disseruit: Majorum quispiam, minorum accusationibus non impetatur. Hinc et Telesphorus Papa sanctus testatur: Dei ordinationem accusat, qui eos qui ab ipso constituuntur sacerdotes accusat. His consonat quod sanctus Pius Papa effatur: Oves pastorem suum non reprehendant, plebs suum episcopum non accuset, sed nec vulgus arguat suum prælatum, quia non est discipulus super magistrum.

Gen. ix, 22,
25.

Matth. x, 24.

In oppositum hujus arguitur, quia sanctus Gregorius loquitur: Sicut laudabile est et discretum, reverentiam et honorem exhibere prioribus, ita rectitudinis et Dei timoris est, si quæ in eis indigent correctione, nulla dissimulatione postponere, ne totum (quod absit) corpus invadat corruptio, si non fuerit curatus in capite morbus. Amplius, Gelasius Papa, sicut habetur, 2, q. 7, c. Si scribit quibusdam subjectis: Si quid damni in Ecclesia pontificem vestrum videritis admittere, mox auribus nostris revelatione signate, ut quid fieri debeat, censeamus. Præterea, in eodem Gregorius approbat, quod quidam episcopus inter alia mala carnali crimine lapsus, atque a suis clericis accusatus et convictus, episcopali est sede depositus.

Ad hanc quæstionem Alexander de Hales super tertium Sententiarum, quæstione 42, respondet: Dicendum secundum quosdam, quod sunt subditi criminosi, et sunt subditi boni. Subditi criminosi prohibentur ab accusatione prælatorum, non boni. Unde dicit Anselmus seu Augustinus: Præsumunt prælati non debere se reprehendi aut accusari pro eo, quod canones passim statuunt eos non esse reprehendendos: quod tamen criminosis negatur, quum de reprehendendo ipsa Veritas dixerit: Si male locutus sum, testimonium perhibe de malo. Sed rursus opponitur, quoniam canones determinant, in quo casu pastores sint a subditis accusandi, ergo in nullo alio casu poterunt accusari. Casus autem est, quum a fide exorbitaverint. Hinc beatus Eusebius Papa: Oves, inquit, quæ pastori suo commissæ sunt, nequeunt eum reprehendere, nec eum possunt ullatenus accusare, nisi exorbitaverint a fide. Dicendum, quod est accusatio facta ex affectu caritatis fraternæ, et est accusatio facta ex malignitatis affectu. Accusatio ergo prælatorum, facta a bonis et ex caritatis affectu, est licita: facta autem a subditis criminosis et malignitatis affectu, prohibetur. Et per hanc distinctionem solvuntur et concordantur omnes canones præinducti. Porro

2, q. 7, c. Si
quid.

Joann. xviii,
23.

Gen. ix, 22.
25.

ad illud quod objicitur de Cham, qui fuit A de, intelligitur de subditis criminosis atque infamibus. Nam tales pastorem suum accusare non possunt, nisi a fide exorbitet. Tanta quippe est labes criminis hujus, quod ad ejus accusationem servus adversus dominum, et quilibet criminosis adversus quemlibet admittitur. Hæc Alexander.

Ex his itaque innotescit, quam graviter peccent, qui contra superiores suos, præsertim si boni sint, faciliter irascuntur, indignantur, et temerarie judicant eos, aut obloquuntur seu irreverenter loquuntur B eisdem : quæ omnia cum summa diligentia sunt vitanda. Intueamur et pro viribus imitemur patientiam et mansuetudinem sancti David, qui cum suis parentibus ac tota parentela fuit innocenter pulsus de regno, et tam inhumaniter quærebatur ad occidendum ; et tamen cum, a quo tanta sustinuit, non solum non læsit, sed nec lædi permisit. Itaque circa omnes, potissime circa superiores, simus patientes et mites, et propter eum a quo est omnis prælatio ac Rom. xiii, 1 potestas, deferamus eis ut decet.

ARTICULUS XLIII

DECLARATIO CAPITULI VICESIMI QUINTI : MORTUUS EST AUTEM SAMUEL.

HISTORIA rerum inter David et Nabal C ejusque uxorem gestarum, hoc loco describitur. *Mortuus est autem Samuel senex et plenus dierum, et congregatus est universus Israel*, hoc est majores de toto populo, seu quidam, imo et multi de singulis tribubus Israel : imo multi venerunt ad eum ægrotantem antequam obiit, inter quos aliqui opinantur et ipsum Saul venisse ; *et planxerunt eum nimis*, tanquam proprium et generalem omnium patrem ; nec solum planxerunt defunctum, sed et moriturum, dolentes de imminente ejus discessu, ejus D vita erat communitati tam utilis ; *et sepelierunt eum cum ingenti honore*, sicut a

tempore Patriarcharum consueverunt majores suos sumptuose et honorifice sepelire, *in domo sua*, hoc est infra septa suæ domus in horto aut simili loco decenti, *in Ramatha*, urbe sua.

Consurgensque David, descendit in desertum Pharan, id est in solitudinem propinquam urbi Arabiæ nomine Pharan : per quod desertum transierunt etiam filii Israel Num. xiii, 1. egressi de Ægypto, ut Josephus scribit. *Erat autem vir quispiam in solitudine Maon*, de qua dictum est supra. Tamen (ut fer- 1 Reg. xxiii, 25. tur) istud non est in textu, nec in Hebræo. Nam et in Scholastica fertur historia, atque in libro de Hebraicis quæstionibus : Vir

iste habitavit in urbe Aman seu Maon, sed A in solitudine juxta Carmelum habuit domum pro pastoribus et gregibus suis, et illuc eum conjuge et amicis convenit ad epulandum in suarum ovium tonsione. *Et possessio ejus in Carmelo*, id est, in monte sic appellato ejus pecora erant et alebantur : qui mons Carmelus situs fuit in funiculo tribus Juda. Fuit et alter mons Carmelus, ubi interfecit prophetas Baal Elias, situs in confinio Palæstinæ et Phœniciæ : qui mons dicitur esse in sorte Issachar. *Et homo ille magnus nimis*, in divitiis, in stirpe et fama. *Erantque ei oves tria millia, et mille capræ. Et accidit, ut tonderetur grex ejus in Carmelo.*

Nomen autem viri illius erat Nabal; et nomen uxoris ejus Abigail, eratque mulier illa prudentissima. Quod magnum et raram est in feminis, quum ex naturali dispositione communiter sint molles, instabiles ac debiles ratione, ideoque passionibus subditæ. *Et speciosa* : sicque erat amabilis corde et corpore. Porro vir ejus Nabal durus corde, seu immisericors : ideo corrumpitur in multa et magna peccata, quum scriptum sit, Qui cordis est duri, incidet in mala ; et pessimus moribus, et improbus valde in verbis, et maliciosus. quantum ad voluntatem, seu habituatus in vitiis, ita quod ex proposito et malitia certa peccavit : sicque apparet magna virtuositas feminae hujus, quæ cum tam vitioso marito, tam diu patienter et pacifice vixit, quum tamen ille ex bonitate suæ uxoris nequaquam proficeret. *Erat autem de genere Caleb viri virtuosus*, ejus virtutes non imitabatur. Unde D habetur, quod erat de tribu Juda, sicut et David. Propter quod peccavit enormiter, ita ad David se habendo, ut statim patebit. Dicit demum Magister in historiis : In Paralipomenon libro legitur : Caleb genuit Archan *, Archan genuit Jezem *, hic est, ut putant Judæi, Nabal. Verumtamen non est credendum, quod Nabal fuerit secundus aut tertius a Caleb, qui cum Moyse exivit Ægyptum.

Quum autem audisset David in deser-

to, quod tonderet Nabal gregem suum, misit decem juvenes, et dixit eis : Ascendite in Carmelum, et venietis ad Nabal, et salutabitis eum ex nomine meo pacifice, et sic dicetis : Sit fratribus tuis, id est propinquis et amicis quos tecum habes, et tibi par. Aliqui textus habent, Sit fratribus meis pax : sicque præfatos propinquos et amicos ipsius Nabal, David nominat fratres suos, quoniam erant de tribu Juda, sicut et ipse. *Et domui tuæ par, et omnibus quæcumque habes, sit par.* Quod autem in aliquibus libris subjungitur, Ex multis annis salvos facies tuos et omnia tua, non est de textu. *Audivi quod tonderent pastores tui gregem * ovium*, quæ tria millia ^{* greges tuos} erant, qui pastores erant in deserto Maon nobiscum. Consequenter David insinuat ipsi Nabal beneficia sua, pastoribus et pecoribus illius exhibita, ut sic provocaret illum ad caritativam communionem et piam subventionem. *Nunquam eis molesti fuimus*, imo ab invasoribus defendimus eos. Ideo subditur : *nec aliquando quidquam defuit eis de grege omni tempore quo fuerunt nobiscum in Carmelo.* Interroga pueros, id est pastores et servos tuos, et indicabunt tibi quod ita sit. Aliqui exponunt istud etiam pro tempore quo David pavit gregem patris sui cum pastoribus Nabal, ut dicunt, ita quod tunc multa bona impendit eis. *Nunc ergo inveniant pueri tui gratiam in oculis tuis*, hoc est, juvenes quos direxi ad te, caritative et gratiose accepta, et per eos mitte mihi et viris meis sustentaculum vitæ. *In die enim bona venimus*, id est, ego et socii mei per nuntios meos venimus ad te, et postulamus hanc gratiam in tempore isto jucundo et celebri, utpote dum oves tuæ tondentur : quia in tempore tali consueverunt Hebræi exemplo Patriarcharum celebrare convivium suis amicis atque tonsoribus, ita quod tunc fuit tempus lætitiæ. *Quodcumque invenerit manus tua*, id est, quidquid tibi occurrerit et placuerit, da servis tuis et filio tuo David. Ecce quam simplex, humilis, urbanaque petitio tanti viri, qui gener jam

Josue xv, 55.

III Reg. xviii, 19.

Prov. xxviii, 14.

I Par. ii, 46.

* Haran
* Gezez

Num. xiii, 7.

I Reg. XVIII,
27; XVI, 13.

fuit regis, et unctus fuit in regem, et gratiam habuit prophetiae: ad quam reprobus Nabal improbissime et superbissime respondit, ut subditur.

Quotumque renissent pueri David, locuti sunt ad Nabal omnia verba hæc ex nomine David, et siluerunt. Respondens autem Nabal pueris David, ait: Quis est David? et quis est filius Isai? quasi dicat: Vilis et insidiator est domini sui, ac capitaneus servorum fugitivorum. *Hodie increverunt servi qui fugiunt dominos suos*, id est, tempore isto multiplicati sunt et collecti servi, qui propter suos excessus, et debitarum timore pœnarum, suos fugiunt dominos. Quasi dicat, Malitiosus et vilis cumulus est. *Tollam ergo panes meos et aquas meas, et carnes pecorum meorum*, id est, cibos et potus, quæ occidi tonsoribus meis, et dabo viris quos nescio unde sint? ac si dicat: Non faciam, quum sint tam viles, ut indignum reputem quærere aut cognoscere, de quo loco sint oriundi. Et aliqui erant inter servos David, quorum locum natalem et originem Nabal nescivit. His auditis, indignatus est David, et iussit suis: *Accingatur unusquisque gladio suo. Et accincti sunt singuli gladiis suis. Accinctusque est et David gladio suo, et secuti sunt David quasi quadringenti viri. Porro ducenti minus apti ad prælium, remanserunt ad sarcinas*, hoc est ad custodiendum vasa, in quibus necessaria erant, et ea quæ præliatnris oneri erant.

Abigail autem uxori Nabal nuntiavit unus de pueris, hoc est famulis suis, prudens opilio: *Ecce misit David nuntios de deserto, ut benedicerent domino nostro*, id est, ipsum Nabal salutarent per verba commendatoria, et *aversatus est*, hoc est repulit, eos. *Homines isti, boni satis fuerunt nobis, et non molesti, nec quidquam aliquando periit omni tempore quo fuimus conversati cum eis in deserto. Pro muro fuerunt nobis, tam in nocte, quam in die omnibus diebus quibus pavimus apud eos greges. Quam ob rem considera et recognita, quid facias ad placandum David, quo-*

nam completa est malitia adversus virum tuum, et adversus domum tuam: hoc est, tanta est pravitas viri tui, quod diutius tolerari non potest, et tempus suæ punitionis jam instat, non solum in malum viri tui, sed et domesticorum ipsius; *et ipse est filius Belial*, hoc est diaboli, seu homo prorsus indisciplinatus, ita ut nemo possit ei loqui, id est, vix aliquis potest cum sine periculo alloqui, quoniam statim perverse respondet, aut respondere dedignatur, aut alloquentem male tractat.

B Festinavit igitur Abigail: quæ sine aliorum consilio statim per suam prudentiam consideravit, quid esset agendum; *et tulit ducentos panes et duos utres vini*: quo constat, et satis apertum est, quod supra per aquas intelliguntur quæcumque pocula; *et quinque arietes coctos, et quinque sata polentæ*. Satum, secundum Glossam, est mensura continens unum modium cum dimidio. Modiorum vero quantitas apud diversos diversificatur. Polenta vero est accuratissima farina, vel pulles factæ de ea, seu triticum pilo tusum. Andreas expositor dicit, quod sit grana tosta et manibus confricata. *Et centum ligaturas uvæ passæ*. Uva passa vocatur, quæ antequam matureseat, exsiccat ad solem, sieque conservatur et colligatur. *Et ducentas massas caricarum*, id est ficuum, seu fructuum palmarum, ut aliqui dicunt; *et posuit super asinos. Dixitque pueris*, id est servis suis, qui præfata victualia super asinos deferebant: *Præcedite me*. Sic et Jacob

Gen. XXXII,
7-21.

D muneribus servos, ut illum placaret muneribus. Et ecce ego post tergum sequar vos. Viro autem Nabal non indicavit.

Quum ergo ascendisset asinum, et descenderet ad radicem montis, David et viri ejus descenderunt in occursum ejus. Quibus et illa occurrit. Et ait David: Vere frustra servavi omnia quæ hujus erant in deserto, id est, sine gratiarum actione et recompensatione hujus Nabal dimisi pecora ejus intacta, et ab invasoribus custodivi: non tamen sine spe remunerationis

divinae, quæ nullum bonum dimittit irremuneratum; et non perit quidquam de cunctis quæ ad eum pertinebant; et reddidit mihi malum pro bono. Hæc faciat Dominus inimicis David, et hæc addat, id est, prosperitatem det hostibus meis, in malum meum bene faciendo eis, sicut ego benefeci huic Nabal, si reliquero de omnibus quæ ad ipsum pertinent usque mane, mingentem ad parietem. Istud est juramentum per execrationem, quo jurans sibi ipsi malum imprecatur, nisi suum impleverit juramentum. Ac si dicat: Sic accidat mihi, nisi ante mane diei sequentis occidero ipsum Nabal, et quidquid vivum in domo ejus invenero, et cetera bona ejus inventa diripiam. Istud juravit loquendo cum viris suis in via ad Nabal; vel visis et auditis servis Abigail, durante adhuc vehementia suæ commotionis. In hac quoque juratione secundum Augustinum peccavit, quia temeraria fuit, et ex ira immoderata, qua voluit omnes domesticos Nabal occidere, quum tamen in hac causa fuerint innocentes; et quamvis fuit unctus in regem, nondum tamen fungebatur jurisdictione regali, nec debuit ea fungi, vivente Saul. Præterea aliqui dicunt, quod in hac juratione, Hæc faciat Deus inimicis David, per inimicos David, intelligatur ipsemet David: alias juramentum esset nullum, sed magis derisorium. Tamen ex præinducta expositione patet hujus oppositum. Alienum etiam impropriumque videtur, per inimicos David, intelligere ipsum David, quamvis interdum in Scripturis aliquid pro suo contrario accipiat, ubi ad hoc alia causa rationabilis assignatur, atque ex circumstantia litteræ facile perpenditur, quod ita sumatur.

Quum autem vidisset Abigail ipsum David, festinavit et descendit de asino, et procidit coram David super faciem suam, se humiliter prosternendo, ut sic oratio sua fieret ipsi David grata, et adoravit super terram, et cecidit ad pedes ejus, et dixit: In me sit, domine mi, hæc iniquitas, id est, mihi imputa transgressionem mariti

mei commissam in te, ita ut satisfactionem meam pro viro meo acceptes. Sic et Apostolus Paulus scribit ad Philemonem de Onesimo servo illius: Si aliquid nocuit tibi, hoc mihi imputa; ego reddam. Loquatur, obsecro, ancilla tua in auribus tuis, et audi verba famule tue. Ne ponat, oro, dominus meus rer: ipsum David nominat regem, quia unctus jam fuit, et ipsa certissime eum credidit regnaturum; cor suum super virum istum iniquum Nabal, hoc est, non ponderet facta et verba improba hujus iniqui, quia secundum nomen suum stultus est, hoc est, nomine et re fatuus est, et stultitia est cum eo. Siquidem Nabal stultus interpretatur. Ideo verba et gesta ipsius non sunt curanda viro prudenti, quum et in Proverbiis dicatur: Non respondeas stulto secundum stultitiam suam, ne ei similis efficiaris. Hinc sapiens non debet se stulto opponere ad rixandum aut belligerandum. Propter quod ait Apostolus: Libenter suffertis insipientes, quum sitis ipsi sapientes. Ego autem ancilla tua non vidi pueros tuos, domine mi, quos misisti: quos si vidissem, reportassent copiose quæ petierunt. Nunc ergo, domine mi, vivit Dominus et vivit anima tua: hoc est, sicut verum est quod Deus vivit, et etiam anima tua, sic verum est quod pueros tuos non vidi; qui prohibuit te, ne venires in sanguinem, hoc est, misericorditer ordinavit, ut nunc per meum occursum avertaris, ut spero, a tuo proposito contra Nabal concepto, et mens tua ad pietatem flectatur, ita ut a propria conscientia prohibearis ab executione illius propositi; et salvavit manum tuam tibi, id est, a tanto peccato præservavit potestatem seu manum tuam, hoc est te ipsum. Et nunc fiant sicut Nabal inimici tui, et qui quærunt domino meo malum. Hoc multi exponunt sic: Inimici tui fiant stulti et improbi, quemadmodum Nabal. Sed non videtur quod virtuosa et prudens mulier illa, imprecata sit aliis mala culpæ. Ideo videtur sic exponendum: Inimici tui fiant sicut Nabal, id est, adversa pro

2. q. 4. c.
Quod David
et c. Juravit.

Philem. 18,
19.

Prov. xxvi,
4.

II Cor. xi,
19.

suis peccatis sustineant, nec tibi prava-
leant, sicut Nabal jam sustinisset, nisi
tibi occurrissem; et sustinebit, quia non
erit impunitus.

Quapropter suscipe benedictionem hanc,
id est munera ista quæ tibi adduco, et
tribuo gratis, quæ sunt causa et materia
benedictionis, *quam attulit ancilla tua tibi*
domino meo; et da pueris qui sequuntur
te dominum meum. Aufer iniquitatem fa-
mulæ tuæ, id est, culpam viri mei, quam
super me accepi, ignosce. *Faciens enim*
faciet tibi Dominus domino meo domum
fidelem, id est, regiam domum quam tibi
promisit, fideliter conferet tibi, et sobolem
atque familiam quæ erit Deo et tibi fidelis,
quia prælia Domini, domine mi, tu præ-
liaris, id est, justa et strenua bella tu
exerees. Quasi dicat: Regnabis, quia ad
Dei honorem pro re publica pugnas. *Malitia*
ergo non inveniatur in te omnibus die-
bus vitæ tuæ. Quasi dicat: Nunquam inhæ-
reat tibi malitia, ita ut post rationabilem
persuasionem perseveres in malo. Hoc ad-
dit prudens hæc femina, ad innuendum
quod si David occidisset ipsum Nabal, nul-
lo intercedente, occurrente et satisfaciente
pro illo, potuisset hoc adscribi passioni
iræ potius quam malitiæ. Sed si post tam
affectuosam ac humilem precem et satisfac-
tionem ipsius Abigail, id fecisset, fuisset
malitiæ adscribendum. Hanc ergo clemen-
tiam facies proximo, quatenus merearis
pietatem et protectionem gratiosam impe-
trare a Deo. Hinc subditur:

Si enim surrexerit aliquando homo per-
sequens te, vel querens animam, id est vi-
tam tuam, ad occidendum, quemadmodum
Saul diu et multoties fecit, *erit anima*
domini mei custodita quasi in fasciculo
viventium apud Dominum Deum tuum.
Deus custodiet et defendet te a periculo
tam diligenter, ac si in sorte et numero
semper viventium constitutus jam esses.
Unde Hebræus habet, Quasi in vinculo vitæ,
hoc est in Sanctorum collegio. Alia littera
habet, In fasciculo vitium, tanquam dicat:
Ita custodiet Dominus vitam et animam

A [tuam] ad multiplicandum actus virtutum
atque ad prolificandum in regno, quem-
admodum custoditur fasciculus vitium in
aqua, ut transplantetur. Sicque metapho-
rice loquitur, tanquam dicat: Sicut ramu-
sculi vineæ colligantur et in aqua ponun-
tur, ut alibi inferantur aut transplantentur,
sic electi et virtuosi nunc custodiuntur in
aqua sapientiæ roreque gratiæ, quatenus
tempore præfixo a Domino transferantur
ad regionem feliciter viventium, et colle-
centur in patria Beatorum. Porro *inimi-*
corum tuorum anima rotabitur, hoc est,
vita persequentium te, erit instabilis, et
per adversa ac vitia circumvolvitur, ca-
det, et de societate vivorum projicietur,
quasi in impetu et circulo fundæ, hoc est
velociter, sicut lapis ex funda projicitur.

Quum ergo Dominus fecerit tibi domino
meo omnia hæc, quæ locutus est bona de
te, et constituerit te ducem super Israel, id
est, te regem fecerit, *non erit tibi hoc in*
singultum, hoc est fletum intensum, de
quo singultus erumpit, *et in scrupulum,*
C hoc est remorsum, *cordis domino meo,*
quod effuderis sanguinem innoxium do-
mesticorum Nabal, qui non peccaverunt
in te, aut ipse te ultus fueris de Nabal
propria manu aut usurpata auctoritate. Non-
dum enim (ut dictum est) habuit David
usum et exercitium regiæ potestatis ac ju-
risdictionis, sed unctus fuit ad succeden-
dum post Saul in regno: ideo nec verum
reor, quod in expositione hujus capituli
asserit quidam, quod David de jure po-
tuisset accipere de rebus Nabal pro sua
voluntate, quum esset rex unctus, et in ne-
cessitate positus. Verumtamen fateor, quod
necessitas excusasset, si fuisset tam ma-
gna. Et quum benefecerit Dominus uni-
versorum domino meo David, collocando
eum in throno regali, *recordaberis ancille*
tuæ, et tu benefacies ei, hoc est, memor-
eris mei in bonum et gratus beneficiis
meis. Videtur hæc mulier quasi prophetico
spiritu esse locuta. Nam et quidam He-
bræi fatentur, quod per spiritum prophetiæ
noverat suum virum in brevi moriturum.

Et ait David ad Abigail, gratias agens A Deo, prudentique feminae de saluberrima informatione, et de revocatione a tanto excessu : *Benedictus Dominus Deus Israel, qui misit te hodie in occursum meum : quoniam ex divina præordinatione sic contigit; et benedictum, hoc est, laude dignum est, eloquium tuum, et benedicta tu quæ prohibuisti me, ne irem hodie ad sanguinem effundendum injuste, et ulciscerer me manu mea.* Jam dictum est, et paulo post subditur, quod Dominus prohibuit eum inde. Quomodo ergo Abigail inde prohibuit B eum? Denique, ipsa non videtur eum inde prohibuisse, sed humiliter supplicavit, ne faceret. Et respondendum, quod Prohibere, sumitur hic extense, pro Impedire. Deus quoque per legem et per conscientiae censuram, prohibuit eum ab omni homicidio et innoxii sanguinis effusione. Rursus, Deus prohibuit principaliter, Abigail autem dispositive et ministerialiter. *Alioqui vivit Dominus Deus Israel, qui prohibuit me ne [malum] facerem tibi; nisi cito venisses in occursum mihi, non remansisset Nabal C usque ad matutinam lucem mingens ad parietem, hoc est vivens ac dispositus ad mingendum super parietem.* Porro, quod dicitur, Mingens ad parietem, primo exponitur de mare seu masculo, qui mingit erectus et stando. Secundo, exponitur de cane, qui ad parietem mingere solet crure levato. Tertio, de infirmo, qui ad mingendum non potest longius ire. Et juxta hæc, quod superius legitur David jurasse, quod non relinqueret ex omnibus pertinentibus ad Nabal, mingentem ad parietem : Primo D exponitur, quod intendebat occidere omnes masculos domus Nabal. Secundo, quod omne vivens in domo ejus volebat perimere, in tantum, quod nec canibus, nec infirmis voluerit parcere, quum tamen canibus propter eorum vilitatem, et infirmis propter eorum imbecillitatem, parcere congruat. Prima autem expositio verior esse videtur : tum quia hic dicitur, Non remansisset Nabal mingens ad parietem, per quod non datur intelligi, quod non permansisset

canis aut infirmus, quia nec canis fuit, neque infirmus, quando David istud juravit, sed quod non mansisset vir vivens; tum quia hoc fuisset valde crudele, nec infirmis parcere velle ab occisione, propter improba verba unius suppositi.

Suscepit ergo David de manu ejus omnia quæ attulerat ei. Dixitque ei : Vade pacifice in domum tuam. Ecce audiivi vocem tuam, et honoravi faciem tuam. Venit autem Abigail ad Nabal. Et ecce erat ei convivium in domo ejus quasi convivium regis, et cor Nabal jucundum. Erat enim ebrius nimis. Et non indicavit ei verbum pusillum aut grande usque mane. Diluculo autem quum digessisset vinum Nabal, indicavit ei uxor sua verba hæc : qualiter scilicet David juravit eum occidere, et qualiter ipsa placavit illum : quod non indicavit ei in ebrietate constituto, quia protunc capax non erat informationis; et indicavit ei hæc omnia uxor sua, non malitiose, sed pie, ut eum ad pœnitentiam provocaret, et cautiorem efficeret. Et emortuum est cor ejus intrinsecus præ ingenti timore. Quamvis enim audivit a conjuge ipsum David esse placatum, timuit tamen quod mutato proposito juramentum suum implere studeret. Et factus est quasi lapis, id est immobilis, quia ex vehementia timoris, sanguis decurrit ad cor, et sic membra efficiuntur rigida, impotentia, et male mobilia. Quumque pertransissent decem dies, percussit Dominus Nabal, et mortuus est.

Quod quum audisset David mortuum Nabal, ait : Benedictus Dominus qui judicavit causam opprobrii mei de manu Nabal : id est, in causa quam habui contra Nabal propter verba opprobriosa quæ adversum me protulit, judicavit pro me, illum puniendo propter suum excessum, et hoc infra decem dies, ut pœna proportionaretur culpæ, quoniam decem erant juvenes quos misi ad eum, per quos tam opprobriosa verba mihi mandavit; et servum suum custodivit a malo, id est ab homicidio, et malitiam Nabal reddidit Do-

minus in caput ejus, id est, pœnam debitam ei pro sua culpa inflixit : et hoc ministerio angeli boni aut mali. Tales quippe ultiones aliquando factæ leguntur per angelos bonos, ut patet de subversione Pentapolis ; quandoque per angelos malos. Sed videtur David in verbis his gratias Deo egisse de suæ injuriæ ultione, et de adversarii sui ruina fuisse gavisus, quum tamen in libro Proverbiorum dicatur, Quum ceciderit inimicus tuus, ne gaudeas, et in ruina illius non exsultet cor tuum. Respondetur, quod sanctus vir zelo justitiæ congratulatus est justo judicio Dei, et divinæ applausit seque conformavit justitiæ, non ultionis amore, juxta illud in Job, Videbunt justi, et lætabuntur, et innocens subannabit eos ; atque in Psalmo, Lætabitur justus quum viderit vindictam.

Gen. xix.
Prov. xxiv, 17.
Job xxii, 19.
Ps. lvii, 11.

Misit ergo David pueros, et locutus est ad Abigail, ut sumeret eam sibi in uxorem. Et venerunt pueri David ad Abigail in Carmelum, et locuti sunt ad eam, dicentes : David misit nos ad te, ut accipiat te sibi in uxorem. Siquidem digna erat, utpote virtuosa, prudens, eloquens, dives, pulchra, et nobilis. Quæ consurgens, adoravit prona in terram : id est, Deum adoravit devote in terram prostrata, gratias agens Deo, qui ita secum ordinavit, quod tanto viro sociaretur conjugio : quod fecit non carnali libidine, sed sapientiali recognitione ; et ait ad David, quamvis absentem, per nuntios : Ecce famula tua sit in ancillam, ut lavet pedes servorum domini mei. Quasi dicat, Indigna sum : et secundum aliquam considerationem sic fuit. Et festinavit et surrexit Abigail, et ascendit super asinum, et quinque puellæ ierunt cum ea pedisequæ ejus, et secuta est nuntios David, et facta est illi uxor. Sed et Achinoam accepit David de Jezrael, et

A fuit utraque uxor ejus. Tunc enim licita erat, saltem ex dispensatione divina, uxorum pluralitas. Quæri potest, quam harum duarum primo acceperit. Ad quod in Scholastica respondetur historia, quod prima ipsius uxor fuit Michol, secunda Abigail, tertia Achinoam. Verumtamen infra tertio secundi libri capitulo legitur, quod primogenitus David fuit filius Achinoam. Ex hoc tamen non sequitur, quod illa fuit ante Abigail ducta a David.

II Reg. iii, 2.

Saul autem dedit Michol filiam suam uxorem David, alii viro Phalti filio Lais, qui erat de Gallim. In quo patet impietas Saul in Deum et proximum, qui propriam filiam voluit facere adulteram dando eam alteri marito, vivente priore : per quod etiam valde peccavit in David. Dicunt tamen Hebræi, quod Phalti fuit vir timoratus, et in lege peritus. Propter quod abstinuit a copula carnali cum Michol, sciens quod esset vera uxor David. Magister quoque in historiis ait, quod non cognovit eam, quoniam ipsa diligens virum suum David, semper interim tristis fuit. Josephus etiam videtur sentire, quod interim communiter simulavit infirmitatem, ne cognosceretur a Phalti.

C Circa exordium hujus capituli quæritur, qualiter Samuel dicatur edidisse hunc librum Regum primum, sicut et secundum, quum ea quæ post mortem suam contigerunt, non scripserit. Ad quod in Historiis dicitur, quod reliqua scripsit unus prophetarum discipulus ejus, ejus opus magistro adscribitur. Aliqui tamen dicunt Nathan scripsisse sequentia : quem etiam nonnulli dicunt fuisse Samuelis discipulum. Aliter respondetur, quod totum frequenter denominatur a parte majori : sicque liber iste fertur a Samuele conscriptus, quia pro parte multum majore, ab ipso est compilatus.

ARTICULUS XLIV

DE MYSTICIS INTELLECTIBUS CAPITULI HUIUS VICESIMI QUINTI.

ABIGAIL, propter excellentiam suae sapientiae ac virtutis, merito typum gerit sacratissimae Virginis. Nabal vero Judaeos designat, David Christum. Quemadmodum ergo Abigail iratum David placavit et ab occisione Nabal avertit, sic gloriosissima Virgo Christum peccatoribus irascentem sapissime ad misericordiam flexit, et ipsa facta est sponsa singularis ac spiritualis Verbi aeterni. Rursus, per Nabal magnum nimis ac locupletem, designatur quicumque praelatus aut princeps iniquus, qui magnus est auctoritate, quamvis modicus aut nullus virtute. Cujus possessio est in Carmelo, hoc est in fertilitate terrena, quam praeposit divinis. Talis tondet oves suas, quoniam subditorum suorum acquirit proventus, ac sumit stipendia, seu diripit bona, decimas primitiasve sortitur; sieque ex illis ditatur, delicate vivit, carnaliterque resolvitur. Nec tamen pastoralis seu praesidentialis officii debita illis impendit. Hinc per Ezechielem talibus impropere Dominus: Vae pastoribus qui pascabant se ipsos. Lac comedebatis, et lana operiebamini; gregem autem meum non pavistis. Talis praesidens, secundum nomen suum, stultus est, imo stultissimus, perdens non solum se ipsum, sed et sibi commissos. Unde per Zachariam Dominus loquitur: Sume tibi vasa pastoris stulti. O pastor et idolum, derelinquens gregem. Nonne talis stultissimus est, qui divini rigorem iudicii sibi instantis non inspicit, nec veretur, et ista caduca et vana bonis praefert spiritualibus et aeternis? Non est in eo sapientiae donum, sed puerilitatis et insipientiae vitium. Est tamen de genere Caleb, per quem designatur Salvator, quia renatus est ex Christo et Ecclesia, ex Spiritu Sancto et

aqua. Mulier quoque ejus prudentissima est et formosa, quoniam Ecclesia seu congregatio sibi commissa, frequenter gratiarum charismatibus adornatur.

Præterea per hoc quod David per decem juvenes multum humiliter petivit sustentaculum vitae a Nabal, salutando eundem pacifice, praefiguratum est, quod Christus quotidie per eos qui decem observant praecepta, hortatur praelatos ac principes, ut juste et pastoraliter seu exemplariter conversando, reficiant Salvatorem fructu suae passionis et mortis, hoc est animarum conversione, et conversorum inflammatione ad meliora; sed improbi praesidentes ægre suscipiunt hortamenta salutis, et si non verbo, tamen opere parvipendunt Christum, quasi dicentes: *Quis est filius Isai? Hodie increverunt servi qui fugiunt dominos suos*: quoniam Christus et ejus discipuli interdum consulte declinaverunt et absconderunt se a facie principis sacerdotum et seniorum. Verumtamen impiis principibus et praelatis tam perverse loquentibus atque agentibus, Ecclesiae eis commissae frequenter Deum habent praee oculis, et sanctis operibus ipsum reficiunt, imo et pro suis orant superioribus, et eos pro posse excusant, sed et suis imputant culpis, quod praesidentes eorum male se habent, scientes quod juxta merita subditorum quandoque afficiantur ac disponantur corda superiorum.

Si enim surrexerit homo persequens te, erit anima domini mei custodita quasi in fasciculo viventium. Porro inimicorum tuorum anima rotabitur quasi in impetu et circulo fundæ. Circa hæc scribit Glossa: Pulcherrima comparatione statum justorum et reproborum discernit. Justorum quippe animas appellat viventes, reprobo-

Ezech.
xxxiv, 2, 3.

Zach. xi,
15, 17.

Joann. iii, 5.

rum vero, spirituali morte præoccupatas; A justos fasciculo, reprobos lapidi fundæ assimilat. Fasciculus namque constringitur, ut servetur: lapis in funda ponitur, ut abjiciatur: sic electi pressuris tribulationum constringuntur, quatenus his admoniti, mutua caritate ardentius eopulentur: sieque conjuncti potestate et pietate Salvatoris, perpetue conserventur. Porro reprobi et iniqui quanto propriæ voluntati latius dimittuntur, tanto longius a divinæ visionis gloria elongantur ac projiciuntur. Mire quoque omnipotentem providentiam

describit Creatoris, dicendo, animam viri sancti esse custoditam apud ipsum, quasi in fasciculo viventium. Quemadmodum enim unicuique facile est, fasciculum herbæ vel fœnum manu retentum conservare; sic virtus Salvatoris nostri electos ab initio usque in finem custodit, sicut in Evangelio protestatur: Non rapiet eos quisquam de manu mea. Sint igitur præsidentes timorati et efficaces ac fervidi in omni actu sui officii, non quæ sua sunt, sed Dei honorem et subditorum salutem incessabiliter exquirentes. Joann. x, 28. 1 Cor. x, 24.

ARTICULUS XLV

EXPOSITIO CAPITULI VICESIMI SEXTI: ET VENERUNT ZIPHLEI AD SAUL IN GABAA.

ULTIMA perscutio, quam David a Saul sustinuit, hic narratur. *Et venerunt Ziphæi ad Saul in Gabaa urbe.* De istis Ziphæis dictum est supra. Venerunt autem iterato ad Saul, quia jam semel tam gratanter acceperat, quod prodiderunt ei David: et forsitan quia jam semel fecerunt hoc, timuerunt, si David post Saul viveret et regnaret, ulcisceretur in eos. Ideo satagebant ut occideretur a Saul. *Dicentes: Ecce David absconditus est in colle Hachila, quæ est ex adverso solitudinis. Et surrexit Saul, et descendit in desertum Ziph, et cum eo tria millia virorum de electis Israel, ut quæreretur David in deserto Ziph. Et castrametatus est Saul in Gabaa Hachila, id est in colle præfato, ita quod Gabaa est hic nomen commune, significatque excelsum, quæ erat ex adverso solitudinis in via. David autem habitabat in deserto. Videns autem quod venisset Saul post eum* in desertum, misit exploratores, et didicit quod illuc venisset certissime. Et surrexit David clam, id est occulte, ignorantibus viris suis, ne nimis sollicitarentur et angustiarentur pro eo. Et dicit quidam,*

B quod vestem mutavit ne cognosceretur, quum tamen totum negotium hoc voluerit in ipsa nocte complere, et paulo post prodiderit semetipsum. *Et venit ad locum ubi erat Saul. Quumque vidisset locum in quo dormiebat Saul, et Abner filius Ner princeps militiæ ejus, et Saulem dormientem in tentorio, et reliquum vulgus per circuitum ejus, ait David ad Achimelech Hethæum, et Abisai filium Sarviæ fratrem Joab, dicens: Quis descendet mecum ad Saul in castra? Dixitque Abisai: Ego descendam tecum.*

Venerunt ergo David et Abisai ad populum nocte, et invenerunt Saul jacentem et dormientem in tentorio, et hastam fixam in terra ad caput ejus; Abner autem et populum dormientes in circuitu ejus. Dixitque Abisai ad David: Conclusit Deus inimicum tuum hodie in manus tuas. Nunc ergo perfodiam eum, videlicet Saulem, lancea in terram semel, id est perfecte, ita quod protinus morietur, et secundo opus non erit amplius lædere eum. Et dixit David ad Abisai: Ne interficias eum. Quis enim extendet manum suam in christum

1 Reg. xxiii, 19.

* se

Domini, et innocens erit? quasi diceret, Hoc sine peccato perpetrare non posses. Et dixit David: Vixit Dominus, quia nisi Dominus percusserit eum, ita quod violenta interierit morte, aut dies ejus venerit ut moriatur ex naturalibus causis, naturalique nece, aut in praelium descendens perierit, id est, occisus fuerit, aut simili morte discedat, propitius sit mihi Dominus, id est, gratiose præservet me, ne extendam manum meam in christum Domini. Nunc ergo tolle hastam, quæ est ad caput ejus sita et fixa, et scyphum aquæ, id est vasculum vini seu potus, ut per hæc tanquam per signa, probemus paulo post, nos hic fuisse. Quidam tamen exponunt de aqua proprie dicta, quam putant ibi fuisse ad lotionem manuum regis: vel de aqua rosacea, pro refrigerio contra calorem adducta. *Et abeamus. Tulit igitur David hastam, id est, per manum Abisai eam accepit et secum portavit, et scyphum aquæ qui erat ad caput ejus, et abierunt, et non erat quisquam qui videret et intelligeret et evigilaret, sed [omnes] dormiebant, quia*

sopor Domini irruperat super eos, id est vehemens dormitio immissa a Deo famulatu angelico.

Quumque transisset David, et stetisset in vertice montis, inter quem et exercitum Saulis fuit torrens, ut in Scholastica historia legitur, de longe, et esset grande intervallum inter eos, clamavit ad populum et Abner filium Ner, dicens: Nonne respondes, Abner? quasi dicat, Specialiter pertinet ad te respondere et pugnare pro rege. Et respondens Abner, ait: Quis es tu, qui clamas et inquietas regem? Et ait David ad Abner: Numquid non vir es tu, id est strenuus et virilis? ita quod vir hic sumitur a vigore potius, quam a sexu. Et quis alius similis tui in Israel? Videatur David quasi ironice loqui. Vel si seriose aut interrogative hoc protulit, verum est, quod Abner fuit vir valde præcipuus, sagax, fortis et eminens. Quare ergo non custodisti dominum tuum regem? Et utique reprehensibile et incautum fuisse vi-

detur, quod non ordinavit de vigilibus noctis, vel de efficaci custodia. Ingressus est enim unus de turba, videlicet Abisai nepos David, ut interficeret regem dominum tuum. Ad hoc quippe paratus fuit, et intendisse hoc ipsum videtur, nisi prohiberetur a David. Si autem fuissent ibi custodum vigiliæ, non sic intrasset Abisai. Non est bonum hoc quod fecisti. Vixit Dominus, quoniam filii mortis estis vos, id est mortis supplicio digni, non solum tu Abner, sed et ceteri, præsertim quibus incumbabat custodia regis, qui non custodistis dominum vestrum christum Domini. Itaque secundum legem communem, videntur in hoc mortis incurrisse reatum, quod neglexerunt custodiam regis, in tantum quod incidit in adversarii manus. Verumtamen, quoniam dictum est, quod sopor Domini irruit super eos, ita quod dispositione divina sic accidit, videntur in foro conscientie excusabiles fuisse, quum non sit sapientia, prudentia aut consilium contra Dominum. Nunc ergo vide ubi sit hasta regis, et ubi sit scyphus aquæ, qui erat ad caput ejus.

Cognovit autem Saul vocem David, imo et præinducta verba intellexit, sicque consideravit se rursus incidisse in manus David, et paritum sibi esse ab illo: ideo ad mansuetudinem versus, dixit: Numquid vox hæc tua est, fili mi David? Et ait David: Vox mea, domine mi rex. Et ait: Quam ob causam dominus meus persequitur servum suum? Quid feci? aut quod malum est in manu mea? Nunc ergo audi, oro, domine mi rex, verba servi tui. Si Dominus incitat te adversum me, id est, provocari permittit, aut si putas te moveri a Deo, et juste procedere, odoretur sacrificium, id est, oblatio fiat pro me Deo, ut mihi reconcilietur, ne amplius incitet te contra me. Quasi dicat: Paratus sum sacrificiis et orationibus Deum placare. Vel sic: Odoretur sacrificium, id est, ambo sacrificemus Domino, quatenus ipse ostendat an movearis ab ipso. Quidam exponunt sic: Odoretur sacrificium, id est, patientia

Prov. xxi,
30.

quam habeo in persecutione hae, instar sacrificii sit Deo accepta: sed expositio hae, spiritualis magis quam litteralis esse censetur.

Si autem filii hominum incitant te contra me: sicut et incitabant, unde supra *1 Reg. xiv, 10.*

David dixit ad Saul: Quare audis verba hominum loquentium, David quaerit malum adversum te? *maledicti sunt in conspectu Domini*, id est, pravi et vitiosi sunt coram Deo et maledictione condigni, *qui ejecerunt me hodie*, id est, proenraverunt a te, quod expulisti me tempore isto, et nunc usque protraxisti meam expulsionem. Verumtamen David hae dicens, fuit in terra promissionis, sed jam ante fuit ebannitus et expulsus ab ea. *Ut non habitem in hereditate Domini*, id est in terra hac cultus divini, quae fuit specialiter terra hereditaria Dei, utpote ab eo electa ad cultum divinum. Vel, hereditas Dei vocatur Israelitica plebs, de qua ait per Isaïam: Hereditas mea Israel. In hac hereditate non potuit pacifice et publice commorari. *Dicentes* verbo aut opere ad me, quamvis absentem: *Vade, servi diis alienis*, id est, inter idololatrias habita in terra aliena, et ibi cole gentium idola. Ita enim parvipenderunt salutem David, et eum sic despexerunt, quod forsitan quidam illorum dixerunt hae verba. Vel ad minus dixerunt hae facto aut æquivalenter. Ex quo enim cultus veri Dei non viguit, nisi in terra Israel, qui expellebantur a terra illa, exponebantur idololatriæ vitiis, juxta illud: Cum perverso perverteris. Hinc lex non injunxit exsilium, quoniam exsulati a terra cultus divini, incidissent faciliter in idololatriæ crimina, ut in prima secundæ asserit Thomas, et super Pentateuchum dictum est plenius.

Is. xix, 25.

Ps. xvi, 27.

Et nunc non effundatur sanguis meus in terra coram Domino, id est, absit ut juste seu propter demerita mea occidar, nec in manus tuas me tradat: quod merito oro, quia egressus est rex Israel, ut quaereret pulicem unum, id est, rex tam potens, cum tanto exercitu venit ad capien-

dum me, qui comparatione illius modicus et impotens sum, ac instar pulicis hinc inde transilio fugiendo, *sicut persequitur perdix*, id est, sicut bestiola illa fugatur, persecutionemque sustinet in montibus ab aucupe. Sicque verbum istud, Persequitur, quod proprie est deponentale, et active accipitur, sumitur hic passive: quemadmodum verbum hoc, Promeretur, ad Hebræos, Talibus hostiis promeretur Deus, id est, meritorie obtinetur pro præmio. Tamen, ut fertur, in Hebræo habetur quoque, quod designat avem quæ insequitur muscam aut tale quid vile: sicque Persequitur, proprie sumitur.

Hebr. xiii, 16.

Et ait Saul: Peccavi; revertere, fili mi David. Nequaquam ultra tibi malefaciam, eo quod pretiosa fuerit anima mea in oculis tuis hodie, id est, hac nocte præservasti me ab occisione, et custodisti me tanquam pretiosum thesaurum. Et utique pretiosa fuit anima Saulis in oculis David, qui noluit ipsum Saul occidere in statu illo vitioso, in quo tunc fuit, in quo si eum occidisset, anima ejus mox fuisset damnata. *Apparet enim quod stulte egerim nimis*, volendo te trucidare, quem Deus unxit et elegit ad regnandum pro me, *et ignoraverim multa nimis*, non considerando justa judicia Dei, quibus nemo potest resistere, et etiam me sæpe habendo incaute, ita quod bis incidere manus tuas. *Et respondens David, ait: Ecce hasta regis, transeat unus de pueris regis, et tollat eam. Dominus autem retribuet unicuique secundum justitiam suam et fidem*, id est fidelitatem, vel juxta fidei suæ actum, prout fides est theologica virtus. Nam justus ex fide vivit. Per quæ verba notat Saulem, qui toties tam injuste ac infideliter se habuit circa David. *Tradidit enim te Dominus hodie in manum meam, et nolui extendere manum meam in christum Domini. Et sicut magnificata est anima tua hodie in oculis meis*, id est, sicut valde elementer me habui in hac nocte circa vitam et animam tuam, eam honorando, in tantum, quod nec læsi nec lædi permisi eandem; sic magnificetur anima

1 Reg. xvi, 13.

Ibid. xxiv, 4, 5.

Habac. ii, 4; Rom. i, 17; Hebr. x, 38.

mea in oculis Domini, id est, pie atque A
magnifice custodiatur a Deo, *et liberet me
de omni angustia*. Ait ergo Saul ad Da-
vid : *Benedictus tu, fili mi David*, id est
laude dignus, et donis gratiae Dei ornatus :
et quidem faciens facies, id est, magna (ut
condecet regem) ages, juxta illud Isaiae :
Is. xxxii, 8. Princeps ea quae digna sunt principe, co-
gitabit ; *et potens poteris*, id est, mihi jam

praevalens, adhuc amplius praevalebis, et
rex praepotens eris, et adversarios supe-
rabis. Utitur autem Saul modo loquendi
truncato ex vehementia admirationis. *Abiit
autem David in viam suam*, quia non
credidit verbis Saul, ejus infidelitatem,
inconstantiam, furiam et rancorem fuit
frequenter expertus ; *et Saul reversus est
in locum suum*.

ARTICULUS XLVI

EXPLANATIO CAPITULI VICESIMI SEPTIMI : ET AIT DAVID IN CORDE SUO.

RECITATUR hic, qualiter David terram B
Israel exiens, a rege Philistinorum sus-
ceptus sit, et qualiter infideles vastave-
rit. *Et ait David in corde suo*, intra se
cogitando : *Aliquando incidam uno die
in manus Saul* : id est, si diutius in terra
hac Israel mansero, probabile est secun-
dum conjecturam humanam, quod tandem
comprehendar a Saul. Qualiter autem po-
tuit hoc rationabiliter formidare, non ob-
stante quod scivit se unctum in regem,
dictum est saepe. *Nonne melius est ut fu-
giam*, exeundo terram dominii Saul, *et* C
*salver in terra Philistinorum, ut desperet
Saul se posse comprehendere me, cesset-
que me persequi in cunctis finibus Israel?*
Fugiam ergo manus ejus. *Et surrexit Da-
vid, et abiit ipse et sexcenti viri cum eo, ad
Achis filium Maoch regem Geth*. Achis iste
(secundum Magistrum in historiis) fuit fi-
lius illius Achis, ad quem supra David le-
gitur confugisse ; et mater istius Achis,
vocata est Maoch. Geth quoque fuit praeci-
pua urbs Philistinorum. Ideo dicitur fuisse
rex urbis illius : per quod notatur, quod D
erat rex totius terrae Philistiim. *Et habita-
vit David cum Achis in Geth, ipse et viri
ejus, et domus ejus, Achinoam Jezraelitis,
et Abigail uxor Nabal Carmeli. Et nun-
tiatum est Sauli, quod fugisset David in
Geth, et non addidit ultra quaerere eum*.

1 Reg. xxi,
10.

*Dixit autem David ad Achis : Si inveni
gratiam in oculis tuis, detur mihi a te
locus habitandi in una urbium regionis
hujus, ut habitem ibi. Cur enim manet
servus tuus in civitate regis tecum ?* quasi
dicat : Præsumptuosum videtur ex parte
mei, et onerosum est tibi, quod ego cum
tot viris habito tecum in urbe hac regia
metropoli. *Dedit itaque ei Achis in die
illa Siceleg : propter quam causam facta
est Siceleg regum Juda usque in diem
hanc*, id est, de cetero ad eos pertinuit :
imo etiam ex jure divino pertinuit eis, quo-
niam erat ex urbibus, quas Deus per Josue
filiis Israel deputavit, atque ad tribum Ju-
da fuit adscripta, ut in libro Josue patet. Josue xv,
*Fuit autem numerus dierum, quibus ha-^{31.}
bitavit David in regione Philistinorum,
quatuor mensium*, id est, quatuor menses
continuerunt et constituerunt dies illi. Por-
ro (ut dicitur) in Hebræo habetur, Dies et
quatuor menses, atque (ut Josephus scri-
bit) erant viginti dies et quatuor menses.
Quidam per dies intelligunt duos dies na-
turales, alii annum vel annos, quoniam
infra Achis ait de David : Est apud me
multis diebus vel annis. 1 Reg. xxix,
3.

*Et ascendit David et viri ejus, et age-
bant praeda de Gessuri, et de Gerzi, et de
Amalecitis*, id est, bona hominum regio-
num illarum diripuerunt. *Hi enim pagi*

habitabantur antiquitus in terra euntibus A *Sur* : id est, villæ terrarum præfatarum, quarum villarum habitatores spoliavit, olim inhabitabantur securæ, pergentibus illico multis per viam qua itur ad territorium *Sur* ; *usque ad terram Ægypti. Et percutiebat David omnem terram illorum*, id est, habitatores locorum illorum occidit, *nec relinquebat viventem virum et mulierem*, id est, tam viros quam mulieres occidit ; *tollensque boves et oves et asinos et camelos et vestes, revertebatur et veniebat ad Achis*. Sed nonne istud videtur crudelissimum, injustissimumque fuisse ? Respondetur, quod non, quoniam præfatæ terræ ad terram totam filiis Israel repromissam divinitus pertinuerunt, sicque tempore opportuno poterant occupari ab Israelitis, et perfidi habitatores territoriorum illorum ex divina jussione erant tunc occidendi, sicut et tempore Josue factum est Chananæis.

Dicebat autem ei Achis : In quem populum irruisti hodie ? Respondebat David : Contra meridiem Juda, et contra meridiem Jerameel, et contra meridiem Ceni, id est, filios Israel commorantes versus plagam meridianam, et versus urbem Jerameelitarum, et versus oppidum Cinæorum impugnavi, percussi et spoliavi. In his verbis aliqui accusant ipsum David a mendacio,

quoniam ambigue et indeterminate respondit. Verumque fuit, quod hi in quos irruit, morabantur versus meridiem. Alii dicunt eum mentitum, quia sic respondit ex proposito, quatenus rex Achis deciperetur, taliter intelligendo verba ipsius David, quasi Judæos invasisset. Sic quoque Achis intellexit responsum David. *Virum et mulierem non vivificabat David, nec adducebat in Geth, dicens : Ne forte loquantur adversum nos. Hæc fecit David, et hoc erat decretum illi omnibus diebus quibus habitavit in regione Philistinorum. Credidit ergo Achis ipsi David, dicens : Multa mala operatus est contra populum suum filios Israel*. Et dicunt istud fuisse mendacium officiosum, quia pro conservatione sui ipsius et virorum suorum, ita respondit. *Erit igitur servus mihi sempiternus*, id est per omne tempus vitæ suæ. Ista fuit una causa, quod Achis iste tam benevole suscepit et tractavit David ac suos, quia percepit quod Saul erat hostis eorum, et ipse Saul fuit letalis adversarius hujus Achis. Alia causa fuit, quoniam Achis iste propter virtutes et probitatem ipsius David, bene afficiebatur ad eum, sicut et aliqui magni Philistinorum, in tantum quod Ethai Gethæus cum viris suis per David fuit ad Judaismum conversus.

ARTICULUS XLVII

EXPOSITIO CAPITULI VICESIMI OCTAVI : FACTUM EST AUTEM IN DIEBUS ILLIS.

RECITATUR jam, qualiter Philistæi et Israelitæ præparaverunt se ad pugnam ultimam, quam contra se invicem habuerunt vivente Saul. *Factum est autem in diebus illis, congregaverunt Philistiim agmina sua particularia, quibus satrapæ præfuerunt : ex quibus omnibus unum generale ac totale agmen constituerunt, cui rex præfuit ; ut præpararentur ad bellum con-*

tra Israel. Dixitque Achis rex Philistinorum ad David : Sciens nunc scito : expressio est certitudinis, tanquam dicat, Pro certo agnoscas ; quoniam mecum egredieris in castris, id est turmis Philistiim, *tu et viri tui*, ad pugnandum adversus Saul. Hoc dixit Achis, quasi honorans ipsum David, de ejus strenuitate et fidelitate taliter sensit. *Dixitque David : Nunc scies per effe-*

etum, *quæ facturus est servus tuus*, id est, A qualiter me habebō, et tibi adstabo. *Et ait Achis ad David : Et ego custodem capitis mei te ponam cunctis diebus*, id est, de tua fortitudine, prudentia, fidelitate et peritia in rebus bellicis sum tam certus, quod in congressibus periculisque bellorum faciam te custodem et defensorem mei ipsius. Recteque ait, *Capitis mei*, quoniam caput in bellis ictibus magis patet, et plus impeti solet : ideo fortiori eget custodia.

Circa hæc quæritur, an David dixit hæc verba ex corde, secundum quod ea etiam B Achis intellexit, hoc est, an intendebat in bello juvare regem Achis contra Hebræos. Si sic, videtur in hoc peccasse, quod scilicet intendebat perfidos Philistæos contra cultores Dei juvare, præsertim quum probabile sit, quod non habuerunt prælium justum contra Judæos, quibus Dominus per Moysen et Josue promiserat terram Philistinorum. Insuper David jam ante ausus non fuit mittere manum suam in christum Domini, utpote in Saul, quum ipse Saul quæsisset occidere ipsum David : ergo multo minus extendisset manum suam in Saul, in bello, in quo non quærebat animam ejus. Si dicatur, quod non intendebat pugnare pro Achis contra adversarios ejus Hebræos, ergo perniciose mentiebatur, et deceptor regis sibi propitii esse proposuit, atque ingratus fuit beneficiis regis illius. Denique, Glossa interlinearis super hæc verba, Nunc scies quæ facturus est servus tuus, ait, videlicet, Pro te contra inimicos tuos. Alia quoque glossa, Quæ facturus est, inquit, servus tuus contra hostes.

Circa hæc scribit Lyra : Dicendum, quod David intendebat defendere ipsum Achis, cui tenebatur ex beneficiis ab illo receptis, nec peccasset in hoc, duplici ratione. Una accipitur ex parte Achis, si ipse Achis habuit justum prælium contra Saul : quod potuit esse, si Saul arrepticius fregit aliqua pacta aut juramenta inita cum Philistæis. Alia ratio sumitur ex parte David, qui habuit jus in regno Israel, ideo potuit illud acquirere virtute armorum facultate oc-

currente. Et in tali bello justo poterat licite uti Philistinorum confortatione atque auxilio. Cogitabat enim probabiliter, quod si Philistæi prævalerent, amicus suus Achis ipsum juvaret ad possidendum regnum Israel. Verum contra hæc scribit Rabbi Paulus multum prolixè. Et primo reprobat secundam rationem, per quam secundum Lyram poterat David contra filios Israel sine peccato pugnare, et Philistæos juvare, quia ratione suæ inunctionis in regem, habuit jus in regno Israel, ita quod potuit illud acquirere virtute armorum facultate occurrente. Nam, quamvis fuit unctus in regem, non tamen sic, ut regnaret, aut executione seu jurisdictione potestatis regie uteretur Saule vivente : nec sic, quod potuerit pro regno obtinendo pugnare adversus Saul facultate occurrente : quia præhabitu est, quod Saul bis incidit in manus David, ita quod ei occurrit facultas occidendi Saulem, nec tamen hoc fecit, nec fieri a suis permisit, protestans quod fieri non posset absque peccato, ut plenius patuit supra. Porro, quod dicitur, ipsum David potuisse uti auxilio infidelium Philistinorum ad acquirendum regnum Israel, non videtur ullum habere colorem, quia jam dixerat ante, quod auxilio suorum virorum fidelium, qui erant sexcenti, non poterat sine peccato uti ad occidendum Saul, ut ita rex fieret : multo minus putavit se posse uti ad hoc Philistinorum subsidio. Hinc Rabbi Paulo apparet, quod David in casu isto tam perplexo et intricato, divinæ providentiæ se commisit, proponens D id agere, quod sibi Dominus inspiraret. Unde nec ex ejus responsione, neque ex Glossa præallegata concluditur, quod intendebat pugnare contra regem, plebemve Israel : quia non dixit ad Achis, Nunc scies quod pugnabo contra Saul ac suos, nec Glossa hoc dicit ; sed, Nunc, inquit, scies quid facturus sit servus tuus. Additque Glossa, Contra inimicos tuos, quæ sunt verba indeterminate prolata, et poterant verificari sive pugnaret contra Israel, sive non. Præterea videtur quibusdam, quod David in-

Exod. xiii,
5; Josue xiii,
2, 3.
1 Reg. xxiv,
7; xxvi, 11.

tendebat defendere regem Achis propter A beneficia sibi ab illo exhibita, quantum id facere potuisset sine culpabili Israelis læsione.

Samuel autem mortuus est, et planxit eum omnis Israel, et sepelierunt eum in Ramatha urbe sua, quemadmodum supra est descriptum : et istud repetitur hic propter sequentem historiam, in qua resuscitatus suo modo describitur. Et Saul abstulit magos et ariolos de terra, id est, de regno suo illos expulit, vel occidit quos potuit invenire, vel sub pœna mortis prohibuit eis usum hujusemodi artis nefariæ. Magis tamen videtur, quod fecit tales occidi. Unde in aliquibus textibus subditur : Et interfecit eos qui pythones habebant in ventre, id est, artem suscitandi mortuos gerebant in mente. Verumtamen hoc non est in Hebræo, nec in libris correctis. Denique Saul videtur illos abstulisse zelo legis, quum scriptum sit : Anima quæ declinaverit ad magos et ariolos, et fornicata fuerit eum eis, interficiam illam de medio populi sui. Itemque : Vir sive mulier, in quibus pythonicus vel divinationis spiritus fuerit, morte moriatur. In Exodo quoque : Maleficos non patieris vivere. Aliqui tamen affirmant, quod illos occidit, quia dicebant ipsum David regnaturum.

Congregatique sunt Philistiim, et venerunt, et castrametati sunt in Sunam, id est, juxta urbem sic dictam. Unde vocata est mulier Sunamitis. Congregavit autem Saul universum Israel, id est, quosdam viros de singulis tribubus, familiis et domibus Israeliticæ plebis, et venit in Gelboe ; et vidit Saul castra Philistiim, id est fortitudinem et multitudinem agminis Philistinorum, et timuit et expavit cor ejus nimis. Non enim speravit in Domino, et justo Dei judicio ablata est ei audacia et magnanimitas pristina, quoniam dies ejus præfinita a Deo, jam venit. Unde tam immoderatus ac vehemens timor, fuit probabile signum, quod fuit vincendus. Talis etenim timor infrigidat atque debilitat hominem, et usum impedit rationis, consi-

liique acumen. Consuluitque Dominum, et non respondit ei, neque per somnia, id est per visiones quæ fieri solent in somniis, juxta illud in Job : Per somnium in visione nocturna aperit aures virorum ; neque per sacerdotes. Consuevit autem Dominus per pontificem specialiter respondere, et ille, puta Abiathar, pro tunc erat cum David. Indignum quoque se fecerat Saul responso divino per sacerdotes, quia Achimelech pontificem cum aliis sacerdotibus multis impiissime trucidavit. Quidam circa hoc scribit : Non respondit ei Dominus per sacerdotes, quoniam eos occidit, excepto Abiathar : quod non est intelligendum, quasi Saul occiderit omnes sacerdotes suo tempore existentes, præter Abiathar, sed sacerdotes qui erant in Nobæ. Qui autem in aliis urbibus commanserunt, manebant superstites. Neque per Prophetas, qui (ut creditur) fuerunt Samuelis discipuli : quorum responsione propter sua peccata fuit indignus.

Dixitque Saul servis suis : Quærite mihi mulierem habentem pythonem, id est artem divinandi modo præfacto, et vadam ad eam, et sciscitabor per illam eventum belli. Circa hoc Magister in historiis scribit : Pythonem quidam dicunt artem esse suscitandi mortuos, quam Pythius adinvenit ; quasi dicat, Quærite mihi mulierem peritam artis illius. Quod congruit Hebræo, in quo legitur, Mulierem Baalathob : BAALATHI namque interpretatur domina ; OB vero, est nomen artis illius. Quasi dicat, Quærite mihi mulierem, quæ sit domina seu magistra artis illius. Pythius iste, secundum Glossam, vocatur Apollo seu Phœbus, harum artium inventor et cultor, a quo pythonsæ atque pythonei dicti sunt. Videtur demum hæc ars in mulieribus præcipue viguisse. Nam et Saul locutus est, Quærite mihi mulierem habentem pythonem ; non dixit, Quærite mihi virum talem. In Actis quoque Apostolorum legitur de puella pythionissa, quæ magnum præbuit quæstum suis dominis divinando. Ex his innotescit defectuositas Saul, qui quum quasi zelo le-

Job xxxiii,
15, 16.

1 Reg. xxii,
18.

1 Reg. xxv,
1.

Ibid. 27.

Exod. xxii,
18.

IV Reg. iv,
12.

Act. xvi, 16.

gis prætendisset, se magos atque ariolos A
abstulisse, jam confugit ad eos, contra il-
lud Levitici : Ne declinetis ad magos, nec
ab ariolis aliquid seiscitemini. Unde et in
Deuteronomio habetur : Non inveniatur in
te qui ariolos seiscitetur, aut observet som-
nia atque auguria. Nec sit maleficus, neque
incantator, nec qui pythones consulat, ne-
que divinos, et quærat a mortuis veritatem.
*Et dixerunt servi ejus ad eum : Est mu-
lier habens pythone in Endor, id est in
loco seu oppido sic vocato.*

Mutavit ergo habitum suum, vestitusque B
est aliis vestimentis, ne femina illa, cognito
eo, metueret ac renueret respondere. In
Scholastica fertur historia, quod Hierony-
mus mulierem hanc asserat fuisse matrem
Abner. Sed quum Abner fuerit consobri-
nus Saulis tam proximus, ita quod pater
ejus fuit frater patris Saul, non apparet
quin mulier illa ex intuitu vultus et statu-
ræ Saul, qui ab humeris eminebat, et ex
voce ipsius eum utique agnovisset. Et abiit
ipse et viri duo cum eo, veneruntque ad
mulierem nocte, et ait illi : Divina mihi C
in pythone, id est, per artem pythonicam
prænuntia mihi futura per apparitionem
defuncti, et suscita mihi quem dixero tibi.
Qualiter intelligenda sit suscitatio ista, in
fine dicetur hujus articuli. Nec enim pu-
tandum, quod hæc mulier quacumque arte
nefanda habuerit potestatem suscitandi de-
functum, sed per artem illam fiebat quod
diabolus in forma alienjus defuncti appa-
ruit. Ideo si in hac apparitione apparuit
veraciter Samuel suscitatus, hoc fuit non
arte pythonica, sed operatione et dispen-
satione divina. Et ait mulier ad eum : Ec-
ce tu nosti quanta fecerit Saul, et quomodo
eraserit magos et ariolos de terra : quare
ergo insidiaris animæ meæ ut occidas ? Et
juravit ei Saul in Domino, dicens : Vivit
Dominus, quia non eveniet tibi quidquam
mali propter hanc rem, id est, tempora-
le supplicium ex jussu regis non patieris.
Meruit tamen illa æternum supplicium, a
quo Saul eam assecurare nequivit.

Dixitque ei mulier : Quem suscitabo ti-

bi ? Qui ait : Samuelem mihi suscita. Sic-
ut tangit Petrus Comestor, ideo in capitulo
isto repetitur mors Samuelis, ut ostendatur
Saulis angustia, in qua plurimum ei fuit
necessarius Samuel. Vel, ut ostendatur Sa-
muel recenter defunctus, qui erat in pro-
ximo suscitandus. Tradunt quippe nonnul-
li, neminem posse suscitari arte pythonica,
nisi recenter mortuum, et integris adhuc
vitalibus. Verumtamen huic dicto objici
potest, quia communiter dicitur, quod Sa-
muel mortuus fuit biennio ante Saul. Quum
autem vidisset mulier Samuelem, exclamavit
voce magna : quoniam conturbata
fuit, viso tanto Propheta, secundum unam
opinionem, et territa, sciens ipsum Saul
adesse : et dicit ad Saul : Quare imposuisti
mihi istud negotium ? quasi dicat : Impos-
turam seu deceptionem fecisti. Tu es enim
Saul. Hoc scivit ex revelatione suscitati,
et secundum Josephum, anima Samuelis
indicavit hoc mulieri, quæ ita clamavit,
quum maleficiis suis peractis, suscitatum
vidisset. Præterea fabulantur quidam He-
bræi, quod dum mortuus magice suscitatur
ad petitionem ejus qui non est rex, primo
movetur et surgit ac apparet a pedibus ;
dum vero rege seiscitante suscitatur, pri-
mo surgit et apparet a capite propter regiæ
reverentiam potestatis. Quidam dicunt Pro-
phetam suscitari non posse, nisi rege pe-
tente. Ideo mulier viso Propheta, cognovit
regem adesse.

Dixitque rex : Noli timere. Quid vidi-
sti ? Et ait mulier ad Saul : Deos vidi as-
cendentes de terra. Secundum expositores
D catholicos, ponitur hic plurale pro singu-
lari, sicut in Exodo : Isti sunt dii tui Israel ;
quum non fuerit nisi idolum unum. Propter
quod in Esdra leguntur dixisse : Iste est
Deus tuus Israel, qui te eduxit ex Ægypto.
Itaque mulier : Vidi, inquit, deos ascen-
dentes de terra, id est virum divinum, sur-
gentem et suscitatum e monumento. He-
bræi imaginantur, quod Samuel putans se
ad divinum vocari judicium, deprecatus est
Moysen secum venire ad protestandum pro
se, quod legem plenarie adimpleret : qua-

Exod.
xxxii, 4.

II Esdr. ix,
18.

si nec Moyses nec Samuel agnoverint diem A
 iudicii esse futurum in fine mundi post
 primum Christi adventum, quem sciebant
 tunc nondum venisse: vel, quasi anima
 Samuelis fuerit tam ignara, quod nescierit
 in divino iudicio neminem posse testibus
 adjuvari, quum omnia supercertissime sum-
 mo Iudicii constant. Propter quod sanctus
 Job IX, 19. Job dicit: Si æquitas iudicii quæritur, ne-
 mo audet pro me testimonium dicere. Quod
 autem ponatur hic plurale pro singulari,
 elicitur ex hoc, quod Saul singulariter quæ-
 rit. *Dirigitque ei: Qualis est forma ejus?*
Quæ ait: Vir senex ascendit, et ipse ami-
ctus est pallio tali, quali adhuc vivens
 consuevit vestiri. *Et intellexit Saul quod*
Samuel esset. Hoc namque putavit, sive sic
 fuerit, sive non. Itaque sicut infra libro
 IV Reg. 1, 7, 8. quarto habetur, quod Ochozias cognovit
 Eliam ex relatione sui vestitus et formæ,
 sic Saul Samuelem. *Et inclinavit se su-*
per faciem suam in terra, prosternens se
 humi, *et adoravit* Samuelem adoratione
 dulciæ, tanquam excellentem et sanctam
 personam. Ex his trahitur, quod Saul non
 vidit Samuelem apparentem, sed mulier:
 alias non interrogasset, Qualis est forma
 ejus? Dicitur tamen apparuisse Sauli, quia
 allocutus est eum. Verumtamen Augusti-
 nus fatetur, quod non absurdum sit crede-
 re, spiritum justi Samuelis ostendisse se
 regis adspectibus: quod potest exponi de
 ostensione per verba.

Dirigit autem Samuel ad Saul: Quare
inquietasti me, id est, inquietari fecisti a
 requie, quæ est in limbo patrum, *ut susci-*
tarer? *Et ait Saul: Coarctor nimis. Si-*
quidem Philistiim pugnant adversum me,
et Deus recessit a me, et exaudire me no-
luit, neque in manu Prophetarum, neque
per somnia. Vocavi ergo te, ut ostenderes
mihî quid faciam. *Et ait Samuel: Quid*
interrogas me? quasi dicat, Frustra hoc
 agis, quum Dominus recesserit a te, et trans-
 ierit ad amulum tuum, id est ad David
 eni tu invides, quum tamen ipse te diligat.
Paciet enim Dominus tibi, sicut locutus
est in manu mea, id est per obsequium

meum, seu ministerio oris mei: quia per
 manum potestas seu operatio designatur.
 Vel, Per manum meam, id est per verba
 quæ scripsi manu. Siquidem Prophetæ ma-
 nu scripserunt, quæ dixerunt ore tenus. *Et*
sciendet regnum de manu tua, id est, totum ^{1 Reg. xv,}
 auferet tibi, *et dabit illud proximo tuo* ^{28.}
David: quia non obedisti voci Domini, ne-
que fecisti iram furoris ejus in Amalec,
 id est, rigorem divinæ justitiæ exsecutus
 non es in Amalecitis, prout supra exposi-
 tum fuit. Falsa pietas illa qua pepereit ^{Ibid. 9.}
 B Agag regi, imo et cupiditas qua pepereit
 melioribus pecoribus, negligentia et ino-
 bedientia, fuerunt præcipua causa repro-
 bationis Saulis a regno. Fuerunt etiam aliæ
 causæ, videlicet quod obtulit holocaustum, ^{Ibid. xiii, 9.}
 usurpans sibi sacerdotale officium, et quod
 tam impie persecutus est David ac suos, et
 quoniam sacerdotes sic trucidavit. *Idcirco*
quod pateris, fecit tibi Dominus hodie; et
dabit Dominus etiam Israel, id est ma- ^{Ibid. xxi,}
 gnâ partem exercitus tui, *in manus Phi-* ^{18.}
listim. Nam et populus Israel simul cum
 C rege suo multipliciter erat culpabilis: et
 interdum contingit, quod propter peccata
 principis percutitur populus, corporaliter-
 que punitur, in quantum princeps et po-
 pulus ejus sunt quodammodo unum: et
 hoc ipsum novit omnium Moderator altis-
 simus in bonum spirituale populi aliunde
 innoxii, ordinare. Ideo non contigit in hoc
 injustitia aliqua, Deo attribuenda. *Cras au-*
tem tu et filii tui mecum eritis, id est in
 numero delinctorum et statu mortuorum
 seu in inferno, sumendo infernum totali-
 ter, prout quatuor loca includit, videlicet
 D locum damnationis reproborum, purgato-
 rium, limbum patrum, limbumque parvu-
 lorum. Quid vero sentiendum videatur de
 damnatione aut salvatione Saulis, dictum
 est in primo libro Paralipomenon. De Jo-
 natha autem tenetur, quod fuit vir magnæ
 virtutis. De aliis filiis Saul nil certum ha-
 betur. Sed sicut in evangelica lege viri
 congressuri præparant se per exercitia de-
 votionis ad mortem salubrem, ita creden-
 dum videtur de viris sub veteri lege, quam-

vis non omnes sic fecerint, sicut nec modo. *Sed et castra Israel tradet Dominus in manus Philistiim.*

Statimque Saul cecidit porrectus in terram. Ertimmerat enim verba Samuelis, et robur non erat in eo, quia non comederat panem tota die illa: id est, corporalis fortitudo erat valde debilitata in Saul, ex quo tota die illa nil manducavit, et etiam ex apparitione et allocutione sibi exhibitis a suscitato. Ex talibus enim solet homo multum debilitari. Itemque ex vehementia sui timoris, quem ex verbis et comminationibus Samuelis incurrit. Ingressa est itaque mulier illa ad Saul. Egressa enim de secretario, in quo maleficium suum exerevit, intravit ad Saul. Conturbatus enim erat valde. Dixitque ad eum: Ecce obedivi ancilla tuae voci tuae, et posui animam meam in manu mea, id est, vitam meam exposui perditioni et periculo mortis, faciendo ad tuam instantiam opus sub mortis periculo prohibitum a lege et rege; et audiui sermones tuos quos locutus es ad me. Nunc igitur audi et tu vocem ancillae tuae, et ponam coram te buccellam panis, id est cibum convenientem, ut comedens convalescas, et possis iter agere. Loquitur autem mulier curialiter, sicut dicere solemus his quos invitamus: Comedatis unum morsellum. Qui renuit, et ait: Non comedam. Coegerunt autem eum servi sui et mulier, id est, instantes rogando et exhortando Saulem ut manducaret, habuerunt se quasi per modum cogentis, quamvis non fuerit absoluta coactio. Et tandem audita voce eorum, surrexit de terra, et sedit super lectum. Fuit autem tam desolatus, tristis et debilis, quod non sensit appetitum ad refectionem. Et ex isto eliciunt quidam, quod nec mulier pythonissa, nec servi Saulis audierunt verba Samuelis prolata ad Saul: quæ si audissent, verisimile putant, quod sicut rogaverunt Saulem ut manducaret, sic rogassent et persuasissent, ut non iret ad pugnam, in qua fuit casurus.

Mulier autem illa habebat vitulum pascualem, id est impinguatum, in domo, et

festinavit et occidit eum ad coquendum. Tollensque farinam triticeam, miscuit eam cum aqua, non cum fermento, et coxit azyma, id est azyimos panes, et posuit ante Saul et ante servos ejus. Qui quum comedisissent, surrexerunt et ambulaverunt per totam noctem illam. Jam dictum est in isto capitulo, quod venerunt ad mulierem nocte: deinde, quod Saul non comederat tota die illa; nunc vero, quod ambulaverunt per totam noctem illam. Quæritur ergo, an omnia ista facta sint una nocte, an potius dies artificialis, inter noctem qua venerunt, et noctem qua redierunt, fuerit medius. Ad quod si certo debeat responderi, oporteret seire locorum distantiam, quæ est inter Endor et Gelboe. Denique ex hoc, quod Saul tam celeriter et audacter rediit ad suos, ut adsisteret eis in prælio, in quo se noverat occidendum, perpenditur magna ejus audacia, animositas, fidelitasque ad populum suum.

Quæritur circa præhabita, an Samuel in hac apparitione vere apparuit, an potius spiritus malus in ejus effigie. Quod autem in ea apparuerit Samuel vere, videtur textus manifeste et copiose prætere, nec ex circumstantia litteræ insinuat oppositum. Idem videtur in Ecclesiastico doceri, quo legitur: Post hæc dormivit Samuel, et notum fecit regi, et ostendit illi finem suum. Hoc quoque Josephus sentit, et omnes Hebræi, et probatur ex eo, quod ille apparens, tam rigore et vere corripuit Saul, et futura secreta ei prædixit. In oppositum argumentatur, quoniam mulier illa maga nequaquam habuit potestatem suscitandi defunctum, nec ejus maleficiis anima sancti Samuelis fuerat oblectata ad apparentum et respondendum iniquo. Denique in Isaia quo legitur, Erit quasi pythonis vox tua, loquitur Glossa, quod mulier pythonissa non suscitavit Samuelem, sed dæmonem evocavit.

De hac materia introducuntur hic multa in Glossa ex verbis Augustini. Itaque, sicut refert Isidorus, Simpliciano Mediolanensi episcopo scribens Augustinus: Inquis,

Ecclesi. XLVI, 23.

Is. XXIX, 4.

inquit, an spiritus malignus potuit susci-
tare animam iusti, et tanquam de abditis
mortuorum receptaculis revocare, ita ut
videretur et loqueretur cum Saul. Deinde
hoc fieri potuisse, ostendit Augustinus sub-
dendo : Nonne magis mirandum est, quod
Matth. iv, 5. Christum assumpsit diabolus, et posuit su-
pra pinnaculum templi ? Et si hoc non per-
turbat nos, quoniam Christus permisit hoc
sponte ; ita etiam non absurdum est cre-
dere, ex aliqua dispensatione voluntatis
divinae permissum fuisse, ut non invitus,
nec dominante magica arte, sed volens
atque obtemperans occultæ dispensationi
Dei, quod pythonissam Saulemque latuit,
spiritus Samuelis ostenderetur adspectibus
regis, divina cum sententia percussurus.
Deinde tangit Augustinus alium modum
dicendi : Quanquam in hoc facto poterit
esse alius faciliior intellectus, ut non vere
spiritum Samuelis excitatum a requie sua
credamus, sed apparuisse aliquod phanta-
sma et imaginariam illusionem, machina-
tionibus diaboli factam, quam Scriptura
nomine Samuelis appellat : quoniam so-
lent imagines appellari nominibus rerum
quas repræsentant, quemadmodum de ima-
gine dicimus, Ille est Cicero ; et de pictura,
Illa est Roma. — Porro in libro Quæstio-
num veteris et novi Testamenti, videtur
Augustinus se declinare ad hoc, quod non
fuit ibi veraciter anima Samuelis ; et verba
illa Augustini diffuse allegantur in Decreto.
26 q. 5, c. Ait enim : Quidam putant quærendum,
Nec mirum. quomodo Scriptura narret pythonissam sus-
citasse Samuelem ad colloquium Saulis
impiissimi regis. Quibus responderi potest :
Indignum omnino facinus, si secundum
hæc verba historiae commendetur assen-
sus, id est, si Samuel assensit evocationi-
bus pythonissæ ; sed hoc est præstigium
Satanæ, quo confingit se habere in pote-
state sua etiam justos, ut plurimos fallat :
quod Apostolus ostendit, inter cetera di-
cens, Ipse Satanas se transfigurat in ange-
lum lucis. Ut enim errorem faceret, in quo
glorificaretur, in habitu et nomine viri ju-
sti se subornavit. Multa de hac materia

A scribit Augustinus ibidem, exponens et
probans, quod diabolus in specie apparuit
Samuelis.

Præterea multis hinc inde pensatis, Lyra
dicit quod si ista positio Augustini non est
determinatio Ecclesiæ, sicut verisimiliter
non est, probabilius videatur esse dicendum,
quod anima Samuelis virtute divina et ejus
dispensatione apparuerit, quatenus Sauli
propter sua demerita annuntiaretur divina
sententia super eum mox futura, per Sa-
muelem defunctum : sicut per ipsum vi-
ventem, reprobatio a regno sibi erat ante
denuntiata. Nam huic dicto videtur am-
plius concordare Scriptura hoc loco et in
Ecclesiastico. Huic etiam dicto consonat,
quod in libro Numerorum fertur de Ba-
laam, quia dum iret ad quærendum augu-
rinum, angelus prohibuit dæmonem appa-
rere et loqui ad Balaam ; posuitque verbum
in ore ipsius, dando ei responsum suæ vo-
luntati contrarium. Sic in proposito vide-
tur rationabiliter dici posse, quod dæmon
fuit prohibitus ad vocationem pythonissæ
venire, sicque pythonissa non suscitavit
Samuelem, sed Deus per angelum fecit il-
lum venire. Nec Samuel permisit se ado-
rari a Saul adoratione latræ, sed dulciæ,
quemadmodum Nathan et Bethsabæe David
regem adorasse leguntur. Nec anima Sa-
muelis fuit attracta aut delectata maleficiis
pythonissæ, sed Deo obtemperavit. Nec Sa-
muel dixit Saulem et filios ejus secum cra-
stino futuros in pari aut simili statu salutis
aut certitudinis gloriæ, sed in eodem sta-
tu et loco communi, sicut expositum est.

Sed his objicit Rabbi Paulus, eo quod
Augustinus præfato Decreto assertive te-
neat, non Samuelem, sed dæmonem appa-
ruisse, et non sit alius de doctoribus Ec-
clesiæ approbatus, qui oppositum videatur
tenere. Ad quod dicendum, quod multi
doctores catholici, et aliqui sancti, post Au-
gustinum de hac materia variis modis lo-
cuti sunt, nec in talibus materiis opinabi-
libus quæ citra certitudinem sunt, nec ab
Ecclesia determinatæ inveniuntur, necesse
est sequi unum quemcumque doctorem,

*I Reg. xiii,
14; xv, 23.*

*Eccli. xlv,
23.*

*Num. xxiii,
4, 5.*

*III Reg. i,
23, 16.*

*II Cor. xi,
14.*

quamvis sanctum, sicut et ipsemet asserit Augustinus in epistola contra Vincentium Donatistam. Unde et Rabanus dicit, utramque positionem præactam rationabiliter posse defendi. Hinc et in Scholastica narratur historia : Dicitur a quibusdam, quod spiritus malignus apparuit in specie Samuelis. Vel, phantastice imago ejus ibi apparuit, sicut fit in aqua aut speculo. Alii dicunt, quod Deo permittente, anima ejus tantum consimili corpore induta apparuit ibi. Alii, quod corpus ejus tantum suscitatum est, spiritu vivifico seu vitali anima

in suo loco quiescente. Hæ opiniones etiam in Glossa tanguntur. Postremo Rabbi Paulus ad salvandum præinductam Ecclesiastici auctoritatem dicit, quod corpus Samuelis in sepulero jacens cum habitu proprio, in quo fuit sepultum, Deo permittente apparuit Sauli magica arte. Quocirca querendum esset, an corpus illud fuit extra sepulcrum ad Saulem deductum, vel sola ejus imago phantastica, et an spiritus malus loquebatur per corpus illud. Positio autem quam tangit et sequitur Nicolaus de Lyra, verior esse videtur.

ARTICULUS XLVIII

EXPLANATIO CAPITULI VICESIMI NONI : CONGREGATA SUNT, ETC.

HIC describitur, cur et qualiter David a Philistæis reversus sit. *Congregata sunt ergo universa agmina Philistiim in Aphec*, id est universa quæ erant sub satrapis, et omnia simul fuerunt unum agmen sub rege in Aphec, quia ad locum illum venerunt de Sunam, ubi primo ad tempus manserunt, ut præcedenti habetur capitulo. *Sed et Israel*, id est populus Israeliticus cum Saule, *castrametatus est super fontem, qui erat in Jezrael*, id est prope urbem sic nuncupatam, et illuc venerunt a Gelboe. *Et satrapæ quidem Philistiim incedebant in centuriis*, id est in partibus populi sui in centum divisis, quibus præerant centuriones, *et millibus*, quibus millenarii præerant. Fuit itaque populus ille divisus per centenos atque millenos. *David autem et viri ejus erant in novissimo agmine cum Achis rege Philistinorum*, qui ipsum David voluit habere præcipuum capitis sui custodem.

I Reg.
xxviii, 4.

Ibid. 2.

Dixeruntque principes Philistiim, scilicet satrapæ, ad Achis : Quid sibi volunt Hebræi isti? id est, cur venerunt nobiscum? Et ait Achis ad principes Philistiim :

Numquid ignoratis David, qui fuit servus Saul regis Israel? ac si dicat : Mirum si non scitis, quam fortis, strenuus ac fidelis vir sit David, qui tanta a Saul est passus ; et est apud me multis diebus vel annis, id est, diu fuit in terra mea, in qua eum benigne tractavi. Circa hoc scribit quidam : Qui dicunt, quod David fuit tantum quatuor mensibus ibi, consequenter dicere habent, quod Achis dixit plus de mora ipsius David apud se, quam fuit, ad pacificandum principes Philistinorum. Sed istud non videtur, quum Achis locutus sit disjunctive, Multis diebus vel annis : certumque est, ad veritatem disjunctivæ sufficere alteram partem esse veram. Et non inveni in eo quidquam mali, id est infidelitatis adversum me, ex die qua transfugit ad me, usque ad diem hanc. Attamen, supra dixit Achis de David : Multa mala operatus est contra populum suum.

Ecclesiastici, xlvii, 23.

I Reg. xxvii, 12.

Irati sunt autem adversus eum principes Philistiim, quoniam judicabant regem suum incaute egisse confidendo in David, et dixerunt : Revertatur vir, et sedeat in loco suo, in quo constituisti eum, et non

descendat nobiscum in praelium, ne fiat nobis adversarius quum praeliari cœperimus. Quomodo aliter poterit placare dominum suum, nisi in capitibus nostris, id est nos percutiendo, nostraque capita amputando, sicut fecit Goliath? Istud, secundum humanam conjecturam, fuit probabiliter dictum, sed ut ait Chrysostomus super Matthæum, Implacabilis est ira regum, quam concipiunt contra eos a quibus timeant regno privari. Unde et antea sæpe percusserat David Philistæos, sicut præhabitu est, nec tamen per hoc placavit Saul. Nonne iste est David, cui cantabant mulieres in choris, sicut expositum est supra, dicentes: Percussit in millibus suis Saul, et David in decem millibus suis? Sensus hujus verbi innotescit ex eo, quod supra cecinisse leguntur: Percussit Saul mille, et David decem millia. Itaque sensus est: Percussit in millibus suis Saul, id est, ipse Saul occidit mille Philistæos, qui dicuntur millia Saul, id est millia ab eo percussa: in quibus verbis sumitur plurale pro singulari. Sic quoque David percussit in decem millibus suis, id est decem millia.

Vocavit ergo Achis rex ipsum David, et ait ei: Vivit Dominus, quia rectus es tu, id est justus, et bonus in conspectu meo, et exitus tuus et introitus tuus mecum est in castris. Istum modum jurandi videtur Achis didicisse a David, nisi forte per Dominum intellexerit deum suum, utpote Dagon. Et non inveni in te quidquam mali ex die qua venisti ad me, usque in diem hanc; sed satrapis non places. Sic frequenter contingit in domibus principum, quod aliqui boni et strenui, principibusque placentes, aliorum per hoc displicentiam odiumque incurrunt, a quibus et mendaciter accu-

santur: sicut in libro Esther plenius continetur de impiis, qui aures principum simplices callida fraude decipiunt; et eos qui credita sibi officia fideliter exsequuntur, mendaciorum cuniculis conantur subvertere. Revertere ergo et vade in pace, et non offendas oculos satraparum Philistiim.

Dixitque David ad Achis: Quid enim infidelitatis feci? aut quid culpæ invenisti in me serro tuo a die qua fui in conspectu tuo usque in diem hanc, ut non veniam tecum ad bellum, et pugnem contra inimicos domini mei regis? Si David dixit hoc non ironice, sed seriose, et per dominum suum, intellexit ipsum Achis, non Saulem, videtur habuisse propositum præliandi contra Hebræos: quod tamen non videtur dicendum, prout in expositione præcedentis capituli est inductum, præsertim quum infra in exordio libri secundi legatur, in tantum deflevisse interfectionem Saul et filii ejus, ac populi Israel. Ideo forsitan ironice dixit hæc. Respondens autem Achis, locutus est ad David: Scio quia bonus es tu in oculis meis, sicut angelus Dei, hoc est, instar angeli, excellentis es bonitatis et virtuositatis judicio meo, tanquam vir heroicus et perfectus. Sed unde scivit alienigena iste loqui de angelis? Forsan ex conversatione et collatione cum David, aliisve Hebræis. Sed principes Philistinorum dixerunt: Non ascendet nobiscum in praelium. Igitur consurge mane, tu et servi domini tui, qui venerunt tecum. Nam servi qui erant cum David, fuerunt servi Saulis de jure communi, quia erant de populo ejus. Et quum de nocte surrexeritis, pergite. Surrexit itaque de nocte David, ipse et viri ejus, ut proficiscerentur mane, et reverterentur ad terram Philistiim. Philistiim autem ascenderunt in Jezrael.

I Reg. xvii, 51.

Ibid. 52; xviii, 27.

Ibid. xviii, 6.

Ibid. 7.

Esth. xvi, 6, 5.

I Reg. xxviii, 2.

II Reg. i, 17 et seq.

ARTICULUS XLIX

DECLARATIO CAPITULI TRICESIMI : QUUMQUE VENISSENT DAVID ET VIRI EJUS IN SICELEG.

1 Reg. xv,
3, 7.Ibid. xxvii,
8.

MAGNA adversitas et mira prosperitas A sancti David ac suorum, hic describuntur. *Quumque venissent David et viri ejus in Siceleg*, quæ tamen jam fuit combusta, *die tertia, Amalecitarum*, qui evaserant manus Saul, et quorum maximam partem occiderat, ut supra habetur, *impetum fecerant ex parte australi in Siceleg*. Cognito enim recessu David et suorum ab urbe illa, eam subito invaserunt a parte præsertim meridionali, ad quam commorabantur. Oderant etenim ipsum David et suos, quia erant Hebræi, a quibus erant vastati; et etiam quia David frequenter eos vastaverat, ut supra continetur. *Et percusserant Siceleg, et succenderant eam igni. Et captivas duxerant mulieres ex ea, a minimo usque ad magnum, et non interfecerant quemquam, sed secum duxerant, et pergebant itinere suo.*

Quum ergo venissent David et viri ejus ad civitatem, et invenissent eam succensam igni, quam eis contulit Achis ad immorandum, et uxores suas et filios et filias ductas esse captivas. Quamvis enim David occiderat etiam mulieres Amalecitarum, illi tamen Deo sic ordinante, non occiderunt uxores ipsius David et virorum suorum. Nec hoc ex pietate omisisse videntur, sed vel ex libidine, ut earum fruerentur concubitu; vel ex cupiditate, quatenus venderent eas earumve filios aut filias. *Levaverunt David et populus qui cum eo erat, voces suas: quia ex intuitu improvisæ et magnæ adversitatis subito eruperunt in gemitum et singultum, imo et in clamorem; et planxerunt donec deficerent in eis lacrimæ, id est, quamdiu lacrimarum humorem producere potuerunt, maxime quoniam putaverunt majora accidisse ad-*

versa, quam acciderunt. Nam uxores suas, filiosque et filias suspicabantur esse occisas. *Siquidem et duæ uxores David, captivæ ductæ fuerant, Achinoam Jezraelitis, et Abigail uxor Nabal Carmeli. Et contristatus est David valde, non solum propter propriam adversitatem, sed et propter adversitates suorum, quibus tantæ calamitatis fuit occasio. Nam propter eum magna parte erant de terra Israel pulsi, vel confugerunt ad eum. Volebat enim eum populus lapidare, eo quod fuerit eis tantæ adversitatis occasio, et quia ejus negligentia factam reputabant urbis devastationem et captivationem suarum, quia non reliquerat aliquos viros ad urbis custodiam. Hinc subditur: quia amara erat anima uniuscujusque viri super filiis suis ac filiabus, id est, universi viri tunc ibi existentes cum David, amaritudine doloris et tristitiæ, iræ et impatientiæ erant repleti de captivatione et abductione, vel (ut ipsi suspicabantur) interfectione filiorum suorum ac filiarum.*

C *Confortatus est autem David in Domino Deo suo, spem assumendo in ipso, et ait ad Abiathar sacerdotem filium Achimelech: Applica ad me, id est propter me seu pro me, ephod, id est vestem illam sacerdotalem, eam induendo, quatenus in ea consulas Dominum pro me. Et applicuit Abiathar ephod ad David. Et consuluit David Dominum per Abiathar, dicens per illum: Persequar latrunculos hos, et comprehendam eos, an non? Dixitque ei Dominus: Persequere eos; absque dubio enim comprehendes eos ad occidendum, et executies prædam, id est, homines et jumenta quos abduxerunt, vi armorum recuperabis. Itaque videns pius et justus Dominus electum*

suum David in tantis tribulationibus atque angustiis positum, celeriter ei respondit, consolatorumque donavit responsum. Ex his sumitur argumentum, quod princeps non debeat bellum movere Domino inconsulto, ipsum rogando, ut per se aut per suum vicarium dignetur sibi ostendere, an debeat pugnam movere; et tunc Dominus ei inspirabit, seu vicarius Dei exponet, an justam habeat causam: quam si habuerit, potest pugnare, si vicarius aut alii non queunt componere. Si vero injusta sit ejus causa, præcipiet Dominus per suum vicarium, ut non moveat prælium.

Abiit ergo David ipse, et sexcenti viri qui erant cum eo, et venerunt usque ad torrentem Besor, et lassi quidam substituerunt. Persecutus est autem David ipse et quadringenti viri cum eo. Substituerant enim ducenti, qui lassi, transire non poterant torrentem Besor. Et invenerunt virum Ægyptium in agro, et adduxerunt eum ad David. Dederuntque ei panem, ut comederet et biberet aquam; sed et fragmen massæ caricarum, et duas ligaturas uvæ passæ. Quæ quum comedisset, reversus est spiritus ejus, et refocillatus est. Non enim comederat panem neque biberat aquam tribus diebus et tribus noctibus. Dixit ei itaque David: Cujus es tu? id est, ad quem pertines? vel unde es natus, seu de qua regione? aut quo pergis, id est pergere cupis? Verumtamen hæc tertia quæstio, ut fertur, non est in Hebræo, nec movetur a Josepho. Qui ait: Puer Ægyptius ego sum, servus viri Amalecitarum. Dereliquit autem me dominus meus, quia egrotare cæpi nudiustertius. Siquidem nos erupimus ad australem plagam Cerethi, et contra Judam et ad meridiem Culeb, et Siceleg succendimus igni. Dixitque ei David: Potes me ducere ad cuneum istum? Qui ait: Jura mihi per Deum quod non occidas me, et non tradas me in manus domini mei, et ego ducam te ad cuneum istum. Et juravit ei David.

Qui quum durisset eum, ecce illi discumbabant super faciem universæ terræ

A comedentes et bibentes, et quasi festum celebrantes diem pro cuncta præda et spoliis, quæ ceperant de terra Philistiim et de terra Juda. Et percussit eos David et viri ejus, a vespera usque ad vesperam alterius diei. Ex quo constat, quod victoria David super tot homines, fuit valde miraculosa, præsertim quoniam nullus de viris David in illo corruerat bello. Et non evasit ex eis quisquam, nisi tantum quadringenti viri adolescentes, qui ascenderant camelos, et fugerant. Ex quo rursus constat, quod valde multi fuerunt occisi, quorum comparatione quadringenti viri reputantur perpauci. Eruit ergo David omnia quæ tulerant Amalecitarum, et duas uxores suas eruit. Nec defuit quisquam a parvo usque ad magnum, tam de filiis quam de filiabus, et de spoliis, et quæcumque rapuerant, reduxit David omnia; et tulit universos greges et armenta, et minavit ante faciem suam. Dixeruntque viri et socii David: Hæc est præda David. Quasi dicant: Tam præclaram copiosamque prædam decuit ipsum David divina virtute acquirere.

Venit autem David ad ducentos viros qui lassi substituerant, nec sequi potuerant David, et residere eos jusserat in torrente, id est juxta torrentem Besor. Qui egressi sunt obviam David, et populo qui erat cum eo. Accedens autem David ad populum, id est ad viros ducentos qui remanserunt ad sarcinas, salutavit eos pacifice. Respondensque omnis vir pessimus et iniquus de viris qui erant cum David. Ex hoc elicitur, quod aliqui vitiosi fuerunt inter viros David: et item, quod viri David contulerunt in via de prædæ divisione. Tuncque omnis vir pessimus, id est valde malus, quoad Deum, et iniquus, quoad proximos, dixit: Quia non venerunt nobiscum in bellum isti ducenti, non dabimus eis quidquam de præda quam erupimus, sed sufficiat unicuique uxor sua, et filii: quos quum acceperint, recedant. Dixit autem David: Non sic facietis, fratres mei, de his quæ tradidit nobis Dominus, et custodivit nos, et dedit latrunculos qui eru-

perant adversum nos, in manus nostras, nec audiet vos quisquam super sermone hoc. Ecce quam mansuete et humiliter sanctus David respondit avaris et immiseri- cordibus illis. *Aequa enim pars erit descendenti ad praelium, et remanenti ad sarcinas,* id est vasa et onera custodienda, *et similiter dividunt,* quia et ipsis potest in tali occupatione periculum imminere, et quasi pugnant cum his, quos reddunt expeditos ad pugnam, dum eorum custodiunt sarcinas. *Et factum est hoc ex die illa et deinceps constitutum et praefinitum,* id est statutum seu firmum decretum, *et quasi lex in Israel,* id est Israelitica plebe, *usque in diem hanc.* Sicque Quasi, dicit hic veritatem, non similitudinem tantum. Lex est enim idem quod praeceptum.

Gen. XIV.

Denique, ut quidam scribit, David in facto hoc confirmavit se Abrahæ patriarchæ, qui similiter fecit sociis ad sarcinas remanentibus, quando quatuor reges debellavit, ut dictum fuit in Genesi. Quocirca pensandum, quod in Genesi non leguntur aliqui ex adiutoribus aut vernaculis Abrahæ ad sarcinas remansisse, sed potius secum in praelium omnes venisse. Et insuper fertur ibidem, quod Abraham noluit aliquem reservare de substantia regis So-

A domorum, exceptis his quæ comederunt juvenes, qui erant sui vernaculi et secum congressi, partibusque virorum qui venerunt secum. Erant quoque quinque reges quos debellavit; et ibi asserit Glossa, quod militibus debita dedit stipendia.

Venit ergo David in Siceleg, et misit dona de præda senioribus Juda et proximis suis, dicens: Accipite benedictionem, id est gratiosam collationem, *de præda hostium Domini,* id est de spoliis quæ jure gladii abstulimus idololatri Amalecitis adversariis veri Dei. *His qui erant in Bethel, et qui in Ramoth ad meridiem, et qui in Jether, et qui in Aroer, et qui in Sephamoth, et qui in Esthamo, et qui in Rachal, et qui in urbibus Jerameel, et qui in urbibus Ceni, et qui in Arama, et qui in lacu Asan, et qui in Athach, et qui in Hebron, et reliquis qui erant in his locis, in quibus commoratus fuerat David, et viri ejus.* Dicunt aliqui, quod ideo misit dona suis cognatis, ut amicitiam cum eis contraheret, et suo tempore facerent eum regem. Potius tamen puto, quod ideo, quoniam Amalecitæ præfati magnam partem quasi abstulerunt de terra et sorte Juda, ut in textu habetur. Nec videtur, quod David per munusecula adspiravit ad regnum.

ARTICULUS I

DE SPIRITUALI HUIUS CAPITULI TRICESIMI SENSU.

PER David et viros ejus, juxta præhabita, intelliguntur Christus et ejus vicarii; per Siceleg vero, Ecclesia; per Amalecitas quoque, invisibiles seu visibiles hostes justorum. Amalecitæ namque, populus lambens interpretantur. Impii autem, cupiendo terrena, et in vitiorum operibus delectando, quasi lambunt hæc infima. Quemadmodum ergo David et viris ejus absentibus, Amalecitæ impetum fecerunt

D in Siceleg, eamque succenderunt; sic Christo populum suum juste relincente ad tempus, aut dispensative recedente ab illo, seu vicariis ejus absentibus, hostes justorum vastant Ecclesiam, animas vincunt, vitiorumque igne inflammant bonorum præcordia, vel etiam corporaliter demoluntur loca fidelium, et ipsos occidunt seu capiunt: quibus visis, Christus compatitur suis, et ejus vicarii deflent subdi-

torum dispendia, ac persecutores tam impios insequuntur, dum deceptis et vietis succurrunt, et eos ad viam reducunt salutis, sieque exentiunt prædam. Quemadmodum demum viri David præ mœrore et dolore voluerunt eum lapidare, sic virtuosissimi prælati de sibi commissorum adversitatibus et peccatis intime desolati, Christum quasi lapidare velle videntur, dum piis quibusdam querelis conqueruntur in ipsius præsentia, cur sic suum reliquerit populum, voluntatique impiorum suam exposuerit portionem.

Porro, per duas mulieres David, intelliguntur sæculares et spirituales fideles, seu activi et contemplativi. Per mulieres vero virorum David, designantur congregationes fidelium commissæ prælatis; per filios autem et filias, animæ magis seu minus perfectæ. Consulit etiam Dominus suis vicariis, ut animarum latrunculos insequantur, conando indesinenter pro errantium conversione: quod si fecerint, auxiliante Domino, prævalebunt. At vero per puerum Ægyptium ægrotantem, a domino suo derelictum, intelligitur quicumque sæcularis adversitatibus pressus, et propter sua adversa a mundi amatoribus spretus, infideliterque desertus: quem Salvator misericorditer intuetur, consolatur, ac reficit, et suum efficit ducem, dum salutari edoctum scientia virtutibusque nutritum,

A præficit ovibus suis, et per eum animarum seductores prosternit. Talis puer postulat sibi jurari, quod non tradetur amplius in manus domini sui, quia conversus et illuminatus deprecatur Altissimum, ne de cetero ad priora sinatur corrumpere mala: cui Dominus misericorditer spondet, quod quantum in se est, ipsum non deseret.

Præterea, per prædam David, quam, Amalecitis percussis, ante se duxit, designatur electorum pluralitas, quam, devietis demonibus, de limbo Christus eduxit, et in B ascensione vexit ad cœlos: imo et universitas justorum, quos in fine mundi, peracto extremo iudicio, reprobisque damnatis, ad alta perducet polorum. Postremo, per hoc quod David misit dona suis cognatis de præda quam idololatriis abstulit, hoc potest significari, quod Dominus et Salvator, quamvis sit causa præcipua omnis boni meritorii hominum electorum, non tamen sibi soli adseribit bona illorum, sed Apostolis quoque ceterisque electis doctoribus ac prælatis, per quorum orationes, doctrinas, præsentiam et exempla ædificati fuerunt et profecerunt, atque salutem sunt consecuti, quorum salus et gloria communicantur et redundant in illos. Hinc ad Thessalonicenses scribit Apostolus: Quæ ^{1 Thess. ii, 19.} est enim spes nostra et gaudium aut corona gloriæ? Nonne vos ante Dominum nostrum Jesum Christum in adventu ejus?

ARTICULUS LI

EXPOSITIO CAPITULI TRICESIMI PRIMI: PHILISTIM AUTEM PUGNABANT ADVERSUM ISRAEL.

HIC mors Saulis describitur. *Philistiim D* *autem pugnabant adversum Israel. Et fugerunt viri Israel: quibus propter eorum peccata Deus tunc subtraxit suum auxilium, et per idololatrias illos punivit plebis suæ peccata, quæ sub impio rege erant multiplicata: ante faciem Philistiim. Et*

ceciderunt interfecti in monte Gelboe. Nam et de pristinis victoriis, sibi a Deo elementer contra Philistæos concessis, facti erant ingrati. Irrueruntque Philistiim in Saul et in filios ejus, et percusserunt Jonathan et Abinadab et Melchisua, filios Saul; totumque pondus, id est rigor, vigor seu

acerbitas, *prælii versum est in Saul* : non solum in ejus personam, sed in filios quoque ipsius et servos atque domesticos : quia specialiter secum erant culpabiles, Jonatha tamen excepto, qui quamvis fuerit justus, ab impiis tamen occidi permissus est in suorum purgationem quotidianorum peccaminum, et pro felicitatis suæ augmento. *Et consecuti sunt cum Saul viri sagittarii, et vulneratus est vehementer a sagittariis. Dixitque Saul ad armigerum suum* : quem (ut refert Hieronymus) dicunt Hebræi fuisse Doeg Idumæum, quem

1 Reg. ix, 3.

etiam ferunt fuisse socium Saul, dum ivit quærere asinas : *Evagina gladium tuum, et percutite me, ne forte veniant incircumcisi isti, et interficiant me morte opprobriosa, illudentes mihi antequam me occidant.* Talem autem illusionem ignominiosam, magis abhorrent magnates et animosi, quam ipsam mortem. Sic etenim subditi hostium voluntati, gravissimum eis est. *Et noluit armiger ejus.* Cujus subjungitur ratio : *Fuerat enim nimio terrore perterritus, non solum ex consideratione mortis sibi jam imminenti, sed etiam quoniam Sauli supervivere verebatur, ne in manus David corrueret.* Itemque ex consideratione regiae dignitatis ipsius Saul, abhorrebat in eum extendere manum.

Arripuit itaque Saul gladium suum, et irruit super eum. Et ut in Scholastica fertur historia, in tantum defecerat viribus, quod se transverberare nequivit. Siquidem a sagittariis fuit graviter vulneratus. *Quod quum vidisset armiger ejus, videlicet quod mortuus esset Saul, irruit etiam ipse super gladium suum, et mortuus est cum eo* : quia (ut ait Glossa) noluit subesse David, quem noverat regnaturum, ejus gloriæ invidebat, timuitque male tractari ab illo, sicut promeruit. *Mortuus est ergo Saul et tres filii ejus.* Nam quartus, videlicet Isboseth, domi remansit, quia nec bellicosus erat, neque magnanimus. *Et armiger illius, et universi viri ejus in die illa, id est cuncti domestici Saul secum tunc existentes, pariter. Videntes autem viri Is-*

rael qui erant trans vallem, quæ erat circa Jordanem campestris et grandis : unde et in primo libro Paralipomenon legitur, *Quum vidissent filii Israel qui habitabant in campatribus; et trans Jordanem, utpote tribus Ruben et Gad, quod fugissent viri Israelitæ, et quod mortuus esset Saul et tres filii ejus, reliquerunt civitates suas, et fugerunt.* Quoniam terra eorum fuit propinquior Philistæis, ideo timuerunt primo vastari ab ipsis. *Veneruntque Philistiim, et habitaverunt ibi.*

Facta autem die altera, venerunt Philistiim, ut exspoliarent interfectos. Et invenerunt Saul et tres filios ejus jacentes in monte Gelboe. Et præciderunt caput Saul, et exspoliaverunt eum armis : ut et mortuo contumelias irrogarent, et suum ostentarent triumphum ; *et miserunt in terram Philistinorum per circuitum caput abscisum, imo et capita filiorum ejus, ut Magister in historiis dicit, ut annuntiaretur in templo vel in templis idolorum et in populis, ad idolorum honorem quibus tantam adscripserunt victoriam, et ut populi diis suis regratiarentur.* *Et posuerunt arma ejus in templo Astaroth* : cui arma illa consecrassent creduntur, quemadmodum David arma Goliath vero Deo. *Corpus vero ejus suspenderunt in muro Beth-*

1 Reg. xvii, 54.

san, quæ erat civitas Philistinorum in confinio seu terminis Israel. Hinc in muro urbis illius, quasi in conspectu Hebræorum, in contemptum ipsorum, suspenderunt corpus Saul et filiorum suorum cadavera, ut infra innuitur. Verumtamen Glossa super Paralipomenon ait : Hebræi tradunt Bethsan vocari domum Dagon, quæ interpretatur domus dormientis, ibique caput Saul esse suspensum. Alia est enim Bethsan in libro Josue et Judicum, quæ interpretatur domus securitatis. Caput vero Saul posuerunt in templo Dagon, ut in primo libro Paralipomenon scribitur.

Josue xvii, 11, 16; Judic. i, 27.

1 Par. x, 10.

Quod quum audissent habitatores Jabes Galaad, id est urbis sic nominatæ in terra Galaad trans Jordanem, quæcumque fecerant Philistiim Saul, surrexerunt omnes

viri fortissimi, et ambulaverunt tota nocte, et tulerunt, id est abstulerunt, cadaver Saul et cadavera filiorum ejus de muro Bethsan. Veneruntque Jabes Galaad, et combusserunt ea igni, aromata et quæque aromatica super ea incendendo ac comburendo pro reverentia speciali, prout olim fuit moris in celebrioribus sepulturis, quemadmodum etiam cadaveri Asa regis, secundo libro Paralipomenon legitur factum. Tulerunt et ossa eorum, et sepelierunt in nemore Jabes, tanquam in loco umbroso et pulchro arboribus consito, sicut in Genesi recitatur Debora sub queren sepulta, et jejunaverunt septem diebus, in signum mœroris et luctus, et pro defunctorum spiritibus. Itaque viri isti suam fidelitatem et gratitudinem, imo et caritatem audacter monstraverunt in Saul et filios ejus, quorum ignominiam ferre non potuerunt; et tantis se exposuerunt periculis, quoniam primo adjuti et liberati fuerunt per Saul a rege Ammonitarum, ut supra narratum est.

Præterea, de expositione hujus capituli multa habentur in expositione decimi capituli primi Paralipomenon libri, atque ex dictis ibidem patet solutio ad quæsitum, quo quæritur: An Saul virtuose se interfecit, an vitiose, et quid de ejus salvatione videatur tenendum: de qua tamen materia nunc plenius est agendum. Quocirca Nicolaus de Lyra refert Hebræorum positionem dicentium, quod Saul audita sententia Dei per Samuelem, accepit eandem, atque pœnituit, et festinavit ad mortem, paratus mori pro populi sui defensione et bono communi. Et quamvis antea tam sollicitus fuerit pro Jonathæ filii sui promotione ad regnum, tunc tamen contentus fuit quod moreretur secum in prælio. Propter quod nec eum admonuit de recessu.

Huic Hebræorum positioni Rabbi Paulus multipliciter contradicit et objicit: Primo, quod ratio Hebræorum Saulem salvantium, magis sit in contrarium, quia non solum prohibetur in lege pythones consulere, sed

A etiam credere verbis eorum: ergo et Saul peccavit, credendo responsioni apparentis sibi, et ejus sententiam acceptando. Verum objectio ista non est valida contra Hebræos, quoniam dicunt Samuelem vere apparuisse, nec Rabbi Paulus sufficienter hoc reprobat, prout in expositione superiorum est inductum. — Nihilominus arguit in hoc loco: Dato, quod Samuel in propria apparuisset persona, adhuc Saul peccavit credendo verbis illius. Qui enim dicunt Samuelem vere suscitatum fuisse, B affirmant hoc factum ex dispositione divina, quæ pythonissam latuit ac Saulem: ergo Saul non credidit ipsum esse veraciter Samuelem, sed spiritum malignum. Istud argumentum ex inconsideratione procedit. Quamvis enim divina dispositio, id est ratio propter quam Deus disposuit ipsum Samuelem suscitari ac apparere, Saulem ac pythonissam latuerit, non tamen consequitur, quod latebat eos, illum qui apparuit, exsistere Samuelem. Latent namque divina mysteria. — Insuper dicit, quod rationalius possit præsumi, quod Saul ivit ad prælium, credens sententiam sibi prolata, non esse divinam, sed diabolicam magis illusionem. Sed hoc videtur evidenter contrarium textui, in quo fertur, quod verbis Samuelis auditis, ipse Saul statim cecidit porrectus in terram. Extimuerat enim verba Samuelis et turbatus erat valde. — Deinde Rabbi Paulus reprobat solutionem dicentium, quod se ipsum occidere intuitu divini honoris, ne scilicet vituperium exerceatur in proprio corpore redundans in Dei injuriam, non sit illicitum. Nam ludibria et opprobria propter Deum sustinere, est tanto plus ad Dei honorem, quanto illa sunt magis ignominiosa atque acerba, ut in martyribus innotescit. Et rursus: Si Saul hoc modo excusaretur a culpa, in hoc quod peremit se ipsum, simili modo Amalecites sine peccato eum interfecisset: ejus oppositum sanctus David indicavit, ut sequenti habetur libro. — Dicit quoque Rabbi Paulus, quod determinatio doctorum sacræ Scripturæ, dicentium Sau-

Deut. xviii, 14.
I Reg. xxviii, 20.

II Par. xvi, 14.

Gen. xxxv, 8.

I Reg. xi, 11.

Ibidem.

II Reg. i, 16.

Lev. xix, 31; xx, 6.

lem esse damnatum, tantum sufficere debet, ac si ab Ecclesia determinaretur: quod non est sapientialiter dictum, quoniam Ecclesia in suis definitionibus dirigitur infallibiliter a Spiritu Sancto, non autem doctores seorsum. Veruntamen de Saulis salvatione seu damnatione nil assero, nec

Ps. xxxv, 7. temere judico; sed ei ejus judicia sunt abyssus multa, committo. Potius tamen opinor, quod sit damnatus, quia Scripturæ

1 Par. x, 13, 14. canonicæ quæ in primo libro Paralipomenon continetur, id magis consonum reputatur. Et sancti patres Hieronymus, Augustinus, Bernardus hoc contestantur.

Sensus mysticus.

Juxta mysticos intellectus, per Saul et filios ejus, intelliguntur prælati et eorum coadjutores, qui a Philistæis, id est demonibus, multipliciter impugnantur ac superantur. Totumque pondus prælii in Saul convertitur: quoniam fervor et difficultas tentationum gravius irrumpit in eos qui præsumunt, quorum dejectioni præsertim intenti sunt spiritus vitiosi. Rursus, per destructionem præsentis Saul a Philistæis, et translationem ejus ad David, figurata videtur destructio regni Judæorum per Romanos, et translatio regni illius in Christum, in quo solo perpetuatur, quemadmodum Gabriel Virgini Deiferæ prænuntiavit: Dabit ei (inquiens) Dominus Deus sedem David patris ejus, et regnabit in domo Jacob in æternum, et regni ejus non erit finis. Quemadmodum etiam Saul a sagittariis Philistinorum graviter vulneratus, petiit a proprio occidi armigero; sic obstinati princi-

Luc. i, 32, 33.

A pes Judæorum, auctoritatibus et rationibus gentium, præsertim conversarum devicti, maluerunt doctorum suorum, puta Scribarum et Phariseorum, falsis expositionibus persuasionibusque seduci, quam a gentibus informari. Et sicut Saul occidit se gladio suo, sic multi illorum a Romanis vastati, se peremerunt. Præterea loquitur Glossa: Gladio suo, quo Saul Amalecitis contra Dei præceptum pepereit, merito se ipsum occidit. Sic qui potestate pro communi utilitate accepta non utitur sive abutitur, suo se

B confodit gladio; et quo ab hoste defendi debuerat, hostem juvat. Porro, per armigerum Saul, designati sunt Judæorum doctores, qui testimoniis legis ac Prophetarum contra Christi fideles se armaverunt, sed propria peremerunt se armatura, occidentem Scripturarum litteram superficialiter

II Cor. iii, 6.

C assequendo, vivificantemque spiritum refutando: quibus peractis, ceteri Judæi huc illucque per mundum dispersi sunt, et terram promissionis conversi ad Christum gentiles multo tempore inhabitaverunt. Postremo, gentiles spoliaverunt Saul et filios ejus armis, et caput ejus amputaverunt, dum Scripturas et regnum et sacerdotium Judæorum ad Christi transtulerunt Ecclesiam. Et sicut viri Jabes corpora Saul et filiorum ejus honorabiliter sepelierunt; sic usque in præsens infideles Judæi extolunt magnifice eos, qui Christum et ejus discipulos sunt persecuti, quos in reprobum sensum tradidit Dominus, qui est super omnia Deus sublimis et benedictus. Amen.

Rom. i, 28.

ENARRATIO
IN SECUNDUM LIBRUM REGUM

PROŒMIUM

COMPLETO primo Regum volumine, in quo actum est de regno et præsidentia Saulis, nunc in secundo hoc Regum libro tractatur de principatu atque regimine David, ejus virtuositas in primo istius libri monstratur capitulo, sicut patebit. Porro quidam circa exordium expositionis hujus libri affirmat : Postquam in primo libro actum est de regno per electionem, hic consequenter agitur de regno per successionem, quia Isboseth successit Sauli, licet tempore brevi, et Salomon regi David. Cui II Reg. ii, 10. dieto objici potest, quod in toto isto secundo Regum volumine nulla est mentio de præsidentia Salomonis, nisi in quantum prænuntiatur in libro isto : quemadmodum Ibid. vii, 12. etiam primo libro prænuntiata sunt per Samuelem principatus et præsidentia regis David. Successio quoque Isboseth fuit usurpata, non legitima : quoniam Deus jam determinavit atque prædixit, regnum esse transferendum a Saul ad David. Aptius igitur dici potest, quod postquam in primo libro tractatum est de regno Saul reprobati, hic agitur de regno David electi. Nempe (ut super Joannem asserit Augustinus) Saul fuit unctus in regem, non ut principatus in domo et posteritate sua maneret, sed ut transferretur ad David de stirpe Juda : quia et tribui Juda ex divina præordinatione et prophetica prænuntiatione debebatur regni primatus, quemadmodum Jacob patriarcha prædixit : Non auferetur sceptrum de Juda et dux de femore ejus, donec veniat qui Gen. xlix, 10. mittendus est.

ENARRATIO
IN SECUNDUM LIBRUM SAMUELIS
QUEM NOS VOCAMUS
SECUNDUM REGUM

IN HOC AGITUR DE REGIMINE POPULI ISRAEL PER REGEM DAVID,
ET DE GESTIS PER IPSUM.

ARTICULUS PRIMUS

EXPOSITIO LITTERALIS CAPITULI PRIMI : FACTUM EST AUTEM POSTQUAM MORTUUS EST SAUL.

CONTINUANDO historiam libri istius A
C ad ea quæ in fine præcedentis libri
descripta sunt, dicitur : *Factum est autem
postquam mortuus est Saul*, id est inter-
fectus a Philistæis, vel potius a se ipso,
prout in præcedenti libro est inductum, *ut
David cum suo exercitu reverteretur a ca-
de Amalec*, id est interfectione Amaleci-
tarum, quos grandi plaga occidit, sicut in
primo libro est recitatum, *et maneret duos
dies in Siceleg* urbe sic dicta, sibi a rege
Achis concessa, jam tamen ab Amalecitis
combusta, ut in præallegato primo libro B
patuit. *In die autem tertia* a reditu David,
apparuit, non similitudinarie, sed existen-
tialiter, *homo veniens de castris*, id est
tentoriis seu turbis ipsius *Saul*, cujus ser-
vus fuerat homo iste, *veste conscissa, et
pulvere adpersus caput* : quia in signum
doloris sciderat vestem suam, et pulverem
superjecerat capiti suo, ut moris fuit Ju-
dæis facere in magnis adversitatibus, ad

quorum legem fuit conversus ; et etiam
apud quosdam gentiles fuit hujusmodi con-
suetudo. Unde in libro Job legitur de ejus
amicis, quod viso Job a longe vulnerato
ulcere pessimo, exclamantes ploraverunt, *Job* 11, 12.
scissisque vestibibus, sparserunt pulverem
super caput suum. *Et ut venit ad David,*
cecidit super faciem suam, id est, in terram
prostravit se, ita quod facies sua attigit
terram, *et adoravit ipsum* David adoratio-
ne duliæ, tanquam excellentem personam,
et tanquam mox regem futurum : cujus
gratiam obtinere desideravit, ita se humi-
liando, ac aliis modis, sicut patebit.

Et dixit ad eum David, qui valde solli-
citus fuit et fervens ad perci piendum ex-
itum belli, inter Israelitas Philistæos
commissi, quia pro re public Hebræorum
fidelem habuit curam : *Unde venis ? Qui
ait ad eum : De castris Israel fugi*, id est
de exercitu Hebræorum. *Et dixit ad eum
David : Quod est verbum*, id est opus ver-

¹ Reg. xxxi,
3, 4.

^{Ibid.} xxx,
17.

^{Ibid.} xxvii,
6 ; xxx, 1.

bo seu recitatione dignum, *quod factum est?* Frequenter etenim in Scripturis sumitur verbum, pro re significata per verba, juxta illud in Zacharia : Hæc sunt verba quæ facietis. In Isaia quoque dicitur : Non fuit verbum quod non ostenderet eis Ezechias in domo sua. *Indica mihi.* Repetitio est sensus ejusdem, estque additio ista signum seriosi fervoris, quem habuit David ad percipiendum rem gestam. *Qui ait : Fugit populus Israel ex prælio.* Non totus populus ille fugit, sed quidam ex eis, nam multi fuerunt in prælio isto prostrati, de quibus subjungitur : *et multi corruentes c populo, mortui sunt,* id est dejecti et victi a Philistæis. Deinde vir ille subjungit, quod putavit libenter audendum a David : *sed et Saul et filius ejus Jonathas interierunt.* Tanquam dicat : Jam certus esse potes, quod regnabis, quia non solum Saul persecutor tuus occubuit, sed et Jonathas, qui inter filios Saul videbatur aptior ad regnandum post patrem suum. *Dixitque David ad adolescentem qui nuntiabat ei : Unde scis, an scilicet ex aliorum* C *relatu, aut proprio visu, quia, id est quod, juxta morem idiomatis Hebræorum, mortuus est Saul, et Jonathas filius ejus?* Prudens David non protinus credidit relationi adolescentis, sed certificari optavit, quia res nuntiata fuit magna et difficilis ad credendum, præsertim de Jonatha viro justo ac optimo, quod scilicet occisus esset et victus ab illis idololatriis. Et mirum potuit apparere, quod Saul hucusque tam victoriosus, etiam contra allophylos, jam victus esset ab illis.

Ait adolescens qui nuntiabat ei : Casu veni in montem Gelboe, id est, fugiendo tandem fortuito perveni ad montem sic appellatum in terra Israel situm : nec opus est multum inquirere, an juvenis ille veraciter dixit hoc, an mendose, sicut et alia quædam infra mendaciter protulit : *et Saul incumbabat super hastam suam,* id est, ex vulneribus et labore belli lassatus ac debilitatus, apodiavit et sustentavit se super propriam lanceam, quasi progredi non

valens. Porro currus et equites appropinquabant ei, id est, Philistæi tam in quadrigis bellicis quam super equos, eum insequentes, approximabant eidem, ita quod non erat spes de evasione ipsius. Pugnantium autem quidam pugnant ex curribus, quidam ex navibus, quidam equestres, quidam pedestres. *Et conversus post tergum suum,* id est, retro se vertens ad videndum quis esset, ejus sonitum fugientis andivit, *vidensque me, vocavit me,* non proprio nomine meo, quia nondum cognovit personam meam, sed communi quodam vocabulo me vocavit.

Cui quum respondissem, Adsum, tanquam paratus venire ad te, *dixit mihi : Quisnam es tu?* Ut paulo post referetur, adolescens iste creditur fuisse filius Doeg, qui erat familiarissimus Sauli : quomodo ergo Saul non cognovit filium ejus? Respondetur, quod ex magna sanguinis effusione caligavit visus Saulis, vel ex turbatione vehementi id contigit quod non cognovit juvenem illum. Fuit quoque debilis imaginativæ, instabilisque memoriæ. Vel adolescens iste nondum frequentavit curiam regis : sic Saul non habuit distinctam ejus notitiam. *Et aio ad eum : Amalecites ego sum,* id est natus de stirpe Amalecitarum. Amalec quippe fuit filius Eliphaz filii Esau, qui alio nomine dictus est Edom, a quo Idumæi vocati sunt, ut patet in Genesi. Sicque concordatur, quod adolescens iste fuit Amalecites, et nihilo minus filius Doeg Idumæi, quia Amaleciti Idumæi fuerunt. Sed quum multi fuerint Amaleciti, qualiter juvenis iste satisfecit quæstioni Saulis interrogantis, Quisnam es tu, dicendo, Amalecites sum? Ad quod respondendum videtur, quod in familia Saul forsitan non erant Amaleciti, nisi Doeg et proles ipsius, vel ipsi præ ceteris noti fuerunt Sauli. Sicque cognito quod juvenis iste non erat Doeg, mox Saul agnovit, quod filius fuit illius.

Et locutus est mihi : Sta super me, et interfice me, quoniam tenent me angustia, id est dolorum et pœnarum pressuræ, sicque interficiendo me celeriori sup-

Zach. viii,
16.

Is. xxxix, 2.

1 Reg. xxii,
9.

Gen. xxxvi,
12; 1 Par. i,
36; Gen. xxv,
30.

plicio, liberas me a diuturniori tormento; *et adhuc tota anima mea*, id est totus vigor animæ meæ, *in me est*, ut quidam exponunt; sed non apparet expositio vera, quoniam Saul fuit jam valde debilitatus, et in vigore animali, vitali, sensitivo ac progressivo deficiens, imo letaliter vulneratus, sicque non fuit tunc in eo tota anima sua, quantum ad potestatem, sed quantum ad suam essentiam: quoniam anima est simplex, incorporalis et indivisibilis forma, quoad suam essentiam, existens tota in toto, et tota in qualibet ejus parte. *Stansque super illum, occidi illum*. Secundum expositores communiter, juvenis iste hæc finxit, ita quod nec Saul præcepit ei quod dictum est, nec ipse occidit Saulem, sed Saul se ipsum, ut dictum est in expositione capituli ultimi primi libri. Verumtamen dixit se Saulem occidisse, sperans per hoc placere regi David, quemadmodum infra Baana et Rechab leguntur occidisse ipsum Isboseth, ejusque caput tulisse ad David, ad complacendum eidem. Verumtamen Josephus videtur sentire, quod juvenis iste veraciter dixit verba præhabita. Recitat namque Josephus, quod quamvis Saul irruit super gladium suum, tamen præ debilitate non potuit se perforare, ac subito trucidare: ideo juveni huic commisit, ut impingeret se tam impetuose in ensem, quod protinus moreretur, quod et juvenis fecit. Ad quod posset applicari quod subditur: *Sciebam enim quod vivere non poterat post ruinam*. Ac si juvenis dicat: Ideo ipsum occidi, mortem ejus accelerando, quoniam certus fui, quod non poterat diu vivere postquam cecidit super gladium suum, quod faciendo, læsit se ipsum letaliter, quamvis potuisset ad tempus supervivisse. Alii tamen exponunt hoc sic: Sciebam quod vivere non poterat post ruinam, id est post vulnerationem qua a sagittariis Philistinorum fuit vehementer vulneratus, ut in præcedenti habetur libro. Maluit autem Saul occidi a juvene isto, vel a Doeg patre ipsius, quoniam ambo erant proselyti, id est ad Judaismum conversi,

I Reg. xxxi,
4.

II Reg. iv,
5-8.

I Reg. xxxi,
3.

ne occideretur a Philistæis ineircumcisis: imo potius quia timebat a Philistæis confusibiliter turpiterque tractari, ut in primo libro continetur. I Reg. xxxi,
4.

Et tuli diadema quod erat in capite ejus, id est, quo Saul uti solebat in capite suo. Aliqui tamen per diadema intelligunt galeam diadematam in regium signum. *Et armillam de brachio illius*. Armilla est ornamentum brachii aureum sive argenteum, sicut inauris ornamentum est aurium, et annulus digitorum. *Et attuli ornamenta hæc ad te dominum meum huc*, ad captandum benevolentiam tuam. Circa hoc Magister in historiis scribit: Dicunt Hebræi, hunc esse filium Doeg, cui ipse Doeg, antequam irruit super gladium suum, tradidit insignia regis quæ custodivit, ut filius suus ferens ea ad David, redderet eum sibi placabilem. Sic et Cato invidens gloriæ Julii Cæsaris, suspendit se ipsum, ne Julio subderetur: tamen antequam se suspendit, consuluit filio suo, quod se subderet Julio, et gratiam apud ipsum invenire studeret, prout in libro de Civitate Dei recitat Augustinus.

Apprehendens autem David vestimenta sua, scidit ea pro parte, in signum magnæ tristitiæ ac doloris. Quo patet grandis perfectio sancti David, qui de interitu tam crudelissimi hostis sui non fuit gavisus, sed contristatus, neque gaudebat de sua mox futura promotione in regem, imo de morte Jonathæ et populi Dei vehementissime doluit. *Omnesque viri qui erant cum eo*, sciderunt vestes suas ex causa eadem, quamvis probabile sit, quod multi eorum de morte Saul, a quo tantas sustinebant molestias, non doluerunt, sed magis gloriabantur, sperantes ipsum David mox promovendum in regem: propter quod etiam de morte Jonathæ minus dolebant. Hi ergo morem gesserunt ipsi David, conformantes se ei in vestium scissione. Erant autem cum David viri sexcenti, ut in primo libro patuit. *Et planxerunt lugubri corde, et fleverunt lacrimarum effusione, et jejunaverunt usque ad vesperam*, juxta le-

Ibid. xxx, 9.

gem. *super Saul, et super Jonathan filium ejus*, quem specialiter defleverunt propter probitates ipsius. Tamen et alii duo filii Saul, videlicet Abinadab et Melchisua, fuerunt in bello illo occisi, ut in primo libro Paralipomenon legitur. *Et super populum Domini, et super domum Israel*. Quidam per populum Domini, intelligunt Levitas ac sacerdotes, qui erant specialiter populus Dei, utpote divino cultui deputati, quorum aliqui in praelio illo interierunt. Porro per domum Israel intelligunt reliquas tribus, ex quibus plurimi ceciderunt. *Eo quod corruissent gladio Philistinorum* : quod fuit dolorosum, quod scilicet cultores veri Dei fuerunt ab illis idololatriis trucidati. Tamen (ut tactum est) quidam existentium cum David, de morte Saul non fleverunt ex corde. Jejunabant autem ex mœrore et forsitan pro animabus occisorum, ut citius transferrentur de purgatorii pœnis ad limbum patrum : quod de David et ceteris devotioribus credi plus potest. Sed quum David interrogavit juvenem, Unde se, quia mortuus est Saul, et Jonathas ? cur juvenis nihil respondit de Jonatha ? Dici potest, quod ideo, quia sciebat quod David tristaretur de obitu Jonathæ, tanquam carissimi sui.

Dixitque David ad juvenem qui nuntiaverat ei : Unde es tu, id est de qua stirpe et terra ? *Qui respondit : Filius hominis advenæ Amalecitarum ego sum*. Tanquam dicat : Alienigena sum natione, de progenie et territorio Amalecitarum, ita quod pater meus in regno Israel habitavit peregrinus et advena, atque proselytus factus est : quod totum de Doeg verificatur, ut patuit. Sed quum juvenis iste agnoverit ipsum Doeg fuisse præcipuum adversarium David, cur ita respondit ? Dici potest, quod ideo non expressit patrem suum proprio nomine, vel putavit ipsum David sibi non indignaturum, eo quod dixit se occidisse Saulem, et quia attulit ei pretiosa insignia regalia jam præfata. Præterea quaeritur, cur David rursus quaesivit, Unde es tu ? quum juvenis iste paulo ante locutus

1 Reg. xxxi,
2; 1 Par. x, 2.

1 Reg. xxii,
9, 22.

A sit, Amalecites sum. Respondetur, quod David præ admiratione facti et cordis turbatione non advertit hoc verbum. *Et ait David ad eum : Quare non timuisti mittere*, id est extendere, *manum tuam, ut occideres christum Domini*, scilicet Saulem regem unctum per Samuelem ex Dei præcepto, ut tu ipse affirmas ? tanquam dicat, Merito debuisses hoc facere timuisse, et ex timore Dei vitasse.

1 Reg. ix,
16; x, 1.

Vocansque David unum de pueris, id est ministris suis, *ait : Accedens irruere in eum. Qui percussit illum, et mortuus est. Et ait ad eum David : Sanguis tuus super caput tuum*, id est, tibi ipsi et tuo excessui imputanda est hæc tua occisio, quia hanc meruisti. Unde de juste occidendis aut juste occisis, frequenter in Ezechiele habetur : Sanguis ejus in ipso erit ; vel, Sanguis ejus erit super caput ipsius. Porro per sanguinem in Scripturis aliquando designatur peccatum, quandoque pœna peccati, interdum propinquus, nonnunquam carnalitas. *Os enim tuum locutum est adversum te, dicens : Ego interfeci christum Domini*. Ac si dicat : Quod putasti te dicere ad tuam prosperitatem, versum est tibi ad tuum interitum, quoniam zelo justitiæ displicuit mihi, quod ex tua malitia aestimasti mihi debere placere. Non est putandum, quod David ex ira aut odio fecerit adolescentem istum occidi, eo quod pater suus Doeg fuerit persecutor ipsius David, sed æquitatis amore, et ut juvenis ille in præsentem punitus, evaderet damnationem perpetuam.

Ezech.
xviii, 13;
xxxiii, 4.

D Quocirca inquiritur, an juvenis ille meruisset mortem, occidendo Saulem, an etiam meruit mortem, mendose dicendo, se fecisse hoc ipsum. Et apparet, quod non, quia secundum narrationem adolescentis istius, quam David credidit veram, ipse adolescens hoc fecit ex præcepto Saul. Præterea mendacium non videbatur morte plectendum. Et respondendum, quod sicut non licuit Sauli se ipsum propria manu occidere, ita nec manu alterius. Idecirco juvenis ille non debuit ei in jussione hujus-

Exod. xx,
13; Deut. v,
17.

modi obedire. Aliqua quoque mendacia pernicioſa, ut falſa testimonia, lex morte punivit. Itaque peccavit hic adoleſcens, vel taliter mentiendo, et per geſta iniqua gratiam David quærendo, vel juxta Joſephum impingendo Saulem in gladium, quum propter regiam dignitatem et ſanctam unctionem debuerit hoc vitare, et chriſtum Domini judicio Dei, cujus vicarius erat, committere.

Planxit autem David planctum hujusmodi, id eſt lugubre carmen, quod paulo poſt ſubditur, *super Saul et super Jonathan filium ejus*, id eſt de interfectione et morte ipſorum, ſicut adhuc fieri ſolent carmina mœſta de magnorum debellacione ac ſtrage. *Et præcepit ut docerent filios Juda arcum*, id eſt, ut parentes nati ex tribu Juda, inſtruerent filios ſuos in arte et exercitio ſagittandi, ut de cetero poſſent reſiſtere Philistæis, qui ſagittando prævaluerunt : et hoc ſpecialiter juſſit tribui Juda, quia tribus illa ceteris bellicioſior fuit et fortior, et David natus fuit ex ea, et ſcivit quod tribus illa primo ſuſciperet ſe in regem ; *sicut ſcriptum eſt in libro Juſtorum*. De libro Juſtorum et allegatione ipſius, fit mentio in duobus locis Scripturæ canonicæ, ſcilicet in libro Joſue, et hoc loco. Quid autem per librum Juſtorum videatur intelligendum, ſuper librum Joſue diſſuſe induxi, idcirco pertranſeo, niſi ut breviter aliquid tangam, quod ad hujus loci intelligentiam confert. Itaque quidam per librum Juſtorum intellexerunt librum Geneſeos, in quo agitur de pluribus juſtis qui a principio mundi uſque ad Jacob patriarcham et filios ejus fuerunt ; et in libro illo dicunt iſtud de arcu prænuntiatum a Jacob in benedictione Judæ, in qua inter cetera continetur, Manus tuæ in cervicibus inimicorum tuorum : quod in David adimpletum, quia adverſarios ſuos undique expugnavit, ad quod arte ſagittandi fuit adjutus. Alii dicunt iſtud de arte ſagittandi inſinuatum in Geneſi, ubi Jacob teſtatur ſe tulisse agrum de manu Amorrhæi in arcu et gladio ſuo. Sed ut ſuper

Joſue x, 13.

Gen. XLIX, 8.

Ibid. XLVIII, 22.

A Joſue ſcripſi, nec iſtud de David, nec quod in Joſue allegatur de ſtatione ſolis et lunæ *Joſue x, 13.* ſcriptum eſſe in libro Juſtorum, habetur in Geneſi formaliter aut aperte, imo nec quantum ad ſenſum, niſi forſan valde obſcure ; neque in libris Regum aut Paralipomenon legitur David prævaluiſſe arcu in præliis. Porro aliqui libri non habent Arcum, ſed in Hebræo habetur ac libris correctis. Rabanus autem per arcum intelligit fortitudinem. Unde et aliqui ſic exponunt : Præcepit ut docerent filios Juda B arcum, id eſt robur ſeu firmitatem virtutum, quatenus fortes fierent in timore Dei et obedientia legis, ne mererentur debellari, quemadmodum Saul propter inobedientiam ſuam. *1 Reg. xv, 26.*

Sequitur carmen. *Et ait David*, incipiens carmen lugubre per verba ſequentia : *Considera, Israel, pro his qui mortui ſunt*, id eſt, tu popule Israel adhuc ſuperſtes et vivens, diligenter perpende quid tibi agendum ſit propter eos qui de ſemine tuo jam corruerunt in bello, ne tale quid tibi contingat. Considera quoque quam præclari fuerunt, qui pro boni communis deſenſione occiſi ſunt, ut tempore opportuno mortem eorum zelo juſtitiae ulciſcaris. Considera item, quam miſerabiliter ceciderunt in propria terra. Unde ſubjungitur : *super excelsa tua vulnerati*, id eſt in montibus propriæ terræ læſi et victi, ita quod nec in propria terra, nec in locis ejus altioribus ac munitis potuerunt evadere. Hinc elarius ſubditur : *Inclyti Israel*, utpote rex Saul et Jonathas ac alii nobiles, *super montes tuos*, id eſt in aliquibus montium partibus, *interfecti ſunt*. Ideo per modum admirantis et dolentis David adjecit : *Quomodo ceciderunt fortes ?* quaſi dicat : Mirum et doloroſum eſt hoc, ac ultio Dei eſſe videtur propter peccata Saul et ſimilium ei. Circa hæc ſcribit Rabbi Paulus : Hoc præceptum David, videlicet verba illa, *Et præcepit ut docerent filios Juda arcum*, ut quidam Hebræorum expoſitores dicunt, eſt de ſubſtantia carminis hujus, quia in carmine hoc intendebat David de-

plangere valetudinem et debilitatem populi Israel, in propria terra ac locis excelsis turpiter victi : ex quo intulit lamentando, quod jam non restabat modus defendendi plebem ac patriam, nisi per sagittariam artem, per quam debiliores quandoque superant fortiores : quod non solet ita contingere in bellis quæ fiunt in gladio. Ideo David tanquam procœmium carminis sui præmisit, lamentatorie dicens, Præcepit ut docerent filios Juda arcum.

Nolite annuntiare in Geth, id est, factum istud non divulgetis magis quam divulgatum est in urbe Philistinorum, Geth nomine, *neque annuntietis hoc in compitis Ascalonis*, id est triviis, quæ sunt juxta urbem Philistiim, nomine Ascalon. Compitum quippe est trivium, seu locus in quo tres viæ concurrunt, in quo solent homines convenire, et rumores percipere ac referre. *Ne forte lætentur filiae Philistiim*, id est mulieres ac natæ Philistinorum ; *ne exsultent filiae incircumcisorum*. Repetitio est ejusdem sententiæ, quia Philistæi incircumcisi fuerunt. Exsultatio tamen proprie dicitur, quasi extra se saltatio, scilicet exhilaratio corporis in signa lætitiæ foris erumpens ex redundantia interioris jucundationis in corpus. Sicque possunt hæc ad diversa referri, ut sit sensus : Ne lætentur intus in corde, nec exsultent chorizando ac tripudiando de suorum victoria et Hebræorum ruina. Consueverunt etenim puellæ et feminæ in choreis et sessionibus suis ac viis cantare cantilenas, de populi sui triumpho et adversariorum dejectione compositas. Unde et supra in primo libro habetur : Quum reverteretur David, percusso Philistæo, egressæ sunt mulieres in occursum cantantes, chorosque ducentes atque dicentes, Percussit Saul mille, et David decem millia. In præinductis verbis loquitur David per modum optantis, quo quis non valens aliquid totaliter impedire, cupit illud impedire quantum possibile est ; vel prohibuit modum facti Philistæis referri, quibus notorium fuit ipsum factum.

Montes Gelboe, nec ros, nec pluvia ve-

niant super vos, id est, infructuosi de cetero sitis ; nam fructificatio terræ requirit humorem, imo et pluviam in terra Judææ, juxta illud Deuteronomii : Terra ad quam ingrederis, montuosa est, de cœlo expectans pluviam. Sicque in verbis his est metonymia, quoniam causa ponitur pro effectu, videlicet ros et pluvia pro fructu, qui ex rore et pluvia nascitur. *Neque sint ibi agri primitiarum*, id est terra arabilis, in qua nascentur gramina, quorum primitiva offerantur ministris templi secundum legem. Itaque David imprecatus est mala, seu maledixit his montibus, non quod montes peccaverint, sed propter adversa et vitia quæ contigerunt in eis, in detestationem malorum hujusmodi. Unde subjungitur : *quia ibi abjectus est clypeus fortium*, id est, fortes Israel perdiderunt vel abjecerunt ibi clypeos suos ac alia arma ut celerius fugerent. Vel, clypei ibi abjecti sunt, id est ablati per hostes qui spoliaverunt armatos Hebræos. *Clypeus Saul, quasi non esset unctus oleo*, id est, etiam Saul rex viliter ibi dejectus est, clypeoque privatus tanquam unus de populo.

Porro quod sequitur, *A sanguine interfectorum, ab adipe fortium*, quidam referunt ad verba præhabita, ut sit sensus : Ita abjectus est clypeus Saul propter scelera quæ commisit, occidendo sacerdotes Domini, qui erant viri robusti, quorum robur per adipem designatur, de quibus in primo libro habetur. Vel, ita occisus est Saul et populus ejus a sanguine interfectorum et adipe fortium, id est a Philistæis, in quibus viguit sanguis et adeps, per quæ duo fortitudo exprimitur, quoniam præstant corpori robur, juxta illud in Job : Iste moritur robustus, viscera ejus plena sunt adipe. Quidam exponunt sic : Ita abjectus est Saul a sanguine interfectorum, id est propter peccatum quod commisit, usurpando sibi sacerdotale officium, quando obtulit holocausta et victimas, prout in primo libro patuit. Porro Hebræi et quidam expositores catholici inchoant versum sequentem a verbis istis, *A sanguine interfectorum, ab*

Deut. xi, 10, 11.

Num. xxviii, 26.

I Reg. xxi, 18.

Job xxi, 23, 24.

I Reg. xiii, 9.

Ibid. viii, 6, 7.

adipe fortium. *Sagitta Jonathæ nunquam rediit retrorsum, et gladius Saul non est reversus inanis* : id est, Jonathas non direxit sagittas in hostes frustra, nec Saul percussit adversarios sine effectum, sed perforaverunt et vulneraverunt inimicos usque ad sanguinis effusionem, adipisque læsuram : per quod insinuari videtur, quod etiam in hoc bello quo succubuerunt, multos Philistinorum interfecerunt, antequam interfecti fuerunt.

Saul et Jonathas amabiles et decori valde in vita sua. Saul equidem in naturalibus donis fuit multum amabilis, strenuus quoque in bellis, et pro defensione populi sui audacter ac sponte exposuit se periculis mortis. Et quamvis inique persecutus est David, tamen amabiliter habuit se ad populum suum, et populus valde dilexit eum, quia quocumque se vertit, adversariis suis prævaluit. Denique, ante promotionem suam ad regnum, atque in regni sui principio erat tam bonus, et in gratiæ donis ita amabilis, quod in plebe non fuit melior et amabilior illo, ut dictum est in primo libro. Jonathas vero fuit excellenter amabilis in gratiarum ac naturæ muneribus, fidelis, probus et virtuosus : sic quoque ambo fuerunt decori et pulchri. Nam ut in Ethicis Aristoteles protestatur, ad corporalem pulchritudinem tria requiruntur, videlicet elegans statura, congrua habitudo proportioque membrorum, et superfusio vividi ac convenientis coloris. Hinc homines parvæ staturæ non dicuntur proprie pulchri, quamvis speciosi possint vocari. Saul

1 Reg. xviii, 29.

Ibid. xiv, 47.

Ibid. ix, 2; x, 24.

Ibid. x, 23.

autem ab humero et supra super omnem populum eminebat, et membra sua erant ad invicem bene proportionata, atque vivaci colore fuit perfusus. Jonathas quoque, quamvis minor fuit patre, tamen elegantis fuit staturæ, qui etiam spirituali pulchritudine gratiæ ac virtutum fuit ornatus. Sed et morali pulchritudine, quæ consistit in morum condecencia, uterque resplenduit, quamvis Saul postea ex capitis debilitate interdum indecenter se habuit. *In morte quoque non sunt divisi, et*

ita sunt sibi invicem assimilati ac comiti in morte, quemadmodum et in vita. Unde et amplius condolendum est eis, quod tales ac tanti pariter corruerunt. Hoc ipsum et de præclarissimis viris Amico et Amelio, quorum miri et gloriosi gestus leguntur, verissime dici potest, qui sibi invicem erant simillimi in vultu, membris, loquela ac moribus, erantque præamabiles atque pulcherrimi viri. *Aquilis velociores ad persequendum adversarios, leonibus fortiores, ad prævalendum in præliis* : quod tamen per modum hyperbolici locutionis est intelligendum, utpote per excessum prolatum, ad designandum, quod erant valde veloces, agiles et robusti.

Filiæ Israel, super Saul flete, id est, ejus mortem deplangite, qui vestiebat vos coccino in deliciis, id est deliciouso vestitu ex panno rubei coloris de hostium spoliis, qui præparabat ornamenta aurea cultui vestro, id est vestro amictui, circa quem estis multum intentæ. Vel per cultum designatur ornatus. Saul autem tam victoriosus fuit in præliis, quod de hostium prædis frequenter præstitit feminis et puellis, præsertim nobilibus, talia ornamenta. Quomodo ceciderunt fortes in prælio? Ex renovatione doloris istud repetiit David, quia ex rememoratione probitatum Saul ac Jonathæ, fuit in eo dolor de eorum interitu renovatus.

*Jonathas in excelsis tuis occisus est, id est super montes præfatos terræ tuæ, o Israel. Vel : Jonatha, in excelsis tuis occisus es, id est, o tu Jonatha, in juventute tua et in statu tuo sublimi es interfectus, quando jam videbaris vicinior ad regnandum ! Propter quod magis compatiendum est tibi. Doleo super te, frater mi Jonatha : frater mi, ex familiarissima caritate et cultu religionis ejusdem, et quia de semine Israel, et ejusdem speciei conformitate, et quoniam soror tua est conjux mea; *decore nimis, sicut expositum est, et amabilis super amorem mulierum, id est mulieribus amabilior, quum tamen viri vehementer ad mulieres afficiantur, in tantum, ut sæpe**

1 Reg. xviii, 27.

vineantur amore atque delirent, prout in A
III Esdr. iv, 26-31. apocryphis Esdræ plenius recitatur. Vel,
 Amabilis super amorem mulierum, id est
 affectum inflammans ad te amandum ma-
 gis intense, quam feminæ amant, quæ
 etiam non mediocriter affici solent ad vi-
 ros. Nam et sicut turpe appetit bonum, et
 materia formam, sic femina virum, ut di-
 cit Philosophus, quamvis et verba ejus ali-
 ter queant exponi. *Sicut mater unicum*
amat filium suum, ita te diligebam : tum
 propter tuam bonitatem, tum propter cari-
 tatem qua me prævenisti quum vicissem B
I Reg. xviii, 1-4; xix, 1-7; xx. Goliath, ut dictum est in primo libro; tum
 propter effectus caritatis tuæ ad me, et
 beneficia tua mihi impensa (de quibus in
 multis capitulis primi libri est dictum);
 et propter affinitatem. Porro amor matris,
 præsertim viduæ ad unicum filium, est
 valde præcipuus, ut ait Hieronymus. Talis
 etenim mater viri solatio destituta, affe-
 ctionem suam valde recolligit ac defigit in
 unico pignore uteri sui. Unde et Christus
Luc. vii, 12-15. Dominus tali matri compatiens, suscitavit
 filium ejus a morte.

His dietis, rursus dolore stimulatus, re-
 petiit David : *Quomodo ceciderunt robusti,*
et perierunt arma bellica ? quia arma eo-
 rum fuerunt ablata per hostes, nec potue-
 runt armatos defendere. Juxta hunc modum
 in carminibus jucunditatis solent aliqua

verba jucundiora multoties repeti, et in
 carminibus tristibus aliqua verba doloro-
 siora.

Circa præhabita ait Petrus Comestor :
 Creditur carmen istud metricæ fuisse com-
 positum, estque continentia hujus carmi-
 nis tripartita. Primo agit de loco in quo
 facta est strages, et imprecatur ei malum.
 Secundo commendat Saul et Jonathan. Ter-
 tio specialiter commendat Jonathan, osten-
 dens quantum dilexerit eum. Nec obest, si
 aliquando pluraliter, aliquando singulari-
 ter de eodem monte loquatur. Est enim
 unus mons, plures habens colles. Montes
 isti (ut dicunt) ante fuerunt uberrimi, et
 imprecatus est eis David non ariditatem,
 sed sterilitatem. Nam ait : Neque sint ibi
 agri primitiarum, id est fructuum optimo-
 rum, ut prius. Alii dicunt maledictionem
 hanc prophetiam fuisse, quæ impleta est
 sub Elia, quando facta est in Israel fames
 magna, ut infra tertio libro habetur. Postre- III Reg. xvii.
 mo, in verbis præscripti carminis loqui-
 tur David ad Jonathan mortuum tanquam
 C ad viventem, ut moris est deplangentium
 mortuos, non quod mortui hujusmodi ver-
 ba audiant : qui tamen ea variis modis
 cognoscere possunt. Nam corpore mortui,
 vivunt in anima, et ea quæ fiunt pro ipsis,
 cognoscere atque percipere queunt pluri-
 bus modis.

ARTICULUS II

DE SPIRITUALI EJUSDEM CAPITULI PRIMI INTELLECTU.

EX isto capitulo docemur, virtutes san-
 eti David considerare ac imitari. Et
 primo ejus prudentiam, quia non statim
 credidit adolescenti ardua recitanti, sed
 certificari quæsit. Sic et nos non sine
 vera discretionem credamus cuicumque nar-
 ranti, et rumores varios recitanti, aut etiam
 nova dogmata proponenti. Facili namque

D credulitate multi falluntur. Potissimum ve-
 ro difficulter credamus his, qui referunt
 nobis mala de aliis, et detrahentibus, se-
 minantibusque discordiam; nec proni si-
 mus aliis quasi pro vero et certo narrare,
 quæ ex incerta relatione audivimus. Nempe
 ut Salomon in libro Proverbiorum loqui-
 tur : Innocens credit omni verbo, astutus Prov. xiv, 15.

autem considerat gressus suos. In Eccle-
Ecclesi. xix, siastico quoque scriptum est : Qui cito cre-
 1. dit, levis corde est, et minorabitur. Hinc
 Joannes apostolus in sua prima scribit Ca-
Joann. iv, nonica : Carissimi, nolite omni spiritui cre-
 1. dere, sed probate spiritus si ex Deo sint.
Hebr. xiii, Paulus quoque : Doctrinis, inquit, variis et
 9. peregrinis nolite abduci.

Secundo, ex isto capitulo docemur cari-
 tatem, imo et evangelicam perfectionem
 electi David sectari, qui mortem sui eru-
 delissimi et injustissimi inimici tam cor-
 dialiter deploravit : quod utique non fecis-
 set, nisi eum dilexisset ex corde, a quo
 cum tota sua parentela fuit pulsus de re-
 gno, totiesque quæsitus ad occidendum.
 Jam ergo sub lege implevit David, quod in
Matth. v, Evangelio jubet Christus : Diligite inimicos
 44. vestros, benefacite his qui oderunt vos.
 Quod totum et nos implere conemur, alio-
 qui non erimus veri evangelicæ legis cul-
 tores. Insuper, nullus sit ita malevolus, ut
 de adversariorum suorum adversitate, rui-
 na aut morte lætetur. Imo cum David potius
 deplangamus illorum interitum, adversi-
Prov. xxiv, tatem et casum, quum scriptum sit : Quum
 17. ceciderit inimicus tuus, ne gaudeas, et in
 ruina illius ne exsultet cor tuum. Unde et
 sanctus Job de se ipso ad nostram ædifi-
Job xxxi, cationem fatetur : Si gavisus sum ad rui-
 29. nam ejus qui me oderat, et exsultavi quod
 invenisset eum malum.

Tertio instruimur ex hoc loco, quanta
 fuerit sancti David humilitas, quia ad tan-
 ti regni principatum nequaquam adspiravit
 ambitiose : nam eos quorum præsentia
 aut vita differebatur a regia dignitate, tam
 dire deflevit. Absit ergo a discipulis et mi-
 nistris Filii Dei omnis elatio et universa
 ambitio, nec pro sui ipsius nec pro aliorum
 promotione quisquam labore in caute aut
 importune. Verumtamen quidam in tan-
 tum excæcantur vanissima ambitione, quod
 eorum mortem desiderant, quorum officia
 aut prælationem sive præbendam sibi aut
 suis exoptant, et ita coram Deo sunt homi-
 cidæ. — Quarto informamur ex isto capi-
 tulo ad zelum justitiæ, ut exemplo David

A afficiamur sincere ad omne bonum vere
 honestum, et recti ac æqui simus tenaces,
 nulli parentes contra justitiam. Nam et
 illum David fecit occidi, qui se dixit ma-
 ximum inimicum David interfecisse. Qui-
 dam vero ita injusti sunt, ut mox eis ap-
 plaudant, adhæreant et adsistant, qui eorum
 adversariis se opponunt, et tales fiunt faci-
 liter partiales : quod præsentibus atque
 judicibus est maxime præcavendum. Præ-
 terea advertendum, quod Saule occiso, Da-
 vid scivit sibi jure divino jus regale com-
 petere, quoniam ex Dei jussione unctus
 fuit in regem ad regnandum post Saulem :
 ideo habuit auctoritatem occidendi præfa-
 tum adolescentem. — Quinto ex hoc loco
 erudimur pia compassione mortuos deplora-
 rare, præsertim bonos prælatos ac devotos
 presbyteros, non quia migraverunt de hu-
 jus vitæ ærumnis ad Dominum, sed quia
 Ecclesia talibus filiis est privata, et plebs
 Christi talibus patribus, rectoribus ac pa-
 tronis est destituta. Hinc tales presbyteros
 et pastores S. Ambrosius consuevit ama-
 rissime deplorare.

*Et præcepit David, ut docerent filios Ju-
 da arcum.* Per David intelligitur Christus,
 qui jubet ut prædicatores, pastores et supe-
 riores doceant filios Juda, id est fideles sibi
 commissos, arcum, id est artem spirituali-
 ter sagittandi adversarias potestates, quæ
 ferventibus adspirationibus, orationibus-
 que devotis et omni exercitatione virtutum
 sagittantur seu affliguntur. Ars etiam salu-
 berrime sagittandi est, verbis fervidæ ser-
 mocinationis et affectuosæ exhortationis
 audientium corda accendere, amorisque
 sancti jaculo perforare. Itaque juxta Glos-
 sam, filii Juda sunt filii confessionis, qui
 corde credunt ad justitiam, et ore confi-
 tentur ad salutem; qui duplici confessio-
 ne ornantur, videlicet confessione laudis
 divinæ ac propriæ culpæ. Hos vult Deus
 arcu Scripturæ muniri, ne per ignoran-
 tiam in dæmonum conspectu succumbant.
 Præterea in Scripturis per sagittam multa
 significantur. Primo, timor, pœna sive ad-
 versitas, ut quum sanctus Job protestatur :

1 Reg. xvi,
13.

Rom. x, 10.

Job vi. 4. Sagittæ Domini in me sunt, quarum indignatio ebibit spiritum meum. Secundo, caritatis succensio, secundum illud in Canticis : Caritate vulnerata sum. Unde et Augustinus loquitur Deo : Sagittaveras tu cor meum. Tertio, rancor sive detractio, quemadmodum in Jeremia habetur : Sagitta vulnerans lingua eorum. Quarto, ipse Christus, qui ait per Isaiam : Posuit me Dominus quasi sagittam electam. Quinto, quicumque prædicator idoneus. Unde per Isaiam loquitur Deus : Mittam ex eis qui salvati fuerint, in Africam et Lydiam tenentes sagittam. Sexto, dura tentatio, juxta id Psalmi : A sagitta volante in die. Septimo, acuta et efficax prædicationis, secundum illud in Psalmo : Sagittæ tuæ acutæ. Octavo, jaculum corporale, ut hic : Sagitta Jonathæ nunquam rediit retrorsum. Nono, concupiscentia carnis, aut pœna damnationis. Unde in Proverbiis legitur : Ignorat quod sagitta transfigat cor ejus.

Considera, Israel, pro his qui mortui sunt. Per Israel, qui interpretatur Vir videns Deum, intelligitur populus christianus divina contemplans, qui considerare debet ex morte prædecessorum suorum, quam brevis, fallax, incerta sit vita præsens, et quam stultum sit, propter ejus delicias ac opes terrenas, æternam mereri damnationem, et gloriam perdere æternalem. Insuper, pro his qui mortui sunt morte peccati, et mortem incurrerunt infernalis miserie, debemus perpendere, ne et nos taliter pereamus, sed coram Deo jugiter ambulemus timore, sollicite, ac sincere. *Super excelsa tua vulnerati*, hoc est, in altitudine officiorum ac dignitatum vitiis læsi. In talibus quippe contingunt multa et magna animarum pericula. *Inclyti Israel super montes tuos interfecti sunt.* Inclyti Israel, sunt viri scientia atque prudentia præditi, et in principatibus seu prælationibus constituti. Qui super montes interficiuntur, quando de scientia sua inflantur, aut de sua eminentia intumescunt, vel in suorum executione officiorum sunt negligentes. Unde ait Hieronymus : Per gradus dignita-

tum raro aut nunquam ascenditur, quin multo gravius per vitia descendatur.

Quomodo ceciderunt fortes? Hoc compassive et dolorose dicendum est, dum personas religiosas et virtuosas percipimus esse subversas, aut tentationibus victas, seu verba increpationis et virgam correctionis impatienter sumpsisse, et eos qui spiritu cœperunt, audimus carne consumi, tepescere, et negligentius se habere. O quam multi cadunt ac pereunt in montibus prælationum, dignitatum, et officiorum, qui in convallibus humilitatis, obedientiæ, timoris, ac simplicitatis possent salvari ! Et tamen infelix ac stulta mens hominum, semper ad altiora præsententia nititur, nec expavescit durissimum Dei judicium, quod in præsidentibus exercetur. O ambitio, erux ambientium, quomodo omnibus placens, omnes tibi subjectos torques ! *Nolite annuntiare in Geth* : hoc est, sæcularibus hominibus non publicetis ecclesiasticorum peccata, nec adversariis fidei christianæ insinuetis peccata et adversitates Ecclesiæ, *ne exsultent filie incircumcisorum*, hoc est animæ impiorum, qui incircumcisi sunt corde ac moribus.

Montes Gelboe, nec ros, nec pluvia veniant super vos. Gelboe interpretatur decursus. Itaque montes Gelboe designant majores in populo Judæorum vitiis defluentium, qui persecuti sunt Christum, et inter quos Christus ac plurimi ejus discipuli sunt occisi. Ideo justo Dei judicio, neque ros gratiæ, nec pluvia salutaris doctrinæ descendit in corda ipsorum, sed aruerunt, et tanquam infructuosissimæ arbores sunt excisi, atque in ignem æternum projecti. Quemadmodum enim in cacuminibus montium non colligitur pluvia, nec permanet humor, sed in concavis vallium ; ita in superbis illis sacerdotum, Scribarum, Pharisæorum, ac pontificum cordibus locum non reperit Spiritus Sanctus, nec in eis sua charismata quieverunt, sed in humilibus Christi discipulis, secundum quod dixit : Confiteor tibi, Pater, quia abscondisti hæc a sapientibus et prudentibus, hoc est, præ-

Matth. xi, 25; Luc. x, 21.

fatis Judæorum majoribus, qui sapientes ac prudentes se esse jaebant, et revelasti ea parvulis, id est humilibus. *Neque sicut ibi agri primitiarum*, hoc est congregationes hominum fructuosorum, quoniam qui præfatos Judæos incredulos sunt secuti, omni fecunditate gratiæ ac virtutum sunt privati. Porro, fideles dicuntur agri ac vineæ

1 Cor. iii, 9.

Dei, dicente Apostolo : Dei agricultura estis. *Quia ibi abjectus est clypeus fortium*. Clypeus fortium, fuit prædicatio Christi et Apostolorum, contra universa salutis obstacula muniens, et fideles auditores defendens : quam prædicationem infelicissimi abjecerunt Judæi, et perierunt a sanguine interfectorum, hoc est propter scelera sua, quæ Christum et ejus discipulos occidendo, fecerunt. *Sagitta Jonathas nunquam rediit retrorsum*. Hoc dici potest de efficaci prædicatore, ejus sermo non caret fructu.

Saul et Jonathas amabiles et decori in vita sua, in morte quoque non sunt divisi. Hoc dici potest de quocumque fidei prælato et martyre sancto, ac ejus filio spirituali seu fratre aut socio, qui in vita sua Deo concorditer ac fervide servierunt, pariterque pro Christo martyrium sunt perpassi, vel simul in pace obdormierunt in Domino. Quales fuerunt beatissimi Petrus et Paulus, Simon et Judas, Epictetus et Astion, multique tales, sicut gloriosus martyr Mauricius et quicumque socius ejus. Studeamus ergo et nos esse vere amabiles bonitate virtutum, dulcedine morum, caritate obsequiorum, et decori luce sapientiæ ac gratiæ venustate. Simus insuper

Philipp. iv, 13.

1 Petr. v, 8.

Domino, et omnia valendo in eo qui nos confortat, ita ut cum vincamus, qui tantumquam leo rugiens circuit, quærens quem

A devoret. *Filia Israel, super Saul flete*. Sic animæ subditorum bonorum debent lugere, quum fuerint virtuoso pastore orbatae, ejus exemplis atque sermonibus vestiebantur, ac ornabantur amietu justitiæ, splendore virtutum, et veste nuptiali, quæ caritas est. *Matth. xxii, 11.*

B Postremo, sicut David tam ardentem ac tenerrime dilexit Jonathan sincero amore, tam naturali quam sociali et familiari ac spirituali ; ita ad proficiendum in omni virtute non mediocriter confert habere aliquem carissimum fratrem, fidelissimumque amicum veraciter virtuosum : quatenus se invicem caritative corripiant, exhortentur, accendant, ac juvent ad omnem spirituales profectum, et ab omni carnali affectione abstineant, nec unus ab alio aliquid optet, quod sit virtuti contrarium, nec alter propter alium tale quid operetur : imo omni homini magnum est relevamen atque solatium in omni hac vita habere familiarem et fidelem amicum. Propter quod ait Ecclesiasticus : Amicus fidelis, protectio fortis ; qui autem invenit illum, invenit thesaurum. Amico fideli nulla est comparatio, et non est digna ponderatio auri et argenti contra bonitatem fidei illius. Amicus fidelis, medicamentum vitæ et immortalitatis ; et qui metuunt Dominum, inveniunt illum. Verumtamen observandum est, quod ab eodem docetur : Si possides amicum, in tentatione posside illum, hoc est, tempore adversitatis proba et experire, an veram amicitiam tibi ostendat effectum, et ne facile credas ei te ipsum. Est enim amicus secundum tempus suum, et non permanet in die tribulationis. Amicus, si permanserit fixus, erit tibi coequalis, hoc est, humiliter habe te ad ipsum, quasi ad fratrem ac socium, quamvis sis major eo.

Ecclesi. vi, 14-16.

Ibid. 7, 8, 11.

Demum et hoc ex isto innotescit capitulo, quod justo Dei judicio sæpe contingat, ut simulatores et callidi adulatores, et humanæ gratiæ potius quam divinæ exquisitores, sæpe incurrant detrimentum, dispendium, aut etiam mortem ex verbis suis

confictis, blandis, mendosis apud magnates seu alios, quibus putant per talia complacere. Ideirco nil melius, quam in verbis et factis juste atque sinceriter se habere,

A et cordis simplicitatem rectitudinemque diligere, quia et Salomon contestatur : Qui diliget cordis munditiam, habebit amicum regem. Prov. xxii, 11.

ARTICULUS III

EXPOSITIO LITTERALIS CAPITULI SECUNDI : IGITUR POST HÆC CONSULUIT DAVID DOMINUM.

RECITATUR hic, qualiter David pervenit ad regnum, et adversarius ejus succubuit. *Igitur post hæc consuluit David*

II Reg. i, 17 et seq.

Dominum : postquam scilicet deplanxit Saulem et Jonathan, interfectosque Israel.

An autem deplanxit eos septem diebus, quemadmodum in fine primi libri leguntur fecisse Jabitæ, hoc est viri Jabes Galaad, an uno die dumtaxat, ut littera præcedentis capituli videtur sonare, incertum apparet. Jabitæ autem fecerunt, juxta quod scriptum

I Reg. xxxi, 13.

est, Luctus mortui septem dies. Denique juxta præhabita in primo libro, David consuluit Dominum, hoc est, de agendis quæsivit a Deo informationem atque consilium

I Reg. xxx, 7, 8.

per sacerdotem Abiathar, juxta modum frequenter expressum, *dicens* ad Dominum per sacerdotem : *Num, hoc est anne, ascendam in unam de civitatibus Juda,* id

Ibid. xvi, 1.

est tribus Juda? de qua natus sum, et eam plus diligo, quæ et mihi magis adsistet. Itaque quando David hæc dixit, videtur adhuc fuisse in Siceleg, quæ est inferior situ, quam regnum Judææ. Ideo ait : *Num ascendam?* *Et ait Dominus ad eum : As-*

cende. Dixitque David : Quo ascendam? Ministerio angeli fiebat responsio sacerdoti, et per sacerdotem ad David. *Et respondit ei : In Hebron.* Quæ fuit urbs inelyta

Josue xiv, 13, 14; xv, 13.

et famosa, et data fuit Caleb in possessionem; in qua etiam Abraham aliquando habitavit, ubi et Sara defuncta est, ut in Genesi legitur. Hinc Dominus jussit, ut David inciperet regnare ibidem. Circa hoc scribit quidam : In illa civitate sepulti sunt

B quatuor principales Patriarchæ. Quod stare non potest, nisi sic intelligatur : In illa civitate, id est prope eam. Nam extra Hebron in spelunca duplici in agro sepulti fuerunt. Unde et in Genesi Abraham ait : Intercedite pro me apud Ephron, ut det mihi speluncam duplicem quam habet in extrema parte agri sui.

Gen. xxiii, 8, 9.

Ascendit ergo David et duæ uxores ejus, quas accepit post Michol filiam Saulis, Achinoam Jezraelitis, quia de urbe nomine Jezrael fuit, et Abigail uxor Nabal Carmeli. Sed et viros qui erant cum eo, duxit David, hoc est, secum perduxit, singulos cum domo sua, id est cum suis domesticis, puta uxore ac sobole : quos noluit in sua prosperitate relinquere, quia in adversis communicaverant sibi, adhuc quoque indiguit eorum subsidio. Et manserunt in oppidis Hebron, hoc est, quæ erant prope Hebron in gyro, et pertinebant ad Hebron, tanquam ad urbem principaliorē. Nec poterant omnes convenienter habitare in Hebron, quæ fuit aliunde satis populosa. Aliqui tamen ex majoribus habitaverunt cum David in Hebron. Porro, per oppida Hebron, intelliguntur hic forsitan villæ Hebron, de quibus legitur in libro Josue.

Josue xxi, 11, 12.

Veneruntque viri Juda, hoc est de tribu Juda, quæ populosior, bellicosior, ac nobilior erat. Et unxerunt ibi David in regem, per manus sacerdotis aut alicujus Prophetæ. Unde et infra tertio libro describitur Salomon unctus per manus Sadoc pontificis, et Nathan prophetæ. Ut regnaret super

III Reg. i, 45.

domum Juda. David quoque jam ante se-
mel unctus fuit in domo patris sui per Sa-
muelem prophetam. Unctus est etiam tertio
rex super universum populum Israel, ut
infra habetur.

Et nuntiatum est ipsi David, quod viri

I Reg. xvi,
13.

II Reg. v, 3.

I Reg. xxxi,
12, 13.

Jabes Galaad sepelissent Saul, et etiam
Jonathan, cum grandi periculo et labore, ut
in ultimo primi libri capitulo elucescit.
Probabile reor, quod hi qui istud retule-
runt regi David, fuerunt amici Jabitarum,
volentes ipsum David inclinare ad bene-
volentiam circa Jabitas, quia jam satis fuit

II Reg. i, 15.

vulgatum, quod David occiderat eum, qui
dixit se occidisse Saulem. Ideo non vi-
detur, quod isti intenderint ipsum David
avertere a Jabitis, recitando hoc factum.

Misit ergo David nuntios ad viros Jabes

Num. xxxii,
40; xxxvi, 1.

Galaad, qui erant de tribu Manasse, ut pa-
tet in libro Numerorum. *Dixitque ad eos*
per os nuntiorum, vel per epistolam : *Bene-*
dicti vos a Domino, hoc est, Benedicti
et dona gratiæ consecuti estis a Deo. Vel,
Benedicti sitis, seu benedicamini a Domi-
no Deo, *qui fecistis misericordiam hanc*

Matth. v, 7.

cum domino vestro Saul, et, pro id est,
sepelitis eum. Siquidem mortuos sepelire,
inter septem corporalia misericordiæ opera
computatur. *Et nunc retribuet vobis qui-*
dem Dominus misericordiam, hoc est ve-

Prov. xv,
27.

niam et gratiam. Beati enim misericordes,
quoniam ipsi misericordiam consequentur.
In Proverbiis quoque scriptum est : Per fi-
dem et misericordiam purgantur peccata.
Et veritatem, id est veram mercedem ac
summæ veritatis beatam notitiam, dum-
modo perseveretis in bonis ; vel, Verita-
tem, hoc est retributionem quam talibus
promisit, vere impendet vobis.

Sed et ego reddam gratiam, id est gra-
tiosam retributionem ultra quam speratis
a me, *eo quod fecistis verbum istud,* hoc
est opus hoc, significatum per horum ver-
borum complexum. Verbum quippe fre-
quenter accipitur pro verborum congerie
seu sermone. Et nunc pro re significata
per tale verbum accipitur. Princeps autem
debet plebi suæ esse gratus, atque bene-

volus pro fidelitate ejus et pio obsequio.
Nam, ut Philosophus in Politicis ait, per
hoc princeps subditos suos ad meliora præ-
cipue provocat, quod circa obedientes, fi-
deles et pios, exhibet se liberalem, gratum,
beneficium. *Confortentur manus vestra,* id
est, vos ipsi roboremur : quia per partem,
totum significatur. Et quoniam manus est
organum organorum, secundum Philoso-
phum, in quo præcipue sita est vis opera-
tiva, ideirco per manuum confortationem,
totius hominis fortificatio designatur. *Et*
estote filii fortitudinis, hoc est multum
fortes : sicut aliquis dicitur filius incon-
stantiæ, quia multum inconstans ; aut homo
virtutis, quia valde est virtuosus. Sic quo-
que Antichristus vocatur homo peccati. Et
Ruth, mulier appellatur virtutis. Et sumi-
tur fortitudo hic pro virtute potius, quam
pro robore corporali. *Licet enim mortuus*
sit dominus vester Saul, tamen me unxit
domus Juda, hoc est familia stirpis Judæ,
in regem sibi. Ideo potens sum benefacere
vobis, et bonæ spei esse debetis.

II Thess. ii,
3.
Ruth iii, 11.

Sequitur de principatu Isboseth filii
Saul. *Abner autem filius Ner princeps ex-*
ercitus Saul, tulit, id est, secum sumpsit,
Isboseth filium Saul, et circumduxit eum
per castra, id est per loca et congregatio-
nes decem tribuum. Vel, Per Castra, hoc
est per locum sic proprie dictum, qui in
Hebræo Mahanaim nuncupatur : quia in
eo angeli occurrerunt sancto Jacob de Me-
sopotamia redeunti, juxta illud Genescos :
Fuerunt ei obviam angeli Dei ; quos quum
vidisset, ait, Castra Dei sunt hæc ; et ap-
pellavit nomen loci illius, Mahanaim, id
est castra. Denique dictum est ultimo pri-
mi libri capitulo, quod filii Israel, qui
erant trans vallem et trans Jordanem, mor-
tuo Saul, civitates suas ex timore relique-
runt atque fugerunt. Et illi deinde se col-
legerunt, ut fierent fortiores, atque per
castra, hoc est per congregationes illas ac
alias, circumduxit Abner hunc Isboseth.
Regemque constituit ipsum Isboseth super
Galaad, id est super habitatores terræ Ga-
laad trans Jordanem, *et super Gessuri,* hoc

Gen. xxxii,
1, 2.

I Reg. xxxi,
7.

est terram sic dictam, ad terram promissionis pertinentem. Verumtamen quidam dicunt in Hebræo haberi, Super Assuri, id est tribum Aser. Nam tempore Saul, filii Israel nondum obtinuerunt dominium super regnum, seu territorium Gessuri, quum et infra dicatur, quod Absalon fugit ad regem Gessuri*, patrem matris suæ: nisi forsitan Gessuri hic sumatur pro alio loco, aut oppido sic vocato, sicut frequenter in simili accidit in Scripturis. *Et super Jezrael, et super Ephraim, et super Benjamin*, hoc est tribum Benjamin, quæ familiarius ac vehementius adhæsit Isboseth Benjaminitæ, quia de stirpe Benjamin fuit, *et super Israel universum*, id est ceteras Israel tribus, tribu Juda excepta. Sicque per synecdochen sumitur hic totum pro parte sua majori.

Intelligendum est autem, quod Abner qui erat valde potens in populo, induxit præfatos filios Israel ad consentiendum unctioni Isboseth super eos in regem. Verumtamen constitutio illa Isboseth in regem super illos, non fuit legitima, sed usurpativa; nec fuit de jure, sed de facto: quia frequenter prædixerat Deus regnum auferendum a semine Saul, et ipsum David fecit ungi per Samuelen in regem. Præterea advertendum, quia ut refert Lyra, Rabbi Salomon dicit ipsum Abner constituisse Isboseth regem, ad verificandum quod in Genesi Deus locutus fuit ad Jacob: Reges ex te egredientur, et tamen omnes filii Jacob erant tunc nati præter Benjamin. Sicque significatum fuit, quod ei de Benjamin essent duo reges futuri, videlicet Saul et Isboseth. Sed istud nullius videtur valoris. Nam dato quod de solo Juda orti fuissent reges, adhuc verificata esset illa promissio. Constat namque, quod nullus immediatorum filiorum Jacob rex fuerit, sed in posteris fuit sponsio illa impleta. Nec etiam per verba illa significatum fuit, quod de quolibet filiorum Jacob essent reges nascituri, imo nec nati sunt. Insuper in Genesi legitur Deus Abraham promisisse non semel dumtaxat: Reges ex te egre-

dientur, diu antequam Isaac fuit natus, in cuius posteritate fuit impleta illa promissio.

Quadraginta annorum erat Isboseth filius Saul quum regnare cœpisset super Israel, et duobus annis regnavit. Abner vero non videtur excusari a culpa, procu-rando promotionem Isboseth hujus in regem, quoniam scivit regnum fuisse promissum ipsi David a Deo: ideo non debuit regi David resistere. *Sola autem domus Juda sequebatur David*, obediendo ei ut regi, et acceptando eum in regem. Sed objici potest, quod in primo libro Paralipomenon leguntur valde multi confugisse ad David, quum adhuc esset in Siceleg; deinde quum erat in Hebron, valde multa millia de diversis tribubus Israel venerunt ad eum, ut esset eorum rex, Isboseth adhuc vivente atque regnante. Nam legitur ibi: De filiis autem Benjamin tria millia venerunt ad eum. Magna enim pars eorum adhuc sequebatur domum Saul. Ad hæc respondendum videtur, quod sola tribus Juda tota et integra sequebatur David. De aliis vero tribubus aliqui quotidie confugerunt ad David, prout in præalle-gato libro satis innuitur. *Et fuit numerus dierum quos commoratus est David imperans in Hebron super domum Juda, septem annorum et sex mensium.*

Egressusque est Abner filius Ner, et pueri, hoc est servi seu etiam cognati, *Isboseth filii Saul de castris*, id est de turmis seu mansionibus suis, *in Gabaon*, hoc est ad locum prope urbem sic dictam, vel in Gabaon cœperunt egredi. Porro *Joab filius Sarvia, et pueri*, id est ministri ac propinqui, *David, egressi sunt, et occurrerunt eis juxta piscinam in Gabaon*, hoc est prope oppidum illud in campo. Non enim convenerunt intra urbem. *Et quum in unum locum convenissent*, ex condicto (ut aliqui opinantur) sive ex casu, *e regione*, id est ex opposito, *sederunt hi in una parte piscine, et illi ex altera parte*. Piscina autem vocatur congregatio aquarum, præsertim pluvialium. *Dixitque Abner ad Joab:*

II Reg. xiii, 37.
* Gessur

I Reg. ix, 1.

Ibid. xiii, 14; xv, 28; xvi, 1, 13.

Gen. xxxv, 11.

Ibid. xvi, 6.

I Par. xii,

Ibid. 29.

* ex

Surgant pueri, id est aliqui pugnatōres ex utroque exercitu, *et ludent coram nobis*, hoc est, delectabiliter praelientur contra se invicem singulari certamine, ostendentes robur suum atque audaciam. Circa hoc scribit Lyra, quod verbum Hebraicum, pro quo Hieronymus transtulit, *Ludent*, æquivocum est ad *Ludere* et *Occidere*, et ad alia quaedam. Hic autem pro *Occidere* ponitur. Contra quod scribit Rabbi Paulus : Quamvis verbum illud Hebræum æquivocum sit, nunquam tamen significat *Occidere*. Et in hoc loco proprie significat *Ludere*. Verumtamen ludicra quæ inter hostes fiunt, frequenter inducunt occisiones, ut in proposito. Quemadmodum etiam hastiludia ad militare exercitium facta, sæpe inducunt plagas et læsiones : non tamen ista significantur per verbum hoc, *Ludere*. Hæc Rabbi Paulus. *Et ait Joab : Surgant.*

Surrexerunt ergo, et transierunt numero duodecim de Benjamin ex parte Isboseth filii Saul, et duodecim de pueris David. Apprehensoque unusquisque capite comparis sui, id est æqualis seu socii sibi contrarii, *defixit gladium in latus contrarii*. Josephus et quidam eum sequentes, dicunt hoc sic intelligendum, quod unusquisque illorum duodecim puerorum David, defixit gladium in latus sui contrarii, ita quod pueri David manserunt superstitēs. Sed obviare videtur quod subditur : *Et ceciderunt*, hoc est mortui sunt, *simul*. Scriptura quoque hæc indeterminate affirmat, quod unusquisque transfodit latus comparis sui, nec innuit hoc magis esse intelligendum de pueris David, quam Isboseth. Imo addendo, *Et ceciderunt simul*, insinuare videtur, verba illa esse de utrisque intelligenda : ideoque hoc verius creditur, quia plus consonat textui. *Vocatumque est nomen loci illius, ager Robustorum in Gabaon*, id est prope, quia nec agri solent esse in urbibus. Quidam refert, in Hebræo haberi, Campus Concisorum, quoniam gladiis mutuo conceisi corruerunt, sed potius reor in Hebræo haberi, sicut Hieronymus transtulit. Et forte verba illa Hebraica

utrumque designant, magisque apte Hieronymus transtulit, Ager Robustorum, quam si transtulisset, Campus Concisorum : primo, quoniam pueri utriusque exercitus audacter et fortiter videbantur egisse : secundo, quia transfixi fuerunt proprie, non conceisi.

Et ortum est bellum satis durum in die illa. Uterque enim exercitus condoluit suis ita occisis, et inflammatus fuit ad praeliandum, atque ad ulciscendum ruinam suorum. Fugatusque est Abner et viri Israel a pueris David. Erant autem ibi tres filii Sarriæ sororis David, videlicet Joab et Abisai et Asael. Porro Asael cursor velocissimus fuit, quasi unus ex capreis quæ morantur in silvis : quæ velociores sunt domesticis capreis. Ideo verbum hoc intelligi potest per modum hyperbolice locutionis. Persequebatur autem Asael Abner juvenili et incauta audacia, non considerans fortitudinem, experientiam atque peritiam ipsius Abner in bellicis rebus, et non declinavit ad dexteram neque ad sinistram, omittens persequi Abner. Respexit itaque Abner post tergum suum, et ait : Tune es Asael ? Qui respondit : Ego sum. Dixitque ei Abner : Vade ad dexteram sive ad sinistram, et apprehende unum de adolescentibus exercitus mei, et tolle tibi spolia ejus, hoc est, rebus suis exspolia eum, ut jure praelii sint spolia tua, ea quæ habet ille, vel quæ abstulit de parte tua. Tanquam dicat : Si fortitudinem tuam vis experiri, invade unum de juvenibus meis tibi similibus ; et si quiveris vincere eum, accipe spolia ejus. *Noluit autem Asael omittere quin urgeret eum*, hoc est, quin importune aretaret ipsum Abner, atque compelleret eum ad resistendum, quia velocior erat quam Abner vir grandævæ ætatis, non tamen robustior, imo multum imperitior illo.

Rursumque locutus est Abner ad Asael : Recede, noli me sequi, ne forte compellar confodere te in terram, hoc est ita transfigere, ut protinus cadas moribundus in solum. Ex his elicitur prudentia, patien-

tia. mansuetudo, maturitas hujus Abner, A qui importunitatem illius juvenis tam longanimiter toleravit, quem se posse faciliter superare non dubitavit. *Et levare non potero faciem meam ad Joab fratrem tuum*, hoc est, coram Joab non potero apparere securus, nec ejus gratiam invenire, si te fratrem ipsius occidero. Itaque Abner timuit ipsum Joab potius propter ipsius calliditatem, quam vires. Nam et Abisai fortior fuit quam Joab, ut infra patebit, et primo Paralipomenon satis innuitur. Insuper, Abner vidit partem Ishoseth deficere B omni die, et partem David proficere. Scivit quoque, quod regnum fuit promissum ipsi David a Deo, propterea conjiciebat quod David praevaleret, et regnaret in brevi, et quod tunc Joab fieret unus de potentioribus regis, quia et nunc fuit quasi princeps exercitus, sicque indigeret favore et gratia Joab. *Qui audire contempsit, et noluit declinare*. Ex quo videtur, quod ex elatione et vana gloria desideravit dejicere ipsum Abner, ut videretur perpetrasse rem magnam, prosternendo principem militiae partis adversæ. Si tamen Asael ex zelo justitiæ sic insecutus est Abner, et eum audire contempsit, quatenus superaret capitaneum eorum, qui injuste restiterunt regi David, quatenus capitaneo illo occiso, pax citius sequeretur, laudabiliter egit.

Percussit ergo eum Abner aversa hasta, ita quod ipse Abner totus peritus in bellicis rebus, quasi progrediendo repente vertit hastam suam in propriis manibus. Sicque celerrime vulneravit Asaelem *in inguine*, hoc est in parte inferiore circa virilia, ubi vulnus letale est, cum ferro seu mucrone lanceæ suæ. Quidam tamen exponunt sic: Aversa hasta, id est cum ligno hastæ posteriore. Cui expositioni obviare videtur, quod subditur, *et transfodit*: quia non apparet, quod eum ligno illo potuerit eum ita transfodere. Ideo quidam exponunt sic: Adversa hasta, hoc est hasta versa ad Asaelem. Porro (ut fertur) in Hebræo habetur: Percussit eum post hepar in quinta, id est juxta vitalia membra in costa ubi ictus

mortalis est. *Et mortuus est in eodem loco*. Omnesque qui transibant per locum in quo ceciderat Asael, et mortuus erat, subsistebant ad videndum eum admiratione et forsitan compassione, tam egregium, audacem ac velocem juvenem, tam subito interfectum, utpote regis David nepotem.

Persequentibus autem Joab et Abisai cum eorum exercitu fugientem Abner cum suis, ad ulciscendum sanguinem fratris sui, sol occubuit. Ideo propter imminentem noctis caliginem, oportebat cessare a prælio. *Et venerunt usque ad collem Aqueductus*: proprium nomen est montis illius; *qui est ex adverso vallis et itineris deserti in Gabaon*. Congregatique sunt filii Benjamin ad Abner, tanquam ad principem; et conglobati in unum cuneum ad adjuvandum se invicem, steterunt in summitate tumuli, hoc est monticuli unius, seu loci eminentioris, secundum Glossam, ut ex loco fortius repugnarent, adjuti altitudine loci.

Et exclamavit Abner ad Joab, et ait: C *Num usque ad internecionem tuus mucro deserviet?* id est, tam instanter et immoderate persequeris nos, ac si velles nos omnino occidere gladio: quod tamen incantum et indecens est. *An ignoras quod periculosa sit desperatio?* hoc est, attendere deberes quod valde periculosum sit adversarios in tantum aretare, ut desperent se posse effugere: quia frequenter contingit, ut in tali casu provocati fortius relutentur, plurimosque occidant de persecutoribus suis, sic intra se cogitantes: D *Oportet nos mori aut praevalere*; et sive resistamus, sive non, non est spes de fuga. Sicque animantur ad dimicandum fortissime. Hinc de Alexandro Magno narratur, quod dum quadam vice fecisset pontem laboriose, et exercitus suus pontem esset transgressus, pontem jussit mox destrui. Unde exercitus suus admirans, dixit: Quo aut per quem locum fugiemus, si defece- rimus in prælio? Responditque Alexander: Ideo pontem fregi, ut non cogitetis de fuga, sed certi sitis, vos aut morituros, aut

triumphaturos in bello. Quo audito, fortissime pugnauerunt, atque prævaluerunt. Secundum Rabbi Paulum in Hebræo habetur : An ignoras, quomodo amara erit in ultimis? ut sit sensus : Quamvis amaritudo seu dolor proveniens ex his quæ contingunt in bello, non sentiatur ipso bello fervente, in ultimis tamen cessante belli ardore, dolorose et amare sentitur ex strage et detrimento quæ solent in bellis contingere. *Usquequo non dicis populo tuo, ut omittat persequi fratres suos?* Nam omnes sumus de semine Jacob, et ejusdem legis cultores, ideo invicem misericordes esse debemus. *Et ait Joab : Vivit Dominus, si locutus fuisses mane,* id est mature et diu ante hanc horam, pacem petendo, recessisset populus persequens fratrem suum, hoc est, exercitus mecum existens, et hucusque persequens populum tuum, fratrem suum, sumendo singulare pro plurali, jam diu cessasset vos insequi.

Insonuit ergo Joab buccina pro signo cessationis a persecutione ac prælio, et stetit omnis exercitus, nec persecuti sunt ultra Israel, neque iniere certamen. Abner autem et viri ejus abierunt per campestria Moab, tota nocte illa, et transierunt Jordanem, et lustrata omni Bethoron, venerunt ad castra : de quibus prædictum est,

A quod Abner circumduxit ipsum Isboseth per castra. *Porro Joab reversus, omisso Abner, congregavit omnem populum,* id est totum exercitum suum, ut sciret, quot occisi essent de suis. *Et defuerunt de pueris David qui fuerunt cum Joab, decem et novem viri :* quo constat, quod pueri accipiuntur hic pro viris ; *excepto Asaele,* qui erat vicecimus occisorum, et solus plus computabatur, quam omnes seu multi alii interfecti. *Servi autem David percusserunt de Benjamin, et de viris qui erant cum Abner, trecentos sexaginta :* qui et mortui sunt. *Tuleruntque, Joab et frater ejus, Asael, hoc est corpus Asaelis. Et sepelierunt eum in sepulcro patris sui mariti Sarviæ, in Bethlehem. Et ambulaverunt tota nocte Joab et viri qui erant cum eo. Et in ipso crepusculo perreuerunt in Hebron ad David,* postquam sepelierunt Asaelem, vel potius postea [sepelierunt eum], quamvis sepelitio illa ante narretur.

Præterea advertendum, quod præfata pugna inter servos David et Isboseth, fuit C justa ex parte David, cui jure divino regnum debebatur : ideo et duodecim juvenes, qui de exercitu Abner concertaverunt contra duodecim juvenes Joab, periculose egisse videntur, nisi forsitan per ignorantiam aut jussionem sui principis exeusentur.

ARTICULUS IV

DE MYSTICO HUIUS CAPITULI SECUNDI SENSU.

DAVID fuit Christi figura : et sicut David, regnante Saule, exsul fuit de terra Juda, sic Christus Filius Dei remotus fuit et alienus a cordibus hominum, regnante in eis diabolo. Postea, Christus per incarnationis mysterium ascendit in unam civitatem Juda cum duabus uxoribus suis, id est [cum] Ecclesia ex Judaismo conversa, itemque cum Ecclesia ex gentilitate col-

D lecta : quas etsi nondum actu converterat, tamen per præcognitionem et electionem portavit eas in mente sua. *Veneruntque viri Juda, et unxerunt ibi David.* Per viros Juda, intelliguntur electi ex Judaismo, qui confessi sunt Christum, et crediderunt in eum : quem et super se unxerunt, id est, spiritualiter esse unctum a Deo Patre professi sunt. Vel spiritualiter eum unxe-

runt confessione laudis divinæ, et deploratione propriæ culpæ, atque odore landabilis famæ. *Et nuntiatum est David, quod viri Jabes Galaad sepelissent Saul.* In omni historia hujus negotii, David designat personam Judicis summi, videlicet Jesu Christi. Itaque per hoc quod David regi in tantum complacuit, quod Jabitæ sepelierunt dominum suum Saul, quamvis injustum ac æmulum sancti David, figuratum est, quod Christo placent opera misericordiæ injustis propter Deum exhibita; et item, quod Christus requirit a subditis ut superiores suos quamvis iniquos honorent, in quantum sunt vicarii Dei.

Abner autem princeps exercitus Saul, circumduxit Isboseth. Per Abner et adjutores ipsius, hoc loco designantur principes pravi, et eorum ministri, qui divino contrariantur honori, justosque persequuntur, et justorum promotionem ac prælationem impedire conantur, cupientes quacumque arte aut practica promovere sive intrudere impios sibi consimiles, a quibus temporalia commoda, aut promotiones consequi

Philipp. ii, 21.

præstolantur, quoniam quærunt quæ sua sunt, non quæ Jesu. *Sola autem domus Juda sequebatur David :* id est, justi ac timorati, qui Deo sinceriter confitentur, Christo adhærent, atque legitimis electionibus eorum qui prælatione sunt digni, consentiunt, ac suis parent prælatis. Et fuit David commoratus, imperans super domum Juda in Hebron, septem annis et sex mensibus. Hebron interpretatur conjugium, seu visio sempiterna : sicque per Hebron hic significatur Ecclesia militans, eum qua Christus spirituale contraxit conjugium, desponsando sibi eam per fidem et caritatem. In qua etiam Ecclesia, Deus per fidem et gratiam cernitur, sempiternaque visio inchoatur. In hac Ecclesia moratur Christus septem annis ac totidem mensibus, id est per omne tempus sæculi hujus, quemadmodum ait : *Ecce ego vobiscum sum cunctis diebus usque ad consummationem sæculi ; et imperat suis electis qui ei obtemperant, quibus locutus est : Nolite*

Matth. xxviii, 20.

Luc. xii, 32.

A timere, pusillus grex, quia complacuit Patri, dare vobis regnum.

Dixitque Abner ad Joab : Surgant pueri, et ludent coram nobis. Per duodecim illos pueros utriusque exercitus, contra se invicem præliantes, intelligi possunt viri periti in jure et in disputatoria arte, qui solent mutuo altercari atque contendere, et pugnare gladio oris sui coram superioribus, quis duorum debeat obtinere prælationem : in quo bello prævalent, qui partem digni legitimeque electi defendunt : prævalent (inquam) ratione et jure, quamvis interdum adversariorum suorum multitudine, importunitate et inquietudine obruantur. Porro, *Asael cursor velocissimus fuit.* Per Asaelem istum nepotem David, primo significantur, qui propinquorum suorum quamvis justorum, promotionem et prælationem ex carnali affectu cupiunt aut tuentur : ideo vulnerantur in vitalibus cordis ac pereunt. Secundo, per Asaelem exprimuntur, qui zelum Dei habent, sed non secundum scientiam : et amore justitiæ moveri se putant, sed carent discretione, et irrationabili impetu agitantur, nec justam causam juste ac sapientialiter prosequuntur, juxta quod in Deuteronomio jussum est : *Juste, quod justum est, exsequeris.* Hinc ab adversa parte vincuntur. Nam et Salomon protestatur : *Qui festinus est pedibus, id est nimis servens in affectibus suis, offendit.* Ideo ait Glossa : *Necesse est, ut qui furentes et errantes conantur reprimere, non in furorem aut iram se excitent ; sed quidquid tranquillitatis est, monstrent.* Hinc in Ecclesiastico legitur : *Fili, in mansuetudine opera tua fac, et super gloriam hominum diligeris.* Non enim debet homo se ipsum spiritualiter lædere per passionum excessum, ut alium curet in anima.

Rom. x, 2.

Deut. xvi, 20.

Prov. xix, 2.

Eccli. iii, 19.

Congregatique sunt filii Benjamin ad Abner. Sic impii confluunt ad præsidem iniquum capitaneumque perversum, et conglobantur, stantque in colle suæ elationis ad resistendum justis ac bonis hominibus. Verumtamen, dum princeps eorum

veretur succumbere, postulat pacem, non A
 pacis amore, sed periculi sui timore. Justi
 autem non debent esse nimis difficiles ad
 parendum iniquis. *An ignoras quod pe-*
riculosa sit desperatio? Vere periculosis-
 simum est desperare. Periculosum est quo-
 que, per sermonem nimie rigorosum, aut
 per immoderatam correptionem seu cor-
 rectionem inducere proximum aut subdi-
 tum ad desperationis propinquitatem aut
 desolationem. Non enim conterendus est
 calamus conquassatus, nec extinguendum
 fumigans linum : imo pusilli, infirmi et B
 lapsi, sunt per discretionem recuperandi,
 per spem confortandi, per salutarem do-
 ctrinam illuminandi. Hinc et Deus non
 1 Cor. x, 13. permittit nos ultra vires tentari, ne despe-
 remus ; sed facit cum tentatione proven-
 tum, dummodo pro viribus resistamus, ut
 consolemur, et augeatur spes nostra in
 Domino. Porro *Joab congregavit omnem*
populum. Sic prælatus et princeps debet
 subditos suos per caritatem colligere, per
 pacem atque concordiam adunare, atque
 prudenter perpendere qui et quot in spi- C
 rituali aut corporali certamine sint devi-
 cti, ut oretur et celebretur pro ipsis, et

Is. xlii, 3;
 Matth. xii,
 20.

omni modo possibili subveniatur eisdem.
Et ambulaverunt tota nocte. Ita et nos in
 omni adversitate, persecutione, ac tenta-
 tione debemus ad Christum accelerare, et
 per semitas lucis procedere, non stare per
 pusillanimitatem, neque succumbere per
 consensum, sed tanto instantius agere vir-
 tuose, temptationibusque resistere, quanto
 acrius et importunius a malignis impu-
 gnatur spiritibus, vel certe a mundo aut
 carne seu improba propria voluntate.

Postremo, per hoc quod ter inunctus est
 B David, allegorice denotatur, quod Christus
 plenissime fuit unctus omni divino cha-
 rismate in corde, et omni discretionem ac
 salutari doctrina in ore, omni quoque æqui-
 tate in opere. Et primo unctus est secrete
 in utero Virginis ; deinde constitutus est
 rex super conversos ex Judaismo ; tertio,
 super omnem gentem credentem, quæ per
 fidem est Abrahæ semen. Per idem vero
 tropologice figuratur, quod unusquisque
 fidelis debet esse unctus in mente per fi-
 dem et gratiam, in ore per confessionem
 C et ædificatoriam locutionem, in opere per
 præceptorum custodiam, perseverantiam-
 que finalem.

Rom. iv, 16;
 ix, 7.

ARTICULUS V

EXPOSITIO LITTERALIS CAPITULI TERTII : FACTA EST ERGO LONGA CONCERTATIO
 INTER DOMUM DAVID, ETC.

HIC recitatur, qualiter David profecit D
 quotidie ad regnandum super totum
 Israëliticum populum, per hoc quod prin-
 ceptis militiæ adversariorum suorum subje-
 cit se ei, atque occisus est. *Facta est ergo*
longa concertatio inter domum David et
inter domum Saulis, id est inter cognatos
 et servos ipsius Isboseth filii Saul et David
 regis. Et recte asseritur concertatio illa facta
 inter domum David et domum Saul : quia
 nec David, nec Isboseth videtur personali-

ter interfuisse certaminibus illis. Isboseth
 quippe ex desidia, David vero ex humilitate
 et prudentia noluit interesse, ne videretur
 immoderanter adspirare ad regnum. Ve-
 rumtamen dictum est capitulo præcedenti,
 quod Isboseth regnavit duobus annis dum-
 taxat : unde sequi videtur, quod concertatio
 illa ultra biennium non duravit ; sed tem-
 pus quod in prosperitate et pace breve
 censetur, in adversitate et prælio longum
 apparet. *David proficiens,* quia in tempo-

11 Reg. ii,
 10.

ralibus et spiritualibus bonis prosperabatur, et per suos ministros fuit victoriosus, *et semper se ipso robustior*, id est, quotidie in fortitudine et subditorum multiplicatione crescens ac fortior, quam fuit ante. Nam ut ait Guillelmus Parisiensis, fortitudo principis consistit præcipue in prompta atque spontanea obedientia subditorum. *Domus autem Saul decrescens quotidie*, viribus et numero personarum. Nam et multi de Benjamin confugerunt ad David, et multi ex eis fuerunt occisi, ut patuit in litterali expositione præcedentis capituli, aut in textu. Multi quoque ex Benjamin videntes ipsum David prosperari et crescere omni die, retraxerunt se ab adiutorio Isboseth.

Natique sunt sex filii David in Hebron. Fuitque primogenitus ejus Amnon de Achinoam Jezraelitide, et post eum Cheleab de Abigail uxore Nabal Carmeli. Primo Paralipomenon libro legitur, quod de Abigail

1 Par. iii, 1.

habuit filium nomine Daniel. Respondetur, quod filius iste fuit binomius, et primo vocatus est Daniel, et deinde Cheleab. Quocirca dicunt quidam Hebræi, quod cito post mortem Nabal, David duxit uxorem illius istam Abigail conjugem : quam quum imprægnasset, quidam opinabantur quod ex Nabal concepisset, ideo puerum natum David vocavit Danielelem, quod interpretatur iudicium, dicens : *Judicet Dominus* ejus patris sit filius iste; tuncque miraculose vultus infantuli assimilatus est vultui David. Ideo ex tunc puer nuncupatus est Cheleab, quod interpretatur, quasi pater, id est similis patri. Porro tertius Absalon

filius Maacha filie Tholmai regis Gessur. Gessur et Gessuri, est eadem regio. Quæritur, an licuit David regi sumere puellam illam gentilem in conjugem. Et videtur quod non, tum quia dispar cultus etiam tunc videtur matrimonium impedivisse, tum quoniam viri tenebantur ducere uxores de propria cognatione et tribu, ut legitur in libro Numerorum. Ad istud quidam respondent, quod David inter mulieres captivas concupivit puellam, quam volens

Num. xxxvi, 7.

A accipere conjugem, fecit ei præscindi ungues et radi capillos, et post ad eam intravit : quod secundum legem licitum fuit, ut patet in Deuteronomio. *Quartus autem Adonias filius Haggith. Et quintus Saphathia filius Abital. Sextus quoque Jethraam de Eglâ uxore David.* Viri justii in veteri Testamento, qui ex divina inspiratione aut dispensatione habuerunt plures uxores, unicuique illarum successive et tempore suo reddebant debitum carnis, sicut in Genesi constat de Jacob. Unde Rachel dixit ad B Liam : *Dormiat tecum hac nocte, in qua* scilicet mecum dormiret ex temporis revolutione, dierumque circulo. Et ita egisse ipsum David, probatur ex textu isto.

Deut. xxi, 11-13.

Gen. xxx, 15.

Iterum quæritur, cur Jethraam dicatur natus de Eglâ uxore David, quasi alii nati non essent ex ejus uxoribus? Respondet Glossa : Hæc est Michol, quæ inter multas sola dicitur uxor, quoniam eam in adolescentia primam accepit, quæ in partu fertur obiisse. Hinc et alii dicunt, Michol filia Saul vocatur hic Eglâ, id est vitula, juxta proprietatem linguæ Hebrææ, quia fuit ei conjuncta in juventute, fuitque ipsi David multum dilecta. Unde et Samson dixit de prima sua uxore : *Si non arassetis in vitula mea.* Alii tamen probabilius dicunt, quod propter inquietudinem atque lasciviam cordis, vocatæ sint vitulæ. Et quamvis in veteri lege licuit uni habere conjuges plures, prima tamen specialiter ac principaliter uxor appellabatur : propter quod Jacob dixit de Rachele, quam primam accepit in conjugem, quamvis Liam ex ignorantia facti primo cognovit : Vos scitis quod duos genuerit mihi uxor mea, ut in Genesi habetur. Verumtamen his obicitur, quoniam isti qui vocantur hic filii David, nati fuerunt in Hebron, antequam David regnavit in urbe Jerusalem. Michol autem adhuc vixit, David in Jerusalem imperante, et tamen ipsa non peperit filium, nisi in fine vitæ suæ, secundum quod infra fertur : Igitur Michol non est natus filius usque ad diem mortis suæ. Unde qui vult prædicta salvare, habet dicere, quod quam-

1 Reg. xviii, 27.

Judic. xiv, 18.

Gen. xlii, 27.

II Reg. vi, 23.

vis quinque præfati filii David fuerunt nati in Hebron, antequam in Jerusalem præfuit, tamen sextus iste diu post natus est, ita quod Egla seu Michol vicina partui descendit in Hebron, peperitque ibidem : quæ solutio in Scholastica historia tangitur. Denique præfatum filium Michol seu Egla, Josephus nominat Nathan. *Illi nati sunt David in Hebron.*

Quum ergo esset prælium inter domum Saul et domum David, hoc est inter David et filium Saul, Abner filius Ner regebat domum Saul, imo et ipsum Isboseth regem, qui erat deses et pavidus, Abner vero prudens, expertus ac strenuus, ideirco rexit familiam. Fuerat autem Sauli concubina, nomine Respha, filia Aia, quæ (ut aliqui dicunt) fuit legitima uxor Saul; sed concubina vocatur, quia junior fuit uxor secundo accepta, minusque principalis, prout in Genesi duæ ultimæ uxores Jacob, interdum concubinæ vocantur. De Abraham quoque asseritur in Genesi : Filiis concubinarum largitus est munera : quæ utique erant uxores ejus legitimæ. Sed an Respha hoc modo vocetur concubina Saul, incertum existimo. Dicit equidem Thomas super quartum Sententiarum, quod dum hi quos excusare oportet a culpa adulterii, concubinas habuisse dicuntur, per concubinas intelliguntur uxores legitimæ secundariæ. Non autem oportet excusare Saullem ; nec alibi in Scriptura authentica invenitur, quod Respha fuerit uxor illius. Ingressusque est ad eam Abner. Erat quippe pulchra valde, ut Magister in historiis scribit. Dixitque Isboseth ad Abner : Quare ingressus es ad concubinam patris mei ? quasi dicat : In hoc fecisti opprobrium mihi. Dicunt autem nonnulli, quod accepit eam uxorem, sicque matrimoniali concubitu ad eam ingressus sit, et addunt quod ideo fecit hoc, ut prole ex ea suscepta, per adjutorium tribus de qua fuit oriunda, usurparet sibi regnum : ideo Isboseth indignatus est ei, quemadmodum Salomon Adoniæ, ut infra libro tertio scribitur. Alii dicunt, quod non duxit eam uxorem, sed

A fornicario eam accessit concubitu : quod erat illicitum, reprehensioneque dignum.

Qui iratus nimis propter verba Isboseth, quia increpationem illam valde agre accepit, et in hoc multum peccavit, quum in Proverbiis scriptum sit : Qui odit increpationes, insipiens est. Et iterum Salomon loquitur : Qui impatiens est, exaltat stultitiam suam. Itemque : Ne sis velox ad irascendum, quia ira in sinu stulti requiescit. Verumtamen si accessit illam matrimoniali concubitu ex bona intentione, potuisset ira ejus excusabilis apparere, tanquam ira per zelum, quæ tamen non debet nimia esse ut ista. Ait : Numquid caput canis ego sum adversus Judam hodie ? ac si dicat : Non recte ago in hoc, quod instar canis latro, seu irrationabiliter elamo, contra David et ejus promotionem ad regnum, et sum capitaneus hominum contra David latrantium. Vel iste est sensus : Vilis et abominabilis factus sum tribui Juda, velut caput mortui canis. Qui fecerim misericordiam super domum Saul patris tui, id est, fidelis ac pius fui posteritati et cognatis atque domesticis Saul, præsertim tibi, et, pro id est, super fratres et proximos ejus, et non tradidi te in manus David. Non tamen ipse David quæsit occidere Isboseth, nec eum occidisset, quamvis traditus ei fuisset, nisi aliunde meruisset occidi. Et tu requisisti in me, id est, in tantum exegisti a me causam factorum meorum, quod argueres pro muliere hodie ? id est increpares me, eo quod mulierem accesserim, quum non videatur res magni momenti, quod princeps militiæ mulierem sibi placentem cognoscit. Tanquam dicat : Tot et tanta feci pro te, quod debuisses istud dissimulasse. Hæc faciat Deus Abner, et hæc addat ei, id est, sic et sic puniat me, et afflictioni meæ addat afflictionem, nisi quomodo juravit Dominus David, sic faciam cum eo, id est, nisi studuero adimplere quod Deus cum juramento promisit ipsi David, promovendo cum ad regnum, ut transferatur regnum, id est regius principatus, de domo, id est sobo-

Prov. xii, 1.

Ibid. xiv, 29.

Eccle. vii, 10.

Gen. xxxv, 22.

Ibid. xxv, 6.

III Reg. ii, 22-25.

le, *Saul, et elevetur thronus David*, id est A potestas ejus, soliumque regale, *super Israel*, id est super decem seu undecim tribus, quibus tu imperasti hucusque, *et super Judam*, id est tribum Juda, ita ut non solum præsideat tribui Juda, sed ceteris quoque *a Dan usque Bersabee*, id est ab una extremitate terræ promissionis usque ad aliam ejus extremitatem. *Et non potuit ei respondere quidquam*, id est, ipse Isboseth non audebat aliquid loqui contra hæc verba Abner, *quia metuebat illum*, tanquam rectorem domus suæ, principemque B militiæ, habentem in manu sua populum Israel. Timuit quoque, quod Abner traderet se manibus David regis, si contradiceret verbis ipsius Abner. Erat etenim Isboseth deses et formidolosus, non audax ac strenuus.

Misit ergo Abner nuntios ad David. Noluit statim personaliter accedere ipsum David, sed per nuntios explorare, qualiter posset ei reconciliari et benevolentiam ejus captare. Itaque misit nuntios ad David in Hebron, *pro se*, id est ex parte sua, vel C pro pace obtinenda sibi cum David, *dicentes* : Cujus est terra? tanquam diceret : Tu scis quod populus terræ Israel in mea sit potestate, ita quod possim fleetere eum ad te, et item avertere a te. Vel, Cujus est terra? quasi diceret : Quamvis terra promissionis spectet ad te, sicut ad regem jure divino, quo desuper es electus in regem, tamen de facto in mea est manu. *Et ut loquerentur ex sua persona ad David* : Fac, tu David, *mecum amicitias*, hoc est confederationes et mutuam dilectionem, D *et erit manus mea tecum, et reducam ad te universum Israel*, hoc est, ceteras tribus inducam ad suscipiendum te pro rege. *Qui ait* : Optime. *Ego faciam tecum amicitias. Sed unam rem peto a te, dicens* : Non videbis faciem meam, id est, non occurram tibi placatus, nec repræsentabo tibi me gratiosum, *antequam adduxeris mihi Michol filiam Saul uxorem meam* : quam in contumeliam regis David ipse Saul dedit alteri viro, ut dictum est in primo libro;

1 Reg. xxv, 44.

et sic venies, et videbis me. Misit autem David nuntios ad Isboseth filium Saul, dicens : Redde uxorem meam Michol mihi : quia injuriosum est mihi, quod detinetur ab alio viro, et eam specialiter diligo ; *quam despondi mihi centum præputiis Philistinim*, id est Philistinorum, prout istud plenius scriptum atque expositum est primo libro. Hæc verba mandavit David ad Isboseth, quia ut ait Hieronymus libro de Hebraicis quæstionibus, Abner remandaverat regi David : Non possum tibi restituere Michol conjugem, quia Isboseth rex frater ejus habet eam in sua potestate, ideo ejus consensu indigeo.

1 Reg. xviii, 27.

Misit ergo Isboseth, qui non audebat amplius contradicere regi David, *et tulit eam a viro suo Phaltiel filio Lais*, id est, ad virum illum misit epistolam seu legatos, jubens ut remitteret sibi sororem suam Michol. Verumtamen Phaltiel non fuit maritus verus atque legitimus hujus Michol, cujus verus maritus, videlicet David, vixit. *Sequebaturque eam vir suus Phaltiel, plorans usque Bahurim*, id est locum sic dictum. Posset quis æstimare quod ploravit, quia invite amisit tam nobilem mulierem ; sed (ut dictum est in expositione libri prioris) Phaltiel nunquam cognovit Michol, quia ipsa interim simulavit infirmitatem, et (ut alii dicunt) Phaltiel fuit legisperitus et timoratus, nec voluit alterius mariti uxorem cognoscere : ideoque libenter remisit eam, et flevit præ gaudio, quod interim Deo auxiliante ab ea continuavit se, et quia ad proprium revertebatur maritum. Porro quidam Hebræi dicunt, quod flevit, quia exercitium perfectionis a se recessit, quoniam magnæ perfectionis exercitium reputavit, tantam matronam, tanquam sororem secum tenere, et ab ea jugiter abstinere. Verumtamen potius reor, quod ex mœrore quodam ploravit, etiam dato quod eam libenter dimiserit, quemadmodum Rebecca non sine fletu separabatur a filio suo Jacob, quem tamen ad Mesopotamiam tendere persuasit. Naturale est equidem in separatione diligentium se

Ibid. xxv, 44.

Gen. xxvii, 43.

plorare, quamvis separatio secundum unam A considerationem sit placens. *Et dicit ad eum Abner : Vade, revertere. Qui reversus est.*

Sermonem quoque intulit Abner ad seniores Israel, id est tribum adhuc adhærentium Isboseth regi, quarum seniores convocavit, ut per eos persuaderet et aliis quod volebat, dicens : Tum heri quam nudiustertius, id est tempore non diu evoluti, et etiam tempore diu elapso, querebatis David ut regnaret super vos, defuncto Saule. Sciverunt enim David esse inunctum a Samuele et esse aptissimum ad regnandum, ipsumque Isboseth ad hoc prorsus ineptum. Unde elicitur, quod Abner ad tempus averterat eos a David. Nunc ergo facite David super vos præsidere, quoniam Dominus locutus est ad David per Prophetas, puta per Samuelem et Gad, dicens : In manu, id est per obsequium, potestatem et regnum servi mei David salvabo populum meum Israel de manu Philistinorum, qui tempore Saul ac David præ ceteris gentibus erant molesti filiis Israel, et omnium inimicorum ejus. Locutus est autem Abner etiam ad Benjamin, id est tribum Benjamin, quæ magis zelabat pro Isboseth, tanquam nato de sanguine suo, et jam diu pugnavit pro eo : et illi de Benjamin erant domestici Isboseth atque custodes capitis sui, et valde invite permiserunt regiam dignitatem transferri de tribu sua ad aliam tribum. Ideo diligentius erant monendi, ut acquiescerent promotioni David in regem super eos. Ecce quomodo omnipotens ac sapientissimus Deus, ex malis elicit bona : quia ex ira Abner, processit hoc bonum.

Venitque Abner ad David in Hebron cum viginti viris, certus de amicitia David, ideo paucos et honorabiles viros secum adduxit. Et fecit David Abner et viris suis qui venerant cum eo, convivium, id est, magnifice suscepit ipsum Abner, et solenne convivium exhibuit ei ac viris suis in signum amicitiae et confederationis. Et dixit Abner facto convivio ad David : Sur-

*gam, ut congregem ad te dominum meum regem universum * Israel, sicut expositum est, et incam tecum fœdus, id est, amicitiae pactum, quod feci tecum secrete, eorum omnibus renovem, quatenus secure subdant se tibi, et imperes omnibus, sicut desiderat anima tua. Per hoc non est intelligendum, quod David afficiebatur ambitiose ad dominandum, sed quod appetiit præesse utiliter atque pacifice, quarens bonum commune, non proprium et privatum.*

Quum ergo deduxisset David ipsum Abner, eundo eum Abner per spatium aliquantum propter reverentiam Abner, et ille issset in pace, statim pueri David, id est ministri et milites, bellatoresque ejus, et Joab venerunt caesis latronibus, qui terram Israel intraverunt, defuncto Saul, et duobus regibus contra se dimicantibus, cum præda magna nimis, quam extra terram Israel acceperunt, vel in terra Israel latronibus prædantibus abstulerunt. Abner autem non erat cum David in Hebron, quia jam dimiserat eum, et profectus fuerat in pace; et Joab et omnis exercitus qui erat cum eo, postea venerant. Nuntiatum est itaque ipsi Joab a narrantibus domesticis David : Venit Abner filius Ner ad regem, et dimisit eum, et abiit in pace. Et ingressus est Joab ad regem, et ait : Quid fecisti? quasi dicat, Incaute egisti. Ecce venit Abner ad te. Quare dimisisti eum, et abiit, et recessit? Ignoras Abner, id est, non attendis fraudulentiam hujus Abner, filium Ner, quoniam ad hoc venit ad te, ut deciperet te, et sciret exitum tuum et introitum tuum, et nosset omnia quæ agis, id est, ut consideraret qualiter sit dispositum tecum et in domo tua, sicque agnosceret qualiter possit te facilius superare? Unde Alexander Magnus sub habitu alieno intrauit pro tali causa palatium Darii regis, et alii plures fecerunt similia. Per hæc verba tentavit Joab mutare et inclinare cor David ad violandum initum fœdus cum Abner; sed David non credidit verbis Joab, quia et aliunde agnovit probitatem ipsius Abner atque versutias Joab.

I Reg. XVI,
13.

Egressus itaque Joab a David, quando A vidit se non posse persuadere regi quod voluit, ut Josephus ait, *misit nuntios post Abner, qui dixerunt, ex informatione Joab, quod David rex vellet adhuc conferre cum eo, et reduxit eum a cisterna Sira, quia juxta cisternam sic cognominatam, nuntii Joab invenerunt ipsum Abner, et ibi cœpit reverti, ignorante David. Quumque rediisset Abner in Hebron, id est, esset in via redeundi, seorsum adduxit eum Joab ad medium portæ, ut loqueretur ei in dolo, id est dolose. Joab enim occurrit ipsi Abner, quasi ex commissione regis habens secreta tractare cum ipso, et prætendebat vultum jucundum ac gratiosum ad Abner. Quamvis enim dispositio cordis et vehementia passionum animæ soleant apparere in vultu, Joab tamen ex sua calliditate sciuit in facie assumere apparatus dispositioni interiori contrarium: et in hoc quidam simulatores et callidi sequuntur callidum Joab. Et percussit eum ibi in inguine, id est, improvise et proditorie trusit pugionem in vitalia Abner, quem non audebat aggredi manifeste; nec Abner observavit se, eo quod confœderatus esset David regi et fautoribus ejus, nec putavit quod Joab violaret amicitiae pactum; et mortuus est in ultionem sanguinis Asael fratris ejus. Hoc Joab allegavit pro causa homicidii hujus; tamen ut Josephus, alique communiter dicunt, potius fecit istud ex ambitione atque invidia, quia ad principatum militiæ adspiravit, quem suspicabatur concedendum ipsi Abner a David, sicut et factum fuisset; et ex tali radice occidit etiam*

II Reg. xx,
10.

postea Amasam proprium consobrinum, ut infra habetur. Hinc Magister in historiis scribit: Verius est, quod Joab timuit ne Abner fieret secundus a rege. Nec propter interfectionem Asaelis habuit Joab justam causam adversus Abner, quoniam Abner occiderat Asaalem cum diligenti præadmonitione et ex necessitate defendendi propriam vitam, cum adhibitione inculpatæ cautelæ. Videtur quoque, quod Joab dimiserat ipsi Abner interfectionem fratris sui,

quando insonuit buccina, et dixit: Vivit Dominus, si locutus fuisses mane, etc. Quamvis forsan ex dolo tunc tacuit de interfectione fratris sui, ut postea eum ulcisceretur in Abner se non præcavente: juxta quem modum Absalon nihil locutus fuit ad Amnon de violatione suæ sororis. Alii tamen opinantur, quod Joab adhuc non sciuit fratrem suum esse occisum, quando præacta verba dixit ad Abner. Et quamvis Abner peccasset fratrem Joab occidendo in prælio, hoc tamen debuit esse sopitum B atque indultum, per amicitiae pactionem inter David et Abner contractam.

Quod quum audisset David rem jam gestam, videlicet Abner sic esse occisum, ait: Mundus, id est innocens, ego sum et regnum meum, id est successio mea regnatura, seu populus regni mei, vel regia mea auctoritas, aut regnatio et præsidentia mea, apud Deum in sempiternum a sanguine, id est a crimine quo effusus est sanguis, Abner filii Ner; et veniat super caput Joab, id est, juste ac debite puniatur pro tanto facinore: quemadmodum postea factum est, quoniam Salomon ex commissione David jussit ipsum Joab occidi; et super omnem domum patris ejus, id est super ejus cognatos, qui ei consenserunt, aut aliquo modo communicaverunt in crimine isto: nec deficiat de domo, id est posteritate, Joab, fluxum seminis sustinens, hoc est seminifluus, etiam ultra quam passio talis naturaliter solet accidere, et leprosus, et tenens fusum, id est debilis viribus. Unde (ut fertur) Hebræi dicunt,

C *Tenens apodiamentum. Quidam per tenentem fusum, intelligunt effeminatum et eviratum. Nonnulli per leprosum et tenentem fusum, intelligunt idem, videlicet virum lepra infectum, atque in manu tenentem fusum, hoc est breve ventilabrum, quod de foliis fit palmarum, et inter digitos volvitur instar fusi. Vel, fusum, id est ligneum instrumentum cum duabus pluribusve tabellis, quas concutit leprosus, quando mendeat. Et cadens gladio, id est stragem in prælio patiens, et indigens pane, id est*

II Reg. ii,
27, 28.

Ibid. xiii,
22.

III Reg. ii,
6, 29-34.

necessariis vitæ. Præterea Josephus refert, quod David se excusando, tetendit manum in cælum quasi jurans, quod eo in scio Abner esset occisus. Maledixit quoque David hoc modo Joab et suis, imprecando eis tot mala pœnæ ex zelo justitiæ, non ex vituperabili passione.

Sed merito quæritur, cur et posteris Joab sic maledixit, qui nequaquam rei fuerunt criminis hujus. Quumque pœna debeatur culpæ, videtur fecisse injuste, imprecando tot pœnas innocentibus, saltem ab isto excessu. Respondetur, quod quum proles sit aliquid suorum parentum, quantum ad corpus quod ab illis contraxit, non quantum ad animam quæ tota ab extra est per creationem; ideo proles quandoque pro parentum peccatis punitur in corporalibus per mala pœnalia, sicque parentes puniuntur in sobole sicut in re sua, quemadmodum etiam pro crimine læsæ majestatis, filii hereditate privantur ac patria. Sic quoque aliqui Sancti in novo Testamento leguntur mala pœnalia imprecati, non solum auctoribus criminis, sed et posteritati eorum, quemadmodum S. Remigius dixit de his qui sua blada incenderant: Qui hoc fecerunt et posteri eorum viri, in genitalibus erunt rupti, feminae gutturosæ. Insuper dici potest, quod sanctus David hæc dixit per modum prænuntiationis propheticæ, ad designationem et commendationem longævam divinæ justitiæ, juxta quem modum locutus est in psalmis multa similia.

Itaque imprecatus est illis quinque mala, si leprosus et tenens fusum, pro diversis sumantur; quæ si pro eodem accipiantur, imprecatus est eis quatuor mala. Quinque mala fuerunt, fluxus seminis, lepra, effeminatio, gladius, mendicitas. Porro fluxus seminis et lepra, fuerunt immunditiæ le-
Lev. xv, 2;
Num. v, 2;
Lev. xiii.
Deut. xv, 4. gales. Mendicitas quoque multum a Judæis abhorrebatur, eo quod in Deuteronomio scriptum sit: Omnino indigens et mendicus non erit inter vos. Imo omnia ista erant contraria terrenæ prosperitati, quæ promittebatur in lege.

Igitur Joab et Abisai frater ejus inter-

A fecerunt Abner, eo quod occidisset fratrem eorum in Gabaon, id est juxta Gabaon in campo, in prælio. Videtur Josephus velle, quod ipso Joab loquente cum Abner in dolo, Abisai occiderit eum; sed potius tenendum videtur, quod Joab propria manu hoc fecerit, sicut et textus aperte jam reicitavit: et si Abisai hoc fecisset, David maledixisset ei sicut et ipsi Joab. Infra quoque habetur, quod David in extremis agens, filio suo Salomoni præcepit, ut mortem Abner vindicaret in Joab: quod si Abisai occidisset hunc Abner, David non dimisisset eum innoxium. Abisai etiam fuit tam audax et fortis, quod bene ausus fuisset aperte invadere Abner; nec erat ita callidus ac dolosus ut Joab. Cur ergo Joab et Abisai dicuntur occidisse Abner? nisi quia Joab id egit, et Abisai consentiens adstitit, et paratus erat juvare, si necessarium esse vidisset.

Dixit autem David ad Joab, et ad omnem populum qui erat cum eo, qui consensisse videntur ipsi Joab in hoc facto: Scindite vestimenta vestra in signum mœroris. Quod vero in Joële habetur, Scindite corda vestra, et non vestimenta vestra, intelligitur de seissione curiositatis ac superstitionis. *Et accingimini saccis, in signum doloris et pœnitentiæ de vestris sceleribus, quemadmodum in Jona fertur de Ninivitis: Operti sunt saccis a majore usque ad minorem; et potest per saccum intelligi vestis grossa et dura, quasi facta de panno, de quo sacci fieri solent. Et plangite ante exsequias Abner.* Exsequiæ appellantur planctus sive officium pro defuncto. Porro rex David sequebatur fœretum, id est lectum seu loculum in quo jacuit corpus exanime, et deferebatur ad monumentum.

Quumque sepelissent Abner in Hebron, levavit rex David vocem suam, et flevit, ita quod præ cordis dolore erupit in singultum et lugubrem vocem, super tumultum Abner. Flevit autem et omnis populus, præsertim qui non erat de parte Joab. Joab vero et sui non fleverunt multum ex corde,

III Reg. ii, 5, 6.

Joel ii, 13.

Jonæ iii, 5.

ut creditur. *Plangensque rex et lugens* A ipsum Abner, ait : *Nequaquam ut solent mori ignavi, mortuus est Abner*, id est, non ita occubuit Abner, ut cadere solent negligentes et formidolosi in praeliis, qui videntes hostem super se venientem, stant velut effeminati, non audentes viriliter reluctari : et ita non accidit huic Abner, qui improvise occisus fuit. *Manus tuæ non sunt ligatæ, et pedes tui non sunt compedibus*, id est catenis, *aggravati* : hoc est, non es ligatus jure praelii, nec captus aut vinctus occisusve viribus ; *sed dolose, sicut* B *solent cadere coram filiis iniquitatis, sic corruisti*, id est, ita occisus es fraudulenter, injuste ac turpiter, sicut viri boni ac strenni solent interfici ab iniquis et fraudulentis, qui violant pactum pacis, et quos non audent aperte invadere, student sub specie amicitiae clam necare. *Congeminansque omnis populus*, id est, planetum, singulumque duplicans ac resumens, *flevit super eum*. Nempe ex verbis regis tam dolorosis et affectuosis, atque ex planetu ejus tam cordiali et copioso, mota fuerunt eorum corda vehementer ad fletum ; et quia recordabantur probitatum ac fortitudinum tanti viri, qui taliter corruit, et tanta bona frequenter fecit pro populo tempore Saul.

Quumque venisset universa multitudo cibum capere cum David clara adhuc die, ipso Abner sepulto, *juravit David, dicens : Hæc faciat mihi Deus, et hæc addat*, id est, quacumque gravi aut graviori afflictione me puniat : et istud fuit juramentum per execrationem, qua aliquis sibi ipsi imprecatur malum poenæ, si aliter egerit aut fuerit quam jurat, juxta quem modum ait Apostolus : Ego testem invoco Deum in animam meam, etc. ; *si ante occasum solis gustavero panem*, id est cibum, *vel aliud quidquam*. Circa quod aliqui scribunt : Ex hoc sumitur argumentum, quod jejunium solvitur etiam potu, si ultra necessitatem sumatur. Itaque istud juravit rex, quatenus interiorem suam tristitiam designaret exterioris jejunii inedia et labore, sieque

innocentia sua de occisione Abner cunctis innotesceret certius. *Omnisque populus* ibi existens, *audivit* verba regis, absentes quoque postea audierunt ex relatione presentium ; *et placuerunt eis cuncta quæ fecit rex in conspectu totius populi*, ad demonstrationem innocentiae suæ, et ad ostendendum suam caritatem ad Abner, atque dolorem suum de illius interitu ; itemque ad declarandum indignationem et iram suam per zelum contra Joab et suos. Præterea talis ac tanta expurgatio ipsius David, fuit necessaria ad tollendum omnem sinistram plebis suspicionem, quia faciliter ac verisimiliter poterat aestimari a multis, quod ex commissione aut consensu David fuisset Abner occisus, quia jam ante restiterat regi David, et a filio sororis regis fuit occisus. Gaudebat quoque populus de expurgatione tam copiosa et innocentia David, quia ex hoc libentius acceperunt eum in regem, et securius adhæserunt ei, tanquam vere justo et digno regia potestate, et quia dilexerant ipsum Abner. C Si autem habuissent regem suspectum de amicitiae violatione et homicidio tam injusto, non immerito exhorruissent ejus dominium. *Et cognovit omne vulgus et universus Israel in die illa, quoniam non actum fuisset a rege, ut occideretur Abner filius Ner*.

Dixit quoque rex ad servos suos : Num ignoratis, id est, ignorare non debetis, *quoniam princeps et maximus*, id est ipse Abner qui fuit princeps militiæ Saulis et filii ejus, atque secundus post regem, vir utique valde magnus prudentia, strennitate ac virtutibus ad bellatorem tantum spectantibus, *cecidit hodie in Israel*, id est in terra et populo Israelitico ? ideo valde dolendum est. *Ego autem adhuc delicatus sum et unctus rex*, id est, adhuc sum noviter constitutus et non bene firmatus in regno, quia nondum habeo totum populum Israel mihi subjectum, sed tribum Judamtaxat, nec scio dispositionem atque negotia regni tam perfecte ut noverat Abner, qui tot annis fuit ea expertus, ideo ejus

consilio et auxilio præcipue indigebam. Pro delicato, in Hebræo habetur (ut fertur) tener, et sensus redit in idem. Nam sicut planta recenter terræ inserta, indiget nutrimento; sic David noviter regnare incipiens, indigne subsidio Abner, qui poterat totum populum ad David reducere. Porro *viri isti filii Sarviæ duri sunt mihi*, id est, frequenter me gravant et parum me curant, dum aliter eis videtur, et magnum damnum mihi jam intulerunt, privando me tanti viri auxilio. *Retribuat Dominus facienti malum juxta malitiam suam*, id est, juste ac debite puniat transgressores, præsertim in vita hæc, ne pereant in æternum. Divina namque justitia nullum malum deserit impunitum, juxta illud in Job:

Job xxiv, 12.

Deus inultum abire non patitur. Nam et qui pœnitent, puniunt semetipsos suo pœnitentialem dolore ac operis satisfactione, sicque Deus punit eos per se ipsos, dando

A eis gratiam, qua sic sponte se puniunt, aut puniri faciunt seu permittunt.

Hæc verba protulit David zelo justitiæ contra Joab et suos, quasi dicat: Quamvis ego pro nunc non valeam eos punire sicut promeruerunt, quia potentes sunt, et multam ac magnam adsistentiam habent, et novus sum rex, unam tantummodo tribum habens mihi subjectam, tamen eorum punitionem divinæ committo justitiæ, et tempori opportuniori reservo. Unde et punitionem Joab, quoniam sceleratior erat in crimine isto, postea Salomoni commisit rex David: sicque ex his patet solutio quaestionis qua quaeritur, cur David statim non punivit Joab et fratrem ejus, quemadmodum paulo post punivit eos qui ipsum Isboseth peremerunt. Hinc (ut asserit Rabbi Paulus) in Hebræo habetur, Filii Sarviæ duriores me sunt: hoc est dicere, non possum in eis justitiam exercere pro nunc.

III Reg. ii, 5, 6.

II Reg. iv, 12.

ARTICULUS VI

DE MYSTICA EXPOSITIONE HUIUS CAPITULI TERTII.

PER domum Saul, civitas Babylonica, id est ecclesia malignantium, regnum mundi, societas impiorum significatur. Per domum David, civitas Dei, Ecclesia electorum, congregatioque justorum exprimitur. Inter has domos est longa ac jugis concertatio, quia iniqui ac reprobi persequuntur electos et justos. Sed David quotidie proficit, et semper se ipso robustior redditur: quia electi et virtuosus praelati quotidie prosperantur in donis gratiæ ad salutem æternam, et per incrementa virtutum magis ac magis confortantur in Domino. Allegorice quoque Christus in exordio militantis Ecclesiæ profecit quotidie, quando assidue multi de Synagoga, et innumerabiles de gentilitate ad ipsum convertebantur: et tunc domus Saul decrescebat quotidie, quia

de societate carnalium mundanorumque hominum, plurimi confugerunt ad Ecclesiæ gremium. Porro per filios David natos in Hebron ex diversis uxoribus, intelliguntur fideles quamplurimi, qui ex particularibus Ecclesiis et gratia Christi nascuntur, dum in variis locis ex aqua et Spiritu Sancto regenerantur per officia sacerdotum: omnes tamen in universali Ecclesia, quæ per Hebron accipitur, perseverant, quoniam extra Ecclesiam universalem nulli est salus.

Joann. iii, 5.

Abner autem regbat domum Saul. Per Abner, qui interpretatur, lucerna patris, designantur prudentes sæculi, in quibus est philosophica et mundana scientia, per quam regunt filios et magnates sæculi hujus. Sed tales prudentes concupiscentiis

Prov. v, 6;
vii, 10, 12.

carnis deservientes, objecta quærent deliciarum suarum, et Respham concubinam Saul cognoscunt. Respha enim, currens aut velox interpretatur : per quam quæcumque mulier lasciva et inquieta exprimitur, cujus gressus sunt vagi et investigabiles, et nunc foris, nunc domi, nunc in plateis apparet parata ad animas capiendas. Propter hujusmodi feminas frequenter dissensio oritur inter carnales et potentes in sæculo. Sicque interdum contingit, ut vir naturali scientia præditus, atque in mundo expertus, consideret vanitatem et vilitatem, imo et perversitatem mundanæ et carnalis conversationis, et quam miserum sit sæculo deservire : ideo proponit ad Christum converti, imo et alios secum ad ipsum reducere, cui Christus remandat : *Non videbis faciem meam, nisi adduxeris mihi Michol conjugem meam*, id est, animas quas a spirituali meo connubio avertisti, eas trahendo ad vitia, studueris rursus mihi unire, et spiritualia damna recuperare. Quam quum Abner reducit ad Christum, amator carnalis contristatur et luget. Deinde vir talis rationabili persuasionem inducet homines sæculares ad Christi obsequium, cui in Baptismo incorporati fuerunt, quamvis postea eo relicto, per varia vitia sint fornicati et aversi a Deo suo.

Joann. vi,
41.

Ibid. 58.

Sicque *Abner cum viginti viris*, id est cum adjutoribus et cooperantibus suis, Christo reconciliatur, et venit ad ipsum per satisfactionem condignam, ac pie a Christo suscipitur, imo solenniter : quia qui alios quoque convertunt, acceptissimi Deo sunt, quibus et in præsentī vita facit convivium, et cœnat cum eis, reficiens eos pane supersubstantiali ac sacramentali (qui est Christus, de se ipso protestans : Ego sum panis vivus, qui de cœlo descendi. Itemque : Qui manducat me, et ipse vivet propter me), pane consolationis internæ, refectione dulcis orationis, cibo salutaris doctrinæ, esca contemplationis supernæ, confortatione bonæ operationis et virtutum profectibus : quibus omnibus veri fideles salubriter reficiuntur, sicque ad tri-

umphantis Ecclesiæ beatificam alimoniam perducuntur. Quumque boni prælati et prædicatores idonei fuerint sic refectioni et confortati, amplius inardescunt ad aliorum conversionem et honorificentiam Salvatoris, quatenus ipse in omnibus regnet per caritatem et obedientiam sanctam, et dicit unusquisque eorum : *Surgam a quiete contemplationis, ut prædicationis obsequio, vitæ exemplo, et orationis suffragio, congregem ad te dominum meum regem omnem Israel*, id est Christianos per vitiorum devia hinc inde dispersos, et imperes omnibus per fidem et dilectionem, sicut desiderat anima tua. Anima etenim Christi, omnium cupit salutem : ideo optat ut omnes sibi obediant, quia nemo venit ad Patrem nisi per ipsum ; idque desiderat non propter commodum suum, quia bonorum nostrorum non eget, sed propter nostram salvationem ad Dei Patris honorem. *Quum ergo deduxisset David Abner*. Christus namque electos suos gratiose ducit per semitas æquitatis, et pergit cum eis, juxta illud Sapientiae : Justum deduxit Dominus per vias rectas. Specialiter quoque adest eis, et comes eorum est, qui ex caritatis fervore gradiuntur ad aliorum conversionem.

Joann. xiv,
6.

Ps. xv, 2.

Sap. x, 10.

Nuntiatum est itaque Joab. Per Joab et pueros ejus accipiuntur hoc loco iniqui ministri prælatorum Ecclesiæ, qui cæsis latronibus, cum grandi valde veniunt præda : quoniam puniunt reos, non ex sincero justitiæ zelo, sed cupiditatis affectu, ut propria commoda consequantur, propter quod spoliant subditos. Hi superioribus indignantur, dum viros vere justos assumunt, promovent, atque ad aliorum conversionem et regimen dirigunt. Ideo talibus obloquuntur, et facta eorum ac studia interpretantur in pejus, et perecutiunt eos in inguine, id est, carnalitatis vitia eis imponunt, vel ad ea ipsos pertrahere moluntur, formidantes, ne ad ecclesiasticas dignitates promoveantur, et sibi præficiantur. Unde ex ambitione et odio ipsos infestant, et interdum occidunt affectu aut opere. Ad

multa quippe et maxima scelera trahit de-
testanda et infelix ambitio, facitque homi-
nem jugiter ad se ipsum inordinate re-
flexum, vanis suspicionibus, mordacibus
rancoribus, et nonnunquam desiderio mor-
tis ejus, a quo metuit præveniri ac vinci,
repletum. Efficit quoque hominem simula-
torem, blandum, callidum, et variis pra-
cticeis occupatum, apparenter amicum, et
vere hostem, duplicem et bilinguem, ita
ut blandiatur in publico, et noceat in se-

Ps. xxvii, 3.

creto, quemadmodum ait Psalmista : Qui
loquuntur pacem cum proximo suo, mala
autem in cordibus eorum. O quam multi
sequuntur in his callidum illum ambitio-
sumque Joab, quibus graves sunt ad vi-
dendum hi, a quibus putant humiliari, at-
que a desideratis promotionibus impediri,
aut a stationibus suis expelli !

Propterea Dominus ac Salvator et veri
ejus vicarii, justī ac sapientes, talibus im-
precantur vel magis prædicunt hæc mala :
videlicet seminis fluxum, ut scilicet per
verba quibus defluunt, nihil proficiant con-
tra justos ; et lepram, id est infectivam
doctrinam ; effeminationem quoque et de-
jectionem in bello tentationum, in quibus
succumbunt ; et divinorum privationem
charismatum. Tales enim iniqui incidunt
omnia mala ista, quia inutiliter fabulantur,
aliosque inficiunt pravitatis suæ exemplis
ac informationibus venenosis, carnalibus
quoque concupiscentiis effeminantur, et
dum a mundo vel diabolo impugnantur,
statim vincuntur. Ideo inopes sunt, gratia
ac virtutibus destituti. Quæ omnia etiam
eorum filiis, id est imitatoribus, discipu-
lisque proveniunt : quia si cæcus cæco

Matth. xv,
14.

A ducatum exhibeat, simul cadunt in lacum.
Veruntamen pius Dominus ipsos ad pœni-
tentiam cohortatur : *Scindite*, inquit,
vestimenta vestra, id est, prava opera dissi-
pate, corpora vestra per flagella disciplinæ
corrigite, *et accingimini saccis*, id est pœ-
nitentiæ vestibus, *et plangite ante erse-*
quias Abner, id est deplorate spiritualem
eorum interitum, quos scandalizando tra-
xistis ad vitia, et injurias quas proximis
irrogastis, deflete.

Porro rex David sequebatur feretrum.

B Per hoc insinuatur, quod bonus pastor de-
bet esse officiosus circa defunctos, et eo-
rum mortem ac culpas deflere. Quemad-
modum etiam David commendavit Abner
sepultum, sic virtuosī prælati consueve-
runt recommendationem facere post sepul-
turam subditorum suorum, quos bene mi-
grasse confidunt ; ita quod *manus* illorum
non sunt ligatæ, id est, operationes ipso-
rum non sunt vinculis vitiorum constrictæ
ac impeditæ a regni cœlestis ingressione,
nec *pedes* eorum *sunt compedibus aggra-*
vati, id est, affectus ipsorum non sunt
terrena cupiditate aut carnali fœditate de-
pressi, sed caritativi ac liberi, ad cœlestia
elevantes. Postremo, per Joab qui ipsum
Abner occidit, potest designari diabolus,
qui prædicatores bonos conatur subverte-
re, et concupiscentiarum mucrone trans-
fodere, atque ab aliorum conversione pe-
nitentis impedire.

Discamus ergo ex isto capitulo omnem
ambitionem odire, omnem simulationem
fraudentiamque vitare, nec injuriari cui-
quam, sed esse sinceri ac recti in om-
nibus.

ARTICULUS VII

EXPOSITIO CAPITULI QUARTI : AUDIVIT AUTEM ISBOSETH FILIUS SAUL.

RECITATA occisione ipsius Abner principis militiæ Isboseth, hic narratur qualiter Isboseth sit occisus. *Audivit autem Isboseth filius Saul, quod cecidisset Abner in Hebron, et dissolutæ sunt manus, id est vires ejus : quia rumore illo audito expavit, nec habuit confidentiam prævalendi adversus David, timuitque de periculo proprio, et forsân putavit quod de consensu regis David esset Abner occisus ; omnisque Israel perturbatus est, id est, tribus quæ hucusque obedierunt ipsi Isboseth et Abner principi ejus, obstupuerunt de morte Abner.*

Duo autem viri principes latronum erant filio Saul : id est, ipse Isboseth filius Saulis habuit principes duos, quos (ut in libro de Hebraicis quæstionibus fertur) constituit principes seu exercitus seu turbarum sibi adhuc obedientium : unde in Hebræo habetur, ut dicitur, Principes turmarum. Potius tamen reor, verbum illud Hebræum esse æquivocum ad utrumque. Porro aliqui dicunt, quod erant principes quorundam prædantium alios, in quorum deprædatione quandoque latrocinia accidunt, propter quod latrones vocantur. Nomen uni Baana, et nomen alteri Rechab, filii Remmon Berothitæ de filiis Benjamin, id est viri sic dicti, qui erat de urbe nomine Beroth ad tribum Benjamin pertinente. Ideo subditur : Siquidem etiam Beroth reputata est in Benjamin. Et fugerunt Berothitæ in Gethaim. Hoc quidam exponunt sic, quod prædicti duo principes nati ex Beroth, voluerunt occidere Isboseth regem, et propositum suum insinuaverunt Miphiboseth filio Jonathæ, asserentes quod facerent eum regem, eo quod esset filius primogeniti Saulis : quibus non acquievit Miphibo-

seth, et patruum suum Isboseth præmonuit de hoc. Quo cognito, principes isti fugerunt in oppidum Gethaim, fueruntque ibi advenæ usque ad tempus illud, quo scilicet redierunt secrete ad interficiendum Isboseth. Alii sic exponunt, quod Beroth fuit urbs Philistæis propinqua : ideo Saul occiso, Berothitæ fugerunt ab urbe sua in Gethaim.

Erat autem Jonathæ filio Saul, filius debilis pedibus, id est claudus, non a natiuitate, sed ex diffortunio casus. Quinquennis enim fuit, quando venit nuntius de Saul et Jonatha ex Jezrael. Tollens itaque eum nutrix sua, fugit ; quumque festinaret ut fugeret, cecidit, et claudus effectus est ; habuitque vocabulum Miphiboseth.

Venientes ergo filii Remmon Berothitæ, utpote duo principes illi, Rechab et Baana, ingressi sunt fervente die domum Isboseth. Qui dormiebat super stratum suum meridie, et ostiaria domus purgans triticum, obdormivit. Ingressi sunt autem domum latenter, assumentes spicas tritici, ad præsentandum eas Isboseth regi, tanquam primitias, quasi ad honorandum eum ut regem, ne dolus eorum perciperetur ; vel, ut alii dicunt, intraverunt sub specie mercatorum, velut volentes emere triticum : et percusserunt eum in inguine Rechab et Baana frater ejus, ipsum videlicet Isboseth, dormientem super lectum suum meridie, ut solet fieri in æstate, et fugerunt. Quum autem ingressi fuissent domum, ille dormiebat super lectum suum in conclavi, et percutientes interfecerunt eum. Sublatoque capite ejus, quod præciderunt eo jam mortuo, abierunt per viam deserti tota nocte illa, et attulerunt caput Isboseth ad David in Hebron, ad compla-

endum regi, eo quod ejus adversarium A occidissent, et ut consequerentur ab eo promotionem ac munera. *Dixeruntque ad regem : Ecce caput Isboseth filii Saul inimici tui, qui querebat animam tuam. Et dedit Dominus domino nostra regi ultionem hodie de Saul et de semine ejus.*

Respondens autem David Rechab et Baana fratri ejus, filiis Remmon Berathita, dixit ad eos : Viri Dominus qui eruit animam meam de omni angustia, id est de afflictionibus quas sub Saul sustinui,

1 Reg. 1, 3-16.

*quoniam cum qui annuntiaverat mihi et dixerat, Mortuus est Saul, qui putabat se prospera nuntiare, tenui, et occidi eum in Siceleg, ut patuit supra : non tamen pro sola illa denuntiatione, sed quia asseruit se occidisse Saulem ; cui oportebat me dare mercedem, id est justam retributionem, pro nuntio, id est ambasiata seu rumore, quo retulit se christum Domini interfecisse : quanto magis nunc quum viri impii interfecerunt virum innoxium in domo sua super lectum suum ac dormientem, videlicet ipsum Isboseth, qui vocatur innoxius, non quod fuerit penitus innocens, sed quia non meruit ab illis ita occidi : quorum homicidium gravabatur ex hoc, quod tam fraudulenter atque crudeliter peremerunt filium regis in somno, ac propria domo ; nunc quæram * sanguinem ejus de manu vestra, hoc est, debitam ultionem a vobis exquiram, et vobis infligam, pro tam injusta sanguinis illius effusione, et auferam vos de terra ?*

* non quæram

Præcepit itaque David pueris, id est ministris, et interfecerunt eos. Præcidentes-

que pueri David manus et pedes eorum, suspenderunt eos super piscinam in Hebron. Hæc omnia fecit David ex debito sui officii ac zelo justitiæ, atque ut universo Israelitico populo constaret, certissime se esse immunem ab interfectione ipsius Isboseth. Caput autem Isboseth tulerunt, hoc est, servi David acceperunt, portaverunt, et sepelierunt in sepulcro Abner in Hebron : quia non potuerunt illud ibidem cum honorabiliori mortuo sepelire.

Juxta intelligentiam spirituales, per Isboseth intelliguntur desides et carnales, qui dum corporali repausationi superflue vacant, a principibus latronum, hoc est malignis spiritibus, superantur, præsertim dum ostiaria domus obdormit, hoc est, ratio, ejus est domum animæ custodire, et januam oris gubernare, per negligentiam suæ torporem, a vigilantia sollicitudinis bonæ cessat. Possunt quoque per principes istos latronum, concupiscentia gulæ et libido luxuriæ designari : quæ in animabus plurimorum, ea quæ carnis sunt amantium, exercent latrocinia sua, assumentes secum tritici spicas, id est præcipua quæque edulia oblectantia gustum, et sub specie boni ingrediuntur, quia delectant. Quæ etiam præcidunt Isboseth caput, quoniam rationem obtenebrant vehementer, juxta illud Osee : Fornicatio et ebrietas et vinum auferunt cor. Insuper, maligni spiritus eum quem ita devicerint, præsentant judici Christo, tanquam juste damnandum, et adversarium Dei ; sed quoniam prava intentione egerunt hoc, damnationis augmentum recipere promerentur.

Sensus spiritualis.

Osee IV, 11.

ARTICULUS VIII

ENARRATIO LITTERALIS CAPITULI QUINTI : ET VENERUNT UNIVERSE TRIBUS ISRAEL AD DAVID.

QUALITER David constitutus sit rex super totam Israeliticam plebem, et qualiter obtinuerit urbem Jerusalem, ac

Philistæos devicerit, præsens describit capitulum. *Et venerunt universæ tribus Israel, hoc est quidam principales de singulis*

tribubus, super quas hucusque nondum A regnauerat, *ad David in Hebron, dicentes: Ecce nos, os tuum et caro tua sumus, id est propinqui tibi secundum carnem, quia ex semine Abraham, Isaac et Jacob, sicut et tu, ideo non suspiceris malum de nobis. Sed et heri et nudiustertius, hoc est prae- teritis et non diu elapsis diebus, quum es- set Saul rex super nos, tu eras educens et reducens Israel, hoc est dux populi prae- liantis: ut patuit primo libro, quo inter cetera dictum est, quod Saul constituit Da- vid super viros belli. Dixit autem Domi- nus ad te per Samuelem aliosve Prophe- tas, et per inspirationem ac allocutionem internam: Tu pascas populum meum Is- rael, id est, per sapientiam et doctrinam tuam reges atque reficies Israeliticum popu- lum, et tu eris dux, hoc est ductor et rex, super Israel: sicque dux sumitur hic exten- se, prout regem includit. Venerunt quoque et seniores Israel ad regem in Hebron. Et percussit cum eis rex David foedus in He- bron coram Domino, hoc est, amicitiae pa- ctum cum eis iniit ac firmavit. Nam paulo ante contra se invicem pugnaverunt, ideo primo reconciliabantur. Unxeruntque Da- vid regem super Israel, id est super totum Israeliticum populum. Fiebatque unctio il- la per manum pontificis aut Prophetæ.*

I Reg. xviii,
5.

II Reg. ii,
17 et seq.

Filius triginta annorum, id est triginta annos ætatis habens, erat David quum re- gnare coepisset: quæ ætas apta est ad præsi- dendum. In Hebron regnavit super Judam septem annis, et sex mensibus. In Jerusa- lem autem regnavit triginta tribus annis super omnem Israel et Judam. Et abiit rex, et omnes viri qui erant cum eo in Je- rusalem, hoc est usque ad mœnia civita- tis, quam primo obsedit, quia erat præci- pua, quatenus ea capta, amplius timeretur. Vel, eam partem civitatis obsedit, in qua Jebusæi manebant, videlicet arcem; et item quoniam plures alieni ac infideles habita- bant ibidem, quos volebat fugare. Et rur- sus, quoniam ex revelatione divina cogno- vit civitatem illam esse electam a Deo, pro loco cultus divini, et templi ædificandi in

ea, ac sacrificiorum: ideo tanquam vere devotus, et lumine prophetiæ edoctus, vo- luit commorari in ea. Itaque ivit ad civita- tem Jerusalem, *ad Jebusarum habitatorem terræ, id est ad impugnandum Jebusæos in Jerusalem commorantes, quos tempore Josue non potuerunt filii Juda a Jerusalem extirpare, juxta illud Josue: Jebusæum habitatorem Jerusalem non potuerunt filii Juda delere. Habitavitque Jebusæus cum filiis Juda in Jerusalem. Denique tempore procedente, fuerunt Jebusæi rursus in Je- rusalem valde multiplicati. Unde ut in li- bro Judicum legitur, puer Levitæ dixit ad dominum suum: Declinemus in urbem Je- busæorum. Cui respondit Levites: Non in- grediar oppidum gentis alienæ.*

Josue xv,
63.

Judic. xix,
11, 12.

Dictumque est ad David ab eis, id est, Jebusæi dixerunt ad David: Non ingredi- eris huc, nisi abstuleris cæcos et claudos, dicentes: Non ingreditur David huc. Hoc Magister in historiis compendiose exponit tripliciter: Posuerunt, inquit, Jebusæi cæcos et claudos supra murum Jerusalem in derisionem David, dicentes: Non intrabis huc, nisi abstuleris cæcos et claudos; quasi dicerent, Tam fortis est civitas, quod for- tium auxilio non egemus. Alii dicunt eos posuisse imagines supra murum, quas di- xerunt cæcos et claudos, id est nihil agen- tes: quasi dicerent, Etiam nobis nihil agentibus, intrare non potes. Vel se ipsos dixerunt cæcos et claudos, eo quod David reputavit eos debiles, et claudis ac cæcis consimiles. Hæc ibidem.

Insuper circa hæc scribit Lyra: Dicunt doctores catholici communiter, quod Jebu- sæi illi in fortitudine murorum suorum confidentes, posuerunt aliquos cæcos et claudos ad propugnacula in contemptum exercitus David: quasi dicerent, Tales suf- ficerent ad defendendum fortalitium no- strum. Juxta quem modum in Ezechiele le- guntur Pigmæi pharetras suas suspendisse in muris Tyri ad ostentationem fortitudinis loci: quasi dicerent, Tales sufficerent ad defensionem turrium ac murorum. Rabbi Salomon dicit, quod isti cæci et claudi,

Ezech.
xxvii, 11.

erant duæ imagines : una representans ipsum Isaac, qui ante finem vitæ fuit cæcus, alia ipsum Jacob, qui ex lucta cum angelo claudicavit. Et addit, quod Jebusæi isti descenderunt de Abimelech rege Palæstinorum, cum quo Abraham iniit fœdus pacis et juramentum, ut legitur in Genesi. Itaque posteri hujus Abimelech, scilicet Jebusæi isti, videntes filios Abraham multiplicari, timuerunt ne postea impugnarentur ab ipsis : ideo in superiori parte fortalitii sui posuerunt prædictas duas imagines in signum pacti præfati, et in ore cujuslibet imaginis erat scriptum Abraham juramentum : quasi dicerent, Posterii Abraham non possunt hunc locum invadere. Et secundum hoc dicuntur istæ imagines, odientes animam David, quoniam representabant eum esse transgressorem juramenti Abraham, et per consequens odibilem Isaac et Jacob, quorum erant imagines. Sed David licite impugnavit fortalitium illud, quoniam juramentum Abraham non fuit ad semper, sed ad tempus determinatum, quod tempore Josue nondum effluerat, sed tempore David fuit finitum.

Verum contra hæc scribit Rabbi Paulus, dicendo quod ista positio videtur præsupponere aliqua falsa, et etiam quædam incerta. Præsupponit enim, quod Jebusæi descenderunt de Abimelech, cum quo Abraham iniit fœdus, qui fuit rex Palæstinorum. Philistæi autem descenderunt a Mesraim secundo filio Cham filii Noe, ut patet in Genesi. Jebusæi vero descenderunt a Chanaan quarto filio Cham, ut patet ibidem. Præsupponit quoque, quod posteri Abraham non poterant invadere Jerusalem ratione juramenti prædicti : quod falsum est. Nam in prætaeto fœdere cum Abimelech inito, quamvis Abraham juravit non nocere Abimelech nec posteris ejus, non tamen juravit quod posteritas sua non noceret posteritati illius, ut patet intuitu formam illius juramenti. Insuper Abimelech confœderavit se cum Isaac filio Abraham : quod non oportuit, si Abraham juravit etiam pro sua posteritate. Sicque dato quod

A Jebusæi descendissent de Abimelech, nihilominus potuissent eos filii Israel impugnasse. Præsupponit quoque, quod juramentum Abraham duravit ad certum tempus, quod tempore Josue nondum effluxit, sed tempore David : quod nullum fundamentum videtur in Scripturis habere. Propter quod de tali expositione non videtur mentio facienda. Expositio autem doctorum catholicorum est satis applicabilis litteræ. — Est tamen et alius modus dicendi, qui litteræ forsitan magis proprie adaptatur, videlicet quod cæci illi et claudi fuerunt simulacra deorum Jebusæorum posita in summitate fortalitorum suorum : qui Jebusæi deos suos appellabant cæcos et claudos, secundum sentire David, qui deos illos improperando, dicebat : Oculos habent, et non videbunt : aures habent, et non audient ; pedes habent, et non ambulabunt. Ideirco credentes, quod David non sustineret in regia urbe illa hujusmodi deos, excusabant se a receptione ipsius, dicendo : Non ingredieris huc nisi abstuleris cæcos et claudos. Quasi dicerent : Scimus quod si possideres hunc locum, auferres deos nostros, quos putas cæcos et claudos : quod nullatenus permittemus. Unde oportet, quod per potentiam auferas eos, si vales, quia non eos tibi trademus. Unde David de hoc indignatus, postquam cepit arcem Sion potenter, posuit præmium facientibus tria in debellatione Jebusæorum. Primo, illi qui percussisset Jebusæum : quod fuit contra personas eorum. Secundo, illi qui tetigisset domorum fistulas, et hoc contra sustentationes eorum. Jerusalem enim non habebat aquam intra murum, sed ex pluvialibus aquis in cisternis collectis sustentabantur. Ideo frangendo stillicidia illa, videlicet fistulas, per quas aqua pluvialis fluebat, maxime quis affligebat eos. Tercio, ordinavit contra deos eorum, dicens, Qui abstulisset cæcos et claudos, etc., hoc est simulacra Jebusæorum. Et nota, quod ubi translatio nostra habet, Odientes animam David, Hebraica veritas habet, Quos odivit anima David. Nam David simulacra

Ps. cxiii, 3-7.

Ibid. x, 6, 14.

Ibid. 6, 16.

Ibid. xxi, 23, 24.

Ibid. xxvi, 31.

Gen. xii,
2, 9: xxviii,
12: iii Reg.
vi, vii.

illa odivit. — Similiter quod in proverbio A dicebatur, Cæcus et claudus non intrabunt in templum Dei, videtur huic expositioni magis aptari. Nam iste locus fuit præassignatus divino cultui a tempore Abrahæ, quando voluit ibi ipsum Isaac immolare; et Jacob vidit ibidem scalam: ibique templum fuit per Salomonem fundatum: in quo nulla immunditia debuit habere ingressum, sed solus Deus fuit in eo colendus. Et ob tantum præsagium hujus futuri boni, quasi proverbialiter dicebatur, Non intrabit cæcus et claudus in templum Domini: quasi diceretur, Vere prognosticaverunt Jebusæi, quod in templum Domini in civitate hac ædificandum, non intrabunt cæci et claudi, hoc est dii gentium, qui cæci et claudi dicuntur.

Hæc Rabbi Paulus, cujus dicta pro reprobatione positionis Rabbi Salomonis, apta videntur; tamen quod ait David proposuisse mercedem, postquam cepit arcem Sion, expositoribus non concordat. Quum enim fortalitium illud obtinere difficillimum foret, ut milites animarentur ad invasionem illius, proposuit præmium, quod qui illud primo ascenderet ac obtineret, fieret princeps militiæ. Hinc in Scholastica fertur historia: Quumque arcem obtinere non posset, proposuit in præmium militiæ principatum.

Itaque, Dictum est ad David ab eis, utpote Jebusæis: Non ingredieris huc, nisi abstuleris cæcos et claudos, dicentes: Non ingreditur David huc. Si enim per cæcos et claudos intelliguntur homines cæci et claudi, vel ipsimet Jebusæi, certum est, D quod illi poterant proprie verba ista proferre. Si vero per cæcos et claudos intelliguntur simulacra deorum, illa dixerunt hæc verba materialiter aut interpretative, vel dæmones loquebantur per idola illa. Si autem per cæcos et claudos intelligantur præfata imagines (quod apparentiam modicam habet), dicendum quod imagines illæ dixerunt hæc materialiter aut interpretative, quemadmodum inanimata dicuntur Deum benedicere et laudare.

Cepit autem David arcem Sion, id est fortalitium sæpe dictum, quod vocabatur arx Sion, id est altitudo speculationis, quoniam situm fuit in loco alto montuoso, ex quo undique longe ac late poterat quis videre; *hæc est civitas David*. Tota Jerusalem ex hoc tempore cœpit esse et nominari civitas David, atque metropolis regni ejus. Verumtamen ista pars urbis, in qua parte fuit fortalitium, specialiter dicta est civitas, quia melioravit eam per ædificia, et in ea commorari elegit. Consequenter exprimitur, qualiter arcem obtinuit. *Proposuerat enim David in die illa præmium ei qui percussisset Jebusæum*, hoc est, qui primo ascenderet arcem, et ea obtenta, occideret Jebusæos commorantes in turri illa, *et tetigisset domatum fistulas*. Doma vocatur tectum domus. Fistula autem, canale per quod stillicidia fluunt, seu aquæductus. Vel (ut aliqui dicunt) fistulæ erant subterranei cuniculi seu meatus, per quos ascendebatur usque ad tectum. Itaque sensus est: Et tetigisset domatum fistulas, id est, canales aquarum vastasset, vel per meatus illos ascendisset usque ad murum. Et per illos meatus dicitur Joab ascendisse, sive per aquæductum. *Et abstulisset cæcos et claudos*, id est homines illos, seu imagines, sive simulacra, *odientes animam David*, vere, formaliter, aut repræsentative, sicut expositum est. *Ideirco dicitur in proverbio: Cæcus et claudus non intrabunt in templum*. Ad litteram quippe prohibuit Dominus in Levitico, natos ex semine Aaron cæcos et claudos ingredi Ler. xxi, 18. templum, ad exercendum sacerdotale officium, atque ex verbis et factis his inter Jebusæos et David habitis, conversa sunt verba illa Levitici in proverbium, propter verborum similitudinem aut coincidentiam, vel propter rationes Rabbi Pauli inductas. Et sicut Magister in historiis tangit, forsan dum janitores templi areebant immundos a templi ingressu, ænigmatice loquebantur: Cæci et claudi non intrabunt, etc., ponentes cæcitatem et claudicationem pro immunditia quacumque legali,

per quam reddebantur ad templi ingressum indigni.

Habitavit autem David in arce Sion, hoc est fortalitio illo, Jebusæis ejectis, et vocavit eam, civitatem David, ex nomine suo ob causas præactas. Estque intelligendum, quod arcem illam cum habitaculis et attinentiis suis per gyrum ita vocavit. Et ædificavit per gyrum a Mello et intrinsecus. Mello fuit præcipitium quoddam, profundaque vallis, et ut alii dicunt, vorago ante castrum, seu fortalitium, pro ejus munimine situata. Fuit autem et spatium inter voraginem illam et castrum, in quo spatio per fortalitii gyrum David construxit aliquas domos, atque ut aliqui scribunt, a Mello usque sursum ædificavit David murum per circuitum arcis Sion, faciens unum murum intrinsecus, aliumque extrinsecus, et ita duplici muro munivit arcem. Porro primo libro Paralipomenon

I Par. xi, 8. legitur : *Ædificavitque urbem in circuitu a Mello usque ad gyrum, Joab autem reliqua urbis extruxit : ubi per urbem intelligitur pars illa Jerusalem, quæ vocata est civitas David.* Unde et Josephus : Superiorem (inquit) civitatem David munivit, eique arcem jungendo, unum corpus effecit. De præmio autem quod David hic legitur proposuisse, nec tamen in isto libro exprimitur, primo libro Paralipomenon legitur : *Ibid. 6.* *Dixit, Omnis qui percusserit Jebusæum in primis, erit princeps et dux. Et ingrediebatur viam justitiæ, et domum suam, ac coram Deo, proficiens in temporalibus ac spiritualibus bonis, atque succrescens, fama, potestate, ac meritis, et Dominus Deus exercituum erat cum eo, per gratiam copiosam, per quam bene se habuit circa regimen sui ipsius, et in regimine populi sibi commissi, et in divino obsequio. Itaque per gratiam tantam ordinate se habuit circa se ipsum, prudenter et exemplariter circa subjectos, devote ad Deum.*

Misit quoque Hiram rex Tyri nuntios ad David et ligna cedrina, et artifices lignorum, artificesque lapidum ad parietes; et ædificaverunt domum David. Iste

A Hiram, ut infra habetur, fuit amicus David omni tempore. Scriptura tamen non exprimit, qualiter David et Hiram amicitiam contraxerint mutuam, nec leguntur accessisse se invicem. Verum quandoque contingit, quod aliqui efficiuntur cordiales amici ex fama et perceptione probitatum ac amabilitatum suarum. Misit autem Hiram nuntios primo ad David, ad inquirendum de statu suo. Deinde cognita voluntate regis David, misit ei ligna pretiosa et apta, convenientesque lapides, ac viros peritos operari in lignis et saxis : qui artifices construxerunt regi David domum infra eam partem Jerusalem, quæ specialiter dicta est civitas David. In regno equidem Tyri amplius abundabant ligna et saxa, pro domibus construendis convenientia, quam in Judæa. Meliores quoque artifices erant ibi, propter quod postea Salomon misit ad Hiram, dicens : *Seis quoniam in populo meo non est vir qui noverit ligna cædere sicut Sidonii : ut infra tertio libro legitur.*

Et cognovit David, quoniam confirmasset cum Dominus regem super Israel, et quoniam exaltasset regnum ejus super populum suum Israel. Hoc utique scivit ex revelatione divina seu inspiratione interna, et ex prophetica denuntiatione, qua sibi per Samuelem et Gad fuit prædictum quod electus esset a Deo ad præsidendum universo Israelitico populo, atque ex evidentia facti, et experientia propriæ prosperitatis, quoniam vidit se prosperari in cunctis, totumque populum suum sibi faventem ac applaudentem.

D *Accepit ergo David adhuc concubinas, et, pro id est, uxores de Jerusalem, postquam venerat de Hebron.* Non enim accessit ad illegitimum torum, nec fuit fornicator, nisi quod postea cum Bethsabæe peccavit. Itaque feminae istæ fuerunt ejus uxores legitimæ, sicut in Genesi Zelpha et Bala quandoque vocantur concubinæ, quandoque uxores ipsius Jacob. Fuit etenim consuetudo in veteri Testamento, quod uxores minus principales et secundario sumptæ, vocabantur concubinæ, quia in aliquo concu-

III Reg. v, 6.

I Reg. xvi, 13.

II Reg. xi, 4.

Gen. xxx, 4, 26; xxxv, 22.

binis assimilabantur. *Natique sunt ipsi David et alii filii et filiae. Et hæc nomina eorum qui nati sunt ei in Jerusalem, Samua et Sobab, Nathan et Salomon, et Jebahar et Elisua et Nepheg, et Japhia et Elisama et Eliada et Eliphaleth.* Exprimuntur hic undecim filii, qui ei in Jerusalem nati sunt, inter quos ponitur Nathan, qui alius fuit a Nathan propheta, quem David sibi adoptavit in filium post mortem patris illius. Circa hæc scribit quidam, quod David sumpsit has plures uxores ad multiplicandum prolem, quæ conjungeretur in matrimonium nobilioribus regni sui, et sic essent sibi affinitate conjuncti ad firmitatem regni sui majorem. Hoc reor etiam, quod ideo accepit tot conjuges, ut augeretur in sobole sua cultus unius veri Dei : cujus cultus tunc conservabatur in populo Israel per carnalem propaginem, ceteris gentibus ad idololatriam lapsis.

Consequenter duplex victoria narratur regi David contra Philistæos concessa. *Audierunt ergo Philistiim quod unxissent David in regem super Israel.* Jam ante audierant, quod David regnaret super tribum Juda in Hebron, sed de hoc minus curabant. Cognito autem quod unctus esset super duodecim tribus in regem, timuerunt quod eis resisteret, nec solita tributa persolveret, ut aliqui dicunt : et quia sciverunt ipsum David esse strenuissimum atque fortissimum virum, metuebant vastari per eum : ideo voluerunt eum tempestive in propria terra opprimere. *Et ascenderunt universi, id est quidam de omnibus, ut quærerent David ad impugnandum.* Quod quum audisset David, descendit de arce Sion, in presidium, id est ad munitionem vel ad salutis propugnaculum, aut auxilium requirendum. *Philistiim autem venientes, diffusi sunt in valle Raphaim, non procul a Jerusalem. Et consuluit David Dominum per pontificem, dicens : Si, id est an, ascendam ad Philistiim, et si dabis eos in manu mea?* Unde constat, quod David totam spem suam collocavit in Deo, ejus consilio auxilioque innitens, sciens quod

A equus paratur ad diem belli, Dominus autem salutem tribuit. Voluit autem Dominus in talibus haberi recursum ad se. Propter quod de perfidis filiis Israel ita non agentibus, ait per Isaiam : Væ filii desertores, ut faceretis consilium, et non ex me ; et ordiremini telam, et non per spiritum meum ; et os meum non interrogastis. Unde rursus loquitur Isaias : Numquid non a Deo suo populus requiret? *Et dixit Dominus ad David.* Qualiter istæ consultationes ac divina responsa fiebant, dictum est sæpe. B *Ascende contra eos cum populo tuo, quia tradens dabo Philistiim in manu tua.*

Venit ergo David in Baalpharasim, et percussit eos ibi, et dixit, Deo gratias agens, et ei triumphum adscribens : Divisit Dominus inimicos meos coram me, sicut dividuntur aquæ, id est, dedit mihi et exercitui meo virtutem vincendi hos Philistæos, ita quod quosdam occidendo, quosdam fugando, divisimus illos ab invicem satis facilliter, quemadmodum facile est aquam tanquam rem mollem dividere. Propterea vocatum est nomen loci illius, Baalpharasim : quod interpretatur, virorum divisio, quia viri Philistæi ibi ab invicem sunt divisi. Vel a BAAL, quod est campus sive planities, et PHARES, divisio, quasi campus divisionis. Vel a BAAL, quod est idoli nomen, et PHARES, divisio, quia reliquerunt ibi idola sua, et ab eis divisi sunt. Unde subjungitur : Et reliquerunt ibi sculptilia sua, videlicet simulacra Dagon, quæ attulerunt secum, ut eorum auxilio prævalerent, quæ tulit David et viri ejus secum : non ut colerent ea, sed conflarent. Propter quod primo libro Paralipomenon legitur, quod David jussit ea exuri, juxta quod in Deuteronomio Dominus ait : Sculptilia comburite. Quod tamen ad litteram dictum fuit de Chananæorum sculptilibus. Porro, secundum Lyram, in Hebræo habetur, Combussit ea David ; sed magis puto, quod verbum illud Hebraicum sit ad utrumque æquivocum.

Et addiderunt adhuc Philistiim ut ascenderent cum exercitu majori quam ante, et diffusi sunt in valle Raphaim : de qua

Prov. xxi, 31.

Is. xxx, 1, 2.

Ibid. viii, 19.

II Reg. ii, 4.

*I Par. xiv, 12.
Deut. vii, 5.*

Is. xvii, 5. legitur in Isaia, Erit sicut quærens spicas A in valle Raphaim. *Consultuit autem David Dominum : Si ascendam contra Philistæos, et trades eos in manus meas? Qui respondit : Non ascendas contra eos Philistæos directe, sed gyra post tergum eorum, et venies ad eos ex adverso pirorum,* id est arborum talium, sub quibus posuerunt idola sua, in quibus sperabant : propter quod voluit Dominus, ut ab illa parte impugnarentur, sicque adverterent et pateret, quod idola sua eis non profuerunt. *Et quum audieris sonitum clamoris gradientis in cacumine pirorum, videlicet angeli sancti ibi se moventis ac exhibentis ad ad-*

juvandum vos, atque ad deprimendum potestatem demonum et idolorum, per quæ daemones operabantur nonnulla, *tunc inibis prælium, quia tunc egrediatur Dominus ante faciem,* id est præsentiam tuam, hoc est angelus Dei agens divina virtute, ac Dominum repræsentans, *ut percutiat castra Philistiim,* id est turmas eorum seu contentos in ipsorum tentoriis. *Fecit itaque David sicut præceperat ei Dominus, et percussit Philistiim de Gabaa usque dum venias Gezer.* Dedit enim Dominus David B regi et populo ejus prævalendi potentiam, Philistæorumque corda et corpora tabefecit, debilitavit ac terruit.

ARTICULUS IX

DE MYSTICO HUIUS CAPITULI QUINTI INTELLECTU.

ET venerunt universæ tribus Israel ad C David in Hebron, dicentes : *Os tuum et caro tua sumus.* Quemadmodum David primo regnavit in Hebron super tribum Juda, deinde super Israel universum : sic Christo ante suam passionem et ascensionem pauci ex Judæis adhæserunt per fidem et obedientiam, tanquam veri filii Juda, id est confessionis salubris; sed misso desuper Spiritu Sancto, operantibus sanctis Apostolis copiosa et præclara miracula in fide et nomine Salvatoris, multa millia Judæorum ex diversis tribubus Israel sunt D conversa in Jerusalem et in omni Judæa, Galilæa, atque Samaria, ut in Actibus docetur Apostolorum. Deinde in diversis mundi provinciis : quod in fine mundi per prædicationem Eliæ et Enoch plenius fiet, et maxime Antichristo occiso. Denique præfati Judæi ad Christum conversi, dixerunt : *Os tuum et caro tua sumus,* id est, veram humanitatem in Christo confessi sunt, et eum ex semine Abraham incarnatum veraciter crediderunt. *Sed et heri et nudiuster-*

tius quum esset Saul super nos, tu eras educens et reducens Israel. Per Saul intelligi potest præsentia pontificum super Judæos : qui pontifices persecuti sunt Christum, quemadmodum Saul David. Et sub pontificibus Anna et Caipha, Christus prædicavit Judæis, et eos eduxit ad audiendum verbum Dei, et ad actus virtutum, reduxitque eos ad Creatorem, ad fidem catholicam, et ad evangelicam legem. *Dixit autem Dominus ad te : Tu pasces populum meum Israel.* Hoc Deus Pater dixit homini Christo per inspirationem internam ab incarnationis exordio, et idem per sanctos Prophetas frequenter et diu ante prædixit, juxta illud Michææ : *Et tu, Bethlehem, ex te* Mich. v, 2. *egrediatur, qui sit dominator in Israel.* Per Ezechielem quoque Dominus ait : *Salvabo gregem meum,* ait Dominus ; et suscitabo super eum pastorem unum, qui pascat eum, David servum meum, id est Messiam, ut omnes exponunt. De hoc in Zacharia et Joele plenius legitur prophetatum. Præterea, in Christi baptismo ac transfiguratione

Mich. v, 2.

Ezech. xxxiv, 22, 23.

Zach. ii, viii, ix; Joel ii, iii.

Matth. iii, 17; xvii, 5. vox Patris intonuit : Hic est Filius meus dilectus, ipsum audite. *Filius triginta annorum erat David quum regnare cœpisset.*

Luc. iii, 23. In hac ætate orsus est Christus prædicare, et evangelicam tradere legem, et in credentium corde regnare per fidem et gratiam. In qua etiam ætate præfectus est Joseph terræ Egypti. Ezechielque vaticinari incepit.

Gen. xli, 46; Ezech. i, 1.

Et abiit rex ad Jebusæum. Per Jebusæum possunt intelligi gentiles, quos Christus per suos fideles multipliciter expugnavit : et abstulit *cæcos et claudos*, id est deorum simulaera, exæcatos quoque in suis perfidiis, atque per vitiorum devia claudicantes in partem utramque. Potest item per Jebusæum habitantem in arce Sion, accipi pontificium seu sacerdotium Judæorum, quod Christus fecit cessare, præmiumque proposuit ei qui illud primo invaderet : quod beatissimus princeps Apostolorum Petrus in die sacratissimo Pentecostes fortissime impugnavit et vicit, in tantum quod *ex tunc multa turba sacerdotum obediebat fidei.* Nec pontifices potuerunt resistere Petro : imo auctoritate Scripturarum, excellentia miraculorum, evidentia gratiarum prævaluit, ac imperterrita dixit mente : *Obedire oportet Deo magis quam hominibus.* Et factus est Petrus princeps militiæ, id est secundus post Christum, et caput totius Ecclesiæ, summusque pontifex ejus. Et tetigit *domatum fistulas*, id est, ora Scribarum et Phariseorum, et stillas documentorum ipsorum obstruxit atque destruxit, affirmans ac probans, quod in solo Christo sit salus, non in Moysis lege.

Sicque Christus *habitavit in arce.* Nam et *primitiva Ecclesia* quotidie erat in porticu Salomonis et in templo, ac in monte Sion, ubi Christus fuit in medio ejus, prout in Actis habetur. Tunc Christus in suis membris profecit quotidie, et multos in Jerusalem filios procreavit, regenerans eos ex aqua et Spiritu Sancto, ut scribitur in Actis. Circa hoc dicit Glossa, ex verbis Rabbini sumpta : Multæ uxores David, multas gentes seu Ecclesias significant, quæ Christo copulantur per fidem ; concubinæ ve-

ro, hæreticorum ecclesias, quæ christiani nominis titulo gloriantur. Sed quia propter carnalia lucra Christum sequuntur, non uxores, sed concubinæ vocantur. Quod si reges nunc habeant plures uxores, crimen est, quia figuræ transierunt.

Misit quoque Hiram rex Tyri nuntios ad David. Christus namque per gloriosos Apostolos tot et tanta fecit miracula in Judæa, quod aliqui reges et principes gentium ea percipientes, desideraverunt sibi annuntiari Evangelium Salvatoris, et pro hoc orationes suas tanquam nuntios, direxerunt ad Dominum. Miserunt quoque ligna et lapides, id est subditorum suorum personas, atque lignorum et saxorum artifices, hoc est prædicatores ac prælatos, ad Christum, tales hortando ad promotionem et augmentum Ecclesiæ, ut ædificarent Filio Dei domum, id est Ecclesiam, quæ ex hominibus tanquam ex vivis lapidibus ac lignis fructuosis construitur.

Audierunt ergo Philistiim quod unaxisent David regem. Per Philistæos hoc loco signantur visibiles hostes Christi, puta persecutores, qui videntes Christum ab Ecclesia coli, Christianos et Christum in membris suis atrocissime et valde diu sunt persecuti. Contra quos Christus ascendit, quia fidelibus suis contulit gratiam superandi illos per sapientiam, patientiam, atque miracula, et per angelorum sanctorum præsidia, non per humanam potentiam : imo sub persecutionibus tyrannorum, maxime crevit Ecclesia, quia frequenter in unius martyris occisione fecit Salvator tanta prodigia, quod conversa fuerunt multa gentilium millia. Unde Salvator promisit martyribus sanctis : Ego dabo vobis os et sapientiam, cui non poterunt resistere et contradicere omnes adversarii vestri. Voluit quippe Salvator, ut infidelibus resisterent, rationabiliter respondendo, non corporaliter reluctando, imo adversa omnia æquanimiter tolerando, percutientibusque maxillam unam, præbendo mox alteram. Similiter per Philistæos significantur invisibiles inimici, qui regno Christi ab initio

Luc. xxi, 15.

Matth. v, 39.

infatigabiliter resistere nisi sunt, et Christum de cordibus fidelium excludere studuerunt per suggestiones pestiferas, tentationesque varias; et item contra Ecclesiam primitivam inflammando infideles et obstinatos Judæos, reges et principes perfidos, ac quosdam philosophos, et seminando errores hæreticos, quibus impleverunt multos fideles, qui ab Ecclesia exierunt, et eam graviter afflixerunt. Isti quoque adversarii Christi fremunt et contabescunt, dum vident viros virtutum ad dignitates ecclesiasticas et ad aliorum regimina promoveri: ideo illis resistere moliantur, et fructum pastoralis præsidentiae satagunt

A impedire, et eos qui secundum carnem sunt nobiles ac potentes, nituntur intrudere, quamvis totius spiritualis exercitationis et salutaris sapientiæ sint expertes. Unde ad Timotheum scribit Apostolus: Quemadmodum Jannes et Mambres restiterunt Moysi, ita et hi resistunt veritati. ^{II Tim. iii, 8; E. cod. vii, 11.}

Postremo, sicut David proposuit præmium speciale expugnatori Jebusæi et arcis Sion, ita Salvator in Evangelio præclaram spondet mercedem cunctis qui viriliter agunt, atque diabolum vincunt, et maxime his qui exercitia magis ardua exsequuntur, et hæresiarcham aut tyrannum dejiciunt, sicque tuentur Ecclesiam.

ARTICULUS X

EXPOSITIO LITTERALIS CAPITULI SEXTI: CONGREGAVIT AUTEM RURSUS DAVID OMNES ELECTOS.

REPORTATIO arcæ ad urbem Jerusalem, hoc loco describitur. *Congregavit autem rursus David omnes electos ex Israel*, id est, per epistolas aut per nuntios convocavit ad se viros præcipuos ex toto regno suo, *triginta millia*. Nec refert an erant præcise tot, an parum plures seu pauciores: quia minutias numerorum aut temporum Scriptura frequenter non curat. Et recte nunc dicitur rursus populum congregasse, quia præcedenti capitulo est narratum, qualiter jam ante congregaverit populum. *Surrexitque David et abiit, et universus populus qui erat cum eo de viris Juda*, qui familiarius adsistebant regi, tanquam de eorum tribu nato, *ut adducerent arcam Dei* de loco suo ad regiam urbem cum grandi solennitate: propter quod majores de plebe fuerant convocati. Porro de arca dictum est in primo libro. *Super quam invocatum est nomen Domini exercituum*, id est, coram cujus arcæ præsentia, seu coram qua Deus omnipotens invocabatur, præsertim a pontifice, ut ipse Dominus

^{1 Reg. vii, 1.}

C Deus exaudiret et daret responsa, prout super Exodum plenius dictum est. Dicitur autem Deus Dominus exercituum, id est angelicorum chororum. *Sedentis in Cherubim*, id est inter Cherubim, *super eam*. Nam super arcam fuit propitiatorium seu aurea tabula, quam duo Cherubim alis suis ex transverso tegebant, et inter eos apparuit Dominus, præstititque responsa: ideo dicebatur in Cherubim, id est inter eos, sedere, ita quod propitiatorium illud fuit quasi sedes Dei, qui ab illo loco ostendebat se populo ac precibus pontificis propitiari, et per effectum misericordiæ suæ apparebat ibidem. Propter quod tabula illa aurea propitiatorium vocabatur: quod etiam dicebatur oraculum, quia ex illo loco procedebant ac audiebantur divina responsa et Dei verba. Hinc in Exodo narratur: Arcam de lignis setim compingite. Duos quoque Cherubim aureos et productiles facies ex utraque parte oraculi. Utrumque latus propitiatorii tegant expandentes alas, etc. ^{Exod. xxv, 22.} ^{Ibid. 17-22.} ^{Ibid. 10, 18, 20.}

Et imposuerunt arcam Dei super plaustrum nocum, quod trahebatur a bobus, quum tamen debuissent eam portasse humeris propriis ipsi Levitæ, prout in Numerorum libro jusserat Dominus. Et forte posuerunt arcam super novum plaustrum, quia super tale plaustrum fuit a Philistæis remissa, ut primo libro patuit. *Tuleruntque*, id est acceperunt, *eam de domo Abinadab* sacerdotis, secundum Glossam, *qui Abinadab*, vel quæ domus Abinadab, *erat in Gabaa*. *Oza autem et Ahio filii Abinadab minabant plaustrum novum*, id est boves plaustrum trahentes. *Quumque tulissent eam de domo Abinadab, qui erat in Gabaa custodiens arcam Dei*, tanquam sacerdos et vir tam famosæ virtutis, quod ad eum potius quam ad alium sacerdotem arca fuit deducta. *Ahio præcedebat arcam Dei*, eundo parum ante quadrigam ad providendum de convenientiori itinere.

Circa hoc oritur quæstio, qualiter hic dicatur, quod tulerunt arcam de domo Abinadab, qui erat in Gabaa, quum in primo libro Paralipomenon scriptum sit, Ascendit David et omnes viri Israel ad collem Cariathiarim, qui est in Juda, ut afferrent inde arcam Dei. Ad hoc quidam respondet, quod Cariathiarim et Gabaa erant urbes vicinæ, et in Cariathiarim primo congregatus est populus ad David, et inde transierunt ad adducendum arcam quæ erat in Gabaa, ac inde ducendo eam, transierunt per Cariathiarim. Sicque intelligendum est quod ex primo libro Paralipomenon allegatur. Verum ista responsio in expositione primi libri est reprobata: similiter in primo libro Paralipomenon; nec consonare videtur ei quod in præallegato primo libro Paralipomenon legitur: Congregavit David universum Israel a Sihor Ægypti usque dum ingrediaris Emath, ut adduceret arcam Dei de Cariathiarim. Insuper quod dicitur, populum Israel primo congregatum in Cariathiarim ad David, incertum est, imo nec consonum esse apparet ei quod in præmemorato libro Paralipomenon fertur: Ait David ad universum cætum Israel: Si placet,

A mittamus ad fratres nostros reliquos in universas regiones Israel, et ad sacerdotes, ut congregentur ad nos. Unde apparet quod congregati fuerunt ad David, in loco quo erat quando hæc dixit ac nuntios misit, utpote in Jerusalem; nec in aliqua Scriptura authentica reperiri videtur, quod in Cariathiarim ad David collecti sint. Hinc quoque Magister in historiis circa hunc passum testatur: Gabaa non est hic nomen urbis aut loci, sed secundum interpretationem suam significat collem. Itaque dato quod arca fuerit de Cariathiarim ad alia loca translata, antequam David transtulit eam, magis tamen tenendum esset, quod ad Cariathiarim fuit reducta, quam quod David reduxerit eam de oppido, quod Gabaa dicitur. Glossa quoque super præallegatum Paralipomenon librum asserit arcam reductam per David a Cariathiarim urbe, de qua fuit Urias propheta, quem occidit Joachim rex Juda, ut habetur in Jeremia. Fuitque Cariathiarim hæc, una de urbibus Gabaonitarum, ut in libro Josue describitur.

David autem et omnis Israel ludebant coram Domino, id est, devote psallebant. Unde in primo libro Paralipomenon dicitur: David et universus Israel ludebant coram Domino omni virtute in canticis. Istud ergo est intelligendum de ludo virtutis, de quo et infra fatetur David: Ludam, et vilior fiam plus quam factus sum. De quo et in Proverbiis Sapientia loquitur: Delectabar per singulos dies, ludens coram eo omni tempore, ludens in orbe terrarum. Est ergo ludus devotionis, qui est latriæ actus. Denique, etiam secundum Philosophum, specialis est virtus, per quam homo bene se habet in ludis: ideo non omnis ludus, est ludus dissolutionis. De hoc Durandus in Summa sua plenius scribit. Ludebant ergo *in omnibus lignis fabrefactis*, id est musicis instrumentis de ligno formatis: in omnibus, inquam, quæ habebant, et quorum usus ad hoc erat conveniens; *et citharis et lyris*, id est symphoniis, *et tympanis et sistris et cymbalis*. Tympanum dicitur

ligneum instrumentum, in quo extenditur corium ad bene sonandum. Sistrum dicitur tuba. Cymbala ex concussione ad invicem sonum reddunt suavem.

Postquam autem venerunt ad arcam

Nachon, id est horreum viri sic dicti. Verumtamen primo Paralipomenon dicitur,

^{1 Par. xiii, 9.} Ad arcam Chidon, quia forsitan binomius fuit. Chidon tamen interpretatur clypeus.

Unde quidam dicunt esse hunc locum, ubi

^{Josue viii, 18, 19.} Josue levavit clypeum contra Hai, ut in Josue libro narratur. *Extendit Oza manum*

ad arcam Dei, et tenuit eam, id est, sustentavit ne de curru corrueretur, *quoniam*

calcitrabant boves, et declinaverunt eam, id est, currum sic agitabant, quod area

quasi deciderat. Porro primo Paralipomenon legitur : Bos quippe lascivens, paululum inclinaverat eam.

^{1 Par. xiii, 9.} *Iratusque est Dominus indignatione contra Ozam*, id est,

zelo justitiæ et rigorosa ultione per modum se habuit irascentis, *et percussit eum*, id est,

repente plagavit, *super temeritate*, id est propter præsumptionem et insipientiam suam. *Qui mortuus est ibi juxta arcam Dei*. In libro Paralipomenon fertur,

^{Ibid. 10.} quod Dominus eum percussit, eo quod tetigisset arcam. Quæ autem fuerit illa plaga, non expressit Scriptura. Magister vero in historiis ait, quod aruit dextera Ozæ, et tunc subito exspiravit. Hæc quoque percussio Ozæ, ministerio angeli creditur facta, quamvis incertum appareat an ministerio angeli boni, an potius angeli mali.

Sed mirum videtur, cur Dominus ita percusserit Ozam dum tetigit arcam, quia tali casu pium fuit sustentare eam, imo et li-

citum etiam cuicumque de populo, quum in tanta necessitate dispensatio habeat locum, quemadmodum laico licet corpus dominicum levare de terra, si non adsit constitutus in ordine sacro. Similiter licitum esset colligere Sacramentum de pyxide lapsum, ne laberetur in terram. Et cur potius percussus est Oza, quam frater ejus ? Pro horum solutione pensandum, quod (secundum Josephum) percussus est Oza, quoniam tetigit arcam, quum non esset

A sacerdos : sieque diceretur ulterius, quod area non fuit tam multum inclinata, quod necessaria fuit sustentatio illa. Unde in libro Paralipomenon scribitur, quod bos paululum inclinaverat eam. Vel absque debita reverentia tenuit illam. Hieronymus vero et Glossa super librum Paralipomenon dicunt : Tradunt Hebræi Abinadab sacerdotem jussisse filiis suis Ozæ et Ahio,

ut portarent arcam humeris suis secundum præceptum legis ; sed quia non portaverunt, nec Caathitis portandam dederunt,

B percussit Dominus Ozam, et divisit. Aruerunt namque (ut aiunt) brachium ejus et humerus, quibus area fuit portanda, et facta est distinctio obedientiæ et inobedientiæ. Verum his rursus objici potest, quod in Scholastica fertur historia : Hebræi tradunt, quod ea nocte Oza cum sua dormivit uxore : ideoque percussus est, quia per continentiam debuit se parare. Et respondendum, quod quidam Hebræi assignant unam causam, alii alteram. Nonnulli dixerunt Ozam fuisse percussum, quoniam arcam

C tetigit nudam : quod reprobat, quoniam involvebatur suis operimentis antequam deportabatur, ne a Levitis vel plebe nuda

conspiceretur, ne subito morerentur, ut in Numerorum libro habetur. Denique percussus est Oza magis quam Ahio, quia in hac re culpabilior fuit, et fratrem suum (ut aliqui opinantur) induxit ad temeritatem præfatam. Percussus est quoque dum tetigit arcam, quia tunc evidentius patuit, quod area non debuit sic deferri. Quocirca inquiritur, quia si ideo percussus est, cur non fuerunt Philistæi percussi ob hoc, quod arcam remiserunt in plaustro. Respondetur, quod non tenebantur ad præceptum legis prædictum. Imo Oza, qui illud scire et implere debebat, peccavit, quia in hac re Philistæis se conformavit.

Contristatus est autem David, eo quod percussisset Dominus Ozam, id est, percusso condoluit, et de ejus percussione fuit mœrens, in quantum fuit malum pœnale, quamvis non in quantum fuit effectus divinæ justitiæ. Contristatus est item

^{Num. iv, 15; vii, 9.}

^{Ibid. iv, 5, 20.}

^{1 Reg. vi, 11.}

de Ozæ culpa, ob quam meruit ita plagari, A potius quam de æquitate divina. *Et vocatum est nomen loci illius, percussio Ozæ, usque in diem hanc.* In libro Paralipomenon

1 Par. xiii,
11.

dicatur, divisio Ozæ, sed redit in idem : quia per illam percussione[m] fuit Oza divisus et subtractus ab Israelitica plebe. Et forsitan verbum illud Hebraicum, designat utrumque. Creditur quoque, quod Oza per temporalem illam percussione[m] purgatus sit, et damnationem evasit. Nam etsi repente obierit, potuit tamen in tempore illo permodico pœnitere, præsertim dum manum suam, brachiumque et humerum sensit arere. *Et extimuit*, id est, ex corde valde timuit, *David Dominum in die illa, dicens : Quomodo ingreditur ad me arca Domini?* id est, ad domum meam, seu ad arcem Sion, aut urbem Jerusalem introducere eam non audeo, ne forsitan ob aliquam culpam meam merear percuti, et indignus sim arcæ præsentia. Itaque ex effect[u] divi[n]æ justitiæ motus fuit ad reverentialem Dei timorem. Etenim felix quem faciunt aliena damna peritum. Et in Proverbiis scriptum est : Pestilente flagellato, stultus sapientior erit : quanto magis sapiens?

Prov. xix,
25.

Et noluit ad se divertere arcam Domini in civitatem, videlicet David, sed divertit eam in domum Obededom Gethæi : id est, in suburbio posuit eam in domo Levitæ Obededom, qui vocatur Gethæus, quia ad tempus in civitate nomine Geth creditur commoratus. Porro, secundum Petrum Comestorem, Obed Edom, duæ sunt dictiones. Nam ita exponit, Posuit arcam in domo Obed filii Edom. Alii dicunt, quod una sit dictio : quod verius aestimatur, et Hieronymo ac Hebræis plus consonum. Nempe ut ait Glossa, Obededom interpretatur, serviens homo : quoniam Obed interpretatur serviens ; Edom, homo. Si autem essent nomina duo, Obed Edom, interpretaretur, serviens homini. Est quoque consuetudo Scripturæ, quod exprimendo nomen filii alicujus ac patris sui, interponat hoc nomen, Filius, sicut quum dicitur, David filius Isai ; vel aliquid tale apponat, quo desi-

gnatur, quod unus sit filius, alius pater. *Et habitavit arca Domini in domo Obededom Gethæi tribus mensibus. Et benedixit Dominus Obededom et omnem domum ejus.* Dicunt aliqui, quod Deus benedixit ei ac suis domesticis, quasi symmistra sua *, dando ac multiplicando eis temporalia bona. Unde Magister in historiis refert : Dicunt Hebræi, quod uxores ejus ac nurus pepererunt masculos, et jumenta duplices fetus. Alii dicunt, quod benedixit eis in temporalibus ac spiritualibus, quoniam arcam cum reverentia ac devotione susceperunt et custodierunt. Temporalia autem non sunt præmium sufficiens et condignum operis virtuosorum.

* symm-
stis suis

Nuntiaturque est regi David, quod benedixisset Dominus Obededom et omnia ejus. Si in solis spiritualibus benedixisset Dominus illis, hoc non fuisset tam cito et evidenter cognitum aliis. *Propter arcam*, id est propter devotam et condecentem arcæ susceptionem. *Dixitque David : Ibo, et reducam arcam cum benedictione*, id est cum laude divina. Vel, Cum benedictione, id est fructuosa mercede, *in domum meam*, sperans quod Dominus benedicet mihi ac domui meæ propter arcam, quemadmodum benedixit Obededom. *Abiit ergo David, et adduxit arcam Dei de domo Obededom in civitatem David cum gaudio.* Porro quod subditur, *Et erant cum David septem chori, et victima vituli*, non est in Hebræo : quod tamen breviter potest exponi, ut per choros intelligantur distinctæ congregationes seu ordines canentium atque psallentium Deo. Chorus * quoque est nomen mensuræ plenæ simila, id est delicatissima farina, quam obtulit David, et continet decem ephi, id est triginta modios, ut patet in Ezechiele. Rursus, chori vocantur musica instrumenta fistulas duas habentia, in quarum unam intromittitur ventus, et per aliam emittitur sonus. Per victimam vituli, intelliguntur hostiæ, seu ipsi vituli ad sacrificandum adducti.

* chorus

Ezech.
xlv, 11.

Quumque transcendissent, id est velociter pertransissent, *qui portabant arcam*

Domini, puta Levitæ, qui ex Ozæ percussione edocti, recordati sunt legis, et arcam suis humeris portaverunt, *seu passus, immolabant bovem et orem et arietem* Deo in sacrificium : quæ immolatio fiebat manibus sacerdotum ; *et David percutiebat in organis armigatis*, id est ad armum, humerumve ligatis, ut fieri in organis portatilibus solet. Vel secundum nonnullos, genus est organi, quod fit cum aqua, quia non sonat nisi habeat aquam, ita quod aqua ponitur in concavitate, et sonum reddit.

Et saltabat totis viribus ante Dominum, quia ex interioris lætitiæ, devotionisque fervidæ exuberantia, fiebat in corpus ejus redundantia deliciosa ; nec internam illam devotissimam jucunditatem ac ferventissimam devotionem reprimere quivit, quin foris erumperet, et per certa indicia monstraretur ; nec regiæ suæ potestatis altitudinem attendebat, sed ex commemoratione pietatis divinæ et beneficiorum ejus super Israeliticum populum, inebriatus fuit lætitiæ spirituali, nec coram populo saltare erubuit. Porro David accinctus erat ephod lineo, quo ex humilitate vestivit se, tanquam superpellicio quodam super regalia indumenta, imo ut etiam regalia exueret insignia. Eratque vestis Levitarum seu prophetalis, qua uti solebant prophetæ et filii prophetarum, prout istud primo Paralipomenon fuit expositum ; ubi etiam continetur, quod David indutus fuit stola byssina præter ephod. *Et David et omnis Israel*, id est quidam de omnibus, deducebant arcam testamenti Domini, id est arcam in qua positæ erant tabulæ testamenti, in quibus scriptus erat Decalogus : ut in Exodo et alibi in multis legitur locis ; *in jubilo*, id est cum ineffabili quadam hilaritate, *et in clangore buccinæ*, id est cum sonitu buccinarum, imo et cum aliorum musicorum symphoniis instrumentorum, ut hic et in libro Paralipomenon scriptum est.

Quumque intrasset arca Domini in civitatem David, Michol filia Saul prospiciens per fenestram, vidit regem David subsilientem, id est sursum saltantem, at-

que saltantem coram Domino de loco ad locum, ex mira devotione atque interna hilaritate : sicut adhuc interdum contingit quibusdam devotis personis, quod improvise ac subito quandoque implentur tanta alacritate, devotione et jucunditate, quod præ vehementia se nequeunt continere, sed cursu, saltu, tripudio interiorum suam dispositionem ostendunt ; *et desperit eum in corde suo*, quia superba fuit, sicut et pater ejus, et hujus mundi spiritum habuit : ideo non capiebat ea quæ Dei erant ; *Marc. viii, 33.* et regem contempsit, quia non ivit in tanta processione cum regio apparatu ac ornamentis regalibus, et quoniam ita se conformavit Levitis in habitu, psalmodia, et musico instrumento. Sed et bonis moribus videbatur talis saltatio esse contraria : quod utique sic fuisset, nisi ex tam virtuosa radice et supernaturali instigatione processisset.

Et introduxerunt arcam Domini, et imposuerunt sacerdotes eam arcam in loco suo in medio tabernaculi, quod tetenderat, id est paraverat, ei David, prout primo Paralipomenon scriptum atque expositum est. *1.* Quum enim Levitæ arcam deponebant, acceperunt eam majores sacerdotes. *Et obtulit David holocausta coram Domino*, per manus sacerdotum. Holocausta autem erant sacrificia, quæ ad divinæ reverentiam majestatis totaliter incendebantur. *Et pacifica*, id est hostias pro pace conservanda aut obtinenda. *Quumque complisset offerens holocausta et pacifica, benedixit populo in nomine Domini exercituum*, imprecando subditis suis prosperitatem, gratiam et virtutes : quod facere potuit ut rex, ejus est pro bono communi sollicitari ac deprecari ; sacerdotibus vero, præsertim pontifici, compete-
bat ex proprio officio spirituali auctoritate benedicere populo, ut in Numerorum libro habetur. *Et partitus est universæ multitudini Israel, tam viro quam mulieri*, id est unicuique personæ : propter quod subditur, *singulis collyridam panis unam*. Collyrida panis, vocatur panis triangularis ac modicus, seu tenuis pa-
Num. vi, 23.

¹ Par. xv, 27.

Ibid. 16, 28.

^{1 Par. xvi.} ^{3.} nis, qui in libro Paralipomenon dicitur A torta. Aliqui tamen dicunt, quod sit panis quadratus de simila factus, et in sartagine frixus. *Et assaturam bubulae carnis unam*, id est frustum seu portionem carnis assatae sumptae de bove, vel magis de bubalo, quorum utrumque mundum erat et esui aptum secundum legem, ut in Levitico patet; *et similam frixam oleo*. Ex simila namque aquae admixta fiebat pasta, quae consequenter frigebatur in oleo, et fiebat panis suavis.

^{Lev. xi, 3;}
^{Deut. xiv, 4,}
^{5.}

Reversusque est David, ut benediceret domui suae, id est, provideret rei familiari atque domesticis, et bona imprecaretur eisdem. Nam (ut ait Apostolus): Si quis suorum, et maxime domesticorum curam non habet, fidem negavit, et est infideli deterior. *Et egressa Michol filia Saul in occursum David, ait ironice et superbe: Quam gloriosus fuit rex Israel hodie*, quasi dicat, Ignobiliter et inhoneste se habuit, *discooperiens se*, id est, regalibus vestimentis et ornamentis se nudans, *ante ancillas servorum suorum*, id est coram C paupereculis feminis, *et nudatus est regio apparatus ac habitu*, quasi si nudetur unus *de scurris*, id est nebulonibus aut vilibus mimis.

Dixitque David ad Michol, injustam reprehensionem inferioris patienter ac mititer ferens: Vivit Dominus quia ludam ante Dominum, id est, coram Deo in laudibus ejus lætabor, *qui elegit me ad regnandum super Israel per me ipsum et per posteros meos, et etiam ad diversa gratiarum charismata, potius quam patrem tuum Saul, et quam omnem domum ejus*, id est quemcumque de ejus tribu aut sobole seu cognatis, *et praecepit mihi ut essem dur super omnem populum Domini in Israel. Et ludam et vilior fiam*, id est hu-

miliior, *plus quam factus sum*, id est, plus quam feci, conformabo me inferioribus in Dei obsequio ac humili habitu, *et ero humilis in oculis meis*, id est modicus et vilis propria reputatione, quoniam omne bonum Deo grata mente adscribam, et quo plura atque majora ab eo dona suscepero, ei amplius ero subjectus. Hoc fuit propositum sancti David, quod et fideliter adimplevit, quamvis postea in dinumeratione populi ad horam elatione deceptus sit. Et ^{1.}

cum ancillis, de quibus locuta es, gloriosior apparebo. Hoc quidam exponunt de

secundariis uxoribus David, dicentes, quod Michol ex superbia appellavit eas ancillas, et de illis procreavit David sobolem copiosam, pulchram, insignem. Cui expositioni videtur consonare quod sequitur: *Igitur Michol filiae Saul non est natus filius*, id est aliqua proles, *usque ad diem mortis suae*. Tanquam dicatur, Propter arrogantiam suam privata est fructu uteri sui. Sed Rabbi Paulus hoc reprobatur, quoniam Michol uxores David non vocavit ancillas servorum David, ideo sic exponit: Cum ancillis, de quibus locuta es, gloriosior apparebo, id est honorabilior, quoniam qui se humiliat, exaltabitur. Et in Proverbiis scriptum est: *Gloriam praecedit humilitas*. Porro quod dictum est, Michol fi-

^{Luc. xiv,}
^{11; xviii. 14.}
^{Prov. xv,}
^{33.}

liae Saul non est natus filius usque ad diem mortis suae, quidam exponunt, dicentes, quod post hoc tempus non habuit prolem ex David, quamvis ante habuerit filium ex eodem: quia quod supra legitur, David habuisse filium de Egla, de Michol intelligunt. Quidam vero affirmant sic debere exponi: Michol non est natus filius usque in diem mortis suae inclusive, id est, quousque in partu occubuit. Josephus vero intelligit sic, quod Michol nunquam habuit filios ex David.

^{11 Reg. iii, 5.}

ARTICULUS XI

DE MYSTICO EJUSDEM CAPITULI SEXTI INTELLECTU.

SICUT per David intelligitur Christus, A seu quicumque idoneus ejus praelatus, imo et quilibet re et nomine, fide ac opere Christianus; ita per arcam designatur Ecclesia, et item Christi humanitas, ac etiam sacra Scriptura. Itaque per hoc, quod David congregavit omnes electos ex Israel, triginta millia, et simul cum eis adduxit arcam de domo Abinadab in civitatem et montem Sion et arcem Jerusalem, præfiguratum est, quod Dominus et Salvator congregavit per fidem et gratiam præelectos ex Judaismo, qui per fidem superbenedictæ Trinitatis, observantiamque Decalogi Deo complacuerunt, et recte per triginta millia exponuntur; atque per eorum obsequium ac sermones, adduxit veteris Testamenti Scripturam ac fidem incarnationis Filii Dei, de Synagoga a Deo relicta, ad primitivam Ecclesiam, de qua ad Hebræos ait Apostolus: Accessistis ad montem Sion et civitatem Dei viventis, et Ecclesiam primitivorum qui conscripti sunt in cœlis. Huic namque Ecclesiæ contulit Spiritus Sanctus intelligentiam Scripturarum verissimam, Judæis in sua litterali superficie exæcatis.

Hebr. xii, 22, 23.

IV Reg. ii, 12; xiii, 14.

Et imposuerunt arcam super plaustrum novum. Novum plaustrum fuit princeps Apostolorum, imo et unusquisque Apostolus, virque perfectus, eo utique modo quo Eliseus dixit Eliæ, et Joas rex Israel Elisco: Pater mi, pater mi, currus Israel et auriga ejus. Tales namque praelati instar quadrigæ portant, et tanquam auriga dirigunt subditos suos ac imperfectos. Apostolis ergo, potissimum beatissimo Petro, imposita est area, id est Scriptura et Christi humanitas, quoniam juxta doctrinam et prædicationem illorum ceteri acceperunt Scripturas,

et fidemque incarnationis Verbi æterni. *David autem et omnis Israel ludebant coram Domino.* Sic Christus secundum quod homo, et ejus discipuli ac primitiva Ecclesia, in exordio evangelicæ prædicationis Deum multiformiter laudaverunt in hymnis et psalmis, ac spiritualibus canticis, in mortificatione carnis, et consonantia morum, omnique actu virtutum. Corporaliter quoque, et quasi ad litteram, ista fiunt in processionibus Ecclesiæ, et deportatione dignissimi Sacramenti: in quibus fideles, eorumque principes ac praelati per se aut per subditos suos personant, atque Altissimo benedicunt in musicis instrumentis et hymnis, psalmis et canticis.

Ephes. v, 19; Coloss. iii, 16.

Postquam autem venerunt ad arcam Nachon, extendit Oza manum ad arcam, et tenuit eam, quoniam calcitrabant boves, et declinaverunt eam. Per arcam Nachon intelligi potest ecclesia hæreticorum loquax et pertinax, ac semper parata ad resistendum documentis Catholicorum. Nachon quippe, præparatus interpretatur. Per boves vero lascivos et calcitrantes, intelliguntur doctores et prædicatores ad vitia carnis et ad rebellionis crimina corruentes: qui arcam declinant, quoniam Christi humanitatem inhonorant, et veritatem Scripturæ ad propria deprimunt commoda. Tunc Oza arcam sustentat, dum fidelis quisque fide catholicus, sed conversatione indignus, sermocinari præsumit, et ad sacramenta accedere non veretur, quum tamen dicat Propheta: Peccatori dixit Deus, Quare tu enarras justitias meas? Et in Evangelio Christus: Nolite sanctum dare canibus, neque margaritas vestras projicatis ante porcos. *Iratusque Dominus, percussit eum super temeritate.* Ecce si ita

Ps. xlix, 16.

Matth. vii, 6.

percussus est, qui bono zelo, quamvis non A
satis discreto, arcam Domini rem inanima-
tam et ligneam sustentavit : quantam dam-
nationem merentur ac sustinebunt, qui
Scripturas sanctas subvertunt, et false ex-
ponunt, aut corpus et sanguinem Salvato-
ris maculata conscientia consecrare, tra-
ctare aut sumere non formidant, quum
1 Cor xi, 27. tamen dicat Apostolus, Quicumque man-
ducaverit panem hunc, vel biberit calicem
Domini indigne, reus erit corporis et san-
guinis Domini. Si tanta fuit iniquitas, ir-
reverenter se circa figuram habere : quam B
vitiosum est, circa rem figuratam tam di-
vinissimam injuste se gerere. Denique, si
juxta quorundam expositionem ita percus-
sus est Oza ob arcæ contactum, quoniam
nocte præcedente cum sua dormivit uxore :
quam intoleranda instat damnatio inconti-
nentibus ac lascivis presbyteris aut com-
municantibus, qui non obstantibus suis
obscenitatibus et inquinamentis turpissi-
mis, ad spiritualissima ac divinissima Sal-
vatoris mysteria, consecranda, tractanda
aut suscipienda audent procedere.

Et extimuit David Dominum. Sic unus-
quisque sapiens Christianus, ex considera-
tione damnationis reproborum sacerdotum
carnalium, atque indigne communican-
tium, metuere debet ac retrahi a celebra-
tione et communione, quousque præpara-
verit se pro posse, et interim alios magis
devotos debet ad sacra mysteria partici-
panda hortari. Abstinere etiam debet ab
immoderata perscrutatione Scripturæ ac

Prov. xxv,
27.

mirabilem Dei : quoniam sicut qui mul-
tum comedit mel, non est ei bonum ; sic D
perscrutator majestatis opprimetur a glo-
ria. *Nuntiaturque est regi David, quod
benedixisset Dominus domui Obedom.*
Omnibus enim devote celebrantibus et
communicantibus Deus largitur gratiarum
suarum charismata : quo cognito, quicum-
que prælatus seu princeps ad sacram com-
munionem accenditur. Sicque per arcæ re-
ductionem præfigurata est procectionalis
circumductio Sacramenti, in qua cum præ-
lato sunt diversi chori psallentium, et cum

interiori ac exteriori Deitatis laudatione,
symphonia et devotione, deducitur Sacra-
mentum. Ipsi quoque fideles offerunt Deo
corpora sua et corda hostiam sanctam, vi- Rom. xii, 1.
vam, ac Deo placentem. *Et David saltabat
totis viribus ante Dominum.* Salubriter to-
tis coram Deo viribus saltat, qui de virtute Ps. lxxxiii,
in virtutem progreditur, fervide proficit, 8.
atque celeriter crescit in omni virtute et
gratia, quæ sursum sunt quærens et gu- Coloss. iii,
stans, non carnalia ac terrena. *Accinctus 1, 2.*
ephod lineo, id est castimonia corporis, et
byssina stola, id est conscientiæ puritate.
Et imposuerunt arcam in loco suo. Sic sa-
era Scriptura et Christi mysteria virtuosus
personis sunt infundenda, purisque cordi-
bus committenda.

Et *benedixit David populo.* Sic præsi-
dentes imprecari debent subditis suis bona
gratiæ in præsentī, et dona gloriæ in fu-
turo, ac toto cordis affectu pro illis ora-
re ; spiritualia quoque alimenta, imo et
corporalia ipsis impendere, pascendo illos
scientia et doctrina, omnique necessaria re-
fectione. *Reversusque est David, ut benedi-*
ceret domui suæ. Sic unusquisque qui præ-
est, specialem debet sollicitudinem gerere
de suis domesticis, eosque informare, cor-
ripere, corrigere, educare, ut sint ceteris
omnibus exemplares. Domus namque præ-
latorum ac principum, quasi in specula
positæ sunt ; et quod inibi agitur, ceteri si-
bi licitum arbitrantur. Sicque ex domesti-
cis superiorum, inferiores præcipue ædi-
ficantur aut scandalizantur.

Et egressa Michol, etc. Sic arrogantes et
mundi honores ac commoda exquirentes,
justorum ac devotorum simplicitatem et
humilitatem derident, et stultitia eis vide-
tur ea despicere, quæ ipsi appetiuntur.
Propter quod sanctus Job dixit : Deridetur Job xii, 4.
justi simplicitas. Unde, ut infra quarto li-
bro habetur, principes dixerunt ad Jehu
de adolescente misso ab Eliseo : Quid ve- IV Reg. ix,
nit insanus iste ad te ? Et ad Ezechielem 11.
Dominus dixit : Portentum te dedi domui
Israel. Apostolus quoque : Tanquam pur-
gamentum (inquit) hujus mundi facti su- 1 Cor. iv,
13.

mus. Ideirco in fine dicturi sunt impii : A
Sap. v, 1. Nos insensati, vitam illorum aestimabamus
 insaniam. Merito igitur dictum est, quod
Rom. viii, 7, 6. sapientia hujus mundi inimica est Deo ;
 quod item prudentia carnis, mors est : quo-
 niam amatores mundi, veram et salutarem
 sapientiam reputant fatuitatem. Qui ergo
 vult reputari inter veraciter sapientes, et
 esse discipulus sapientiæ salutaris, nequa-
 quam ægre accipiat si derideatur ab aliis.
Prov. xix, 11. Quod si ægre susceperit, insipientiam suam
 ostendit. Doctrina etenim seu sapientia vi-
 ri, per patientiam noscitur. Ideo tanto unus-
 quisque minus sapiens esse censetur, quan-
 to impatientior invenitur. Propter quod
Ibid. xiv, 29. Salomon est locutus : Qui patiens est, mul-
 ta gubernatur prudentia ; qui autem impa-
 tiens est, exaltat stultitiam suam.

Itaque si taliter increpemur, attendamus
 et imitemur responsionem mitis et humilis
 David, qui ait, *Vivit Dominus quia ludam*
ante Dominum : hoc est. in Dei obsequio
Ps. lxxxiii, 3. gloriemur, ita ut cor nostrum et caro no-
 stra exsultent in Deum vivum, omnisque
 dissolutio ludicra sit procul a nobis. *Et* C
viliior fiam plus quam factus sum. Sic et

nos humiliemus nos ipsos etiam in aliorum
 præsentia, nec publice corripì aut vilipen-
 di abhorreamus, nec propter opprobria ho-
 minum cessemus ab actibus virtuosis, imo
 potius accendamus ad eos copiosius exse-
 quendos. Ecce David qui leonem vicit et *I Reg. xvii, 36; xvi, 13.*
 ursum, et in pueritia sua fuit unctus in
 regem magis quam aliquis fratrum suo-
 rum, inter quos junior fuit, qui et spiritu
 floruit prophetiæ, injuste objurgatus a con-
 juge, tam mansuete suscepit, humiliterque
 respondit : quanto magis patienter nos
 B ferre oportet, dum juste et a superioribus
 increpamur? Et quo plura ac eminentiora
 quis dona desuper est sortitus, eo humilio-
 rem et patientiorem se præbeat, et per hu-
 militatis custodiam, ab omni se reprimat
 vanitate : et sicut humilis est in propriis
 oculis, sic coram aliis humiliari, atque ab
 eis vilis aestimari nequaquam recuset. Sunt
 enim nonnulli qui propriis verbis se ipsos
 humiliant ; sed si tale quid ab aliis audie-
 rint, indignantur. Sunt etiam quidam, qui
 de sua humiliatione et patientia inaniter
 C gloriantur, nec Deo adscribunt humiliter,
 quidquid ab eo acceperunt elementer.

ARTICULUS XII

EXPOSITIO LITTERALIS CAPITULI SEPTIMI : FACTUM EST AUTEM QUUM SEDISSET REX.

HIC recitatur, qualiter sanctus David en-
 piens Deo gratus consistere, accensus D
 zelo divini honoris, desideravit Deo con-
 struere templum præclarum. *Factum est*
autem quum sedisset rex David *in domo*
sua, id est, in suo regali resideret seu mo-
 raretur palatio ac regio throno, *et Dominus*
dedisset ei undique requiem ab universis
inimicis suis, id est, adversarios ejus ei
 subjecisset, ita quod nec sibi nec regno
 suo audebant inquietudinem per resisten-
 tiam generare : unde frequenter dictum
 est primo libro, Salvavit Dominus David

in omnibus ad quæcumque perrexerat ; *di-* Cf. *I Reg.*
xiii, 14;
xxvi, 24;
II Reg. viii, 6, 14.
Prov. iii, 5.
xit ad Nathan prophetam, in quo scivit
 esse Spiritum Dei, ideo voluit ejus consilio
 uti. Nam scriptum est : Ne innitaris pru-
 dentiae tuæ. In quo innotescunt sapientia
 atque humilitas David regis, qui licet ple-
 nus existeret Spiritu Domini, et tantæ ex-
 cellentiæ esset, nihilo minus de agendis
 voluit cum inferiori consulere et confer-
 re. Quo quorundam in oculis propriis pru-
 dentium reprobatur præsumptio, qui om-
 nia secundum capitis sui conceptum agere
 moliuntur : ideo sæpe falluntur, et sibi ac

aliis inveniuntur periculosi. *Videsne quod A* ego habitem in domo cedrina, id est in palatio de cedris et aliis lignis pretiosis constructo, ut jam patuit, *et arca Dei posita sit in medio pellium?* id est, pellibus talibus involuta, qualibus secundum legem est involvenda. Quasi dicat : Quum sis sanctus Propheta, et videas ista, mirum quod non hortaris me ad ædificandum Domino condecens templum, in quo arca reverenter locetur, quum non deceat me hominem mortalem habere atque inhabitare domum præclariorem quam Deum, qui jussit arcem suam in tabernaculo suo locari intra Sancta sanctorum, prout in Exodo legitur. Porro de involutione arcæ in Numerorum libro scriptum est : Deponent velum quod pendet ante fores, involventque eo arcem testimonii, et operient rursum velamine hyacinthinarum pellium, extendentque desuper pallium totum hyacinthinum.

Dixitque Nathan ad regem, cujus propositum putavit religiosum et Deo complacitum : Omne quod est in corde tuo, vade et fac, id est, quidquid de hac re decreveris operari, exsequere, *quoniam Dominus tecum est,* id est, gratiose te dirigit. Hoc responsum protulit Nathan spiritu humano, non prophetico ac divino : quod tamen putavit se dicere ex divino instinctu. Cautius autem egisset, si ante responsionem suam petisset revelationem a Domino. Unde circa hæc dicit Glossa : Patet quod prophetiæ spiritus non semper mentes Prophetarum irradiat, propter quod Eliseus propheta infra testatur de Sunamite : Anima ejus in amaritudine est, et Dominus non indicavit mihi.

Factum est autem in nocte illa, videlicet statim sequente, *et ecce sermo Domini ad Nathan, dicens,* id est, revelatio desuper facta est, loquens in interiori sensu et intellectu Nathan prophetæ : et ipsa revelatio fuit illa locutio, quæ angelico ministerio facta est, vel in vigilia aut in somno. Et si in vigilia, tunc ad exteriorem sonabat auditum; si vero (quod magis apparet) in somno, tunc sonuit intus. Facta

est quoque in nocte, quoniam tempus nocturnum ad suscipiendas revelationes est aptius, exterioribus sensibus quietatis ac dato silentio. Propter quod scriptum est : Per somnium in visione nocturna aperit Deus aures virorum. Hinc in Evangelio recitatur : Angelus apparuit in somnis Joseph, dicens. Denique increatus Sermo Dei Patris, videlicet Verbum æternum, locutus est Nathan prophetæ per angelum, quem admodum in Apocalypsi contestatur : Ego Jesus misi angelum meum testificari hæc.

Vade, postquam surrexeris, et loquere ad serrum meum David : Hæc dicit Dominus, Numquid tu ædificabis mihi domum ad habitandum? id est, non volo ut construas mihi templum. Cujus una subjungitur ratio : *Neque enim habitavi in domo,* id est templo seu tabernaculo fixo, ex lignis lapidibusque formato, importatili et non moto, *ex die illa qua eduxi filios Israel de terra Ægypti usque in diem hanc, sed ambulavi in tabernaculo Moysis,* quod fuit portabile, nec diu stetit in loco uno.

C Dicitur autem invariabilis et in circumscriptibilis Deus habitare et ambulare in domo aut tabernaculo, per pietatis et gratiæ suæ effectus. *Et in tentorio,* hoc est papilionibus filiorum Israel, *per cuncta loca que transivi cum omnibus filiis Israel tempore Moysis ab Ægypto usque campestria Jericho.* Unde in Exodo Moyses legitur exorasse : Si non tu ipse præcedas nos, ne educa nos de loco isto. In quo enim seire poterimus invenisse nos gratiam in conspectu tuo, nisi ambulaveris nobiscum?

D Itaque cum sedentibus Dominus sedet, cum ambulans ambulat, cum habitantibus commoratur, in quantum sedentibus, ambulans, aut habitantibus misericorditer adest, cooperatur, et providet. Unde in Genesi loquitur Jacob : Dominus fuit socius itineris mei. *Numquid loquens locutus sum ad unam de tribubus Israel, cui præcepi, ut pasceret populum meum Israel,* id est, nec alieni tribui Israel, neque alieni personæ earum, cui personæ aut tribui jussi præsidere Israeliticæ plebi, locu-

II Reg. v.
11.

Exod. xxvi.
14.

Ibid. xl. 3.

Num. iv.
5, 6.

IV Reg. iv.
27.

Job xxxiii.
15, 16.

Matth. i.
20.

Apoc. xxi.
16.

Num. iv. 5-
19.

Exod.
xxxiii. 15,
16.

Gen. xxxv.
3.

tus sum, *dicens : Quare non edificasti mihi domum cedrinam ?* hoc est, nulli iudicium istud præcepi, aut quod istud non fecerit impropere vel increpavi. Circa hoc scribit Lyra : Ideo dicit, Ad unam de tribubus, etc., quia de omnibus fere tribubus fuerunt aliqui pastores populi Israel. De tribu Levi, Moyses et Aaron. De Ephraim, Josue. De Juda, Othoniel. De Manasse, Jephthe. De Benjamin, Aod et Saul. De Nephthali, Barac. De Zabulon, Abialon. De Issachar, Thola. De Dan, Samson. Verumtamen de tribubus Ruben et Simeonis et Gad, nullus legitur generaliter præfuisse.

Deinde narratur in textu qui planus est, qualiter Deus pius ac liberalis bonum propositum David acceperat ac remuneravit. *Et nunc hæc dices servo meo David : Hæc dicit Dominus exercituum : Ego te tui de pascuis sequentem gregem,* id est, quum pasceres oves et pecora patris tui, jussi per Samuelem te vocari de prato, et ungi in regem, juxta illud in Psalmo : Elegit David servum suum, et sustulit eum de gregibus ovium, de post fetantes accepit eum ; *ut esses dux super populum meum Israel ; et fui tecum in omnibus ubicumque ambulasti,* te dirigendo, protegendo, ac miserendo ; *et interfeci universos inimicos tuos,* hoc est quosdam de omnibus, vel principales adversarios tuos, quos permisi aut feci occidi, *a facie tua,* id est a tua præsentia, vel per te, dando tibi potestatem prævalendi in bellis ; *feci que tibi nomen grande juxta nomen magnorum qui sunt in terra :* hoc est, per dona quæ contuli tibi, puta per dona gratiæ gratificantis, ac gratis datæ, per regiam potestatem, et triumphos assiduos, ac reliqua beneficia mea feci te valde famosum, instar majorum qui fuerunt aut sunt in orbe terrarum. Nam feci te magnum regem, magnum prophetam, magnum sanctum, magnum patriarcham, et sapientissimum virum. Hinc primo libro Paralipomenon David fatetur : Fecisti me spectabilem super omnes homines. Et super illud ejusdem capituli, *Feci que tibi nomen grande quasi unius*

magnorum qui celebrantur in terra, dicit Glossa interlinearis : Abraham, Isaac, Jacob, Moyses, Josue, quorum nomina sunt famosa.

Et ponam locum populo meo Israel, id est, locum divini cultus seu templum eis præstabo, ac faciam per filium tuum. Stabilem quoque eis conferam mansionem in terra promissionis : ideo subjungitur, *et plantabo eum,* id est, firmiter faciam commorari, *et habitabo cum eo,* id est in eorum corde per gratiam, atque in templo per multiplicem meæ potestatis ac misericordiæ actionem, *et non turbabitur amplius,* hoc est, more solito non inquietabitur, expelletur, aut opprimetur ; *nec advenient filii iniquitatis,* id est gentes idololatricæ in vestro circuito demorantes : qui propter scelera sua et infidelitatem potissime dicuntur filii iniquitatis, quasi totaliter mancipati ac subjecti peccatis, sicut de Antichristo dicit Apostolus : Nisi revelatus fuerit homo peccati, filius perditionis. Unde et Eliu loquens de sancto Job, quem putavit pravissimum esse hypocritam ac blasphemum : Pater (inquit) mi, ne desinas ab homine iniquitatis, qui addit super peccata sua blasphemiam. *Ut affligant eum sicut prius fecerunt, ex die qua constitui iudices super populum meum Israel.* Nam tempore iudicium fuerunt filii Israel sæpe graviterque afflicti a vicinis idololatriis, prout in libro Iudicum recitatur. Porro, temporibus Regum non fuerunt taliter tribulati, quamvis interdum, præsertim tempore Babylonicæ captivitatis, tempore quoque Antiochi, et postea diu fuerint dire oppressi. In regno etiam decem tribuum fuerunt frequentes et magnæ afflictiones : sed gens illa ob idololatriam suam non reputabatur in populo Dei. Verumtamen Glossa videtur sentire, ista ad litteram non esse impleta, nec posse exponi de filiis Israel pro tempore David aut Salomonis. Nam in Iudicum libro legitur, quod sub Aod iudice habuerunt quietem et pacem annis octoginta, nec tempore Regum leguntur quiescere tot annis. Sicque videretur intelligen-

Exod. ii, 1;
iv, 14; Num.
xiii, 9; Id. 7;
Judic. iii, 9;
xi, 1; Josue
xvii, 6; 1 Par.
vii, 10; 1 Reg.
ix, 1; Judic.
iv, 6; xii, 11;
x, 1; xiii, 2.

1 Reg. xvi,
11, 13.

Ps. lxxvii,
70.

II Thess. ii,
3.

Job xxxiv,
36, 37.

Judic. ii,
10-23.

1 Mach. i.

1 Par. xvii,
17.

Ibid. 8.

Judic. iii,
30.

dum de filiis Israel conversis ad Christum A tempore primitivæ Ecclesiæ, et de spirituali eorum pace, quiete ac stabilitate, quas impii non poterant eis auferre, quando illud Isaïæ impletum est : Sedebit populus meus in pulchritudine pacis, et in tabernaculis fiduciæ, et in requie opulenta.

Is. XXXIII, 18.

Et requiem dabo tibi ab omnibus inimicis tuis, id est, universos hostes tuos visibiles ac invisibiles, faciam ab impugnatione tui deficere ac cessare, ita quod tibi non prævalebunt finaliter. Verumtamen invisibiles inimici ei interdum ad tempus prævaluerunt, quando (ut infra patebit) graviter est transgressus. Verum post vitam præsentem plenius est requiem hanc adeptus. *Prædicatque tibi Dominus*, id est, per me tibi prænuntiat, *quod faciat tibi domum Dominus fidelem*, id est notabilem ac regiam posteritatem, opulentam, copiosamque sobolem. Sic et in Exodo legitur *Exod. I, 21.* Dominus obstetricibus Hebræorum ædificasse domos, quia Dominum timuerunt.

Quumque completi fuerint dies tui, id est, in bonis operibus eos expendis. Plenitudinem etenim habent dies et actus justorum ; inanes vero et vacui sunt dies malorum. Unicuique quoque præfixus est certus dierum numerus, quibus vivet, juxta illud beati Job : Constituisti terminos ejus qui præteriri non poterunt. *Et dormieris somno mortis cum patribus tuis*, id est, quemadmodum illi defuncti sunt, *suscitabo semen tuum post te, quod egredietur de utero tuo*. Doctores catholici, Augustinus, Isidorus et Glossa, videntur sentire, ista non posse exponi de Salomone ad litteram : Primo, quoniam paulo post subditur, Stabilem thronum regni ejus usque in sempiternum : quod non est in Salomone impletum. Secundo, quia subjungitur, Ego ero ei in patrem, et ipse erit mihi in filium : quod ad Hebræos allegat Apostolus, ad probandum Christi divinitatem. Quumque secundum Augustinum probatio non valeat, nisi ex sensu litterali, videtur istud ad litteram de Christo prænuntiatum. Tertio, quia post additur, Misericordiam meam

Job XIV, 3.

Hebr. I, 5.

non auferam ab eo : quod non videtur in Salomone completum, quia peccavit gravissime, nec de ejus pœnitentia aliquid refert Scriptura. Quarto, quoniam Salomon cœpit regnare, et sedit in throno regali, David vivente ac intuentem : sicque non convenit ei quod dicitur, *Suscitabo semen tuum post te* ; rursus, quia jam dictum est, *Quum dormieris cum patribus tuis, suscitabo semen tuum post te, quod egredietur de utero tuo*. Semen autem quod post mortem David a Deo est suscitatum, et de ventre ejus egressum, non Salomon, sed Christus fuisse videtur.

III Reg. XI, 1-8.

Ibid. I, 39; II, 12.

Pro horum concordia dicit S. Hieronymus, quod aliquid dicitur in Scripturis de Salomone, in quantum fuit res quædam et homo particularis, puta quod fuit filius David ex Bethsabæe ; aliquid quoque fertur de eo, in quantum fuit Christi figura, et talia plenius sunt impleta in Christo, quam Salomone, qualia sunt quæ hic dicuntur. Sic et illud in Osee, *Ex Ægypto vocavi filium meum*, sanctus evangelista Matthæus allegat de Christo prædictum. Illud quoque in Exodo, *de agno paschali conscriptum, Ossa ejus non confringetis*, sanctus Joannes evangelista de Christo inducit : *Os, inquiens, non comminuetis ex eo*. Hinc quidam scribit circa hunc locum : Salomon fuit figura Christi. Figura autem quum sit res aliqua, potest considerari tripliciter. Primo, ut res tantum in se. Secundo, ut figura alterius tantum. Tertio, secundum utrumque. Sicque aliqua in Scripturis dicuntur de Salomone secundum se : et ita non fuit figura Christi, sicut quod fabricatus est idola. Aliqua vero dicuntur de eo, in quantum fuit figura Christi tantum, ut illud in Psalmo, *Dominabitur a mari usque ad mare, et a flumine usque ad terminos orbis terrarum* : quod Salomoni non competit, quia non fuit monarcha, sed Christo. Alia dicuntur de Salomone utroque modo, quæ scilicet verificata sunt de ipso, licet imperfecte, et de Christo perfectius : ejusmodi sunt quæ hic ponuntur in littera, saltem pro parte magna. Istud conve-

II Reg. XII, 24.

Osee XI, 1.

Matth. II, 15.

Exod. XII, 46.

Joann. XIX, 36.

III Reg. XI, 7.

Ps. LXXI, 8.

nienter dictum videtur, excepto eo quod A
præsupponit præallegatum versiculum, Do-
minabitur a mari usque ad mare, etc., imo
et psalmum illum, Deus judicium tuum
regi da, scriptum esse de Salomone ad lit-
teram : imo ad litteram de Christo con-
scriptus est, secundum doctores catholicos,
quum multa dicantur in psalmo illo, quæ
nequaquam conveniunt Salomoni, videli-
cet : Et permanebit cum sole et ante lu-
nam. Itemque, Coram illo procident Æthi-
opes. Et, Adorabunt eum omnes reges,
omnes gentes servient ei. Et, Ante solem B
permanet nomen ejus. Et, Benedicentur in
ipso omnes tribus terræ.

Itaque exponenda est littera ista primo,
quantum fieri potest, de Salomone : Quum-
que completi fuerint dies tui, *suscitabo*
semen tuum post te, id est, Salomonem
filium tuum, te defuncto, elevabo et con-
firmabo in regno. Quamvis etenim, vivente
David, Salomon fuerit unctus in regem, et
sederit in solio regni, ut infra habetur, ta-
men post mortem David, principatus Sa-
lomonis cœpit omnibus divulgari, et domi-
natio patris sui sublimior atque potentior
fieri, juxta illud libri primi Paralipome-
non : Magnificavit Dominus Salomonem,
et dedit ei gloriam regni, qualem nul-
lus habuit ante eum rex Israel. Hinc ali-
qui dicunt, quod quamvis Salomon, David
vivente, fuit unctus et inthronizatus in re-
gem, non tamen firmiter stabilitus in re-
gno, quousque defuncto David, et inter-
fectis Joab et Adonia, dissipati sunt qui
Adoniæ favebant. *Quod egredietur de utero*
tuo, id est, nascetur ex semine tuo secun-
dum corpus, non quod anima tradueatur
cum semine ; et quamvis mater ministret
substantiam fetus, vis tamen formativa et
ratio seminalis, in semine patris sunt.
Quamvis autem Salomon natus fuit ante
obitum David, non tamen quando ista præ-
dicebantur per Nathan : ideo prætaetæ clau-
sulæ, ad diversa sunt tempora referen-
dæ. *Et firmabo regnum ejus*. Unde infra
habetur, Firmatum est regnum ejus nimis.

Ipse ædificabit domum nomini meo, hoc

est templum ad laudem et gloriam meam,
et stabiliam thronum regni ejus usque in
sempiternum, id est per omne tempus ve-
teris Testamenti, præsertim nisi posteritas
sua peccando ponat obicem impletioni pro-
missionis istius. Etenim sicut Jacob præ-
dixerat, non fuit in toto ablatum sceptrum
de Juda, et dux de femore ejus non defecit
per posteros David, præsertim usque ad
tempus Herodis alienigenæ et veri Messiae.
Nam et Machabæi ex uno latere erant de
tribu Juda. Potest quoque veraciter dici,
quod thronus David ac Salomonis, sit per-
petuatus in Christo, cujus regni non erit
finis, qui de illorum natus est semine.

Ego ero ei in patrem, et ipse erit mihi
in filium, hoc est, per gratiam adoptionis,
et curam provisionis ero pater ipsius, et
ipse erit filius meus adoptivus, saltem ad
tempus, et secundum præsentem justitiam.
Salomon quippe longo tempore habuit se
devote. Nam et infra habetur, quod Domi-
nus dilexit eum, et a Nathan vocatus est
Amabilis Domino. An vero etiam secundum
æternam prædestinationem fuerit talis, in-
fra quæretur. Hinc primo Esdræ libro scri-
ptum est : Certe in gentibus multis non
erat rex similis Salomoni, et dilectus Deo
suo erat. *Qui si inique aliquid gesserit*.
Nam et Salomon tandem gravissime est
transgressus. Verumtamen universorum
præscius Dominus, sic quasi ambigue et
conditionaliter est locutus, ne Salomon vi-
deretur ex necessitate quadam peccasse,
si ejus transgressionem Deus absolute præ-
nuntiasset. *Arguam eum in virga virorum*,

D hoc est afflictione inferenda a viris, seu
gladio adversariorum. Unde infra libro ter-
tio recitatur, quod propter scelera sua Do-
minus suscitavit ei adversarios multos, et
per Ahiam prophetam prædixit regnum
dividendum, atque pro majori parte ipsi
Jeroboam tribuendum : quo cognito, valde
afflictus est Salomon. *Et in plagis filiorum*
hominum, hoc est diversis incommodis at-
que molestiis, quibus filii hominum solent
affici in hac vita, ac invicem sibi inferre.
Quum enim peccasset tam dire in senio

Ps. LXXI, 5.

Ibid. 9.

Ibid. 11.

Ibid. 17.

Ibidem.

III Reg. I, 39, 46; II, 10.

I Par. XXIX, 25.

III Reg. II, 10, 25, 34.

Ibid. 12.

Gen. XLIX, 10.

Luc. I, 33.

Rom. I, 3.

II Reg. XII, 26.

II Esdr. XIII, 25.

III Reg. XI, 1-8.

Ibid. 14, 23-26, 30-37.

Eccle. i.
14: ii, 17.

suo, tandem ad diversas devenit tristitias, A prout ipse in Ecclesiaste testatur: Vidi, inquiens, universa sub sole, et ecce vanitas et afflictio spiritus. Ideireo tæduit me vitæ meæ. Tunc quoque minorata est fama ejus. Circa hoc refert Lyra, in Hebræo habetur, In plagis filiorum Adam. Quod exponunt Hebræi, dicentes, quod primus Adam in centum tribus annis, quibus continuit ab Eva propter occisionem Abel, commixtus est dæmonibus succubis, quæ conceperunt ab eo, pepereruntque dæmones, qui postea incitaverunt Salomonem ad peccandum: B propter quod divisum fuit regnum suum tempore filii sui. Ecce quam stolidissimis erroribus involvuntur Judæi.

Misericordiam autem meam non auferam ab eo. Qui dicunt Salomonem finaliter pœnituisse, et esse salvatum, exponunt hoc sic: Misericordiam autem meam, hoc est gratiam finalem, non auferam ab eo, sed temporaliter castigatum ac pœnitentem salvabo. Hinc Magister in historiis loquitur: Ex hac promissione conjecitur, quod salvus sit Salomon. Ceteri qui vel putant vel affirmant eum esse damnatum, ita exponunt: Misericordiam meam non auferam ab eo, id est, propter scelera sua non tollam ab eo ac posteris ejus regiam potestatem, successoremque regni. Cui expositioni videtur consonare quod subditur: *sicut abstuli a Saul, quem amovi a facie mea*, hoc est a pietatis meæ respectu, ita ut in posteris ejus non manserit regale imperium: vel (ut aliqui dicunt) quem juste damnavi. De qua re quid sentiendum appareat, tactum est plenius ultimo primi D libri capitulo. Præterea, quamvis non solum Lyra, sed alii quoque quidam expositores catholici, ablationem istam misericordiæ Dei referant ad destitutionem regni successione, tamen Rabbi Paulus circa hoc specialiter scribit contra Lyræ, dicendo: In hoc quod dicit postillator verbum illud, Misericordiam autem meam, etc., non intelligi, nisi quantum ad temporale regnum, videtur nimis literalizare. Manifestum est namque secundum doctores nostros, puta

1 Reg. xxxi.

catholicos, quod lex vetus disponebat ad Christum, sicut imperfectum ad perfectum. Unde communiter temporalia bona David et filio ejus promissa, [principaliter intelliguntur pro spiritualibus,] similiter perpetuitas fidelitatis domus ejus. Et si intelligantur de regno temporali, principalius tamen etiam ad litteram intelligenda sunt de regno æterno, sicut illud quod dictum est Abraham: In semine tuo benedicentur omnes gentes.

Gen. xxii,
18.

Et fidelis erit domus tua et regnum tuum, usque in æternum ante faciem meam, et thronus tuus erit firmus jugiter. Quamvis istud aliquo modo dicatur posse exponi de posteris David et successoribus regni sui, videlicet Salomone ac ceteris, quoniam multi eorum fuerunt justî, et veræ Deitatis cultores, qui et aversos reduxerunt ad Dei cultum, ipseque Salomon multo tempore fuit fidelis; tamen secundum Augustinum, ista expositio est valde impropria. Nam et Salomon, ejusque filius Roboam, ac multi alii reges, ex eis nati, ad idololatriam et carnalitates nimias corruerunt. Ait itaque Augustinus: Errat qui putat promissionem hanc in Salomone completam. Attendit quod dictum est, Hic ædificabit mihi domum, quoniam Salomon nobile templum extruxit; et non attendit, quod dicitur, Fidelis erit domus tua, etc. Attendat ergo domum Salomonis, plenam mulieribus alienigenis colentibus falsos deos, et ipsum regem quondam sapientem, ad idololatriam eandem seductum. Nec audeat æstimare, Deum istud mendaciter promisisse, et talem Salomonis ruinam Deum non præcisse. Ideireo in Christo, qui factus est ex semine David secundum carnem, videmus ista impleta; nec alium querimus sicut Judæi. Nam et ipsi hunc filium David promissum, non intelligunt Salomonem, sed alium sperare se dicunt, cujus imago aliqua seu figura præcessit in Salomone, qui templum ædificavit, et juxta nominis sui interpretationem, habuit pacem, atque in regni sui exordio fuit laudabilis.

III Reg. iii,
3.

Ibid. xi, 4;
xiv, 22-24;
etc.

Ibid. vi, vii.

Ibid. xi, 1-3.

Rom. i, 3.

Secundum omnia verba hae jam descripta, et juxta universam visionem istam imaginariam, imo et prophetalem, cujus sensum intellexit Nathan propheta, (propter quod fuit, quantum ad hoc, visio seu revelatio etiam intellectualis), sic locutus est Nathan ad David.

Sensus
allegoricus.

Jam exponenda est littera ista de Christo, de quo planius veriusque exponitur.

Quumque completi fuerint dies tui, suscitabo semen tuum post te, id est, Christum ex semine tuo faciam nasci ex Virgine gloriosa :

Jer. xviii, 5.

juxta illud in Jeremia, Ecce dies veniunt, dicit Dominus, et suscitabo David germen justum: quod egreditur de utero tuo, non immediate, sed per intermedios multos: vel, Ex utero tuo, id est ex utero Virginis ex te natæ. *Et firmabo regnum*

Luc. i, 32,
33.

ejus. Unde angelus dixit ad Virginem: Dabit illi Dominus Deus sedem David patris ejus, et regnabit in domo Jacob in æternum, et regni ejus non erit finis. *Ipse edificabit domum nomini meo,* id est militan-

1 Petr. ii, 5.

tem Ecclesiam: quia congregavit fideles per fidem et caritatem, ex quibus tanquam ex vivis et electis lapidibus, Deo Patri seu

Zach. vi,
12.

superbeatissimæ Trinitati templum construxit, in quo Deus habitat gratiose, et regnat benigne. Hinc per Zachariam præ-

Hebr. iii, 6.

dictum est: Ecce vir, Oriens nomen ejus, et ædificabit templum Domino. De hac do-

1 Tim. iii,
15.

mo ait Apostolus ad Hebræos: Christus tanquam filius in domo sua, quæ domus sumus nos. Atque ad Timotheum: Scias quomodo oporteat te in domo Dei conversari, quæ est Ecclesia Dei vivi, columna et firmamentum veritatis. *Et stabiliam*

D

thronum regni ejus, id est regiam ejus auctoritatem ac judiciariam potestatem, usque in sempiternum. Christus quippe regnat in militanti Ecclesia per fidem et gratiam usque ad finem mundi. Deinde per beatificam visionem et gloriæ lumen regnat in ea, in patria, et in tota triumphante Ecclesia. Unde a Daniele est præ-

Dan. vii, 14.

dictum: Dedit ei Antiquus dierum, videlicet Pater æternus, potestatem et honorem et regnum, et omnes populi, tribus et linguæ

servient ei. Potestas ejus, potestas æterna, quæ non auferetur, et regnum ejus quod non corrumpetur. Hinc Isaias: Super so-

Is. ix, 7.

limum, inquit, David et super regnum ejus

sedeat, ut confirmet illud, et corroboret in judicio et justitia, amodo et usque in sempiternum.

Ipse erit mihi in filium, hoc est, Filius

meus naturalis, verus et unicus erit, imo et æternaliter est. De quo in Proverbiis

Prov. xxx,
4.

dicatur: Quod nomen ejus? et quod nomen filii ejus, si nosti? Qui (ut ad Romanos

Rom. i, 4.

asseritur) prædestinatus est Filius Dei in virtute. *Et ego ero ei in patrem,* id est,

Pater ejus consubstantialis et æternalis ero et sum. *Qui si inique aliquid gesserit.* Hic

Judæi insultant nobis, dicentes: Aut inique aliquid egit Christus vester, aut non.

Si sic, ergo peccator est: si non, ergo istud non est de ipso prædictum. Ad quod

Is. liii, 9.

respondetur, quia (ut apud Isaiam legitur) Christus iniquitatem non fecit, nec inven-

tus est dolus in ore ejus. Sed quum ipse sit caput omnium electorum, cum quibus

constituit unum mysticum corpus, quædam in Scripturis dicuntur de ipso in persona

membrorum suorum, propter connexionem et condescensionem capitis hujus ad

Ps. xl, 2.

membra sua: sicque mos est Scripturæ, ea quæ capitis sunt, adscribere membris, et

reverso. Unde in Psalmo cujus exordium est, Beatus qui intelligit super egenum et

Ibid. 5.

pauperem, qui de Christo ejusque traditore manifeste conscriptus est, legitur: Ego dixi, Domine, miserere mei, sana animam

meam, quia peccavi tibi. *Arguam eum in virga virorum,* id est, membra ejus cor-

Is. liii, 6.

ripiam, puta credentes, vel ipsum pro peccatis membrorum, juxta illud in Isaiâ: Dominus posuit in eo iniquitatem omnium

Ps. lxxviii, 5.

nostrum. Unde ait in Psalmo: Quæ non rapui, tunc exsolvebam. Itemque: Super me confirmatus est furor tuus, et omnes

Ps. lxxxvii,
8.

fluctus tuos induxisti super me.

Misericordiam autem, hoc est gratiam, meam non auferam ab eo: quoniam Chri-

stus fuit summe præventus, repletus, et confirmatus in gratia secundum naturam

assumptam, et fuit in eo gratia unionis, gratia capitis, gratia personalis, et gratia beatificæ visionis. Vel, Misericordiam meam non auferam ab eo : quia Christus in suis vicariis, principibus ac prælatis, jugiter regnat in universali Ecclesia, et membris ipsius abundantissima gratia est collata sub evangelica lege : propter quod tempus novi Testamenti, tempus gratiæ appellatur. Unde in Zacharia scriptum est : Et erit qui offenderit ex eis in die illa, quasi David, et domus David quasi Dei, sicut angelus Domini in conspectu eorum. Quod prædictum est ad designandum magnitudinem pietatis ac gratiæ Dei tempore Christi ac evangelicæ legis. *Et fidelis erit domus tua* : hoc est, Christi familia constans erit in fide et gratia, quæ vocatur domus David, hoc est Christi præfigurati per David; vel, quia fideles sunt spirituales filii David per fidei ac virtutum sequelam, sicut in simili ait Apostolus ad Galatas : Qui ex fide sunt, hi filii sunt Abraham. Hinc in Actis primitiva Ecclesia legitur orando dixisse : Deus, qui dixisti per os David patris nostri. Ideo ait Glossa : Ecclesia dicitur domus David propter genus David, et domus Dei propter templum Dei de hominibus factum.

Consequenter describitur, qualiter David ex tantis Dei promissis, non est inaniter elevatus, sed humiliter regratius. *Ingressus est autem David rex.* Quo introivit ? Puto quod in locum seu tabernaculum, in quo collocaverat arcam, ut præcedenti habetur capitulo, ut in loco illo sacro devotius se haberet. Siquidem dispositio, consecratio, et sanctimonia loci, cooperantur ad devotionis augmentum. *Et sedit coram Domino*, hoc est, humiliter posuit se in Dei præsentia, quæ ibi specialiter fuit propter arcam præsentiam, et loci consecrationem. Unde quidam exponunt, Coram Domino, id est coram arca in qua Deus specialiter præsentabatur. Nam et supra arcam facta fuit ac stetit aurea tabula, quæ dicebatur propitiatorium atque oraculum, quia ex illo loco Dominus exaudivit orantes, et dedit

responsa, ac propitiabatur populo suo : sicque tabula illa fuit quasi sedes Dei, ut dictum est plenius in Exodo. *Exod. xxv, 17.*

Et dixit : Quis ego sum, Domine Deus? quasi dicat, Indignus sum tantis beneficiis tuis, et tam gratioso respectu majestatis tuæ ad me. *Et quæ domus mea?* hoc est soboles, tribus seu familia : tanquam dicat, Nec ipsa hæc meruit. *Quia adduxisti me hucusque* : id est, ab exordio vitæ meæ fuisti mihi graciosus defensor et conservator usque in præsens, atque per semitas æquitatis me direxisti, quemadmodum scriptum est, Justum deduxit Dominus per vias rectas : ita ut dicere queam, Tenuisti manum dexteram meam, et in voluntate tua deduxisti me. Vel, Adduxisti me hucusque, hoc est usque ad solium istud regale, et usque ad prosperitatem qua polleo. Itaque sanctus David, quanto summi et primi benefactoris majestatem ac munificentiam plenius consideravit, tanto se ipsum profundius humiliavit, et præcordiali affectu gratias egit. *Sed et hoc ipsum parvum* * *visum est in conspectu tuo, Domine Deus,* hoc est, excellentiæ tuæ non suffecit, nec satis multum reputasti, conferre mihi beneficia multa et magna in vita præsentis propriaque persona, *nisi loquereris etiam de domo servi tui in longinquum*, id est, nisi etiam promitteres mihi pro successoribus ac posteris meis magna et prospera, quod scilicet succedent mihi in regia dignitate. *Ista enim est lex Adam, Domine Deus,* hoc est proprietas hominis protoplasti, seu jussio ei facta, videlicet sollicitudinem gerere de prolis successione ac prosperitate. Unde primis parentibus dictum est : Crescite et multiplicamini. Hæc autem lex ab Adam est in posteros derivata. Vel, Hæc est lex Adam, id est hominis, ut gratias agat Deo de beneficiis suis. Porro Adam, in Hebræo est nomen commune, significans hominem, nomenque proprium hominis primi. *Gen. i, 28. Ibid. viii, 17; ix, i, 7.*

Quid ergo addere poterit adhuc David, ut loquatur ad te? id est, tanta est pietas ac liberalitas tua in me, ut tibi sufficien-

ter et plene nequeam grates rependere, nec majora audeo postulare : imo plura et ampliora dedisti ac spondidisti, quam petere praesumpsissem. *Tu enim scis servum tuum, Domine Deus*, hoc est, cor meum cognoscis, et scis quod ex animo loquor ista : per effectum quoque beneficiorum ac promissorum jam praetactorum demonstras, quod memor sis mei, et per approbationem me noscas, ac speciali modo me scias, quemadmodum dixisti ad Moysen : Te ipsum novi ex nomine.

Exod.
xxxiii, 17.

1 Reg. xv,
28; xvi, 1,
12.

Ephes. i,
11.

1 Cor. ii, 12.

Gen. i, 26, 27.

Propter verbum tuum, id est ad verificandum promissa, quae sanctis Patriarchis Abraham, Isaac, et Jacob promisisti de regia stirpe oritura ex eis per tribum Juda, et quae specialiter praedixisti Samueli de me, *et secundum cor tuum*, hoc est ex cordis tui proposito, et juxta magnitudinem liberrimae tuae liberalitatis; itemque, *Secundum cor tuum*, hoc est ex pietate et caritate voluntatis tuae ad nos, et secundum propriam tuam bonitatem, qua proprium tibi est divitias tuas aliis communicare; *fecisti omnia magnalia haec*, id est, tot et tanta beneficia dedisti ac promisisti. Hinc ad Ephesios ait Apostolus : Deus operatur omnia secundum propositum et consilium voluntatis suae. *Ita ut notum faceres servo tuo*, hoc est, mihi haec ipsa notificares, et quid in posterum sis factururus, praediceres. Nam et hoc est speciale donum Dei, seire beneficia ejus, similiter futura praenoscere. Propter quod loquitur Paulus : Non spiritum hujus mundi accepimus, sed spiritum qui ex Deo est, ut sciamus quae a Deo donata sunt nobis. *Idcirco magnificatus es, Domine Deus*, hoc est, excellentiam magnifice demonstrasti, atque in corde meo magnus es cognitus ac honoratus. Nam et hoc ad magnificum spectat, dare et agere ampliora quam meretur recipiens. *Quia non est similis tui* in creaturis, id est aequalis, quum sis universis ac singulis infinite sublimior. Verumtamen rationales et intellectuales creaturae sunt similes Deo, similitudine participata et imitativa, imo ad Dei imaginem similitudinemque creatae :

T. 3.

ad quam similitudinem hortatur nos Christus, Estote, inquit, perfecti, sicut et Pater vester caelestis perfectus est. *Neque est Deus extra te in omnibus quae audivimus auribus nostris*, hoc est, praeter te non est verus Deus, nec dii gentium, de quibus audivimus, veram habent in se deitatem.

Math. v,
48.

Quaer est autem, ut populus tuus Israel, gens in terra? id est, in mundo hoc inferiori non est gens tantae dignitatis et gratiae, ut plebs Israelitica : quod verum fuit

B tempore veteris Testamenti, sub quo plebs illa fuit a Deo praelecta, et multis ac magnis donis, virtutibus, miraculis, praeter ceteris decorata. Propter quod locutus est Moyses : Te elegit Dominus, ut sis ei populus pecu-

Deut. vii,
6, 8.

C lud Exodi : Ecce ego mitto angelum meum, qui praecedat te, et introducat ad locum quem paravi. Et angelus iste interdum vocatur Deus aut Dominus, prout in Exodo patet, quia in Dei persona apparuit, loquebatur, aut aliqua faciebat, ut sanctus exponit Gregorius. Circa haec scribit Lyra : In Hebraeo habetur, Quae est gens ut populus tuus Israel, propter quam iverunt dii? Quod exponit Rabbi Salomon de Moyse et Aaron, qui missi fuerunt ad educendum Israel de Aegypto, et dicuntur dii participative. Sed melius potest exponi de pluralitate Personarum in divinis, quarum indivisa sunt opera : sicque notatur pluralitas Personarum, quum dicitur, Iverunt dii, quia tres Personae vere dicuntur deitatem habentes. Quoniam tamen deitas illa et essentia, simpliciter una est in tribus Personis, ideo subditur in singulari, Ut redimeret eam sibi.

Exod. xiii,
21.

Ibid. xxiii,
20.

Ut redimeret eam sibi in populum, hoc est, quatenus Deus ad suum honorem liberaret plebem Israeliticam a servitute

Ægyptiorum, ad hoc quod esset populus A
 suus peculiaris, et suis beneficiis gratus, ac
 libere sibi serviret in terra promissionis;
et poneret sibi nomen, hoc est, denomina-
 tionem acciperet a plebe præfata: quoniam
 propter opera circa eam exhibita, vocatus
 est Dens Israel, et Deus Hebræorum, juxta
 illud Exodi: Deus Hebræorum vocavit nos.
 Vel. Poneret sibi nomen, hoc est, præcla-
 ram acquireret famam per mirabilia pro
 populo illo peracta. Unde in Exodo dixit
 ad Moysen: Videntibus cunctis, signa fa-
 ciam, quæ nunquam visa sunt super ter-
 ram, nec in ullis gentibus. Et cur faceret ea,
 exprimit in libro Numerorum, dicens: Vivo
 ego, et implebitur gloria Domini univer-
 sa terra. Hinc quum Dominus permisisset
 filios Israel a viris Hai fugari, Josue plo-
 rans et orans, inter cetera dixit ad Deum:
 Quid facies magno nomini tuo? Hinc de-
 mum scriptum est in Isaia: Qui seidit
 aquas ante eos, ut faceret sibi nomen sem-
 pitemnum. Et rursus ibidem loquitur Deo
 Isaïas: Sic adduxisti populum tuum, ut
 faceres tibi nomen gloriæ.

Faceretque eis, hoc est pro redemptione
 Israelitarum, *magnalia*, id est supernatu-
 ralia signa, atque magnifica opera, quoad
 Hebræorum educationem, quæ erant Ægy-
 ptiis metuenda. Propter quod subditur: *et*
horribilia super terram, sicut quod tribus
 diebus fuerunt palpabiles tenebræ in Ægy-
 pto, ita quod nullus Ægyptiorum videre
 potuit proximum suum, et aliæ plagæ Ægy-
 ptiis inflicte, quæ in Exodo sunt descri-
 ptæ: *a facie populi tui*, hoc est, hæc
 magnalia peregististi intuitu Israeliticæ ple-
 bis tuæ, ac dividendo inter populum tuum
 atque Ægyptios. Propter quod Moyses di-
 xit ad Pharaonem: Ut scias quanto mira-
 culo Dominus dividat inter filios Israel et
 Ægyptios. Quidam exponunt aliquid sub-
 intelligendo, ut sit sensus: Fecisti magna-
 lia et horribilia illa, supple, ejiciendo ac
 dejiciendo adversarios a facie populi tui
 Israel, per quem Ægyptios ac Chananaeos
 multipliciter peremisti. Huic expositioni
 consonat illud primi Paralipomenon: Ma-

gnitudine sua atque terroribus ejiceret na-
 tiones a facie ejus. *Quem redemisti tibi ex*
Ægypto, unde per Moysen tuum populum
 eduxisti ad tui ipsius laudem et gloriam,
*gente et deo * ejus*: hoc est, ex Ægyptiaca
 gente et diis eorum, tuum populum erui-
 sti, qui non solum Ægyptiis, sed et idolis
 eorum in Ægypto servivit, quemadmodum
 in Denteronomio et Ezechiele manifeste
 habetur. Itaque ponitur hic numerus sin-
 gularis pro plurali, quum dicitur, Et deo
 ejus. Porro Deus non solum Ægyptios, sed
 et deos eorum contrivit, juxta illud in Nu-
 meris: Nam et in diis eorum exercuit ul-
 tionem. Aliqui textus habent, Gentem et
 deum ejus. Quod quidam exponunt sic:
 Gentem, utpote præfatum Israeliticum po-
 pulum; et deum ejus, hoc est Moysen, cui
 in Exodo loquitur Dominus: Ecce consti-
 tui te deum Pharaonis. Alii sic exponunt,
 Gentem et deum ejus, id est, plebem Cha-
 nanæorum, ac deos eorum, supple, expulit
 et ejecit Deus a facie Israelis. Verumtamen
 sensus iste non videtur ex textu haberi.

C *Et firmasti tibi populum tuum Israel*
in populum sempitemnum: hoc est, per
 dona gratiæ tuæ firmiter statuisti hunc po-
 pulum esse populum tuum hereditarium,
 ac jugiter te colentem, juxta illud in Isaia,
 Hereditas mea Israel: et hoc per succes-
 sionem impletum est in electis ex populo
 Judæorum, quia reliquiæ per electionem
 gratiæ salvæ factæ sunt. Vel sensus est,
 quod hoc Deus fecit quantum in se fuit,
 quamvis populus ille se frequenter avertit
 a Deo, et tandem pro maxima parte omni-
 no aversus fuit ac induratus. *Et factus es,*
tu Domine Deus, eis in Deum: hoc est, tu
 qui universorum creator ac Dominus es,
 factus es specialiter Deus plebis illius, con-
 ferendo eis legem, ac alia beneficia multa
 et magna: sicque factus es Deus illorum
 absque tui ipsius mutatione per novos ef-
 fectus omnipotentiae ac beneficentiae tuæ,
 juxta quem sensum fertur in Psalmo, Do-
 mine, refugium factus es nobis. Hinc in
 Exodo Dominus ait filiis Israel: Educam
 vos de ergastulo Ægyptiorum, et redinam

* gentem
et deum

Cf. Josue
xxiv, 14;
Ezech, xvi,
26.

Num.
xxxiii, 4.

Exod. vii, 1.

Is. xix, 25.

Rom. xi, 5.

Ps. lxxxix,
1.

Exod. vi,
6, 7.

Exod. iii,
15.

Ibid. xxxiv,
10.

Num. xiv,
21.

Josue vii,
5, 9.

Is. lxiii, 12.

Ibid. 14.

Exod. x,
22, 23.

Ibid. xl, 7.

I Par. xvii,
21.

in brachio excelso, et assumam vos mihi A
in populum, et ero vester Deus. Denique
de hac Israelitici populi electione, claritate
et excellentia, ait Moyses : Non est alia
natio tam grandis, quæ habeat deos appropin-
quantes sibi, sicut Deus noster adest
cunctis obsecrationibus nostris. Quæ est
enim alia gens sic inclita, ut habeat caerim-
onias justaque judicia, et universam legem
quam ego proponam hodie ante oculos
tuos ?

Nunc ergo, Domine Deus, verbum quod
locutus es super servum tuum, et super B
domum ejus, suscita in sempiternum, hoc
est, perpetuo imple præfatam promissionem,
mihî ac posteritati meæ a te factam ;
et fac sicut locutus es, ut magnificetur nomen
tuum usque in sempiternum, hoc est,
ad tui ipsius reverentiam fac hoc, atque
dicatur : Dominus exercituum, Deus super
Israel, hoc est, Deus omnipotens et
Dominus cœlestium agminum, dignanter
factus est Deus Israeliticæ plebis, super
eam speciali provisione respiciens. Et domus
servi tui David erit stabilita coram C
Domino : hoc est, soboles, familia seu successio
mea coram te firmiter permanebit, si feceris
sicut locutus es, et sicut oro impleri. Quia
tu, Domine exercituum, Deus Israel, revelasti
auriculam servi tui, hoc est, auribus meis
per Nathan prophetam denuntiasti, dicens :
Domum ædificabo tibi, id est, successores in
regno ex semine tuo tibi præstabo, sicut
expositum est. Propterea invenit servus tuus
cor suum, hoc est, fiduciam istam orandi
concepit, istamque voluntatis suæ dispositionem
sensit in D
se, ut oraret te oratione hac. Quasi dicat :
Nisi tua pia promissione et gratiosa præ-
ventionem mihi tanta ac talia spopondisses
ac prædixisses, non præsumerem ista orare.

Nunc ergo, Domine Deus, tu es Deus,
qui nec mentiri, nec fallere potes, quum
sis substantialiter verus et veritas, et verba
tua erunt vera. Locutus es enim ad ser-

vam tuam bona hæc. Incipe ergo implere
quæ promisisti, et benedic domui servi
tui, id est, in prole atque domesticis meis
auge, et conserva tuarum munera gratiarum,
ut sit in sempiternum coram te, hoc
est, jugiter tibi sit placita, et coram te
permansura, quia tu, Domine Deus, locutus
es hæc ; et benedictione tua benedicetur
domus servi tui in sempiternum.

Præterea quæri potest, cur David tam
ferventibus repetitisque verbis rogavit verba
divinæ promissionis impleri, quum verba
Dei cassa esse non queant, nec falsa. Et
respondendum, quod David non ignoravit
promissiones Dei frequenter esse intelligendas
sub conditione implicita, utpote nisi homines
peccando obicem ponerent : ideo exoravit pro
gratia, ne vel ipse vel posterius sui obstaculum
ponerent impleioni divinæ promissionis. Insuper
scivit Deum sic multa promittere, ut tamen velit ea
per orationes et opera bona promereri seu
obtinere. Propter quod etiam Christus passione
instante oravit pro sua glorificatione, dicens :
Pater, venit hora, clarifica Joann. xvii, filium
tuum. Hinc quoque per Jeremiam 1.
loquitur Deus : Subito loquar de gente et
regno, ut ædificem et plantem illud. Si Jer. xviii, 9, 10.
fecerit malum in oculis meis, pœnitentiam
agam super bono quod locutus sum, ut facerem
ei. Itaque sicut juxta commune dictum Sanctorum,
quædam est prophetia prædestinationis, quæ
semper certitudinaliterque impletur ; alia est
prophetia comminationis, quæ aliquando non
impletur : sic quædam divina promissio, est
promissio prædestinationis, quæ impletur
certissime, et quædam conditionis, ejus impletio
ex meritis pendet eorum quibus fit ipsa ; et
hi quibus fit, interdum non sciunt qualiter
sit intelligenda divina promissio eis facta.
Et quamvis contingat non fieri quod Deus
promisit, nihilo minus verba Dei sunt vera,
quia secundum intellectum, quo a Deo prolata
sunt, et secundum quem vere accipienda sunt,
indubitanter sunt vera.

ARTICULUS XIII

DE SPIRITUALI ET MYSTICA EJUSDEM CAPITULI SEPTIMI INTELLIGENTIA.

FACTUM est autem quum sedisset rex David in domo sua, etc. Moraliter ex capituli hujus initio instruuntur christiani principes ac praelati, ut tempore pacis et prosperitatis nequaquam vacent otio, ludis, jocis, libidini, sed zelo divini honoris; et quanto ab exterioribus hostibus liberiores consistunt, atque majori quiete et prosperitate utuntur, tanto contra invisibiles hostes sollicitius vigilant, et beneficia Dei profundius pensent, sicque vehementius accendantur ad divini cultus promotionem. *Videsne quod ego habitem in domo cedrina?* Erubuit sanctus David, quod palatium suum pulchrius ac pretiosius fuit tabernaculo Dei, in quo fuit area: per quod plurimi principes et praelati divites ac nobiles carne, redarguuntur, qui pretiosa et ampla habent aut construunt castra, fortalitia, palatia aut castella, nec curant quod materiales ecclesiae, in quibus dignissimum Sacramentum servatur, aliaque sacramenta ac divina exerceantur, de vili constant materia, aut vetustate labuntur, nec reparantur, imo ad reparationem hujusmodi inveniuntur parcissimi. In his improbus amor sui præponderat zelo Dei, ideo sunt ministri diaboli. Insuper, unusquisque fidelium fervens sit ad construendum Deo templum in semetipso, et item in cordibus proximorum, ita ut in primis purget se ipsum, deinde verbo aut exemplo proximorum purgationi et ædificationi intendat. Nam ut docet Apostolus, non solum animæ, sed et corpora nostra templa sunt Spiritus Sancti, si virtutibus obsequantur. Iterum, sicut David quamvis rex magnus et sapientissimus fuit, tamen a Nathan propheta quæsivit consilium; sic magnates et omnes qui præsent, a viris

¹ Cor. iii, 16; vi, 19.

A justis ac prudentibus, qui non tantum præsentia, sed et futura prospiciunt, debent investigare quid præsertim in arduis sit agendum. Hinc in Ecclesiastico scriptum est: Cum viro sancto assiduus esto, quemcumque noveris observantem timorem Dei, cujus anima est secundum animam tuam.

Eccli.
xxxvii, 15,
16.

Numquid tu ædificabis mihi domum? Ecce quod Deus omnipotens, justus et sanctus, noluit sibi materiale templum ædificari a David, nec ab aliquo judicum Israel, qui ante eum fuerunt, quoniam viri sanguinum erant. Etenim quamvis infra tertio libro Salomon dicat, patrem suum David non potuisse templum construere propter ingruentia undique bella, attamen veram atque potissimam causam prohibitionis illius ipsemet David Salomoni aperuit, primo Paralipomenon libro loquens ad eum: Fili mi, voluntatis meæ fuit, ut ædificarem domum nomini Dei mei; sed factus est sermo Domini ad me, dicens: Multum sanguinem effudisti, et plurima bella bellasti, nec poteris ædificare domum nomini meo, tanto effuso sanguine coram me. Hinc in novo etiam Testamento effusores sanguinis sunt irregulares, nec clericis licet bellare. Verumtamen ædificatio templi prohibita fuit David mystica significatione, ad designandum, quod qui exterioribus involvuntur, et rebus carnalibus occupantur, ac circa litigia et vindictas intenti sunt, ad spirituales ædificationem templi Dei, hoc est reformationem correctionemque proximorum, inepti existunt. De hoc multa scribit Gregorius, cujus verba habentur in Glossis. Nempe per prohibitionem illam (ut ait) est designatum, quod in se ipso debet mundus exsistere, qui vult

III Reg. v, 3.

I Par. xxii, 7, 8.

aliorum peccata corrigere. Quod utique A
Luc. iv, 23. decet, ne ei dicatur : Medice, cura te ip-
Rom. ii, 21. sum. Et illud Apostoli : Qui alium doces,
 te ipsum non doces. Porro in novo jam
1 Cor. x, 6. Testamento quo abierunt figuræ, viri san-
11. guinariï materiales ecclesias ædificare non
 prohibentur : imo plurimum commendantur,
 qui circa religiosorum locorum et ec-
 clesiarum atque altarium constructionem
 liberales existunt. Et qui circa hæc opera
 pietatis tenaces sunt, pensent quod per
Agg. i, 9, 10. Aggæum loquitur Dominus : Quia domus
 * festinatis mea deserta est, et vos festinastis * unus- B
 quisque in domum suam : propter hoc su-
 per vos prohibiti sunt cœli ne darent ro-
 rem, et terra prohibita est ne daret germen
 suum. Unde elicitur, quod liberales circa
 construenda loca sacra, merentur etiam in
 præsentī affluentiam temporalem ac cor-
 poris sospitatem, et ultra hæc, dona gratiæ
 in præsentī, ac bona gloriæ in futuro.

Ego te tuli de pascuis. David fuit evi-
 dens Christi figura. Christum autem Deus
 Pater constituit regem, ducem atque pon-
 tificem super universum populum suum : C
 imo quum Jesus Christus greges populo-
Matth. iii, rum sequeretur, eundo inter illos ad bap-
13; iv, 2. tismum S. Joannis, et in deserto jejunasset,
 mox a Patre missus est ad populum Israel
 instruendum, et tunc per diversa miracula
 ac præclarissima signa est magnificatus,
 et præ cunctis hominibus spectabilis fa-
 ctus. *Et ponam locum populo meo Israel,*
et plantabo eum, et habitabo cum eo, etc.
 Omnia ista multo excellentius sunt imple-
 ta in populo christiano sub evangelica le-
 ge, quam unquam in populo Judæorum. D
 Nempe populum christianum posuit Deus
 non solum in terra promissionis, sed et in
 toto orbe terrarum, quem plantavit per
 dona gratiæ in pace et securitate, et habi-
 tavit variis modis in medio ejus.

Quæ est gens ut populus tuus Israel?
 Ista excellentia populo christiano præclā-
 rissime competit. Etenim propter redem-
 ptionem et salutem populi hujus, Deus Dei
 Filius descendit in mundum, et intravit
 Ægyptum, ad litteram; spiritualiter quo-

que, assumendo penarum et tribulatio-
 num obscuritatem. In Apocalypsi autem hic
 mundus Ægyptus et Sodoma nuncupatur. *Apoc. xi, 8.*
 Christus quoque a populo quem sanguinis
 sui pretio de spirituali Ægypto seu vitio-
 rum caligine liberavit, Deus Christiano-
 rum vocatur. Quæ autem, qualia, et quanta
 miracula, signa, prodigia et portenta fece-
 rit Christus per se ipsum, per gloriosos
 Apostolos, per martyres sanctos et ceteros
 præelectos pro populo christiano conver-
 tendo, corroborando, salvando, nullus ple-
 ne potest exprimere : imo omnia illa ma-
 gna quæ olim in lege exhibuit populo
 Judæorum, per beatissimos Apostolos trans-
 tulit ad plebem Christianorum, inter quos
 incomparabiliter plura et majora egit mi-
 racula, atque effudit gratiarum charisma-
 ta, quam olim in veteri Testamento. Et
 firmavit sibi hunc populum in populum
 sempiternum, Ecce, inquit, ego vobis-
 cum sum cunctis diebus usque ad con-
 summationem sæculi; et populum illum
 antiquum, ob suam incredulitatem, usque
 in finem reliquit.

Præterea exemplo sancti David, discamus
 universa beneficia Dei generalia et
 specialia, naturalia et supernaturalia, cor-
 poralia ac spiritualia, quantum nobis pos-
 sibile est, vigilanter attendere, frequenter
 recolere, ac super his Deo altissimo totis
 viribus, devotissima ac ardentissima men-
 te grates referre, non lingua tantum et
 verbis, sed opere quoque et virtuosis ob-
 sequiis. Ex consideratione demum præter-
 ritorum beneficiorum atque præsentium
 munerum, augeatur in nobis jugiter hu-
 milis ac filialis ad Deum fiducia, ita ut
 eum indesinenter oremus, in fide nil hæ- *Jacob. i, 6.*
 sitantes, sicque inveniamus cor nostrum
 ad ista ac cetera bona agenda : quia ut
 asserit Glossa, nihil fugacius est corde hu-
 mano, nec instabilius videtur quid eo, quod
 peccando et stolide imaginando, ac frivole
 discurrando, atque indomite evagando mox
 perdimus : sed reducendo illud ad Deum,
 et a vanis dispersionibus recolligendo ad
 necessarium unum, protinus illud inveni- *Luc. x, 42.*

mus : et quasi cancellis clausum tenemus, dum ex assidua divinæ majestatis omnia intuentis consideratione, illud coram Deo stabilire ac semper salubriter occupare conamur, cum Elia dicentes : Vivit Dominus ante ejus vultum sto hodie. Quod qui pensare non desinit, cor suum possidet, invenit, figit, custodit ac salvat. Postremo, cum beato David Deum affectuosissime deprecemur, ut bona gratiæ ac gloriæ quæ promisit populo christiano, consequi mereamur, nec vitiis nostris indigni reddamur eisdem, nec obicem ponamus Spiritui Sancto. Quemadmodum etiam David rex sollicitus fuit pro filio idoneo successore, sic principes et prælati tota diligentia enitantur, ut viri vere idonei, virtuosi, prudentes, eis in principatu et prælatione succedant, nec aliquos nisi tales in officiis ponant, aut vices suas [eis] committant. Ad quod tam Dei quam proximorum et subditorum amore debent induci : alioqui gravissimis atque innumeris involventur peccatis.

An Salomon sit salvatus.

Circa dicta in isto capitulo quæritur, an Salomon sit salvatus. Et videtur quod imo, ex multis verbis in isto capitulo de ipso expositis, quia de ipso Dominus dixit : Quod si inique aliquid gesserit, arguam eum in virga virorum, et in plagis filiorum hominum ; misericordiam autem meam non auferam ab eo. Et rursus : Ego ero illi in patrem. Unde Magister in historiis ait : Ex hac promissione conjicitur, quod salvus sit Salomon. Idem videtur sentire Hieronymus in pluribus locis. Ambrosius quoque dicit eum ante obitum vere pœnituisse. Lyra etiam refert hic, quod quædam glossa Hebraica dicit hoc ipsum super Ecclesiasten. Et alibi narrat, quod apud Judæos est quidam libellus de pœnitentia Salomonis. Denique in Ecclesiaste ipse Salomon loquitur : Ego Ecclesiastes, fui rex Israel in Jerusalem. Circa quod aliqui scribunt, quod ex humilitate dixit, Fui rex, quasi indignum se reputans nomine regis impræsentiarum, quum tamen rex esset ; et dicunt quod edidit librum illum in senectute quum pœnituisset. In oppositum hujus

arguitur, quia neque in libro Regum, nec Paralipomenon, aliquid de ejus pœnitentia tangitur (in quibus tamen ejus gravissima scelera describuntur), sicut de pœnitentia Manassæ secundo Paralipomenon agitur.

III Reg. xi, 1-8.

II Par. xxxiii, 12-19.

Insuper Lyra scribit hoc loco : Istud est mihi valde dubium, quod scilicet Salomon pœnituit, quia si vere pœnituisset, quum esset rex valde potens, destruxisset templa idolorum quæ ædificaverat, ut videtur : quod tamen non fecit, quia steterunt usque ad tempus Josiæ regis, ut infra quarto libro habetur. Nec ex hoc loco potest efficaciter argui de misericordia Dei ad eum, nisi quantum ad temporale regnum, ut præcedenti articulo dictum est. Hæc Lyra. Sed quid contra ultimam rationem hanc Lyra scribat Rabbi Paulus, præcedenti habetur articulo. Prima quoque ratio Lyra, quod scilicet templa idolorum destruxisset, non apparet idonea. Constat enim, quod infra Salomonem et Josiam fuerunt virtuosus reges, videlicet Asa, Josaphat, Ezechias, ac alii : qui nec templa nec idola illa destruxerunt, qui tamen toto corde idololatriam abhorrebant. Potuisset etiam Salomon in extremis pœnituisse, quando nec tempus, nec facultatem habuisset demoliendi idola illa.

III Reg. xv, 14 ; Ibid. xxii, 43, 44 ; IV Reg. xviii, 3 et seq.

Veruntamen de hac re definire nil audeo, et quod sine periculo ignoratur, divino committo judicio. Siquidem multa sunt ex quibus satis timendum videtur de ejus damnatione. Nam et infra tertio libro continetur, qualiter propter scelera sua increpatus fuit a Domino, nec tamen tunc acquievit, imo volebat occidere ipsum Jeroboam, eo quod ab Ahia propheta esset designatus et prænuntiatus rex futurus super decem tribus : quod tamen Salomon seivit propter sua facinora jussum a Domino. Amplius, primo Paralipomenon legitur David Salomoni dixisse : Si quæsieris Deum, invenies : si autem dereliqueris eum, projiciet te in æternum. Similiter in Ecclesiastico, ubi præconia et vituperia seu vitia Salomonis scribuntur, recitatis

III Reg. xi, 9, 11.

Ibid. 40.

I Par. xxviii, 9.

Eccli. xlv, 15-27.

Eccle. i, 12.

postremo sceleribus ejus, nil prorsus de A quis præsumat, sed magis formidet, sciens
ejus pœnitentia tangitur. Itaque non simus quod verissime dicat Scriptura : Servus *Luc. xii, 47.*
curiosi de hac re inquirenda : sed tanti vi- sciens voluntatem domini sui, et non fa-
ri lapsu pensato, vereamur occulta Dei ju- ciens, plagis vapulabit multis. Et : Cui *Ibid. 48.*
dicia, neque de sua scientia aut sapientia plus datum est, plus requiretur ab ipso.

ARTICULUS XIV

EXPLANATIO CAPITULI OCTAVI : FACTUM EST AUTEM POST HÆC.

RECITATUR in capitulo isto, qualiter B milians Moabitas. Vel, Mensus est eos fun-
Dominus contulit sancto David merito niculo, id est, mensura justitiæ et æqui-
sue devotionis magnas victorias. Nam quia tatis rigore eos dijudicavit et castigavit,
gratus fuit Deo, meruit plura accipere; et cœquans terræ, id est, fortiora eorum
narrantur hic quatuor victoriæ ejus, qui- castra ac habitacula omnino evertens, ne
bus quatuor gentibus, Deo auxiliante, præ- rebellarent. *Mensus est autem duos funi-*
1 Par. xviii, 1. *valuit. Factum est autem post hæc, per-* *culos, id est, duplicem modum procedendi*
cussit David cum suo exercitu Philistiim cum eis consideravit, unum ad occiden-
et humiliavit eos, ipsorum robur atque dum, et unum ad vivificandum : id est,
superbiam prosternendo. *Et tulit David principiores et magis reos per viam ju-*
frenum tributum de manu Philistiim, id est, stitiæ interfecit, aliis per viam pietatis
potestatem et jus quoddam exigendi tri- pepereit, puta vulgaribus quos reliquit in
butum a filiis Israel abstulit Philistæis, C vita, ut sibi sub tributo servirent. Nec sine
vincendo eosdem. Nam longo tempore filii rationabili causa vastavit sic Moabitas,
Israel solverunt Philistæis tributum, sed quamvis non exprimatur in textu.
David in tantum prævaluit illis, quod faci- Sequitur qualiter vicit Syros. *Et per-*
sunt ei tributarii. Denique potestas illa *cussit David Adarezer filium Rohob re-*
exigendi tributum, recte vocatur frenum : gem Soba, id est regionis sic dictæ, perti-
quoniam sicut freno subditur equus ses- nentis ad Syriam, ut aliqui dicunt : sicque
sori, sic tali potestate una gens subjicitur alia fuit a regione in qua regnavit regina
alteri. Saba. Nam et primo Paralipomenon dicitur
Consequenter tangitur qualiter vicerit Soba, non Saba, et ibi additur, Soba re- *1 Par. xviii,*
Moabitas. *Et percussit Moab, id est Moa- 3.*
Gen. xix, 37. *bitas natos ex semine Moab filii Lot, et* *regionis Emath, id est Antiochiæ : quo con-*
mensus est eos funiculo, id est, terram eo- D profectus est ut dominaretur super flu-
rum in suam redegit potestatem, atque ad *men Euphraten, id est usque ad flumen*
libitum pertransivit, et cui voluit dedit illud. Hinc in præallegato libro Paralipo-
hereditatem. Est quippe funiculus instru- menon clarius dicitur, Quando perrexit ut *Ibidem.*
mentum metiendi, juxta illud in Ezechie- dilataret imperium suum usque ad flumen
Ezech. xl, *le : Funiculus lineus in manu ejus, utpote*
3. *vir mensuris. In Zacharia quoque : As-*
Zach. xi, 7. *sumpsi mihi duas virgas, unam vocavi De-*
corem, et alteram Funiculum. *Cœquans* *Gen. ii, 14.*
terræ, id est, valde prosternens atque hu- *rum, juxta illud Deuteronomii : A deserto Deut. xi, 24.*

et Libano, et usque ad flumen Euphraten A erunt termini vestri. *Et captis David ex parte ejus mille septingentis equitibus, et viginti millibus peditum, subnervavit omnes jugales currum*, id est equos qui assueti erant trahere bellicos currus. Non ex crudelitate hoc fecit, sed ne equi illi amplius apti essent ad talem usum, et ne contra legem videretur sibi equos multiplicare superflue, quoniam in Deuteronomio Dominus jussit : Quum fuerit rex constitutus, non multiplicabit sibi equos.

Deut. xvii, 16.

Dereliquit autem ex eis centum currus, id est, equos tot quadrigarum, aut etiam ipsas quadrigas reservavit sibi ad utiles usus : et (ut aliqui dicunt) ad unum currum pertinebant quatuor equi. Dicitur autem primo libro Paralipomenon, quod David cepit mille quadrigas Adarezer, et septem millia equitum : quod qualiter valeat concordari cum his, quæ isto habentur capitulo, in quo fertur quod cepit ex parte illius mille septingentos equites, in præallegato libro Paralipomenon est expressum.

1 Par. xviii, 4.

Ibidem.

Venit quoque Syria Damasci, id est Syrorum exercitus, quorum metropolis est Damaseus, juxta illud in Isaia, Caput Syriæ Damaseus ; *ut præsidium*, id est auxilium, ferret Adarezer regi Soba adversus David. *Et percussit David de Syria viginti duo*

Is. vii, 8.

1 Par. xviii,

5.

Cf. I, r. a- num.

millia virorum. In libro Paralipomenon dicitur, Viginti millia ; sed minor numerus non excludit majorem, nisi signum exclusivum addatur. Major quoque numerus includit minorem. *Et posuit David præsidium*, id est custodiam militum, *in Syria Damasci*. Unde in libro Paralipomenon D

1 Par. xviii,

6.

legitur, Posuit milites. Hos etenim posuit ibi, ut tenerent Syros sub jugo David. *Factaque est Syria serviens David regi sub tributo*. *Servavitque Dominus David in omnibus, ad quæcumque profectus est*, id est, in omnibus bellis concessit ei victoriam. *Et tulit David*, id est, secum accepit, *arma aurea et torques aureos quos habebant servi Adarezer, et tulit ea in Jerusalem*. *Et de Bete et de Beroth civitatibus Adarezer, tulit David rex æs multum*

* detulit

nimis. In libro Paralipomenon scriptum est, De Thebath et Chun ; sed diversa ista vocabula significant eadem oppida. Porro quod subditur, De quo ære fecit Salomon omnia vasa ærea in templo, et mare æreum, et columnas et altare, non est hoc loco de textu : imo (ut ait quidam) appositum fuit a quodam glossatore, et postea vitio scriptorum hæc glossa inserta est textui. Sed advertendum, quod verba ista in Paralipomenon continentur præallegato libro, quo habetur, De quo fecit Salomon mare æneum et columnas et vasa ænea : sicque verba hæc non sunt omnifarie verba glossantis, quamvis hic per modum glossæ sint addita, quia de textu alterius Scripturæ canonicæ sunt accepta.

1 Par. xviii,

8.

Ibidem.

Audivit autem Thou rex Emath, id est Antiochiæ, quæ et Epiphania nuncupatur secundum Glossam, *quod percussisset David omne robur*, id est totum exercitum, *Adarezer regis. Et misit Thou Joram filium suum*. In libro Paralipomenon dicitur, Adoram filium suum ; sicque filius ille videtur

Ibid. 10.

fuisse binomius. *Ad regem David, ut salutaret eum, congratulans suæ victoriæ, et gratias ageret, eo quod expugnasset Adarezer, et percussisset eum*. *Hostis quippe erat Thou ipsius Adarezer* : ideirco de ejus ruina gaudebat. Non enim didicit adimplere, quod in Proverbiis jubetur : Quum ceciderit inimicus tuus, ne gaudeas, et in ruina ejus non exsultet cor tuum. Quod tamen de ruina culpæ potest intelligi. De ruina autem et oppressione injusti adversarii rei publicæ potest quis gaudere zelo justitiæ, imo et ex boni communis amore.

Prov. xxiv,

17.

Frequenter autem contingit, quod aliqui confœderantur et amicitia copulantur ad invicem, quia adversarium habent eundem. Unde et Aristoteles in libro ait Posteriorum, quod solertia est industria inveniendi causam rei seu medium subito, ut si quærat eum isti facti sunt amici ad invicem, et respondeatur, quia eundem habent inimicum. *Et in manu ejus, videlicet præfati filii Thou, erant vasa argentea et vasa aurea et ænea* : quia omnia

* ærea

ista misit Thou regi David per manum filii sui, pro encensibus et gratiarum actione quod hostem suum prostraverit : *quæ et ipsa sanctificavit rex David Domino*, id est, divino usui deputavit, ut scilicet ex eis fierent instrumenta divini cultus, *cum argento et auro et manubiis*, id est aliis, *quæ sanctificaverat*, id est consecraverat, *Domino*, ne amplius converterentur in usum humanum, sed in ministerium templi futuri, *de universis gentibus quas subegerat*, id est, quæ abstulit gentilibus quos sibi jure prælii subjugavit, *de Syria et Moab et filiis Ammon et Philistiim et Amalec, et de manubiis Adareser filii Rohob regis Soba*. Quod autem David vastaverit Syriam, Josephus quoque ostendit.

Sequitur qualiter David vicerit Idumæos. *Fecit quoque David sibi nomen, quum reverteretur capta Syria in valle Salinarum*, quæ abundabant ibidem, *casis decem et octo millibus* : quia tot millia Idumæorum occidit ibidem per manum servorum suorum. Siquidem in libro Paralipomenon legitur : Abisai filius Sarviæ percussit de Edom in valle Salinarum decem et octo millia. Sieque victoria illa adscribitur regi Dàvid ut principaliori, et ipsi Abisai tanquam ministro et exsecutori. Aliqui textus hic habent, Duodecim millia : quod, teste Hieronymo, ex scriptorum vitio contigit ; nam decem et octo erant. Joab vero percussit ibidem duodecim millia, ut patet in titulo psalmi quinquagesimi noni, cujus exordium est : Deus, repulisti nos et destruxisti nos ; in cujus titulo inter cetera continetur : Et convertit Joab, et percussit Edom in valle Salinarum duodecim millia. *Et posuit in Idumæa custodes*, id est militarem custodiam, ne fierent Idumæi sibi rebelles, *statuitque præsidium*. *Et facta est universa Idumæa serviens David* sub tributo. Tuncque impletum est quod dictum fuit Rebecæ : Major serviet minori, id est, populus natus ex Esau primogenito Isaac, serviet regi ac populo nato ex Jacob secundo genito. *Et servavit Dominus David in omnibus ad quæcumque profec-*

ctus est, præservando eum a diversis periculis, dandoque ei virtute divina tantos triumphos.

At vero quum dicitur David sibi fecisse nomen in valle Salinarum, potest per Nomen, intelligi fama notabilis, quam ex illa consequabatur victoria. Verumtamen Glossa exponit sic : Fecit sibi nomen, id est, arcum seu fornicem triumphalem sibi erexit in signum triumphi. Sed contra hoc objicit Lyra, quia tale fit ad jactantiam, propter quod Saul increpatur de erectione arcus triumphalis. Hinc (ut ille subjungit) Rabbi Salomon exponit de sepultura Idumæorum, tunc occisorum in prælio, quos David fecit sepeliri : per quod acquisivit sibi nomen bonum, exercendo pietatem circa defunctos ; et etiam quoniam in Denteronomio Dominus jussit Judæis : Non abominaberis Idumæum, quia frater tuus est. Judæi namque et Idumæi a duobus fratribus, scilicet Jacob et Esau, descenderunt : ideo David misericordiam istam ipsis exhibuit, quod et infra tertio libro legitur Joab fecisse. Sed quamvis istud probabiliter dictum sit, non tamen habet vigorem ratio illa Glossæ objecta : quia quod unus facit ex elatione, alius facere potest ex virtute ac zelo justitiæ. Ejusdem quoque scripturæ multiplex potest esse sensus etiam litteralis, ut asserit Augustinus.

Et regnavit David super omnem Israel. Faciebat quoque David judicium et justitiam omni populo suo : quoniam sine personarum acceptione causam cujuslibet sibi propositam diligenter consideravit, prudenter judicavit, et quæ dictavit ac definivit, recte est exsecutus, faciens unicuique reddi quod meruit, suumve fuit. Judex namque in omnibus debet se juste habere, et omnem privatum affectum ac passionem inordinatam excludere : quia ad ipsum tanquam ad vivam legem ac animatam justitiam, confugiunt subditi, secundum Philosophum.

Præterea, quoniam rex non potest per se ipsum exsequi universa, nunc subditur qui

I Par. xviii,
12.

Gen. xxv,
23.

I Reg. xv,
12, 17 et seq.

Deut. xxiii,
7.

III Reg. xi,
15.

fuerunt coadjutores et officiiati David regis. *Joab autem filius Sarriæ erat super exercitum*, id est princeps militiæ. Porro *Josaphat filius Ahitub erat a commentariis*, id est cancellarius vel scriptor gestorum, secundum Petrum Comestorem. Nam reges gesta sua conscribi fecerunt. Porro, secundum Glossam, a commentariis fuit qui causas annotatas ad memoriam regi reduxit. Unde (ut dicitur) in Hebræo habetur, Recordator. Cujus (ut aliqui dicunt) officium fuit, repetere coram rege casus ad ejus forum deductos, ut congruo ordine expedirentur, utpote primus casus primo, deinde secundus, et ita per ordinem. Est autem, A commentariis, vocabulum unum indeclinabile. *Et Sadoc filius Achitob, et Achimelech filius Abiathar, erant sacerdotes principales post Abiathar pontificem; vel sacerdotes specialiter regis.* Post quos erant alii plurimi sacerdotes. Pater quoque istius Abiathar, vocabatur Achimelech, ut patuit primo libro. Qui etiam in libro Paralipomenon appellatur Achimelech. Infra quoque legitur de Jonatha filio Abiathar, et forsitan idem fuit binominis, aut duo fuerunt. *Et Saraïas scriba*, id est legisperitus aut doctor, vel (ut aliqui dicunt) temporum scriptor. In libro Paralipomenon fertur, Et Susa scriba : unde elicitur, quod eadem persona duo hæc habuit nomina.

¹ Reg. xiii, 20.

¹ Par. xviii, 16.

^{II} Reg. xv, 27.

¹ Par. xviii, 16.

Banaïas autem filius Joiadæ, erat super legiones Cerethi et Phelethi : quia præfuit phalangis bellatorum ac militum, qui tali-

ter vocabantur, qui (ut in Scholastica habetur historia) erant custodes capitis David. Translatio autem Chaldaica (ut refertur) per Cerethi et Phelethi intelligit sagittarios, ballistariosque. Nonnulli per Cerethi et Phelethi intelligunt septuaginta iudices ac seniores locorum, qui successerunt his quos in libro Numerorum legitur Moyses elegisse. Nam Cerethi sonat, exterminatores ; Phelethi autem, admirabiles. Porro (ut Glossa refert) quidam dicunt Cerethæos ad hoc deputatos, ut reos punirent ; Phelethæos, ut insontes defenderent. Unde, ut Rabbi Paulus testatur, Cerethi et Phelethi secundum Hebraicam veritatem, quæ hic in Glossa habetur, interpretantur, interficientes et vivificantes : quia eorum officio, secundum judicium regis vel officialium ejus, digni reservabantur ad vitam, et rei ducebantur ad mortem.

^{Num. xi, 24.}

Filii autem David sacerdotes erant. In libro Paralipomenon legitur, Filii David primi ad manum regis : quod secundum Glossam ideo dictum est, quoniam ceteris erant priores ac nobiliores. Ideo ait Petrus Comestor : Sacerdotes erant, id est post regem ceteris digniores, quemadmodum in Exodo Jethro, sacerdos Madian dicitur. Hinc aliqui dicunt, quod non habebant nomen officii, sed dignitatis primatum et prioratum honoris. Non autemungebantur officio sacerdotali in templo, quia non erant de semine Aaron, aut tribu Levi, sed Juda, de ejus tribu nemo præsto fuit altari, secundum Apostolum ad Hebræos.

¹ Par. xviii, 17.

^{Exod. ii, 16.}

^{Hebr. vii, 14.}

ARTICULUS XV

DE SPIRITUALI HUIUS CAPITULI OCTAVI INTELLECTU.

PER hoc quod David percussit et sibi subiecit, ac obsequi compulit quatuor gentes in littera nominatas, est præfiguratum, quod Christus legis suæ præceptis subieceret gentiles in quatuor mundi partibus commorantes, juxta quod scriptum est : Adorabunt in conspectu ejus universæ familiæ gentium. Rursus, per hoc quod

^{Ps. xxi, 28.}

David populum Israel eripuit a tributo atque obsequio Philistinorum, est prae monstratum, quod rex Messias populum in se credentem erueret de potestate invisibilium hostium, imo et infidelium hominum et tyrannorum persecutorum Ecclesiae, quos frequenter subiecit suis fidelibus. Etenim dum peccamus, diabolo quasi sub tributo servimus, et ab eo capti tenemur. Sed dum Deo auxiliante tentationibus ac vitiis praevalemus, servit nobis hostis ille antiquus, quoniam machinationes ejus cooperantur nobis in bonum.

Rom. viii, 28.

Et percussit Moab. Per Moab, qui interpretatur, ex patre, designantur impii ac superbi, de quibus in Evangelio ait Salvator : Vos ex patre diabolo estis. Hos Christus metitur funiculo, id est, juste judicat, juxta quod promerentur. Unde et ait : *Matth. vii, 2.* Qua mensura mensi fueritis, remetietur vobis. Quos terrae coequat, quia quanto altius se extollunt, tanto profundius dejicit eos, ita ut velint nolint, vilitatem suam tandem agnoseant, et cinerem ac pulverem esse se fateantur; et istud est proprium Deo, qui ait ad Job : Si habes brachium sicut Deus, et si simili voce tonas, respiciens omnem arrogantem humilia. Abseconde eos in pulvere simul, et facies eorum demerge in foveam. *Mensus est autem duos funiculos.* Sic Filius Dei, cui omne judicium dedit Pater, quosdam impios ac superbos rigore justitiae damnat, quosdam dulcore elementiae convertit et salvat, qui *Joann. v, 22.* ejus vult miseretur, et quem vult indurat.

Rom. ix, 18.

Et percussit David Adarezer quando profectus est ut dominaretur super flumen Euphraten. Sic Christus prostravit gloriam mundi, principesque convertit, ita quod vulnerati corde praetritionis dolore aut caritatis ardore, Deo se subjecerunt, quando per sanctos Apostolos undique praedicantes, processit usque ad maria et flumina, ac terminos terrae, ut regnum militantis Ecclesiae toto diffunderetur orbe terrarum. Unde praecipit Apostolis : Euntes in mundum universum, praedicate Evangelium omni creaturae. *Subnervavit omnes jugales*

Ps. lxxi, 8.

Marc. xvi, 15.

currunt. Per equos, qui animalia sunt velocia et robusta, designatur acumen humani ingenii, praesumptio philosophorum, qui per suam prudentiam homines tanquam quadrigam traxerunt post se : quorum robur Dominus vicit, et sapientiam fecit stultitiam, omnemque altitudinem se extollentem contra fidei veritatem confudit, quemadmodum ait Apostolus : Nonne stultam fecit Deus sapientiam hujus mundi ? Unde promisit discipulis : Dabo vobis os et sapientiam, cui non poterunt resistere et contradicere omnes adversarii vestri. *Et tulit David arma aurea et torques.* Sic Salvator omnia naturalia dona, et acquisite scientias, ac venustatem rhetoricae intulit suae Ecclesiae, ut fideles talibus utantur salubriter contra haereticos, et abstulit ea ingratis, quos statuit in inferno, ubi non est sapientia, nec scientia, neque consilium.

1 Cor. i, 20.

Luc. xxi, 15.

Eccle. ix, 10.

Venit quoque Syria Damasci ut praesidium ferret Adarezer. Sic principes saeculi, philosophi atque haeretici, adjuverunt se mutuo contra Ecclesiam, sed pariter defecerunt. *Audivit autem Thon rex Emath.* Per hunc regem figurati sunt principes et magnates, qui primo crediderunt in Christum, et de ejus prosperitate, divulgationeque fidei gratulabantur. Propter quod subditos ac domesticos suos direxerunt ac converterunt ad Salvatorem, in quorum manibus erant vasa aurea, argentea et aerea, id est corda diversis modis disposita, et magis ac minus nobilia, seu dona clariora et obscuriora, sapientia, eloquentia, constantia : quae omnia Christus Deo Patri consecravit, cui omne bonum adscripsit, atque ad ejus honorem et gloriam retulit universa.

Præterea, per Idumæorum dejectionem intelligitur carnalium et avarorum conversio gratiosa seu damnatio justa. Edom namque, terrena vel rubens interpretatur. Insuper, per hoc quod David posuit in terris ac gentibus a se victis, praesidium et eustodes, designatur quod Dominus in populis nationum quas convertit ad fidem, posuit virtuosos praelatos et homines sa-

pientes, qui conversos confirmaverunt ac conservaverunt in fide et Christi dominio. Postremo, per officiatos David significantur vicarii Christi, imperator, reges ac iudices, doctores, praelati et prædicatores, qui varia exerceant opera in Dei Ecclesia, et præsunt militibus ejus, ac opera Dei describunt, et gesta Sanctorum, decursusque temporum. Filii vero David sunt viri heroici et perfecti, in dono sapientiæ et ca-

ritatis vertice consummati, sicque secretarii et consilarii Omnipotentis effecti, qui Christo sunt proximi, et genus electum ^{1 Petr. II, 9.} valde, sacerdotiumque regale, spirituales Deo hostias orationum, præconiorum, sacrificiorum et operum perfectorum jugiter immolantes : ideoque sunt primi ad manum Regis altissimi, tanquam ad ejus voluntatem in omnibus adimplendam ferventissimi atque pronissimi.

ARTICULUS XVI

DECLARATIO CAPITULI NONI : ET DIXIT DAVID.

FIDELITAS et pietas David ad filium B Jonathæ dilectissimi sui amici, hic describuntur. *Et dixit David*, forsitan diu ante ea quæ præcedenti capitulo sunt descripta, quamvis postea recitetur, quia in recitatione rerum gestarum, non semper ordo temporis observatur. *Putasne est aliquis qui remanserit de domo Saul*, præsertim ex semine Jonathæ? quod peto, *ut faciam cum eo misericordiam Dei*, id est veram pietatem et misericordiam Deo placentem, ac imitativam misericordiæ Dei ad homines, *propter Jonathan*, id est amore C Jonathæ, atque ut impleam fœdus amicitiae ac fidelitatis quod inii secum. Unde in primo libro Jonathas ait ad David : Si vixero, facies mihi misericordias Domini; si vero mortuus fuero, non auferes misericordiam tuam a domo mea in sempiternum. Et percusserunt fœdus uterque. *Erat autem de domo*, id est familia, *Saul, servus nomine Siba*, natus de tribu Benjamin, sicut et Saul. *Quem quum vocasset rex ad se, dixit ei : Tu es Siba? Et ille respondit : Ego sum servus tuus. Et ait D rex ad Sibam : Numquid superest aliquis de domo Saul*, id est de semine ejus, *ut faciam cum eo misericordiam Dei? Dixitque Siba regi : Superest filius Jonathæ*

<sup>1 Reg. XX,
14, 15; XXIII,
18.</sup>

debilis pedibus, id est claudus existens : qui qualiter factus sit claudus, præhabitu- ^{II Reg. IV,} est. *Ubi, inquit, est? Et Siba ad regem : Ecce, ait, in domo est Machir filii Ammiel in Lodabar.*

Quum autem venisset Miphiboseth filius Jonathæ filii Saul ad David, corruit in faciem suam, hoc est, in terram prostravit se, ut flecteret ipsum David ad pietatem, a quo timuit forsitan dure tractari, propter injurias David a Saul illatas. Ex humilitate quoque exhibuit illum honorem regiae majestati. *Et adoravit regem adoratione dulci, non latræ. Dixitque David : Miphiboseth. Qui respondit : Adsum servus tuus. Et ait ei David : Ne timeas me timore humano. Sic itaque pius David consolabatur ipsum Miphiboseth, quia (ut dicitur) vidit eum paventem. Vel forsitan non formidavit, quia percepit a Siba quod David voluit ei benefacere propter Jonathan patrem suum. Quia faciens faciam in te misericordiam propter Jonathan patrem tuum, et restituum tibi omnes agros Saul patris, id est avi tui : qui agri jure regni ad meam devoluti sunt potestatem; et tu comedes panem in mensa mea semper, id est, omni tempore opportuno reficieris regis cibis ac potibus. Qui adorans, dixit, hu-*

miliando se coram rege ex tanta regis dignatione ad se: *Quis ego sum servus tuus, quoniam respexisti super canem mortuum similem mei?* tanquam dicat: Indignus sum tanta dignatione ac beneficentia tua ad me, et quod tam gratiose me adspexisti, qui similis sum mortuo cani ob meam defectuositatem ac vilitatem, ejus pater, avus, et patrui sunt occisi. Ecce quantum humiliavit se bonus iste Miphiboseth, de regia stirpe natus, filius nobilissimi Jonathæ, non solum carnis propagatione, sed etiam imitatione virtutum.

Vocavit itaque rex Sibam puerum, id est servum, Saul, et dixit ei: Omnia quaecumque fuerunt Saul, et universam domum ejus, id est totam substantiam Saul, dedi filio domini tui, id est huic Miphiboseth filio Saul, qui fuit dominus tuus. Quidam tamen exponunt istud de Micha filio Miphiboseth: quod non oportet; sed aliqua quæ sequuntur, de illo Micha sunt exponenda. Operare igitur ei terram tu et filii tui et servi tui: et inferes, id est apporabis, filio domini tui cibos ut alatur: quod non potest exponi de Miphiboseth, quia in mensa regis, de cibariis ejus nutriebatur. Miphiboseth autem filius domini tui, comedet semper panem super mensam meam. Erant autem Sibæ quindecim filii et viginti servi. Dixitque Siba ad regem: Sicut jussisti, domine mi rex, servo tuo, sic faciet servus tuus. Et Miphiboseth comedet super mensam meam, quasi unus de filiis regis. Habebat autem Miphiboseth filium nomine Micha. Omnis vero cognatio domus Sibæ, videlicet quindecim filii ejus et viginti servi, serviebat Miphiboseth,

A agros ejus colendo ac bona levando et disponendo. Porro Miphiboseth habitabat in Jerusalem, quia de mensa regis jugiter vescabatur, et erat claudus utroque pede.

Moraliter ex isto capitulo admonemur sequi fidelitatem ac pietatem David atque humilitatem Miphiboseth. Et si Miphiboseth tantum humiliavit se coram rege mortali terreno, ex consideratione dignationis, beneficiorumque regis illius ad se, ita quod comparavit se mortuo cani: quanto magis B contemplatione dignationis, pietatis et beneficiorum Regis æterni invariabilis et immensi, debemus nos profundissime humiliare, præsertim quia de mensa altaris sui assidue reficimur pretiosissimo Sacramento. Rursus, per David intelligitur Christus, per Miphiboseth filium Jonathæ, quicumque fidelis filius gratiæ, vere humilis ac vilis in oculis suis. Talem itaque Christus misericorditer suscipit, quia infirma et abjecta mundi Deus elegit. Et sicut ait Gregorius, hos elegit Deus, quos despicit mundus. Talis quoque in Christi mensa nutritur, id est, in divina Scriptura, ac multiplici ejus intelligentia delectatur corde ac alitur. Specialiter etiam per Miphiboseth claudum, possunt intelligi simplices religiosi vere interni, ad ea quæ mundi sunt, prorsus debiles et inepti: quos Deus in mensa sua, id est in sua provisione paterna, ecclesiasticis reficit sacramentis, contemplationibus divinorum, suavitate spiritualium gaudiorum. Et sicut Siba cum sua familia servivit Miphiboseth, ita activi debent contemplativis servire, ac corpori necessaria præparare.

Sensus
moralis.

1 Cor. 1, 27,
28.

1 Reg. xxvi,
6.

ARTICULUS XVII

EXPOSITIO CAPITULI DECIMI : FACTUM EST AUTEM POST ILEC, UT MORERETUR
 REX FILIORUM AMMON.

SANCTUS David non solum studuit esse A gratus personis eorum qui sibi benefecerunt, sed et posteritati eorum. Ideo sicut præcedenti capitulo recitatum est, qualiter benefecerit ipsi Miphiboseph propter Jonathan patrem suum; sic hic narratur, qualiter voluit benefacere regi Ammonitarum propter beneficia patris ipsius. *Factum est autem post hæc, ut moreretur rex filiorum Ammon, id est Naas rex Ammonitarum, et regnavit Hanon filius ejus pro eo. Dixitque David : Faciam misericordiam cum Hanon filio Naas, consolando* B eum de morte patris sui : quod est misericordiæ opus, juxta illud Ecclesiastici, Ne desis plorantibus in consolatione; *sicut fecit pater ejus mecum misericordiam.*

Ecclesi. vii, 38.

Secundum Glossam, iste Naas fuit rex Ammonitarum, quem Saul expugnavit et 1 Reg. xi. vicit, ac fugere compulit, ut in primo libro recitatur; et quia hic Naas fuit hostis Saulis, benigne recepit ipsum David confugientem ad se, quem scivit fugere a facie Saul. Hoc idem dicit Hieronymus. At vero primo Regum libro habetur, quod David C fugiens a facie Saul, venit ad Achis regem Geth, a quo quum timeret occidi, fugit ad regem Moab, et apud eundem regem dimisit suos parentes. Et ita dicendum relinquitur, quod Naas iste fuit rex Moabitarum et Ammonitarum, sicut frequenter contingit eundem præesse pluribus regnis, quemadmodum etiam tempore Moysis Balac fuit rex Moabitarum et Madianitarum, ut in libro legitur Numerorum. His concordat, quod Magister in historiis scribit, dicendo : Quum fugisset David ab Achis, D a patre istius Hanon benigne collectus fuit : quo patet, quod rex ille Moab, fuit

Ibid. xxi, 10.

Ibid. xxii, 3.

Num. xxi, 4.

etiam rex filiorum Ammon et pater istius Hanon.

Verum, ut refert Lyra, Rabbi Salomon dicit contrarium, utpote quod rex Moab ad quem fugit David, non fuit iste Naas rex Ammon, et quod rex ille Moabitarum, quamvis primo pie recepit David ac ejus parentes, postea tamen indignatus contra David, quia recessit de regno suo ad exhortationem Gad prophetæ, et rediit in terram Israel, occidit parentes David, et quosdam ejus cognatos apud se derelictos et sibi recommendatos. Ceteros vero fugientes Naas rex Ammonites apud se pie servavit, et hoc vocat hic David misericordiam sibi factam a Naas. Istud quoque videtur Lyræ rationabilius dictum, quoniam supra scriptum est, qualiter David valde dure processit contra regem Moab et populum ejus. Hic vero narratur, qualiter amicabiliter voluit procedere circa regem Ammon. Ex quo manifeste videtur, quod iste Naas fuit alius a rege Moab, cui recommendavit suos parentes. Circa istud apparet dicendum, quod verior et rationabilior sit dicta expositio Glossæ et catholicorum doctorum, quia magis concordat Scripturæ. Nec verum est, quod supra dictum sit, ipsum David dure aut rigide processisse contra regem Moab; sed contra Moabitas, qui forsitan suo regi erant rebelles, aut injuriosi in David, ita quod contra eos habuit causam et pugnam, non contra eorum regem, de ejus consensu potuit vastatio illa contingere. Vel forsitan assumpserunt sibi alium regem. Nec verisimile esse apparet, quod David qui erat vir totus idoneus, discretus, urbanus, recessit a terra et rege Moab sine scitu et consensu ipsius. Nec

1 Reg. xxii, 5.

11 Reg. viii, 2.

probabile reputatur, quod ideo occidisset A parentes David, etiam si eo ignorante redisset David ad tempus in terram Juda, sed magis gavisus fuisset, putando quod David redisset illuc ad nocendum ibidem.

Misit ergo David legatos, consolatus eum, per servos suos super patris sui interitu. Nam hortabatur, ut amicitiae quae erant inter patrem suum et se, fixae manerent inter eos ambos, exhibuitque se paratum ad ipsius subsidium. Sic et Apostolus consolabatur Thessalonicenses super morte carorum suorum : Nolumus, inquit, vos ignorare de dormientibus, ut non contristemini, sicut et ceteri qui spem non habent. Et tandem concludit : Itaque consolamini invicem in verbis istis. *Quum autem venissent servi David in terram filiorum Ammon, dixerunt principes filiorum Ammon, qui sub rege erant in majoribus constituti officiis, ad Hanon dominum suum : Putas quod propter honorem patris tui miserit David ad te consolatores, et non ideo, ut te investigaret, et exploraret civitatem :* sic et Joab dixit ad David, quum

1 Thess. IV,
12, 17.

11 Reg. III,
25.

Sap. XVII,
10.

Job XV, 21.

Abner venisset ad eum in Hebron : *et everteret eam, misit David servos ad te ?* Impii namque et callidi ita faciliter de aliis sentiunt, dicunt, et judicant, qualiter ipsi in se ipsis dispositi sunt. Ideo in libro Sapientiae scriptum est : Semper praesumit saeva perturbata conscientia. In Job quoque fertur : Sonitus terroris semper in auribus impii, et quum pax sit, ille semper insidias suspicatur.

Tulit itaque Hanon servos David. Hanon ille nimis cito credidit consiliariis suis. Facilitas autem credendi decipit multos, praesertim majores, qui ex tali errore frequenter in diversa labuntur pericula et peccata. Propter quod expertus hoc ipsum rex Assuerus ait : Quidam aures principum simplices, et ex sua natura alios aestimantes, callida fraude decipiunt. Quae res veteribus probatur historiis, et ex his quae geruntur quotidie, quomodo malis quorundam suggestionibus, regum studia depravantur. *Rasitque dimidiam partem bar-*

Esther XVI,
6, 7.

bae eorum. Primo Paralipomenon scriptum est, quod decalvavit eos. Quorum utrumque fuit Judaeis valde ignominiosum, et contra ritum legis eorum : quia in Levitico jussum fuit, Non radetis barbam ; et in Deuteronomio, Non facietis calvitium. Immo usque in praesens, apud aliquas nationes viri imberbes refutantur, iridentur, et spernuntur ut feminae. *Et praescidit vestes eorum medias usque ad nates,* hoc est inguina, ita ut verecundiora parebant, *et dimisit eos.* Unde elicitur, quod servi David erant honeste vestiti, videlicet vestibus satis longis. *Quod quum nuntiatum esset David, misit in occursum eorum.* Erant enim viri confusi turpiter valde. *Et mandavit eis David : Manete in Jericho, donec crescat barba vestra, et tunc revertimini,* ne augeatur vestra confusio in hac terra. Jericho autem civitas fuit eis redeuntibus primo occurrens.

Videntes autem filii Ammon, quod injuriam fecissent David regi in suis ministris : unde apparet, quod perceperunt regem David misisse servos suos ad regem ipsorum bona intentione, et ex amicitia vera ; *miserunt et conduxerunt mercede Syrum Rohob, et Syrum Soba, viginti millia peditum, et a rege Maacha mille viros, et ab Istob duodecim millia virorum.* Noverant enim David regem esse bellicosum, et tantam injuriam zelo justitiae vindicaturum, nec volebant se ei humiliare et recognoscere culpam, ac petere veniam, sed auxerunt contemptum in Deum Israel, et in David Dei vicarium. *Quod quum audisset David, misit Joab et omnem exercitum bellatorum, non volens expectare tam diu, quod ipsi ingrederentur regnum suum.* *Egressi sunt ergo filii Ammon de sua metropoli nomine Rabbath, et direxerunt aciem ante ipsum introitum portae, ut si contingeret eos succumbere, possent celeriter in urbem confugere.* *Syrus autem Soba et Rohob et Istob et Maacha, et qui erant cum ipsis, seorsum erant in campo.* Sic volebant exercitum David intra se claudere, et ex utraque parte impugnare. Et

II Reg. viii, 6. quoniam Syri cum aliis erant subditi regi David, et servientes ei sub tributo, infideliter egerunt, associando se adversariis David, et contra eum pugnando : quod tamen egerunt, ut liberarentur ab ejus dominio ac tributo, quemadmodum Sedecias rex cupiens liberari a jugo et tributo quod regi Babylonis solvebat, misit ad regem Ægypti, ut sociarentur contra Chaldaeos.

Cf. IV Reg. xvii, 4.

Videns ergo Joab quod præparatum esset adversus se prælium, et ex adverso, scilicet ante portam, et post tergum, puta in campo, ubi conducticius stabat exercitus. Hoc enim callidus Joab, expertus in re militari ac bellica, consideravit, aut inquirendo percepit : quia in bellis plus valet prudentia, quam fortitudo corporea. Elegit sibi ex omnibus electis Israel, id est, ex militibus et pugnatoribus elegantioribus sui exercitus assumpsit quos voluit, et instruxit, hoc est ordinavit, vel etiam de modo pugnandi ac procedendi informavit, aciem, id est militum suorum multitudinem ordinatam ad pugnam, contra Syrum, id est Syrorum exercitum, quem scivit esse robustiorem : ideo personaliter contra eos congressus est, tanquam vir audax. Propter quod etiam fortiores milites secum assumpsit contra Syrum. Reliquam autem partem populi, id est exercitus, tradidit Abisai fratri suo, hoc est sub ejus directione : quia exercitum suum divisit in duas partes, secundum quod adversarii erant in duas partes divisi, quatenus utraque pars adversariorum impugnaretur ab ante ; qui direxit aciem adversus filios Ammon. Et ait Joab : Si prævaluerint adversum me Syri, eris mihi in adjutorium, quantum potueris, et præsertim, si adversarios tuos fugaveris, vel quidam de tuo exercitu adjungent se mihi ; si autem filii Ammon prævaluerint adversum te, auxiliabor tibi, in casu quo indigueris, et mihi possibile fuerit. Esto vir fortis corde et corpore, aggrediendo viriliter ardua, et pro bono communi ac defensione subeundo pericula mortis sine inordinato timore. Ideo subditur, et pugnemus pro populo no-

Astro, et pro civitate Dei nostri : ne scilicet adversarii nostri invadant et vastent terram ac plebem nostram, nostrasque urbes, præsertim metropolitanam Jerusalem, ubi sunt sancta nostra. Dominus autem faciet quod bonum est in conspectu suo, id est, de exitu belli disponet, prout sapientiæ atque justitiæ suæ placuerit. In his verbis insinuavit Joab victoriam a divina providentia dependere, atque in Deo principaliter esse sperandum in præliis, quemadmodum Salomon ait, Equus paratur ad diem belli, Dominus autem salutem tribuet : nihilo minus pugnatores facere debent quod in ipsis est. Denique ad Joab pertinebat, sic alios exhortari, quoniam princeps fuit militiæ. Iniit itaque Joab et populus ejus qui erant cum eo, certamen contra Syros, qui statim fugerunt a facie ejus : quia Deus omnipotens corda Syrorum perterrituit, obstupescit, debilitavit. Filii autem Ammon videntes quia fugissent Syri, fugerunt et ipsi a facie Abisai, et ingressi sunt civitatem. Reversusque est Joab a filiis Ammon, et venit Jerusalem.

Prov. xxi, 31.

Videntes igitur filii Ammon quoniam Syrus expavit, et quoniam corruisset coram Israel, congregati sunt pariter, ut cum fortiori exercitu pugnarent contra Hebræos. Misitque Adarezer rex et eduxit, id est, ad se vocavit, Syros qui erant trans fluvium Mesopotamiæ seu Euphraten. Unde in Josue libro habetur : Trans fluvium habitaverunt patres vestri. Et adduxit eorum exercitum. Sobach autem magister militiæ Adarezer, erat princeps eorum. Quod quum nuntiatum esset David regi, contraxit, id est congregavit, omnem Israel, id est universos viros aptos ad prælium, et transivit Jordanem, venitque in Helam. Et direxerunt aciem Syri ex adverso David, et pugnaverunt contra Israel. Fugeruntque Syri a facie Israel, et occidit David de Syris septingentos currus, id est pugnatores, qui ex curribus illis pugnabant : sicque ponitur hic continens pro contento ; et quadraginta millia equitum.

Josue xxiv, 2.

His contrariari videtur, quod primo Paralipomenon legitur : Interfecit David de Syris septem millia currum, et quadraginta millia peditum. Sed quid pro horum concordantia sit dicendum primo libro Paralipomenon est expressum. *Et Sobach principem militum percussit, qui statim mortuus est. Videntes autem universi reges qui erant in presidio Adarezer, se victos esse ab Israel, expaverunt et fugerunt quinquaginta et octo millia coram Israel. Et fecerunt pacem cum Israel, et servierunt [eis], timueruntque Syri auxilium præbere filiis Ammon.* Textus hujus et consimilium verba, quæ non exponuntur, adeo plana sunt, quod expositione non indigent.

Sensus
spiritualis.

Moraliter ex isto docemur capitulo, non faciles esse ad credendum malum de aliis, præsertim de bonæ famæ hominibus, neque ex levi suspicione ad judicia incauta procedere. Alioqui multa et magna incidemus incommoda. Allegorice, per David et ejus ministros ac nuntios, intelliguntur Christus et ejus fideles, præsertim doctores et prædicatores. Per regem autem Hanon et servos ipsius, designantur diabolus et angeli ejus, aut etiam homines vitiosi mundani. Per barbam vero quæ est signum virilitatis, significantur soliditas salubrium doctrinarum, atque bonorum constantia operum. Per vestes quoque, virtutes ac dona Spiritus Sancti, quibus anima induitur et ornatur, intelliguntur. Dum itaque dæmones aut impii homines trahunt Christi

A ministros, prædicatores, doctores, prælatos, ad cessandum a salutaribus documentis, aut virtuosus exemplaribusque operibus, abradunt mediam barbam eorum. Quod si ad cessationem ab utroque pertraxerint eos, totam eorum barbam abradunt. Et quia prædicatio ejus contemnitur, ejus vita vitiosa aspernabilisque consistit, præcipue student inducere eos ad cessandum ab actibus virtuosis : quia et hi qui non implent ea quæ docent ac sermocinantur, graviter peccant sermocinando. Peccatori etenim dixit Deus, Quare tu enarras justitias meas? Et sicut oratio, ita et prædicatio ejus qui averit aures suas ne audiat legem, est execrabilis. Conformiter, dum impii illi inducunt hos Christi ministros ad peccandum mortaliter, præcidunt vestes eorum, de quibus legitur in Apocalypsi : Qui non inquinaverunt vestimenta sua, ambulabunt mecum in albis. Sed dum eos alliciunt ad carnalia vitia, vitamque evidenter scandalosam et turpem, præcidunt vestes ipsorum usque ad nates. Insuper, sicut rex Hanon et servi ejus præciderunt vestes servorum David usque ad inguina, sic dæmones inducunt homines christianos ad tantam fatuitatem, quod vestimenta sua superiora decurtant quasi usque ad nates : atque in tantum corda eorum exæcant, quod sponte ipsimet faciunt sibi, quod servi David invittissime sustinuerunt ; nec in vestitu tam brevi intelligunt se potius esse derisos, quam vestitos.

Ps. XLIX,
16.

Prov.
XXVIII, 9.

Apoc. III, 4.

ARTICULUS XVIII

ELUCIDATIO CAPITULI UNDECIMI : FACTUM EST AUTEM VERTENTE ANNO.

CONSEQUENTER describitur grandis et multiplex ipsius David transgressio, non ob ejus diffamationem, sed ad divinæ misericordiæ commendationem, atque ad copiosam nostram instructionem,

T. 3.

D cautelam et confortationem, quatenus ex tanti viri ruina gravissima, discamus de propria fragilitate et lapsu esse formidolosi, custoditi, solliciti. Nempe felix quem faciunt aliena damna peritum. Quod si ce-

32

ciderimus, non desperemus; sed pœnitentiam, humiliationem, compunctionem, satisfactionem ipsius David sequamur.

Factum est autem vertente anno, id est anno sequente ac revertente, eo tempore quo solent reges ad bella procedere, utpote tempore veris initiove æstatis, dum aura est temperata, et equi ac animalia in agris, campis et pratis inveniunt pabula, misit David Joab et servos suos cum eo et universum Israel, id est multos de singulis tribubus, et vastaverunt filios Ammon, et obsederunt Rabbath metropolim regni. David autem remansit in Jerusalem, reputans præsentiā suam cum exercitu suo non esse necessariam propter hostium insufficientiam ad resistendum. Dum hæc agerentur, accidit quadam die ut surgeret David de stratu suo post meridiem, et deambularet in solario domus regię. Viditque David mulierem se lavantem aqua frigida propter refrigerationem caloris, secundum quosdam; vel propter menstruum fluxum purgandum, ut alii dicunt; ex adverso super solarium suum. Erat autem mulier pulchra valde. Misit ergo rex, et requisivit quæ esset mulier, an scilicet esset soluta et virgo, an vidua aut maritata: ut si esset soluta, et virgo aut vidua, in conjugem eam acciperet, sicque optato uteretur amplexu. Nuntiatumque est ei, quod esset Bethsabée filia Eliam, uxor Uriæ Hethæi. In Scholastica fertur historia, quod erat filia Eliæ filii Achitophel consiliarii David.

Missis itaque David nuntiis, tulit eam victus concupiscentia mala, et oblitus divini timoris, non obstante quod jam percepit eam esse maritatam. Quæ quum ingressa esset ad illum, dormivit cum ea. Statimque sanctificata est ab immunditia sua. Quare non potius ait, Statim inquinata est et privata munditia sua? quia et si ante hoc crimen fuerit virtuosa, tamen adulterino illo concubitu fuit puritate virtutum ac gratiæ spoliata. Sed hoc dici non oportuit, quia per se evidens fuit. Porro sanctificatio illa ab immunditia, multipliciter

A potest exponi. Primo, quod post coitum mane se lavit, corporaliterque purgavit. Secundo, quod statim concepit, propter quod menstruus sanguis in ea cessavit, vel deinceps non fuit usque ad partum. Nam menstruum reservat natura post conceptionem, in alimoniam fetus usque ad nativitatem ex utero. Quidam tamen dicunt eam tunc menstruatam, atque ad tactum regis, menstruum mox cessasse. Jam enim per tempus notabile fuit incognita viro. Verumtamen alii dicunt hujus oppositum, *B* quia durante hujusmodi fluxu, feminæ sunt male coloratæ atque ineptæ ad coitum. Nonnulli dicunt eam a sua immunditia sanctificatam, id est a sterilitatis opprobrio liberatam, quoniam ante non genuit. Breviser autem et certe dici potest, quod ab immunditia, hoc est superfluo seminis sui, purgata sit. Circa hæc Magister in historiis refert: Dicit Epiphanius, quod quum vocasset David ad se Bethsabée, Nathan propheta cognovit hoc ipsum in spiritu, et festinavit ad David, ut antequam mulier veniret, prohiberet ipsum David a crimine; sed ipsum Nathan impedivit Belial, quia in via invenit hominem occisum, nudum jacentem, et fecit moram apud eundem. Eaque nocte peccavit David, et luxit Nathan. *Et reversa est in domum suam, concepto fetu. Mittensque Bethsabée nuntium familiarem secretum, nuntiavit David, dicens: Concepi.* Sensit se concepisse per signa, quibus hoc scitur. Nam et tunc feminæ graviter affliguntur, et graves sunt corpore. Quocontra beatissima atque mundissima virgo Maria quum concepisset de Spiritu Sancto, abiit cum omni alacritate et agilitate in montana. Insinuavit itaque mulier regi se concepisse, ut rex provideret suo honori, nec tanquam adulter diffamaretur, et etiam ne ipsa velut adultera *C* lapidaretur.

Luc. i, 39.

Lev. xx, 10.

Misit autem David ad Joab, dicens: Mitte ad me Uriam Hethæum. Misitque Joab Uriam ad David. Quæsiitque David quam recte ageret Joab, et populus, et quomodo administraretur bellum. Et dixit

David ad Uriam : quem de obsidione fecit redire ad se, quatenus ipse Urias iret, et dormiret cum conjuge sua, et sic proles ei adscriberetur, adulteriumque lateret. Et dixit ad Uriam : *Vade in domum tuam, et lava pedes tuos*, hoc est, post viæ laborem te refove balneis : et ita a parte intelligitur totum. Vel, de pedibus specialiter dictum est, qui solent itinerantibus abluui. *Et egressus est Urias de domo regis, secutusque est eum*, puta Uriam, *cibus regius* : id est, David misit delicata et pretiosa calidaque cibaria ac pocula post Uriam, ut illis vesceretur eum conjuge, atque per talia concitaretur libidine. *Dormivit autem Urias ante portam domus regie cum aliis servis domini sui, et non descendit in domum suam.*

Nuntiatumque est David a dicentibus : *Non ivit Urias ad domum suam. Et ait David ad Uriam* : Numquid non de via venisti? Quare non descendisti in domum tuam? tanquam dicat : Quum utique tam longum confeceris iter, deceret te uti solatio, et uxorem invisere. *Et ait Urias ad David* : *Arca Dei*, quam aliqui sacerdotum secum tulerunt, ut ejus virtute daretur a Deo subsidium : nam et divina responsa per applicationem arcæ dari solebant, ut dictum est sæpe; *et Israel*, id est tribus Jacob, *et Juda*, id est tribus Juda : quæ specialiter nominatur, quia regalis erat, et numero major ac viribus fortior, bellicosior, atque audacior; *habitant in papilionibus*, id est tentoriis; *et dominus meus Joab militum princeps, et servi domini mei*, videlicet milites præclarissimi quibus præest, *super faciem terræ manent in armis ac vestibus*; *et ego ingrediar domum meam, ut comedam et bibam, et dormiam cum uxore mea?* quasi dicat : Illis me majoribus ac melioribus in laboribus et afflictionibus taliter constitutis, non decet me delectationibus gustus et tactus vacare, sed condolere, et instar illorum affligi. *Per salutem tuam corporalem et salutem animæ tuæ spiritualem, juro et testor, quod non faciam hanc rem, quam mihi injun-*

gis, non ex inobedientia aut contemptu tui imperii, sed amore justitiæ. Qualiter autem liceat per creaturas, et per regis salutem jurare, in quantum in eis resplendet aliquid majestatis divinæ, alibi dictum est. Sic et Joseph in Genesi, per salutem Pharaonis jurasse. *Ait ergo David ad Uriam* : *Mane hic etiam hodie, et cras dimittam te. Mansit Urias in Jerusalem in die illa et altera die. Et vocavit eum David, ut comederet coram se, et biberet, et inebriavit eum*, quatenus ratione sopita, a præacta consideratione rationabili deficiens, concupiscentiam sequeretur : non tamen fuit ita inebriatus, quod usum rationis in toto amisit. *Qui egressus vespere, dormivit in stratu suo cum servis domini sui, et in domum suam non descendit.*

Factum est ergo mane, et scripsit David epistolam ad Joab. In qua significavit Uriam in se peccasse, et ideo morte dignum. Quod et Joab credidit verum. Fuit autem, ut Josephus ait, Urias armiger Joab. Misitque per manum Uriæ, scribens in epistola : *Ponite Uriam ex adverso belli, hoc est in acie contra hostes directe, ubi fortissimum est prælium, et derelinquite eum, abstrahendo ei auxilium, ut percussus intereat, sicque offensa ejus in me, et pœna mortis ei pro ea inflicta, perseverent ignotæ. Igitur quum Joab obsideret urbem, posuit Uriam in loco ubi sciebat viros esse fortissimos. Egressique viri de civitate, bellabant adversum Joab. Et ceciderunt de populo servorum David, et mortuus est etiam Urias Hethæus.*

Misit itaque Joab, et annuntiavit David omnia verba prælii, præcepitque nuntio, dicens : *Quum compleveris universos sermones belli ad regem, si eum videris indignari, et dixerit, quare accessistis ad murum ut præliaremini? an ignorabatis quod omnia* * *desuper ex muro tela mit-* * multa *tantur? Quis percussit, hoc est occidit, Abimelech filium Jerobaal, hoc est Gedeonis? Nonne mulier misit super eum fragmen* Judic. ix, 53. *mole, hoc est lapidis magni, de muro, et*

interfecit eum in Thebes? Qualiter hoc factum sit, in Iudicum libro habetur. Quare accessistis ad murum? Dices : Etiam servus tuus Urias Hethæus occubuit. Scivit enim callidus Joab, quod hoc rumore audito, rex contentaretur. Abiit ergo nuntius, et venit et narravit David omnia quæ ei præceperat Joab. Et dixit nuntius ad David : Prævaluerunt adversum nos viri, et egressi sunt ad nos in agrum. Nos autem, facto impetu, persecuti eos sumus usque ad portas civitatis; et direxerunt jacula sagittarii ad servos tuos ex muro desuper, mortuique sunt de servis regis. Quin etiam servus tuus Urias Hethæus mortuus est. Et dixit David ad nuntium : Hæc dices Joab ex parte mei : Non te frangat ista res, id est, fiduciam tuam non minuat. Unde de Juda legitur Machabæo, quod confractus est corde, quando non habuit spem triumphi. Varius enim eventus est belli, et nunc hunc, nunc illum consumit gladius. Conforta bellatores tuos adversus urbem, ut destruas eam, et exhortare eos.

1. Mach. ix, 7.

Lev. xx, 10.

Audivit autem uxor Uriæ, quod mortuus esset vir suus, et planxit eum. Aliqui dicunt, quod fecte tantum, quia gavisæ fuit de morte mariti, ut sic pœnam lapidationis evaderet et uxor fieret regis. Verumtamen potius reor, quod etiam ex corde ploravit de mariti interitu quem dilexit, quamvis ejus dolori consolatio quædam ex prætatis causis fuerit mixta. Circa hoc scribit Lyra : Ad cujus intellectum sciendum, quod Rabbi Salomon dicit hic, quod viri procedentes ad bellum, dabant uxoribus libellum separationis, quatenus libere possent contrahere, si ipsi viri in bello occumberent, et computabatur tempus, id est hora, separationis seu divortii a die dationis libelli. Et ideo, quia uxor Uriæ conceperat ex David post recessum sui mariti, ideo eo defuncto, evadebat pœnam lapidationis. Istud dictum videtur omnino absurdum et falsum : quia si sic, David non commisisset adulterium cum Bethsabæe, quæ secundum hæc non fuisset tunc uxor Uriæ, nec

A ipsa meruisset lapidibus obrui. Nec divortium fuit ita permissum, tanquam licitum et absque peccato, sed sicut usura cum alienis. Propter quod dicitur a Malachia : Operiet iniquitas vestimentum ejus, videlicet viri dantis uxori libellum repudii. Quod ibidem diffusius demonstravi.

Malach. ii, 16.

Hinc etiam Rabbi Paulus seriose contra præfata Rabbi Salomonis verba scribit, dicendo : Rabbi Salomon et alii expositores Hebræi, sæpe corrumpunt verum intellectum Scripturæ, sequendo litteram plus quam oportet. Sic quoque frequenter labuntur in oppositum vitiosum extremum, fabulando multa contraria litteræ, et quæ nusquam in Scripturis reperiuntur authenticis. Nam et ista Rabbi Salomonis assertio, dependet ex opinione quorundam Thalmudistarum, asserentium quod David nunquam fuit adulter cum uxore Uriæ. Ad quod probandum, fingunt istud de libello separationis, quod Rabbi Salomon hic inducit : quod est maxime contra textum, in quo David reprehenditur tanquam vere adulter, quod et ipse fatetur. Si autem illa fictio esset vera, nunquam fuisset adulterii reus. Nam uxor Uriæ fuisset libera a tempore dationis libelli, quæ præcessit primam commixtionem David cum ea, ut certum est secundum illam confictionem. Causa quoque dationis hujus libelli repudii, quam assignat Rabbi Salomon, ut scilicet mulieres viris in bello mortuis libere possent contrahere, est penitus vacua et inanis : quoniam quamvis viri nunquam dedissent talem libellum repudii, nihilo minus defunctis maritis, libere potuissent contrahere, quum certum sit, quod in morte alterius conjugum, solvatur vinculum conjugale, etiam si libellus repudii non præcedat. Hæc Rabbi Paulus.

Transactoque luctu, id est, evoluto tempore quo Bethsabæe virum suum deflevit : nam certis diebus solent uxores deplangere viros defunctos, et lugubres ferre vestes. Scriptum est autem in Ecclesiastico : Luctus mortui, septem dies. Porro in Deuteronomio legitur, quod uxor seu filia viri

Ecclesi. xxii, 13.
Deut. xxi, 11, 13.

in bello occisi, quam aliquis Judaeorum A eam in domum suam, et facta est ei uxor, volebat habere uxorem, sederet per unum peperitque ei filium. Et displicuit verbum mensem in domo deplorans maritum seu hoc quod fecerat David, id est opus seu illud significatum per verbum, coram Domino. patrem in prælio interfectum. Itaque trans-acto hoc luctu, misit David et introduxit

ARTICULUS XIX

DE MORALI AC MYSTICO HUIUS UNDECIMI CAPITULI INTELLECTU.

CAPITULUM istud moralibus plenum B est viro taliter inspicere feminam, sicut est documentis. *Factum est autem ver-* econtra. Hinc ait Glossa : Justo retribu-
tente anno, eo tempore quo solent reges ad tionis examine agitur, quod qui exteriori
Job vii, 1. bella procedere. Quamvis militia atque ten- oculo negligenter utitur, interiori obtene-
tatio sit vita hominis super terram, ita ut bretur. Sic mors ingreditur animam per
jugiter omni tempore, die ac nocte debeat fenestras sensuum corporis. Propter quod
mus esse spiritualibus armis præcincti ac Dominus loquitur per Prophetam : Unus-
præparati ad dimicandum contra aciem vi- quisque offensiones oculorum suorum ab-
tiorum, contra carnem et sæculi vanitates, jiciat. In Numerorum quoque libro scri-
contra invisibiles hostes ; quædam tamen ptum est, [quod] præcepit Dominus filiis
tempora sunt specialiter deputata hujus- Israel, ut facerent sibi fimbrias per qua-
modi pugnae, ut tempus Quadragesimæ et tuor angulos palliorum, ponerentque in
Adventus, ac alii pœnitentiarum abstin- eis vittas hyacinthinas, quas quum vide-
tiarumque dies : in quibus reges qui ratio- rent, recordarentur omnium mandatorum
nis gubernaculo, et evangelicæ legis freno Domini, ne sequerentur cogitationes, et
ac directorio regunt in primis se ipsos, oculos per res varias fornicantes. Hinc Ec-
deinde et alios, procedunt ad spiritualia clesticus monet : Virginem ne conspi-
prælia contra veræ salutis ac gratiæ impe- cias, ne scandalizeris in decore ejus. Noli
dimenta. Præterea, per David potest hoc circumspicere in vicis civitatis. Averte fa-
loco intelligi quicumque magnus prælatus ciem tuam a muliere compta. Et quoniam
ac præsidens, qui subditos ac vicarios suos sic visum custodire, est donum Dei, ideo
ad exercenda pastoralia opera dirigit, et ait Psalmista : Averte oculos meos, ne vi-
ad expugnandum adversarios humanæ sa- deant vanitatem. Denique evagatio oculo-
lutis ; et tamen personaliter negligenter se rum, stultitiæ signum est ; et eorum refre-
habet, et per otiositatem vitia carnis illa nationio, actus est sapientiæ. Ideo Salomon
bitur. De quibus dum statim non pœnitet, dixit : Oculi sapientis in capite ejus ; oculi
multa quoque alia incidit scelera. autem stultorum in finibus terræ. Ideo san-
etus et sapiens Job testatur : Pepigi fœdus

Viditque mulierem se lavantem. Ecce cum oculis meis, ne saltem cogitarem de
David mulierem incaute respiciens, et in virgine. Itemque : Si secutus est oculus
eam adspectum figens, concupiscentiæ mu- meus cor meum, hoc est, visum exterior-
crone est læsus. Ex incustodia etenim ocu- rem refrenavi ab eorum intuitu, ad quæ
lorum, multitudo quædam oritur vitiorum : inspicenda inclinatio cordis movebat. Ita-
ideo morose non licet inspicere, quod non que si tantum reprehenditur David, qui
licet appetere ; et specialiter periculosum

Jer. ix, 21.
Ezech. xx, 7.
Num. xv, 38, 39.
Eccli. ix, 5, 7, 8.
Ps. cxviii, 37.
Eccli. ii, 14 ; Prov. xvii, 24.
Job xxxi, 1.
Ibid. 7.

ideo concupivit, quia inspexit : quanta in A crepatione sunt digni, qui idecirco inspi-
ciunt, quoniam concupiscunt?

Misit David ad Joab, dicens : Mitte ad me Uriam. David de adulterio suo statim non pœnitens, ad tantam quoque iniquitatem mox corrumpit, quod prolem ex suo semine nascituram, optavit legitimo contorali adscribi, et ei in hereditate succedere. Deinde virum illum justum circumvenire tentavit et inebriavit. Quem quum a justo suo proposito non posset avertere, accusavit eum principi militum false, ac jussit B in mortem præcipitari, retribuens ei mala pro bonis; et traditor factus, in tantum fraudulenter egit cum milite strenuo ac fideli, quod propriæ mortis epistolam fecit eum portare. De ejus etiam morte gavisus fuit, et uxorem ejus accepit : pro-

III Reg. XXI,
19.

pter quod poterat ei dici, Occidisti, et insuper possedisti. Sic unum peccatum per pœnitentiam non deletum, mox pondere suo trahit ad aliud, et sæpe ad graviora. Nam David regio cibo delicate reffectus, dormivit post prandium, et somnolentiæ C dedit locum. Deinde incaute adspexit, vitiose concupivit, irrefrenate implevit, et cetera mala jam recitata illapsus est : quorum omnium origo quædam videtur otiositas exstitisse. Otia quippe dant vitia, et multa mala docet otiositas. Ideo Salomon protestatur : Qui sectatur otium, stultissimus est. Et in Ecclesiastico dicitur : Mitte servum in operationem, ne vacet. Ezechiel quoque ait : Hæc fuit iniquitas Sodomæ : superbia, saturitas panis, abundantia, et otium ejus; et manum pauperi et egeno D non porrigebat.

Ecclesi.
XXXIII, 29;
Prov. XII, 11.

Ecclesi.
XXXIII, 28.

Ezech. XVI,
49.

Et ait Urias : Arca Dei et Israel et Juda habitant in papilionibus, etc. Per Uriam hoc loco intelliguntur viri discreti et pii, qui superioribus suis vel parentibus, aut amicis in tribulatione, infirmitate aut angustia constitutis, in tantum eis compatiuntur, quod renuunt carnaliter delectari ac viliter consolari : quocirca insipientes, lascivi et improbi, non omittunt vacare suis deliciis, vanitatibusque intendere, quid-

quid eorum propinqui, amici, prælati, seu ecclesiasticæ personæ sustineant. Contra quos scriptum est per Amos : Væ qui dormitis in lectis eburneis, et lascivitis in stratis vestris; et nihil patiebantur super contritione Joseph. Præterea, per arcam potest designari Ecclesia; per Israel, contemplativi; per Juda, activi; per Joab et ejus servos, præsidentes et eis subjecti : qui nunc in tentoriis commorantur, quoniam peregrinantur a Domino in præsentii exsilio, atque in loco certaminis sunt constituti, multisque tribulationibus affliguntur : idecirco est condolendum, plorandum, non carnaliter delectandum.

Amos VI, 4,
6.

II Cor. V, 6.

Insuper advertendum, quia ut tangit Glossa, interdum quod secundum litteram bonum est, malum in mysterio repræsentat; atque quod malum est in se, bonum mystice signat. Sicque Isidorus per David hoc loco intelligit Christum, per Uriam diabolum, per Bethsabæ Ecclesiam ex gentilitate collectam : ita quod sicut David, occiso Uria, sortitus est conjugem ejus; sic Christus, victo diabolo, copulavit sibi Ecclesiam ex gentibus, quam ante possedit diabolus. Alii per Uriam intelligunt Synagogam, per Bethsabæ legem, per David Christum, qui Synagoga conculcata ac derelicta, legem transtulit ad Ecclesiam, secundum intelligentiam spiritualem atque ad evangelicæ legis confirmationem.

Postremo, circa hæc advertendum, quia (ut scribit Guillelmus Parisiensis libro de Fide et legibus) tales expositiones quosdam audientes et legentes graviter offendunt, dum imperite proponuntur. Propter quod ait : Significationes non litterales, quatuor modis fiunt. Primo, ipso facto, ut dum res ad hoc factæ sunt, ut aliquid significarent, ut quod Isaias fuit nudus et discalceatus, et Ezechiel fecit sibi vasa transmigrationis. Secundo, quando aliquid dicitur expresse ad significandum, ut illud Ezechielis, Aquila grandis magnarum alarum : per quam significatur ibi rex Babylonis. Tertio, per consequentiam, ut quod

Is. XX, 2.

Ezech. XII,
3, 7.

Ibid. XVII,
3.

ubi prohibetur idololatria exterior corporalis, prohibetur consequenter idololatria spiritualis. Quarto, per rerum similitudinem, quæ non ad hoc factæ sunt ut significant. Et tres primæ expositiones non sunt audientium offensivæ, sed quarta hæc, si inepte proponatur: ut si dicatur, Hoc significat illud. Si autem dicatur, quod similitudo seu modus unius designat modum alterius, non est offensivum, quemadmodum per Jeremiam non ait Dominus quidquam de significatione, sed modum et similitudinem tantum exprimit, dicens: Quomodo si mulier contemnat amatorem suum, sic contempsit me domus Israel; nec dixit quod amator hujusmodi significet ipsum, sed modum expressit et similitudinem inter amatorem et mulierem, et inter se et Synagogam. Si hoc modo loquerentur ex-

Jer. iii, 20.

A positores in allegoriis et tropologiis suis, non offenderent audientes: sed quoniam dicunt, Tale quid significat tale quid, et est figura vel prophetia seu parabola talis rei, quum alterum non sit dictum aut factum propter alterum significandum, offendunt graviter audientes, sicut in facto David et Uriæ, ubi dicunt, quod David qui utique in illo facto fuit proditor, adulter et homicida, significat Christum, et Urias vir fidelis et sanctus, diabolum, et Bethsabee Ecclesiam. Si autem sic dicerent, B Sicut David amavit uxorem Uriæ, et præ ejus amore procuravit mortem sui mariti, sic Rex cælorum amavit Synagogam sive Ecclesiam, ac præ ejus amore destruxit diabolum vel principes Synagogæ, et eam assumpsit in sponsam, non offenderent audientes. Hæc doctor præfatus.

ARTICULUS XX

EXPLANATIO CAPITULI DUODECIMI: MISIT ERGO DOMINUS NATHAN AD DAVID.

HIC recitantur increpatio ac pœnitentia David, et misericordia ei a Deo exhibita. *Misit ergo Dominus Nathan ad David* ad increpandum. Dominus autem totum quod gestum fuit a David circa Uriam et conjugem ejus, revelaverat Nathan prophetæ. *Qui quum venisset ad eum, dixit ei: Responde mihi judicium*, id est, justam sententiam profer de causa quam tibi proponam. *Duo viri erant in civitate una*. Nathan proposuit parabolam, et David putavit eum referre rem gestam. Voluit autem Deus ipsum David sic circum-

D lentus, *et alter pauper*, comparative loquendo: nam quamvis esset dives miles, tamen respectu regis fuit pauper. *Dives habebat oves et boves plurimos valde*, quia David multas habuit uxores et concubinas; *pauper autem nihil habebat omnino præter ovem unam parvulam*: nam Urias unam dumtaxat habuit conjugem, quæ respectu regaliū feminarum modica fuit dignitate; *quam emerat*, dando pro illa, *et nutrierat*, et quæ creverat apud eum cum filiis ejus simul, *de pane illius comedens, et de calice illius bibens*, id est, adolescentulam illam acceperat, quæ fuit sibi commensalis quasi domestica ovis, non pascualis, *et in sinu illius dormiens*, id est contoralis; *eratque illi sicut filia*, id est valde familiaris atque dilecta. *Quum autem peregrinus quidam venisset ad divitem*, id est, spiritus fornicationis, alienus

a patria Beatorum, accessisset David, ipsum tentando; *parvens ille sumere de ovibus et de bobus suis*, id est, nullam uxorum suarum cognoscens, *ut exhiberet convivium peregrino illi qui venerat ad se*, id est, spiritum fornicationis oblectaret satisfaciendo concupiscentiæ, in quo delectatur immunditiæ spiritus, *tulit ovem viri pauperis, et præparabat * cibos homini illi qui venerat ad se*, id est, uxorem Uriæ cognovit.

* præparavit

Iratus autem David zelo justitiæ adversus hominem illum indignatione nimis, dixit ad Nathan: Filius mortis est vir qui fecit hoc, id est morte dignus. Quamvis enim secundum legem fur non occidebatur pro furto, tamen furtum seu rapina poterat ex circumstantiis et aliis additamenti in tantum gravari, quod mortis sententiam incurreret. *Ovem reddat in quadruplum, eo quod fecerit verbum istud, et non pepercerit*, id est, quatuor oves pro una sublata restituat, prout in Exodo præceptum est. Salomon tamen in libro Prov. vi, 31. verbiorum ait de fure, quod deprehensus, septuplum restituet. Reges namque secundum exigentiam causæ, loci et temporis ac personæ, poterant circa judicialia legis præcepta addere aliqua pro majori rigore, non tamen textum Scripturæ mutare. Hinc et Zachæus ait ad Christum: Si quem defraudavi, reddo quadruplum. Porro pro uno bove sublato, jussit lex restitui quinque boves. Ad propositum quoque, pro eo quod David occidit Uriam, occisi sunt quatuor filii ejus. Nam primogenitum ejus ex Bethsabée Dominus fecit mori, postea Absalon occidit Amnon, Joab Absalonem, Salomon Adoniam: quod Deus partim permisit in ultionem tanti flagitii David.

Exod. xxii, 1.

Prov. vi, 31.

Luc. xix, 8.

Exod. xxii, 1.

II Reg. xii, 15 18; xiii, 28, 29; xviii, 14; III Reg. ii, 25.

Dixit autem Nathan ad David: Tu es ille vir, qui fecisti hanc rem. Hæc dicit Dominus Deus Israel: Ego unxi te in regem, id est feci te ungi, super Israel, et ego erui te de manu Saul, et dedi tibi domum domini tui, id est bona Saul, qui fuit ad tempus dominus tuus, *et uxores domini tui in sinu tuo*. Alibi non legitur,

A quod uxores Saul defuncti duxerit David in conjuges: attamen forsitan fecit hoc. Non enim omnia gesta sunt scripta. Vel si non fecit hoc, tantam tamen habuit dominationem in populo, quod poterat facere. *Dedique tibi domum Israel et Juda*, id est, tam tribum Juda, quam ceteras tribus Israel tibi subjeci. *Et si parva sunt ista, adjiciam tibi multo majora*: quasi dicat, Non sunt parva. Attamen comparatione supernaturalium donorum, beneficiorumque gratiæ, præsertim gratum facientis, quæ Dominus dederat David, parva fuerunt ista exteriora. Denique ista locutus est Dominus, quatenus ex consideratione multitudinis ac magnitudinis beneficiorum Dei, transgressio David gravior appareret, sicque vehementius pœniteret. Vel dixit hæc Deus, impropere ipsi David beneficia tanta ex zelo justitiæ, ad confundendum ingratitudinem, congeriemque vitiorum ipsius. Verumtamen Deus omnipotens, liberalissimus, supernobilissimus et immensus, nec ex pareitate, neque ex instabilitate, nec quantum in se est, impropere beneficia sua alicui, secundum quod Jacobus apostolus ait de eo, Qui dat omnibus affluenter, et non impropere; sed quod interdum ex zelo justitiæ, et pro impiorum justa confusione, atque ut ingratorum malitia clarius innotescat vel eis vel aliis, Deus quandoque impropere, in multis patet locis Scripturæ, præsertim in Ezechiele et alibi sæpe.

Jacob. i, 5.

Ezech. xvi.

Quare ergo contempsisti verbum Domini, id est præceptum ejus de adulterio homicidioque vitandis? quum tamen debuisses Deo tanto gratior obedientiorque fuisse, quanto majora ac plura ab eo beneficia suscepisti. Porro in omni mortali peccato, est implicite aut æquivalenter, aut formaliter et directe contemptus Dei et ejus præcepti, eo quod homo tam irreverenter se habeat coram Deo, nec sollicitus sit ejus præsentiam venerari. Sed vix aliquis potest esse tam malitiosus, ut formaliter et directe contemnat Dei verbum, id est, ex aspersione Dei seu vilipensione actuali

Exod. xx, 13, 14; Lev. xx, 10.

sui præcepti peccet, quales videntur fuisse, de quibus in libro Job legitur : Dix-
Job XXI, 14. erunt Deo, Recede a nobis, scientiam viarum
Ibid, 15. tuarum nolumus. Et rursus : Quis est Om-
 nipotens, ut serviamus ei? *Ut faceres ma-*
lum in conspectu ejus, cujus præsentiam
 et intuitum non pensasti, tam impie te ha-
 bendo. Quod ait, *ut,* exponendum est con-
 comitanter, non directe causaliter, sicut
Ps. I, 6. in Psalmo, Tibi soli peccavi, ut justifice-
 ris. *Uriam Hethurum percussisti gladio, et*
uxorem illius accepisti in uxorem tibi, et
interfecisti eum gladio filiorum Ammon. B
Quamobrem non recedet gladius, id est
 gravis tribulatio seu interfectio, *de domo,*
 id est posteritate tua ac sobole, *usque in*
sempiternum, quamdiu duraverit in hoc
 mundo, præsertim nisi juxte agendo rela-
 xationem promereatur; *eo quod despereris*
me, et tuleris uxorem Uriæ Hethæ, ut es-
set uxor tua. Sed quum mala culpæ non
 sint a Deo, nec proles aliquid sit suorum
 parentum quantum ad spiritum suum, sed
 quoad corpus : quomodo intelligendum
 est, quod mala hæc culpæ inflicta sint a
 Deo posteritati et soboli David, propter ip-
 sius David transgressionem? Et responden-
 dum, quod mala hujusmodi, in quantum
 sunt formaliter mala culpæ, non fuerunt
 a Deo, nisi permissive, nec aliquid positi-
 vum erant; sed in quantum mala pœnalia,
 erant a Deo etiam effective, quoad id quod
 entitatis fuit in eis. De tali enim malo scri-
 ptum est : Si erit malum in civitate, quod
Amos III, 6. Dominus non fecit? Unde et per Isaiam
Is. XLV, 7. Dominus loquitur : Ego Dominus formans
 lucem, et creans tenebras, faciens pacem, D
 et creans malum. Et juxta hunc modum
 intelligenda sunt quæ sequuntur.

Itaque hæc dicit Dominus : Ecce ego
suscitabo, id est, venire faciam, *super te*
malum magnæ tribulationis de domo tua :
 et ita fuit effective a Deo. Quod etiam fuit
 malum gravissimæ culpæ : et ita fuit a Deo
 permissive; nec tamen Deus permisisset
 filios David ad tanta corrumpere scelera, sed
 gratiam ea vitandi ipsis dedisset, si ipsi
 fecissent quod erat in ipsis. *Et tollam uxo-*

res tuas in oculis tuis, id est evidenter, ita
 quod hoc statim percipere poteris, *et dabo*
proximo tuo, id est proprio filio tuo, vi-
 delicet Absaloni; *et dormiet cum uxoribus*
tuis in oculis solis hujus, id est scientibus
 eis, qui aderunt, manifeste. Quod qualiter
 factum sit, infra habetur, ubi narratur
 quod tetenderunt Absaloni in solario ta-
 bernaculum, ubi publice intravit ad decem
 concubinas patris sui. Ex quo etiam con-
 stat, quod concubinæ illæ erant veræ ux-
 ores David, sed secundariæ et minus prin-
 cipales, propter quod concubinæ vocantur.
Tu enim fecisti abscondite adulterium cum
uxore Uriæ : quamvis enim vocavit et in-
 troduxit eam per nuntios, occulte tamen
 peccavit cum ea, vel saltem perpaucis
 scientibus; *ego vero faciam verbum istud,*
 id est rem significatam per verba hæc, *in*
conspectu omnis Israel, qui fuit cum Ab-
 salone, *et in conspectu solis hujus,* id est
 in exteriori adspectu, qui fit per lumen
 solare. Verumtamen multa tropice in Scri-
 pturis dicuntur, ut illud, Mare vidit et fu-
 git : sicque sol dicitur conspexisse; et item
 quoniam alios facit conspicere, lucem fun-
 dendo, quæ ad exterioriorem requiritur vi-
 sum, vel propter colores, vel propter me-
 dium, vel propter visum ipsum, aut propter
 plura eorum.

Et dixit David ad Nathan : Peccavi
Domino, id est, ad Dei injuriam male, imo
 et pessime, feci. *Dixitque Nathan ad Da-*
vid : Dominus quoque transtulit, id est, a
 te abstulit, et tibi dimisit, *peccatum tuum,*
 id est congeriem scelerum quæ fecisti : quæ
 omnia quantum ad culpam, tibi ignovit
 eodem momento, quo ex vera contritione
 dixisti, Peccavi Domino; sed quoad pœ-
 nam, non dimisit ea tibi plenarie, quia
 Deus inultum ire non patitur ullum pecca-
 tum, ut fertur in Job. Et tamen ipsa con-
 tritio de peccato, est magna pars ultionis,
 imo et satisfactionis, sicut et pudor de
 enormitate et turpitudine culpæ, similiter
 humilis confessio oris : imo contritio, pu-
 dor, humiliatio possent esse ita intensæ,
 quod totam delerent iniquitatem, etiam

II Reg. XVI,
22.

Ps. CXIII, 3.

Job XXIV,
12.

quantum ad pœnam, prout doctores super A
quantum Sententiarum declarant. Denique,
quod David dixit, Peccavi Domino, potest
intelligi sicut et illud quod ait in Psalmo,
Ps. l., 6. Tibi soli peccavi. Quocirca asserit Glossa,
quod rex qui superiorem in terra non ha-
buit, soli Deo qui ejus fuit iudex, peccavit.
Verumtamen David etiam valde peccavit
in proximum, ejus violavit uxorem, et
ejus occidit personam; sed non peccavit
in proximum tanquam in iudicem se su-
periores, sed tanquam in eum quem dam-
no atque injuria læsit. *Non morieris* morte
æternæ damnationis, ut meruisti peccan-
do, quoniam merito tuæ contritionis et
humilis confessionis, pœna illa æterna, in
temporalem pœnam est commutata. Vel,
Non morieris statim morte temporali ac
corporali, quæ secundum legem est infe-
renda homicidis atque adulteris.

*Exod. xxi,
14; Lev. xx,
10.*

Certum reor, quod nisi vas misericordiæ
electus David, ex inenarrabili contritionis
dolore dixisset, Peccavi Domino, nequa-
quam Nathan propheta tam subito eum
consolatus fuisset, dicendo, Dominus trans-
tulit peccatum tuum. Nempe electus vir
ille occulta divinæ sapientiæ moderatione
tam diu relictus in mentis suæ caligine,
ita quod infra tot dies non advertit nec
consideravit suæ transgressionis immani-
tatem, subito præventus et irradiatus ab
infinita misericordia Omnipotentis, ex con-
sideratione bonitatis et beneficiorum Dei
ad se, atque ex inspectione transgressionis
et ingritudinis suæ, tam vehementissime
doluit vera contritione, quod cor suum pe-
ne scissum fuit præ doloris acerbitate et
quantitate: propter quod, necessarium fuit
eum sic consolari. Quod Nathan ex divina
illustratione perpendens, tam repente, Deo
instigante, consolabatur dolentem. Nam
(ut sanctus ait Hieronymus) oportet ut do-
lor contritionis sit adæquatus multitudini
magnitudinique iniquitatis. Et ut beatus
dicit Bernardus, non sufficit labiis dicere,
*1 Reg. xv,
24, 30.* Peccavi: quia et Saul hoc dixit, non tamen
veniam obtinuit, quam David uno verbo
promeruit. Dicitur quoque in Scholastica

historia, quod David verbis Nathan auditis,
et dicens, Peccavi Domino, mox descendit
de throno consistorii, et sedit in terra, et
tanquam verus deicola, non erubuit pec-
cata sua coram omnibus confiteri. Præter-
ea advertendum, qualiter in David imple-
tum est quod in libro Sapientiæ legitur:
Quia per quæ quis peccat, per hæc et *Sap. xi, 17.*
punitur: quoniam sicut David in alterius
uxore et sanguine Deum offendit, marita-
tam cognoscendo, ejusque virum necando,
sic suæ uxores sunt violatæ et filii occisi:
B et quod gravius erat, a proprio filio uxores *II Reg. xvi,
22; xiii, 28,
29; xviii, 14.*
ejus violabantur incestu nefario, et filii
ejus se invicem occiderunt.

*Non morieris. Verumtamen, quoniam
blasphemare fecisti inimicos nomen Domi-
ni, propter verbum hoc, filius qui natus
est tibi, morte morietur.* Hoc aliqui sic ex-
ponunt, quod homines vitiosi vituperave-
runt Deum tanquam injustum, pro eo quod
reprobavit et amovit Saul a regno, qui mi-
nus peccavit, quam David, in his propter
quæ fuit regia successione privatus, non
C tamen sic reprobando derelinquendoque
ipsum David. Ita exponitur istud commu-
niter, sed non videtur idonee dictum, quo-
niam quando hæc dicebantur a Nathan,
peccatum hoc David adhuc latebat, nisi
quantum forsan ex inerepatione Nathan
cœpit vulgari: sicque ob hanc rem non-
dum fuit Deus ab impiis blasphematus, ni-
si forsan sumatur præteritum pro futuro,
per modum prænuntiationis prophetiæ
propter certitudinem prophetiæ. Videtur
autem sic posse exponi. Nam occasione
D adulterii fecit David ipsum Uriam ab ido-
latriis Ammonitis occidi, et cum Uria fue-
runt et alii interfecti: ex qua victoria Am-
monitæ inducti sunt ad laudandum deum
suum falsum ac idola: quorum laus, fuit
quædam veri Dei blasphemia. Vel forsitan
Deum Israel, tanquam impotentem ad su-
orum defensionem, blasphemarunt, dicen-
tes: Ubi est Deus eorum? Ex his constat, *Ps cxiii, 2.*
quod infantulus ille propter patris sui ini-
quitatem vita privatus sit, ita quod pater
in filio est punitus: quoniam filius, quan-

Jer. xxxi,
30; Ezech.
xviii, 20, 24.

tum ad corpus, est aliquid suorum paren-
tum. Nec in isto derogatum est illi infantu-
lo, cui Deus convertit ac ordinavit mortem
illam ad majus bonum. Qualiter vero istud
non contrarietur divinae justitiae, imo nec
pietati divinae, nec verbis Ezechielis ac
Jeremiae, dicentium, Unusquisque in pec-
cato suo morietur, et filius non portabit
iniquitatem patris, supra atque in aliis lo-
cis dictum est saepe.

Præterea ex his apparet, quod increpa-
tus sit David a Nathan longo tempore post
adulterii sui perpetrationem, utpote nato
infantulo tunc concepto. Quocirca non tan-
tum admiror, quod vir ille tam virtuosus,
post tanta gratiarum charismata, repente
ad tanta devolutus est scelera, quantum,
quod infra totum tempus, quod fluxit ab
adulterio illo usque ad increpationem mi-
nistratam per Nathan, non consideravit
suos excessus, neque poenituit. In quibus
omnibus innotescit, quam ineffabiliter ma-
gna et miseranda sit humana fragilitas,
cæcitas ac defectuositas, et quod vera con-
tritio non nisi ex speciali Dei præventionem
ac gratia oriatur.

Et reversus est Nathan in domum suam.
Percussit quoque Dominus parvulum in-
firmitate letali, quem pepererat uxor Uriæ
David, et desperatus est posse convalesce-
re. Deprecatusque est David Dominum pro
parvulo, ut Deus dignaretur eum superna-
turaliter curare. Et quamvis David audivit
a Nathan infantulum moriturum, attamen
ignoravit an prophetia illa fuerit prænun-
tiationis, sicut prophetia de obitu Ezechiae,
subversioneque Ninive. Et jejunavit Da-
vid jejunio, et ingressus seorsum in locum
secretum, orationi, compunctioni, et laeri-
mis aptum, jacuit super terram, se ipsum
profunde humiliando coram Altissimo. Ve-
nerunt autem seniores domus ejus, cogen-
tes, id est obnixæ et quasi importune
rogantes eum, ut surgeret de terra ad
edendum. Qui noluit, nec comedit cum eis
cibum. Accidit autem die septima ut mo-
reretur infans. Unde aliqui dicunt, quod

IV Reg. xx, 1-
7; Is. xxxviii;
Jonæ iii, 4-
10.

A circumcisis non fuit, quia circumcisio fie-
bat die octavo. Alii putant, quod in peri-
culo licuit tempus hoc prævenire. *Timu-*
eruntque servi David nuntiare ei quod
mortuus esset parvulus. Dixerunt enim :
Ecce quum parvulus adhuc viveret, toque-
bamur ad eum, et non audiebat vocem
nostram : quanto magis, si dixerimus, Mor-
tuus est puer, se affliget ? Quum ergo David
audisset servos suos mussitantes, intellexit
quod mortuus esset infantulus. Dixitque
ad servos suos : Num mortuus est puer ?
B *Qui responderunt ei : Mortuus est.*

Surrexit ergo David de terra, cognita
morte infantuli, nolens de malo irreme-
diabili se ipsum magis affligere, et lotus
unctusque est. Nam faciem lavit, et un-
guento aut balneo usus est. Quumque mu-
tasset vestem, quia in veste poenitentiali
Dominum exoravit, flevit et jejunavit, et
forsan in cilicio aut in sacco, ingressus est
domum Domini, id est tabernaculum, in
quo constituerat arcam, et adoravit Domi-
num, gratias agens justis ac piis judiciis
C *ejus ; fuitque patiens in suarum precum*
et abstinentiarum repulsione ac filii mor-
te, conformans in hoc voluntatem suam
voluntati ac ordinationi divinae. Exhilara-
vit quoque ita se ipsum, ut consolaretur
ipsam Bethsabée, quam diligebat. Et venit
in domum suam, petivitque ut ponerent
ei panem, et comedit. Dixerunt autem ei
servi sui : Quis est sermo quem fecisti ?
Propter infantem, quum adhuc viveret,
jejunasti et flebas ; mortuo autem jam pu-
ero, surrexisti, et comedisti panem. Qui
ait : Propter infantem, quum adhuc vive-
ret, jejunavi et flevi ; dicebam enim : Quis
scit, si forte donet mihi eum Dominus, et
vivat infans ? Nunc autem quia mortuus
est, quare jejunio ? Numquid potero eum
revocare amplius ? Ego vadam magis ad
eum ; ille vero non revertetur ad me.

II Reg. vi,
17.

Et consolatus est David Bethsabée uxo-
rem suam, ingressusque ad eam, dormivit
cum ea : non ante ejus purificationem se-
cundum legem, sed tempore procedente.
Quæ genuit filium, et vocavit nomen ejus

Lev. xii, 4.

Salomon : quod interpretatur pacificus ; A regem ei denuntiavit ; vel potius ex quadam versutia, adulatione, et ambitione, quia ambitiosus erat, et regi complacere desiderans, gratiam ejus captavit, ut in suo firmaretur officio. *Congregavit itaque David omnem populum* praelio aptum atque residuum, *et profectus est adversum Rabbath. Quumque dimicasset cum suo exercitu contra urbem, cepit eam.*

Et tulit diadema regis eorum de capite ejus. Per regem Ammonitarum non intelligitur hic filius Naas regis, qui patri suo B Naas successit in regno, sed falsus deus seu idolum Ammonitarum, nomine Melchom, quod interpretatur, rex eorum. Unde primo Paralipomenon legitur : Tulit autem David coronam Melchom de capite ejus. Circa hoc scribit Hieronymus, et habetur in Glossa super [primum] Paralipomenon : Tradunt Hebræi : quod illicitum erat Judæis de idolis aliquid auri vel argenti accipere, quia lex idololatriam vetat ; ideo Ethai, qui de Philistæis ad David venerat, rapuisse coronam de capite Melchom, ut liceret David Judæo de manu hominis capere, quod de capite idoli capere sibi non licuit. *Pondo auri talentum* : quia hoc diadema continebat in pondere talentum auri, juxta illius regionis mensuram ; *habens gemmas pretiosissimas.* Hinc in Scholastica fertur historia : Erant in diademate illo gemmæ pretiosæ et auri talentum. Verumtamen David juxta tenorem legis primo conflavit et purgavit metallum, et postea sibi inde diadema formavit, in cujus medio sardonycem incomparabilem collocavit. Nec tamen in hoc fecit contra illud Deuteronomii, Sculptilia eorum igni combures, et non concupisces aurum et argentum de quibus facta sunt : quia hoc fuit præceptum de idolis, idolorumque ornamentis, quæ erant in terra promissionis, quando filii Israel primo ingressi ac demoliti sunt eam. *Et impositum est super caput David. Sed et prædam civitatis asportavit multam valde.*

Populum quoque ejus adducens, ad forum judicii seu locum supplicii, serravit,

II Reg. vii,
12-16.

Sap. xi, 25.

Malach. i,
2.

I Par. xx, 2.

Exod. xx,
3-5.

Deut. vii,
25.

id est, serris divisit per medium, *et circumegit super eos ferrata carpenta*, id est ferrea seu ferrata quædam vehicula rostris incidentia, scilicet currus falcatos sive ferratos, imo carpentis hujusmodi ipsos serravit. Carpentum namque securis est. *Divisitque cultris, et traduxit in typo laterum*, id est, cultros traduxit seu traxit per eos eo modo, quo traducuntur cultelli per lateres adhuc molles, ut apte formantur seu figurentur. Itaque quosdam per vehicula illa serravit, vel serris divisit, quosdam cultris secavit: nec tantum rigorem exercuisset in eos mansuetus et pius rex David, nisi valde peccassent in Deum et in populum suum ac se. Verumtamen non punivit totum populum illum hoc modo, sed eos qui consilium dederant regi suo, qui præfatò modo servos David irrisit. *Sic fecit civitatibus universis filiorum Ammon*, id est rectoribus civitatum illarum, qui ad illam irrisiorem instigaverunt, aut simili modo specialiter ac graviter erant culpabiles. Non enim omnes nobiles terræ illius occidit, imo

II Reg. x, 3,
4.

A nec omnes filios regis Naas, sed filium ejus regem, a quo servi sui fuerunt irrisi. Unde infra legitur, quod Sobi filius Naas de Rabbath filiorum Ammon, præbuit David regi necessaria quando fugit a facie Absalonis. Nam illum Sobi constituit regem pro fratre suo quem interfecit. Porro, primo Paralipomenon scriptum est, quod David eduxit populum Rabbath, et fecit super eos tribulas et trahas et ferrata carpenta transire, ita ut dissecarentur et contererentur. Tribulæ autem vocantur vehicula, quibus teruntur messes. Et ut ait Isidorus, tribula est genus vehiculi, quo teruntur frumenta. Trahæ vero dicuntur alia genera vehiculorum, quæ rotas non habent, vel instrumenta quæ trahuntur super terram de novo seminatam ad complanandum eandem. *Et reversus est David et omnis exercitus ejus in Jerusalem*. Non tamen habitaverunt omnes ibidem, sed cum rege ingressi sunt primum illuc communiter, deinde redierunt in sua. Asportavit etiam secum de Rabbath plurimam prædam.

II Reg. xvii,
27-29.

I Par. xx,
3.

B

C

ARTICULUS XXI

DE EJUSDEM CAPITULI DUODECIMI INTELLIGENTIA SPIRITUALI.

Ps. cxliv,
3; cxlvi, 5.

PER hoc quod Deus (cujus sapientiæ non est finis aut numerus) increpavit David regem, per os Prophetæ proponendo illi paradigma aptissimum, datur intelligi, quod excellentes personæ, præsertim reges et principes, non qualitercumque, sed parabolica locutione, aut pia quadam circumventionem, aut captatione benevolentiae eorundem sint arguendî, ne si nimis audacter aut irreverenter reprehendantur, magis exasperentur. Ideo scriptum est: *Noli resistere contra faciem potentis, neque coneris contra ietum fluvii*.

Eccli. iv,
32.

Insuper, ex isto docemur capitulo, quam enorme vitium sit adulterium, quod (non obstante intensissima contritione, profundissima humiliatione, integerrima emendatione beati David) Deus omnipotens tam horribiliter ac multipliciter in illo punivit, ut patuit et patebit. Qualis ergo post vitam hanc erit eorum damnatio, qui quum nunc non semel dumtaxat, sed et frequenter adulterii crimen committere non verentur, non tamen in vita hac castigantur. Nonne post vitam præsentem ineffabiliter torquebuntur? Ideo Salomon dixit: Si justus in terra

Prov. xi, 31.

recipit, quanto magis impius et peccator? A

Hebr. xiii. Et Apostolus ad Hebræos : Fornicatores et adulteros judicabit Dominus. Denique hujus facinoris enormitatem, proportionatamque ultionem tangit sanctus Job, dicens : Si deceptum est cor meum super muliere, et si ad ostium amici mei insidiatus sum, scortum sit alterius uxor mea, et super illam incurventur alii. Hoc etenim nefas est et iniquitas maxima. Ignis est usque ad perditionem devorans, et omnia eradicans genimina.

Job xxxi.
9-12.

Amplius, ex isto capitulo arguuntur avari, raptores, et pauperum impotentiorumque oppressores, qui si aliquando expensas alios bene tractando faciant, nituntur expensa ab impotentioribus et egenis recuperare et extorquere : quorum iniquitas elamitat ante Deum, et diram expetit ultionem. Qui autem lauta tenent convivia, aliosque invitant desiderio laudis humanæ, aut simili elatione seu injusta intentione, faciunt hoc accedente ad eos peregrino, puta diabolo : qui respectu electorum qui diu in peccatis non permanent, recte dicitur peregrinus, quia non diu in eorum cordibus commoratur. In reproborum autem et impœnitentium cordibus habitat tanquam civis.

Iratus autem David adversus hominem illum. Sic multi, cognito aliorum excessu, zelo videntur justitiæ incitari et inflammari contra peccatores; sed propria vitia non emendant, imo nec pensant, nec corrigi et objici sibi ea æquanimitèr patiuntur : de quibus constat, quod nec alios ex caritate corripiant, quoniam caritas incipit a se ipsa, id est proprio suo subjecto. Nempe quid proficit homo si universum mundum lueretur, et perdat se ipsum? Ideo in Ecclesiastico scriptum est : Miserere animæ tuæ placens Deo. Et in Proverbiis : Justus in principio accusator est sui. Unde et in Matthæo ait Salvator : Quid vides festucam in oculo fratris tui, et trabem in oculo tuo non vides? Hypocrita, ejice primum trabem de oculo tuo, et tunc videbis ejicere festucam de oculo fratris tui.

Luc. ix, 25.

Eccli. xxx,
24.
Prov. xviii,
17.

Matth. vii,
3, 5.

Tu es ille qui fecisti hanc rem. Hoc impropèrari potest ac objici his, qui contra propriam operantur doctrinam, et quæ condemnant in aliis, perpetrare non verecundantur. Quorum unicuique dicet Judex : Ex ore tuo te judico, serve nequam. Unde ad Romanos ait Apostolus : Existimas autem, o homo, qui judicas eos qui talia agunt, et facis ea, quod tu effugies judicium Dei? Et denuo ibidem : Qui prædicas non furandum, furaris ; qui dicis non mœchandum, mœcharis ; qui abhorres idola, sacrilegium facis. *Quare contempsisti verbum Domini, ut faceres malum in conspectu ejus?* Pensemus quam enorme atque damnable sit præceptum Dei contemnere, et Deo inspiciente, mandata ipsius violare : et tamen id agit omnis qui peccat mortaliter. Advertamus beneficia Dei generalia ac specialia super nos et in nobis, et ita pensare poterimus, quam enormia sint nostra peccata, et satagemus vitare ea.

Luc. xix, 22.

Rom. ii, 3.

Ibid. 21, 22.

Dixit David : Peccavi Domino. Ita et nos a superioribus aut proximis nostris correpti, recognoscamus humiliter proprias culpas, nec corripienti indignemur, nec excusemus vel alleviemus vitia nostra, certi quod in multis offendimus, et innumeralia lateant nosmetipsos. Nam ut Salomon loquitur, Viro qui corripientem dura cer vice contemnit, repentinus superveniet interitus. Ecce David non dixit reprehensori : Numquid consiliarius regis es? Imo ecclerrime etiam coram aliis sua confitebatur ac deflevit peccata. Ita agamus et nos, nec publice argui et pœnitere ac recognoscere nostrâ peccata erubescamus. *Ingressus David seorsum, jacuit super terram.* Ita et nos ad orandum intente, quæramus locum seorsum quietum, abstractum, sicut docet Salvator : Tu autem cum oraveris, intra cubiculum ; et clauso ostio, ora Patrem tuum in abscondito. Hinc fertur in Actis, quod Petrus ascendit in superiora, ut oraret. Et scriptum est in Luca, quod ascendit Christus in montem orare. Orationi autem jejuniū, aut saltem sobrietas jugiter debet addi, et humiliatio magna

Jacob. iii, 2.

Prov. xxix,
1.

Matth. vi, 6.

Act. x, 9.

Luc. vi, 12.

cordis ac corporis, et aspera vestis, quate-
Galat. v. nus caro castigetur. Qui enim sunt Christi,
 24. carnem suam cum vitiis et concupiscentiis
 crucifigunt. Quod si ad libitum non fueri-
 mus exauditi, non ob hoc pusillanimes mox
Ps. lxi, 2. reddamur, sed Deo subjecta sit anima no-
 stra in omni spe, humilitate et patientia
 vera; et propter inevitabilia mala non do-
 leamus inordinate, nec amicos seu pro-
 pinquos defunctos inconsolabiliter deflea-
 mus, sed divinae providentiae et justis ejus
 judiciis subditi simus.

Pugnabat Joab contra Rabbath. Sic mi-
 les Dei contra omnem saeculi vanitatem,
 foeditatem et impietatem jugiter debet pu-
 gnare. Complementum autem hujusmodi

A praelii debet per Christum fieri velle, et
 non sibi, sed Domino omnem triumphum
 adscribere. Nam ipse est, qui operatur in
 nobis velle atque perficere ex sua piissima
Philipp. ii,
 13. voluntate. *Congregavit David omnem po-
 pulum.* Sic Salvator suos electos unit per
 fidem, spem, caritatem, quatenus contra
 suae salutis adversarios concorditer prae-
 lientur, et adjuvent in tali conflictu se mu-
 tuo. *Tulit diadema regis eorum, et impo-
 situm est super caput David.* Impii sunt
 quasi corona diaboli, qui dum convertun-
 tur ad Dominum, fiunt diadema ipsius,
 juxta illud Isaiae: Eris quasi corona glo-
Is. lxii, 3. riae in manu Domini, et diadema regni in
 manu Dei tui.

ARTICULUS XXII

EXPOSITIO LITTERALIS CAPITULI TERTIDECIMI: FACTUM EST AUTEM POST HEC.

MODO narratur qualiter Dominus (sicut
 per Nathan praedixit) suscitavit, vel
 permissive vel effective super David ma-
 lum de domo sua. *Factum est autem post
 haec, ut ipsius Absalon filii David sororem
 speciosissimam, vocabulo Thamar, ada-
 maret filius David Amnon, qui etiam fuit
 frater ipsius Thamar ex parte patris, ut in-
 fra tangetur: sed ipsa vocatur specialiter
 soror Absalonis, quoniam ex utroque pa-
 rente fuit soror sua; et deperiret in eam
 valde, non solum corporali languore, sed
 et libidinosa ac vitiosa affectione, ita ut
 propter amorem, id est ex vehementi et
 praedominante amore ejus carnali, aegro-
 taret.* Fuit etenim amor ἔρως, qui saepe cor-
 poralem inducit languorem, imo aliquando
 mortem. Nam passionibus appetitus sensiti-
 vi, quum fiant cum corporali transmuta-
 tione, eo quod sint in organo corporali,
 quanto sunt intensiores et immoderatio-
 res, tanto immoderatus atque nocivus
 corpus immutant. Sic et juvenis ille qui

C beatissimam Agnetem amavit, praeejus
 aegrotavit amore. *Quia quum esset virgo
 ipsa Thamar, difficile ei videbatur, ut quid-
 piam inhoneste ageret cum ea: non quod
 virginis deflorationem vel incestum hor-
 reret, quia passionis vehementia fuit vi-
 ctus et excaecatus, sed quoniam filiae regis
 virgines sub arcta et diligenti erant custo-
 dia, ita quod viris non patebat ad eas pri-
 vatus et periculosus accessus. Propter quod
 Josephus ait: Quum neque propter virgi-
 nitatem, neque propter custodiam ejus pos-
 set praevalere, crudeli percussus vulnere
 carpebatur.*

*Erat autem ipsius Amnon amicus, no-
 mine Jonadab, filius Sammaa fratris Da-
 vid, vir prudens valde.* Vera prudentia non
 nisi virtuosus inest hominibus, ut etiam in
 Ethicis docet Philosophus. Quum ergo in
 isto negotio Jonadab vitiosissime se ha-
 buerit, non utique prudens, sed nequam et
 callidus fuit, quando consuluit istud quod
 sequitur. Verumtamen ex naturali disposi-

tione et aliis causis potuit esse ad prudentiam veram dispositus, prudensque fuit, si quando fuit virtuosus. Jonadab iste, in Josepho Jonathan appellatur. Qui dixit ad eum: Quare sic attenuaris macie, fili regis, per singulos dies? tanquam dicat: Quum sis primogenitus tanti regis, et successurus ei in regno, merito esses jucundus ac florens. Cur non indicas mihi? quum sim tibi familiaris et fidelis amicus: et tamen revera non fuit verus amicus, quia (ut etiam Tullius protestatur) quidquid contrariatur virtuti, repugnat et amicitiae. Dixitque ei Amnon: Thamar sororem fratris mei Absalon amo, in tantum, quod ex amoris magnitudine et alteratione corporali excessiva illam sequente ægroto, nec edere valeo: sicque pallor et macies signa sunt amoris. Cui respondit Jonadab: Cuba super lectum tuum, et languorem simula, alium, inquam, languorem quam eum quem habes. Quumque venerit pater tuus ut visitet te, dic ei: Veniat, oro, Thamar soror mea, ut det mihi cibum et faciat pulmentum, et comedam de manu ejus.

Accubuitque Amnon et quasi ægrotare coepit. Quumque venisset rex ad visitandum eum, ait Amnon ad regem, qui visitavit Amnon jacentem in lecto: Veniat, obsecro, Thamar soror mea. Amnon loquens ad Jonadab, dixit, Sororem fratris mei, non, Sororem meam, amo: quatenus Jonadab minus abhorreret illum amorem tam libidinosum. Sed loquens ad patrem, Veniat, inquit, soror mea: ut rex minus suspicaretur aliquid mali. Et faciat in oculis meis, utpote me præsentem, ut eam intendo sic occupatam delecter, duas sorbitiunculas, id est pulmenta apta ad glutendum. Tamen ut Josephus scribit, erant frixæ collyridæ: quæ quid sint, supra patuit. Et cibum capiam de manu ejus. Misit ergo David ad Thamar domum, dicens: Veni in domum Amnon fratris tui, et fac ei pulmentum.

Venitque Thamar in domum Amnon fratris sui. Ille autem jacebat. Quæ tollens farinam, miscuit; et liquefaciens in ocu-

lis ejus, coxit sorbitiunculas. Tollensque quod coxerat, effudit in scutellam seu vas, et posuit coram eo, et noluit comedere. Dixitque Amnon: Ejicite universos a me. Quumque eiecissent omnes, dixit Amnon ad Thamar: Infer cibum in conclavi, ut in loco illo secreto apto facinori fruar te, ut vescar de manu tua. Tulit ergo Thamar sorbitiunculas quas fecerat, et attulit ad Amnon fratrem suum in conclavi. Quumque obtulisset illi cibum, apprehendit eam, et ait: Cuba mecum, soror mea.

Sororem vocat, ne illa scelus percipiat, et amoroso nomine ad consensum trahatur. Quæ respondit: Noli, frater mi. Fratrem suum vocat, ut tantæ propinquitatis nomine audito, retraheretur a crimine. Noli opprimere me, quum etiam alienam opprimere sit iniquum. Neque enim hoc fas, id est licitum, est in Israel, hoc est, quia in lege prohibitum est sub pœna mortis. Noli fa-

Lev. xx, 17.

cere stultitiam hanc, hoc est opus tam irrationabile et brutale, in quo ratio et omnis sapientia maxime absorbentur. Estque stultissimum taliter vinci libidine. Ego enim ferre non potero opprobrium meum, hoc est, tam ignominiosam mei constuprationem, nec occultare potero, nec æquanimiter tolerare. Et tu eris quasi unus de insipientibus in Israel, hoc est, diffamiam magnam incurres, et reputaberis fatuus homo, quum tamen oporteat te bonæ famæ studere, ut possis patri tuo in principatu succedere. Porro, quod ait, Quasi, dicit hic veritatem, non similitudinem tantum. Quin potius loquere ad regem, et non negabit me tibi dare in conjugem.

Dicunt aliqui, quod David in bello acquisivit matrem istius Thamar, et quod mater ejus tunc fuit prægnans hac filia ab alio viro, sic quod non fuit naturalis filia David, et per consequens, nec vera naturalisque soror ipsius Amnon. Sed hoc non videtur textui concordare, nec in aliqua authentica reperitur historia. Et super illud Ezechielis, Frater sororem suam in te polluit nefarie, communiter dicunt exposi-

Ezech. xxii,

11.

II Reg. vi,
19.

mar. Ideo potius reor, quod Thamar protulit verba hæc ut averteret fratrem suum a tanto facinore, spe obtinendi eam licite et honeste; et quamvis mentiretur, dicendo, Rex non negabit me tibi, fuit officiosum mendacium et leve peccatum. Hoc et Josephus sensisse videtur, dicendo: Thamar ita locuta est, ut ad tempus petulantem fratris sui impetum valeret refrenare. Magister quoque in historiis: Hoc, inquit, dicebat, ut subterfugeret manus ejus. Veruntamen aliqui dicunt, præceptum legis prohibens sororem ex patre a fratre sumi in conjugem, esse intelligendum, quando frater et soror fuerint gentis ejusdem: Thamar autem fuit filia Maacha mulieris gentilis, quam tamen (ut creditur) David ad Judaismum convertit; Amnon vero ex utroque parente fuit Israelita: sicque potuisse Thamar fieri conjugem Amnon. Sed istud salvari non potest, quoniam in Deuteronomio legitur: Maledictus qui dormit cum sorore sua filia patris sui vel matris suæ. Idem quoque in Levitico perhibetur.

Lev. xviii, 9.

Deut. xxvii, 22.

Lev. xx, 17.

Noluit autem Amnon acquiescere precibus ejus rationabilissimis, sed prævalens viribus oppressit eam, et cubavit cum ea. Sed quæri potest, cur non clamavit, quum secundum legem debuisset clamare, quia fuit in civitate, imo in palatio, nec longe erant qui poterant subvenire. Forsan ne fratrem suum confunderet, et mortis sententiæ subderet eum. *Et exosam eam habuit odio magno nimis, ita ut majus esset odium, quo eam oderat, amore quo ante dilexerat.* Illa etenim quantum poterat, viriliter restitit: idcirco (ut ferunt Hebræi) miser ille se graviter læsit.

Deut. xxii, 24.

Dixitque ei Amnon: Surge et vade. Ipsa autem (ut ait Petrus Comestor) rogavit ut maneret cum ipso, et fieret ei uxor, putans forsitan in hoc posse dispensari. *Quæ, nolente ipso, respondit: Majus est hoc malum quod nunc agis adversum me, expellens me, in quantum hoc agis ex maximo odio et contemptu personæ meæ, cui post tantam injuriam teneris ad recompensam et compassionem, non ad contumeliæ hujus*

Augmentum; quam quod ante fecisti, me opprimens: quod aliquam videtur excusationem admittere, in quantum venit non ex malitia, sed infirmitate et passione prædominante. Imo quoniam defloravit eam, tenebatur eam habere uxorem, secundum legis præceptum, in Exodo ac Deuteronomio scriptum, nisi aliunde fuisset obstaculum: quo existente, debebat ei aliis modis pro posse pro illato damno possibilem restitutionem, quamvis condignam non potuit, juxta quod in Ecclesiastico fertur: *Omnis ponderatio non est digna continentis animæ. Et noluit audire eam; sed vocato puero, qui ministrabat ei, dixit: Ejice hanc a me foras, et claude ostium post eam. Quæ induta erat talari tunica: quæ scilicet usque ad talos ejus descendit, quam Josephus vocat colobium manicatum.* Tamen, ut quidam refert, in Hebræo habetur, Serica tunica. Sed potius est tenendum, litteram hanc veritati Hebræicæ consonare, et verbum illud Hebræicum esse forsitan æquivocum ad utrumque. *Hujusmodi enim filie regis David virgines vestibus utebantur.* In quo religiositas regis David apparet, qui tam humilibus vestibus non in terram defluentibus, sed vix eam tangentibus, jussit suas filias uti; nec dubium, quin in ceteris suis domesticis proportionabiliter vestium condecentiam observavit. Ex quo reprehenduntur superbæ ac fatuæ mulieres ac virgines temporis hujus, quæ licet a regia nobilitate plurimum distent, tamen vestibus enormiter longis, ac se per terram trahentibus induuntur. In ornamentis etiam pretiositate, figura ac multitudine vestium gravissime peccant. Similiter adolescentes ac viri suo modo.

Exod. xxii, 16, 17; Deut. xxii, 28, 29.

Ecclesi. xxxvi, 20.

Ejecit itaque eam minister illius foras, clausitque fores post eam. Quæ in signum doloris, adspergens cinerem capiti suo, scissa talari tunica, impositisque manibus super caput suum, ibat, per palatium regis, ut aliqui dicunt, cum tali dispositione, utpote victa dolore ac mœrore ob tantas sibi illatas injurias, ingrediens domum Absa-

lonis, et clamans cum lacrimis. Aliqui tamen dicunt, quod non fecit hæc mox, ut fuit ejecta ab Amnon, nec in regis palatio, sed postquam venit ad domum Absalonis : alioqui scandalizasset se ipsam. Sed prima expositio verior reputatur. Nam Amnon taliter eam ejiciendo, satis eam scandalizavit, et ipsa erat tanto confecta mœrore, et tam irreverenter tractata, quod non pensavit se gravius posse confundi, nec ipsa in hac re culpabilis fuisse videtur. *Dixit autem ei Absalon frater suus : Numquid Amnon frater tuus concubuit tecum ?* Hoc Absalon ex gestibus illis suæ sororis advertit, præsertim quoniam illa non negavit, nec aliam suæ afflictionis exposuit causam. *Sed nunc, soror, tace ; frater tuus est,* ideo ejus improbitati compati debes ; *neque affligas cor tuum pro hac re* tam immoderate, sicut nunc agis. Ista locutus est Absalon pro sororis suæ carissimæ consolatione, quamvis utique illa merito tristabatur : quæ tamen tristitia fuit rationis gubernaculo moderanda. *Mansit itaque Thamar contabescens,* id est mœrore et dolore se ipsam conficiens, et quasi in viduitate persistens, *in domo Absalon fratris sui.*

Quum autem audisset rex David verba hæc, hoc est hæc gesta significata per verba hæc, *contristatus est valde,* tam de filii sui primogeniti inhonestissimo ac vitiosissimo facto, quam de filiæ suæ deturpatione, et maxime de Dei offensione ac populi scandalizatione ; *et noluit contristare spiritum Amnon filii sui,* eum increpando ac castigando ut meruit, *quia diligebat eum,* non qualitercumque nec tantum, quia et alios filios suos dilexit, sed dilexit eum præcipue : ideirco subjungitur, *quia primogenitus erat ei.* Sed ista videtur fuisse carnalis et prava dilectio, quum vera dilectio exigit corripi ac corrigi dilectum peccantem, et tanto plus, quanto magis diligitur, juxta illud Ecclesiastici, Qui diligit filium suum, assiduat illi flagella. Unde iterum ait Scriptura : Quis filius quem non corripit pater ? Insuper, qui oppressit virgi-

nem *, secundum legem meruit mortem : ergo non solum corripere, sed et occidere debuit David judex et rex filium oppressorem. Iterum, Heli reprobatus est, quia non satis acriter suos corripuit filios, quos tamen corripuit : magis ergo David meruit reprobari, qui tam sceleratissimum filium incorruptum et impunitum reliquit, præsertim quum judex debeat sine personarum acceptione judicium atque justitiam exercere.

Ad ista quidam respondent, excusantes ipsum David, dicentes, quod in correptione et castigatione rei, servanda sunt et considerata modus, tempus, persona : ideo interdum est differenda ad horam. Propter quod David distulit corripere istum Amnon, quoniam vidit eum pœnitentem de suo excessu et tristem, ne absorbere-
tur abundantiori tristitia. Unde aliqui dicunt, quod postea corripuit eum secrete. Et quidam ait, quod pro tunc non corripuit eum, quoniam Amnon erat debilis et infirmus, et dolens de facto suo : quod falsum videtur, quia ut dictum est, fuit tam fortis, quod prævalens viribus oppressit sororem, et David jam noverat eum infirmitatem illam, qua lecto decubuit, confinxisse. Textus quoque apertissime dicit, quod noluit spiritum ipsius Amnon contristare, videlicet corrigendo, quia diligebat eum. Hinc aliis magis apparet, quod David in hac re fuit culpabilis, sicut in aliis multis. Nam et infra tertio libro habetur, quod non corripuit Adoniam dicentem, Ego regnabo. Verumtamen aliqui dicunt, quod non tenebatur ipsum Amnon occidere, quoniam violentia illa fuit occulta, similiter defloratio Thamar : quæ probari non poterant, nisi per querimoniam Thamar, et sui corporis ostensionem. Thamar autem tacuit de consilio Absalonis. Verumtamen, si Absalon putasset se posse procurare occisionem Amnon a rege per accusationem Thamar, maluisset hoc, quam quod per servos suos ipsum occidit. Denique, si Amnon vere de suo pœnituisset facinore, veniam postulasset, vel reconciliasset se, aut satis-

* sororem

I Reg. II, 23 et seq.

III Reg. I, 5, 6.

Ecclesi. XXX, 1.

Hebr. XII, 7.
Deut. XXVIII, 22.

fecisset pro posse sorori : quorum nullum A videtur fecisse : imo si ea egisset, non fuisset (ut creditur) occisus ab Absalone.

Porro non est locutus Absalon ad Amnon, nec malum, nec bonum : quod intelligi potest, ita quod de ista materia nihil locutus sit ei, ne Amnon se observaret, quatenus suo tempore illum occideret : vel quod omnino abstinuit ab ejus colloquio, quod non puto, ne Amnon consideraret aversionem et odium Absalonis adversum se. Oderat enim Absalon Amnon, eo quod violasset Thamar sororem suam. Factum B est autem post tempus biennii, ut tonderentur oves Absalon in Baalhasor, quæ est juxta Ephraim. Et vocavit, hoc est, ad prandium invitavit, Absalon omnes filios regis, qui sine licentia patris sui hoc facere non audebant. Venitque ad regem et ait ad eum : Ecce tondentur oves servi tui. Veniat, oro, rex cum servis suis, hoc est filiis aliisque ministris sibi complacentibus, ad servum suum, id est ad prandium quod parabo. Hoc Absalon non dixit ex animo, quia patris sui præsentiam non optavit ibidem ; sed patrem ideo invitavit, ne suspicaretur aliquid mali esse in causa, et ut sine scrupulo ac timore permitteret ipsum Amnon pergere illuc. Dixitque rex ad Absalon : Noli, fili mi, noli rogare ut veniamus omnes et gravemus te. Quum autem cogeret eum, id est instantèr, quasi importune, et nolisset ire, scilicet rex, benedixit rex ei, hoc est filio quasi caritativo ac liberali. Et ait Absalon ad David : Si non vis venire, veniat, obsecro, nobiscum Amnon frater meus. Dixitque ad eum D rex : Non est necesse ut vadat tecum. Coegit itaque Absalon eum, et dimisit ire cum eo Amnon et universos filios regis residuos et satis adultæ ætatis ad hoc. Nam Salomon videtur adhuc fuisse infantulus.

Feceratque Absalon convivium quasi convivium regis. Judæi namque in tonsione ovium suarum, sicut et in sepultura parentum suorum consueverunt facere magna convivia, sicut et primo dictum est libro de Nabal. Nam oves et pecora erant

præcipue eorum divitiæ. Quod et in commemorationem fecerunt Patriarcharum, qui pastores ovium fuerant. Præcepit autem Absalon pueris, id est servis suis, dicens : Observate quum temulentus fuerit Amnon vino, hoc est inebriatus, et direro vobis, Percutite eum, et interficite eum, quia tunc non poterit præcavere, resistere, aut fugere. Nolite timere : ego sum qui præcipio vobis, qui sum filius regis, sicut et Amnon, et avum habeo regem, quod ipsi Amnon non competit : ideo sufficientis sum potestatis respondendi pro vobis, vosque tuendi. Forsan servi isti fuerunt natione gentiles, et ex patria matris Absalonis, ideo minus timuerunt hoc facere. Roboramini et estote viri fortes. Fecerunt ergo pueri Absalon adversum Amnon, sicut ut præceperat eis Absalon. Surgentesque omnes filii regis ascenderunt singuli mulas suas. Istæ mulæ (ut creditur) datæ fuerunt regi, quia ut in Levitico legitur, prohibitum fuit Judæis facere commixtiones animalium diversarum specierum, ex quibus et mulæ nascuntur ; non tamen fuit eis prohibitum uti eis. Nam et David infra legitur super mulam sedisse. Forsan et isti filii regis timuerunt occidi, quia subjungitur, et fugerunt, relinquentes corpus fratris insepultum.

Quumque adhuc pergerent in itinere, fama pervenit ad David, dicens : Percussit Absalon omnes filios regis, et non remansit ex eis saltem unus. Surrexit itaque rex David et scidit vestimenta sua, et cecidit super terram, et omnes servi illius qui adsistebant ei, sciderunt vestimenta sua. Nam ille qui nuntiavit hoc, cœpit forsitan fugere dum Amnon adhuc percuteretur, et putavit alios filios regis simili modo tractandos. Verum talia mala solent exaggerari. Respondens autem Jonadab filius Sammaa fratris David, dixit : Ne existimet dominus meus rex, quod omnes pueri regis occisi sint ; Amnon solus mortuus est. Hoc dixit non spiritu prophetico, ut quidam stulte dixerunt, adjicientes, quod Jonadab iste fuit Nathan propheta,

Lev. XIX,

19.

III Reg. I,

33.

quum certum sit, quod sanctus Nathan A nequaquam dederit pessimum illud consilium de virgine opprimenda; sed dixit istud ex humana versutia atque probabili conjectura, quia sciebat inveteratum rancorem Absalonis in Amnon, propter deflorationem sororis. Propterea subditur, *quoniam in odio Absalon erat positus, ex die qua oppressit Thamar sororem ejus*. Et quoniam Jonadab scivit hoc, merito avissasset ipsum Amnon ad præcavendum se ab Absalone. *Nunc ergo ne ponat dominus meus rex super cor suum verbum istud, B*

Fugit autem Absalon. Et elevavit puer speculator oculos suos, et adspexit. Et ecce populus multus veniebat per iter devium ex latere montis. Qui fugiunt, disperguntur hinc inde frequenter per devia. Dixit autem Jonadab ad regem: Ecce filii regis adsunt; juxta verbum servi tui, sic factum est. Quumque cessasset loqui, apparuerunt et filii regis; et intrantes, levaverunt vocem suam, et fleverunt. Sed et rex et omnes servi ejus fleverunt ploratu magno nimis, sicut in morte primogeniti fieri solet, et condoluerunt juveni tam inopinate occiso, qui sperabatur tantus futurus. Rex quoque non ignoravit, sua peccata esse occasiones tantorum malorum, propterea magis dolebat: forsitan etiam quia cognovit quod imparatus ad mortem, et ebrius fuit occisus. Porro Absalon fugiens, abiit ad Tholomai regem Gessur, hoc est regionis sic dictæ, avum suum. Luxit ergo David filium Amnon multis diebus. Absalon D autem quum fugisset, et venisset in Gessur, fuit ibi tribus annis cum servis suis, qui ipsum Amnon occiderant.

Cessavitque rex David persequi Absalon, eo quod consolatus esset super Amnon interitu. Consideravit enim hæc justo Dei contigisse judicio, et ipsum Amnon valde peccasse, mortemque meruisse sic propriam opprimendo sororem. Est etiam valde naturale, quod dolor, mœror, ac ceteræ passiones appetitus sensitivi paulatim

decrescant. Nam et earum organum ac subjectum lassatur, et considerationes ex quibus immediate nascuntur, successive deficiunt, aut remittuntur, corde circa alia occupato ac fuso; et quoniam homo pendit se dolendo, tristando, imaginando de præteritis illis, nihil proficere, sed se ipsum infructuose affligere, et quod contra irremediabilia mala, præcipue valeat eorum oblivio. Dicit autem Rabbi Paulus, quod David nunquam incepit persequi Absalonem: ideoque improprie dici, quod cessavit persequi eum. Unde ait: Verbum illud Hebræum, pro quo Hieronymus trans tulit, Cessavit, esse æquivocum ad cessare et desiderare. Hinc quoque in Scholastica historia dicitur: Rex cessavit persequi vel le Absalon, hoc est, voluntatem persequendi deposuit. Nihilo minus dici potest, quod hoc ipsum fuit persecutio quædam, quod oportebat Absalonem esse profugum a terra natali, nec interim posse propria bona levare; nec puto, quod David voluerit unquam Absalonem pro fratricidio illo occidere, C quum et postea quando pravius peccavit, prohibuerit eum occidi, ut infra habetur.

Præterea, in Scripturis leguntur feminæ multis viris nocuisse, vel decipiendo, vel incitando, vel mala pœnalia infligendo: videlicet ipsi Adæ, quem Eva traxit ad culpam, ut patet in Genesi; Lamech, qui bigamiam primo induxit, duas conjuges accipiendo; Pharaoni, qui uxorem Abrahæ introduxit ad se, propter quod fuit plagatus; Judæ patriarchæ, qui peccavit cum Thamar; Ruben, qui cum uxore patris sui peccavit, utpote cum noverca; Lot, qui cum propriis commixtus est filiabus; filiis Israel et Zambri, qui sicut in libro Numerorum narratur, peccaverunt cum filiabus Madian; David, Salomoni, Adoniæ, et Amnon, sicut in libro isto refertur (Adonias quippe petendo Abisag, mortem incurrit); Holofernes, quem Judith occidit; Abimelech, qui et ipse Saram uxorem Abrahæ abstulit, ut in Genesi scriptum est; Sisaræ, quem, ut in libro Judicum continetur, Jahel occidit; Naboth, quem Jezabel lapidavit,

II Reg. xvi, 22; xviii, 5.

Gen. iii, 6; iv, 19; xii, 15, 17; xxxviii, 16; xxxv, 22; xix, 33, 35.

Num. xxv, 1, 6; II Reg. xi, 4; III Reg. xi, 4; ii, 21-24.

Judith xiii, 10; Gen. xx, 2; Judic. iv, 21; III Reg. xxi, 13.

Judic. ix, ut tertio Regum asseritur; item Abimelech A dias procuravit interfici; principi quoque
 53. filio Gedeonis, quem mulier saxo peremit; Apostolorum, qui ad interrogationem an- *Matth.* xxvi,
Marc. vi, et beatissimo Joanni Baptistæ, quem Hero- cillæ, Christum negavit. 69-72.

ARTICULUS XXIII

EXPOSITIO CAPITULI QUARTIDECIMI : INTELLIGENS AUTEM JOAB, QUOD COR REGIS VERSUM
 ESSET AD ABSALON.

NUNC describitur, qualiter David pro B suo adulterio sit punitus per propria- rum uxorum incestuosam violationem, et per sui ipsius a regno expulsionem. *Intel- ligens autem Joab filius Sarvia, quod cor regis versum esset ad Absalon*, hoc est, inclinatum ad recipiendum eum in gratiam suam. Hoc autem astutus Joab ex aliquibus regis verbis aut factis perpendit : attamen David erubuit ex se ipso hoc facere, ne vel de inconstantia argueretur, vel contra legem agere videretur, filium fratricidam, nullo pro illo rogante, accipiendo ad ve-

Amos i, 1.

Misit Thecuam, id est ad villam sic dictam, de qua fuit Amos propheta, *et tulit*, id est ad se vocavit, *inde mulierem sapientem* : quæ (secundum Magistrum in historiis, et Glossam) creditur fuisse proavia seu avia Amos prophetæ, fuitque femina famosæ prudentiæ atque facundiæ.

Dixitque ad eam : Lugere te simula, et induere veste lugubri. Circa hoc scribit quidam : Ex hoc videtur esse falsum, quod aliqui dicunt ad litteram, hanc mulierem duos filios habuisse, quorum unus interfecerat alium : quia sic non fuisset simulatio luctus, sed veritas; nec esset locutio figuralis, sed magis rei gestæ : ejus contrarium dicitur infra, Posuit in os ancillæ tuæ omnia verba hæc, ut verterem figuram sermonis hujus. Verumtamen legi in quadam glossa, quod Hebræi dicant hanc feminam duos filios habuisse, quibus pro hereditate dividenda inter se litigantibus, unus alium interfecit. Qui ergo vult hoc

tenere, dicere potest, quod locutio hujus feminae, quantum ad hoc, fuit figuralis, quod non narravit rem gestam propter se ipsam nude, sed transtulit eam ad alia designanda, ponens se in persona David, et duos filios suos in persona Amnon ac Absalon, et cognationem suam, in persona aliorum filiorum David regis. Sicque vertebat figuram similitudinis hujus. Denique quod Salvator in Evangelio tanquam parabolam ponit de Lazaro ac divite, expositores communiter dicunt fuisse rem gestam :

Luc. xvi, 19 et seq.

C et tamen vocatur parabola, in quantum per similitudinem alterius rei significativa. Sic etiam sanctus Job de se ipso loquens, dicitur assumpsisse parabolam. In libro quoque Numerorum habetur : Assumpta Balaam parabola sua, irruente in se Spiritu Dei, ait : Dixit homo, ejus obturatus est oculus; dixit auditor sermonum Dei : quod utique ad litteram locutus est de se ipso, et tamen præmittitur parabolam assumpsisse. *Et ne ungaris oleo refrigerativo caloris, hoc est quovis subtili unguento pro corporis refocillatione, ut sis quasi mulier jam plurimo tempore lugens mortuum*, quæ corporis delinitiones ac mollia solet contemnere, sicque facilius ad misericordiam flectas regem; *et ingredieris ad regem, et loqueris ad eum sermones hujuscemodi*. Posuit autem Joab verba in ore ejus.

Job xxvii, 1; xxix, 1.

Num. xxiv, 2-4.

Itaque, quum ingressa fuisset mulier Thecutis ad regem, cecidit coram eo super terram, et adoravit, et dixit : Serva

me, rex, hoc est, præbe auxilium, et in A rebatur a sua cognatione occidi, suum ^{Num. xxxv,} vita conserva me, succurrendo, ne præ tristitia moriar. *Et ait ad eam rex : Quid causæ habes? Quæ respondit : Heu, mulier vidua ego sum; mortuus est enim vir meus. Et ancillæ tuæ erant duo filii, id est, ego ancilla tua habui duos filios; qui rixati sunt adversum se in agro, nullusque erat qui eos prohibere posset; et percussit alter alterum, et interfecit eum. Et ecce consurgens universa cognatio adversus ancillam tuam, dicit : Trade eum qui percussit fratrem suum, ut occidamus eum B* pro anima fratris sui, quem interfecit, et deleamus heredem. *Et quærunť exstinguere scintillam meam, quæ relicta est, hoc est, cognati volunt occidere filium meum residuum : in quo et per quem relucet nomen, memoria, et virtus parentum suorum, quemadmodum ignis in scintilla resplendet, et per eam manifestatur; ut non supersit viro meo nomen, id est memoriale, et reliquæ, id est posteritas prolis, super terram : quod valde vitabatur in lege, imo*

Deut. xxv,
5, 6.

ob hoc vitandum, jubebatur propinquus defuncti sine liberis, ducere conjugem ejus, et suscitare sobolem ei. Et ait rex ad mulierem : Vade in domum tuam, et ego jubebo pro te, id est, cognatis et ceteris prohibebo occidere filium tuum.

Dixitque mulier Thecuitis ad regem : In me, domine mi rex, sit iniquitas, et in domum patris mei : id est, si quid peccati est in hoc, quod sic filio meo ignoscis, mihi et parentelæ meæ imputetur, rex autem et thronus ejus sit innocens, nec ei nec ejus potestati aut successori imponatur. D Hebræi (ut fertur) exponunt sic : Domine mi rex, contingere potest, ut tu aliunde multipliciter occupatus, obliviscaris hanc causam : et sic in domo mea eveniet, quod filius meus occidetur a sua cognatione, et tu eris innocens, quia præter tuam fiet intentionem. Hæc expositio videtur inepta, quia mulier per modum optantis dixit : In me, domine mi rex, sit hæc iniquitas, etc.; non autem optavit filium suum occidi. Denique filius ejus secundum legem me-

rebat a sua cognatione occidi, suum ^{Num. xxxv,} fratrem sic occidendo : non ergo fuisset iniquitas, sed justitia eum occidere. *Et ait rex : Qui contradixerit tibi, id est, noluerit credere tibi narranti verba quæ dixi, videlicet quod jubebo pro filio tuo, adduc eum ad me, id est, mea auctoritate denuncia ei, quod veniat ad me, et ultra non addet ut tangat te, id est, tibi molestus ultra non erit persequendo filium tuum : quoniam districte prohibebo id ei, ut te, id est filium tuum, non tangat, cujus percussio tibi tam gravis est, sicut percussio tui ipsius.*

Quæ ait, cupiens promissionem regis sibi factam, amplius confirmari : Recordetur rex Domini Dei sui, id est, intuitu et amore Dei provideat, ut non multiplicentur proximi sanguinis, id est consanguinei filii mei defuncti, ad ulciscendum : id est, oro ut tu, domine, sententiam tuam pro filio superstite jam prolatam, sic robores et divulges, quod cognati non præsumant confluere, quatenus simul manu valida filium meum occidant : quod unus aut pauci eorum præ timore tuo facere non auderent; et nequaquam interficient filium meum, si feceris quod rogavi. Qui ait : Vivit Dominus, id est, juro per Deum, quia non cauet de capillis filii tui super terram : hoc est, tam evidenter ac firmiter judicabo pro eo, quod pro hac causa nemo audebit ei aliquam læsionem inferre.

Dixit ergo mulier : Loquatur ancilla tua ad dominum meum regem verbum. Et ait : Loquere. Dixitque mulier, quasi jam regem proprio judicio habens captum et obligatum ad ignoscendum Absaloni : Quare cogitasti hujuscemodi rem contra populum Dei, hoc est, contra Absalonem filium tuum, et eos qui secum fugerunt de terra hæc? qui quantum ad hoc sunt populus Dei, quod erant de stirpe Israel, vel ad Judaismum conversi, seu veri Dei cultores. Et quid contra istos cogitaverit ac dixerit rex, subjungitur : et locutus est rex verbum istud, utpote Absalonem, et servos ejus non posse redire ad terram hanc, in

qua cultus est veri Dei; *ut peccet* ipse rex in hoc ipso per immoderatum rigorem: quoniam Absalon et ministri ejus in terra illa gentilium, poterant faciliter ad idololatriam declinare. Unde et supra primo libro David dixit ad Saul: Maledicti sunt in conspectu Domini, qui ejecerunt me hodie, ut non habitem in hereditate Domini, dicentes: Vade et servi diis alienis. Sicque quod dictum est, *ut*, tenetur hic non directe causaliter, sed concomitanter. Potest quoque ita exponi: Locutus est rex verbum istud, Ut peccet populus Dei, videlicet Absalon et sui ministri: quia ad verbum ejus, quo jussit eos manere in terra illa gentilium, concomitari poterat prælaetum idololatriæ vitium in eisdem. *Et non reducat ejectum suum*, id est, ipse rex non det Absaloni ac suis licentiam redeundi.

Omnes morimur, et quasi aquæ dilabimur in terram quæ non revertuntur: id est, etiam ex hac consideratione deest te regem esse propitium Absaloni, quoniam omnes sumus mortales, et quotidie propinquamus sepulcro, nescientes diem et horam, sic quod propter humanam fragilitatem ac pronitatem ad mala, elementer agendum est, ne reus morte præoccupatus, in statu periculoso decedat. Quidam exponunt sic: Omnes morimur, id est, quum sumus mortales, nec post mortem possumus naturaliter ad vitam hanc revocari, sicut nec aquæ in terram descendentes revertuntur eadem numero ad aerem, sed consumuntur et absorbentur in terra, et si vaporabiliter eleventur, non tamen eadem huc redeunt, juxta illud in Isaia, Quomodo descendit imber de cælo, et illuc ultra non revertitur, sed inebriat terram; unde et sanctus Job, Viam (inquit) per quam non revertar, ambulo; itemque, Homo quum dormierit, non resurget: ideo tu, rex, qui filium tuum occisum non vales ad vitam istam reducere, parcere debes viventi, ne et istum propter illius occisionem interficiendo aut derelinquendo, perdas utrumque.

Nec vult Deus perire animam, id est, hominem peccatorem non vult mori in

A suis peccatis, prout in Ezechiele habetur:

Numquid voluntatis meæ est mors impii, dicit Dominus, et non ut convertatur a viis suis, et vivat? Ideo subditur, *sed retractat*, id est, sententiam damnationis differt, et

Ezech. XVIII, 23.

communem legem de impii damnatione dudum promulgatam, quasi revocare videtur in particulari, dum ei qui secundum legem communem meruit mox puniri, concedit locum et tempus pœnitendi, ac veniam promerendi: imo per se ipsum, per angelicum quoque instinctum, per Scripturas, per prædicatores, per beneficia et exempla, per prospera et adversa, per miracula et naturales eventus, hortatur eum ad emendationem. Hinc ad Corinthios ait Apostolus: Pro Christo legatione fungimur, tanquam Deo exhortante per nos; obsecramus pro Christo, reconciliamini Deo.

II Cor. v, 20.

Cogitans, id est pie et paternaliter providens, *ne penitus pereat* per obstinationem et condemnationem æternam, *qui abjectus est*, id est a Deo aversus atque diabolo incorporatus. Qui enim peccat mortaliter, se ipsum abjeit a Deo, a statu salutis, a mystico corpore Salvatoris in regionem dissimilitudinis et statum damnationis. Sed et diabolus abjeit eum a virtute et gratia, et a sublimitate justæ conversationis, in lacum peccati, in voraginem vitiorum, in profunditatem et vilitatem perditionis. Deus vero non ita abjeit eum a se, quin, quantum in se est, semper paratus sit ad veniam, hac vita durante, recipere. Propter quod in Threnis fertur: Non repellet in sempiternum Dominus: quia si abjeit, et

Thren. III, 31-33.

D miserebitur secundum multitudinem misericordiarum suarum. Non enim humiliavit ex corde suo, et abjeit filios hominum. Hinc quoque teste Apostolo, ipse vult omnes salvos fieri, et ad agnitionem veritatis venire. In his verbis mulier tetigit aliam rationem, cur David debuit parcere Absaloni, quia videlicet Deus tam pius est, ergo et princeps Dei vicarius, debet in hoc Deum imitari. Unde pietas præcipue ad principem spectat, quemadmodum in Proverbiis legitur: Roboratur elementia thro-

Prov. XX, 28.

I Reg. XXVI, 19.

Matth. XXV, 13.

Is. LV, 10.

Job XVI, 23.

Ibid. XIV, 12.

I Tim. II, 4.

nus regis. In cuius signum rex apum caret A aculeo.

Nunc igitur veni ego ad te, ut loquar ad dominum meum regem verbum hoc, videlicet sententiam, quam protulisti de liberatione filii mei, præsente populo, repetendo eam coram omnibus manifeste, ne valeat revocari, aut per ignorantiam prævaricari. Et dixit ancilla tua in corde suo, vel aliis antequam te accederet : Loquar ad regem fiducialiter, ex consideratione bonitatis ipsius, si quo modo faciat rex verbum ancillæ suæ, id est, quatenus aliquo modo dignetur acquiescere petitioni suæ ancillæ. Et audivit rex verba, id est, verbis meis dedit assensum, ut liberaret ancillam suam de manu omnium qui volebant de hereditate Domini delere me et filium meum simul : hoc est, crueret me de infestatione cognatorum filii mei defuncti affligentium me usque ad mortem, per hoc, quod voluerunt filium meum residuum trucidare ; et simili modo eriperet filium meum adhuc viventem de manu illorum. Itaque per hereditatem Domini,

Deut. vii, 6.

intelligit Israeliticum populum Deo peculiarem, a cuius consortio debebatur, qui obiit. Dicat ergo ancilla tua, ut fiat verbum domini mei regis, sicut sacrificium, hoc est, liceat mihi asserere, quod iudicium regis pro filio meo datum, sit acceptum ac firmum, ideoque placitum veluti holocaustum, sicque impleatur in filio tuo, in cuius persona loquor de filio meo. Sicut enim angelus Domini, sic est dominus meus rex, hoc est constans, justus, et verax est, ut nec benedictione, nec maledictione moveatur, id est, nec laudibus, nec vituperiis possit a via virtutum abduci, unde nec prosperis, neque adversis, nec detractionibus, nec adulationibus frangitur : quod frequenter ita fuit in David, quamvis interdum corruerit. Ista autem assimilatio seu comparatio David et angeli, fuit aliqualis, non plena. Multum etenim distat viator, quamvis sanctus, a comprehensore ; nec David fuit confirmatus in gratia. Ideo de beatissimo Joanne Baptista

dixit Salvator : Qui minor est in regno Dei, ^{Matth. xi, 11.} hoc est infimus civium supernorum, maior est illo. Unde et Dominus Deus tuus tecum est.

Et respondens rex, dixit ad mulierem : Ne abscondas a me verbum quod te interrogo. Dixitque ei mulier : Loquere, domine mi rex. Et ait rex : Numquid manus Joab tecum est in omnibus istis ? id est, habesne favorem et informationem a Joab ad proferendum hæc omnia ? Jam enim rex consideravit, quid mulier intendebat, et suspicabatur quod a Joab esset inducta, quia sciebat quod Joab dilexit Absalonem pro tunc. Libentius quoque acquievit revocationi Absalonis, quando scivit hoc ipsi Joab placere, quia Joab poterat populum quietare, et satisfacere ei de Absalonis reductione.

Respondit mulier, et ait : Per salutem animæ tuæ juro, domine mi rex, nec ad dexteram est, nec ad sinistram, ex omnibus his quæ locutus est dominus meus rex, hoc est, nec plus, nec minus est quam dixisti : hoc est, in nullo deviasti a veritate opinando et interrogando, an manus Joab sit mecum, imo directe est mecum in omnibus, ad quæ etiam proferenda induxi te. Ideo subditur : Servus enim tuus Joab ipse præcepit mihi, et ipse posuit in os ancillæ tuæ omnia verba hæc, id est, ad ista exprimenda induxit, ac docuit me, ut verterem figuram sermonis hujus, hoc est, similitudinem præinductam applicarem ad filium tuum. Servus enim tuus Joab præcepit istud. Tu autem, domine mi rex, sapiens es, sicut habet sapientiam angelus Dei, id est sapiens valde, habesque sapientiam cum virtute et vita saneta, quemadmodum angeli Dei, quamvis multo minus quam illi. Nempe si homo potest Deo assimilari in virtute et perfectione, a quo tamen deficit infinite, juxta illud, Estote ^{Ibid. v, 48.} perfecti, sicut et Pater vester cœlestis perfectus est ; et rursus, Estote misericordes, ^{Luc. vi, 36.} sicut Pater vester cœlestis ; itemque, ^{Ephes. v, 1.} Imitatores Dei estote : quanto magis potest in sapientia et virtute angelo conformari et

comparari, non aequalitate, sed similitudine in hac vita? Siquidem in cœlo potest esse aqualis, imo et major. Nam sicut de singulis angelorum ordinibus aliqui ceciderunt, ita ad singulos aliqui homines perducuntur. Gloriosissima autem Christifera Virgo, super omnes angelorum choros est elevata. Præterea, sanctus David multiplicem sapientiam habuit, utpote acquisitam et infusam, tam eam quæ est prima inter dona Spiritus Sancti, quam eam quæ est donum gratiæ gratis datæ. Fuitque sublimis propheta, et anagogicus contemplator. *Ut intelligas omnia super terram*, hoc est quædam de omnibus, ut sit distributio accommodata; vel, omnia ad officium et iudicium tuum spectantia, et capax sis omnium, saltem per gratiam.

Quæritur circa præhabita, qualiter licuit regi David promittere mulieri, quod filius ejus fratricida, impunitus maneret, qui secundum legem fuerat occidendus. Non enim videtur, quod licuit regi dispensare contra præcepta Dei. Ad hoc quidam respondent, quod filius ille non fuit secundum legem occidendus, quia de homicidio non fuit convictus per evidentiam facti, neque per testes, quoniam soli duo filii erant in agro, nec per propriam recognitionem. Quod non videtur idonee dictum, quia tota cognatio persequabatur filium fratricidam: quod non fecisset, nisi fuisset manifestum et evidens, homicidium illud perpetratum esse a fratre. Mulier quoque coram rege hoc testabatur, ut patet in littera, nec licuit filiis Israel persequi et necare homicidam, nisi sententia de hoc data a iudice, coram quo oportebat homicidam convinci. Nec habetur ex textu, quod frater negavit se illud fecisse, nec mater ejus hoc allegavit pro ipso coram rege: quod utique allegasset, si aliquo modo habuisset colorem.

Insuper, si homicidium illud fuisset occultum, mulier per suam parabolam non concludisset intentum de homicidio Absalonis, qui per servos suos fratrem suum coram multis occidit. Verum ad hoc quidam respondet, allegando et sequendo Rabbi

A Salomonem dicentem, quod omnes indueti ad testimonium quod Absalon occiderat ipsum Amnon, erant propinqui ipsius Amnon defuncti, ideirco non erant idonei ad ferendum testimonium in hoc casu. Sed hoc videtur omnino incongrue dictum, quum scriptum sit capitulo precedenti, quod populus multus venit per iter devium, qui ut patuit, interfuit interfectioni ipsius Amnon; nec apparentiam habet, quod omnes illi fuerunt ita propinqui filio regis occiso, quod non poterant in causa illa testari pro ipso. Et dato quod non potuissent testari pro propinquo defuncto, poterant tamen testari contra propinquum viventem: imo, ut patet in Deuteronomio, filius contumax comessator et ebriosus ad accusationem et protestationem suorum parentum, qui proli maxime sunt propinqui, lapidabatur. Iterum dicit Rabbi Salomon, quod et alius approbat, quod propinqui illi qui testabantur, Amnon occisum a servis Absalonis, non erant ita propinqui Absaloni, sicut fratri ejus occiso, quoniam Absalon ex parte matris, erat de plebe gentilium. Ad quod dicendum, quod multi illorum propinquorum fuerunt propinqui-ores Absaloni, quam fratri ejus occiso, quia non tantum erant ibi fratres amborum, sed et multi eorum consanguinei et nepotes amborum; sicque ipsi Amnon occiso nepotes illi poterant in casu illo testari. Nec aliquo modo putandum, quod filii regis iverunt absque familia condecenti ad prandium Absalonis. Amplius, dictum est precedenti capitulo, quod convivium illud fuit in loco ubi oves Absalon tondebantur, sicque pastores atque tonsores ovium ejus adfuisse videntur. Nam et tonsoribus fiebat convivium, ut patet ex dictis in primo libro.

Itaque ad quæstionem propositam respondendum, quod nec rex, nec pontifex poterat dispensare in præceptis Decalogi; sed in præceptis caerimonialibus ac judicialibus poterant dispensare ex rationabili causa et de consilio seniorum, sicut et Christus in Evangelio protestatur, quod

Is. xli, 2.

Exod. xxi, 12; Num. xxxv, 16.

II Reg. xiii, 34.

Deut. xxi, 20, 21.

II Reg. xiii, 23, 27.

I Reg. xxv, 36.

II Reg. xiii, 28.

Matth. XII, 3, 4. Abiathar seu Achimelech sacerdos dedit ipsi David panes propositionis ad comedendum, quod videbatur contra caerimoniale praeceptum, quo jubebatur quod soli sacerdotes illis panibus vescerentur. Aliqui quoque dicunt, quod de consensu propinquorum poterat rex cum homicida rigorem juris temperare ne occideretur.

Et ait rex ad Joab : Ecce placatus de forefacto Absalonis, feci verbum tuum, id est, decrevi implere quod per mulierem hanc postulasti. *Vade ergo, et revoca puerum Absalon.* Communiter David rex vocavit hunc Absalon puerum, quia tenerime cum dilexit, quum esset speciosissimus juvenis, et valde amabilis in naturalibus. *Cadensque Joab super faciem suam in terram, adoravit et benedixit regi. Et dixit Joab : Hodie intellexit servus tuus, quia inveni gratiam in oculis tuis, domine mi rex. Fecisti enim, domine mi rex, sermonem servi tui. Surrexit ergo Joab, et abiit in Gessur, et adduxit Absalon in Jerusalem. Dixit autem rex : Revertatur in domum suam, et faciem meam non videat,* id est, coram me non appareat, ne videar ei nimis faciliter indulgere, ac per hoc justitiae derogare. Ideo quoque dixit hoc rex, ne ex intuitu Absalonis, renovaretur in se dolor de interitu Amnon. *Reversus itaque est Absalon in domum suam, et faciem regis non vidit.*

Porro sicut Absalon non erat vir pulcher in omni Israel, id est, pulcherrimus fuit corpore prae omnibus viris Israel qui tunc erant, et decorus nimis. *A vestigio pedis usque ad verticem non erat in eo ulla macula.* Ad pulchritudinem autem secundum Philosophum, tria concurrunt ac requiruntur et pertinent, utpote elegans corporis statura, congrua et proportionata membrorum cohabitudo, ac vividus quidam decensque color. Est vero et alia pulchritudo moralis exterior, in compositione morum exteriorum consistens; et rursus est pulchritudo interior, tam naturalis, quam acquisita per scientias et virtutes, quam supernaturalis per dona gratiae gratum fa-

cientis. *Et quando tondebat,* id est, tonderi fecit, *capillum capitis sui (semel autem in anno tondebatur, quia gravabat eum caesaries).* Dicunt quidam (ut fertur) Hebraei, quod quolibet mense semel tondebatur : ideirco exponunt hoc modo, Semel in anno, id est statuto tempore anni, puta tricesimo die, sive semel in mense. Nam et in Hebraeo fertur haberi, Statuto tempore tondebatur. Verumtamen Josephus videtur sentire, quod semel dumtaxat in anno, dicens : Tanta erat ejus caesaries, ut octo diebus tonderi vix potuisset, quam semel in anno tonsam ponderabat ducentis siclis. Unde subjungitur : *ponderabat capillos capitis sui ducentis siclis pondere publico.* Circa quod Magister in historiis ait : Forte hujus ponderis erat tonsura ejus, utpote abrasura; vel hoc pretio emebant mulieres, ut subornarent erines suos. Nec tamen ob hoc oportet asserere, quod ipsemet Absalon vendidit capillos suos abrasos, sed per alios, et si non ob indigentiam pretii, tamen ad ostentationem et gloriam vanam. Additur autem in textu, *Pondere publico,* quoniam triplex exstitit pondus, videlicet templi seu sanctuarii, et institorum, ac vulgare et usuale, utpote civium, quod dicitur publicum. *Nati sunt autem Absalon tres filii et filia una, nomine Thamar, elegantis formae.*

Mansitque Absalon in Jerusalem duobus annis, et faciem regis non vidit. Misit itaque Absalon nuntium ad Joab, ut mitteret eum ad regem, id est, ut ipse Joab veniret ad Absalonem, sieque ipse Absalon mitteret ipsum Joab ad regem, quatenus impetraret sibi a rege, quod posset ad ejus intrare praesentiam. *Qui Joab noluit venire ad eum,* id est ad Absalonem. *Quumque secundo misisset ad Joab, et ille nolisset venire ad eum,* forsitan aliunde impeditus, vel ex alia causa quae ignoratur, *dixit servis suis : Scitis agrum Joab juxta agrum meum habentem messem hordei ? Ite igitur et succendite eam igni.* Quod autem in aliquibus libris subiungi-

tur, *Et venientes servi Joab, scissis vestimentis suis, dixerunt, Succenderunt servi Absalon partem agri*, id est fructuum agri, *igni*, non est in Hebraica veritate. *Surrexitque Joab ad quarendum ab Absalone, cur jussisset hoc fieri, et venit ad Absalon in domum ejus, et dixit : Quare succenderunt servi tui segetem meam igni ? Et respondit Absalon ad Joab : Misi ad te, obsecrans ut venires ad me, et mitterem te ad regem, et diceres ei ex parte mei : Quare veni de Gessur ?* id est, inutiliter redi inde. *Melius mihi erat ibi esse*, quia eram ibi cum rege illius quotidie in honore, hic vero tanquam exsul et reus compellor a regis consortio, præsentia atque intuitu abstinere. *Obsecro ergo, ut videam faciem regis. Quod si memor est iniquitatis meae*, id est, recordatur excessus mei cum ira et sine ignoscentia, *interficiat me*. Quasi dicat : Malo pro culpa mea interfici, quam regis adspectu magis diu privari. Hoc tamen Absalon simulatorie dixit, ut animum regis fleceret ad se. *Ingressus itaque Joab ad regem, nuntiavit ei omnia hæc. Vocatusque est Absalon et intravit ad regem, et adoravit* adoratione dulciæ *super faciem terræ*, id est prostratus in terram, coram eo, scilicet rege. *Osculatusque est rex Absalon in signum pacis, dilectionis et reconciliationis plenariæ.*

Sensus
mysticus.

Juxta mysticum sensum, per Joab, intelligitur pastor aut ejus vicarius; per David,

A Christus : per Absalon, peccator et reus. Quemadmodum itaque Joab intelligens cor regis esse inclinatum ad Absalonem, impetravit ei veniam ac reditum per mulierem prudentem; sic bonus prælatus sciens Christum paratum ad indulgendum veraciter pœnitenti, reconciliat subditum suum culpabilem Salvatori per orationem et exhortationem, quæ instar mulieris fecundæ parit fructum, spiritualemque prolem. Itaque, sicut David placatus ignovit Absaloni, sic quilibet nostrum debet facilis esse ad indulgendum suo forefactori. Et vae duris corde, qui vel nunquam aut raro ignoscunt ex corde. Quemadmodum etiam Absalon regi reconciliatus, adhuc prohibitus est accedere ad videndum faciem regis; ita peccator pœnitens et conversus, adhuc tenet in se reliquias præteritarum culparum, videlicet difficultatem ad bona, et pronitatem ad mala : per quæ a contemplatione et pristina Dei familiaritate impeditur ad tempus. Sed si in actibus pœnitentiæ viriliter perseveret, et cum omni compunctione ac humiliatione ad priorem gratiam redire conetur, ad osculum Christi pertingit, et ad dulcem caritatis amplexum, ad divinæ dulcedinis gustum, ad pacis internæ tranquillitatem. At vero per capillos, cogitationes intelliguntur : ideo sicut Absalon statuto tempore capillos tondebat, ita peccator pœnitens, debet cogitationum malarum superfluitatem delere.

ARTICULUS XXIV

EXPOSITIO CAPITULI QUINTIDECIMI : Igitur post hæc Absalon fecit sibi currus et equites.

DESCRIBUNTUR hic varia atque gravissima scelera Absalonis, per quæ illata est magna afflictio regi David. Scelera autem Absalonis, fuerunt, ingratitude ejus ad patrem, a quo misericordiam conse-

D entus, mox decrevit ei reddere mala pro bonis; ambitioque et incestus, rebellio, schisma, seditio, et alia quæ tanguntur in littera. *Igitur post hæc Absalon fecit sibi currus et equites*, id est, quadrigam qua

veheretur quasi rex, et viros equestres A preparavit sibi ac procuravit, *et quinquaginta viros qui praeccederent eum* sedentem in curru : sicque per apparatus istum tanquam per quaedam praeludia sive praambula, monstravit se regnaturum pro patre suo jam sene. Nam Amnon primogenitus fuit occisus : post quem proximus erat Cheleab, qui creditur tunc obiisse, quum deinceps de eo nulla sit mentio. Vel forsitan erat iners, ineptusque regnare.

II Reg. xiii,
29.

Deut. xvi,
18.

Et mane consurgens Absalon, ut praeveniret venientes ad regem, stabat juxta introitum portae in via vel civitatis, vel palatii. In portis autem solebant judicia fieri, juxta id Deuteronomii : Judices constitues in omnibus portis tuis. Et omnem virum qui habebat negotium, ut veniret ad regis judicium, vocabat Absalon ad se, et dicebat : De qua civitate es tu ? Qui respondens, aiebat : Ex una tribu Israel ego sum servus tuus, id est, de illa vel illa urbe ac tribu sum oriundus. Respondebatque ei Absalon : Videntur mihi sermones tui boni et justi. Ex his verbis elicitur, quod Absalon etiam interrogabat viros quid causae haberent, et cur vellent accedere regem. Ad quod quum illi respondissent, dixit : Videntur mihi sermones tui boni, id est, rationabiles et justi, quum tamen multi haberent causas injustas ; sed ambitiosus adulator omnibus conabatur placere, non timens Deum offendere ac mentiri. Sed non est qui te audiat constitutus a rege, id est, rex senio et multis causis gravatus, non satis providet de judicibus, qui causas expediant populi. Dicebatque Absalon : Quis me constituat judicem, id est regem seu judicem principalem, super terram, id est super filios Israel commorantes in terra hae ? quasi dicat : Desiderio boni communis opto praesesse, quum pater jam senex negligensque consistat ; ut ad me veniant omnes qui habent negotium, et juste judicem. Sed et quum accederet ad eum homo, ut salutaret illum, extendebat manum suam, et apprehendens, osculabatur eum osculo adulationis. Triplex quippe ponitur

osculum, scilicet adulationis, prodicionis, et dilectionis.

Faciebatque hoc omni Israel venienti ad judicium, ut audiretur a rege, id est indifferenter cunctis viris venientibus ad regis judicium, se fecte humilians, juxta illud, Est qui nequiter se humiliat, et interiora ejus plena sunt dolo ; justumque simulans, quia sine personarum acceptione faciebat hoc majoribus atque minoribus. Et sollicitabat corda virorum Israel, id est, diversimode inquietavit corda illorum, et fecit eos sollicitos pro ipsius promotione ad regnum. Unde quidam exponunt : Sollicitavit, id est inclinavit, corda illorum ad se ; atque (ut fertur) in Hebraeo habetur, Furabatur corda eorum, id est, per talia blandimenta ita traxit corda ipsorum in se, et eorum benevolentiam sumpsit, quod quasi extra se et in ipsum transpositi erant, praesertim quod talis ac tantus, tamque amabilis et decorus, tam caritative, pie, et humiliter circa ipsos se habuit. Propter quod reputabant eum regno dignissimum.

Eccli. xix,
23.

Post quatuor autem annos, quando vidit populum tam inclinatum ad suam promotionem, dixit Absalon ad regem David. Ut refert Lyra, in Hebraeo habetur, Post quadraginta annos, et quod falsa sit littera habens, Post quatuor annos, vitioque scriptorum corrupta probat : quia a fuga Absalonis usque ad hae, plures anni fluxerunt. Absalon namque tribus annis fuit in Gessur, ut jam patuit. Duobus quoque annis fuit post hoc in Jerusalem, antequam veniret ad regis praesentiam. Postea fecit sibi currus et equites, et populum modo praehabito sollicitavit : ad quae omnia facienda videtur indignis ad minus annis duobus. Verum ista objectio faciliter solveretur, quia qui legunt, Post quatuor annos, exponunt sic : quia duobus annis fuit in Jerusalem, regem non videns ; deinde ad regem ingressus, et postea per duos annos quum fecisset sibi currus et equites, blanditus est populo : sicque computatio horum annorum inchoatur a reditu Absa-

II Reg. xiii,
38.
Ibid. xiv,
28.

lonis in civitatem Jerusalem. Verumtamen verus textus habet. Post quadraginta annos : sic quoque Hieronymus transtulit, et quidam libri correcti sic habent.

Porro in libro de Hebraicis quaestionibus, computatio horum quadraginta annorum incipitur a tempore quo Saul sacerdotes occidit, quoniam David fuit aliquo modo causa atque occasio interfectionis illorum, quia nimis aperte petivit ab Achimelech panes et gladium, quum sciret ibi adesse Doeg Idumæum, de quo probabiliter timuit, quod referret ista Sauli. Ideirco fit hic illius temporis mentio, quoniam illa ipsius David culpa, fuit partim causa hujus rebellionis Absalonis adversus David.

I Reg. xxi, 18.

Ibid. xxi, 3, 7, 8.

II Reg. xi, 4, 15.

Nec obstat quod dictum est, hanc rebellionem evenisse propter peccatum David cum Bethsabæe et contra Uriam : quia plura peccata possunt esse causæ partiales ejusdem pœnæ a Deo illatæ aut inferendæ. Hæc etiam scribit Lyra, et concordat satis cum verbis Petri Comestoris, dicentis : Alia littera habet, Post quadraginta annos. Quadraginta enim anni fluxerunt, ex quo occisi sunt sacerdotes Nobe : qui ponuntur hic, ut monstretur divinam ultionem suscitari super David, eo quod Achimelech sacerdotem fefellit.

I Reg. viii, 5 et seq.

Additque Lyra : Rabbi Salomon dicit, quod isti quadraginta anni incipiunt a tempore quo populus Israel petivit regem contra Samuelis persuasionem. Cujus rei fit hic memoria, quoniam prima facie videbatur magnum malum rebellio Absalonis, sicut et Samuel prænuñtiavit, quod petitio populi de concessione regis, non erat ad bonum. Sed contra scribit Rabbi Paulus, dicens : Licet David fuisset causa occasionalis occisionis sacerdotum, non tamen culpabiliter attribuendum est ei : tum quia Scriptura non imponit ei hujusmodi culpam ; tum quia non debebat præsumere in Saule esse tantam malitiam, quod occideret sacerdotes propter hospitalitatem sibi ab eis exhibitam, quia nondum fuit a Saule publice ejectus ; tum quia perversitas ipsius Doeg nondum erat David nota.

A Ex quibus videtur, quod gestum hoc Absalonis nullam habet continuationem ad petitionem populi de rege instituendo. Hinc computatio horum quadraginta annorum videretur melius inchoari a prima unctione David in regem, de qua supra primo Regum libro : quæ unctio fuit post petitionem populi memoratam, et ante sacerdotum occisionem. Nam in prima illa unctione David, dictum est, Directus est spiritus Domini in David a die illa et in reliquum : quod communiter exponitur de spiritu fortitudinis atque constantiæ, quia post illam unctionem cepit David famosissimus fieri, et promotus in regem, victoriosissimus fuit. Cujus oppositum videtur ei contigisse in persecutione sibi illata a proprio filio, et deturpatione uxorum suarum a filio suo. Ideo recte incipitur computatio horum annorum ab illa inunctione, ut opposita juxta se posita, clarius innotescant.

I Reg. xvi, 13.

Sed in his verbis Rabbi Pauli multa reprehensibilia contineri recensentur. Primum est, quod dicit Scripturam non attribueri culpabiliter ipsi David sacerdotum occisionem. Scriptum est enim primo libro, quod David dixit Abiathar filio Achimelech pontificis interfecti : Ego sum reus omnium animarum patris tui, id est interfectionis personarum omnium sacerdotum illorum. Aliud est, quod dicit ipsum David non debuisse præsumere tantam malitiam esse in Saul, quia nondum ejectus fuit publice ab eodem : quia (ut in primo libro recitatur) Saul sæpe nisus fuit, etiam coram multis, occidere et perfodere ipsum David, antequam venit ad Achimelech sacerdotem ; et tam manifeste persequabatur ipsum David, quod putavit sacerdoti pontifici hoc cognitum esse. Propter quod (ut in primo libro legitur) dixit pontifici : Quare conjurastis adversum me, tu et filius Isai ? Et rursus ad emissarios : Manus (inquit) eorum cum David est, scientes quod fugisset, et non indicaverunt mihi. Tertium est, quod dicit, perversitatem ipsius Doeg, nondum fuisse cognitam ipsi David. Scriptum est enim primo libro,

Ibid. xxii, 22.

Ibid. xviii, 11 ; xix, 11 et seq.

Ibid. xxii, 13, 17.

quemadmodum David dixit Abiathar sacer-
doti : Sciebam quod quum ibi esset Doeg,
certissime annuntiaret Sauli. Unde (ut dixi
superius) quia David hoc scivit, debuisset
pontificem avisasse, et ea quæ egit cum
eo, occulte fecisse.

Veruntamen reor difficulter posse sal-
vari, quod computatio annorum illorum
inchoanda sit a tempore quo Saul sacerdo-
tes occidit, si bene pensetur, quod David
non vixit nisi septuaginta annis, et qua-
draginta annis regnavit, ipseque Salomon
quum cœpit regnare, fuit circiter undecim
annorum, ut infra habebitur, ita quod Da-
vid fuit circiter quinquaginta novem an-
norum, quando cum Bethsabée peccavit :
post quod peccatum usque ad istam rebel-
lionem Absalon contra David, fluxerunt ad
minus septem anni, ut patuit, imo plures.
Nam post ipsius Thamar oppressionem,
fluxerunt duo anni ante ipsius Amnon
occisionem. Post quam fuit Absalon in Ges-
sur triennio, deinde in Jerusalem biennio
antequam vidit faciem regis ; et post hoc
(ut dictum est) fluxerunt circiter duo anni
quibus populum sibi attraxit : qui simul
sunt novem anni.

Itaque post annos præfatos dixit Absa-
lon ad regem : *Vadam et reddam*, id est
persolvam, *vota mea quæ vovi Domino*, id
est sacrificia quæ Deo offerre promisi, in
Hebron urbe notabili tribus Juda. *Vovens*
enim vovit servus tuus quum esset in Ges-
sur Syriæ, quia regio ista Gessur fuit pars
Syriæ, *dicens : Si reduxerit me Dominus*
in Jerusalem, sacrificabo Domino per ma-
num sacerdotis in Hebron : nondum enim
fuit templum constructum, ideo extra Je-
rusalem licuit sacrificare. Sed istud Ab-
salon creditur confinxisse, ut sub specie
religionis patrem suum deciperet, et pro-
positum suæ rebellionis exsequeretur, fa-
ciendo conspiracy in Hebron urbe fa-
mosa et sancta : juxta quam fuit spelunca
duplex, in qua cum suis conjugibus sepul-
ti sunt quatuor magni Patriarchæ, videlicet
Adam, Abraham, Isaac, Jacob, Eva, Sara,
Rebecca et Lia ; in qua etiam urbe cœpit

A David regnare. Hinc et Absalon voluit ibi
incipere. *Dixitque ei rex David : Vade in*
pace. Et surrexit, et abiit in Hebron.

Misit autem Absalon exploratores, id
est cursores et observatores, *in universas*
tribus Israel, id est ad aliquas urbes tri-
buum singularum, *dicens : Statim ut au-*
dieritis clangorem buccinæ, dicite : Re-
*gnabit * Absalon in Hebron.* Absalon et
consilarii sui ita instruxerunt nuntios,
quod eodem die, eademque hora eis præ-
fixa, unusquisque eorum in urbe sibi de-
putata insonuit buccina. Quo facto, alii ei
associati clamaverunt : Regnabit Absalon
in Hebron. Sicque fiebat in qualibet ur-
bium ad quas erant directi ; eadem etiam
hora fiebat ita in Hebron. Porro cum Ab-
salon ierunt ducenti viri de Jerusalem vo-
cati, quos rogavit secum venire, ut puta-
rentur sibi favere, et pauciores cum David
manerent : nec dubium quin isti erant vi-
ri multum notabiles ; *euntes simplici cor-*
de, et causam penitus ignorantes, ob quam
Absalon eos secum assumpsit. *Accersivit*
quoque Absalon Achitophel Giloniten de ci-
vitae sua Gilo, id est de urbe nomine Gilo,
consiliarium David præcipuum. Dicunt
autem aliqui, quod Achitophel animavit
Absalonem contra David, eo quod David
adulterium egit cum Bethsabée filia filii
sui. *Quumque immolaret hostias **, quasi
Deum honorans, adiutoremque habens, *fa-*
cta est conjuratio valida, ita quod fortiter
adstrinxerant se adsistere Absaloni. Po-
pulusque concurrens augebatur cum Ab-
salon, id est, de singulis tribubus mul-
ti festinanter convenerunt ad Hebron, ad
complacendum adsistendumque Absaloni.

Venit igitur nuntius ad David, dicens :
Toto corde universus Israel sequitur Ab-
salon, id est, multi de qualibet tribu ad-
hærent ei ut regi. *Et ait David servis suis*
qui erant cum eo in Jerusalem : Surgite,
et fugiamus. Neque enim erit nobis effu-
gium a facie Absalon, nisi jam festinemus
exire. David conscius sibi malorum quæ
fecerat, ac reminiscens comminationum
sibi per Nathan factarum, formidavit suc-

* Regnavit

II Reg. xi, 4.

* victimas

II Reg. xi,
10-12.

I Reg. xvii,
22.

III Reg. ii,
11.

II Reg. xi,
4.

Ibid. xiii,
14, 23.

Ibid. 38.

Ibid. xiv,
28.

Josue xv,
13, 54.

Gen. xxiii,
19; xxv, 9;
xlix, 29-31;
i, 13.

II Reg. iii, 3, 4.

eumbere propter sua peccata : propter quorum demerita, timuit Absalonem posse divina virtute prevalere, tanquam flagellum divinae justitiae contra se suscitatum. *Festinate egredi, ne forte veniens occupet nos, et impellat super nos ruinam, et percutiat civitatem in ore gladii. Dixeruntque servi regis ad eum : Omnia quaecumque praeceperit dominus noster rex, libenter exsequemur servi tui.*

Egressus est ergo rex, et universa domus ejus, id est domestici, pedibus suis : quia humiliavit se rex coram Deo, ut misericordiam consequeretur, idcirco noluit cum apparatu et pompa equestri exire ; et stetit procul a domo, ut videret qualiter alii irent aut secum manerent. Et reliquit rex decem mulieres concubinas, id est secundarias conjuges, ad custodiendum domum palatii. Unde videtur, quod alias sex uxores principales secum eduxit, aut alicubi ad locum securum transmisit. Egressusque rex et omnis Israel pedibus suis, stetit procul a domo ; et universi servi ejus ambulabant juxta eum, et legiones Cerethi et Phelethi : quae nomina diffuse exposita sunt supra ; et omnes Gethæi pugnatores validi : sicut communiter dicitur, hi fuerant Philistæi ; sexcenti viri qui secuti eum fuerant de Geth, pedites præcedebant regem. Et erant conversi ad Judaismum : qui benefecerunt ipsi David, quando latuit in Geth urbe Philistinorum tempore Saul. Exierunt quoque cum David sexcenti viri, qui adhæserunt ei sub persecutione Saulis, ut Josephus scribit.

Dixit autem rex ad Ethai Gethæum, id est oriundum de Geth : qui secundum Scholasticam historiam, fuit filius Achis regis Philistiim, ac principalis inter sexcentos Gethæos præfatos ; qui ex consideratione virtutum David, secutus est eum, et factus proselytus. Cur venis nobiscum ? Revertere et habita cum rege, id est cum Absalon, quem assumpserunt pro rege : et tamen non erat rex de jure, scilicet intrusit se ipsum ; quia peregrinus es, et egressus es de loco tuo, id est, de aliena terra huc ad-

venisti. Hæc venisti, id est nuper seu præterito tempore non diu elapso, et hodie compelleris nobiscum egredi timore Absalonis : ideo magis condoleo tuæ adversitati. Ego autem radam quo iturus sum, id est, quo Deus voluerit ac disposuerit : quod ego ipse adhuc ignoro. Revertere, et reduce tecum fratres, id est propinquos et compatriotas tuos, et Dominus faciet tecum misericordiam et veritatem, quia ostendisti gratiam et fidem, id est bonum favorem ac fidelitatem ad me, quia ita te offers ad subeundum pericula mecum et propter me. Et respondit Ethai regi, dicens : Vivit Dominus, et vivit dominus meus rex, quoniam in quocumque loco fueris, domine mi rex, sive in morte, sive in vita, ibi erit servus tuus. Et ait David Ethai : Veni et transi. Et transivit Ethai Gethæus, et rex, et omnes viri qui erant cum eo, et reliqua multitudo. Omnesque flebant voce magna, propter tam inopinatam et magnam adversitatem regi a proprio filio suscitatum, et omnis populus transibat. Rex vero transgrediebatur torrentem Cedron, et cunctus populus incedebat contra viam Olivæ, quæ respicit ad desertum.

Venit autem et Sadoc sacerdos, et universi Levitæ cum eo, portantes arcam fœderis Dei, et deposuerunt arcam Dei, id est, in loco apto reverenter posuerunt. Et ascendit Abiathar, qui erat tunc pontifex : et coram omnibus ascendit ad orandum juxta arcam, ut consuleret Dominum, quid esset ipsi David agendum, sed Dominus non dedit responsum. Ascendit autem donec expletus esset omnis populus qui egressus fuerat de civitate, id est, donec omnes transierunt, ut sic seorsum oraret devotius. Et dixit rex ad Sadoc : Reporta arcam Dei in urbem. Nempe ex quo Dominus non dedit responsum, advertit David Dominum nondum sibi esse reconciliatum, quantum ad pœnæ dimissionem : idcirco arbitrabatur se indignum præsentia arcæ. Si invenero gratiam in oculis Domini, reducet me in Jerusalem, et ostendet mihi eam, id est arcam involutam, quam nudam

II Reg. viii,
18.

I Reg. xxvii,
3, 2.

Num. iv, 20. videre nec regi licebat, et tabernaculum suum. Si autem dixerit mihi : Non placeas. id est, nolo ut amplius regnes, praesto sum obedire voluntati ipsius, et sustinere quod mihi inflixerit; faciat quod bonum est coram se. Et dixit rex ad Sadoc sacerdotem : O Videns, id est Propheta : unde videtur Sadoc prophetiae spiritum habuisse, nisi forsitan dicatur Propheta et Videns, quia in divino obsequio psallentibus et Prophetarum oracula recitantibus praeerat. 1 Par. xvi, 4. Unde et primo libro Saul et alii prophetas dicuntur. In epistola quoque ad Corinthios, prophetae vocantur interpretatores Scripturae, ut quum ait Apostolus : Prophetas duo aut tres dicant, et ceteri dijudicent. Revertere in civitatem in pace, et Achimaas filius tuus et Jonathas filius Abiathar duo filii vestri, sint vobiscum. Ecce ego abscondar in campestribus deserti, donec veniat sermo a vobis indicans mihi. Reportaverunt ergo Sadoc et Abiathar arcam Dei in Jerusalem, et manserunt ibi. 1 Reg. x, 10; xix, 23. 1 Cor. xiv, 29.

Porro David ascendit clivum Olivarum, id est montuosum ascensum montis Oliveti, scandens et flens, et nudis pedibus incedens, et operto capite, ne videretur plorare, et ne alii ex suo fletu magis desolarentur; et nudis pedibus incedens : sicque maxime humiliavit se, perpendens haec omnia mala propter sua evenire peccata. Sed et omnis populus qui erat cum eo, operto capite ascendebat plorans. Nuntiatum est autem David, quod Achitophel esset in conjuratione cum Absalon. Dixitque David : Infatua, quaeso, Domine, consilium Achitophel, id est, ab effectu impedi illud, et da ne ei consentiatur : et hoc factum est postea. Timuit autem David consilia Achitophel, quia astutissimus erat in consulendo. Quumque ascenderet David summitatem montis Olivarum, in quo adoraturus erat Dominum : quia ab illius montis cacumine videre poterat sanctam civitatem et locum divini cultus : et illuc vertebat faciem suam, ut ardentius exoraret; ecce occurrit ei Chusai Arachites, id est de oppido Arach natus, amicus et con-

siliarius ejus, scissa veste, et terra pleno capite : quia in signum mœroris sciderat vestem suam, et pulverem sparserat super caput.

Et dixit ei David : Si veneris mecum, eris mihi oneri, id est, gravabis me, quia malo te alibi esse, ubi plus mihi proficius esses. Communiter autem exponitur, Eris mihi oneri, quia non es aptus ad praeliandum. Si autem in civitatem revertaris, et dixeris ipsi Absalon : Servus tuus sum, rex, patere me vivere; sicut fui servus patris tui, sic ero servus tuus : dissipabis consilium Achitophel. Videtur, quod David in his verbis commiserit viro huic mentiri et fallere. Respondetur, quod fuit fraus utilis, et verba haec aliquo modo verificantur, quia Chusai impedit Absalonem a diversis sceleribus, dissipando consilium Achitophel, et oppositum persuadendo. Et quantum ad hoc, servivit Absaloni, cooperando ei in bonum. Exhibuit quoque ei quaedam obsequia inclinando, et in quibusdam obtemperando. Alii dicunt, quod non sit necesse ipsum excusare in verbis istis ab officioso mendacio, quem constat in multa mortalia corruisse peccata, et sequenti capitulo legitur graviter deliquisse.

Habes autem, id est, ibi habebis, tecum in Jerusalem Sadoc et Abiathar sacerdotes : quos et nunc habes spiritualiter tecum per mentis consensum, quoniam sunt de parte mea, sicut et tu; et omne verbum quodcumque audieris in domo regis, indicabis Sadoc et Abiathar sacerdotibus, id est, quidquid audieris ab ore Absalonis et fautorum ipsius, quod expediat mihi scire, nuntiabis mihi per sacerdotes praefatos, eorumque filios. Sunt enim cum eis duo filii eorum, Achimaas filius Sadoc, et Jonathas filius Abiathar; et mittetis per eos ad me omne verbum quod audieritis. Ecce qualiter sanctus David, quamvis in Deo speraverit, et ejus voluntati resignaverit semetipsum, nihilo minus, quantum in se erat, optavit evadere, praevalere et reduci in sua, fecitque quidquid secundum humanam prudentiam facere potuit. Veniente

11 Reg. xvii, 7-13.

Ibid. xvi, 16, 18, 19.

11 Reg. xvii, 14.

ergo Chusai amico David in civitatem, Absalon quoque ingressus est civitatem, et Achitophel cum eo.*

* Jerusa-
lem

Sensus
moralis.

Moraliter ex presenti docemur capitulo, quam enorme crimen existat ambitio, qualiter mentem obtenebret, ut nec patri, nec fratri, nec amico, neque alieni pareat; quam multa et magna vitia oriantur ex ea, videlicet simulatio, hypoerisis, mendacium, adulatio, odium, dissensio, schisma, traditio, incestus, conjuratio, conspiratio, homicidium, imo et patricidium, rebellio, et quasi in omnibus reflexio ad se ipsum. O si bene pensemus quam periculosum et stultum est ad praesidentiam anhelare, ad curata officia adspirare, velle praesse, praecipere, et non magis subesse

Sap. vi, 6.

ac obedire! Nonne iudicium gravissimum in his qui praesident, fiet? Sed quale iudicium imminet eis, qui ambitiose se ingerunt, aut suspiciose et inordinate in officiis et praesidentiis se conservant? Hi enim eo ipso quo tales sunt, indigni sunt adjutorio Spiritus Sancti ad salubriter praesidendum, sine quo fructuose nemo valet praesse. Exeacati et miseri isti, ad se ipsos insipienter reflexi, non advertunt divini rigorem iudicii, et quam horrendum sit incidere in manus Dei viventis, et quod toties ad apostasiae crimen labantur, quoties hominibus praesse cupiunt aut conantur, vel delectantur. Idcirco sunt filii

Hebr. x, 31.

Job xli, 25.

primi illius apostatae, qui est rex super omnes filios ambitionis atque superbiae. Heu, quam multi etiam spirituales et ec-

clesiastici, modo sectantur ambitionem, adulationes, virulentaque oscula, ac cetera vitia Absalonis, qui bonos persequuntur prelatos, ac detrahendo et infestando moluntur eos occidere, quoad esse bonae famae, quod in proximorum cordibus habent, et spirituales patres suos nituntur de praelatione ejicere, ut ipsi subintrent!

Insuper docemur hic patientiam, humilitatem, compunctionem, poenitentiam, fletum ac poenitentialem afflictionem sancti David perpendere et sectari, qui expulsionem suam tam tranquille ac patientissime tulit, et sua uberrime deploravit peccata, nec malum quid de suo loquebatur persecutore, imo et obtulit se ad omnem correctionem Dei paratum, sicut fatetur in Psalmo: Quoniam ego in flagella paratus sum. Simili modo et nos, quidquid adversitatis, correptionis, persecutionis, damni, diffamiae, infirmitatis contigerit nobis, studeamus aequanimiter tolerare, et impleamus quod scriptum est: Non ulciscamur nos pro his quae patimur; sed reputantes peccatis nostris haec ipsa supplicia minora esse, flagella Domini (quasi servi qui corripimur) ad emendationem, et non ad perditionem nostram evenisse credamus. Postremo, sicut David condoluit Ethai Gethaeo et viris ipsius, sic compatiamur et nos eis, qui occasione nostri patiuntur adversa, quibus grati et consolatorii esse debemus: et quamvis David consuluit viris illis reverti et habitare cum Absalone, non tamen communicare ei in vitiis.

Ps. xxxvii,
18.

Judith viii,
26, 27.

ARTICULUS XXV

ELUCIDATIO CAPITULI SEXTIDECIMI: QUUMQUE DAVID TRANSISSET PAULULUM VERTICEM MONTIS.

CAPITULUM jam elucidandum enarrat, qualiter David inter tot adversa quamdam habuerit prosperitatem, et occasione illius inciderit magnam culpam; et quali-

ter mox pro suis peccatis gravem sustinuerit confusionem; sicque ad hoc tandem eventum sit, quod pro adulterio quod commisit, uxores quoque ipsius sunt violatae

II Reg. xv,
32.

violatione ignominiosissima a proprio filio. Quumque David transisset paululum verticem montis Oliveti, in quo devote oravit, sicut præcedenti habetur capitulo, apparuit, id est, regi occurrit, Siba puer, id est minister, ipsius Miphiboseth in occursum ejus cum duobus asinis, qui onerati erant ducentis panibus et centum alligaturis uvarum passæ, id est ita confectæ : et ponitur singulare pro plurali, quoniam multas uvas sic confectas et colligatas adduxit; et centum massis palatharum, id est ficuum inter tabulas compressarum, et duobus utribus vini, id est vasis de corio factis, vino repletis. Et dixit rex Sibæ : Quid sibi volunt hæc, id est, cur ea attulisti? Responditque Siba : Domine mi rex, asini domesticis regis, id est pro usu servorum tuorum, ut si qui præ lassitudine aut infirmitate non poterunt ire, super asinum sedeant; et panes et palathæ ad vescendum pueris tuis; vinum autem ut bibat, si quis defecerit in deserto.

Et ait rex : Ubi est filius domini tui, id est Miphiboseth? de cujus absentia David mirabatur, quum fecisset illi tot bona. Responditque Siba regi : Remansit in Jerusalem, dicens : Hodie, id est tempore isto, restituet mihi domus, id est populus, Israel regnum patris mei, id est Israeliticum regnum, quod fuit Saulis avi mei, et devolutum fuisset ad Jonathan patrem meum si supervivisset. Istud impius Siba iste malitiose confinxit ex avaritia, ut scilicet rex contra Miphiboseth amaricatus, reputaret eum quasi reum læsæ majestatis, atque ob hoc privaret eum sua hereditate, conferretque eam sibi, tanquam zelanti pro rege, et adstanti ei in tanta adversitate. Etenim Siba iste omnino putavit Absalonem vincendum, et regem David cum suis prævaliturum, sciens David divinitus electum et unctum in regem, et semper protectum et adjutum a Domino; quem etiam scivit prudentissimum in bellicis rebus, fortem, magnanimum, et strenuissimos viros secum habentem : ideo studuit ei occurrere et placere, ac necessaria mini-

A strare, ut ex his commoda reportaret. Et ait rex Sibæ : Tua sint omnia quæ fuerunt Miphiboseth, id est, omnia bona sua do tibi. Quidam tamen exponunt hoc de terris et agris, quos David dedit Miphiboseth, prout dictum est supra. In hac re David multipliciter, graviterque peccavit. Primo, ita faciliter credendo accusatori sine testium adhibitione. Secundo, tam inordinate proferendo judicium, utpote sine accusati auditione, sine accusationis examine, sine debita mora seu deliberatione. B Tertio, innocentem suis bonis privando, et ea pessimo accusatori donando. Et ex hoc inexcusabilior fuit rex, quoniam aliunde frequenter fuit expertus virtutes Miphiboseth : idcirco non debuit tam faciliter credere accusationi contra ipsum delatæ. Dixitque Siba : Oro inveniam gratiam coram te, domine mi rex. Quasi dicat adulator iniquus, artifexque mentitor : Potius opto gratiam et favorem regis, quam temporalia commoda ac munera ejus.

Venit ergo rex David usque Bahurim, id est locum sic dictum. Et ecce egrediebatur vir inde de cognatione domus Saul, nomine Semei, filius Gera, cognatus Saulis, natus de Benjamin. Infra Semei iste ait ad David : Primus veni de omni domo Joseph in occursum regis : ergo fuit de tribu Joseph. Ad hoc quidam respondet, quod Semei ex parte patris fuit de cognatione Saul, tribuque Benjamin, sed ex parte matris de tribu fuit Ephraim. Hoc quoque, ut in quadam legi expositione, dicunt Hebræi. Alii scribunt, quod revera ex parte patris fuit de Benjamin, sed de domo Joseph fertur fuisse, quoniam habitavit in terra tribuque Ephraim, filii Joseph. Vel secundum quosdam, ex parte matris fuit de Benjamin tribu. Verius autem videtur, quod ex parte patris fuit de Benjamin, quoniam in veteri Testamento viri communiter nomen acceperant ex parte patris. Quum ergo dicatur fuisse de cognatione Saul, videtur quod ex parte patris fuerit Benjamita. Sed tunc rursus oritur quæstio, qualiter fuerit de alia tribu ex parte patris quam matris,

II Reg. ix,
7, 9.

Ibid. xix,
20.

Num.
xxxvi, 7.

quum secundum legem vir et uxor debuerint de eadem esse cognatione et tribu. Ad quod respondetur, quod ratio illius præcepti fuit, ne in anno jubileo fieret confusio sortium, hereditate unius tribus deveniente ad aliam : ideo mulieres quæ non succedebant in hereditate paterna, poterant ducere viros alterius tribus, sicut et David de tribu Juda, habuit conjugem Michol de Benjamin tribu.

1 Reg. xviii,
27.

Itaque Semei, quem Hebræi fabulantur fuisse Nabat patrem Jeroboam, ut in Scholastica fertur historia, *procedebatque egrediens et maledicebat, mittebatque lapides contra David, et contra universos servos regis David. Omnis autem populus et universi bellatores a dextro et a sinistro latere regis incedebant. Ita autem loquebatur Semei quum malediceret regi : Egredere, egredere. Hoc dixit subsannatorie, quasi diceret, Dignus es expulsionem ; et repetitio fuit confirmationis indicium. Vir sanguinum, hoc est copiosus in homicidiis, et vir Belial, id est sine iugo rationis atque justitiæ, hoc est tyrannice*.* Reddidit tibi Dominus universum sanguinem domus Saul, id est, pœnam pro occisione eorum qui de domo Saul occisi sunt, ut tu regnares, inflixit jam tibi, quoniam invasisti regnum pro eo, et dedit Dominus regnum in manu Absalon filii tui. Et ecce premunt te mala tua, id est adversitates quas sustines pro tuis peccatis : quod aliquantulum verum est, quamvis non secundum intentionem Semei hujus ; quoniam vir sanguinum es.

* tyrannice

Dixit autem Abisai filius Sarviæ, regi : Quare maledixit canis hic mortuus domino meo regi ? Vadam, et amputabo caput ejus. Et ait rex Abisai, volenti ulcisci tantam regis injuriam : Quid mihi et vobis, filii Sarviæ ? hoc est, cur intromittitis vos de vindicta injuriæ meæ nolente me ? Ex quo quidam eliciunt, quod et Joab volebat occidere virum illum iniquum. Vel loquitur ita David, quia Abisai et Joab fratres uterini, quasi in omnibus consenserunt ; vel eo modo quo quid adscribitur communitati, quia uni ex ea id competit. *Dimittite*

eam, ut maledicat, hoc est, non resistatis inordinate, nec impediatis illud, in quantum est malum pœnale per respectum ad me, quia aspernationem istam promerui. Dominus enim præcepit ei ut malediceret David. Et quis est qui audeat dicere, quare sic fecerit ? Dimittite eam, ut maledicat mihi juxta præceptum Domini, si forte respiciat Dominus afflictionem meam, id est, quatenus Deus dignetur acceptam habere patientiam, qua adversa hæc omnia æquanimiter tolero, *et reddat mihi bonum,* id est veniam et gratiam, reductionem quoque in regnum et gloriam æternalem, *pro maledictione hac hodierna,* id est merito patientiæ qua eam sustineo. Et bene ait, Si forte, quoniam absque revelatione David scire non quivit, quod ex caritate seu meritorie pertulit illa. *Et ait rex Abisai et universis servis suis : Ecce filius meus, qui egressus est de utero meo : non quod anima sit ex traduce, sed quod semen ex quo nascitur proles, sit ex ventre et lumbis patris, in cujus semine vis formativa consistit ; querit animam meam,* id est, vitam meam animalem, naturalem et corporalem conatur extinguere ; *quanto magis hic Semei filius Jemini maledicet mihi ?* id est viri talis de semine Benjamin nati, prout primo libro habetur. Quidam tamen per Jemini, intelligunt virum vilem ac rusticum.

Circa hæc quæritur, quia si Dominus præcepit huic Semei maledicere David regi, ergo non peccavit in hoc, sed Deo obediit ac meruit. Quod si ita est, ergo David injuste præcepit Salomoni interficere virum illum propter hanc maledictionem, ut infra tertio libro habetur. Et respondendum, quod quidquid entitatis et actualitatis est in actu peccati, est utique a Deo, a quo est omne esse et agere, omnis essentia, virtus et actio ; sed deformitas actus illius, videlicet ipsa aversio a rectitudine rationis et veritate justitiæ, quod est formale peccati, non est directe, sed solum permissive a Deo, nec habet causam efficientem, sed deficientem, estque directe a

1 Reg. ix, 1.

III Reg. ii,
8, 9.

libertate arbitrii, in quantum ex nihilo A est, et defectiva ac errans : sicut in for-
 natione et adulterio quidquid est essen-
 tiæ, virtutis et actionis partis vegetativæ
 seu generativæ, a Deo est ; sed quod actus
 illi procedunt a voluntate inordinata, cor-
 rupta et defectiva, est directe a libertate,
 in quantum ex nihilo est et defectuosa
 erransque : quæ quantum ad hoc, est po-
 tius casus ab ente, et non ens, quam ens.
 Sic in proposito : quod Semei vir unus
 audebat regi et militibus ejus tantam ir-
 rogare injuriam, fuit a Deo, quantum ad B
 id quod potissimum fuit in illa audacia, in
 quantum Deus per Semei voluit punire re-
 gis excessum ; abusus vero illius audaciæ,
 ntpote quod Semei perversa intentione hoc
 egit, in quo fuit culpa, non fuit a Deo. Et
 juxta hunc modum in Jeremia, Ezechiele,
 aliisque Prophetis multoties legitur Deus
 excitasse, vocasse, movisse Chaldæos, alios-
 que gentiles ad vastandum filios Israel, in
 quantum justo judicio per illos punivit
 populum suum. Illi tamen perversa inten-
 tione fecerunt hoc, propter quod merue-
 runt perire. Propter quod per Isaiam ait
 Is. x, 5-7. Dominus de rege Assyriorum : Væ Assur,
 virga furoris mei et baculus ipse est. Ad
 gentem fallacem mittam eum ; ipse autem
 non sic arbitrabitur, sed ad conterendum
 erit cor ejus. Sic quoque dicitur Deus per
 Judæos implesse ea quæ de Christi passio-
 ne per Prophetas prædixit, quemadmodum
 sacratissimus princeps Apostolorum prote-
 statur : Deus qui prænuntiavit per os om-
 nium Prophetarum pati Christum suum,
 implevit sic.

Act. iii, 18.

*Ambulavit itaque David et socii ejus
 per viam cum eo ; Semei autem per ju-
 gum montis, id est per montis cacumen, ex
 latere contra illum gradiebatur : quem
 etiam propria invidia atque diabolus con-
 tra regem tam patientem excitaverunt ;
 maledicens, et mittens lapides adversum
 eum, terramque spargens. Venit itaque rex
 David et omnis populus ejus cum eo las-
 sus ad Jordanem, et refocillati, id est, ci-
 bo, potu, et quiete recreati, sunt ibi.*

*Absalon autem et omnis populus ejus
 ingressi sunt Jerusalem, sed et Achitophel
 cum eo. Quum autem venisset Chusai Ara-
 chites amicus David ad Absalon in Jerusa-
 lem in palatio regis, dixit : Salve, rex ; sal-
 ve, rex. Nam veram ejus salutem, videlicet
 cessationem a malo incepto, pœnitentiam-
 que cupivit. Ad quem Absalon : Hæc est,
 inquit, gratia tua ad amicum tuum ? quasi
 dicat : Bene ostendis per verba hæc nunc fi-
 delitatem et pietatem tuam ad David, cujus
 vocaris amicus, a quo in tanta necessitate
 recedis. Quod Absalon vel increpatorie vel
 irrisorie dixit, vel ad perscrutandum an
 Chusai ex animo veniret ad se ; et ut ait
 Hieronymus, Absalon non dixit hoc affe-
 ctando, sed negando. Vel, ad insinuandum
 quod non posset homini tali faciliter cre-
 dere, ne simili modo deciperetur ab eo.
 Quare non ivisti cum amico tuo ? Respon-
 ditque Chusai ad Absalon : Nequaquam,
 supple, infidelis sum amico meo David, qui
 secundum te justo judicio est expulsus ;
 quia illius ero, id est, tibi adhærebo, quem
 C elegerit * Dominus saltem permissive, et * elegit
 omnis hic populus et universus Israel, et
 cum eo manebo corpore, non cordis inten-
 tione. Quamvis hæc verba possent in ali-
 quo sensu a mendacio excusari, quia ad
 tempus corporaliter fuit cum Absalon, ta-
 men prout Absalon ea accepit, vera non
 erant, nec a talibus venialibus culpis ne-
 cesse est ipsum Chusai ac similes excusa-
 ri. Nam subditur, Sed ut et hoc inferam, id
 est, decet ut adjiciam verba sequentia, ex
 quo pateat quod infidelitatem non exhibeo
 D patri tuo : Cui ego serviturus sum ? quod
 interrogatorie dixit, ideirco respondet :
 Nonne filio regis ? ac si dicat : Si alieno
 regi, relicto David, adhærerem, posset in-
 terpretari in malum ; non autem, quod fi-
 lio regis prioris adhæreo. Sicut parui, id
 est obedivi, patri tuo, ita parebo et tibi in
 licitis.*

*Dixit autem Absalon ad Achitophel :
 Inite consilium, id est, convenite ad con-
 sulendum, quid ugere debeamus. Et ait
 Achitophel ad Absalon, consilio nondum*

celebrato, ut videtur. *Ingredere ad concubinas patris tui quas dimisit ad custodiendam domum, ut quum audierit omnis Israel quod fœdaveris patrem tuum*, id est, turpiter inhonoraveris eum incestuoso concubitu, cognoscendo ejus uxores. Quum-

Gen. ii, 24.

que maritus et uxor sint una caro, Absalon fœdando carnem uxorum patris sui, patrem quoque fœdavit. Injuria quoque uxorum redundat in viros. *Roborentur terum manus eorum*, id est, secure et firmiter tibi adsistant, certi quod post tantam contumeliam patri tuo illatam, nunquam reconciliandus sis ei : ideo non timeant quod nunc quidam eorum pavide suspicantur, quod scilicet tu et pater tuus tandem reconciliabimini, sicque ipsi ingratitude sustinebunt, et displicebunt tam tibi quam patri tuo, eo quod in ista rebellionem te foveant. Aliqui opinantur, quod et ideo Achitophel consuluerit istud, quoniam David fœdaverat Bethsabée neptem ipsius Achitophel. Verumtamen, quamvis istud consilium et tantus incestus poterant populum certificare de eo quod dictum est, et quod Absalon ex animo ipsum David persequeretur; tamen ex tantis flagitiis patuit, quod factum Absalonis non erat secundum Deum, et quod ejus promotio Deo non complaceret : ideo si in populo illo erant aliqui vere sapientes et virtuosus, displicuit eis talis processus. *Tenderunt ergo Absalon tabernaculum in solario, ingressusque est ad concubinas patris sui coram universo Israel ibi præsente*; tuncque implebatur quod supra Dominus dixit ad David per Nathan : Tollam

Ibid. xii, 11, 12.

uxores tuas, et dabo proximo tuo, et dormiet cum eis in oculis solis, et faciam verbum istud in conspectu omnis Israel. *Consilium autem Achitophel, quod dabat in diebus illis, reputabatur quasi si quis consuleret Deum*, id est, tam diligenter audiebatur et acceptabatur, ac si Deus consilium daret, sicque quantum ad aliquid, simile fuit. Unde sicut primo Machabæorum de Simone dixit pater ipsius, Scio quia vir consilii est, ita Achitophel acu-

1 Mach. ii, 63.

tissimus fuit consultor : et tamen sicut vera carebat prudentia, quæ vitiosis non inest, ita nec vere salubria dedit consilia, quæ sunt actus prudentiæ, quamdiu impius fuit. *Sic erat omne consilium Achitophel, et quum esset cum David, et quum esset cum Absalon*. Istud tamen ejus consilium fuit tam sceleratissimum, quod propter ejus impletionem Deus merito fecisset Absalonem cum suis succumbere; et mirum, quod Achitophel hoc ipsum non consideravit nec timuit.

B Præterea, ex historia hujus capituli accipere possumus multa moralia documenta : Primum, ne simus nimis proni ad credendum mala de aliis, præsertim de bonæ famæ hominibus; nec detrahentibus acquiescamus, sed increpemus, avertamusque eos, vel saltem mæstum vultum eis monstremus : quia ut Salomon ait, Per

Sensus moralis.

Eccle. vii, 4.

Prov. xxv, 23.

C cipites ad judicandum de aliis; sed causam, quam judex ignorat, diligentissime investiget, et pars altera audiatur. Impleamus ergo quod Ecclesiasticus docet : Fili, sine consilio nihil facias, et post factum non pœnitebis. Hinc ad Timotheum monet Apostolus : Sine præjudicio, id est prævio judicio rationis, nihil facias, in aliam partem declinando. Tertium est, quod valde difficile sit in magnis officiis vitare peccata : quoniam David vir tantæ prudentiæ, tam præcipitanter dedit sententiam

Job xxix, 16.

Eccle. xxxii, 24.

1 Tim. v, 21.

D contra absentem innoxiumque Miphiboseth. Ideo status officiatorum ac judicium est periculosus, nec appetendus. Quartum est, præclarum exemplum patientiæ magnæ : quoniam David tam mendosa et opprobriosissima verba contra se a vili homine coram tanta plebe prolata, imo et projectiones saxorum tam patientissime toleravit, nec ulcisci permisit : imo omnia illa reputavit, Deo jubente, sibi inferri propter sua piacula, consideravitque ea quasi vulnerum animæ suæ remedia. Ita

et nos certi de providentia Dei, quidquid A
adversum asperumque occurrerit, patien-
ter feramus, et quasi de manu Omnipoten-
tis pro dono suæ paternæ provisionis acci-
piamus, etiam si de speciali excessu non
fuerimus nobis mox conscii, quum scia-
mus quod in multis offendimus omnes,
imo et maxime virtuosum sit, non solum
sine propria culpa, sed etiam pro justitia

Jacob. iii, 2.

pati. Et ecce tot et tanta David rex tole-
ravit; nos autem vix increpari et corrigi
volumus pro nostris peccatis, etiam a su-
perioribus nostris. Nonne ei qui talis est,
improperatorie dici potest illud in Job,
Venit super te plaga, et defecisti; tetigit Job iv, 5, 6.
te, et conturbatus es? Ubi est timor tuus,
fortitudo tua, patientia tua, et perfectio
viarum tuarum?

ARTICULUS XXVI

EXPLANATIO CAPITULI SEPTIMIDECIMI : DIXIT ERGO ACHITOPHEL AD ABSALON.

RECITATUR in isto capitulo, qualiter B
existentes cum Absalon, duplex de-
derunt consilium de modo impugnandi
David regem, et qualiter hoc ipsum regi
sit annuntiatum. *Dixit ergo Achitophel ad
Absalon : Eligam mihi*, hoc est ad subsi-
dium meum, *duodecim millia virorum* :
forsitan de qualibet tribu mille, ne aliqua
tribus videretur contemni. Voluit autem
eligere duodecim millia præ ceteris for-
tiora ac prælio aptiora, juxta numerum
duodecim Patriarcharum, et quia tot mil-
lia aestimavit ad adversariorum expugna-
tionem sufficere. *Et consurgens, persequar
ipsum David hac nocte*, antequam ad re-
sistendum se præparet, vel loca munita
ingrediatur, aut adjutores sibi adipiscat-
ur; *et irruens*, id est, cum robore et im-
petu veniens, *super eum improvise, quippe
qui lassus est et solutus manibus*, id est,
viribus suis privatus præ lassitudine, mœ-
stitia et timore, *percutiam eum. Quumque
fugerit omnis populus qui cum eo est, per-
cutiam regem desolatum; et reducam ad
te universum populum*, qui est cum illo, D
quomodo unus homo reverti solet, hoc est
concorditer et de facili. Nempe, ut dicunt
Hebræi, Achitophel cum suis persuasit po-
pulo, quod David propter scelera sua re-
probatum et abjectum esset a Deo, sicut et

Saul, ideoque juste impugnaretur, et ad
filium ejus Absalon regnum esset jam de-
volutum. *Unum enim virum tu quæris*
principaliter ad occidendum, videlicet pro-
prium patrem, qui tibi nil forefecit : quod
agendo, peccas contra legem naturalem,
divinam, ac positivam, et ingratis-
simus es, quum parentibus nequeat reddi æqui-
valens; *et omnis populus tuus erit in pace
temporali, uno illo occiso. Placuitque ser-
mo ejus Absalon et cunctis majoribus natu
Israel* ibi præsentibus, nam et multi erant
cum David, quibus non placuit : quia erat
utique bonum consilium ad obtinendum
intentum, quamvis iniquum. Et mirum,
quod universi illi ita erant subversi atque
ingrati David regi, per quem tot beneficia
et triumphos erant sortiti, quod tam sce-
leratissimo crudelissimoque consenserunt
consilio, quum nec afflicto sit addenda
afflictio.

*Ait autem Absalon : Vocate Chusai Ara-
chiten, et audiamus quid etiam ipse di-
cat.* Jam enim Absalon credidit indubitan-
ter, quod Chusai sibi faveret ex animo, et
voluit tam prudentem ad se confugientem
honorare consulendo eundem. *Quumque
venisset Chusai ad Absalon, ait Absalon
ad eum : Hujusmodi sermonem locutus
est Achitophel. Facere debemus, an non?*

Quod das consilium? Et dixit Chusai ad Absalon: Non est bonum hoc consilium, quod dedit Achitophel hac vice. Quasi dicat: Quamvis sit prudens, et communiter bonorum dator consiliorum, tamen sicut humanum est, pro nunc non bene consulit.

Et rursus intulit Chusai: Tu nosti patrem tuum et viros qui cum eo sunt, esse fortissimos: reges namque praeliis occupati, solent secum habere strenuiores bellicosioresque viros; et amaro animo, indignantes se ita expulsos, et ex cordis amaricatione paratos ad pugnandum sine formidine, reluti si ursae raptis catulis in saltu saeviat. Ursa namque perditis catulis suis cum ferocitate et mœrore circumspicit, et quem primo viderit, saevissime et impetuosisime mox invadit, putans sibi ab illo catulos suos esse subtractos. Itaque ratione fortitudinis David et servorum ipsius, non expedit agere sicut Achitophel consulit. Et hoc Chusai consequenter probat alia ratione, videlicet ex consideratione prudentiæ et experientiæ David regis, quæ plus valent in bellis quam fortitudo, juxta

Sap. vi, 1.

illud Sapientiæ: Melior est sapientia quam vires, et vir prudens quam fortis. Sed et pater tuus vir bellator est, id est expertus in bellicis rebus, nec morabitur cum populo: id est, ad præcavendum periculum, et ne tradatur ab aliquo, ad secretiora quæque confugiet loca in nocte ista. Forsitan nunc latitat in foris, aut in uno quo voluerit loco. Quod (ut creditur) etiam ideo dixit Chusai, quoniam David quando fuit cum aliis, temporibus nocturnis in deserto aut rure, consuevit causa orationis, contemplationis et compunctionis se absentare ad tempus, atque in suis latibulis Deo vacare. Si enim domi egit in lecto, quod ait in Psalmo, Lavabo per singulas noctes lectum meum, lacrimis meis stratum meum rigabo: non videtur ambiguum, quin in desertis et campis existens id egerit. Erat enim totus internus, et in sensibilibus illis devotionibus exercitatissimus, et fecit quod cecinit: In die tribulationis meæ Deum exquisivi manibus meis nocte contra eum.

Ps. vi, 7.

Ps. LXXVI, 3-5.

Remittit consolari anima mea; memor fui Dei, et delectatus sum, et exercitatus sum, et defecit spiritus meus. Anticipaverunt vigilias oculi mei. Et: Meditatus sum nocte cum corde meo, et exerceitabar, et sequebam spiritum meum. Et quum ceciderit unus quilibet in principio, id est quicumque parvus vel magnus occisus fuerit in acie tui exercitus, vel in exordio regni tui, audiet quicumque audierit, et dicet: Facta est plaga in populo qui sequebatur Absalon, id est, modicum reputabitur magnum, et malum tale exaggerabitur. Et fortissimus quisque cujus cor est quasi leonis, pavore solvetur. Scit enim omnis populus Israel, fortem esse patrem tuum, et robustos omnes qui cum eo sunt.

Ps. LXXVI, 7.

Deinde reprobato Achitophel consilio, dat Chusai suum consilium. Sed hoc mihi videtur rectum esse consilium. Congregetur ad te universus populus Israel residuus, qui nunc non est tecum, neque cum David, a Dan usque Bersabee, quasi arena maris innumerabilis, et tu eris in medio eorum, tanquam caput et princeps ac forma audaciæ; et irruemus super eum in quocumque loco inventus fuerit. Connumerat se aliis Chusai iste, ut videatur ex corde esse cum Absalone, et sibi credatur. Et operiemus eum sicut ros cadere solet super terram, et non relinquemus de viris qui cum eo sunt, ne unum quidem. Quod si urbem aliquam fuerit ingressus, circumdabit omnis Israel civitati illi funes, id est machinas quaslibet. Est tamen hyperbolica metaphoricæ locutio. Nam subditur: et trahemus eam in torrentem, ut non reperiatur nec calculus quidem ex ea, id est, funditus eam destruemus, sicut eum chordis trahitur res mobilis deorsum in terram. Secundum Lyram, in Hebræo habetur, Circumdabit omnis Israel civitati illi societates, id est acies armatorum; sed Rabbi Paulus dicit, in Hebræo proprie haberi, Funes. Forsan dictio illa Hebraica est æquivoca.

Dixitque Absalon et omnes viri Israel: Melius est consilium Chusai Arachitæ con-

silio Achitophel. Domini autem nutu dissipatum est consilium Achitophel utile: id est, Deo volente ac disponente, Absalon et sui judicaverunt consilium ipsius Achitophel esse inutile aut minus idoneum: quod tamen utile fuit secundum humanum modum pro Absalone ad prævalendum; ut induceret Dominus super Absalon malum, id est, quatenus faceret eum superari, sicut scelera ejus promerebantur.

Et ait Chusai, per se vel per internuntium, Sadoc et Abiathar sacerdotibus: Hoc et hoc consilium dedit Achitophel Absalon et senioribus Israel, et tale et tale dedi ego consilium. Nunc ergo mittite cito, et nuntiate David, dicentes: Ne moreris nocte hac in campestribus deserti, sed absque dilatione transgredere Jordanem; ne forte absorbeatur rex David, id est, ne Absalon ad instigationem Achitophel mutet propositum, et permittat ipsum Achitophel hac nocte venire cum duodecim millibus ad persequendum te, David, sicque gladio consumaris, et omnis populus qui tecum est. Unde ut ait Lyra, ubi nostra habet translatio, Ne absorbeatur rex, in Hebræo habetur, Ne consulatur regi, id est Absaloni, quod impleat consilium ipsius Achitophel. Verumtamen Rabbi Paulus affirmat, in Hebræo expresse haberi, Ne absorbeatur rex.

Jonathas autem filius Abiathar, et Achimaas filius Sadoc stabant juxta fontem Rogel secreta, extra et prope civitatem, expectantes quid eis denuntiaretur, ad insinuandum regi. Abiitque ancilla a sacerdotibus informata et missa, ne quid malæ suspicionis oriretur, si vir urbem egrederetur, et nuntiavit eis. Porro ancilla illa exivit portans pannum ad abluendum. Et illi profecti sunt ut referrent ad regem David nuntium. Non enim poterant videri, Jonathas atque Achimaas, vel quia steterunt abscondite, vel quia periculosum eis fuisset videri, quoniam Absalon scivit quod erant de parte David. Ideo subditur, aut introire civitatem Jerusalem, quam si ingressi fuissent, et Absalon hoc scivisset, male tractasset eos. Vidit autem eos puer

A quidam, videlicet filius præactæ ancillæ, ut aliqui opinantur, qui forte ivit cum ea, et indicavit Absalon, cupiens ei placere, et commodum consequi. Attamen Josephus refert, quod equites quidam eos viderunt, et Absaloni dixerunt. Illi vero concito gradu ingressi sunt domum cujusdam viri in Bahurim qui habebat puteum, forsitan siccatum, aut modicum aquæ habentem, in vestibulo suo, id est porticu, curia seu atrio, et descenderunt in eum. Unde elicitur, quod sciverunt se visos ac notatos, B timueruntque capi: propter quod rogarunt virum seu feminam domus quam intraverunt, ut absconderet eos, sicque dimisit eos in puteum: ex quo patet, quod in puteo illo non fuit aqua multa. Tulit autem mulier, et expandit velamen super os putei, ne quærentur in puteo, quasi siccans ptisanas, id est hordeum pilo tusum decorticatum.

Quumque venissent servi Absalon in domum mulieris, missi ad comprehendendum eos, dixerunt: Ubi est Jonathas et Achimaas? Et respondit eis mulier: Transierunt festinanter gustata paululum aqua. Secundum Lyram, in Hebræo habetur, Transierunt Jordanem: ideo nuntii Absalonis de illorum comprehensione desperantes, reversi sunt. Verumtamen potius puto translationem nostram continere, sicut habet Hebraica veritas. Nec nuntii illi credidissent mulieri, si dixisset ipsos transisse Jordanem, certi quod non diu recesserunt de fonte Rogel. Quod autem insecuti fuerint eos per spatium aliquod, D videtur ex eo quod subditur: At hi qui quærebant, quum non invenissent, reversi sunt in Jerusalem. Quumque abiissent, ascenderunt illi de puteo, et pergentes, nuntiaverunt regi David, et dixerunt: Surgite, et transite cito fluvium, quoniam hujusmodi consilium dedit contra vos Achitophel. Surrexit ergo David et omnis populus qui erat cum eo, et transierunt Jordanem, donec dilucesceret, antequam denudaretur verbum, et nec unus quidem residuus fuit, qui non transisset fluvium.

Porro Achitophel videns quod non fuisset factum consilium suum, stravit asinum suum, surrexitque et abiit in domum suam, et in civitatem suam; et disposita domo sua, id est testamento facto, suspendio interiit, id est, se ipsum suspendit: quia ex indignatione, quod consilium Chusai fuit praelatum consilio suo, et ex tristitia, quia consideravit certissime regem David esse superaturum, et ipsum Chusai amicitiam Absalonis finxisse, in tantum attædiatus fuit quod occidit se ipsum, crubescens aut metuens coram David amplius apparere, vel invidens futuræ ejus prosperitati ac gloriæ; et sepultus est in sepulcro patris sui. Sic et Cato occidit se laqueo, ne videret gloriam Julii Cæsaris.

David autem venit in Castra, id est locum fortem munitum, seu urbem ubi circa obviaverunt angeli Jacob de Mesopotamia redeunti, ut in Genesi habetur: et Absalon transiit Jordanem ipse et omnes viri Israel cum eo. Amasam vero constituit Absalon pro Joab super exercitum. Nam sicut privavit ipsum David regno, sic et ipsum Joab principatu militiæ. Amasa autem fuit filius viri nomine Jethra de Jezrael, qui ingressus est ad Abigail filiam Naas sororem Sarviae, quæ fuit mater Joab. Unde constat, quod per Naas hic intelligatur Jesse seu Isai, ita quod idem vir, habuit tria hæc nomina. At vero primo Paralipomenon legitur: Abigail genuit Amasa, cujus pater fuit Jether Ismaelites; quod qualiter intelligi debeat, ibi expositum est. Itaque idem est, Jether et Jethra, qui dicitur esse de Jezrael civitate, quia fortassis habitavit in ea. Et castrametatus est Israel cum Absalon in terra Galaad. Quumque venisset David in Castra, Sobi filius Naas, de Rab-bath filiorum Ammon: quem Sobi constituit David regem pro fratre suo quem occidit, eo quod servos suos ignominiose tractavit, prout in expositione superiorum plenius fuit dictum; et Machir filius Am-miel de Lodabar et Berzellai Galaadites de Rogelim, obtulerunt ei stratoria et tape-tia, id est lectisternia, et ea quæ vestibus

A substernuntur, vel parietibus affiguntur, et vasa fictilia, frumentum, et hordeum, et farinam, et polentam, et fabam, et lentem, et fricum oleo cicer, et mel et butyrum, oves et pingues vitulos, id est, abundantiam victualium copiosam: dederuntque David et populo qui cum eo erat ad vescendum. Suspicati enim sunt populum fame et siti fatigari in deserto. Siquidem Sobi rex, gratus studuit inveniri David regi tempore tantæ indigentiae ejus.

B Ex capitulo isto docemur, quod non sit sapientia, nec scientia, nec consilium contra Dominum, in cujus manu sunt omnium corda, et quocumque voluerit, vertit ea: qui (ut in Job asseritur) apprehendit sapientes in astutia eorum, et consilium pravorum dissipat. Et ibidem: Qui dissipat consilia malignorum, ne manus eorum possint implere quæ cœperant. Sic plane contigit Absaloni atque Achitophel, fautoribusque eorum. Docemur quoque ex præinductis, quod Deus permittit frequenter peccatores ad damnabilissimum ac vitiosissimum finem venire, propter præcedentia eorum facinora, sicut de Achitophel jam est dictum: quem Deus ad tam periculosissimum, miserrimum, ac stolidissimum finem venire non permisisset, nisi ante tam enormiter excessisset. Et ecce vir ille qui tam prudentissimus habebatur, tam fatuissimus est effectus, quod suspendit se ipsum. Nullus ergo in oculis suis sit sapiens, nemo inaniter gloriatur, neque præsumat: quia qualiter cursum vitæ terminabit præsentis, ignorat. Hinc in timore Dei et vera humilitate expedit semper stare.

Postremo, juxta allegoricum intellectum, per David accipitur Christus: per Absalon, principes Synagogæ; per Achitophel, proditor Judas; per Chusai, discipuli Christi ex Judaismo, et ceteri majores qui ex Synagoga ad Christum conversi sunt, ut Nicodemus, Joseph, Gamaliel. Quemadmodum ergo ambitiosissimus Absalon expulit proprium patrem regno, et eundem occidere est molitus, sic superbi et ambitiosi prin-

Sensus
spiritualis.
Pror. XXI,
30, 1.

Job v, 13.

Ibid. 12.

Rom. XI, 25.

I Cor. III, 21.

Joann. III,
1; *Matth.*
XXVII, 57;
Act. V, 34.

Gen. XXXII,
1, 2.

I Par. II, 17.

II Reg. XII,
in fine.

cipes sacerdotum, Scribæ et Pharisæi, per-
secuti sunt Christum, verum Israel regem,
Matth. xxi, 39. ejicientes extra vineam verum heredem, a
Joann. x, 39: xi, 54. quorum tyrannide Christus interdum fugit
ad tempus, quousque tempore suæ saluti-
feræ passionis, desuper præstitutum fuit
impletum. Quemadmodum etiam Achito-
phel conatus est ipsum David improvise
Matth. xxvi, 16. occidere, sic traditor nisus est Christum
manibus tradere Judæorum clam ad occi-
Ibid. xxvii, 5. dendum. Hinc ambo similem exitum sunt
adepti. Et sicut Chusai restitit consilio
Achitophel, sic Nicodemus et Gamaliel re-

stiterunt frequenter consiliis principum et
Scribarum, Christo et ejus discipulis insi-
diantium. Quemadmodum etiam Chusai de
voluntate David finxit se esse fratrem * Ab-
salonis, ut ejus mysteria regi David insi-
nuaret, ita de voluntate Apostolorum, Ga-
maliei inter principes sacerdotum, Scribas
et Pharisæos ad tempus resedit, quasi ip-
sorum unus, quatenus eorum machinas
reseraret Apostolis, et pro fidelibus loque-
retur : ut partim in Actis Apostolorum, et
plenius in Itinerario S. Clementis descri-
bitur.

Joann. vii, 50, 51; Act. v, 34-39.

* fautorem

ARTICULUS XXVII

EXPOSITIO CAPITULI OCTAVIDECIMI : IGITUR CONSIDERATO DAVID POPULO SUO.

VICTORIA David et dejectio Absalo-
nis, hic describuntur. *Igitur conside-
rato David populo suo, videlicet qualis et
quantus esset, et qualiter aptius posset
dividi ac disponi, constituit super eum tri-
bunos, id est millenarios, quorum unus-
quisque mille bellatoribus præerat, et cen-
turiones, et dedit populi tertiam partem
sub manu Joab, et tertiam sub manu
Abisai, filii Sarviæ fratris Joab, et ter-
tiam partem sub manu Ethai, qui erat de
Geth, id est natione Philistæi, sed ad Ju-
daismum conversi. Itaque David peritus et
expertus in re militari et bellicis rebus,
divisit totum exercitum suum in tres par-
tes principales, quibus præfecit tres viros
præcipuos, unicuique parti unum, et quam-
libet illarum trium partium divisit in mille-
nos atque centenos, præficiens millenarios
mille, centurionesque centum. Verumta-
men Joab tanquam princeps militiæ, præ-
fuit omnibus illis. Porro in bellis potissi-
me confert ad prævalendum apta ordinatio
et collocatio ac distinctio populi; multitu-
do vero inordinata, non est nisi hostium
victima : imo pauci convenienter disposi-*

ti, constantesque corde, plus valent quam
multo plures inordinati.

*Dixitque rex ad populum : Egrediar et
ego vobiscum, id est, paratus sum exire
vobiscum, præbere exemplum, et subire
periculum, imo et esse primus in acie, præ-
sertim quoniam propter me orta est hæc
tempestas. Talis autem audacia regis seu
principis, multum animavit subditos. Et
respondit populus, non rebellione, sed re-
verentia ad regem : Non exhibis. Sive enim
fugerimus, non magnopere, id est non
multum, ad eos de nobis pertinebit; sive
media pars ceciderit de nobis, non satis
curabunt : id est, non quærunt principali-
ter interficere nos, sed te, quia tu unus
pro decem millibus computaris, id est, mal-
lent te perimere, quam decem millia au-
xiliarum tuorum. Dicitur autem in Scho-
lastica historia, quod populus David fuit
septem millia. Sic et primo libro habetur,
quod totum pondus belli versum est in
Saul. Et infra tertio libro legitur rex Sy-
ria suis jussisse : Non pugnabitis contra
quempiam, nisi contra regem Israel. Me-
lius est igitur ut sis nobis in urbe præsi-*

I Reg. xxxi, 3.

III Reg. xxii, 31.

dio, id est pro refugio et auxilio, ut si contigerit nos fugere, valeamus per te instaurari et reparari ad pugnam. Capite enim sublato, corpus truncatum est. Ad quos rex ait: Quod vobis rectum videtur, hoc faciam. Unde patet, quod rex seu princeps debet dirigibilis, non pertinax, esse in arduis.

Stetit ergo rex juxta portam, deducens exercitum usque ad locum illum, et roborans populum atque considerans qualiter egredierentur. Egrediebaturque populus per turmas suas centeni et milleni. Et præcepit rex Joab et Abisai et Ethai, dicens: Servate mihi, id est, non occidatis, nec occidi permittatis, puerum Absalon. Unde elicitur, quod David ex revelatione certus fuit, vel ex confidentia Dei probabiliter novit exercitum suum prævaliturum, valdeque timuit de periculo Absalonis, et de æterna damnatione ipsius, sciens quantis involutus esset criminibus: ideoque præcepit ne occideretur. Et omnis populus auliebat præcipientem regem cunctis principibus pro Absalon.

Itaque egressus est populus in campum contra Israel. Et factum est prælium in saltu Ephraim, id est juxta nemus illud in campo. Et quamvis ultra Jordanem in terra Galaad facta sit pugna, tamen facta fertur in saltu Ephraim, quoniam saltus ille ultra Jordanem situs fuit ex opposito tribus Ephraim, habitantis ab alia parte Jordanis, propter quod vocatus est saltus Ephraim. Et cæsus est ibi populus Israel, id est, viginti millia de populo Absalonis, ab exercitu David, factaque est plaga magna in die illa viginti millium. Fuit autem prælium ibi dispersum super faciem omnis terræ. Et multo plures erant quos saltus consumpserat, quam hi quos voraverat gladius in die illa: quia inter arbores illas fugere non valebant, sed a feris plurimi occidebantur, et multi corruerunt in foveas.

Accidit autem ut occurreret Absalon servis David, qui tamen non invaserunt eum, sed fugere permiserunt propter regis præ-

ceptum, sedens mulo. Quumque ingressus fuisset mulus super quem sedit, subter condensam quercum et magnam, id est spissam ac plenam ramis ac frondibus, adhesit caput ejus quercui per capillos longissimos quos habebat: unde videtur capitis armaturam non habuisse vel deposuisse; et illo suspenso inter caelum et terram, mulus cui insederat, pertransiit. Vidit hoc quispiam, et nuntiavit ipsi Joab, dicens: Vidi Absalon pendere de quercu. Et ait Joab viro qui nuntiaverat ei: Si vidisti, quare non confodisti eum cum terra, id est tam valide cum lancea, quod corruisset in terram? et ego dedissem tibi decem argenti siclos, et unum balteum. Qui dixit ad Joab: Si appenderes in manibus meis mille argenteos, nequaquam mitterem manum meam in filium regis. Audientibus enim nobis præcepit rex, tibi et Abisai et Ethai dicens: Custodite mihi puerum Absalon. Sed et si fecissem hoc aulacter contra animam meam, id est in periculum vitæ meæ, et cum grandi peccato regis præceptum transgrediendo; nequaquam hoc regem latere potuisset, quia tandem hoc percepisset, vel ex humana, vel ex divina insinuatione, et sic vindicaret in me: et tu stares ex adverso, id est, ad complacendum regi, fingeres te iratum mihi, et diceres me male egisse, interficiendo filium regis contra ejus imperium. Vir iste videtur magnus et audax fuisse, qui principi militiæ audebat sic loqui. Et ait Joab: Non sicut tu vis, sed aggrediar eum coram te. Tulit ergo Joab tres lanceas in manu sua, et infixit eas successive in corde Absalon, id est pectori ejus seu cordi, aut prope, sumendo eor pro materiali et organica corporis parte. Unde dici solet, quod cor in animali est primum vivens, et ultimum moriens. Quumque adhuc palpita- ret inharens quercui, cucurrerunt decem juvenes armigeri Joab, et percutientes, interfecerunt eum.

Cecinit autem Joab buccina, ad insinuandum quod cessarent ab insecutione fugientium, et retinuit populum, ne perse-

queretur fugientem Israel, volens parcere multitudini, capitaneo interfecto : sicque rigori clementiam miscuit. Et quamvis Absalon fuit publicus hostis boni communis et tyrannus, videtur tamen Joab peccasse, eum sic perimendo in suis peccatis, eo quod rex prohibuerat istud, et quoniam aliter poterat Absalon impediri ab ampliori reipublicæ perturbatione, et quia præceptum regis ex pietate descenderat. *Et intulerunt Absalon, et projecerunt eum in saltu in foream grandem, et comportaverunt super eum acervum lapidum magnum nimis. Omnis autem Israel fugit in tabernacula sua. Porro Absalon crexerat sibi, quum adhuc viveret, titulum qui est in valle Regis.* Quocirca Magister in historiis ait : Absalon crexerat titulum sibi in Regia valle, duobus stadiis a Jerusalem distante. *Dixerat enim : Non habeo filium, et hoc erit monumentum nominis mei,* id est ad perpetuam sui memoriam, ut viveret semper in cordibus hominum, quia cupidissimus fuit laudis humanæ, eratque nomen tituli. *Vocavitque titulum nomine suo, et appellatur Manus Absalon.* Quem titulum aliqui dicunt fuisse arcum seu fornicem triumphalem, in quo sculpta fuerit manus Absalon. Putant quidam fuisse ædificium quoddam pulchrum et altum, quod esset memoriale suæ personæ. Josephus autem, cui in hoc magis videtur credendum, scribit quod fuit marmorea statua. *Usque in diem hanc.* Dixerat enim : Non habeo filium, qui succedat mihi, et sit memoriale nominis mei. Supra scriptum est : Nati sunt Absalon tres filii. Unde elicitur, quod interim obierunt.

II Reg. XIV,
27.

Achimaas autem filius Sadoc ait ad Joab : Curram et annuntiabo regi, quia iudicium fecerit ei Deus de manu inimicorum ejus, id est, justam ultionem in ejus inimicos exercuit. Ad quem Joab dixit : Non eris nuntius in hac die, sed nuntiabis in alia die : hodie nolo te nuntiare. Filius enim regis mortuus est. Aliqui tamen exponunt, In alia, id est in alio triumpho, id est, dum rex habuerit victoriam sibi ma-

gis placentem. Nam istam victoriam audiet eum timore de occisione filii sui : qua cognita, vehementer tristabitur. *Et ait Joab ad Chusi : Vade et nuntia regi quæ videristi. Adoravit Chusi Joab,* adoratione dulci, regratians ei, quod illam legationem sibi injunxit. Hieronymus dicit, quod Chusi sit hic nomen commune, designans Æthiopem. Non enim putandum, quod Joab miserit Chusai Arachiten, amicum et consiliarium David pro ista denuntiatione agenda. Hinc alii dicunt, quod fuit alter ejusdem nominis, et longe inferior. Porro Rabbi Paulus affirmat, quod hi duo in Hebræo diversa habeant nomina, ita quod amicus David vocetur Chusai, et iste Chusi. Asserit quoque, quod Chusi in Hebræo sit nomen æquivocum, quia uno modo est nomen commune, significans idem quod Æthiops ; alio modo nomen est proprium, et qualiter hic sumatur, dicit non bene posse probari ex littera. *Et cucurrit. Rursus autem Achimaas filius Sadoc, dixit ad Joab : Quid impedit, si etiam ego curro post Chusi ? Dixitque ei Joab : Quid vis currere, fili mi ? Veni huc ; non eris boni nuntii bajulus. Qui respondit : Quid enim si cucurrero ? Et ait ei : Curre. Currens ergo Achimaas per viam compendii, transivit Chusi.*

David autem sedebat inter duas portas. Speculator vero qui erat in fastigio portæ super murum, elevans oculos, vidit hominem currentem solum. Et exclamans, indicavit regi. Dixitque rex : Si solus est currens, bonus est nuntius, hoc est, prospera annuntiatio est, in ore ejus. Qui enim adversa annuntiant, non solent se mutuo prævenire, nec taliter festinare, sed simul venire. Similiter si fugisset de prælio, non venisset sic solus. Properante autem illo et accedente propius, vidit speculator hominem alterum currentem. Et vociferans in culmine, ait : Apparet mihi alter homo currens solus. Et ait rex : Et iste bonus est nuntius. Speculator autem, Contemplor, ait, cursum prioris quasi cursum Achimaas filii Sadoc. Et ait rex : Vir bonus est, et bonum

portans nuntium, venit, scilicet ipse Achimaas, quem vides venire; ideo non est verisimile, quod fugit de praelio solus, aut præ aliis, quia ad ignaviam hoc spectaret. Interdum tamen magnitudo periculi cogit etiam eos currere, aliosque præcurrere, qui adversa nuntiant et sinistra. Præterea, quæritur quomodo David veraciter dixerit, Vir bonus est et nuntium portans bonum venit, quum Joab ad Achimaas dixerit, Quid vis currere, fili? non eris boni nuntii bajulus. Ad quod faciliter respondetur, quod annuntiatio illa fuit bona, in quantum significavit victoriam regi datam; sed mala, in quantum admixtam habuit significationem occisionis filii regis.

Clamans autem Achimaas, dixit ad regem: Salve, rex. Et adorans regem coram eo pronus in terram, ait: Benedictus Dominus Deus tuus, qui conclusit homines qui levaverunt manus suas contra dominum meum regem. Et ait rex: Estne parvulus Absalon, hoc est, estne vivens adhuc et sanus? Dixitque Achimaas: Vidi tumultum magnum, id est inquietudinem et concursum multorum, seu murmur et strepitum plurimorum andivi, quum mitteret Joab servus tuus, o rex, me servum tuum. Quod verum est. Ideo Achimaas hoc dicendo, non mentiebatur, ut aliqui opinantur: nec enim negavit se scire quod quærebatur, et veritatem obscura oratione celavit, quod licet, et hoc, ne regem contristaret. Sed forsitan videtur mentitus in eo quod addidit, Nescio aliud: et tamen qui vult eum a mendacio excusare, dicere potest, quod in nomine magni tumultus mors Absalonis includebatur, ut causa in suo effectu. Ad quem rex: Transi, ait, et sta hic.

Quumque ille transisset, et staret, ap-

paruit Chusi. Et veniens ait: Bonum apporto nuntium, domine mi rex. Judicavit enim pro te Dominus hodie de manu omnium qui surrexerunt contra te. Dixit autem rex ad Chusi: Estne parvulus Absalon? Ex paterna et tenera affectione consuevit ipsum Absalonem sic puerum nominare, quia in naturalibus erat valde amabilis et decorus. Cui respondens Chusi: Fiant, inquit, sicut puer, inimici domini mei regis, et universi qui consurgunt adversus eum in malum, id est, sic pereant et occidantur, sicut puer de quo quæris. Et loquitur Chusi iste aspernatorie de Absalone, quasi dedignans eum nominatim exprimere, et velut irrisorie eum puerum vocans. Quasi dicat: Talis hostis proprii patris, et turbator totius communitatis, non est dignus puer vocari.

Contristatus itaque rex, ascendit cerniculum portæ, et flevit. Et sic loquebatur eadens: imo (ut sequenti habetur capitulo) operuit caput suum, et alta voce clamabat: Fili mi Absalon, Absalon fili mi. ^{II Reg. XIX, 4.}

In quibus verbis repetitio est magni amoris, imo et doloris, indicium. Quis mihi tribuat ut ego moriar pro te, Absalon fili mi, fili mi Absalon? id est, utinam mortuus essem, ita quod tu adhuc viveres, et tua peccata corrigeres. Vel, utinam adhuc mori possem, quatenus tu suscitareris a morte, et pœnitentiam ageres. Ista itaque fuit causa tanti doloris in rege devoto, spirituali contemplativoque viro: quia perpendit quam periculosissime obierit filius suus vir speciosissimus, et quam gravissima esset ejus damnatio; et quoniam scivit se ac sua peccata fuisse occasionem, quod omnia mala illa Deus, cujus judicia sunt abyssus immensa, permisit. ^{Ps. XXXV, 7.}

ARTICULUS XXVIII

DE MYSTICO HUIUS CAPITULI OCTAVIDECIMI SENSU.

PER David qui populum suum consideravit, Dominus Jesus Christus omnium judex accipitur, qui universorum corda scrutatur ac opera intuetur; et qualiter dispositi sint fideles, qualibus gratiæ donis indigeant, vigilantissime pensat. Per hoc quoque, quod David exercitum suum in tres partes divisit, est figuratum, quod Christus populum suum partitur in statum incipientium, proficientium, et perfectorum; item in activos et contemplativos, ac eos qui medio modo se habent, et de utroque participant aliquid, ut sunt prælati, doctores ac prædicatores. Itemque in sæculares, spirituales seu ecclesiasticos, et religiosos; sive in virgines, conjugatos, ac viduas. Vel, in animales, rationales, ac spirituales. Per Joab demum, Abisai et Ethai, intelliguntur majores principes ac prælati; per tribunos et centuriones, minores.

* David Hæ sunt tres turmæ, quas fecit et Joab*, quas Christus mittit, instruit, distinguit et ordinat ad dimicandum contra aciem vitiorum, contra sæculi vanitates, contra dæmonum tentationes, præficiens unicuique præidentem, juxta sui status gradum et qualitatem.

Dixitque David ad populum : Egrediar et ego vobiscum. Et respondit populus : Non exibis. Sic et Christus quum dixisset Apostolis, Eamus in Judæam iterum : responderunt, Jam quærebant te Judæi lapidare, et iterum vadis illuc? Malunt quoque veri Christifideles pugnare et mori pro Christo, quam ut ipse blasphemetur, aut ejus fides, fama, religio exstinguantur. Et sicut Absalon et ejus exercitus maxime ipsum David quærebant occidere, sic principes sacerdotum, tyranni, regesque perfidii summe conati sunt nomen atque memo-

riam, cultum et religionem Christi omnino auferre de terra. *Et præcepit rex : Servate mihi puerum Absalon.* Christus etenim jussit adversarios diligere, et persecutoribus bene fieri, imo et pro crucifixoribus exoravit. Et possunt hoc loco per Absalon significari Judæi, qui erant prædilectus peculiarisque populus Dei, qui vult ut Christiani non occidant Judæos, sed inter se vivere ac manere permittant, imo et conentur ipsos convertere, juxta illud Psalmi : Deus ostendit mihi super inimicos meos, ne occidas eos.

Et factum est prælium in saltu Ephraim, id est in latitudine sæculi hujus in quo est pluralitas impiorum tanquam multitudo arborum infructuosarum. Est etenim juxta quoddam bellum inter electos et reprobos, inter fideles ac perfidos, inter virtuosos et vitiosos. *Et casus est ibi populus Israel ab exercitu David.* Impii enim tandem succumbunt, et fideles prævalent perfidis et iniquis, saltem ratione, auctoritate, Scriptura, virtute, sapientia, signis atque miraculis, multos quoque convertunt. Porro, quod Joab contra præceptum David infixit tres lanceas pectori Absalonis, hoc potest significare, quod quidam magnates ex cupiditate, crudelitate seu odio, interdum variis modis infestant, spoliunt, vel occidunt Judæos. Et quamvis Joab in eo quod princeps erat militiæ David, designet prælatum, tamen in quantum inobediens fuit regi, potest figurare diabolum : qui Absaloni infigit tres lanceas, dum amatores sæculi hujus inflamat concupiscentia carnis, concupiscentia oculorum, et superbia vitæ. Nempe et Absalon suorum pulchritudine erinium delectatus, designat homines vanos, exteriori gloriantes orna-

Apoec. ii, 23.

Matth. v,

44.

Luc. xxiii,

34.

Ps. lvi, 12.

Joann. xi, 7, 8.

1 Joann. ii,

16.

tu, non conscientiae puritate, qui proprio ornatu suas strangulant animas. Et querui, id est inquinamento carnis seu altitudini mundani honoris, manent appensi. Etenim querens in eo quod pascit porcos, designat luxuriam : in eo autem quod pulchra ac fortis est arbor, prosperitatem et honorem vitae praesentis designat. Insuper, sicut Joab infixit cordi Absalonis suspensi ad querum tres lanceas, ita diabolus cordibus hominum immundorum et superbiorum, in extremis, dum agonizant, infligere solet tres tentationes gravissimas, utpote desperationis, aut vanae praesumptionis seu securitatis de misericordia Dei, vel negligentiae, ita quod non curant se praeparare.

Quemadmodum etiam Absalon praecisus a queru, in magnam projectus est foveam, sic impii et superbi de tumore suae elationis et sublimitate praesentis status projiciuntur in Acherontis profundissimum lacum : quorum post hanc vitam tanto est major confusio, quanto in saeculo isto honoratio major praecessit : quod vituperiosa illa Absalonis sepultura praefiguravit. Siquidem magnum acervum lapidum super ambitiosissimum projecerunt ; qui etiam ante obitum suum sibi crexerat titulum, ne ejus periret memoria, quemadmodum et filii

Gen. xi. 4.

Adam dixisse leguntur : Venite, faciamus nobis civitatem et turrin, cujus cacumen pertingat usque ad coelum ; et celebremus

A nomen nostrum antequam dividamur in universas terras. De talibus fertur in Psalmo : Vocaverunt nomina sua in terris suis. ^{Ps. xlviii, 12.} Titulum autem suum vocavit Absalon, Manum suam, seu manum Absalon, quoniam tales proprium quarunt honorem. Et si quid magni agere videantur, viribus suis adscribunt, dicentes : Manus nostra excelsa. Et : Nonne in fortitudine nostra assumpsimus nobis cornua ? Econtra dicunt electi : Non nobis, Domine, non nobis, sed nomini tuo da gloriam. Et : Gratia Dei sumus quod sumus. Et : Misericordiae Dei est quod non sumus consumpti, quia non defecerunt miserationes ejus. Et : Nisi quia Dominus adjuvisset nos, paulo minus habitasset in inferno anima nostra. ^{Deut. xxxii, 27.} ^{Amos vi, 13.} ^{Ps. cxiii, 1.} ^{I Cor. xv, 10.} ^{Thren. iii, 22.} ^{Ps. xciii, 17.}

Postremo, per legatos qui victoriam regi David nuntiaverunt, intelliguntur ferventes et caritativi, qui de omni bono quod in Ecclesia agitur, de impiorum pia conversione aut justa damnatione glorificant Salvatorem, et opera sua cum gratiarum actione recitant ei. Sed sicut David fuit de Absalonis pace sollicitus, et ejus mortem acerbissime deploravit, sic Filius Dei de Judaeorum salute habuit curam, et variis modis laboravit pro ipsis : quorum civitatem, communitatem, miseriam, malitiamque deflevit ; tandemque obiit pro eisdem. Et quantum in se est, adhuc mallet pro pereuntibus crucifigi, quam illos perire permetteret.

ARTICULUS XXIX

EXPOSITIO CAPITULI NONIDECIMI : NUNTIATUM EST AUTEM JOAB, QUOD REX FLERET.

IN isto capitulo narratur deductio regis in regnum suum, et quid circa illam acciderit. *Nuntiatum est autem ipsi Joab, forsitan a Chusi vel Achimaas, quod rex fletet cordialiter dolendo, et lugeret lacrimas effundendo, filium suum Absalonem.* Et

quid mirum, quod filium, quamvis adversarium, fleverit, qui et Saulem hostem letalem tam mentaliter deploravit ? siquidem caritatis visceribus affluebat. *Et versa est victoria in die illa in luctum omni populo, id est toti exercitui regis aut multis.* ^{II Reg. i, 11, 12, 17.}

Verumtamen non doluerunt se prævaluisse, sed regi condoluerunt, et forsani multi eorum de Absalonis tristabantur interitu propter regem. *Audixit enim populus in die illa dici: Dolet rex super filio suo. Et declinavit populus in die illa ingredi civitatem, in qua rex erat, ne ejus dolor ex eorum intuitu augeretur, quomodo declinare solet populus versus et fugiens de prælio. Porro rex operuit caput suum, et clamabat voce magna: Fili mi Absalon, Absalon fili mi.*

Ingressus ergo Joab ad regem in domum suam, dixit: Confudisti, id est, erubescere fecisti et inhoneste tractasti, hodie vultus omnium servorum tuorum, qui salvam fecerunt animam tuam, id est, vitam tuam a letali impugnatione ac morte eripuerunt, dejiciendo adversarios tuos, et animam filiorum tuorum, quorum aliqui creduntur fuisse in prælio illo, et filiarum tuarum, et animam, id est animas, uxorum tuarum principalium, et concubinarum tuarum, id est secundariarum et minus principalium conjugum. Quamvis enim Absalon, si C prævaluisset, illas femineas non occidisset personas, tamen minus reverenter eas tractasset; et salvæ factæ fuerunt de timore et cordis afflictione in quibus erant, ne David succumberet. Diligis odientes te, non solum diligendo eos cordis affectu, sed exteriori quoque effectum hoc ipsum immoderate monstrando, sicut nunc agis inimicissimum filium deplorando. Et utique David vir evangelicæ perfectionis, inimicos dilexit, amando personam sive naturam, non vitium: ideoque, quod interdum D inimicos persecutus est et occidit, non fecit ex odio, sed justitiæ zelo. Et odio habes diligentes te, id est, ita te habes, ac si eos odires: quia ad magnam tristitiam eos inducis, nec signa benevolentiae et amoris nunc eis ostendis, quum tamen modo sit tempus opportunum ad hoc. Non autem oderat eos odio vitioso aut invidentiæ motu. Et vere cognovi modo, quia si Absalon viveret, et nos omnes occubuissimus victi ab illo, tunc placeret tibi res gesta hujusmo-

di. Non oportet ipsum Joab in hoc verbo a mendacio excusare. Non enim optavit rex triumphum Absalonis, sed ut non occideretur in bello imparatus omnino ad mortem. Et tamen possent hæc verba intelligi, quod rex taliter deflendo invidiosum ac pessimum filium, ita se gessit, ac si maluisset totum suum occubuisse exercitum, quam solum Absalonem. *Et ostendisti hodie quia non curas de ducibus tuis et de servis tuis, id est officariis et ductoribus particularium turmarum tui totius exercitus, scilicet me et fratre meo Abisai ac Ethai, quia per modum non curantis te habes, dum totus intentus es deplorationi sceleratissimi filii tui.*

Nunc ergo surge et procede. In fine præcedentis habetur capituli, quod David Absalonem defleverat transeundo, sed in præsentis capitulo legitur, quod operuit caput suum et clamabat voce magna: Absalon fili mi, etc. Unde elicitur, quod postquam deflevit illum eundo et forsitan capite nudo, operuit caput suum, et deploravit illum sedendo. Ideo Joab dixit, Surge: quod tamen sic posset exponi, id est, a luctu desiste. *Et alloquens, satisfac servis tuis, id est, gratias age eis, et jucunde alloquere, vicemque redde. Juro enim tibi per Dominum, quod si non exieris, sicut nunc consulo, eundo de domo usque ad portam, ne unus quidem remansurus sit tecum nocte hac, id est, ante noctis adventum omnes relinquent te, provisuri sibi de alio rege. Ad hoc enim Joab exercitum suis persuasionibus induxisset. Vel si aliqui forsitan mansissent cum rege per cordis adhæSIONem, tamen tam pauci fuissent, quod aliorum respectu quasi nulli apparuissent. Et pejus erit hoc tibi, id est major adversitas, seu majus malum pœnale, quam omnia mala pœnalia seu adversa, quæ venerunt super te ab adolescentia tua usque in præsens. Et quod ait, Omnia mala, intelligendum est exclusive, utpote cetera præter ista. Et rursus quod ait, Omnia, exponi potest vel distributive et collective, vel distributive et divisive, hoc est omnia ma-*

II Reg. xviii, 33.

Matth. v, 44.

la illa simul accepta, vel unumquodque A eorum seorsum consideratum : et hoc secundo modo potius accipiendum videtur. Verumtamen multa mala culpæ, acciderunt ipsi David, pejora his malis pœnæ.

Surrexit ergo rex David, et sedit in porta, quousque exercitus venit ad eum. Et omni populo nuntiatum est, quod rex sederet in porta. Venitque universa multitudo, id est populus, coram rege : quo veniente, assurrexit, et eos gratanter hilariterque suscepit. Israel autem fugit in tabernacula sua, videlicet illi qui fuerunt cum Absalone, et evaserunt de prælio. Omnis quoque populus, qui adhæserat Absaloni, certabat, id est, verborum disceptatione laborabat pro rege revocando, in cunctis tribubus Israel, dicens : Rex liberavit nos de manu inimicorum nostrorum. Itaque beneficia atque victorias regis ad memoriam revocabant, sieque ad eum rehabendum accendebantur. Ipse salvavit nos de manu Philistinorum, et nunc fugit de terra propter Absalon. Absalon autem quem unximus super nos, mortuus est in bello. Usquequo siletis, non loquendo ac cohortando ut rex revertatur, et non reducit is regem? Sic loquebantur ad invicem. Et consilium totius Israel venit ad regem : quia percepit, sive per legatos missos ab illis, sive per aliquem prævenientem et regi placere optantem.

Rex vero David misit ad Sadoc et Abiathar sacerdotes, dicens : Loquimini ad majores natu Juda, id est tribus Juda, dicentes : Cur venit is novissimus ad reducendum regem in domum suam? ac si diceret : D Quum sitis consanguinei mei, et de tribu eadem simus progeniti, non decet quod aliæ tribus veniant ante vos ad reducendum me. Isti de tribu Juda magis peccaverunt in regem, recedendo a rege, et adhærendo ac adsistendo adversario ejus : et tamen rex per humilitatem prævenit eos, et reddit bona pro malis, memor quod II Reg. II, 4. *erant sui cognati, et quod primo unxerunt eum sibi in regem. Et forsam coram rege apparere erubuerunt, propter infidelitatem*

quam ei exhibuerunt. Eadem ratione sanctus David prævenit Amasam filium suæ sororis per humilitatem, qui tanto plus reus fuit in regem, quanto ejus inimico Absaloni familiarior factus erat. Etenim factus fuit princeps militiæ ejus, speciali- II Reg. XVII, 25. *terque sollicitus et laborans pro ipsius David deletione. Sermo autem omnis Israel pervenerat ad regem, ut reducerent eum in domum ejus, quia dixit eis : Hæc dicetis ad populum Juda : Fratres mei vos, os meum, et caro mea vos. Quare novissimi mi reducit is regem?*

*Et Amasar dicite : Nonne os meum et caro mea es? Hæc mihi faciat Deus, et hæc addat, id est, per execrationem juro, si non magister militiæ fueris coram me omni tempore pro Joab : id est, non solum tibi offensam ignosco, sed insuper assero quod faciam te principem militiæ loco Joab, erisque vita comite princeps militum quamdiu regnvero. Verumtamen quidam exponit sic, pro Joab, id est sub Joab, adjiciens quod dictio in Hebraico posita, quandoque significat pro, quandoque sub; tamen est eadem sententia, quoniam David non intendebat amovere ipsum Joab a suo officio, sed quod iste suppleret vices ejus, loco et tempore opportuno. Hæc ille. Alii dicunt, quod David proposuit ipsum Joab ab officio suo deponere, quoniam Absalonem filium suum contra præceptum suum occidit in suis peccatis : quod utique rex valde dolenter accepit. Et verius puto, quod proposuit eum ab officio removere, quia et Josephus hoc sensisse videtur, et Magister in historiis ait sequenti capitulo, quod David præcepit Amasæ tanquam principi militiæ, Convoca mihi omnes viros Juda. Ibid. XVIII, 14, 33. *Communiter quoque expositores testantur, quod eadem causa ipse Joab occidit Abner et Amasam, puta ex ambitione, ne per eos impediretur a principatu militiæ. Et potest sic argui, quia vel ante istud tempus quo David demandavit quæ dicta sunt Amasæ, habuit ipse David aliquem quasi vicarium Joab, qui sub eo militibus præfuit, tanquam ex speciali officio vicariatus ad**

hoc determinatum, vel non. Si habuit, cur A voluit illum remove, a quo offensus non legitur, et non potius ipsum Joab, a quo fuit offensus? Si non, cur voluit jam de novo instituere tale officium? Nullibi quoque in Scriptura canonica vel authentica legitur, quod David aut posteri ejus habuerint aliquem talem determinatum ad officium principatus militiæ sub principe militum: imo si David talem habuisset, maxime (ut apparet) fuisset Abisai, cui et sequenti capitulo legitur commisisse actum principis militiæ, nec aliquo modo videtur, quod David voluerit illum a tali dignitate deponere. Insuper, super id quod sequenti capitulo scriptum est, Tolle ser-
 11 Reg. xx, 6. vos domini tui et persequere Seba, dicunt multi expositores, quod David commisit hoc Abisai, non Joab fratri ipsius: quia jam voluit Joab deponere. Imo in Scholastica fertur historia: Et ait rex Abisai, non Joab, quem jam amoverat a principatu. Postremo, quod Amasa fuisset princeps militiæ sub Joab, non fuisset contra honorem ipsius Joab: cur ergo ob hoc Amasam occidisset?

Et inclinavit cor omnium virorum Juda quasi viri unius: id est, David tam humiliter et benigne præveniando populum tribus Juda, attraxit eos concorditer ad se, ita quod omnium eorum erat quasi cor unum ad regis revocationem et reductionem. Unde subjungitur: Miseruntque ad regem, dicentes: Revertere tu et omnes servi tui speciales atque domestici, et qui tibi in persecutione hac adhæserunt. Et reversus est rex, et venit usque ad Jordanem, et omnis Juda, id est tribus Juda, venit usque in Galgalam, id est loco sic dicto, ut honorifice occurreret regi, et traderet eum Jordanem.

Festinauit autem Semei filius Gera filii Jemini de Bahurim, de quo dictum est ante: qui gravissime peccavit in David, ideo timuit jam occidi; sed confidens de elementia regis, qui ad Amasam, aliosque offensores suos tam benigne se habuit, properavit occurrere regi, ac veniam po-

stulare; et descendit cum viris Juda in occursum regis David cum mille viris de Benjamin; et Siba puer de domo Saul, et quindecim filii ejus ac viginti servi erant cum eo. Et irrumpentes Jordanem, ipse Semei et qui erant cum eo, qui cum velocitate pertransierunt Jordanem usque ad ripam oppositam in qua adhuc rex stetit, ante regem transierunt vada, id est aquas Jordanis, per quas præcesserunt regem ut servi, et ut traderent domum regis, id est ipsum regem et ejus domesticos, et facerent jussionem regis. Aqua autem Jordanis communiter magna fuit: propter quod aliqui dicunt, quod traducebant per naves; alii, quod per equos, et quod præfati præcedebant regem equestres ad perscrutandum ubi aqua erat minus profunda. Porro Josephus dicit, quod hi inter quos Semei venit, fecerunt pontem Jordanis, quatenus facilius cum exercitu suo rex transiret. Semei autem filius Gera prostratus coram rege, quum jam transisset Jordanem, dixit ad eum: Ne reputes mihi, domine mi, iniquitatem, id est, excessum meum non imputes mihi per justam vindictam, neque memineris injuriarum servi tui, in die qua egressus es, domine mi rex, de Jerusalem, neque ponas, rex, in corde tuo: id est, ad ulciscendum non recorderis injuriarum quas ego servus tuus tibi irrogavi, quando a facie Absalonis fugisti. Agnosco enim servus tuus peccatum meum: et idcirco hodie primus veni de omni domo Joseph, descendique in occursum domini mei regis.

Respondens autem Abisai filius Sarviæ, dixit: Numquid pro his verbis non occidetur Semei qui maledixit christo Domini? tanquam dicat: Non permittit justitia, ut propter hæc verba veniam consequatur, qui regi vicario Dei, et Deo jubente uncto in regem, tam enormiter forefecit et impie maledixit, ac crimen læsæ majestatis incurrit in eum. Et ait rex David: Quid mihi et vobis, filii Sarviæ? id est, cur intramittitis vos de ultione injuriæ meæ aliter quam mihi placet? Nam in hac re Joab

Ibid. xxi, 5 et seq.

11 Reg. xvi, 7, 8.

Matth.
xxvi, 10.

consensit Abisai: vel loquitur rex ambo-
bus pluraliter, eo modo quo solet aliquid
adscribi communitati aut societati, quia
competit uni aut quibusdam ex ea, juxta
quem modum Christus in Evangelio dixit
discipulis: Quid molesti estis huic mulie-
ri? ut uno modo exponitur. *Cur effieimini
mihi hodie in satan*, id est in adversarios?
quia si occideretur juxta vestram volun-
tatem nunc Semei, alii qui mihi forefecer-
unt, suspicarentur sibi idem futurum in
posterum, sieque modo discederent a me
præ timore. *Ergone hodie interficietur vir
in Israel? An ignoro me hodie factum re-
gem super Israel?* id est, jam quasi de no-
vo factus sum rex per hoc quod illi qui me
abjecerunt, recipiunt me in regem: ideir-
co non deceet quod quemquam illorum mo-
do occidam, sed sicut rex in exordio sui
dominii exercet clementiam et subjectos
hilariter tractat, ita me facere nunc oportet.
Et ait rex Semei: Non morieris, id est,
jam et me regnante non occideris pro cul-
pis tuis in me commissis. *Juravitque ei
hoc ipsum*. Verumtamen David in extremis
agens, jussit Salomoni occidere eum ob
causas infra tertio libro exponendas.

III Reg. ii,
8, 9.

II Reg. x,
4, 5.

Ibid. xi, 11.

Miphiboseth quoque filius Saul, filius
filii Saulis, utpote Jonathæ, *descendit in
occursum regis illotis pedibus et intonsa
barba*. Circa hæc scribit Petrus Comestor:
Hebræus habet, infectis pedibus, dicens,
quod fecerat sibi ligneos pedes. Asserit
quoque Lyra in Hebræo haberi, Incompo-
sita barba, quoniam filii Israel non sole-
bant tunc tondere barbam, ut supra expo-
situm est. Attamen dici potest, quod aliqui
pili barbæ tunc tondabantur, sicut et nunc
in eis quorum barba non raditur. *Vestes
quoque suas non laverat, a die qua egres-
sus fuerat rex usque in diem reversionis
ejus in pace*, id est, lavari non fecit vestes
suas, volens compati regi, nec vivere deli-
cate rege carissimo in angustiis constitu-
to: similis Uriæ, qui uxorem accedere et
pedes lavare nolebat, principe suo Joab et
populo Dei in rure jacentibus. *Quumque
occurrisset regi, dixit ei rex: Quare non*

venisti mecum, Miphiboseth? Aliqui dicunt,
quod quasi indignans, vocavit eum nomi-
ne suo. Vel forte quasi compatiens: et sic
ut Miphiboseth jam perceperat qualiter ac-
cusatus erat regi a servo suo, et qualiter
rex ipsum ob hoc spoliavit hereditariis bo-
nis; sic forsitan rex percepit innocentiam
hujus Miphiboseth, quam nihilo minus ex
ore ejus volebat audire.

II Reg. xvi,
3, 4.

*Et respondens ait Miphiboseth: Domine
mi rex, servus meus Siba contempsit me*,
id est, inobediens fuit, quia noluit mihi
providere de animali quo veherer. *Diri-
que ei ego famulus tuus, ut sterneret mihi
asinum, ut ascendens abirem cum rege:
claudus enim sum servus tuus. Insuper et
accusavit me servum tuum apud domi-
num meum regem. Tu autem, domine mi
rex, sicut angelus Dei es*, id est justus et
sapiens, *fue quod placitum est tibi de he-
reditate quam mihi abstulisti, et servo meo
dedisti. Neque enim fuit domus patris mei*,
id est posteritas Saul, *nisi morti obnoxia*,
domino meo regi, id est, ab eo occidi pro-
meruit, habendo respectum ad injurias
Saul, quas per se et suos fautores tibi in-
flixit. Jonathas tamen et alii non consen-
tientes, non erant ita morti obnoxii. Magis-
que tenebatur benefacere ipsi Miphiboseth
propter virtutes immediati patris sui Jona-
thæ, et pactum quod pariter inierunt, quam
lædere eum propter malitias Saul. Sed Mi-
phiboseth humiliter loquitur, proferens ea
quæ ad regis excusationem videbantur ali-
qualiter pertinere. *Tu autem posuisti me
servum tuum inter convivas mensæ tuæ.*
*Quid ergo hodie habeo justæ querelæ? aut
quid possum ultra vociferari ad regem?*
quasi dicat: Tanta beneficia mihi exhibui-
sti ex una parte, quod ex altera parte con-
queri nequeo, etiam si auferas data.

I Reg. xviii,
3; xx, 16.

Ait ergo ei rex: Quid ultra loqueris?
id est, non oportet te de hæc re amplius
loqui. *Fixum est quod locutus sum*, id
est, sententia contra te prolata, qua bona
tua contuli servo tuo, non potest a me re-
vocari in toto: quæ tamen utique potuit,
imo et debuit totaliter revocari; imo in

contrarium potuisset mutari, cognito errore proprio, et fraude atque malitia Sibæ. *Tu et Siba dividite possessiones* : quasi dicat, Ambobus totum dedi diversis temporibus, sed quia uterque totum habere non potest, inter vos dividatur. Sed ei cui injuste datum fuit, debuit auferri, et justo possessori totum restitui. Insuper Siba fuit juste et acriter puniendus propter iniquitates suas in Deum ac dominum suum Miphiboseth, atque ad pœnam talionis fuisset adstrictus. *Responditque Miphiboseth regi* : *Etiam cuncta accipiat, postquam reversus est dominus meus rex pacifice in domum suam.*

Berzellai quoque Galaadites senex valde, descendens de Rogelim, traduxit regem Jordanem, paratus etiam ultra fluvium prosecui eum. Erat autem Berzellai Galaadites senex valde, id est octogenarius : ex quo patet, quod et illis temporibus ætas illa valde magna reputabatur. Nam et David tunc dixerat : Dies annorum nostrorum in ipsis septuaginta anni. Unde quidam concludunt, supernaturale fuisse quod homines ante diluvium vixerunt annis nongentis aut circiter. *Et ipse præbuit alimenta regi quum moraretur in Castris. Fuit quippe vir dives nimis, et tamen liberalis ac justus, ut ex Scripturis apparet, quia suis divitiis utebatur prudenter. Dixit itaque rex ad Berzellai* : *Veni mecum ut requiescas securus in Jerusalem. Et ait Berzellai ad regem* : *Quot sunt dies annorum vite mee, ut ascendam cum rege in Jerusalem? Octogenarius sum hodie. Numquid vigent sensus mei ad discernendum suave vel amarum? id est, tantæ sum senectutis, quod gustus meus vigorosus non est ad discernendum inter duleia et amara; aut delectare potest servum tuum cibus et potus? id est, amplius non delector in delicatis ac regiis escis ac poculis; vel audire possum ultra vocem cantorum atque cantatricum? id est, in melodiis ultra non glorior, consumpto vigore sensuum exteriorum. Quare servus tuus fit oneri domini meo regi? id est, non decet ut ego qui*

A aliunde satis abundo, gravem regis præsentiam, cui deservire non valeo, confectus jam senio. *Paululum procedam famulus tuus ab Jordane tecum. Non indigeo hac vicissitudine, sed obsecro ut revertar servus tuus, et moriar in civitate mea, et sepeliar juxta sepulcrum patris mei et matris mee. Est autem servus tuus Chamaam, ipse vadat tecum, domine mi rex, et fac illi quidquid bonum tibi videtur. Dixit itaque rex* : *Mecum transeat Chamaam, et ego faciam ei quidquid tibi placuerit, et omne quod petieris a me, impetrabis. Quumque transisset universus populus et rex Jordanem, restitit et osculatus est rex ipsum Berzellai, valedicendo ei ex amore præcipuo, et pro pacis indicio, et benedixit ei; et ille reversus est in locum suum.*

Transivit ergo rex in Galgalam, id est locum famosum sic appellatum, et Chamaam filius Berzellai cum eo, quoniam David filium illum loco patris sui secum accepit. Omnis autem populus Juda traduxerat regem, et media tantum pars ad fuerat de populo Israel. Itaque omnes viri Israel, qui nondum advenerant neque ad fuerant traductioni regis per Jordanem, concurrentes in Galgala ad regem, dixerunt ei : *Quare te furati sunt fratres nostri viri Juda, et traduxerunt regem et domum ejus Jordanem, omnesque viros David cum eo? id est, cur te occulte seu non præsentibus ac scientibus nobis deduxerunt? Et respondit omnis vir Juda, id est quidam pro omnibus de tribu Juda natis, ad viros Israel* : *Quia propior est mihi rex, quum sit natus de tribu Juda. Cur irasceris super hac re? Numquid comedimus aliquid ex rege, aut munera data sunt nobis? id est, ea quæ fecimus, fecimus ex caritate ad regem, non propter bonum delectabile aut utile quod contulerit nobis, quia nec pavit nos, nec munuscula nobis largitus est.*

Et respondit vir Israel, id est populus undecim tribuum, ad viros Juda, et ait : *Decem partibus ego major sum apud regem, et primogenitus ego sum* : id est, un-

Ps. lxxxix,
10.

II Reg. xvii,
27-29.

decem tribus continentur in nobis, et sic A
decem tribubus te excedo : una quoque
Gen. XXIX, 32. tribus in me contenta, de primogenito Ja-
cob est nata, videlicet tribus Ruben ; *ma-
gisque pertinet ad me David quam ad te*,
propter has duas causas, videlicet ob di-
gnitatem primogenituræ et abundantiam
multitudinis meæ, per quam valeo ei am-
plius deservire, in qua etiam dignitas re-
gis consistit, juxta illud Proverbii : In mul-
titudine populi, dignitas regis ; in paucitate
Proverb. XIV, 28. plebis, ignominia principis. *Cur fecisti mi-
hi injuriam, et non mihi munitum est* B
priori, ut reducerem regem meum ? Durius
autem responderunt viri. Juda filius Israel :
quorum verba non sunt descripta. Sed for-
san dixerunt se digniores, quia reges ex
Gen. XLIX, 10. tribu Juda naseituros Jacob prædixit, et alia mul-
ta privilegia tribui illi fuerunt collata, et
II Reg. II, 4. primo super se in regem ipsum David un-
xerunt. Credendum autem videtur, quod
in hac contentione superba, puerili atque
inutili, David rex libenter interposuisset
se medium ad concordandum, sed præ tu-
multu nequivit. Et ecce quanta est incon-
stantia hominum, quanta mutabilitas even-
tuum humanorum : quoniam tribus istæ
quæ paulo ante regi concorditer resiste-
runt, jam inter se contenderunt, eo quod
una præ aliis fuit honorata in regis redu-
ctione. Hoc quoque pensandum, quod per
Israel hoc loco intelligantur undecim tri-
bus. Tertio autem et quarto libris, per Is-
rael intelliguntur decem tribus post regni
divisionem, quia ex tunc tribus Benjamin
adhæsit tribui Juda : propter quod per tri-
bum Juda intelliguntur ibi duæ tribus aut
III Reg. XII, 31. tres, quia et tribus Levi eis adhæsit, ut
infra habetur.

Sensus spiritualis. Spiritualiter ex isto edocemur capitulo,
exemplo sancti David, deplangere eos qui
in peccato moriuntur mortali, et improvi-
se seu alio modo in suis occiduntur pec-
catis : in quibus incomparabiliter plus do-
lenda est mors animæ sempiterna, quam
mors corporalis brevissima. Per Joab ve-
ro intelliguntur homines carnales, munda-
ni, qui præsentia attendunt potius quam

futura, et mala penalia ponderant magis
quam mala culpa, summumque malum exi-
stimant præcipuas adversitates vitæ præ-
sentis, quas vir vere spiritualis, internus
et contemplativus, respectu malorum cul-
pæ ac infernalis miseriæ, pro nihilo arbi-
tratur. Insuper docet nos historia ista, quod
vexatio sæpe dat intellectum : quoniam po-
pulus Israel quum succubisset in prælio, Is. XXVIII, 19.
consideravit beneficia David, et petiit eum II Reg. XVIII, 7.
redire. Sic multi in adversitatibus pensant
beneficia Christi, qui eos de jugo diaboli,
de servitute peccati, de tormentis liberavit
infernæ : propter quod deprecantur, ut gra-
tiose revertatur ad eos. Quemadmodum
etiam David specialiter revocavit ad se
tribum Juda et Amasam, sic Christus ec-
clesiasticos viros ac prælatos specialiter
exhortatur ad vitæ emendam, ad gratiam
pristinam, ad præsidentiam salutarem.

At vero per Semei designantur, qui in
adversis injuriuntur justis et superioribus
suis, sed eisdem in prosperis blandiuntur,
veniamque precantur. Per Miphiboseth ve-
ro accipiuntur boni fideles, qui Christo
capiti suo compati student, et ejus amore
affligunt se ipsos, ac viles consolationes
despiciunt, dum spiritualis consolatio Chri-
sti eis subtrahitur, nec exteriori ornatu
pompatico se decorant : quibus tamen ma-
ligni multipliciter obloquuntur. Ex hoc de-
mum, quod David occasione Sibæ peccavit
tam graviter, constat quam vitandi ac pe-
riculosi sint detractores et adulatores prin-
cipibus ac prælatis. Porro ex responsione
et facto Berzellai reprehenduntur antiqui,
Ibid. XVI, 4. qui non obstante senio suo, adhuc molun-
tur placere magnatibus, et magnorum se
ingerunt curiis, atque in delicatis eibis et
potibus, in canticis et musicis delectari
exquirunt, quum jam pœnitentiæ fletibus
et meditationi mortis assidue deberent in-
sistere. Verumtamen regibus licet talibus
melodiis atque solatiis pro recreatione cum
moderamine uti, quia diversis curis atque
oneribus affliguntur, premuntur et disten-
duntur. Postremo, per contentionem illam
stultam ac frivolum inter tribum Juda et

Rom. XII,
10.

ceteras tribus, præfigurata est contentio A
ambitiosorum in Ecclesia Dei, qui ex am-
bitione pro dignitatibus inter se litigant,
pro propriis sollicitantur honoribus, atque
invicem non honore et humilitate, sed ina-
ni suspicione et elatione præveniunt, dum
unusquisque se ipsum nititur exaltare, et
proximum suum vilificare. Possunt quo-
que per undecim tribus, intelligi sæcula-
res, per tribum Juda, Regi propinquiores
ecclesiastici : inter quos est frequens dis-
sensio.

ARTICULUS XXX

EXPOSITIO CAPITULI VICESIMI : ACCIDIT QUOQUE UT IBI ESSET VIR BELIAL.

II Reg. XIX,
41-43.

FREQUENTER contingit, ut post bella B
contra extraneos et expugnationem il-
lorum, sequantur periculosiora prælia in-
testina, sicut in libro de Civitate Dei os-
tendit Augustinus de Romanis. Sic in ista
historia partim jam patuit, atque in isto
capitulo adhuc aliquantulum tangitur de Ju-
dæis. *Accidit quoque ut ibi*, videlicet in
contentione descripta in fine præcedentis
capituli, *esset vir Belial*, id est sine timo-
re, jugoque disciplinæ, *nomine Seba*, vel,
ut aliqui dicunt, *Sæba*, ita quod per pun-
ctum SEGOL, id est æ diphthongon scribitur
in Hebræo, *filius Bochri*, *vir Jemineus*, id
est de semine Jemini, de quo dictum est
sæpe, eratque de semine Benjamin : et ita
hic Seba videtur fuisse de consanguinitate
Saulis, unde et pronus fuit ad rebellionem
contra David, dolens ac invidens de trans-
latione regni dignitatis a tribu Benjamin
posteritateque Saul, ad tribum Juda, et ad
ipsum David. *Et cecinit buccina*, ut ei au-
dientia præberetur, cunctis mirantibus de
improviso clangore, *et ait* : *Non est nobis
pars in David*, id est, non indigemus com-
munionem et participationem habere cum
ipso sicut cum rege ; et prout ipse inho-
noravit nos, ita et ipsum despiciamus ; *ne-
que hereditas in filio Isai*, id est, opus
nobis non est, ut jugiter huic David et
ejus posteritati adhæreamus, quasi eo re-
licto non valeamus provideri de rege ; nec
ipse hereditario jure rex est, quum sit filius

Isai, qui simplex fuit civis, non rex aut
filius regis. *Revertere in tabernacula tua,
Israel* : unusquisque nostrum de quacum-
que undecim tribuum natus, ad propria
revertatur, ut inter nos provideamus no-
bis de rege. *Et separatus est omnis Israel
a David*, secutusque est *Seba filium Bo-
chri*, id est, undecim tribus cum Seba re-
cesserunt a rege ; *viri autem Juda adhæ-
serunt regi suo a Jordane usque Jerusalem*.

*Quumque venisset rex in domum suam
in Jerusalem*, tulit decem mulieres concu-
binas, id est secundarias conjuges suas,
cognito quod filius suus Absalon cognovis-
set eas, *quas dereliquerat ad custodiendam
domum*, et *tradidit eas in custodiam*, id
est, reclusit et a virorum retraxit consor-
tiis : non tamen quasi reas in captivitatem
aut carcerem trusit, quamvis forsan cul-
pam inciderunt in concubitu illo incestuo-
so, non satis dissentiendo, aut renitendo
quantum in ipsis fuit ; *alimenta eis præ-
bens*. *Et non est ingressus ad eas*, sed *erant
clausæ usque in diem mortis suæ*. Reclusit
autem eas David, quia nec ipse voluit am-
plius eas cognoscere, quum essent a filio
suo fœdatae, nec ab alio voluit eas cogno-
sci, quoniam erant suæ uxores. Et erant *in
viduitate viventes*, id est instar viduarum,
atque in continentia viduali : sicque in
viduitate vivebant, non quod maritus earum
obierit, sed quantum ad tori separa-
tionem.

Dixit autem rex Amasa: Convoca mihi A tu egredi poterat et percutere. Ilium seu omnes viros Juda in diem tertium, et tu adesto praesens, id est, cum eis redi ad me, ut in eorum praesentia constituam te principem militiae, ut aliqui dicunt. Abiit ergo Amasa, ut convocaret Juda. Et moratus est extra placitum quod ei statuerat rex: id est, infra tres dies non rediit, quia fortassis infra spatium illud non potuit negotium adimplere, vel aliud impedimentum ei occurrit. Ait autem David ad Abisai: Num magis afflicturus est nos Seba filius Bochri, quam Absalon? id est, non deceat B ut permittamus nos infestari ab eo durius, quam nos Absalon infestavit: quod tamen fieret, si permitteremus eum diu impunitum, ita quod vel ipse vel alius constitueretur rex undecim tribuum. Tolle ergo servos domini tui, id est pugnatores ac milites qui erant vel adhuc sunt sub Joab principe militum: qui tamen secundum Magistrum in historiis, jam fuit a principatu illo amotus, vel secundum alios, amovendus. Propter quod David non commisit ei istud negotium. Attamen quidam dicunt, quod C Joab jam fuit absens ad congregandos viros qui adhæserant David regi in persecutione Saulis. Quod non videtur, quia secundum Josephum, Joab fuit praesens, nec propter illos tam paucos congregandos oportuerat ipsum Joab exire. Imo secundum Josephum, illi viri, qui erant sexcenti, exierunt cum David fugiente, et redierunt cum eo. Denique, ex statim sequentibus innotescit, quod Joab fuit in via cum Abisai; nec ulla fit mentio, quod in via venit ad eum cum congregatis ab ipso. Et perse-

quare eum, ne forte inveniat civitates munitas, et effugiat nos. Egressi sunt ergo cum eo viri Joab, Cerethi quoque et Phelethi, et omnes robusti exierunt de Jerusalem, ad persequendum Seba filium Bochri.

Quumque illi essent juxta lapidem grandem qui est in Gabaon, Amasa veniens, occurrit eis. Porro Joab vestitus erat tunica stricta ad mensuram habitus sui, et desuper gladio accinctus dependente usque ad ilia in vagina, qui fabricatus levi mo-

tu egredi poterat et percutere. Ilium seu ile, dicitur intestinum parvum, rotundum, renibus animalis adhaerens. Ex his satis apparet, quod Joab exivit cum Abisai volens placere regi, quem offendit, Absalonem contra regis imperium occidendo. Dixit itaque Joab ad Amasam: Salve, mi frater. Consuetudo enim nobilium est, ut consanguinei se invicem vocent fratres ac sorores. Et tam amoroso eum nomine appellavit, ut ille minus sibi praecaveret de dolo. Et tenuit manu dextera mentum Amasa, quasi osculans eum. Porro Amasa non observavit gladium quem habebat Joab, id est, a vulneratione gladii non praecavit: et forsitan nec gladium attendebat, nec mali quid suspicabatur de consobrino, paece jam facta per regem, et culpa sua sibi dimissa. Qui percussit eum in latere, et effudit intestina ejus in terram, et mortuus est. Unde patent crudelitas, falsitas, caliditas, simulatio impii Joab, qui strenuissimum juvenem proprium consobrinum, quem aperte invadere non audebat, tam proditorie atque saevissime uno ietu occidit, quia nec secundum vulnus apposuit. Percussit autem eum manu sinistra, et sub specie amicitiae ac osculi blandimento, apparatuque faciei sereno tantam textit mentis suae saevitiam atque invidiam, ac tantum commisit flagitium.

Porro, ut in Scholastica fertur historia, Joab arte quadam simulans quasi gladius cecidisset et reciperet eum, improvise et subito latus Amasæ perforavit, et gladium extrahendo, vulnus sic auxit, quod intestina elapsa sunt. Hinc refert Lyra quod in Hebræo habetur, Exiit scilicet ensis et cecidit: quia videlicet Joab ex proposito ita disposuit, ut caderet gladius de vagina in terram, quatenus Amasa aestimaret quod Joab levaret gladium ad reponendum in vaginam, non ad vulnerandum.

Verum ut dictum est praecedenti articulo, Joab occidit Amasam eadem causa, qua occiderat Abner, ne scilicet principatum obtineret militiae. Specialiter quoque indignabatur, ac invidebat nepoti, quod ille

II Reg. xvii,
25.

qui paulo ante fuerat contra David, quando ipse Joab non sine periculo adstitit ei, jam promoveretur a rege, et loco sui esset secundus post regem, seu militum princeps: et quantum ad hoc, videbatur factum Joab aliquantulum habere colorem, nisi tam proditorie hoc fecisset.

Joab autem et Abisai frater ejus, persecuti sunt Seba filium Bochri. Interea quidam viri quum stetissent juxta cadaver Amasæ de sociis, hoc est militibus et amicis ipsius Joab, dixerunt: Ecce qui esse volebat comes David, id est princeps militiæ regis, pro Joab. Quasi dicant: Jam apparet, quam insipienter egit, opponendo se Joab, atque ad principatum militiæ adspirando: et ubi jam excellentia ejus? Verumtamen isti loquebantur ex affectione sua pro Joab. Non enim legitur Amasa adspirasse ad illud officium; et infra habetur, quod Salomon asserit Amasam justum fuisse. Non autem est mirum aut novum, quod vir bonus ad præidentiam bene dispositus, ab homine ambizioso seu impio occidatur. Et forsitan Deus permisit Amasam sic occidi, quia excessit adhærendo

III Reg. ii,
31, 32.

Absaloni contra David. Amasa autem conspersus sanguine, hoc est, corpus ejus proprio perfusum cruore, jacebat in via. Vidit hoc quidam vir, quod subsisteret omnis populus ad videndum eum: sicut adhuc moris est, quod ad inspiciendum nova, rara, insolita, mira et improvisa, confluunt homines; et amovit Amasam de via in agrum clamans, quod juste occisus esset, quia dolose fecisset moram redeundi ad regem ultra tempus præfixum. Quod dixit,

II Reg. xvii,
25.

ne adstantes moverentur adversus Joab, et eum sequi renuerent. Operuitque eum vestimento, ne subsisterent transeuntes propter eum. Amoto ergo illo de via, transibat omnis vir sequens Joab ad persequendum Seba filium Bochri.

Porro ille, videlicet Seba, transierat per omnes tribus Israel usque in Abalam, et in Bethmaacha, hoc est per undecim tribus. Non enim per tribum Juda transierat, sed per undecim tribus, quas hortabatur, ne

*A redirent ad obedientiam David, sed se potius constituerent regem. Omnesque viri electi, id est præcipui elegantesque viri de undecim tribubus, congregati fuerant ad eum, hoc est ad Seba, volentes eum promovere. Aliqui tamen exponunt, Ad eum, id est ad Joab. Sed hoc non videtur textui consonare, quamvis etiam multi electi fuerint secum. Et quod ait, Omnes, exponendum est, quidam de omnibus. Venerunt itaque et oppugnabant eum in Abela et in Bethmaacha, et circumdederunt munitio-
B nibus civitatem, et obsessa est urbs. Omnis autem turba quæ erat cum Joab, moliebantur destruere muros. Et exclamavit mulier sapiens de civitate Abela, in qua Joab cum exercitu obsedit Seba: Audite, audite, dicite Joab: Appropinqua huc, et loquar tecum. Qui quum accessisset ad eam, ait: Tu es Joab? Et ille respondit: Ego. Ad quem sic locuta est: Audi sermones ancillæ tuæ. Qui respondit: Audio.*

*Rursumque illa: Sermo, inquit, dicebatur in veteri proverbio, id est, ex antiquis temporibus vulgariter et quasi per modum proverbii dici consuevit: Qui inter-
C rogant, hoc est, aliquid scire, addiscere, seu quærere volunt, interrogent in Abela, id est, in urbe illa invenient abundantiam sapientium hominum, ad respondendum idoneorum. Ut autem Petrus Comestor affirmat, in Hebræo non habetur, Proverbio, sed sic: Sermo dicebatur in veteri, videlicet lege, hoc est, olim in lege Moysis jussum est ut filii Israel prius offerant pacem*

Deut. xx,
10.

*urbibus impugnandis, prout in Deuteronomio legitur. Sed et alii quidam fatentur, quod vetus proverbium accipitur hic pro lege. Nihilominus advertendum, quod illud præceptum de pace offerenda, non erat intelligendum de urbibus Chananæorum, quas filiis Israel Deus promisit ac dedit in primo eorum ingressu in terram promissionis. Unde quum in Deuteronomio Dominus præcepisset, Si quando accesseris
Ibid. 10, 16.
ad expugnandam civitatem, offeres ei primum pacem, paulo post subdidit, De his autem civitatibus quæ dabuntur tibi, nul-*

Gen. XLVI,
17.

lum omnino permittes vivere. *Et sic perficiebant*, hoc est, juxta ea quæ in Abela didicerunt esse agenda, agebant. *Nonne ego sum quæ respondeo veritatem in Israel?* id est, credere debes mihi, quoniam ex speciali gratia et sapientia mihi collata, possum et soleo respondere quod verum et justum est filiis Israel. Circa hoc refert Lyra : Dicunt Hebræi, quod mulier ista fuit Sara filia Aser, quæ enim Jacob intra- vit Ægyptum, et quod habuit spiritum prophetiæ, annuntians Jacob patriarchæ ipsum Joseph non esse defunctum, quando Jacob putavit quod mortuus esset. Sed Lyra satis hoc reprobatur, quia secundum fabulam istam fuisset hæc mulier, quando hæc dixit, circiter septingentorum annorum. *Et tu quæris subvertere civitatem, et evertere matrem in Israel?* quasi dicat : Contra legem agis in hoc, quod oppidum istud quæris destruere antequam ei pacem offers, præsertim quum civitas ista ob sapientiam habitantium in ea, sit mater Israelitarum, quos instruit. Aliqui textus habent, Matrem civitatum, et sensus redit in idem, sumendo continens pro contento. Tamen in Hebræo non habetur, Civitatum. *Quare præcipitas hereditatem Domini?* hoc est, cur conaris dejicere urbem hanc, quæ est pars terræ promissionis, quam Deus pro hereditate promisit ac contulit filiis Israel?

Respondensque Joab, ait : Absit, absit hoc a me ; non præcipito neque demolior, id est, non intendo directe hoc facere, dummodo ipsum Seba seditiosum dederitis manibus nostris. *Non sic se habet res, sed homo de monte Ephraim Seba filius Bochræ cognomine, levavit manum suam contra regem David. Tradite illum solum, et recedemus a civitate.* Quocirca est quæstio, qualiter dicatur esse de monte Ephraim, quum sit dictum, quod fuit de Benjamin tribu. Respondetur, quod habitavit in monte Ephraim. *Et ait mulier ad Joab : Ecce caput ejus mittetur ad te per murum.* Unde elicitur, quod mulier ista cognovit, vel ex revelatione divina, vel ex

A conjectura humana, quod eives acquiescerent suo consilio. *Ingressa est ergo ad omnem populum* qui erat in Abela, potissime ad majores, *et locuta est eis sapienter*, id est, rationabiliter ipsis persuasit quod non possent resistere regi David, quia electus esset a Deo, et prævaluisset in præliis undique, et quod omnes qui opposuerunt se ei, perissent sen victi essent. *Qui abscissum caput Seba filii Bochræ projecerunt ad Joab per murum.* Maluerunt enim illum solum decapitari, quam periculis secum involvi. *Et ille, videlicet Joab, ceriuit buccina, in signum victoriæ, et recesserunt ab urbe, unusquisque in tabernacula sua. Joab autem reversus est in Jerusalem ad regem.*

Fuit ergo Joab super omnem exercitum Israel. Qui autem dicunt eum fuisse ab officio illo paulo ante depositum, asserunt eum jam restitutum. Et quamvis non legitur hic increpatus a rege de occisione proditoria Amasæ, probabile tamen est, quod rex dure increpaverit eum, quamvis in officio suo reliquerit eum ad vitandum disturbium. *Banaïas autem filius Joiadæ* II Reg. viii, 18. *erat super Cerethæos et Phelethæos.* Hoc supra fuit expositum. *Aduram vero erat super tributa levanda ab his qui regi sub tributo serviebant.* Porro *Josaphat filius Ahilud* erat a commentariis. Hoc quoque superius expositum est. *Siba* autem scriba.* • Siba. *Supra scriptum est, Et Saraias scriba.* Ibid. 17. Unde vir iste videtur fuisse binomius ; nec erat Siba servus Miphiboseth. *Sadoc autem et Abiathar, sacerdotes.* *Ira autem Jairites,* hoc est, de urbe sua ita cognominatus, *fuit sacerdos David,* id est specialis et proprius ejus sacerdos in sacrificiis offerendis, et quasi capellanus ipsius. Vel ut quidam exponunt, Fuit sacerdos David, id est magnus apud eum, quemadmodum Jethro dicitur sacerdos Madian fuisse ; atque (ut fertur, secundum Hieronymum) fuit magister ipsius regis, ad ejus consilium corripiebatur.

Juxta mysticum intellectum, per Seba virum Belial, intelliguntur turbatores communis, rebelles et seditiosi, qui facili

Exod. ii,
16; xviii, 1.

Sensus
mysticus.

occasione suis se opponunt superioribus, A atque ad schisma. resistantiam ac inobedientiam concitant alios; canuntque buccina, superbe aut facunde seu clamorose loquendo. Ad extrusionem quoque superioris sui adspirant, et se ipsos ad præsidentiam nituntur ingerere. *Viri autem Juda adhæserunt regi suo a Jordane usque Jerusalem.* Sic veri fideles corde, ore et opere Domino confitentes confessione propriæ culpæ ac laudis divinæ, adhærent Christo non in prosperis tantum, sed etiam in adversis, a tempore sui Baptismi, quousque ad supernam Jerusalem perducantur. Et si aliquando cadant peccando, surgunt veraciter pœnitendo. *Quumque venisset rex in domum suam in Jerusalem, tulit decem mulieres concubinas suas.* Per concubinas David ab Absalone pollutas, intelliguntur animæ imperfectæ, a quocumque hæresiarcha deceptæ: qui hæresiarcha vocat se filium Christi, id est vere fidelem, et in Baptismo in Christo renatus est. Christus vero tales animas quandoque illuminat, gratiose redeundo ad eas, atque ad ecclesiasticam unitatem has reducendo: a quibus quasi discessit, consolationem seu gratiam suspendendo aut subtrahendo, dum eas tentari et falli permisit. Quas quum ad veram reduxerit fidem, tradit custodiæ, præservando ac separando eas ab omni hæreticorum communionem ac pristina deceptione; nec ad eas ingreditur, dum solita consolatione privat easdem, ut magis humilient se.

Dixit autem rex Amasæ: Convoca mihi omnes viros Juda in diem tertium, et tu adesto præsens. Sic Salvator jubet prælatis, ut subditos suos reducant ad ipsum in fide superbenedictissimæ Trinitatis, et personaliter adsint membris ac ovibus Christi sibi commissis, ne insufficientibus eas committant vicariis. *Dixit Joab ad Amasam: Salve, mi frater.* Per Joab hoc loco intelliguntur homines fraudulentī, vene-

nati, ambitiosi, simulatores, crudeles, invidiosi, ac pessimi, qui proximorum tenent mentum dextera manu, dulciterque salutant, sinistra vero occidunt, et intestina eorum effundunt, dum ipsis adulantur, laudesque exhibent, ac foris applaudunt, sed occulte obloquuntur, nocent, affligunt, seu supplantare conantur. De quibus loquitur Jeremias: Sagitta vulnerans est lingua Jer. ix, 8. eorum; pacem cum amico suo loquitur, et occulte ponit ei insidias. Unde et in Proverbiis asseritur: Homo qui blandis Prov. xxix, 5. fictisque sermonibus loquitur amico suo, rete expandit pedibus ejus. Impiissima autem ambitio ita excæcat, pervertit, obdurat cor hominis, ut in omnia scelera paulatim labatur, nec propinquis parcat, neque amicis; et quod manifeste facere erubescit aut nequit, occulte perpetrare conetur; justos quoque et meliores se, nitatur a prælacione dejicere, et omni timore Dei neglecto, se ipsum studeat inthronizare: sed et fautores sibi studet acquirere, per quos palliet sua mala, et bonos accuset.

C *Joab autem et Abisai persecuti sunt Seba.* Sic non solum justī, sed et impiī quidam prælati et officīati, per excommunicationes, interdicta, suspensiones, pecuniarumque extorsiones, ac alios modos puniunt quosdam reos. *Exclamavit mulier sapiens de civitate.* Per mulierem hanc sapientem et eloquentem, designatur sacra prædicatorum religio et sapientia sacerdotum, quæ in Ecclesia clamat, atque ad inquisita respondet, et increpat eos qui sacra loca demoliuntur. Caput etiam Seba D amputari procurat, et projicit ipsi Joab, quoniam seditiosorum rebelliumque superbiam ostendit esse mox perituram et condemnandam. *Fuit ergo Joab super exercitum.* Nam et Christus interdum ambitiosos ac impios permittit ad tempus regnare, qui propter peccata populi, facit regnare hypocritam. Job xxxiv, 30.

ARTICULUS XXXI

ELUCIDATIO CAPITULI VICESIMI PRIMI : FACTA EST QUOQUE FAMES IN DIEBUS DAVID.

Ps. xxxv, 7.

PRÆSENS describit capitulum, qualiter A incomprehensibilis Deus, cujus judicia sunt velut abyssus multa, declaravit suam justitiam in ultione justa propter injuriam Gabaonitis illatam. *Facta est quoque fames in diebus regni David*, hoc est in regno suo : fames (inquam) sterilitatem terræ sequens, *tribus annis jugiter. Et consuluit David oraculum Domini*, id est, responsum a Deo petivit per sacerdotem pontificem, ut sæpius dictum est, aut per Prophetas. Dicuntque aliqui, quod primo anno illius famis non consuluit Dominum, quia putavit sterilitatem illam ex naturali contingere causa : nec anno secundo, quia putavit eam venire propter idolum Michæ, quod erat adhuc in tribu Dan : propter quod, idolum illud destruxit. Sed sterilitate non cessante, consuluit Dominum. Sed istud de idoli Michæ destructione facta per David, non videtur consonare ei, quod scriptum est in Judicium libro : Posueruntque sibi sculptile, et Jonathan filium Gersam, filii Moysis, ac filios ejus sacerdotes in tribu Dan, usque ad diem captivitatis suæ. Mansitque apud eos idolum Michæ omni tempore quo fuit domus Dei in Silo. Et quamvis verba hæc dupliciter exponantur, prout super Judicium scripsi, tamen secundum nullam expositionum illarum, conveniunt præfatæ assertioni.

Judic. xviii, 30, 31.

Dixitque Dominus, respondendo regi devoto per sacerdotem, seu alio modo præfacto : *Propter Saul et domum ejus sanguinum, quia occidit Gabaonitas*, id est propter scelera ipsius Saul et sobolis suæ, atque fautorum et cooperarum ipsius, quia Gabaonitas interfecerunt injuste : idcirco domus sanguinum appellantur. Vel quia multorum sanguinem fuderunt inju-

ste : vel quia sanguinis proprii effusionem promeruerunt. Vel, Sanguinum, id est vitiorum. Præterea quæritur, cur pro peccato Saul et suorum tandiu præterito, puniti sint David ac populus ejus fame tam longa, seu terræ sterilitate. Respondetur, quod David negligens fuit, non faciendo justitiam Gabaonitis pro eorum injuria, et multi eorum qui participes erant peccati Saul, ac ei fuerunt cooperati, vixerunt adhuc. Communitas quoque frequenter punitur propter peccatum commissum ab aliqua parte seu persona ipsius, in quantum omnes de una communitate, sunt quodammodo unum, quemadmodum in libro Josue fertur de Achan et filiis Israel. Nec tamen Deus in tali casu derogat his qui in ipsa communitate sunt innocentes de hujusemodi vitio quod punitur : quoniam pius ac sapiens Deus pœnam quam sustinent, ordinat eis ad majus bonum, videlicet ad purgationem aliarum quas habent culparum, seu gratiæ incrementum.

Josue vii.

Vocatis ergo Gabaonitis, rex dixit ad eos. Cur autem non licuit Saul et suis occidere Gabaonitas, subjungitur. Porro Gabaonitæ habitantes in urbe nomine Gabaon et aliis oppidis ei annexis, scilicet Caphira et Beroth et Cariathiarim, prout Josue describit, *non erant de filiis Israel*, id est de stirpe Jacob, aut tribubus ejus, *sed reliquæ*, id est posteri quidam, Amorrhæorum, qui confugerunt ad Josue. *Fili quippe Israel juraverant eis*, videlicet Josue et principes tribuum, quod non occiderentur, nec ipsi, nec eorum posteri a filiis Israel. Nam fœdus pacis inierunt cum eis, ut Josue narrat, idcirco et Saul, ac suo tempore existentes Judæi, tenebantur fœdus istud implere. *Et voluit Saul percutere eos zelo*,

Ibid. ix, 17.

Ibid. 3-11.

Ibid. 15.

Ibidem.

quasi pro filiis Israel et Juda : hoc est, A quod iniit cum Jonatha, ut dictum est sæpe, imo et cum Saul, ut patuit primo libro, ubi legitur Saul dixisse ad David : Jura mihi in Domino, ne deleas semen meum post me, neque auferas nomen meum de domo patris mei. Et juravit David Sauli. Dixit etiam David Gabaonitis, quod vindictam quærerent nimis magnam : ideo temperaverunt postulationem suam, dicentes : *Dentur nobis septem viri de filiis ejus*, id est de semine ejus, et propinquiores eadem, *ut crucifigamus eos Domino*, id est ad Dei honorem, et ad divinæ æquitatis ostensionem, quia non solum peccavit in nos, sed item in Deum, *in Gabaa urbe Saul*, in qua habitavit, *quondam electi Domini*, quia electus fuit ex toto populo, ut ungeretur a Samuele in regem, et ad regnandum temporaliter super populum Dei. *Et ait rex : Ego dabo*, quia Deo sic placet, et quia bonum rei publicæ id requirit.

Deut. xx, 16, 17. Amorrhæos omnino exterminari, ad utilitatem undecim tribuum ac commodum tribus Juda, dicens, quod Gabaonitæ terram filiis Israel promissam occuparent injuste, et expedire quod urbes ac terræ Gabaonitarum filiis Israel redderentur. Verumtamen zelus Saulis fuit indiscretus, et magis creditur motus avaritia, quam justitia : quoniam urbes et possessiones Gabaonitarum erant in Benjamin tribu, ideo eas optavit ; atque ut fertur, percussit Gabaonitas ex odio sacerdotum quos ante occiderat, quoniam Gabaonitæ sacerdotibus serviebant, ligna et aquas comportando ad domum Dei, prout in Josue scribitur eis injunctum. Porro, quod in multis libris subjungitur, Ne perimerent eos, in Hebræo non habetur : ideo non est de textu, sed ab aliquo expositore fuit adjunctum, eo quod subintelligatur.

Josue ix, 27.

Dixit ergo David ad Gabaonitas : Quid faciam vobis? et quod erit vestri piaculum, id est placatio ac satisfactio pro injuria vobis illata? Piaculum quandoque sumitur pro peccato ; aliquando pro satisfactione peccati, et ita hic capitur. *Ut benedicatis hereditati Domini*, hoc est, bona impremini filiis Israel, orando pro ipsis ex corde, et pro terræ fecunditate, sicque vobis reconciliatis, Deus populo suo peculiari ac terræ benedicat. *Dixeruntque ei Gabaonitæ : Non est nobis super auro et argento questio*, id est, pecuniam non quærimus, *sed contra Saul et contra domum ejus : neque volumus ut interficiatur homo de Israel*. Ad quos rex ait : *Quid ergo vultis ut faciam vobis? Qui dixerunt regi : Virum qui attrivit nos et oppressit injuste**, videlicet ipsum Saul seu posteros ejus, et ipsum in sua posteritate ac sobole, *ita delere debemus, ut nec unus quidem residuus sit de stirpe ejus, in cunctis finibus Israel*. His auditis, David eis persuasit, quod id facere non posset, propter fœdus

I Reg. xviii, 3; xx, 16.
Ibid. xxiv, 22, 23.
Ibid. x, 1, 24.
Ezech. xviii, 20.
I Reg. xxii, 18.

Qualiter autem filii propter peccata parentum, quandoque temporaliter ac corporaliter juste puniantur, quia quantum ad corpus, sunt aliquid suorum parentum, et propter alias causas, dictum est sæpe. Filii autem non portant iniquitatem parentum quantum ad animam, ita quod bonis gratiæ non privantur propter parentum excessus, quoniam animam immediate habent a Deo. Præterea mirum videtur, quod Deus filios Israel et posteros Saul ita punivit, propter injuriam a Saule Gabaonitis illatam, et non etiam propter interfectionem sacerdotum, quos sceleratissime interfecit. Ad quod aliqui dicunt, quod filii et cognati sacerdotum illorum, indulserunt tantam injuriam. Multa quoque sunt facta, quæ non sunt descripta. Sed et interfectio sacerdotum et percussio civitatis eorum, fuit una causa non minima, ob quam interfectus et regno privatus est Saul. Est quoque probabile, quod populus Israel magis consensit Sauli in persecutione Gabaonitarum, quam sacerdotum.

Pepercitque rex Miphiboseth filio Jonathæ filii Saul propter jusjurandum Do-

* inique

mini, quod fuit inter David et Jonathan A
filium Saul.

Tulit itaque rex David duos filios Res-
spha filiae Aia, quos peperit ipsi Saul.

II Reg. iii, 7, 8. Ista est Respha concubina Saul, ad quam
ingressus est Abner, ut supra legitur. Ar-

moni et Miphiboseth : ita vocati sunt. Et
est iste Miphiboseth alter a filio Jonathæ.

Porro, secundum Magistrum in historiis,
hi duo adhuc pueri cum Doeg occiderunt
sacerdotes Nobe, et postea Gabaonitas :

ideirco specialiter nominantur, qui spe-
cialiter erant culpabiles. Omnes autem le-

gitimi filii Saulis jam mortui erant. Et
quinque filios Michol filiae Saul, quos ge-

nuerat Hadrieli filio Berzellai qui fuit
de Molathi : et dedit eos in manu Gaba-

onitarum. Qui tanquam alieni a sanguine
Israelitarum, fuerunt satis ferventes ad

I Reg. xviii, 19. primo libro continetur, quod Merob filia
Saul major, data est Hadrieli uxor ; et in

eodem libro fertur, quod Michol uxorem
David dedit Saul Phalti filio Laïs. Quomo-

Ibid. xxv, 44. do ergo Michol dicitur hos quinque filios
peperisse Hadrieli ? Et respondendum, quod

erant naturales atque legitimi filii Merob
præfatæ ex Hadriele, sed filii adoptivi is-

tius Michol. Qui crucifixerunt eos in mon-
te coram Domino, id est ad beneplacitum

Dei. Paulo ante dixerunt Gabaonitæ, Cru-
cifigamus eos in Gabaa : quod fuit in ma-

jorem Saulis confusionem, quod in urbe
sua seu prope eam in loco tam eminenti,

posterius sui sunt lignis appensi. Et ceci-
derunt hi septem simul occisi in diebus

mensis primæ, incipiente mensione hordei. D

Tollens autem Respha filia Aia cili-
cium, substravit, id est, substratorium et

quasi lectum sibi fecit, ibi supra petram,
id est locum petrosum, ab initio messis,

quæ in terra illa incipit cito propter ea-
lorem, donec stillaret super eos aqua de

cælo, id est, circiter usque calendas Se-
ptembris : quia tunc juxta terræ illius na-

turam primo descendere solet pluvia post
messem. Alii sic exponunt, et forsitan me-
lius, dicentes, quod juxta commune legis

præceptum, suspensi in patibulis debebant
primo die deponi ac sepeliri, prout in Den-

teronomio habetur ; sed hoc in istis ser-
vatum non est, quoniam David ex divina

revelatione cognovit ut manerent in ligno,
quousque imber descenderet, in signum

quod Dominus propitiatus esset terræ ac
populo. Nam fames orta fuit ex sterilitate,

sterilitas ex siccitate : ejus ablatio fuit
irrigatio terræ ex pluvia. Alii dicunt, quod

manserunt tam diu in ligno, quatenus gen-
tiles audientes eos esse occisos propter in-

juriam irrogatam Gabaonitis ex gentilitate
ad Judaismum conversis, allicerentur ad

ritum fidemque Judæorum. Et non dimi-
sit aves lacerare eos per diem, neque be-

stias per noctem : quia erant de semine
regio, et filii sui aut affines. Habuit quo-

que aliquos secum custodientes corpora
illa, alioqui timuisset sola de nocte, nec

tempus dormiendi habuisset aliquando.
Et nuntiata sunt David quæ fecerat Re-

spha filia Aia concubina Saul, videlicet
tanta ejus fidelitas, reverentia, et dilectio

etiam circa defunctos : quod placuit regi.
Unde et ipse animatus exemplo Resphæ,

fecit quod subditur. Et abiit David cum
comitiva honesta, et tulit per suos mini-

stros ossa Saul et ossa Jonathæ filii ejus
a viris Jabes Galaad, qui morabantur in

terra Galaad, in oppido nomine Jabes ;
qui furati fuerunt ea de platea Bethsan,

in qua suspenderant eos Philistiim, quum
interfecissent Saul in monte Gelboe, hoc

est, qui in nemore juxta oppidum suum
sito sepelierant corpora Saul ac Jonathæ,

ut habetur in fine primi libri. Et asporta-
vit inde ossa Saul et Jonathæ filii ejus ; et

colligentes cum reverentia ossa eorum, qui
affixi fuerant, sepelierunt ea cum ossibus

Saul et Jonathæ filii ejus in terra Benja-
min, in latere, in sepulcro Cis patris ejus,

hoc est ad latus illius sepulcri : quod et
fecerunt solennius. Feceruntque omnia
quæ præceperat rex. Et repropitiatus est

Deus terræ, fecunditatem condonans.
Consequenter tanguntur in littera qua-
tuor bella David adversus Philistæos. Fa-

Deut. xxi,
23.

I Reg. xxxi,
13.

etum est autem rursus praelium Philistinorum adversus Israel. Et descendit David et servi ejus cum eo, et pugnavit contra Philistiim. Deficiente autem David, forsitan ex labore, et eo lassato, praesertim quia jam erat antiquus, quia ut infra tangetur, istud fuit ultimum praelium ejus, ** Jesbibe-nob* *Jesbi de Nob* * Philistaeus vir giganteus, qui fuit de genere Arapha, id est giganteo, secundum Hebraeos. Verumtamen Magister in historiis circa hoc scribit : Tradunt Hebraei Arapham fuisse Orpham nurum Noemi, quae genuit viro Gethaeo quatuor gigantes, qui hic nominantur, quorum unus dictus est Jesbi de Nob, secundus Saph vel Ziph, tertius Goliath, quartus qui habuit senos digitos in manibus ac pedibus. Cujus ferum hastae trecentas uncias appendebat, et accinctus erat ense novo. Secundum Lyrām, in Hebraeo habetur, Qui accinctus erat de novo, ita quod Ense, non est de textu. Et dicunt Hebraei, quod factus erat miles die illo : propter quod voluit fortitudinem suam monstrare in persona regis, ut subditur, *Nisus est percutere David. Praesidioque ei fuit*, id est, subsidium impendit, *Abisai filius Sarviae*, interponens se fortiter, et caput regis defendens viriliter, et percussum Philistaeum illum interfecit : quod fuit probissimum factum. Tunc, videlicet bello peraeto, *juraverunt viri David*, id est praecipui et familiares pugnatōres ac milites ejus, *dicentes : Jam non*, id est plus de cetero, *egredieris nobiscum in bellum* : unde elicitur, quod istud fuit ultimum praelium David ; *ne exstinguas lucernam Israel*, hoc est, ne clara tua praesentia et persona tollatur a nobis. Vel, ne claritas tuae memoriae minuatur per hoc, quod in bello victus dicaris.

Secundum quoque bellum fuit in Gob, id est loco sic nuncupato, contra Philistaeos. Quod ait, Secundum, non designat hic ordinem rei gestae, sed narrationis : nam praelium istud contigit ante illud, quod immediate jam descriptum fuit, quod ultimum erat tempore. Tunc, scilicet in praelio illo, *percussit Sobochai*, id est vir

A et miles David sic dictus, *de Husathi*, id est loco illo, *Saph de stirpe Arapha*, sicut expositum est, *de genere gigantum*. Hic interponit Josephus historiam belli unius, quod in littera non narratur ; et ait quod aliud bellum fuit in Gob, in quo fuit robustus vir Ephron nomine, cognatus David, qui suis in fugam versis, plurimos hostium solus occidit, ceterosque fugavit.

Tertium quoque, secundum ordinem descriptionis et narrationis istius, *fuit bellum B in Gob contra Philistaeos* : quod tamen secundum ordinem temporis fuit primum inter haec bella ; *in quo percussit Adeodatus filius Saltus polymitarius Bethlehemites Goliath Gethaeum*. Istud omnes exponunt de bello, in quo David prostravit Goliam seu Goliath gigantem de Geth. Et ponuntur hic quatuor nomina David : qui primo vocatur Adeodatus, quia desuper fuit gratiose concessus populo Israel pro ejus regimine ac salute. Secundo vocatur filius Saltus, quia de saltu seu locis arboris et pascuis fuit assumptus in regem, quum greges pavisset ibidem ; vel quoniam tempore Saul frequenter morabatur ac latebat in silvis. Tertio dicitur polymitarius, quoniam fuit de stirpe Beseleel polymitarii egregii tempore Moysis, ut patet in Exodo ; vel, quoniam cultum Dei magnifice decoravit et auxit. Est autem polymitarius, architector seu artifex : et dicitur a poliendo. Quarto vocatur Bethlehemites, quia de Bethlehem natus. Verumtamen primo libro habetur, quod David in valle Terebinthi percussit Goliath. Ad quod respondetur, quod in valle illa fuit quaedam pars quae vocata est Gob, eratque particularis locus situs in valle illa. Cujus hastile, hoc est stipes hastae, erat quasi liciatorium textentium, id est dispositum instar ligni, circa quod texentes licia involvunt : quo insinuat fortitudo, sive soliditas hastae illius. Circa haec scribit quidam, quod David non fuit in aliquo bello ante singulare illud certamen cum Goliath. Contra quod objici posset, quia ut dictum est primo libro,

1 Reg. xvii, 50.

Ibid. xvi, 11-13.

Exod. xxxi, 2.

1 Reg. xvii, 2, 50.

ante illud singulare certamen unus dixit A
ad Saul de David : Vidi filium Isai Bethle-
hemitem fortissimum robore, et virum
bellicosum.

I Reg. xvi,
18.

Quartum bellum fuit in Geth, hoc est
prope oppidum illud Philistinorum ; *in*
quo vir fuit excelsus, id est giganteæ sta-
turæ, *qui senos in manibus pedibusque*
habebat digitos, hoc est sex in qualibet
manu, et totidem in pede utroque. Ideo
subditur, *id est, viginti quatuor*. Sicque
fuit homo monstruosus, terribilis. *Qui fuit*
de origine Arapha : et blasphemavit Is- B
rael, hoc est Israeliticum populum tan-
quam superstitiosum atque sacrilegum.
Percussit autem eum Jonathan filius Sem-
mae fratris David. Dicunt aliqui, quod
Jonathan iste fuit frater ipsius Jonadab,
qui (ut supra legitur) dedit consilium Am-
non non bonum. Veruntamen Josephus
illum Jonadab nominat Jonathan, sicque
videri potest alicui, quod idem ipse fue-
rit Jonadab, ac binomius fuerit. Et tamen
unum et idem nomen frequenter habet
aliquam variationem in syllaba una vel C
pluribus, præsertim in fine.

II Reg. xiii,
3, 5.

Hi quatuor præfati gigantes, nati sunt
de Arapha, hoc est Orpha aut alia femina
gigantea, *in Geth*, ut dictum est plenius ;

et ceciderunt in manu David et servorum
ejus, singuli in manibus singulorum, ita
quod unus corruit in manu ipsius David,
alter in manu Abisai, etc.

Juxta intelligentiam spirituales patet
ex isto capitulo, quam enorme peccatum
sit, frangere votum aut juramentum, aut
impotentes ac subditos injuste opprimere,
quia pro tali excessu punitus est populus
Israel tribus annis continue grandi caristia.
Rursus patet ex dictis, quam culpabiles
coram Deo existant prælati ac præsiden-
tes, qui subditos delinquentes corripere
negligunt : ex qua negligentia oritur fa-
mes, hoc est spiritualis inopia relectio-
nis internæ. Insuper patet ex isto capitu-
lo, quod quamvis valde commendabile sit
propriam injuriam propter Deum omnino
dimittere, quoad culpam et pœnam, inter-
dum tamen sit licitum zelo justitiæ ultio-
nem secundum ordinem juris expetere, ne
periclitetur bonum commune, nec justitia
conculcetur, et ne mali fiant ad peccan-
dum audaciores. Postremo, per bella Da-
vid regis, et fortissimorum militum ejus
contra quatuor Philistæos gigantes, præfi-
gurati sunt spirituales conflictus Christi
et fidelium perfectorum contra principes
tenebrarum.

Sensus
spiritualis.

ARTICULUS XXXII

EXPLANATIO CAPITULI VICESIMI SECUNDI : LOCUTUS EST AUTEM DAVID DOMINO.

SANCTUS David post labores certami-
num, post impugnationes ac vulnera
vitiorum, post inquietudines multas, ma-
gnam tandem quietem sortitus, studuit
Deo gratus existere ; et grates ei devotis-
sime obtulit, super his psalmum metricè
faciens, sicut nunc legitur. *Locutus est*
autem David Domino, hoc est, Deo cecinit
ad ipsius honorem, *verba carminis hujus*
in die, id est tempore, et interiori mentis

D fulgore ex divina illuminatione quæ diem
gratiæ produxit in ejus corde, *qua liberavit*
eum Dominus de manu omnium inimico-
rum suorum, non solum visibilium, utpo-
te gentium quæ in circuitu ejus erant, sed
etiam invisibilium : a quibus in aliquibus
tentationibus fuerat victus, sed per pœni-
tentiam (Deo auxiliante) surrexit, præva-
luit, ac deinceps custoditior fuit ; *et de*
manu Saul, qui præ ceteris hominibus

II Reg. xi,
4 ; xii, 13.

ipsum David fuit acrius persecutus, ideo post generalem inimicorum expressionem specialiter nominatur. Quemadmodum autem Josephus protestatur, quum David pace altissima frueretur, cantica et hymnos composuit, alios trimetros, alios pentametros; et organa fecit diversa, in quibus Levitæ et cantores in sabbatis aliisque solennitatibus canerent Deo hymnos seu psalmos.

Et ait : Dominus petra mea, et robur meum, et salvator meus. Psalmus iste in libro Psalmorum septimusdecimus est in ordine, et titulus ibi ei præscriptus, ex præinductis verbis ab Esdra est sumptus. Porro, ad exponendum hoc loco psalmum istum, laborare aut immorari non volo, quia in expositione super Psalterium eum litteraliter spiritualiterque exposui. Aliqua tamen exponam, in quibus verba cantici hujus a verbis differunt psalmi illius. In Psalterio quippe psalmus iste sic incipit: Diligam te, Domine, fortitudo mea. Sicque pro eo quod dicitur ibi, Fortitudo mea, dicitur hic, Petra mea: hoc est, causa totius soliditatis ac fortitudinis meæ, qui figit me ac fundat in stabili fidei fundamento. Sic et Apostolus loquitur: Petra erat Christus.

1 Cor. x, 4.

Deus meus fortis, id est fortificator meus, et sperabo in eum. Scutum meum, et cornu salutis meæ, et elevator meus: quia in sublimitate et excellentia donorum naturæ ac gratiæ, in regiæ dignitatis fastigio me locavit; et refugium meum, salvator meus, de iniquitate liberabis me. Laudabilem invocabo Dominum, et ab inimicis meis salvus ero. Quia circumdederunt me

Ps. xvii, 5.

Ibidem.

contritiones, id est dolores, mortis, ut habetur in Psalmo, torrentes Belial terruerunt me. In libro Psalmorum habetur, Torrentes iniquitatis conturbaverunt me. Et per torrentes Belial, possunt ad litteram intelligi abundantia et impetus persecutionum, quibus Saul frequenter ipsum David terruit ac turbavit, ita ut aliquando desperaverit se posse evadere. *Funes inferni circumdederunt me,* hoc est dolores gehennæ, sicut in Psalterio legitur; *prævenierunt me laquei mortis,* etc.

1 Reg. xxiii,

26.

Ps. xvii, 6.

Ascendit fumus de naribus ejus. In Psalterio scriptum est, Ascendit fumus in ira ejus, et idem est sensus, quia metaphorice fatur de Deo, quasi de homine irato, de cujus naribus fumus procedit, ex igne iracundiæ nascens. *Et ignis de ore ejus vorabit.* In Psalterio fertur, Ignis a facie ejus exarsit: sensusque idem est, qui super Psalterium requiratur. *Carbones succensi sunt ab eo,* etc. *Posuit tenebras in circuitu suo latibulum, cribrans aquas de nubibus cælorum.* In Psalterio dicitur, Tenebrosa aqua in nubibus aeris. Dicuntur enim nubes cælorum, id est cæli aerei, quia generantur ac moventur in aere virtute ac influxu cælestium corporum. Et sicut per cribrum decidunt grana, ita de nubibus guttatim aquæ descendunt: quod Deus principaliter agit, quamvis fiat per causas naturales; imo quandoque Deus supernaturaliter facit hujusmodi, sicut ad Samuelis petitionem Dominus dedit voces, hoc est tonitrua et pluvias, ut dictum est primo libro. *Et apparuerunt effusiones maris,* etc.

Ps. xvii, 9.

Ibidem.

Ibid. 12.

1 Reg. xii, 18.

In Psalterio scriptum est, Et apparuerunt fontes aquarum. Fontes namque, sicut et flumina, ex mari magno fontaliter habent originem, ita quod fontes sunt effusiones maris, hoc est aquæ effusæ ex mari originaliter profluentes. *Liberavit me ab inimico meo potentissimo,* scilicet Saule rege. In Psalterio pluraliter dicitur, Eripuit me de inimicis meis fortissimis, id est Saule et principibus ejus. In Scripturis quoque frequenter ponitur singulare pro plurali, et econtra. *Et ab his qui oderant me, quia robustiores me erant,* etc. *Et eduxit me in latitudinem.* Liberavit me, quia placui ei. In Psalterio dicitur, Quia voluit me: et idem est sensus, quoniam ideo fecit hoc Deus, quia sic placuit ei, et quia sic voluit, sicut in Evangelio ait Salvator: Etiam, Pater, quia sic placuit ante te.

Ps. xvii, 16.

Ibid. 18.

Ibid. 20.

Matth. xi, 26.

Cum sancto sanctus eris, et cum robusto perfectus. Et cum electo electus eris, et cum perverso perverteris. Et populum pauperem salvum facies, oculisque tuis excelsos humiliabis. In Psalterio scriptum est,

- Ps. xvii, 28.* Oculos superborum humiliabis : et redit in A idem, quoniam sensus est, quod Deus per sapientiam atque justitiam suam, quibus omnia intuetur ad judicandum, humiliat, deprimit et condemnat superbos, et specialiter oculos eorumdem interiores, quibus se apprehendunt tanquam magnum aliquid et præclarum : quibus per aeternam damnationem dat intelligere quantum erraverint, ita quod dicunt, Quid profuit nobis superbia? aut divitiarum jactantia quid contulit nobis? Interdum quoque in vita hæc misericorditer mentes eorum illustrat, B ita quod se vere et virtuose humiliant, dicentes : Qui se putat aliquid esse, quum nihil sit, ipse se seducit. *Quis est Deus præter Dominum? et quis Deus fortis præter Deum nostrum?* In Psalterio legitur : *Ps. xvii, 32.* Quis Deus præter Deum nostrum? Dicitur autem, nullus fortis præter Dominum, quoniam omnis creatura ex se ipsa infirma est atque deficiens, et a divina omnipotentia ac virtute infinite occumbens.
- Deus qui præcinxit me fortitudine, et complanavit perfectam viam meam.* In C Psalterio fertur, Posuit immaculatam viam meam : et sensus est idem, utpote quod Deus conversationem meam ab obliquitate vitiorum, et distortitudine iniquitatis fecit immunem, dando mihi emendationem condignam in omnibus. *Coequans pedes meos cervis.* In Psalterio : Qui perfecit pedes meos tanquam cervorum. *Et super excelsa statuens me,* id est, virtutem et agilitatem præstitit mihi ad insequendum ac supe-
- randum celeriter adversarios meos invisibiles atque visibiles, quemadmodum cervus sine offendiculo currit velociter. *Dilatasti gressus meos subtilis me, et non deficient tali mei.* In Psalterio : Et non sunt infirmata vestigia mea : et redit in idem, quoniam sensus est, quod gressus seu processus mei in bonis ac virtutum profectibus perseverabunt in finem. Cetera patent ex declaratione psalmi præfati super Psalterium introducta.
- Postremo, circa hæc quærit Isidorus, cur psalmus iste præ ceteris psalmis in libro isto Regum sic inseratur. Et respondet, Non immerito, quoniam psalmus iste regnum illud significat, in quo adversarium non habemus. Quis autem figuratur in David, nisi ille, qui secundum carnem venit ex semine David, et in corpore suo mystico, quod est Ecclesia, adhuc patitur inimicos? Quando autem meretur hoc corpus eripi de manu omnium inimicorum suorum, nisi dum novissima destruetur mors, I ut perveniatur ad regnum Dei? Porro lit- ^{26.} *I Cor. xv,*
- teraliter poterit responderi, quod ideo psalmus iste hic ponitur, quoniam directe correspondet præinductis victoriis, beneficiisque Dei regi David concessis, de quibus in carmine isto regratiatur Altissimo; atque ut David in hoc ipso proponatur aliis in exemplum; et item ut clarius innotescat, quod ipse in tot tantisque periculis, præliis, diffortuniis, dolis et inquietudinibus, sola prævaluit divina virtute. Quod totum in psalmo isto diffusius declaratur.

ARTICULUS XXXIII

EXPLANATIO CAPITULI VICESIMI TERTII : HÆC AUTEM VERBA SUNT NOVISSIMA.

EXCELLENTIA propheticæ revelationis regi David concessa, hic tangitur. *Hæc autem verba sunt novissima,* supple, a David prolata : et quæ sint illa, subjun-

gitur, *quæ dixit David filius Isai.* Aliqui dicunt eum protulisse hæc verba in mortis articulo seu agone, et quod verba ista sint psalmus specialis, aliis psalmis non annu-

meratus. Et utique dici potest quoddam speciale canticum, lausque divina. *Dixit vir cui constitutum est de Christo, Dei Jacob*, id est, cui desuper facta est revelatio atque promissio de incarnatione, adventu et mysteriis Messiae, Salvatoris mundi, qui est Christus Dei, unctus a Deo Patre omni charismate Spiritus Sancti plenissime, juxta illud in Psalmo : Unxit te Deus, Deus tuus, oleo lætitiæ præ participibus tuis. Et in Isaia : Spiritus Domini super me, eo quod unxerit me. De quo et in Actis sacratissimus princeps ait Apostolorum : Unxit eum Deus Spiritu Sancto et virtute. Quamvis autem Deus omnipotens sit Deus universorum jure creationis, gubernationis, conservationis et salvationis, specialiter tamen et frequenter in veteri Testamento vocatur Deus ipsius Jacob patriarchæ, seu populi nati ex eo. *Egregius psalles Israel*, id est præclarus psalmista Israeliticæ plebis : quæ psalmos David præcipue decantavit et frequentavit in templo, sicut nunc in ecclesia faciunt Christiani. Psalmi etenim multis excellentiis decorantur, videlicet sensuum profunditate, devotionis fervore, verborum suavitate, ac Christi mysteriis. Unde, ut divinus Dionysius protestatur, quidquid in sacra continetur Scriptura, in libro Psalmorum per modum divinæ laudis includitur : ideo psalmi in divino Officio maxime frequentantur.

Spiritus Domini, videlicet Spiritus Sanctus, *locutus est per me*, tanquam per organum animatum et intellectuale, quoniam ex divina revelatione pronuntiavi Christi mysteria, et alia multa futura ac divina præconia. Propter quod gloriosissimus apostolici chori vertex in secunda sua ait Canonica : Non voluntate humana allata est aliquando prophetia, sed Spiritu Sancto inspirati, locuti sunt sancti Dei homines. *Et sermo ejus per linguam meam* prolatus est, ita quod verba mea sunt sermo ipsius, cujus directione locutus sum, et qui specialem gratiam componendi psalmos, dulciterque psallendi præstitit mihi, ut dicere queam : Dominus dedit mihi linguam cru-

ditam. Denique Sermo Dei increatus, videlicet Verbum Patris æternum, per os et linguam David locutus est. Nam opera superbeatissimæ Trinitatis sunt indivisa. De quo sermone ad Hebræos asseritur : Vivus est sermo Dei et efficax.

Dixit David, Deus Israel mihi locutus est, allocutione interna, juxta illud : Audiam quid loquatur in me Dominus Deus.

Revelationes autem prophetiæ ministerio angelorum sunt factæ, prout D. Dionysius et doctores concorditer tenent. Aliis quoque modis locutus est Deus ad David, videlicet per pontificem quando petivit Dei oraculum per arcæ applicationem, et per Nathan ac Gad prophetas. *Fortis Israel*, id est confortator ac omnipotens protector Israeliticæ plebis, seu ipsius Jacob, qui alio nomine dictus est Israel. *Dominator hominum justus* : quoniam legem justissimam dedit hominibus, et nulli injuriam facit, aut violentiam infert tyrannice, imo unicuique reddit juxta quod promeretur, nec acceptor est personarum. Dominatur quoque hominibus non ob commodum suum, quia honorum nostrorum non indiget, nec aliquid boni ex nostro obsequio ei accrescit quo ipse perficiatur aut beatior fiat ; sed ut homines perficiantur ac beatificentur in eo, obediendo ejus dominio.

Hinc scriptum est in Job : Absit a Deo impietas, et ab Omnipotente iniquitas. Opus enim hominis reddet ei, et juxta vias singulorum restituet eis. *Dominator in timore Dei* : non quod ipse cum timore dominetur hominibus, qui non veretur personam ejusquam ; sed dominando dat hominibus gratiam, per quam serviunt ei cum timore filiali aut initiali, ac tali timore præcepit se timeri. Propter quod ait Apostolus : Serviamus cum metu et reverentia. Atque in Psalmo : Servite Domino in timore, et exultate ei cum tremore. Unde in Evangelio ait Salvator : Eum timete, qui habet potestatem corpus et animam perdere in gehennam.

Consequenter David declarat, qualiter factæ sint sibi revelationes prophetiæ ac

Hebr. i, 9;
Ps. XLIV, 8.

Is. LXI, 1.

Act. x, 38.

Hebr. iv,
12.

Ps. LXXXIV,
9.

I Reg. xxx,
7, 8; xxii, 5;
II Reg. vii,
2 et seq.; xii,
1 et seq.

Gen. xxxii,
28; xxxv, 10.

Apoc. xii,
12.
Is. xlii, 2.

Ps. xv, 2.

Job xxxiv,
10, 11.

II Petr. i,
21.

Hebr. xii,
28.
Ps. ii, 11.

Matth. x,
28.

Is. l, 4.

divinae. *Sicut lux auroræ, oriente sole, mane absque nubibus rutilat* : id est, clare per intellectualem, spiritualem ac anagogicam illuminationem, non per imaginarias visiones manifestatae sunt mihi veritates divinae, mysteria Christi, et ea quae in psalmis conseripsi. Sicque lux gratiae prophetalis menti meae in sua puritate resplenduit absque phantasmate, sicut lux solis lucet in aere absque nube eam fuscente et operiente. *Et sicut pluvius germinat herba de terra* : id est, sicut terra de se sicca et infecunda, ex pluviae irrigatione fecundatur ad germinandum virgulta; sic anima mea de se caeca et infructuosa, ex divini luminis infusione, aeternique fontis influxione, illuminata et fecunda effecta est ad vaticinandum secreta coelestia. Specialiter vero inducit similitudinem istam, ad innuendum quod sicut terra ex pluviarum humore habet fecunditatem, sic Deus prænuntiavit regi David ex suo semine Christum nasciturum, non virtute terrena, sed virtute coelesti ex superventione et actione Spiritus Sancti in Virgine, quemadmodum ab Isaia est praedictum de Christo : *Ascendet coram eo sicut virgultum, et sicut radix de terra sitienti.*

Is. LIII, 2.

Nec tanta est domus mea apud Deum, id est, ego et soboles mea non sumus tantae reputationis, dignitatis aut meriti coram Deo, ut pactum aeternum iniret mecum firmum in omnibus atque munitum, id est, ut mihi certe promitteret Christum nasciturum de semine meo naturali et humana virtute, sed supernaturali, divina, coelestique potestate operante Spiritu Sancto, cujus virtute formatum fuit corpus Christi in utero Virginis in instante. Ideirco subjungitur : Cuncta enim salus mea, id est, omnis gratia, virtus et felicitas animae meae, supple, ex Deo est; et ex sua pietate procedit, dependet, perficitur, non ex viribus meis; et omnis voluntas, id est, tota affectio mea, supple, in ipsum conversa est, et adunata ac stabilita, ita quod sicut omne bonum ab ejus misericordia praestolor, sic totum in ipsum refundo ac ordino.

A Veruntamen Deus promisit ipsi David certissime Christum ex ejus semine nasciturum, juxta illud in Psalmo : Juravit Dominus David veritatem, et non frustrabitur eum : *De fructu ventris tui ponam super sedem tuam. Similiter ei praedixit certissime, quod regnum suum perpetuaretur in Christo. Veruntamen Deus non promisit regi David promissione absoluta et certa, quod posterij ejus regnarent super populum Israel indesinenter per omne tempus veteris Testamenti : sed hoc promisit ei sub conditione, videlicet si in Dei obsequio permanerent, prout supra dictum est plenius : et de hoc etiam potest exponi quod dictum est, Nec tanta est domus mea. Præterea advertendum, quod in locutionibus provenientibus ex prædominante et excessivo affectu amoris, doloris, devotionis aut compunctionis seu gaudij, solet esse truncatio quaedam verborum, ita ut necesse sit subintelligi aliquid : quia excessus affectionis, vehementia doloris, ardor devotionis, abundantia jucunditatis abrumpunt verba, sermonemque intercidunt, sicut dum Christus deplorans Jerusalem, dixit : Quia si cognovisses et tu, et quidem in hac die tua, quae ad pacem tuam, nunc autem abscondita sunt ab oculis tuis. Sic et Sponsa in Canticis, Ego, inquit, dilecto meo, et dilectus meus mihi. Sic quoque est cum præinductis jam verbis David. *Nec est quidquam ex ea quod non germinet* : id est, tota voluntas mea jam ita accensa est, et devotionis spiritu imprægnata, ut quidquid ex ea procedit aut fit, sit fructuosum, atque ad Dei gloriam ordinatum.*

Ps. CXXXI,

11.

II Reg. VII,

8 et seq.

Luc. XIX,

42.

Cant. VI, 2.

Prævaricatores autem quasi spinæ evelluntur universi, id est, de medio justorum ac electorum tolluntur ac separabuntur, sicut spinæ extrahuntur ab agro, ne noceant herbis et fructibus bonis; quæ non tolluntur manibus. Spinæ namque ob suam acutiem nuda manu non evelluntur, ne pungant et lædant manum tollentis seu auferentis. Ideo subditur, et si quis tangere eas voluerit, armabitur ferro et ligno lanceato, id est ferrato : hoc est, cum ferreo

instrumento aut pala ferrata eas eradicabit, *igneque succensæ, comburentur usque ad nihilum*, id est, ad nihil utiles erunt, nisi ut totaliter comburantur, sicut dignis-

Matth. III, 10.

Ps. LI, 7.

Matth. XXV, 32, 46.

Is. XXVI, 10.

Malach. III, 18; IV, 1.

Nahum I, 10.

Amos V, 10.

simus ait Joannes Baptista : Omnis arbor quæ non facit fructum bonum, excidetur et in ignem mittetur. Hinc impio ait Psalmista : Deus destruet te in finem, evellet te, et emigrabit te de tabernaculo tuo, et radicem tuam de terra viventium. Istud, quantum ad corpus et animam, reprobis fiet plenarie in die generalis judicii, quando judex, rex et legifer noster segregabit electos a reprobis, sicut segregat pastor agnos ab hœdis ; et ibunt electi in vitam æternam, reprobi autem in ignem perpetuum, juxta illud in Isaia : Tollatur impius ne videat gloriam Dei. Unde et in Malachia scriptum est : Videbitis quid sit inter justum et impium. Ecce enim dies veniet succensa quasi caminus ; et erunt omnes superbi et facientes impietatem stipula, et inflammabit eos dies veniens, quæ non relinquet eis radicem. De quibus et Nahum ait : Sicut spinæ complectuntur se ad invicem, ita convivium eorum. Istud quoque, quantum ad animam, particulariter fit in mortibus singulorum pravorum.

Porro, hujusmodi spinis recte comparantur iniqui, quia vitiorum aculeis pleni sunt, impatientes, pungitivi, asperi et amari, correctionem caritativam ac justam, et debitam correctionem non sustinentes, sed remordentes. De quibus loquitur Amos propheta : Odio habuerunt corripientem, et perfecte loquentem abominati sunt. Ideo manibus non tolluntur, id est, miti ac simplici visitatione a sua non cessant malitia ; sed si quis voluerit eas tangere, id est taliter induratos debite castigare, armabitur ferro et ligno lanceato, id est rigore justitiæ et aspera invectione, ac suæ auctoritatis potentia, sicque per pœnas refrenabit hujusmodi, et ad meliora compellet, aut de corpore Ecclesiæ separabit. Quidam putant ipsum David hæc ad litteram prophetasse de Judæis incredulis, qui pro eo quod Christum et ejus discipulos abjecerunt, per

A Romanos vastati sunt, et de terra sua evulsi, quorum civitatem, templum, partemque populi combusserunt Romani.

Consequenter describuntur elegantiores pugnatores ac milites David. *Hæc sunt nomina fortium David* regis, qui fuerunt præcipue fortes, quum tamen haberet multa millia robustorum virorum. *David sedens in cathedra*, videlicet ipsemet David in regali residens throno, *sapientissimus* fuit præ ceteris, quia propheta eximius et valde illuminatus a Deo, peritissimus quoque in bellicis rebus. Nam et regem decet esse omnino divinum et sapientissimum præ subditis suis, quos oportet illuminari, judicari et gubernari ab ipso. Ideo sicut sol excedit astra in claritate, sic rex debet subjectos excedere in sapientia et virtute.

Quod autem subjungitur, *princeps inter tres*, quidam referunt ad verba statim præhabita, exponendo de ipso David, ut dicatur princeps inter tres, id est fortior unoquoque trium fortissimorum. Habuit enim tres fortissimos, ut infra patebit. Alii referunt verba hæc ad sequentia, ita quod numerus fortium David regis incipit ab his verbis, ut sit sensus : Princeps inter tres, id est primus trium fortissimorum.

Ipsa est quasi tenerrimus ligni vermiculus, qui octingentos interfecit impetu uno : qui primo Paralipomenon Jesbaam nuncupatur ; quem Josephus vocat Eusebium, et addit quod interfecit nongentos impetu uno. Verumtamen primo Paralipomenon fertur, quod levavit hastam suam supra trecentos vulneratos : quod aliqui exponunt de alia et minori ejus victoria ; istud vero de victoria ejus majori. Sive autem istud exponatur de David, sive de Jesbaam, dicendum, quod ideo comparatur tenerrimo ligni vermiculo, qui teredo seu terebella vocatur : quoniam sicut vermiculus ille in sua natura est mollis valde ac tener, et tamen tam acriter rodit, acutemque mordet, ut durum perforet lignum ; sic David fuit valde mansuetus in domo et circa subjectos, et patiens in adversis ; tamen in solio judiciali et contra hostes,

I Par. XI, 11.

Ibidem.

nullus eo acutior. Similiter Jesbaam ad A suos fuit mansuetus, sed acutissimus contra hostes. Vel propter nobilitatem ac tene-ritudinem complexionis, comparatur uter-que sen alter istorum præfato vermiculo.

Præterea causa diversitatis expositionis istius est, quod quidam ipsum David connumerant fortibus istis, et sic totum quod dictum est, exponunt de ipso. Alii non connumerant eum : quod magis videtur textui consonare, in quo ita præmittitur, Hæc nomina fortium David; moxque subjungitur. Sedens in cathedra sapientissimus. Quasi B dicatur : Ipse rex præfertur fortibus suis qui deinceps enumerantur. Denique, sicut dicunt expositores, non legitur ubi vel quando David vel Jesbaam occiderit octingentos viros impetu uno; sed puto id contigisse in prælio contra Amalecitas, quod (ut in primo libro scriptum est) duravit a vespera ad vesperam alterius diei, in quo et tot fuerunt occisi, ut ibi dicatur : Et non evasit ex eis quisquam, nisi quadringenti viri adolescentes. Dicit autem quidam, non esse intelligendum, quod David C interfecit octingentos viros propria manu, sed quod per ejus probitatem fuerunt principaliter interfecti. Verum per probitatem ipsius fuerunt in multis bellis occisi, non octingenti dumtaxat, sed et millia multa.

Post hunc Eleazar. Ex hoc constat, quod si prædicta exponantur de David, nulla hic mentio esset de Jesbaam, qui tamen in Paralipomenon ponitur primus inter fortes. Itaque post hunc Jesbaam fuit Eleazar, filius patris ejus Ahohi. Ut refert Hieronymus, dicunt Hebræi, quod Ahohi fuit frater Isai patris David. Propter quod in Scholastica fertur historia, quod Eleazar fuit filius patris David. In Paralipomenon autem et etiam hic, si immediate præhabita exponantur de Jesbaam, dicitur quod fuit filius patris ipsius Jesbaam : ideo apparet dicendum, quod etiam Jesbaam fuit cognatus, consobrinusque David regis. Inter tres fortes, quia Eleazar iste fuit unus de tribus fortissimis, qui erant cum David

quando exprobraverunt Philistiim, id est, Philistæi maledixerunt filiis Israel, et congregati sunt illuc in prælium, id est in loco dicto Phesdomim, prout primo Paralipomenon recitatur. Quumque ascendissent viri Israel ad pugnandum contra Philistiim, et statim ex timore fugissent, prout ex Paralipomenon comprobatur, ipse stetit et percussit Philistæos donec deficeret manus ejus, id est fortitudo corporalis seu utraque manus præ lassitudine : non tamen in bello succubuit : et obrigesceret, id est, stupida seu rigida fieret, cum gladio, ietum ietui continuando, et ex concursu sanguinis occisorum decurrentis ac inspissati ad manus ipsius. Verumtamen non videtur solus istud fecisse, quum primo Paralipomenon scriptum sit : Iste fuit cum David in Phesdomim; fugeratque populus a facie Philistinorum. Ili steterunt in medio agri, et defenderunt eum. Quumque percussissent Philistæos, etc. Fecitque Dominus salutem magnam in die illa, id est, grandem prosperitatem atque victoriam contulit filiis Israel per ipsum Eleazar. Et populus qui fugerat, scilicet ejus exercitus, reversus est ad caesorum spolia detrahenda, id est, ad spoliandum Philistæos occisos.

Et post hunc, Semma filius Age de Arari, id est loco sic dicto : et ita non fuit Semmaa frater David. Et congregati sunt Philistiim in statione, hoc est in loco et expeditione. Erat quippe ibi ager lente plenus. Quumque fugisset populus Israel a facie Philistiim, stetit ille in medio agri, et tutatus est eum, id est, pugnavit pro populo suo, et eum defendit. Percussitque Philistæos; et fecit Dominus salutem magnam.

Isti tres, videlicet Jesbaam, Eleazar et Semma, fuerunt tres fortissimi. Unde aliqui dicunt, quod quilibet horum fortissimorum expugnavit unum exercitum, ideoque fortissimi nuncupantur. Alii autem tres, qui post illos fortissimos fuerant fortiores, ideo fortiores dicuntur, quoniam unusquisque eorum occidit unum gigan-

1 Reg. xxx, 17.

1 Par. xi, 11.

Ibid. 12.

1 Par. xi, 13.

Ibidem.

Ibid. 13, 14.

II Reg. xxi,
17, 18, 21.

tem, prout supra dictum est de Abisai, et Sobochai ac Jonathan. *Necnon et ante descenderant tres, qui erant principes inter triginta.* De istis tribus est difficultas præcipua, an fuerunt tres primi robustissimi, vel tres alii qui post illos fuerunt robustiores: quia de his tribus, qui dicuntur hic principes inter triginta, statim subjungitur, quod attulerunt aquam David regi de cisterna quæ erat in Bethlehem. Hanc autem aquam dicit Josephus fuisse allatam a tribus fortissimis primi ordinis. Cui assertioni videtur consonare hic textus, quia post descriptionem apportationis aquæ illius, adjicitur: Hæc fecerunt tres robustissimi. Idem habetur primo Paralipomenon: imo si textus ille libri Paralipomenon acute inspicatur, videtur aperte insinuari ibidem, quod erant tres robustissimi. Verum his contrariari videtur, quod in libro de Hebraeis quæstionibus, allatio illa aquæ adseribitur tribus fortioribus secundi ordinis, videlicet Abisai, et duobus præfatis sibi adjunctis. Magister quoque in historiis tenet hoc, et addit, quod historia libri Regum, utpote textus iste, adseribit hoc Abisai et Banaïæ atque Sobochai. Quod et alii quidam affirmant, quia quod dictum est, Neenon et ante descenderant tres, qui erant principes inter triginta, exponunt sic: Tres qui erant principes inter triginta, id est principaliores et fortiores triginta fortibus, qui immediate sequebantur in ordine istos tres fortiores. Unde et infra in isto capitulo legitur: Hæc fecit Banaïas, et ipse nominatus inter tres robustos, qui erant inter triginta nobiliores.

Ibid. 15.

Verumtamen non oportet istud ita exponere, quia non solum isti tres, sed etiam tres primi fortissimi erant principaliores ac fortiores triginta fortibus. Unde pro eo quod dicitur hic, Qui erant principes inter triginta, primo Paralipomenon legitur: Descenderunt autem tres de triginta principibus, id est tres de numero principum triginta virorum fortium, hoc est tres principes ipsorum triginta robustorum virorum. Lyra quoque, qui studiosus fuit circa

A sensum litteralem atque historias, tenet quod tres illi qui aquam attulerunt ad David, fuerunt tres primi robustissimi: quod et probabilius reor. Nam et opus illud, fuit opus summæ audaciæ, ut infra patebit. Commendatio quoque Abisai ac Banaïæ, tam hic quam in Paralipomenon describitur post recitationem apportationis aquæ illius.

Itaque de tribus illis fortibus primi ordinis, id est tribus fortissimis, subditur: *et venerant tempore messis ad David in speluncam Odollam:* quando adhuc fugiebat a facie Saul, ut patuit primo libro. Est autem Odolla nomen urbis, de qua in Michæa habetur, Usque ad Odollam veniet gloria Israel: a qua non multum distabat desertum in quo erat spelunca. *Castra autem Philistinorum erant posita in valle Gigantum.* In Paralipomenon dicitur, In valle Raphaim. Est enim eadem vallis, de qua dictum est supra. *Et David erat in presidio,* id est loco munito et firmo, prout infra clarius exponetur. *Porro statio Philistinorum tunc erat in Bethlehem,* id est prope oppidum illud. Circa quod quæritur, qualiter statio Philistinorum tunc potuit esse in Bethlehem, si castra eorum erant in valle Raphaim. Ad hoc in Scholastica respondetur historia, quod castra posuerunt in valle Raphaim usque ad civitatem Bethlehem.

Desideravit ergo David aquam de lacu, id est puteo Bethlehem, *et ait: Si quis.* In libro Paralipomenon additur: *O si quis. Daret mihi potum aquæ de cisterna, quæ est in Bethlehem juxta portam!* Circa hoc ait Hieronymus: Dicunt Hebræi, quod magis desideravit experiri militum suorum robur atque audaciam, quam poculum aquæ. *Iruperunt ergo,* id est, audacter pertransierunt, *tres fortes castra Philistinorum, et hauserunt aquam de cisterna Bethlehem quæ erat juxta portam, et attulerunt ad David:* redeundo per castra Philistinorum, qui obstupescences illorum audaciam, ab ipsorum impugnatione abstinuerunt. *At ille noluit bibere, sed libavit,* id est sacri-

I Reg. xxii,

1.

Mich. i, 15.

I Par. xi,

15.

II Reg. v,

18.

I Par. xi,

17.

ficavit, *cum Domino*: non quod sacerdotis officium usurparet, sed vel per manum sacerdotis libavit, vel extenso vocabulo, libavit, id est, ad Dei honorem effudit hanc aquam, gratias agens Deo, qui tam fortes et audaces milites sibi dedit, et de salubri reditu eorundem, ut tangit Glossa. *Dicens: Propitius sit mihi Dominus, ne faciam hoc*, id est, gratiose et pie custodiat me, et præservet a potatione istius aquae, quam potando peccarem: non quia culpa sit aquam potare, sed quia indecens erat aquam tam periculose allatam, tam modicum reputare, atque in proprium usum convertere, et non potius Deo offerre, qui tantam magnanimitatem ac vim dedit nobilissimis illis militibus, quorum periculum non erat parvipendendum. Hinc subditur: *Num sanguinem hominum istorum qui profecti sunt, et animarum*, id est vitæ eorum, *periculum bibam?* id est, fas non est ut bibam hanc aquam cum labore et periculo sanguinis ac vitæ ipsorum allatam. *Noluit ergo bibere. Ille fecerunt tres robustissimi*. Ex quo patet, quod isti erant tres fortes primi ordinis.

De fortibus vero secundi ordinis sequitur: *Abisai quoque frater Joab filius Sarviae, princeps erat de tribus*: non utique de tribus fortissimis jam præfatis, sed erat princeps de tribus, id est unus de tribus fortioribus, seu tribus fortibus secundi ordinis, inter quos fuit præcipuus. *Ipsa est qui levavit hastam suam contra trecentos, quos interfecit*, id est in uno bello, eodemque tempore: et forsitan in bello contra Amalecitas præfacto, in quo David cum quadringentis viris interfecit maximam turbam; *nominatus in tribus*, id est inter tres fortiores computatus, *et inter tres illos nobilior*, id est ceteris duobus in factis præclarior, *eratque eorum princeps*, id est principalis inter ipsos; *sed usque ad tres primos non pervenerat*, id est, nulli illorum trium fortissimorum fuit æqualis: pervenit tamen ad eos, et attigit ipsos, ita quod immediate sequebatur eos in ordine fortium.

Et Banaias filius Joiadae, non Joiadae pontificis, de quo infra, sed alterius viri fortissimi: sed quod subditur, *magnorum operum*, potest exponi tam de Banaia, quam de patre ejus: quia uterque magnorum fuit operum perpetrator: *de Absceet urbe natus. Ipse percussit duos leones Moab*, id est duos viros magnates, et instar leonum audaces ac fortes Moabitas. In Paralipomenon dicitur, *Duos Ariel*; sed idem est sensus, quia ibidem per Ariel intelligit Glossa leones. Ideo non videtur posse salvari, quod aliqui dicunt in Paralipomenon dici, *Ariel*. *Et ipse descendit in lacum, et percussit leonem in media cisterna in diebus nivis*. Nam tempore nivis lapsus fuit leo ille in foveam, quæ nive fuerat cooperta: a qua quum egredi non valeret, irrugiit. Cujus rugitu pertransiens ibi Banaias audito, intravit et interfecit leonem illum, qui vere et proprie dicitur leo: sicque cisterna illa aut parvam aut nullam habuit aquam. Porro, ut refert Hieronymus, Hebræi per leonem istum intelligunt ipsum Joab, quem post mortem David Banaias occidit in tabernaculo Domini juxta altare: quod vocatur cisterna, quoniam sicut cisterna purgat immunda, sic altare per sacrificia sua expiat hominum vitia. Sed hanc expositionem doctores communiter non sequuntur.

Ipsa quoque interfecit virum Ægyptium, virum dignum spectaculo, id est similem quasi giganti: quia statura ejus erat quinque cubitorum, sicut in Paralipomenon continetur; *habentem in manu hastam. Itaque quum descendisset ad eum in virga*, id est cum baculo: et bene ait, *Descendisset*, quia Judæa situ altior est Ægypto; *vi extorsit hastam de manu Ægyptii, et interfecit eum hasta sua*: quemadmodum David Goliath proprio ense. Glossa Hieronymi per istum Ægyptium intelligit ipsum Semei, qui ideo vocatur Ægyptius, quoniam sicut Ægyptius quem in Levitico legitur Moyses propter suam blasphemiam lapidasse, Deum Israel blasphemavit, sic Semei David regem, ut patuit supra. Qui fuit dignus spectaculo, quoniam spectaba-

1 Par. xi, 22.

III Reg. ii, 34.

1 Par. xi, 23.

1 Reg. xvii, 51.

Lev. xxiv, 10, 11, 23.

II Reg. xvi, 5-8.

III Reg. II,
36 et seq.

tur an egrederetur Jerusalem; habuitque hastam in manu, id est legem, quam si bene meditatus fuisset, permanendo in Jerusalem, non perisset. Ad quem descendit Banaïas cum virga, id est in rectitudine iustitiæ. Verum hæc expositio videtur nimium spiritualis: nec enim Semei habuit quinque cubitos in statura. Ideo scribit hic Lyra: In libro de Hebraicis quæstionibus exponitur istud de Semei; sed expositio illa in nullo concordat textui. Propter quod et consimilia, liber Hebraicarum quæstionum super Regum, a multis peritis dicitur non esse Hieronymi, sed cujusdam Judæi, quia et Hieronymus in libro suo de Viris illustribus, inter libros suos nominat tantum super Genesim librum suum Hebraicarum quæstionum. Hæc Lyra. Verumtamen si bene pensemus ista et consimilia verba Hieronymi, ipse potius scribit hæc recitative quam assertive. Porro Magister in historiis istud exponit de duobus Ægyptiis, per quorum unum intelligit Semei. Attamen textus Regum ac Paralipomenon non loquitur hic nisi de uno Ægyptio: ideo sic tenendum est, quod scilicet fuit unus dumtaxat natione Ægyptius.

Hæc fecit Banaïas filius Joiadæ. Et ipse nominatus inter tres robustos, id est unus trium fortiorum: ut Petrus Comestor et alii multi exponunt, dicentes, quod Banaïas fuit secundus inter tres fortes secundi ordinis. Quod videtur repugnare præhabitis, quum dictum sit, quod tres illi fuerunt qui supra leguntur occidisse tres gigantes ibi notatos, videlicet Abisai, Sobochai et Jonathan. Et respondendum, quod tres fortiores a diversis diversimode assignantur: omnes tamen dicunt ipsum Abisai atque Sobochai fuisse de tribus illis; sed pro Jonathana quidam ipsum Banaïam assignant. Quidam vero hic scribit, quod Banaïas nominatur inter tres robustos, non quia esset de numero eorum, sed quoniam propter probitates suas poterat quasi equiparari uni eorum, propter quod numeratur ante triginta sequentes. Dicit quoque, quod alii duo fortiores, videlicet Sobochai et Jona-

than, hic tacentur, quoniam supra satis expressi sunt. Attamen si juxta expositionem istius, Jonathan ille ideo dicitur unus trium fortiorum, quia occidit gigantem, videtur et Banaïas posse dici unus illorum, quum et ipse (sicut jam patuit) Ægyptium giganteum occiderit virum. Plura quoque magnifica de ipso leguntur, quam de Jonathan illo. Itaque, Ipse nominatus inter tres robustos secundi gradus seu ordinis, *qui erant inter triginta meliores**, id est fortiores et eminentiores triginta fortibus tertii gradus. Verumtamen usque ad tres non pervenerat, id est, nulli trium fortium primi ordinis fuit æqualis. Tamen primo Paralipomenon fertur de eo, quod erat inter tres robustos nominatissimus, id est valde

* nobilio-
res

I Par. XI,
24.

Ibid. 25.

Præterea advertendum, quod etiam in assignatione trium fortissimorum aliqui diversificentur. Unde in Scholastica narratur historia: Ab enumeratione fortium prædicta Hebræus dissentit, numerans tantum triginta sex fortes; et in tribus primis numerat ipsum David, quem dicit multos occidisse impetu uno, quoniam pro peccato quod impetuose fecit cum Bethsabee, multi occisi sunt.

Deinde numerantur et exprimuntur in textu triginta fortes. *Asael frater Joab inter triginta fortes, Elehanan filius patru ejus de Bethlehem, Semma de Harodi, Elica de Harodi, Heles de Phalti, Hira filius Acces de Thecua, Abiezzer de Anathoth, Mobonnai de Husati, Selmon Ahohites, Maharai Netophathites, Heled filius Baana, et ipse Netophathites, Ithai filius Ribai de Gabaath filiorum Benjamin, Banaia Pharathonites, Heddai de torrente*

Gaas, Abialbon Arbathites, Azmareth de Beromi, Eliaba de Salaboni, Filii Jassen, Jonathan et Semma de Orori, Aiam filius Sarar Arorites, Elipheleth filius Asbai filii Machati, Eliam filius Achitophel Gelonites, Hesrai de Carmelo, Pharai de Arbi, Igaal filius Nathan de Soba, Bonni de Gadi, Selec de Ammoni, Naharai Berrothites armiger Joab filii Sarriar, Ira Jethrites, Gareb et ipse Jethrites, Urias Ieththens. Plana est littera. Et constat ex verbo hoc, quod David habuit fortes istos antequam cepit regnare super totum Israeliticum populum : nam Asael fuit occisus, quando ipse David super solam tribum Juda regnavit, vel non habuit omnes simul, sed successive.

Concluditur autem in fine hujus capituli : *Omnes triginta septem.* Si enim istis triginta fortibus addantur tres robustissimi et tres robustiores, fiunt triginta sex. Quibus si addatur vel Jonathan, ab his qui dicunt eum non esse de numero trium fortiorum, vel Banaías ab his qui dicunt ipsum de numero illorum trium non esse, C habentur triginta septem. Quibus si ad-

dantur David et Joab, inveniuntur triginta novem fortes, et triginta octo fortes ipsius David. Porro Joab non exprimitur hic inter fortes, vel quia ejus fortitudo satis insinuat per hoc, quod scribitur fuisse princeps militiæ, vel quia præfuit omnibus fortibus regis, vel quia inter fortes demeruit nominari propter turpia facta sua, quibus proditorie et inique occidit strenuissimos viros ipsoque meliores, Abner et Amasam. Quocirca mirum apparet, quod strenuissimus ille Amasa inter fortes non ponitur : quod forsitan contigit, quia adhæsit Absaloni adversus regem David : vel quoniam ejus fortitudo sufficienter expressa est supra, per hoc quod Absalon fecit eum principem militiæ Israel, et quoniam David rex principatum militiæ ei promisit, aut etiam dedit, secundum quosdam. Postremo, præter præfatos habuit David et alios plures fortes, qui primo Paralipomenon exprimuntur ; sed prænominati erant insigniores. Itaque in Paralipomenon habetur : Porro viri fortissimi, id est valde fortes, in exercitu regis seu principis militiæ, erant Asael frater Joab et Elehanan, etc.

II Reg. iii, 27; xx, 10 et III Reg. ii, 32.

II Reg. xvii, 25.

Ibid. xix, 13.

I Par. xi, 26 et seq.

ARTICULUS XXXIV

DE SPIRITUALI HUIUS VICESIMI TERTII CAPITULI INTELLECTU.

DAVID regem et prophetam, esse Christi summi regis, altissimique prophetæ figuram, constat. Porro Jesu Nazareno constitutum est de Christo Domini, id est, in ipso vere impletum est*, quæ de Christo fuerunt prænuntiata, ita quod ipse est verus Christus, cui omnes Prophetæ testimonium perhibent : qui est *egregius psalles Israel*, quia in Evangelio præclarissime cecinit carmina laudis Patri, quæ docuit Israel, id est populum christianum divinorum contemplatorem. Per hunc Jesum Christum locutus est Spiritus Sanctus, quia

nunquam protulit verbum, nisi ex instigatione et motione divina. Per hoc autem quod David præ ceteris tam puras, mentales et anagogicas habuit illuminationes ac motiones, præfiguratum videtur, quod Christus Filius Dei quantum ad naturam assumptam, clarissime atque purissime cognovit et vidit universa in lumine gloriæ, et in divina essentia, æternitatisque speculo : quoniam a primo incarnationis instante fuit comprehensor, quoad superiores animæ suæ vires ; qui etiam aliquo modo fuit viator, et per species rerum in-

* impleta sunt

Act. x, 43.

natas, inditas sen acceptas vel acquisitas, A cognovit abdita et futura, sicque propheta fuisse asseritur.

Hæc nomina fortium David. Sicut per David Christus, ita per fortes ipsius David, intelliguntur discipuli Christi, præsertim gloriosi Apostoli, qui vere erant fortissimi : inter quos, tres robustissimi uno modo poterunt dici Petrus, Joannes et Jacobus, qui teste Apostolo Paulo, videbantur columnæ esse. Et sicut fortissimi illi occiderunt gigantes Philistinorum; ita non solum hi tres benedicti Apostoli, sed ceteri quoque Apostoli præelecti, spiritualiter devicerunt invisibiles hostes, et reges ac principes paganorum, atque pontifices Judæorum, qui omnes præ cordis superbia, exereverunt in giganteæ magnitudinis enormitatem, reputantes se ceteris vehementer majores ac meliores, quum malignissimi essent. Tropologice demum, sicut rex David sibi adjunxit illos fortes, fortiores, et fortissimos, ad resistendum visibilibus inimicis; sic prælatus debet sibi adjungere viros litteratos ac virtuosos, quorum consilio et auxilio valeat suum digne officium exsequi, atque invisibilibus æmulis prævalere. Et utinam reges ac principes sæculares ad extirpandos adversarios fidei christianæ, associarent sibi strenuissimos viros Deum timentes.

Sedens in cathedra sapientissimus inter tres. Sapientissimus iste est Christus, vir-
 1 Cor. i, 24. tus et sapientia Dei Patris, cui Pater dedit
 Joann. v. 22. omne judicium, seditque in cathedra judiciali, regali, pontificali et doctorali, quum ipse sit judex, rex, pontifex et doctor universorum clarissimus. De quo per Malachiam est prædictum : Sedebit conflans et emundans, et purgabit filios Levi. Et Zacharias ait : Ipse portabit gloriam, et sedebit et dominabitur in solio suo, et erit sacerdos super solio suo. In Isaia quoque dicitur : Super solium David et super regnum ejus sedebit. Hic est sapientissimus inter tres divinas et increatas æternas Personas, id est unus eorum qui sunt tres sapientissimi, adjective sumendo nomen hoe,

sapientissimi; quod si substantive sumatur, sunt unus sapientissimus, sicut et unus æternus, unus increatus, et unus immensus. Iste sapientissimus octingentos interfecit impetu uno, quoniam sua saluberrima passione dejecit adversarias potestates, et pro crucifixoribus deprecando, plurimorum salutem obtinuit, prout per Isaiaam Pater prædixit : Ideo dispartiam ei plurimos, et fortium dividet spolia.

Is. liii, 12.

Ipsæ est quasi tenerrimus ligni vermiculus. Christus corporaliter tenerrimæ, æqualissimæ ac nobilissimæ fuit complexionis, utpote ex purissimis sacratissimæ Virginis sanguinibus habens corpus supernaturali virtute Spiritus Sancti formatum : qui etiam per mansuetudinem summam et compassionem maximam, fuit quasi tenerrimus ligni vermiculus, prorsus mollissimus, dulcis, placabilis; qui nihilo minus per rigorem justitiæ et districtiorem vindictæ, rodit, pungit et penetrat vitiosos, quemadmodum per Osee testatur : Occurram eis quasi ursæ raptis catulis; dirumpam interiora eorum, et consumam eos ut leo. Et rursus : Ego quasi tineæ Ephraim. Iterum Christus vocatur vermis sive vermiculus, vel propter aspersionem qua ab impiis est contemptus, juxta illud Psalmi, Ego autem sum vermis, et non homo, opprobrium hominum et despectio plebis; vel quoniam sicut quidam vermes nascuntur de terra absque semine, sic Christus de Virgine. Insuper juxta tropologiam, unusquisque qui præest, debet per caritatis sinceritatem, per sui ipsius humiliationem, per mititatem et pietatem esse quasi tenerrimus ligni vermiculus; per zelum quoque justitiæ, justamque correptionem et correctionem reorum, punire et punire, cordaque dura penetrare ac vincere.

Osee xiii, 8.

Ibid. v, 12.

Ps. xxi, 7.

Denique, sicut tres robustissimi fortissime pugnaverunt pro filiis Israel, in tantum, quod adversariorum prostraverunt exercitus magnos; sic debent prælati semurum opponere pro credito sibi grege, et invisibilibus hostibus orando ac aliis modis infatigabiliter reluctari.

Desideravit ergo David aquam. David A
præseius futurorum, aquam Baptismi, et
Joann. xix, 34. eam quæ de Christi perforato latere fluxit,
Eccli. xv, 3. optavit fidelibus. Aquam autem sapientiæ
salutaris, lacrimas penitentiae, rorem gratiæ,
lavraum internæ purgationis omnes debemus appetere : quam qui per se ipsum
obtinere non valet, aliorum subsidio studeat procurare : camque acquisitam non
sibi adseribat, sed offerat Deo, a quo omne bonum originaliter derivatur, præsertim
dona supernaturalia gratiæ, ac munera gloriæ. Desideravit autem et Christus B
aquam, id est hominum conversionem, quam ardentissime concupivit, et ejus
procuratore flammam desiderii sui refrigeravit. Quam et prælati virtuosae fervidi
sibi adducunt non sine periculo : quia per viam laqueis hostium plenam tendunt, et
per campum sæculi hujus, invisibilium hostium cuneis circumvallatum : qui tamen
si plene confidunt in Domino, cito evadunt. Quam aquam Christus Patri sacrificat,
quia et ipse secundum naturam assumptam omne bonum attribuit Deo, quem C
admodum in Evangelio protestatur : A me ipso facio nihil. Tali siti debet omnis
prælati ardere, et per se ipsum ac suos suæ sitis refrigerationem, id est subditorum
conversionem ac salutem, pro viribus adipisci.

Amplius, Christus non solum per David, sed et per fortissimos ejus milites designatur,
quoniam leoninam animositatem superborum ac paganorum prostravit. Per hoc
autem, quod nullus fortiorum aut fortium ipsius David, ad tres primos fortissimos
pervenit, est præfiguratum, quod ad superbeatissimæ Trinitatis æqualitatem
nullus Sanctorum pertingere valet.

Quæstio
circa prædicta.

Exod. xx, 17.

Postremo quæritur circa prædicta, quo tempore acciderit allatio illa aquæ. Et videtur,
quod circa finem vitæ David regis, quum dicat Gregorius, et habetur in Glossa :
Lex vetus adulterium vetuit, non autem prohibuit aquam optari, vel militibus
fortia a rege juberi. Et scimus, quod Da-

vid concupiscentia victus, uxorem tulit ^{1 Reg. xi}
Uriæ, qui quum longe post contra hostium
cuneos sederet, aquam ex eorum cisterna
desideravit. Sed hujus oppositum videtur
ex textu, videlicet quod allatio aquæ illius
contigerit antequam David pervenit ad regnum,
quum dicatur in isto capitulo : Descenderant
tres ad David in speluncam Odollam. Castra
autem Philistinorum erant in valle Gigantum,
et David erat in præsidio. Porro statio
Philistinorum tunc erat in Bethlehem.
Desideravit ergo David et ait : Si quis daret
michi potum aquæ, etc. Quod autem descensus
illorum trium ad David in speluncam Odollam,
et positio castrorum Philistinorum in valle
Raphaim, ad idem referenda sint tempus,
constat ex eo, quod primo Paralipomenon
scriptum est : Descenderunt autem tres ad
petram, ^{1 Par. xi, 15.} in qua erat David,
ad speluncam Odollam, quando Philistæi
fuerant castrametati in valle Raphaim.
Itaque ob hanc causam videtur allatio
illius aquæ contigisse, quando David adhuc
erat in persecutione Saulis, quamvis hic
describatur post recitationem adulterii
David. Verumtamen in Scholastica historia
aliter dicitur. Nam legitur ibi : Philistæi
quondam castra posuerunt in valle
Raphaim, usque ad civitatem Bethlehem,
et erat penuria aquæ in Jerusalem.
David autem ascenderat in arcem ad
consulendum Dominum, et commendavit
eorum adstantibus aquam de Bethlehem,
et præcipue eam quæ erat in puteo juxta
portam. Tunc tres isti per medium
hostium iter facientes, hauserunt aquam,
etc. Hæc ibi. Sed non videtur istud
textui consonare, nec apparet quod David
in potestate sui regni constitutus,
permisisset Philistæos terram regni
sui sic occupare, quin statim cum
exercitu processisset adversus eos : imo
si tres illi ausi fuerunt per castra
Philistinorum procedere, multo plus
David cum eis ac reliquo toto exercitu,
in quo erant tam validi pugnatores,
ausus fuisset invadere hostes illos,
nec distulisset tam diu.

ARTICULUS XXXV

EXPOSITIO CAPITULI VICESIMI QUARTI : ET ADDIDIT FUROR DOMINI IRASCI CONTRA ISRAEL.

RECITATUR hic factum David, in quo A mirabilia Dei judicia declarantur, rigor justitiæ, dulcor elementiæ, immensitas divini sapientiæ ostenduntur. *Et addidit furor Domini*, id est justitia Dei, quæ ob vehementiam suæ distictionis in ulciscendo, furori similis sæpe esse videtur, *irasci contra Israel*, id est Israeliticum populum, infligendo eis malum pœnæ, quod infra in isto narratur capitulo, et permittendo eorum regem incidere culpam, ob quam ipsi quoque puniti sunt, quia et culpam illam rex permittebatur incidere, propter suorum demerita subditorum. Quamvis enim non subtrahat Deus gratiam uni propter alterius iniquitatem, nisi et ipse cui subtrahitur gratia, aliquo modo illam gratiæ subtractionem promereatur; potest tamen contingere, quod is qui gratiam habet, eam amittat : quam non amitteret, si alii pro ipsius conservatione debito aut decenti modo orarent, aut bene agendo mererentur gratiam conservari vel augeri in illo. Sicque a virtute et gratia humilitatis permissus est David cadere ad vitium elationis : ad quod non cornisset, si populus ejus orando ac bene conversando meruisset gratiam illam in suo conservari rectore. *Commovitque furor Domini David in eis*, id est ad malum populi, *dicentem ad Joab*, hoc est ad hoc, ut diceret principi suæ militiæ : *Vade, numera Israel*, id est undecim tribus, *et Judam*, id est tribum Juda, quæ specialiter nominatur, quia regalis, populosior, audacior, bellicosior fuit tribus ceteris. Jussit autem numerari viros, videlicet a viginti annis et supra, eos D qui secundum legem poterant ad bella procedere.

Num. i. passim.

Circa hæc duplex oritur quæstio : Prima est, quid David peccavit in hac jussione, si furor Dei, seu divina justitia commovit eum ad hoc. Secunda, qualiter Deus dicatur eum commovisse ad istud, quum primo Paralipomenon scribatur : Consurrexit autem Satan contra Israel, et incitavit David, ^{1 Par. xxi, 1.} ut numeraret Israel. Respondetur ad primum, quod Deus non movit ipsum David ad malum culpæ directe et effective, sed occasionaliter et permissive. Diabolus vero concitavit eum ad hoc suggerendo, non B compellendo : ideo ipse peccavit libere consentiendo, non implens quod ait apostolus Jacobus : Resistite diabolo, et fugiet a vobis. Et Paulus : Nolite (inquit) locum dare diabolo. Ex hac autem solutione, patet ad secundam quæstionem responsio. Denique, in tantum dependet omne bonum, omne meritum, et omnis culpæ devitatio a pietate et gratia Dei, ut juxta modum jam tactum, etiam mala culpæ Deo in Scripturis videantur adscribi. Sic etenim dicitur indurasse cor Pharaonis, et C obfirmasse cor regis Basan. Unde et Isaias loquitur Deo : Quare nos errare fecisti de viis tuis, indurasti cor nostrum, ne timeamus te ? Atque Psalmista : Declinasti semitas nostras a via tua. ^{Exod. iv, 21, etc. Deut. ii, 30. Is. lxxiii, 17. Ps. xliii, 19.}

Dixitque rex ad Joab principem exercitus sui : Perambula omnes tribus Israel, a Dan usque Bersabee, et numera populum, ut sciam numerum ejus. Dixitque Joab regi : Adaugeat Dominus Deus tuus ad populum tuum, quantus nunc est, iterumque centuplicet in conspectu domini mei regis. Sed quid sibi dominus meus rex vult in hujusmodi re ? quasi dicat : Non est bona jussio ista, sed ex elatione videtur

procedere. Unde in Paralipomenon legitur ^{1 Par. xxi, 3.} Joab dixisse : Quare hoc querit dominus meus, quod in peccatum reputetur Israeli ? hoc est : Cur jubet istud, pro quo non solum rex, sed et populus ejus est puniendus ? Consideravit equidem Joab, regem ex superbia esse motum, timuitque pro peccato ejus, populum quoque castigandum, sicut in talibus casibus solet accidere, quoniam bona et mala superiorum, frequenter redundant in subditos, et e contra, quum sint quodammodo unum. Itaque Joab dixit, Quod in peccatum, hoc est in pœnam peccati, reputetur Israeli ; vel, In peccatum reputetur Israeli, quoniam exigentibus demeritis populi, judicabitur rex ad istam corruiſſe elationem : quod et Joab forsitan intellexit.

Obtinuit autem sermo regis verba Joab et principum exercitus, hoc est principum ipsarum tribuum, qui sub Joab præerant singuli in tribubus suis, seu principes militum. Unde elicitur, quod et principes dissuaserunt regi numerationem hanc populi. Itaque rex in hac re pertinax et induribilis fuit : sicque præceptum suum dicitur obtinuisse verba Joab ac principum, id est prævaluisse. Egressusque est Joab et principes militum a facie regis, ut numerarent populum Israel. Quumque pertransissent Jordanem, venerunt in Aroer ad dexteram urbis quæ est in valle Gad ; et per Jazer transierunt in Galaad, et in terram inferiorem Hodsi, et venerunt in Dan silvestria. Circumeuntesque juxta Sidonem, transierunt prope mœnia Tyri, et omnem terram Hevæi et Chananæi, veneruntque ad meridiem Juda in Bersabee. Et lustrata, id est circumita, universa terra promissionis, adfuerunt, hoc est, ad regem reversi sunt Joab et principes, post novem menses et viginti dies, in Jerusalem. Dedit ergo Joab numerum descriptionis populi regi. Et inventa sunt de Israel, id est de novem tribubus : nam sicut in

Ibid. 6.

*A*gis ; octingenta millia fortium virorum, qui educerent gladium ; et de Juda quingenta millia pugnatorum.

Mirum videtur, quod tam pauci erant in tribu Juda, in qua etiam in egressu de Ægypto, erant septuaginta quatuor millia, ut in Numerorum libro habetur. Ad hoc ^{Num. i, 27.} Rabanus et alii quidam dicunt, hic tantum exprimi numerum principum et majorum. Alii dicunt, in Hebræo et in libris correctis haberi, Quingenta millia. Quocirca rursus objectio oritur, quia secundum hoc, sola tribus Juda habuisset pro media parte, quasi tot viros, quot reliquæ tribus simul sumptæ, imo plus quam tantos pro media parte, secundum quod iste textus videtur prætere, qui octingenta millia refert de Israel esse inventa ; deinde quia istud discordare videtur ab eo quod scriptum est primo Paralipomenon, De Juda inventa sunt quadringenta septuaginta ^{1 Par. xxi, 5.} millia. Ad primum horum multi respondent, quod in Juda tribu tanquam in bellicosiori erant plures bellatores, quam in aliqua alia tribu ; quod item eis annumerati sunt bellatores ad Judaismum conversi, qui ex aliis nationibus erant cum David, ut Ethai Gethæus et sui ; et rursus, quod Joab multos aliarum tribuum pertransivit, nec numeravit, et de tribubus Levi ac Benjamin neminem voluit numerare. Ad aliud respondetur, quod Joab ex proposito multos de numeratis ex Juda subiecit regi, ne amplius superbiret : ideo in Paralipomenon poni numerum quem ipse regi expressit, in Regum autem poni catalogum ^{Ibidem.} Juda verum. Iterum dicunt, triginta millia quæ de tribu Juda in Paralipomenon omituntur, fuisse capita populi Juda, ideirco ibi non numerari cum reliquis, sed in Regum. Eodem modo solvunt, quod in Paralipomenon leguntur fuisse de Israel mille millia, et centum millia virorum : videlicet quod Joab subiecit multos regi, et in Regum poni quos ei expressit ; vel in Paralipomenon etiam illos poni qui de tribu Levi ac Benjamin poterant æstimari ; sive ut alii dicunt, in Paralipomenon numerati

sunt et illi qui interfecti erant ante cum Absalon.

Percussit ergo cor David eum, postquam numeratus est populus : id est, remorsum habuit conscientiae de hoc, quod, elementer a Deo tactus, jam consideravit ex superbia provenisse. Et dixit David ad Dominum : Peccavi valde in hoc facto : non solum ex superbia numerando, ut scirem quantis præsiderem hominibus, sicque in potentia et excellentia mea inaniter gloriarer; sed etiam quia transgressus sum legis præceptum in Exodo scriptum, quo dicitur : Locutus est Dominus ad Moysen, dicens : Quando tuleris summam filiorum Israel, juxta numerum dabunt singuli pretium pro animabus suis Domino, et non erit plaga in eis quum fuerint recensiti. Hoc autem dabit omnis qui transit ad numerum, dimidium sicii. Sed precor, Domine, ut transferas iniquitatem servi tui, quia stulte egi nimis.

Exod. xxx, 11-13.

Surrexit itaque David mane, ut orationibus et sacrificiis Deum sibi ac populo reconciliaret, et sermo Domini factus est ad Gad prophetam, et, pro id est, videntem ipsius David : quia per Gad Deus frequenter aliqua regi David annuntiavit, ideo dicitur ejus propheta; dicens : Vade et loquere ad David. Non ait, Ad servum meum David, vel, Ad ducem populi mei : quamvis enim jam pœniteret, nondum tamen sustinuit debitam pœnam, nec per satisfactionem fuit Deo reconciliatus. Hæc dicit Dominus : Trium plagarum tibi datur optio. Elige unum quod volueris. Quumque venisset Gad ad David, nuntiavit ei, dicens : Aut septem annis veniet tibi fames in terra tua, id est caristia ad tuam afflictionem, qui de populi tui inopia affligeris; aut tribus mensibus fugies adversarios tuos, et isti persequentur te; aut certe tribus diebus erit pestilentia in terra tua. Nunc ergo delibera et vide, quem respondeam ei qui misit me, sermonem.

Dixit autem David ad Gad : Coarctor nimis, id est, angustis premor valde, quoniam quidquid horum elegero, grave est

vehementer; sed melius est mihi, id est salubrius animæ meæ, ut incidam in manus Domini, id est, ut pestilentiam eligam quæ a Deo infligitur (multæ enim misericordiae ejus sunt : ideo pœnam hanc forsitan relaxabit, et quod comminatus est, pœnitentibus nobis, forsitan non adimplebit), quam in manus hominum impugnantium regnum meum, et spoliantium illud bladis, ita ut fames sequatur in populo meo. Istud dixit et petivit ex caritate plebis ac zelo justitiæ, tanquam diceret : Si famem petiero, ego et divites satis habebimus, sed pauperes affligentur; similiter si fugam elegero, communis plebs erit vastanda et occidenda, sed ego et potentiores effugiemus, qui castris et fortalitiis abundamus. Ideo pestem eunetis communem volo eligere. Verum his verbis David objici potest, quod in Daniele ait Susanna : Melius est mihi incidere in manus hominum, quam peccare in conspectu Domini. Et quod ait Apostolus : Horrendum est incidere in manus Dei viventis. Et respondendum est, quod melius est quæcumque mala pœnalia ab hominibus sustinere, quam coram Deo malum culpæ committere sive admittere. David vero facit comparisonem inter mala pœnalia vitæ præsentis : sicque tolerabilius est a Deo in hac vita pie et paternaliter corrigi, quam ab inimicis hominibus devastari. Hinc secundo libro Machabæorum leguntur Judæi Deum orasse, ut si quando peccarent, ipse eos corrigeret, nec barbaris nationibus eos traderet puniendos. Similiter in Judicum libro scriptum est : Dixerunt filii Israel ad Dominum : Peccavimus; redde tu nobis quidquid tibi placet; tantum nunc libera nos.

Dan. xiii, 23.

Hebr. x, 31.

II Mach. x, 4.

Judic. x, 15.

Immisitque Dominus pestilentiam in Israel, de mane, in quo Gad dixit ista ad David, qui mane surrexerat, usque ad tempus constitutum, id est præfixum. Ex quo videtur, et multi dixerunt, quod per duos integros dies, et per tertiæ diei partem duraverit pestis illa. Sed quoniam paulo post subditur, Venit Gad in die illa ad David, etc., quod videtur dici de die, in cujus ma-

Exod. XII,
6; XXIX, 41.

Is. XXXVIII,
1.

1 Par. XXI,
14.

ne venit ad David; ideo per tempus constitutum Josephus intellexit prandii tempus, ita quod pestis non duravit nisi usque horam prandii primæ diei: sed quoniam tempus prandii non vocatur in lege tempus constitutum, seu sacrificiis et holocaustis præfixum, sed potius tempus vespertinum, in quo et agnus paschalis, et iuge sacrificium offerebantur, ut patet in Exodo; ideo per tempus constitutum, alii dicunt tempus sacrificii vespertini intelligendum. Attamen exponi potest de tertio die, prout littera sonare videtur, ut sit sensus: Misit Dominus pestilentiam usque ad tempus constitutum, id est, ut duraret usque ad tertium diem prædeterminatum, nisi David et seniores sua humiliatione, oratione et pœnitentia obtinuerent plagæ abbreviationem. Sed si constitutum fuit ut duraret per triduum, quomodo poterat aliter fieri? Respondetur, quod determinatio illa tridui fuit comminatorie prænuntiata, et cum omni conditione implicita intelligenda, videlicet nisi pœnitendo aliquid remissionis ac veniæ mererentur, juxta quem modum dictum est Ezechiae: Dispone domui tuæ, quia morieris tu, et non vives. *Et mortui sunt de populo a Dan usque Bersabee septuaginta millia virorum.* Magister in historiis circa hoc scribit: In Paralipomenon legitur, Fere trecenta millia; et aiunt Hebræi, ibi positum numerum plebis defunctæ, hic autem numerum nobilium peste hac mortuorum. Verumtamen in libris quos vidi, etiam textus Paralipomenon in primo libro habet septuaginta millia.

Quumque extendisset manum suam angelus Domini super Jerusalem, ut disperderet eam, id est, aliquos de habitatoribus ejus peste occideret: unde elicitur, quod ministerio angeli boni facta sit illa percussio; *misertus est Dominus super afflictionem, et ait angelo percutienti populum: Sufficit nunc, contine manum tuam. Erat autem angelus Domini juxta aream Areunæ Jebusæi.*

Dixitque David ad Dominum, quum vidisset angelum cadentem populum: Ego

sum qui peccavi, et ego inique egi. Isti qui oves sunt, hoc est subditi mihi pastori et regi, ut grex, quid fecerunt? Ex hoc videtur David insinuas, quod populus suus, etiam ille qui fuit percussus, non fuit in populi numeratione culpabilis. Cujus oppositum apparet ex dictis, et ex verbis Gregorii aliorumque dicentium, quod Dominus permisit ipsum David ad peccatum illud corrumpere, propter demerita plebis suæ. Ad quod dici potest, quod David hoc tunc forsitan ignoravit. Vel ideo populum excusavit, quia ipse immediate fuit culpabilis in elatione, et populi numeratione, et transgressionem præcepti de dando dimidio siclo pro quolibet numerato. *Vertatur, obsecro, manus tua contra me, et contra domum patris mei,* id est in domesticos atque cognatos meos mecum culpabiles. Ecce verba fidelissimi regis, se ipsum pro suo populo eruendo exponentis discrimini mortis: in quo declarantur caritas ejus ad subditos suos, et zelus justitiæ contra se ipsum ac suos, humillima quoque recognitio suæ culpæ, et præcordialis contritio sua. Siquidem in libro Paralipomenon additur, quod quum David vidisset angelum stantem inter cælum et terram, et evaginatum gladium in manu ejus, et versum contra Jerusalem, ceciderunt tam ipse quam majores natu, vestiti ciliciis proni in terram, et tunc angelus jussit Gad prophetæ, ut diceret David regi, quatenus ascenderet, et exstrueret altare Domino in area Ornan Jebusæi; tuncque ut legitur hic in textu.

Venit autem Gad propheta ad David in die illa, et dixit ei: *Ascende, et construe*,* *constitue per manum servorum tuorum, altare Domino in area Areunæ Jebusæi. Qui, ut jam patuit, in Paralipomenon dicitur Ornan, et vidit cum quatuor filiis suis angelum Dei; atque ex timore tam ipse quam filii sui se absconderunt. Fuit autem natio Gentilis ac Jebusæus, sed cum sobole sua erat ad Judaismum conversus. *Et ascendit David juxta sermonem Gad, quem præceperat ei Dominus. Conspiciensque Areuna,*

1 Par. XXI,
16.

Ibid. 18.

1 Par. XXI,
20.

*animadvertit regem et servos ejus transire ad se. Et egressus, adoravit regem pro-
no vultu in terram, et ait : Quid causæ
est, ut veniat dominus meus rex ad ser-
vum suum? Cui David ait : Ut emam a
te aream, et aedificem altare Domino, et
cesset interfectio, quæ grassatur in popu-
lo. Et ait Areuna ad David : Accipiat et
offerat dominus meus rex, sicut placet ei.
Habes boves in holocaustum, et plastrum
et juga boum in usum lignorum. Omnia
dedit Areuna regi. Dixitque Areuna ad re-
gem : Dominus Deus tuus suscipiat votum
tuum. Cui respondens rex, ait : Nequaquam
ut vis, sed emam pretio a te, et non offe-
ram Domino Deo meo holocausta gratuita.*

*Emit ergo David aream, quam Areuna
præbuit gratis dare ; et boves qui immo-
larentur in holocaustum, argenti siclis
quingenta. In Paralipomenon scriptum
est, quod David dedit ipsi Ornan pro loco
areæ siclos auri justissimi ponderis sex-
centos : idcirco quod dicitur hic, Argenti
siclis quingenta, referendum est ad id
quod immediate prædictum est, Et boves,
ita quod pretium areæ non ponitur in hoc
loco, et faciendum est punctum post verba
hæc, Emit ergo David aream. Et aedifica-
vit ibi David altare Domino, et obtulit
holocausta, quæ ad divinæ majestatis ho-
norem totaliter comburebantur, et pacifica,
hoc est hostias pro pace et venia obtinen-
da, quæ partim cesserunt in offerentium
usum et esum. Denique area illa et locus,
in quo David construxit altare, erant in
monte Moria, in quo Abraham voluit ip-
sum Isaac immolare ; ubi et Jacob vidit in
sommis scalam : in quo monte (ut infra
habetur) Salomon templum ædificavit. Et
propitiatus est Dominus terræ, et cohibita
est plaga ab Israel.*

Circa præhabita quæritur, pro quo pec-

cato populi fuit David relictus sic cadere,
et pro quo percussus est populus. Ad quod
aliqui dicunt, quod sicut in libro de He-
braicis quæstionibus fertur, peccatum il-
lud fuit, quod populus communicavit ipsi
David in flagitiis contra Uriam, non satis
dissentiendo, aut consentiendo, quando in-
notuerunt. Alii dicunt, quod fuit rebellio
populi contra David, quando secuti sunt
Sebam filium Bochri : pro qua rebellione
solus Seba fuit punitus. Unde et populus
fuit puniendus. Sed contra hoc objici po-
test, quia in illa rebellione tribus Juda et
habitatores Jerusalem adhæserunt fideliter
regi David, et ideo non meruissent peste
hac percuti : cujus contrarium patet ex
textu. Ideo verius reor, quod populus ex
multis prosperitatibus, opulentiis, victo-
riis, et consimilibus donis sibi desuper
præstitis, in superbiam et vanam gloriam
se erexit. Postremo, circa hæc ait Grego-
rius : Pro qualitatibus subditorum, dispo-
nuntur corda et facta regentium, ut sæpe
pro culpa gregis, etiam boni delinquant vi-
ta pastoris. David a Deo laudatus, elatione
repente inflatus, populum numerando pec-
cavit, et populus pœnam suscepit : quia
secundum merita plebium, disponuntur
corda rectorum. Justus vero Deus, regis ini-
quitatem ex illorum animadversione cor-
ripuit, quorum causa peccavit. Sed quia
propria voluntate superbiens, a culpa alie-
nus non fuit, vindictam etiam ipse susce-
pit. Ita quippe sunt juncta merita rectorum
ac plebium, ut sæpe ex culpa rectorum,
deterior fiat vita plebium ; atque ex me-
rito plebium, mutetur vita pastorum. Sed
quia rectores habent judicem suum, non
temere judicent subditi vitam regentium :
imo magis eam committant infallibili Ju-
dici universorum, qui est super omnia
Deus sublimis et benedictus. Amen.

II Reg. xi.

Ibid. xx,
2, 22.

I Par. xxi,
25.

Gen. xxi,
9; xxviii, 11
et seq.

III Reg. v,
vi, vii.

ENARRATIO
IN TERTIUM LIBRUM REGUM

PROEMIUM

IN duobus libris præhabitis, de duobus regibus Israel actum est, quorum unus regnavit post alium; jam de tertio rege, qui super totum Israeliticum populum regnavit, tractatur per mediam circiter partem hujus tertii libri. Deinde per aliam ejus partem, atque per totum quartum volumen, fit mentio de regibus Israelitici regni in duo regna divisi, et regibus eorundem qui vel simul, vel successive regnaverunt. Hinc quidam expositores testantur, quod in præhabitis libris duobus tractatum est de unico filiorum Israel regno; hic tractatur de regno illo diviso, quod juxta prædictum accipiendum est sensum: ideo apud Hebræos duo præcedentes libri sunt unus liber, qui apud eos Samuel appellatur; similiter duo sequentia volumina sunt apud eos unum volumen, quod MALACHIM dicitur in plurali. Hinc Magister in historiis ait: Incipit hic Malachim secundum Hebræos, quod sonat, Regum. Nam quamvis in duobus præcedentibus libris actum sit de duobus regibus Hebræorum non simul regnantibus, tamen quia in opere isto agitur de regibus qui simul regnaverunt in Juda et Israel, merito Regum dicitur.

ENARRATIO

IN PRIMUM LIBRUM MALACHIIM

ID EST

TERTIUM REGUM

IN HOC AGITUR DE MORTE REGIS DAVID,
DE SUCCESSIONE, REGIMINE ET GESTIS SALOMONIS AC QUORUNDAM ALIORUM
REGUM JUDA ET ISRAEL.

ARTICULUS PRIMUS

EXPLANATIO LITTERALIS CAPITULI PRIMI : ET REX DAVID SENUERAT.

IN primis duobus hujus tertii libri capi-
tulis adhuc de David tractatur, qualiter
scilicet successorem regni sui instituit. Un-
de sequitur : *Et rex David senuerat, ha-*
bebatque ætatis plurimos dies. Erat quippe
circiter septuagenarius, quia triginta erat
annorum dum cœpit regnare, et quadra-
ginta annis regnavit, prout in secundo li-
bro habetur. Tanta autem duratio tempo-
ris, reputatur senectus in homine, ejus
vitæ periodus usque ad septuaginta annos
secundum naturalem cursum communiter
se extendere potest, juxta id Psalmi, Dies an-
norum nostrorum in ipsis septuaginta an-
ni. Verumtamen unus alio celerius senex
efficitur : quod ex diversitate complexio-
num, infirmitatum, læsionum, fatigationum
et sollicitudinum potest accidere. *Quum-*
que operiretur vestibus, non calefiebat. Cu-
jus rei variæ causæ traduntur. Una, quia
de parentibus senibus natus est, quum et

A Joab filius suæ materteræ, etiam jam fue-
rit canus et grandævæ ætatis, ut sequenti
patet capitulo. Alia, quia ex visione an-
geli, præcedenti libro recitata, fuit vehem-
enter perterritus : ex qua excessiva per-
territione infrigitationem incurrit, quæ
permansit in eo usque ad mortem. Vele-
mens etenim timor parit frigus, propter
quod formidantes tremunt et pallent. Ter-
tia, quia frequenter fuit in præliis, in qui-
bus (ut fertur) fuit aliquando vulneratus :
sicque ex sanguinis emanatione citius se-
nuit atque refrignit. Hanc causam assignat
Lyra, imo et aliqui ante eum.

Contra quam scribit Rabbi Paulus : Nun-
quam legitur David in bello vulneratus
sive percussus, vel quod sanguinis copia
de ipso effluerit : quod si accidisset, non
est verisimile quod Scriptura hoc tacnis-
set. His verbis Rabbi Pauli videtur Scriptu-
ra favere, quia frequenter ait quod Dominus

II Reg. v, 4.

Ps. LXXXIX,
10.

III Reg. ii, 6.

II Reg. xxiv,

17.

II Reg. viii,
6, 14; I Par.
xviii, 6, 13.

II Reg. ii,
16, 30; xi, 17.

Prov. xxxi,
3.

I Reg. xxii,
3.

II Reg. xiii,
14, 28, 29.
Ibid. xv.
12 et seq.;
xviii, 14, 15.

salvavit David in omnibus ad quaecumque A profectus est : imo in praeliis cunctis videtur valde faciliter divina praevaluisse virtute, in tantum quod raro vel nunquam leguntur aliqui de suo corruisse exercitu, maxime ipso praesente, imo nec ipso absente, nisi in strage Asaelis fratris Joab, atque in strage Uriæ. David quoque in praeliis habuit fortissimos et peritissimos capitis sui custodes. Hinc Rabbi Paulus aliam causam assignans : Verius, inquit, dici potest, quod David a juventute fuit libidinosus, et actibus venereis excessive implicatus, ut patet ex toto processu suæ historiae, et ex multitudine suarum uxorum et concubinarum. Excessivus autem usus venereorum, naturalem consumit calorem et humidum radicale. Propter quod in Proverbiis habetur : Ne des mulieribus substantiam tuam. Substantia namque vitæ corporalis, in calore naturali et humido radicali consistit praecipue : ideo sicut igni seu calori illius deficientibus escis, mors naturaliter sequitur, sic ex illorum notabili diminutione seu consumptione frigiditas C quasi irrecuperabilis subsequi habet.

Sed quamvis hæc verba Rabbi Pauli pro majori parte sint vera, attamen valde indecenter et male sonat, de tanto Propheta et viro heroico ac maxime contemplativo asserere, quod a juventute sua fuit libidinosus, venereisque excessive intentus. Nec tantas credendum est accepisse uxores desiderio voluptatis, sed prolis ad Dei obsequium educandæ. Præterea certum est, quod David sex annis quibus persecutiones Saulis sustinuit, multa toleravit incommoda in desertis, diebus ac noctibus ; et quia tota sua progenies ac parentes propter ipsum sustinuerunt expulsionem, deinde ex morte filii sui Amnon et violatione Thamar, et persecutione occisioneque Absalonis, ineffabiliter magnas gessit in corde tristitias atque angustias, quæ non mediocriter senectutem accelerant, complexionemque lædunt. Ad oculum quoque videmus, quod reges et principes satis cito senescunt. Propter quod in Ecclesiastico

scriptum est : Omnis potentatus brevis vita ; sic et rex hodie est, et eras morietur. ^{Eccli. x, 11, 12.} Aliqui vero dicunt, quod David ex vestibus non calefiebat in ultionem suæ culpæ, qua oram ehlamydis Saulis præsciderat, ut ^{I Reg. xxiv, 5.} in primo libro narratur, quatenus per quæ peccaverat, per ea et puniretur : quod dictum modici est momenti.

Dixerunt ergo ei servi sui in naturalibus periti, ut medici, alique experti : Quæramus domino nostro regi adolescentulam virginem, et stet coram eo, et foveat eum, dormiatque in sinu suo, et calefaciat dominum nostrum regem, ut minus affligatur frigoribus, et vivat diutius, ejus præsidentia utilis est communitati. Quæsierunt igitur adolescentulam speciosam in omnibus finibus Israel ; et invenerunt Abisag Sunamitem, et adduxerunt eam ad regem. Erat autem puella pulchra nimis. Dormiebatque cum rege, et ministrabat ei. Rex vero non cognovit eam, videlicet Abisag Sunamitem, hoc est de urbe nomine Suna, de qua fuit et hospitatrix beatissimi Elisei, ^{IV Reg. iv, 8.} ut infra quarto libro describitur. Certum est autem, quod David rex nequaquam cum illa speciosissima dormivit puella, nisi ante acciperet eam in conjugem. Porro, quod non cognovit eam, vel ex impotentia, vel ex occupatione interna circa divina processit.

Verum, ut recitat super Genesim Origenes : Hæretici, qui Scripturam veteris Testamenti dixerunt non esse a Deo lucis, irriserunt Abraham, David, et alios quoque ^{Gen. xxv, 1.} Testamenti illius patres, eo quod in senectute sua acceperunt uxores, quasi et tunc libidine insanientes. Unde et Origenes connubia illa ad spirituales intelligentiam trahit, per uxorem accipiendo sapientiam, quam sibi sponsam sumpserunt. Et juxta hunc modum dicit glossa Hieronymi super hunc locum : Nonne videtur tibi, si litteram quæ occidit, sequaris, figmentum esse, athletarumve * ludiera, quod frigidus ^{* Atellanarumve} senex vestibis obvolutus, nisi complexu adolescentulæ non calescit ? Sicque secundum mentem Hieronymi, videtur hic esse

parabolica seu metaphorica quædam locutio, ut per Abisag intelligatur sapientia, quæ est pura et incorrupta, et senioribus magis conjungi solet, sicut in David, in quo, tempore senectutis magis viguit spiritus prophetiæ. Hæc autem sapientia calefecit David regem ad divinum amorem. Et juxta hunc sensum dicitur in libro Judic. ix, 8. Ierunt ligna, ut ungerent super se regem.

Judic. ix, 8.

Sed contra hæc scribit Lyra, quoniam circumstantia litteræ manifeste ostendit, quod Abisag fuit corporalis puella regi adducta in remedium suæ frigiditatis corporis : quod etiam constat ex hoc, quod Adonias adhuc juvenis, David defuncto, petiit sibi hanc dari uxorem : cuius petitionis occasione fuit occisus : non autem fuisset occisus, si sapientiam sibi desponsari petisset. Ideo fateri oportet, quod ad litteram fuit puella. Dicunt etenim medici, quod præcipuum remedium contra frigiditatem membrorum atque paralytim imminuentem, sit amplexus mulieris, maxime juvenulæ virginis : ideo talis fuit adducta regi David. Nec peccavit in hoc, quia cum ea contraxit connubium. Senes enim quantumcumque possunt contrahere, quamvis non valeant generare; et ut dicunt doctores, si mulier scienter contrahat cum sene, quem scit impotentem, tenet matrimonium : ideo uti amplexibus virginis hujus in statu conjugali, non videtur regi David illicitum, præsertim quum esset ei in tantæ frigiditatis remedium.

III Reg. ii, 17, 21, 25.

Sed contra hanc B. Hieronymi reprehensionem satis apte scribit hic Rabbi Paulus : Glossa Hieronymi non est sic reprobanda, sed ad bonum potius sensum trahenda. Sequentes enim sensum litteralem, sunt in duplici differentia. Quidam etenim tenent, quod solus sensus litteralis est verus et ab auctore intentus; sensus autem spirituales dicunt fictos et nullius auctoritatis : quem errorem secuti sunt Sadducæi negantes resurrectionem, et alia quæ ad pedem litteræ prima facie non apparent. Alii dicunt, quod Scriptura sub una

Act. xxiii, 8.

A littera habet plures sensus, ut patet per Gregorium tertio Moralium, et per Augustinum in epistola contra Vincentium, licet omnes fundentur super unum sensum litteralem. Error autem primorum patet ex verbis Christi, volentis ostendere errorem Sadducæorum ex sensu litterali ejus quod scriptum est, Ego sum Deus Abraham, Deus Isaac, et Deus Jacob : ex quibus verbis probat, esse vitam post vitam præsentem, quod tamen prima facie non videtur insinuari per verba illa. Patet quoque error illorum ex hoc, quia contingit quod aliqua scriptura secundum unum sensum litteralem intellecta, non inducit aliquam utilitatem in fide aut moribus, vel ad conversationem humanam. Et hoc modo allegat Apostolus illud Denteronomii, Non alligabis os bovi trituranti : ubi quasi arguens subdit, Numquid cura est Deo de bobus? quasi dicat : Si hoc præceptum solum ad pedem litteræ intelligatur, nullam inducit utilitatem. Et hoc modo arguit Hieronymus in verbis præallegatis contra sequentes litteram occidentem, dicens : Si hæc historia de David et Abisag tantum ad litteram intelligatur, non referenda ad aliquem sensum spirituales utiliore, videtur quasi athletarum * ludicra seu fabulationes quæ nil proficiunt. Ideo historiam istam exponit pulcherrime : qui sensus Hieronymi est in loco hoc litteralis eo modo, quo Apostolus ex auctoritate prætaeta sumit argumentum secundum mysticum intellectum. — Quod autem inducit postillator, videlicet Lyra, pro fulcimento planæ expositionis litteræ de auctoritate medicorum, dicitur quod optimum remedium contra frigiditatem membrorum, est amplexus mulieris juvenulæ, non facit pro eo. Quamvis enim dicant, quod calor alicujus hominis aut animalis confortet suo contactu calorem naturalem hominis debilitati, non tamen faciunt differentiam de calore juvenulæ virginis seu corruptæ, pulchræ aut incompositæ : ideo præinducta magis intelligenda sunt secundum mysticam significationem verborum, quam principalis

Matth. xxii, 31, 32; Marc. xii, 26, 27.

I Cor. ix, 9; Deut. xxv, 1.

* Atellanarum

I Cor. ix, 9.

auctor Scripturæ (qui Deus est) hic intendit ad nostram doctrinam.

Hæc Rabbi Paulus, cujus dicta satis probabiliter sonant, dempto eo, quod asserit medicos non distinguere in re illa, videlicet ad confortandum calorem hominis in frigidati, de calore juveniculæ virginis aut corruptæ, pulchræ aut incompositæ. Nam et physici tradunt, quod puellæ virginis sunt calidiores quam fractæ. Pulchræ quoque plus movent appetitum : cujus accensio calefacit.

Adonias autem filius Haggith elevabatur, id est, erexit se ipsum ambitiose, *dicens : Ego regnabo. Fecitque*, id est præparavit, *sibi currus et equites et quinquaginta viros, qui ante eum in curru sedentem*

II Reg. xv, 1. *currerent* : sicut hoc supra libro secundo magis expositum est. Ideo autem adspiravit ad regnum, quoniam inter filios David

Ibid. III, 4. superstites senior fuit : nam erat quartus

Ibid. XIII, 28, 29; XVIII, 14, 15. in ordine, Amnon autem et Absalon fuerunt occisi, et tertius, scilicet Cheleab, creditur jam obiisse, vel iners seu ineptus ad regnum fuisse; et item quoniam fuit juvenis pulcher, amabilis, populoque acceptus. *Nec corripuit eum pater suus aliquando, dicens : Quare hoc fecisti ?* Per hoc videtur Scriptura innuere, quod David per negligentiam fuit culpabilis, non corripiendo Adoniam de vanitate et usurpatione seu ambitione præfata : unde et Adonias magis audacter prosequabatur suum conceptum, suspiciens quod pater suus non resisteret ei. Veruntamen expositores in hac re excusant David a culpa sive a tanta, sive a tota, dicentes, quod ignoravit

Adoniam adspirare ad regnum. Nam paulo post Nathan dixit ad Bethsabée : Num audisti quod regnaverit Adonias, et dominus noster David hoc ignorat ? Bethsabée quoque ad regem : Ecce, inquit, nunc Adonias regnat, te, domine mi rex, ignorante.

Et sermo ejus cum Joab filio Sarviæ, et cum Abiathar sacerdote, qui adjuvabant partes Adoniæ, id est, consilio atque auxilio Joab principis militiæ, atque Abiathar pontificis, præcipue utebatur. Joab enim

in civilibus et bellicis rebus fuit summus post regem, et Abiathar in spiritualibus ac divinis : sicque per Joab speravit acquirere adsistentiam militum, et per Abiathar, sacerdotum ac Levitarum; et ab ipso Abiathar tanquam a præsule volebat inungi. Dicitur quoque, quod Joab suspicabatur regem vindicaturum in se iniquitatem, quam commisit in Abner et Amasam, quos proditorie interfecit, et quod rex filio sibi succedenti in regno, ultionem illam committeret : ideo voluit sibi mercari favorem filii reg-

II Reg. III, 27; XX, 10.

gnaturi, ne puniretur ab eo. Similiter de Abiathar fertur, quod noverat Deum dixisse ad Heli, quod sacerdotii dignitas transferenda esset a posteris suis. Abiathar autem descendit ab Heli : idcirco ne sacerdotio privaretur, voluit novi regis favorem mereri. Atque, ut dicitur, Hebræi affirmant Dominum non dedisse responsa per Abiathar a tempore quo David a Jerusalem fugit a facie Absalonis. *Sadoc vero sacerdos,*

I Reg. II, 30-36.

primus post Abiathar, *et Banaias filius Joiadæ, et Nathan propheta et Semei,* alter ab illo qui maledixit regi, *et Cerethi et Phe-*

II Reg. XV, 16.

lethi, per quos qui designentur, dictum est in expositione libri secundi, *et omne robur exercitus David,* videlicet robusti,

Ibid. XVI, 5.

de quibus in secundo libro satis dictum est, *non erant cum Adonia,* quia sciebant prænuntiatum esse a Deo per Nathan, quod Salomon patri in regno succederet, prout in secundo libro patuit, in primo quoque libro Paralipomenon aperte habetur.

Ibid. VIII, 18.

Ibid. XXIII, 8 et seq.

Immolatis ergo Adonias arietibus et vitulis et universis pinguibus, id est multis et magnis sacrificiis, quæ obtulit per manus sacerdotum velut rex novus, *juxta lapidem Zohelæ, qui est vicinus fonti Rogel,* volens Deo gratus videri, et quasi religiose incipere, *vocavit,* id est, ad convivium invitavit, *universos fratres suos, filios regis, et omnes viros Juda servos regis. Nathan autem prophetam, et Banaiam, et robustos quosque, et Salomonem fratrem suum non vocavit,* quia fuit sibi suspectus. Omnes enim viros Juda servos regis, sibi putavit favere.

Ibid. VII, 12 et seq.; I Par. XXII, 5 et seq.

Dixit itaque Nathan ad Bethsabée matrem Salomonis : Num audisti quod regnaverit Adonias filius Haggith, et dominus noster David hoc ignorat? Nunc ergo veni, accipe consilium a me, et salva animam tuam, filiique tui Salomonis, id est, te ipsam et filium tuum præserva a morte : quia si Adonias post David regnaverit, faciet te occidi tanquam adulteram, et filium tuum tanquam adulteræ prolem, vel aliam contra eum quæret occasionem ad occidendum. Vaule et ingredi ad regem, et dic : Nonne tu, domine mi rex, jurasti mihi ancillæ tuæ, dicens, quod Salomon filius tuus, o Bethsabée, regnabit post me, et ipse sedebit in solio meo? Ubi vel quando David hoc juravit Bethsabée, Scriptura non refert, sed cognita voluntate Dei per Nathan de Salomonis promotione ad regnum, indicavit hoc tempore opportuno ipsi Bethsabée, et juravit ei se ita facturum. Quare ergo regnat Adonias? Et adhuc ibi te loquente cum rege, ego veniam post te, et complebo sermones tuos.

Ingressa est itaque Bethsabée ad regem in cubiculo. Rex autem senuerat nimis, et Abisag Sunamitis ministrabat ei. Inclinauit se Bethsabée, et adoravit regem. Ad quam rex : Quid tibi (inquit) vis? Quæ respondens, ait : Domine mi rex, tu jurasti per Dominum Deum tuum ancillæ tuæ : Salomon filius tuus regnabit post me, et ipse sedebit in solio meo. Et ecce nunc Adonias regnat, te, domine mi rex, ignorante. Mactavit boves et pingua quæque, et arietes plurimos, et vocavit omnes filios regis, Abiathar quoque sacerdotem, et Joab principem militiæ ; Salomonem autem servum tuum non vocavit. Verumtamen, domine mi rex, in te oculi respiciunt totius Israel, ut indices eis, quis sedere debeat in solio tuo, domine mi rex, post te. Quasi dicat : Quamvis jam multi sint cum Adonia, communitas tamen præstolatur a te audire definitive, quis debeat tibi succedere in primatu. Eritque, id est eveniet, quum dormierit dominus meus rex cum patribus suis, erimus ego et fi-

lius meus Salomon peccatores : id est, si permiseris Adoniam tibi in regno succedere, ipse te defuncto objiciet mihi adulterii crimen, et Salomonem faciet acensari, ut occidat nos ambos, quasi aliter non sit pax in communitate possibilis.

Adhuc illa loquente cum rege, Nathan propheta venit. Et nuntiaverunt regi, dicentes : Adest Nathan propheta. Quumque introisset in conspectu regis, et adorasset eum pronus in terram, dixit Nathan : Domine mi rex, tu dixisti : Adonias regnet post me, et ipse sedeat super thronum meum? Interrogatio est, quasi dicat : Mirum si hoc dixisti, quum ego ex Dei præcepto revelaverim tibi, quod Salomon post te præsidebit. Quia descendit hodie, et immolavit boves et pingua, et arietes plurimos, et vocavit universos filios regis, et principes exercitus, Abiathar quoque sacerdotem. Illisque vescentibus et bibentibus coram eo, et dicentibus, Vivat rex Adonias, me servum tuum, et Sadoc sacerdotem, et Banaïam filium Joiadæ, et Salomonem famulum tuum non vocavit. Numquid a domino meo rege exivit hoc verbum, et mihi non indicasti servo tuo quis sessurus esset super thronum domini mei regis post eum? quasi dicat : Absurda res est, quod te nesciente atque vivente, usurpaverit sibi Adonias regiam dignitatem.

Et respondit rex David, dicens : Vocate ad me Bethsabée, quæ finito suo sermone, exivit regis cubiculum. Quæ quum fuisset ingressa coram rege, et stetisset ante eum, juravit rex et ait : Vivit Dominus, qui eruit animam meam de omni angustia, quia sicut juravi tibi per Dominum Deum Israel, dicens : Salomon filius tuus regnabit post me, et ipse sedebit super solium meum pro me ; sic faciam hodie. Summissoque Bethsabée in terram vultu, id est facie profunde inclinata ad regis honorem atque in signum gratitudinis, quod rex suæ acquievit petitioni, adoravit regem, adoratione dulciæ, sicut et Nathan, dicens : Vivat dominus meus rex David in æternum. Quasi dicat : Quamvis filii

II Reg. vii,
12 et seq. ;
I Par. xxi,
9, 10.

mei promotionem desiderem, tamen quantum possibile est, malo ut tu, David rex, adhuc feliciter vivas ac regnes; et quum hic diutius vivere et regnare non poteris, opto ut inter Sanctos post hanc vitam æternaliter perseveres.

Dixit quoque rex David : Vocate mihi Sadoc sacerdotem et Nathan prophetam et Banaiam filium Joiadæ. Qui quum ingressi fuissent coram rege, dixit ad eos : Tollite vobiscum servos domini vestri, id est robustos qui permanserunt in Jerusalelem et in palatio, qui sunt servi et milites Joab principis militiæ, et imponite filium meum Salomonem super mulam meam,

* insidere

Gen. II, 13.

cui ego solus sedere * consuevi, ut pateat quod dignitatem meam ad filium transtuli Salomonem, et ducite eum in Gihon, id est ad fontem sic nominatum, scilicet aquam Siloe, juxta quosdam. Gihon autem quandoque est nomen fluvii de paradiso egredientis, et terram Æthiopiæ circumeuntis, ut in Genesi habetur. *Et ungit eum ibi Sadoc sacerdos, et Nathan propheta, in regem super Israel. Et canetis buccina, atque dicetis : Vivat rex Salomon. Et ascendetis post eum, et venietis in Jerusalem, et sedebit super solium meum, et ipse regnabit pro me, illique præcipiam ut sit dux super Israel et super Judam. Et respondit Banaias filius Joiadæ, regi, dicens : Amen, id est, sic fiat. Amen autem quandoque nominaliter sumitur, juxta illud in Apocalypsi, Hæc dicit Amen testis fidelis; et quandoque verbaliter, pro Fiat, ut hic; quandoque adverbialiter, pro Vere,*

Apoc. III, 14.

Joann. XII, 24.

sicut apud Joannem : Amen, amen dico vobis. *Sic loquatur Dominus Deus domini mei regis : quasi dicat, Verba tua, o rex, sunt verba Dei loquentis per te, et verba tua quasi Dei suscepimus. Et quod ait Banaias, Sic loquatur, dixit congratulando. Quomodo fuit Dominus cum domino meo rege, sic sit cum Salomone, et sublimius faciat solium ejus a solio domini mei regis David, id est, latiore dominationem tribuat Salomoni, quam contulit tibi. Quod etiam infra legitur factum.*

Descendit ergo Sadoc sacerdos, et Nathan propheta, et Banaias filius Joiadæ, et Cerethi et Phelethi; et imposuerunt Salomonem super mulam regis David, et adduxerunt eum in Gihon. Sumpsitque Sadoc sacerdos cornu olei, id est vasculum continens oleum unctionis, quo rex et pontifex inungebantur, de tabernaculo, in quo fuit arca, ut patuit libro secundo, et unxit Salomonem, adstante et cooperante ei in hoc Nathan propheta : nam dixerat David, Ungat eum Sadoc sacerdos et Nathan propheta. Sicque dignitatem officii pontificalis ipsius Abiathar, cœpit David transferre ad Sadoc. Fiebat autem (ut aliqui dicunt) unctio illa regis in fronte ipsius in modum coronæ. Et cecinerunt buccina, et dixit omnis populus : Vivat rex Salomon. Et ascendit universa multitudo post eum, et populus canentium tibiis, et lætantium gaudio magno, et insonuit terra a clamore eorum.

II Reg. VI, 17.

Audivit autem Adonias, et omnes qui invitati fuerant ab eo. Jamque convivium finitum erat. Sed et Joab audita voce tubæ, ait : Quid sibi vult clamor civitatis tumultuantis? id est, quid prætendit aut designat sonitus existentium in Jerusalelem, qui vociferari videntur, tanquam tumultum aut seditionem habentes? quia a remoto non poterat clamor perfecte discerni, et forsan suspicabatur aliquid ortum in civitate contra Adoniæ præsumptionem. Adhuc illo loquente, Jonathas filius Abiathar sacerdotis venit. Cui dixit Adonias : Ingredere, quia vir fortis es, et bona nuntians. Responditque Jonathas Adoniæ : Nequaquam; dominus enim noster rex David regem constituit Salomonem. Misitque cum eo Sadoc sacerdotem, et Nathan prophetam, et Banaiam filium Joiadæ, et Cerethi et Phelethi, et imposuerunt eum super mulam regis, unxeruntque eum Sadoc sacerdos et Nathan propheta regem in Gihon; et ascenderunt inde lætantes, et insonuit civitas. Hæc est vox quam audistis. Sed et Salomon sedet super solium regni. Et ingressi servi regis, benedixerunt domi-

no nostro regi David, dicentes: Amplificet A Deus nomen Salomonis super nomen tuum, et magnificet thronum ejus super thronum tuum. Et adoravit rex David in lectulo suo, insuper et hæc locutus est: Benedictus Dominus Deus Israel, qui dedit hodie sedentem in solio meo videntibus oculis meis.

Territi sunt ergo, et surrexerunt omnes qui invitati fuerant ab Adonia, et ivit unusquisque in viam suam. Puto, quod Jonathas ex industria et de consilio Joab atque Abiathar mansit in urbe ad perscrutandum, si aliquid ibi ageretur sive insurgeret contra Adoniam, ut illud velociter nuntiaret, sicut et fecit: ejus relatione audita, territi sunt qui interfuerunt convivio, ne indignationem David ac novi regis incurrerent. Adonias autem timens Salomonem, surrexit, et abiit in tabernaculum Domini, tenuitque cornu altaris, ut ibi tutius existeret. Nam ad altare holocaustorum, quod erat exterius, poterant et vulgares accedere; ad altare vero thymiamatis, sacerdotes dumtaxat. In Scholastica C autem fertur historia, quod tenuit cornu altaris thymiamatis: quod non creditur verum.

Et nuntiaverunt Salomoni, dicentes: Ecce Adonias timens regem Salomonem,

tenet cornu altaris, dicens: Juret mihi rex Salomon hodie, quod non interficiat servum suum gladio. Dixitque Salomon: Si fuerit vir bonus, id est, si de cetero ab isto et similibus criminibus custodierit se immunem, non cadet nec unus quidem capillus ejus in terram, id est, nil mali faciam ei; sin autem malum inventum fuerit in eo, id est aliquid criminale, præsertim crimen læsæ majestatis, adspiratio ad regnandum, seminatio seditionis in populo, aut partialitas contra regem, et communitatis turbatio, morietur, id est, statim faciam eum occidi. Misit ergo rex Salomon ministros solennes, et eduxit eum ab altari, non violenter, quum esset ibi locus refugii, sed persuasit ei per nuntios ut confidenter egrederetur, dummodo de cetero vellet se bene habere; et ingressus palatium, adoravit adoratione dulciæ regem Salomonem, recognoscendo se nihil juris habere ad regnandum, sed Salomonem esse legitime institutum in regem. Dixitque ei rex Salomon: Vade in domum tuam. Filii etenim C regis David adultæ et virilis ætatis, habebant specialia habitacula quædam, quamvis ad placitum fuerint in palatio. Unde et dictum est libro secundo, quod Thamar 11 Reg. xiii, 20. mansit contabescens in domo Absalon fratris sui.

ARTICULUS II

DE SPIRITUALI HUIUS CAPITULI PRIMI SENSU.

ET rex David senuerat. Per David præfiguratus est Christus, qui in juventute sua est crucifixus, ideo non senuit senio corporali, sed spirituali, de quo scriptum est: Senectus venerabilis est, non diuturna, neque annorum numero computata. Cani autem sunt sensus hominis, et ætas senectutis vita immaculata. Hæc ergo senectus est morum maturitas, probitas

vitæ, sapientia salutaris, quæ in Christo summe fuerunt. Quumque operiretur vestibus, non calefiebat. Per vestes quandoque intelliguntur homines aliquem circumdantes, juxta illud Isaïæ: His omnibus quasi vestimento ornaberis. Sed Judæi qui Christum in carne inter eos ambulantes corporaliter sequebantur, et instar vestium circumdabant eum, non calefecerunt, id

Sap. iv, 8, 9.

Is. xlix, 18.

est, ignem caritatis non continnerunt, nec consolationem pepererunt eidem, sed magis tristitiam, in tantum, quod dixit : O generatio incredula, quamdiu apud vos ero? quamdiu vos patiar?

Matth. xvii, 16; *Marc.* ix, 18.

Dixerunt ei servi sui: Quæramus domino nostro regi adolescentulam virginem. Sic Apostoli videntes incredulitatem obstinationemque Judæorum, et regem Christum toto corde desiderare animarum salutem, inter se concordaverunt ire ad gentes, et ex eis congregare Ecclesiam: quam congregatam, regeneratam et speciosissime decoratam, Christo præsentaverunt calidissimam in amore, et obdormientem in Christi contemplatione. Potest quoque per Abisag intelligi primitiva illa Ecclesia ex Judaismo conversa, omnium virtutum splendore conspicua, quæ in pace in idipsum dormivit, et requievit in suo dilecto, et dixit: *Læva ejus sub capite meo, et dextera illius amplexabitur me.* Rursus, Abisag virgo pudicissima atque pulcherrima, David regi desponsata, sed manens inviolata, fuit beatissimæ Christiferæ virginis Mariæ figura, quæ est singularis et unica Christi sponsa, sed virgo mundissima. Præterea, per David designatur quicumque fidelis prælatus, aut princeps seu rector, qui senectute confectus, aut spirituali senio decoratus, in carnalibus non inflammatur, neque in exterioribus delectatur: idcirco quærenda est ei adolescentula virgo pulcherrima, id est sapientia vere flammigera et divina, quæ donum est Spiritus Sancti, et vere accendit vim affectivam in caritate, quum sit scientia sapida et formata. De qua ait sincerus et pudicus amator: Hanc amavi et exquisivi a juventute mea, et quæsi vi eam sponsam mihi assumere, et amator factus sum formæ illius. Intrans in domum meam, conquiescam cum illa. Non enim habet amaritudinem conversatio ejus, nec tædium convietus illius, sed gaudium et lætitiā. Rursus, per puellam illam potest intelligi sacræ Scripturæ in-

Ps. iv, 9.

Cant. ii, 6.

Is. xi, 2.

Sap. viii, 2.

Ibid. 16.

telligentia: quæ etiam scientia affectiva vocatur, et utilis est ad docendum, ad exhortandum, ad increpandum, ad consolandum, ad inflammandum se ipsum ac proximos, quæ corruptionem (id est falsitatis admixtionem) non suscipit, sed inviolata est veritas. Hæc in senibus esse debet, juxta illud in Job: In antiquis est sapientia, et in multo tempore prudentia.

II Tim. iii, 16.

Job xii, 12.

Adonias autem elevabatur, dicens: Ego regnabo. Quemadmodum David est Christi figura, sic ea quæ in domo David fiebant, præfiguraverunt ea quæ in Christi fiunt Ecclesia. Sicque per Adoniam pulchrum, et ejus fautores Joab atque Abiathar, signantur superbi et ambitiosi, donis naturæ seu bonis fortunæ ornati, qui ad ecclesiasticas dignitates, ad principatum, ad regnum ingerunt semetipsos, et per potentes sæculi hujus, per prælatos Ecclesiæ quærunt juvari, atque per munera ac lauta convivias, per promissiones ac promotiones alliciunt sibi quos possunt. Sed viri timorati, sapientes, integri et constantes, qui per Sadoc, Nathan, Banaïam ac per robur exercitus designantur, talibus non adsistunt nec favent, imo renituntur; et eos promovere conantur, qui ætate, scientia et moribus sunt prælatione aut principatu condigni: qui unguntur per Sadoc et Nathan quando legitime consecrantur ac instituuntur, post quos canitur buccina, quando eorum institutio solenniter divulgatur. Denique, infelix et insensata ambitio aliquos sic excæcat, ut adhuc viventibus his qui præsunt, prælationem arripere non formident: qui dum a suo impediuntur proposito, solent serviliter eos vereri qui ipsis præficiuntur, et quærunt sibi ignosci. Salomon autem, id est justus ac sapiens pastor, judex seu princeps, qui sine acceptione judicat personarum, et magis dolet de Dei offensa quam de sua injuria, dat dignum responsum, utpote quod juxta eorum merita fiet eis.

ARTICULUS III

EXPOSITIO CAPITULI SECUNDI : APPROPINQUAVERUNT AUTEM DIES DAVID UT MORERETUR.

QUALITER David rex extremum clauderet diem, et qualiter filius ei succedens in regno, coepit regnare atque justitiam exercere, in isto capitulo narratur. *Appropinquaverunt autem dies David ut moreretur, praecepitque Salomoni filio suo, dicens: Ecce ego ingredior viam universae terrae*, id est, statim subibo mortem, eunctis mortalibus in terra commorantibus generalem, per quam exeunt de hoc mundo, et rediguntur in pulverem seu praeparatam materiam. Mors autem hominibus quantum ad principale suum, videlicet animam immortalem, est specialiter via, quia per eam tendunt ad aliud saeculum ac vitam futuram. *Confortare et esto vir fortis*, id est, assume fiduciam, et in virtutibus profice, ac animo sis virilis, quamvis aetate et corpore puer sis, ita ut aetatem moribus virtutibusque excedas.

Et observa ut custodias mandata Domini Dei tui, id est, divina imple praecepta quae Deus praecepit servari; vel, *Observa custodias Domini*, id est, custoditionibus cordis tui et vigilantibus animi, quae complacent Deo, sis semper intentus, juxta illud: *Omni custodia custodi cor tuum*. *Unde et in Deuteronomio jubetur: Custodi temetipsum et animam tuam sollicite*. Oportet enim regem et omnem qui praest, tanto esse custoditiorem et sollicitiorem in omnibus, quanto pluribus praesidet, tanquam districtius judicandum a Deo. *Ut ambules in viis ejus*, id est consiliis et doctrinis ipsius, atque in actibus bonis, per quae ad ipsum Deum itur ac pervenitur: de quibus in Proverbiis legitur, *Viae ejus viae pulchrae, et omnes semitae ejus pacificae; et custodias*, memoriter recolendo et opere adimplendo seu vitia evitan-

do, *cerimonias ejus*, id est praecepta caerimonialia quae praefigunt modum colendi Deum in sacrificiis, observantiisque similibus, *et praecepta ejus moralia, et judicia*, id est praecepta judicialia, *et testimonia*, sicut scriptum est in lege Moysis, id est, ea quae credenda sunt et speranda, credas ac speres: *ut intelligas omnia quae facis*, id est, discernas an bona vel mala sunt opera tua, sicque juxta divinae legis praecepta, testimonia et doctrinas, in eunctis te dirigas, *et quocumque te verteris*, id est, agnoscas in quibus retrocedis, deficiendo a processu virtutum, vel in quibus redis ad commoda tua, vel certe ad considerandum et discutiendum te ipsum aut subditos. Rex namque et omnis qui praesidet, debet esse circumspectus in omnibus, et maxime oculatus, ac jugiter considerare se ipsum atque subjectos, sicque (juxta Aggaeum prophetam) ponere cor suum super vias suas.

Ut confirmet Dominus sermones suos quos locutus est de me, id est, promissa sua mihi facta adimpleat, *dicens: Si custodierint filii tui*, praesertim succedentes in regno, *vias suas*, id est, in actibus suis se habuerint custodite, *et ambulaverint*, id est vixerint, *coram me in veritate doctrinae et vitae atque justitiae*, conversando sinceriter sine simulatione, duplicitate ac dolo, *in omni corde suo*, id est toto intellectu ac voluntate, *et in omni anima sua*, id est etiam secundum vires inferiores et animales, appetitum sensitivum concupiscibilem et irascibilem cum suis passionibus refrenando, et rationi subdendo, imaginationesque vanas abjiciendo: *non auferetur tibi vir de solio Israel*, id est, successor in regno non deficiet ex semine

tuo : quod si fieret, esset ad minorationem famæ et eminentiæ tuæ. Sicque patescit, quod promissiones factæ ipsi David de posterorum suorum successione in regno, erant sub conditione intelligendæ, utpote nisi peccando obicem ponerent impletiōni promissionis divinæ. Verumtamen non sunt hæc ita intelligenda, quasi successio illa temporalis in regno terreno, fuerit principalis causa aut ratio implendi divina præcepta : quoniam temporalia bona, terrena et exteriora, nequaquam sunt præmium dignum, plenum atque sufficiens actuum virtuosorum, per quos fit homo aptus regno cœlesti et salutis æternæ.

Multa hic omittuntur de factis et verbis ac ordinationibus sancti David, quæ primo Paralipomenon per octo capitula describuntur, a capitulo vicesimo primo usque ad finem libri illius. Unde Magister in historiis refert : Volens David ostendere populo, regem se fecisse Salomonem, convocavit in Jerusalem principes universos et sacerdotes ac Levitas, et inuncto iterum Salomone, ac confirmato ab omnibus regno ipsius, præcepit coram omnibus Salomoni de legis custodia, justitia, pietate ac templi ædificatione. Tunc quoque distinguit Levitas et sacerdotes, et cetera fecit, quæ in præfatis Paralipomenon capitulis sunt conscripta.

Tu quoque nosti quæ fecerit mihi, id est ad meam contristationem, *Joab filius Sarviæ*. Dicunt aliqui, quod Joab monstravit aliis epistolam sibi a David secrete missam de morte Uriæ, per quod regem scandalizavit, et hoc ipsum David notasse in verbis istis. Sed an Joab hoc fecit, incertum est : textus quoque videtur loqui de gestis sequentibus. *Quæ fecerit duobus principibus exercitus Israel, Abner filio Ner*, id est, quem Saul constituit principem militiæ totius exercitus Israelitici, et *Amasæ filio Jether*, quem Absalon posuit principem militiæ super totum exercitum suum pro Joab. Tamen sicut Absalon non fuit verus rex Israel, nec legitime institutus, sed ambitiose intrusus, et usurpa-

tor, ita nec Amasa fuit legitimus princeps militiæ Absalonis. Unde quod nunc vocatur princeps militiæ Israel, potest intelligi pro eo, quod David promisit, vel (ut aliqui dicunt) dedit ei principatum illum pro Joab, ut fuit expositum in libro secundo. *Quos occidit* proditorie, ferociter et ini- que, quos non audebat manifeste invadere ; *et effudit sanguinem belli in pace* : id est, sanguinem principum illorum, quos non debuit occidere nisi in prælio justo, vel justo congressu, fudit tempore pacis ; quando videlicet ipse David cum Abner inierat fœdus pacis, et quando indulserat Amasæ suum delictum ; vel, In pace, id est sub apparatu et signo pacis. Nam Amasam interfecit, osculando eundem et salutando verbis pacificis, dicendo : Salve, mi frater. Similiter ipsum Abner duxit seorsum, quasi allocuturus eum ex parte regis pacifice. *Et posuit cruorem prælii in balteo suo qui erat circa lumbos ejus, et in calceamento suo quod erat in pedibus*, id est, sine bellico labore illos occidit, ita quod propter tale quid perpetrandum non indiguit se armare, sed suffecit ei, balteo esse præinctum et corio calceatum. Quidam exponunt sic : Posuit cruorem belli in balteo, id est, balteum suum ac vestes et calceos fecit sanguine illorum perfundi, non arma sua, quia cum eis non dimicavit ; vel ideo dictum est istud, quia percussit illos in inguine, brachium suum contra ipsos non levando, sed ab infra pungendo, sicque sanguis illorum super balteum ejus ac calceamentum poterat prosilire, non super vestium suarum partes superiores. Aliqui exponunt, dicentes, [quod] pugnatōres solebant in armis suis insignia opera sua ad ostentationem describere ; sed quum Joab facinorosa homicidia illa non auderet in suis describere armis et publice ostentare, saltem in balteo et calceamento suo ea notavit.

Facies ergo ei juxta sapientiam tuam, ipsum debite puniendo, *et non deduces canitiem ejus pacifice ad inferos*, id est, eum jam canum, facias violenta morte oc-

I Reg. xiv, 50.

II Reg. xvii, 25.

II Reg. xix, 13.

Ibid. iii, 27; xx, 9, 10.

cidi, ut descendat quo meruit. Circa hoc A quidam scribit : Hebræi dicunt, Ad fossam, quoniam David non intendit, quod Joab descenderet ad infernum, sed potius, ut per pœnam temporalem evaderet pœnam infernalem. Ad quod dicendum, quod infernus quatuor modis accipitur, puta pro loco et supplicio damnatorum, pro purgatorio, pro limbo patrum, et pro limbo puerorum. Sed cur David personaliter non punivit ipsum Joab hoc modo? Respondetur, quod non poterat convenienter hoc facere sine grandi communitatis perturbatione, in qua Joab præpotens fuit; vel propter multa ipsius Joab obsequia, quæ regi impendit, peperit ei ad tempus; vel ex occulto Dei instinctu, ad præfigurandum magnum mysterium in ultima mundi ætate et tempore incarnationis. Nam David in hac re gerit personam Dei Patris; Salomon, Christi Filii Patris æterni. Pater Joann. v, 22. autem omne judicium dedit Filio : in ejus rei figura David rex in extremis commisit filio suo Salomoni judicium, tam circa reos quam circa beneficos, de quibus subjungitur :

Sed et filiis Berzellai Galaaditis reddes gratiam, id est favorem et vicem pro benefactis eorum, eruntque comedentes in mensa tua : id est, volo et hortor ut sint commensales tui, seu regiis cibis reficiantur. *Occurrebant* * enim mihi quando fugiebam a facie Absalon fratris tui. De illo occursum ante nihil scriptum est, sed quod Berzellai præbuit regi David necessaria abundanter. Verum ex isto loco colligitur, quod Berzellai misit filios suos in regis occursum.

Præterea, ut aliqui opinantur, ideo quoque jussit David Salomoni occidere Joab, ne ipse Joab post mortem David moliretur aliquid mali contra Salomonem, laborando pro Adoniæ intrusionem cui favebat, prout David ipse jam novit, qui scivit versutias Joab, et practicas ejus atque potentiam.

Habes quoque apud te Semei filium Gera filii Jemini de Bahurim, qui maledixit

mihi maledictione pessima quando ibam ad Castra, id est ad fortia loca refugii propter persecutionem Absalonis. Hæc autem historia in libro secundo exposita est, et cur David ei peperit ad tempus. Sed quia descendit mihi in occursum quum transirem Jordanem, et juravi ei per Dominum, dicens : Non te interficiam gladio; tu noli pati eum esse innoxium, id est impunitum in vita hæc, ut in futuro salvetur aut levius habeat. Vir autem sapiens es. Quando David hæc jussit, Salomon adhuc puer erat, et junior ac minimus inter fratres suos. Unde in Scholastica historia recitatur, quod David filios suos rogavit, ne graviter ferrent minimum inter eos sublimatum, quoniam Deus ita mandavit, sicut et ipse minimus inter fratres suos fuerat unctus. Denique primo Paralipomenon David ait ad populum : Filium meum Salomonem elegit Deus adhuc puerum et tenellum. Qualiter autem David jam dixit ad Salomonem, Vir sapiens es? Imo secundum Josephum, aliosque Hebræos, et ut videtur sentire Hieronymus, non erat ultra duodecim annos aut circiter. Verum ad hæc erit infra inquisitio major, solutioque diffusior. Qui ergo vult tenere quod adhuc erat tam juvenis, dicere potest quod tunc vocatus est vir, non propter ætatem, sed propter prudentiam suam, quæ excessit ætatem. Et scies quæ facias ei. Nam Salomon multum prudenter et pie egit cum Semei, eum non statim occidendo : imo nisi transgressus fuisset Salomonis præceptum, non fuisset ab eo occisus. Deducesque canos ejus cum sanguine, id est morte illata ac violenta, ad inferos, quum non observaverit quæ per tuam prudentiam ei injunges.

Dormivit ergo David cum patribus suis, id est, somno mortis quievit a tumultibus vitæ præsentis, et a vita corporea animali, sicut et patres ejus ante eum, et sepultus est in civitate David, id est in ea parte Jerusalem, in qua erat arx Sion. Unde legitur secundo Regum : Cepit autem David arcem Sion, hæc est civitas David. Ibi quip-

* occurrunt

II Reg. xvii, 27-29.

II Reg. xvi, 5-13.

Ibid. xix, 16-23.

I Par. xxix, 4.

* Ut scias

II Reg. v, 7.

pe construxit palatium, et in eodem monte templum Salomonis constructum est. Circa hæc Magister in historiis refert : Circa tumulum ejus, videlicet David regis, fecit Salomon octo loculos thesaurorum : quorum unum post mille et trecentos annos aperuit Joannes Hyrcanus pontifex ; alium, Herodes ; alii vero nondum manifestati sunt. In diebus David Carthago condita fertur. *Dies autem quibus regnavit David super Israel, quadraginta anni sunt. In Hebron regnavit septem annis ; in Jerusalem, triginta tribus. Salomon autem sedit super thronum, id est regale judicialeque solium, David patris sui : ita quod patre suo defuncto, habuit plenam regiae potestatis jurisdictionem et executionem. Nam patre ejus vivente, fuit sub eo, et detulit ei, et non nisi secundum ipsius voluntatem utebatur regia potestate. Siquidem ipse David Salomonem sic statuit regem et sui successorem, ut executione fungeretur plenaria, suo patre defuncto. Et firmatum est regnum ejus nimis : ita quod omnes de populo subdiderunt se ei promptissime, quia audierunt a David et Nathan, quod Deus elegisset eum in regem.*

*Et ingressus est Adonias filius Haggith ad Bethsabée matrem Salomonis. Quæ dixit : Pacificusne est ingressus tuus? Formidavit enim quod aliquid mali intenderet, sicut et fuit. Qui respondit : Pacificus. Quod ita non erat. Addiditque : Sermo mihi est ad te. Cui ait : Loquere. Et ille : Tu (inquit) nosti, quia meum erat regnum, id est, de jure communi pertinuit ad me, tanquam ad filium seniore et primogenitum inter superstites, et me proposuerat * omnis Israel, id est quidam de omnibus, sibi in regem ; sed translatus est regnum, et factum est fratris mei. A Domino enim constitutum est ei. Nunc ergo petitionem unam deprecor a te ; ne confundas faciem meam. Quæ dixit ad eum : Loquere. Et ille ait : Precor ut dicas Salomoni regi (neque enim negare tibi quidquam potest) id est, non decet ut aliquid rationabiliter petitum deneget tibi, tum ratione mater-*

nitatis, tum quia promovisti eum tua petitione ad regnum, ut det mihi Abisag Sunamitem uxorem. Et ait Bethsabée : Bene, ego loquar pro te regi.

Venit ergo Bethsabée ad regem Salomonem, ut loqueretur ei pro Adonia. Et surrexit rex in occursum ejus, matrem suam tam fidelem honorans, adoravitque eam, adoratione dulciæ, quæ debetur parentibus, quibus a prole non potest reddi æquivalens : et quamvis Salomon in quantum rex, fuit matre sua superior, tamen in quantum filius ejus, fuit ea inferior ; et sedit super thronum ejus, quia ad modicum tempus fecit eam super thronum suum sedere, quousque poneretur ei sedes juxta solium suum ; positusque est a ministris thronus matri regis, quæ sedit ad dexteram ejus : quia sic eam voluit honorare. Dixitque ei : Petitionem unam parvulam deprecor a te, ne confundas faciem meam. Et dixit ei rex : Pete, mater mea. Neque enim fas est ut avertam faciem tuam, id est, ut tuam præsentiam faciam a me recedere non exauditam, aut vultum tuum a sua petitione repellam, dummodo rationabilis sit tua petitio : quia hoc vera amicitia exigit, ut unus propter alium nil agat illicitum. Quæ ait : Detur Abisag Sunamitis Adoniæ fratri tuo uxor.

Responditque rex Salomon, et dixit matri suæ : Quare postulas Abisag Sunamitem Adoniæ ? quasi dicat, Irrationabiliter petis, quamvis tu ipsa non advertas hoc. Salomon quippe acuti sensus et prudens, et pristinae ambitionis Adoniæ memor, et statim advertit quo tenderet ejus petitio, utpote ad regnum adipiscendum. Ideo subditur : Postula ei et regnum. Quod quasi ironice ait, loquendo de justa ironia, quia femineam suæ matris simplicitatem pie notavit atque admonuit, ut de cetero cautior esset. Ipse est enim frater meus major, id est senior me, et habet Abiathar sacerdotem, id est pontificem, et Joab filium Sarviæ principem militiæ. Quasi dicat : Ratione primogenituræ et favore ac ope pontificis, principisque militiæ habet oe-

* *proposuerat*

III Reg. 1, 17 et seq.

III Reg. 1, 4. casionem adspirandi ad regnum. Si autem haberet Abisag uxorem, quæ fuit patri meo desponsata, propter quod quasi regina est, magis conaretur ad regnum ascendere, tanquam maritus relictæ regis, et adjutorio tribus ac consanguineorum ipsius Abisag, quæ nobilis est puella. Dicunt demum nonnulli, quod ex instigatione Joab Adonias fecit illam petitionem.

II Reg. vii, 12 et seq. Juravitque rex Salomon per Dominum, dicens : *Hæc faciat mihi Deus et hæc addat, quia contra animam suam*, id est contra suam salutem et contra vitæ suæ conservationem, *locutus est Adonias verbum hoc*, id est, instigavit te ad istud petendum. Consideravit enim Salomon petitionem suæ matris ex informatione Adoniæ venisse. *Et nunc vivit Dominus, qui firmavit me, et collocavit super solium David patris mei, et qui fecit mihi domum sicut locutus est*, id est, familiam dedit mihi ut condecet regem habere, sicut per Nathan prædixit, *quia hodie occidetur Adonias*, tanquam machinator turbationis totius communitatis, et reus in regem atque in Deum et le-

Lev. xviii, 8. gem, quoniam contra legis præceptum petiit conjugem sui patris habere uxorem : quod etiam cessit in patris sui opprobrium, qui in illius puellæ sinu dormivit. *Misitque rex Salomon per manum Banaie filii Joiadæ*, id est ipsum Banaïam cum viris robustis, *qui interfecit eum, et mortuus est* : quia propter bonum commune conservandum in pace, oportet rigorem justitiæ exercere, etiam in quantumlibet proximos et propinquos.

Circa hæc scribit Rabbi Paulus more solito contra Lyram : Licet prohibitum sit in lege matrimonium contrahere cum patris uxore, tamen illam petere in uxorem, non est prohibitum. Quod non est idonee dictum, et videtur procedere ex errore dicentium, quod lex vetus prohibuit opus, non affectum ; et quod cohibuit manum, sed non animum : quod est falsum, et contra doctores catholicos. Imo inter præcepta Decalogi non solum fuit prohibita mœchatio, sed et concupiscentia rei alie-

Exod. xx, 14, 17.

nae. Atque per Isaiam Dominus dixit : *Auferte malum cogitationum vestrarum ab oculis meis*. Per Michæam quoque : *Vae qui cogitatis inutile*.

Abiathar quoque sacerdoti dixit rex : Vade in Anathoth ad agrum tuum, id est, de hac civitate regali recede et habita in parvo oppido seu viculo sacerdotum, nomine Anathoth (de quo fuit Jeremias), et ibi egredere ad agrum quem habes in suburbanis loci illius ad spatiandum atque ad intuendum pecora tua. Quamvis etenim

B sacerdotes non habuerint hereditaria bona, sed solum loca ad commorandum, et sacrificia Domini ac decimas sive primitias pro hereditate ; habuerunt tamen loca pascualia seu suburbana ad alendum sua jumenta, et pascualia illa poterant sibi invicem vendere, quemadmodum in Jeremia habetur : *Dixit Jeremias, Factum est verbum Domini ad me, dicens : Ecce Hanameel patruelis tuus veniet ad te, dicens, Emec tibi agrum meum, qui est in Anathoth ; et emi agrum. Et quidem vir mortis es*, id est, meruisti occidi, adhærendo Adoniæ contra ordinationem divinam, et contra me conspirando cum Joab, aut etiam Adoniam pariter inducendo ut peteret Abisag in uxorem, ut sic facilius posset mihi rebellare, et ad regnum ascendere ; *sed hodie te non interficiam*, id est, pro malo præterito tibi ignoseo : si tamen de cetero tale quid attentaveris, faciam te occidi : *quia portasti arcam Domini Dei coram David patre meo, et sustinuaisti laborem in omnibus in quibus laboravit pater meus*.

D *Ejecit ergo Salomon Abiathar, ut non esset sacerdos Domini*, id est, pontificali officio amplius non fungeretur, imo nec sacerdotali ad tempus. Verumtamen postea fecit ei elementiam, admittendo ipsum ad sacerdotale officium. Nam infra habetur : *Sadoc et Abiathar sacerdotes*. Primo quoque Paralipomenon legitur David ordinasse ut Sadoc et Abiathar omnibus præessent in templo ; sed hoc fuit ante ipsius Abiathar ejectionem, intelligendumque erat, dummodo Salomoni fideliter adhæreret. *Ut im-*

Is. i, 16.

Mich. ii, 1.

Jer. i, 1.

Ibid. xxxii, 6, 7, 9.

III Reg. iv, 4.

I Par. xv, 11, 12.
Cf. xxiv, 6.

pleretur sermo Domini, quem locutus est A super domum Heli, id est de posteris Heli pontificis, qui habitavit in Silo, quod scilicet sacerdotio privarentur, prout in primo libro fuit expositum. Itaque abjecto Abiathar, qui fuit de familia Ithamar filii Aaron, translatum est pontificium ad Sadoc, qui fuit de semine Eleazari filii Aaron. Et sicut Magister in historiis ex Josepho narrat, post Phinees filium Eleazari fuerunt quinque privati sacerdotio, id est pontificali officio, scilicet Joseph, Joathan, Mareoth, Asophi et Achitob, qui genuit Sadoc. Verumtamen privatio illa non est facta statim post Phinees, quoniam ipsi Phinees successit in sacerdotio Abiezer, cui successit Busi*, post quem pontifex fuit Ozi : quo sublato, translatum est sacerdotium de domo Eleazari ad Heli, qui fuit de Ithamar, fuitque iudex et pontifex, ut in primo libro dictum est.*

I Reg. II, 27 et seq.

*I Par. VI, 50, 51.
* Abizue
* Bocci*

I Reg. I, II, IV, 18.

III Reg. I, 50.

Venit autem nuntius ad Salomonem, dicens quod Joab declinasset post Adoniam. Jam Salomon noverat, quod ante suam promotionem ad regnum, ipse Joab adhæserit Adoniæ ; sed nuntius, de quo nunc sermo, creditur Salomoni insinuasse, quod etiam post suam promotionem et unctionem in regem, Joab adhæserit Adoniæ, suggerendo ei, qualiter posset ad regnum pertingere, atque ut peteret sibi Abisag dari in conjugem. Et post Salomonem non declinasset, ei adhærendo ex corde, quamvis uncto in regem. Fugit ergo Joab in tabernaculum Domini, et apprehendit cornu altaris : prout dictum est de Adonia. Percepit etenim Joab (ut fertur) quod Salomon ista pereeperat, et item quod David jusserat Salomoni, ut interficeret ipsum Joab ; scivit quoque Adoniam jam interfectum, Abiatharque expulsum : ideo formidavit.

Nuntiaturque est regi Salomoni, quod fugisset Joab in tabernaculum Domini, et esset juxta altare. Misitque Salomon Banaiam filium Joiadae, dicens : Vade, interfice eum. Et venit Banaias ad tabernaculum Domini, et dixit ei : Hæc dicit rex,

Egredere, quia in tabernaculo Domini te interficere non præsumo. Qui ait : Non egrediar, sed hic moriar. Hoc dixit, quia vidit se non posse evadere. Si autem dixisset hoc ex vera contritione, tanquam paratus sustinere supplicium mortis pro suis sceleribus, magnum fuisset. Renuntiavit Banaias regi sermonem, dicens : Hæc locutus est Joab, et hæc respondit mihi. Dixitque ei rex : Fac sicut locutus est, et interfice eum in tabernaculo Domini, et sepeli, id est, fac eum honeste sepeliri, propter dignitatem sui officii, et quia servivit, fidelisque fuit patri meo in multis ; et amovebis sanguinem innocentem qui effusus est a Joab, a me et a domo patris mei, id est, pœnam pro illis homicidiis infligendam, removebis a me et posteritate patris mei : quam pœnam juste incurrerem, nisi facinora illa in ipso Joab ulciscerer.

Et reddat Dominus sanguinem ejus super caput ejus, hoc est, causam suæ interfectionis imputet ei, et pœnam quam meruit, ipse personaliter luat. Hoc Salomon dixit zelo justitiæ, tanquam iudex. Quia interfecit duos viros justos melioresque se, et occidit eos gladio, patre meo David ignorante, Abner filium Ner principem militiæ Israel, et Amasam filium Jether principem exercitus Juda : quia in tribu Juda fuit princeps et dux, secundum quod quælibet tribus habuit principem specialem sub Joab. Videtur autem ex testimonio isto, quod Abner et Amasa sint salvati, utpote justi : quia si aliquando peccaverunt, pœnituisse creduntur. Unde et sanguis eorum dicitur innocens, non quod sine peccatis vixerunt, sed quoniam mortem quam Joab intulit eis, inflixit eis injuste, nec eam promeruerunt, nisi in quantum ex divina providentia omnia complectente ac ordinante, eam pro suis sustinuerunt peccatis ; sed ob hanc causam Joab non occiderat eos. Et revertetur sanguis illorum in caput Joab, et in caput seminis ejus in sempiternum : hoc est, pœna pro crimine interfectionis Abner et Amasæ infligenda, infligetur ipsi Joab et posteris ejus quamdiu*

** reddet*

II Reg. III, 27 ; XX, 10.

exstiterint, praesertim si iniquitatem ipsius Joab sequantur. Istud autem intelligendum est juxta expositionem libri secundi, ubi imprecatio malorum quae David imprecatus est ipsi Joab pro interfectione Abner, exposita est.

David autem et semini ejus et domui, hoc est familiae ejus fideli, et throno illius, videlicet mihi successori ipsius sedenti in ejus throno, *sit pax usque in aeternum a Domino.* Ista verba Salomonis fuerunt oratio, non prophetia. Nam et Nathan propheta praedixit David regi, quod gladius non recederet de domo ejus in sempiternum, propter peccata ejus in Uriam commissa, ut patuit supra libro secundo. Infra quoque habetur, quanta turbatio orta sit partim Salomoni propter scelera sua, deinde posteris suis propter eorum excessus.

Itaque Banaias interfecit eum juxta cornu altaris, ut in Scholastica continetur historia. Vel persuasit ei ab altari recedere; sive (ut aliqui dicunt) vi fuit ab altari retractus, quoniam in Exodo Dominus jussit: Si quis per industriam occiderit proximum suum, vel per insidias, ab altari meo avelles eum ut moriatur. Ex quibus etiam verbis ostenditur, quod Salomon non peccavit, occidendo eum in loco sacro. Nam Joab artifex homicida, per industriam nefariam proditoriasque insidias ac tempore pacis, interfecit duos principes illos. Denique ex hoc quod in tabernaculo illo typico erat reis refugii locus, monstratur quam rationabiliter Constantinus imperator inter cetera privilegia dedit ecclesiis, ut confugientes in eas sint liberi: et tamen qui

Ascendit itaque Banaias filius Joiadae, et aggressus eum interfecit; sepultusque est in domo sua in deserto. Quocirca recitat Lyra: Dicit Rabbi Salomon quod Joab fecit ibi hospitale ad recipiendum peregrinos ac pauperes transeuntes. Unde dicunt Hebraei eum esse salvatum, et quod mors temporalis sibi inflata fuit in expiationem peccatorum suorum. Sed an hoc sit verum, videlicet eum esse salvatum, securius divino

videtur committendum judicio, quam tenere asserendum. Nec ex hoc sequitur, quod sit salvatus, quia fecit hujusmodi hospitale; sed potius si mortem illam et manifestum aggressum aequanimiter tulit, et de sua conspiratione ac ceteris vitiis vere poenituit.

Et constituit rex Banaiam filium Joiadae pro eo, scilicet Joab, super exercitum, hoc est, principem militiae fecit Banaiam qui erat condignus, utpote vir strenuus, fortis, prudens et integer: *et Sadoc sacerdotem posuit pontificem pro Abiathar:* sicque pontificium fuit reductum ad posteritatem Eleazari primogeniti Aaron sacerdotis.

Misit quoque rex, et vocavit Semei, de tribu Benjamin, habitantem extra Jerusalem. Dixitque ei: Edifica tibi domum in Jerusalem, et habita ibi; et non egrediaris inde huc atque illuc. Quacumque enim die egressus fueris, et transieris torrentem Cedron: qui torrens est inter Jerusalem montemque Oliveti, et vocatur torrens Cedron quoniam juxta eum oriuntur et stant cedri: scito te interficiendum: non quod eodem die quo exiit, occideretur, quia nec sic factum est, sed quod die illo sic exiendo mereretur occidi. Sanguis tuus erit super caput tuum, id est, effusio sanguinis tui imputabitur tuis demeritis. Dixitque Semei regi: Bonus sermo, pia ordinatio. Sicut locutus est dominus meus rex, sic faciet servus tuus. Nam timuit statim occidi. Istud injunxit Salomon Semei huic, ne hinc inde vagando faceret seditionem in populo, quia erat seditiosus et inquietus. Unde et Salomon satis conjecit, quod tandem transgrederetur istud praeceptum. Habitavit itaque Semei in Jerusalem diebus multis.

Factum est autem post tres annos, ut fugerent servi Semei ad Achis filium Maacha, regem Geth. Nuntiatumque est Semei, quod servi ejus essent in Geth. Et surrexit Semei, et stravit asinum suum, ivitque ad Achis in Geth ad requirendum servos suos, et adduxit eos de Geth. Nuntiatum est autem regi Salomoni, quod

Et constituit rex Banaiam filium Joiadae pro eo, scilicet Joab, super exercitum, hoc est, principem militiae fecit Banaiam qui erat condignus, utpote vir strenuus, fortis, prudens et integer: *et Sadoc sacerdotem posuit pontificem pro Abiathar:* sicque pontificium fuit reductum ad posteritatem Eleazari primogeniti Aaron sacerdotis.

Misit quoque rex, et vocavit Semei, de tribu Benjamin, habitantem extra Jerusalem. Dixitque ei: Edifica tibi domum in Jerusalem, et habita ibi; et non egrediaris inde huc atque illuc. Quacumque enim die egressus fueris, et transieris torrentem Cedron: qui torrens est inter Jerusalem montemque Oliveti, et vocatur torrens Cedron quoniam juxta eum oriuntur et stant cedri: scito te interficiendum: non quod eodem die quo exiit, occideretur, quia nec sic factum est, sed quod die illo sic exiendo mereretur occidi. Sanguis tuus erit super caput tuum, id est, effusio sanguinis tui imputabitur tuis demeritis. Dixitque Semei regi: Bonus sermo, pia ordinatio. Sicut locutus est dominus meus rex, sic faciet servus tuus. Nam timuit statim occidi. Istud injunxit Salomon Semei huic, ne hinc inde vagando faceret seditionem in populo, quia erat seditiosus et inquietus. Unde et Salomon satis conjecit, quod tandem transgrederetur istud praeceptum. Habitavit itaque Semei in Jerusalem diebus multis.

Factum est autem post tres annos, ut fugerent servi Semei ad Achis filium Maacha, regem Geth. Nuntiatumque est Semei, quod servi ejus essent in Geth. Et surrexit Semei, et stravit asinum suum, ivitque ad Achis in Geth ad requirendum servos suos, et adduxit eos de Geth. Nuntiatum est autem regi Salomoni, quod

Factum est autem post tres annos, ut fugerent servi Semei ad Achis filium Maacha, regem Geth. Nuntiatumque est Semei, quod servi ejus essent in Geth. Et surrexit Semei, et stravit asinum suum, ivitque ad Achis in Geth ad requirendum servos suos, et adduxit eos de Geth. Nuntiatum est autem regi Salomoni, quod

Factum est autem post tres annos, ut fugerent servi Semei ad Achis filium Maacha, regem Geth. Nuntiatumque est Semei, quod servi ejus essent in Geth. Et surrexit Semei, et stravit asinum suum, ivitque ad Achis in Geth ad requirendum servos suos, et adduxit eos de Geth. Nuntiatum est autem regi Salomoni, quod

Exod. vi, 23; xxviii, 1.

* *issent*

isset Semei in Geth de Jerusalem, et rediisset. Et mittens vocavit eum, dixitque illi : Nonne testificatus sum tibi per Dominum, et prædixi tibi, Quacumque die egressus fueris huc et illuc, scito te esse moriturum ? Et respondisti mihi : Bonus sermo quem audiui. Quare ergo non custodisti iusjurandum Domini, et præceptum quod præceperam tibi ? Dixitque rex ad Semei : Tu nosti omne malum, cuius tibi conscius est cor tuum, quod fecisti David patri meo. Reddidit Dominus malitiam tuam in caput tuum : hoc est, justo iudicio permisit te cadere in transgressionem præcepti mei, propter iniquitates tuas in David commissas, propter quas nunc debitam tibi pœnam infliget per me. Et rex

II Reg. xvi, 5-8.

A Salomon benedictus sit a Deo, id est donis gratiæ perornatus, et thronus David, hoc est regia ejus successio et præsidentia judicialis, erit stabilis coram Domino usque in sempiternum. Hoc fuit verbum bonæ fidei, quia speravit ita futurum, atque implicita quædam oratio, quia optavit sic evenire ; sed propter Salomonis scelera regnum fuit divisum, et propter posterorum suorum facinora, fuit tempore Babylonicæ captivitatis ablatum, quamvis postea aliquando recuperatum. Sicque verbum hoc B Salomonis fuit sub conditione intelligendum, videlicet nisi sua et suorum peccata aliud mererentur. Jussit itaque rex Ba-naïæ filio Joiadæ ; qui aggressus, percussit eum, et mortuus est.

III Reg. xi, 35, 36 ; xii, 19.

IV Reg. xxv.

I Esdr. i, 2 ; vi, 14, 15.

ARTICULUS IV

DE SPIRITUALI HUIUS SECUNDI CAPITULI SENSU.

PER hoc quod David recessurus de vita præsentis, sollicitus fuit de idoneo successore, et eum loco sui instituit, quem novit a Domino præelectum ad præsidendum, atque eundem diligenter admonuit et instruxit de observatione legis divinæ, et de executione justitiæ, ac justa remuneratione, moraliter edocemur, quod reges et principes sæculares satagere debent, ac diligentissime providere, ut virtuosos post se relinquant suorum successores dominiorum, et eos quos æstimant successores in principatu, vigilantius exhortentur ad Dei timorem, ad æquitatis tenorem, ad præsidentiam justam. Prælati quoque cum summo conatu debent prospicere, ut eis succedant vere idonei et condigni, qui vocentur a Deo ut Aaron, seu legitime eligantur ac instituantur, nec ingerant semetipsos, nec intrudantur.

Hebr. v, 4.

Denique, sicut David moriturnus, filio suo regi ac iudici commisit executionem

C rigoris juris in eos, quos ipse ex rationabili causa distulit aut convenienter nequivit punire, sic potest rex seu princeps moriturus suo committere successoribus. Rursus, sicut David moriturus, Salomonem constituit regem, sic Christus proximus passioni, beatissimum Petrum designavit sibi in potestatis plenitudine successurum : quem et cito post passionem constituit totius Ecclesiæ præsulem ac rectorem, atque ecclesiasticæ potestatis plenitudinem contulit ei, dicendo, Pascere oves meas, ut solveret et ligaret. Et quia in veteri Testamento rex altior fuit ac dignior præsule, quia sacerdotium illud erat typicum et carnale, ideo Salomon potuit jurisdictionem ac disciplinam in Abiathar exercere. In novo autem Testamento, sacerdotium pontificatusque dignitas ineffabiliter præeminent omni regali ac sæculari potestati, auctoritati et dignitati : ideo nec Imperatori, nec regibus, nec principibus licet aut convenit

Matth. xvi, 18, 19.

Joann. xxi, 17.

jurisdictionem aut correctionem exercere A in clero, nisi forsan eis a summo Pontifice concedatur. *Salomon autem sedit super thronum patris sui, et firmatum est regnum ejus nimis.* Sic Christo crucifixo atque in cælum elevato, Petrus in plenitudine potestatis, et auctoritate pontificii summi resedit; in ejus regimine Ecclesia militans vehementer profecit et crevit, ita quod innumerabilia millia undique convertebantur ad Christianismum: et per gloriosi Petri miracula, exempla et documenta, roborabatur valde Ecclesiae populus.

Act. ii, 41; v, 1.

Et ingressus est Adonias ad Bethsabée. Per Adoniam fratrem Salomonis, designantur quidam ex Judaismo ad Christum conversi, sed hæretica pravitate infecti: qui Abisag, hoc est Synagogam, in Christum vere et plene credentem, sieque ipsius sponsam et conjugem, petierunt sibi dari uxorem, quoniam eos qui vere erant catholici, nitebantur ad errores suos pertrahere, ut crederent legalia simul cum Evangelio necessario observanda, quemadmodum in Actis Apostolorum de Phariseis credentibus hæreticis recitatur: ad quod procurandum miserunt Bethsabée ad Christum, hoc est, Scripturam veteris Testamenti, quæ fuit quasi spiritualis mater ipsorum, assumpserunt et allegaverunt, ex ea persuadere conantes, sic esse credendum. Christus vero ipsam sacram honoravit Scripturam, sed abutentes ea hæreticos condemnavit.

Ibid. xv, 5.

Insuper, per hoc quod Salomon matrem suam Bethsabée tam reverenter et maxime D honoravit, atque in suo solio fecit residere, ac deinde ad suam dexteram collocavit, ei-que dixit, *Pete, mater mea; neque enim fas est ut avertam faciem tuam*, præfiguratus est honor præcipuus, quem Dominus et Salvator suæ dignissimæ exhibuit Genitrici, quam secum in throno gloriæ super universos angelicorum spirituum ordines exaltavit ac posuit, copiosissimeque exaudit. Attamen sicut Bethsabée pro Adonia non fuit exaudita, sic nulli præseito ac reprobo

præstantissima Christi Mater obtinere valet salutem.

Rursus, per Adoniam signantur ambiciosi et conspiratores, qui per interpositas personas, subornationes, calliditates, blandimenta et practicas, nituntur ad primatum caute ascendere, aut meliores extrudere, ita ut opinentur suas ambitiones et machinas non esse deprehendendas aut considerandas: quæ tamen a vere sapientibus et expertis cito ac faciliter perpenduntur et aperiuntur, ita quod tales confunduntur, ac suis frustrantur intentis; complices quoque et fautores eorum, qui per ipsos exaltari sperabant, vehementius deiciuntur, et eis quæ habebant, privantur officiis, quemadmodum ipsi Joab atque Abiathar contigisse agnoscitur. Præterea, sicut Joab ad tabernaculum confugiendo nequivit evadere mortem, sic et nunc in populo christiano quidam tam enormiter criminosi consistunt, quod nec in ecclesiis consecratis possunt habere effugium.

Misit quoque rex, et vocavit Semei. Per Semei intelliguntur rebelles, seditiosi, inquieti, morte digni: quibus tamen Christus misericorditer jubet, ut vere pœniteant, et in Jerusalem commorentur, hoc est, in unitate Ecclesiæ perseverent, et ad mentis quietem se præparent, nec per pristina vitia evagentur, nec mundi lucra avare sectentur, vel in sacra religione Deo sine apostasia jugiter obsequantur, alioqui peribunt; sed quidam cum Semei mente redeunt ad mundana, propter quod condemnari merentur. Religiosus ergo in cœnobio et solitudine persistat non corpore tantum, sed et mentis recollectione et cordis affectu: nec mundum (eni renuntiavit) teneat in se clausum, per sæcularia atque inania discurrendo, ac frivola et iniqua imaginando: sed in cœlis sit conversatio ejus, æterna et divina contemplando, Deum lau-^{Philipp. iii, 20.} dando, salubria meditando, devote orando, et semper occupando se fructuose, quia ad hæc agenda reliquit sæculum, et ingressus est cœnobium. Quod si ita non egerit, duplex sibi instat confusio.

ARTICULUS V

EXPOSITIO CAPITULI TERTII : CONFIRMATUM EST IGITUR REGNUM IN MANU SALOMONIS.

RECITATUR in isto capitulo, qualiter A sapientiam suam Salomon accepit a Domino, et qualiter cœpit eam monstrare hominibus. *Confirmatum est igitur regnum in manu*, hoc est in potestate et actu, *Salomonis, et affinitate conjunctus est Pharaoni regi Ægypti. Accepit namque filiam ejus uxorem, et adduxit eam in civitatem David*, id est in arcem, et in palatio David regis fecit eam morari, *donec compleret ædificans domum suam*, id est palatium in quo habitare decrevit : de cujus constructione infra dicitur ; *et domum Domini*, id est templum, *et murum Jerusalem per circuitum*. Tempore David fuit Jerusalem per gyrum murata, sed Salomon voluit fortius eam munire, et triplici muro circumdare. Proposuit autem specialiter tria ædificare, videlicet templum, atque palatium novum, et urbem metropolim regni sui triplici muro ambire, quatenus intra primum ambitum seu clausuram essent templum Dei, palatium regis cum habitaculis domesticorum suorum, et ædes ac mansiones sacerdotum hebdomadariorum, qui per singulas septimanas serviebant in templo, prout primo Paralipomenon libro David legitur ordinasse ; et infra secundum ambitum habitarent viri potentes ac nobiles, ac prophetæ, secundum quod infra quarto libro narratur Holda prophetissa mansisse in Jerusalem in secunda, id est infra secundam clausuram ; et infra tertium ambitum mechanici artifices.

1 Par. xxiv,
3 et seq.

IV Reg. xxii,
11.

Num.
xxxvi, 7.
Deut. vii, 3.

Quæritur, qualiter licuit Salomoni accipere filiam Pharaonis alienigenam et paganam atque idololatram, quum Dominus jusserit, Omnes viri ducent uxores de tribu et cognatione sua ; et iterum, Non sociabis cum eis conjugia. Respondetur, quod

non erat filiis Israel absolute prohibitum eum alienigenis contrahere, quia in Deuteronomio datur speciale præceptum, qualiter poterant ducere feminas inter captivos gentiles inventas. Salmon quoque accepit Rahab in conjugem, et Samson Philistæam : quæ res dicitur facta a Domino. Sic et libro secundo præhabitu est, quod David accepit filiam regis Gessur in contoralem. Sic et Booz accepit Ruth. Itaque advertendum, quod filiis Israel specialiter erat inhibitu sociare connubia cum mulieribus et puellis Chananæorum, ut in lege sæpe exprimitur ; et tamen in certo casu poterat aliter fieri, propter fidem illarum in Deum Israel, et propter probitatem beneficentiamque earum ad Israeliticum populum : sicque Salmon accepit Rahab. Cum aliarum vero gentium filiabus poterant contrahere ex rationabili causa ; sed quoniam dispar cultus est matrimonii impedimentum, oportebat illas ad fidem et cultum veri Dei converti. Porro Salomon creditur duxisse filiam Pharaonis propter commune bonum totius suæ plebis et communitatis, quoniam Pharaon rex Ægypti fuit tunc præpotens rex, et terræ promissionis ex una parte satis propinquus.

Deut. xxi,
11-13.

Matth. i, 5.

Judic. xiv,
2 et seq.

II Reg. iii,
3.

Ruth iv, 13.

Attamen populus Israel immolabat per manus sacerdotum sacrificia Deo in excelsis, id est locis sublimibus. *Non enim ædificatum erat templum nomini Domini usque in diem illum*. Sicque locus divini cultus nondum fuit determinatus, nec designata fuit civitas, in qua sola liceret sacrificari : ideo mittebantur filii Israel alibi immolare, prout in Deuteronomio sæpius dictum est.

Deut. xii,
xvi.

Dilexit autem Salomon Dominum dilectione spirituali infusa et meritoria, am-

bulans in praeceptis David patris sui, id est in observationibus praeceptorum Dei, quae David commemoravit ac monuit ei esse servanda, atque in ceteris quae David specialiter ei injunxit, et circa divinum cultum observanda instituit, prout primo Paralipomenon per diversa capitula scribitur : *excepto quod in excelsis immolabat* : quod David ei non jussit : *et accendebat thymiamata* in praefatis locis excelsis, videlicet alibi quam in loco quo erat area, aut alibi quam super altare quod specialiter altare thymiamatis vocabatur, de quo in Exodo legitur. Porro de confectione thymiamatis ex diversis speciebus aromaticis, habetur ibidem. Praeterea quaeritur, si immolatio et accensio thymiamatis licite in excelsis fiebant, cur hoc ponitur hic quasi in minorationem divini amoris, atque pro signo imperfectionis. Respondetur, quod commendabilius erat et melius, facere illa solum in loco et tabernaculo areae. Gentiles namque in excelsis sacrificabant, sicque poterat speciem mali habere, et esse erroris occasio. Unde et David non legitur immolasse, nisi in loco areae, nisi quod Deo jubente immolavit in area Ornan Jebusaei : sicque in hoc videtur Salomon defecisse a patris perfectione.

Abiit itaque Salomon in Gabaon, ut immolaret ibi. Josephus aperte scribit, quod ivit in Hebron ad immolandum ; et alii dicunt, quod Gabaon non sit proprium nomen urbis. Sed quid circa hoc sit sentiendum, et de intellectu verbi istius, et quid circa haec dicat Glossa, dictum est in expositione secundi Paralipomenon libri. *Illud quippe erat excelsum maximum, celeberrimum propter praesentiam tabernaculi Moysis, altarisque holocausti existentium ibi*, ut primo Paralipomenon habetur : fuitque illud excelsum valde sublime et magnum. *Mille hostias in holocaustum obtulit Salomon per manus sacerdotum super altare illud in Gabaon*. Et sacrificia illa ad divinae majestatis honorem totaliter comburebantur, in signum, quod homo debet se totum in Deum refundere, ac divinis

manicipare obsequiis, quemadmodum totum quod est, potest et habet, a Deo accipit. Et quod dictum est, Mille hostias, accipi potest, ut Mille designet numerum determinatum vel indeterminatum, sicut in Psalmo : Verbi quod mandavit in mille generationes. Dicitur quoque secundo Paralipomenon, quod Salomon ivit ad illud excelsum cum universis principibus, ducebus, tribunis, et centurionibus, atque quod ibi tunc erat tabernaculum foederis Domini, utpote tabernaculum Moysis, et altare aeneum quod fecit Beseleel, id est altare holocausti. Nam altare thymiamatis factum fuit de lignis setim, ut in Exodo scriptum est.

His praemissis narratur, qualiter Salomoni sapientia sit infusa. *Apparuit autem Dominus Salomoni per somnium nocte*, id est per visionem seu revelationem factam in somno tempore noctis ; fuitque apparitio illa interior, ministerio angeli sancti exhibita, ita quod angelus in Dei persona loquebatur, quam et representavit, quemadmodum juxta divini Dionysii documenta, propheticae revelationes factae sunt ministerio angelorum. Et convenienter facta fuit in nocte atque in somno, quia tunc anima ad percipiendum divina est aptior, cessantibus exterioribus, strepitu et tumultu, occupatione et distractione, inquietudine quoque apprehensionum variarum sensuum exteriorum : qua cessante, sensus interiores et vis imaginativa, magis quieti sunt. Hinc in somno fieri consueverunt revelationes propheticae et divinae, sicut in Evangelio legitur angelus apparuisse in somnis Joseph, atque dixisse : Accipe puerum, etc. Hinc scriptum est in Job : Per somnium in visione nocturna, quando irrui sopor super homines, et dormiunt in lectulo, tunc aperit Deus aures virorum, et erudiens eos, instruit disciplinam.

Dicens : Postula, quid vis ut dem tibi, hoc est, unum quod magis optas habere, pete a me, quatenus postulando fias capacior, et merearis libere appetendo. Sicque

III Reg. vi,
2 et seq.

I Par. xxi
et seq.

Exod. xxx,
1 et seq.
Ibid. 34-36.

II Reg. vi,
17; xxiv, 25;
I Par. xxi,
26.

II Par. i, 3.

I Par. xxi,
29.

Psal. cii, 8.

II Par. i, 2,
3, 5.

Exod. xxx,
1; xxxvii, 25.

Matth. ii,
13, 20.
Job xxxiii,
15, 16.

per verba hæc designantur libertas arbitrii, expeditusque usus rationis ac voluntatis Salomonis in somno, in quo usus rationis communiter est ligatus, sed per gratiam potest tunc esse liber et expeditus. Verumtamen per hæc verba non est intelligendum, quod Deus dedit Salomoni licentiam postulandi aliquid quod non licet, vel quod in talium petitione eum exaudisset; sed præstitit libertatem petendi quidquid rationabiliter vellet, aut sine peccato appeti posset. Denique, per hoc quod Deus post immolationem immediate præscriptam, et factam in excelso, apparuit Salomoni tam gratiose, et optionem liberalissimam dedit ei, elicitur quod oblatio huiusmodi placuit Deo, imo et meritoria fuit, templo nondum ædificato; attamen ceteris paribus, magis virtuosum et plus meritorium fuit, offerre in tabernaculo coram area, quam alibi: quemadmodum meritorium est, propria bona pauperibus quotidie eleemosynaliter dare; melius vero est, omnia propter Deum simul relinquere: sicut et laudabilius est, Deo servire in castitate virginali, quam viduali; et in viduali, quam conjugali.

Et ait Salomon in somno locutione mentali: quia ex præacta apparitione statim fuit elevatus ad Deum, et Deo inspirante cognovit, quod apparitio illa esset bona ac divina, non fallax, prout sæpe in somno contingit. *Tu fecisti cum servo tuo David patre meo misericordiam magnam*, hoc est, gratiosissimos pietatis tuæ effectus ei exhibuisti: ut patet ex præinductis. Unde non immerito dixit in Psalmo: Deus meus, misericordia mea; et, Misericordia ejus præveniet me; et, Misericordia tua subsequetur me omnibus diebus vitæ meæ. *Sicut ambulavit*, hoc est conversatus est, *in conspectu tuo in veritate vitæ et doctrinæ, et justitia*, id est observantiis præceptorum, *et recto corde tecum*, id est in interiori æquitate et sinceritate, qua tibi et tuæ æquitati increata est conformatus, in tantum, quod de eo dixisti, *Inveni David virum secundum cor meum*: et hoc to-

rum, quod taliter coram te ambulavit, et ita se habuit, talisque fuit, ex dono et gratia tuæ pietatis processit. *Custodisti ei misericordiam tuam grandem*, id est, gratiam tuam finalem largitus es ei, et in magna pietate tua custodisti eum, præservando eum a multis peccatis, atque post lapsum resuscitando eum ad pœnitentiam et cautelam majorem; *et dedisti ei filium sedentem super thronum ejus sicut est hodie*.

II Reg. xii, 13; xxiv, 10.

Et nunc, Domine Deus, tu regnare fecisti servum tuum, pro David patre meo. Ego autem sum puer parvulus. Ex hoc aliqui trahunt et probant, quod Salomon erat adhuc in pueritia constitutus, ita quod duodecimo circiter vitæ suæ anno cœpit regnare: de qua re postea inquiretur. Qui autem aliter opinantur, dicunt quod vocavit se puerum parvulum, non ratione ætatis aut corporeæ parvitatæ, sed respectu magnitudinis officii sui regalis onerisque injuncti. *Et ignorans egressum et introitum meum*, hoc est, non satis intelligens, qualiter debeam me habere in tanto regimine, nec proprios actus valeo clare dijudicare, an placeant tibi, sine gratia speciali. Itaque, ignoro egressum, id est actus exteriores, in quibus aliis exemplaris existere, et eos in via virtutum præcedere teneor; et introitum, hoc est, actus interiores, in quibus teneor tibi puram conscientiam exhibere. *Et servus tuus in medio est populi tui quem elegisti*, id est, inter eos sum constitutus, *populi infiniti, qui numerari et supputari non potest præ multitudine*, hoc est, difficulter poterit numerari, nec est simpliciter infinitus: ideo istud est hyperbolice dictum, utpote per excessum, ad insinuandum valde copiosam multitudinem plebis illius. Ceterum Deus in numero, pondere, et mensura condidit et posuit universa.

Sap. xi, 21.

Dabis ergo, id est, precor ut des mihi, *servo tuo*, propter commune bonum populi tui, *cor docile*, hoc est mentem vere prudentem, et donis Spiritus Sancti repletam, per quæ sim in omnibus docilis, in-formabilis, et dirigibilis a te: siquidem

Ps. lvi, 18.

Ibid. 11.

Ps. xxii, 6.

Ps. lxxxviii, 21; Act. xiii, 22.

prima pars prudentiæ est docilitas : et sic-
ut homo per virtutes morales efficitur di-
rigibilis a ratione, ita per septem dona
Spiritus Sancti fit dirigibilis ab ipso Spi-
ritu adorando. *Ut possit judicare populum
tuum* : quia judicare, est actus elicitus
prudentiæ, quamvis sit actus justitiæ, tan-
quam inclinantis et idoneizantis ad judi-
candum, ac perficientis ipsum iudicium, ut
sit rectum : *et discernere inter bonum et
malum. Quis enim potest judicare popu-
lum istum, populum tuum hunc multum?*
quasi dicat, Nemo sine adjutorio tuo, et si-
ne vera prudentia, quæ est virtus cui aliæ
virtutes sunt annexæ, nec vitiosis inest
hominibus : quam utique Salomon postu-
lavit sibi dari in tanto excellentiæ gradu,
ut per eam esset ad totius populi sui gu-
bernationem iudiciumque idoneus. Nam et
ante jam habuit eam in aliquo gradu, quo-
niam erat in caritate et gratia, quibus pru-
dentia est conjuncta, quum et virtutes con-
catenatæ dicantur.

*Placuit ergo sermo coram Domino, quod
Salomon postulasset hujusmodi rem ; et
dixit Dominus Salomoni : Quia postulasti
verbum hoc, et rem hanc significatam per
verba, puta prudentiam, et non petisti tibi
dies multos, nec divitias, aut animas ini-
micorum tuorum, id est, vitam hostium
tuorum subjeci tuæ potestati ad occiden-
dum, vel dominandum, sed postulasti tibi
sapientiam, ad discernendum iudicium ;
ecce feci tibi secundum sermones tuos. Et
dedi tibi, id est, dare decrevi, et nunc do,
cor sapiens ad cognoscendum divina, et
intelligens ad sciendum ac discernendum
humana, aliaque naturalia et creata, in
tantum ut nullus ante te similis tui fue-
rit, id est, nullus regum aut iudicum Is-
raël fuerit tibi æqualis in omni hujusce-
modi sapientia atque scientia, hoc est in
utroque simul, prout scientia prudentiam
quoque includit, quæ prudentia proprie
versatur circa agibilia, id est actus huma-
nos. Postulavit autem Salomon prudentiam
ethicam, qua regit homo se ipsum : et œco-
nomicam, qua regit domum sive familiam ;*

atque politicam, qua regit communitatem.
*Nec post te surrecturus sit aliquis tibi æqua-
lis in sapientia, prudentia et scientia simul
acceptis.*

Quocirca dubitationes occurrunt, an sci-
liet in his excesserit Moysen, qui quoti-
die loquebatur cum Deo facie ad faciem,
qui videtur fuisse magis illuminatus quam
Salomon. Et de Adam apparet, quod fuit
creatus in majori sapientia, scientia ac
prudentia, qui et naturalium rerum pro-
prietates, naturas et species cognovit tam
limpide, quod visis singulis, mox congru-
entia nomina eis imposuit. Denique con-
stat, quod Christus in omnibus illis Sa-
lomonem vehementer excessit, prout in
Evangelio protestatur : Ecce (inquiens)
plus quam Salomon hic. Gloriosi quoque
Apostoli fuerunt copiosius illuminati a
Deo, quam patres veteris Testamenti.

Itaque advertendum, quod multiplex est
sapientia : Una, quæ est primum donum
inter septem dona Spiritus Sancti, quæ in
unoquoque tanto est major, quanto caritas
ejus est perfectior. Ideo quanto David, Abra-
ham, Moyses, et similes eis, fuerunt viri
magis heroici et perfecti, quam Salomon,
tanto major sapientia fuit in eis, quam in
ipso, loquendo de ista sapientia. Alia est
sapientia, quæ est donum gratiæ gratis da-
tæ, quæ est cognitio divinorum, et Scri-
pturarum, mysteriorumque Christi, quæ
potest sine caritate haberi, per quam seil
homo defendere, persuadere, et declarare
ea quæ fidei sunt, de qua ait Apostolus :
Alii per Spiritum datur sermo sapientiæ.

Et alii sermo scientiæ. Et hæc fuit valde magna
in Salomone, ut patet ex Canticis cantico-
rum ; major tamen fuit in Paulo apostolo,
aliisque Apostolis. Tertia est sapientia, quæ
per naturalem rationem potest ex rerum
naturis et ordine universi inveniri atque
haberi, sicut ait Apostolus, Invisibilia Dei
per ea quæ facta sunt, intellecta conspi-
ciuntur ; sempiterna quoque virtus ejus et
divinitas : quæ in philosophis fuit, et potuit
major esse, quam in Salomone ex subitanea
infusione. Sic etiam in Salomone creditur

Exod.
xxxiii, 11 ;
Num. xii, 8.

Gen. ii, 20.

Matth. xii,
12 ; Luc. xi,
31.

Is. xi, 2.

1 Cor. xii,
8.

Rom. i, 20.

fuisse major cognitio naturalium : qui (ut *III Reg. iv.* infra habetur) disputavit de singulis a *33.* summo usque ad infimum. Similiter de prudentia naturali sentiendum, in quantum est regitiva aliorum, et dispositiva de singulis. In his namque non fuerunt sancti Apostoli et Prophetæ magis illuminati, quam Salomon, imo nec magis quam philosophi, quum de Aristotele dicat Hieronymus in Regula sua, quod fuit grande miraculum in tota natura, videlicet propter eminentiam scientiæ ac prudentiæ suæ in naturalibus.

Porro scientia quæ est donum, tanto major fuit in multis sanctis, quam in Salomone, quanto fuerunt eo magis divini : similiter intellectus. De primo demum parente credendum est, quod in his quoque major fuit Salomone : et de Christo nulla est dubitatio. Sed quia tam pauci in his excesserunt Salomonem, et quod modicum est, non computatur, ideo Scriptura tam extense facit hanc comparisonem : quam tamen aliqui referunt ad reges Israel, qui ante et post eum fuerunt. Unde et ipse in *Eccle. i. 16.* Ecclesiaste testatur : Præcessi sapientia omnes qui ante me fuerunt in Jerusalem. At vero excellentia sapientiæ atque scientiæ Salomonis patet ex hoc, quod auctor libri Sapientiæ in ejus persona testatur : *Sap. vii.* Deus dedit mihi horum quæ sunt, scientiam veram, ut sciam dispositionem orbis *17-21.* terrarum, et virtutes elementorum, initium, consummationem, et medietatem temporum, vicissitudinum permutationes, et divisiones temporum, anni cursus, et stellarum dispositiones, naturas animalium, et iras bestiarum, vim ventorum, et cogitationes hominum, differentias virgultorum, et virtutes radicum, et quæcumque sunt absconsa et improvisa, didici. Omnium enim artifex me docuit Sapientia.

Sed et hæc quæ non postulasti, dedi tibi et plenius dabo, divitias scilicet et gloriam, hoc est famam ac inelytum apparatus, et vitæ jucunditatem, imo et dies multos, ac hostium subjectionem, ut nemo
* tui fuerit similis, id est æqualis, tibi * in re-

gibus Israel : quemadmodum in Ecclesiaste ait, Supergressus sum opibus omnes, *Eccle. ii. 9.* qui ante me fuerunt in Jerusalem; *cunctis retro diebus.* Retro, quandoque designat præteritum, ut quum ait Apostolus : Quæ *Philipp. iii.* retro sunt, obliviscens, in anteriora extendo me ipsum; quandoque futurum : et utroque modo potest hic accipi. Unde secundo Paralipomenon apertius dicitur : Divitias *II Par. i. 12.* et substantiam et gloriam dabo tibi, ita ut nullus in regibus, nec ante te, nec post te fuerit similis tui. Quod si intelligatur tantum de regibus Israel, clarum est; si autem de regibus omnibus mundi hujus, habet objectionem, quoniam Cræsus, Darius, Cyrus, Octavianus, Alexander Magnus, multi-que alii Salomone ditiores fuisse leguntur; qui etiam excesserunt eum in potestate, dominatione, et gloria seu famæ præclaritate saltem eo tempore quo fuerunt, quoniam multi eorum fuerunt monarchæ. Denique, Daniel sanctus ille propheta ait Nabuchodonosor regi : Tu rex regum es; et Deus *Dan. ii. 37.* cæli, regnum et fortitudinem et imperium *38.* et gloriam dedit tibi; et omnia in quibus habitant filii hominum, et bestię agri; et volneres cæli dedit in manu tua, et sub ditione tua universa constituit. Talis autem aut tanta magnificentia et opulentia, non est Salomoni collata. Similiter alio loco Daniel dicit regi illi : Arbor quam *Ibid. iv. 17.* vidisti, tu es, rex, qui magnificatus es et *19.* invaluisti, et magnitudo tua crevit et pervenit usque ad cælum, et potestas tua in terminos universæ terræ. Quibus verbis additur a Daniele postea : Universi populi, *Ibid. v. 19.* tribus et linguæ, tremebant et metuebant eum. Tantæ autem famæ et reputationis non fuit Salomon in toto orbe terrarum. Verumtamen quidam exponunt prædicta de regibus universis, dicentes, quod quamvis quidam eorum fuerint majores Salomone in potestate et gloria, non tamen fuerunt ei æquales in omnibus jam præfatis simul acceptis, hoc est in sapientia, scientia et prudentia, opulentia et gloria.

Si autem ambulaveris in viis meis, et custodieris præcepta mea et mandata mea,

sicut ambulavit pater tuus, id est perseveranter, et quum cecideris, poenitentiam egeris, *longos faciam dies tuos*. Unde et Moyses in Deuteronomio ac alibi saepe hortatur : Custodi praecepta Domini Dei tui, ut longo vivas tempore. Sed circa haec oritur quaestio, quia in verbis his videtur Dominus insinuasse, quod si Salomon non ambularet in viis suis, ut David, non faceret dies ipsius longos : quid est ergo, quod Salomon legitur infra peccasse gravissime, et nihilo minus senuisse ? imo secundum Josephum, ut infra tangetur, octoginta annis regnavit. Ad quod poterit responderi, quod Dominus per promissionem illam voluit Salomonem provocare ad perseverandum in bonis, non tamen negavit se ei daturum dies longos, si eaderet. Rursus, per verba illa significavit, quod peccando mereretur vitae abbreviationem : quod etiam in eo forsitan impletum est. Quid vero de verbis Josephi sentiendum putetur, infra pandetur. Aliqui etiam dicunt, quod plurimis annis vixit juste, et paucis injuste, ac tandem poenituit, prout dicitur inferius.

Igitur evigilavit Salomon. Ex quo constat, quia tota apparitio, allocutio et responsio jam praefatae, sunt factae in somno ad aures et oculos cordis, ac ore mentis, quo verba proferuntur interiora, quorum signa sunt verba exteriora. Nam in somno illo, ut dictum est, vixit ratio Salomonis, ac libertas arbitrii ejus. *Et intellexit quod esset somnium*. Si quod sumatur pronominaliter, sensus est, quod cognovit quid revelatio illa significavit. Intelligentia quippe est opus ac principale in visione, ut in Daniele fertur. Si autem aliter accipiat, sensus est, quod intellexit quod somnium seu visio illa facta in somno, esset vere revelatio facta a Deo : quod etiam experiebatur in semetipso, ex plenitudine illuminationis ac sapientiae sibi infusae. Proprie autem loquendo, ab invicem distinguuntur somnium, visio, oraculum : quoniam visio dicitur revelatio seu cognitio oculorum, magis elara et intellectualis, qua

res ostenduntur prout sunt aut fiunt, sive in vigilia, sive in raptu et ecstasi, aut in somno. Somnium vero dicitur revelatio facta in somno per imaginarias similitudines, magis obscure : ideo secundum Hieronymum super Daniele, somnia sunt, quibus per symbola et aenigmata, aut per phantasmata, aliqua demonstrantur. Hinc Rabbi Moyses loquitur, quod somnium est casus a prophetia et visione, quoniam prophetia est visio in lumine intelligentiae, somnium autem est manifestatio futurorum aut secretorum in imagine, hoc est phantastica specie, ubi cadit et quasi occumbit intelligentiae lumen. Porro, secundum Albertum, oraculum est expressa rerum praedictio, id est praenuntiatio manifesta, et in somno percepta : frequenter tamen pro revelatione responsiva ad inquisita accipitur.

Quumque venisset Salomon Jerusalem, stetit coram arca foederis Domini : statim namque ex devotionis fervore, intravit tabernaculum, in quo David posuerat arcam, in qua erant tabulae testamenti seu pacti, quod Deus percussit eum filiis Israel ; *et obtulit holocausta* per manus sacerdotum, gratias agens Deo pro beneficiis tantis, *et fecit*, hoc est immolavit, *victimam*, id est hostias, *pacificas*, regnando pro pace jam data, ac deprecando pro eadem conservanda. *Fecit et grande convivium universis famulis suis domesticis ac familiaribus*, quos voluit suae laetitiae esse participes.

Consequenter refertur in littera, qualiter Salomon sapientiam cepit opportune monstrare : quam non jactavit inaniter, neque ex animi levitate statim patefecit dona gratiae sibi collata : sed tempus congruum expectavit, ut decet virum constantem ac sapientem, qui nil agit praecipitanter. *Tunc venerunt duae mulieres meretrices ad regem* : forsitan in signum quod a meretricibus fuit postea decipiendus, ut tangit Glossa ; *steteruntque coram eo*. Quarum una ait : *Obsecro, mi domine, patienter me audi ; ego et mulier haec habitabamus in domo una, et peperimus apud eam in cubi-*

Deut. iv, 40 ; v, 16 ; xvii, 20.

III Reg. xi, 4-8.

II Reg. vi, 17 ; III Reg. viii, 9.

Dan. x, 1.

culo. Tertia autem die postquam ego peper- A
ri, peperit et hæc. Et eramus simul, nul-
lusque alius nobiscum in domo, exceptis
nobis duabus. Mortuus est autem filius
mulieris hujus nocte. Dormiens quippe hæc
mulier oppressit eum, filium suum. Et con-
surgens intempestæ noctis silentio, id est
in ipsa quiete noctis intempestæ, id est
ineptæ ad operandum. Intempestum nam-
que adjective sumptum, vocatur incon-
gruum seu inutile ad operandum, quasi
sine actu et tempore : sicque nox dicitur
intempesta, tanquam incongrua rebus ge-
rendis. Intempestum quoque substantive
sumptum, vocatur pars noctis, quæ dicitur
intempesta, id est sine tempore, quum sit
deputata quieti. Tempus autem motu et
operatione percipitur, secundum Philoso-
phum. Nihilominus nox, sicut et dies, est
pars ac differentia temporis. Tulit filium
meum de latere meo ancillæ tuæ dormien-
tis, et collocavit in sinu suo ; suum autem
filium qui erat mortuus, posuit in sinu
meo. Quumque surrexissem mane, ut da-
rem lac filio meo, apparuit mortuus. Quem C
diligentius intuens clara luce, deprehen-
di non esse meum quem genueram. Re-
sponditque altera mulier : Non est ita ut
dicis, sed filius tuus mortuus est, meus au-
tem vivit. Econtrario illa dicebat : Men-
tiris ; filius quippe meus vivit, et filius
tuus mortuus est. Atque in hunc modum
contendebant coram rege.

Tunc rex ait : Hæc dicit, Filius meus
vivit, et filius tuus mortuus est. Et ista
respondit : Non ; sed filius tuus mortuus
est, meus autem vivit. Dixit ergo rex : Af-
ferre mihi gladium. Quumque attulissent
gladium coram rege : Dividite, inquit, in-
fantem vivum in duas partes, et date di-
midiam partem uni, et dimidiam partem
alteri. Quum enim Salomon jussisset sibi
ensem afferri, infantemque dividi, senes
et assessores ipsius factum hoc tanquam
puerile quid deridebant, ignorantes regis
intentionem : qui non intendebat infantem
dividere, sed per verba et gesta illa explo-
rare quæ esset mater infantis, certus quod

natura matris non mentiretur, sed puero
condoleret, quemadmodum subditur. Dixit
autem mulier ejus filius erat vivus, ad
regem (commota sunt quippe viscera ejus
super filio suo) : id est, intime condoluit
infantulo dividendo ex se nato, in tantum
quod dolor compassionis redundavit in cor-
pus suum, et omnia ejus interiora altera-
vit : Obsecro, domine, date illi infantem
vivum, et nolite, tu et minister tuus, in-
terficere eum. tu jubendo, ille exsequen-
do. Quasi dicat : Sufficit mihi ut vivat,
quamvis in manu alterius. Econtrario illa
dicebat : Nec mihi nec tibi [sit], sed divi-
datur. Josephus narrat, quod rex præcepit
utrumque infantulum dividi, ut utraque
mulier medietatem acciperet utriusque in-
fantis ; sed textus solum refert de divi-
sione vivi infantis, quia per illum veritas
fuit comperta.

Respondit rex, qui optime consideravit
ex quo fundo et fonte cordis utraque mu-
lier loquebatur, et ait : Date huic infantem
vivum, et non occidatur ; hæc est enim
mater ejus, prout patefecit materna com-
passio. Unde et Isaias fatetur : Numquid Is. XLIX, 15.
oblivisci potest mulier infantis sui, ut non
misereatur filio uteri sui ? Qua audita sen-
tentia, senes et assessores admirati sunt
sapientiam Salomonis, quem primo quasi
parvipendebant, quando gladium jussit af-
ferri : tamen et ipsi hæsitabant, audita
meretricum contentione, quid in tantæ rei
discrimine esset agendum. Porro, ex vivi
infantis divisione nulli mulierum illarum
commodum provenisset, sed una earum
fuisset grande damnum perpressa, videlicet
mater interitum suæ prolis. Ideirco vide-
batur hoc irridendum. Nam et per aliam
viam potuisset veritas investigari : quia
vicini forsitan noverant ipsos infantulos,
et quis ad quam spectaret ; nisi dicatur,
quod nemo eorum viderit pueros.

Audivit itaque omnis Israel judicium
quod judicasset, id est, judicando protu-
lisset ac justum dietasset rex, et timue-
runt regem, ne eum offenderent, et ne di-
judicarentur ab eo. Itaque boni timuerunt

eum filiali timore, perversi servili. Unde A
Rom. xiii, ad Romanos ait Apostolus : Principes non
 3, 4. sunt timori boni operis, sed mali. Vis au-
 tem non timere potestatem? Bonum fac, et
 habebis laudem ex illa; si autem male fe-
 ceris, time : Dei enim minister est, vindex
 in iram ei qui male agit. *Videntes sapien-*
tiam Dei, id est datam a Domino, *esse in*
eo excellenter *ad faciendum iudicium*.
 Tantam autem sapientiam atque scientiam
 contulit Deus Salomoni principaliter ex
 sua pietate immensa, et propter commune

bonum populi sui, et quoniam David in
 extremis ferventer Dominum exoravit pro
 Salomone, ipseque Salomon erat devotus
 et Deum amans.

Quæritur circa præhabita, quæ femina-
 rum illarum fuerit vera mater vivi infantis,
 an illa scilicet quæ primo querelam pro-
 posuit regi. Et apparet quod non, quoniam
 illa quæ filium suum oppresserat, videtur
 ex invidia mota ad accusandum eam quæ
 adhuc viventem habuit filium, a qua forte
 timuit accusari de oppressione proprii nati.

ARTICULUS VI

DE SPIRITUALI HUIUS CAPITULI TERTII INTELLECTU.

PRÆTEREA juxta mysticum sensum, B
 per hoc quod Salomon filiam Pharaonis
 duxit uxorem a gentilitatis errore con-
 versam, præfiguratum est, quod Christus
 verus et summus pacificus, gentilitatem
 ad veræ fidei lumen conversam, sumpsit
 in sponsam : quam *adduxit in civitatem*
David, id est, primitivæ Ecclesiæ ex Ju-
 dæis collectæ conjunxit, *donec compleret*
edificans domum Domini, id est, Eccle-
 siam toto orbe terrarum diffunderet. *Abiit*
Salomon in excelsum Gabaon, ut immo-
laret ibi. Sic promoti ad prælationem aut C
 principatum, debent ad Deum confugere,
 et ei sacrificium laudis, cor contritum et
 humiliatum, thymiama devotæ orationis et
 obedientiam sanctam offerre.

Quemadmodum autem Dominus dixit ad
 Salomonem, Postula a me quod vis; sic uni-
 cuique præsidenti, propriam insufficien-
 tiam humiliter recognoscenti, atque divi-
 num postulanti subsidium, Dominus præbet
 se paratum ad succurrendum ac dandum
 quod rationabiliter ac perseveranter pe-
 tierit. *Ego sum puer parvulus, ignorans D*
egressum et introitum meum. Sic omnis
 qui præest, debet se jugiter coram Deo hu-

miliare, ignorantiamque fateri, atque per-
 pendere quod ad sui ipsius directionem ac
 regimen impotens sit et ineptus, nisi de-
 super adjuvetur : quanto magis ad suam
 ac aliorum gubernationem? Ideo debet a
 Domino sapientiam postulare, per quam
 in omnibus ordinate se habeat, et ad eos
 qui foris sunt, et ad sibi commissos exem- *Coloss. iv,*
 5. plariter conversetur, ac sine personarum
 acceptione justum in cunctis iudicium pro-
 ferat. Nempe, ut ait Glossa : Si Salomon cor- *Lev. xix,*
 15. porum rector, sapientiam flagitavit, quan-
 to magis animarum rectores debent hanc
 postulare, exemplo ejus et instar illius qui
 testatur : Adii Dominum, et deprecatus
 sum illum, et dixi ex totis præcordiis meis : *Sap. viii,*
 21; *ix, 1, 4,*
 10. Deus patrum meorum, da mihi sedium
 tuarum adsistricem sapientiam, ut mecum
 sit et mecum laboret, et sciam quid acce-
 ptum sit apud te?

Placuit sermo coram Domino, quod sa-
pientiam postulasset. Et dixit : Quia po-
stulasti verbum hoc, etc. Et hæc quæ non
postulasti, dedi tibi. Hoc est quod Salvator
 in Evangelio hortatur ac spondet : Primum, *Matth. vi,*
 33. inquit, quærite regnum Dei et justitiam
 ejus, et hæc omnia adjicientur vobis. His

quippe qui spiritualia charismata et Dei A honorem fideliter et ferventer exquirunt, temporalia necessaria adjiciuntur. Postquam vero Dominus absolute promisit Salomoni sapientiam, divitias et gloriam in hac vita promisit ei sub conditione, *Si ambulaveris in viis meis, longos faciam dies tuos*. Multis quippe malis et etiam reprobis largitur in sæculo isto, famam, divitias, scientiamque informem et sapientiam verbi; sed solis electis et justis, in viis virtutum perseverantibus, tribuit æternitatis felicitatem. Dies equidem vitæ præsentis B

Gen. XLVII,
9; Jacob. IV,
15; I Par.
XXIX, 15.

Ps. XC, 16.

Ecclesi. XV,
3.

Matth. XXV,
14-30.

sunt parvi et mali, et vita nostra est quasi vapor ad modicum parens, et tanquam umbra super terram; sed salus vitæ futuræ innumerabiles dies complectitur et includit: propter quod justo Dominus reprobis, Longitudine dierum adimplebo eum. *Fecit Salomon grande convivium universis famulis suis*. Sic prælatus et omnis qui præest, subditos suos ac servos debet verbo Dei reficere, aqua sapientiæ salutaris potare, virtuosa exemplaritate nutrire, cordis affectu, oratione, prædicationeque pascere. Etenim servus fidelis et prudens talentum sibi concessum ac creditum fructuose nititur dispensare: quod qui negligit facere, servus nequam vocatur, et donis sibi collatis privatur, ac tanquam inutilis in tenebras infernales projicitur.

Tunc venerunt duæ mulieres meretrices ad regem. Per hoc figuratum est, quod moderante Altissimo frequenter contingit, ut bonis hominibus post spiritualium do-

norum acceptionem et gustum, post illuminationem internam, objecta carnalium deliciarum fallaciter blandiantur, tentamentaque carnis eveniant. Et specialiter per duas has meretrices, duplex genus peccatorum monstratur. Omnis namque anima mortali subjacens culpæ, adultera est, meretrixque diaboli: quia relicto Sponso cœlesti, consentit maligno spiritui, et commiscetur eidem ad producendum opus iniquum. Verumtamen quædam sunt animæ, quæ etsi peccatrices existant, aliqua tamen agunt opera ex suo genere bona; nec justos persequuntur, diffamant aut lædunt, sed amant ac diligunt; flexibiles quoque sunt et pronæ ad compunctionem: propter quod tandem misericorditer præveniri solent a Domino, et fructu virtutum ditari. Aliæ vero adeo malitiosæ et invidæ sunt, ut melioribus obloquantur, invideant, atque infestæ sint: quod totum gladius verbi Dei, discretio veri judicii probat. Postremo, per invidam et totam malitiosam ac obstinatam meretriculam illam, perfida C Synagoga, plebs omnis incredula, hæreticorum quoque collectio apte signantur: quæ meretricem aliam meliorem, id est Ecclesiam catholicam, et maxime primitivam, atque ex gentilitate conversam, et a pristinis fornicationibus expurgatam, invidiose sunt persecutæ, et fructum ipsius extinguere sunt molitæ, sed gladio sacræ Scripturæ ab invicem discernuntur; et improba illa meretricula confutatur atque damnatur a Christo.

ARTICULUS VII

EXPOSITIO CAPITULI QUARTI: ERAT AUTEM REX SALOMON REGNANS.

EXCELLENTIA quam habuit Salomon D in officiatis clarissimis, in præfectis atque domesticis, in multitudine copiosissima subditorum, in abundantia alimento-

rum, in equis et curribus, in sapientia et rumore seu fama, hic describuntur. *Erat autem rex Salomon regnans super omnem Israel*, id est super duodecim tribus; et hi

principes, id est principales officii domus, quos habebat: *Azarias filius Sadoc* pontificis, *sacerdos* erat specialis, et quasi capellanus ipsius regis ad orandum et sacrificandum pro eo: *Elihoreph et Abia filii Sisa* erant *scribae*, id est doctores et periti ac sapientes in lege, vel ut quidam exponunt, scriptores regis ad scribendum epistolas ejus, gesta quoque temporum: *Josaphat filius Ahitub* a commentariis, id est cancellarius: *Banaias filius Joiadae* super exercitum, *Sadoc autem et Abiathur* sacerdotes summi, ita quod Sadoc fuit pontifex, et Abiathur mox post eum in ordine. Istud autem in expositione secundi capituli declaratum est plenius: ubi ostensum est, qualiter istud non contrarietur ei quod scriptum est ibi, ipsum Abiathur a Salomone de sacerdotio esse ejectum. *Azarius filius Nathan* prophetae, erat super eos qui adsistebant regi, id est super custodes ipsius, seu super eos qui familiariter et magis assidue regi adstabant, secundum quod regibus solent quidam hoc modo adsistere: *Zabud filius Nathan* sacerdos, amicus regis, id est regi praecipue carus, et ad conservandum ei amicitiam veram in cunctis specialiter deputatus: qui et sacerdos regis vocatur, non ratione sacerdotalis officii, sed primatus ejusdam, quia nec Nathan legitur de sacerdotali stirpe fuisse: et supra libro secundo leguntur filii David sacerdotes fuisse hoc modo, id est praecipue honorati post regem. Sic itaque Salomon honoravit filios Nathan, qui ad ejus promotionem maxime fuit cooperatus, et a quo ipsemet Salomon fuit nutritus ac informatus, et quoniam digni erant, et patrem suum in virtutibus imitantes. *Et Ahisur praepositus domus*, id est procurator, dispositorque palatii: et *Adoniram filius Abda* erat super tributa, id est, ordinavit de receptione tributorum, de quibus ratio sibi dabatur.

Habebat autem Salomon duodecim praefectos super omnem Israel: non quod quilibet eorum toti Israeliticae praefuerit plebi, sed unusquisque certae parti Israelitici

regni, prout in textu describitur: *qui praebant annonam regi et domui ejus*, id est necessaria victui Salomoni et ejus domesticis: *per singulos enim menses in anno, singuli necessaria ministrabant*, videlicet quilibet in mense sibi praefixo, de redditibus regis: et inter duodecim illos duo fuerunt, quorum uxores erant filiae regis. *Et nomina eorum*: *Benhur* in monte Ephraim, *Bendecar* in Macees et in Sulebim, in Bethsames et in Elon et Bethanan, *Benhesed* in Aruboth. Ipsius enim erat Socho, et omnis terra Ephraim. *Benabinadab*, ejus omnis Nephath Dor, *Tupheth* filiam Salomonis habebat uxorem. *Bana* filius Ahitub regebat Thanac et Maggeddo, et universam Bethsan, quae est iuxta Sarthana, subter Jezrael, a Bethsan usque Abelmehula e regione Jecmaan. *Bengaber* in Ramoth Galaad, habebat Harothjair, filii Manasse in Galaad. Ipse praeerat in omni regione Argob, quae est in Basan, sexaginta civitatibus magnis atque muratis, quae habebant seras arcas. *Ahinadab* filius Addo praeerat in Manaim. *Achimaus* in Nephthali: sed ipse habebat Basemath filiam Salomonis in conjugio. *Buana* filius Husi, in Aser et in Baloth. *Josaphat* filius Pharue, in Issachar. *Semei* filius Ela, in Benjamin. *Gaber* filius Uri, in terra Galaad, et in terra Schon regis Amorrhæi, et *Og* regis Basan, super omnia quae erant in illa terra.

Juda, id est populus tribus Juda, qui ob causam saepe praehabitam specialiter numeratur, et *Israel*, id est populus tribuum ceterarum, erant innumerabiles, id est difficulter numerabiles, sicut arena maris in multitudine, per hyperbolen, comedentes et bibentes atque letantes, id est temporali prosperitate abundantes, sicut in lege fuit promissum cultoribus Dei, ac etiam Domino servientes cum rege suo. *Salomon autem erat in ditione sua*, id est in suo imperio, habens omnia regna secum a flumine terrae Philistim, usque ad terminum Aegypti, offerentium munera sibi et servientium ei cunctis diebus vitae ejus. Hoc dici-

Exod. xxiii,
25 et seq.;
Deut. vii, 12
et seq.

III Reg. ii,
27.

II Reg. viii,
18.

III Reg. i,
11 et seq.

tur ad insinuandum, quod Salomon habuit sibi subiecta omnia regna ac territoria filiis Israel repromissa.

Ezech. xlv, 11. *Erat autem cibus Salomonis per singulos dies triginta cori similis.* Corus continebat triginta modios. Modii tamen illi

Ruth iii, 15. erant tam parvi, ut in libro Ruth scriptum sit, quod Booz mensus est ipsi Ruth sex

modios hordei in pallio ejus, quos posuit super eam. Porro similia est delicatissima tritici farina. *Et sexaginta cori farinæ*, id

est, panes tot cororum, erant panes regis et ejus familiæ omni die. Unde elicitur, quod magnam prorsus familiam habuit :

quod etiam patet ex carnibus pecorum et avium et venaticiorum animalium, quæ quotidie edebantur in domo sua, sicut sub-

ditur : *decem boves pingues, et viginti boves pascuales, et centum arietes, excepta*

venatione cervorum, caprearum atque bubulorum, et avium altilium. Ipse enim

obtinebat omnem regionem quæ erat trans flumen, quasi a Thaphsa usque ad Gazam, et cunctos reges illarum regionum ; et ha-

bebat pacem ex omni parte in circuitu. *Habitabatque Juda et Israel absque timore*

ullo, unusquisque sub vite sua, et sub ficu sua, a Dan usque Bersabee, cunctis diebus

Salomonis. *Et habebat Salomon quadraginta millia præsepia equorum currilium,*

id est ordinatorum pro quadrigis trahendis, *et duodecim millia præsepia equorum equestrium,*

qui erant pro usu militum equitantium. *Nutriebantque eos supradicti regis præfecti ; sed et necessaria mensæ regis*

Salomonis cum ingenti cura præbebant in tempore suo. *Hordeum quoque, et paleas*

equorum, et jumentorum deferrebant in locum ubi erat rex, juxta constitutum sibi. His objici potest, quod in libro secundo

II Par. ix, 25.

Paralipomenon dicitur : Habuit Salomon quadraginta millia equorum in stabulis. Ad quod dicitur, quod præsepe et quadriga frequenter in Scripturis sumuntur pro ipsis equis et jumentis, quæ erant in ipsis præsepiis ac quadrigis.

Dedit quoque Deus sapientiam Salomoni, ad contemplandum divina, et pruden-

tiam multam nimis in rebus humanis ac practicis. Quotidie namque bene vivendo profecit in illis habitibus, et Dominus au-

xit dona sua in rege devoto. *Et latitudinem cordis*, id est circumspectionem seu caritatis amplificationem, per quam ad om-

nes se extendebat, *quasi arenam, quæ est in littore maris.* *Et præcedebat sapientia*

Salomonis sapientiam omnium Orientalium et Ægyptiorum, ita quod erat major philosophus, quam quisquam illorum, et eos in scientiis naturalibus superavit. *Et*

erat sapientior cunctis hominibus sibi-contemporaneis, sub nomine sapientiæ com-

prehendendo sapientiam quancumque, tam naturalem quam infusam, et scientiam at-

que prudentiam : in quibus simul sumptis, non habuit majorem nec æqualem, juxta

sensum præcedenti articulo introductum ; sapientior Ethan Ezrahita, id est de loco

Ezrahi sic vocato, qui erat cantor atque Levita, *et Heman et Chalcol et Dorda fi-*

liis Mahol, id est viris his in sapientia tunc famosissimis.

C Locutus quoque est Salomon tria mil-

lia parabolas. Non dicitur, quod scripserit eas, sed expressit eas ore ad suos mini-

stros : et ita ex ore ejus fuerunt collectæ, et in scriptis redactæ, ut fertur ; et major pars videtur fuisse omissa. *Et fuerunt car-*

mina ejus quinque millia. Verumtamen Magister in historiis scribit, quod Salomon scripsit librum de modulationibus et can-

ticis, tria quoque millia scripsit parabolarum. Dicitque Glossa : Neque carmina, neque disputationes Salomonis habentur. Et aliqui opinantur, quod libri in quibus con-

linebantur, fuerunt per Chaldæos combusti, nec per Esdram sunt reparati. *Et disputavit super lignis,* id est naturis, viribus et proprietatibus arborum et herbarum ac pretiosorum lignorum ; *a cedro quæ est in Libano,* id est inclusive a lignis cedrinis, quæ in monte Libano oriuntur, et sunt præcipuæ altitudinis, magnitudinisque ex-

imixtæ, *usque ad hyssopum inclusive, quæ egreditur de pariete,* quæ est humilis herba. Quasi dicatur : De singulis disputavit a

III Reg. iii, 12.

maximo usque ad minimum, atque de intermediis, declarando eorum naturas, proprietates ac vires, praesertim quae hominibus possunt prodesse. *Et disseruit de jumentis et volacribus et reptilibus et piscibus*, notificando eorum proprietates, commoditates et vires, atque per unumquodque genus parabolam dicens : quae omnia non habentur, vel descripta non erant, aut scripta perierunt ; tamen inter carmina Salomonis, computant aliqui Cantica canticorum. *Et veniebant aliqui de cunctis populis*, in circuitu aut non multum remote commorantibus, *ad audiendam sapientiam Salomonis, et ab universis regibus terrae qui audiebant sapientiam ejus*, quidam venerunt ad ipsum.

Sensus spiritualis.

Spiritualiter, *rex Salomon regnans super omnem Israel*, est Dominus et Salvator, universorum rex, iudex ac praeses fidelium. Per diversos autem et praeclariore officiatos Salomonis, designantur discipuli Christi, in diversis officiis, gradibus ac statibus constituti, quemadmodum ad Corinthios scribit Apostolus : Divisiones ministrorum sunt, idem autem Dominus.

Ibid. 28. Et : Quosdam posuit Deus in Ecclesia, primum Apostolos, secundo Prophetas, tertio doctores, deinde virtutes, exinde gratias curationum, opitulationes, gubernationes, genera linguarum. Porro, sacerdos Christi, Petrus princeps Apostolorum, qui in apice sacerdotii Christo successit : scribae Christi, sancti Evangelistae, seu Paulus et Nathanael legisperiti ; amicus Christi, sacratissimus Joannes Baptista, amicus Sponsi ; duodecim praefecti, sunt duodecim benedicti et praelecti Apostoli, quos Deus

Joann. III, 29.

constituit principes super omnem terram, quibus ad praedicandum divisit orbem terrarum : qui Christo pabula cum cura praebuerunt ingenti, incorporando eidem eos quos converterunt ad fidem. *Juda et Israel innumerabiles*. Quasi incomparabiliter innumerabilior factus est populus christianus, confitens Domino, ac divina contemplans, comedentes et bibentes, panem qui descendit de caelo et sanguinem ejus in

Joann. VI, 33, 51.

A Sacramento, et gloriantes in Domino. *Salomon erat in ditione sua habens omnia regna*, etc. Hoc vere in Christo completum est, de quo fuit praedictum : Reminiscuntur et convertentur ad Dominum universi fines terrae. Obtuleruntque munera ei se ipsos et omnia sua, sacrificia laudis, hostiam vociferationis, incensum orationis.

Ps. XXI, 28.

Matth. II,

11.

Ps. XXVI, 6.

Erat autem cibus Salomonis, etc. Per tam multa, magna et varia cibarium genera Salomonis, praefigurata sunt spiritualia Christi uberrima, pinguissima atque duleissima alimenta, utpote ecclesiastica sacramenta, panis lacrimarum et contritionis, infusio gratiae ac virtutis, praelibatio felicitatis futurae, contemplatio divinorum, abundantia spiritualium gaudiorum, libri sacrae Scripturae, et multiplex sensus ejusdem, confortatio cordis per opera bona, salutaris doctrina. Currus et equi Christi, sunt praedicatores devoti, qui ad audientium corda Christum deferunt et inducunt ; virtuosique quoque praelati et viri perfecti, qui instar aurigae dirigunt proximos per viam praesentis exsilii ad patriam claritatis aeternae, et tanquam quadriga portant proximos adhuc pusillos, et curam gerunt eorum, atque eorum supportant defectus, juxta quem modum beatissimi viri Elias et Eliseus vocati sunt currus Israel et auriga ejus. Unde fertur in Psalmo : Currus Dei decem millibus multiplex. Per Isaiaem quoque loquitur Dominus : Mittam ex eis qui salvati fuerint, ad gentes, in mare, in Africam, in Italiam et Graeciam ; et adducent omnes fratres vestros donum Domino in equis et quadrigis.

IV Reg. II,

12; XIII, 14.

Ps. LXVII,

18.

Is. LXVI, 19,

20.

Et precedebat sapientia Salomonis sapientiam omnium Orientalium ; et erat sapientior cunctis hominibus. Hoc Christo plenissime competit, qui stultam monstravit sapientiam hujus mundi, ejus comparatione sapientes, insipientes censentur, in quo sunt omnes thesauri sapientiae atque scientiae reconditi. *Locutusque est Salomon tria millia parabolas*. Per omnia illa Salomonis proverbialia, documenta ac carmina, designantur sapientia et scientia ac

I Cor. I, 20.

Coloss. II,

3.

doctrina Christi in Evangelio nobis descripta, qui et multa prædicavit et docuit, ac plurima egit miracula, quæ non sunt descripta. *Et veniebant de cunctis populis ad audiendam sapientiam Salomonis.* Sic ad Christi Ecclesiam confluxerunt innumerales homines ad audiendum sapientiam Salvatoris in Evangelio promulgatam. Ad Christi quoque personam in terris

conversantem, evangelizantem, miraculisque fulgentem, multa millia concurrebant, quemadmodum scriptum est : Jesus cum discipulis suis secessit ad mare, et multa turba a Judæa et Galilæa secuta est eum; et ab Jerosolymis, et ab Idumæa, et trans Jordanem, et qui circa Tyrum et Sidonem, multitudo magna, audientes quæ faciebat, venerunt ad eum. *Marc. iii, 7, 8.*

ARTICULUS VIII

ELUCIDATIO CAPITULI QUINTI : MISIT QUOQUE HIRAM REX TYRI SERVOS SUOS AD SALOMONEM.

NARRATUR hic, qualiter ad ædificandum templum præparavit se Salomon. *Misit quoque Hiram rex Tyri :* quæ fuit metropolis regni, ejus urbis opulentia ac magnificentia in Ezechiele describuntur; *servos suos ad Salomonem,* ad congratulandum ejus promotioni. *Audierat enim quod ipsum unxissent regem super Israel pro patre ejus, quia amicus fuerat Hiram regis David omni tempore,* quo pariter regnaverunt, seu ab eo die quo amicitiam invicem contraxerunt.

Ezech. xxvii.

II Reg. x, 11.

Misit autem Salomon ad Hiram, dicens. Quia enim præventus fuit in bonitate et dilectione ab Hiram rege, et benevolentiam illius expertus in se, fiducialius misit ad eum. *Tu scis voluntatem patris mei David :* etenim adhuc vivens, insinuavit Hiram regi tanquam amico propositum suum de templi ædificatione; *et quia non potuit ædificare domum,* id est templum, *nomini Domini Dei sui propter bella imminencia ei per circuitum a Philistæis, aliisque gentilibus, donec daret Dominus eos sub vestigio pedum ejus,* id est, quousque perfecte subjiceret illos patri meo : quo facto, proposuit David rex templum ædificare; sed Deus per Nathan prohibuit eum, quia multum valde effuderat sanguinem, prout secundo libro continetur.

Ibid. vii, 2 et seq.

Non autem fuit David impeditus a templi ædificatione propter magnitudinem expensarum, nec ex defectu operariorum, ut quidam hic scribit, quoniam satis opulentus et potens fuit : imo ipse absolute proposuit ædificare, et nisi per Nathan fuisset vetatus, protinus incepisset; et erat tam prudens, quod non incepisset ædificare, nisi potuisset et consummare. *Nunc autem requiem dedit mihi Dominus Deus meus per circuitum, et non est satan,* id est adversarius visibilis, *neque occursus malus,* id est adversitas seu diffortunium mihi contingens. Verumtamen invisibilis ille Satan non quievit a suis insidiis. *Quamobrem cogito ædificare templum nomini Domini Dei mei, sicut locutus est David patri meo, dicens : Filius tuus quem dabo pro te super solium tuum, ipse ædificabit domum nomini meo. Præcipe igitur servis et operariis tuis Tyriis atque Sidoniis, ut præcidant mihi cedros de Libano, in quo crescunt, scilicet monte illo seu loco silvestri, et servi mei sint cum servis tuis. Mercedem autem servorum tuorum dabo tibi, quaecumque petieris. Scis enim quomodo non est in populo meo vir qui noverit ligna cadere,* id est arbores tam artificiose abscidere ac ligna aptare, *sicut Sidonii.*

II Reg. vii, 12, 13.

Quum ergo audisset Hiram verba Salomonis, letatus est valde : quia ex dilectione sua ad Salomonem gaudebat de ejus prosperitate ac devotione, et etiam propter propria commoda; et ait : *Benedictus Dominus Deus hodie, qui dedit David filium sapientissimum, super populum hunc plurimum. Et misit Hiram ad Salomonem, dicens : Audiri quaecumque mandasti mihi. Ego faciam omnem voluntatem tuam in lignis cedrinis et abiegnis*, id est in cedris et abietibus. Est autem abies arbor boni odoris, recta, sublimis, et nocens bestiis venenosis, ut refert Isidorus. Porro secundo Paralipomenon habetur, quod Salomon dixit, Sed et ligna cedrina et thyina* et pinea mitte mihi de Libano : quod ibi expositum est. *Servi mei deponent ea de Libano ad mare, et ego componam ea in ratibus in mari*, id est, disponam ut per naves mittantur tibi, usque ad locum quem* ibi significaveris mihi, et applicabo ea tibi*, et tu tolles ea; praebebisque necessaria mihi, ut detur cibus domui meae, videlicet triticum et oleum, quae magis abundant in terra tua, quam mea.

Itaque Hiram dabat, id est exhibebat, non utique gratis, sed per recompensationem vietualium, Salomoni ligna cedrina et ligna abiegna, thyina quoque et pinea, juxta omnem voluntatem ejus. Salomon autem praebebat Hiram regi viginti millia coros tritici. Corus autem mensura est continens triginta modios, ut patuit praecedenti articulo. In cibum domui ejus, et viginti † millia coros purissimi olei, scilicet olei olivarum; haec tribuebat Salomon Hiram regi per singulos annos, quamdiu recepit ab Hiram ligna, obsequiaque praefata. Secundo Paralipomenon habetur, quod etiam tribuit ipsi Hiram singulis annis totidem, id est viginti millia coros hordei, tot quoque batos vini quot olei. Scriptum est enim praefato libro : Triticum ergo et hordeum et vinum et oleum, quae pollicitus es, domine mi, mitte servis tuis. Dedit quoque Dominus sapientiam Salomoni, sicut locutus est ei. Et erat pax inter

A Hiram et Salomonem, et percusserunt ambo fœdus.

Elegitque rex Salomon operarios de omni Israel, id est proselytos conversos ad fidem et ritum Israelis : siquidem de Israelitica natione nullum fecit servire, ut infra habetur. Et erat indictio, id est summa operariorum illorum, triginta millia virorum, qui ibant ad operandum in Libano cum famulis Hiram. Unde subjungitur : *Mittebatque eos in Libanum, decem millia simul per singulos menses vicissim*, videlicet uno mense unum ternarium illorum triginta millium, et alio mense secundum ternarium, menseque tertio ternarium tertium, et sic quarto mense rursus mittebatur ternarius primus, ac ita deinceps; ita ut duobus mensibus continuis essent in domibus suis ad quiescendum cum suis uxoribus atque domesticis, et ad vacandum propriis rebus : et in hoc patuit sapientia, imo et pietas ac discretio Salomonis. Nam et si proselytos illos immoderate gravasset, forte recessissent a lege Dei quam acceperunt. Et Adoniram erat super hujuscemodi inductionem. Ex quo patet, quod Salomon per se ipsum non elegit triginta millia illa, nec eos sic misit vicissim, sed commisit hoc totum ita agendum huic Adoniram, qui alio loco appellatur Aduram. An vero fuerit idem Adoniram, qui praecedente capitulo fertur praefuisse tributis, qui et ipse interdum Aduram vocatur, potest in dubium verti. Fuerunt itaque Salomoni, praeter et ultra praefata triginta millia, septuaginta millia eorum qui onera portabant, videlicet ligna et saxa, et octoginta millia latomorum in monte. Latomi dicuntur caesores saxorum, et extractores eorum de lapideina. Per montem autem intelliguntur pluraliter loca saxosa ac montuosa, de quibus lapides illi praecidebantur. Absque praepositis qui praeerant singulis operibus, numero trium millium et trecentorum, praecipientium populo laboranti quid quisque ageret, et, pro id est, his qui faciebant opus. Hi autem praepositi operum, erant natione Israelitae.

II Par. II, 8.
* arceuthina

III Reg. IV, 22; Ezech. XLV, 11.

II Par. II, 15.

III Reg. IV, 6.

Circa hæc oritur quæstio triplex. Si enim præfata triginta millia erant proselyti, id est gentiles ad Judaismum conversi, et consimiliter septuaginta millia portantium onera, octoginta etiam millia latomorum, ergo proselyti illi erant simul centum octoginta millia : cui obviare videtur illud ^{II Par. II, 17.} secundi Paralipomenon, Numeravit Salomon omnes viros proselytos, et inventi sunt centum quinquaginta et tria millia et sexcenti. Denique hic habetur, quod præcipientes populo, erant tria millia trecenti; præfato autem Paralipomenon libro insi- ^{Ibid. 18.} nuantur fuisse tria millia et sexcenti. Tertia quæstio est, quia ex præallegatis secundi Paralipomenon verbis elicitur, quod tria millia illa trecenti, sive sexcenti viri, præcipientes operariis, erant proselyti : cujus contrarium dictum est. Et respondendum ad primum, quod numerus millium hic positus, non exprimitur cum exclusione majoris. Est quoque consuetudo Scripturæ, in talibus non computare minutias : per quod solvitur quæstio secunda. Aliqui tamen dicunt, quod trecenti in Paralipomenon positi, qui exerescent, non præerant operariis immediate; sed eis, tanquam altioribus, dabatur ratio ab his qui immediate præsidebant operariis illis : quod non videtur textui secundi Paralipomenon consonare, in quo clarissime dicitur, quod numeravit tria millia et sexcentos præpositos operum populi. Potest tamen dictum illud salvari, dicendo quod et trecenti isti erant præpositi operum mediate. Ad tertium dici potest, quod ratione connexionis officii, præpositi illi connumerantur proselytis. Multi tamen expositores et auctor Scholasticæ historiæ dicunt, quod præpositi erant de Israelitis. Si vero quis contendat, præallegatam libri Paralipomenon scripturam sentire oppositum, potest se cum textu juvare : nec dubium quin potius standum sit manifestæ auctoritati Scripturæ canonicæ, quam expositorum, si forsitan aliquo modo a veritate deviant Scripturæ.

Præcepitque rex Salomon, ut tollerent, id est, apportarent sive acciperent, lapides

A grandes, lapides pretiosos, puta marmoreos, vel (ut dicere feruntur Hebræi) ponderosos, in fundamentum templi, id est ad hoc, ut in fundamento collocarentur, et quadrarent eos ipsi latomi. Nempe ut Josephus refert, lapides illi erant tam magni, quod multi eorum continebant viginti cubitos in longitudine, decem in latitudine, et quinque in altitudine : ideo jussum est, ut latomi eos scopularent atque quadrarent, scopulos amovendo. Quos ita quadratos, dolaverunt cæmentarii Salomonis et cæmentarii Hiram. Porro Byblii, id est artifices de civitate Phœnices nomine Byblos seu Biblis, quæ fertur fuisse de regno Hiram, præparaverunt ligna et lapides ad domum ædificandam. Poliebant etenim et sculpebant ligna ac saxa, ex quibus templum construeretur. Sicque tria genera operariorum circa lapides occupabantur, videlicet latomi, cæmentarii, et Byblii, de quibus in Ezechiele legitur : Senes Byblii et prudentes. Unde apparet, quod erant famose artificiosi. Quemadmodum autem Magister in historiis recitat, fabulantur Hebræi, ad eruderandos seu scopulandos et complanandos celerius lapides, habuisse Salomonem sanguinem vermiculi, qui Tamar vocatur, quo adpersi lapides illi, faciliter secabantur. Quem sanguinem invenit hoc modo : erat Salomoni struthio habens pullum, et inclusus est pullus sub vitreo vase; quem quum videret struthio, et habere non posset, attulit de deserto vermiculum, cujus sanguine linivit vitrum, et statim confractum est.*

D Postremo juxta spiritualitatem, certum est, per Salomonem intelligi Christum; per domum Dei, Ecclesiam; per Hiram, gentilitatem conversam; per patrem Salomonis, Prophetas et Patriarchas, qui gentilitatem convertere, atque ex ea Deo Ecclesiam ædificare conati sunt, sed nequiverunt. Porro Christus post suam passionem, resurrectionem et ascensionem sortitus plenam quietem, volens per sanctos Apostolos gentilitatem convertere, et ex ea Deo Patri Ecclesiam ædificare, Apostolos suos ad

* alias Giblii

Ezech. xxvii, 9.

Sensus spiritualis.

Act. xiii, 2
et seq.

gentiles direxit instruendos ac convertendos : deinde ad ipsos jam conversos, misit discipulos alios, imo et ipsos Apostolos, qui conversos a se gentiles, interdum visitaverunt ac roboraverunt in fide, prout in Actibus Paulus et Barnabas fecisse leguntur. Sicque Christus ex ipsis conversis gentilibus, assumpsit multos in adiutorium discipulorum ex Judaismo conversorum : ita quod ipsi gentiles conversi simul cum gloriosis Apostolis, aliisque discipulis, prædicare cœperunt evangelicam legem, et præcidere ligna atque extrahere saxa ubique terrarum (vel specialiter in Libano et montibus, hoc est in florente sæculo et tumente mundo, gloriantes ac superbiente in sua temporali prosperitate ac potestate), id est, homines varios diversorum morum, excelsos et pusillos, doctos et rudes, duos et mediocres, informare, convertere, spiritualiterque circumcidere, et principi tenebrarum auferre, et eos quadrare, id est ad æqualitatem

A justitiæ trahere, deinde dolare, polire et sculpere, id est virtutibus ac sacramentis multipliciter decorare. Sicque simul fuerunt, et sibi invicem cooperati sunt servi Christi et servi Hiram, id est conversi ex Judaismo, et conversi ex gentilitate, quorum quidam fuerunt in naturali sapientia clari, et facti sunt prædicatores egregii, ut illustrissimi atque sanctissimi viri, Dionysius, Ignatius, Polycarpus, Clemens, Hierotheus, et alii pene innumera- biles, qui per triginta millia operariorum, septuagintaque millia portantium onera, et per octoginta millia latomorum significantur. Pro istis obsequiis et laboribus dedit Christus ipsis conversis gentilibus et eorum fidelibus principibus omnem mercedem quam postulaverunt, et omnia spirituali vitæ necessaria alimenta, abundantiam panis cœlestis et olei, hordei ac vini, videlicet consolationis internæ, et pietatis ac æquitatis et pœnitentiæ salutaris.

ARTICULUS IX

ELUCIDATIO CAPITULI SEXTI : FACTUM EST ERGO QUADRINGENTESIMO ET OCTOGESIMO ANNO.

HIC consequenter describitur, qualiter C ad ædificationem templi processerit Salomon : et primo, quo tempore. *Factum est ergo quadringentesimo et octogesimo anno egressionis filiorum Israel de terra Ægypti, in anno quarto regni Salomonis, qui tribus præcedentibus annis se præparavit ad templi constructionem, faciendo eâ quæ præcedenti capitulo sunt narrata, mense Ziph**, id est Maio apud nos, qui tamen partim cum Aprili potest concurrere, (*ipse est mensis secundus*), regni Salomonis super Israel, id est secundus mensis quarti anni præsidentiae ejus regalis, *ædificare capit domum Domino*, hoc est templum ad Dei honorem.

* Ziv seu
Zio

Longum est computare per singula annos præactos a tempore exitus Israel de Ægypto, usque ad tempus quo cœpta est ædificatio templi : et mirum videri potest, quod ab exitu illo usque ad ædificationis exordium, non fuerint nisi quadringenti octoginta anni, quum in libro Judicium Jephthe legatur mandasse regi Ammon, Habitavit Israel in Hesebon, et in civitatibus trans Jordanem per trecentos annos ; et antequam cœperunt habitare in terra illa, jam quadraginta anni effluxerunt ab egressu de Ægypto : sicque a Jephthe usque ad inchoationem ædificii templi, non remanerent a numero illo quadringentorum octoginta annorum, nisi centum quadraginta

Judic. xi,
26.

anni : quum tamen post Jephthe legantur filii Israel per annos quadraginta dati in manus Philistinorum ; deinceps præfuit Israeli ipse Heli annis quadraginta, ut patuit primo libro ; cui successit Samuel, post quem rex Saul fuit etiam annis quadraginta, quemadmodum in Actis loquitur Paulus ; post quem regnavit David totidem annis ; Jephthe quoque præfuit sex annis, ut in libro Judicum legitur. Et sic multo plures anni fuisse videntur ab exitu de Ægypto, usque ad templi inceptionem, quam dicatur in textu. Denique Josephus ait, Anno quingentesimo secundo egressionis de Ægypto. Qui etiam asserit, ab Abraham usque ad ædificationis exordium fuisse annos mille viginti ; a diluvio, mille quadringentos ; ab Adam, tria millia centum et duos.

Itaque advertendum, quod anni præacti computantur per tempora, quibus rectores filiorum Israel præfuerunt a Moyse inclusive usque ad Salomonem. Scriptura demum non exprimit, quot annos Josue et Samuel præfuerunt. Ideirco tempus præsentiae eorum comprehenditur in eorum annis, qui eis successerunt in regimine et iudicio plebis. Othoniel autem successit ipsi Josue, qui Othoniel iudicavit Israel annis quadraginta ; et Saul, qui quadraginta annis præfuisse narratur, Samueli successit : sicque tempus illorum quatuor rectorum, videlicet Josue, Othonielis, Samuelis, et Saulis, non continet nisi annos octoginta. Itaque, sicut ex libris Exodi et Deuteronomii innotescit, Moyses præfuit annis quadraginta, et totidem Josue atque Othoniel, qui Moysi successerunt. Post Othoniel præfuit Aod, sub quo computantur anni octoginta, quibus terra dicitur quievise, ut in libro Judicum habetur, et ibi expositum est. Post Aod præfuerunt Barac et Debora, sub quibus computantur anni quadraginta, quibus tunc terra quievit. Post quos præfuit Gedeon annis quadraginta ; post quem Abimelech tribus annis ; cui successit Thola præsidens annis viginti tribus. Post quem præfuit Jair viginti duo-

bus annis ; cui successit Jephthe præsidens annis sex. Post quem Abesan septem præfuit annis ; post quem præfuit Aialon decem annis ; et post eum præfuit Abdon octo annis. Quæ omnia in libro Judicum scripta sunt. Post Abdon præfuit Samson annis viginti ; cui successit Heli, qui annis præfuit quadraginta ; post quem Samuel et Saul totidem præerant annis. Post quos David tot præsidens annis ; cui successit Salomon, ejus quarto anno cœptum est templum ædificari. Præmemoratis quoque annis adduntur decem et octo anni, quibus filii Israel sine iudice fuisse creduntur, sicut ex libro Judicum trahitur.

Porro in ista annorum computatione, non oportet multum stricte tempora numerare : quoniam consuetudo est Scripturæ, in descriptione numerorum ac temporum minutias non curare. Qualiter etiam intelligendi sint numeri annorum ipsorum Judicum Israel, quibus vel ipsi præfuisse, vel terra dicitur quievise, super Judicum clare expositum est. Potest quoque et Josephi computatio secundum aliquam considerationem salvari.

Domus autem quam ædificabat rex Salomon Domino, utpote templum, habebat sexaginta cubitos in longitudine, et viginti cubitos in latitudine. Porro cubitus continere dicitur pedem cum medio. Tamen alii dicunt, quod duorum contineat latitudinem pedum ; sed primum verius reor. *Et triginta cubitos in altitudine.* Cui verbo contrariari videtur illud secundi Paralipomenon : *Altitudo centum viginti cubitorum erat.* Respondetur, quod totius illius templi altitudo ab imo usque ad summum, centum viginti exstitit cubitorum ; sed altitudo ejus a terra usque ad primum tabulatum sive solarium, fuit cubitorum triginta. *Et porticus erat ante templum a parte orientali, viginti cubitorum longitudinis, id est, habens in longo cubitos viginti, juxta mensuram latitudinis templi, ejus latitudo erat cubitorum viginti : sicque tanta fuit longitudo porticus hujus, quanta templi latitudo.* *Et habebat decem cubi-*

Judic. xii, 7, 9, 11, 14.

Ibid. xvi, 31 ; 1 Reg. iv, 18 ; Act. xiii, 21.

III Reg. ii, 11.

Judic. x, 8.

II Par. iii, 4.

tos latitudinis porticus hae sita ante faciem, id est introitum, *templi*, in quod intrabatur a parte orientali, a qua intrabatur in templum : quæ porticus in altitudine sua surrexit usque ad altitudinem templi, ut Josephus scribit. In secundo quoque templo per Zorobabel facto porticus erat ante ingressum templi, unde legitur in Actis : Currebat omnis populus ad Petrum et Joannem ad porticum quæ appellatur Salomonis. *Fecitque in templo fenestras obliquas*, id est exterius strictas, quæ paulatim interius tendebant ad dilationem majorem : quas Salomon excogitavit, quatenus lumen deforis intrans, magis et clarius diffunderetur interius. Et ita nunc fiunt in multis ecclesiis vitreæ fenestræ in parietibus, et in muris. Hæ autem fenestræ, erant quædam aperturæ in muris templi angustiores foris, latioresque intus.

Et ædificavit super parietem templi tabulata per gyrum. Tabulatum dici solet paries factus ex tabulis. Hic vero accipitur pro structura quadam, ex coaptatis tabulis facta. Itaque Salomon jussit trabes poni in domo, seu in templo per transversum in tribus locis, in summitatibus trium mansionum seu interstitiorum, id est partium templi, quod infra fuit divisum in duas partes, terræ cohærentes : quarum exterior, dicebatur Sanctum seu Sancta : et interior, Sancta sanctorum, sicut in tabernaculo Moysis, ad cujus similitudinem templum istud factum fuit pro maxima parte, secundum omnes expositores catholicos et Hebræos. Porro, super hanc partem templi inferiorem, erant in ascendendo duo solaria ; tectum quoque templi fuit planum instar solarii, juxta consuetudinem Palæstinorum, quorum tecta sunt plana, ita quod resident super ea ad circumspiciendum hinc inde. Sicque trabes illæ fuerunt situatæ per tria loca, videlicet sub primo et secundo solariis, et sub tecto ; et erant tam longæ, quod extremitates earum seu capita prominebant ex utraque parte, murum pertranseundo ; ac super

A extrema illa trabium sic prominentia, fecit ædificare tria tabulata, id est, partibus illis trabium pertranseuntibus murum, fecit superponi tabulas seu asseres fortes, super quas poterant homines ambulare : ideo deambulatoria vocabantur, et in Evangelio pinnacula templi dicuntur. Circa quod Magister in historiis scribit : Satis patet, qualiter facta erant tabulata illa in utroque latere, puta in parte australi et aquilonari. Qualiter autem facta fuerint in fronte orientali et occidentali, ubi scilicet trabes ita non extendebantur, non recolo me legisse. Nec super hoc mihi somniare libet aut licet. Verumtamen creduntur ibi fuisse, secundum quod Josephus velle videtur, agens de templi eversione.

Itaque, Ædificavit super parietem templi tabulata per gyrum, id est, super trabes sic prominentes, juxta et extra parietes templi, collocavit atque extendit tabulas, sicut jam dictum est, per gyrum, hoc est ex omni parte templi, vel saltem ex latere australi et aquilonari. Unde subjungitur : C *In parietibus domus*, hoc est juxta parietes quibus trabes innitebantur ac sustentabantur, *per circuitum templi et oraculi*. Nam ipsum templum frequenter vocatur oraculum, id est locus orationis ; et sanctuarium, quia in ipso continebantur sacra, exercebanturque sancta Deitatis obsequia ; itemque tabernaculum et domus Dei, qui ibidem specialiter habitavit per effectum et gratiam. Interdum vero oraculum dicitur interior pars templi, videlicet Sanctum sanctorum, in quo dabantur divina responsa ; et pars templi exterior, vocatur templum, et Sanctum vel Sancta, prout super Exodum de tabernaculo Moysis proportionabiliter dictum recorder. *Et fecit latera in circuitu*. Quidam per latera ista, intelligunt tabulata præfata. Sed alii aptius dicunt, quod latera erant loriculæ, seu apodiamenta vel clausuræ, surgentes in extremitate tabulorum in altum, ne ambulantes supra tabulata, corruerent, et ut super ea apodiarent : quæ in Paralipomenon appellantur cancelli, ut

1 Esdr. i, 2; vi, 14, 15.

Act. iii, 11.

Matth. iv, 5.

Exod. xxvi, 33.

Exod. xxvi.

Cl. II Par. iii.

quidam exponunt. Unde infra quarto libro A fertur de Ochozia, quod cecidit per cancellos domus suæ. Hinc in Deuteronomio fuit præceptum : Quum ædificaveris domum novam, facies murum tecti per circuitum, ne effundatur sanguis in domo tua, et sis reus, labente alio et in præceps ruente.

IV Reg. 1, 2.
Deut. xxii,
8.

Consequenter agitur de inæqualitate trium prædictorum tabulatorum, in latitudine eorundem. *Tabulatum quod subter erat*, hoc est inferius seu infimum tabulatum, *quinque cubitos habebat latitudinis*; *et medium tabulatum, sex cubitorum latitudinis* erat, hoc est, sex cubitos habebat in lato; *et tertium tabulatum*, quod erat juxta tectum templi, erat *habens septem cubitos latitudinis*. Istud secundum aliquos ad litteram factum est, quatenus existentes in superioribus tabulatis, non impedirentur respicere inferius per inferioris tabulati obstaculum. Verumtamen, ut in Scholastica fertur historia, Hebræi dicunt tria tabulata latitudinem habuisse æqualem, ita ut si a summo usque ad infimum plumbata cæmentarii demitteretur, perpendiculariter eorum æqualitas. Nihilominus inferius tabulatum dicitur quinque cubitorum in lato, medium sex cubitorum : quia superior murus arctior factus, quasi per cubitum erat retractus. Ultimum vero, hoc est supremum tabulatum, dicitur septem cubitorum fuisse, propter retractionem muri superius similiter factam. Quidam vero dixerunt infimum tabulatum septem fuisse cubitorum, medium sex, supremum quinque, ita ut ascendendo arctarentur tabulata, sicut et murus; et quasi litteram corrigentes, pro Subter, legunt Super, aut certe legunt Subter, dicentes, Tabulatum quod subter erat, non loco, sed numero. Quemadmodum enim altum quandoque vocatur profundum, quandoque supremum : sic et subter vocant loco, quod infra est positum; subter autem numero, ad quod ascenditur numerando.

Trabes autem in domo posuit per circuitum forinsecus : quia trabes ex transverso

positæ in domo, prominebant foras per gyrum, ut dictum est; *ut non hærent muris templi*, hoc est, ita quod tabulata non tangebant immediate muros templi : quoniam modicum spatium relinquebatur inter ea et muros, quod tamen erat tam parvum, quod per ipsum non poterat pes intrare, aut ambulans cadere. Et forsitan relinquebatur ibi ad intuendum per illud quid ageretur inferius vel esset. Vel aliquid sculptile aut cælatum, interpositum fuit ad ornatum et perfectionem. Aliqui autem referunt istud ad tabulatorum illorum cancellos, qui distabant a pariete muroque templi, quantum congrua tabulatorum latitudo exegit. Sed istud videtur a textu extraneum, quum de cancellis non sit immediate præhabita mentio : ideo potius videretur referendum ad trabes, quæ licet extenderentur per murum, tamen dici possunt muro non hæsisse, quia non finiebantur ad murum, sed pertransibant.

Verum, ut refert Lyra, Hebræi et etiam Josephus dicunt, quod tabulata prædicta non erant deambulatoria, sed tres ordines appendiciorum seu domuncularum pro habitatione ministrorum templi. Unde frequenter laterales vocantur, propter quod non erant in orientali templi parte, quoniam ibi porticus fuit. Et erat quælibet altitudinis quinque cubitorum, ita quod inferiores erant immediate super terram. Itaque, secundum Hebræos, juxta muros templi in parte exteriori, unus fuit ordo appendiciorum, quorum altitudo erat quinque cubitorum; et quum murus templi elevaretur per cubitos quinque a terra, restrictus erat a parte exteriori per cubitum unum; atque in spatio illius cubiti prominentis, erant capita trabium, ubi terminabatur primus ordo appendiciorum; post quem, ut tactum est, erant duo alii ordines appendiciorum. Et secundum istos, tabulata non erant in orientali parte templi.

Domus autem quum ædificaretur, videlicet templum, de dolatis lapidibus atque perfectis ædificata est. Saxa enim erant quadrata, et convenienter parata ac polita

extra Jerusalem prope lapidicinam, ante-
quam deferebantur ad aedificii locum. *Et
malleus et securis*, id est martellus lato-
mi, quo saxa sculptuntur aut praeciduntur,
et omne ferramentum, necessarium pro
lapidum situatione et connexionem, *non sunt
audita in domo quum edificaretur* : id est,
notabilis sonus instrumentorum illorum et
consimilium ibi non fuit. Istud, secundum
quosdam, ad lapides tantum est referen-
dum : quia ut dicunt, oportebat tabulata
clavis consolidari. Nam et secundo Paralipomenon scriptum est, Sed et clavos fecit
aureos ; et ibidem asserit Glossa, quod laminae aureae cum clavis illis affigebantur
parietibus templi : quod sine perceptibili sono fieri non valebat. Aliqui demum
affirmant, quod lapides incidebantur sanguine vermibus ejusdem, habente virtutem
hujusmodi, secundum quod sanguine hirci scinditur lapis adamantinus.

II Par. iii, 9.

Ostium lateris medii in pariete erat domus dexteræ, id est, janua sita et facta in medio lateris seu parietis templi, fuit in pariete templi meridiano. Unde in Historiis fertur : Juxta terram erat ostium lateris medii in pariete domus dexteræ, id est meridiana, hoc est in parte et muro australi ipsius domus. Hinc alii dicunt : Ostium, per quod erat ascensus in superiora solarium, erat in medio parietis meridiani juxta terram. Nihilominus a parte orientali intrabatur in templum : nam et de praefato ostio Josephus videtur sentire, quod fuit in angulo muri in parte orientali. *Et per cochleam*, id est ascensum anfractuosum, tortuosum, et quasi circulare, seu per gradus ita dispositos, *ascendebant* de infima parte et mansionem templi, *in medium cœnaculum*, id est ad primum solarium, quod instar cœnaculi factum, existit medium inter infimum templi locum, et inter secundum ac supremum ejus solarium, *et a medio in tertium*, id est supremum templi solarium.

Et edificavit domum, et consummavit eam. Texit quoque domum laquearibus cedrinis, id est, trabibus templi affixit la-

quearia facta de cedro. Porro laquearia, secundum Isidorum, cameram ornant et subtegunt : sicque laquearia nominantur quae tignis affigebantur, ita quod in ipsis quasi illaqueabantur ac subjungebantur, pro majori decore. *Et edificavit tabulatum super omnem domum*, id est in gyro totius templi in alto : quod fuit tertium tabulatum, de quo satis jam dictum est : *quinque cubitis altitudinis* : quia clausura tabulati illius, quae erat quasi murus elevatus in extremitate tabulati, ne de illo quis caderet, fuit in altum ascendens per spatium quinque cubitorum, demptis locis, in quibus fuerunt cancelli : super quos existentes ibidem se poterant apodiare, et infra adspicere. Hinc dicit Petrus Comestor : De altitudine illorum laterum ignoramus, nisi de supremo, quod habuerit in altitudine cubitos quinque. *Et operuit domum lignis cedrinis*. Murus namque seu paries inferioris loci seu mansionis templi, undique fuit tabulis cedrinis opertus : siquidem parietes erant lapidei, sed operiebantur cedrinis asseribus.

Et factus est sermo Domini ad Salomonem, dicens, id est, Dominus per angelum in visione dixit ad eum : *Domus haec quam edificas, si ambulaveris in praeceptis meis perseveranter, et judicia mea feceris, et custodieris omnia mandata mea, gradiens per ea ; firmabo sermonem meum tibi quem locutus sum ad David patrem tuum*, id est, promissionem quam ei feci de successionem sobolis suae in regno, opere adimplebo. *Et habitabo in medio filiorum Israel*, id est in templo isto, exaudiendo ibi preces orantium, et acceptando eorum oblationes atque obsequia : sicque in cordibus eorum per gratiam commorabor ; *et non derelinquam populum meum Israel*. In his verbis videtur Deus salutem, conservationem et gratiam populi constituisse in manu Salomonis regis ipsorum : quia ut ait Scriptura, secundum judicem populi, sic et ministri ejus ; et qualis est rector civitatis, tales et inhabitantes in ea. Ac si Dominus diceret : Si tu vixeris virtuose, populus tibi

II Reg. vii, 12.

Eccli. x, 2.

commissus erit vitæ laudabilis; si vero cecideris, cadent et ipsi pro magna parte. Verumtamen ista non sunt ita intelligenda, quod solo rege cadente, Deus populum reliquisset, aut templum dirimi permisisset; sed præscius futurorum, ita locutus est Dominus, prævidens casum populi ex regum secuturum ruina. Præterea aliqui dicunt, Deum ista esse locutum ad Salomonem, quando templi ædificatio fuit completa; sed textum sequendo, magis apparet, quod bis ista locutus sit ei: primo, durante illa constructione, ad confortandum eum in bono incepto; secundo, ædificio consummato, ad avisandum eundem, et pro habenda cautela in posterum. Quid autem contra hoc objici posset, tangetur inferius et solvetur.

Igitur ædificavit Salomon domum, et consummavit eam. Et ædificavit, id est operuit, parietes lapideos domus intrinsecus, tabulatis cedrinis, hoc est tabulis de cedro copulatis; a pavimento domus usque ad summitatem parietum, id est usque ad primum solarium, et usque ad laquearia trabibus affixa, operuit lignis, utpote tabulis, cedrinis intrinsecus; et texit pavimentum domus, quod ex pulcherrimis marmoreis lapidibus fuit factum, tabulis abiegnis, hoc est asseribus de abietibus cæsis. Ædificavitque viginti cubitorum ad posteriorem partem templi tabulata cedrina. Per tabulata ista cedrina, quæ in altitudine erant viginti cubitorum, doctores catholici intelligunt parietem situatum inter partem templi interioris et exterioris, dicentes, quod utraque pars templi, videlicet Sanctum, et Sanctum sanctorum, exstitit æque alta, scilicet cubitorum triginta, et quod decem cubitorum altitudo mansit aperta, ut per illam aperturam fumus ascendens de altari incensi, quod fuit in parte templi exteriori, intraret in partem templi interioris, quæ vocatur Sanctum sanctorum; sive (ut alii dicunt) ut duleis ille vapor aromatum, de altari thymiamatis procedens, intraret oraculum. Ædificavit itaque hæc tabulata cedrina, a pavimento usque ad superiora,

A utpote ascendendo ad mensuram cubitorum viginti, non tamen usque solarium pertingendo. Verumtamen Hebræi per tabulata ista cedrina, intelligunt partem templi interioris, quam dicunt in altitudine fuisse brevioris parte templi exteriori, in cubitis decem: quæ pars exterior fuit triginta cubitorum in alto, ut patuit, et ista viginti, ut dicunt. *Et fecit interiorem domum oraculi in Sanctum sanctorum,* hoc est, exterioris partem templi divisit ab interiori, per interpositum parietem jam præfatum, ita ut pars illa interior, esset et vocaretur Sanctum sanctorum, in quo continebantur arca, et tabulæ testamenti, propitiatorium quoque et Cherubim.

Hebr. ix,
4, 5.

Porro quadraginta cubitorum in longitudine erat ipsum templum pro foribus oraculi, id est, pars templi exterior, quæ vocatur hic templum, habuit in longo cubitos quadraginta ante fores sive introitum Sancti sanctorum: quia exterior pars sita erat immediate ante et juxta januam partis interioris; sicque pars illa exterior, fuit in duplo longior parte interiori: propter quod, tanquam in duplo major, illa vocatur hic templum. Et sicut tabernaculum Moysis fuit divisum in duas partes per interpositum velum, ut patet in Exodo; sic divisum fuit templum Salomonis per intermedium cedrinum parietem, imo etiam per velum quatuor colorum, quod ante parietem illum pendebat, juxta illud secundi Paralipomenon, Fecit quoque velum ex hyacintho, purpura, cocco et bysso: quod, secundum Glossam, gratia decoris est factum, ut inter parietes deauratos holosericum refulgeret.

Exod. xxvi,
33.

II Par. iii,
14.

Et cedro omnis domus intrinsecus vestiebatur, hoc est, totum templum in parietibus et in tecto atque sub trabibus, operiebatur cedrinis asseribus, habens tornaturas et juncturas suas fabrefactas, et cælaturas eminentes: hoc est, in ipsis tabulis templi cedrinis, erant cum torno formatæ operationes quædam artificiosæ in ipsis tabularum juncturis, ne locus juncturæ deprehendi valeret. Erant quoque in

tabulis factæ eminentes picturæ, puta imagines Cherubim, ac palmarum diversarumque rerum, ut infra exprimitur: sed et picturæ atque sculpturæ illæ, erant aureis laminis subtilibus congruenter opertæ, ita quod evidenter apparuerunt. *Omnia*, scilicet muri lapidei et trabes, *cedrinis tabulis vestiebantur*, a parte interiori, *nec omnino lapis apparere poterat in pariete*, id est, in nullo parietum templi illius quadrangularis, potuit aliquis lapis videri ab interiori (ut dictum est) parte, quia asseribus erant operti.

Oraculum autem in medio domus in interiori parte fecerat, ut poneret ibi arcam fœderis Domini. Oraculum quandoque dicitur ipsum templum: frequentius tamen pars ejus interior, scilicet Sanctum sanctorum, vocatur oraculum. Nunc autem pars intra illud existens, in qua collocata est arca, videtur oraculum appellari: ideo dicitur, factum in medio domus, id est infra templum in parte ejus interiori, id est magis distante a parte orientali, per quam intrabatur ad templum. Porro oraculum, id est pars templi interior, quæ vocatur Sanctum sanctorum, *habebat viginti cubitos longitudinis*: nam totum templum habuit sexaginta longitudinis cubitos, et pars ejus exterior quadraginta, ut dictum est: *et viginti cubitos latitudinis*, sicut et pars templi exterior: sicque pars illa interior fuit quadrum æquilaterum; *et viginti cubitos altitudinis*. Ex hoc videtur Hebræorum fulciri opinio, quia (ut tactum est) dicunt, quod non habuit in altitudine, nisi viginti cubitos. Sed expositores fideles al-

*purissimo

II Par. III,
5, 8.

*illud atque vestivit auro mundissimo**, id est aureis laminis ex purissimo auro factis, quod secundo Paralipomenon vocatur aurum obrizum: ubi et additur pondus auri illius, quum dicitur, Talentis sexcentis. *Sed et altare vestivit cedro*: quod exponitur de altari thymiamatis, seu incensi, super quod incendebatur thymiana ad

A bonum odorem in templo habendum, ne odor sacrificiorum quæ in atrio offerebantur et incendebantur, gravaret existentes in templo: in ejus primam partem ingrediebantur sacerdotes, atque in secundam partem ipsius pontifex solus, ut docet Apostolus ad Hebræos. Hoc altare fuit intus solidum atque lapideum, sed cedrinis tabulis coopertum, imo et desuper aureis laminis tectum, ut paulo post subditur.

Hebr. ix,
6, 7.

Domum quoque ante oraculum, id est exteriorem partem templi sitam contigue ante Sancta sanctorum, *operuit auro purissimo*, sicut jam dictum est, ab intus; *et affixit laminas clavis aureis*. Aureas laminas, quas ante vocavit aurum purissimum, affixit tabulatis laterum, laqueariis trabium, pavimento, ac parietibus inferioris mansionis templi cum aureis clavis, quorum quilibet erat quinquaginta siclorum, juxta illud secundi Paralipomenon: Clavos fecit aureos, ita ut singuli clavi

II Par. III, 9.

C *quingentos siclos appenderent*. *Nihilque erat in templo de partibus ejus integralibus*, existentibus in parte seu mansione ejus inferiori, *quod non auro*, hoc est aureis laminis, *tegeretur*, in tantum ut vultus intrantium faceret auri lumine resplendere, ut in Scholastica fertur historia. De quantitate autem seu spissitudine laminarum illarum aurearum, non legitur aliquid certum. *Sed et totum altare oraculi*, videlicet altare thymiamatis seu incensi præfatum, quod erat in exteriori parte templi, *tegit auro*. Et illud altare vocatur altare oraculi, non quod fuerit situm intra Sanctum sanctorum, seu in parte interiori ipsius templi, sed quia stetit ante oraculum extra et prope illud, et quoniam vapor, odor seu fumus inde ascendens, intravit oraculum, id est Sanctum sanctorum, per modum præhabitum. At vero secundo Paralipomenon habetur: Fecit quoque altare æneum viginti cubitorum longitudinis, et viginti cubitorum latitudinis, et decem cubitorum altitudinis: quod stetit in atrio sacerdotum, sicut ibidem expositum est; et super illud holocausta combureban-

Ibid. IV, 1.

tur, alia quoque sacrificia offerebantur in A eo. Incensum vero et holocaustum, aliquando pro eodem accipiuntur, quoniam holocaustum incendebatur totaliter: sed nunc altare incensi, pro altari thymiamatis sumptum est, quia et thymiana cremabatur super altare illud, prout super Exodum plenius dictum est.

Exod. xxx,
1-9.

Et fecit, id est posuit, in oraculo, utpote in parte templi interiori, duos Cherubim: qui secundum Hebraeos erant formati instar pulchrorum splendorumque juvenum. Sed Josephus ait, quod erant formati ad similitudinem avium hominibus nunquam ostensarum, sed Moysi in visione imaginaria, qua vidit Deum quasi in sublimi solio residentem. De lignis olivarum: idcirco non erant aurei, ut Cherubim quos Moyses fecit, de quibus in Exodo Dominus jubet, Duos Cherubim aureos et productiles facies; decem cubitorum altitudinis, sic quod unusquisque Cherub habuit altitudinem decem cubitorum; et stabant super pavementum in lateribus arcæ. Quinque cubitorum ala Cherub una, et quinque cubitorum ala Cherub altera, id est, quilibet Cherub habuit alas duas, et quælibet ala fuit quinque cubitorum in longitudine sua, ita quod simul habebant longitudinem decem cubitorum, et tanto spatio distabant summitates seu extremitates alarum illarum expansarum ab invicem. Et hoc est quod in littera subditur: id est, decem cubitos habentes a summitate alæ unius, usque ad alterius alæ summitatem. Decem quoque cubitorum erat Cherub secundus in mensura pari, quia eodem modo fuit dispositus et formatus in longitudine sua et alis, ut primus. Unde subjungitur: Opus unum, id est similis formatio, erat in duobus Cherubim, id est, altitudinem habebat unus Cherub decem cubitorum, et similiter Cherub secundus.

Ibid. xxv,
18.

Posuitque Cherubim in medio templi interioris, id est in medio interioris partis totius templi, cujus interior pars vocatur hic templum interius: sicque area stetit inter duos hos Cherubim. Extendebant au-

tem alas suas Cherubim, et tangebant ala una parietem unum, id est, ala una unius Cherub extensa fuit usque ad murum templi meridionalem; et ala Cherub secundi tangebant parietem alterum, id est murum oraculi seu Sancti sanctorum aquilonarem. Alæ autem alteræ in media parte templi se invicem contingebant, id est, alia ala unius Cherub tangebant alteram alam alterius Cherub, ita quod alæ illæ non erant directe extensæ in altum, sed transversaliter versus arcam quam et operuerunt: sicque quatuor alæ illæ fuerunt extensæ per totam latitudinem Sancti sanctorum, cujus latitudo (ut patuit) fuit cubitorum viginti. Hinc secundo Paralipomenon scribitur, quod extendebantur per cubitos viginti. Alia quoque aliqua scripta sunt ibi de Cherubim istis, quæ hic non sunt descripta, sicut econtra: quæ diligens lector simul consideret. Texit quoque Cherubim istos auro, id est laminis aureis. Alæ vero istorum Cherubim, ut aliqui dicunt, aureæ erant.

II Par. iii,
13.

Insuper patet ex dictis in isto capitulo, et ex his quæ in Exodo scribuntur, quod Cherubim isti in templo Salomonis, et Cherubim qui erant in tabernaculo Moysis, conveniebant in forma et situ: quia eodem modo erant dispositi et alati, et ex utroque latere arcæ locati; sed differebant in materia et quantitate. Nam Cherubim quos Moyses fieri jussit, erant parvi et aurei, isti vero magni et lignei ac deaurati, atque sub alis suis continebant arcam ac Cherubim factos sub Moyse.

Exod. xxv,
18-20.

Et omnes parietes templi per circuitum sculpsit variis cælaturis et torno, id est cum instrumento sic dicto. Dictum est namque, quod in tabulis illis cedrinis, quibus muri inferioris partis templi erant operti, sculptæ, formatæ sive cælatæ erant prominentes imagines. Et fecit in eis Cherubim, et palmas, et picturas varias, quasi prominentes de pariete et egredientes. Unde et in Paralipomenon scribitur: Sculpsit in ea palmas, et quasi catenulas se invicem complectentes; et cælavit Cherubim in pa-

II Par. iii,
5, 7.

rietibus. *Sed et parimentum domus* : de A
 11 Par. III, quo in Paralipomenon legitur, Stravit pa-
 6. vimentum templi pretiosissimo marmore, decore multo; *texit auro intrinsecus et extrinsecus*, id est, tam in parte templi interiori, quam exteriori, operuit pavimentum illud lapideum aureis laminis.

Et in ingressu oraculi, id est in pariete, per quem transibatur ab exteriori parte templi in Sanctum sanctorum, *fecit duo ostiola* : quæ dicuntur ostiola, quoniam parva erant respectu januarum, per quas fuit ingressus ab orientali plaga in exteriorem B templi partem; *de lignis olivarum* : *postesque angulorum quinque*, id est, ipsos postes ita formavit, quod quilibet postis secundum longitudinem suam habuit angulos quinque. Et ut in Scholastica fertur historia, in quinto angulo medio, hoc est in medio anguli quinti, cardines stabant affixi, circa quos ostiola movebantur. Verumtamen quidam exponunt ita supplendo, Et postes angulorum erant quinque, supple, cubitorum. *Et duo ostia de lignis olivarum. Et sculpsit in eis picturam Cherubim*, sicut expositum est, *et palmarum species, et anaglypha valde prominentia*, id est eminentes picturas seu prominentes cælaturas; *et texit ea auro*, id est laminis aureis; *et operuit tam Cherubim quam palmas et cetera auro*.

Fecitque in introitu templi, id est in pariete orientali, per quem intrabatur in primam et exteriorem templi partem, *postes de lignis olivarum quadrangulatos*, id est quatuor angulorum : et sic postes oraculi, qui erant quinque angulorum, erant D ornatius facti quam isti, sicut oraculum sanctius fuit; *et duo ostia de lignis abiegnis altrinsecus*. Nam inter ostia illa situs exstitit postis firmus et grandis, ad quem claudebantur; sicque una janua fuit ex una parte postis illius, et alia ex altera postis parte : ideoque dicuntur fuisse altrinsecus. *Et utrumque ostium duplex erat, et se invicem tenens aperiebatur*. Quod duobus modis exponitur. Primo, quia unum pendebat in exteriori parietis superficie, et

aliud in superficie ejusdem parietis interiori prope ostium jam præfatum. Secundo, quod utrumque ostium fuerit de duabus partibus fortiter sibi connexis, ita quod una pars januæ poterat claudi, alia aperta manente, sicut in ostiis quæ fracta vocantur, videmus. Et juxta hunc duplicem sensum, etiam quod dictum est de ostiolis oraculi, dupliciter explanatur : quia secundum quosdam, ambo ostiola erant in eadem parietis parte, unum in exteriori superficie muri, aliud in interiori, sic quod dum ambo clausa fuerunt, videbatur paries ille ex utraque parte continuus; secundum alios autem erant sic posita, quod unum stetit juxta latus meridionale oraculi, aliud juxta latus aquilonare in muro oraculi, qui dividebat inter Sanctum et Sanctum sanctorum. *Et sculpsit Cherubim et palmas et cælaturas valde eminentes; operuitque omnia laminis aureis opere quadro*, prout forma eorum quæ operiebantur, exegit, *ad regulam*, hoc est ad lineam; vel aureæ illæ laminæ factæ fuerunt quadrangulari figura cum lineali directione.

De præfatis ostiis scribit Magister in historiis : Fores istæ tantæ fuerant venustatis, ut etiam David prophetans de templi destructione, eas nominatim expresserit, dicens : Exciderunt januas ejus. Atque, ut Ps. LXXIII, Josephus ait, non erat in eis lignum majus 6. palmo : quod forte notatur in libro Regum, quum dicitur, Opere quadro ad regulam. Et erat altitudo earum triginta cubitorum, secundum altitudinem inferioris cœnaculi seu partis templi. Sed quod dicit latitudinem earum fuisse viginti cubitorum, videtur stare non posse, quoniam tanta exstitit templi latitudo : sicque ab oriente non fuisset murus. Sed ex libro Regum patet determinatio, ubi sic legitur : Ostium duplex erat, et se invicem tenens, aperiebatur. Erat equidem latitudo muri decem cubitorum, et apertura, in qua januæ erant, similiter decem : et ita in muro orientali altrinsecus supererant quinque cubiti. In apertura vero erant quatuor fores, duæ extrinsecus, et duæ intrinsecus, quarum una-

quæque habuit latitudinem quinque cubitorum, et erant tam artificialiter positæ, ut clausæ, quasi continuum parietem facerent intus et extra; apertæ autem, sibi in medio muri obviabant, et totam latitudinem ejus tegebant; tamque artificiose mutuo adhærebant, quod quando claudebantur exteriores, claudebantur simul et interiores. Nullus enim nocte in templo remansit, qui clauderet eas interius. Quumque aperiebantur exteriores, aperiebantur simul et interiores. Propterea dictum est: Ostium duplex erat, et se invicem tenens, aperiebatur.

Et ædificavit atrium interius, hoc est, juxta templum muravit atrium: quod atrium fuit muro clausum. Unde subjungitur: *tribus ordinibus lapidum politorum*, ita quod in spissitudine, vel (ut aptius dicunt) in altitudine muri erant tres ordines lapidum politorum, hoc est, lapides politi, diversorum colorum triplici ordine collocati, *et uno ordine lignorum cedri*, hoc est, lignis tabulisve cedrinis sub uno ordine sitis interius. Ad intelligentiam hujus valet, quod in Scholastica fertur historia: Plura (inquit) fuerunt atria circa templum, sicut in Psalmo legitur: Qui statis in domo Domini, in atriis domus Dei nostri. De interiori autem atrio fit hic tantum mentio. De eodem et de secundo tractat Josephus: præter quæ duo, fuerunt et alia atria duo. Itaque atrium istud interius erat platea grandis, ex omni parte circa templum diffusa per quadrum, hoc est quadrata in gyro templi, sicut et templum erat in quadro forma-

Ps. cxxxiii.
1.

tum: eratque platea illa altera parte longior, sicut et templum; et ante fores templi ad orientem plurimum extendebatur, quoniam ibi stabat altare holocaustorum æreum et mare, in quo lavabant se sacerdotes, et luteri, in quibus hostiæ lavabantur, atque ibidem sacerdotes ac Levitæ coram Domino (adstante populo) ministrabant; et circa utrumque latus templi non erat tam magna. Ab occidente vero strictior erat. Pavimentum autem vario marmore stratum erat, et diversis imaginibus venustatum. Et brevis murus cingebat ipsum: qui murus fuit in altitudine trium cubitorum; eratque cubitus unus de lapidibus unius coloris, cubitus secundus de lapidibus alterius coloris, et tertius tertii. Interius quoque murus iste vestiebatur cedro; et positus fuit murus per gyrum in extremitate hujus, ut ceteros a ministris divideret, et ab ingressu atrii hujus prohiberet. Ad hunc murum se apodiabant psallentes; et conversi ad populum, alloquebantur eundem.

Anno quarto regni Salomonis fundata est domus Domini, hoc est, incepta fieri, ut patuit in exordio hujus capituli, *mense Ziph**; et in anno undecimo regni ejus, *mense Bul*, vel, ut alii dicunt, Zebul (*ipse est mensis octavus*) undecimi anni præfati, cui mensi correspondet secundum nos September, ut dicit Beda, seu partim October, ut aliqui dicunt, *perfecta est domus in omni opere suo, et in universis utensilibus suis; ædificavitque eam annis septem*.

* Ziv seu Zio

ARTICULUS X

DE SPIRITUALI ET MYSTICA EXPOSITIONE HUIUS CAPITULI SEPTIMI.

PER hoc quod Salomon rex opulentus ac sapientissimus, ædificavit Deo speciosissimum ac pretiosissimum templum, præfiguratum fuit, quod Christus, in cujus

manu sunt regnum, potestas et imperium, ædificaret Deo Patri seu superbeatissimæ Trinitati pulcherrimum incomparabilis pretiositatis dignitatisque templum, univer-

Dan. vii, 14.

Apoc. i, 5. salem Ecclesiam, quam toto terrarum orbe per Apostolos per fidem, caritatem, et gratiam congregavit : pro ejus salute pretiosissimum proprii sanguinis effudit ac dedit thesaurum. De quo a Zacharia prædictum est : Ecce vir, Oriens nomen ejus, et ædificabit templum Domino. Quemadmodum autem Salomon fecit templum in monte Moria, sic Christus in sublimitate gratiæ ac virtutum, in apice contemplationis, in caritatis perfectione statuit, construxit et consummavit Ecclesiam suam. Denique per hoc, quod in area Ornan Jebusæi templum Salomonis constructum est, præsignatum videtur, quod in terra gentilitatis Ecclesia est diffusa.

At vero per hoc, quod templum Salomonis quadrangularis fuit figuræ, præmonstrabatur, quod Ecclesia Christi æqualitate justitiæ ornaretur, et quatuor virtutibus cardinalibus ad præclaram pertingeret quadraturam. Per longitudinem templi, longanimitas Ecclesiæ in expectatione futuræ beatitudinis denotatur; per latitudinem, caritas, quæ ad omnes extenditur, et inimicos complectitur; per altitudinem, perfectio insinuatur internorum profectuum, sublimitas contemplationum, vertex divinorum charismatum. Per porticum templi, status incipientium; per primam templi partem, status proficientium; per partem templi interiorem, status perfectorum exprimitur. Per fenestras templi obliquas, intelliguntur libri sacræ Scripturæ, illuminantes Ecclesiam; vel ipsi prædicatores, qui lumen veritatis pandunt hominibus, et Solem justitiæ adducunt credentibus. Sed quia in Scripturis est quædam obscuritas, atque in prædicatoribus ac prælatis cognitio imperfecta, quia per speculum in ænigmate vident, culparum quoque admixtio ac defectus justitiæ invenitur in eis, recte fenestræ istæ dicuntur obliquæ. Unde et Isaïas : Universæ, inquit, justitiæ nostræ quasi pannus menstruæ.

Insuper, per tres templi mansiones seu partes ab infimo usque ad supremum, significantur tres status fidelium, utpote con-

A jugatorum, religiosorum, ac prælatorum : inter quos, conjugati sunt infimi, religiosi medii, prælati supremi. Per parietes templi, signantur diversæ gentes, ex quibus constat Ecclesia : per pavimentum, sancta humilitas multipliciter decorata; per deambulatoria, divina præcepta et evangelica Christi consilia, in quibus et per quæ salubriter ambulatur ac tenditur ad salutem; per latera et apodiamenta a casu præservantia, intelliguntur discretio, timor Dei, custodia cordis, oratio ardens, et confidentia jugis in Domino; per atrium templi, occupatio fidelium in exterioribus rebus : per quam ab areta via salutis frequenter receditur; tamen ne nimium recedatur, per murum atrii, regimen pastorale muniens ac circumdans gregem fidelium recte accipitur, per quod a damnabili præservantur ac cohibentur recessu. Tabulæ cedrinæ, quibus parietes sunt operiti, designant exteriorum exemplaritatem, et virtuosæ famæ odorem, per quæ efficimur bonus Christi odor in omni loco, proximisque suaves : atque nos ipsos ac proximos, a vitiorum putredine præservamus, demones quoque persequimur et fugamus. Deo etenim conscientie puritatem, proximis exemplaritatem ac bonam tenemur famam. Nempe, ut asserit Glossa, cedrus est imputribilis arbor, boni odoris, jucundi adspectus : quæ accensa, suo odore fugat perimitque serpentes. Trabes, sunt grandia illa divinæ pietatis auxilia, angelicarum potestatum subsidia, præsidentium sustentamenta, quibus in electis conservantur, deportantur ac roborantur virtutes, gradus et status fidelium.

Domus autem quum ædificaretur, de donatis lapidibus atque perfectis ædificata est. Non enim aliquis Christo atque Ecclesiæ potest salubriter incorporari, nisi in Baptismo aut Pœnitentiæ sacramento ab inculta, rudi et cruda conversatione sua pristina, originalive culpa mundatus, et fide, spe ac caritate ornatus. *Et malleus et securis et omne ferramentum, non sunt audita in domo quum ædificaretur :* quia fideles capiti suo Christo ac matri suæ Ec-

I Cor. xiii, 12.

Is. lxiv, 6.

Matth. vii, 14.

II Cor. ii, 15.

clesiæ incorporantur quieta et interiori ac
 insensibili operatione Spiritus Sancti, per
 vitiorum expulsionem et infusionem vir-
 tutum. Spiritualis namque et interna est
 ædificatio ista, sicut ait Apostolus : In Chri-
 sto omnis ædificatio constructa crescit in
 templum sanctum in Domino; in quo et vos
 coædificamini in habitaculum Dei in Spi-
 ritu Sancto. Per ostium templi intelligitur
 fides, quam primo ac firmiter oportet ha-
 bere; vel Baptismus, qui est janua sacra-
 mentorum; vel Christus, qui protestatur,
 Ego sum ostium ovium. *Et per cochleam*
ascendebant. Per cochleam designatur dif-
 ficilis ad virtutum profectum ac perfectio-
 nem ascensus. Ars quippe et virtus sunt
 circa difficilia; et in ascensu nostro ad
 veram felicitatem non itur semper directe,
 sed frequenter hinc inde gyratur, tarde
 proceditur, tortuositates occurrunt, quibus
 oportet resistere; nec coronatur nisi qui
 prævalet.

*Texit quoque domum laquearibus cedri-
 nis.* Laquearia ista, sunt ornata ac dulcia
 dona Spiritus Sancti, quibus et ipsæ vir-
 tutes perficiuntur et expediuntur, ac ipsi
 fideles, dirigibiles ac dociles a Spiritu San-
 cto redduntur, sicut in Evangelio ait Sal-
 vator : Erunt omnes docibiles Dei. Et Psal-
 mista : Spiritus tuus bonus deducet me in
 terram rectam. *Et ædificavit tabulatum*
super omnem domum. Tabulatum istud al-
 tissimum toti Ecclesiæ eminens, est con-
 versatio Christi in sæculo isto, quam nullus
 valet plenarie imitari. Rursus, tabulatum
 seu deambulatorium vel domicilium istud,
 est caritatis perfectio, mystica theologia,
 angelica et cœlestis conversatio ducta in
 carne, ut Paulus fatetur : Nostra, inquit,
 conversatio est in cœlis. Denique tria de-
 ambulatoria illa, designant tres vias per-
 veniendi ad totius fontem salutis. Prima
 et infima est via mandatorum. Secunda est
 professio et conversatio religiosorum cœ-
 nobitarum in societate viventium. Tertia,
 anachoretarum, quorum vita est super ho-
 minem, quum homo sit naturaliter animal
 sociale, civile. *Et operuit domum lignis*

cedrinis. Ligna cedrina sunt homines su-
 blimis dignitatis, exemplaris ac dulcis con-
 versationis, sinceri ac integri cordis : qui-
 bus Ecclesia operitur, dum tales ceteris
 præficiuntur. *Et texit pavementum do-
 mus tabulis abiegnis.* Quemadmodum per
 pavementum humilitas, quæ in basso et
 imo se collocat, designatur; sic per abie-
 tem arborem altam, magnanimitas insi-
 nuatur, quæ divinæ omnipotentiae inniten-
 do auxiliis, in summo se figit. Deus autem
 mira moderatione disponit, ut in electis
 suis humilitas magnanimitatem non exclu-
 dat, et magnanimitas humilitatem perficiat
 ac venustet.

Insuper, per hoc, quod exterior pars
 templi fuit interiori parte ipsius in duplo
 major ac longior, figuratur, quod in Ec-
 clesia multo plures sunt sæculares et con-
 jugati, quam spirituales ac religiosi. Per
 arcam significatur Christi humanitas, seu
 Eucharistiæ sacramentum, vel mens viri
 heroici : quæ arca in oraculo ponitur, quia
 in secretioribus ecclesiarum locis, atque
 in devotissimis Dei servis Christus homo ac
 Sacramentum custodiuntur. *Altare vestivit*
cedro. Altare, est fides, in qua quidquid bo-
 ni agimus, Deo offerimus; vel caritas, sine
 qua nil meritorium et Deo acceptum est;
 seu Christus, in cuius merito Deo omnia
 nostra sacrificia immolamus. Hujus altaris
 operimentum et vestitus ac decoratio, est
 devotionis suavitas, fervor orationis, con-
 versatio sacrificiis correspondens. *Domum*
operuit auro purissimo, id est, Christifide-
 les fide et opere Christianos tegit ac per-
 ficit Dominus sincero ac spirituali amore,
 de quo fertur in Apocalypsi : Suadeo tibi
 emere aurum ignitum, probatum.

Et fecit duos Cherubim : per quos intel-
 liguntur excellentes illuminationes atque
 scientiæ utriusque Testamenti, ac dignita-
 tes angelicæ, et supernorum obsequium
 civium, aut etiam sacerdotum qui in Scri-
 pturis angeli nuncupantur : qui ad Christi
 obsequia sunt parati, et in ipsum respi-
 ciunt, dum omne quod operantur, ad ejus
 honorem et gloriam recta intentione ordi-

Ephes. ii,
 21, 22.

Joann. x, 7.

II Tim. ii, 5.

Joann. vi,
 45.
 Ps. cxlii,
 10.

Philipp. iii,
 20.

I Cor. xiii,
 1-3.

Apoc. iii,
 18.

Malach. ii,
 7.

nant ac reducunt. Alæ Cherubim, sunt agilitates eorum ad exsequendum celerrime quidquid jusserit conditor Deus : subsidia obsequiaque ipsorum, quibus et Creatori jugiter obsequuntur, et militanti Ecclesiae suffragantur, ac sibi commissos custodiunt, obumbrant ac tegunt : ideo alæ Cherubim tangebant parietes : sed et ala unius alam alterius, quia concorditer faciunt hæc, et sibi invicem cooperantur, caritate quoque nectuntur, et totam militantem perambulant ac circumdant Ecclesiam. Qui tecti sunt auro, id est ardentissima caritate. *Et sculpsit variis cælaturis.* Per omnem illam templi picturam et cælaturam, recte accipiuntur multi ac magni ornatus Ecclesiae in fructibus et beatitudinibus, in desideriis sanctis, in operibus supererogationis, exercitationibusque internis et adspirationalibus ac occupationibus mentis in Deo assiduus. Unde in Canticis loquitur Sponsa : *Cant. II, 5.* Fuleite me floribus, stipate me malis, quia amore languco. Quæ et per anaglypha exprimuntur : nempe, ut ait Isidorus, anaglypha sunt vasa escaria sursum sculpta, ἀπὸ τοῦ ἄνω, quod est sursum, et γλῶττω, sculpere. Et ut asserit Beda, ἀνὰ γλῶττω Græce, Latine dicuntur cælaturæ : quibus infigi Cherubim facit, qui puritatem angelicam edocet esse sectandam, præsertim religiosi et clericis ac prælatis, quatenus qui gradu ac ordine præminent aliis, præpolleant et virtutum operibus.

Nihilque erat in templo quod non auro tegetetur. Sic nemo est in Ecclesia, tanquam vivum ipsius membrum, et fide ac merito, nisi qui caritate resplendet, et salutari sapientia decoratur : siquidem neminem diligit Deus, nisi qui cum sapientia inhabitat; et vani sunt omnes quibus non subest scientia Dei, qui per Osee testatur : *Sap. VII, 28.* Quia tu scientiam repulisti, repellam et ego te, ne sacerdotio fungaris mihi. *Ibid. XIII, 1.* Sed et pavimentum domus texit auro. Vera namque humilitas semper caritate ornatur. Et *Osee IV, 6.* rursus veraciter ait Scriptura : Ubi humilitas, ibi et sapientia. *Prov. XI, 2.*

In ingressu oraculi fecit duo ostiola :

T. 3.

per quæ designantur vita prælatica et contemplativa monastica, per quas ad interiora pertingitur. Rursus, ostiola ista sunt humiliatio profunda sui ipsius, et timor divinæ majestatis, per quæ ad secreta Altissimi contemplanda intratur. Ostiola quoque sunt lumen naturæ et lux gratiæ, per quæ ad lumen gloriæ itur ac pervenitur. Postes denum et columnæ, sunt majores et perfectiores, qui portare possunt minorum imbecillitates : qui postes esse debent de lignis olivarum, id est personæ gratia pietatis et lumine sapientiæ decoratæ, ut noverint quibus et qualiter debeant condolere, ita ut bonitate, disciplina, discretioneque vigeant, et vinum rigoris, oleumque dulcoris proportionate contemperent. *Et duo ostia de lignis abiegnis.* Duo ostia intelligi possunt, observatio præceptorum atque impletio consiliorum, juxta illud : Si vis ad vitam ingredi, serva mandata. Itemque : Qui vult venire post me, abneget semetipsum. Iterum, ostia sunt pastores ac prædicatores, præsertim Apostoli et Prophetæ, vel patientia in adversis et constantia in prosperis. *Et utrumque ostium duplex erat,* id est per fidem et operationem distinctum, caritate Dei ac proximi copulatum, intus et extra illuminatum ; *et se invicem tenens aperiebatur,* quoniam unum istorum fulcitur ac adjuvatur ex altero, sicque ad profectum procedunt.

Operuitque omnia laminis aureis, id est caritativis affectibus, sine quibus nil meriti sortirentur; affixæque erant aureis clavis, id est incitamentis ac motibus filialis timoris ac sancti amoris, quibus nil fortius ligat, nectit aut penetrat. Unde et scriptum est : Confige timore tuo carnes meas. Vel clavi aurei sunt verba divinæ Scripturæ ac salubria documenta, per quæ homo adhæret virtutibus, compungitur et unitur. Hinc in Ecclesiaste scriptum est : Verba sapientium quasi stimuli, et quasi clavi in altum defixi.

Ædificavitque eam annis septem. Septenario universitas designatur, juxta illud in Tobia, quod Raphael dixit : Ego sum

Matth. XIX, 17.
Luc. IX, 23.

1 Cor. XIII, 1-3.

Ps. CXVIII, 120.

Eccle. XII, 11.

Tob. XII, 15.

angelus, unus ex septem qui stamus ante Dominum. Atque in Apocalypsi : Et a septem spiritibus, qui in conspectu throni ejus sunt. Christus autem Ecclesiam suam ædificat per totum tempus sæculi hujus,

Apoc. 1, 4.

A quemadmodum contestatur : Ecce ego vobiscum sum cunctis diebus usque ad consummationem sæculi. Quam et septem donis Spiritus Sancti construit, perficit et sustentat.

Matth. xxviii, 20.

ARTICULUS XI

DECLARATIO LITTERALIS CAPITULI SEPTIMI : DOMUM AUTEM SUAM ÆDIFICAVIT SALOMON.

HUJUS capituli exordium describit ædificia illa regalia, quæ Salomon fecit pro se et conjuge sua et pro commodis suis. Deinde reditur in isto capitulo ad describenda instrumenta cultus divini, et utensilia templi, ac rerum quarundam contentarum in eo. *Domum autem suam*, id est regale palatium cum attinentiis suis, *ædificavit Salomon tredecim annis, et ad perfectum usque perduxit* : non quod domus sua fuerit pretiosior aut pulchrior templo et attinentiis suis, imo econtrario fuit; sed quia adhuc erat multum devotus, ardentior fuit circa ea quæ Dei sunt, quam circa propria; multoque plures operarios habuit simul occupatos ad templi, quam ad palatii sui, constructionem. Populus quoque fertur fuisse ferventior circa structuram templi, quam domorum regali-
sed et necessaria pro templo ædificando, erant Salomoni præparata a David; non autem pro aliis domibus construendis, facta fuit ei talis provisio.

I Par. xxviii, xxix.

Sequitur de secunda domo regali, non quod in ea commoratus sit rex, sed in ea reposuit aliqua pretiosa, quæ infra tanguntur. *Ædificavit quoque domum Saltus Libani* : quæ domus interdum vocatur, domus Saltus, interdum domus Libani, aliquando domus Saltus Libani, quia constructa fuit de lignis Libani montis seu silvæ circumjacentis : saltus namque pro silva accipitur. De quantitate autem et dimensionibus domus Saltus, subjungitur :

Centum cubitorum longitudinis : sicque longior fuit templo, quod habuit sexaginta cubitos longitudinis, ut in principio præcedentis capituli recitatur; *et quinquaginta cubitorum latitudinis* : latitudo autem templi fuit cubitorum viginti; *et triginta cubitorum altitudinis* : templum vero fuit altitudinis centum viginti cubitorum, ut secundo Paralipomenon habetur. Verumtamen, quod domus Saltus dicitur in altitudine cubitorum fuisse triginta, quidam exponunt, quod tanta exstiterit altitudo ipsius usque ad ejus solarium, quod vocatur mansio secunda : quia in duas mansiones fuit ascendendo divisa, habens tantum unum solarium. Tectum quoque ipsius fuit planum, juxta consuetudinem Palæstinæ, cujus pars fuit Judæa. *Et quatuor deambulatoria inter columnas cedrinæ*. In utraque etenim mansione domus istius, erant tres cedrinarum ordines columnarum secundum longitudinem mansionum : sicque tam inferius quam superius inter ipsas columnas erant deambulatoria duo, et inter columnam ex una parte extremam, et parietem sibi proximum, fuit deambulatorium unum; similiter inter columnam in alia parte extremam et parietem sibi vicinum. Unde subjungitur : *ligna quippe cedrina exciderat in columnas*, id est, de ipsis cedris fecit columnas in domo ista.

Et tabulatis cedrinis, id est asseribus de cedro præcisis, *vestivit totam cameram domus istius*, videlicet superiorem concame-

rationem, quæ quadraginta quinque columnis sustentabatur. In quolibet namque trium ordinum columnarum, erant quindecim columnæ, quæ simul sunt quadraginta quinque. Hinc subditur : *Unus autem ordo habebat columnas quindecim contra se invicem lateraliter positas, et e regione se respicientes ex latere, æquali spatio inter columnas existente, ita quod æqualiter distabat una ab alia, et similiter unus ordo columnarum ab alio ; et super columnas posita erant quadrangulata ligna in cunctis æqualia in quantitate, et similia in qualitate figuræ quadrangularis : quæ erant ibi pro trabibus sita, ad sustentandum solarium et etiam tectum planum.*

Denique ante palatium erant tres porticus. Prima, palatioque vicinior, fuit major, de qua sequitur : *Et porticum columnarum, id est columnis subnixam, fecit quinquaginta cubitorum longitudinis : totque cubitorum fuit latitudo palatii ; et triginta cubitorum latitudinis : de cujus altitudine hic tacetur. Sequitur de porticu secunda. Et alteram porticum fecit in facie porticus majoris, id est directe ante eam. In secunda hac porticu fiebant et proferebantur communia quæque judicia. Et columnas et epistylia, quæ ponebantur in capitibus columnarum, et erant capitella ac ornamenta earum, super columnas fecit. Porticum quoque solii, in qua rex Salomon sedebat ad judicandum : unde subditur, in qua tribunal est, fecit ; et texit, id est, intus operuit, lignis cedrinis a pavimento usque ad summitatem, id est tectum ; et domuncula, in qua sedebatur ad judicandum, erat in media porticu, id est in medio porticus hujus, seu infra eam, simili opere. Quidam per domunculam istam, intelligunt ipsum thronum judiciale Salomonis situm in porticu ista. Alii verisimilius dicunt, quod in porticu ista erat facta quædam domuncula, in qua collocatus fuit thronus regis præfatus : de*

III Reg. x, 18-20.

ejus formatione, dispositione et pretiositate infra habetur. Porro, ut Rabanus ait, solium proprie dicitur regum, thronus ju-

A dicum, cathedra doctorum. Frequenter tamen unum istorum pro alio sumitur.

Præterea, pro clariori horum intelligentia advertendum, quod Magister in historiis scribit : Domus, inquit, Saltus duplex erat, id est in superiorem et inferiorem partem divisa, unum habens solarium ; et ex duplici erat materia. Pars inferior erat lapidea, et dicebatur NECHOTA, id est pigmentaria, in qua reponebantur aromata et pigmenta ad usus templi ac regie domus, ut ex beneficio (id est proprietate et vir-

B tute) terræ ac muri lapidei, diutius vigerent quasi recentia. Unde et super Isaiam

Is. XXXIX, 2.

C Scriptum est enim secundo Paralipomenon : Posuit ea, videlicet scuta, rex in armamentario, quod consitum erat nemore. In hac etenim parte reponebantur arma, ut beneficio ligni, rubiginem non sentirent, id est non contraherent. Nec solum ponebantur ibi arma ad pugnandum, sed etiam ad decorem et ostentationem regii fastus. Fecit enim rex Salomon ducenta aurea scuta, in quorum unoquoque erant sexcenti

II Par. IX, 16.

III Reg. x, 16.

II Par. IX, 15.

D quoque trecentas aureas peltas, quarum quædam erant rotundæ, aliæ instar semicirculi factæ. Peltæ namque dicuntur hic media scuta, figurata instar lunæ semiplenæ. His utebantur custodes regis, ante ostium domus exeubantes. Et quando rex egrediebatur, præcedebant eum equitantes et ferentes hujusmodi arma juvenes flavi, quorum capilli descendebant usque ad dorsa equorum, adjicientes comis suis tincturam auri, sive ut aliqui legunt, cincturam auri, id est aurea quædam sarta,

III Reg. x, 17.

ut eorum capita radiis solis perfusa, fulgerent ac radiarent. Hos rex sequebatur in curru. Solebat enim exire Jerusalem usque ad quemdam locum, distantem ab urbe duobus funiculis, id est duobus appensis : et dicebatur locus ille, hortus Eden, id est deliciarum. Sequitur de domo reginæ.

Domum quoque fecit filius Pharaonis conjugis suæ supremæ, quam duxerat Salomon uxorem, quam et præ ceteris valde dilexit, tali opere, quali et hanc porticum, de qua immediate jam dictum est. Non tamen per omnia similis fuit domus reginæ huic porticui, quia non claudebatur columnis ut porticus; sed in materia similis fuit, quia de pretiosis lapidibus habuit fundamentum et muros sive parietes. Unde subjungitur: Omnia lapidibus pretiosis, qui ad normam quamdam, id est regulam, atque mensuram congruæ quantitatis, tam intrinsecus quam extrinsecus, id est in utraque superficie, serrati erant, id est secti et complanati; a fundamento usque ad summitatem parietum, videlicet usque ad solarium, et intrinsecus, scilicet in domo positi erant hujusmodi lapides, puta in pavimento, usque ad atrium majus, quod fuit in circuitu hujus domus (vel usque ad atrium domus regis) quod fuit rotundum; atrium autem templi erat quadratum, sicut præhabuitur est. Fundamenta autem domus reginæ, erant de lapidibus pretiosis, forsitan marmoreis, lapidibus magnis decem sive octo cubitorum, in longitudine aut latitudine. Et desuper, videlicet super lapides illos in fundo locatos, lapides pretiosi, forsitan alterius speciei, æqualis mensuræ secti, erant dispositi; similiterque de cedro, id est, ligna cedrina erant ibi disposita. Et atrium majus rotundum jam præfatum, trium ordinum de lapidibus sectis fuit, qui tripartito ordine erant situati, et unius ordinis de dolata cedro, id est, tabulis cedrinis dolatis vestiebantur. Necnon et in atrio domus Domini interiori, fuit dispositio talis, hoc est in atrio sacerdotum. Unde in fine præcedentis capituli scriptum est: Ædificavit atrium in-

III Reg. vi,
36.

terius tribus ordinibus lapidum politorum, et uno ordine lignorum cedri; sicque ex illorum expositione verborum ibi inducta, patet sensus istius passus. *Et in porticu domus, videlicet templi, taliter fuit dispositum. Hæc est porticus sita in facie templi, de qua præcedenti capitulo scriptum est, Et porticus erat ante templum.*

III Reg. vi,
3.

*Misit quoque rex Salomon ad Hiram regem Tyri, et tulit, id est, inde fecit sibi sponte adduci, Hiram operarium artificem, regis ministrum, de Tyro, filium mulieris viduæ de tribu Nephthali, patre ejus Tyrio existente, id est de Tyro, et sic ex parte patris fuit gentilis, ut littera sonare videtur: et si pater ille fuit ad cultum unius veri Dei, seu ad Judaismum conversus, excusabilior fuit illa Hebræa quod contraxit cum illo. Tamen de hoc, an scilicet pater ejus fuit natione gentilis, plenius super Paralipomenon dictum est. Sed his obviare videtur, quod secundo Paralipomenon sic legitur: Misit Salomon ad Hiram regem Tyri, dicens: Mitte mihi virum eruditum, qui noverit operari in auro et argento, etc.; et postea legitur ibi Hiram rex Salomoni inter cetera scripsisse, Misi tibi virum prudentem et scientissimum, etc. Sed horum concordantia facilis est, ut dicatur, quod Salomon per litteras et per nuntios rogavit et procuravit sibi mitti hujusmodi virum, sicque rex Tyri ad instantiam Salomonis misit hunc ipsum. Quod vero hic scribitur, Salomon misisse et tulisse hunc virum de Tyro, per recapitulationem est accipiendum. Nam fecit hoc, antequam constructionem templi incepit. *Artificem ararium, et plenum sapientia et intelligentia et doctrina ad faciendum omne opus ex ære, id est scientem operari in ære, imo et in auro, argento, ferro, marmore, lignis, purpura, hyacintho, bysso et coccino; et scivit cælare omnem sculpturam, et invenire prudenter quidquid in opere necessarium fuit, ut præallegato Paralipomenon continetur libro. Unde ob tantam viri illius peritiam, Hiram rex vocavit eum patrem suum. Præterea quæri potest,**

II Par. ii,
3, 7.

Ibid. 13.

Ibid. 14.

qualiter artifex ille dicatur hic filius mulieris viduæ de Nephthali tribu, quum in Paralipomenon asseratur filius mulieris de filiabus Dan. Ad quod super præallegata Paralipomenon verba responsio est conscripta. *Qui quum venisset ad regem Salomonem, fecit omne opus ejus*, id est ædificia quæ Salomon fieri jussit, et utensilia eorundem : non quod Hiram ille propria manu fecerit omnia illa, sed tanquam architectus direxit cooperatores suos, et aliqua per se fecit.

Et finxit, id est formavit, *duas columnas æreas* : quæ fusiles erant, et fusæ ex ære, non ductiles : et erant cavæ, non solidæ, juxta illud Jeremiæ, *Grossitudo columnæ quatuor digitorum, et intrinsecus cava erat ; decem et octo cubitorum altitudinis fecit columnam unam* ; tantæ quoque altitudinis fuit et alia. Verum his obviare videtur illud secundi Paralipomenon, *Triginta et quinque cubitos altitudinis habebant*. Respondetur, quod stipes utriusque columnæ habuit decem et octo cubitos in altitudine, ut hic fertur ; et præter stipitem, quælibet habuit basim et caput ac capitellum ; longitudoque capitis fuit quatuor cubitorum, ut aliqui dicunt. Tamen

in Paralipomenon legitur : Porro capita earum, quinque cubitorum. Longitudo quoque capitellorum quinque cubitos continebat, ut in textu hic scribitur. Ex quibus relinquitur, quod longitudo basis, de qua Scriptura non loquitur, fuit septem seu octo cubitorum. *Et linea duodecim cubitorum ambiebat*, id est circuebat, *columnam utramque*. Hoc aliqui sic exponunt, quod

quælibet columna continebat in circuitu seu rotunditate sex cubitos. Sed verius perhibetur, quod quælibet in gyro rotunditatis suæ, continebat duodecim cubitos, quum in Jeremia scriptum sit : *Decem et octo cubiti altitudinis erant in columna una, et funiculus duodecim cubitorum circuebat eam*. Quidam vero istos duodecim cubitos lineæ seu funiculi, addunt cubitis columnarum, dicentes, quod erant triginta cubitorum. Sed inepte hoc dicunt, quia

in Paralipomenon scriptum est manifeste, quod erant triginta quinque cubitorum in altitudine. In isto quoque capitulo et in Jeremia fertur, quod duodecim cubiti erant in circuitu columnarum, quando videlicet aliquis voluit eingere eas. Attamen per lineam duodecim cubitorum, ambientem ipsam columnam, quidam intelligunt lineam opere fusili circumductam columnæ in medio ejus. Quod aliis non videtur, quia ab Jeremia linea illa vocatur funiculus : quo nomine designatur mensura.

Duo quoque capitella fecit, quæ ponerentur super capita columnarum, fusilia ex ære : id est, uniusque columnæ fecit unum capitellum ære fustum ; imo totum columnarum capitellorumque opus, formatum fuit per fusionem, non per malleorum percussione. *Quinque cubitorum altitudinis fuit capitellum unum* ; similiter aliud. Nam subditur, *et quinque cubitorum altitudinis capitellum alterum* ; et facta erant quasi in modum retis et catenarum sibi invicem miro opere contextarum. Circa

quod ait Petrus Comestor : Latera capitelli ex omni parte in modum retis et catenarum erant contexta, tam artificiose ut retia et catenæ magis viderentur appositæ, quam insculptæ ; vel quia solida non erant, sed concava, perforata undique fusa sunt, ut connexiones formam retis præferrent. Hinc secundo Paralipomenon fertur, Et quasi catenulas in oraculo, et superposuit eas capitibus columnarum : quod

ibidem diffuse expositum est. *Utrumque capitellum columnarum fusile erat ; septena versuum retiacula in capitello uno erant, et septena retiacula in capitello altero*, id est, septem ordines habentes eandem cælaturam, occupantes in gyro totum capitelli circuitum ; vel septem ordines isti erant dispositi, ascendendo a parte capitelli inferiori, ita quod omnes illæ protractiones erant eodem modo cælatae, considerarique poterant ex omni parte per transversum sive per longum : sicque

versus vocantur hic, lineæ protractæ in latitudine ad modum versuum, in eadem linea

in Paralipomenon scriptum est manifeste, quod erant triginta quinque cubitorum in altitudine. In isto quoque capitulo et in Jeremia fertur, quod duodecim cubiti erant in circuitu columnarum, quando videlicet aliquis voluit eingere eas. Attamen per lineam duodecim cubitorum, ambientem ipsam columnam, quidam intelligunt lineam opere fusili circumductam columnæ in medio ejus. Quod aliis non videtur, quia ab Jeremia linea illa vocatur funiculus : quo nomine designatur mensura.

Duo quoque capitella fecit, quæ ponerentur super capita columnarum, fusilia ex ære : id est, uniusque columnæ fecit unum capitellum ære fustum ; imo totum columnarum capitellorumque opus, formatum fuit per fusionem, non per malleorum percussione. *Quinque cubitorum altitudinis fuit capitellum unum* ; similiter aliud. Nam subditur, *et quinque cubitorum altitudinis capitellum alterum* ; et facta erant quasi in modum retis et catenarum sibi invicem miro opere contextarum. Circa

quod ait Petrus Comestor : Latera capitelli ex omni parte in modum retis et catenarum erant contexta, tam artificiose ut retia et catenæ magis viderentur appositæ, quam insculptæ ; vel quia solida non erant, sed concava, perforata undique fusa sunt, ut connexiones formam retis præferrent. Hinc secundo Paralipomenon fertur, Et quasi catenulas in oraculo, et superposuit eas capitibus columnarum : quod

ibidem diffuse expositum est. *Utrumque capitellum columnarum fusile erat ; septena versuum retiacula in capitello uno erant, et septena retiacula in capitello altero*, id est, septem ordines habentes eandem cælaturam, occupantes in gyro totum capitelli circuitum ; vel septem ordines isti erant dispositi, ascendendo a parte capitelli inferiori, ita quod omnes illæ protractiones erant eodem modo cælatae, considerarique poterant ex omni parte per transversum sive per longum : sicque

versus vocantur hic, lineæ protractæ in latitudine ad modum versuum, in eadem linea

in Paralipomenon scriptum est manifeste, quod erant triginta quinque cubitorum in altitudine. In isto quoque capitulo et in Jeremia fertur, quod duodecim cubiti erant in circuitu columnarum, quando videlicet aliquis voluit eingere eas. Attamen per lineam duodecim cubitorum, ambientem ipsam columnam, quidam intelligunt lineam opere fusili circumductam columnæ in medio ejus. Quod aliis non videtur, quia ab Jeremia linea illa vocatur funiculus : quo nomine designatur mensura.

Duo quoque capitella fecit, quæ ponerentur super capita columnarum, fusilia ex ære : id est, uniusque columnæ fecit unum capitellum ære fustum ; imo totum columnarum capitellorumque opus, formatum fuit per fusionem, non per malleorum percussione. *Quinque cubitorum altitudinis fuit capitellum unum* ; similiter aliud. Nam subditur, *et quinque cubitorum altitudinis capitellum alterum* ; et facta erant quasi in modum retis et catenarum sibi invicem miro opere contextarum. Circa

quod ait Petrus Comestor : Latera capitelli ex omni parte in modum retis et catenarum erant contexta, tam artificiose ut retia et catenæ magis viderentur appositæ, quam insculptæ ; vel quia solida non erant, sed concava, perforata undique fusa sunt, ut connexiones formam retis præferrent. Hinc secundo Paralipomenon fertur, Et quasi catenulas in oraculo, et superposuit eas capitibus columnarum : quod

ibidem diffuse expositum est. *Utrumque capitellum columnarum fusile erat ; septena versuum retiacula in capitello uno erant, et septena retiacula in capitello altero*, id est, septem ordines habentes eandem cælaturam, occupantes in gyro totum capitelli circuitum ; vel septem ordines isti erant dispositi, ascendendo a parte capitelli inferiori, ita quod omnes illæ protractiones erant eodem modo cælatae, considerarique poterant ex omni parte per transversum sive per longum : sicque

versus vocantur hic, lineæ protractæ in latitudine ad modum versuum, in eadem linea

in Paralipomenon scriptum est manifeste, quod erant triginta quinque cubitorum in altitudine. In isto quoque capitulo et in Jeremia fertur, quod duodecim cubiti erant in circuitu columnarum, quando videlicet aliquis voluit eingere eas. Attamen per lineam duodecim cubitorum, ambientem ipsam columnam, quidam intelligunt lineam opere fusili circumductam columnæ in medio ejus. Quod aliis non videtur, quia ab Jeremia linea illa vocatur funiculus : quo nomine designatur mensura.

Duo quoque capitella fecit, quæ ponerentur super capita columnarum, fusilia ex ære : id est, uniusque columnæ fecit unum capitellum ære fustum ; imo totum columnarum capitellorumque opus, formatum fuit per fusionem, non per malleorum percussione. *Quinque cubitorum altitudinis fuit capitellum unum* ; similiter aliud. Nam subditur, *et quinque cubitorum altitudinis capitellum alterum* ; et facta erant quasi in modum retis et catenarum sibi invicem miro opere contextarum. Circa

quod ait Petrus Comestor : Latera capitelli ex omni parte in modum retis et catenarum erant contexta, tam artificiose ut retia et catenæ magis viderentur appositæ, quam insculptæ ; vel quia solida non erant, sed concava, perforata undique fusa sunt, ut connexiones formam retis præferrent. Hinc secundo Paralipomenon fertur, Et quasi catenulas in oraculo, et superposuit eas capitibus columnarum : quod

ibidem diffuse expositum est. *Utrumque capitellum columnarum fusile erat ; septena versuum retiacula in capitello uno erant, et septena retiacula in capitello altero*, id est, septem ordines habentes eandem cælaturam, occupantes in gyro totum capitelli circuitum ; vel septem ordines isti erant dispositi, ascendendo a parte capitelli inferiori, ita quod omnes illæ protractiones erant eodem modo cælatae, considerarique poterant ex omni parte per transversum sive per longum : sicque

versus vocantur hic, lineæ protractæ in latitudine ad modum versuum, in eadem linea

in Paralipomenon scriptum est manifeste, quod erant triginta quinque cubitorum in altitudine. In isto quoque capitulo et in Jeremia fertur, quod duodecim cubiti erant in circuitu columnarum, quando videlicet aliquis voluit eingere eas. Attamen per lineam duodecim cubitorum, ambientem ipsam columnam, quidam intelligunt lineam opere fusili circumductam columnæ in medio ejus. Quod aliis non videtur, quia ab Jeremia linea illa vocatur funiculus : quo nomine designatur mensura.

Duo quoque capitella fecit, quæ ponerentur super capita columnarum, fusilia ex ære : id est, uniusque columnæ fecit unum capitellum ære fustum ; imo totum columnarum capitellorumque opus, formatum fuit per fusionem, non per malleorum percussione. *Quinque cubitorum altitudinis fuit capitellum unum* ; similiter aliud. Nam subditur, *et quinque cubitorum altitudinis capitellum alterum* ; et facta erant quasi in modum retis et catenarum sibi invicem miro opere contextarum. Circa

quod ait Petrus Comestor : Latera capitelli ex omni parte in modum retis et catenarum erant contexta, tam artificiose ut retia et catenæ magis viderentur appositæ, quam insculptæ ; vel quia solida non erant, sed concava, perforata undique fusa sunt, ut connexiones formam retis præferrent. Hinc secundo Paralipomenon fertur, Et quasi catenulas in oraculo, et superposuit eas capitibus columnarum : quod

Exod.
xxviii, 17.

ac latere conscriptorum. Hinc alii dicunt, A quod versus sumitur hic pro ordine, sicut et in Exodo, ubi scribitur, In primo versu erit sardius : ut sit sensus, Septem versuum retiacula, id est, septem retiacula erant in quolibet duorum ordinum præfactorum. Erant etenim ibi duo ordines retiaculorum, unus super malogranata inferiora, et alter super superiora ; atque in quolibet ordine illo fuerant septem partes perforatæ, quæ retiacula hic vocantur. Retiacula vero proprie nominantur retia parva.

Et perfecit columnas duas prædictas : in B quibus epistylum fuit supra, stylus autem seu stipes in medio, et basis inferius ; et duos ordines singulorum retiaculorum per circuitum : quod de duobus retiaculorum ordinibus præinductis exponitur ; ut tegerent capitella quæ erant super summitatem malogranatorum, quæ dependebant pro parte sub capitellis, ut infra patebit. Eodem modo fecit et capitello secundo.

Capitella autem quæ erant super capita C columnarum, quasi opere lili fabricata erant, id est, in suprema sua parte fuerant liliata, hoc est lili figuram habentia ; erant situata in porticu templi, ut patuit ; quatuor cubitorum. Jam dictum est, quod capitellum quodlibet fuit quinque cubitorum : qualiter ergo nunc dicitur, Quatuor cubitorum ? Ad istud quidam respondent, hoc quod dicitur hic Quatuor cubitorum, esse referendum ad capita columnarum, quæ dicunt fuisse quatuor cubitorum in alto. Sed hoc videtur alienum a textu, quia præmittitur, Capitella autem, etc. ; et rursus, quia ut allegatum est, secundo Paralipomenon legitur : Capita earum, quinque cubitorum. Ideo respondendum ex verbis Bedæ dicentis, Quum opus lili in capitellis quatuor cubitorum esse memoratur, nec additur longitudinis vel latitudinis, relinquatur lectoris iudicio, utrum in longitudine vel latitudine intelligi debeat. Quum ergo superius dictum sit, altitudinem capitellorum fuisse quinque cubitorum, restat, mensuram hanc quatuor cubitorum, ad latitudinem posse referri.

II Par. iii,
15.

Et rursus alia capitella in summitate D columnarum desuper juxta mensuram columnæ contra retiacula. Circa hoc scribit quidam : Loquitur de prædictis capitellis quæ erant super capita columnarum. Sed hoc videtur textui repugnare, dicenti, Et rursus alia capitella. Melius ergo istud referendum censetur ad capitella aliarum columnarum templi, de quibus hucusque specialem mentionem non fecit. Hinc in Scholastica fertur historia : De reliquis columnis vestibuli, id est porticus, modicum agit Scriptura, dicens, Et rursus alia capitella in summitate columnarum. Fecit ergo alia capitella in summitate, id est capitibus, seu super epistylia columnarum illarum juxta mensuram columnæ, id est secundum exigentiam proportionis quantitatis uniuscujusque columnarum illarum minorum : quæ quanto minores fuerunt in stipite quam columnæ illæ duæ majores, eo et earum capitella fuerunt minora ; contra retiacula, id est e regione seu ex opposito lateraliter aut directe ipsorum retiaculorum, quæ erant in columnis majoribus.

Malogranatorum autem, id est pomorum sic dictorum, ducenti ordines erant in circuitu capitelli secundi. Locus iste est multum difficilis, non propter profunditatem materiæ, sed ex imaginationis defectu de re non visa, et obscure descripta. Unde secundum Magistrum in historiis, ambiguum est an istud dicatur de capitellis prioribus. Multi quoque expositores pertranseunt locum istum, sicut et alia quædam capituli hujus obscura.

D Porro Lyra circa hæc scribit : Prope inferiorem partem capitelli, erant centum malogranata superposita, et totidem dependentia eis correspondentia ; sicque unum malogranatum superpositum, et unum dependens ei correspondens, faciebant unum ordinem : ideo erant ibi centum ordines malogranatorum, et ducenta malogranata. Et eodem modo in malogranatis superioribus tales et tot ordines erant : sicque erant ibi ducenti ordines malogranatorum in universo in uno capitello. Ideo subditur, In

circuitu capitelli secundi : quod vocatur A secundum, respectu capitis columnæ, cui superpositum erat : quod quidem caput, vocatur hic quodammodo capitellum, respectu stipitis columnæ. — Iterum ante hæc scribit : Capita columnarum istarum, in parte superiori dilatabantur ad modum floris lilii, et capitella ponebantur super stipitem quasi in medio dilatationis illius, et inferior pars capitelli aptabatur stipiti illi, et post aliquam elevationem erat quædam dilatatio in circuitu capitelli per modum cuiusdam circuli eminentis, et super B circulum illum erant centum malogranata, et sub eodem erant totidem dependentia. Et super circulum istum et super ejus malogranata, erat quædam elevatio strictior, usque quasi prope medium altitudinis capitelli, et dividebatur in septem portiones seu partes per intermedias lineas seu circulos graciles, et quælibet pars erat perforata in circuitu subtiliter secundum varias figuras, sicut fieri solet in ostiis laternarum ærearum ; et quoniam capitella et columnæ erant interius concavæ, ideo C lumen transiens per illa foramina circumquaque ostendebat pulchritudinem operis illius. Et super istas septem portiones, quæ in littera vocantur retiacula et catenæ, eo quod in retibus et catenis talia foramina et intricationes apparent, erat prope medium capitelli alia dilatatio circularis, prædictæ dilatationi omnino consimilis : et ibi erant centum malogranata superposita, et centum supposita, et desuper septem portiones distinctæ ac perforatæ, sicut præfatae ; sed erant strictiores, quoniam capitellum in ascendendo restringebatur, et in summitate capitelli erat opus simile lilio, quia videlicet figura lilii fuit ibi impressa seu sculpta.

Hæc Lyra. Contra ejus verba objici potest, quia ex eis habetur, quod in quolibet capitellorum illorum fuerunt malogranata quadringenta : ejus contrarium apparet ex eo, quod secundo Paralipomenon dicitur, Malogranata centum fecit, quæ catenulis interposuit. Unde videntur in quoli-

II Par. iii, 16.

bet capitello fuisse ducenta malogranata dumtaxat : et sic per ducentos ordines malogranatorum, intelligenda videntur ducenta malogranata linealiter sita, ordinateque posita per capitelli circuitum in locis duobus. Denique in Jeremia scriptum est : Fuerunt malogranata nonaginta et sex de Jer. lii, 23. dependentia ; nec aliquid dicitur ibi de malogranatis superpositis et erectis super illa dependentia. Iterum scriptum est secundo Paralipomenon : Malogranata quoque quadringenta et retiacula duo, ita ut bini ordines B malogranatorum singulis retiaculis jungerentur. Circa quod quidam dicunt expositores : Duo erant ibi ordines malogranatorum, et in quolibet ordine centum malogranata, et ita ducenta in duobus ordinibus. Denique in isto capitulo infra malogranatorum numerus quasi summarie videtur expressus, quum dicitur : Et malogranata quadringenta in duobus retiaculis ; nec alicubi ponit Scriptura, quod fuerint in columnis illis malogranata octingenta. Præterea extraneum esse videtur, ut per capitellum secundum, intelligatur caput utriusque columnæ, per respectum ad caput columnæ cui superpositum erat : quia in toto isto capitulo et in Paralipomenon, loquitur Scriptura de capitibus et capitellis columnarum istarum distincte, tanquam de rebus diversis. Amplius, paulo ante hæc verba habetur in littera, Eodem modo fecit capitello secundo : et ibi capitellum secundum, pro capitello sumitur speciali. Ista inquisitive sint tacta.

II Par. iv, 13. Cf. Lyranum super III Reg.

vers. 42.

vers. 18.

Præterea quæritur, qualiter in Jeremia dicantur fuisse malogranata nonaginta et sex, quum in Paralipomenon asserantur C centum fuisse. Ad hoc aliqui dicunt, quod quædam malogranata tempore Jeremiæ forsam jam deciderunt. Alii dicunt, quod quatuor malogranata, quæ Jeremias omittit, ingredientibus porticum non apparuerunt : quoniam columnæ steterunt juxta muros porticus hinc inde, sicque capitella parietibus jungebantur : propter quod videri non poterant quædam malogranata, unde nec exprimuntur ab Jeremia. Hanc ultimam

Jer. lii, 23.

II Par. iii, 16.

responsionem ponit et sequitur quidam ex A verbis Rabbi Salomonis : quæ tamen responsio apparentiam modicam habet, præsertim quum ex ipsius verbis jam dictum sit, quod portiones columnarum erant undique perforatæ, ita quod lumen transiens per illa foramina, satis ostendere potuit omnia malogranata cujuslibet capitelli, quum et porticus fuerit luminosa. Iterum quæritur, quomodo in Paralipomenon dicantur fuisse quadraginta malogranata, quum in eodem legantur fuisse centum, et in Jeremia nonaginta sex, atque in isto capitulo quadringenta. Ad quod satis probabiliter respondetur, quod vitio scriptorum ex similitudine dictionum, textus ille Paralipomenon sit corruptus, habendo Quadraginta pro Quadringenta, præsertim quum in Hebræo habeatur, Quadringenta.

II Par. iv.
13. Cf. Lyranum super
III Reg.

Itaque, quum in textu isto dicuntur fuisse ducenti ordines malogranatorum in circuitu capitelli secundi, potest per capitellum secundum, intelligi capitellum secundæ columnæ; et quod de ejus capitello asseritur, de primæ quoque columnæ capitello datur intelligi.

Et statuit duas columnas in porticu templi, hoc est, præfatas duas collocavit ibidem, ut dictum est, juxta muros seu parietes porticus, inter quos fuit ipsius porticus latitudo. *Quumque statuisset columnam dexteram*, id est eam quæ fuit in dextera porticus parte, *vocavit eam nomine Jachin*, quod interpretatur firmitas, quoniam valde excellentis fuit firmitatis. *Similiter crexit columnam secundam*, in sinistra porticus parte, non sine multorum adjutorio et labore, *et vocavit nomen ejus Booz*, vel (ut aliqui dicunt) Booth aut Bez, quod significat robur. Sicque per duas illas columnas designabatur regni Davidici fortitudo, quæ populum sustentavit atque portavit, secundum Hebræos. *Et super capita columnarum, opus in modum lili posuit*; perfectumque est opus columnarum. Porro istæ duæ columnæ præ ceteris describuntur, ac propriis nominibus designantur, tanquam aliis in quantitate majores, in qualitate

ornatiores, eminentiores in multis, et propter earum mysticam significationem : de qua in sequenti articulo sermo. Siquidem columnæ illæ non fuerunt factæ aut sitatæ in porticu, ad sustentandum aliquod pondus, sed ad decorem et præfigurationem. Nam et infra muros porticus stabant, et liliatæ erant in vertice. Lilialis autem figura, non est ad portandum aliquod onus apta.

Præterea quæstio oritur circa præhabita, quoniam dictum est, quamlibet illarum columnarum habuisse in altitudine cubitos triginta quinque : quod non videtur possibile, quum in principio præcedentis dicatur capituli, quod altitudo templi fuit triginta cubitorum, videlicet usque ad primum solarium. Si ergo columna utraque fuit triginta quinque cubitorum, extendisset se quinque cubitis ultra primum tabulatum solarii. Ad istud tamen aliqui tam Catholici quam Hebræi dixerunt, argumentum istud concludere : ideo posuerunt, quod columna quælibet seorsum una cum suo capitello et epistyllo, non fuit nisi decem et octo cubitorum, sicut in textu insinuari videtur, quum dicitur, Decem et octo cubitorum columnam unam. Atque ad id quod secundo Paralipomenon legitur, Antefores templi fecit duas columnas, quæ triginta et quinque cubitos habebant altitudinis, respondent, hoc esse intelligendum conjunctim, ut sit sensus, quod ambæ simul erant altitudinis tantæ.

Sed contra hoc arguunt alii, quia quum una habuerit ad minus decem et octo in altitudine cubitos, ambæ simul habuissent in altitudine cubitos triginta sex. Præterea, expressa altitudine columnarum, textus specialiter addit hic de altitudine capitellorum, et in Paralipomenon, de altitudine capitum. Unde apparet, quod eorum altitudo, in altitudine columnæ non fuit inclusa. Amplius, altitudine capitellorum subtracta, non remanent nisi tredecim cubiti pro altitudine columnæ : sicque fuisset tam grossa quam longa, dempto cubito uno, quum in textu dicitur, quod linea duodecim

III Reg. vi.
2.

vers. 15.

II Par. iii.
15.

vers. 15.

cubitorum ambiebat columnam unam. Verum istae objectiones faciliter solvi possunt. Qui enim vult istam positionem tenere, dicere potest, quod Scriptura in tali computatione non solet minutias numerare, nec in Paralipomenon scriptum est, quod ambae erant tantum triginta quinque cubitorum : ideo sicut numerus major includit minorem, sic minor non excludit majorem. Ad aliud diceretur, quod Scriptura primo summam ponit totam altitudinem columnarum ; deinde in speciali altitudinem capitellorum et capitum, tanquam principalium partium, et amplius ornatarum. Ad tertium poterit dici, quod si columna fuisset sine capitello relicta, indecens fuisset forma hujusmodi ; sed quia cum capitello suo erecta stetit, non apparuit indecentia aliqua.

Porro, qui vult primam positionem tenere, ad praeductam potest instantiam respondere, quod columnae istae non steterunt infra tabulata aut solaria templi, sed in porticu, de ejus altitudine Scriptura non loquitur. Verumtamen Josephus dicit, quod altitudo porticus ad altitudinem templi surrexit, seu extendebatur : quod si de tota templi altitudine intelligatur, objectio illa est nulla ; si autem de altitudine templi usque ad primum solarium, respondent nonnulli, quod porticus fuit constructa in parte montis declivi, ita quod per gradus ascendebatur in templum ; et columnae istae stabant in inferiori porticus parte, ita quod terra fuit bassior ibi quinque cubitis ipso templi pavimento. Sed huic solutioni obviare videtur, quod secundo Paralipomenon

11 Par. m, 15. leguntur istae columnae ante fores templi stetisse : sicque valde modicum a pavimento templi distabant. Nec verisimile est, quod spatio quinque cubitorum pavimenti extremitas, juxta fores exstiterit altior loco porticus sibi quasi contiguo, in quo stabant columnae : praesertim quoniam Josephus et Magister in historiis contestantur, quod Salomon videns cacumen montis Moria angustum, deiecit illud, atque in aream spatiis amplioribus diffudit.

A Postremo, ut fertur, quidam Hebraei aliter quam dictum est, imaginantur de capitellorum figura, dicentes quod erant formata instar grossi pomelli superius liliati : in quorum latiori parte, dicunt fuisse duos malogranatorum circuitus, unum super, alium subter, ita quod in uno capitello non erant nisi ducenta malogranata. Quod, quantum ad numerum malogranatorum, arbitror verum : sed de forma seu figura capitellorum, verius reor quod supra inductum est, quoniam talis forma est pulchrior.

B Sequitur de aeneo mari, quod ita vocatur, quoniam erat aqua in vase de aere facto contenta. Nam juxta Hebraei idiomatis proprietatem, quaecumque congregatio aquarum notabilis, mare nuncupatur. Interdum tamen vas illud vocatur aeneum mare, eratque lavatorium in atrio sacerdotum locatum, in quo fuit et altare holocaustorum : in quo lavaero sacerdotes, ministraturi in templo et sacrificaturi, abluebant manus et pedes. *Fecit quoque mare fusile* : quia vas illud in quo erat aqua, fuit fustum ex aere, quod Josephus nominat cantharum grandem in figura hemisphaerii factum, hoc est scypho consimilem ; *decem cubitorum a labio usque ad labium* : tanta fuit latitudo ipsius ab extremitate superficiei superioris, usque ad extremitatem sibi directe oppositam per diametrum. Illa quippe extremitas in circumferentia, labium appellatur. *Rotundum in circuitu* : quia ut tactum est, dicitur fuisse hemisphaerialis figurae. *Quinque cubitorum fuit altitudo ejus a labio praefato usque ad fundum*. Verumtamen elevatum fuit a terra plus quam per cubitos quinque ; sed altitudo boum, super quos stetit, non computatur in altitudine ista quinque cubitorum ; *et resticula*, hoc est funiculus, *triginta cubitorum cingebat illud per circuitum* : sicque ambitus ille fuit in triplo major, quam latitudo. Nam et geometrae probant, quod circumferentia ter continet diametrum et septimam ejus partem. Quum ergo linea diametraliter ducta a labio in labium, fuerit decem cubitorum : constat, quod cir-

cumferentia fuit triginta cubitorum, imo et ultra plus quam cubiti; sed illud modicum Scriptura non exprimit, quia in numeris, mensuris atque temporibus non computat ipsas minutias.

Et sculptura subter labium, circuibat illud decem cubitis ambiens mare. Nam mare illud paulatim fiebat strictius infra, ita quod circa fundum habuit cubitos decem in gyro: et ibi, secundum quorundam expositionem, sculptura ambivit mare; vel si sculptura fuit juxta labium, circuevit mare non totaliter, sed per cubitos decem. *Duo ordines sculpturarum historiatarum**, hoc est historias quasdam continentium, erant fusiles, id est fusæ: quia litteræ illæ æneæ, in duobus ordinibus circuibant mare in parte ejus præfata ac fusa. Porro quidam Hebræi aliam habent imaginationem de forma ænei maris, ut recitat Lyra, sed non videtur curandum. *Et stabant super duodecim boves*, qui erant ænei, imo et fusiles, ut secundo Paralipomenon habetur. *E quibus tres respiciebant ad aquilonem, et tres ad occidentem, et tres ad meridiem, et tres ad orientem.* Unde elicitur, quod versus quamlibet mundi plagam situati pariter erant boves tres, capita sua ad eandem mundi plagam vertentes. *Et mare super eos erat: quorum posteriora universa intrinsecus latitabant*, id est sub mari, ita quod non prominebant, nec apparebant. Unde in Paralipomenon scriptum est: Posteriora boum erant intrinsecus sub mari.

Grossitudo autem luteris, hoc est ænei maris: quod dicitur luter, quasi latus uter, quoniam multam in se continuit aquam. Vel luter a luendo, prout luere uno modo designat abluere: quia in aqua illa abluebantur manus pedesque sacerdotum, non quod aquam introierunt, sed quod aqua trahebatur ex mari, quemadmodum in lavatoriis quorundam claustralium. Sicque intelligendum est illud secundi Paralipomenon, Sacerdotes lavabantur in mari. Itaque grossitudo, id est spissitudo, luteris, *trium unciarum erat*, hoc est palmi, seu

quatuor digitorum. Nam (ut fertur) in Hebræo habetur, Quatuor digitorum erat spissitudo. Atque in Paralipomenon, Vastitas ejus habebat mensuram palmi. *Labiumque ejus*, videlicet ænei maris seu luteris, erat quasi labium calicis, et folium repandi lilii. Labium illud comparatur labio calicis, in quantum rotundum; et folio repandi lilii, quoniam instar lilii fuit repandum sive recurvum extrinsecus: repandum enim et recurvum, idem significant. *Duo millia batos capiebat*, id est tria millia metretarum. Unde in quibusdam libris adjectum est, *tria millia metretas*: quod tamen non est de textu, nec in Hebræo habetur, sed ab aliquo expositore fuit primo per modum glossæ appositum. Batus autem continet metretam cum media: estque batus mensura trium modiorum, ut aliqui dicunt; sed proprie est mensura liquidorum, et est æqualis capacitatis cum ephi, quæ proprie est mensura aridorum. Porro secundum Isidorum, batus continet quinquaginta sextarios. Tamen de quantitate mensurarum nil certum seire valemus, quoniam nomina et continentiae mensurarum apud diversos multipliciter variantur et distinguuntur.

Sequitur de basibus luterum decem, et de ipsis decem luteribus, qui erant facti ad alium usum quam mare præfatum. *Et fecit decem bases æneas*, id est ære fusas, juxta numerum decem luterum, de quibus infra habetur, quorum quilibet habuit propriam basim, super quam stetit; *quatuor cubitorum longitudinis bases singulas*, hoc est, quælibet basis facta fuit instar corporis quadrati, habens in longitudine cubitos quatuor, et quatuor cubitorum latitudinis, et tres in altitudine, sicut subjungitur, et *trium cubitorum altitudinis*. Et ipsum opus basium, interrasile erat, id est interpolatum, seu in una sua parte planum, atque in alia sculptum, et hoc hinc inde per loca diversa. Sicque basis quælibet fuit interrasilis, quasi rasa inter sculpturas in suis lateribus, quoniam inter plures sculpturas manserunt aliquæ partes planæ.

* alias striatarum

II Par. iv, 3.

Ibid. 4.

Ibid. 6.

II Par. iv, 5.

vers. 38.

Et sculpturae formatae erant inter juncturas, hoc est in lateribus basis istius quadratae, ejus juncturae erant in angulis suis. Nam facta fuit ex quatuor tabulis, quae in angulis connectebantur. *Et inter coronulas et plectas*, id est inter circulos et semicirculos, seu certe * in lateribus sculptos, sculpti erant *leones et boves*, ita quod imagines leonum et boum continebantur infra coronulas illas et plectas. Proprie autem dicitur plecta, corona aut sertum contextum de juncis et floribus. *Et Cherubim sculpta erant ibidem*. Unde quod Dominus toties in lege, praesertim in Deuteronomio, prohibuit imagines fieri et locari in tabernaculo, et in templo, intelligendum erat, ut non fierent ad colendum. Nam et in tabernaculo Moysis jussa fuerunt Cherubim formari ac statui. *Et in juncturis similiter desuper*, hoc est, in lateribus tabulae superioris ipsius basis, erant sculpturae tales quales in lateribus basis, ut dictum est. *Et subter leones et boves, quasi lora ex aere dependentia*, id est, subter colla leonum ac boum sculpta erant aerea lora, quae dependebant sub collis, quibus loris videbantur ligati. Lorum autem vocatur habena seu ligamen, et etiam ferreus circulus quo lorica contextitur.

Et quatuor rotae per bases singulas : hoc est, sub qualibet basi stabant quatuor rotae fusiles aeneae, ita quod sub quolibet angulo basis, stetit inferius una rota in exteriori anguli parte; *et axes aerei*, hoc est aenei stili, qui pertingebant de rota ad rotam. *Et per quatuor partes, quasi humeruli subter luterem fusiles, contra se invicem respectantes* : hoc est, in quatuor partibus superioris tabulae basis, factae erant et fusae quatuor breves columnae ad luterem sustentandum, quae usque ad medium luteris pertingebant, et se invicem ex latere respiciebant : quae humeruli appellantur, quoniam in humeris onera deferuntur, et gravia sustentantur. De hoc ait Petrus Comestor : In summitate quatuor columnarum angularium, hoc est quatuor angulorum, erant humeri expansi

A in similitudinem manus humanae, pedisque aquilae, super quos tabula, ferens luterem, ita exstitit coaptata, ut naturaliter videretur inserta.

Os quoque luteris, intrinsecus erat, hoc est recurvatum interius, quemadmodum os aenei maris recurvatum fuit, et replicatum exterius, *in capitis summitate* : id est, orificium hoc luteris situm fuit in suprema ipsius parte; *et quod forinsecus apparebat*, utpote apertura oris luteris, quae foris apparuit, *unius cubiti erat* : ita quod linea tracta directe per orificium illud, unius fuit cubiti; *et totum rotundum* fuit orificium illud; *pariterque habebat unum cubitum et dimidium*, hoc est, luter in fundo suo erat unius cubiti ac medii in protractione sui diametri. *In angulis autem columnarum*, id est in angulis seu juncturis superioris tabulae basis praefatae : qui anguli finiebantur ad quatuor illas columnas in quatuor angulis basis sitas, in quibus angulis et latera jungebantur; *variae calaturae*, hoc est sculpturae seu picturae, erant; *et media intercolumnia* erant quadrata, non rotunda. Intercolumnium nuncupatur, quod situatur inter columnas, vel medium dividens eas. Unde per media intercolumnia, quidam intelligunt latera basis, quae inter praedictas erant columnas. Alii dicunt media intercolumnia, ipsas tabulas basis, quae inter columnas fuerunt. Porro, secundum Glossam, media intercolumnia vocat tabulam basis superiorem, quae instar aliarum erat quadrata, ac consimiliter sculpta, habens in summitate sua rotunditatem seu concavitatem, hoc est foramen rotundum unius et dimidii cubiti, in qua luter ponebatur ac residebat.

Quatuor quoque rotae, quae per quatuor angulos basis erant, sicut expositum est, *cohaerebant sibi subter basim* : id est, duae rotae quae erant ab una basis parte, conjungebantur sibi per axem praefatum pertinentem sub basi a rota ad rotam. Simili quoque modo duae rotae quae erant ab alia parte basis, mutuo jungebantur et cohaerebant. *Una rota habebat altitudinis cu-*

* seu sertis

Exod. xx, 4, 5; Deut. iv, 16-19; v, 8, 9.

Exod. xxv, 18.

bitum unum et semis, hoc est unum cum medio : imo quælibet rota habuit altitudinem unius cubiti atque dimidii. Cubitus autem, secundum veriolem positionem, continet longitudinem unius pedis cum medio. *Tales autem rotæ erant quales solent in curru fieri*, id est, in figura seu forma artificiali, non in materia, similes erant rotis quadrigarum : ideo habebant et alia, quæ solent in curribus fieri. Nam subditur, *et axes earum* : de quibus axibus dictum est ; *et radii, et canthi, et modioli*. Radii hic vocantur, recta atque subtilia illa ligna, aut eis similia, quæ de medio rotæ ad ejus circumferentiam extenduntur, et utrisque infiguntur. Canthi vero, extrema rotæ, quæ per terram circumvolvuntur, seu partes circumferentiæ, quæ inter radios collocantur. Modiolus autem est illud rotundum, quod est in medio rotæ. *Omnia fusilia*, hoc est fusa ex ære. Unde videtur verum non esse quod quidam affirmat, secundum doctores catholicos potuisse bases illas cum luteribus trahi de loco ad locum per rotas illas. Magister enim in historiis insinuare videtur oppositum. Nam *et humeruli illi quatuor*, id est quatuor prædictæ breves columnæ, *per singulos angulos basis unius dispositi, ex ipsa basi fusiles et conjuncti erant* : hoc est, simul cum basi formati et fusi erant, non postea additi, et erant duo conjuncti in una basis parte, alii duo in alia, sicut expositum est.

In summitate autem basis, videlicet in tabula ejus superiori, *erat quædam rotunditas*, id est perforatio circularis, *unius et dimidii cubiti, ita fabrefacta, ut luter desuper posset imponi, habens cælaturas suas, variasque sculpturas ex semetipsa*. Istud jam dictum est atque expositum. *Sculpsit quoque in tabulatis illis æreis, non ligneis, quia subjungitur, quæ erant ex arc, et in angulis eorumdem, videlicet prope juncturas tabularum, Cherubim et leones et palmas*, hoc est arbores sic vocatas, *quasi in similitudinem hominis stantis*, id est erectas ; vel quod ait, In

A similitudinem hominis, refertur ad Cherubim, quæ (ut aliqui dicunt) humanam habebant effigiem. Josephus tamen et Magister in historiis per Cherubim intelligere videntur similitudinem avium non visarum. *Ut non cælata*, hoc est tam artificiose, ut non sculpta, *sed apposita per circuitum viderentur*.

In hunc modum fecit decem bases fusura una, et mensura sculpturaque consimili, id est simili in specie. Nam reliquæ novem bases, consimiles erant in forma atque materia primæ basi.

*Fecit quoque decem luteræ arcos**, qui positi sunt super præfatas decem bases, ut patuit. *Quadráginta batos capiebat luter unus*. De mensura bati, jam dictum est. *Eratque quatuor cubitorum* : sicque luteræ isti fuerunt multo minores æneo mari ; omnes quoque luteræ, ejusdem dispositionis ac materiæ erant. *Singulos quoque luteræ per singulas, id est decem bases, posuit ; et constituit*, hoc est, collocavit, *decem bases præmemoratas cum superpositis sibi luteribus in atrio sacerdotum, quinque ad dexteram partem templi, et quinque ad sinistram*. *Mare autem æneum posuit ad dexteram partem templi contra orientem*, hoc est in orientali parte atrii sacerdotum, non tamen directe ad orientem, quia subjungitur, *ad meridiem*, id est magis divertendo ad plagam australem.

Denique, præinducta expositio de formatione luterum ac basium, procedit secundum expositores catholicos, Bedam, Rabanum, Petrum Comestorem et alios. Quocirca conscribit Lyra : Quoniam luteræ facti erant ut lavarentur in eis hostiæ cremandæ super altare ; vas autem, quod in superiori parte multo est strictius quam in medio et in parte inferiori, non est aptum ut aliquid in eo lavetur, sed in superiori parte potius debet esse latum et apertum : ideo prædicta luteris figura, non videtur rationabilis. Item, vas cujus labium est recurvatum interius, non est aptum ad hoc, quod immersa in eo, libere extrahantur : quia recurvatio illa detinet ibi im-

mersa, maxime quando orificium est re-
 strictum, ut ponit præfata opinio. Ideo pono
 hic imaginationem Hebræorum, dicentium
 quod luter ascendendo dilatabatur, et in
 superiori sua parte latior erat, puta in ori-
 ficio. Hæc Lyra. Sed quia expositio Catho-
 licorum præhabita, consonat textui, vide-
 tur tenenda; et objecta in oppositum sunt
 solvenda. Haberent quippe apparentiam
 aliquam, si hostiæ in sua integritate fuis-
 sent in luteribus abluendæ; sed concisæ
 per partes, lavabantur in illis, juxta illud
 II Par. iv, 6. secundi Paralipomenon, Fecit conchas de-
 cem, hoc est luteris, quæ dicuntur conchæ
 a concavitate, qua erant magnæ capacita-
 tis, ut lavarent in eis omnia quæ in holo-
 caustum oblaturi erant. Quocirca dicunt
 expositores, quod Nathinæi primo lavabant
 membra hostiarum in piscina probatica, et
 lota tradebant sacerdotibus: qui ea rur-
 sus immergebant luteribus, ne interim ali-
 quid maculæ forsitan contraxissent; sicque
 eviscerata, superposuerunt altari. Præci-
 pue autem lavabantur ibi pedes et intesti-
 na hostiarum. Ad imponendum autem et
 extrahendum hujusmodi, sufficiebat in ori-
 ficio unius cubiti latitudo. Nec vim habet
 quod de recurvatione objicitur: quoniam
 recurvatio illa statim reflectebatur ad in-
 * exterior-
 rem

Sequitur de quibusdam vasis altaris, et
 utensilibus templi. *Fecit quoque Hiram*
artifex lebetes, hoc est ollas atque calda-
 rias, in quibus vel cineres et prunæ altaris
 recipiebantur, atque ad locum congruum
 I Reg. ii, 14. portabantur, vel carnes quorundam sacri-
 ficiorum coquebantur, de quibus dictum
 est plenius supra primo libro. Unde et
 Zach. xiv, 20. Zacharias ait: Erunt lebetes in domo Do-
 mini. *Et scutras*, hoc est vasa æqualis am-
 plitudinis in ore ac fundo, facta ad calefa-
 ciendum in eis aquam, vel (ut alii dicunt)
 ad ponendum in eis carbones de altari
 holocaustorum acceptos, ut pōtarentur
 intra primam partem templi ad incenden-
 dum thymiana super altare incensi; et

A *hamulas*, hoc est fuscinulas ad extrahen-
 dum disponendumve carnes. Aliqui legunt,
 Amulas, id est vasa ad vina fundenda su-
 per hostias seu altare. Porro, secundum
 Ugutionem, hamula* est phiala facta instar
 urceoli. * amula

Et perfecit omne opus regis Salomonis
in templo Domini. Columnas duas præci-
puas, de quibus præhabitu est, imo et
alias plures, ut patuit; et funiculos capi-
tellorum super capitella columnarum du-
os, videlicet unicuique capitello unum fu-
 B *niculum, hoc est circulum instar funiculi,*
capitellum illud cingentem; et retiacula
duo, ut aperirent duos funiculos, qui erant
super capita columnarum. Consequenter
resumuntur, quæ jam in isto capitulo de-
scripta sunt esse facta, et patet sensus ex
præinductis. Et malogranata quadringen-
ta in duobus retiaculis; duos versus malo-
granatorum in retiaculis singulis, ad ope-
riendos funiculos capitellorum, qui erant
super capita columnarum; et bases de-
 C *cem, et luteris decem super bases, et mare*
unum, et boves duodecim subter mare, et
lebetes, et scutras, et hamulas.

Omnia vasa quæ fecit Hiram Tyrius
regi Salomoni in domo Domini: non quod
in templo sint facta, sed alibi, ut verte-
rentur in usum templi, et essent ibidem
in obsequium cultus divini; de aurichal-
co erant. Aurichaleum est materia habens
auri duritiam ac splendorem, non verita-
tem neque valorem. Circa hoc in Scho-
lastica fertur historia: Omnia utensilia
templi ærea. Nec te moveat, quod aliquan-
 D *do de ære, aliquando de aurichalco dicun-*
tur facta, quoniam idem est, ejus splendor
et pulchritudo similes erant auro, ut Jose-
phus ait. Et in campestri regione Jordanis
fulsit ea rex, id est, fundi ac formari fecit
ea rex per Hiram et cooperatores ipsius,
in argillosa terra, quæ aptior est aliis ter-
ris, tanquam tenacior ad producendum ex
ea formas, in quibus fundantur metalla,
inter Sochoth et Sarthan, id est loca seu
oppida sic vocata; et posuit Salomon om-
nia vasa in domo Domini. Propter multi-

tudinem autem nimiam vasorum, non erat pondus æris, hoc est, ignota fuit quantitas æris ex quo formata sunt. Hoc tamen per hyperbolen dicitur, ad insinuandum maximam æris illius molem.

Fecitque altare aureum : non quod totum fuerit factum ex auro, sed aureis laminis fuit opertum; sicque vocatur aureum, hoc est deauratum. De quo in præcedenti capitulo dictum est, Altare vestivit cedro; et intelligitur de altari thymiomaticis, quod erat in prima et exteriori parte templi. *Et mensam, super quam ponerentur panes propositionis, auream* : super quam diebus sabbati mane ponebantur duodecim panes recentes et calidi, mundique valde, facti de simila, et manserunt ibi usque ad mane sequentis sabbati; tuncque tollebantur, et a solis sacerdotibus manducabantur, et alii totidem panes similes prioribus ponebantur ibidem; et dicebantur panes propositionis, quoniam coram Deo sic ponebantur. De quibus in Exodo præcepit Dominus : Pones super mensam panes propositionis in conspectu meo semper. Hinc et mensa super quam ponebantur, mensa propositionis vocata est. Ponebantur quoque in memoriam duodecim tribuum Israel. De his super Exodum atque Leviticum plenius scripsi. Præterea, hoc in loco quum dicitur, Et mensam, ponitur singulare pro plurali, quum scriptum sit secundo Paralipomenon : Et mensas decem, posuitque eas in templo, quinque a dextris et quinque a sinistris.

Et candelabra aurea fecit decem : quinque ad dextram, et quinque ad sinistram templi constituens *contra oraculum*, hoc est in exteriori templi parte coram Sancto sanctorum, seu ex opposito aræ et oraculi ejus, quæ infra Sancta sanctorum steterunt. *Et quasi liliæ flores*, id est, liliorum similitudinem in candelabris statuit, seu ex eis dependere ac procedere fecit, quo-

niam facta erant juxta formam et ornatum candelabri Moysis : de quo in Exodo legitur, Facies et candelabrum ductile de auro mundissimo, hastile ejus et calamos, scyphos et sphæras, ac lilia ex ipso procedentia. Unde secundo Paralipomenon habetur : Et florentia quædam. *Et lucernas desuper*, hoc est super candelabra, *aureas* : quemadmodum super candelabrum Moysis erant septem lucernæ, quæ erant septem aureæ lampades, secundum expositores, quarum una stabat in summitate candelabri, et tres ex uno latere ejus, tresque ex latere alio, ut dictum est super Exodum. *Et forcipes aureos*, ad abscindendum quod combustum fuit de lychno, et flammæ claritatem fuscavit, *et hydrias*, in quibus positum fuit oleum lucernarum, *et fuscinulas*, hoc est instrumenta ad extrahendum immunditiam lucernarum formata, *et phialas*, id est vasa in quibus conservabatur oleum pro unctione regum atque pontificum, *et mortariola*, in quibus species, ex quibus fiebant unguenta, comminuebantur seu terebantur, *et thuribula, de auro mundissimo*. *Et cardines ostiorum domus interioris, et, pro id est, Sancti sanctorum, et ostiorum domus templi*, quod hic pro exteriori parte templi accipitur, *ex auro erant*. Cardines autem sunt, in quibus ostia suspenduntur atque volvuntur.

Et intulit Salomon in templum quæ sanctificaverat, hoc est, ad divini cultus honorem deputaverat, *David pater suus, argentum et aurum et vasa; reposuitque ea in thesauris*, hoc est inter divitias, domus Domini.

Demum in expositione secundi Paralipomenon dicta sunt aliqua, ad horum intellectum habendum valentia. Atque ut Josephus refert, Salomon tempore procedente fecit et alia utensilia, valde copiosa ac pretiosa, quæ in Scholastica historia satis compendiose tanguntur.

ARTICULUS XII

DE SPIRITUALI EJUSDEM CAPITULI SEPTIMI INTELLECTU.

FINXIT duas columnas arcas. Ipsa Ecclesia vocatur columna, dicente ad Timotheum Apostolo : Scias quomodo oporteat te conversari in domo Dei, quæ est Ecclesia Dei vivi, columna et firmamentum veritatis. Insuper, summa ac robustissima Ecclesiæ columna, cui tota innititur plebs fidelis, est Dominus et Salvator, qui ait : Sine me nihil potestis facere. De beatissimis quoque apostolis, Petro, Jacobo et Joanne, Vas electionis testatur, quod videbantur columnæ esse. Nihilo minus possunt per duas istas præcipuas templi columnas, Petrus et Paulus intelligi, qui suis prædicationibus, miraculis, virtutibus et doctrinis sustentant Ecclesiam. Rursus, duæ columnæ præclaræ sunt Scriptura veteris Testamenti et evangelicæ legis doctrina, quibus innititur sancta Ecclesia. Et iterum, auctoritas ecclesiastica, et civilis, seu duplex vis, sunt duæ columnæ, quæ decem et octo cubitos habent in altitudine, quia per observantiam Decalogi, ad octo beatitudines perducuntur : imo per decem præcepta et octo beatitudines vitæ præsentis, ad regni cœlestis sublimitatem pertingunt. *Et linea duodecim cubitorum ambiebat columnam utramque.* Linea ista, est vita rectissima seu prædicatio prorsus verissima, et preces ac merita duodecim Apostolorum, quibus circumdantur et adjuvantur fideles ; ipseque chorus duodecim Apostolorum, cingit, munit ac tuetur Ecclesiam. Linea quoque duodecim cubitorum, est connexio duodecim fructuum Spiritus, quos ad Galatas enumerat Paulus, quibus gloriosi Apostoli, et ceteri viri perfecti, fuerunt repleti.

Duo quoque capitella fecit, quæ ponerentur super capita columnarum. Capita

A columnarum, sunt intellectus et voluntas earum, seu sapientia et caritas. Capitella vero, ecclesiasticæ dignitates et auctoritates eis superimpositæ et concessæ : quæ in omnibus debent juste procedere, quod per capitellorum quadraturam est præfiguratum ; atque ad omnes sine personarum acceptione æqualiter se habere, secundum quod illorum merita videntur exigere. Quæ etiam debent virtutum contemperationibus decorari, hoc est, virtuosis actibus discrete exhibitis perfici : quoniam dona gratiæ gratis datæ, sine donis gratiæ gratum facientis, nullum efficiunt Deo acceptum : quod per capitellorum reticulationem et catenationem præfiguratum censetur. *Utrumque capitellum fusile erat :* quia præfatæ ecclesiasticæ auctoritates, atque prælatiæ potestates, sunt supernaturalia dona a Deo infusa, dicente Apostolo : Non est potestas nisi a Deo. Unde iudicibus et eis qui præsumunt, dicitur a Sapiente : Data est vobis potestas a Domino, et virtus ab Altissimo. *Septena versuum retiacula in capitello uno.* Retiacula ista, sunt canones et decreta sanctorum Patrum, quibus capiuntur et deprehenduntur qui rei sunt, et per quæ dirigi debet, exerceri ac informari prælatorum, principum, iudicum potestas : alioqui in tyrannidem aut negligentiam verterentur. Quid enim est præsidens sine æquitate et legibus, quam idolum aut tyrannus ?

Erant demum capitella hæc liliata in vertice : quoniam decore exemplaritatis, ac bonæ famæ odore debent esse ornati, qui regunt et præsident. Pulchritudo etenim ista et talis suavitas, recte per lilium exprimuntur. Capitella hæc erant in porticu ante templi ingressum : quoniam hi qui

Rom. xiii, 1.

Sap. vi, 1.

1 Tim. iii, 15.

Joann. xv, 5.

Galat. ii, 9.

Matth. v, 3-10.

Galat. v, 22, 23.

præsunt, debent se omnibus exhibere conspicuos ac paratos. Erantque *quatuor cubitorum*, quia quatuor virtutibus cardinalibus debent præcipue præfulgere: justitia, qua inclinentur ad proferendum recta iudicia; prudentia, qua dirigantur in iudicando ac discernendo malum ac falsum a bono et vero; fortitudine, qua magnanimiter exsequantur ea quæ ad eorum spectant officia: propter quod scriptum est in Ecclesiastico, Noli quærere fieri iudex, nisi valeas virtute irrumperere impietates; temperantia, ne per oblectamenta gustus et tactus, obruatur in eis lux rationis, ac vigor sinceritatis: vinum namque et ebrietas auferunt cor; et mulieres apostatare faciunt etiam prudentes.

Malogranatorum autem ducenti ordines erant in circuitu capitelli. Per malogranata, quæ sunt pulchra ac dulcia poma, significantur sacræ Scripturæ eloquia illibata, relectiva atque suavia, de quibus psallit Propheta: Quam dulcia faucibus meis eloquia tua! His undique debent esse ornati et abundare qui præsunt, ut valeant informare, consolari, et gubernare subiectos. Porro ducenti ordines malogranatorum, sunt ordinati processus, et copiosæ connexiones salutarium doctrinarum, quibus unusquisque secundum suam capacitatem decenter instruitur, ut paulatim ad perfectiora levetur: quia ut ait Apostolus, Non prius quod spirituale, sed quod animale.

Columnam dexteram vocavit Jachin, quod interpretatur firmitas; et sinistram, Booz, quod interpretatur robur vel fortitudo: per quod figuratur, quod in aliorum rectoribus debet esse firmitas rationis, et robur insuperabile caritatis, ut nullo impetu passionum, nullo motu vitiorum a recta ratione ac vera caritate recedant. Per istud quoque est significatum, quod in prosperis et adversis debent inviolabiliter esse constantes, ut nec prosperis inaniter exaltentur, nec adversis pusillanimitate de-

Prov. x, 25.

Ibid. xii, 21.

A et vere sapientem, quidquid acciderit ei. Ideo ait Scriptura: Non te ventiles in omnem ventum; esto firmus in via Dei, et in veritate sensus tui. Hinc Corinthiis scripsit Apostolus: Stabiles estote et immobiles, abundantes in opere Domini semper. Qui ista impleverit, audit et obtinet quod in Apocalypsi Christus promittit: Qui vicerit, faciam illum columnam in templo Dei mei. Præterea, per duas istas columnas fortissimas et præclaras, significatum est robur regni Christi in Ecclesia militanti.

B Nam regni ejus non erit finis. De quo in Daniele fertur: Dedit ei Antiquus dierum, videlicet Pater æternus, potestatem, honorem et regnum. Per dexteram quoque columnam, firmitas spiritualis auctoritatis, cujus plenitudo et vertex in summo Pontifice residet, insinuat; per sinistram, robur brachii sæcularis.

Fecit quoque mare æneum fusile decem cubitorum. Per hoc æneum mare, sacramentum Baptismi fortissimum denotatur, seu gratia lacrimarum, et compunctionis contritio, seu divinorum exuberantia gratiosa charismatum: quæ omnia, sunt bona desuper fusa, et usque Decalogi adimpletionem pertingunt. In hoc mari lavantur, qui se ipsos Deo sacrificant, et qui Christi sacramenta digne conficiunt, et omnes qui Omnipotenti in mentis puritate cupiunt deservire. Nempe in confessione omnia lavantur; atque in Threnis Jeremias testatur: Magna velut mare contritio tua.

Quinque cubitorum altitudo ejus: quia hoc mare extendit se ad abluendum quidquid per quinque sensus inique committitur. Et resticula triginta cubitorum cingebat illud: hoc est, fides superbeatissimæ Trinitatis, seu trium theologicarum virtutum custodia, cum adimpletionibus præceptorum, gratiam præfati maris conservat ac protegit.

Et sculptura circuibat illud. Per sculpturam hanc opera supererogationis, quæ pulchre perornant agentem, accipiuntur. Quum enim in multis offenderimus Deum innumerabiliter plus quam scimus, de-

Eccli. v, 11, 12.

1 Cor. xv, 58.

Apoc. iii, 12.

Luc. i, 33.

Dan. vii, 14.

Thren. ii, 13.

Jacob. iii, 2.

bemus semper esse ferventes, et nullum A tempus infructuose expendere, sed ultra ea ad quæ tenemur, assidue aliquid boni peragere. *Duo ordines sculpturarum historiatarum erant fusiles.* Duo ordines isti, sunt descriptiones exemplarium operum Sanctorum novi ac veteris Testamenti : quorum exemplis instrui et accendi debemus ad certandum legitime, ad laborandum idonee, ad permanendum in via iustitiæ usque in finem. *Et stabant super duodecim boves :* hoc est, duodecim Apostolorum prædicatione præfatum mare seu Baptisma innotuit, et ipsi ad gentes illud deportaverunt. Et sicut *tres boves respiciebant ad aquilonem, tres ad occidentem, tres ad meridiem, et tres ad orientem ;* ita Apostoli vultus suos ad omnes mundi partes ac terminos direxerunt, quibus fuit præceptum : Euntes in mundum universum, prædicate Evangelium omni creaturæ, baptizantes omnes gentes, etc. *Quorum posteriora intrinsecus latitabant sub mari :* quia virtute et gratia baptismali, carnalia quæque opera occultantur ac removen-
Marc. xvi, 15; Matth. xxviii, 19.
Is. lxiiv, 4; I Cor. ii, 9.
Coloss. iii, 3.
 tur. Vel posteriora, sunt præmia vitæ sequentis, quæ nec oculus vidit, nec auris audivit, nec mens comprehendere valet ; unde ait Apostolus : Vita vestra abscondita est cum Christo in Deo.

Grossitudo luteris, trium unciarum erat : quoniam sancti viri qui aliorum columnæ dici merentur, et pusillorum imbecillitatem pie supportant, pondere discretionis, maturitatis, et fraternæ dilectionis ornantur ; nec leves, sed graves sunt animo, et dicunt Altissimo : In populo gravi laudabo te. *Labiumque ejus, quasi labium calicis, et folium repandi lilii.* Labium enim prælatorum, columnariumque personarum, non est clausum ex indiscretionem, sed apertum ex ratione : ita quod sicut calix potu in se contento reficit, exhilarat et confortat potantes, et sicut lilium suo adspectu atque odore oblectat ; sic ipsi sapientia in ipsis contenta, instruunt, alunt et roborant audientes, suorumque amœnitate sermonum delectant eosdem, ita ut dicant : Quam dul-

cia faucibus meis eloquia tua ! Idcirco per Jeremiam promiserat Dominus : Dabo vo-
Jer. iii, 15.
 bis pastores juxta cor meum, et pascent vos sapientia et doctrina. *Duo millia batos capiebat.* Sancti etenim viri ac præsidentes, quanto plus in gratiæ donis proficiunt, tanto majoris incrementi capaces redduntur ; et quo plures ad Deum converterint, tanto plures optant convertere. Gloriosi etenim Apostoli multa millia ex
Act. ii, 41; iv, 4.
 Judaismo et multa millia ex paganismo converterunt ad fidem, ac Christo incorporaverunt.

Et fecit decem bases aeneas. Per bases, quæ erant luterum fundamenta et sustentationes, signantur sanctæ humilitates, in quibus fundaverunt se et totam vitam suam septuaginta et alii discipuli Christi : qui denario exprimuntur, quia Decalogi præcepta cum eminentia impleverunt. Vel decem bases, sunt decem præcepta, seu decem epistolæ Pauli scriptæ et missæ decem Ecclesiis, ut ait Hieronymus. *Et ipsum opus interrasile erat :* id est, viri perfecti et aliorum rectores, conversationem habent in multis ornatam virtutibus ; in aliquibus tamen planam ac simplicem, et quotidianis humanæ fragilitatis defectibus mixtam : ita quod partim ornati sunt, partim non decorati. Propter quod unus eorum : Si dixerimus, inquit, quia peccatum
I Joann. i, 8.
 non habemus, nos ipsos seducimus. Et alius : In multis autem offendimus omnes. *Et sculpturæ inter juncturas.* Per varia et decora illa ornamenta sculpturarum atque imaginum animalium, hominum et arborum, præfigurati noscuntur magni et multi ornatus Ecclesiæ, in omni suo statu et gradu, in donis gratiæ gratum facientis et gratiæ gratis datæ, in ordine incipientium, proficientium et perfectorum, in variis religionibus et sacris Ordinibus, in virtutibus, donis, beatitudinibus et fructibus, in contemplationibus et affectionibus sanctis, exercitiisque internis.

Et quatuor rotæ per bases singulas, id est doctrina, legis instructio, Prophetarum documenta, Evangelii et Apostolorum tra-

ditio in suis epistolis : per quæ quatuor A feruntur fideles ad omne bonum, et de peregrinatione exilii ad lucem gloriæ æternalis. *Et aures aurei*, id est profectus spirituales de virtute una in aliam, juxta illud, *lbunt de virtute in virtutem. Et per quatuor partes, quasi humeruli subter luterem fusiles*. Quatuor humeruli, sunt quatuor ordines mendicantium regulariter conversantium, qui respectu majorum prælatorum pie portantium in humeris paternæ dilectionis ac pastoralis sollicitudinis oves Christi sibi commissas, sunt quasi humeruli, utpote coadjutores et cooperatores pastorum, præsentiumque majorum. *Os luteris intrinsecus erat*. Os enim cujuslibet sapientis ac timorati, ad rationis imperium et caritatis instinctum est introversum, ut non aliter nec aliud proferat, quam ratio dictat, caritasque instigat. Ideo ait Scriptura : *Os sapientium in corde ipsorum, et cor stultorum in ore ipsorum. In capitis summitate*, id est apice intellectus qui dirigit os ad loquendum salubria, juxta illud sacratissimi principis Apostolorum : Si quis C loquitur, quasi sermones Dei. Unde et Vas electionis hortatur : Omnis sermo malus ex ore vestro non procedat, sed qui utilis est ad ædificationem, ut det gratiam audienti. *In summitate autem basis erat quædam rotunditas*. Per rotunditatem hanc, designatur cohabitudo comproporatioque virtutum, qua una alteri copulatur et concatenatur. *Quadraginta batos capiebat luter unus*. Per quadragenarium, tempus pœnitentiæ et opera ejus signantur. Hos autem qui ad actus pœnitentiæ se extendunt, spiritualis pater et prædicator libenter acceptat.

Et constituit bases, quinque ad dexteram partem templi, et quinque ad sinistram. Aliquos enim constituit Christus in vita contemplativa et in actibus spiritualis lætitiæ, quæ per dexteram intelliguntur : quosdam in vita activa et afflictionibus pœnitentiæ, quæ per sinistram accipiuntur. *Mare autem posuit ad dexteram partem templi* : quoniam gratia Baptismi offert se

omnibus gaudiose, prout necessarium est converti volentibus, quum sit janua sacramentorum.

Fecit quoque lebetes et scutras et hamulas. Per vasa hujusmodi, figurata sunt fidelium corda, variis modis disposita ad suscipiendum gratiarum charismata. *Omnia vasa de aurichalco erant* : quoniam corda humana fragilia sunt, et homines quos Deus facit esse vasa misericordiæ suæ, ex fragili constant materia, quæ foris videtur fulgere, sed intus est sordida. Et *in campestri regione fudit ea* : quia in loco isto plorationis, calamitatisque valle producit ac statuit eos. *Altare aureum, et mensam, super quam ponerentur panes propositionis, auream*. Altare aureum, est caritas fervens seu fides formata, vel recta intentio : in qua caritate, fide et intentione agenda sunt omnia bona. Porro aurea mensa est divina Scriptura, super quam panes propositionis ponuntur, id est, variæ et salubres expositiones ac spiritualia alimenta fundantur. *Et candelabra aurea decem*. Per candelabra decem, sumuntur personæ sapientes ac virtuosæ in Decalogi observatione perfectæ, præsertim prælati, qui verbo, fama, exemplo ac opere aliis fulgent. *Et lilii flores* : per quos accipi possunt virgines mente et corpore, quarum coram Deo castitas fragrat. *Et lucernas desuper aureas* : per quas septem dona Spiritus Sancti designantur, quæ a caritate non separantur. Lucernæ quoque vocantur viri illuminati ac fervidi, quemadmodum de felicissimo Joanne Baptista loquitur Veritas increata : D Ille erat lucerna lucens et ardens. Sed et Joann.v,35. septem sacramenta gratiæ contentiva, per septem illas intelliguntur lucernas.

Et forcipes aureos, id est moderatas correptiones, quibus auferuntur sordes peccantium. *Et hydrias*, id est mentes aquam salutaris sapientiæ continentes. *Et fuscunulas*, id est peritas examinationes, quibus quæ intus latent, extrahuntur ac innotescunt, et ipsis fidelibus refectio salutaris exhibetur. *Et phialas, et mortariola, et thuribula*. Hæc sunt duodecim evangelica

Ps. LXXXIII,
8.

Eccli. xxi,
29.

I Petr. iv,
11.

Ephes. iv,
29.

Christi consilia, salutarem doctrinam præstantia : quibus conteruntur, et ad nihilum rediguntur desideria et peccata carnalia, vanitatesque mundi, et quidquid caritati contrariatur : ac ipsæ virtutes contemperantur, virtuosæ quoque actiones teruntur, et quasi ad minutissima rediguntur, dum per humilitatem parvipenduntur propter mala annexa, atque pro nihilo reputantur respectu infinitæ honorabilitatis incircumscripibilis et supervenerandissimi Dei, qui reverentia in infinitum majori est dignus, quam ei ab universitate creaturarum queat impendi. In eisdem quoque consiliis Deo thus sanctæ mortificationis offertur, odor suavitatis orationum, psalmodiarum

A et omnium monasticorum exercitiorum jugiter immolatur. *Et cardines ostiorum*, id est auctoritates et rationes, quibus fides, spes, caritas, obedientia, virtutesque ceteræ, quibus in regnum cæleste intratur, innotuntur, et ad opera bona voluntur ; *ex auro erant*, quia ex divina Scriptura sumuntur.

Intulit ergo Salomon quæ sanctificaverat David pater suus. Sic Christus non nisi prædestinatos a Patre inducit in triumphantem Ecclesiam, imo nec finaliter in Ecclesiam militantem. *Aurum*, id est perfectos, *argentum*, id est proficientes, *et vasa*, id est incipientes. Ideo dixit : Pater, quos de- Joann. xviii, 9. disti mihi, non perdidisti ex eis quemquam.

ARTICULUS XIII

EXPOSITIO LITTERALIS CAPITULI OCTAVI : TUNC CONGREGATI SUNT OMNES MAJORES NATU ISRAEL.

RECITATA templi ædificatione, nunc dedicatio ejus describitur. *Tunc congregati sunt omnes majores natu Israel cum principibus tribuum* : quia in qualibet tribu fuit unus princeps specialis tribui præsidens, tamen sub rege ac principe militiæ ; *et duces familiarum filiorum Israel.* In una etiam tribu erant plures familiæ, atque in una familia multæ domus. Nam omnes nati ex uno quovis filiorum Jacob, dicebantur una tribus, nisi quod tribus Joseph fuit in duas divisa ; nati autem ex uno quovis filio filiorum Jacob, erant una familia, ut patet in libro Numerorum. *Ad regem Salomonem*, qui ut secundo Paralipomenon habetur, vocavit et congregavit illos ad se, *in Jerusalem urbem regni metropolim, ut deferrent arcam fœderis Domini de civitate David, id est de Sion.* Nam illa pars civitatis Jerusalem, vocabatur specialiter civitas David, quia ibidem construxit sibi palatium, et mansionem elegit

C in Sion, id est in monte sic dicto, in cujus una parte Salomon fecit templum. Porro, ut dictum est secundo libro, David rex transtulit arcam de domo Obededom in tabernaculum, quod ei tetenderat et paravit juxta palatium suum.

Convenitque ad regem Salomonem universus Israel, id est præfati majores ac nobiliores, in quibus subditi virtualiter continebantur. Aliqui quoque subditorum de singulis tribubus, cum majoribus suis venerunt. *In mense Ethanim in solenni die*, utpote decimo die mensis illius, quo festum Expiationis celebrabatur, *ipse est mensis septimus* apud Hebræos, et apud nos vocatur September, juxta illud Alexandri : Mensem Septembrem Betanim signare memento. Circa quod loquitur Petrus Comestor, Mense septimo, id est septima lunatione quæ intravit Octobrem : quia (ut fertur) fuit tunc embolismus. Erat quoque mensis ille quasi totus sollemnis apud He-

II Reg. vi, 12, 17.

Lev. xxiii, 24-36.

Num. xxvi, 5 et seq.

II Par. v, 2.

Num. xxix,
1 et seq.;
Deut. xvi. 9,
10, 13.

III Reg. vi,
37, 38.

bræos, ut patet in Levitico, et libro Numerorum, et item in Denteronomio. Sed objici potest, quod in fine sexti capituli hujus libri jam dictum est : Anno quarto fundata est domus Domini, et in anno undecimo, mense Bul (ipse est mensis octavus), perfecta est domus in omni opere suo, et in universis utensilibus. Non autem est dedicata, nisi prius perfecta. Non ergo in mense septimo, sed octavo facta sunt ista. Ad hoc in historiis respondet Magister : Potest dici templum in Septembri dedicatum, rege accelerante, et eundem post templi dedicationem fecisse utensilia aliqua quæ deerant mense septimo : sicque utrumque est verum, quod scilicet octavo mense perfecta est domus in omni opere et utensilibus, et tamen septimo mense sit dedicata.

Veneruntque cuncti senes de Israel, et tulerunt sacerdotes arcam. In Numerorum libro continetur, quod Dominus jussit arcam portari humeris Levitarum, prout plenius dictum est supra in expositione libri secundi. Unde et secundo Paralipomenon

conscriptum est : Portaverunt Levitæ arcam. Quomodo ergo nunc fertur, quod sacerdotes eam portaverint? Ad quod dici potest, quod sacerdotes direxerunt Levitas in arcæ portatione, adstiteruntque eis ; seu propter reverentiam ampliorem, exhibuerunt circa deportationem obsequium. Quandoque etiam sacerdotes arcam portabant, sicut in transitu per Jordanem, et in circuitu Jericho, prout in libro Josue habetur. *Et portaverunt arcam Domini et tabernaculum fœderis*, id est tabernaculum Moysis, quod erat cum arca in præfato tabernaculo a David constructo. Tabernaculum quippe poterat dissolvi ; et dissolutum, portabatur per partes a filiis Gerson, ut in Numerorum libro legitur. *Et omnia vasa sanctuarii*, id est sacra vasa sub Moyse facta, et quæ David addiderat, *quæ erant in tabernaculo Moysis sen David regis usque ad tempus istud ; et ferebant ea sacerdotes et Levitæ* : quia ad filios Caath pertinuit ea portare, ut præallegato Numerorum libro

Num. iii,
26 ; iv, 25,
26.

Ibid. iii, 31 ;
iv, 13.

A scribitur, sicut sacerdotes præceperunt Levitis.

Rex autem Salomon, et omnis multitudo Israel quæ convenerat ad eum, gradiebantur cum illo ante arcam, ad Dei et arcæ honorem : siquidem non solum propter venerabiliorem templi dedicationem, sed item ob honorabiliorem arcæ deportationem, populus fuit convocatus. *Et immolabant oves et boves*, per manus sacerdotum. Quamvis autem capra et hireus erant animalia immolaticia juxta legem, ut in Levitico patet, boves et oves erant sacrificia puriora, et ex eis immolationes principaliores fiebant, utpote holocaustum, et jube sacrificium, et agnus paschalis. *Absque æstimatione et numero* : quod hyperbolice dictum est, ad insinuandum magnam valde copiam animalium oblatorum.

Lev. i, 10;
iii, 12; iv, 23,
etc.

Ibid. i, 2;
iii, 1, 6, 7;
Exod. xxix,
38; xii, 3.

Et intulerunt sacerdotes arcam fœderis Domini in locum suum, videlicet in oraculum templi, id est in secundam interiorem et sanctiorem templi partem. Unde subjungitur : *in Sanctum sanctorum* : quia sic vocabatur pars illa, quoniam erant in ea sacratissima quædam, utpote arca, tabulæ testamenti, virga Aaron, urna aurea continens manna, Cherubim gloriæ, propitiatorium, de quo procedebant divina responsa, eratque sedes Dei, qui in illa templi parte specialiter morabatur. *Subter alas Cherubim*. *Siquidem Cherubim expandebant alas suas super locum arcæ, et protegabant arcam, et vectes desuper* : nam alæ illæ arcam operiebant, sicut in litterali præcedentis capituli expositione innotuit.

Hebr. ix, 4.
5.

Verum his objici potest illud Apostoli ad Hebræos : In priori tabernaculo semper introibant sacerdotes ; in secundo autem semel in anno solus pontifex. Si ergo solus pontifex intravit Sancta sanctorum, quomodo sacerdotes illuc arcam licite intulerunt? Dici potest, quod solus pontifex intravit Sancta sanctorum ad offerendum, et hoc regulariter tempore præstituto ; sacerdotes vero ad involvendum ea, et ad effereandum, atque ad dandum involuta Levitis, qui ea propriis humeris portaverunt ;

Ibid. 6, 7.

Num. iv, 4-
15.

deinde quum Levitæ ea portassent usque ad exteriorem templi partem, reportaverunt ea sacerdotes ad pristinum locum. Ista videtur expositorum intentio libri Numerorum.

Quumque eminent, id est, prominere seu extenderentur, *veetes*, in quibus Levitæ arcam portabant, *et apparebant summitates*, id est extremitates seu (ut in Pa-

II Par. v, 9. ralipomenon legitur) capita, *eorum foris sanctuarium*, id est extra Sancta sanctorum, *ante oraculum*, id est in exteriori parte templi ante oraculum situata, et existentibus ibi prope oraculum seu Sanctum sanctorum, *non apparebant ultra extrinsecus*, id est eis qui longius stabant ab ingressu et velo Sancti sanctorum. De his duobus vectibus scriptum est in Exodo :

Exod. xxv, 13, 14.

Facies et vectes de lignis setim, inducesque eos per circulos qui sunt in arcae lateribus, ut portetur in eis, id est, arca portetur per vectes : quorum quilibet transivit per circulos duos circa latera arcae per longitudinem ejus.

Verumtamen circa hunc passum scribit Lyra : Dicit Rabbi Salomon, quod vectes transibant per latitudinem arcae, et sic capita vectium erant contra cortinam pendentem in ingressu sanctuarii, et eam aliquantulum impellebant : sicque apparebant ibi [sicut] duæ mamillæ sub veste, id est duo tumores, videlicet partes illius cortinæ sic prominentes ex illa impulsione ; sed quia cortina fuit intermedia, non apparebant corpora vectium nuda, sed tamen figura, sicut videtur manus per chirothecam. His verbis Lyra subjungit : Doctores D nostri aliter exponunt, dicentes, quod licet vectes possent videri ab his qui erant prope ostium, non tamen ab his qui longius erant. Circa quod dico, quod expositio ista Catholicorum est verior, utpote magis consona Scripturæ canonicæ : quoniam se-

II Par. v, 9.

cundo Paralipomenon asseritur, Vectium quibus portabatur arca, quia paululum longiores erant, capita parebant ante oraculum ; si vero fuisset quis paululum extrinsecus, eos videre non poterat. Circa

A quod ait Glossa : Apparebant summitates vectium foris ante oraculum, non semper, sed quum ostia oraculi aperirentur ; neque hoc omnibus, sed illis qui propius accedentes, ea quæ intus erant, attentius intuebantur. Ipsa autem arca qualis et qualiter esset posita, illis solum qui intrabant oraculum, videre licebat. Et rursus loquitur Glossa : Quamvis capita vectium accedentibus propius et diligenter intuentibus patebant ante oraculum, quum eminent : tamen necesse erat, ut clauso oraculo, et appenso ante ostia velo, ipsi quoque vectes producendis ad claudendum ostiis locum darent.

Qui et vectes fuerunt ibi usque in præsentem diem. Non enim separabantur ab arca, juxta id Exodi : Vectes semper erunt in circulis arcae, nec unquam extrahentur ab eis. Ideirco pro eo quod dicitur, Hi qui fuerunt ibi, etc., secundo Paralipomenon scriptum est : Fuit itaque arca ibi usque in præsentem diem.

Exod. xxv, 15.

II Par. v, 9.

In arca autem non erat aliud nisi duæ tabulæ lapideæ, quas posuerat in ea Moyses in Horeb, id est in monte Sinai, vel prope, ejus montis pes vocatur Horeb. Hæ sunt tabulæ in quibus digito Dei scriptus fuit Decalogus, prout in Exodo inducitur. Unde et Dominus dixit ad Moysen : Pones in ea testificationem quam dabo tibi, id est tabulas testamenti. *Quando pepigit fœdus Dominus cum filiis Israel*, id est, pactum iniit cum eis, quod ipse esset de cetero Deus ipsorum, et ipsi populus ejus : in ejus signum contulit eis legem et tabulas testamenti : *quum egredierentur de terra*

Cf. Exod. xxxi, 18 ; xxxiv, 28.

Ibid. xxv, 16.

Ibid. xix, 5.

Ibid. xx ; xxxiv, 27, 28.

Ægypti, id est, egressi essent de ea ; vel, quia desertum in quo mons Sinai situs est, erat desertum Ægypti, nondum erant in toto de terra illa egressi. Verumtamen quando fœdus hoc pepigit Deus, quiescebant ibi ; sed tempore illo, videlicet ante et paulo post, exierunt. Præterea ei quod dictum est, non fuisse in arca nisi tabulas testamenti, videtur contrariari quod ad Hebræos affirmat Apostolus : In qua, utpote arca, erat urna aurea habens manna, et

Hebr. ix, 4.

virga Aaron quæ fronduerat, et tabulæ testamenti. Respondetur, quod Scriptura hæc loquitur de eo quod fuit principaliter collocatum in arca, puta de tabulis, ad quarum repositionem arca fuit principaliter facta.

Factum est autem quum exissent sacerdotes de sanctuario, in quo reposuerant arcam : quo facto, introierunt exteriori templi partem ; nebula implevit domum Domini. In Paralipomenon, pro nebula,

II Par. v, 13.

ponitur nubes : sicque creditur nubes nebulosa fuisse. *Et non poterant sacerdotes stare in templo, et ministrare Deo in eo, durante nebula illa, propter nebulam.* In

Ibid. 14.

Paralipomenon dicitur, Propter caliginem. *Impleverat enim gloria Domini, id est magnificus Dei effectus, videlicet nubes præfata, sive (ut aliqui dicunt) claritas ingens, domum Domini, utramque scilicet ejus partem. Nebulam illam quidam dicunt fuisse tam tenebrosam, quod sacerdotes in templo stare et ministrare nequibant : et hoc videtur ex eo quod in Paralipomenon (sicut jam allegatum est) dicitur, Propter caliginem. Et rursus, pro eo quod subditur, Dominus dixit ut habitaret in nebula, secundo Paralipomenon*

Ibid. vi, 1, habetur, Dominus pollicitus est ut habitaret in caligine. In Hebræo quoque hoc loco habetur, In caligine ; et apud Nahum con-

Nahum 1, 3. scriptum est : Dominus in tempestate et turbine viæ ejus, et nebulae pulvis pedum ejus. Alii dicunt, quod nebula ista fuit clara ac lucida, sicut Christum in sua transfiguratione obumbravit lucida nubes, ut dicunt Evangelistæ : sicque propter claritatis excessum, non potuisse sacerdotes ibi subsistere, nec tantum sustinere splendorem. Unde in Scholastica fertur historia : Nebula implevit domum Domini, non metuenda, sed temperata et fulgens, et obumbravit facies sacerdotum, ita ut se invicem videre non possent, nec ministrare. Ceteri opinantur, quod nebula ista fuit in parte lucida, atque in parte aliqua caliginosa, quemadmodum in Exodo fertur de

Matth. xvii, 5. Cf. Marc. ix, 6 ; Luc. ix, 34.

Exod. xiv, 20.

nube filios Israel præcedente, quod erat tenebrosa et illuminans noctem : quia in

A parte sua ad Ægyptios versa ac respiciente, fuit caliginosa ; sed in parte ad filios Israel versa, fuit luminosa. Ad quod persuadendum apparet valere, quod in secundo libro Paralipomenon narratur : Majestas Domini implevit domum, et omnes filii Israel videbant descendentem ignem et gloriam Domini super domum.

II Par. vii, 1, 3.

Tunc ait Salomon : Dominus dixit ut habitaret in nebula. Quasi dicat : Ista apparitio est vere divina, non deceptiva, quia concordat verbis Dei, qui protestatus est

B se habitare in nebula, ad designandum suæ majestatis incomprehensibilitatem, suæque lucis æternæ plenitudinem superexcellentem. Quocirca in historiis ait Magister : Nunquam Dominus legitur hoc dixisse ; sed quia in monte Sinai apparuit in nebula, et filios Israel præcessit in nube, et ante Moysen positum in caverna transivit nebula, ideo Salomon posuit dictum pro opere, et est sensus : Dominus dixit, id est, opere demonstravit. Verumtamen dici potest, Dominum istud ante hæc verba Salomonis

Exod. xxiv, 16 ; xiii, 21 ; xxxiv, 5, 6.

C dixisse, quia jam Spiritus Sanctus per David in Psalmo erat locutus : Posuit tenebras latibulum suum, et caligo sub pedibus ejus. In libro Job quoque jam fuerat dictum : Nubes latibulum ejus. Et iterum Dominus dixit ad Moysen : In nube apparebo super oraculum.

Ps. xvii, 12.

Ibid. 10.

Job xxii, 14.

Lev. xvi, 2.

Ædificans ædificavi domum, videlicet templum, in habitaculum tuum firmissimum, id est ad hoc, quod tu, Domine Deus, in eo gratiose jugiter commoreris et in ipso resideas : quia oraculum fuit sedes Dei. Unde subditur : *solium tuum in sem-piternum, id est ad hoc, quod sit locus residentiae tuæ per omne Testamenti veteris tempus, vel quamdiu domus illa durare valebit.* Cognovit utique Salomon cultum legis Mosaicæ post adventum Messiae cessaturum, et nihilo minus ipse, quantum in se fuit, optavit ut templum a se ædificatum, usque Messiae adventum duraret, ejusque cultui manciparetur.

Convertitque rex faciem suam ad plebem stantem in atriis, hoc est in atrio mun-

dorum et atrio immundorum, atque in atrio mulierum. Habet quippe, ut Josephus et Magister in historiis referunt, templum atria quatuor : Primum et templo propinquius, fuit atrium sacerdotum, de quo jam dicta sunt multa; et tamen inter illud et templum, fuit porticus sita. Secundum atrium et eo inferius, fuit mundorum secundum legem : quod fuit in declivi montis latere positum, et a Josepho vocatur basilica grandis vel aula : eratque multo majus atrio sacerdotum, et continebat sen includebat illud in se, et pavimentatum fuit vario marmore, habens murum altitudinis viginti quinque cubitorum interius, exterius vero altitudinis quinquaginta cubitorum secundum collis declivitatem. Et quamvis fuit tam altum, non tamen pertingebat usque ad fabricam templi : propter quod nec ipsius impedit adspectum. In hoc atrio orabant mundi sub dio, id est sub aere, tempore serenitatis; sub porticibus vero circumjacentibus, tempore tempestatis. Deinde sub hoc atrio, id est infra illud, fuit atrium tertium in declivi montis latere situm, ejusdem schematis, id est facturæ, cum secundo, non tamen ita venustum et pretiosum : in quo orabant mulieres mundæ tantum. Insuper infra istud fuit et atrium quartum, in quo orabant viri et mulieres immundi, atque gentiles. Salomon autem stetit in atrio sacerdotum coram altari holocausti super æneam basim quam fecit, juxta illud secundi Paralipomenon : Stetit coram altari Domini ex adverso universæ multitudinis Israel; siquidem fecerat basim æneam, et posuerat eam in medio basilicæ, stetitque super eam. Aliqui tamen, sicut et Josephus, per basilicam grandem intelligunt atrium mundorum, et in eo Salomonem dicunt stetisse.

Et benedixit omni ecclesiæ Israel, id est, bona imprecatus est toti Israelitico populo, pro eis orando. Porro Ecclesia proprie sumi solet pro congregatione Christianorum, et Synagoga pro collectione Judæorum; sed hic sumitur generaliter pro adunatione fidelium. *Omnis enim ecclesia*

Israel stabat. Et ait Salomon, gratias agens Deo, qui per sensibile signum nobis ostendit sibi gratum esse ædificium Salomonis : *Benedictus Dominus Deus Israel, qui locutus est ore suo*, id est per os Nathan prophetæ, qui fuit quasi os Dei, loquendo *ad David patrem meum* verba sequentia ex divina commissione. Rursus, os Dei, est sapientia sua, qua loquitur et revelat sua secreta. Iterum, os Dei, est intellectus suus, quo æternaliter intra se profert Verbum internum et æternum, quod est unigenitus

B Filius ejus, juxta illud : *Eructavit cor meum verbum bonum*. Et item : *In principio erat Verbum. Et in manibus ejus perfecit*, id est, per ipsum David implevit quæ ei promisit, quod scilicet victorias ei, sobolemque regni successorem conferret, *dicens : A die qua eduxi populum meum Israel de Aegypto, non elegi civitatem de universis tribubus Israel, ut ædificaretur domus*, id est templum, *et esset nomen meum ibi*, id est, ego ipse ibi habitarem, sicut in templo, et invocatio mei fieret ibi. Hæc autem et

C verba sequentia legitur Deus dixisse ad David supra libro secundo. Sed elegi David, ut esset super populum meum Israel. Voluitque David pater meus ædificare domum nomini Domini Dei Israel; et ait Dominus ad David patrem meum : Quod cogitasti ædificare domum nomini meo, bene fecisti hoc ipsum mente tractans, id est, virtuosa et mihi accepta fuit illa cogitatio tua : sicque Facere, sumitur hic pro actione interiõri, quum tamen communiter accipi soleat pro operatione ad extra, id est transeunte in exteriorem materiam.

Quocirca quæri potest : quia David id virtuose cogitavit, et Deo cogitatio illa complacuit, cur Deus prohibuit ipsum David ab exsecutione sui propositi? Respondetur, quod David ex caritate et zelo divini honoris proposuit templum Deo construere, et inde laudatur; sed aliunde fuit justum obstaculum propter quod fuit prohibitum exsequi illud. Sic bona fuit voluntas Christi, qua petiit calicem sibi auferri; sed melior fuit voluntas, id est volitio ipsa qua

II Reg. vii,
4 et seq.

Ps. xlii, 2.
Joann. i, 1.

II Reg. vii,
6 et seq.

II Par. vi,
12, 13.

Matth. xxvi,
39; Luc.
xxii, 42.

dixit, Fiat voluntas tua. Multa etenim possumus meritorie velle, quæ Deus non vult: sicut volo et cupio aliquem virum seu patrem meum non mori, quem Deus vult mori; seu reprobum et præscitum converti atque salvari, quem Deus absoluta voluntate vult condemnari. Unde secundum doctores, non tenemur voluntatem nostram semper conformare voluntati divinæ in re volita, præsertim quando ignoramus quid velit Deus. Nunquam tamen possumus meritorie velle, nisi quod Deus vult nos velle; neque contrarium ejus, quod nos velle vult Deus: prout de hac re plenius loquitur in Enchiridio Augustinus, et Magister Sententiarum primo libro, et ibidem doctores scholastici. Etenim voluntas humana et voluntas divina frequenter ad diversa respiciunt, et ex diversis motivis moventur.

Veruntamen tu non ædificabis mihi domum, sed filius tuus qui egredietur de renibus tuis, ipse ædificabit domum nomini meo. Confirmavit Dominus sermonem suum quem locutus est, stetique pro David patre meo, et sedi super thronum Israel, sicut locutus est Dominus. Et ædificavi domum nomini Domini Dei Israel, et constitui ibi locum arcæ, in qua fædus Domini est, quod percussit cum patribus nostris, quando egressi sunt de terra Ægypti, id est tabulæ testamenti ac fæderis, quod Deus cum filiis Israel iniit et percussit.

Exod.
xxxiv, 27.

Stetit autem Salomon ante altare Domini holocausti in atrio, non in prima parte templi, in qua stetit altare thymiamatis seu incensi, ad quem locum soli sacerdotes intrabant, in conspectu ecclesie Israel, et expandit manus suas in cælum, et ait: Domine Deus Israel, non est similis tui Deus in cælo desuper, et super terram deorsum, id est, parem seu æqualem non habes, qui substantialiter distinguatur a te. Itaque per hæc non excluditur pluralitas Personarum in supersimplicissimo Deo. Qui custodis pactum, id est, fædus seu promissum adimpleres, et misericordiam

Mich. vi, 8.

corde suo, id est, juxta beneplacitum tuum cum omni cordis sui diligentia conversantur et in conspectu tuo jugiter timorate se habent, indesinenter pensantes tuam adorandam ac metuendam præsentiam omnia intuentem ac judicantem: itaque cum Propheta dicere queunt, Servavi mandata tua et testimonia tua, quia omnes viæ meæ in conspectu tuo. Talis fuit sanctus Job, dicens: Nonne Deus considerat vias meas, et cunctos gressus meos dinumerat? Qui custodisti servo tuo David patri meo, quæ locutus es ei: ore locutus es, promittendo regi David, quod filius suus construeret tibi templum, et manibus perfecisti, id est, operibus adimplesti hoc ipsum per me, ut hæc dies probat, id est, prout hoc die monstratur per effectum ædificii consummati ac dedicati.

Ps. cxviii,
168.

Job xxxi, 4.

II Reg. vii,
13.

Nunc igitur, Domine Deus Israel, conserva famulo tuo David patri meo quæ locutus es ei, id est, da mihi ac posteris meis ex semine David natis aut nascituris, gratiam bene vivendi, ne peccando ponamus obstaculum adimplenti tuæ promissionis: quæ sub conditione est intelligenda; dicens: Non auferetur de te vir coram me, qui sedeat super thronum Israel: ita tamen, si custodierint filii tui viam suam, ut ambulent coram me, sicut tu ambulasti in conspectu meo. Et nunc, Domine Deus Israel, firmentur verba tua, quæ locutus es servo tuo David patri meo, id est, hujusmodi tua promissa opere impleantur, ne per nostra peccata salubris ac pius eorum impediatur effectus.

Ergone putandum est, quod vere habitet Deus super terram? tanquam dicat: Non ideo dico hæc, aut domum istam construxi, quasi putem aut æstimandum doceam, quod Deus immaterialis, incircumscripibilis, simplicissimus et immensus, habitet in aliquo loco aut spatio corporali terreno circumscriptive atque localiter. Cujus subjungitur ratio: Si enim, id est quia, cælum empyreum et supremum, quod est continentia visibilium et invisibilium entium creatorum, et cæli cælorum, id est

cælum crystallinum seu aqueum et firmamentum, sub quibus continentur orbes et septem cæli planetarum, cælum quoque æthereum, olympium, æreum : vel, Cæli cælorum, id est orbes cælestes, sub quibus comprehenduntur et situantur cæli elementares ; *te capere*, id est circumscribere et includere, *non possunt*, quia nec circumscriptive nec definitive in loco es : *quanto magis domus hæc quam ædificari ?* id est, templum istud materiale ita nequit te capere, quum sit quasi incomparabiliter angustius minusque cælo, quum et minima stella visibilis, quæ est quasi punctum respectu cæli, sit major non solum hoc templo, sed et tota habitabili terra.

Sed respice ad orationem servi tui et ad preces ejus, Domine Deus meus : id est, ad hoc domum istam ædificavi, ut in ea tanquam in loco tuis obsequiis deputato, specialiter exorabilis sis, et cum speciali dignitate * adimpleas, quod jam oravi pro me, et ea quæ consequenter orabo pro aliis ; consimiliter et orationes aliorum, qui in loco isto te invocabunt. Quemadmodum enim cælum empyreum dicitur locus et mansio angelicorum spirituum, non quod immateriales illi spiritus sint circumscriptive in loco, aut corporeum habitaculum eis sit necessarium, sed per adaptationem et congruentiam quamdam factus est eis orbis ille supremus, quoniam decet nobilissimas creaturas in nobilissimo esse loco ; sic templum seu materialis ecclesia est locus orationis et cultus divini, non quod alibi exorari non possit Deus et coli, sed quoniam decet ad nobilissimos actus honorificentiae Dei, specialem locum fieri, esse et consecrari. Hinc secundo Paralipomenon legitur Salomon protulisse : Ad hoc tantum (id est principaliter) facta est domus hæc, ut respicias orationem servi tui, et exaudias in loco habitaculi tui, puta in cælo, præsertim empyreo : quod specialiter appellatur locus et habitaculum Dei, quoniam ibi excellentius et gloriosius operatur, et se ipsum clarius feliciusque ostendit. Nempe quum Deus incomprehen-

sibilis et perfectus, sit (quantum in ipso est) penitus indeterminatus, intemporalis et illocalis, non proprie dicitur esse in loco, nisi per transcendentiā qua omnia implet, nec continetur alicubi, sed infinite universa excedit ; nihilo minus ibi dicitur esse seu habitare, ubi operatur, vel se ipsum ostendit aut clare per speciem, aut per effectum. Quumque in omnibus operetur, quia omnia conservat in esse, dicitur esse in omnibus per essentiam, præsentiam atque potentiam. Porro in justis est per gratiam, in Beatis per gloriam, in Christo homine per hypostaticam unionem, in reprobis et damnatis per justitiæ operationem, impietatumque ultionem. Attamen ipse supermundissimus et supersimplicissimus Deus, in quo nec est materia limitans, nec differentia contrahens, nec potentialitas coaretans, est intra omnia non inclusus, et extra omnia non exclusus. Hinc apud Isaiam contestatur : Cælum mihi sedes est, et terra scabellum pedum meorum. Quæ est ista domus, quam ædificabitis mihi ? et quis est iste locus quietis meæ ? Omnia hæc manus mea fecit.

Audi hymnum, id est, laudem qua te laudo, pie accepta ; vel hymnum vocat deprecationem, laudibus Dei mixtam. Unde ait Propheta : Laudans invocabo Dominum. *Et orationem quam servus tuus orat coram te, ut sint oculi tui aperti super domum hanc nocte ac die, super domum de qua dixisti, Erit nomen meum ibi ; ut exaudias orationem quam orat in loco isto ad te servus tuus ; ut exaudias deprecationem servi tui, et populi tui Israel, quodcumque oraverit in loco isto ; et exaudies in loco habitaculi tui in cælo, et quum exaudieris, propitius eris* : id est, intellectus et sapientia tua, qua universa ac singula distinctissime ac perfectissime intueris ac noseis, clementer ostendant se adspicere eos, qui orant in domo hac, implendo quæ orant. Denique ista locutus est Salomon ad excludendum eorum errorem, qui putabant Deum in deitatis natura esse corporeum, et lincamentis corporali-

* dignatione

Is. LXVI, 1,

2.

Ps. XVII, 4.

II Par. vi, 19, 21.

bus circumseribi. Ut enim in Scholastica A fertur historia, dum nebula descendit in templum, intravit multos phantastica quædam opinio, Dominum localiter descendisse in templum: quem errorem rudissimum et iniquum Salomon per prædicta destruxit.

Hoc quoque pensandum, quod tota Salomonis oratio in isto descripta capitulo continet septem particulas seu petitiones particulares, quemadmodum Oratio dominica quam Salvator edocuit. Prima petitio fuit pro se ipso et sobole sua, ut bene vivendo, B succederent jugiter regi David in regno, ut patuit.

Matth. vi,
9-13.

Secunda fuit, ut Deus justitiam suam declararet in vere aut mendose jurantibus. Unde subjungitur: *Si peccaverit homo in proximum suum per rapinam, furtum, aut depositi negationem, et habuerit aliquod juramentum quo teneatur adstrictus*, id est, secundum legem obligatus sit vel suum fateri peccatum, vel per jurationem se expurgare, dum veritas aliter investigari et sciri non valet, *et venerit propter juramentum exhibendum*, id est ob hoc, ut juret se immunem, *coram altari tuo*, id est ad atrium sacerdotum coram altari holocaustorum, *in domum tuam*, intelligendo per domum, templum cum attinentiis et appendiciis suis, utpote atriis atque porticibus, juxta quem modum in isto capitulo infra quandoque accipitur. Constat namque, quod in templum ingredi non licuit vulgo. *Tu exaudies in cælo*, id est, precor ut tu in cælo existens, exaudire digneris orationes petentium, ut justitiam tuam declares in eo qui jurat, vindicando ejus impietatem si false juraverit. Unde subjungitur: *et facies sicut oraverint, et judicabis servos tuos*, reddendo singulis quod merentur, et declarando per effectum quis injustam habeat causam, *condemnans*, id est juste puniens, *impium*, et *reddens viam suam super caput suum*, id est, ei infligens quod sua commissione vel omissione iniqua promeruit, *justificansque justum*, et *retribuens ei secundum justitiam suam*, de-

clarando per effectum innocentiam ejus. Quemadmodum autem in novo Testamento excommunicati tempore primitivæ Ecclesiæ consueverunt a diabolo corporaliter vexari, etiam sæpe usque ad mortem, ut ad Corinthios tangit Apostolus, In promptu, inquit, habentes ulcisci omnem inobedientiam; ita in veteri Testamento perjurantes solebant interdum statim puniri, quemadmodum etiam mulieres adulteræ in sacrificio zelotypiæ, ut patet in libro Numerorum. Demum de exhibitione B juramenti in perditione depositi, in Exodo habetur.

II Cor. x, 6.

Num. v, 27.

Exod. xxii, 8, 11.

Sequitur petitio tertia. *Si fugerit populus tuus Israel inimicos suos, quia peccaturus est etiam tibi: ideo in pœnam suæ transgressionis destituetur tuo auxilio, et timore afficietur ac fugiet*, prout in Deuteronomio Deus prædixit, et in libro Judicium legitur sæpe impletum; *et agentes pœnitentiam, et confitentes nomini tuo, venerint et adoraverint, et deprecati te fuerint in domo hac*, vel corporaliter existendo in ea, vel mentem suam dirigendo ad ipsam; *exaudi in cælo, et dimitte peccatum populi tui Israel*. Quod autem non solum de corporali existentia in templo, sed etiam de spiritali directione cordis ad ipsum, loquatur, apparet ex eo quod subditur: *et reduces eos in terram, quam dedisti patribus eorum*. Nam illa reductio fuit effectus prætaetæ orationis, nec ante reductionem ad terram suam post fugam, poterant corporaliter esse et orare in templo.

Deut. xxviii, 25; Judic. ii, 14, 15; iii, 8, 12; vi, 1, etc.

D Sequitur petitio quarta. *Si clausum fuerit cælum, et non pluerit*, id est, si de cælo aereo non descenderit pluvia, et corpora cœlestia solitam influentiam non emisserint ad pluviarum productionem, *propter peccata eorum, et orantes in loco isto, pœnitentiam egerint nomini tuo, et a peccatis suis conversi fuerint propter afflictionem suam*, vexatione eis intellectum præstante: sicut in libro Judicium frequenter legitur clamasse ad Dominum præ afflictione, quam ab adversariis tolerabant; *exaudi eos*

Is. xxviii, 19.

Judic. ii, 18; iii, 9, 15; iv, 3, etc.

in caelo, et dimitte peccata servorum tuorum et populi tui Israel. Verumtamen a peccato cessare et poenitere solum aut principaliter propter mala poenalia, seu adversa inflicta aut infligenda, non esset poenitentia salubris et vera, sed ex servili timore aut privato amore procederet, non ex caritate aut zelo justitiae, ideo non sufficeret ad salutem. Si autem adversitas sit occasio et incitamentum ac admonitio ad poenitendum, et superveniat preparatio sufficiens ad gratiae infusionem, et conversio mentis ad Deum, fit vera contritio, et ita hic loquitur Salomon. *Et ostende eis viam bonam, per quam ambulent.* id est, corda eorum illumina ad considerandum efficaciter tua praecepta, et qualiter oporteat ea servari. Non enim sufficit humana notitia sive instructio, sed illuminatio Dei gratiosa requiritur. Propter quod oravit Psalmista : Viam justificationum tuarum instrue me. Et : Da mihi intellectum, et scrutabor legem tuam. *Et da pluviam super terram, quam dedisti populo tuo in possessionem.*

Ps. CXVIII,
27, 34.

Sequitur petitio quinta. *Fames si oborta fuerit, ex caristia, victualiumque penuria, in terra, aut pestilentia, aut corruptus aer pestem inducens, aut arugo, quæ est vitium corrodens ferrum, aliave metalla et segetes.* Unde scriptum est : Aurum et argentum vestrum æruginavit. Hic autem nunc sumitur pro læsione seu vitio segetum, quod in terris quibusdam solet accidere circa festum sancti Joannis Baptistæ ex quadam minutissima pluvia. *Aut locusta, quæ est bestiola brevis, terræ nascentium corrosiva, vel rubigo, quæ est alia corruptio segetum, dum teneræ fruges læsivo rore aut vento percutiuntur, ita quod culmi seu stipulæ desiccantur, et in ruborem quemdam vertuntur, et segetes pauca vel nulla proferunt grana, et afflixerit eum inimicus, ejus portas obsidens, omnis plaga, universa infirmitas, cuncta devotatio, id est quaecumque maledictio, et imprecatio, id est mali optatio quam quis orat alicui provenire, quæ acciderit omni homini de populo tuo Israel : si quis cognoverit*

Jacob. v, 3.

A *plagam cordis sui, et expanderet manus suas in domo hac, tu exaudies in caelo, in loco habitationis tuæ, et repropitiaberis, et facies, ut des unicuique secundum omnes vias, id est actiones affectionesque suas, sicque poenitenti et te invocanti indulgeas, sicut videris cor ejus (quia tu nosti solus cor omnium filiorum hominum), ut timeant te cunctis diebus, quibus vivunt super faciem terræ, quam dedisti patribus nostris.*

Sequitur petitio sexta. *Insuper et alienigena qui non est de populo tuo Israel, id est gentilis natione, sive sit proselytus, sive in paganismo Deum verum colens, secundum legem naturalem, cum fide Christi futuri saltem implicita, quum venerit de terra longinqua propter nomen tuum, id est ad invocandum te in domo hac. Audietur enim nomen tuum magnum, et manus tua fortis, et brachium tuum extensum ubique : quoniam Deus tantam prosperitatem, tantos triumphos, tanta mirabilia exhibuit filiis Israel sub David et Salomone, quod majestas ejus inde undique nullis innotuit. Quum venerit ergo et oraverit in loco hoc : quemadmodum in Actis, Æthiops eunuchus Candacis reginæ Æthiopum, legitur venisse adorare in templo Jerusalem. Joannes quoque refert : Erant gentiles quidam ex his qui ascenderant ut adorarent in die festo. Tu exaudies in caelo, in firmamento habitaculi tui, et facies omnia, pro quibus invocaverit te alienigena : ut discant universi populi terrarum nomen tuum timere, sicut populus tuus Israel.*

D Unde secundo libro Machabæorum narratur, secundum templum Jerusalem fuisse famosissimum toto orbe terrarum. Et rursum secundo libro Machabæorum dicitur : Quum sancta civitas habitaretur in omni pace, fiebat ut et ipsi reges et principes locum summo honore dignum ducerent, et templum maximis muneribus illustrarent, ita ut Seleucus Asiæ rex de redditibus suis præstaret omnes sumptus ad ministerium sacrificiorum pertinentes. *Et probent quia nomen tuum invocatum est*

Act. viii, 27.

Joann. xii,
20.

II Mach. ii,
23.

Ibid. iii, 1-
3.

super domum hanc quam edificavi, id est, per suæ exauditionis effectum experiantur, protestentur et approbent, quod tu ipse exoratus et invocatus es a me, ut sis gratiose exaudiens eos qui in templo isto te invocant. Itaque invocatio illa Dei super templum, et consecratio templi in locum divini cultus atque orationis, confert ad exaudibilitatem orantium in eodem, et idoneitatem quamdam largitur templo, ut sic cooperetur ad exauditionem orantium in se. Denique, quidam per debitam suam punitionem probaverunt nomen Dei esse invocatum super templum Salomonis, ut infra habetur de rege Ozia, qui percussus est lepra ibidem; et etiam super templum secundum, in quo Heliodorus ob suum excessum fuit plagatus, ut secundo Machabæorum describitur.

IV Reg. xv.
5; II Par.
xxvi, 16-19.

II Mach. iii,
26.

Sequitur petitio septima. Si egressus fuerit populus tuus ad bellum contra inimicos suos per viam quocumque miseris eos, orabunt te contra viam civitatis quam elegisti, id est vultu verso ad urbem Jerusalem et ad templum, et ad domum quam edificavi nomini tuo, et exaudies in cælo orationes eorum et preces eorum, et facies iudicium eorum. Quod si peccaverint tibi (non est enim homo qui non peccet), et iratus tradideris eos inimicis suis, et captivi ducti fuerint in terram inimicorum, longe vel prope, et egerint pœnitentiam in corde suo in loco captivitatis, et conversi, deprecati te fuerint in captivitate sua, dicentes: Peccavimus, inique egimus, impie gessimus; et reversi fuerint ad te, in universo corde suo et tota anima sua, in terra inimicorum suorum, ad quam captivi ducti fuerint in pœnam suæ prævaricationis, et oraverint te contra viam terræ suæ, quam dedisti patribus eorum, et civitatis quam elegisti, et templi quod edificavi nomini tuo, convertendo in terra captivitatis suæ faciem suam ad locum templi; exaudies in cælo, in firmamento solii tui orationes eorum, et preces eorum, et facies iudicium eorum, id est, eos clementer erues de captivitate; et propitiaberis po-

pulo tuo, qui peccavit tibi, et omnibus iniquitatibus eorum, quibus prævaricati sunt in te; et dabis misericordiam coram eis, qui eos captivos habuerint, ut misereantur eis. Juxta præfatum modum Daniel protestatur se ter in die orasse contra Jerusalem, quum esset in regno Darii regis Persarum.

Dan. vi, 10.

Populus enim tuus est, et hereditas tua, quos, id est quorum patres, eduxisti de terra Ægypti, de medio fornacis ferreae, id est de tribulatione et servitute gravissima, quam in Ægypto sustinuerunt, ubi et lateres Pharaoni coxerunt. Ut sint oculi tui aperti ad deprecationem servi tui, et populi tui Israel, et exaudies eos in universis, pro quibus invocaverint te. Tu enim separasti eos, scilicet filios Israel, tibi in hereditatem, id est in populum hereditarium et peculiarem, de universis populis terræ. Etenim multis et magnis beneficiis, gratiis, miraculis honorificavit et exaltavit Deus populum illum, præsertim quia ex eo voluit incarnari. Sicut locutus es per Moysen servum tuum, qui ait: Te elegit Do-

Exod. i, 14.

Deut. vii, 6.

minus, ut sis ei populus peculiaris de cunctis populis qui sunt super terram; quando eduxisti patres nostros de Ægypto, Domine Deus.

Factum est autem quum complisset Salomon orans Dominum, omnem orationem et deprecationem hanc, surrexit de conspectu altaris Domini. Utrumque enim genu in terram fixerat, et manus exanderat in cælum rex Salomon, ut humiliter Dominum exoraret. Quam reprehensibiles ergo sunt, qui tempore elevationis genua sua non flectunt, dum opportunum ad hoc habent locum! Quæritur, qualiter hic dicatur Salomon genua sua fixisse in terram, quum in Paralipomenon scriptum sit, quod super æneam basim stetit, ac genua fixit. Et respondendum, quod nomine terræ, quæcumque terrena et mixta, sæpe intelliguntur.

II Par. vi,
13.

Stetit ergo et benedixit omni ecclesiæ Israel, voce magna, dicens: Benedictus Dominus Deus, qui dedit requiem populo

suo Israel, juxta omnia quae locutus est. Non cecidit ne unus quidem sermo, ex omnibus bonis, quae locutus est per Moysen servum suum : hoc est, quidquid boni Deus promisit filiis Israel in terra promissionis olim per Moysen, jam opere adimplevit. Sit Dominus Deus noster nobiscum, sicut fuit cum patribus nostris, non derelinquens nos, neque projiciens ; sed inclinet corda nostra ad se, ut ambulemus in universis viis ejus, et custodiamus mandata ejus, et caerimonias ejus, et judicia quaecumque mandavit patribus nostris, id est, gratiose praeveniat nos, et actualiter excitet ac moveat mentes nostras ad meritorie cogitandum, loquendum, et operandum. Non enim sufficientes sumus cogitare aliquid ex nobis, quasi ex nobis, sed Deus est qui operatur in nobis velle et perficere. De quo loquitur Isaias : Omnia opera nostra operatus es nobis. Ideo oravit Propheta : Inclina cor meum in testimonia tua. Nihilominus alibi ait : Inclinavi cor meum ad faciendas justificationes tuas in aeternum. Et, rursus alibi ait Scriptura : Hominis est animum praeparare. Itemque : Appropinquate Deo, et appropinquabit vobis. Non enim Deus inclinat hominum corda, ut propriis actibus privet ea, sed praevenit, tangit, et movet, ut et ipsi inclinent corda sua, et se convertant ad ipsum. Non autem possunt meritorie aliquid agere, nisi Deo intus movente ; imo in omni meritoria actione indigemus actuali Sancti Spiritus motione. Unde oravit Jeremias propheta : Convertite nos, Domine, ad te, et convertemur. Qui rursus deprecatur : Convertite me, Domine, et convertar, quia tu es Dominus meus. Postquam enim convertisti me, egi poenitentiam. Et postquam ostendisti mihi, percussi femur meum. Hinc denuo dixit : Scio, Domine, quia non est hominis via ejus, nec viri est, ut ambulet et dirigat gressus suos. Hoc advertens Psalmista, cecinit Deo : Tenuisti manum dexteram meam, et in voluntate tua deduxisti me. Qui ista advertit, de suis meritis non superbit, nec gloriatur, nisi in Domino,

A dicens sibi ipsi in animo : Quid habes quod non accepisti ?

Et sint sermones isti mei, quibus deprecatus sum coram Domino, appropinquantes Domino Deo nostro, non loco, sed acceptione, ita ut exaudiantur ab ipso : juxta quem sensum oratio justis penetrat caelos, et oratio humiliantis se penetrat nubes ; die ac nocte, ut faciat judicium servo suo, et populo suo Israel per singulos dies, hoc est, pie et cum discretionis moderamine reddat ei quod promeretur, exaudiendo eum elementer. De quo judicio Jeremias oravit, dicens : Corripe me, Domine, verumtamen in judicio, et non in furore tuo, ne forte ad nihilum redigas me. Est autem et aliud judicium rigoris divinae justitiae, de quo oravit vir sanctus : Non intres in judicium cum servo tuo, Domine. Ut sciant omnes populi terrae, quia Dominus ipse est Deus, et non est ultra absque eo. Sit quoque cor nostrum perfectum cum Domino Deo nostro, ut ambulemus in decretis ejus, et custodiamus mandata ejus, sicut et hodie, hoc est, in praeceptis Dei judicialibus et caerimonialibus ambulemus, quae ipse recta et bona esse instituit, et juxta quae vivendum esse decrevit.

Igitur rex et omnis Israel cum eo immolabant victimas coram Domino. Mactavitque Salomon hostias pacificas, quas immolavit Domino, boum viginti duo millia, id est, per manus Levitarum et sacerdotum fiebant mactatio atque oblatio illa ; et ovium centum viginti millia. Et dedicaverunt templum Domini, rex et filii Israel. In die illa sanctificavit rex medium atrii, quod erat ante domum Domini. Fecit quippe holocaustum ibi, et sacrificium, et adipem pacificorum, hoc est, per manus pontificis consecravit medium seu pavementum atrii interioris, videlicet atrii sacerdotum, ut super illud medium, hostiae offerrentur seu holocausta cremarentur, quae super altare in atrio positum offerri non poterant, nec cremari ; quoniam altare aeneum, quod erat coram Domino, minus erat, et

II Cor. iii, 5.

Philipp. ii,

13.

Is. xxvi, 12.

Ps. cxviii,

36.

Ibid. 112.

Prov. xvi,

1.

Jacob. iv, 8.

Thren. v,

21.

Jer. xxxi,

18, 19.

Ibid. x, 23.

Ps. lxxii,

24.

Jer. ix, 23,

24.

Ecdi.

xxxv, 21.

Jer. x, 24.

Ps. cxliii, 2.

* æreum

capere non poterat holocaustum, hoc est holocausta, et sacrificium et adipem pacificorum, id est adipem, quæ pro pace et gratia offerebantur. Specialiter autem adeps immolari jussus fuit in Levitico, quo habetur : Omnis adeps, Domini erit jure perpetuo.

Lev. III, 16, 17.

Fecit ergo Salomon festivitatem celebrem, utpote valde solennem, sicut et apud nos est festum Dedicationis, et omnis Israel cum eo multitudo magna, hoc est quidam, imo et multi de singulis tribubus, præsertim majores natu et principaliores, qui venerunt ad regem, ab introitu Emath, id est a termino terræ promissionis aquilonari, usque ad rivum Ægypti, qui rivus Rhinocolura appellatur, estque in plaga terræ promissionis australi : per quos terminos intelliguntur et alii duo termini terræ ejusdem, quia a quatuor finibus regni venerunt ad regem : de quibus terminis habetur in libro Numerorum. Coram Domino Deo nostro septem diebus et septem diebus, id est quatuordecim diebus. Cur Scriptura non ait compendio, Quatuordecim diebus, sed conjunctive præmittit, Septem diebus et septem diebus? Respondetur, quod ideo, quia tota solennitas illa non fuit de eodem. Nam primis septem diebus fuit solennitas dedicationis, et aliis septem, festum Scenopegia, hoc est Tabernaculorum, in memoriam quod filii Israel de Ægypto egressi, manserunt in tabernaculis in deserto, ut habetur in Levitico.

Num. XXXIV, 3-12.

Lev. XXIII, 42, 43.

Porro Magister in historiis ait : Sic intelligendus est locus iste. Quinque diebus continue celebrata est dedicatio ; in sexto die, qui fuit quintadecima dies mensis, occurrit Scenopegia, quæ interposita est septem diebus ; qua terminata, iterum celebrata est dedicatio diebus duobus, qui fuerant intermissi. *Et in die octavo, id est post duas illas hebdomadas, dimisit rex populum.* Vel, dedicatio septem continuis diebus est facta, et postea Scenopegia totidem diebus, atque in octava Scenopegia post collectam dimisit populum, dando licentiam ut vel die illo facta collecta, vel

die sequenti, ad propria remearent. Unde secundo Paralipomenon scriptum est : *Fecit in die octavo collectam : de qua in Levitico legitur ; et in expositione præfati libri Paralipomenon est inductum, quid per collectam intelligatur.*

II Par. VII, 9.
Lev. XXIII, 36.

Qui benedicentes regi, profecti sunt in tabernacula sua. Paulo ante in isto capitulo habetur, quod Salomon benedixit populo ; hic autem, quod populus benedixit Salomoni : quia sibi invicem imprecati sunt bona. Rex quippe tanquam princeps et dux, oravit pro populo sibi commisso ; et populus tanquam grex fidelis et gratus, oravit pro rege suo. Qualiter autem ad pontificem et sacerdotes pertinuit benedicere populo, habetur in Numerorum libro. De benedictione vero consecrationis accipitur, quod ad Hebræos Apostolus loquitur : *Sine ulla contradictione, quod minus est, a meliori benedicatur. Lætantes, et alacri corde existentes, ac gratias referentes, super omnibus bonis quæ fecerat Deus David servo suo.* In Paralipomenon additur, *Et Salomoni.* Quod enim ipsi David de templi constructione et regni successore promisit, in Salomone complevit ; et David regem, etiam post mortem suam, honoravit in filio suo : sicque benefecit ambobus. *Et Israel populo suo, cui sub Salomone præcipuam dedit prosperitatem, imo et spiritualium charismatum largitatem.*

Num. VI, 23-27.

Hebr. VII, 7.

II Par. VII, 10.

II Reg. VII, 12, 13.

Circa hoc recitat Lyra : Dicunt Hebræi, quod dum sacerdotes vellent inducere arcam, portæ templi clausurunt se. Quumque sacerdotes pro januarum illarum apertione cantarent psalmum, qui incipit, *Memento, Domine, David : in quo psalmo habetur, Surge, Domine, in requiem tuam, tu et arca sanctificationis tuæ ; et venissent ad versum illum, Propter David servum tuum, id est ob merita ejus, non avertas faciem christi tui, utpote Salomonis in regem uncti, denegando ingressum arcæ in locum quem ei paravit ; tunc portæ aperuerunt se, ad insinuandum quod meritis David Deus locum acceptavit : quod cernens populus, Deum laudavit de beneficiis quæ*

Ps. CXXXI, 1.

Ibid. 8.

Ibid. 10.

exhibuit ipsi David. Et istud videtur con- A Domine, in requiem tuam, tu et arca for-
sonare ei quod secundo Paralipomenon titudinis tuæ. Domine Deus, ne avertas fa-
habetur, quo Salomon in fine orationis ciem christi tui; memento misericordia-
suæ fertur dixisse: Nunc ergo consurge, rum David servi tui.

II Par. vi,
1, 42.

ARTICULUS XIV

SPIRITUALIS EXPOSITIO EJUSDEM CAPITULI OCTAVI.

SICUT per templum Salomonis desi- B *gnantur materiales ecclesiæ Christi, sic*
per templi illius consecrationem et dedi- *cationem a pontifice factam, præfigurata*
est dedicatio materialium Christi ecclesia- *rum, quæ ab episcopis solum fit, ad quam*
populus cum suis superioribus confluit; *in qua dedicatione fundatores ecclesiarum*
et consecratores, solent Dominum speciali *devotione rogare, ut ipsos ac alios de qua-*
cumque tribulatione et transgressione ad *ipsum clamantes, exaudire dignetur. In*
ecclesiis istis constituitur arca, id est sa- C *cratissimum dominici corporis Sacramen-*
tum, imo et totus Christus in Sacramento: *in quo Christo sunt tabulæ testamenti, id*
est utriusque legis perfectio. Nam et ipse *non venit legem solvere, sed implere; et*
legis Decalogum confirmavit, exposuit et *perfectit. In ipso quoque fuit urna aurea*
habens manna, id est omnis plenitudo di- *vinitatis corporaliter, seu spiritualis con-*
solationis suavitas; et virga Aaron, id est *judiciaria auctoritas, omnisque potestas in*
cælo et in terra. Per vectes autem arcæ D *eminentes, intelliguntur Apostoli, qui sua*
prædicatione Christum ad corda tulerunt *gentilium: quorum Apostolorum extrema*
nobis pateſcunt, quia eorum martyria, ex- *terioraque gesta cognoscimus. Quid autem*
per arcæ dedicationem* et processionem il- *lam solennem ac jubilationem designetur,*
patet ex dictis circa deportationem arcæ *sub David rege.*

* delatio-
nem

II Reg. vi.

Factum est autem quum exissent sacer-

doles de sanctuario, nebula implevit do-
rum Domini. Sic Christi Apostolis, de

quibus Isaias locutus est, Vos sacerdotes *Domini vocabimini, de Synagoga egressis*
ad prædicandum ubique gentilibus, nebu- *la, id est infidelitatis obscuritas, Synago-*
gam implevit. Potest quoque per nebulam *ænigmatica Dei notitia accipi, de qua ait*
Apostolus, Videmus nunc per speculum in *ænigmate: qua cognitione replebatur tunc*

Is. LXI, 6.

I Cor. xiii,
12.

domus militantis Ecclesiæ et universa gen- *tilitas, prout per Isaiam fuit prædictum:*
Repleta est terra scientia Domini, sicut *aquæ maris operientes. Rursus, per splen-*
didam nebulam illam intelligitur gratia Dei, *illuminatioque divina: qua dum mens co-*
piose perfunditur, videt se nihil condigni *obsequii vel honoris posse impendere Deo*
incircumscriptibilis majestatis, omnesque *nostras justitias esse ut pannum menstru-*
atæ, respectu puritatis æternæ, summæ ac *infiniæ, imo et comparatione honorifi-*
centiæ qua Deus in se ipso superdignis- *simus est. Dominus dixit ut habitaret in*
nebula: quia ipse per gratiam et illumi- *nationem præactam inhabitat animam,*
qui et in Proverbiis fatetur: Ego sapientia *habito in consilio, et eruditus intersum co-*
gitationibus.

Is. xi, 9.

Ibid. LXIV,
6.

Prov. viii,
12.

Si clausum fuerit cælum, et non pluerit.
Propter peccata clausum est cælum, dum *Deus dona misericordiæ suæ non diffun-*
dit hominibus, nec prædicatores mittit ad *homines, qui stillicidia sapientiæ, id est*
verba salutis, dispergant. Unde per Isaiam

Is. v, 6. testatus est : Mandabo nubibus meis, ne plu-
Amos viii, 11. niant super eam imbrem. *Fames* audiendi
 verbum Dei, vel spiritualium refectionum
 inopia, *si oborta fuerit, aut pestilentia*, id
 est falsa doctrina, scandalosave actio, qua
 unus inficit alium, *aut corruptus aer*, id
 est adspiratio ad illicita, aut impiæ vitæ
 fama, *aut ærugo*, hoc est cupiditas quæ
 spirituales divitias facit marcescere, *aut*
locusta, hoc est vermis invidiæ corrup-
 pens opera bona, *vel rubigo*, hoc est con-
 cupiscentiæ flamma, quæ fructum necat
 virtutum; tunc Deus exaudiet, si toto co-
 natu invocaverimus eum, ut auferat vitia
 ista. Præterea, si populus christianus, qui
 vere est populus Dei peculiaris et Christi
 hereditas, exierit ad bellum contra visibi-
 les aut invisibiles hostes, debet Deum in
 ecclesia invocare, vel se ad ecclesiam facie
 cordis convertere.

Insuper, cum Salomone totis præcordiis
 Deum assidue deprecemur, dicentes : *Sit*
Dominus Deus noster nobiscum, sicut fuit
cum patribus nostris, sanctis Apostolis,
 martyribus, confessoribus, et veris ac per-
 fectis religiosis; *non derelinquens nos in*
tentationibus, neque projiciens quum pec-
caverimus; sed inclinet corda nostra ad se,
 misericorditer præveniendo, contritionem
 donando, ac reducendo, ita ut cautiores
 surgamus, imo etiam dum sumus in cari-
 tate et gratia, dignetur corda nostra inde-
 sinenter compungere et movere, inflam-
 mare atque erigere in se. Offeramus quoque
 cum Salomone *oves*, hoc est innocentiae
 actus et ovium proprietates; *et boves*, id
 est carnis mortificationes, atque nos ipsos
 totaliter Deo *absque æstimatione et nume-*
ro, ita ut incessabiliter talibus actibus in-
 sistamus.

ARTICULUS XV

ELUCIDATIO CAPITULI NONI : FACTUM EST AUTEM QUUM PERFECISSET SALOMON EDIFICIUM.

EXAUDITIO orationis præcedenti capi-
 tulo recitatae describitur hic. *Factum*
est autem quum perfecisset Salomon ædi-
ficium domus Domini, id est templum
 cum attinentiis suis, eaque dedicasset, *et*
** ædificium domum * regis*, id est palatium suum, *et*
omne quod optaverat et voluerat facere
Salomon, apparuit ei Dominus secundo,
sicut apparuerat ei in Gabaon : quoniam
 ista apparitio, sicut et illa, in nocte et in
 somno est facta, et imaginaria fuit, ac mi-
 nisterio angeli sancti exhibita. Unde quæ
 supra de apparitione illa prima sunt di-
 cta, hic quoque repeti possent, sed prolix-
 itas est vitanda. Denique Salomō spiritum
 habuit prophetiæ, ut ex descriptione patet
 Cantici canticorum : ideo Deus frequenter
 apparuit ei in visione et revelatione pro-
 phetica; sed apparitio ista vocatur secun-

da, respectu illius primæ, et descriptionis
 ejus historicæ, sicut in Evangelio Joannis
 dicitur Christus tertio manifestatus ad ma-
 re : non quod manifestatio illa fuerit ter-
 tia in ordine apparitionum, quibus post
 resurrectionem apparuit, sed quoniam ter-
 tia est in ordine apparitionum, quas Joan-
 nes evangelista describit.

Dixitque Dominus ad eum : Exaudivi
orationem tuam, qua orasti pro te, et de-
precationem, quam deprecatus es coram
me, qua orasti pro aliis; sanctificavi do-
num hanc quam ædificasti, hoc est, ratam
 habeo ejus sanctificationem, qua a te de-
 dicata est et sanctificata, id est meo cultui
 deputata : cui et ego eam appropriavi, *ut*
ponerem nomen meum, id est nominis mei
 invocationem, *ibi in sempiternum*, hoc est,
 ut invocer semper in ea; vel ut nomen

Joann. xxi,
 14.

sortiatur a me, et dicatur domus mea, seu templum Dei; vel ut ego ipse dignanter habitem in eadem. *Et erunt oculi mei*, id est pietatis meae respectus, *et cor meum*, id est dilectio, seu intentio, aut providentia mea, *ibi cunctis diebus*, quibus servieritis mihi in ea: ita quod erit locus mihi dilectus, in quo singulari providentia intuebor orantes, et benefaciam eis. *Tu quoque si ambulaveris coram me*, hoc est, mihi servieris, et in conspectu meo fueris conversatus, *sicut ambulavit pater tuus in simplicitate cordis columbina*, sincere, sine duplicitate, simulatione, atque hypocrisi, *et in equitate*, reddendo unicuique quod ei teneris, videlicet mihi debitam servitutem, tibi ipsi custodiam, et populo tibi commisso bonum exemplum ac salubrem directionem, *et feceris omnia quae praecepi tibi, et judicia mea et legitima mea servaveris*; ponam thronum regni tui, id est, praesidentiam ac auctoritatem regiminis tui conservabo ac roborabo, *super Israel in sempiternum*, hoc est per omne tempus Mosaicae legis, ita quod post te praerunt posterius tui, dummodo et ipsi taliter vixerint, sicut nunc tibi vivendum esse praecipio. Ideo subditur: *sicut locutus sum David patri tuo, dicens: Non auferetur vir de genere tuo, de solio Israel.*

Si autem aversione aversi fueritis vos et filii vestri, non sequentes me, nec custodientes mandata mea, et caerimonias quas proposui vobis, sed abieritis, et colueritis deos alienos, et adoraveritis eos; auferam Israel per mortem aut captivitatem, de superficie terrae quam dedi eis, videlicet duodecim tribubus Israel, et templum quod sanctificavi nomini meo, projiciam a conspectu meo, hoc est a pietatis meae respectu, ita quod illud non protegam, sed demoliri permittam: quemadmodum factum est postea per Chaldaeos. Eritque Israel in proverbium: hoc est, tanta erit Israelitici populi tribulatio, quod ex ea sumetur proverbium quoddam sive parabola, quod dicetur, quando quis voluerit magnam alienius tribulationem exprimere vel optare, ita

IV Reg.
xxv, 9.

A quod dicet, Sicut contigit filiis Israel, contingat et tibi; vel, Sic contigit tibi; *et in fabulam cunctis populis*, ita quod omnes loquentur de eis tanquam de hominibus ultra modum oppressis ac miseris. *Et domus haec erit in exemplum justae ultionis divinae offensionis: ita quod ex destructione huius templi patebit, quam grave ac impium sit Deum offendere; sicque dejectio templi istius ponetur aliis in exemplum, ne audeant offendere Dominum majestatis. Omnis qui transierit per eam, id est per locum* B *in quo stetit, stupebit et sibilabit*, id est, merito poterit multum mirari, et ex admiratione sibilum oris emittere de tam inopinata pretiosissimi ac famosissimi templi destructione; *et dicet: Quare fecit Dominus sic terrae huic, et domui huic? Et respondebunt, Quia dereliquerunt Dominum Deum suum, qui eduxit patres eorum de terra Aegypti, et secuti sunt deos alienos, et coluerunt eos, et adoraverunt eos: idcirco induxit Dominus super eos omne malum hoc.*

C *Expletis autem annis viginti, postquam aedificaverat Salomon duas domus, id est domum Domini, et domum regis, id est, a tempore quo coepit templum aedificare: quod septem annis constructum est; domus autem regia tredecim annis: qui simul sunt anni viginti; Hiram rege Tyri, praebente regi Salomoni ligna cedrina et abiegna, et aurum, juxta omne quod opus habuerat; tunc dedit Salomon Hiram viginti oppida in terra Galilaeae, in maritima tribus Nephthali sorte, quae non multum distabat a Tyro. Haec oppida dedit Salomon Hiram regi non gratis, sed pro pretiosis lignis, auro atque obsequiis quae ei impenderat, et hoc ultra blada, vinum ac oleum, quae singulis annis exhibuit regi illi, ut supra patuit. Et egressus est Hiram de Tyro, ut videret oppida quae dederat ei Salomon, et non placuerunt ei. Et ait: Haecine, id est istaene, sunt civitates quas dedisti mihi, frater? quasi diceret: Viles sunt et indignae in recompensam eorum quae tibi exhibui. Et appellavit eas* D

III Reg. vi,
38; vii, 1.

Ibid. v, 11.

terram Chabul usque in diem hanc. Chabul interpretatur displicentia, quia displicuerunt sibi.

Præterea quæritur, qualiter licuit Salomoni terram promissionis in tanta parte alienare a filiis Israel. Ad quod videtur posse aliquantulum responderi ex verbis Scholasticæ historiæ, asserentis quod dedit eas regi Hiram, non quod gentiles habitarent in eis, sed quia in ditione regis gentilis posuit eas. Sed tunc rursus est quæstio, qualiter licuit sibi populum Dei subijcere ditioni regis pagani, præsertim quum ex hoc periculum et occasio idololatræ videretur imminere populo Dei. Istas quæstiones non legi motas, nec vidi solutas; attamen, ni fallor, poterit dici, quod Hiram fuit conversus ad cultum veri Dei, cujus utique notitiam habuit magnam, ut patuit ex præinductis: et forsitan Salomon dedit urbes has regi Hiram ad vitam ipsius, non perpetua alienatione a terra promissionis, ita quod Hiram habuit annuas pensiones oppidorum illorum. Denique, ex tunc terra

Is. ix, 1; Matth. iv, 15. illa vocata est Galilæa gentium, quæ sic appellatur in Isaia et Matthæo.

Misit quoque Hiram ad regem Salomonem centum viginti talenta auri: pro quibus Salomon reddidit Hiram justum valorem. Hæc est summa expensarum quam obtulit, id est dedit, Salomon rex ad ædificandum domum Domini, et domum suam, id est palatium, et murum Jerusalem, quem triplicavit, et Mello. Quid designetur per Mello, et de ædificatione ejus, dictum est super illud secundi Regum: Ædificavit per gyrum a Mello et intrinsecus. Et Hæser et Mageddo et Gazer, id est castra seu oppida sic vocata.

Pharao rex Ægypti ascendit et cepit Gazer, id est urbem sic dictam, extra terram promissionis sitam, succenditque eam igni; et Chananum qui habitabat in civitate, interfecit, et dedit eam in dotem filie sue uxori Salomonis. Ædificavit ergo Salomon Gazer, quam Pharao incenderat, et Bethoron inferiorem, et Baalath, et Palmyram in terra solitudinis; et omnes

A vicis qui ad se pertinebant, et erant absque muro, munivit, et civitates curruum, in quibus quadrigæ bellicæ servabantur, et civitates equitum, id est militum pugnantorum. Hæ urbes vocantur civitates tabernaculorum in Scholastica historia, et sitæ erant in terminis terræ promissionis pro ejus munitione. Atque ut Josephus protestatur, Salomon occupavit oppida multa ultra fines terræ promissionis, adjuvante eum suo socero Pharaone præfato. Et quodcumque ei placuit, ut edificaret in Jerusalem, et in Libano, et in omni terrâ potestatis suæ.

Universum populum qui remanserant de Amorrhæis, et de Hethæis, et de Pherezæis, et Hevæis, et Jebusæis, qui non sunt de filiis Israel; horum filios qui remanserant in terra, quos scilicet non potuerant filii Israel exterminare, fecit Salomon tributarios, usque in diem hanc. Estque credendum, quod induxit eos ad Judaismum, imo jam ante pro maxima parte facti erant proselyti. De filiis autem Israel non constituit rex Salomon servire quemquam, ad solvendum tributa, vel ad operandum coacte, vel ad exercendum vilia opera; dabant tamen tributa, stipendia, seu vectigalia regi, puta expensas, quando vehebatur de una urbe ad aliam; sed erant viri bellatores, id est deputati ad præliandum, si esset necesse, quod raro fuit, et ministri ejus, in operibus dignioribus, et principes et duces et præfecti curruum et equorum. Erant autem principes super omnia opera, id est negotia et operarios, Salomonis, præpositi quingenti quinquaginta, qui habebant subjectum populum, unus plures, alius pauciores, secundum quod eorum officium erat majus aut minus, et statutis operibus imperabant, hoc est, fieri præceperunt ea quæ ipsis erant commissa. Isti fuerunt officii et principes alii ab eis, de quibus habetur, quod erant numero tria millia et trecenti præcipientes populo operanti ad ædificia faciendâ, quibus isti principaliores fuerunt. De supremis autem principibus ac officialibus Salomonis, dictum est

III Reg. v, 16.

Ibid. iv, 2-19.

superius. Sed quæri potest, qualiter dicantur hic principes quingenti quinquaginta, quum secundo Paralipomenon legatur : Omnes principes exercitus regis Salomonis, fuerunt ducenti quinquaginta. Verum ad hoc in expositione illius libri est introducta responsio.

Filia autem Pharaonis, uxor regis, ascendit de civitate David in domum suam, quam edificaverat ei Salomon, qui solenniter transtulit eam de civitate David ad domum ei paratam. Cur autem sic transtulit eam, expositum est in præallegato Paralipomenon libro. *Tunc edificavit Mello.*

Offerebat quoque Salomon tribus vicibus, hoc est in tribus præcipuis solennitatibus legalibus, per annos singulos holocausta et pacificas victimas super altare quod edificaverat Domino, id est super altare holocausti situm in atrio sacerdotum, et adolebat, hoc est incendebat, thymiama coram Domino super altare thymiamatis positum in prima templi parte. Obtulit autem et incendit per manus sacerdotum, quibus hæc ex officio competebant. Istud vero intelligendum est de sacrificiis principalibus regis, præter quæ et alia frequentius obtulit. Porro tres solennitates præfatæ, fuerunt festum Azymorum, hoc est Pæseha, solennitas Hebdomadarum, id est Pentecostes, et celebritas Tabernaculorum, ut secundo Paralipomenon describitur. De sacrificiis quoque tunc offerendis habetur in libro Numerorum, et item in Exodo ac Deuteronomio. Insuper, præter hæc præcipua sacrificia regis, fiebant super altare holocausti sacrificia multa : quædam quotidie, ut sacrificium iuge, quædam in sabbatis, quædam in calendis, hoc est mensium exordiis, prout in præmemorato Paralipomenon libro scriptum est, quo habetur : Tunc obtulit Salomon holocausta Domino super altare quod exstruxerat ante porticum, id est in atrio sacerdotum, ut per singulos dies offerretur in eo, juxta præceptum Moysis in sabbatis et calendis.

De sacrificiis quoque offerendis in sabbatis et calendis, in libro Numerorum habetur. *Perfectumque est templum.*

Num. xxviii, 9-15.

Classem quoque, id est grande et forte navigium, fecit Salomon in Asiongaber, hoc est ad hoc, ut in ea servi sui navigarent in locum illum, vel in loco illo facta est classis, qui est juxta Aitath, id est locum seu oppidum sic vocatum, in littore maris Rubri in terra Idumææ, id est juxta eam. Asiongaber autem est insula quædam Ægyptiaca Rubri maris. Misitque Hiram in classe illa servos suos viros nauticos, hoc est peritos circa naves regendas, et gnaros maris, id est scientes prævidere et vitare pericula in mari occurrentia, cum servis Salomonis, qui non erant tam periti in his, ut Tyrii illi habitantes in corde maris. Qui quum venissent in Ophir, hoc est provinciam Indiæ sic vocatam, sumptum inde aurum quadringentorum viginti talentorum detulerunt ad regem Salomonem, post triennium, ut infra habetur. Circa hæc aliqui narrant, quod in India sunt montes aurum continentes, qui a leonibus ac aliis atrocissimis feris custodiuntur et habitantur : ideo nautæ verentur accedere ; sed explorantes ferarum absentiam, absentibus feris accedunt, navibus stantibus pro refugio apud littus, sicque terram unguibus ferarum effossam arripiunt, et in naves projiciunt, ac recedunt. Deinde terram illam jactant in ignem, et quod terrestrium atque impurum est, igne consumitur ; quod vero remanet, aurum est purum.

Postremo, ut recitat Josephus, Menander historiographus scribit, quod Salomon et Hiram mutuo sibi scripserunt ac miserunt problemata sive ænigmata, ac figuras seu figurativas et typicas locutiones, quæ qui non solveret, daret alteri pensionem præfixam. Quumque Hiram angustia retur in talium solutione difficultatum, consuluit Abdunum * Abdemonis filium juvenem Tyrium, qui omnia illa faciliter encodavit.

* Abdemium

II Par. viii, 10.

Ibid. 11.

Ibid. 13.

Num. xxviii, Exod. xii, 14-20; Deut. xvi, 1-17.

II Par. viii, 12, 13.

III Reg. x, 22.

ARTICULUS XVI

DECLARATIO CAPITULI DECIMI : SED ET REGINA SABA, ETC.

HIC ponitur argumentum, quo declarata A et omnibus manifestata est sapientia Salomonis. *Sed et regina Saba.* Saba quandoque est nomen regionis, juxta illud : *Ps.* LXXI, 10. Reges Arabum et Saba dona adducent. Hic autem, ut fertur, est nomen regiae urbis Æthiopum. Josephus opinatur reginam hanc dictam fuisse Mycaulam *, et fuisse reginam Æthiopiæ ac Ægypti. *Audita fama Salomonis,* præsertim rumore sapientiæ ejus, quæ magis fecit eum famosum, quam opulentia aut potentia, seu cetera ejus gesta, *in nomine Domini,* hoc est secundum Dei voluntatem et dispositionem, seu ad Dei honorem. Unde eliciunt quidam, quod coluit verum Deum. *Venit tentare eum in ænigmatibus,* id est propositionibus et quæstionibus difficilibus ac obscuris, ad sciendum an esset tantæ sapientiæ, ut ipsa audivit. Non enim credebat narrantibus, ut infra fatetur. Voluit ergo regem tentare non malitiose, nec ex sola curiositate, sed desiderio veritatis et informationis, ut a sua dubitatione eriperetur et instrueretur, ac nova et inaudita cernendo proficeret. Quamvis enim non credidit Salomonem esse sapientiæ tantæ, ut fama jactabat, non tamen dubitavit quin esset valde sapiens vir, cujus fama ubique terrarum sic diffundebatur. Hinc Christus in Evangelio loquitur, quod venit audire sapientiam Salomonis ; vocat quoque eam reginam Austri, et dicit, quod venit a finibus terræ, quia venit a terra valde remota, videlicet Æthiopia, quæ respectu terræ promissionis, sita est in plaga australi. Denique ænigma vocatur obscura sententia, propter similitudines rerum occultas.

Et ingressa Jerusalem cum comitatu multo et divitiis, camelis portantibus aro-

mata et aurum infinitum nimis : quod hyperbolice dicitur, ad innuendum eminentiam opum, et abundantiam auri quod attulit. Unde secundo Paralipomenon habetur, Et auri plurimum. *Et gemmas pretiosas ; venit ad regem Salomonem, et locuta est ei universa quæ habebat in corde suo,* hoc est, quæ ei proponere intendebat. *Et docuit eam Salomon omnia verba,* id est sensum et solutionem omnium verborum, quæ proposuerat. *Non fuit sermo qui posset regem latere, et non responderet ei.*

B *Videns autem oculo interiori,* id est considerans, *regina Saba omnem sapientiam Salomonis,* quam ex tam plana et facili regis responsione perpendit, *et domum quam ædificaverat :* quod quidam exponunt de templo, quod fuit principalissimum a rege constructum, alii vero de domo Saltus Libani, quam (ut ferunt) tam ipsa, quam Pharaos pater uxoris Salomonis, præ ceteris mirabantur. Quidam per domum intelligunt omnia illa Salomonis ædificia tam præclara, videlicet templum, palatium, domum Saltus, et domum filiæ Pharaonis. *Et cibos mensæ ejus,* de quibus supra dictum *III Reg.* IV, 22, 23. *est, et habitacula servorum pretiosa, distincta et fortia, et ordines ministrantium :* in quibus multitudo confusionem non peperit, sed ordinatissima distinctio fuit ; *vestesque eorum :* nam eidem officio deputati, vestes habebant consimiles, ut in tanta ministrantium multitudine nullus ambigeret, quis cui esset officio deputatus ; *et pincernas, et holocausta quæ offerebat in domo Domini,* id est in atrio, manibus sacerdotum. Quotidie etenim obtulit oblationes spontaneas ultra debitum, ut tanti regis magnificentiam decuit : quod et Josephus tangit. Unde in Paralipomenon legitur : Et *II Par.* IX, 4.

Matth. XII, 42; *Luc.* XI, 31.

vietimas quas immolabat. Tamen ter in anno fecit solenniores oblationes. *Non habebat ultra spiritum*, id est, præ admiratione defecit, alienata a mente atque in ecstasi constituta. Ideirco in Paralipomenon fertur : Non erat præ stupore ultra in ea spiritus. Quum enim sapientis sit ordinare, et multa decenter ac ordinate disponere, non potuit satis mirari sapientiam regis in tam præclara ordinatione ministrorum ac operum ejus. Atque ut in historiis ait Magister, præcipue mirabatur domum Sal-
 II Par. ix, 1. tus, ut factum est ; ordinem quoque et frequentiam ministrantium in templo sacerdotum ac Levitarum, quam rem etiam Pharaö potissimum mirabatur ; deinde distinctionem et ordinem servientium regi in mensa.

Dixitque ad regem, quum post aliquantulam horam redisset ad se : *Verus est sermo, quem audiavi in terra mea super sermonibus tuis, et super sapientia tua ; et non credebam narrantibus mihi, donec ipsa veni, et vidi oculis meis, et probavi quod media pars mihi nuntiata non fuerit. Major est sapientia et opera tua, quam rumor quem audiavi* : quia et hoc fuit vulgatum de Salomone, quod erat devotus valde et liberalis, atque pacificus populi rector. Hæc autem et alia multa ac magna præconia, quibus in textu regem extollit, non dixit adulando, sed veritatis amore, rem ipsam ut erat pandendo, et præ admirationis vehementia se continere nequibat. *Beati viri tui, et beati servi tui, qui hic stant coram te semper*, id est omni tempore vitæ suæ, et audiunt sapientiam tuam, vivendo secundum eam : quia nec indisciplinatos coram se tolerasset. *Sit Dominus Deus tuus benedictus, cui complacuiisti, et posuit te super thronum Israel, eo quod dilexerit te Dominus Deus Israel*, id est Israeliticæ plebis, in sempiternum, et constituit te regem, ut faceres judicium et justitiam. Hoc regina dixit ex pia confidentia, quia speravit regem tam sapientem, in sapientia permansurum usque in finem. Porro, si salvatus est Salomon, dilexit cum

A Dominus in sempiternum secundum prædestinationem æternam. In Paralipomenon legitur, reginam dixisse : Quia diligit Deus Israel, id est Israeliticum populum, et vult servare eum in æternum, videlicet in presenti per gratiam, et in futuro per gloriam ; ideirco posuit te regem super eum. Unde constat quod præcipuum beneficium, ac divinæ dilectionis evidens signum sit, habere virtuosum prælatum aut principem.

Dedit ergo regi centum viginti talenta auri, et aromata multa nimis, et gemmas pretiosas : quibus Æthiopia satis abundat, quia et Gehon unus de quatuor fluviiis paradisi, circumit omnem Æthiopie terram, ut in Genesi habetur. Fluvii autem paradisi efferunt et effundunt hujusmodi gemmas. *Non sunt allata ultra in Jerusalem aromata tam multa, quam ea quæ dedit regina Saba regi Salomoni.*
 Gen. ii, 13.

Sed et classis Hiram, quæ portabat aurum de Ophir, quæ fuit communis Salomoni et Hiram regi, in qua utriusque servi pariter versabantur, attulit ex Ophir, videlicet prætaeto Indiæ territorio, ligna thyina multa nimis, quæ, ut legitur in Scholastica historia, sunt similia lignis setim et odorifera. In libro quoque de Proprietatibus rerum, fertur, quod sunt valde alba et quasi polita, in tantum ut in eis similitudines rerum resplendant ac resultent. Juxta Papiam vero et Glossam, sunt imputribilia et spinosa, in similitudinem albæ spinæ candida ac rotunda. *Et gemmas pretiosas. Fecitque rex de lignis thyinis fulera domus Domini et domus regiar.* Fulera, a fulciendo dicuntur. Secundum quosdam sunt apodiamenta, quibus homines innituntur cundo ne cadant. Secundum alios, fulerum vocatur pars lecti, et ponitur quandoque pro lecto seu quolibet ejus ornatu. De eisdem etiam lignis (secundum Magistrum in historiis) fecit sedilia templi atque palatii. Porro in Paralipomenon legitur : De lignis thyinis fecit gradus in domo Domini et in domo regis.
 II Par. ix, 11.
 Hinc aliqui dicunt, quod fecit ex eis gradus ad ascendendum de palatio in tem-

plum, vel quod in lateribus illius ascensus A sita erant hæc ligna pro apodiamētis. *Et citharas, lyrasque cantoribus*, id est diversa musica instrumenta, quibus utebantur Levitæ cantores in Dei obsequio. *Non sunt allata hujusmodi ligna thyina, neque visa usque in præsentem diem*, dempta hac vice et lignis præfatis exceptis.

Rex autem Salomon dedit reginæ Saba omnia quæ ipsa voluit et petivit ab eo, utpote aliqua quæ in terra promissionis abundabant, et in regno Æthiopiæ non habentur, ut sunt fructus, herbæ ac semina, quæ B regina potuit honeste postulare a rege : sicut et ipsa regina, præter ea quæ in textu leguntur, attulit et donavit Salomoni radicem balsami, de qua propagatæ sunt vineæ balsamitæ in Engaddi, ut Josephus scribit ; *exceptis his quæ Salomon ipse ultro*, id est sponte, *obtulerat ei munere regio* : quæ scilicet tanta ac talia erant, quod regalem munificentiam, magnificentiamque decebant ; et, sicut in Paralipomenon additur, erant multo plura quam quæ ipsa attulerat regi. *Quæ reversa est, et abiit in terram suam cum servis suis*. Eratque prudentissima ac studiosissima mulier : idcirco ex hoc, quod ipsa in tantum mirata est sapientiam Salomonis, innotescit excellentia sapientiæ ejus. Magnæ enim, expertæ et sapientes personæ non solent parva mirari, quæ homines imperiti ac pusilli mirantur de facili.

II Par. ix, 12.

Joann. v, 4.

Præterea, in Scholastica fertur historia : Tradunt quidam, reginam hanc rescripsisse Salomoni, quod ei præsentia literis dicere timuit, videlicet se vidisse quoddam lignum in domo Saltus, in quo suspendendus erat quidam, propter ejus mortem regnum Judæorum periret ; et certis indicis regi lignum hoc indicavit. Quod timens Salomon, in profundissimis terræ visceribus illud occultavit. Sed quomodo circa tempora Christi in Probatia piscina superenatavit, incertum est : et creditur hoc lignum dominicæ crucis fuisse. Hæc ibi. Adduntque aliqui, quod angelo in piscinam descendente et aquam movente, ut

habetur in Joanne, lignum hoc forsā superenatavit. De ista re multa leguntur, nec de incertis audeo aliquid affirmare. Tamen quantum conjicere queo, non videtur credibile, quod Salomon lignum illud sic occultasset. Habuit enim spiritum prophetiæ, et multa de Christi mysteriis novit, ut patet in Canticis ; et noverat, per Christi adventum ac passionem redimendum esse genus humanum, prout pater suus David in multis prophetaverat psalmis. Ideo non apparet, quod Christi passionem optaverit impedire ; nec verba reginæ videtur intelligere debuisse, nisi de Christi in ligno suspensione.

Erat autem pondus auri, quod offerebatur Salomoni per singulos annos, sexcentorum sexaginta sex talentorum auri, quod adduxerunt ad eum reddituarii seu receptores proventuum ejus ; *excepto eo quod offerebant viri qui super vectigalia erant, et negotiatores, universique scuta vendentes, et omnes reges Arabiæ, ducesque terræ* : sicque istud est aliud pondus a pondere C auri quod adducebatur ei ex Ophir, quod (ut in fine præcedentis capituli legitur) quadringentorum viginti talentorum fuit. Quantum autem talentum contineat juxta nostra numismata aut mensuras, ignoramus.

III Reg. ix, 28.

Fecit quoque rex Salomon ducenta scuta de auro purissimo. Scuta ista, dicuntur intus fuisse alterius materiæ, utpote æris aut ferri, et deaurata forinsecus laminis aureis magnis, quorum subjungitur quantitas : *sexcentos auri siclos dedit in laminas scuti unius*, id est, tot sicli auri expendebantur in laminas scuti unius. Verumtamen in Paralipomenon legitur : Trecenta quoque scuta aurea trecentorum aureorum, quibus tegebantur scuta singula. D Sed numerus minor non excludit majorem, et major includit minorem ; vel forsā ducenta erant eminentiæ alicujus in forma. Additur item secundo Paralipomenon : *Fecit rex Salomon et ducentas hastas aureas de summa sexcentorum aureorum, qui in singulis hastis expendebantur. Et trecentas*

II Par. ix, 16.

Ibid. 15.

peltas fecit ex auro probato forinsecus, sed A intus erant de materia alia. Unde subjungitur: *Trecentarum unarum auri unam peltam restiebant*, id est, laminæ aureæ trecentarum unarum, quamlibet peltam operiebant. Peltæ autem dicuntur brevia scuta, quæ a pellendo nomen sumpserunt, quoniam ietus repellunt: quorum (ut in Scholastica narratur historia) quedam erant rotunda, alia instar semicirculi facta: quibus utebantur custodes regis et juvenes speciosi regem egredientem extra Jerusalem præcedentes, ut ante jam dictum est plenius. *Posuitque eas rex in domo Saltus Libani.*

Fecit etiam rex Salomon, id est, per manus Hiram artificis fieri fecit, *thronum de ebore grandem*, id est magnam sedem regalem eburneam: atque, ut Josephus sentit, † fuit de marmore porphyrio, id est purpureo, secundum Priscianum, vel a loco sic appellato: *et vestivit eum auro fulvo nimis*, id est rubeo valde: et dicitur fulvum a Fulgeo, quoniam maxime splendet.

Qui habebat sex gradus, quibus ascendebatur ad solium, ut in Paralipomenon additur, hoc est ad locum sessionis; *et summitas throni, rotunda erat in parte posteriori*: quemadmodum in cathedris ligneis fieri solet. Magister in historiis ait, quod reclinatio throni posterior erat rotunda (id est auriculare cui caput incumbebat sedentis), sedens super vitulum respicientem, id est retro adspicientem. *Et duæ manus hinc atque inde*, videlicet in parte anteriori et posteriori, *tenentes sedile*, videlicet ipsum thronum. In Paralipomenon scribitur, Et brachiola duo altrinsecus: sicque similitudo manus, ratione sustentationis, vocatur brachiolum, et quia aliquid de similitudine brachii ei adhæsit.

Et duo leones aurei stabant juxta manus singulas, pro ornatu: sicque manibus illis existentibus quatuor, erant octo sculpti leones; vel si manus erant duæ, leones quatuor erant: sed primum magis apparet. *Et duodecim leueneuli aurei sculpti, stantes super sex gradus præfatos, hinc*

atque inde, id est ex utraque parte gradus cujuslibet, ita quod duo leueneuli pertinebant ad unum gradum, uno leueneulo stante ex uno latere gradus, et altero ex alio latere. Additur quoque in Paralipomenon, quod thronus habuit aureum scabellum. *Non est factum tale opus in universis regnis*, id est, in nullo alio regno factus est thronus tam speciosus ac pretiosus.

Sed et omnia vasa de quibus potabatur rex Salomon, id est scyphi et amphoræ ex quibus ipse et sui commensales bibebant, *erant aurea*. Hinc in Paralipomenon scriptum est: Omnia vasa convivii regis aurea erant. *Et universa suppellex*, id est massariaticum*, *domus Saltus Libani*, de qua dictum est supra, *de auro purissimo erat facta*. In Paralipomenon fertur: Vasa domus Saltus Libani ex auro purissimo.

Non erat argentum, supple, magnæ æstimationis: ideo subditur, *nec alicujus pretii*, id est modici valoris, *putabatur*, præsertim in Jerusalem, *in diebus Salomonis*. Unde in Scholastica historia recitatur: Sedilia ante fores domorum plurima in Jerusalem argentea erant. *Quia classis regis per mare Rubrum*, ut in præcedenti insinuat capitulo, *eum classe Hiram regis*: unde elicitur, quod saltem interdum miserunt classes distinctas et plures, seu uterque eorum suam; *semel per tres annos ibat in Tharsis*. Tharsis, videtur hic sumi pro præfacto Indiæ loco, quamvis interdum sumatur pro urbe quadam Ciliciæ; et juxta Hebræos, Tharsis generaliter mare designat; atque, ut legitur in Genesi, unus filiorum Javan filii Japhet, vocatus est Tharsis. *Deferens inde aurum et argentum in copia, et dentes elephanthorum*, qui speciales habent virtutes. Quidam tamen per dentes elephanthorum, intelligunt petines inde factos. *Et simias*, quæ sunt bestię ridiculosæ, ad solatium provocantes; *et pavos*, id est pavones, quorum pulchræ et diversicolores sunt pennæ, et quasi imputribilis caro. Unde in libro de Civitate Dei loquitur Augustinus: Quis dedit carni pavonis imputribilitatem?

II Par. ix, 18.

Ibid. 20.

* massariaticum
III Reg. vii, 2-8.
II Par. ix, 20.

III Reg. ix, 26.

Gen. x, 4.

Magnificatus est ergo rex Salomon super omnes reges terræ, qui suo tempore erant, divitiis et sapientia, ita quod in illis duobus simul sumptis, nullus rex tunc eum excessit, quamvis forsitan tunc aliqui reges Indiæ fuerint ditiores. Istud tamen supra in expositione superiorum plenius fuit expositum. Et universa terra desiderabat vultum Salomonis, id est, quidam de habitatoribus omnium territoriorum, præsertim reges et principes ad quos fama ejus pervenit, cupiebant eum videre, ut audirent sapientiam ejus, quam dederat Deus in corde ejus. Et singuli deferebant ei munera, vasa argentea et aurea, vestes et arma bellica, aromata quoque et equos et mulos, per annos singulos. Congregavitque Salomon currus et equites, et facti sunt ei mille quadringenti currus, et duodecim millia equitum. Et disposuit eos per civitates munitas, et cum rege in Jerusalem. Fecitque ut tanta esset abundantia argenti in Jerusalem, quanta et lapidum: quod per hyperbolen dicitur, ad innuendum magnam valde abundantiam argenti ibidem; et cedrorum præbuit multitudinem quasi sycomoros, quæ nascuntur in campestribus, quum tamen cedri sint ligna pretiosa, sycomori vilia. Sycomori etenim dicuntur quasi fatuæ ficus, quia in foliis moro sunt similes, in aliis ficui.

II Par. ix,
25.

Verum prædictis de numero currum et equitum Salomonis, videtur illud secundi Paralipomenon non concordare: Habuit Salomon quadraginta millia equorum in stabulis, et currum equitumque duodecim millia. Ad quod (juxta præhabita) respondere quis poterit, quod currus quandoque sumantur pro equis trahentibus currum; quatuor quoque equos, pertinuisse ad currum unum; vel notabiliores currus exprimuntur in Regum. Quocirca iterum quæritur, an Salomon peccavit, congregando tot opes. Videtur quod non, quia Scriptura videtur hæc recitare in præconium Salomonis. Nullus autem in Scripturis commendatur de vitio. Quod autem in isto peccaverit, apparet, quia egisse vide-

atur contra illud Deuteronomii: Quum constitutus fuerit rex, non multiplicabit sibi equos, neque argenti et auri immensa pondera. Ad istud arbitror respondendum, quod nisi Salomon dicatur tot et tantas opes, quadrigas et equos congregasse ex divino instinctu, ad declarandum quam plene suo tempore Deus implevit ea, quæ per Moysen de prosperitate filiis Israel bene viventibus repromisit, videtur excessisse in illis.

Deut. xvii,
16, 17.

Et educebantur equi Salomoni de Ægypto, et de Coa, loco sic dicto, ubi meliores equi inveniebantur: ideo ibi empti, perducebantur ad regem. Unde subjungitur: Negotiatores enim regis emebant equos de Coa, et statuto pretio, quod eis pro eorum labore dabatur, vel quod ipsi exposuerunt pro equis, perducebant equos ad Salomonem. Circa hæc refert Lyra, quod Coa secundum Rabbi Salomonem, sit hic nomen appellativum, significans societatem: ut sit sensus, quod negotiatores Salomonis emerunt omnes equos Ægypti, ita quod alii reges non poterant habere nisi per mercatores Salomonis, qui equos quos emerant, aliis carius vendiderunt: ex quo regi magnum lucrum provenit. Sed istud fictum videtur, quia fuisset quæstus (ut apparet) inhonestus ac turpis, in eodem loco sic emere levius et vendere carius; nec deceuit regem tam sapientem ac opulentum, quærere lucra hujusmodi; fuisset quoque aliorum provocativum. Egrediebatur autem quadriga ex Ægypto sexcentis siclis argenti, et equus centum quinquaginta. Atque in hunc modum cuncti reges Hethæorum et Syriæ equos venundabant. Per quadrigam hoc loco intelliguntur equi curruales sen currum trahentes; et quod quatuor equi, patet ex hoc, quod dicitur, unus equus centum quinquaginta siclis exisse Ægyptum: sicque duo equi pro trecentis, et quatuor equi pro sexcentis siclis egrediebantur. Est itaque sensus, quod quadriga, id est quatuor equi, egrediebatur, id est, empta educebatur de Ægypto pro siclis sexcentis argenteis.

ARTICULUS XVII

SPIRITUALIS EXPLANATIO EJUSDEM CAPITULI DECIMI.

PER reginam Saba Æthiopissam, præfigurabatur Ecclesia ex gentibus congregata, olim vitiis denigrata: quæ audito rumore prædicationis et sapientiæ, virtutum, miraculorumque Christi, concupivit ejus audientiam et adspectum. Nam et Christo corporaliter adhuc inter Judæos conversante ac prædicante, multi gentili-
Marc. iii, 8;
Matth. iv, 25.
 lum ex Tyro, Sidone, Syria, Idumæa atque Decapoli, confluerunt ad eum, sicut ex Evangelio comprobatur. Unde et in die Palmarum quidam eorum dixerunt Philippo apostolo: Domine, volumus Jesum
Joann. xii, 21.
 videre. Deinde Christo in cælum assumpto, prædicantibus undique gloriosis Apostolis, multi gentiles mirabilia Christi audientes, festinaverunt ad ipsum, et per fidem atque Baptismum facti sunt ejus filii atque discipuli.

Sicque Ecclesia ingressa est Jerusalem, id est, primitivæ Ecclesiæ ex Judaismo conversæ unita, et unum cum illa mysticum corpus effecta, cum comitatu multo, quia conversi gentiles quamplures, facti sunt evangelicæ legis prædicatores eximii, quemadmodum beatissimi viri Clemens, Dionysius, Ignatius, Polycarpus, alique innumerabiles, qui et innumerabilia millia converterunt, et secum duxerunt ad vere sapientissimum Salomonem, Dominum Salvatorem. Venit quoque Ecclesia ista cum multis divitiis corporalibus, quas tamen propter Christum reliquit; cum spiritualibus quoque divitiis, id est naturalibus donis, intellectu, voluntate, synderesi, scientiis ac virtutibus acquisitis. Nam quidam eorum fuerunt magni philosophi, et in lege
 naturæ laudabiliter conversati. Et cum camelis, id est idiotis carnalibusque hominibus: imo omnes ratione idololatriæ ac

A carnalium vitiorum, poterant dici cameli onere iniquitatum multipliciter prægravati: qui tamen properando ad Christum, portaverunt secum aromata, id est bonarum affectionum fragrantiam, bonæ indolis suavitatem, et aurum, id est sapientiam naturalem, atque argentum, id est eloquentiæ venustatem; et gemmas pretiosas, quoniam multi eorum valde erant studio virtutum intenti. Pretiosæ etiam gemmæ, sunt opera bona ex genere, aut certe meritoria, quæ quidam habebant ante Baptismum in lege naturæ, cum fide saltem implicita Christi venturi. Talis fuit Cornelius cen-
 turio, qui timuit Deum cum omni domo seu familia sua: cujus orationes et elemosynæ erant Deo acceptæ, antequam a principe Apostolorum sacratissimo Petro verbum Dei audivit.

Act. x, 2, 4.

Hæc Ecclesia (de qua fertur in Psalmo, Adstitit regina a dextris tuis: et in Apocalypsi, Mulier amicta sole, et in capite ejus corona stellarum duodecim) locuta est Christo quæcumque erant in corde suo, vel in sacramentali confessione, sacerdotibus Christi vicariis confitendo, vel in devotionali allocutione, juxta illud in Threnis: Effunde sicut aquam cor tuum ante conspectum Domini Dei tui. Docuit eam Salomon: quoniam Christus per illuminationem internam, et Apostolorum aliorumque Sanctorum prædicationem, de omnibus necessariis ad salutem instruxit Ecclesiam.

Ps. xlv, 10.

Apoc. xii, 1.

Thren. ii, 19.

Quæ perpendens omnem Christi sapientiam, et domum quam edificaverat, id est primitivam Ecclesiam ex Judæis, et cibos mensæ, id est multiplicem expositionem Scripturæ ac sanctorum Patrum doctrinas, ecclesiastica quoque sacramenta, præsertim corpus et sanguinem Salvatoris, et ha-

bitacula servorum ejus, videlicet claustra A *auri, et aromata multa, et gemmas pretiosas*, et quidquid boni habuit in naturalibus et acquisitis, in habitibus et operibus, Christo adscripsit humiliter; et deinceps odorem bonæ famæ, meritoria opera, sapientiamque infusam obtulit ei. *Non sunt allata ultra aromata tam multa*: quia Ecclesia in donis gratiæ ac virtutum, cunctisque charismatibus Spiritus Sancti, abundavit præ ceteris populis universis. *Classis Hiram*, id est rete prædicationis eorum qui ex paganismo conversi sunt, attulit B Christo *ex Ophir ligna thyina*: quia usque in Indiam processerunt, et inde præclarissimos viros adduxerunt per fidem et caritatem ad Dominum, qui vitiorum putredinem deinceps vitarunt, nec verborum foliis defluerunt. Ex quibus Christus *fecit fulcra*: quia fecit eos aliorum columnas ac sustentamenta; *et citharas, lyrasque cantoribus*: quoniam tanta gratia sunt repleti, tot meritis decorati, quod laudatores Dei ex eis accipiunt copiosam divinæ laudis materiam, laudantes Deum in Sanctis C suis. *Salomon dedit reginæ Saba omnia quæ voluit*. Sic Christus exaudit copiosissime preces Ecclesiæ, ac multo meliora dona dat ei, quam ab ipsa accipiat. *Fecit quoque ducenta scuta aurea*. Hæc sunt fidei formatæ munimenta. Unde ait Apostolus: Sumentes scutum fidei, in quo possitis omnia tela nequissimi ignea extinguere. *Et peltas*: quæ sunt armaturæ spei, quæ facit hominem ad Deum confugere, et ipso tutari. Quis enim speravit in Domino, et derelictus est? *Fecit etiam rex Salomon thronum de ebore grandem*. Per thronum istum significatur Christifera ac præstantissima virgo Maria, ejus caro instar eboris fuit purissima, nullo unquam inordinato motu pulsata: quæ fuit auro rubicundissimo, id est ardentissima caritate, vestita; habens sex gradus virtutum, quia per humilitatis profunditatem, mansuetudinis tranquillitatem, patientiæ immobilitatem, fortitudinis constantiam, paupertatis amorem, castimoniæ sinceritatem pervenit ad summam perfe-

Luc. x, 23.

Ps. lxxxiii, 5.

Ps. xxx, 20, 21.

Joann. xx, 17.

Matth. iii, 17; xvii, 5;

Marc. i, 11;

Luc. iii, 22; ix, 35.

Ps. cxl, 1.

Ephes. vi, 16.

Eccli. ii, 11, 12.

etionem, et per gradus præfatos ad ipsam A ascendimus; ejus *summitas* fuit *rotunda*, quia perfectio ejus sicut a Deo effluxit, sic eam ipsa ad Deum plene reduxit. *Et duæ manus tenentes sedile* : quia in Virgine gloriosissima fuit utriusque vitæ, scilicet contemplativæ et activæ, operatio, quæ eam in cunctis roboravit in Deo. *Et duo leones stabant juxta manus singulas*. Duo isti leones sunt, magnanimitas cordis, et robur stabilis voluntatis, seu firmitas mentis in prosperis ac adversis. *Et duodecim leunculi stantes super sex gradus*. Duodecim isti leunculi, possunt intelligi duodecim evangelica consilia Christi, quibus audacter pugnamus contra omnem aciem vitiorum et invisibilium inimicorum; vel duodecim gradus humilitatis, seu duodecim prærogativæ Virginis excellentissimæ, quas in sermone assignat S. Bernardus; vel certe duodecim fructus Spiritus, quos ad Galatas ponit Apostolus. *Aureum* vero *scabellum*, est fidei formatæ fundamentum. *Non est factum tale opus in universis regnis* : quia nullus Sanctorum sanectarumve feminarum, præstantissimæ Virgini est æqualis, quam is qui ex ea nasci dignatus est, incomparabiliter et prorsus ineffabiliter decoravit, dignificavit et sublimavit.

Rursus, per thronum istum potest Ecclesia designari, in qua Christus residet, regnat et judicat. Et quoniam scriptum est, Anima justi sedes est sapientiæ, potest per thronum quæcumque virtuosa persona seu anima accipi. Thronus quoque est sancta religio. Et ex præinductis faciliter potest perpendi, qualiter istis spiritualiter queant aptari ea quæ dicta sunt de Virgine matre, aut consimilia.

Omnia vasa de quibus potabat rex, aurea erant. Vasa ista sunt corda devota, quæ membris Christi potum sapientiæ et doctrinæ effundunt, atque cœlestium influxionem donorum suscipiunt, ac caritatis fulgore aurea fiunt. Iterum, vasa ista sunt sacræ Scripturæ volumina supernaturalis sapientiæ contentiva, quibus recreantur,

et reficiuntur ac refrigerantur Christifideles, et ipse Salvator in membris suis. Argentum in diebus illis pro nihilo reputabatur : quia in Christi Ecclesia modicum reputatur facundia seu acquisita vel naturalis scientia, quam non informat, ornat ac perficit laudabilis vita, caritasque infusa et obedientia vera : imo scienti et non facienti, peccatum est illi. *Quia clas-*

Jacob. iv, 17.

B Classis Salomonis est Ecclesia Christi primitiva ex Judæis collecta, quæ obstinatis Judæis tandem relictis, ad informationem est profecta gentium : quæ gentes nomine Tharsis, id est maris, signantur, quoniam instar fluctuum marinorum erant vitiis inquietæ, amaræ, et numero copiosæ. Porro per classem Hiram accipitur Ecclesia ex gentilitate conversa, quæ sanctis Apostolis et aliis Christi discipulis cooperata est in gentilium conversione, mittens et ipsa hinc inde filios suos ad gentes erudiendas.

C Sicque istæ Ecclesiæ attulerunt Christo viros ferventes et sapientes, qui auri nomine exprimuntur; et argentum, id est fama claros et eloquentia resonantes, in præceptorum observantia diligentes, quamvis nondum perfectos; et dentes elephantor, id est disputatores egregios, qui dente disputationis fidem persuaserunt ac defenderunt; ac simias, id est etiam imperfectos, leves, pusillos, qui instar simiarum in quibusdam assimilantur virtutis hominibus, atque in multis deficiunt D ab eisdem, sicut et simiæ ab hominibus, quia adhuc leves et ludieres sunt: ac pavones, per quos divites, nobiles et potentes hujus sæculi exprimuntur, quorum aliqui tam ex Judæis quam ex gentibus crediderunt, qui instar pennarum pavonicarum suis nobilitatibus, opulentiis, potestatibus, familiis, vestibus ornabantur. Denique pavo dicitur habere caput instar serpentis; vocem terroris, quia horribilem fundit sonum; gressum latronis, quia latenter progreditur; pennam decoris mul-

Galat. v, 22, 23.

Sap. vii, 27.

tipliciter coloratam ac speciosam; carnem A imputribilem, turpesque pedes. Et sic per pavonem intelliguntur viri religiosi ac spirituales, qui sunt prudentes sicut serpentes, et vocem orationis dæmonibus metuentam [emittunt], insidiasque invisibilium adversariorum observant, ac latenti virtutum progressu sanitatem suam occultant, exereitiis quoque observantiæ regularis pulcherrime decorantur, et per continentiam a carnalium putredine abstinent vitiorum. Hos Christo adduxit navis Ecclesiæ, de qua in libro Proverbiorum fertur, B

Faeta est quasi navis institoris de longe *Prov. xxxi* 14. portans merces suas.

Sic tandem universa terra, id est fideles toto orbe terrarum diffusi, faciem Christi videre, et ejus sapientiam pereipere cupierunt; obtuleruntque ei munera spiritualia et corporalia, imo et corpora sua et animas, et ita spiritualibus ac divinis charismatibus Ecclesia Christi præ ceteris quasi incomparabiliter est repleta, habens illuminatissimas ac devotissimas personas in abundantia tanta, ut sycomori et lapides solent haberi.

ARTICULUS XVIII

DECLARATIO CAPITULI UNDECIMI : REX AUTEM SALOMON ADAMAVIT MULIERES ALIENIGENAS.

RECITATIS prosperitate et excellentia Salomonis, nunc enarratur ejus adversitas, impietas et insipientia. *Rex autem Salomon adamavit mulieres alienigenas*, id est gentiles, *multas* : quas duxit uxores contra legem et ex irrationabili causa, quia non cepit eas in prælio, nec converterat eas ad Judaismum, neque pro pæce communitatis, sed desiderio voluptatis ad eas ingressus est; *filiam quoque Pharaonis*, quæ fuit ejus uxor prima, principalis, carissima : quam an licenter C accepit, discussum est supra; *et Moabitidas, id est de stirpe Moabitarum, et Ammonitidas, et Idumæas, et Sidonias, et Hethæas* : de gentibus, super quibus dixit Dominus filiis Israel, id est, de quibus præcepit Hebræis : *Non ingrediemini ad eas, neque de illis ingredientur ad vestras*, per copulam carnalem aut conjugalem. Istud quippe prohibuit Dominus in Exodo, et libro Numerorum et Deuteronomii. *Certissime enim avertent corda vestra a cultu unius veri Dei, nisi fuerint ad ejus fidem D ac cultum conversæ, ut sequamini deos*

earum, illos colendo. Feminea etenim blandimenta, obleetamenta, importunæque preces virilem animum sic enervant, fleetunt et vineunt.

His itaque copulatus est Salomon ardentissimo amore : qui amor ἔρως appellatur, et est pessimus amor, rationi omnino prædominans, et rationalem creaturam quasi in brutum convertens, ita ut non sapiat nisi carnem, et ejus concupiscentiis sit prorsus subjectus. *Fueruntque ei uxores quasi reginæ septingentæ*. Josephus ait, Septuaginta. Dicuntque aliqui, quod tot erant principiores, vel quod reginis connumerantur earum pedissequæ. Alii dicunt, quod juxta litteræ veritatem erant septingentæ : non quod omnes fuerint filiæ regum gentilium, sed reginæ vocantur, utpote regi nuptæ. Et addunt, Salomonem ad tantam carnalitatem prolapsam, quod delectabatur frequenter habere adolescentulas virgines : quemadmodum narratur de Assuero, quod quasi quotidie recentem *Esther ii* 3, 14. habuerit. Nempe libido quo magis extenditur et vagatur, eo plus furit; nec usu

Deut. xxi, 11-13.

III Reg. iii, 1.

Exod. xxxiv, 16; *Num.*

xxxvi, 7, 8; *Deut.* vii, 3, 4.

suo restringitur, sed insanissime dilatatur. *Et concubinae trecentae. Et auerterunt mulieres cor ejus.*

Quumque jam esset senex, depravatum est cor ejus per mulieres, quum tamen in senibus soleat libido remitti, et avaritia augmentari : estque inhonestissimum in antiquis, agitari concupiscentiis carnis, et ineffabiliter scandalosum in praesidentibus, potissimum in his qui sapientes et docti fuerunt : ut sequeretur deos alienos : nec erat cor ejus perfectum cum Domino Deo suo, sicut cor David patris ejus. Sed colebat Salomon Astartem deam Sidoniorum : quae alio nomine dicitur Juno, fuitque uxor ac soror Jovis : et Chamos deum Moabitarum. In libro Judicium legitur, Jephthe mandasse regi Ammonitarum, Nonne ea quae possidet Chamos deus tuus, jure tibi debentur? Quomodo ergo Chamos nunc appellatur deus Moabitarum, praesertim quum in Jeremia dicatur, Si mutavit gens deos suos? quasi dicat, Non mutavit. Ad quod dici potest, quod interdum tempore procedente, nunc istud, nunc illud idolum amplius coluerunt. Ammonitae quoque et Moabitae loco et natione propinqui, communicasse creduntur in suorum cultu deorum. *Et Moloch idolum Ammonitarum.* Unde in Levitico praecipitur, De semine tuo non dabis, ut consecratur idolo Moloch. *Fecitque Salomon quod non placuerat coram Domino, et non adimplevit ut sequeretur Dominum sicut David pater ejus.*

Tunc edificavit Salomon fanum, id est templum, ipsi Chamos idolo Moab in monte qui est contra, id est ex opposito, quantum ad situm, Jerusalem, utpote in monte Oliveti e regione templi Dei : quod vehementer displicuit Deo, quia et idololatria ibi facta, a tota poterat civitate videri : sicque fuit maxime scandalizativa plebis ad idololatriam inclinatae : ideo locus ille dictus est postea locus et mons Offensionis. Et Moloch idolo filiorum Ammon. Atque in hunc modum fecit universis uxoribus suis alienigenis, quae adolebant

Athura et immolabant diis suis : id est, omnibus illis quae ejusdem cultus seu idololatriae erant, fecit fanum unum.

Præterea habuit quoque concubinas trecentas, de quibus non videtur dicendum, quod fuerunt uxores ejus legitimæ ac secundariæ, prout de concubinis David dictum est supra. Non enim oportet Salomonem excusari a fornicatione hujusmodi, qui nec ab idololatria excusatur. Ad tantam autem carnalitatem videtur occasionaliter esse prolapsus post consummationem ædificiorum, in quibus diu et multum fuit occupatus, ex quiete et otio, opulentia et nimia prosperitate : sicque carnalitate hæc victus, ad idololatriam lapsus est. Non fuit tamen sic excecatus, quod putavit idola honoranda, aut aliquid numinis esse in eis, sed ne suas contristaret delicias, id est uxores : quemadmodum Adam comedit de fructu vetiti ligni, non quod crederet promissioni serpentis, quia in hoc (secundum Apostolum) non fuit deceptus, sed ne Evam contristaret, non conformando se ei in esu illo, prout Augustinus libro de Civitate Dei testatur.

Igitur iratus est Dominus Salomoni, quod aversa esset mens ejus a Domino Deo Israel, qui apparuerat ei secundo, et præceperat de verbo hoc, ne sequeretur deos alienos, et non custodivit quae mandavit ei Dominus. Dixit itaque Dominus Salomoni, vel in visione, sicut apparuerat ei semel in Gabaon ante templi constructionem, et postea semel in Jerusalem, templo jam consummato, vel per Prophetam aliquem, atque (ut aliqui opinantur) per Nathan prophetam : Quia habuisti hoc apud te, id est, in tantis sceleribus tam immansive et incorrigibiliter excessisti, et non custodisti pactum meum, et præcepta mea, quae mandavi tibi, disrumpens scindam regnum tuum, id est, populum tibi subjectum in duas dividam partes, et dabo illud, id est partem majorem, servo tuo, puta Jeroboam, qui fuit unus officialium Salomonis. Istud justissime fecit Deus. Nam ex quo Salomon subtraxit et minuit

II Reg. v, 13; xv, 16; xx, 3.

Gen. iii, 6.

I Tim. ii, 14.

III Reg. iii, 5.

Ibid. ix, 2.

Judic. xi, 24.

Jer. ii, 11.

Lev. xviii, 21.

cultum et honorificentiam Dei, decuit ejus regium minorari honorem. *Verumtamen in diebus tuis non faciam, propter David patrem tuum, quem in te filio suo volo sic honorare, ad declarandum merita ejus.*

III Reg. xii. *De manu filii tui scindam illud, ut sequenti narratur capitulo. Nec totum regnum auferam, sed tribum unam dabo filio tuo, præter tribum Juda, ut quidam exponunt. Unde et quidam ait : Tribus Juda non fuit filio Salomonis data, quia*

I Cor. iv, 7. *fuit sua. Sed dicit Apostolus : Quid habes quod non accepisti? Ideo non fuit sic sua, quin etiam data : imo dum Dominus dixit hæc, nondum fuit sua, quia necdum cœpit regnare. Infra quoque in isto capitulo legitur, Una tribus remanebit ei, id est Salomoni seu filio ejus ; et ibi per unam tribum intelligitur tribus Juda : ideirco et hic dum dicitur, Tribum unam dabo ei, per tribum unam intelligenda videtur tribus Juda, quæ principaliter ac directe ex intentione data est filio Salomonis ; tribus autem Benjamin quasi ex occasione, quia in medio tribus Juda manebat ; tribus vero*

III Reg. xii, 31 ; II Par. xi, 14. III Reg. xii, 20. *Levi, quia Jeroboam ejecit eam, ut dicitur infra. Hinc quoque sequenti habetur capitulo : Nec secutus est quisquam domum David præter tribum Juda solam. Propter David servum meum, et Jerusalem quam elegi, id est, propter continuandum cultum meum in urbe Jerusalem, in qua templum est, et quam ad locum templi ac cultus divini elegi, quem cultum prævideo in aliis tribubus cessaturum ; vel, Propter Jerusalem, id est habitantes devotos et sanctos qui fuerunt tempore David, et postea ibi.*

Suscitavit autem Dominus Salomoni sic transgresso adversarium, Adad Idumæum de semine regio, qui erat in Edom, id est, regum Idumæorum. Quum enim esset David in Idumæa, et ascendisset Joab princeps militiæ ad sepeliendos eos qui fuerant interfecti de Idumæis ab exercitu David : quos jussit occisos misericorditer sepeliri, quoniam Idumæi et filii Israel nati erant ex duobus fratribus, scilicet Esau et Jacob, et quoniam in Deuteronomio scriptum est :

A Non abominaberis Idumæum, quia frater tuus est ; et occidisset omne masculinum in Idumæa (sex enim mensibus ibi moratus est Joab et omnis Israel, donec interimeret omne masculinum in Idumæa), fugit Adad ipse et viri Idumæi de servis patris ejus cum eo, ut ingrederetur Ægyptum. Erat autem Adad puer parvulus.

Quumque surrexissent de Madian, hoc est, urbe seu territorio Madianitarum. Madian quippe interdum est nomen provinciæ, interdum proprium nomen civitatis in illa ; quandoque proprium nomen viri nati ex Abraham et Cetura, ut patet in Genesi. Venerunt in Pharan : quod quandoque est nomen urbis in terra præfata inter Madian et Ægyptum ; quandoque nomen partis deserti inter Ægyptum et Chanaan, ut patet in Numeris. Tuleruntque secum viros de Pharan, et introierunt Ægyptum, ad Pharaonem regem Ægypti. Qui dedit ei domum, et cibos constituit, et terram delegavit. Et invenit Adad gratiam coram Pharaone valde condolenti regio adolescenti ita fugato, in tantum ut daret ei uxorem, sororem uxoris suæ germanam Taphnes reginæ. Taphnes quandoque est proprium nomen loci sic dicti in Ægypto, juxta illud Jeremiæ : Venerunt usque ad Taphnes. Hic autem est proprium nomen conjugis Pharaonis reginæ Ægypti. Nam subditur : Genuitque ei soror Taphnes Genubath filium, et nutrit eum Taphnes in domo Pharaonis. Eratque Genubath habitans apud Pharaonem cum filiis ejus.

Quumque audisset Adad in Ægypto, dormisse David cum patribus suis, et mortuum esse Joab principem militiæ, Salomonem quoque infatuatum, ut in Scholastica historia additur, dixit Pharaoni : Dimitte me, ut vadam in terram meam. Dixitque ei Pharaon : Qua enim re apud me indiges, ut quæras ire ad terram tuam? At ille respondit : Nulla. Sed obsecro te, ut dimittas me ad Idumæam, de qua natus sum : et jure successionis competeret mihi. Unde et spe atque affectu recuperandi eam rediit illuc.

Subditur de secundo adversario Salomonis. *Suscitavit quoque Dominus ei adversarium Razon filium Eliada, qui fugerat Adarezer regem Soba dominum suum, id est regionis sic dictæ in Syria : de quo re-*
ge dictum est libro secundo. Et congregavit contra eum viros, et factus est princeps latronum, quum interficeret eos David, id est quosdam eorum. Et abierunt Damascus, et habitaverunt ibi et constituerunt eum, id est ipsum Razon, regem in Damasco. Eratque adversarius Israeli cunctis diebus Salomonis. Nec obest quod dictum est, Salomonem in summa pace regnasse, et ex omni parte pacem habuisse : quia quod modicum est, pro nihilo reputatur. Nec Razon iste audebat aut poterat publice impugnare regem aut populum Israel, sed corde magis quam opere adversarius fuit regis. Hinc item elicitur, quod non fuit suscitatus a principio contra Salomonem propter ejus peccata, quia diu justus permansit ; sed permissive a Deo fuit suscitatus ex propria invidia contra Salomonem, eo quod David latrones socios suos occiderat. Salomone autem infatuato, suscitatus fuit a Domino in ultionem eriminum Salomonis, et tunc magis nocere conatus est. Et hoc est malum Adad et odium contra Israel. Quare non ait, Hoc est malum Razon ? Respondetur, quod Adad confortavit ipsum Razon contra Salomonem, adjuvitque eum, ut rursus juvaretur ab eo ad obtinendum Idumæam Salomone invito. Regnavitque in Syria.

Jeroboam quoque filius Nabat Ephraetæus de Sareda, servus Salomonis, cujus mater erat nomine Sarva mulier vidua, levavit manum contra regem. Dicunt aliqui, quod Nabat pater hujus Jeroboam, fuit ipse Semei quem Salomon interfecit, ut dictum est supra. Sed hoc falsum videtur, quia ut patuit, Semei fuit de Benjamin, Nabat de Ephraim. Et hæc est causa rebellionis contra eum, quia Salomon edificavit Mello, et coæquavit voraginem civitatis David patris sui, hoc est, muros a radice illius voraginis, præcipitii seu foveæ exci-

dit, et exaltavit, ut eos æquaret civitati David seu arcis Sion in alto, prout istud secundo Regum libro magis expositum est. Erat autem Jeroboam vir fortis et potens ; vidensque Salomon in arte physiognomiae peritissimus, adolescentem Jeroboam esse bonæ indolis, id est a natura bonæ inclinationis, et aptum ad prudentiam et virtutes, et industrium, id est perspicacem, constituerat eum præfectum super tributa universa, vel, ut aliqui legunt, universæ domus Joseph, super vectigalia recipienda : et per domum Joseph quidam intelligunt tribum Ephraim et Manasse ; alii tribum Ephraim, et mediam tribum Manasse habitantem citra Jordanem : quod verius reor. Alia namque medietas tribus Manasse, sita ultra Jordanem, computabatur cum tribubus Ruben et Gad, quæ habuerunt suos præfectos.

Dicunt aliqui, quod Salomon primo constituit eum præfectum ædificii Mello, deinde super vectigalia domus Joseph : quod Magister in historiis tenet. Alii, quod primo posuit eum in officio præfecturæ prædictæ, postea super ædificii opus : propter quod indignatus, quod de majori officio ad minus depositus fuit, exivit Jerusalem. Sed primum verius aestimatur. Quum enim fuisset Salomonis judicio aptus ad tam magnum officium, non est verisimile, quod posuerit eum in tam parvo officio ; sed quum industriam ejus fuisset expertus in minori, ad majus eum promovit : et hoc etiam Josephus dicit. Nec propter operis illius non diu durantis præfecturam, oportuisset eum a majori deponi officio. Denique, si de illa depositione fuisset indignans, fuisset ambitiosus, et per consequens indignus regali præsentia super populum adhuc fidelem : quod non apparet. Nam eo tempore quo Deus sibi prædixit, quod promoveret eum in regem super decem tribus, videtur fuisse dignus et bonus. Quidam Hebræi dicunt, quod Jeroboam redarguit Salomonem ob hoc, quod locum illum Mello fecit claudi, quem David dimisit apertum, propter devotionem

II Reg. viii, x.

III Reg. iv, 24.

Ibid. ii, 46.

II Reg. xvi, 5.

venientium in Jerusalem in festis præcipuis : unde Salomon indignatus, eiecit eum.

Factum est igitur in tempore illo, ut Jeroboam egrederetur de Jerusalem, et inveniret eum non casu, sed ex præostensione et admonitione divina, Ahias Silonites propheta, id est oriundus de oppido Silo aut commoratus ibidem, in via, opertus pallio novo. Erant autem duo tantum in agro. Apprehendensque Ahias pallium suum novum, quo coopertus erat : quod tunc ex proposito induit, tanquam rem novam nuntiaturus, et viro noviter in regem promovendo locuturus, atque ut ex novi pallii tam multiplici scissione prophetia sua magis attenderetur ac crederetur; scidit illud in duodecim partes, juxta numerum tribuum Israel, non ex insania, sed quia Prophetæ frequenter prophetaverunt, non verbis dumtaxat, sed etiam rebus : quemadmodum Ezechiel fodit parietem, et exivit per eum efferens vasa transmigrationis ; sic et Isaias ivit discalceatus et nudus, Jeremias posuit ligneas catenas in collo suo.

Ezech. xii, 7.

Is. xx, 2.

Jer. xxvii, 2; xxviii, 12, 13.

Et ait ad Jeroboam : Tolle tibi decem scissuras, id est decem partes pallii scissi ad præfigurandum quod super decem tribus regnabis. Hæc enim dicit Dominus Deus Israel : Ecce ego scindam regnum de manu Salomonis, et dabo tibi decem tribus. Porro una tribus remanebit ei, propter servum meum David, et Jerusalem civitatem, quam elegi ex omnibus tribubus Israel : eo quod dereliquerit me, et adoraverit Astarten deam Sidoniorum, et Chamos deum Moab, et Moloch deum filiorum Ammon ; et non ambulaverit in viis meis, ut faceret justitiam coram me, et præcepta mea et judicia, sicut David pater ejus. Nec auferam omne regnum de manu ejus, sed ducem ponam cum cunctis diebus vitæ suæ propter David servum meum, quem elegi, qui custodivit mandata mea et præcepta mea. Auferam regnum de manu filii ejus, et dabo tibi decem tribus. Filio autem ejus, hoc est Roboam filio Salomonis, dabo tribum unam, sicut expositum est, ut remaneat lucerna, id est

A clarum memoriale, servo meo David, cunctis diebus coram me, in Jerusalem civitate, quam elegi ut esset nomen meum ibi. Te autem assumam, et regnabis super omnia quæ desiderat anima tua, erisque rex super Israel.

Si igitur audieris omnia quæ præcepero tibi, et ambulaveris in viis meis, et feceris quod rectum est coram me, custodiens mandata mea et præcepta mea, sicut fecit David servus meus : ero tecum, et ædificabo tibi domum fidelem, quomodo ædificavi

B David domum, et tradam tibi Israel ; et affligam semen David super hoc, hoc est, de hac regni Davidici divisione affligam posteris atque domesticos Salomonis : quia in corporalibus filii quandoque puniuntur pro peccatis parentum, prout declaratum est sæpius ; verumtamen non cunctis diebus. Nam, ut infra habetur, regnum decem tribuum habuit finem sub rege Osee tempore Ezechiae ; vel ideo dictum est hoc, quoniam quidam boni de semine David descendentes, non doluerunt de illa divisione, in quantum fuit opus divinæ justitiæ. Aliqui vero etiam Hebræi exponunt hoc, quia in adventu Messiae omnes tribus Israel colliguntur sub Messiae dominio, sicut in Zacharia, Ezechiele et Isaia prædictum est : et vera est expositio ista, quamvis non secundum infidelium Judæorum intentionem. In Christo quippe adunati sunt electi Judæi ex cunctis tribubus Israel conversi, qui erant valde multa millia, ut partim patet in Actibus. Insuper, post reditum a Babylone præfuerunt omnibus illis reversis, eorumque posteris, Zorobabel, et alii quidam de tribu Juda, de qua Machabæi ex una parte fuisse leguntur.

IV Reg. xvii, 6.

Zach. 10; *Ezech.* xxxiv, 13; xxxvii, 22; *Is.* xlii.

Act. ii, 41; iv, 4: vi, 7.

I Esdr. ii, 2; iii, 2.

Voluit ergo Salomon interficere ipsum Jeroboam. Ex hoc apparet, quod Salomon percepit ea quæ Ahias propheta prædixit huic Jeroboam de promotione sua ad regnum : et si ob hoc voluit eum occidere Salomon, ut littera sonare videtur, fuit hoc magna excecatio, ambitio, impatientia, quasi vellet et posset impedire propositum Dei de regni divisione, quod et sibi a Deo

fuit prädietum. Porro Magister in historiis ait, quod Jeroboam verbis Prophetæ auditis, intumescens, suavit populo ut a Salomone recederet. Et alii dicunt, quod animatus verbis Ahiaë, cœpit alios incitare ad rebellandum Salomoni, et murmurare adversus eum. Quod si verum est, fuit culpabile : quia ut patet in textu, Ahias inter cetera prädixit Jeroboam : Ducem ponam eum, videlicet Salomonem, cunctis diebus vitæ suæ ; auferam autem regnum de manu filii ejus. Et iterum : Si audieris omnia quæ præcepero tibi, sicut fecit David, ero tecum. Ideo debuit virtuose secundum Deum procedere, non ad rebellionem inducere. *Qui Jeroboam surrexit et aufugit in Ægyptum ad Sesac regem Ægypti.* Iste rex fuit alter a Pharaone, ejus filia uxor fuit Salomonis. Imo, et Josephus scribit : Hic ultimus regum Ægypti appellatus est Pharao, quod est nomen commune, interpretaturque regnans. Verumtamen postea fuit Nechao, qui vocatur et Pharao, ut infra libro quarto asseritur. Ad quod poterit responderi, quod non fuerunt omnes per ordinem ita vocati, post mortem Pharaonis præfati, ut ante. *Et fuit in Ægypto usque ad mortem Salomonis.*

Reliquum autem verborum Salomonis, et omnia quæ fecit, et sapientia ejus, ecce universa scripta sunt in libro Verborum dierum Salomonis. Per quem librum quidam putaverunt librum Paralipomenon intelligendum, quia *παραλειπομένον* Latine interpretatur, verba dierum. Quod stare non potest, quia nec in Paralipomenon scripta sunt reliqua verba et opera Salomonis, imo secundo Paralipomenon sic legitur : Reliqua vero operum Salomonis priorum et novissimorum, scripta sunt in verbis Nathan prophetæ, et in libris Ahiaë Silonitæ, in visione quoque Addo videntis. Ideo liber iste Verborum dierum Salomonis, creditur non haberi, et forsitan a Chaldæis fuit combustus ; forsitan etiam per librum istum intelliguntur pluraliter illi libri in Paralipomenon allegati. *Dies autem quos regnavit Salomon in Jerusalem super omnem*

Israel, quadraginta anni sunt. Dormivitque Salomon cum patribus suis, et sepultus est in civitate David patris sui, regnavitque Roboam filius ejus pro eo.

Circa præhabita quæritur, quot annorum fuerit Salomon, quando incepit regnare. Ad quod certitudinaliter respondere difficile est, propter verba Scripturæ quæ hinc inde videntur diversimode inde sentire, et quia expositores super hoc diversimode sentiunt, tam catholici quam Hebræi. Nempe Magister in historiis ait : Salomon duxit uxorem filiam Pharaonis, de qua (ut aiunt Hebræi) genuit filium, quasi contra naturam, quum adhuc undecimum ageret annum. Josephus quoque testatur : Mortuus est Salomon valde longævus, qui regnavit annis octoginta ; vixit autem annis nonaginta quatuor. Sed divina Scriptura eos tantum exprimit annos quibus regnavit, antequam prævaricaretur. Et hæc verba inducit Magister in historiis pro solutione quæstionis, qua quærit, qua ratione dicitur Salomon senex fuisse, quum modicum ultra quinquaginta annos legatur vixisse. Roboam enim quadraginta et unius anni erat, patre suo Salomone defuncto, quem Salomon quum undecim esset annorum, genuisse perhibetur.

Præterea, circa hæc recitat Lyra : Occurrit hic dubium, qualiter dicatur Salomon senex fuisse, quando depravatus fuit per mulieres, quia dicit Rabbi Salomon, et alii Hebræi, quod erat tantum duodecim annorum, quando cœpit regnare, et in isto capitulo dicitur, quod quadraginta annis regnavit, et sic vixit tantum quinquaginta et duobus annis. Ipse autem depravatus fuit per mulieres ante mortem suam, per sex annos aut circiter, quoniam ædificavit templa idolorum pro uxoribus suis postquam fuit depravatus, in quorum ædificationibus fluxerunt plures anni : et sic quando fuit depravatum cor ejus, non videtur habuisse ultra quadraginta sex annos vel circiter. Ex tali autem ætate nullus dicitur proprie senex. His addit : Ad hoc autem respondet Magister in historiis, quod Salo-

III Reg. III,
1.

IV Reg.
xxiii, 29.

II Par. IX,
29.

mon regnavit octoginta annis, ad quod al-
 legat Josephum dicentem, Scriptura tacet
 quadraginta annos regni sui, quibus impie
 vixit, sicut de Saule dicitur supra primo
 I Reg. xiii, libro, quod duobus annis regnavit, et ta-
 centur decem et octo anni, quibus male se
 habuit. Sed istud reprobatur Lyra, adjiciens:
 De dicto Magistri parum est hic curandum,
 quoniam contradicit sibi ipsi et Scripturæ.
 Nam dicit, quod Salomon undecim anno-
 rum genuit Roboam, et quod Roboam patre
 suo mortuo, fuit quadraginta et unius an-
 ni, in qua etiam ætate cœpit regnare, ut
 III Reg. xiv, infra dicitur; sicque revertitur primum
 21. dictum, videlicet quod Salomon vixit tan-
 tum quinquaginta et duobus annis.

Deinde respondet juxta propriam men-
 tem, addendo: Salvo meliori judicio, vi-
 detur dicendum, quod Salomon postquam
 quadraginta annis regnavit, mortuus est,
 et successit ei in regnum filius ejus Ro-
 boam, habens quadraginta et unum an-
 num, sicut dicit Scriptura. Sed quando
 Salomon cœpit regnare, non solum habuit
 duodecim annos, ut ab aliis dicitur, sed
 non probatur, nec ex ipsa Scriptura habe-
 tur, quia exprimit annos regni sui tantum,
 non autem annos ejus, quando cœpit re-
 gnare, nec annos totius vitæ suæ: imo ha-
 buit viginti annos vel plures in principio
 regni sui; et sic, quando mortuus fuit, ha-
 buit ad minus sexaginta annos. Et ita con-
 venienter potest dici, quod post quinquaginta
 annos ætatis suæ depravatus fuit per
 mulieres: et tunc poterat dici senex, quo-
 niam et Levitæ completo anno vitæ suæ
 quinquagesimo, servire cessabant in taber-
 naculo, tanquam senes, ut habetur in libro
 Numerorum. Et ex hoc patet quod Salomon
 non genuit Roboam undecim vel de-
 cem annorum, sed multo plurimum, quia
 contraxit cum matre ipsius Roboam post
 suam coronationem.

Num. viii,
 25.

Deinde Lyra contra hæc objicit, quia Hieronymus in epistola ad Vitalem presbyterum de Salomone et Achaz, videtur dicere, quod Salomon undecim annorum vel minus genuit Roboam, et quod duodecimo

ætatis suæ anno, accepit regnum. Et solvit istud, dicendo quod Hieronymus non loquitur ibi assertive, ut manifeste patet ex fine ejusdem epistolæ. Sed supposito quod tunc regnare inceperit, et ipsum Roboam genuerit ita ut dictum est, respondet quomodo hoc sit possibile, adducens ad hoc exemplum cujusdam mulieris nutrientis parvulum, qui in eodem cum ea lecto jacebat, et quum decimum annum impleset, et ipsa calefacta fuisset vino, induxit puerum ad carnalem copulam, et sic aliis noctibus sequentibus, quæ de puero illo concepit, et infra duos menses uterus ejus intumuit. Hieronymus tamen attribuit hoc magis virtuti divinæ, quam naturæ, ut occultum facinus per evidens signum panderetur. Et sic arguendum est ad oppositum, quod Salomon virtute naturæ non genuit Roboam quum undecim esset annorum.

Hæc Lyra. In cujus verbis multa continentur incerta, et quædam quæ non videntur posse salvari. Et primo, proseguendo id quod ad B. Hieronymi verba respondet, apparet dicendum, quod ipse S. Hieronymus in illa ad Vitalem epistola præsupponit pro vero, quod Salomon duodecim exsistens annorum, cœpit regnare. Sic etenim ait: Deprecaris ut exponam tibi causas, quare Salomon et Achaz undecim annorum, filios genuisse dicantur. Si enim duodecimo anno Salomon super Israel accepit imperium, et quadraginta annis regnavit, filiusque ejus Roboam quum quadragesimum annum ageret ætatis, patri successit in regnum, perspicuum est, undecim annorum fuisse Salomonem vel decem, quando videlicet genuit Roboam. Quis crederet, ut undecim annorum puer generaret filium? Multa et alia in Scripturis dicuntur, quæ videntur incredibilia, et tamen sunt vera. Neque enim valet natura contra naturæ Dominum. Deinde in illa epistola multipliciter persuadet, illud nec impossibile, nec incredibile reputari debere; nec dubium esse potest diligenter legenti illam epistolam, quin istud fuerit de mente Hieronymi, præsertim quoniam et in aliis

multis locis idem testatur. Siquidem et in epistola ad Rufinum presbyterum scribit : Interpretatio iudicii Salomonis super jurgio duarum mulierum meretricum, quantum ad simplicem historiam pertinet, perspicua est, quod puer duodecim annorum contra ætatis suæ mensuram judicaverit de intimo humanæ naturæ affectu : unde admiratus est et timuit omnis Israel. Super Isaiam quoque id ipsum testatur, ut infra tangetur.

Præterea, quum Josephus aliique Hebræorum doctores et expositores præcipui in isto generaliter satis concordent, verisimile est, quod a senioribus et majoribus suis sic acceperunt et didicerunt. Nec verum est quod Magister in historiis contradicit Scripturæ : imo quidquid Scriptura de ista materia narrat, ipse concedit ; nec ipse ex persona sua affirmat, quod Salomon regnavit annis octoginta, sed recitat Josephi verba et Hebræorum opinionem.

Amplius, incertum omnino est quod Lyra affirmat, Salomonem habuisse viginti annos vel plures, quando incepit regnare, nec ipse hoc probat ; nec videtur consonare Scripturæ, quoniam primo Paralipomenon legitur David dixisse majoribus Israel : Salomonem filium meum elegit Deus adhuc puerum et tenellum. Supra quoque scriptum est, quemadmodum Salomon quando a Deo accepit sapientiam, dixit : Et nunc, Domine Deus, tu regnare fecisti servum tuum pro David patre meo. Ego autem sum puer parvulus, ignorans egressum et introitum meum. Hæc autem non videntur convenire homini virilis ætatis. Nam quamvis in Scripturis viri frequenter vocentur pueri, non tamen pueri tenelli et parvuli. Nec David vocavit Salomonem puerum et tenellum, respectu regiminis ei imponendi, sed ratione ætatis, et quia inter fratres suos junior fuit : et quoniam intendebat populo persuadere, ut promotioni Salomonis filii sui præberent consensum, non ita parvificasset eum, nisi absolute tam tenellus fuisset. Nec obstat, quod David dixit

Ibid. ii, 9. ad Salomonem, Vir sapiens es : quia ut

A super Isaiam scribit Hieronymus, vocavit eum virum, non ratione virilis ætatis, sed ob maturitatem morum, atque prudentiam.

Sed si ita quis teneat, restat videre, qualiter Salomon asseratur in sua senectute depravatus per mulieres, quum juxta hæc videatur vixisse non ultra quinquaginta et duos annos. Ad quod in præallegata ad Vitalem epistola respondet Hieronymus : Ad summam dici potest, quod in regno David regis, Salomon quum duodecim esset annorum, obtinuerit solium : et postea, quia B Scriptura hoc reliquit incertum, vixerit ipse David aliquot annos, regnante suo filio Salomone, qui sibi et non Salomoni deputentur ; et mortuo ipso David, postea Salomon filius ejus regnavit annis quadraginta, quibus sine patre regnavit : atque ita et initium regni Salomonis, et tempus quo solus ipse regnavit, ab historia demonstratum ; nec tamen omnes anni vitæ Salomonis quinquaginta et duorum annorum circulis contineri. Si autem dubitas quod regnantibus filiis, patribusque eorum C viventibus, non filiis tempus regni eorum, sed patribus computetur, lege Regnorum volumen, et invenies quod Ozias rex Juda, postquam lepra percussus est, habitavit in domo separata, et filius ejus Joathan imperium rexit, et judicaverit populum terræ usque ad diem mortis patris sui ; et tamen post mortem illius quum viginti quinque esset annorum, sedecim annis regnasse dicatur, quibus solus regnavit. Hæc Hieronymus.

IV Reg. xv, 5.

Ibid. 33.

Insuper prorsus incertum est, nec ex aliqua authentica probari potest scriptura, quod Salomon non nisi sex annis aut circiter fuit depravatus per mulieres ; sed videtur diutius vixisse in tanta libidine, quum habuerit tot uxores reginas et tot concubinas, imo et adolescentulas, atque ut verbis utar Hieronymi in epistola ad Vitalem presbyterum, tot scorta quorum non erat numerus, tot lana construxerit conjugibus suis idololatriis.

De hac demum materia tam diffuse conscripsi non aliquid asserendo, sed magis,

ne quis in re tam obscura aliquid incaute affirmet, aut venerandos Patres irreverenter expediat.

Postremo, Rabbi Paulus sic ait : Rationaliter dici posset, quod Salomon dicendus fuerat senex, quum fere esset quinquaginta annorum, quia ætates mensurantur,

non solum secundum annos vel secundum ea quæ ad incrementum aut diminutionem corporalium virium pertinent, sed etiam respective secundum status moresque personarum : sicque Salomon respectu tantæ scientiæ sibi datæ et dignitatis suæ, senex tunc vocabatur.

ARTICULUS XIX

DE SPIRITUALI EJUSDEM CAPITULI UNDECIMI SENSU.

HISTORIA hujus capituli multipliciter atque salubriter admonet nos et informat, ne quis unquam de viribus suis præsumat, de scientia sua se jactet, de parentum sanctitate confidat inordinate, aut in dignitate et eminentia, prosperitate et fama, donisve gratiæ gratis datæ inaniter gloriatur ; sed in omnibus jugiter timoratus, custoditus, atque sollicitus coram Deo consistat, in vera et sancta humilitate semper persistens, ac omnem suam fragilitatem, defectuositatem, et pronitatem ad malum incessabiliter pensans, ac tanti viri istius, videlicet Salomonis, tam admirabilem ac miserabilem ruinam perpendens, nec propter præterita merita sua, periculosa securitate pigrescens. Ecce enim Salomon iste sanctissimi David filius, tanta sapientia, fama, prosperitate præfulgens, prophetiæ dono ornatus, copiosissimis documentis abundans, et diu in veris virtutibus Deo fidelis, et præclarissimum templum ei molitus, ad tam extremam et infinitam insipientiam, ad tantam impicitatum voraginem, ad tam sordidissimam et inverecundissimam carnalitatem est devolutus, lapsus, demersus, ut nemo de hoc sufficiat admirari, præsertim quod desuper correptus, et comminationibus avisatus non cessavit, et subditis suis totique regno suo, imo et sæculo universo tantam scandalositatem præbuit et reliquit : in quo claris-

Bsime patet ineffabilis et semper deflenda humanæ conditionis fragilitas, atque in omne malum proclivitas. Jugiter ergo et profundissime humiliemus nos ipsos, et qui stat, videat ne labatur, nec gloriatur sapiens in sapientia sua, et cui plus datum est, amplius vereatur.

Præterea perpendamus ad quam horribilia crimina trahat luxuria, et immundissima illa voluptas, quæ et sapientissimum virum hunc ad tam ridiculosam feminarum, uxorum, concubinarum, scortorum multitudinem traxit, et insuper ad idololatriam perduxit eundem. Heu ! qualiter fœditas illa obtenebrat hominem, ut nec Deum nec hominem vereatur, nec de sua turpissima et scandalosissima vita verecundetur, et non solum non acquiescat correptioni et informationi humanæ, sed nec angelico, neque divino obtemperare curet instinctui, quemadmodum Scriptura fatetur : Impius quum in profundum venerit peccatorum, contemnit. Ecce qualiter paulatim fit lapsus ad deteriora, quia peccatum quod per pœnitentiam non deletur, suo mox pondere trahit ad aliud. Hoc quoque pensandum, quod is cui majora gratiæ dona sunt præstita, et qui ad virtuosiores tenetur vitam, in immaniora cadit facinora, dum propter suos excessus juste a Deo relinquitur. Ecce quam periculosum est in hoc sæculo prosperari,

*I Cor. x, 12.
Jer. ix, 23.
Luc. xii, 48.*

Prov. xviii, 3.

abundare divitiis, et undique reputari, otio et torpori locum præbere. Ecce qualiter impia consuetudo incorrigibilitatem inducit.

Præterea legitur Salomon specialiter deservisse idolis tribus, videlicet Astartæ deæ Sidoniorum, per quam effeminata designatur libido : nam et Astarte, plasmationis superfluitas designatur. Luxuria quippe semper quærit superflua, quum natura modicis minimisque contenta noseatur. In hoc sequuntur Salomonem libidinosi, quorum deus venter est, et gloria in pudendis eorum. Coluit quoque Moloeh, quod interpretatur, rex eorum : per quod notatur superbia, in quo sequuntur eum ambitiosi et animosi, qui in tantum suam præsentiam appetunt et amant, ut persequantur, ac de vita hæc tolli cupiant eos, per quos principatu suo privari verentur. Coluit etiam Chamos, quod interpretatur congregans : per quod avaritia figuratur. Opulentiam namque quærent lascivi, qua suarum obtineant objecta deliciarum. Quemadmodum etiam Salomon propter has tres idolorum culturas acquisivit specialiter tres inimicos, videlicet Adad Idumæum, Razon

Syrum, atque Jeroboam Israelitam : sic qui præfatis vitiis obsequuntur, tres specialiter adversarios sortiuntur, utpote mundum, qui inclinat ad avaritiam ; carnem, quæ ad concupiscentiam movet ; diabolum, qui ad superbiam trahere nititur.

Postremo, ex isto docemur capitulo, quod propter scelera principum transferantur regna ac principatus de gente in gentem, et de uno ad alium. Nam sicut elementia roboratur thronus regis, sic per crudelitatem atque tyrannidem eradicatur. Hinc

scriptum est in Ecclesiastico : Principatus sensati stabilis erit. In Proverbiis quoque : Rex qui judicat in veritate pauperes, thronus ejus in æternum firmabitur. Nempe ut in Daniele habetur, Deus mutat tempora et ætates, transfert regna atque constituit. Hinc rursus in Ecclesiastico legitur : Regnum a gente in gentem transfertur propter injustitias et injurias et contumelias et dolos diversos. Et rursus ait Scriptura : Sedes ducum superbiorum destruxit Deus, et sedere fecit mites pro eis. Nempe, ut ait beatissima Virgo, Deposuit potentes de sede, et exaltavit humiles.

Prov. xx, 28.

Eccli. x, 1.

Prov. xxix, 14.

Dan. ii, 21.

Eccli. x, 8.

Ibid. 17.

Luc. i, 52.

Philipp. iii, 19.

ARTICULUS XX

EXPOSITIO CAPITULI DUODECIMI : VENIT AUTEM ROBOAM IN SICHEM.

TRACTATUM est hucusque de unico Israeliticæ plebis regno, in quo unus præfuit illi populo universo ; nunc et in sequentibus de eodem agitur regno bipartito, sicut patebit. *Venit autem Roboam* filius Salomonis cum suo exercitu *in Sichem*, id est in locum seu oppidum sic vocatum : de quo in Genesi legitur, Missus Joseph de valle Hebron, venit in Sichem ; de quo etiam in Judicum libro multa leguntur. Denique, Sichem etiam proprium nomen est viri, de quo in Genesi habetur : Egressa est Dina ; quam quum vidisset Si-

chem princeps terræ illius, etc. *Illic enim congregatus erat omnis populus Israel*, id est quidam de omnibus tribubus et principiores, demptis his qui venerunt cum Roboam. Qui præfixit eis locum ibidem, quia fuit locus famosus, et in tribu Ephraim situs : quæ tribus post tribum Juda fuit egregia, atque ut quidam addit, fuit quasi in medio regni : quod non videtur, quoniam super librum Judicum dictum est sæpe, et expositores communiter dicunt hoc, quod tribus Juda et tribus Ephraim, tanquam ceteris fortiores sortem et man-

Gen. xxxvii, 14.

Judic. ix.

Gen. xxxiv, 1, 2.

sionem acceperunt in extremitatibus Israelitici regni pro totius munimine populi, una ab una parte, et alia ab altera.

Additque idem : Fuit etiam ibi primus rex Israel, scilicet Abimelech, institutus, ideo populus fuit ibi congregatus, *ad instituendum* * *constituendum* * *eum regem*. Quod propter duos stare non potest : Primo, quia Abimelech fuit iudex, non rex. Unde in libro Iudicum de ipso est mentio. Et quamvis scriptum sit, quod constituerunt eum regem, non tamen constituerunt regem super duodecim tribus, sed super Sichimitas : ideo non fuit rex Israel ; imo Saul primus rex Israel fuit, ut patuit primo libro. Unde in Actibus asserit Paulus, quod Deus primo dedit iudices usque ad Samuelem, et exinde postulaverunt regem, et dedit eis Saul. Istud Beda, Rabanus, alique affirmant. Unde Magister in historiis ait : Queritur, quomodo Saul primus rex Israel dicitur. Ad quod respondet, quod propter regimen universale ; Abimelech autem solum regnavit in Sichimitis. Secundo, quoniam totum negotium Abimelech fuit tyrannicum, ambitiosum et pessimum, nec inter iudices a Domino suscitatos, et in quibus Spiritus Domini fuit, est computandus, ut patet in libro Iudicum : ideo propter ejus promotionem in Sichem factam, aut ob illius honorem non convenerunt ibidem.

At vero Jeroboam filius Nabat, quum adhuc esset in Ægypto profugus a facie Salomonis regis, audita morte ejus, reversus est de Ægypto, confidens se promovendum in regem, prout ab Ahia propheta sibi erat prædictum. Miseruntque viri de tribu Ephraim, et alii multi, et vocaverunt eum, ut interesset novi regis creationi. Nam erat vir fortis et potens, atque industrius bonæque indolis, ideo volebant ejus uti consilio. Venit ergo Jeroboam, et omnis multitudo Israel, et locuti sunt, præsertim decem tribus, et unus ex parte omnium, ad Roboam, dicentes : Pater tuus durissimum jugum imposuit nobis : quod non intelligitur de jugo tributi, aut vilium operum servitute, quum dictum

sit supra de filiis Israel, Non fecit servire quemquam ; sed de persolutione vectigalium in expensas ipsius regis. Dictum est quoque ante, quod Salomon habuit duodecim præfectos super omnem Israel, id est super duodecim tribus, qui præbebant annonam regi per singulos menses, quam levabant a tribubus ipsis : quod fuit non modicum onus, quoniam sumptus Salomonis fuit grandis, ut superius narratur. Forsan etiam Salomon post suam infatigationem aliquid plus exegit a populo in constructionem fanorum et aliorum magnorum inutiliumque cum mulieribus sumptuum. Tu itaque nunc imminue paululum jugum illud : quod videbatur pia petitio, quia dixerunt, Minue paululum ; de imperio patris tui durissimo, et de jugo gravissimo quod imposuit nobis, et serviemus tibi. Qui ait eis : Ite ad propria usque in diem tertium, remanentes in locis vestris, ut interim bona deliberem, et revertimini ad me.

Quumque abiisset populus, iniit consilium rex Roboam cum senioribus qui assistebant coram Salomone patre ejus, quum adhuc viveret, et ait eis : Quod datis consilium, ut respondeam populo ? Hoc ipsum fuit prudentiæ, quod primo a senioribus illis quæsivit consilium, quoniam erant valde experti, prudentes, maturi, atque ut scriptum est in libro Job : In antiquis est sapientia, et in multo tempore prudentia. In Ecclesiastico quoque : Quam speciosum est a veteranis quærere sapientiam. Qui dixerunt ei : Si hodie, id est tempore isto, obedieris populo huic et servieris, et petitioni eorum cesseris, hoc est, eorum acquieveris petitioni (sicque Obedire sumitur hic extense : nam proprie spectat ad inferiores), locutusque fueris ad eos leviter, erunt tibi servi cunctis diebus vitæ suæ. Qui dereliquit consilium senum, quod dederunt ei : quia erat rudis, superbus, carnalis, ideo verba humilitatis et sapientiæ ei non sapiebant.

Et adhibuit adolescentes qui nutriti fuerant cum eo, et adsistebant illi. Sed quæ-

III Reg. ix, 22.

Ibid. iv, 7.

Ibid. 22 et seq.

Job xii, 12.

Ecclesi. xxv, 6, 7.

III Reg. xi, 28.

ri potest, quomodo erant adolescentes, qui A erant cum eo nutriti, quum ipse esset jam quadraginta unius annorum. Dici potest, quod adolescentia sumitur hic large, prout *Eccle. xi, 9.* sicut in Ecclesiaste legitur : Latere, juvenis, in adolescentia tua. Hinc secundo Paralipomenon dicitur, quod cum juvenibus tractare cœpit. Veruntamen juxta Glossam dicuntur adolescentes seu juvenes non ætate, vel non solum ætate, sed potius animo et moribus. Præterea, secundum Hieronymum et Glossam, seniores a quibus Roboam petivit consilium, fuerunt (ut dicunt *II Par. x, 8.* Hebræi) Banaïas et Achiel *. In Scholastica autem narratur historia, quod erant Sadoc, Banaïas, Joiada, et reliqui principes Salomonis. *Dixitque ad eos : Quod datis mihi consilium, ut respondeam populo huic, qui dixerunt mihi : Levius fac jugum quod imposuit pater tuus super nos? Et dixerunt ei juvenes, qui nutriti fuerant cum eo : Sic loquere populo huic, qui locuti sunt ad te, dicentes : Pater tuus aggravavit jugum nostrum, tu releva nos. Sic loqueris ad eos : Minimus digitus meus grossior est dorso patris mei, hoc est, multo major est rigor disciplinæ jurisdictionisque meæ et potentia mea quam patris mei, ita ut parva pars rigoris atque vigoris mei, magnam partem rigoris patris mei excedat. Istud fuit puerile et stultum consilium ab inexpertis probatum, et juvenili audacia datum. Unde in Paralipomenon fertur, quod *II Par. x, 10.* responderunt ei, ut juvenes in deliciis secum nutriti. *Et nunc pater meus posuit super vos jugum grave, ego autem addam super jugum vestrum. Pater meus cecidit vos flagellis, ego autem cædam vos scorpionibus.**

Venit ergo Jeroboam et omnis populus ad Roboam die tertia, sicut locutus fuerat rex, dicens : Revertimini ad me die tertia. Responditque rex populo dura, derelicto consilio seniorum quod ei dederant, et locutus est eis secundum consilium juvenum, dicens : Pater meus aggravavit jugum vestrum, ego autem addam jugo

*vestro. Pater meus cecidit, hoc est percussit, vos flagellis; ego autem cædam vos scorpionibus, id est, multo acrius regam et corrigam vos quam pater meus. Jvenes isti, ut Josephus tangit, consuluerunt Roboam regi, ut imperiose et comminatorie loqueretur, putantes quod sic populus tereretur, nec reclamare auderet. Porro scorpio, secundum Glossam, est genus flagelli, et proprie dicitur rubus aculeatus seu flagellum virgarum nodosum, vel sentica in summitate habens plumbeas glandes. B Interdum ponitur pro uno de duodecim signis, nonnunquam pro quadam bestiola, quæ vultu blanditur et cauda pungit. *Et non acquievit rex populo, id est precibus populi, ut mitius responderet; quoniam adversatus fuerat eum Dominus, hoc est, Deus justo judicio adversabatur ipsi Roboam in hac causa, non inclinando cor ejus ad consentiendum sano seniorum consilio, sed relinquendo eum in sua improbitate. Hinc in Paralipomenon dicitur, Erat enim Dei voluntatis : non quod culpa ipsius Roboam placuerit Deo, sed permissio Dei fuit. Ut suscicaret, id est impleteret, verbum suum quod locutus fuerat in manu, hoc est per obsequium, Ahia Silonitæ ad Jeroboam filium Nabat.**

Videns itaque populus oculo interiori, id est considerans, quod noluisse eos audire rex, scilicet Roboam : cui jure hereditario competeat in regno succedere, qui tamen nondum fuit acceptatus a populo; respondit ei, dicens : Quæ nobis pars in David? vel quæ hereditas in filio Isai?

Vade in tabernacula tua, Israel. Hæc eadem verba dixit Seba filius Bochri in rebellionem adversus David regem, ut libro secundo continetur, ubi hæc verba exposita sunt. Nunc vide domum tuam, David, id est, tu, posteritas et cognatio David regis, perpende populum tuum, quia jam pauci remanent tecum, et provide populo tuo. Vel, Vide domum tuam, hoc est templum ex David ordinatione constructum, et in eo sacrificia : quasi dicant, Non venimus illuc amplius ad offerendum. Et

II Par. x, 13.

II Reg. xx, 1.

abiit Israel in tabernacula sua. Super filios autem Israel, quicumque habitabant in civitatibus Juda, regnavit Roboam.

Misit ergo Roboam Aduram, qui erat super tributa, ad vectigal levandum, ut decem tribus revocaret, excusando ipsum Roboam de verbis prolatis quasi ex levitate, non animo malo dictis, et quia jam paratus esset revocare; et lapidavit eum omnis populus Israel, hoc est quidam ex decem tribubus de ceterorum consensu: et hoc fecerunt in despectum Roboam regis, et ex indignatione contra eum ac ejus officiatum; et mortuus est. Dicit Glossa, quod secundum Hebræos, ipse Roboam ex suggestione istius Aduram, tam superbe responderat, et de hoc (ut aliqui opinantur) decem tribus habuerunt eum suspectum; et quod propria quæreretur lucra: quia qui præsunt tributis, cupiunt ea augeri. Verumtamen incertum videtur, an de consilio Aduram ita responderit Roboam, qui de consilio juvenum seu adolescentium respondisse sic perhibetur; sed Aduram jam erat senex. Nam et tempore David præfuit tributis, ut libro secundo scriptum est, si tamen sit idem Aduram. Porro rex Roboam festinus ascendit currum, et fugit in Jerusalem. Recessitque Israel a domo David usque in præsentem diem.

Factum est autem, quum audisset omnis Israel, quod reversus esset Jeroboam, miserunt, et vocaverunt eum congregato cætu, et constituerunt eum, videlicet ipsum Jeroboam, regem super omnem Israel, hoc est super decem tribus, quæ de cetero reservaverunt sibi nomen hoc Israel, quoniam plures erant. Itaque elegerunt et fecerunt Jeroboam regem, quia sciverunt sibi a Deo per Prophetam esse promissum decem tribuum regnum, et quia fuit vir aptus ad hoc, utpote fortis, strenuus, prudens, et quia fuerat adversarius Salomonis: sicque eum promovendo, magis irritaverunt Roboam regem; et item quoniam fuit de tribu Ephraim, quæ post tribum Juda fuit nobilis et famosa, potens ac bellicosa. In hac quoque promotione Jeroboam, impleta

A fuit prophetia Jacob patriarchæ, qui benedicendo filiis Joseph, juniorem nomine Ephraim, præposuit seniori Manassæ, dicens: Frater ejus minor, major illo erit. *Id quoque quod in benedictione Joseph profertur, Inde pastor egressus, quidam exponunt de isto Jeroboam, quidam de Josue Ephrataeo. Nec secutus est quisquam domum David, id est, nullus de tribubus Israel ex intentione et directe adhæsit Roboam nato ex David, tanquam regi, præter tribum Juda solam. Tribus quoque Benjamin secuta est Roboam occasionaliter, quia non poterat se separare a tribu Juda, in cujus medio habitavit: similiter tribus Levi, quoniam locus divini cultus et sacrificiorum, videlicet templum, in Jerusalem stetit, et quia Jeroboam eos abjecit.*

Venit autem Roboam Jerusalem, et congregavit universam domum Juda, id est totam illam tribum Juda familiam, quantum ad viros prælio aptiores, et tribum Benjamin in centum octoginta millia electorum virorum et bellatorum, ut pugnarent contra domum Israel, et reducerent regnum Roboam filio Salomonis. Factus est autem sermo Domini ad Semeiam virum Dei, dicens: Loquere ad Roboam filium Salomonis regem Juda, et ad omnem domum Juda, et Benjamin, et reliquos de populo, dicens: Hec dicit Dominus: Non ascendetis, neque bellabitis contra fratres vestros filios Israel. Revertatur vir in domum suam. A me enim factum est verbum hoc, id est divisio ista monarchiæ regni Judæorum in duo regna, propter Salomonis peccata et improbam Roboam regis responsionem. Audierunt sermonem Domini, et reversi sunt de itinere, sicut præceperat eis Dominus.

Ædificavit autem Jeroboam Sichem in monte Ephraim, et habitavit ibi, id est, urbem illam melioravit in ædificiis, et loca munita aut fortalitia in ea construxit ad resistendum Roboam regi. Et egressus inde, ædificavit Phanael, id est oppidum sic vocatum, de quo in libro Judicum fit mentio. Dixitque Jeroboam in corde suo:

II Reg. xx, 24.

III Reg. xi, 31.

Ibid. 28.

Ibid. 26.

Gen. XLVIII, 19.

Ibid. XLIX, 24.

II Par. xi, 14.

Judic. viii, 8.

Nunc revertetur regnum ad domum David, id est, praesidentia super decem tribus auferetur a me, et redibit ad posteros regis David, *si ascenderit populus iste* decem tribuum, *ut faciat sacrificia* per manus sacerdotum, *in domo Domini in Jerusalem*, quia amore templi et suggestione sacerdotum redibunt ad sobolem David; *et convertetur cor populi hujus ad dominum suum Roboam regem Juda*, cui jure successionis competisset dominium super populum illum, *interficiantque me* tanquam schismaticum principem, *et revertentur ad eum*, ad memoriam revocando beneficia David ac Salomonis.

Et excogitato consilio vitiosissimo, ad cavenda illa pericula, utpote privationem regni et mortem, *fecit duos vitulos aureos*, secundum quod Aaron in solitudine fecerat unum, et quoniam in Aegypto didicit idololatriæ hujus formationem. Aegyptii equidem taurum colebant. *Et dixit eis: Nolite ultra ascendere in Jerusalem*, ad sacrificia offerenda in festis Paschæ, Pentecostes et Tabernaculorum, prout præceptum fuit in Exodo, Levitico et libro Numerorum. *Eccc dii tui, Israel, qui eduxerunt te de terra Aegypti*. Simili modo formato aureo vitulo per Aaron, filii Israel dixisse leguntur: Hi sunt dii tui, Israel, qui te eduxerunt de terra Aegypti, id est, simulacra ista colatis pro Deo, qui eduxit vos de Aegypto. Sed qualiter vir ille ingeniosus potuit tam stultam et apertissime falsam propositionem proponere populo? et quomodo populus ille, qui hactenus coluit verum Deum, potuit tali mendacio consentire aut credere, quod scilicet imagines illæ recenter factæ, essent dii eorum?

Ad quod dici potest, quod excæcavit eos eorum malitia. Vel dixit sic, non quod ratio sua hoc verum putavit, sed ut per hanc viam præfacta vitaret pericula, quemadmodum Salomon idola adoravit, ne suas contristaret delicias. Populus autem ad idololatriam fuit proclivis. Verumtamen Josephus nititur aliquantulum excusare Jeroboam et filios Israel, dicens, quod Jeroboam per-

suasit populo, dicens: Ubique præsens est Deus, non oportet ut in urbe adversariorum Jerusalem ipsum quærat, sed in vitulis istis ipsum adorare potestis et colere. Verum excusatio ista non valet, nec concordat Scripturæ, quæ infra sæpiissime asserit, quod adoraverunt vitulos et eis sacrificaverunt.

Posuitque unum in Bethel et alterum in Dan, id est, in locis seu oppidis illis aut montibus fecit duo fana, in quolibet unum, et in quolibet fano posuit vitulum unum; et erant loca illa remota ab invicem, ut longe habitantes facilius devenirent ad unum illorum. *Et factum est verbum hoc in peccatum*, id est, ex illo præcepto seu facto Jeroboam, secuta sunt peccata gravissima, idololatria scilicet et alia multa. Nam subditur, *ibat enim populus ad adorandum vitulum usque in Dan*; similiter ad adorandum vitulum alium in Bethel: qui vituli a Josepho vocantur vitulæ, et in Osee dicuntur vaccæ. *Et fecit fana in excelsis*, id est, duo præfata vitulorum templa in locis sublimibus montuosis Bethel et Dan, *et fecit sacerdotes de extremis populi*, id est de reliquis tribubus sibi subjectis, *qui non erant de filiis Levi*. Unde secundum Josephum dixit: Faciam vobis ministros et sacerdotes ex vobismetipsis, ut non indigeatis filiis Levi. Et tamen hæc omnia erant contra legis præcepta, videlicet facere similitudinem ad colendum in ea Deum, ut in Exodo legitur; similiter sacrificare extra Jerusalem templo ibi constructo, et de aliis tribubus facere sacerdotes.

Constituitque diem solennem in mense octavo, quintadecima die mensis, id est diem dedicationis sanorum suorum atque altarium, quemadmodum Salomon septimo mense ad hoc certum deputaverat diem. Ideo subditur: *in similitudinem solennitatis* dedicationis quæ celebrabatur in Juda, id est in Jerusalem et in templo ac populo tribus Juda. *Et ascendens altare*, id est ad altare accedens, *similiter fecit in Bethel*, id est fano ibi constructo, *ut immolaret*

Exod.
xxxii, 4.

Ibid. xxxiv,
23; Lev.
xxiii; Num.
xxviii, xxix.

Exod.
xxxii, 4.

Sap. ii, 21.

III Reg. xi,
4-8.

Osee x, 5.

Exod. xx, 4.

III Reg. viii,

2.

vitulis quos fabricatus fuerat: sicque assumpsit sibi sacerdotale officium, et manifeste dicit Scriptura, quod vitulis immolavit, non Deo vero in vitulis; et quamvis Deus verus qui eduxit Israel de Ægypto, sit unus, pluraliter tamen dixerunt, Ecce dii tui, juxta modum loquendi idololatrarum, vel plurale pro singulari ponendo, sicut de vitulo Aaron loquebantur, Isti sunt dii tui. *Constituitque in Bethel sacerdotes excelsorum, quæ fecerat. Et ascendit super altare quod exstruxerat in Bethel, quintadecima die mensis octavi, quem finxerat de corde suo. Et fecit solennitatem filiis Israel, et ascendit super altare, ut adoleret incensum*, id est, solennitatem dedicationis celebraret, sicut expositum est; de qua multa loquuntur in Osee: Dies regis nostri, id est, hæc est dies solennis, quam rex noster Jeroboam instituit nobis, prout ibi expositum fuit.

Circa hæc scribit Lyra: Dicunt aliqui, et satis probabiliter secundum ista Josephi verba, quod populus in illis vitulis adoravit Deum. Contra quod scribit Rabbi Paulus, et ait: Dicere quod populus in illis vitulis adoravit Deum, et sic excusatus fuit a peccato idololatriæ, est penitus inconveniens: quoniam sub eisdem forma et modo coluerunt vitulos, sicut populus Israel in deserto vitulum aureum, dicendo, Hi sunt dii tui, Israel, etc.; sicque vitulos receperunt in deos, juxta illud: Mutaverunt gloriam suam in similitudinem vituli comedentis fœnum. Unde et in Amos habetur: Qui jurant in delicto Samariæ, et dicunt: Vivit Deus tuus, Dan.

Juxta tropologiam patet ex isto capitulo, quam stultum sit, sapientiorum, seniorum et expertorum consilia non sectari,

A et juniorum consiliis adhærere. Qui enim non est expertus, pauca recognoscit, et vir in multis expertus cogitat multa; critque salus ubi sana consilia. Insuper, Roboam malos, duros et ambitiosos præsidentes designat, qui subditis suis nesciunt humiliter respondere, mititer loqui, condescendere, et in piis acquiescere precibus, sed propria commoda quærunt, timeri et honorari desiderant, et cum austeritate ac potentia præsumunt. Similiter Jeroboam eos præfiguravit, qui in principio suæ promotionis sunt boni, sed tempore procedente, honores pervertunt ipsorum mores, ita quod timore perdendi principatum aut sustinendi molestiam, in multa et gravia labuntur facinora; nec confidunt in Domino, sed honores, dignitates et prælationes suas, quasi simulacra quædam colunt, amant, appetiunt. Nec Jeroboam iste ex formidine qua occidi timuit, excusatur: quoniam per Prophetam Deus sibi promissit, quod esset cum eo, et domum ei ædificaret fidelem, si in suis permaneret præceptis; sed ipse divinam promissionem non perpendit, nec ejus jussionem implere curavit.

Postremo constat ex his, ad quanta facinora trahat ambitio, quia Jeroboam iste in tantum ad suam dominationem afficiebatur, quod timore perdendi eandem, introduxit idololatriam pessimam, et totum populum Dei sibi commissum avertit a cultu Dei, et ad multiplicem divinorum transgressionem præceptorum universam sibi creditam communitatem induxit, non D considerans neque formidans divini rigoris judicii, acerbitatem æterni supplicii, neque suorum immanitatem innumerabilitatemque scelerum.

Ecclesi.
xxxiv, 10, 9.

Prov. xi,
14.

III Reg. xi,
38.

Exod.
xxxii, 1.

Osee vii, 5.

Ps. cv, 20.

Amos viii,
14.

Sensus
moralis.

ARTICULUS XXI

EXPOSITIO CAPITULI TERTIDECIMI : ET ECCE VIR DEI VENIT DE JUDA.

INGREPATIO et obstinatio ipsius Jeroboam, hic describuntur. *Et ecce vir Dei*, videlicet sanctus Propheta : qui fuit Dei, non solum per creationem et generalem gubernationem, sed item per prædestinationem æternam et specialem devotionem : *venit de Juda*, id est de terra regni Juda, *in sermone Domini*, id est, habens sibi commissum sermonem impio regi denuntiandum ; vel, *In sermone Domini*, id est ex Dei præcepto. De isto viro Magister in historiis ait, quod in Paralipomenon vocatur Addo. Sed advertendum, quod secundo Paralipomenon scriptum est : Opera Roboam scripta sunt in libro Addo videntis. Similiter eodem libro fertur : Reliqua verba Salomonis scripta sunt in visione Addo videntis contra Jeroboam. Ex quibus probabiliter æstimatur, quod vir iste fuerit Addo ; non tamen in Paralipomenon dicitur istud. *In Bethel*, ad fanum quod erat ibidem, *Jeroboam stante super altare*, id est ante illud, ita quod pro parte eminebat superius, *et thus jaciente*.

Et exclamavit contra altare in sermone Domini, et ait : *Altare, altare* : non quod altare potuerit verba intelligere vel audire, sed propter adstantes, ad altare verbum direxit, ut ipsi adverterent ; *hæc dicit Dominus* : *Ecce filius nascetur domui David*, id est in regno Juda ex semine David ad magnum illius regni commodum ac profectum, *Josias nomine* : quod additur, propter majorem excellentiam ac certitudinem vaticinii hujus, et propter sanctitatem tanti regis ; *et immolabit*, id est comburet quantum ad ossa, *super te sacerdotes excelsorum*, id est fanorum et altarium seu vitulorum aureorum in locis sublimibus positorum, *qui nunc in te*, id est super te,

Altura succedunt, et ossa hominum super te incendet : quod qualiter factum sit, infra libro quarto describitur. Et hoc fecit Josias in contemptum idololatriæ et fanorum : unde infra vocatur pollutio illorum altarium, quod etiam fuit Deo placitum tanquam sacrificium : propter quod vocatur hic immolatio. *Deditque Propheta in illa die signum*, id est, miraculum fecit, ad probandum quod vere loqueretur ex parte Dei. *dicens* : *Hoc erit signum quod locutus est Dominus* : *Ecce altare scindetur*, quum tamen sit forte ac factum de novo, *et effundetur cinis qui in eo est*, id est, qui super altare mansit ex combustione holocaustorum, decidet per scissuram altaris.

Quumque audisset rex sermonem hominis Dei, quem inclamaverat contra altare in Bethel, extendit manum suam de altari, dicens : *Apprehendite eum*, id est captivate. *Et exaruit manus ejus quam extenderat contra eum, nec voluit eam retrahere ad se*. *Altare quoque scissum est, et effusus est cinis de altari, juxta signum quod prædixerat vir Dei, in sermone Domini*. *Et ait rex ad virum Dei*, ex plaga Dei perterritus : *Deprecare faciem Domini Dei tui*, id est pietatis ejus respectum, *et ora pro me, ut restituatur manus mea mihi*, id est, ut curetur a Deo, sicque nti valeam ea, et quantum ad usum, eam recipiam. *Oravitque vir Dei faciem Domini*, reddens bonum pro malo, *et reversa est manus regis ad eum, et facta est sicut prius fuit*, ut ex tantis Dei miraculis ac beneficiis compungeretur ac pœniteret.

Locutus est autem rex ad virum Dei, volens esse gratus eidem : *Veni mecum domum, ut prandeas, et dabo tibi munera*. Si pro curationis supernaturalis beneficio

IV Reg. xxiii, 15-20.

Ibid. 16.

II Par. xii, 15.
Ibidem.

Ibid. ix, 29.

Rom. xii, 17.

IV Reg. v, 15. temporale quid rependere voluit, simonia- cum fuit, prout infra de Naaman inducetur. Respondit vir Dei ad regem: Si dederis mihi mediam partem domus tuæ, imo et totam domum, totumque regnum, non veniam tecum, nec comedam panem, neque bibam aquam in loco isto. Sic enim mandatum est mihi in sermone Domini, et pro nulla re mundi licet Dei mandatum prævaricari, præcipientis: Non comedes panem, neque bibes aquam, nec reverteris per viam qua venisti. Abiit ergo per aliam viam, et non est reversus per iter quo venerat in Bethel.

Prophetes autem quidam senex habitabat in Bethel, ad quem venerunt filii sui, et narraverunt ei omnia opera quæ fecerat vir Dei illa die in Bethel. Et verba quæ locutus fuerat ad regem, narraverunt patri suo. Et dixit eis pater eorum: Per quam viam abiit? Ostenderunt ei filii sui viam per quam abierat vir Dei, qui venerat de Juda. Et ait filiis suis: Sternite mihi asinum. Qui quum stravissent, ascendit et abiit post virum Dei, et invenit eum sedentem subtus terebinthum. Et ait illi: Tune es vir Dei, qui venisti de Juda? Respondit ille: Ego sum. Dixitque ad eum: Veni mecum domum, ut comedas panem. Qui ait: Non possum reverti, neque venire tecum, nec comedam panem, neque bibam aquam in loco isto, quia locutus est Dominus ad me, in sermone Domini, dicens: Non comedes panem, et non bibes aquam ibi, nec reverteris per viam qua ieris. Qui ait: Et ego propheta sum similis tui. Et angelus locutus est mihi in sermone Domini, dicens: Reduc eum tecum in domum tuam, ut comedat panem, et bibat aquam. Fefellit eum, et reduxit secum. Timuit enim ille bonus Propheta offendere Deum, non obediendo commissioni divinæ factæ per angelum, ut putavit: tamen non debebat ita faciliter credere, sed Dominum invocare, ut sibi super hoc veritatem ostenderet, quemadmodum si alicui appareat quis in specie Christi, et dicat se Christum ac jubeat adorare. Ideo ait Joannes aposto-

lus: Carissimi, nolite omni spiritui credere, sed probate spiritus utrum ex Deo sint. I Joann. IV, 1. Comedit ergo panem in domo ejus, et bibit aquam.

Quumque sederent ad mensam, factus est sermo Domini ad prophetam qui reduxerat eum, id est ad pseudoprophetam. Quid autem Dominus dixerit huic falso per angelum, in textu non exprimitur, sed ex sequentibus elicitur. Annuntiavit etenim ei quid bonus ille Propheta passurus esset pro inobedientia sua: et forsitan non vidit exterius angelum in aliqua forma sensibili, sed in vi imaginativa audivit et vidit quod subditur. Et exclamavit ad virum Dei, qui venerat de Juda, dicens: Hæc dicit Dominus: Quia non obediens fuisti ori Domini, et non custodisti mandatum quod præcepit tibi Dominus Deus tuus, et reversus es, et comedisti panem, et bibisti aquam in loco in quo præcepit tibi, ne comederes panem, neque biberes aquam, non inferetur cadaver tuum in sepulcrum patrum tuorum, id est, ad patriam tuam C vivus non reverteris, nec sepelieris in ea. Denique, prophetica revelatio quum sit donum gratiæ gratis datæ, communis est bonis et malis; sicque impio huic facta est revelatio illa.

Quumque comedisset et bibisset, stravit asinum suum Propheta quem reduxerat. Qui quum abiisset, invenit eum leo in via: qui leo, Deo sic ordinante, ibi advenit ductu angeli boni: quo ductu animalia venerunt ad Noe in arcam; et occidit, non corpus ejus dilaniando, sed forsitan simpliciter suffocando, juxta quem modum leones occiderunt sanctum Ignatium martyrem illustrissimum. Et erat cadaver ejus projectum in itinere, ubi et leo corpus exstinctum projecit, ut factum a trans-euntibus videretur et publicaretur. Unde apparet, quod sanctus ille Propheta viso leone, paululum declinavit a via ex naturali mortis timore: et tamen ipsam mortem æquanimiter pro sua culpa sustinuit. Asinus autem stabat juxta illum, puta leonem, non fugiens neque læsus, vel jux-

Gen. vii.

ta illum Prophetam occisum, *et leo stabat juxta cadaver*, custodiens asinum et corpus exanime. In quo facto considerantur multa miracula, quod scilicet leo nec defunctum nec asinum laniavit aut manducavit, nec facto commissio recessit, ut suæ naturæ est, et instar rationalis creaturæ custodivit occisum, ne a bestiis aut avibus tangeretur; atque ut ait Glossa, ex hoc quod leo cadaver sic honoravit, constat, quod culpa Prophetæ relaxata fuit in sua morte. Præterea aliqui dicunt, Prophetam illum fuisse partim inductum ad credendum pseudoprophetæ desiderio corporeæ escæ, quia esuriit. Gregorius autem videtur sentire, quod sanctus ille Propheta per miracula, per se exhibita, inani motus sit gloria, ideoque permissus sic decipi. Iterum ait Gregorius: Bene ex ore mali prophetæ sententiam mortis accepit, ejus seductione a præceptis vitæ declinavit, ut inde pœnam veraciter sumeret, unde culpam negligenter admisit.

Et ecce viri transeuntes, viderunt cadaver projectum in via, et leonem stantem juxta cadaver; et venerunt, et divulgaverunt in civitate, in qua propheta ille senex habitabat. Quod quum audisset propheta ille, qui reduxerat eum de via, ait: Vir Dei est, id est corpus ipsius, qui inobediens fuit ori Domini, et tradidit eum Dominus leoni ad occidendum, et confregit eum, et occidit juxta verbum Domini quod locutus est ei. Ex hoc apparet, quod non solum suffocaverit eum, sed et dentibus læsit vel confregit eum: quia a vitæ integritate eum subtraxit, imo quia pro culpa sua fuit occisus, forsitan fuit et læsus.

Dixitque ad filios suos: Sternite mihi asinum. Qui quum stravissent, et ille abiisset, invenit cadaver ejus projectum in via, et asinum et leonem stantes juxta cadaver: non comedit leo de cadavere, nec læsit asinum. Tulit quoque propheta cadaver viri Dei, et posuit illud super asinum, super quem venit ille sanctus Propheta, nec timuit malus ille propheta a leone occidi, quia perpendit leonem ideo

A juxta cadaver manere, ut traderetur mox sepulturæ, *et reversus, intulit in civitatem prophetæ senis, ut plangerent eum. Et posuit cadaver ejus in sepulchro suo*, quod sibi ipsi jam præparavit aut deputavit: sicque honoravit verum Prophetam, quem et ideo in proprio posuit monumento, ut juxta eum sepeliretur. *Et plangerunt eum: Heu, heu, mi frater.* Iste fuit tunc modus deplangendi defunctos. Dicuntque aliqui, quod fiete tantum deploraverunt eum, quia ad hoc falsus ille decepit eum, ut propter inobedientiam suam mereretur occidi, vel probaretur mentitus esse regi, dicendo se ibi nullatenus comesturum, vel transgressus divinum præceptum. Sed dato quod falsus ille deflexerit ipsum fiete, probabile tamen est, quod alii eum deplanxerunt ex corde, præsertim propter miracula circa ipsum in morte exhibita.

Quumque plancissent eum, dixit pseudopropheta ille ad filios suos: Quum mortuus fuero, sepelite me in sepulchro, in quo vir Dei sepultus est; juxta ossa ejus ponite ossa mea. Profecto enim, id est indubitanter et certe, *veniet*, id est implebitur, sermo quem prædixit in sermone Domini, id est, Dei verba sibi dicta ac revelata repetendo; vel, *Veniet sermo*, id est res significata per sermonem; *contra altare quod est in Bethel*, quod scilicet supra ipsum comburentur ossa sacerdotum ipsius sacrilegorum, *et contra omnia fana excelsorum, quæ sunt in urbibus Samariæ* in locis altis constructa. Verumtamen hucusque non legitur bonus ille Propheta prophetasse de profanatione fanorum illorum; sed ex verbis istis elicitur, quod etiam contra illa omnia prophetavit, quæ post tempus istius pseudoprophetæ multiplicata fuerunt, et infra libro quarto leguntur a Josia esse destructa. Hinc falsus iste iussit se sepeliri juxta sanctum Prophetam, ut ossa sua cum ossibus illius Prophetæ manerent intacta, nec cremarentur super illud altare.

Post hæc verba, id est post præfata gesta et signa ac vaticinia, *non est reversus*

IV Reg.
xxiii, 19, 20.

Ibid. 18.

Jeroboam de via sua pessima, quum vidisset præfata miracula de scissione altaris et curatione propriæ manus; nec dubium quin et percepit quæ gesta erant circa bonum illum Prophetam; *sed econtrario fecit de novissimis populi*, id est etiam de vilioribus hominibus decem tribuum, *sacerdotes excelsorum*, id est idolorum et fanorum quæ erant in locis sublimibus constituta. *Quicumque volebat, implebat manum suam, et fiebat sacerdos excelsorum*, id est, consecrari se fecit et hostiam obtulit, quæ in consecratione sacerdotum consuevit offerri; vel, Implevit manum suam, portando in manibus suis munera regi, per quæ obtinuit sacerdotium illud; vel, Implevit manum ipsius regis, dando ei pretium sive pecuniam pro sacerdotio obtinendo. *Et propter hanc causam peccavit domus Jeroboam*, id est cognatio seu soboles et familia ejus atque domestici sequentes scelera regis, *et eversa est et deleta de superficie terræ*.

Circa hæc quæritur, primo, qualiter potuit esse quod Jeroboam post signa præfata mansit tam obstinatus. Ad quod Josephus, aliique expositores et Magister in historiis ipsum sequentes, dicunt quod pseudopropheta ille persuasit Jeroboam regi, non fuisse verum prophetam, quem Dominus per leonem occidit; dexteramque ipsius ex labore thurificandi et immolandi obstupuisse seu aruisse, et quum inde quievisset, ad pristinum redisse vigorem; atque altare fuisse scissum ex onere impositarum hostiarum. Sed textus non videtur his consonare, quoniam sicut jam patuit, falsus ille evidenter dixit ac fatebatur, quod Propheta ille fuisset vir Dei, et quod in nomine Dei esset locutus; quod item omnia quæ prædixit, certissime implerentur; quod etiam esset a leone occisus, eo

A quod Dei præceptum fuit transgressus comedendo in loco prohibito. Deinde quæritur, an bonus ille Propheta peccavit mortaliter comedendo in loco illo. Videtur quod sic, quia divinum violavit præceptum, et fuit inobediens Deo, et quia fuit statim occisus. Ad istud non audeo aliquid affirmare, nisi quod peccatum illud fuit aut leve mortale, aut grossum veniale; et quamvis materialiter prævaricatus fuit præceptum divinum, non tamen formaliter, ut apparet, quia putavit Deum interrim mutasse præceptum.

B Ex his infert Henricus de Hassia, quod homo difficulter excusetur a divini transgressionem præcepti, imo et faciliter incidat eam, quia Propheta iste, non obstante quod credidit Dominum præcepisse, quod falsus ille asseruit, nihilo minus judicatus est inobediens fuisse: quid ergo de his, qui ex certa scientia, ex proposito, ex mera malitia peccant? Et si justus atque omnipotens Deus tam cito ac dire ultus est culpam illam, quæ tantam habuit excusationem et alleviationem: qualiter puniturus est eos, qui sine freno absque timore ac numero transgrediuntur? Denique constat ex illo, qualiter Deus electos in præsentem castigat, reprobos vero æternæ damnationi reservat. Nam sanctum illum Prophetam pro culpa sua mox interemit, sed pseudoprophetam illum reliquit hic impunitum. Innotescit item ex his, qualiter dominandi libido obtenebret induretque animum, et incorrigibilem efficiat hominem, ita ut nec signis, nec beneficiis, nec ratione, nec comminatione retrahatur a vitiis. Itaque, quando in vita hac occurrunt nobis mala morte minora, pensemus qualiter ille vir Dei pro modica (ut apparet) culpa patienter tulit mortis illius tormenta, sicque semper patientes ac humiles permaneamus.

ARTICULUS XXII

EXPOSITIO CAPITULI QUARTIDECIMI : IN TEMPORE ILLO ÆGROTAVIT ABIA.

DE vitiis, debitisque punitionibus Jeroboam regis decem tribuum, et Roboam regis Juda, hic agitur. *In tempore illo ægrotavit Abia filius Jeroboam* primogenitus. Ægrotavit autem ægrotudine, de qua paulo post obiit : et quamvis ægrotatio illa ex naturalibus potuit causis procedere, ex divina tamen providentia, cui naturalia cuncta subduntur, principaliter venit, ut impius rex in ægrotatione et obitu primogeniti cariorisque filii sui graviter affligeretur; secundo, ne bonus juvenis ille paulatim inficeretur criminibus patris ac populi sui, sicut de justo legitur in libro Sapientiae : Vivens inter peccatores translatus est; raptus est, ne malitia mutaret intellectum ipsius, aut ne fictio deciperet animam ejus. Tertio, ne juvenis ille diutius vivendo, videret mala pœnalia suæ cognitioni futura, quemadmodum infra habetur de rege Josia : Jam colligam te ad patres tuos, ut non videant oculi tui omnia mala quæ inducturus sum super locum istum.

Sap. IV, 10, 11.

IV Reg. XXII, 20.

Exod. XXIX, 2, 23; Lev. II, VI, 15, 21.

Dixitque Jeroboam uxori suæ : Surge et commuta habitum, induendo plebeia ac vulgaria vestimenta, ne cognoscaris quod uxor sis Jeroboam, utpote regina, ne forte Propheta ad quem ibis, abneget tibi dicere veritatem propter me, quia ejus informationi et præceptis Dei mihi per eum datis, non acquievi, vel ne propter regium fastum vereatur tibi dicere quod verum est; et vade in Silo, ubi est Ahias propheta, qui locutus est mihi, quod regnaturus essem super populum hunc. Tolle quoque in manu tua, id est in aliquo repositoio seu canistro manu portando, decem panes et crustulam, id est panem parvum ac tenuem sic vocatum, quia totaliter quasi crusta est, de quo sæpe in Exodo et Levitico agitur

mentio, et vas mellis : quæ omnia misit Propheta antiquo quasi eleemosynam, et ut ad benevolentiam provocaretur, non autem ut pretium prophetiæ, imo magis ut stipendium vitæ; vel si impius rex corrupta misit intentione, sanctus tamen Propheta non accepit nisi ut sustentaculum vitæ; et vade ad illum. Ipse enim Ahias propheta, qui mihi prædixit quod regnarem, indicabit tibi quid eventurum sit huic puero. Credebat ergo Jeroboam, quod Propheta ille de hoc faciliter impetraret revelationem a Domino.

III Reg. XI, 31.

Fecit, ut dixerat Jeroboam, uxor ejus. Et consurgens, abiit in Silo, et venit in domum Ahia. At ille non poterat videre, quia caligaverant oculi ejus præ senectute. Dixit autem Dominus ad Ahiam : Ecce uxor Jeroboam ingreditur, ut consulat te super filio suo, quia ægrotat. Hæc et hæc loqueris ei. Quum ergo illa intraret, et dissimularet se esse quæ erat, audivit Ahias sonitum pedum ejus introeuntis per ostium : cui Deus jam revelavit quæ esset, cur venisset, et quid puero eveniret; et ait : Ingredere, uxor Jeroboam. Quare aliam te esse simulas? quasi dicat : Frustra hoc agis, quia divina revelatione panduntur occulta; et si humanam, non tamen propheticam ac divinam, potes effugere notionem. Ego autem missus sum ad te durus nuntius, id est adversa et aspera nuntians. Sed quum mulier ista missa fuerit ac venerit ad Prophetam, non ille ad ipsam, quomodo verum est quod ait, Ego missus sum ad te? Et respondendum, quod quædam missio est localis, qua femina ista venit missa ad vatem. Alia est missio spiritualis, qua quis dicitur mitti, quia ad agendum aliquid deputatur, dirigitur, or-

Jer. XLIX, 14. *Abd. 1. 1.* dinatur. Sic Propheta iste fuit missus, id est directus a Spiritu Sancto ad loquendum feminæ huic verba sequentia. De qua missione in Jeremia habetur, Auditum audivimus a Domino, et legatus ad gentes missus sum; et in Abdia, Legatum ad gentes misit: quia nec Jeremias, neque Abdias corporaliter missus [fuit gentilibus].

Vade, et dic Jeroboam tuo marito: Hæc dicit Dominus Deus Israel: Quia exaltavi te de medio populi, et dedi te ducem super populum meum Israel, et scidi regnum domus David, et dedi illud tibi, et non fuisti sicut servus meus David, qui custodivit mandata mea, et secutus est me in toto corde suo, faciens quod placitum esset in conspectu meo; sed operatus es male super omnes qui fuerunt ante te, et fecisti tibi deos alienos et conflabiles, ut me ad iracundiam provocares, id est, pejus quam reges Israel te priores operatus es: ex quo videtur gravius peccasse quam Salomon, qui non coluit deos alienos ex animo, sed ne contristaret suas delicias, neque induxit communitatem generaliter ac directe ad idololatriam, nec cultum veri Dei in templo prohibuit; me autem projecisti post corpus tuum, id est, tanquam aliquid vile reliquisti atque a tuo corde abiecisti; idcirco ecce ego inducam mala super domum Jeroboam, et percutiam de Jeroboam mingentem ad parietem, id est, quidquid masculini est sexus, cui competit stando ad parietem emanare urinam, et clausum et novissimum in Israel, id est etiam incarceratos ac viliores quosque de semine ejus, qui ei communicaverunt in crimine, quum tamen talibus miserabilibus personis soleat parci. Porro, quod per mingentem ad parietem, debeat intelligi masculus, patet ex eo, quod supra libro primo David dixit de Nabal: Non mansisset mingens ad parietem usque ad mane. Quidam per mingentem ad parietem, intelligunt, vel canem qui crure levato super parietem mingit, vel infirmos ac debiles qui mingere nequeunt, nisi se ad parietem apodiando: qui sensus non videtur con-

1 Reg. xxv, 31.

veniens, nec textui consonus. Deus enim principaliter minabatur sanis ac fortibus viris, deinde infirmioribus; et hominibus, non canibus. *Et mundabo reliquias domus Jeroboam, id est, terram purgabo ab eis, auferendo eos de vita hac: ideo subditur, sicut mundari solet fumus* usque ad purum, id est, sicut purgatur domus a fumo, per hoc quod fumus educitur. Qui mortui fuerint de Jeroboam in civitate, comedent eos canes; qui autem mortui fuerint in agro, vorabunt eos aves cœli; quia Dominus locutus est.*

Tu igitur surge, et vade in domum tuam, et in ipso introitu pedum tuorum in urbem, id est, intrante te domum tuam, morietur puer, videlicet filius tuus Abia: qui tamen fuit virilis ætatis aut circiter; et planget cum omnis Israel, et sepeliet. Iste enim solus inferetur de Jeroboam, id est, de sobole ejus, in sepulcrum, ita quod reverenter sepelietur, quia inventus est super eo sermo bonus a Domino Deo Israel in domo Jeroboam, id est, iste solus inter filios Jeroboam bonus est, et Deus de ipso bona locutus est ad suum honorem. Fuit equidem virtuosus, atque ut fertur, quum pater ejus prohibuisset populo suo ire et sacrificare in templo Jerusalem, et in viis posuisset aliquos ad observandum, an aliquis illuc iret ut caperent eos, iste Abia pro posse amovit illud impedimentum, et cooperabatur ad hoc, quod libere irent ad templum. Multi quippe ex decem tribubus illuc iverunt, juxta illud secundi Paralipomenon: De cunctis tribubus Israel quicumque dederant cor suum ut quærerent Dominum Deum Israel, venerunt Jerusalem ad immolandum victimas Domino Deo patrum suorum.

Constituet autem Dominus sibi regem super Israel, qui percutiat domum Jeroboam in hac die, id est de proximo vel eadem die circulo redeunte, et in hoc tempore; et percutiet Dominus Deus Israel, id est, decem tribus pro suis sceleribus puniet, et de terra ista expellet, sicut moveri solet arundo in aqua, ubi vento faciliter*

11 Par. xi, 16.

Matth. xi, 7; Luc. vii, 24. agitatur, sicut in Evangelio dicitur : Quid A existis in desertum videre ? arundinem vento agitatam ? *Et cretlet Israel de terra bona hac, quum dedit patribus eorum, et ventitabit eos trans flumen, quia fecerunt sibi lucos, ut irritarent Dominum, id est, disperget eos in terram Assyriorum, ut infra legitur factum.* Sicque per flumen potest intelligi vel Jordanis, vel Mesopotamiæ aut Syriæ fluvium, de quo Josue ait : Trans fluvium habitaverunt patres vestri. *Et tradet Dominus Deus Israel, utpote decem tribus, adversariis suis, propter peccata Jeroboam, qui peccavit et peccare fecit Israel, id est propter crimina regis sui, in quibus et ipsi imitati sunt eum.*

Surrexit itaque uxor Jeroboam, et abiit, et venit in Thersa. Quumque illa ingrederetur limen domus, puer mortuus est, et sepelierunt eum. Et planxit eum omnis Israel, juxta sermonem Domini quem locutus est in manu servi sui Ahie prophete.

Reliqua autem verborum Jeroboam, quomodo pugnaverit, et quomodo regnaverit, ecce scripta sunt in libro Verborum dierum regum Israel. Dies autem quibus regnavit Jeroboam, viginti duo anni sunt. Et dormivit Jeroboam cum patribus suis, regnavitque Nadab filius ejus pro eo.

Expedita descriptione vitæ ac mortis primi regis decem tribuum, reddit Scriptura ad describendum facta regis Juda contemporanei ejus. Porro Roboam filius Salomonis regnavit in Juda. Quadraginta et unius anni erat Roboam, quum regnare cœpisset, et decem et septem annos regnavit in Jerusalem civitate, quam elegit Dominus, ut poneret nomen suum ibi, ex omnibus tribubus Israel. Nomen autem matris ejus Naama Ammanitis. Unde apparet, quod Salomon de prima et principali conjuge sua filia Pharaonis, non habuerit filium masculum : vel si habuit, non mansit superstes usque ad mortem Salomonis ; alias successisset ei in regno, si tamen ad hoc aptus fuisset.

Et fecit Judas, id est rex Roboam et populus ejus, malum coram Domino omnia

intuente : ad ejus irreverentiam, peccati- que gravitatem spectat, quod infelix creatura ipso præsente ac inspiciente audet peccare ; et irritaverunt eum super omnibus quæ fecerant patres eorum in peccatis suis quæ peccaverunt. *Edificaverunt enim et ipsi sibi aras et statuas, id est altaria et idola, quibus super altaria illa immolaretur, et lucos, id est nemora pro idololatriis et luxuriis exercendis, super omnem collem excelsum, et subter omnem arborem frondosam : quæ distributio accommoda* B *est, atque intelligenda pro generibus singulorum, non pro singulis generum, sicut et infra sæpe ; sed et effeminati fuerunt in terra Juda, id est evirati natura, arte aut actu, seu molles ad femineam fragilitatem deducti et enervati, seu ephebi vitiis Sodomiticeis dediti, prout secundo Machabe-* *II Mach. iv, 12.* *orum narratur ; et in Isaia, Pueris alienis adhæserunt ; feceruntque omnem abominationem gentium, quas attrivit Dominus ante faciem filiorum Israel.*

Consequenter tantorum punitio seclerum C recitatur : *In quinto autem anno regni Roboam, qui (ut secundo Paralipomenon legitur) tribus annis cum populo suo ambulavit in via Domini, ascendit Sesac rex* *II Par. xi, 17.* *Ægypti in Jerusalem : quæ tunc fuit tribus muris fortissimis clausa et munita, ideo eam tam cito ac faciliter non potuisset intrare, nisi intromissus fuisset ; quum et potentissimus ille Nabuchodonosor, quasi triennio obsederit eam antequam eam* *IV Reg. xxv, 1-4.* *potuit obtinere : quam nec tunc obtinisset, nisi fames invaluisset in civitate. Itaque, prout Josephus et Magister in historiis tradunt, rex Ægypti præcedentibus pactis fuit intromissus, sed fœdera non servavit : imo templum, palatium, civitatem spoliavit non modice, ut consequenter textus qui planus est, enarrat. Et tulit thesauros domus Domini, et thesauros regios, et universa diripuit ; scuta quoque aurea quæ fecerat Salomon, pro quibus fecit rex Roboam scuta ærea, et tradidit ea in manum ducum scutariorum, et eorum qui excubabant ante ostium domus regis. Quumque*

ingrederetur rex in domum Domini, portabant ea qui praeundi habebant officium, et postea reportabant ad armamentarium scutariorum.

Reliqua autem sermonum Roboam, et omnia quae fecit, ecce scripta sunt in libro Sermonum dierum regum Juda. Fuitque bellum inter Roboam et Jeroboam cunctis diebus. Dormivitque Roboam cum patribus suis, et sepultus est cum eis in civitate David. Nomen autem matris ejus Naama Ammanitis; et regnavit Abia filius ejus pro eo. Quae hic non exponuntur, in secundo libro Paralipomenon patent et exponuntur. Passibus autem planis atque facilibus non est immorandum, nisi forte propter moralitatem aut sententiarum fecunditatem, moralitatisque fructum.

A Spiritualiter, per Jeroboam designantur ^{Sensus spiritualis.} iniqui praelati ac praesidentes injusti, qui de bonis Ecclesiae aut inferiorum ditati, et ecclesiasticis dignitatibus sublimati, ingrati sunt Deo, a quo omnis promotio; et negligenter, carnaliter ac scandalose se gerunt, non inducentes populum ad virtutes, sed magis ad vitia. Talium unicuique potest Dominus dicere, *Quia exaltavi te de medio populi*, etc. Tales namque gravissimam damnationem merentur. Postremo, quemadmodum Roboam suis sceleribus meruit subdi regi Aegypti, spoliari ab eo, ac ei servire; sic pastores ac rectores injusti, invisibilibus hostibus aperiunt aditum et pandunt ingressum in Ecclesiam Dei ad perimendum ac spoliandum plebem Christi charismatibus Spiritus Sancti.

ARTICULUS XXIII

EXPLANATIO CAPITULI QUINTIDECIMI : IGITUR IN OCTAVODECIMO ANNO REGNI JEROBOAM.

NUNC de Abia et filio ejus Asa regibus Juda, de Nadab quoque et Baasa regibus Israel, tractat Scriptura. *Igitur in octavodecimo anno regni Jeroboam filii Nabat, regnavit Abia super Judam. Tribus annis regnavit in Jerusalem, non integris, sed duobus et parte tertii anni. Nomen matris ejus Maacha filia Absalon. Aliqui dicunt in Hebraeo haberi, Filia Abessalom, quem putant alium esse ab Absalon filio David. Magister in historiis ait, quod Maacha fuit filia Thamar filiae Absalonis. Unde dictum est libro secundo, quod Absalon habuit filiam elegantis formae nomine Thamar. Ambulavitque in omnibus peccatis patris sui, quae fecerat ante eum; nec erat cor ejus perfectum cum Domino Deo suo, sicut cor David patris ejus. Verumtamen sicut Roboam fuit ad tempus bonus, ita Abia, quemadmodum secundo Paralipomenon continetur. Praeterea quaeritur, quomodo Maacha dicatur hic filia Absalon, quum in prael-*

^{II Reg. xiv, 27.}

^{II Par. xiii, 10-12, 18.}

C legato Paralipomenon legatur libro, Nomen matris ejus Michaa filia Uriel de Gabaa. ^{II Par. xiii, 2.} Ad quod in expositione illius libri diffuse responsum est. *Sed propter David dedit ei Dominus Deus suus lucernam in Jerusalem, ut suscitarret filium ejus post eum, et staret in Jerusalem, eo quod fecisset David rectum in oculis Domini, et non declinasset ab omnibus quae praeceperat ei cunctis diebus vitae suae, excepto sermone Uriae Hethaei, id est, demptis criminibus quae commisit in Uriam et conjugem ejus: quae* ^{II Reg. xi, 4, 15.} erant ita enormia, quod comparatione illorum alia ejus peccata quasi nulla aut minima reputantur. Nihilo minus, ut patuit supra libro secundo, imo et primo, ipse ^{I Reg. xxv, 22.} David in quibusdam etiam aliis non parum peccavit, sicut in populi dinumeratione, et in ipsum Miphiboseth. ^{II Reg. xxiv, 1, 2; xvi, 4.}

Attamen bellum fuit inter Abiam et Jeroboam: in quo Abia inopinatam obtinuit ^{II Par. xiii, 15-19.} Deo auxiliante victoriam, ut patet secundo

II Par. xiii,
20.

Paralipomenon ; *omni tempore vite ejus*, A id est quasi prælata et abbatissa, *in sacris Priapi* : qui vocatur deus hortorum, et erat juvenis, quem propter insolitam magnitudinem membri virilis, mulieres colebant pro Deo ; *et in loco ejus quem consecraverat*, id est, ne in nemore illo in quo exercebantur sacrificia Priapi, amplius præsideret Priapi cultricibus. *Subvertitque specum ejus*, id est speluncam, in qua tempore sacrorum illorum exercebantur luxuriæ, et confregit simulacrum turpissimum ipsius Priapi, cujus idolum factum erat cum similitudine membri virilis nimium magni et nudi : ideo vocatur turpissimum. Nam et in sacris Priapi viri ac feminae incedebant totaliter nudi. *Et combussit in torrente Cedron*, id est juxta vel supra torrentem illum, extra et prope Jerusalem situm : in cujus ripa nascuntur cedri, sicque vocatur torrens Cedron sive Cedrorum. Pulveres quoque combusti simulacri sparsit in aquam illam, ne mater sua aut alia femina aliquid de reliquiis illius statuæ possent colligere ; atque ut in Scholastica fertur historia, Dicunt Hebræi, Asa regem comminuisse idolum illud in pulverem, clamque sparsisse pulverem in torrentem, quod ut palam fieret, ignem processisse ex aqua illa virtute divina, in signum quod placuit Deo.

In anno ergo vicesimo Jeroboam regis Israel, regnavit Asa rex Juda, et quadraginta et uno anno regnavit in Jerusalem. Jam dictum est, quod Abia qui cœpit regnare anno octavodecimo ipsius Jeroboam, regnavit tribus annis : ergo Asa cœpit regnare anno vicesimo primo Jeroboam. Respondetur ut factum est, quod Abia non regnavit ex integro tribus annis : ideo tertius ille annus per synechocoron, nunc regno Abiæ, nunc regno filii ejus Asa adscribitur. *Nomen matris ejus Maacha filia Absalon*. Jam dictum est, quod mater Abiæ patris Asa, fuit Maacha filia Absalon : quomodo igitur Maacha illa fuit mater istius Asa ? Ad hoc communiter respondetur, quod mater hic pro avia ponitur. Alii opinantur, quod duæ fuerunt eodem nomine nuncupatæ et sorores, quarum una fuerit uxor Roboam patris Abiæ, quæ mater Abiæ vocatur ; alia uxor Abiæ, materque Asa.

III Reg. xiv,
24.II Par. xiv,
2, 3, 5 ; xv, 8.

Et fecit Asa rectum ante conspectum Domini, sicut David pater ejus. Et abstulit effeminatos de terra, id est a populo D regni et territorii sui. Qui autem dicantur effeminati, præcedenti est dictum articulo. *Purgavitque universas sordes idolorum quæ fecerunt patres ejus*, id est, idolatrias seu sordida idola Roboam et Abiæ destruxit, et ab eis plebem suam purgavit, inducendo eam ad pœnitentiam, cultumque Dei. *Insuper et Maacham matrem suam amovit a suo principatu superstitioso, sacrilego, quo præfuit in idololatriis Priapi*. Unde subditur, *ne esset princeps,*

Excelsa autem non abstulit, id est, loca illa sublimia seu altaria in eis facta non dissipavit, in quibus filii Israel Deo sacrificabant ante templi ædificationem, quod tunc licuit : et etiam postea quando non licuit ; non tamen videtur fuisse peccatum mortale, Deo super hoc moderante rigorem aut dispensante. Et hoc insinuari videtur ex eo quod subditur : *Verumtamen cor Asa perfectum erat cum Domino Deo suo cunctis diebus suis*. Nihilominus secundo Paralipomenon legitur in quibusdam peccasse, præsertim ponendo Prophetam, a quo erat correptus, in nervo ; sed inde pœnituit, et comparatione tantarum suarum virtutum, excessus illi defluerunt ut fumus. *Et intulit ea quæ sanctificaverat pater suus et voverat, in domum Domini,*

II Par. xvi,
10.

argentum et aurum et vasa. Hoc intelligendum videtur sic, quod pater ejus Abia sortitus præfatam victoriam, vovit Deo offerre argentum et aurum vasaque pretiosa, sed paulo post ad idololatriam lapsus, non adimplevit. Asa vero intulit ea in templum, et Domino deputavit ad usum cultus divini. At vero quod dictum est, Excelsa non abstulit, quidam exponunt de fanis, quæ Salomon fecit idolis suarum uxorum in monte Oliveti, et alibi. Sed præfata expositio verior est, textuique concordior, quia in fanis illis filii Israel non sacrificaverunt Deo, qui frequenter leguntur in excelsis obtulisse. De excelsis quoque fit mentio supra, in primo, secundo, ac tertio libris, pro tempore quod ædificationem fanorum Salomonis præcessit.

III Reg. XI, 7, 8.
I Reg. IX, 12; II Reg. XXIV, 25; III Reg. III, 2-4, etc.

Bellum autem erat inter Asa et Baasa regem Israel, de quo infra est mentio, *cunctis diebus eorum,* quibus pariter regnaverunt, hoc est opportunis diebus. Sed obviare videtur illud secundi Paralipomenon: Regnavit Asa, in ejus diebus quievit terra decem annis; et regnavit in pace, quia quietus erat, et nulla temporibus ejus bella surrexerant, pacem Domino largiente. Sed ad hoc ibidem responsio data est. *Ascendit quoque Baasa rex Israel in Judam,* id est in terram regni Juda, *et ædificavit Rama.* Sicut in libris Josue ac Judicum patet, Rama fuit civitas in tribu Benjamin; et quidam dicunt, quod sumitur hic pro fortalitio magno, quod circa oppidum illud construxit. Interdum quoque Rama est nomen commune, significatque excelsum,

Josue XVIII, 25; Judic. XIX, 13.

sicut in Evangelio: Vox in Rama audita est. *Ut non posset quispiam egredi vel ingredi de parte Asa regis Juda,* hoc est, ut ipsum Asa ac populum ejus arctaret, ac impediret a libero exitu de terra sua ad loca alia opportuna, saltem ex illa parte, et a regressu ad propria: quia in fortalitio voluit ponere bellatores ad infestandum hoc modo regnum Juda.

Matth. II, 18.

Tollens itaque Asa omne argentum et aurum, quod remanserat in thesauris domus Domini, et in thesauris domus regiae,

A dedit illud in manus servorum suorum; et misit ad Benadad filium Tabremon filii Hezion, regem Syriæ, qui habitabat in Damascus, dicens: Fœdus est inter me et te, id est, de cetero sit inter nos amicitiae pactum; vel sensus est, quod et ante jam fuit; et inter patrem meum et tuum fuit fœdus, id est confœderatio pacis; ideo misi tibi munera, argentum et aurum, et peto ut venias et irritum facias, hoc est cassum et violatum, fœdus quod habes cum Baasa rege Israel, et recedat a me. Si fœdus initum inter regem illum Syriæ regemque Israel, fuit in se honestum aut licitum, videtur Asa peccasse, petendo ut cassaretur: quia ut ait Augustinus, fidelitas etiam inter infideles est conservanda, et fœdera pacis cum illis inita, sunt tenenda.

Acquiescens Benadad regi Asa, misit principes exercitus sui in civitates Israel, et percusserunt Aion, et Dan, et Abeldomum Maacha, et universam Cenneroth, omnem scilicet terram Nephthali. Quod cum audisset Baasa, intermisit ædificare Rama, et reversus est in Thersa. Rex autem Asa nuntium misit in omnem Judam, id est ad totum populum regni sui, etiam ad Benjamin, dicens: Nemo sit excusatus venire ad me, nisi quem impossibilitas excusat. Et tulerunt lapides de Rama, et ligna ejus, quibus ædificaverat Baasa, et extruxit de eis rex Asa, Gabaa Benjamin, et Maspha, id est oppidum sic vocatum, ea meliorando aut in eis fortalitia construendo.

Reliqua autem omnium sermonum Asa, et universæ fortitudines ejus, et cuncta quæ fecit, et civitates quas extruxit, nonne hæc scripta sunt in libro Verborum dierum regum Juda? In secundo Paralipomenon multa magnalia de ipso sunt scripta, et ibi exposita. Veruntamen in tempore senectutis doluit pedes vehementissime, et merito, quia in compedes misit Prophetam, a quo fuerat Deo jubente correptus, et ita in præsentī est castigatus. Et dormivit cum patribus suis, et sepultus est

II Par. XIV, XV, XVI.

cum eis in civitate David patris sui. Regnavitque Josaphat filius ejus pro eo.

Consequenter Scriptura revertitur ad reges Israel, qui fuerunt sub tempore Asa. Nadab vero filius Jeroboam regnavit super Israel anno secundo Asa regis Juda, id est, anno illo secundo cœpit regnare. Regnavitque super Israel duobus annis. Et fecit quod malum est in conspectu Domini, et ambulavit in viis patris sui, et in peccatis ejus quibus peccare fecit Israel. Insiliatus est autem ei Baasa, filius Ahiev de domo Issachar, et percussit eum in Gebbethon quæ est urbs Philistinorum : siquidem Nadab et omnis Israel, id est multi de singulis decem tribuum, obsidebant Gebbethon, id est urbem sic appellatam : quæ, ut in Josue legitur, ad tribum Dan pertinebat, sed Philistæi eam inhabitaverunt, ideo Nadab cum populo suo eam obsedit, ut reduceret eam ad regnum suum. Interfecit ergo illum Baasa in anno tertio Asa regis Juda. Quare non ait Scriptura, quod interfecit eum anno quarto regis Asa, ex quo Nadab cœpit regnare anno illius secundo? Respondetur, quod Nadab non regnavit per duos integros annos. Et regnavit pro eo. Quumque regnasset, percussit omnem domum Jeroboam. Non dimisit ne unam quidem animam de semine ejus, donec deleteret

eum, juxta verbum Domini, quod locutus fuerat in manu servi sui Ahiev Sitonitar, propter peccata Jeroboam quæ peccaverat, et quibus peccare fecerat Israel, et propter delictum quo irritaverat Dominum Deum Israel. Reliqua autem sermonum Nadab, et omnia quæ operatus est, nonne hæc scripta sunt in libro Verborum dierum regum Israel? Fuitque bellum inter Asa et Baasa regem Israel cunctis diebus eorum.

Anno tertio Asa regis Juda regnavit, id est, circa finem illius anni cœpit regnare, Baasa filius Ahiev super omnem Israel, id est universas decem tribus, in Thersa, urbe imperii sui, viginti quatuor annis. Et fecit malum coram Domino, ambulavitque in viis Jeroboam, et in peccatis ejus, quibus peccare fecit Israel. Ita in vita præsentis habuit suam mercedem pro obsequio divinæ justitiæ, exhibito in extirpatione cognationis et sobolis ipsius Jeroboam regis. Hæc littera difficultatem non habet : idcirco prolixam expositionem non exigit.

Juxta tropologiam, per Asa et ceteros bonos reges Juda, intelliguntur veri Catholici ; per impios reges ac populos Israel idololatrias, hæretici infideles atque schismatici, qui vel idola vel errorum suorum figmenta colunt pro vero Deo : inter quos sunt assidua prælia.

ARTICULUS XXIV

EXPOSITIO CAPITULI SEXTIDECIMI : FACTUS EST AUTEM SERMO DOMINI AD JEHU.

AGITUR mentio in isto capitulo de Baasa, ejusque filio Ela, et aliis quibusdam regibus Israel. Factus est autem sermo Domini ad Jehu filium Hanani contra Baasa, dicens. Secundo Paralipomenon legitur, quod Hanani propheta corripuit Asa regem : propter quod fuit ab eo missus in nervum. Sicque Jehu iste vir sanctus, creditur fuisse filius Hanani illius, succedens

patri suo non solum in temporalibus, sed et in divinis charismatibus gratiæ gratum facientis et gratiæ gratis datæ. Pro eo quod exaltavi te de pulvere, id est, de parvo statu promovi ad regnum saltem permissive, et posui te ducem super populum meum Israel ; tu autem ambulasti in via, id est idololatria et pessima conversatione, Jeroboam, et peccare fecisti populum meum

Josue XIX,
44.

* eo quod

II Par. XVI,
7-10.

Israel, ut me irritares in peccatis eorum: A ecce ego demetam posteriora Baasa, et posteriora domus ejus, et faciam domum tuam sicut domum Jeroboam filii Nabat, id est, instar metentium succidam et de vita hae tollam morte violenta posteros tuos. Qui mortuus fuerit de Baasa in civitate, comedent eum canes; et qui mortuus fuerit ex eo in regione, comedent eum volucres cœli. Reliqua autem sermonum Baasa, et quaecumque fecit, et praelia ejus, nonne hæc scripta sunt in libro Verborum dierum regum Israel? Dormivit ergo Baasa cum

B patribus suis, sepultusque est in Thersa; et regnavit Ela filius ejus pro eo. Josephus scribit eum occisum a Creone suo commilitone. Quum autem in manu Jehu filii Hanani prophetæ, verbum Domini factum esset contra Baasa et contra domum ejus, et contra omne malum quod fecerat coram Domino, ad irritandum eum in operibus manuum suarum, ut fieret sicut domus Jeroboam: ob hanc causam occidit eum, hoc est Jehu filium Hanani prophetam.

Anno vicesimo sexto Asa regis Juda, regnavit Ela filius Baasa super Israel in Thersa duobus annis, id est anno uno et parte alterius anni. Et rebellavit contra eum servus suus Zambri, dux mediæ partis equitum. Erat autem Ela in Thersa, bibens, et temulentus, in domo Arsa præfecti Thersa. Irruens ergo Zambri percussit et occidit eum, anno vicesimo septimo Asa regis Juda, et regnavit pro eo. Quumque regnasset, et sedisset super solium ejus, percussit omnem domum Baasa, et non dereliquit ex ea mingentem ad parietem, D et propinquos et amicos ejus. Delevitque Zambri omnem domum Baasa, juxta verbum Domini quod locutus fuerat ad Baasa in manu Jehu prophetæ, propter universa peccata Baasa, et peccata Ela filii ejus, qui peccaverunt, et peccare fecerunt Israel, provocantes Dominum Deum Israel in vanitatibus suis. Reliqua autem sermonum Ela, et omnia quæ fecit, nonne hæc scripta sunt in libro Verborum dierum regum Israel?

Anno vicesimo septimo Asa regis Juda, regnavit Zambri septem diebus in Thersa. Porro exercitus obsidebat Gebbethon, urbem Philistinorum. Quumque audisset rebellasse Zambri, et occidisse regem, fecit sibi regem omnis Israel Amri, qui erat princeps militiæ super Israel in die illa in castris. Ascendit ergo Amri, et omnis Israel cum eo, de Gebbethon, et obsidebant Thersa. Videns autem Zambri quod expugnanda esset civitas, ingressus est palatium, et succendit se cum domo regia; et mortuus est in peccatis suis, quæ peccaverat, faciens malum coram Domino, et ambulans in via Jeroboam, et in peccato ejus quo fecit peccare Israel. Reliqua autem sermonum Zambri, et insidiarum ejus, et tyrannidis, nonne hæc scripta sunt in libro Verborum dierum regum Israel? Tunc divisus est populus Israel in duas partes. Media pars populi sequebatur Thebni filium Gineth, ut constitueret eum regem; et media pars, Amri. Prævaluit autem populus qui erat cum Amri, populo qui sequebatur Thebni filium Gineth; mortuusque est Thebni, et regnavit Amri.

Anno tricesimo primo Asa regis Juda, regnavit Amri super Israel duodecim annis. In Thersa regnavit sex annis. Patet ergo quomodo Zambri irruens, occidit Ela anno vicesimo septimo Asa regis. Delevit etiam, id est interfecit, Zambri omnem domum Baasa. Quumque audisset exercitus ipsum Zambri occidisse regem Ela præfatum, fecit sibi regem Amri, qui erat princeps militiæ, et obsidebant Thersa urbem, in qua fuit Zambri: qui videns se capiendum, incendit palatium et seipsum in illo. Anno quoque tricesimo primo Asa regis, regnavit Amri super Israel duodecim annis. Nam mortuo Zambri divisus est populus Israel in duas partes, quarum una nitebatur Thebni facere regem, alia istum Amri, duravitque ista contentio tribus annis; sicque succumbente et mortuo ipso Thebni, regnavit Amri pacifice. Regnavit autem duodecim annis a prima sua electione. Emitque montem Samariæ, id est par-

tem montis, in qua erat civitas nomine Mareon; emit autem eum a viro nomine Somer duobus talentis argenti; et aedificavit eam, id est, in aedificiis reparavit ac melioravit. Et vocavit nomen civitatis quam castruxerat, nomine Somer domini montis, Samariam, id est, nomen urbi imposuit ex nomine viri, a quo partem montis emit: qui vir dictus est Somer, et erat dominus montis illius. Sicque vocavit eam Samareon, a Somer et Mareon, quæ Græce appellatur Samaria; atque in ea constituit sedem regni, et ex tunc facta est Samaria metropolis regni. Interdum tamen Samaria est nomen illius provinciae.

Fecit autem Amri malum in conspectu Domini, et operatus est nequiter super omnes qui fuerunt ante eum. Ambulavitque in omni via Jeroboam filii Nabat, et in peccatis ejus, quibus peccare fecerat Israel, ut irritaret Dominum Deum Israel in vanitatibus suis. Reliqua autem sermonum Amri, et praelia ejus quæ gessit, nonne hæc scripta sunt in libro Verborum dierum regum Israel? Dormivitque Amri cum patribus suis, et sepultus est in Samaria; regnavitque Achab filius ejus pro eo.

Achab vero filius Amri, regnavit super Israel anno tricesimo octavo Asa regis Juda. Et regnavit Achab filius Amri super Israel in Samaria viginti duobus annis. Si ut dictum est, Amri pater Achab regnavit duodecim annis, et regnare cepit anno tricesimo primo regni Asa, ergo Achab regnare incepit post mortem Asa duobus circiter annis, quoniam Asa regnavit annis quadraginta et uno. Ad hoc in Scholastica respondetur historia: Quando Scriptura dicit ipsum Amri tricesimo primo anno Asa regis regnasse, intelligendum est, quod tunc solus et plene super decem tribus, mortuo scilicet Thebni, cepit regnare. Quando autem dicit eum regnasse duodecim annis, tunc numerat a vicesimo septimo anno Asa, quando Israel elegit ipsum Amri in regem: quod tempus extenditur usque ad tricesimum octavum annum regni Asa, quando Achab cepit regnare. Denique, huic

concordantie consonat in sequentibus Scriptura, quæ dicit ipsum Josaphat filium Asa incepisse regnare quarto anno regni Achab. Sed si ista ita se habent, non videtur stare quod Josephus ait, quod regnante Josaphat filio Asa, cepit regnare Achab; sicque juxta jam tacta Asa fuisset defunctus, quando Achab regnare exorsus est: quod textui huic non consonat. Ideo aliqui dicunt, vitio scriptorum hic esse erratum in numero, prout in fine hujus articuli, de hoc plenius dicam.

Et fecit Achab filius Amri malum in conspectu Domini, super omnes reges Israel qui ante eum fuerunt. Nec suffecit ei, ut ambularet in peccatis Jeroboam filii Nabat. Insuper duxit uxorem Jezabel, filiam Ethbaal regis Sidoniorum. Et abiit et servivit Baal, et adoravit eum; et posuit aram Baal in templo Baal, quod aedificaverat in Samaria, et plantavit lucum. Et addidit Achab in opere suo irritans Dominum Deum Israel super omnes reges Israel qui fuerant ante eum. Et Deus tamen multa beneficia ac triumphos ei impendit, per miracula quoque præclara, et per sanctissimum prophetam Eliam ipsum admonuit; nec tamen se emendavit.

*In diebus ejus aedificavit Hiel de Bethel Jericho, non recordans aut non ponderans maledictionem quam Josue fuerat imprecatus ei qui urbem illam reaedificaret. In Josue vi, 26. Abiram primogenito * suo fundavit eam: * primitivo id est, in pœnam culpæ suæ, qua urbem illam cepit reaedificare, statim obiit filius ejus senior nomine Abiram, quando aedificationem illam incepit; et in Segub novissimo filio suo posuit portas ejus: id est, urbe constructa, quando portas ejus appendit, obiit junior filius ejus. Dicuntque aliqui, quod in prosecutione aedificationis urbis illius, inter mortem istorum duorum, obierunt successive et alii filii ejus; et si ignoravit præfatam ipsius Josue imprecationem, non tamen fuit ex illa ignorantia excusatus a culpa, quia scire id debuit. Juxta verbum Domini quod locutus fuerat in manu Josue filii Nun. Qui ait: Maledictus Ibidem.*

vir coram Domino, qui suscitaverit et ædificaverit civitatem Jericho. In primogenito suo fundamenta illius jaciat, et in novissimo liberorum ponat portas ejus. Unde elicitur, quod justo Dei judicio parentes frequenter puniuntur in sobole sua, et propter parentum peccata proles sustinet pœnam: quod qualiter non deroget æquitati divinæ, nec injuriosum sit proli, sed Deo sic moderante, potius prosit animæ ejus, declaratum est sæpe.

Amplius intuendum, quia ut ait in epistola ad Vitalem presbyterum S. Hieronymus, in libro Regum frequenter occurrit tanta quasi dissonantia, difficultas et contrarietas in computatione annorum regum amborum regnorum, ut potius videatur hominis otiosi quam studiosi, circa hoc pro concordantia immorari. Veruntamen quia necesse est sacram Scripturam ab omni errore atque mendacio excusari, sicut revera ab illis prorsus immunis est, ideo expositores catholici, Beda, Rabanus, Petrus Comestor, et alii, laboraverunt pro assignanda concordia, præsertim ad defendendum Scripturam ab incredulorum calumniam.

Itaque ex dictis catholicorum doctorum concordatur: Primo per mysticam numerorum designationem. Magna etenim mysteria in numeris continentur, et quandoque taxat Scriptura annos juxta mysterium, aliquando juxta litteram et rem gestam. Secundo, quia Scriptura interdum non curat, nec computat minutias numerorum ac temporum. Tertio per tropos, quoniam sæpe denominatur pars a toto, et e converso: D

patet de Ozia rege et Joatham filio ejus, ^{IV Reg. xv, 1, 30.} sicut et infra patebit. Sexto, quia ut iterum ait Hieronymus, regnum Juda seu Israel quandoque vacavit ad tempus, quemadmodum et judiciaria præsentia illa temporibus judicum, prout super Judicum fuit expositum: et tempus illius vacantiae, numeratur interdum in tempore regis sequentis, quandoque non numeratur. Septimo, quia nonnunquam Scriptura solum exprimit tempus et annos, quibus rex bene vixit ac laudabiliter præfuit: juxta quem modum in primo libro legitur, ^{I Reg. xiii, 1.} Filius unius anni erat Saul quum regnare cœpisset, duobus autem annis regnavit. Octavo, ex vitio et errore scriptorum. Unde in historiis ait Magister: In libro Regum emergunt contrarietates de collatione annorum regum Juda et regum Israel: quæ determinari quandoque possunt; ubi vero determinatio non invenitur, vitio scriptorum hoc credimus evenisse, qui in propriis nominibus ac numeris sæpe falluntur. Ex his memoriter retentis poterunt difficultates in sequentibus solvi.

Moraliter, ex præsentī docemur capitulo, ^{Sensus spiritualis.} quam terribiliter post hanc vitam puniantur principes ac prælati iniqui, præsertim ex modico statu aut stricta competentia ad magna promoti: quorum ingratitude est grande piaculum, et cum subditis suis, qui eorum negligentia ac pravis exemplis seducuntur ac pereunt, de electorum consortio præseinduntur, et vitam gratiæ perdunt ac gloriæ. Rursus, per Baasa, qui sanctum Prophetam a quo increpabatur, occidit, intelliguntur impatientes, iracundi, superbi, qui increpantibus et castigantibus se indignantur, proterve respondent et obloquuntur. Insuper, constat ex capituli hujus historia, quanta facinora gignat in mundo dominandi libido: ex qua spiritualia ac corporalia nocumenta, homicidia, infestationes, insidiæ, invidiæ, partialitates nascuntur, imo et inquietudines ac timores: quia quod quis intulit alteri, veretur et sibi posse inferri. Ideirco ut in libro Sapientiae legitur: Semper præsumit sæva, ^{Sap. xvii, 10.}

perturbata conscientia. In libro Job quoque A fertur : Sonitus terroris semper in auribus impii; et quum pax sit, ille insidias suspicatur. Qui autem de alterius læsione conscins sibi non est, vivit securus.

Innotescit demum ex isto capitulo, quam *Matth. xii, 25; Luc. xi, 17.* vere dixit Salvator, Omne regnum in se ipsum divisum, desolabitur : quia regnum illud duodecim tribuum, non solum in duo divisum, contra se invicem præliabatur, sed et regnum decem tribuum in se ipsum gravius debacchabatur, et reges invicem se *Ps. lxxiii, 9.* truncabant, donec paulatim ad nihilum est redactum. Per quod etiam designatur, quod quamvis omnes hæretici ab ecclesiastica unitate dissentiant, tamen inter se multiplicitèr graviterque discordant. Ideo qui de talibus moritur *in civitate*, id est militante Ecclesia, quæ est gloriosa civitas Dei altissimi, a canibus devoratur, id est, a malignis ferociæ, iræ, furoris spiritibus absorbetur, quia non prodest ei inter Catholicos corporaliter conversari, quibus per fidem et caritatem non jungitur. Si vero *in regione* obierit, id est in latis et spatiosis itineribus suæ perfidiæ atque malitiæ, vel inter suæ incredulitatis impietatisve socios,

comedunt eum aves, id est aereæ potestates, spiritus elationis et inmansuionis, qui auferunt semen verbi celestis de corde. *Luc. viii, 5, 12.*

Postremo, per Jericho quam sanctus vir Josue primo totaliterque destruxit, et sub *Josue vi, 24, 26.* terribili maledictione reædificari prohibuit, designatur hoc sæculum nequam, seu mundus positus in maligno, vel vanitas atque impietas sæculi hujus. Hanc Jericho reædificat, qui post contritionem et confessionem, post fidei et Baptismi susceptionem, post religiosæ vitæ assumptionem, mente aut corpore redit ad pristina vitia, nec implet quod jubet Apostolus : Nolite, inquit, conformari huic sæculo, *Rom. xii, 2.* sed renovamini spiritu mentis vestræ. Talis in exordio suæ aversionis ac recidivationis, qua incipit mundum in se ipso construere, privatur primogenito, boni totius fructu vero ac spirituali amore, deinde bonorum operum fructificatione multiplici, ac præmio tandem salutis æternæ. Non itaque diligamus mundum, nec ea quæ in *1 Joann. ii, 15.* mundo sunt : quia si quis diligit mundum, id est vanitates, voluptates, perversitates hominum, caduea ista inordinate amantium, non est caritas Dei in eo.

ARTICULUS XXV

EXPOSITIO CAPITULI SEPTIMIDECIMI : ET DIXIT ELIAS THESBITES.

MIRABILIA quædam Dei, in Elia et per *D* Eliam peracta, consequenter narrantur, ex quibus impietas Achab ac filii ejus et subditorum, clarius innotescit. *Et dixit Elias Thesbites*, id est, natus de oppido Thebes, in quo Abimelech est occisus, *de habitatoribus Galaad*, hoc est terræ sic dictæ. Galaad autem quandoque est proprium nomen viri, ut patet in libro Numerorum ; quandoque est nomen civitatis, aliquando terræ ultra Jordanem, in qua Elias

forsitan maluit commorari, ut ab idololatriis rege ac populo se, quantum congrue poterat, elongaret. *Ad Achab : Vivit Dominus Deus Israel, in cujus conspectu sto*, id est, sum et vivo, atque per gratiam sum erectus, et in virtutum semitis ambulo. Iste fuit tunc modus jurandi. Elias vero tanquam vir excellentèr heroicus, pensavit assidue se jugiter in divinæ majestatis præsentia, atque in divini vultus intuitu esse, vivere, conversari : ideo reverenter in eun-

ctis se habuit coram Deo: *Si erit*, id est, A non erit, *annis his ros et pluvia, nisi juxta oris mei verba*, id est, nisi tunc et quando prædixero rorem pluviamque venturos; vel nisi quando verba orationis fudero pro impetrandis rore et pluvia.

Hæc totius magnanimitatis ac confidentiæ verba dixit Elias zelo justitiæ, ex plenissima quam habebat ad Deum fiducia, quia amicus Dei erat, et quasi consiliarius et secretarius ejus; vel ex instinctu divino et inspiratione Spiritus Sancti, impellentis sanctum virum ad ista dicenda. Vel Elias B primo Dominum exoravit, ut impiissimum regem ac populum pessimum, per subtractionem roris ac pluviae paternaliter castigaret, ut vel sic vexatione intellectum præstante, converterentur ad verum Deum a cultu idolorum, a quibus infra tantum tempus, nec rorem, nec pluviam impetrare quiverunt. Quumque Dominus revelasset Eliæ se esse desuper exauditum, locutus est verba præhabita regi. Dicunt autem quidam Hebræi, quod Achab videns maledictionem ipsius Josue adimpletam in eo, qui urbem C Jericho ædificavit, non autem maledictionem Moysis, qui idololatriam sub eadem, imo sub multum majori maledictione prohibuit, quum tamen Moyses fuerit pater magisterque Josue, dixit Eliæ a quo de sua idololatria arguebatur: Potest accidere ut verbum discipuli, scilicet Josue, impleatur, quum tamen verbum magistri, utpote Moysis, contingat non adimpleri: quod in parvipensionem comminationum Mosaicæ legis dixit. Quo audito, Elias oravit, ut nec ros, nec pluvia ad tempus descenderet: D seque exauditum intelligens, locutus est verba præinducta ad Achab.

Et factum est verbum Domini ad eum, videlicet ad Eliam per angelum, *dicens: Recede hinc*, discedendo ab impio Achab, ne durante defectu roris ac pluviae, te persequatur. Nam licet bonis hominibus propriæ personæ fugere persecutionem, dum sine scandalo fieri potest, sicut in Evangelio ait Salvator: Quum persecuti vos fuerint in una civitate, fugite in aliam. *Et vade*

contra orientem, id est versus plagam orientalem, *et abscondere in torrente Carith*, qui est contra Jordanem, hoc est, juxta torrentem sic dictum absconde te, *et ibi de torrente bibes; corvisque præcepi*, id est, ad hoc eos movebo ministerio angelico, *ut pascant te ibi*: qui victualia tibi apportabunt ibidem. *Abiit ergo, et fecit juxta verbum Domini. Quumque abiisset, sedit in torrente Carith qui est contra Jordanem. Corvi quoque deferebant ei panem et carnes mane*, hoc est hora prandii, *similiter panem et carnes vesperi*, id est hora cœnæ: et erant carnes allatæ, ad edendum paratæ. Angelus autem corvis attulit illa. *Et bibebat de torrente*. Voluit autem omnipotens Deus omnipotentiam ac providentiam suam monstrare, etiam per irracionales creaturas: ideo non per angelum, sed per corvos fecit illa afferri. Sic et in novo Testamento, corvus attulit quotidie panem beatissimo Paulo primo eremitæ. Hinc quoque perpenditur, quod juxta consuetudinem ac congruentiam loci ac temporis nutriendus sit homo. Nam Eliæ sub Mosaica lege allati sunt panes ac carnes bis quolibet die, quia tunc nondum venerat evangelicæ legis perfectio, de abstinentia a carnibus et quotidiano jejunio. Ideo Paulo anachoretæ non nisi semel in die allatus est panis dumtaxat. Denique, ut super Joannem ait Chrysostomus, quæ Deus supernaturaliter operatur, sunt optima, sicut vinum quod Christus ex aqua Joann. II, fecit in nuptiis. Sic de panibus et carnibus 3-11. Eliæ supernaturaliter apportatis, dicendum videtur, quod erant valde boni saporis: quemadmodum etiam in primo libro Vitæ Patrum refert Hieronymus de pane quotidie divinitus exhibito cuidam sanctissimo monacho, quod erat candidissimus, optimique saporis: quod et in eodem libro narrat de victualibus supernaturaliter apportatis beatissimo patri Apollonio et monachis ejus.

Post dies autem aliquantos siccatus est torrens. Non enim pluerat super terram. Poterat Deus facillime aquam conserva-

Is. xxviii, 19.

Josue vi, 26.

Deut. xxvii, 15: xxviii, 15 et seq.

Matth. x, 23.

re, imo producere in torrente, sed voluit A subvenire non solum Eliæ, sed et devotæ viduæ per Eliam, sicut subjungitur.

Factus est ergo sermo Domini super eum, dicens : Surge et vade in Sarepta urbem Sidoniorum : quæ parvula urbs inter Tyrum et Sidonem magnas urbes fuerat situata. Silva quoque juxta oppidum sita, vocabatur Sarepta. Et manebis ibi ; præcepi enim ibi mulieri viduæ, id est inclinabo mentem illius, daboque ei voluntatem et facultatem, ut pascat te : imo tu potius pascas eam, quoniam meritis tuis providebo et illi. Surrexit et abiit in Sarepta Sidoniorum. Quumque venisset ad portam civitatis, apparuit ei mulier vidua, colligens ligna. Et tunc Deus revelavit Eliæ, quod de illa femina fuit ei locutus, vel ante ei prædixit, quod illa esset quam inveniret ibidem ; sive (ut quidam dicunt Hebræi) Elias ignorans in particulari, de qua muliere Deus sibi esset locutus, oravit, ut Dominus sibi ostenderet quæ esset mulier illa, per hoc quod mulier illa prompte præberet sibi petenti poculum aquæ, quemadmodum et in Genesi legitur servus Abrahæ exorasse. Hinc sequitur : Et vocavit eam, dixitque ei : Da mihi paululum aquæ in vase, ut bibam. Quumque illa pergeret, ut afferret aquam, clamavit post tergum ejus. Tunc certificatus Elias, quod de illa femina Dominus ei dixisset, adjecit, dicens : Affer mihi, obsecro, et buccellam panis in manu tua.

Quæ respondit : Vivit Dominus Deus tuus. Consideravit hæc mulier Eliam esse devotum Dei cultorem, ideo Deum universorum vocavit specialiter Deum ipsius. Quia non habeo panem, nisi quantum pugillus capere potest farinæ in hydria, et paululum olei in lecytho. En colligo duo ligna, hoc est pauca ligna, ponendo numerum determinatum pro indeterminato, ut ingrediar, et faciam illud mihi et filio meo : id est, ex lignis construam ignem, sicque coquam panem ex farina quam habeo in hydria, quam farinam conspersi oleo, quod habeo in lecytho, hoc est vase

ad hoc apto : et proprie appellatur lecythus vas amplum de aurichaleo ; *ut comedamus ego et filius meus panem illum, et moriamur ex inopia : quia jam fuit ibi caristia, nec putavit vidua hæc se posse acquirere necessaria vitæ, pane illo consumpto.*

Ad quam Elias : Noti timere te et filium tuum ex inopia morituros, sed vade, et fac sicut dixisti, faciendo ignem, et oleo conspergendo farinam. Verumtamen mihi primum fac de ipsa farinula subcinerium panem parvulum, hoc est sub cinere coetum : quem voluit sibi Propheta primo parari atque afferri, non principaliter ex magnitudine famis, sed ut mulier in tanta caristia sibi credendo ac obtemperando mereretur adjuvari a Domino ; et affer ad me ; tibi autem et filio tuo facies postea. Hæc autem dicit Dominus Deus Israel : Hydria farinæ non deficiet, hoc est, non evacuabitur hæc farina, sed Dominus supernaturaliter multiplicabit farinam in ea. Eodem modo nec lecythus olei minuetur, ita quod satis invenietur in eo tempore opportuno : tamen in ipsa olei effusione forsitan minuebatur, sed mox miraculose oleum multiplicabatur in eo ; usque in diem in qua Dominus daturus est pluviam super faciem terræ.

Quæ abiit, et fecit juxta verbum Eliæ. Et comedit ipse et illa, id est Elias et vidua, et domus, hoc est domestici, ejus, præcipue filius : et forsam jam tam gratiose provisa, acceperat aliquos pauperes et propinquos in domo sua, ut secum reficerentur. Tale quid frequenter in novo contigit D Testamento misericordissimis hominibus, qui tempore necessitatis omnia sua liberalissime atque piissime communicaverunt pauperibus : propter quod eorum blada, panes, oleum et consimilia tempore longo non defecerunt, quantumcumque tollebatur ab ipsis. Et ex illa die hydria farinæ non defecit, et lecythus olei non est imminutus, juxta verbum Domini quod locutus fuerat in manu Eliæ.

Factum est autem post verba hæc, agrotavit filius mulieris matrisfamilias, id est

viduæ hujus, *et erat languor fortissimus*, A totaliter vincens naturam, *ita ut non remaneret in eo halitus*, id est vis respirandi : quod est signum vicinæ mortis. Potuit autem infirmitas illa ex naturali accidere causa ; potius tamen ex divina providentia, ut per pueri suscitationem Deus omnipotentiam suam inter gentiles ostenderet, ac sui Prophetæ panderet sanctitatem. *Dixit ergo ad Eliam : Quid mihi et tibi, vir Dei?* id est, quid commune est nobis, et quare convenimus, qui tam impares sumus in vita, ita quod ex tua præsentia videtur mihi majus incommodum quam commodum contigisse? Ideo sequitur : *Ingressus es ad me, ut rememorarentur iniquitates meæ, et interficeres filium meum?* Quod interrogative intelligendum est, tanquam dicat : An ideo venisti ad me, ut respectu et comparatione sanctitatis tuæ, magis appareant et graviores a Deo judicentur culpæ meæ, sicque occasione tui propter mea demerita Deus jussit filium meum mori? Quum enim opposita juxta se posita, magis appareant, quotidiana peccata feminae C hujus, quamvis devotæ, respectu excellentiæ meritorum quotidianorum Eliæ, plus apparebant. Sic nanus inter pygmæos magnus, respectu viri pulchri est parvus ; et omnis sapientia, perfectio, puritas creaturæ, respectu excellentiæ Dei, nullius momenti est. Juxta hunc sensum intelligendum est, secundum Hebræos, quod Lot

Gen. xix, 19. dixit ad angelum : Non possum in monte salvari, id est cum Abraham viro in sanctitate sublimi.

Verumtamen huic expositioni a Catholicis et Hebræis inductæ contradicit Rabbi Paulus, et ait : *Opinio illa est penitus irrationabilis*. Nam licet sanctitas mulieris esset modica respectu sanctitatis Eliæ, sicut justitia Lot respectu justitiæ Abrahamæ, ex hoc tamen non debet dici iniquitas esse in muliere, vel Lot non posse salvari in monte, id est juxta Abraham. Nam minus virtuosus juvantur magis quam vitientur ex consortio perfectorum. Nam bonum est sui diffusivum. Deinde scribit contra exem-

plum quod Lyra inducit de pallido, quod respectu rei multum albæ, videtur ad nigredinem declinare, et ait : Quamvis judicium sensitivum secundum comparationes et respectus decipiatur, non tamen judicium rationis : ut patet de sole, qui secundum sensum judicatur fere bipedalis ; tamen ratio judicat eum multo majorem tota terra. Quanto igitur incomparabiliter æstimandum est de divino judicio, quod non judicat aliquem esse injustum ob hoc quod non æqualis est alteri? Reddit enim uni- B cuique juxta opera sua. Unde talis respectus nihil hic operatur. Ideo ad intelligentiam textus sciendum, quod mulier hæc devota reputabat se peccatricem, et Eliam maximum justitiæ zelatorem : ideo præsumebat, et quod adventus Eliæ in domum suam procuraverat mortem filii sui ex iniquitate sua, scilicet matris, et quod Elias recordaretur iniquitatem illam coram Deo ad finem istum, ut per mortem sui filii temporalem mulier illa converteretur ad Deum, sicut frequenter homines per pœnas temporales castigati emendant se. Hæc Rabbi Paulus.

Circa quæ dico, quod justitia minus justus dicitur injustitia respectu multo majoris justitiæ, non simpliciter, sed respective et propter mala annexa ; nec in hoc errat ratio sic dictando, imo hoc modo dixit Salvator, Nemo bonus nisi solus Deus : et sic solus dicitur esse, juxta illud, Nonne tu qui solus es? Sic quoque ait Apostolus : Soli sapienti Deo. Imo sic loquitur Isaias : Quasi pannus menstruatae universæ justitiæ nostræ. Juxta hunc sensum multa scribuntur in libro Job, utpote : Ecce luna non splendet, et cœli non sunt mundi in conspectu ejus. Et : Non justificabitur homo compositus Deo. Sic boni et humiles viri comparatione sanctorum patrum, præsertim Apostolorum, se reputant prorsus defectuosos, immundos, culpabiles. Insuper, quamvis minus boni juvantur meritis meliorum, hi tamen qui cum perfectis hominibus conversantur, culpabiliores redduntur, dum eorum vestigia tantum ut opus est non se-

Ps. lxi, 13;
Apoc. xxii, 12.

Luc. xviii, 19.
Job xiv, 4.

Rom. xvi, 27.
Is. lxiv, 6.

Job xxv, 5;
xv, 15.

Ibid. ix, 2.

quantur : sicque cum sancto viro se male habere, est valde damnabile. Ideo mulier illa reputans se minus debite exemplis Eliae proficere, dixit verba præhabita juxta sensum inductum.

Et ait ad eam Elías : Da mihi filium tuum, id est corpus ejus exanime, intelligendo partem per totum. *Tulitque eum de sinu ejus et portavit*, scilicet corpus illud, in cœnaculum ubi ipse manebat, videlicet in camera separata, in qua solus soli Deo cum inæstimabili devotione vacabat, et ut ibi solus Deum devotius atque liberius exoraret, *et posuit super lectulum suum*. *Et clamavit ad Dominum*, corde magis quam ore, quia affectuosissime postulavit, *et dixit : Domine Deus meus*. Hoc est verbum ardentissimi amatoris, qui Deum omnium, specialiter nominat Deum suum, primo ob specialissimam Dei pietatem et gratiam circa se, secundo ob singularissimum affectum et cultum sui ad eum. *Etiamne*, id est anne, *viduam*, apud quam ego utrumque sustentor, id est, aliququaliter repauso et nutrior in terra hac aliena, *afflixisti in tantum, ut interficeres* morte naturali *filium ejus*? Ecce ista sunt verba familiarissimi amici Dei altissimi, loquentis ad Deum ex summa fiducia, quasi per modum admirantis, et quodammodo veluti increpantis, quod ita tractaverit viduam bonam, cum servo et Propheta Dei tam misericorditer omni die agentem. Sic in novo Testamento, Paulus Simplex, vir sanctissimus, dum quemdam infirmum non posset tam cito curare ut affectavit, dixit ad Dominum : Verè non comedam hodie, nisi sanaveris eum. Et protinus, quasi delectato Domino in simplicitate atque fiducia ferventissimi famuli et amici, curatus est æger ille.

Et expandit se, atque mensus est super puerum tribus vicibus, ut virtute et contactu sancti corporis sui, corpus illud exanime disponderetur ad revivificationem, atque ut coram Deo ostenderet, quantum defuncti resuscitationem optavit, et quantum puerum illum dilexit, et propter rationem mysticam, quæ tangetur. Expandit

quoque se ter, ad insinuandum superbeatissimæ Trinitatis mysterium, cujus virtute et fide postulavit obtinere supernaturalem illum effectum : et quoniam universorum entium operumque perfectio, in quadam trinitate consistit, prout primo Sententiarum habetur. *Et clamavit ad Dominum, et ait : Domine Deus meus, revertatur, obsecro, anima pueri hujus in viscera ejus*, ita ut denuo corpus informet. *Et exaudivit Dominus vocem Eliae* in hac secunda exclamatione, quæ videtur fuisse humilis magis quam prima : ideo in secunda ista oratione est exauditus. Quoniam suscitatio mortui, tam supernaturale et magnum miraculum est, ut omnipotenti Deo sit proprium : ideo magis impetratur humili oratione, quam adjuratione aut quasi increpatorio quodam sermone. Et quamvis Elias fuerit vir eximie sanctitatis, pensandum tamen, quam facilius et quasi imperiosius, non solum Christus, sed et gloriosi Apostoli et alii quidam viri sanctissimi in evangelica lege suscitaverunt mortuos, quam Elias. Siquidem adolescentem juxta portam Naim Christus suscitavit, dicendo : Adolescens, tibi dico, surge. Similiter duoden-

Luc. vii, 12-15.
Matth. ix, 23-25.

nem puellam. Sic et dignissimus apostolici ordinis princeps brevi oratione præmissa, suscitavit Tabitham, dicens : Tabitha, surge. Joannes quoque evangelista Drusianam, dicendo : Drusiana, surge, et præpara mihi. Qui etiam superpositione et contactu tunicæ suæ, duos suscitavit simul defunctos.

Act. ix, 40.

Præterea quæritur, qualiter Elias vir perfectæ staturæ virilis, potuit se non solum expandere, sed et metiri seu mensurare super puerum illum. Circa hoc aliqui dicunt, quod miraculose divina virtute contraxit se ad mensuram et adæquationem puerilis corpusculi : quod etiam dicunt de Eliseo, de quo infra libro quarto habetur, quod ascendit et incubuit super puerum, posuitque os suum super os ejus, et oculos suos super oculos ejus, et manus suas super manus ejus, in signum et typum Christi, qui in Sacramento sub modica panis specie continetur. Potest etiam dici, quod

IV Reg. iv, 34.

Elias mensus est super puerum, coaptando se ejus corpuseculo, non per adæquationem, sed convenientem extensionem atque possibilem applicationem.

Et reversa est anima pueri intra eum, et revixit. Tulitque Elias puerum, et deposuit eum de cœnaculo in inferiorem domum, et tradidit matri suæ. Et ait illi : En vivit filius tuus. Dixitque mulier ad Eliam : Nunc in isto tam supernaturali effectum cognovi certius quam noveram ante, quoniam vir Dei, id est Deo veraciter excellenterque placens, es tu. Quamvis enim miracula quandoque fiant per malos ac reprobos, sicut in Evangelio ait Salva-
tor, Multi dicent mihi in die illa, Domine, Domine, nonne in nomine tuo prophetavimus? raro tamen, imo rarissime fiunt per illos, præsertim miracula tam præclara, ut est suscitatio mortui, quæ per nullum iniquum legitur facta. Et verbum Domini in ore tuo verum est, id est, vere ex parte Dei loqueris, et verus Dei propheta es, ac vera sunt vaticinia tua. Refert Hieronymus, quod puerum istum ab Elia suscitatum, dicunt Hebræi Jonam esse prophetam, de quo infra libro quarto : qui vocatus est filius Amathi, id est filius veritatis, ut super Jonam exponit Hieronymus, quia dum Elias suscitavit eum, mater ejus locuta est : Nunc in isto cognovi, quoniam vir Dei es tu, et verbum Domini in ore tuo verum est. Hæc est vidua, de qua apud Lucam Veritas protestatur : Multæ viduæ erant in diebus Eliæ in Israel, et ad nullam illarum missus est Elias, nisi in Sarepta Sidoniæ.

Matth. vii, 22.

IV Reg. xiv, 25.

Luc. iv, 25, 26.

Sensus mysticus.

Mystice, per Eliam exprimitur Christus summus zelator justitiæ, qui dum princi-

pes Judæorum de eorum superstitionibus atque criminibus acriter increpasset, absconditus est *in torrente Carith*, id est in abundantia et fluctibus suæ acerbissimæ passionis, in qua abscondita fuit fortitudo et omnipotentia ejus, juxta illud Isaïæ : Quasi absconditus vultus ejus, et despectus, unde nec reputavimus eum. Et ibi corvi ejus eum pascebant, quia in sua passione de suæ passionis copiosissimo fructu, hoc est gentilium vitiis denigratorum conversione, mens ejus delectata est et refecta. Et sicut corvi attulerunt Eliæ carnes et panes, sic conversi gentiles Christo obtulerunt corpora sua et opes. Cessante autem et exstincta Christi passione, missus est ipse per Apostolorum prædicationem ad viduam *in Sarepta*, id est ad gentilitatem ubique terrarum : quæ duo ligna collegit, dum crucis mysterium didicit, ex cujus consideratione in se ignem amoris accendit, quo sibi et filiis suis spiritualia fercula præparavit : ejus farina et oleo, id est puritate et unctione superna, ac subcinericio panis, id est humili propriæ fragilitatis recognitione, delectatus est Dominus. Porro, per defunctum viduæ filium, accipitur genus humanum peccatis sopitum et morte culpæ infectum : super quod Filius Dei piissima condescensione in sua incarnatione incubuit, et ejus naturam assumpsit, ac pro ejus salute in crucis patibulo mensus est et extentus, atque pro spirituali ipsius revivificatione deprecatus est Patrem : quem Pater pro sua reverentia exaudivit. Ter quoque incubuit, quia ter Patrem oravit, atque in sua incarnatione, prædicatione et passione, humano se generi misericordissime coaptavit.

Habac. iii, 4.

Is. liii, 3.

Hebr. v, 7.

Matth. xxvi, 39, 42, 44.

ARTICULUS XXVI

EXPOSITIO CAPITULI OCTAVIDECIMI : POST DIES MULTOS VERBUM DOMINI
FACTUM EST AD ELIAM.

RECITANTUR hic duo mirabilia Dei A per Eliam peraeta, pro emendatione impii Achab ac populi ejus idololatræ. Primum est, consummatio holocausti Eliæ facta per ignem. Secundum est, collatio pluviae. *Post dies multos verbum Domini factum est ad Eliam* per angelum, *in anno tertio*, id est circa finem tertii anni a tempore suæ egressionis ac fugæ de terra Israel: quamvis etenim fames seu caristia illa duravit annis tribus et mensibus sex, ut dicit S. Jacobus, illa tamen caristia cœpit atque duravit per medium annum aut circiter antequam de terra Israel exiit, præsertim quia multis diebus mansit prope torrentem Carith situm in terra illa, antequam ivit Sarepta; *dicens: Vade, et ostende te Achab, ut dem pluviam super faciem terræ. Ivit ergo Elias, ut ostenderet se Achab. Erat autem fames vehemens in Samaria, non solum in urbe metropoli sic vocata, sed et in tota illa provincia, ex terræ arefactione.*

Vocavitque Achab Abdiam dispensatorem domus suæ. Abdias autem timebat Dominum Deum valde, filiali et sancto timore: ideo dignus fuit invenire Eliam, et ab eo accipere opem. Nam quum interficeret Jezabel prophetas Domini, cupiens cultum veri Dei totaliter extirpare, idololatriamque augere; tulit ille centum prophetas, id est, ad se vocavit occulte totidem viros: qui vocantur prophetæ, vel quia prophetiæ gratia coruscabant, vel quia discipuli erant Prophetarum majorum, intenti divino obsequio, psalmis atque eloquiis Prophetarum sanctorum; et abscondit eos quinquagenos et quinquagenos in speluncis, id est in duabus speluncis, in

qualibet quinquaginta, *et pavit eos pane et aqua*, id est cibo quocumque ac potu, quæ in Scripturis per panem designantur et aquam. *Dixit ergo Achab ad Abdiam: Vade in terram regni mei, ad universos fontes aquarum, in quibus dudum fuerat aqua, quamvis modo sint exsiccati: ad universos, inquam, fontes in parte terræ tibi assignanda locatos, et in cunctas valles, juxta eundem sensum, si forte invenire possimus herbam, id est fœnum seu gramina, quæ in locis prope aquas magis solent abundare, et salvare possimus equos et mulos, et non penitus jumenta intereant fame, quibus et aqua permodica est. Itaque deficiente imbre, defecerunt et gramina terræ, quibus equi et muli, oves, vaccæ et boves aluntur. Diviseruntque sibi regiones, id est terras et sortes decem tribuum, in quibus tempore Josue et antea plures reges commorabantur, ut circumirent eas. Achab ibat per viam unam, et Abdias per viam alteram seorsum.*

Quumque esset Abdias in via. Cum Achab et cum Abdia aliqui servi currebant, qui hinc inde discurrendo, quærebant pascua juxta regis præceptum. Occurrit ei Elias. Qui Abdias quum cognovisset eum, cecidit super faciem suam, id est, in terram prostravit se ex humilitate ante faciem Eliæ, quem ob suam sanctitatem atque multiplicem excellentiam in donis Dei venerabatur, imo et Deum in famulo suo, et ait: Num tu es, domine mi, Elias? Cui ille respondit: Ego. Et dixit: Vade, dic domino tuo, Adest Elias. Et ille, Quid peccavi, inquit, quoniam tradis me servum tuum in manu Achab, ut interficiat me? id est, ob quam culpam meam injungis mihi istam

Jacob. v, 17; Luc. iv, 25.

III Reg. xvii, 7.

legationem, mea aestimatione mihi periculosam, ut dicam domino meo Achab te adesse? Ex qua denuntiatione sequetur occisio mea, si subito ad alium locum fueris deportatus per angelum, ut aliquando accidit circa te; sicque te non invento, occidet me, putans me sibi esse mentitum, vel quia non praesentavi te ei etiam vel invitum et captum, quoniam undique te fecit inquiri ad capiendum. *Vivit Dominus Deus tuus, quia non est gens aut regnum, in quo non miserit dominus meus te requirens. Et respondentibus cunctis, Non est hic, adjuravit singula regna et gentes, eo quod minime reperireris, ut unumquodque eorum quod perceperit ubi sis, significet ei. Præterea mirum, quod nemo perceperat ubi esset, quum fuerit in terra Sidoniorum non remote a regno Israel, et per suscitationem mortui forsitan fuit ibi famatus. Sed non est consilium contra Dominum. Et nunc tu dicis mihi, Vade, et dic domino tuo, Adest Elias? Quumque recessero a te, Spiritus Domini asportabit te in locum quem ego ignoro; et ingressus nuntiabo Achab, et non inveniens te, interficiet me. Servus autem tuus timet Dominum ab infantia sua. Numquid non indicatum est tibi domino meo quid fecerim, quum interficeret Jezabel prophetas Domini, quod absconderim de prophetis Domini centum viros, quinquagenos et quinquagenos in speluncis, et paverim eos pane et aqua? Et nunc tu dicis, Vade, et dic domino tuo, Adest Elias, ut interficiat me? Et dixit Elias: Vivit Dominus exercituum, ante cujus vultum sto, quia hodie apparebo ei.*

Prov. xxi,
30.

Abiit ergo Abdias in occursum Achab, et indicavit ei. Venitque Achab in occursum Eliæ. Et quum vidisset eum, ait: Tunc es ille qui conturbas Israel, id est, totum regnum decem tribuum inquietas? quasi dicat: Quum sis hostis boni communis, qui sterilitatem procurasti, dignus es morte. Et ille ait: Non ego turbavi Israel turbatione injusta, vel aliquam eis irrogando injuriam, quamvis procuraverim eis justam

punitionem; sed tu et domus patris tui, id est tu et consanguinei sive domestici tui, qui per idololatriam meruistis poenas istas, qui dereliquistis mandata Domini, et secuti estis Baalim. Verumtamen nunc mitte, et congrega ad me universum Israel, id est majores principalioresque ex tribubus decem, et alios quosdam cum illis, in monte Carmeli, existentis in funiculo Issachar. Sicque mons iste Carmeli alius fuit ab eo, juxta quem commoratus est Nabal, et fuit in tribu Juda. Hic autem Carmelus, in quo immolavit Elias, est in confinio Palæstinæ atque Phœnicæ. Et prophetas Baal quadringentos quinquaginta, prophetasque lucorum, id est idolorum, vel potius dæmonum, qui in nemoribus colebantur, quadringentos, qui comedunt de mensa Jezabel.

Misit Achab ad omnes filios Israel, et congregavit prophetas in monte Carmeli. Accedens autem Elias ad omnem populum Israel, ait: Usquequo claudicatis in duas partes? id est, ad utramque partem erratis, nec in via Dei recte inceditis, et estis ab invicem differentes, dum aliqui vestrum nunc Deo, nunc idolis immolant, et quidam idolis tantum, aliqui Deo solum: sicque pro maxima parte a regia via virtutum receditis, et ad utrumque vitiosum declinatis extremum: juxta illud Psalmi, Filii alieni inveterati sunt, et claudicaverunt a semitis suis. Si Dominus est Deus, id est, si is qui in lege et Prophetis communiter vocatur Deus, est verus et æternus et incommutabilis Deus, sequimini eum, id est, adhæreatis ei, et accedatis ad eum per fidem et debitum cultum; si autem Baal est verus Deus, cui soli debetur adoratio et sacrificatio, sequimini illum. Et non respondit ei populus verbum, quia erant pusilli, nutantes, et ambigentes cui potius assentirent, impio regi et prophetis ejus superstitiosis, an sancto prophetæ Eliæ.

Et ait rursus Elias ad populum: Ego remansi propheta Domini solus. Jam Elias audierat ab Abdia, quod centum abscondisset prophetas, quomodo ergo mansit so-

Cf. Josue
xix, 26.

I Reg. xlv,
2; Josue xv,
55.

Ps. xvii, 46.

lus propheta Dei? Et respondendum, quod A dixit se solum superstitem de prophetis in manifesto audentibus apparere. *Prophetae autem Baal quadringenti et quinquaginta, prophetæque lucorum quadringenti viri sunt. Dentur nobis duo boves, et illi eligant sibi bovem unum, et in frusta cadentes, ponant super ligna, ignem autem non supponant. Et ego faciam bovem alterum, et imponam super ligna, ignem autem non supponam. Invocate nomina deorum vestrorum, et ego invocabo nomen Dei mei; et Deus qui exaudierit per ignem, ipse sit Deus: hoc est, boum horum unus offeratur a me, et alter a prophetis Baal, et ille habeatur et colatur pro vero Deo, qui fecerit ignem descendere de cælo, et holocaustum sibi oblatum consumpserit igne illo. Respondens omnis populus, ait: Optima propositio quam locutus est Elias: quia in sacrificiis Abel, Manue, Gedeon, Aaron, David et Salomonis descendit ignis virtute divina consumens illorum holocausta.*

Gen. iv, 4;
Judic. xiii,
20; vi, 21;
Lev. ix, 24;
I Par. xxi,
26; II Par.
vii, 1.

Dixit ergo Elias prophetis Baal: Eligite vobis bovem unum, et facite primi, quia vos plures estis; et invocate nomina deorum vestrorum, ignemque non supponatis. Qui quum tulissent bovem quem dederat eis, id est, quem Elias assignaverat eis. Dicunt tamen quidam Hebræi, quod dum prophetæ sacerdotesque Baal elegerent bovem unum, bos ille statim declinavit ab eis nutu divino, quasi sacrificari falsis diis abhorrens, et ad Eliam confugit, ut per hoc quoque populus instrueretur, tuncque Elias tradidit illis bovem. Et fecerunt, id est, bovem illum ad Baal honorem mactaverunt, frustatim consciderunt, obtulerunt, et super ligna posuerunt; et invocabant nomen Baal de mane usque meridiem: quia ut fertur, prima medietas diei illius fuit illis deputata ad offerendum, reliqua autem Eliæ; dicentes: Baal, audi nos. Et non erat vox, nec qui responderet, quoniam Deus non permisit dæmonem respondere per idolum. Quumque esset meridies, illudebat illis Elias, dicens: Cla-

mate voce majore. Deus enim vester est, et forsitan loquitur, aut in diversorio est, aut in itinere, aut certe dormit, ut excitetur. Clamabant ergo voce magna, et incidebant se juxta ritum suum, id est observantiam caerimoniam idololatriæ suæ, culttris et lanceolis, donec perfunderentur sanguine: ut per hoc deum suum ad exauditionem et misericordiam fleterent, certi quod dii in sanguinis, præsertim humani, effusione in sacrificiis facta, complacentiam habeant magnam.

B *Postquam autem transiit meridies, et illis, videlicet prophetis Baal, prophetantibus de corde suo et instinctu diaboli, quod Baal jam offensus ab eis, postea placaretur et exaudiret, aut simile aliquid per modum prophetalem loquentibus, venerat tempus quo sacrificium offerri solet, nec audiebatur vox, nec aliquis deorum respondere, nec attendebat orantes prophetas Baal: dixit Elias omni populo: Venite ad me. Et accedente ad se populo, curavit, id est reparavit, altare Domini quod destructum fuerat ab idololatriis, quod ab aliquo Israelitarum fuerat ibi constructum. Et tulit duodecim lapides juxta numerum duodecim tribuum filiorum Jacob, ad quem factus est sermo Domini, dicens: Israel erit nomen tuum. Et edificavit de lapidibus altare in nomine Domini. Fecitque aqueductum quasi per duas aratiunculas in circuitu altaris, id est parvas arationes seu sulcos: fecit enim parvum fossatum per gyrum altaris; et composuit ligna, divisitque per membra bovem, et posuit super ligna, et ait: Implete quatuor hydrias aqua, et fundite super holocaustum, id est super carnes bovis divisas, Deo in holocaustum offerendas, et super ligna, quibus superpositæ sunt illæ carnes. Rursumque dixit: Etiam secundo hoc facite. Qui quum fecissent secundo, ait: Etiam tertio id ipsum facite. Feceruntque tertio: duodecim hydrias aquæ fundendo super carnes illas et ligna; et currebant aquæ circum altare, et fossa aqueductus repleta est, quia hydriæ erant magnæ, parvaque fossa.*

Gen. xxxv,
10.

Quumque jam tempus esset ut offerretur holocaustum, accedens Elias propheta, ait: Domine, Deus Abraham, Isaac et Israel, ostende hodie, quia tu es Deus Israel, et ego servus tuus, et juxta præceptum tuum feci omnia verba hæc. Exaudi me, Domine, exaudi me, ut discat populus iste, quia tu es Dominus Deus, et tu convertisti corda eorum iterum. Cecidit autem ignis Domini de cœlo aereo, angelico ministerio ibi productus et ad cadendum deorsum motus, quum Elias fudisset orationem in littera positam, et voravit holocaustum et ligna et lapides, pulverem quoque, et aquam quæ erat in aqueductu lambens: quam ideo Elias ibi infudit, ut ex consumptione majus esset miraculum. Quod quum vidisset omnis populus, cecidit in faciem suam, et ait: Dominus ipse est Deus, Dominus ipse est Deus, ejus virtute refrenata jam fuit operatio Baal seu dæmonis: ejus tamen potestate posset ignis formari in aere atque descendere, Deo hoc permittente: sicut in Apocalypsi fertur de bestia, scilicet Antichristo, quod fecit, id est faciet, signa magna, ita ut ignem faceret de cœlo descendere. Nam et hoc modo ignis descendit, qui oves et pueros Job consumpsit.

Apoc. xiii, 13.

Job i, 16.

Judic. v, 21.

Ps. lxxxii, 10.

I Reg. xv, 33.

Dixitque Elias ad eos: Apprehendite prophetas Baal, et ne unus quidem effugiat ex eis. Quos quum apprehendissent, duxit eos Elias ad torrentem Cison, de quo et in libro Judicium legitur, Torrens Cison traxit cadavera eorum: ut et istorum cadavera in illum projicerentur torrentem. De quo et in Psalmo fit mentio. Et interfecit eos ibi, id est, occidit eos ibi manibus populi, vel et propria manu quosdam, quemadmodum Samuel regem Amalec. Hoc fecit zelo Dei, et ne amplius seducerent populum, et quia fecerunt per imperium Jezebel prophetas Dei occidi. Ahab quoque ita fuit attonitus ex miraculo quod conspexit, quod non audebat resistere, quia speravit per Eliam pluviam impetrare.

Et ait Elias ad Ahab: Ascende, comede et bibe, quia sonus multæ pluvie est,

A id est, cito tantus imber descendet, quod ruendo grandem faciet sonum. *Ascendit Ahab ut comederet et biberet. Elias autem ascendit in verticem Carmeli: qui locus jam fuit sanctificatus ex constructione altaris, oblatione holocausti et præfato miraculo: et pronus in terram posuit faciem suam inter genua sua, ut sic vultu depresso clausisque oculis, devotius exoraret: et dixit ad puerum, id est ministrum suum: Ascende et prospice contra mare, id est, versus mare (forsan Mediterraneum) dirige oculos tuos ad videndum an de mări ascendat, vel de aere descendat aliqua nubes. Materia quippe nubium, puta vapores solent elevari a mari, et mare solet nubibus operiri, juxta illud in Job: Quis conclusit ostiis mare, quum ponerem nubem vestimentum ejus? Qui quum ascendisset et contemplatus esset, ait: Non est quidquam, id est, nihil de nube apparet. Voluit autem Elias scire an oratio qua pluviam deprecabatur, esset audita: et quamvis jam ex divina revelatione noverat, et prædixit pluviam mox futuram, tamen sciebat quod Deus quandoque vult talia devotorum orationibus impetrari: quemadmodum Christus oravit pro sui corporis glorificatione, et pro Apostolorum confortatione atque illustratione, et Spiritus Sancti missione, quamvis prædixit et novit certissime omnia illa esse futura. Et rursum ait illi: Revertere ad videndum, an nubes appareat: nam aer serenissimus erat. Revertere, inquam, septem vicibus: ita ut post quamlibet vicem nunties mihi quid videris, et ego iterum septies orando, nisi citius fuero exauditus, impetrem veniam populo pro universitate vitiorum eorum (quæ universitas septenario designatur), ita ut pluvia eis diutius non negetur.*

Job xxxviii, 8, 9.

Joann. xvii.

In septima autem vice, ecce nubecula parva quasi vestigium hominis, id est excrecens ad hominis quantitatem, ascendebat de mari, quæ paulo post crevit in nubem grandem. Qui ait ministro suo: Ascende et dic Ahab: Junge currum

tuum, id est, jube eum parari, et applica A eum tibi, ut in eo cito veharis in urbem Jezrael nomine, et descende ne occupet te pluvia. Quumque se verterent huc atque illuc, ecce caeli contenebrati sunt, et nubes, et ventus, et facta est pluvia grandis. Ascendens itaque Achab, abiit in Jezrael. Et manus Domini facta est super Eliam, id est, divina virtus confortavit eum, et spiritus divini fervoris eum accendit, accinctisque lumbis, currebat ante Achab, utpote currum ejus praecedens, donec veniret in Jezrael. Tantum gloriabatur in Domino B de idololatrarum dejectione, idololatriæ reprobatione, et divini cultus promotione, impetrationeque pluviae: et eos qui erant in Jezrael, informare optavit.

Circa præhabita quæritur, anne Elias peccavit, monendo cultores Baal ad sacrificandum ei, atque ad invocandum eum. Respondetur, quod non hortabatur eos ad cultum idolorum directe, ut scilicet facerent illa ad idolorum honorem, sed ut facerent illa, quatenus per ea ostenderetur eorum perfidia, et veri Dei omnipotentia, sed permissive, non inductive, secundum Joann. xiii, 27. quod Christus dixit ad proditorem: Quod facis, fac citius.

At vero circa illud, Usquequo claudicatis in duas partes? asserit Lyra: Aliqui eorum colebant Deum, et cum hoc Baal, sicut de Samaritanis dicitur infra. Sed contra hoc scribit Rabbi Paulus: Samaritani non colebant Deum, sed deos suos; nec infra dicitur de eis, nisi quod timebant Deum. Aliud enim est timere Deum, et aliud colere eum: quoniam timor servilis D potest esse sine caritate, non tamen cultus Dei, qui in fide, spe et caritate consistit, secundum Augustinum. Hæc Rabbi Paulus, cujus verba sunt inconsiderate prolata, quoniam infra libro quarto scriptum est: Unaquæque gens fabricata est deum suum, posueruntque eos in fanis excelsis quæ fecerant Samaritæ; et nihilo minus

colebant Dominum. Et paulo post subditur ibi: Et cum Dominum colerent, diis quoque suis serviebant. Nec verum est, quod cultus Dei non posset esse sine caritate, quum Christus in Evangelio ex Isaia allegat: In vanum autem colunt me. De Sarracenis quoque asseritur, quod colunt unum Deum, quorum cultus est sine caritate: et quamvis cultus Dei formatus et meritorius atque interior principaliter consistat in fide, spe et caritate, consequenter tamen in aliorum quoque observantiis præceptorum cultus Dei consistit, imo et aliquo modo in actibus bonis ex genere. Unde et sancto Eustachio adhuc gentili, sed actibus misericordiæ valde intento, locutus est Christus: Ego sum quem ignorans colis. Postremo, quamvis non sit convertibiliter idem, Deum colere et Deum timere, quoniam habent se sicut genus et species, tamen Deum timere, est colere eum, præsertim quia in libro Job, ubi nostra habet translatio, Ecce timor Domini, ipsa est sapientia; habet translatio vetus, Ecce pietas seu cultus Dei, ipsa est sapientia.

Iterum Lyra ait in hujus expositione capituli, quod prophetæ Baal acceptaverunt propositionem Eliæ, dicentis, Dentur nobis duo boves, etc., quia compulsi fuerunt ad hoc a populo approbante verba Eliæ. Quocirca loquitur Paulus iste: Potest dici, quod prophetæ Baal, tanquam penitus infideles, sicut non confidebant de suis dæmonibus, quod facerent ignem descendere, ita nec credebant quod Elias hoc faceret. Ad quod dico, quod dictum hoc Pauli non consonat textui. Nisi enim prophetæ Baal credidissent, ipsum Baal posse ignem desursum deponere, non incidissent se cultris atque lanceolis donec sanguine perfunderentur, ut vel sic exaudirentur a Baal. Hi quoque qui colunt falsos deos, æstimant eos posse conferre subsidia et salutem, sicut in libro Sapientiæ et Isaia manifeste habetur.

IV Reg. xvii, 33.

Is. xxix, 13; Matth. xx, 9; Marc. vii, 7.

Job xxviii, 28.

Sap. xiii, 18, 19; Is. xlii, 17.

Joann. xiii, 27.

IV Reg. xvii, 29, 32.

ARTICULUS XXVII

DE SPIRITUALI EJUSDEM CAPITULI OCTAVIDECIMI SENSU.

EX hujus exordio capituli edocemur, A quam infinita sit misericordia Dei, qui hominibus est clementior : propter quod David, Melius est (inquit) mihi incidere in manus Dei (multæ enim miserationes ejus), quam in manus hominum. Ecce enim Elias, qui orando impetravit a Domino pluviae subtractionem, non legitur Dominum primo orasse, ut miseratus redderet pluviam; sed quantum ex tenore ac serie litteræ datur intelligi, Dominus in pietate sua immensa prævenit suum Prophetam in zelo justitiæ abundantem; et non obstante continuatione scelerum populi, miseratus Dominus super magnitudinem mali pœnalis, jussit Prophetæ ut se monstraret regi, ob cujus facinora ex parte magna inflicta erant tot et tanta adversa, denuntiaretque ei pluviam mox futuram, quatenus ipse ac populus ejus sic reverterentur ad Dominum, contra cujus imperium dii quos coluerunt nil potuerunt. *Vade, et ostende te Achab, ut dem pluviam super faciem terræ.* Poterat Dominus pluere, Elia non misso ad regem, sed voluit Dominus honorare Prophetam zelo divini honoris succensum, juxta quod dixit primo libro : Quicumque glorificaverit me, glorificabo eum.

Moraliter, per Achab designantur negligentes, carnales, vitiosi prælati ac principes, propter quorum negligentias et excessus in subditos redundantes, aufertur ros gratiæ supernæ, et pluvia fecundationis internæ, tam ipsis quam eorum subjectis superiorum suorum pravitates sequentibus : quos volens Dominus in sua pietate immensa misericorditer prævenire, jubet Elia, id est devotis ac fervidis prædicatoribus, ut talibus principibus ac prælatis se representent, eorum vitia increpando,

A eosque exhortando et inducendo ad vitæ emendationem in omnibus, quatenus detur eis et ipsorum communitatibus irrigatio supernorum charismatum, fecunditas actuum virtuosorum. Achab vero quærens herbam in fontibus et vallibus, designat prælatos et principes pravos, non in Domino confidentes, sed ad humana solatia recurrentes. Denique, quamvis Salomon dicat, Rex impius omnes ministros habet iniquos, aliquando tamen contingit, quod in domibus prælatorum et principum pessimorum sint aliqui justi : quod Deo dispensante sic accedit, in consolationem, opem ac relevamen bonorum ac pauperum, ne nimium ab impiis opprimantur. Sicque Abdias existens cum impiissimo Achab, abscondit et pavit Dei prophetas.

Ait Achab ad Eliam : *Tunc es ille qui conturbas Israel?* Sic pravi ac pessimi homines mala quæ oriuntur, imponunt justis ac innocentibus. *Et ille ait : Non ego turbavi Israel, sed tu et domus patris tui.* Certe, ut Salomon loquitur, Justus quasi leo confidens absque terrore erit. Ideo Elias tam imperterrite et audacter respondit, non formidans regem a quo poterat trucidari, sed eum constantissime reprehendit. Hinc ad Jeremiam Dominus dixit : Dedi te in columnam ferream et in murum æneum. Atque ad Ezechielem : Ut adamentem (ait) et silicem posui faciem tuam.

Congrega ad me universum Israel. Sic boni evangelizantes universam cupiunt plebem instruere, eique dicunt : *Si Dominus est Deus, sequimini eum; si autem Baal, sequimini illum.* Ideo, *Usquequo claudicatis in duas partes?* id est, vultis duobus dominis servire, cupientes placere mundo et Creatori, quum tamen dicat Aposto-

II Reg. xxiv, 14.

III Reg. xvii, 1.

Prov. xxix, 12.

Ibid. xxviii, 1.

Jer. i, 18.

Ezech. iii, 9.

Matth. vi, 24.

Galat. i, 10. lus, Si hominibus placerem, Christi servus A non essem; nec possibile sit, nunc gloriari cum saeculo, ac deinde regnare cum Christo. Quibus dicendum est: Si Deus est summum, perfectum, infinitumque bonum, ei estote intenti, tanquam incomparabiliter universis ac singulis meliori, amabiliori et honorabiliori. Si autem Baal, id est, in principatu, opibus et prosperitatibus mundi vestra consistit salus, sequimini eum: quod utique non est; imo de talibus dictum est, Vanitas vanitatum et omnia *Eccle.* i, 2. vanitas. Itemque, Rex hodie est et cras *Eccle.* x, 12. moritur. *Dentur nobis duo boves.* Bos electorum et justorum, est propria caro, ad Dei honorem discrete castigata et immolata, juxta illud ad Romanos: Exhibeatis corpora vestra hostiam viventem, sanctam, Deo placentem, rationabile obsequium vestrum. Et alibi: Mortificate (inquit) membra vestra, quæ sunt super terram. Bos vero impiorum, est caro ex vana gloria pro mundi honore et commodo, per exercitia pœnitentiæ macerata. *Et Deus qui exaudivit per ignem, ipse sit Deus*, id est, ille colatur pro vero Deo, qui solus potest apicem affectivæ accendere, et cor ad libitum immutare ac inflammare; qui ait, Ignem veni mittere in terram; qui et in die sacratissimo Pentecostes exaudivit per ignem. *Facite primi, quia plures estis.* Nempe, ut ait Salvator, Multi vocati, pauci electi. *Non erat vox.* Per hoc quod Baal exaudire et respondere nequivit, præfiguratum est, quod mundus et ea quæ mundi sunt, homini in extrema necessitate nequeunt succurrere.

Curavit Elias altare Domini quod destructum fuerat. Ara interior est fides seu caritas, in qua omne bonum opus Deo est offerendum: quæ per tentationes et peccata destruitur, sed per bonam informationem et pœnitentiam reparatur. *Et tulit duodecim lapides*, id est duodecim virtutes morales, seu duodecim fructus Spiritus, quibus decoratur et confortatur altare caritatis ac fidei. *Fecitque aquæductum.* Aquæductus est sacramentum Confessio-

nis, seu humilitas, per quam gratia obtinetur. *Divisitque per membra bovem:* quoniam unumquodque membrum quo mundo servivimus, deinceps divino manipandum est obsequio, dicente Apostolo: Sicut exhibuistis membra vestra servire immunditiæ et iniquitati ad iniquitatem, ita nunc exhibete membra vestra servire justitiæ in sanctificationem. *Rom.* vi, 19.

Implete quatuor hydrias aqua. Quatuor hydriæ istæ sunt, voluntas, intellectus, vis concupiscibilis, et irascibilis, in quibus possunt esse virtutes ac vitia, quæ implendæ sunt lacrimis contritionis, fletu procedente ex desiderio beatificæ fruitio-
nis, aqua sapientiæ salutaris: quæ aquæ *Eccle.* xv, super holocaustum sunt effundendæ, id est, bonis actibus ad Dei honorem exhibitis conjungendæ. Vel holocaustum nostrum est proprium corpus, propter Deum cruciformiter mortificatum: qui enim sunt Christi, carnem suam crucifigunt cum vitiiis et concupiscentiis. Hoc holocaustum debemus Deo ita offerre cum fletu contritionis, cum lacrimis supernæ affectionis, cum aqua sapientialis considerationis. Rursus, holocaustum nostrum est Sacramentum altaris, videlicet corpus Christi, vel ipsemet Deus et Salvator, qui obtulit semetipsum Patri hostiam reconciliationis *Ephes.* v, 2. in odorem suavitatis, quod cum lacrimis devotionis offerendum est in officio celebrationis. Est equidem fletus quidam interior et ignita aqua, ex quibus exterior solet procedere fletus, quamvis aliquando non procedat. Ista effusio aquæ super holocaustum faciendâ est ter, videlicet in devota præparatione ad offerendum, in ipsa oblatione, et post in gratiarum actione. *Cecidit ignis de cœlo*, videlicet accensio caritatis seu infusio Spiritus Sancti, qui est ignis consumens, et in se absorbens totaliterque convertens devotissima corda, eorumque opera faciens Deo accepta, ut nihil proprii commodi aut privati amoris in ipsis sit permanens. *Hebr.* xii, 29.

Porro, occisio prophetarum Baal, designat reproborum impiorumque ministro-

rum damnationem : quibus sublati, sonus A pluviae, id est abundantia gratiae, immi-
net. *Elias autem ascendit in verticem Car-*
meli. Sic boni praelati in alta consideratio-
ne se figunt ad considerandum pertinentia
ad communem salutem, et concernentia
Dei honorem ; et mittunt pueros suos, id
est vicarios et praedicatores ac inferiores
ministros, ad prospiciendum contra mare,
id est, ad intuendum hoc saeculum nequam

instar maris amarum, inquietum, et ma-
gnum, an scilicet in hominibus mundanis
sit aliquid gratiae spiritualis, quae per nu-
beculam designatur : ad quos gratia de-
stitutos non sufficit semel misisse, sed
sepius mittitur, id est per omne tempus
durationis vitae eorum, quamdiu est spes
de emendatione ipsorum : pro quorum
conversione interim orat fidelis ac fervi-
dus pastor.

ARTICULUS XXVIII

ENARRATIO CAPITULI NONIDECIMI : NUNTIAVIT AUTEM ACHAB JEZABEL
OMNIA QUAE FECERAT ELIAS.

III Reg. XVIII, 40.

QUID ex propria infirmitate et homi-
num pravitate Elias pertulerit, et ma-
gnalia ei desuper contributa, hic recitan-
tur. *Nuntiavit autem Achab rex Jezabel*
suae uxori omnia quae fecerat Elias, et
quomodo occidisset universos prophetas
Baal gladio. Adhuc enim permansit in sua
idololatria atque malitia, visis tot signis,
ac pluvia descendente : quo patent obsti-
natio et ingratitude ipsius. *Misitque Jeza-*
bel, quae et ipsa fuit in vitiis indurata,
nuntium ad Eliam, dicens : Haec faciant
mihi dii, et haec addant, nisi cras posuero
animam tuam, hoc est, te ipsum tracta-
vero, vitam tuam exstinxero, et animam
tuam a corpore separavero, violentam mor-
tem tibi inferendo, sicut animam unius
ex illis, id est, sicut tu posuisti animam
eujuseumque ex prophetis Baal. Timuit
ergo Elias. Hoc fuit humanae fragilitatis :
et quamvis naturale sit mortem timere,
tamen ex timore sic fugere, sicut de Elia
subjungitur, imperfectionis esse convinci-
tur ; nisi forsitan ex divino instinctu sic ege-
rit. Nam et Christus ad tempus recessit ex
oculis Judaeorum, qui in ejus mortem con-
spiraverunt, juxta illud Joannis : Jesus
jam non in palam ambulabat apud Ju-

B daeos. Similiter Paulus a Damasco. *Et con-* Act. ix, 25.
surgens, abiit ex Jezrael, quocumque eum
ferebat voluntas, hoc est per vias quas pu-
tavit sibi securiores. Vel ideo dicitur, Quo-
cumque eum ferebat voluntas, quia in fuga
ista magis videbatur sequi voluntatem,
quam rationem. Sed quaeri potest, cur Je-
zabel eum sic praevisaavit, nec avisatum
fecit custodiri, ne fugeret. Respondetur,
quod Jezabel audiens eum tam constanter
regi occurrisset et respondisset, atque in
ejus praesentia occidisset prophetas Baal,
ac tanta signa patrasse, putavit quod mi-
nime fugeret.

Venitque in Bersabee Juda, id est ur-
bem sic dictam, in tribu Juda sitam, de Josue xv, 28.
qua dictum est supra primo libro, et di- I Reg. iii, 20; vii, 2.
misit ibi puerum suum, et perrexit in de-
sertum viam unius diei, hoc est, volebat
intrare desertum, et manere ibidem : quod
puero grave fuisset sufferre. Dicunt autem
expositores, quod puer ille fuit filius vi-
duae quem suscitavit a morte : qui credi-
tur fuisse Jonas propheta ; quem vidua illa
dedit et commisit Eliae, ut ei obsequeretur,
et instrueretur ab eo.

Quumque venisset et sederet in deserto
subter unam juniperum : quae est spinosa

arbuscula, ejus radix est pauperum ci-
Job xxx, 4. bus, juxta illud Job, Radix juniperorum
 cibus eorum; *petivit animæ suæ*, hoc est,
 pro solatio animæ suæ afflictæ rogavit Do-
 minum, *ut ipse ibi mox moreretur*, quate-
 nus in sinu Abrahæ repausaret, nec affice-
 retur tot malis, neque tot crimina cerneret
Num. xi, 15. in hoc mundo. Sic et Moyses : Obsecro,
 inquit, ut interficias me, et inveniam gra-
 tiam in oculis tuis. Juxta quem modum
II Cor. i, 8. ait apostolus Paulus : Supra modum gra-
 vati sumus, ita ut læderet nos vivere. Nec
 istud impatientiæ fuit, quia adversitas fuit
 eis occasio cupiendi quietem, ad quam per
 mortem erat perveniendum, ita quod mors
 non optabatur, nisi ut via et janua vitæ
 melioris. *Et ait : Sufficit mihi, Domine,*
tolle animam meam a corpore, et pone
 eam in limbo patrum. *Neque enim melior*
sum quam patres mei : quia mortalis sum,
 sient illi fuerunt, et ejusdem naturæ, et
 sancti Patriarchæ fuerunt tam sancti, quod
 eis me meliorem aut digniorem non arbi-
 tror. *Projecitque se, et obdormivit in um-*
bra juniperi. Nam et somnus relevativus
 est tristitiæ. Aptè quoque in umbra dor-
 mivit juniperi, quoniam umbra arboris
 hujus fugat serpentes, ut legitur. Denique,
 dato quod Elias sanctior fuit patribus suis,
 de quibus loquebatur, tamen ex humilitate
 sic loquitur : et secundum quamdam con-
 siderationem sic fuit, quum et Apostolus
I Tim. i, 15. fateatur : Venit Jesus peccatores salvos
 facere, quorum primus ego sum.

Et ecce angelus Domini tetigit eum, su-
scitando a somno, et dixit illi : Surge et D
comede. Respexit, admirans a quo esset
 suscitatus ; sed angelus, ut apparet, jam
 disparuit ; *et ecce ad caput suum positus*
fuit subcinericius panis et vas aquæ. Co-
medit ergo et bibit, et rursum obdormivit.
Reversusque est angelus Domini secundo,
et tetigit eum, dixitque illi : Surge, come-
de ; grandis enim tibi restat via. Qui quum
surrexisset, comedit et bibit, sumens par-
 tem illius panis et aquæ, *et ambulavit in*
fortitudine cibi illius quadraginta diebus

et quadraginta noctibus, hoc est opportu-
 nis horis tot dierum ac noctium : nec enim
 ad conficiendum iter illud necessarium
 fuit indesinenter, sine interpositione qui-
 etis, tot diebus ac noctibus proficisci ; *us-*
que ad montem Dei Horeb : qui est mons
 Sinai, ejus pes vocatur Horeb, qui est lo-
 cus sanctus, in quo voluit Deus apparere
 Eliæ zelatori præservido legis Mosaicæ ac
 divinæ illico datæ. Dicunt quidam, quod
 panis ille ab angelo preparatus, habuit
 potestatem et vim nutriendi, confortandi
 et conservandi corpus Eliæ tam diu, abs-
 que consumptione et læsione humidi radi-
 calis a calido naturali : quod in libro de
 Mirabilibus sacræ Scripturæ videtur Augu-
 stinus sentire.

Quumque venisset illuc, mansit in spe-
lunca : in qua (ut aliqui dicunt) Moyses
 stetit, quando gloria Domini coram eo per-
 transiit, juxta illud Exodi, Quumque trans-
 ibit gloria mea, ponam te in foramine pe-
 træ : ideo ob loci illius sanctitatem mansit
 in eo Elias. *Et ecce sermo Domini ad eum,*
 C *dixitque illi : Quid hic agis, Elia ?* Non
 ex ignorantia quærit, sed ut juxta respon-
 sum Eliæ congruenter prosequatur verbum
 suum ad ipsum. *At ille respondit : Zelo*
zelatus sum pro Domino Deo exercituum,
 id est, ferventem habui affectionem, indi-
 gnationem et iram contra idololatrias, ex
 Dei amore, ejus cultum et reverentiam
 opto affectu ardenti, *quia dereliquerunt*
pactum tuum, hoc est, a fœdere amicitiae
 quod Deus cum populo Israel iniit, ab ob-
 servantia Decalogi quem cum protestatio-
 ne dedit per Moysen, *filiis Israel* recesse-
 runt. *Altaria tua destruxerunt.* Unde in
 præcedenti capitulo scriptum est, quod
 Elias curavit altare Domini ante destru-
 ctum ; similiter alia quædam altaria in
 excelsis constructa, in quibus Deo factæ
 fuerunt oblationes, quæ destruxerunt in
 contemptum cultus veri Dei, atque ad ido-
 latriæ promotionem : quod impium fuit.
 Attamen templo constructo, non licuit ali-
 bi Deo sacrificare, nisi ex moderamine
 dispensationis divinæ. Ideo infra Ezechias

Exod.
 xxxiii, 22.

Ibid. xx.
 2-17.

III Reg.
 xviii, 30.

IV Reg.
xviii, 4.

landatur, eo quod excelsa, videlicet altaria ibi constructa, abstulerit, sed in contemptum cultus veri Dei ea non licuit demoliri. *Et prophetas tuos occiderunt gladio.*

Circa hæc scribit Lyra : Non loquitur hic de altaribus quæ in Jerusalem erant, videlicet de altari incensi et altari holocaustorum, quia illa manebant, sed de altaribus factis in excelsis eo tempore, quando templo nondum ædificato, licuit immolare in illis. Quocontra loquitur Rabbi Paulus : Rationabiliter dici potest, quod Elias hic loquitur de altaribus Jerusalem : quæ quamvis realiter non erant destructa, tamen idololatræ, quantum in eis erat, cupiebant ea destruere, et cultum Dei in eis reputabant inanem. Et iste modus intelligendi, patet ex eo quod sequitur, *Et prophetas tuos occiderunt gladio.* Non enim legitur, quod tempore Eliæ, vel ante ipsius tempus, aliqui prophetæ fuissent occisi gladio. Hæc Paulus : de quo sæpe admiror, quod scribit tam improprie et incaute. Nec enim sequitur : cupiebant altaria destruere, ergo erant destructa. Præcedenti quoque habetur capitulo, quod Abdias dixit Eliæ : Numquid non indicatum est tibi domino meo quæ fecerim, quum occideret Jezabel prophetas Domini? Verumtamen apparet, quod etiam de altaribus templi Dei hæc possent intelligi, non quod corporaliter erant destructa, sed quantum ad usum seu actum super ea exercendum. Jam enim Roboam et Abia reges Juda ad idololatriam declinaverunt, ut patuit, si-

III Reg.
xviii, 13.

Ibid. xiv,
22, 23; xv,
3.

vers. 18.

Ibid. xviii,
4.

Et derelictus sum ego solus in cultu veri Dei; vel relictus sum ego solus de numero prophetarum, aliis a Jezabel interfectis. Sed horum utrumque videtur falsum, quoniam præter Eliam adhuc multi erant cultores veri Dei in Israel, ut paulo post habetur in littera, [et] supererant adhuc centum prophetæ, quos in speluncis abscondit Abdias, ut præcedenti habetur capitulo, quorum aliqui prophetiæ spiritum habuisse creduntur. Sed ad istud respon-

dere quis poterit, ex his quæ dicta sunt in expositione litterali præcedentis capituli, super illud : *Ego remansi propheta Domini solus.* Alii dicunt, quod ait se solum relictum, quoniam respective loquendo, paucissimi erant superstites persecutioni Jezabel, juxta quem modum Christus in Psalmo testatur : *Sustinui qui simul contristaretur, et non fuit.* Porro, glossa Gregorii videtur innuere, quod Elias ex quadam velut elatione, dixit se solum relictum. Sic etenim ait : Qui humilis-etiam occulta Dei noverat, elatus et manifesta nescivit. Unde elicitur, quod humilitatis radio se ipsum illuminat, qui aliorum bona subtiliter pensat. Præterea, videtur Elias ex quodam errore dixisse, *Relictus sum ego solus* : non putans in regno decem tribuum permansisse tot Dei cultores, quot permanserunt. Ait namque Apostolus ad Romanos : *An nescitis in Elia quid dicit Scriptura, quemadmodum interpellat Deum adversus Israel? Domine, prophetas tuos occiderunt, altaria tua suffoderunt, et ego relictus sum solus, et quærent animam meam.* Sed quid dicit illi divinum responsum? Reliqui mihi septem millia virorum, qui non curvaverunt genua sua ante Baal.

III Reg.
xviii, 22.

Ps. lxxviii,
21.

Rom. xi,
2-4.

Et quærent animam meam, ut auferant eam, hoc est a corpore separent, mortem mihi infligendo; vel, *Animam meam,* id est vitam animalem et corporalem, quærent extinguere Jezabel et ejus satellites.

Et ait ei : Egredere, et sta in monte coram Domino ubique præsentem ac omnia intuentem, ut stando in loco patenti et claro, videas magnalia Dei. *Et ecce Dominus transit,* id est, in effectu aliquo ante te transiet, et se tibi ostendet in tali effectu, et alloquetur, *et spiritus grandis et fortis,* id est impetuosus ac vehemens ventus, *subvertens montes, et conterens petras,* hoc est tam validus, pulverumque agitationem et ascensum sic concitans, ut videatur montes dejicere, et saxa destruere, *ante Dominum,* id est, ante ejus apparitionem præactam præcedet. *Non in spiritu Dominus,* hoc est, in hoc vento tibi non ap-

parebit, neque loquetur. *Et post spiritum commotio*, id est, post ventum sequetur motus terræ prope montem aut circiter. *Non in commotione Dominus*, hoc est, non apparebit tibi in ea. *Et post commotionem ignis* apparebit ante te visibiliter transiens, ministerio angeli formatus, et taliter motus : ejus etiam virtute fiebant motio illa terræ ac venti impulsio. *Non in igne Dominus* apparebit. Præcesserunt ergo hæc tria apparitionem Dei, ad designandum omnipotentiam et terribilitatem ipsius, qui elementis omnibus dominatur, qui respicit terram, et facit eam tremere : qui transfert montes, et nescierunt hi quos subvertit in furore suo. Sic olim Dominus legem daturus, et Moysi locuturus ac Israelitis, præmisit fulgura atque tonitrua ac nubem densissimam, prout in Exodo legitur. *Et post ignem* apparuit sibilus auræ tenuis, designans tranquillam, gratiosam, ac dulcem Dei præsentiam, qui in effectibus suæ justitiæ tam metuendus existit. *Ibi Dominus*, hoc est, in sibilo illo apparuit.

Hæc itaque dicta sunt Eliæ adhuc in spelunca. Unde subjungitur : *Quod quum audisset Elias, operuit vultum suum pallio*, ut devotioni magis insisteret oculis clausis. Propter quod præcedenti capitulo legitur posuisse faciem suam inter genua sua. *Et egressus, stetit in ostio speluncæ*, ut videret tria prædicta, videlicet ventum, motum terræ, et ignem : quibus visis, *ecce vox facta est ad eum, dicens*, quia tunc Dominus transiens, et in sibilo illo apprens, locutus est ei : *Quid hic agis, Elia? Et ille respondit ut ante : Zelo zelatus sum pro Domino Deo exercituum, quia dereliquerunt pactum tuum filii Israel. Altaria tua destruxerunt, et prophetas tuos occiderunt gladio, et derelictus sum ego solus, et quærun animam meam, ut auferant eam.*

Et ait Dominus ad eum : Vade, et revertere in viam tuam per desertum in Damascus. Quumque perveneris illuc, unges Hazael regem super Syriam. Infra quarto libro habetur, quod Eliseus prædixit Ha-

zaeli promotionem suam super Syriam, de qua promotione videtur Hazael ante nil cognovisse : ideo Magister in historiis, et alii dicunt, quod Elias non unxit aliter Hazaelem in regem, nisi quod per Eliseum discipulum suum prædixit illum regem futurum, vel per aliqua verba aut facta in Damasco præsignavit Hazaelis promotionem. *Et Jehu filium Namsi unges regem super Israel.* Nec illum corporaliter, aut personaliter unxit in regem Elias, sed Eliseo commisisse hoc creditur, qui per unum de filiis prophetarum implevit hoc, ut infra describitur. *Eliseum autem filium Saphat qui est de Abelmehula, unges Prophetam pro te*, id est, pallium tuum super ipsum ponendo, præmonstrabis eum adepturum a Domino gratiam prophetiæ te sublato, prout infra narratur. *Et erit, quicumque de idololatriis Israelitis, fugerit gladium Hazael, occidet eum Jehu.* Unde inferius quarto libro conscriptum est, qualiter hi duo multos Israelitas idololatrias occiderunt, quamvis non ob idololatriæ culpam, quanquam Jehu cultores Baal ob idololatriam illam occiderit : et tamen ambo illi fuerunt idololatræ, quia nec Jehu a cultura vitulorum recessit. Porro quod ait, Quicumque, intelligendum est per modum distributionis accommodæ pro generibus singulorum. *Quicumque fugerit gladium Jehu, interficiet eum Eliseus.* Non legitur Eliseus aliquos corporaliter occidisse, nisi quod quadraginta pueris vitiosis maledixit, qui protinus ab ursis sunt lacerati, qui et idololatriam cœperant exercere ; sed non omnia sunt descripta. Nec tamen est intelligendum, quod universi ex regno decem tribuum idololatrantes, fuerunt ab istis tribus occisi, sed quidam de omnibus.

Hæc itaque Deus prædixit Eliæ pro ipso zelanti contra idololatræ, pro ipsius Eliæ consolatione. Et quia querebatur se solum relictum, docet et consolatur eum Dominus, subdens : *Et derelinquam mihi in Israel septem millia virorum*, hoc est, tot millia hominum conservabo in regno decem tribuum ad meum honorem et cul-

Ps. ciii, 32.

Job ix, 5.

Exod. xix, 16; xx, 18.

III Reg. xviii, 42.

IV Reg. viii, 13.

Ibid. ix. 1-6.

Ibid. ii, 11-15.

Ibid. viii, 12; x, passim.

Ibid. x, 29.

Ibid. ii, 23, 24.

tum, quorum genua non sunt curvata ante Baal, et omne os quod non adoraverit eum, osculans manum idoli Baal ex devotione superstitiosa ad ipsum; vel osculans ad reverentiam idoli propriam manum: quod aliqui fecerunt idololatræ, et sanctus Job se fecisse negat, dicendo: Si vidi solem quum fulgeret, et osculatus sum manum meam ore meo: quæ est iniquitas maxima. Verumtamen istud non est intelligendum, quasi ad salutem suffecerit ipsum Baal non coluisse, vel quia cultores idolorum vitulorum aureorum fuerint excusati; sed quod cultus Baal fuit præcipuum atque gravissimum scelus, et item quod septem millia ista aliunde etiam justi exstiterint.

Profectus ergo inde Elias, reperit Eliseum filium Saphat arantem in duodecim jugis, id est paribus boum, juxta illud in Evangelio, Juga boum emi quinque; et in Job, Facta sunt ei mille juga boum; et ipse in duodecim jugis boum arantibus, id est inter duodecim viros illos arantes, unus erat: sicque unusquisque eorum aravit cum jugo uno. Quumque venisset Elias ad eum, misit Elias pallium suum super eum, in signum dilectionis suæ ad ipsum, quemadmodum Jonathas exuit suas vestes, et induit David eas; atque in præsagium futurorum, quod scilicet ipse Eliseus spiritualiter cooperiendus erat, ac vestiendus duplici spiritu Eliæ, ut infra habetur, variisque charismatibus Spiritus Sancti. Qui statim relictis bobus, cucurrit post Eliam, cupiens et confidens particeps fieri gratiarum ipsius, tantoque viro adhærere, obsequi et adstare: ad quod motus fuit a Spiritu Sancto. Et ait: Osculer, oro te, patrem meum et matrem meam, id est, da mihi licentiam valedicendi parentibus

A meis, et sic sequar te. Dixitque ei Elias: Vade ut hoc agas, quo facto et revertere ad me: quod enim meum erat, id est, quod mihi commissum fuit a Deo, et quod amoris atque obsequii mei fuit, feci tibi: per quod aptavi te ad gratiam prophetalem. Imo, ut Josephus ait, mox ut Elias pallium suum super Eliseum extendit, Eliseus continuo prophetavit. Præterea, videtur Christus altius aliquid docuisse. Quum enim quidam volentium eum sequi dixisset, Sequar te, Domine, sed primum permittite mihi renuntiare his quæ domi sunt, ait ad illum Jesus: Nemo mittens manum suam ad aratrum, et adspiciens retro, aptus est regno Dei.

Reversus autem ab eo, scilicet ab Elia, post quem cucurrit, tulit par boum, hoc est duos boves suos cum quibus aravit, et mactavit illud par per carnificem; et in aratro boum, id est per ignem quem fecit ex lignis aratri in frusta concisi, coxit carnes et dedit populo, hoc est ex contribulibus suis et sociis ad comedendum, et comederunt: et ita se habuit liberaliter et curialiter valde, et gaudii sui alios voluit esse consortes; ac honeste recessit ab eis, quos tamen bene et caritative refecit. Ipsoque facto monstravit se nolle ad pristinum reverti officium, sed Eliæ inseparabiliter adhærere, quoniam aratrum suum conceidit, et boves mactavit. Hoc autem convivium fecit in loco in quo habitavit, non in agro; sed cum aratro et bobus rediit domum, et exhibuit ibi convivium. Consurgensque mane, osculatis parentibus, abiit, et secutus est Eliam, qui noluit interesse illi convivio, et ministrabat ei, non delicata cibaria præparando, sed sub obedientia tanti vatis vivendo.

Job xxxi,
26-28.

Luc. xiv,
19.
Job xlii, 12.

I Reg. xviii,
4.

IV Reg. ii, 9.

Luc. ix, 61,
62.

ARTICULUS XXIX

DE SPIRITUALIBUS HUIUS NONIDECIMI CAPITULI SENSIBUS.

DE mysticis intellectibus præsentis capituli, Rabanus, Richardus, et Glossa multa inducunt, quæ magna ex parte ex verbis sancti Gregorii sunt accepta. Itaque ex ista docemur historia, quid viri virtutum habeant ex se ipsis, quid ex Deo. Nempe Elias, qui cælum clausit oratione, et deprecatione sua aperuit illud, qui suscitavit defunctum, et gratia claruit prophetiæ, providentiamque divinam circa se tam specialiter et frequenter fuit expertus, audita comminatione mulieris nefariæ, non oratione contra illam armavit se, non divinum quæsit oraculum, quid sibi agendum esset, non, de divina protectione angelicoque munimine tutus, mansit intrepidus, sed fugam iniit territus; et qui paulo post tædio vitæ petiit mortem a Domino, jam pro justitia mori expavit. Sancti etenim viri, sublevante Spiritu, ad superna rapiuntur, ac supernaturalia operantur: et tamen durante hac vita, ne de sua excellentia intumescant, temptationibus reprimuntur, et solita gratiæ exuberantia ad tempus dispensative privantur. In virtutibus miraculisque Eliæ, omnipotentia Dei relucet; in timore et fuga, infirmitateque ejus, quid in se fuit ac potuit, innotescit. In magnalibus suis ostendit, quid desuper gratiose accepit; in infirmitatibus suis ad se reversus, accepta munera per humilitatem custodivit.

Tropologice, impius Achab designat diabolum; Jezabel, carnem, cui diabolus suggerit, ut persequatur Eliam, hoc est virum devotum: qui fugit a temptationibus carnis, occasiones vitando, atque impuras ac fœdas cogitationes abjiciendo; et intrat desertum, id est religionem seu pœnitentialem exercitationem, in qua mundi vanitas et carnis deliciæ deseruntur. Itaque, si inter-

dum alicui viro bono subrepat tentatio, oriaturque timor humanus, et naturalis defectuositatis imperfectio accidat, non desperet, nec pusillanimitate frangatur; sed penset, quod tantus Propheta humanum quid passus sit, et cum eo ingrediatur desertum, hoc est orationis et meditationis secretum, in quo coram Deo recolligat et effundat cor suum.

Quumque venisset et sederet subter unam juniperum. Per spinosam juniperum, cujus umbra fugat serpentes, et sub cujus cineribus dicitur ignis conservari per annum, intelligitur crux Salvatoris, in qua ipse mortis aculeos toleravit, quæ sua virtute fugat dæmonia, et cujus memoria ignem conservat divini amoris toto vitæ hujus curriculo in animo devoti meditatoris. Sub hac cruce debemus sedere, hoc est, amorese revolvere corde, quid, quanta et qualia propter nos passus sit Filius Dei. Denique, Elias ingressurus desertum, reliquit puerum suum, ad designandum, quod volens desertum pœnitentiæ aut religionis intrare, debet universa puerilia desideria, signa et opera prorsus relinquere, ut cum Apostolo dicere queat: Quum essem parvulus, sapiebam, loquebar, agebam ut parvulus; quum autem factus sum vir, evacuavi quæ erant parvuli.

Petivit animæ suæ ut moreretur. Sic plane qui Christi passionem intente et efficaciter pensat, eidem appetit conformari, hoc est compati et commori Salvatori, ac propriæ voluntati ac vitiis mori, atque salubriter mortificare se ipsum, ut vivat, jam non ipse in se, sed Christus in eo; sicque tandem cupit dissolvi et esse cum Domino, dicens cum Paulo: Infelix ego homo, quis me liberabit de corpore mortis hujus? *Et ait: Sufficit mihi, Domine, gratia tua, imo*

Jacob. v.
17, 18.
III Reg.
xvii, 22.

Thren. ii,
19.

I Cor. xiii,
11.

Galat. ii,
20.

Philipp. i,
23.
Rom. vii, 24.

tu ipse, qui solus necessarius es. Etenim A pars mea Deus. Quid enim mihi est in cœlo? et a te quid volui super terram? Deus cordis mei, et pars mea, Deus, in æternum. *Tolle animam meam*, sicut orat Psalmista: *Educ de custodia animam meam ad confitendum nomini tuo. Neque enim melior sum quam patres mei*. Certe si perpendamus quam virtuose, timorate, et sancte conversati sint patres nostri gloriosi Apostoli, martyres, confessores, et qui in religione nos præcesserunt in vita vere monastica, erubescemus oculos nostros levare B ad cœlum, sed cum publicano percutiemus pectora nostra, dicentes: Deus, propitius esto nobis pauperrimis. *Projecitque se, et obdormivit in umbra juniperi*. Ita et nos projiciamus nos coram Deo, prosternentes nos majestati ejus humiliter, juxta id Psalmi, *Procidamus ante eum qui fecit nos; et per contemplationem obdormiamus et quiescamus in amore et admiratione ipsius, quemadmodum scriptum est: In pace in idipsum dormiam et requiescam*. Insuper, de sero reclinati in lectulo, studeamus in C meditatione sacra passionis dominicæ obdormire.

Et ecce angelus Domini tetigit eum. Quemadmodum Eliam afflictum, esurientem, lassatum ac dormientem tetigit angelus Dei; sic quoscumque devotos, pœnitentes, tentatos, in bonis operibus fatigatos, ac contemplativos Deus suo instinctu divino piissimo, et per sanctos angelos misericorditer visitat, consolatur, roborat, et accendit, et aqua sapientiæ potat, atque subcinericio reficit pane, videlicet corpore D Christi, qui ait, Ego sum panis vitæ. Et rursus, In pulverem mortis deduxisti me: siquidem igne passionis decoctus est. *Comedit ergo et bibit, et rursus obdormivit*. Qui enim Christum in Sacramento salubriter suscipit, in ejus contemplatione et amore obdormit, ab omnium sensibilibus inquietudine ac strepitu quiescendo, bonitatem caritatemque Dei, et ejus beneficia recolendo. *Reversusque est angelus secundo, et tetigit eum, dixitque*. Non enim

sufficit nobis semel tangi, et excitari ab angelis sanctis, sed subsidio isto indigemus quotidie. *Surge, comede*: quia quotidie debemus saltem spiritualiter Christum suscipere, et ejus refici sacramentis, donis ac gratiis, atque ab actibus vitæ contemplativæ ad opera vitæ activæ, loco et tempore opportunis procedere. *Grandis enim tibi restat via*: quia egemus magno profectu, antequam ad optatam possimus virtutum perfectionem pertingere. Magna quoque est via a fide ad speciem, ab exsilio ad patriam, a miseriis vitæ præsentis ad gaudia æternæ felicitatis, a terra ad cœlum empyreum.

Qui quum surrexisset, comedit et bibit, et ambulavit in fortitudine cibi illius usque ad montem Dei Horeb. Ita Christifidelis in virtute dominici corporis, quod est viaticum peregrinationis præsentis, ambulat per omne tempus vitæ istius, quod est pœnitentiæ tempus, et quadragenario designatur, usque ad montem Ecclesiæ triumphantis; vel usque ad sublimitatem evangelicæ perfectionis, in qua interrogatur et examinatur a Domino qui corda et renes scrutatur, quid operetur. Et felix, qui ex sententia dicere valet, *Zelo zelatus sum pro Domino*; cujus universa præcordia cupiunt Deum ab omnibus debite honorari, et de inhonationibus ejus contristantur, atque pro ejus honorificentia student, et dicere possunt: Tabescere me fecit zelus meus, quia oblii sunt verba tua inimici mei. Et certe omnes vere devoti ac fervidi deformationem Ecclesiæ habent deplangere, destructionem, ruinam, perversitatem in cœnobiis atque collegiis in omni tribu, lingua ac natione populi christiani; specialiter quoque, quod perfidi hæretici ac impii Christiani sancta loca profanant, justos persequuntur, ac necare conantur. *Et ait: Egredere, et sta in monte coram Domino*: hoc est, præpara te, ut digne te repræsentantes conspectui majestatis divinæ. *Et egressus, stetit in ostio speluncæ*. Spelunca est corpus mortale, sordibus et culparum tenebris plenum: in cujus ostio

Thren. III, 24.
Ps. LXXII, 25, 26.

Ps. CXLI, 8.

Luc. XVIII, 13.

Ps. XCIV, 6.

Ps. IV, 9.

Ecclesi. XV, 3.

Joann. VI, 35.
Ps. XXI, 16.

Ps. VII, 10.

Ps. CXVIII, 139.

stat, qui ad occurrendum Judici summo A defectuositatem pensandam, oculos cordis semper paratum se exhibet, et quotidie est reflectit.

Spiritus grandis et fortis, subvertens montes, et conterens petras ante Dominum.

Spiritus iste piissimum et suavem Dei præcedens adventum, est comminatio Dei in divinis Scripturis, quæ interdum superbos perterret et dejicit, ita quod convertuntur ac pœnitent. Petras quoque, hoc est dura et lapidea corda, emollit ac carnea facit.

Non tamen in hac comminatione Dominus : B quoniam ex comminatione et servili timore Deo servire, non est meritorium aut acceptum. *Et post spiritum commotio*, hoc est

trepidatio ex comminatione incussa, quæ (ut tactum est) non sufficit ad salutem. *Et post commotionem ignis*, id est intensa memoria incendii gehennalis, quam parit divini timor judicii; sed nec in igne hoc Dominus, cui sine caritate nil complacet.

Et post ignem sibilus auræ tenuis, hoc est interna, quieta, et dulcis adspiratio Spiritus Sancti, qui instar suavissimi roris mentem perfundit, recreat, implet, juxta illud

Cant. iv, 16.

in Canticis, Veni, Auster, perfla hortum meum : ideo Dominus est in sibilo isto.

Job iv, 16.

Unde et in Job libro dicitur : Vocem quasi auræ tenuis audiavi. *Quod quum audisset Elias, operuit vultum suum pallio* : quia vir speculativus in contemplatione mirabilium Altissimi deficit, atque ad propriam

Deinde per Eliam cui præcipitur ungere quosdam in reges, et Eliseum in vatem, exprimitur Christus, qui unctione Spiritus Sancti quosdam dignificavit ad regnandum, ac præsidendum in jure spirituali, quosdam in jure civili, per quos correxit iniquos. *Et derelinquam mihi in Israel septem millia virorum, quorum genua non sunt curvata ante Baal.* Semper quippe sunt aliqui boni in Ecclesia Dei, qui nequaquam adhærent rebus terrenis, caducis et vanis, magis quam incommutabili et incircumscriptibili bono.

Profectus inde Elias, reperit Eliseum, super quem misit pallium suum. Ecce quod Dominus virum illum rusticanum et simplicem elegit in Prophetam præcipuum : et sicut super illum extendit Elias pallium suum, sic viri virtutum gratiam sibi concessam, aliis communicare nituntur. *Qui statim relictis bobus, cucurrit post Eliam* : quoniam hi quos tangit et incendit Spiritus Sanctus, relictis carnalibus affectibus et peccatis, festinant ad Dominum, ac boves occidunt, atque de eis parant convivium proximis, quoniam carnalia oblectamenta ac opera conterunt, et per hoc alios suis exemplis reficiunt. Osculantur autem et suos parentes, dum vinculo caritatis manent eis conjuncti, et verbis salubriter admonent ipsos.

ARTICULUS XXX

EXPOSITIO CAPITULI VICESIMI : PORRO BENADAD REX SYRIÆ CONGREGAVIT OMNEM EXERCITUM SUUM.

HIC describuntur duæ admirandæ victo- D riæ impio Achab concessæ, non ob merita ejus, sed ex bonitate Dei immensa, ut vel sic converteretur ad Deum verum, videns se ab idolis suis non posse juvare. Porro Benadad rex Syriæ congregavit om-

nem exercitum suum, et triginta duos reges secum, et equos et currus; et ascendens pugnabit contra Samariam, metropolim regni decem tribuum, et obsedit eam. Mittensque nuntios ad Achab regem Israel in civitatem, ait : Hæc dicit Benadad : Ar-

gentum tuum et aurum tuum meum est, hoc est, requiro ut mittas mihi ea; et uxores tuæ et filii tui optimi, id est aptiores ad prælia, mei sunt, juxta sensum prælatum, vel jure prælii, seu ob aliam causam quam contra te habeo. Responditque rex Israel: Juxta verbum tuum, domine mi rex, tuus sum ego, hoc est, paratus tibi servire sub rationabili tributo, seu alio modo, et omnia mea bona mobilia. De filiis autem et uxoribus suis subtrahit, quia non intendebat eos exponere voluntati illius. Revertentesque nuntii ad Achab, dixerunt: Hæc dicit dominus Benadad, qui misit nos ad te: Argentum tuum et aurum tuum, et uxores tuas et filios tuos dabis mihi, ut non remaneat tibi superstes qui succedat tibi in regno, nisi forsitan quem constituero ego. Cras igitur hac eadem hora mittam servos meos ad te, et scrutabuntur domum tuam, et domum servorum tuorum, et omne quod eis placuerit, ponent in manibus suis, et auferent.

Vocavit autem rex Israel omnes seniores terræ, volens in tam arduo negotio communitatem concernente uti generali concilio, potissime seniorum, in quibus solet esse major experientia atque prudentia, et ait: Animadvertite et videte, quoniam insidiatur nobis, hoc est, occasionem contra nos querit ad destruendum regnum nostrum totaliter, vel ad subdendum illud suæ jurisdictioni omnino. Misit enim ad me pro uxoribus meis, et filiis, et pro argento et auro; et non abnui. Hoc videtur contra jam dicta. Idcirco exponitur sic: Non abnui, id est, postulationem ejus non negavi ei in toto, quia de argento et auro consensi. Dixeruntque omnes majores natu, et universus populus ad eum: Non audias neque acquiescas illi: quia penitus irrationabiliter et tyrannice habet se. Aliqui tamen dicunt, quod consensit etiam de uxoribus et filiis, sed non de scrutatione domus suorum servorum, prout textus videtur prætere.

Respondit itaque nuntiis Benadad: Dicite domino meo regi: Omnia propter quæ

misisti ad me servum tuum in initio, faciam; hanc autem rem facere non possum. Reversique nuntii retulerunt omnia ei. Qui remisit et ait, ferens ægre quod rex Achab non acquievit: Hæc faciant mihi dii, et hæc addant, si suffecerit pulvis Samariæ pugillis omnis populi qui sequitur me: hoc est, tanta est mecum hominum copia, quod unusquisque eorum vix posset manum suam semel implere de terræ fragmentis, quæ in Samaria sunt, potissime prope muros. Vel sic: Tam multi sunt meum, ut si unusquisque acciperet et comportaret lapidem aut stipitem unum, vel unum terræ pugillum, tam magnum facerent aggerem extra, ut cives fecerant intra, sicque implerentur fossata, et ex æquo pugnarent adversus illos. Comportaverant autem cives Samariæ terram multam intus ad muros suos, quasi in altitudinem murorum ipsorum, ut muri essent inexpugnabiliores. Et respondens rex Israel, ait: Dicite ei: Ne gloriatur accinctus æque ut discinctus: hoc est, ipse Benadad adhuc armis accinctus, et pugnaturus, non sit ita securus, et de futuro triumpho exsultans, ut is qui jam vietoriam habuit, et exuit arma: quoniam eventus belli incertus est, atque in pendulo positus, et pauci quandoque prævalent multis. Idcirco non debet congressurus adversarium suum parvipendere nimis. Nimia quoque securitas et incautela multos decipit. Factum est autem quum audisset Benadad verbum istud, bibebat ipse rex Syriæ, et reges qui secum erant, in umbraculis, id est papilionibus, et ait servis suis: Circumdate civitatem. Et circumdederunt civitatem.

Et ecce Propheta unus accedens ad Achab regem Israel. Hunc aliqui dicunt fuisse Michæam: quod non videtur, quum de illo infra asserat Achab, Non prophetat mihi bonum, sed malum omni tempore. Ait ei: Hæc dicit Dominus: Certe vidisti omnem multitudinem hanc nimiam. Ecce ego tradam in manum tuam eam, hoc est, omnem multitudinem regis Syriæ, hodie, ut scias quia ego sum Dominus, omnia po-

III Reg.
xxii, 8, 18;
II Par. xviii,

7.

tens, ac omnibus dominans, et ita conver-
taris ad me. *Et ait Ahab : Per quem ?*
Dixitque ei : Hec dicit Dominus : Per
pedisequos principum provinciarum. Pe-
disequi hic vocantur scutiferi seu armi-
geri principum, id est principalium nobi-
liumque virorum decem tribuum. Aliqui
tamen principes illos dicunt fuisse obsi-
des nobiles, quos de aliis regionibus Ahab
acceperat. *Et ait : Quis incipiet praeliari ?*
Et ille dixit : Tu. Recensuit ergo, hoc est
numeravit, pueros, id est praelatos pedise-
quos, principum provinciarum, et reperit
numerum ducentorum triginta duorum.
Et recensuit post eos populum, omnes filios
Israel, septem millia. Mirum, quod tam
pauci fuerunt : et forsitan ex timore multi
defuerunt. *Et egressi sunt meridie.*

Benadad autem bibebat temulentus in
umbraculo suo, et reges triginta duo cum
eo, qui ad auxilium ejus venerant. Egressi
sunt autem pueri principum provincia-
rum in prima fronte. Misit itaque Bena-
dad ; qui nuntiaverunt ei, dicentes : Viri
egressi sunt de Samaria. At ille ait : Sive
pro pace veniunt, apprehendite eos vivos ;
sive ut praelientur, vivos eos capite. Egressi
sunt ergo pueri principum provinciarum,
ac reliquus exercitus sequebatur. Et per-
cussit unusquisque virum de exercitu Sy-
rorum, qui contra se veniebat ; fugerunt
Syri, Deo omnipotenti corda eorum subito
immutante, obstupefaciente, perterrente et
debilitante, et persecutus est eos Israel. Fu-
git quoque Benadad rex Syriæ in equo
cum equitibus suis. Necnon egressus rex
Israel, percussit equos et currus, et percus-
sit Syriam plaga magna nimis. Accedens
autem Propheta ad regem Israel, dixit ei :
Vade et confortare, et scito, et vide quid
facias, id est, provide tibi, et noli offen-
dere Deum, qui tibi concessit victoriam ;
sequenti enim anno rex Syriæ ascendet
contra te.

Servi vero regis Syriæ dixerunt ei : Dii
montium sunt dii eorum, videlicet Israeli-
tarum. Hoc suspicabantur, quia Samaria
fuit in montibus sita, imo tota terra pro-

missionis exstitit montuosa, juxta illud
Denteronomii : Terra ad quam ingrederis, *Deut. xi, 10,*
montuosa est et campestris. Elias quoque ^{11.}
in monte Carmeli erexit altare : et vituli
aurei quos filii Israel adorabant, erant in
fanis sublimibus positi, similiter templum
in monte Sion. *Ideo superaverunt nos,* quia
pugnativimus contra eos in montibus, in
quibus dii eorum potestatem exercent. Pu-
tabant autem gentiles, diversis terræ par-
tibus, diversisque elementis diversos deos
præesse, sicut de hoc in libro de Civitate
Dei plenius loquitur Augustinus. *Sed me-*
lius est, ut pugnemus contra eos in campe-
stribus, et obtinebimus eos. Tu ergo verbum
hoc fac. Amove reges singulos ab exercitu
suo, id est a turmis eorum : quia reges
frequenter inertes sunt et nimis delicati
ad sustinendum pericula praeliorum, ac
formidolosi, ne percutiantur, juxta illud
Job, Angustia vallabit impium, sicut regem *Job xv, 24.*
qui paratur ad praelium : et forsitan in præ-
scripto bello satis cito fugerunt ; et pone
principes pro eis, ut exercitui cujuslibet
regis præsit princeps militiæ strenuus ; et
instaura numerum militum qui cecide-
runt de tuis, et equos secundum equos pri-
stinos, et currus secundum currus quos
ante habuisti. Et pugnabimus contra eos
in campatribus, in quibus dii eorum nil
possunt, et videbis quod obtinebimus eos,
id est vincemus. Credidit consilio eorum,
et fecit ita.

Igitur postquam annus transierat, recen-
suit Benadad Syros, et ascendit in Aphec :
quæ fuit civitas in regno Israel situata, sed
eis per Syros ablata, juxta quam erat ma-
gna campi planities ; ut pugnaret contra
Israel, id est, in qua decreverunt Syri pu-
gnare. Porro filii Israel recensiti sunt, et
acceptis cibariis, profecti ex adverso ca-
strametati sunt, id est, tentoria sua fixe-
runt, contra eos, quasi duo parvi greges
caprarum. Unde elicitur, quod exercitum
suum diviserunt in duas partes, quæ am-
bæ simul fuerunt paucissimæ respectu Sy-
rorum. Hinc subditur : Syri autem reple-
verunt terram pro magna parte. Erant

enim centum viginti septem millia, imo et plures, ut in textu insinuatur. *Et accedens unus vir Dei*, utpote sanctus Propheta, vel is de quo jam dictum est, aut alius, *dixit ad regem Israel : Hæc dicit Dominus : Quia dixerunt Syri, Deus montium est Dominus, et non est Deus vallium*, id est, ob istam eorum blasphemiam, qua dixerunt Deum Israel habere potestatem juvandi suos in montibus, eo quod sit montium Deus ac Dominus, et non in vallibus, quum tamen habeat indeterminatam et infinitam potentiam ; *dabo omnem multitudinem hanc grandem in manu tua, et scietis quia ego sum Dominus* universorum vere omnipotens, ex tam miraculoso effectum. Et quamvis Ahab et sui hoc cognoverunt cognitione informi, non tamen Deum sicut Deum honorificaverunt aut gratias dignas egerunt, sed permanserunt in idololatriis, impietatibus et ingratitude suis. Sed quomodo nunc dicuntur Syri dixisse, Deus montium est Dominus, quum supra legantur dixisse, Dii montium sunt dii eorum? Respondetur, quod in Scripturis frequenter ponitur plurale pro singulari, et econverso, et quia multi filii Israel colebant simul cum vitulis suis ac idolis Deum verum, sicut Samaritani, ut dictum est. Idcirco dicendo, Dii montium, intellexerunt et verum Deum.

IV Reg.
xvii, 33, 41.

Dirigebant itaque septem diebus ex adverso hi atque illi acies, septima autem die commissum est bellum. Percusseruntque filii Israel de Syris centum millia peditum in die una. Fugerunt autem Syri, qui remanserunt in Aphec, in civitatem, et cecidit murus civitatis Aphec, super viginti septem millia hominum, qui remanserant et fugerunt : qui accesserunt ad murum ut eum firmarent, ne a filiis Israel destrueretur, sed virtute divina et ministerio angeli vel boni vel mali præcipitatus est murus super illos cum impetu.

Porro Benadad fugiens ingressus est civitatem, in cubiculum quod erat intra cubiculum, id est locum secretissimum ad latendum, atque ut Josephus refert, cum

A paucis ei fidelioribus introivit subterraneum locum, cujus aditus in cubiculo fuit. *Dixeruntque ei servi sui*, formidantes ne a rege Israel invenirentur, et sine misericordia occiderentur : *Ecce audivimus quod reges domus Israel clementes sint*, id est proni ad indulgendum, quoniam Deo Israel proprium est misereri ac parcere. Et utique vera clementia est in omni prælato ac principe valde laudanda, quum et Salomon fateatur : Roboratur clementia thronus regis. Unde Tullius in laudibus Julii ait : *Nulla te virtus ita commendabilem reddit, ut tua clementia*. Idcirco et Seneca in libro de Clementia contestatur : Nihil adeo principem decet, sicut clementiæ virtus. Verumtamen clementiæ temperandæ sunt discretionem atque justitiā : propter quod oravit rex pius, Bonitatem et disciplinam et scientiam doce me. *Ponamus itaque saccos in lumbis nostris*, id est, saccis nos accingamus in signum poenitentiae et humiliationis, *et funiculos in capitibus nostris*, quasi ipso facto monstrantes nos meruisse suspendium, *et egrediamur ad regem Israel : forsitan salvabit animas nostras*, id est, a morte nos præservabit, videns nos tam miserabiliter sibi occurrere sponte.

Prov. xx,
28.

Ps. cxviii,
66.

Accinxerunt saccis lumbos suos, et posuerunt funiculos in capitibus suis, veneruntque ad regem Israel, et dixerunt ei : Servus tuus Benadad, quem paulo ante dominum appellasti; sed nunc subito facta est tanta rerum mutatio, quæ utique fuit opus dexteræ Excelsi ; dicit (unde patet, quod non venit cum famulis suis) : Vi-

Ps. lxxvi,
11.

D *vat, oro, anima mea*, id est, ego ipse non occidar a te, sicut promerui. Tanquam dicat, Quamcumque emendam aut muletam imposueris mihi, acceptabo eam pro mea evasione : juxta illud Job, Cuncta quæ habet homo, dabit pro anima sua. *Et ille ait : Si adhuc vivit, frater meus est*, id est dilectus ut frater, et amicitiae fœdus feriam secum. *Quod acceperunt viri pro omine*, id est pro bonæ fortunæ eloquio, seu pro augurio prosperoque eventu. Unde Valerius Maximus loquitur, quod omen est ser-

Job ii, 4.

mo insperati auditus, ex quo consequitur A bonum alterius, et vocatur omen illius. *Et festinantes rapuerunt verbum ex ore ejus,* repetendo illud, ut tanquam a rege prolatum, inviolabiliter servaretur. Timebant namque ne Achab retractaret illud tanquam sine deliberatione prolatum. *Atque dixerunt: Frater tuus Benadad vivit. Et dixit eis: Ite et adducite eum ad me. Egressus est ergo ad eum Benadad, et levavit eum in currum suum. Qui dixit ei: Civitates quas tulit pater meus a patre tuo, reddam; et plateas fac tibi,* id est forum B rerum venalium, ex quo tributum accipias, in Damasco metropoli Syriae, juxta illud in Isaia, Caput Syriae Damascus, sicut fecit pater meus in Samaria, et ego fœderatus recedam a te. Istud autem Benadad non dixit ex animo, sed magis ad decipiendum ipsum Achab, ut aliqui opinantur. *Pepigit ergo fœdus, et dimisit eum.*

Is. vii, 8.

Denique, quoniam Achab peccavit in isto, indiscretam istam elementiam impendendo regi blasphemio morti obnoxio, Dominus prædixit ei de hoc debitam pœnam, C ut subditur. *Tunc vir quidam de filiis prophetarum,* qui (ut in Scholastica fertur historia) fuit Michæas: de quo in ultimo hujus libri capitulo plura habentur; *dixit ad socium suum in sermone Domini,* id est ex revelatione et commissione divina: *Percute me. At ille noluit percutere,* forsitan propter reverentiam viri tam sancti et sanctitatis ipsius. *Cui ait: Quia nolui- sti audire vocem Domini,* id est, verbis meis ex parte Dei prolatis obedire abnuisti. Unde elicitur, quod socius ille novit D Prophetam illum ex ore Dei locutum: ideo non obediendo verbis Prophetæ, fuit inobediens Deo, sicque promeruit mortem, quem admodum subditur: *ecce recedes a me, et percutiet,* id est occidet, te leo. *Quumque paululum recessisset ab eo, invenit eum leo atque percussit. Sed et alterum inveni- ens virum, dixit ad eum: Percute me. Qui percussit illum, et vulneravit: quia credebat quod ex Dei præcepto Prophetam petivit se percuti.*

T. 3.

Abiit ergo Propheta, et occurrit regi in via, et mutavit adspersione pulveris os et oculos suos, id est, dispositionem vultus sui alteravit, pulverem sanguine suo intinctum vultui superponendo, ne agnosceretur. Fecit quoque se vulnerari, ut sua vulneratione futuram regis vulnerationem præsignaret. *Quumque rex transisset, clamavit ad regem et ait: Servus tuus,* videlicet ego famulus tuus, *egressus est ad præliandum cominus,* id est prope. *Quumque fugisset vir unus de prælio, vel de manu ejus a quo fuerat captus, adduxit eum quidam ad me, et ait: Custodi virum istum. Qui si lapsus fuerit,* id est, manum tuam evaserit, *erit anima tua pro anima illius,* id est, pro ipso eris mihi servus, vel loco ipsius interficiaris, *aut talentum argenti appendes,* id est, pro ejus evasione præfixam solves pecuniam. *Dum autem ego turbatus huc illucque me verterem, undique circumspiciendo propter imminens belli periculum evitandum, subito non comparuit ille captivus, quia repente clam fugit. Et ait rex Israel ad eum: Hoc est judicium tuum quod ipse decrevist,* id est, pœnam quam tetigisti, sustinebis, quod scilicet anima tua erit pro anima illius qui fugit de manu tua, vel solves pecuniam, ita quod alterum horum duorum subibis et lues.

At ille statim abstersit pulverem de facie sua, ut cognosceretur a rege jam illaqueato proprii oris judicio, et cognovit eum rex Israel quod esset de prophetis. Qui ait ad eum, applicando Achab parabolam, in qua sub persona propria fuit locutus de persona ipsius: Hæc dicit Dominus: Quia dimisisti virum dignum morte de manu tua, scilicet Benadad regem blasphemum, quem Deus dedit in manum tuam ut eum occideres, quod et tibi denuntiavit: erit anima tua pro anima illius, id est, tu occideris pro eo, imo et ab eo seu ejus exercitu: ut infra habetur; *et populus tuus* III Reg. xxii, 34, 35. *erit pro populo ejus,* id est, occidetur a populo ejus pro magna parte, ut infra dicitur: sicque propter scelus regis, percussus

est simul et populus ejus, praesertim quia A
consensit ei in crimine, et rex in subditis
suis punitus est. Itaque, per virum qui fu-
git de praelio, intelligitur Benadad rex,
quem Deus dedit in manus Achab. *Rever-*
sus est igitur rex Israel in domum suam,
audire contemnens, id est, increpationem
istam aspernans, *et furibundus venit in*
Samariam : in quo patet ejus obstinatio,
ingratitudeque maxima; imo et istum Pro-
phetam jussit claudi et custodiri, ut Magi-
ster in historiis tangit, et ex Josepho sum-
ptum est, qui affirmat quod incarceravit B
Prophetam. Itaque, sicut Nathan proposuit
regi David parabolam qua proprio ipsius
judicio ipsum convicit, ita Propheta iste
impio Achab.

II Reg. xii.
1 et seq.

Sensus
moralis.

Moraliter docemur ex isto capitulo, quam
periculosa et vitiosa sit praesumptio, ja-
ctantia, securitasque incauta, praesertim
blasphemia : propter quae vitia multi etiam
fortiores hostibus suis succumbunt. Item,
quantum inobedientia sit displicens Deo,
et quod inobedientes perimantur a diabo-
lo, qui velut leo rugiens circuit, quaerens C
quem devoret. Insuper, unicuique vana
securitate resoluti, praesumptuosi, incau-
to, dicendum est : *Ne gloriatur accinctus*

I Petr. v. 8.

aque ut discinctus. Durante etenim vita
praesente, durat contra nos invisibilium
adversariorum conflictus : propter quod
debemus esse spiritualibus armis semper
accincti. Postremo, si nostra negligentia
scandali pravitate perierit aliquis, erit
anima nostra pro illius anima, id est, simul
cum illo perire meretur. Patet item ex di-
ctis, quod falsa elementia, praesertim quae
vergit in detrimentum boni communis et
derogat juri, sit detestanda omni judicii ac
praelato.

Hoc quoque tangendum, quia circa ex-
ordium expositionis hujus capituli scribit
Lyra : Divina providentia, quantum in se
fuit, ipsum Achab a malitia revocavit. Con-
tra quod Rabbi Paulus affirmat : Si divina
providentia, quantum in se fuit, ipsum
Achab a malitia revocasset, fuisset indu-
bie revocatus, quia (ut cantat Ecclesia) di-
vina providentia in sui dispositione non
fallitur. Verumtamen istud incaute prola-
tum est, et communi doctorum sententiae
adversatur : quoniam Deus, quantum in
se, nullum relinquit nec perire permittit,
dicente Apostolo : Qui vult omnes homi-
nes salvos fieri, et ad agnitionem veritatis
venire.

I Tim. ii. 4.

ARTICULUS XXXI

EXPOSITIO CAPITULI VICESIMI PRIMI : POST HÆC AUTEM VERBA, VINEA ERAT NABOTH.

RECITATUR hic divina justitia cir-
ca transgressionem impiissimi Achab.
Post hac autem verba, id est post gesta
praescripta, secundum narrationis ordinem
saltem, *vineam erat Naboth Jezraelita, qui*
erat in Jezrael, id est, ipse Naboth in urbe
nomine Jezrael habitans, habuit vineam,
juxta palatium Achab regis Samariae. Lo-
cutus est ergo Achab ad Naboth, *dicens :*
Da, id est vende, *mihi vineam tuam, ut*
faciam mihi hortum olerum, quia vicina
est et prope domum meam, daboque tibi

pro ea vineam meliorem. Aut si commo-
dus tibi putas, argenti pretium quantum
digna est dabo. Cui respondit Naboth :
Propitius sit mihi Dominus, ne dem he-
reditatem patrum meorum tibi, id est, ab
hac culpa praeservet me : quia sine ratio-
nabili causa non sunt hereditaria bona
vendenda, atque in lege fuit prohibitum
filiis Israel vendere possessiones suas in
sempiternum : sed solum usque ad an-
num jubilaum poterant in necessitate eas
venundare, ut habetur in Levitico. Unde

Lev. xxv.
13-16, 23-31.

Lep. XXV, 23. Dominus dixit : Terra hæc mea est, et vos coloni mei estis. Achab autem legis prævaricator atque idololatra non curavit de lege divina, voluitque vineam emere in possessionem perpetuam. Venit ergo Achab in domum suam, indignans et frendens super verbo, quod locutus fuerat ad eum Naboth Jezraelites, dicens : Non dabo tibi hereditatem patrum meorum. Et projiciens se in lectulum suum, avertit faciem suam ad parietem, et non comedit panem.

Ingressa est autem ad eum Jezabel uxor sua, dixitque ei : Quid est hoc, unde anima tua contristata est? et quare non comedis panem? Qui respondit ei : Locutus sum Naboth Jezraelita, et dixi ei : Da mihi vineam tuam, accepta pecunia; aut si tibi placet, dabo tibi vineam meliorem pro ea. Et ille ait : Non dubo tibi vineam meam. Textus est planus. Dixit ergo ad eum Jezabel uxor ejus : Grandis auctoritatis es, et bene regis regnum Israel. Hoc mulier tyrannica irrisorie dixit marito, quasi dicat : Ita te habes, quod subditi tui non curant de te. Voluit impia femina illa, ut magis timerent regem mortalem, quam Deum omnipotentem. Surge et comede panem, et æquo animo esto, ego dabo tibi vineam Naboth Jezraelita.

Esther III, 12, 13. Scripsit itaque Jezabel litteras ex nomine Achab, id est sub ejus persona, et signavit eas annulo ejus : quoniam olim consueverunt epistolæ regum eorum annulis sigillari, ut patet in libro Esther, quo habetur : Litteræ signatæ annulo regis, missæ sunt. In Scholastica fertur historia, quod Jezabel litteras istas scripsit secreto. Alii dicunt, quod ipso Achab sciente et consentiente. Et misit ad majores natu et optimates qui erant in civitate ejus, et habitabant cum Naboth, videlicet in oppido Jezrael. Litterarum autem, id est epistolæ, hæc erat sententia : Prædicate jejunium, id est, injungite populo ut jejunent, quasi ad obtinendum directionem deorum in isto negotio, ut videamini juste procedere, et sedere facite Naboth inter primos populi, id est inter superiores, quorum etiam unus

fuit, ne videamini eum despicere ante accusationem ipsius et accusationis probationem. Et submitte duos viros filios Belial, id est sine jugo disciplinæ atque timoris Dei, contra eum, et falsum testimonium dicant, videlicet : Benedixit, id est, maledixit Naboth Deum et regem, id est, in Deum blasphemus est, et reus criminis læsæ majestatis in regem, sicque dupliciter morte dignus. Verumtamen impia Jezabel voluit ut non publicaretur, eam scripsisse illud de testium submissione falsorum. Denique tam horrendum crimen est, maledicere Deum, quod juxta proprietatem linguæ Hebrææ designatur per suum contrarium, sicut et in libro Job : Nisi in faciem benedixerit tibi. Itemque : Benedic Deo, et morere. Et educite eum extra urbem, et lapidate, sicque moriatur.

Fecerunt ergo cives ejus, majores natu, et optimates, qui habitabant cum eo in urbe, sicut præceperat eis Jezabel, et sicut scriptum erat in litteris, quas miserat ad eos : quam ob suam malitiam serviliter timuerunt. Prædicaverunt jejunium, et sedere fecerunt Naboth inter primos populi. Et adductis duobus viris, filiis diaboli, fecerunt eos sedere contra eum. At illi, scilicet ut viri diabolici, dixerunt contra eum testimonium coram multitudine : Benedixit Naboth Deum et regem. Quamobrem eduxerunt eum extra civitatem et lapidibus interfecerunt. Miseruntque ad Jezabel, dicentes : Lapidatus est Naboth et mortuus est. In quo patet injustitia eorumdem : quoniam superioribus non est obediendum contra jus naturale aut divinum, et ut princeps apostolici ordinis dixit, Obedire oportet Deo magis quam hominibus. Et quoniam Naboth pro defensione justitiæ innocenter est lapidatus, S. Ambrosius libro de Officiis, martyrem eum vocat et sanctum appellat. Ex quibus etiam innotescit, quam graviter peccant, qui male vivendo ex irrationabili causa et vitioso regimine hereditates suas venundant : quas sicut a suis patribus receperunt, sic filiis suis aut justis heredibus eas

Job I, 11.

Ibid. II, 9.

Act. V, 29.

deberent relinquere, aut in pios convertere usus.

Factum est autem quum audisset Jezabel lapidatum esse Naboth et mortuum, locuta est ad Achab : Surge, posside vineam Naboth Jezraelitæ, qui noluit tibi acquiescere et dare eam accepta pecunia : quia pro crimine læsæ majestatis exheredantur et filii, et bona devolvuntur ad regem. De hoc autem crimine fuit Naboth testimonio falso convictus. Hinc aliqui dicunt, quod pro sceleribus ei impositis et false probatis, omnia ejus bona erant humano judicio infiscata, ideo Achab ascendit ad vineam ejus possidendam. Aliqui vero Hebræi dicunt, ipsum Achab fuisse filium fratris ipsius Naboth, et cum Naboth filios ejus fuisse occisos, sicque vineam illam jure propinquitatis devenisse ad Achab. Quod dictum pro prima sui parte non arbitror verum, quia si Naboth fuisset patruus regis, non apparet quod tam faciliter ad testimonium duorum vilium hominum fuisset occisus ; quod vero filii Naboth secum fuerint interfecti, apparentiam habet ex eo, quod infra dicitur libro quarto, Si non pro sanguine Naboth et pro sanguine filiorum ejus reddam tibi in agro isto. Nam et modo pro crimine læsæ majestatis, filii damnantur exsilio pro patris peccato. Non enim vivit Naboth, sed mortuus est. Quod quum audisset Achab, mortuum videlicet Naboth, surrexit, et descendebat in vineam Naboth Jezraelitæ, ut possideret eam.

Factus est igitur sermo Domini ad Eliam Thesbiten, dicens : Surge, et descende in occursum Achab regis Israel, qui est in Samaria. Ecce ad vineam Naboth descendit, ut possideat eam. Et loqueris ad eum, dicens : Hæc dicit Dominus Deus : Occidisti ipsum Naboth injuste, accusando eum tuæ uxori, et quia complacuit tibi ejus occisio ; sive, ut tactum est, quia de scitu et voluntate Achab, Jezabel (ut aliqui dicunt) litteras præfatas confecit. Insuper et possedisti : id est, possidere jam vis vineam Naboth, sicque de scelere tuo reportare

A vis commodum : ac pro illata tam enormi injuria, non solum non satisfacis, sed et lucrum consequeris et auges offensam, quum tamen nulli debeat sua iniquitas suffragari. Et post hæc addes : Hæc dicit Dominus : In loco hoc, in quo linxerunt canes sanguinem Naboth, lambent quoque sanguinem tuum. Quod ait, In loco hoc, multi exponunt, In hac regione. Naboth quippe lapidatus est prope Jezrael ; Achab vero in bello fuit letaliter vulneratus, et inde Samariam deportatus, ut infra

III Reg. xxii, 34, 37.

B conscribitur. Quidam dicunt, quod sanguis Achab in filio suo, id est sanguis filii ejus, qui fuit quodammodo sanguis patris, a canibus lingeatur in determinato hoc loco quo lapidatus est Naboth, ut infra libro quarto narratur. Verumtamen quidam dicunt, arma in quibus vulneratus fuit Achab, esse lota prope Jezrael, et quod sanguinem sic ablutum linxerunt canes in loco quo occubuit Naboth, seu prope.

IV Reg. ix, 25, 26.

Et ait Achab ad Eliam : Num invenisti me inimicum tibi ? ac si dicat : Cur sic adversaris mihi, quum non inveneris me inimicum tibi ? Sic quidam exponunt. Aliqui libri sic habent : Num invenisti me, inimice mi ? id est, utique nunc rursus mihi occurris, qui jugiter mihi inimicaris : non quod Elias oderit personam, sed culpam Achab. Qui dixit : Inveni, eo quod venundatus sis, id est, propria iniquitate venditus diabolo, in cujus transisti dominium, sicut res vendita transit in dominationem ementis ; sicque pro nummo impiæ voluptatis, vendidisti te ipsum diabolo, scilicet numismate tuæ iniquitatis : juxta illud Isaïæ, Ecce in iniquitatibus vestris venundati estis ; ut faceres malum, id est enormia crimina, in conspectu Domini : quia dum homo vitiis suis subditur dæmoni, mox ab eo ad diversa impellitur crimina. Unde de impiis ait Apostolus : Resipiscant a diaboli laqueis, a quo captivi tenentur ad ipsius voluntatem : sicque comparantur ad illum sicut equus ad sessorem. Ideo ait Gregorius : Peccatum quod

IV Reg. ix, 26.

Is. l, 1.

II Tim. ii, 26.

per pœnitentiam non deletur, suo mox A pondere trahit ad aliud.

Hæc dicit Dominus : Ecce ego inducam super te malum, et demetam posteriora tua, et interficiam de Achab mingentem ad parietem, et clausum et ultimum in Israel. Hæc supra bis de Jeroboam atque de Baasa dicta sunt atque exposita.

III Reg. XIV, 10; XVI, 3, 11.

Et dabo domum tuam sicut domum Jeroboam filii Nabat, et sicut domum Baasa filii Ahia, quia egisti ut me vel iracundiam provocares, et peccare fecisti Israel. Sed et de Jezabel locutus est Dominus, B

IV Reg. IX, 32-37.

Jezrael : quod qualiter sit impletum, infra quarto libro continetur. Si mortuus fuerit Achab in civitate, comedent eum canes ; si autem mortuus fuerit in agro, comedent eum volucres cœli. Quomodo verum est

III Reg. XXII, 37.

hoc, quum sequenti capitulo in Samaria esse sepultus legatur? Ad quod respondendum videtur, quod istud erat vel comminatio, quam paulo post pœnitendo evasit ; vel ideo dicuntur eum canes comesturi,

Ibid. 38.

quia sanguinem ejus linxerunt. Sanguis namque est in dispositione propinqua ad carnem. Unde filius dicitur natus de substantia patris, quia de semine ejus, quod vocatur sanguis coagulatus. *Igitur non fuit alter talis sicut Achab, qui venundatus est ut faceret malum in conspectu Domini. Concitavit enim cum Jezabel uxor sua, et abominabilis factus est, in tantum ut sequeretur idola, quæ fecerant Amorrhæi, quos consumpsit Dominus a facie filiorum Israel.*

Itaque quum audisset Achab sermones D istos, scidit vestimenta sua, non ex furore, secundum quod in fine præcedentis capituli legitur venisse in Samariam furibundus, sed ex timore atque in signum humiliationis ac pœnitentiæ, quamvis humiliatio et pœnitentia illa credantur venisse ex timore servili, non ex fide formata caritate et zelo justitiæ. Aliqui tamen dicunt, quod ad tempus vere pœnituit, sed paulo post recidivavit. Et operuit cilicio carnem suam, jejunavitque et dormivit in sacco, et am-

Ibid. XX, 43.

bularit demisso, id est inclinato capite, tanquam consternatus ac desolatus ; et confitebatur se graviter excessisse, ut Josephus addit. Cur non sprevit verba Eliæ, nec eum incarcerationavit, sicut contempsit verba Prophetæ, de quo in fine præcedentis capituli, quem et secundum Josephum in carcere posuit ; quemadmodum etiam in sequenti capitulo legitur, Michæam incarcerationasse ? Ad quod videtur dicendum, quod Elias fuit valde famosus Prophetæ, cujus oratione noverat cœlum tribus annis fuisse clausum, et alia præclara mirabilia esse peracta, ideo verba ejus magis pertimuit ; et forsansupersapientissimus, pius, justusque Dominus videns ipsum Achab ad occisionem Naboth et possessionem vineæ ejus fuisse collapsum ex malitia impiissimæ Jezabel magis quam ex se, dedit ei timorem istum servilem. Pensandum quoque, quam imperterritite locutus sit Elias omnia verba hæc regi animoso et iracundo, qui ante sic fugerat ex comminatione feminæ vitiosæ. Ibid. XIX, 2, 3.

III Reg. XX, 43.

Ibid. XXII, 27.

Ibid. XVII, 1.

Et factus est sermo Domini ad Eliam C Thesbiten, dicens : Nonne vidisti humiliatum Achab coram me? Quia igitur humiliatus est causa mei, id est ex timore vindictæ meæ seu æquitatis et ex intuitu suorum facinorum, non inducam malum in diebus ejus ; sed in diebus filii sui inferam malum domui ejus, id est, præfatas plagas et ultiones differam usque post ejus mortem. Nam dato quod non pœnituerit zelo justitiæ, sed servili formidine, tamen per pœnitentiam illam et humiliationem ac satisfactoria opera, quæ (ut dictum est) fecit, potuit misericordiam hanc mereri : quoniam opera bona ex genere extra caritatem facta, sunt bene meritoria temporalis prosperitatis et prolongationis vitæ præsentis, quum Deus nullum bonum dimittat irremuneratum.

Moraliter patet ex isto capitulo, qualiter innocentes ac justi frequenter falsis testimoniis opprimuntur, et quam grave crimen sit hoc ; quomodo etiam superiores frequenter injuste inferioribus indignentur, eosque persequantur, eo quod non

Sensus moralis.

consentiant ipsis in rebus illicitis. Insuper, A qualiter viri sæpe ad magna et gravia ex-
citantur peccata a suis uxoribus; et quo-
modo judices inferiores multoties falsa
proferant judicia ad complacendum majo-
ribus suis, et ad instigationem ipsorum,
vel ex inordinato eorum timore. Postremo,
ex hoc quod sceleratissimus Achab ex com-
minationibus temporalium nocementorum
et ex timore eorum tantam pœnitentiam
egit, vestes suas scindendo, cilicium in-
duendo, jejunando et dormiendo in sacco,
inclinatoque capite incedendo, non obstan-

te regio fastu et consueta mollitie, decla-
ratur, quanta sit iniquorum perversitas
Christianorum, qui nec ex comminationi-
bus Scripturarum sanctarum æterna sup-
plicia comminantium, nec ex sermocina-
tionibus devotorum super hoc terribiliter
exclamantium, nec ex terrore tam incom-
parabilium tormentorum, neque ex consi-
deratione sempiternæ damnationis eorum
qui jam perierunt, humiliant semetipsos,
vel pœnitentiam agunt, aut mœstum vul-
tum ostendunt, sed absque timore perpe-
trant mala, imo gloriantur in illis.

*Eccle. viii.
11.
Prov. ii, 14.*

ARTICULUS XXXII

EXPOSITIO CAPITULI VICESIMI SECUNDI : TRANSIERUNT IGITUR TRES ANNI ABSQUE BELLO.

IN isto capitulo recitatur, qualiter puni-
tio prænuntiata regi Achab præceden-
ti capitulo, quod scilicet anima sua esset
pro anima regis Syriæ, quem injuste di-
misit mortem evadere, sit impleta in ipso.
Transierunt igitur tres anni absque bello
inter Syriam et Israel, propter fœdus pacis
quod Achab et Benadad inierunt, ut dictum
est supra, et computantur tres anni isti a
tempore pacti illius. *In anno autem tertio,*
fine ejus appropinquante, descendit, quia
terra regni duarum tribuum altior situ
fuit quam terra decem tribuum, *Josaphat*
rex Juda ad regem Israel visitandum. Nam
filia Achab et Jezabel, nomine Athalia, fuit
uxor Joram filii Josaphat regis, sieque ad
invicem amicitiam contraxerunt. *Dixitque*
rex Israel ad servos suos : Ignoratis quod
nostra sit de jure Ramoth civitas, sita in
terra Galaad, et negligimus eam tollere, id
est recuperare, de manu regis Syriæ : qui
injuste vi prælii abstulit eam nobis, quum
tamen sit notabile oppidum, utpote urbs
refugii pertinens ad tribum Gad, ut patet
in libro Josue, et Deuteronomii, et civitas
sacerdotum. Et ait ad Josaphat : Veniesne
mecum ad præliandum in Ramoth Ga-

*III Reg. xx,
42.*

Ibid. 34.

*Josue xx,
8; Deut. iv,
43; Josue
xvi, 37.*

B laad ? Dixitque Josaphat ad regem Israel :
Sicut ego sum, ita et tu, id est, confœde-
rati atque unanimes sumus in talibus; po-
pus meus et populus tuus unum sunt, et
equites mei et equites tui per confœdera-
tionem et amicitiam. Nam et ideo Josaphat
vir pacificus fecit filium suum cum filia
Achab contrahere, ut inter regnum suum
et regnum Israel esset pax.

Dixitque Josaphat ad regem Israel :
Quære, oro te, hodie sermonem Domini, id
est oraculum Dei per Prophetas, quid sit
expediens ac futurum in causa ista peri-
culosa. Scivit etenim Josaphat, regem ac
populum Israel esse superstitiosos atque
idololatrias, ideo periculosum esse eos ju-
vare. Congregavit ergo rex Israel prophe-
tas quadringentos circiter viros, qui erant
prophetæ Baal, sed juxta morem loquendi
vocantur prophetæ, et ait ad eos : Ire de-
bemus in Ramoth Galaad, an quiescere ?
Responderunt : Ascende, et dabit eam Do-
minus in manu regis. Quidam ait, pro-
positionem hanc dubiam exstitisse, quia
D intelligi poterat tam de rege Israel, quam
de rege Syriæ. Verumtamen ex consequen-
tibus istorum pseudo verborum manifeste

habetur, quod per regem intellexerunt regem Israel; et forsitan prophetæ illi per Dominum intelligebant deum suum Baal. *Dixit autem Josaphat, falsos illos prophetas cultores Baal, abhorrens: Non est hic Propheta Domini quispiam, ut interrogemus per eum? Et ait rex Israel ad Josaphat: Remansit vir unus per quem possemus interrogare Dominum. Sed ego odi eum, quia non prophetat mihi bonum, id est prospera, sed malum, id est adversa, Michas filius Jemla.* Ceteros putavit a Jezabel interfectos. Sed quare siluit de Elia? Forsan quia recesserat, et nescivit Achab ubi jam esset. *Cui Josaphat ait: Ne loquaris ita, rex, id est, non dicas te odire Prophetam Dei, eo quod vera tibi prædicat, sive sint prospera sive adversa. Vocavit ergo rex Israel eunuchum quemdam, et dixit ei: Festina adducere Michæam filium Jemla.*

Rex autem Israel et Josaphat rex Juda, sedebant unusquisque in solio suo, vestiti cultu regio, in areâ juxta ostium portæ Samariæ, et universi prophetæ prophetabant in conspectu eorum. Fecit quoque sibi Sedecias filius Chanaan, id est de genere Chananæorum, vel filius viri nomine Chanaan, sibi cornua ferrea, et ait: Hæc dicit Dominus: His ventilabis Syriam, donec deleas eam, id est, potestate et exercitu tuo designatis per cornua ista, disperdes et vinces Syros; vel hoc signum tibi ostendo, quod illos fugabis. Quemadmodum aliquando Prophetæ Dei prophetabant per sola verba, quandoque per verba et sensibilia signa seu gesta; sic et pseudopropheta ista præsumpsit, ut magis authenticus videretur. Omnesque prophete similiter prophetabant, dicentes: Ascende in Ramoth Galaad, et vade prospere, et tradet eam Dominus in manus regis.

Nuntius vero qui ierat ut vocaret Michæam, locutus est ad eum, dicens: Ecce sermones prophetarum ore uno regi bona prædicant, sit ergo et sermo tuus similis eorum, et loquere bona. Cui Michæas ait: Vivit Dominus, quia quodcumque dixerit mihi Dominus, hoc loquar. Venit itaque

ad regem, et ait illi rex: Michas, ire debemus in Ramoth Galaad ad præliandum, an cessare? id est, an expedit ut eamus ad præliandum pro Ramoth recuperanda? Cui ille respondit: Ascende et vade prospere, id est, opto ut prospere vadas: sicut communiter dicimus abeunti, Vade in pace. Vel ironice dixit hoc zelo justitiæ, quia rex impius indignus fuit vero responso, quamvis hoc postea datum sit ei. Et tradet Dominus in manu regis. Non dixit quos, vel in ejus regis manu, sed obscure locutus est. Vel, quia rex potius voluit audire prospera quam vera, dedit ei irrisorie responsum hujusmodi: ac si diceret, Taliter tibi respondeo, ut merearis et dignus es. Quod Achab suspicans, dixit [quod subditur].

Dixit autem rex ad eum: Iterum atque iterum adjuro te, ut non loquaris mihi nisi quod verum est, in nomine Domini. Et ille ait, verum dando responsum propter reverentiam nominis Dei quo fuerat adjuratus, sicut et Christus a pontifice adjuratus, respondit, qui antea siluit: Vidi in visione imaginaria prophetali mihi ostensa, cunctum Israel, id est exercitum tuum, dispersum in montibus, quibus terra illa abundat, quasi oves non habentes pastorem. Quasi dicat: Sicut collecti vadunt bellatores ad prælium, sic isti dispersi diffugient, et rex seu dux eorum cadet, aufereturque eis. Et ait Dominus mihi in visione: Non habent dominum isti, id est, rex eorum letaliter vulneratus, mox morietur. Revertatur unusquisque in domum suam in pace. Ex hoc aliqui trahunt et dicunt, quod nullus de exercitu Israel cecidit in prælio illo, nisi rex Achab. Supra tamen dixerat Dominus, quod anima Achab esset pro populo Syriæ, et populus Israel pro populo Syriæ. Quod aliqui solvunt, quod ideo populus Achab fuit pro populo illo, quoniam fugit de prælio. Dixit ergo rex Israel ad Josaphat: Numquid non dixi tibi, quia non prophetat mihi bonum, sed semper malum? quasi dicat: Non vere, sed invidiose loquitur mihi.

Matth.
xxvi, 63, 64.

III Reg. xx.
42.

Ille vero addens, ait, clarius exponendo suam revelationem et seriem deceptionis perfidi regis : *Propterea*, id est ob tuam incredulitatem confutandam seu informandam, *audi sermonem Domini : Vidi Dominum sedentem super solium suum, et omnem exercitum cœli adsistentem ei a dextris et a sinistris*. Certum est, quod Deus in se ipso sit incircumscriptibilis, immaterialis, simplicissimus, illocabilis, et intemporalis : ideo nec angeli incorporei situ aliter Deo adsistunt, nec eum inter se terminant aut includunt. Ideo visio ista Michææ fuit imaginaria, qua vidit Deum in similitudine, forma seu specie quadam ipsum repræsentante, sive fuerit similitudo illa tantum in imaginatione illa Prophetæ, sive formata exterius, prout sanctus Job loquitur Deo : *Auditu auris audivi te, nunc autem oculus meus videt te*. Communiter autem fiebant tales visiones ipsis Prophetis ab omni exteriori sensu alienatis. Huicque visioni Michææ similis fuit visio Isaïæ, protestantis : *Vidi Dominum sedentem super solium excelsum et elevatum*. Illa quoque Danielis, de qua ipse ait : *Adspiciebam in visione mea nocte, donec throni positi sunt et Antiquus dierum sedet*. Millia millium ministrabant ei, et decies millies centena millia adsistebant ei. Juxta quem etiam modum Ezechiel in exordio voluminis sui, innuit sibi Dominum apparuisse : *Super firmamentum, inquit, quasi adspectus lapidis sapphiri similitudo throni, et super similitudinem throni, similitudo quasi adspectus hominis desuper*. Potest quoque hujusmodi visio fieri in vigilia et in somno.

Job xii, 5

Is. vi, 1.

Dan. vii, 2.
9, 10.Ezech. i,
26.

Porro quod dictum est, *Omnem exercitum cœli adsistentem ei a dextris et a sinistris*, expositores communiter sic explanant, quod omnis exercitus cœli dicitur Deo adsistere a dextris, quantum ad angelos bonos ; et a sinistris, quantum ad angelos malos : et in hoc sequuntur Gregorium. Sicque dicuntur angeli mali Deo a sinistris adsistere, quia frequenter sunt exsecutores æquitatis divinæ, nec aliquid possunt nisi

Altissimo permittente. Unde scriptum est : *Factum est quum quadam die filii Dei venissent et starent coram Domino, venissetque Satan inter eos et staret in conspectu ejus*. Et quamvis expositio ista sit commendanda, videtur tamen locus iste aliter posse exponi, et magis consonanter ad formam textus. Loquitur enim Propheta de Deo tanquam de rege magno residenti in throno suo, et de toto ejus exercitu lateraliter ipsum ambiente, prout milites solent principem circumstare. Sic autem proprie non circumstant neque adsistunt, nisi milites boni aut servi fideles. Item hoc loco per omnem exercitum cœli, videtur intelligendus totus exercitus cœli empyrei, ad quem non pertinent angeli tenebrarum. Ideo per omnem exercitum istum videntur soli angeli sancti intelligendi, quia et hi qui in regno beatitudinis sunt ad sinistram regis, beati sunt. Unde mater filiorum Zebedæi oravit : *Dic ut sedeant hi duo filii mei, unus ad dexteram, et unus ad sinistram tuam in regno tuo*. In Proverbiorum quoque libro legitur : *Longitudo dierum in dextera ejus, et in sinistra ejus divitiæ et gloria*. Sponsa quoque in Canticis : *Læva ejus, inquit, sub capite meo, et dextera illius amplexabitur me*.

Job ii, 1.

Matth. xx,
20, 21.

Prov. iii, 16.

Cant. ii, 6.

Et ait Dominus : Quis decipiet Achab regem Israel, ut ascendat et cadat in Ramoth Galaad? Loquitur scriptura ista de Deo more humano, quum omnipotens Deus nihil ex ignorantia quærat, nec per se vocaliter sciscitetur ; sed interna allocutione loquitur supernis spiritibus, prout de hac re super Job dictum est plenius. *Et dixit unus verba hujusmodi*, intellectualiter respondendo, seque ad Dei obsequia exhibendo paratum, *et alius aliter* : non quod in civibus cœli empyrei sit discordia ulla, sed omnes ad eundem finem unanimiter tendebant, quamvis per media plura ac varia. Nee est intelligendum, quod Deus aut angeli sancti voluerunt ipsum Achab directe et efficienter decipere, aut falsa aliqua revelare, sed permissive dumtaxat, juxta quem sensum in Ezechiele scriptum

Ezech. xiv, 9. est : Propheta quum erraverit, ego Domi-

nus decepi prophetam illum. Nempe in tantum dependent efficientialiterque procedunt a Deo omnis illuminatio, gratia, virtus, compunctio, directio et profectus, quod etiam opposita horum dicuntur esse ab ipso, quoniam non nisi ipso permittente contingunt. Unde Isaias loquitur Deo : Qua-

Is. lxxiii, 17. re errare nos fecisti de viis tuis? indurasti corda nostra ne timeremus te? Et Psalmi-

Ps. xliiii, 19. sta : Declinasti, ait, semitas nostras a via tua. Hinc in Deuteronomio Moyses loquitur :

Deut. ii, 30. Noluit Schon rex Hesebon filiis Israel dare transitum, quia induraverat Dominus Deus spiritum ejus et obfirmaverat eor illius.

Egressus est autem spiritus, et stetit coram Domino. Iste fuit spiritus malus, qui exivit de prava voluntate ad opus seu actum illicitum, stetitque coram Domino ubique præsente, et in imaginaria visione videbatur de sua societate consurgere, et coram Deo sedente in solio apparere, tanquam paratus implere inique, quod Deus permisit fieri juste : non quod spiritus ille malignus unquam empyreum intret cœlum, aut ibi inter angelos Dei consistat : sed sicut angeli sancti paratos se exhibent obsequi Creatori et omni bono, sic ille in malo, vel etiam in executione divinæ justitiæ, tamen perversa intentione et ex vitiosa radice. *Et ait : Ego decipiam illum. Cui locutus est Dominus : In quo? Et ille ait : Egrediar et ero spiritus mendax in ore omnium prophetarum ejus. Et dixit Dominus : Decipies et prævalebis; egredere et fac ita.* Ista locutio Dei ad dæmonem, est justa permissio ejus, et collocutio per angelum bonum, cujus est refrenare et relaxare potestatem diaboli; sed spiritualia et interna non capiuntur ab hominibus grossis, nisi per similitudines corporalium exprimantur more humano. Tamen ad intelligendum hæc plenius, recurrendum est ad expositionem primi capituli libri Job.

Nunc igitur ecce dedit Dominus permissive spiritum mendacii in ore omnium prophetarum tuorum qui hic sunt, id est, a spiritu diabolico, qui est mendax et pa-

ter mendaciorum, permisit hos falsos inspirari, falli et provocari ad prophetandum mendose. Unde elicitur error Hebræorum quorundam dicentium, quod spiritus iste fuit anima Naboth lapidati ac mortui : quæ anima quum fuerit virtuosa atque in sinu Abrahamæ posita, non exivit ad proferendum ista mendacia. *Et Dominus locutus est contra te malum.*

Accessit autem Sedecias filius Chanaan, et percussit Michæam in maxillam, et dixit : Mene ergo dimisit spiritus Domini, et locutus est tibi? Sedecias iste superbus et laudis humanæ ac proprii commodi cupidus, qui et cornua fecerat sibi, præ ceteris ægre tulit, quod dicebatur deceptus atque deceptor, nec verum habens spiritum prophetiæ. Et ait Michæas, vir patiens, et percutientem non repereutiens, neque cum turbulentia loquens, sed modeste respondens : Visurus es vera esse quæ dixi, in die illa quando ingredieris cubiculum, intra cubiculum ut abseondaris, videlicet quum insonuerit rumor de regis occisione, quia tunc metues a filiis regis occidi tanquam falsarius et deceptor, quum fuerint a bello regressi. Circa hæc Magister in historiis Josephum sequens, addit : Vidit Sedecias regem dubitantem quid ageret, confortavitque eum secreto, dicens : Si Michæas esset propheta, aruisset manus mea in eum extensa, sicut aruit manus Je- *III Reg. xiii, 4.*
roboam quam extendit contra Prophetam in Bethel, ut supra patuit : et etiam locutus est contra Eliam, qui dixit te moriturum ubi lapidatus est Naboth prope Jez- *Ibid. xxi, 19.*
rael; hic autem dicit, te moriturum in Ramoth. Unde ultra conclusit, quod nulli eorum esset credendum, quia inter se discreparent. Tunc rex audacior factus, jussit incarcerari Michæam, sicut consequenter in textu describitur.

Et ait rex Israel : Tollite Michæam, et maneat apud Amon principem civitatis, et apud Joas filium Amelech, et dicite eis : Hæc dicit rex : Mittite virum istum in carcerem, et sustentate eum pane tribulationis et aqua angustiae, donec revertar in

pace. Dixitque Michæas : Si reversus fueris in pace, non est locutus in me Dominus. Et ait Michæas, quando jam apprehendebatur, ut duceretur ad carcerem : Audite, populi omnes, id est, sitis memores eorum quæ dixi, ut quum fuerint adimpleta, perhibeatis testimonium veritati. Quidam dicunt, quod dixit hoc, volens plus loqui, sed non fuit permissus.

Ascendit itaque rex Israel et Josaphat rex Juda in Ramoth Galaad. Dixit itaque rex Israel ad Josaphat : Sume arma tua, id est, regiis armis te muni, et ingredi **B** *prelium, tanquam dominus totius exercitus, et induere vestibus tuis, id est, regalem indue apparatus atque vestitum, regalia assumendo insignia, quæ ferre consuevisti ad bella, et communem vestem nunc deponendo. Hoc Achab locutus est, vel ut Josaphat regi tanquam majori deferret, vel ne ipse Achab cognosceretur a Syris, sicque minus impugnaretur ab illis, vel ut pondus belli super Josaphat immineret. Hinc sequitur. Porro rex Israel mutavit habitum suum, militari vestitu et armatura communi* **C** *quasi operiens se, et ingressus est bellum.*

Rex autem Syriæ præcepit principibus curruum, ex quibus quidam pugnabant, triginta duobus, dicens : Non pugnabitis contra minorem et majorem quempiam, nisi contra regem Israel solum, id est, illum solummodo invadetis, tanquam incitatore principalem totius hujus negotii, et quia fœdus pacis, quod secum inii, violat modo. Dicunt tamen quidam Hebræi, quod per exploratores suos clam percepit, qualiter Michæas prædixit eum casurum ibidem, et ceteros evasuros, ideo jussit eum dumtaxat impugnari. Quum ergo vidissent principes curruum Josaphat, suspicati sunt quod esset rex Israel. Et impetu facto, pugnabant contra eum, id est contra Josaphat, quem videbant regio diademate decoratum, putantes quod esset Achab, et exclamavit Josaphat. Secundo Paralipomenon habetur, quod clamavit ad Dominum, id est, Deum pro defensione et evasione rogavit; vocavit quoque ad se auxilia-

A *suos præcipuos, et capitis sui custodes. Intellexeruntque principes curruum, quod non esset rex Israel, et cessaverunt ab eo.*

Vir autem quidam tetendit arcum, in incertum sagittam dirigens, et casu percussit jaculo regem Israel inter pulmonem et stomachum. Non sine divina præordinatione hoc contigit : imo respectu divinæ providentiæ omnia certissime intuentis ac æternaliter prænoscentis, nihil est casuale, neque fortuitum; imo sic certus est ordo causarum, quamvis ex hoc non tollantur a rebus creatis libertas, fortuna et casus, ut experientia quoque testatur. Verumtamen in Paralipomenon legitur, quod percussit regem Israel inter cervicem et scapulas : pro quorum concordia respon- **II Par. xviii, 33.** *detur, quod sagitta a parte anteriori prope pulmonem intravit, et retro circa scapulas exiit, quia tendendo in altius movebatur, utpote a pedite missa, et regem in curru stantem tangens ac perforans. Quod si quæ- ratur, qualiter regem armatum potuit perforare, respondetur ex eo, quod in Hebræo habetur, Percussit eum inter squamas et loricam, videlicet, quia rex super loricam habuit armaturam, ut fertur, de laminis ferreis instar squamarum connexis, elevataque una earum a loco suo, sagitta per eum intravit. At ille dixit aurigæ suo : Verte manum tuam, et ejice me de exercitu, quia graviter vulneratus sum. Paulo post subditur : Rex Israel stabat in curru suo contra Syros, et in Paralipomenon additur, Usque ad vesperam : quomodo ergo jussit* **Ibid. 34.** *se de exercitu ejici? Respondetur ex eo quod secundo Paralipomenon asseritur, Educ me de acie. Itaque sensus est, quod* **Ibid. 33.** *jussit se de prima acie reduci ad posteriorem in curru, in qua minus impugnaretur, suamque læsionem amplius occultaret. Stetit autem in curru suo, ne exercitus suus cognita vulneratione sua territus fugeret.*

Commissum est ergo prælium in die illa. Et rex Israel stabat in curru suo contra Syros. Et mortuus est vespere. Fluebat autem sanguis plagæ regis in sinum, hoc est interiora ac fundum, currus, et præco in-

III Reg. xx, 34.

II Par. xviii, 31.

sonuit in universo exercitu, antequam sol occumberet, dicens: Unusquisque revertatur in civitatem et in terram suam, ita ut populus Josaphat cum ipso ad terram regni redeat Juda: sicque præeo iste jubente principe militiæ, primo insonuit buccina, deinde protulit verba ista rege jam mortuo aut pene defuncto. Mortuus est autem rex, et perlatus est in Samariam. Sepelieruntque regem in Samaria, et laverunt muliereculæ currum ejus, sanguinem de sinu currus extergendo, in piscina Samariæ, et linxerunt canes sanguinem ejus, sic extersum in aqua, et laverunt habenas ejus, hoc est lora seu retinacula freni sanguine regis adpersa, juxta verbum Domini quod locutus fuerat.

Reliqua autem sermonum Achab, et universa quæ fecit, et domus eburnea, quam edificavit, cunctarumque urbium quas extruxit, nonne hæc scripta sunt in libro Sermonum dierum regum Israel? Qui liber non superest, nec habetur. Non enim est liber Paralipomenon in quo de domo eburnea regis Achab nil legitur. Dormivit ergo Achab cum patribus suis, et regnavit Ochozias filius ejus pro eo.

Josaphat vero filius Asa regnare coeperat super Judam, anno quarto Achab regis Israel. Triginta quinque annorum erat quum regnare cœpisset, et viginti quinque annis regnavit in Jerusalem. Nomen matris ejus Azuba, filia Salai. Et ambulavit in omni via Asa patris sui, et non declinavit ex ea. Fecitque quod rectum erat in conspectu Domini. Josaphat ergo regnavit anno quarto regni Achab: de cujus verbi intellectu dictum est supra diffuse. Verumtamen excelsa non abstulit. Quid per excelsa intelligatur, et qualiter licuit, aut illicitum fuit in eis Deo immolare, dictum est supra. Adhuc enim populus sacrificabat, et adolebat incensum in excelsis. Pacemque habuit Josaphat cum rege Israel.

Reliqua autem verborum Josaphat, et opera ejus quæ gessit, et prælia, nonne hæc scripta sunt in libro Verborum dierum regum Juda? De opulentia, magnificentia,

A victoriis, devotione, fama, justitia, aedificiis, copiosis exercitibus regis Josaphat, multa secundo Paralipomenon in diversis capitulis sunt conscripta: et tamen ante editionem libri Paralipomenon scripta erant et alibi. Sed et reliquias, hoc est residuos, effeminatorum qui remanserant in diebus Asa patris ejus, abstulit de terra. Qui dicantur effeminati, in expositione superiorum continetur. Nec erat rex tunc constitutus in Edom, id est, Idumæi quibus David rex abstulit regiam dignitatem et principatum regalem, a tempore illo usque ad tempus Josaphat non constituerunt sibi regem, sed sub tributo servierunt regibus Juda. Istud hic tangitur, ad insinuandum quod et Idumæi erant subjecti Josaphat regi, quanquam secundo Paralipomenon legantur cum Moabitis et Ammonitis contra Josaphat convenisse: sed interierunt, et de cetero manserunt ei subjecti.

Rex vero Josaphat fecerat classes, id est naves, quæ irent in mari, quæ navigarent in Ophir, id est locum sic appellatum in India, propter aurum inde portandum; et ire non potuerunt, id est, usque Ophir procedere, quia confractæ sunt in Asiongaber, id est loco intermedio sic vocato: de quo loco et de Ophir dictum est supra. De causa hujus dissipationis navium Josaphat, habetur secundo Paralipomenon, videlicet quod amicitiam iniit cum sceleratissimo rege Israel Ochozia, cujus soror exstitit sua nurus. Tunc, scilicet post primam navium confractionem, ait Ochozias filius Achab ad Josaphat: Vadant servi mei cum servis tuis in navibus pro auro. Et noluit Josaphat, in hac secunda vice qua misit pro auro, neque deinceps: quia ut in Paralipomenon recitatur, increpatus fuit a Domino per Prophetam de amicitia et societate sua cum Ochozia, fuitque ei prædictum, quod ideo naves suæ dissiparentur in via. Fuit namque in hoc ipso culpabilis, quia et antea fuit ab alio Propheta correptus de hoc, quod impio Achab præbuit opem, id est, amicitiam ejus admisit. Dormivitque Josaphat cum patribus suis, et sepultus est

III Reg. xvi, 29.

Ibid. xv, 14

II Par. xvii, xx.

III Reg. xv, 12.

II Par. xx, 10, 11.

III Reg. iv, 26, 28.

II Par. xx, 35.

Ibid. 37.

Ibid. xix, 2.

cum eis in civitate David patris sui; regnavitque Joram filius ejus pro eo.

Ochozias autem filius Achab regnare cœperat super Israel in Samaria anno septimodecimo Josaphat regis Juda, regnavitque super Israel duobus annis. Præhabitum est, quod Achab regnavit annis viginti duobus, et item quod quarto anno regni Achab, incepit Josaphat rex regnare : ergo Achab regnavit usque ad consummationem octavidecimi anni regni Josaphat. Unde sequi videtur, quod Ochozias filius Achab cœpit regnare anno nonodecimo Josaphat regis. Ad quod respondetur, quod primus et ultimus anni, in quibus Achab regnavit simul cum Josaphat, non fuerunt completi, idcirco nec computantur hoc loco. Et, ut in Scholastica fertur historia, ex dictis et libris diversorum Prophetarum collectus est liber Regum. Hinc est quod alius aliud, et alius aliud assignavit initium inchoationis regni, tam regum Juda, quam regum Israel, secundum diversitatem rationum atque respectuum. *Et fecit malum in conspectu Domini, et ambulavit in via patris sui, et matris suæ, et in via Jeroboam filii Nabat, qui peccare fecit Israel. Servivit quoque Baal, et adoravit eum, et irritavit Dominum Deum Israel, juxta omnia quæ fecerat pater ejus, videlicet Achab.* Qualiter autem incommutabilis et tranquillissimus Deus irritari dicatur, utpote quantum ad similitudinem effectus, non per veritatem affectus, juxta quem modum attribuuntur ei furor, indignatio, ira, dictum est sæpe.

Sensus
spiritualis.

Is. xxx, 10.

Amos v, 10.

Juxta tropologiam, per Achab designantur D qui veritatem dicentibus et increpantibus indignantur, quales sunt multi magnates et divites ac potentes. De quibus loquitur Isaias : Dicunt videntibus, Nolite videre : et adspicientibus, Nolite adspicere nobis ea quæ recta sunt ; loquimini nobis placentia, videte nobis errores. De talibus fertur et in Amos : Odio habuerunt corripi-

entem, et loquentem perfecte abominati sunt. O quam multi nunc tales sunt ! Quibus si veritas nude dicatur, et justa fiat correptio, non emendantur, sed persequuntur dicentem. Adulatores autem amant ac audiunt, sicut Achab Sedeciam prophetasque Baal : per quos figurati sunt prædicatores, pastores et clerici, qui principibus et majoribus prælatis blandiuntur, et prospera sermocinantur, quærentes illis placere, et propria commoda, promotiones, beneficia obtinere, non pensantes illud sancti Hieronymi : Nil gravius in sacerdotibus, quam personarum acceptio. Quod Ambrosius quoque fatetur. Porro, per Josaphat exprimuntur qui veros et justos prædicatores pastoresque diligunt et requirunt, et verba correptionis ac saluberrimæ directionis audiunt patienter, et amplectuntur libenter. Tales demum justis ac timoratis prædicatores ac præsidentes, et amatores fratrum, signati sunt per Michæam, qui omni humano timore postposito, et omni priorum commodorum affectione sopita, constantissime dixit : Vivit Dominus, quia quodcumque dixerit mihi Dominus, hoc loquar. Sic boni et vere sapientes loquuntur ac prædicant tempore opportuno, quidquid Dominus loquitur in Scripturis, et quidquid conscientia dictat, ac Spiritus suggerit veritatis.

Postremo docemur ex isto capitulo, quantum vitanda sit justis principibus ac ceteris timoratis familiaritas societasque pravorum, quia ex ea in diversa et magna labuntur pericula. Iterum constat ex præinductis, quod reges et principes quandoque succumbunt in præliis, quamvis justam habeant causam, quia aliunde sunt culpabiles, et id quod eis debetur ex jure communi, recipere sunt indigni ex crimine speciali. Siquidem Ramoth Galaad pertinebat de jure ad regnum Israel, non ad Syros ; et tamen rex Israel in bello, quo urbem illam conabatur recuperare, est victus.

INDICES

LOCA S. SCRIPTURÆ PRÆCIPUA

QUE AD ILLUSTRANDUM COMMENTARIUM

AB AUCTORE PASSIM ALLEGANTUR

GENESIS.

- XVII, 6. (Dominus ad Abram :) Reges... ex te egredientur, 301B'.
- XXV, 23. Duæ gentes sunt in utero tuo, ... et major serviet minori, 489D.
- XLVIII, 49. (Jacob ad Joseph :) Frater ejus minor, major erit illo, 680A'.
- XLVIII, 21, 22. Ait ad Joseph filium suum :... Do tibi partem unam extra fratres tuos, quam tuli de manu Amorrhæi, 103D'.
- XLIX, 3, 4. Ruben primogenitus meus, ... effusus es sicut aqua, non crescas : quia ascendisti cubile patris tui, 73D'.
- XLIX, 40. Non auferetur sceptrum de Juda, et dux de femore ejus, donec veniat qui mittendus est, Procem. 425.
- XLIX, 43. Zabulon in littore maris habitabit, 87A'.
- XLIX, 44, 45. Issachar... vidit requiem quod esset bona, et terram quod optima, 87D'.
- XLIX, 46. Dan judicabit populum suum, 192B'.
- XLIX, 48. Salutare tuum exspectabo, Domine, 260D'.
- XLIX, 20. Aser, pinguis panis ejus, et præbebit delicias regibus, 88A.
- I, 24. (Joseph ad fratres suos :) Asportate ossa mea vobiscum de loco isto, 103C'.

EXODI.

- VI, 7. Assumam vos mihi in populum, et ero vester Deus, 482D'.
- XX, 5. Ego sum Dominus..., visitans iniquitatem patrum in filios, in tertiam et quartam generationem, 274C'. Cf. 44C.
- XXI, 14. Si quis per industriam occiderit proximum suum, et per insidias : ab altari meo evelles eum, ut moriatur, 595C.
- XXII, 1. Si quis furatus fuerit ... ovem, et occiderit vel vendiderit :... quatuor oves (restituet), 504B.

- XXII, 18. Maleficos non patieris vivere, 408C.
- XXIII, 8. Non accipies munera, quæ etiam excæcant prudentes, et subvertunt verba iustorum, 301A. Cf. 303A'.
- XXIII, 13. Per nomen externorum deorum non jurabitis, 97B'.
- XXIII, 17. Ter in anno apparebit omne masculinum tuum coram Domino, 250A'.
- XXIII, 31. Ponam... terminos tuos a mari Rubro usque ad mare Palæstinorum, 6C'.
- XXV, 15. (Vectes) semper erunt in circulis, nec unquam extrahentur ab eis, 645B'.
- XXX, 12. (Dominus ad Moysen :) Quando tuleris summam filiorum Israel juxta numerum, dabunt singuli pretium pro animabus suis Domino, 574B.
- XXXII, 4. (Aaron) fecit... vitulum conflatilem : dixeruntque : Illi sunt dii tui, Israel, 207B, 409D'.
- XXXIII, 17. Dixit autem Dominus ad Moysen :... Te ipsum novi ex nomine, 481A.
- XXXIII, 20. Nou... videbit me homo, et vivet, 146D, 184A'.

LEVITICI.

- III, 46, 47. Omnis adeps, Domini erit jure perpetuo, 269C', 346C.
- XIX, 48. Non quæres ultionem, nec memor eris injuriæ civium tuorum. Diliges amicum tuum sicut te ipsum, 391D.
- XIX, 27. Nec radetis barbam, 495A'.
- XIX, 31. Non declinetis ad magos, nec ab ariolis aliquid seiscitemini, 409A.
- XX, 27. Vir, sive mulier, in quibus pythoneus, vel divinationis fuerit spiritus, morte moriantur, 408C.
- XXV, 25. Si attenuatus frater tuus vendiderit possessiunculam suam, et voluerit propinquus ejus, potest redimere quod ille venderat, 238C.

NUMERORUM.

- IV, 20. Alii nulla curiositate videant quæ sunt in sanctuario priusquam involvantur, alioqui morientur, 290D'. *Cf.* A', 291B'.
- VI, 3. Acetum ex vino,... et quidquid de uva exprimitur, non bibent, 182B'.
- X, 9. Si exieritis ad bellum... contra hostes..., clangentis ululantibus tubis, 34A.
- XI, 13. (Moyses ad Dominum :) Obsecro ut interficias me, et inveniam gratiam in oculis tuis, 711A.
- XIII, 23. Ascenderunt... ad meridiem, et venerunt in Hebron, ubi erant... filii Enac, 75A'.
- XIV, 21. Vivo ego : et implebitur gloria Domini universa terra, 482B.
- XXI, 15. Scopuli torrentium inclinati sunt, 136D'.
- XXIII, 19. Non est Deus quasi homo, ut mentiatitur ; nec ut filius hominis, ut mutetur, 347C'.
- XXVII, 6. (Dominus ad Moysen :) Justam rem postulant filiæ Salphaad : da eis possessionem inter cognatos patris sui, 82D.
- XXVII, 16. Provideat Dominus... hominem, qui sit super multitudinem hanc, 300B'.
- XXXVI, 7, 9. Omnes... viri ducent uxores de tribu et cognatione sua,... ne sibi misceantur tribus, 168D, 187C, 598D.

DEUTERONOMII.

- II, 4. Transibitis per terminos fratrum vestrorum filiorum Esau,... et timebunt vos, 171D'.
- II, 19. (Dominus ad Moysen :) Non... dabo tibi de terra filiorum Ammon, 72B, 171B'.
- II, 28, 29. Tantum est ut nobis concedas transitum, sicut fecerunt filii Esau, 172A.
- IV, 7. Nec est alia natio tam grandis, quæ habeat deos appropinquantibus sibi, sicut Deus noster adest cunctis obsecrationibus nostris, 483A.
- VI, 6, 7. Verba hæc (erunt) in corde tuo ;... et meditaberis in eis sedens in domo tua, 8B.
- VI, 13. Dominum Deum tuum timebis,... ac per nomen illius jurabis, 97C'.
- VI, 16. Non tentabis Dominum Deum tuum, 175D. *Cf.* 148A.
- VII, 3. Non... sociabis cum eis conjugia, 187D. *Cf.* 168B, 598C.
- VII, 3. Filiam tuam non dabis filio ejus, nec filiam illius accipies filio tuo, 188A.
- VII, 6. Te elegit Dominus..., ut sis ei populus peculiaris de cunctis populis, qui sunt super terram, 481B', 632C'.
- VII, 22. Non poteris eas (nationes) delere pariter : ne forte multiplicentur contra te bestię terræ, 60D', 92B', 123C'.
- VII, 23. Sculptilia eorum igne combures : non concupisces argentum et aurum, de quibus facta sunt, 508D'.
- XI, 10, 11. Terra..., ad quam ingrederis possidendam, non est sicut terra Ægypti ; sed montuosa est et campestris, de cælo expectans pluvias, 78A'.
- XI, 24. Omnis locus, quem calcaverit pes vester, vester erit, 6D'.
- XII, 16. (Comedes) absque esu dumtaxat sanguinis, quem super terram quasi aquam effundes, 337D.
- XV, 4. Omnino indigens et mendicus non erit inter vos, 451D.
- XVI, 18. Judices et magistratos constitues in omnibus portis tuis, 524B.
- XVI, 21. Non plantabis lucum, et omnem arborem juxta altare Domini, 102D.
- XVII, 15. Eum constitues (regem), quem Dominus... elegerit de numero fratrum tuorum, 303A', D'.
- XVII, 16, 17. Quum... fuerit constitutus (rex), non multiplicabit sibi equos,... neque argenti et auri immensa pondera, 488A, 664A'.
- XVIII, 10. Nec inveniatur in te qui... ariolos sciscitetur, et observet somnia atque auguria, 409A.
- XX, 5. Quis est homo qui ædificavit domum novam, et non dedicavit eam ? vadat, etc., 152B, 320C.
- XX, 16. De his... civitatibus, quæ dabuntur tibi, nullum omnino permittes vivere, 552D'.
- XXI, 11-13. (Si) videris in numero captivorum mulierem pulchram,... voluerisque habere uxorem, introduces eam in domum tuam, 598A' ;... flebit patrem et matrem suam uno mense, 500D'. *Cf.* 438B.
- XXI, 23. Non permanebit cadaver... in ligno, sed in eadem die sepelietur, 49B, 557A'.
- XXIII, 3. Ammonites et Moabites... non intrabunt ecclesiam Domini, in æternum, 238D'.
- XXIII, 7. Non abominaberis Idumæum, quia frater tuus est, 489B', 670A'.
- XXV, 8, 9. Si (propinquus) responderit : Nolo eam uxorem accipere : accedet mulier ad eum coram senioribus, et tollet calceamentum de pede ejus, etc., 239C.

XXV, 17, 18. Memento quæ fecerit tibi Amalec in via... : quomodo occurrerit tibi, et extremos agminis tui, qui lassi residebant, ceciderit, 343 D.

— 19. Quum... Dominus Deus tuus dederit tibi requiem,... delebis nomen ejus (Amalec) sub caelo, 344 C'.

XXVII, 1, 5. Præcepit... Moyses et seniores Israel, populo dicentes :... Ædificabis (in monte Hebal) altare Domino, 49 C.

— 2, 3. (Moyses ad populum :) Eriges ingentes lapides,... ut possis in eis scribere omnia verba legis hujus, 49 C'.

— 15 et seq. Maledictus homo qui facit sculptile et conflatile...; maledictus qui non honorat patrem suum et matrem... etc., 50 C.

— 22. Maledictus qui dormit cum sorore sua, filia patris sui, vel matris suæ, 51 B.

XXXIII, 2. Dominus de Sinai venit, et de Seir ortus est nobis : apparuit de monte Pharan, 136 A.

— 17. Cornua rhinocerotis cornua illius : in ipsis ventilabit gentes, 260 D.

JOSUE.

I, 5. (Dominus ad Josue :) Nullus poterit vobis resistere cunctis diebus vitæ tuæ, 41 B.

VI, 26. Maledictus vir coram Domino, qui suscitaverit et ædificaverit civitatem Jericho, 695 D'.

XI, 18. Multo tempore pugnavit Josue contra reges istos, 60 C'.

— 20. Domini... sententia fuerat, ut indurentur..., et non mererentur ullam clementiam, 56 C'.

XV, 63. Jebusæum... habitatorem Jerusalem, non potuerunt filii Juda delere, 113 B', 458 A'.

JUDICUM.

III, 1, 3. Hæ sunt gentes quas Dominus dereliquit... : Quinque satrapas Philistinorum, etc., 66 B.

VI, 39. Dixit... rursus (Gedeon) ad Deum : Ne irascatur furor tuus contra me, si adhuc semel tentavero, 175 B'. Cf. 148 A.

VIII, 23. (Gedeon ad populum :) Non dominabor vestri,... sed dominabitur vobis Dominus, 117 A.

XI, 15. Non tulit Israel terram... filiorum Ammon, 72 B.

T. 3.

I REGUM.

VII, 13. Humiliati sunt Philistiim, nec apposuerunt ultra ut venirent in terminos Israel, 328 D'.

— 13. Facta est... manus Domini super Philistæos, cunctis diebus Samuelis, 328 D'.

VIII, 7. Dixit autem Dominus ad Samuelem : Non... te abjecerunt, sed me, ne regnem super eos, 117 B.

XII, 17. Scietis... quia grande malum feceritis vobis in conspectu Domini, petentes super vos regem, 303 D'. Cf. 315 B'.

XXVI, 9. (David ad Abisai :) Ne interficias eum : quis enim extendet manum suam in christum Domini, et innocens erit ? 328 B. Cf. 389 D, D', 430 A'.

XXVII, 1. Ait David in corde suo : Aliquando incidam una die in manus Saul, 387 A.

XXX, 24. Æqua... pars erit descendantis ad prælium, et remanentis ad sarcinas, 94 B.

II REGUM.

VI, 20. Quam gloriosus fuit hodie rex Israel, discooperiens se... et nudatus est, quasi si nudetur unus de scurris ! 371 D.

— 23. Michol filiæ Saul non est natus filius usque in diem mortis suæ, 446 D'.

XVIII, 3. Respondit populus (ad David) : Tu unus pro decem millibus computaris, 365 A'.

XXIII, 8. David... octingentos interfecit impetû uno, 129 B'.

III REGUM.

III, 7. (Ait Salomon :) Domine Deus, tu regnare fecisti servum tuum... : ego autem sum puer parvulus, etc., 675 C.

VIII, 58. (Dominus) inclinet corda nostra ad se, 101 D'.

XVI, 34. Ædificavit Hiel de Bethel, Jericho : in Abiram primitivo suo fundavit eam, etc., 37 B.

XVIII, 32, 33. (Elias) ædificavit de lapidibus altare in nomine Domini..., divisitque per membra bovem, et posuit super ligna, etc., 184 A.

IV REGUM.

III, 14, 15. Dixit... Eliseus :... Adducite mihi psaltem, 313 B'.

47

XXII, 20. (Dominus ad Josiam :) Colligeris ad sepulcrum tuum in pace, ut non videant oculi tui omnia mala quæ inducturus sum super locum istum, 687B.

I PARALIPOMENON.

- IV, 22. Securus et Incedens, qui principes fuerunt in Moab, 225B'.
- V, 4. (Ruben) quum violasset torum patris sui, data sunt primogenita ejus filiis Joseph, 74A.
- XXI, 4. Consurrexit... Satan contra Israel, et concitavit David ut numeraret Israel, 572A'.
- 3. Responditque Joab (ad David) :... Quare hoc quærit dominus meus, quod in peccatum reputetur Israeli ? 573A.
- XXVIII, 9. Si quæsieris (Deum), invenies : si autem dereliqueris eum, projiciet te in æternum, 486D'.
- XXIX, 4. Salomonem filium meum unum elegit Deus, adhuc puerum et tenellum, 675C.
- 14. Tua sunt omnia : et quæ de manu tua accepimus, dedimus tibi, 272D'.
- 25. Dominus... dedit (Salomoni) gloriam regni, qualem nullus habuit ante eum rex Israel, 477C.

II PARALIPOMENON.

- V, 9. Vectium (arcæ)... capita parebant ante oraculum : si vero quis paululum fuisset extrinsecus, eos videre non poterat, 645D.
- VI, 4. Salomon ait : Dominus pollicitus est ut habitaret in caligine, 646C.
- XIV, 44. Domine, non est apud te ulla distantia, utrum in paucis auxiliieris, an in pluribus, 334C'.

II ESDRÆ.

- XIII, 26. Salomon... dilectus Deo suo erat, 477C'.

JOB.

- II, 4. Quum quadam die venissent filii Dei, et starent coram Domino, venisset quoque Satan inter eos, etc., 728A'.
- 9. Dixit autem illi uxor sua : ... Benedic Deo et inorere, 723B'.
- VI, 10. Hæc mihi sit consolatio, ut affligens me (Deus) dolore, non parcat, nec contradicam sermonibus Sancti, 280D.

IX, 2. Vere scio quod... non justificetur homo compositus Deo, 700D'.

XII, 42. In antiquis est sapientia, et in multo tempore prudentia, 678C'.

XIII, 15. Etiam si (Deus) occiderit me, in ipso sperabo, 244B'.

XXIV, 42. Deus inultum abire non patitur, 347D, 453B, 505D'.

XXXI, 26-28. Si vidi solem quum fulgeret,... et osculatus sum manum meam ore meo : quæ est iniquitas maxima..., 744A.

XXXIII, 15, 16. Per somnium in visione nocturna,... aperit (Deus) aures virorum, et erudiens eos instruit disciplina, 599D'.

XXXIV, 40, 41. Absit a Deo impietas, et ab Omnipotente iniquitas. Opus enim hominis reddet ei, etc., 562C'.

XXXVII, 4. Post eum rugiet sonitus, tonabit voce magnitudinis suæ, 263A'.

XLII, 5. Auditu auris audiivi te, nunc autem oculus meus videt te, 728B.

PSALMORUM.

- II, 44. Servite Domino in timore, et exsultate ei cum tremore, 562D'.
- IX, 8, 9. Paravit in judicio thronum suum : et ipse judicabit orbem terræ in æquitate, 263B'.
- XLIII, 49. Declinasti (Domine) semitas nostras a via tua, 572C', 729A.
- L, 6. Tibi soli peccavi, 506A.
- LVII, 44. Lætabitur justus quum viderit vindictam, 400B.
- LXXI, 8. Dominabitur (Christus) a mari usque ad mare; et a flumine usque ad terminos orbis terrarum, 476D'.
- LXXII, 44. Dixerunt : Quomodo scit Deus, et si est scientia in Excelso ? 400C'.
- 27. Perdidisti omnes qui fornicantur abs te, 420C.
- LXXIII, 6. Exciderunt januas ejus (templi), 624C'.
- LXXIV, 5. Dixi... delinquentibus : Nolite exaltare cornu, 260C.
- LXXVI, 3 et seq. In die tribulationis meæ Deum exquisivi,... et meditatus sum nocte cum corde meo, etc., 535D.
- LXXVII, 34. Quum (Deus) occideret eos, quærebant eum, et revertebantur, 27C'.
- 66. Percussit inimicos suos in posteriora : opprobrium sempiternum dedit illis, 286D'.

LXXVII, 70. Elegit David servum suum, et sustulit eum de gregibus ovium, 475B.

LXXXIII, 3. Cor meum et caro mea exsultaverunt in Deum vivum, 259C.

LXXXIX, 1. Domine, refugium factus es nobis, 482D'.

— 40. Dies annorum nostrorum in ipsis, septuaginta anni, 548B, 581B.

CXIII, 7. A facie Domini mota est terra, 136B'.

CXVIII, 36. Inclina cor meum in testimonia tua, 401D', 653B.

CXLI, 2. Non intres in iudicium cum servo tuo, 653B'.

PROVERBIORUM.

IV, 23. Omni custodia serva cor tuum, 589C.

VIII, 30. Delectabar per singulos dies, ludens coram eo omni tempore, 466C'.

XIII, 10. Inter superbos semper jurgia sunt, 156C', 178C.

XIV, 10. Cor quod novit amaritudinem animæ suæ, in gaudio ejus non miscebitur extraneus, 252A.

— 28. In multitudine populi dignitas regis; et in paucitate plebis ignominia principis, 549A.

XV, 1. Responsio mollis frangit iram, 157B. Cf. 161C.

— 1. Sermo durus suscitatur furor, 161A'. Cf. 157A'.

XVI, 33. Sortes mittuntur in sinum, sed a Domino temperantur, 45C', 340C.

XVIII, 1. Occasiones quærit qui vult recedere ab amico, 178D'.

XX, 22. Ne dicas: Reddam malum, 194B.

— 28. Roboratur clementia thronus (regis), 316C', 720A'.

XXIV, 17. Quum ceciderit inimicus tuus, ne gaudeas, et in ruina ejus ne exsultet cor tuum, 400A, 488C'.

XXVIII, 14. Qui... mentis est duræ, corrumpet in malum, 395C.

XXXI, 3. Ne dederis mulieribus substantiam tuam, 582B.

ECCLESIASTÆ.

I, 12. Ego Ecclesiastes fui rex Israel in Jerusalem, 486D.

— 16. Locutus sum in corde meo, dicens: ... Præcessi omnes sapientia, qui fuerunt ante me in Jerusalem, 602C.

SAPIENTIÆ.

IV, 10, 11. (Justus) vivens inter peccatores... raptus est ne malitia mutaret intellectum ejus, 687B.

V, 8. Quid nobis profuit superbia? aut divitiarum jactantia quid contulit nobis? 561A.

— 21. Pugnabit cum (Deo) orbis terrarum contra insensatos, 139D'.

VII, 17-21. (Deus) ipse... dedit mihi horum quæ sunt, scientiam veram: ut sciam dispositionem orbis terrarum, etc., 602C.

XI, 17. Per quæ peccat quis, per hæc et torquetur, 413D, 506A'.

ECCLESIASTICI.

X, 2. Secundum judicem populi, sic et ministri ejus, 98C'.

— 11, 12. Omnis potentatus brevis vita; ... rex hodie est, et cras morietur, 582A'.

— 17. Sedes ducum superbiorum destruxit Deus, et sedere fecit mites pro eis, 262D'.

XIII, 31. Cor hominis immutat faciem illius, sive in bona, sive in mala, 253A'.

XVII, 14. (Deus) in unamquamque gentem præposuit rectorem, Proëm. 245.

XXII, 13. Luctus mortui septem dies, 438B. Cf. 420B, 500D'.

XXX, 1. Qui diligit filium suum, assiduatur illi flagella, 514D.

XXXII, 1. Rectorem te posuerunt? Noli extolli, etc., 89A'.

XLV, 1. Dilectus Deo et hominibus Moyses, 271C'.

XLVI, 1. Fortis in bello Jesus Nave, successor Moysi in Prophetis, qui fuit magnus secundum nomen suum, Proëm. 3.

— 13, 14. Judices... quorum non est corruptum cor: ... ut sit memoria illorum in benedictione, Proëm. 109.

— 16, 22. Dilectus a Domino... Samuel, ... testimonium præbuit in conspectu Domini, et christi; pecunias et usque ad calceamenta ab omni carne non accepit, 323A'.

— 23. Post hoc dormivit Samuel, et notum fecit regi, et ostendit illi finem vitæ suæ, 411C'.

ISAIÆ.

I, 16. Auferte malum cogitationum vestrarum ab oculis meis, 593A'.

- VI, 4. Vidi Dominum sedentem super solium excelsum et elevatum, 728B.
- X, 5-7. Vae Assur, virga furoris mei... : ad gentem fallacem mittam eum; ... ipse autem non sic arbitrabitur, 532C.
- XVI, 4. Emitte Agnum, Domine, dominatorem terræ, de Petra deserti ad montem filiae Sion, Præf. 221.
- XIX, 25. Hereditas... mea Israel, 404B, 482C'.
- XXVI, 42. Domine,... omnia... opera nostra operatus es nobis, 653B.
- XXX, 4. Vae filii desertores, dicit Dominus, ut faceretis consilium, et non ex me, etc., 55A'.
- XXXII, 48. Sedebit populus meus in pulchritudine pacis,... et in requie opulenta, 476A.
- XXXVIII, 47. Ecce in pace amaritudo mea amarissima, 252A.
- XLIII, 40. Ante me non est formatus deus, et post me non erit, 261A.
- XLV, 6, 7. Ego Dominus,... formans lucem, et creans tenebras, faciens pacem, et creans malum, 505C.
- XLVIII, 41. Propter me faciam, ut non blasphemem; et gloriam meam alteri non dabo, 325B.
- L, 4. Hæc dixit Dominus : ... Ecce in iniquitatibus vestris venditi estis, 724D'.
- LIII, 2. Ascendet sicut virgultum coram eo, et sicut radix de terra sitiendi, 563C.
- LXIII, 42. Qui scidit aquas ante eos, ut faceret sibi nomen sempiternum, 482B.
- 44. Sic adduxisti populum tuum, ut faceres tibi nomen gloriæ, 482B.
- 47. Quare errare nos fecisti, Domine, de viis tuis? indurasti cor nostrum ne timereamus te? 572C', 729A.
- LXIV, 6. Quasi pannus menstrualæ universæ justitiæ nostræ, 700C'.
- LXV, 40. (Erit) vallis Achor in cubile armentorum, 44B.
- LXVI, 4. Cælum sedes mea, terra autem scabellum pedum meorum : quæ est ista domus, quam ædificabilis mihi? 649B'.

JEREMIÆ.

- II, 8. Tenentes legem nescierunt me, 269B.
- 49. Vide quia malum et amarum est reliquisse te Dominum..., dicit Dominus, 420C'.
- IV, 2. Jurabis : Vivit Dominus, in veritate, et in iudicio, et in iustitia, 339D'.
- VII, 49. Numquid me ad iracundiam provocant, dicit Dominus? 419D'.

- X, 24. Quia stulte egerunt pastores,... omnis grex eorum dispersus est, 98C'.
- 23. Non est hominis via ejus; nec viri est ut ambulet, et dirigat gressus suos, 8D.
- 24. Corripe me, Domine, verumtamen in iudicio, et non in furore tuo, 653B'.
- XV, 4. Dixit Dominus... : Si steterit Moyses et Samuel coram me, non est anima mea ad populum istum, 325B'.
- XX, 9. Factus est in corde meo quasi ignis exæstians,... et defeci, ferre non sustinens, 347B'.
- XXXI, 48. Converte me, et convertar : quia tu Dominus Deus meus, 653D.

THRENORUM.

- V, 21. Converte nos, Domine, ad te, et convertemur, 653C.

EZECHIELIS.

- XIV, 9. Propheta quum erraverit,... ego Dominus decepi prophetam illum, 729A.
- XVIII, 23. Numquid voluntatis meæ est mors impii, dicit Dominus Deus, et non ut convertatur a viis suis, et vivat? 271A', 519A'.
- XXII, 41. Frater sororem suam filiam patris sui oppressit in te (Jerusalem), 542D'.

DANIELIS.

- VII, 8. Considerabam cornua, et ecce cornu aliud parvulum ortum est de medio eorum, etc., 260D.
- VIII, 27. Ego Daniel (post visionem) languui, et ægrotavi per dies, 484A'.
- X, 21. Nemo est adiutor meus in omnibus his, nisi Michael princeps vester, 31A.

OSEE.

- XII, 40. Ego visionem multiplicavi, et in manu Prophetarum assimilatus sum, 40B.

JOEL.

- II, 43. Scindite corda vestra, et non vestimenta vestra, 454C'.

AMOS.

- III, 6. Si erit malum in civitate, quod Dominus non fecerit? 505C.

V, 40. Odio habuerunt corripientem in porta ;
et loquentem perfecte abominati sunt, 564 C.

MICHÆÆ.

II, 4. Vae qui cogitatis inutile, 593 A'.

VI, 7. Numquid placari potest Dominus in
millibus arietum...? 346 A'.

NAHUM.

I, 3. Dominus in tempestate et turbine viae
ejus, et nebulae pulvis pedum ejus, 646 C.

MALACHIÆ.

III, 6. Ego... Dominus, et non mutor, 347 C'.

— 14. Dixistis : Vanus est, qui servit Deo ;
et quod emolumentum, quia custodivimus
præcepta ejus? 400 B'.

— 18; IV, 4. Videbitis quid sit inter justum et
impium; ... erunt omnes superbi, et omnes
facientes impietatem, stipula, et inflammabit
eos dies veniens, 564 B.

MATTHÆI.

II, 18. Vox in Rama audita est, 294 A'.

III, 9. Potens est Deus de lapidibus istis susci-
tare filios Abrahæ, 24 A'.

— 10. Omnis... arbor, quæ non facit fructum
bonum, excidetur, et in ignem mittetur,
564 A.

V, 43. Diliges proximum tuum, et odio habe-
bis inimicum tuum, 391 D.

VI, 7. Orantes... nolite multum loqui, 252 D.

X, 28. Timeate eum, qui potest et animam et
corpus perdere in gehennam, 562 D'.

XII, 3. Non legistis quid fecerit David, quando
esuriit, et qui cum eo erant, 377 C.

— 31, 32. Spiritus... blasphemia non remitte-
tur,... neque in hoc sæculo, neque in futu-
ro, 271 B.

XVIII, 3. Nisi conversi fueritis, et efficiamini
sicut parvuli, non intrabitis in regnum cœ-
lorum, 327 B.

LUCÆ.

I, 47. Exsultavit spiritus meus in Deo salutari
meo, 260 C'.

— 68, 69. Benedictus Dominus Deus Israel,
quia... erexit cornu salutis nobis, 260 D.

II, 30. Viderunt oculi mei salutare tuum,
260 D'.

VII, 14. Ait (Jesus) : Adolescens, tibi dico, sur-
ge, 701 C'.

XVIII, 19. Nemo bonus nisi solus Deus, 700 C'.

JOANNIS.

III, 23. Erat... Joannes baptizans in Ænnon
juxta Salim, 306 C.

— 33. Pater diligit Filium, et omnia dedit in
manu ejus, 264 A.

V, 22. Pater... omne judicium dedit Filio,
263 C'.

XII, 24. Amen, amen dico vobis,... 586 D.

XIII, 27. Dixit (Judæ) Jesus : Quod facis, fac
citius, 707 C.

ACTUUM.

IX, 40. Petrus... conversus ad corpus, dixit :
Tabitha, surge, 701 C'.

XIII, 21. Dedit illis Deus Saul filium Cis,... an-
nis quadraginta, 327 C'.

AD ROMANOS.

III, 19. Scimus... quoniam quæcumque lex
loquitur, iis qui in lege sunt, loquitur,
291 C'.

XI, 3, 4. (Elias ad Dominum :) Ego relictus
sum solus, etc. Dicit illi divinum respon-
sum : Reliqui mihi septem millia viro-
rum, qui non curvaverunt genua ante Baal,
712 B'.

XV, 13. Deus... spei repleat vos omni gaudio
et pace in credendo, 259 A'.

I AD CORINTHIOS.

IX, 9. Non alligabis os bovi trituranti, 583 B'.

XIV, 29. Prophetæ... duo aut tres dicant, et
ceteri dijudicent, 528 B.

II AD CORINTHIOS.

I, 8. Supra modum gravati sumus..., ita ut
tæderet nos etiam vivere, 714 A.

— 23. Ego... testem Deum invoco in animam
meam, 45 C', 96 A, 452 D.

III, 5. Non quod sufficientes simus cogitare
aliquid a nobis, quasi ex nobis; sed suffi-
cientia nostra ex Deo est, 653 B.

AD PHILIPPENSES.

II, 13. Deus est... qui operatur in vobis et yelle et perficere, 653B.

I AD TIMOTHEUM.

II, 4. (Deus) omnes homines vult salvos fieri, et ad agnitionem veritatis venire, 271D.

II AD TIMOTHEUM.

II, 26. Resipiscant a diaboli laqueis, a quo captivi tenentur ad ipsius voluntatem, 724D'.

AD HEBRÆOS.

VII, 7. Sine ulla... contradictione, quod minus est, a meliore benedicatur, 135B', 654B'.

IX, 4. In qua (arca) erat urna aurea habens manna, et virga Aaron, etc., 645D'. Cf. 644C'.

— 6, 7. In priori... tabernaculo semper introibant sacerdotes; ... in secundo autem semel in anno solus pontifex, 644D'.

XI, 32, 33. Deficiet... me tempus enarrantem de Gedeon, Barac,... Jephthe,... et Prophetis:

qui per fidem vicerunt regna, 131A, 160D, 175C.

XII, 7. Quis... filius, quem non corripit pater? 514D.

JACOBI.

II, 10. Quicumque... totam legem servaverit, offendat autem in uno, factus est omnium reus, 93C'.

— 25. Rahab meretrix, nonne ex operibus justificata est? 14B.

I JOANNIS.

I, 5. Deus lux est, et tenebræ in eo non sunt ullæ, 261A.

IV, 1. Nolite omni spiritui credere, sed probate spiritus si ex Deo sint, 145C'.

APOCALYPSIS.

II, 23. Scient omnes Ecclesiæ, quia ego sum scrutans renes et corda, 351B'.

III, 14. Angelo Laodiciæ Ecclesiæ scribe: Hæc dicit Amen, testis fidelis..., 586C.

INDEX ANALYTICUS

A

AARON. Quandonam ei Deus apparuerit, 272 B.
— Futura ejus dignitas parentibus fuerat revelata, 272 A'.

ABDIAS, dispensator domus Achab, in prophetas Domini beneficus, 703 C, quid significet, 708 A'.

ABELA urbs, sapientium frequentia celebris, 552 C', vocatur mater in Israel, 553 B. Ibi Seba obsessus est, 552 A', et occisus, 553 A'. —

Mulier sapiens, quam stulte vocant Judæi Sarram, filiam Aser, 553 A, eam liberat ab excidio, 552 B'. Moraliter mulier illa prædicatores (vel Prædicatorum Ordinem) signat, 554 C'.

ABESAN, judex Israel, 480 A, a nonnullis idem qui Booz fuisse creditur, 224 A'.

ABIA, filius Jeroboam, bonus et virtuosus, 688 B', multis de causis a Deo sublatus est, 687 A. — Solus de stirpe Jeroboam honorifice fuit sepultus, 688 B'.

Abia alius, rex Juda, 690 C, impius demum, 690 D, Jeroboam devicit, 690 D'.

ABIATHAR sacerdos, e Nobc confugit ad David, 383 B', quem deinceps comitatus est, 383 D', 527 C', pro illo consulens Dominum, 385 B, C, 415 C'. — Factus pontifex, 527 C', Adoniæ partes amplectitur, 584 D, et a sacerdotio ejicitur, 593 A', D', qui occidi meruerat, 593 C'. — Fuit ultimus pontifex stirpis Ithamar, 594 A.

ABIES arbor, quæ, 611 A. — Ex ea confecta sunt pavimenta et ostia templi, 618 C, 621 D. — Tropologice, magnanimitatem exprimit, 624 A'.

ABIGAIL, uxor Nabal, corde et corpore amabilis, 395 B, quomodo David placaverit, 396 B', 399 A. — Prophetiæ spiritum habuisse videtur, 398 D'. — Fit uxor David, 400 B, et filium parit, qui vocatur Daniel et Cheleab, quare, 446 B. — Allegorice, typus est B. V. Mariæ, 401 A, et Ecclesiæ, 401 A'.

ABIMELECH, filius Gedeonis, ambitiosus et astutus, 162 B, fratres interfecit, 162 B', et rex a Sichimitis constituitur, 162 C' : quos mox persecutus est, 164 D, et occidit, 166 A. — A muliere vulneratus, 166 C, pessime moritur, 166 A'. — Non fuit primus rex Israel, 678 A, sed tantum ad ulciscendam superbiam Ephratæorum elevatus est, 166 C'. — Tropologice, figurat ambitiosos, 166 D', 167 B.

« Abimelech » vocabantur omnes Philistinorum reges, 379 D'.

ABINADAB, sacerdos magnæ virtutis, de Gabaa. Illi committitur custodienda arca Dei, 294 B.

Fuerunt et alii ejusdem nominis : unus, frater David, 351 B'; alter, filius Saul, 448 D'.

ABISAG, Sunamitis, ad calefaciendum David electa, 582 B', an vere exstiterit, 582 D', 583 A. — Fuit vera Davidis uxor, 582 C'. — Ab Adonia ambita, 592 A', causa fuit cur occideretur, 593 A. — Mystice, figura est Ecclesiæ, 588 A, B. V. Mariæ, 588 B, sapientiæ, 588 C, et S. Scripturæ, 588 D.

ABISAI, frater Joab, eo fortior, 442 A, sed minus dolosus, 451 B', quartus inter fortes David computatur, 567 C. — Neci Abner cooperatus est, 451 A', vel saltem consensit, 451 B'. — Ob sævitiam sæpe a David reprehenditur, 402 C', 453 A, 531 D, 546 D'. — Idumæos percutit, 489 C, et Davidem a morte eripit, 558 C. — Mystice quid, 542 B.

ABLACTATIO tripliciter a quibusdam distinguitur, 254 B', ab aliis dupliciter, 254 D'. — Quandonam fieret, 254 B'. — Moraliter, quid ablactati, 257 A'.

ABNER, dux exercitus Saul, vir fortis, 403 D, prudens, 441 D', 447 B, iracundus, 447 A'. — Mortem meruerat, Saul incaute custodiendo, 403 B'. — Isboseth, filium Saul, regem constituit super Israel, 439 C', in hoc non excusandus a culpa, 440 A'. — An licite milites ejus contra Joab concertare potuerint, 443 C'.

- Ab Isboseth deficiens, 448B, et Israel ad David reducere moliens, 449A, dolose interficitur, 450A. — A David laudatur, 451D', 452C'. — Videtur salvatus, 594C'. — Cur tantopere nece ejus David se insontem prædicaverit, 450B', 452A'. — Tropologice, varia significat, 444B, D', 453D'.
- ABRAHAM.** Quod juramentum ejus ad Abimelech, 459A, D.
- ABSALON,** filius David, amabilis, 522B, et decorus valde, 522C. Ejus cæsaries, quanta, 522A'. — Fratrem suum occidit, 515A', et fugit in Gessur, 516C. An tunc interfici debisset, 521D. — Callide a Joab revocatus, 517B, contra patrem insurrexit, quo tempore, 524C', quare, 525B, et quomodo, 523D', 526A'. — Concubinas patris incestat, 533A, in ultionem adulterii David, 505D. — Quercui inhærens a Joab transverberatur, 539A'. — Ambitioso et superbo Absaloni juxta merita retributum est, 543B. — Absalonis manus, quid, 540C. — Moraliter, varia ab eo signantur, 537D', 542A', D', 543C'.
- ABSTINENTIA,** maxime tempore tentationis, commendatur, 342A.
- ACHAB,** rex Israel, quandonam regnare cœperit, 695C. — Fuit malus, 695B', et induratus, 695B'. — Haud semel a Michæa objurgatus, 724C, 728A, illum in vincula conjecit, 722A, 729D'. — Verumtamen ab Elia correptus de morte Naboth, 724D, aliquantisper vere resipuisse videtur, 725D. — Juste illi imputata est mors Naboth, 724D. — In malo a falsis prophetis confirmatus, 729C', in Ramoth Galaad interfectus est, 730A', et in Samaria sepultus, 731A. — Mystice, typum gerit malorum prælatorum, 708C, 732D, et diaboli, 715C. Ejus pœnitentia condemnat impœnitenes, 726A.
- ACHAN,** de anathemate Jericho furatus, 39B, causa est cur Hebræi profligantur, 41B'. — Non combustus est, sed lapidatus, 43B, in valle seorsum, quare, 45C'. — An filii ejus cum eo perempti sint, 43B'. — Peccatum confessus, 42A', vere pœnituisse videtur, 43D'. — Ex eo edocemur quanta sit inter populi membra connexio, 44A'.
- ACHIMELECH** pontifex, quis fuerit, 377C. — Ob auxilium Davidi præstitum, 377A, a Saule interficitur, 382C', 383D. — Mors ejus an Davidi imputanda, 383B', 525A, D, C'.
- Varii sunt ejusdem nominis, 402B', 490B.
- ACHIS.** Sic vocati sunt duo reges Geth, 405C. — Ad utrumque confugit David, 379D', 405C. — Achis, qua benevolentia David suscepit, 405B', 407A, 414C, et quare, 406B'.
- ACHITOPHEL,** vir astutissimus, 528D, et summæ auctoritatis, sed carens vera prudentia, 533D, fuit avus Bethsabæ, 498C. — Contra David ob neptis adulterium animatus, 526C', pessimum dat consilium Absaloni, 533A. — Altero ejus consilio, 534B, a Chusai dissipato, 535A, sibimet mortem consciscit, 537A. — Allegorice, Judæ proditoris speciem tenet, 537D'.
- ACHOR** vallis, unde sic appelletur, 42D', 44B. — Ibi Achan lapidatus est, 42D', et sepultus, 44A.
- ADAD,** Idumæus, a clade suorum ereptus, apud Pharaonem adolescit, 670D, et adversatur Salomoni, 670D'. — Quid moraliter indicet, 677C.
- ADAM,** ubi sepultus, in Calvariæ monte an in Hebron, 76B, 438D. — Sapientior fuit Salomone, 601A', 602B. — Quæ lapsus ejus causa, 669B'.
- ADAMANTIUS** lapis sanguine hirci scinditur, 617B. — « Adamantius » vocatus est Origenes, 451D'.
- ADAREZER,** rex Syriæ, a David devictus est 487C', 496C'. — Mystice quid, 491D.
- ADDO** propheta, ad Jeroboam missus, 683A, vaticinatur contra altare Bethel, 683C, et excelsa, 685C'. — Nimis credulus, 684D, a leone occiditur, 684C'; verumtamen salvatus creditur, 685A. — Quantum peccaverit, 686A'. — Quid nos doceat, 686B'. — Scripsit Visionum librum, 673D, 683B.
- ADJUTORIUM.** Lapis Adjutorii prope Maspha, cur sic dictus, 282B, 296A'. — Ibi cæsi sunt Israelitæ, 282C', et capta arca Dei, 285D. — Allegorice, Salvatorem figurat, 299D.
- ADONIAS,** filius David, regnum ambit, 584B, et occupare tentat, 584D'. — Venia primo donatus, 587B, nuptias Abisag affectat, 592C, et occiditur, 593A. — Tanquam legis transgressor, interfici meruerat, 593B. — Tropologice, judaizantes signat, 597B, et ambitiosos, 588B', 597A'.
- ADONIBEZECH,** rex Bezech, 412D', potens et crudelis, 413B, ab Hebræis comprehenditur, 413A, et obtruncatur, 413D. — Illum pœnituisse videtur, 413C.
- ADULTERIUM,** quantum peccatum, 509C'. — Quodlibet mortale peccatum adulterium vocari potest, 606A'.

- ADURAM, praepositus tributis, 680A, et forsan operariis Salomonis, 611C', a populo lapidatur, quare, 680A.
- ADVENTUS tempus ad spiritualem pugnam specialiter deputatur, 501B.
- ÆGIDIUS (Romanus), Ord. S. Augustini theologus. Liber ejus de Regimine principum allegatur, 423C.
- ÆGYPTUS. Ibi inveniebantur optimi equi, 664B'. — Opprobrium Ægypti, quid sit ad litteram, 29D, et mystice, 32C. — Rivus Ægypti, quid, 654B. — Moraliter, Ægyptus est figura mundi, 485A'. Cf. Pharao.
- ÆRUGO, quid sit et unde oriatur, 651C. — Per hanc recte significatur cupiditas, 656A.
- ÆS etiam aurichalcum vocatur, 637C'. — Ex ære quod tulerat David a Syris, 488A', confecta sunt pleraque vasa templi, 637C', duæ columnæ majores, 629B, et mare æneum, 633B'. — Tropologice, constantiam representat, 491C'.
- AGAG, rex Amalecitarum, pulcher valde, 344C'. Causa fuit cur Saul a regno dejiceretur, 344D'. — A Samuele interfectus est, 348A.
- AHIAS Silonites, propheta, regnum Israel Jeroboam promittit, 672A. — Comminatur mala uxori Jeroboam, 687B', et regno Israel, 689A.
- ALEXANDER (Essebiensis) Anglus, Ord. S. Augustini, poeta et theologus, citatur, 643D'.
- ALEXANDER de Hales, Ord. Min. theologus, 393B'.
- ALEXANDER Magnus, quid egerit ut exercitus de fuga cogitare minime posset, 442D'. — Sub alieno habitu Darii palatium intrasse dicitur, 449D'.
- ALTARE holocaustorum populo patebat, 587B. Erat reis refugii locus, 587B', exceptis tamen homicidis voluntariis, 595C. An a Jezebel destructum fuerit, 742A. — Altare thymiamatis, cur et quomodo erectum, 619D, C'. In anteriori parte templi positum erat, 619C', 638A, et ad illud sacerdotes dumtaxat accedebant, 587B. Dicitur etiam altare aureum, 638A, altare oraculi, 619C', et incensi, 620A. Mystice quid, 624C'. 642B'.
- AMALECITÆ, atroces Hebræorum hostes, 426C', an peccaverint eos persequendo, 426D'. — Jubente Deo, 343C, disperduntur a Saul, 344C', et a David, 415A, 416D. — Infantes eorum et pecora, cur morti devoti, 343B'. — Amalecitarum malefici in belluas se convertebant, 344A. — Amalecitæ nonnunquam vocantur Idumæi, 428C. — Moraliter, varia designant, 349A, 417D.
- AMARITUDO duplex habetur, altera vitiosa, altera salutaris, 251D'.
- AMASA, nepos David, 537C, princeps tribus Juda, 594C', factus est dux militiæ Absalonis, 537B, illegitime, 590D. — Princeps exercitus David constitutus, 545B', 551A, a Joab dolose occisus est, 551D. — Fuit vir justus nec ambitiosus, 552B, et salvatus creditur, 594C'. — Cur inter fortes David non recenseatur, 569A'. — Figurata, bonos praelatos indicat, 554D.
- AMBITIO, quam nociva et fugienda, 467C, 376C, 435D; quantum excæcet, 588C', 686C'. Multorum causa est malorum, 435A, 529A, 554B', 682C', 696D'. — Ambitiosorum mores describuntur, 466D', 467D, 554A'. Ambitiosi praelaturis indigni sunt, 529B, et recte apostatæ dicuntur, 529C.
- AMBROSIUS (S.) presbyterorum bonorum mortem amarissime deplangebat, 435B'.
- AMELIUS. *Vide* Amiens.
- AMEN multipliciter accipitur, 586C.
- AMICUS (S.) pro Amelio duellum sustinuit, 360D. — Amelio quam devinctissimus fuit, 365A, et simillimus, 433A. (Acta SS. ad xii Octob.)
- AMICUS fidelis, quantum prosit animæ, 368C', 376B, 437A'. — Quis ita nominari possit, 437C'.
- AMMONITE. Quo jure aliquid terræ eorum possederint Hebræi, 471D. — Ammonitæ conversi in Synagogam admitti poterant, 238D'. — A Jephthe debellati, 173D', et a David, 494A, 508D, immaniter dissecantur, 508D'.
- AMNON, filius David, sororem deperiens, 511C, eam dolose incestat, 512C. — Cur morte non fuerit mulctatus, 514D. — Ab Absalone interficitur, 515A', ebrius et imparatus, 516C.
- AMOR eros, sæpe languorem aut mortem inducit, 511D. — Pallore et macie præcipue proditur, 512B. — Rationalem creaturam in brutum convertit, 668B'.
- AMORRILEI filiis Joseph subduntur, 115D'.
- AMRI, princeps militiæ Israel, contra regem suum rebellis, 694A', regnum occupat, 694C', et Samariam condit, 695A.
- ANACLETUS (S.) papa, allegatur, 393C. (In Inre.)
- ANAGLYPIA, quid sint ad litteram, 621C, 625C, et mystice, 625B.

ANDRÆAS (Perusinus), Ord. Min. theologus, Scripturæ expositor, allegatur, 62 C, 314 B, D, 396 C'.

ANGELI sunt exercitus Dei, 728 A'. — An prophetæ dici queant, 144 A'. — Licet in finem inter se concordent, circa media dissentire possunt, 728 D'. — Angelorum nomina viatoribus non sunt cognoscibilia, 183 D, et juxta ministeria eorum diversificantur, 183 A'. — Hominibus adsistunt spiritus ultimi chori; politiis, angeli tertii Ordinis, 245. — Nos caritative admonent, 121 B, afflictis succurrunt, 716 C, nec unquam in hac vita penitus deserunt, 121 C. — In secreto apparere solent, 182 B, et epulas quandoque acceptasse leguntur, 182 D'. — Sæpe viri vocantur, 30 B', 144 D.

Angelus apparet Josue, 30 B', 31 A, 32 D', Hebræis congregatis, 117 D, Gedeoni, 144 B', uxori Manue, 180 D, Samueli, 351 A, et Davidi, 575 D.

ANIMA varie sumitur, 15 B', 135 C'. Animæ passiones in vultu manifestantur, 253 D.

Anima fidelis, diversimode circa spiritualia afficitur, 257 D'. — Triplex cum Deo fœdus ejus, 388 A'. — Alios convertens acceptissima est Deo, 454 C. — Multa potest velle quæ Deus non vult, 648 A. — Vacca arcam deducantibus comparatur, 292 A'. — Quæ sint ejus armatura, 125 C, vestimenta, 236 A', barba, 497 C. — Illi semper adest causa pie lugendi, 285 C', sed etiam exultandi in Domino, 266 C, et gratias agendi Deo, 266 C'. — Anima noviter conversa, temptationibus lacessita, quid agere debeat, 63 A. — Anima a mundanis curis cavere debet, 47 C', a pravo consortio, 150 D', et a scandalo, 196 A', a vana gloria et stulta præsumptione, 154 D', a verbis superbis, 161 A', et irrisoriis, 161 B', ab indiscreta divinorum scrutatione, 267 D, ab ambitione 317 D', 435 D, et incauta secretorum prolatione, 191 D', 318 A, ab inconsiderantia in credendo, 434 D, et agendo, 533 C'. — Ad Deum plene converti debet, 298 C, anhelare ad cœlum, 86 A', et abhorre mundum, 697 A'; non facile mala de proximo credere, 497 B, sed sustentare infirmiores, 86 B', et alios bonis exemplis instruere, 186 A; impiorum tolerare derisionem, 472 D', et ad prælium semper esse parata, 125 B; non multum ad dona naturalia attendere, 354 B', sed timorate semper incedere, 676 B, et hu-

ilitatem sectari, 151 A, 233 B', 493 A'. — Multum proficit beneficia Dei recolendo, 121 C, 485 C', et aliis occultando, 236 B', 281 D'. — Studeat unitatem consequi, 258 C', et quietem, 297 C', confidentiam in Deo, 155 B, et prudentem timorem, 155 C, discretionem et moderationem, 444 B', promptitudinem et fortitudinem, 437 D. — Non dedignetur consiliarium discretum sibi providere, 376 A, consilia petere, 473 D', acquiescere corripienti, 510 C', 529 B', et ex morte aliorum sapiens fieri, 436 C. — Indiget Dei motione ad agendum meritorie, 653 B, quotidiano angelorum subsidio, 716 D, et vigilantia adhuc in prosperis ampliori, 484 A.

ANNA, mater Samuelis, mulier pulchra, 250 C, et viro dilecta, 250 D', sed sterilis, 250 C, quomodo conceperit filium, 252 A, et quot liberos pepererit, 261 C', 270 A'. — Cur tamdiu Samuelem in templum præsentare distulerit, 254 C. — Ejus canticum explanatur ad litteram, 259 C, 264 D, et mystice, 265 A. — Moraliter, speciem tenet Ecclesiæ, 256 D', 257 B, 265 A, et vitæ contemplativæ, 258 A, et docet nos patientiam, 258 A', et formam orandi, 258 B'.

AOD, judex Israel, fortior sinistra manu, 127 B', C', quomodo Eglon occiderit, 128 A, et quo jure, 128 C'. — An de mendacio excusandus, 128 D. — Moabitas elidit, 129 D. — Allegorice, Christi typum gerit, 134 D.

APHEC, civitas. Ibi percussus est Benadad, 719 D', et Syri quamplurimi muro obruti, 720 D.

APIS. Variæ apum recensentur species, 188 C'. — Rex earum aculeo caret, 322 B'. — Mystice, apis est figura animæ, 191 B.

APOCRYPHA V. T. quæ, 247.

APOLLONIUS abbas, a Deo exquisitis cibis nutritus est, 698 D'.

APOSTOLI. licet inter se regiones dividerint, se mutuo adjuvabant, 117 B', et sæpe inviserunt Judæam, 228 B'. — Sapientiores fuerunt Salomone, 601 B', D', et sunt valde amandi, 142 C'. — Varie in Scripturis figurantur: per Judices Israel, 117 C, per cœlum, 142 B, per fortes David, 570 A, per boves maris ænei, 641 A, et per arcæ vectes, 655 D.

ARABES auctores: Alkindus, 354 B.

ARCA dicitur fœderis, quare, 282 C'. — Quid continuerit, 645 C', D'. — Super eam erant Cherubim, 465 C', et propitiatorium, 282 D', ex quo Dominus responsa dabat, 465 D', 480 D. —

- Arcæ vectes nunquam ab ea separabantur, 645B', paululum extra Sanctum Sanctorum prominentes, 645A. — Sacrificia coram arca oblata, ceteris paribus, efficaciora erant, 600B. — Jordanem dividit, 19B, 20B, 21B, quoadusque lotus transisset populus, 24B', 25D. — A Philistæis capta, 283D', Dagon dejecit, 285D, et Philistæos gravat, 286D. — Post septem menses honorifice reducta, 288A, successive defertur in Cariathiarim, 294A, 466C, in domum Obedom, 468C, et in Jerusalem, 468C', ubi in tabernaculo fœderis reposita est, 469B', postmodum in templum solenniter introducenda, 644B. — Qui mudam viderant, plagati sunt Hebræi, 290A', non autem Philistæi, 291C'; quare, 291B'. — Figurata, quid denuntiet arca, 22B, C', 23B, 287B', 292A, 655C, et arcæ deductio, 472D. — *Adde* Bethsames, Oza.
- AREUNA. *Vide* Ornan.
- ARGENTUM, quam commune, tempore Salomonis, 663B'. — Tropologice, facundiam et scientiam humanam significat, 491C', 667A', C'.
- ARISTOTELES, 433C, 488D', vel absolute Philosophus, 40C, 88D', 462A, etc., fuit magnum in natura miraculum, 602A.
- ARMUS victimarum pars erat regalis, 340A'.
- ARNON torrens, ubi sit, 69A, 472C.
- ASA, rex Juda, 694B, pius, 694D, pacificus et quietus, 692B, in quibusdam tamen peccavit, 694C'. — Auxilium a Syris petiit, an recte, 692A'.
- ASAEEL, frater Joab, velocissimus, temerarius, 441B', et elatus, 442B, ab Abner interficitur, 442C. — Causam præbuit ut occideretur Abner, 450C. — Mystice, varia designat, 444B'.
- ASER tribus. Sors ejus describitur: xxii civitates et feracem terram obtinuit, 88A. — A Debora suggillatur, 439C. — Gedeoni adhæret, 447B'.
- ASINUS. Hebræi asinis utebantur ad equitandum, non equis, 468A'. — Madianitarum asinos cur non subnervaverit Josue, 67B.
- ASIONGABER, insula in mari Rubro, 659A'. — Hic stabat classis Salomonis, 659A'.
- ASTAROTH, vel Astarte, idolum Chananæorum et Sidoniorum, libidinis dea, 677A, Junoni assimilatur, 449C', 669B.
- ATRIUM. Quatuor in templo erant atria, 622C, 647A, quæ describuntur, 622B, 647A. — Atrium, mystice quid, 623B'.
- AUGUSTINUS (S.) quantum lites oderit, 300B.
- AURICHALCUM, quid sit, 637C'. — Ab ære non differt, 637D'. — Ex eo facta sunt pleraque vasa templi, 637C'. — Moraliter humanam fragilitatem signat, 642A'.
- AURUM, quomodo in India inveniatur, 659B'. — Ex eo facta sunt altare thymiamatis, 638A, mensa propositionis, 638B, candelabra, 638D, nonnulla vasa, 638B', et ornamenta templi, 619B', et omnis supellex Salomonis, 663A'. — Quid mystice, 491C', 625C, C', 667C'.
- AVARITIA in senibus dominari solet, 669A. — Judicibus maxime fugienda est, 301A, 303A'. — Avari suggillantur, 510B.
- AXA, filia Caleb, Othoniel tradita, 78C, quo jure avunculo nubere potuerit, 79D. — Ejus ad patrem petitio, 78D. — Per eam signatur anima fidelis, 79D'.
- AZOR, præcipua Chananæorum civitas, 64D', 70A', a Josue capta, 64D', incendio traditur, 65B. — Rex ejus contra Hebræos dimicans, 63D', trucidatur, 64D'. — Tropologice quid, 67C'.
- AZOTUS, urbs Philistinorum. Ibi fuit templum Dagon, 285D', et reposita est arca Dei, 285D. — Azotii a Deo percutiuntur, 286A'. — *Cf.* Dagon.
- AZYMI panes, in festivitate paschali usitati, 30D, quid significant, 32B'.

B

- BAAL, deus Chananæorum, Jovi assimilatur, 449C'; fit deus Hebræorum, 460B'. — Illi dedicaverunt Sichimitæ fanum Baalberith, 462D. — Prophetæ Baal, ignem obtinere frustra nitentes, 705C, interficiuntur, 706C. Eum utique vere Deum credebant, 707C'. — Baal ignem producere potuisset, 706B.
- BAALPHARASIM, vallis prope Jerusalem, unde nomen acceperit, 462C'. — Ibi profligati Philistiim idola reliquerunt, 462B', C'.
- BAANA. *Vide* Rechab.
- BAASA, interfecto Nadab, rege Israel, 693A, cum universa Jeroboam domo, 693C, regnat in Thersa, 693B'. — Malus et impius, 693B', et ipse occiditur, 694B. — Tropologice, iracundos denotat, 696C'.
- BADAN, judex Israel, idem qui Samson, 323C'.
- BALSAMUM, a regina Saba Salomoni datum, 662B, Engaddi maxime floruit, 388B. — A Cleopatra in Ægyptum introductum est, 388B.

BANAIAS, dux bellatorum, 490 C, vir strenuus et prudens, 595 A', quintus inter fortes David, 567 A', quæ fecerit, 567 A'. — Interemit Joab, 567 B', 595 D, et Semei, 567 D', 596 B'. — Consiliarius David effectus, 568 B', super exercitum, loco Joab, constitutus est, 595 A'.
BAPTISMUS, post debita exercitia olim ministrabatur, 42 B'. — Varie in Scripturis figuratur: per Jordanem, 23 A', per ostium templi, 624 A, etc.
BARAC, an idem qui Lepidoth, vir Debora, 430 A, D. — A Debora excitatus, de adiutorio Dei desperasse videtur, 430 D'. — Sisaram devicit, 431 A'. — Laudatur a Debora, 438 D'. — Moraliter, bonorum prælatorum typum gerit, 441 C.
BARBA. Imberbis facies apud Hebræos et alibi ignominiosa, 495 A'. — Barba, quid figurate exprimat, 497 C, et quomodo amittatur, 497 A'.
BATUS mensura, quanta, 634 B'.
BEELPIEGOR, deus Madianitarum. Ob cultum ejus, 95 A, multi de Israel corruerunt, 95 C.
BELIAL. Filii Belial, qui, 210 B', 252 D', 396 A', etc. — Torrentes Belial, quid, 560 D.
BELLUM, licet non appetendum, Hebræis tamen commendatur, 423 B. — De jure belli: Urbibus obsessis primo pax offerenda erat, 552 C'. Hostium feminæ et parvuli vulgo trucidabantur, quo jure, 35 C', 36 A, 216 D', 343 A', 383 A', 406 A. Spolia quomodo dividerentur, 94 A, 417 A. Quænam ad belli justitiam requirantur, 54 A. An liceat insidiis uti, 50 C'. Quid rex facere debeat inchoando bellum, 416 A. — In bello prodest ordinatio, 538 C, et prudentia plus quam fortitudo, 496 B; periculosum est adversarios ad desperationem deducere, 442 C'; et victoria pendet a Deo, 282 A', 496 A'. — Cur in bello interdum justi profliguntur, injusti prævaleant, 214 B', 732 D'. — Mira Ecclesiæ bella, 65 D', 442 D, 464 C'.
 Bellatores olim uxoribus suis libellum repudii dabant, 356 C', 500 C, et præclara gesta solebant in armis describere, 590 D'. — Bellatoribus apprime competit fortitudo, 454 D', 339 B', et disciplina, 340 B', nec eos dedecet prudens timor, 452 A. — Bellatores Gedeonis, qui stantes biberunt, cur electi, 452 C, A', et quid mystice figurent, 455 B', C'.
BENADAD, rex Syriæ, Hebræos aggressus, 747 D, et bis victus, 749 B, D', salvus dimittitur, 721 A.

BENEDICTIO duplex est, consecrationis et laudis, 435 B'. — Olim a regibus impertiebatur, 50 B. — Benedicere, quibus competat, 654 A'.
BENEFICIUM. Donum Dei est, ejus beneficia recognoscere, 481 C; et magna prudentia, ea occultare, 281 D'. — Cur ea quandoque hominibus Deus impropere, 504 B'.
BENJAMIN tribus semper minima fuit, 310 A, sed fortissima, 243 A'. — Ejus sors, 85 A', ceteris angustior, sed fertilior, 86 B, xxvi urbes habuit, 86 A. — Tota tribus partes Gabænsium amplexata, 243 D, prope exterminatur, 245 B'. — Qua via hujus ruinæ subveniant Hebræi, 247 B, D. — Quo jure feminæ Benjamin occisæ, 246 D'.
BERZELLAI, Galaadites, vir senex et dives, 548 B, David fugienti succurrit, 537 D, et illum trans Jordanem transmittit, 548 B. — Quæ fuerit ejus merces, 591 C.
BETHAVEN. *Vide* Bethel.
BETHEL. Duæ urbes sic dictæ inveniuntur, 39 D, 297 A, quarum una Bethaven etiam dicta est, altera Luza et Jerusalem, 39 D, 80 C', 445 C. — Tribui Benjamin obtigit, 85 B'. — Ibi congregabatur quotannis populus ut judicaretur, 296 D'; ibi vitulum constituit Jeroboam, 684 A', et tentatus est Christus, 80 C'. — Altare Bethel scinditur, 683 C, B'.
BETHLEHEM cisterna. Ex ea aquam Davidi attulerunt tres fortes, 566 A', D', quam noluit bibere, quare, 567 A. — Quo tempore hoc acciderit, 574 D. — Aqua Bethlehem, mystice quid, 574 A.
BETHSABEE, neptis Achitophel, 498 C, an verum cum David adulterium commiserit, 500 D. — Ejus filius a Deo percussus est, 506 B', quo jure, 506 D'. — Adoniæ conjugationem dissipat, 585 A, et frustra petitionem fovet, 592 A'. — Allegorice, typus est B. V. Mariæ, 597 D, et S. Scripturæ, 597 C.
BETHSAMES, urbs sacerdotalis in tribu Benjamin, 289 D. — Ibi requievit arca Dei, 289 A'. — Bethsamitæ plaga maxima percutiuntur, 290 A', quare, 291 A. — Moraliter, Bethsames figura est Ecclesiæ, 292 C', 293 A; Bethsamitæ, hæreticorum, 293 A'.
BETHSAN. Duæ civitates sic vocabantur, 449 D'. — In Bethsan suspensa sunt corpora Saulis et filiorum ejus, 449 C'.
BOOZ, qui etiam, juxta Hebræos, Abesan dictus est, 480 A, fuit de primoribus Bethlehem, 235 C, et judex civitatis, 237 D'. — An etiam Israeliticum populum judicaverit, 480 A,

224A'. — Quanto tempore vixerit, 240B'. — Quomodo Ruth sibi conjunxerit, 237D, et quo jure, 240B. — Erga eam multas exercuit virtutes, 239D', et forsā supernaturaliter ex ea genuit Obed, 240A. — Allegorice, multipliciter est figura Christi, 232D, 236A, 241B.

Booz, columna templi. *Vide* Columna.

BOS ad majora sacrificia reservabatur, 644A'.

— xii boves mare aeneum sustinebant, 634B, et luterus templi, 635A; per quos recte significantur xii Apostoli, 641A. — Bos electorum et impiorum quid, 709B.

BUL mensis, quis, 622C'.

C

CADUMIM torrens. Sic vocatur mare Rubrum, 140A.

CÆCI et claudi custodientes Jerusalem, qui, 458B' et seq. — Proverbium: Cæcus et claudus non intrabunt in templum, quomodo intelligendum, 460C'. — Moraliter, cæci et claudi idola significant, 464A.

CÆLATURÆ templi describuntur ad litteram, 620D', 621B', et tropologice, 625B.

CALCEAMENTUM. Mos solvendi calceamentum olim in certis contractibus usitatus, 239B, quid designet, 242A.

CALEB, vir fortissimus, 75B, et de primoribus Juda, 74A, unde dictus sit Cenezæus, 74B. — Ceteris exploratoribus obsistendo, 74C, optimam partem meruit, 75B'. — Non fuit de exploratoribus a Josue missis, 36A'. — Deletis Enacim, 65D', Hebron occupat, 75C. — Amicus fuit Josue, 75C', cui in regendo populo successisse creditur, 112B.

CALENDÆ. *Vide* Neomenia.

CANDELABRUM. Decem candelabra aurea, in Sancto, coram arca, posuit Salomon, 638D, Moysis candelabro similia, 638A'. — Per quæ ferventes exprimuntur, 642C'.

CANTICUM. Quis aptus sit cantare Deo, 141C'. — Cantica sanctis viris olim consueta, 135B, 259A. — Explanantur cantica Deborah, 135C, 141C; Annæ, 259C, 264D, 265A; Davidis in Saulis mortem, 431B', 436B; ejusdem in gratiarum actionem, 559D.

CAPITELLA columnarum describuntur, 629B', 630B. — Cujus figuræ, 631A, 633A', et quot malogranata habuerint, 630C'. — Sub figura capitellorum variæ prælatorum dotes recensentur, 639D.

CARDO. Terræ cardines, quid, 263B. Super eos videtur positum cælum, 263B. — Cardines templi, quid, 638C', 643A'.

CARLATHARBE. *Vide* Hebron.

CARLATHARIM, urbs famosa, 291C, ex civitatibus Gabaonitarum, fuit patria Uriæ prophetae, 466B'. — Ibi mansit arca xx annis, 294A, C'. — Viri Cariathiarim, mystice quid, 297C.

CARIATSEPHER urbs, cur sic nominata, 78B. — Traditur Othonieli, 78C.

CARITAS fraterna, optimum contra hostes munimentum, 511D'.

CARMELUS. Montes duo sic dicti sunt, 395A, 704A' — In Carmelo caulas habuit Nabal, 395A, et sacrificavit Elias, 704B', 705B'.

CAROLUS Magnus, duellum approbasse legitur, 360D'.

CARTHAGO, tempore David condita est, 592A.

CARTUSIENSES. Statuta eorum obedientiam quantum commendent, 346A'.

CASTITAS ministris Dei præcipue necessaria est, 275B'.

CATO (Ulicensis) laqueo vitam finivit, ne in manus Cæsaris deveniret, 429B', 537B.

CEDRON torrens, ubi sit et cur ita vocetur, 595B', 691B'.

CEDRUS, arbor pretiosa, 664C, describitur, 608D', 623C'. — Ex ea multa in templo facta sunt, 617B', 618B, D', 619D. — Quid significet, 623B', 624A'.

CEILA, urbs Juda, 384C, a David liberatur, 385A. — Ceilæ viri, figura Judæorum, 387C'.

CERETHI et Pheleti, quid, 490C.

CHABUL terra, quæ, 657C', et cur sic dicta, 658A. — Quo jure Salomon eam Hiram dare potuerit, 658A.

CHAM, filius Noc, factus est typus irreverenter tractantium praelatos, 393C, quare, 394A.

CHAMOS, idolum Ammonitarum, 172C', et Moabitarum, 669B, deus avaritiæ, 677B, templum in monte Oliveti habuit, 669D.

CHANANÆI, valde obcæcati, 64B, a Josue debellantur, 57D, 63D. — Lapidibus de cælo lapsis occiduntur, 58D, et regio eorum ab Hebræis occupatur, 65C, 66B. — Cur non penitus deleti, 118A', 120D', 123A, B'. — Per terram Chanaan intelligitur etiam Philistæa, 71A.

CHELEAB, filius Abigail, primo Daniel vocatus, cur Cheleab nomen acceperit, 446B.

CHERUBIM. Quid vox ista significet, 283A. — Quomodo super Cherubim Deus sedere di-

catur, 282 C', 465 C'. — Duo Cherubim in oraculo posita erant, 620 A, et alia in templi parietibus sculpta, 620 D', 621 C, B', quæ videntur Moysis Cherubim similia fuisse, 620 C'. — Mystice quid, 624 D'.

CHLAMYS, quid sit, 389 B. — Ex chlamydis suæ abscissione cognoscere potuit Saul se esse rejectum, 348 A.

CHORUS in Scripturis varia designat, 468 C'.

CHRISTUS in Scripturis varie figuratur : 1° Per Josue : post resurrectionem præcipue exaltatus est, 22 C'; dæmones sapienter debellavit, 52 B; omnibus gratiæ diem protrahit, 63 A'; per baptismum mundat electos, 22 A; fuit immensæ senectutis, 72 D, et terram universam obtinebit, 72 A'. — 2° Per judices Israel : quidquid perfectionis est in ipsis divisim et incomplete, summe in eo relucet, 134 A. — 3° Per Gedeon : inter reprobos et electos iudicium exercet, 149 B'; sacrificium perfectum obtulit Deo, 150 A; optime instruxit Apostolos ad idololatriæ destructionem, 155 C'. — 4° Per Jephthe : a suis repulsus, 177 B, pauperes hujus sæculi in suum traxit auxilium, 177 C. — 5° Per Samson : sol est justitiæ, 185 B, et Nazaræus, 185 B'; alienigenam uxorem, gentilitatem nempe, sibi desponsavit, 190 D, et diaboli vinctos liberavit, 191 B; redivivus e tumultu surrexit, 200 C; a Synagoga tentatus et traditus est, 201 A. — 6° Per Booz, gentilitatem in agrum suum introduxit, 233 A, et per totam noctem ventilat Ecclesiam, 236 B. — 7° Per Elcanam : fuit vir a suæ Matris utero, 256 C, et duas uxores habuit, 256 D'. — 8° Per David : Pharisæorum et Scribarum invidia impetitus, 368 B, de sepulcro aufugit, relicta sindone, 371 D'; propter nos stultus visus est, 380 B'; pontificum chlamydem abscidit, 392 B'; triplicem accepit unctionem, 445 B'; universum sibi subjecit mundum, 463 C, et pastor populi constitutus est, 463 D'; præmium proposuit, quod lucratus est Petrus apostolus, 464 B; optime ordinavit Ecclesiam, 542 A; clarissime cognovit universa, 569 D', et sapientissimus fuit, 570 C; fuit tenerrimus ligni vermiculus, 570 B', et immensæ senectutis, 587 D. — 9° Per Salomonem : domum Dei, id est Ecclesiam, sapienter ædificavit, 479 B, 612 D'; multiplex in eo fuit gratia, 479 D'; describuntur ejus aula, 609 B, magnificentia, 609 A', et sapientia, 609 D'; regni ejus non erit finis, 479 D. — 10° Per Eliam,

genus humanum in delictis mortuum suscitavit, 702 C'. — Etc.

Christi corpus in utero B. Virginis in instante formatum est, 563 D. — A Patre plenissime unctus est Christus, 562 A. — Nihil sine consilio Spiritus Sancti egit, 387 B'. — Quamvis sit præcipua totius boni causa, non tamen illud sibi soli adscribit, 418 B'. — Quædam de ipso prænuntiantur, quæ non ad ipsum, sed ad membra referenda sunt, 479 B'. — Est Ecclesiæ columna, 639 A, et noster propinquus, 233 B', 237 B', reverenter tractandus, 22 D. — Sua humilitate judicariam potestatem promeruit, 263 C'; et cornu ejus multipliciter exaltatum est, 263 D'. — Quid Christi pallium, 236 D', et pedes, 237 A.

CHRISTIANI illi sunt vituperandi, qui in tribulationibus processiones instituunt, quin de emendatione cogitent, 284 D, qui de amissione Terræ sanctæ non dolent, 285 B', nec de offensione Dei, 285 B'. — Vero Christiano semper adest causa pie lugendi, 285 C'; et ad certamen semper paratus esse debet, 125 B. — Christiani populi excellentia major quam Judaici, 485 D.

CHUSAI, amicus David, remanet cum Absalon, 528 D, 532 A'. — Non videtur a mendacio excusandus, 532 C'. — Consilium Achitophel dissipat, 535 A.

Alium Chusai vel Chusi vide, 540 A'.

CHUSAN, rex Mesopotamiæ, qui Hebræos subegerat, 124 B, ab Othoniele vincitur, 124 B'.

— Mystice, diabolus exprimit, 125 C'.

CINÆI, quid, 114 A, 344 D. — In tribu Juda habitabant, 114 D.

CIRCUMCISIO, ut baptismus, iterari non poterat, 27 C', 28 A'. — In periculi casu anticipabatur, 507 A'. — An lapideus culter de necessitate circumcisionis fuerit, 27 C, et eo usus sit Josue ad circumcidendum populum, 26 C'. Unde mos ferreum cultrum adhibendi, 359 D'. — Cur in deserto non usitata, 29 A. — Circumcisio Hebræorum a Josue facta, quomodo secunda vocetur, 27 A', et quæ ejus necessitas, 28 B', D'. — Circumcisio spiritualis, quid, 31 C'.

CIS, pater Saul, vir nobilis, 305 D, et fortis, 305 C', quid moraliter designet, 311 A.

CISON torrens. Ibi submersi sunt Sisaræ milites, 140 A, et occisi ab Elia cccc prophetæ Baal, 706 C.

CLEMENS (S.) B. Petro familiaris fuit, 5 B'. —

- Itinerarium ejus allegatur, 538A'. *Cf.* Itinerarium.
- CLEMENTIA reges maxime decet, 720A'.
- CLEOPATRA, regina Aegypti, balsamum in Aegyptum transtulit, 388B.
- COELUM et cœli cœlorum, quid, 648D'. — Cœlum empyreum habitaculum dicitur angelorum, et Dei; quare, 649C. Illud dæmones penetrare non valent, 729B.
- COLLYRIDÆ, quid sint, 469D'.
- COLUMNÆ duæ ab Hiram fabricantur, 629B, quarum exponuntur dimensiones, 629B, 632B', et ornamenta, 629B'. — Ubi positæ, 632C, 633B. — Jakin et Booz vocantur, quare, 632C. — Tropologice, varia signant, 639A, 640D, A'.
- COMESTOR. *Vide* Petrus.
- COMMENTARIUS. « A commentariis », quid, 490A.
- CONCEPTIO. Quæ conceptionis signa, 498C'. *Cf.* Fetus.
- CONCILIUM generale a Papa frequentius convocari expediret, 298D'.
- CONCUBINA, olim uxor secundaria erat, 460C, 209B', 447B, 461D'; nunc vero in sensu deteriori sumitur, 244A. — Concubina Gedeonis, an fuerit uxor legitima, 460B, 461D'; item, concubina Saul, 447B. — Concubinæ Davidis fuerunt veræ uxores, 505A'; Salomonis vero, non ita, 669A'.
- CONFLATILE. *Vide* Sculptile.
- CONSECRATIO. *Vide* Votum.
- CONSTANTINUS imperator, ecclesiis jus asyli tribuit, 595C.
- CONTEMPLATIO. Ad vitam contemplativam per exercitia vitæ activæ pervenitur, 258A. — Licet minus quam vita activa fecunda videatur, tamen est diviniior, 258B. — Multiplex est animæ contemplativæ causa laudis, 258C.
- CONVIVIIUM. Solebant Hebræi convivia instruere in ventilatione aræ, in ovium tonsione et suorum sepultura, 234C, 395D', 545D.
- COR hominis. Dei est illud ad se trahere, 401D', et ad libitum inclinare, 434B', 709C. — Multis de causis exsultare habet in Domino, 266C. — Nihil est fugacius, ideo summa diligentia custodiendum, 485D'.
- CORNU multimodis in Scripturis accipitur, 260C. — Cornu olei unctus est David, quare, 350B. — Quid cornu Christi, 263D', et cornua justi, 266C'.
- CRUX. Lignum Crucis in domo Salomonis a regina Saba repertum, postea in piscina probatica inventum est, 662C.
- CUBITUS mensura, quanta, 644C', 636A.
- CULTUS Dei absque caritate haberi potest, 707A'.
- CURRUS falcati, id est ferreis uncis armati, 444C', olim apud Chananæos usitati, 444C'. — Currus Salomonis quot, 664C. Ad quemcunque quatuor equi jungebantur, 664D. — Currus Christi, qui, 609B'.

D

- DÆMONES nunquam cœlum empyreum ingrediuntur, 729B, licet ad exercitum Dei spectent, 728D. — Unicuique vitio aliqui sunt deputati, 68C. — An corporeis objectis afficiantur, 353B', et citharæ pulsu expelli queant, 353C. — Ex historia constat nonnullis naturalibus inesse vim expellendi dæmonia, 353D. — An dæmon semel victus adhuc tentandi licentiam accipiat, 68B'. — Aerius insectantur noviter conversis, 63B, praelatis, 52B', solitariis, 52C', religiosis, 392B, quos excæcare nituntur, 201B', et iis quos vident in bono fervere, 449A, ac fortiter resistere, 66D; sed in corde electorum non sunt nisi peregrini, 510B. — Cattis comparantur, 341B'. — Dæmones, quomodo debellantur, 51D', 52A.
- DAGON, deus Philistinorum, fanum habuit Azoti, ubi reposita est arca, 285D, et Gazæ, ubi corruit Samson, 499D'. — Coram arca prostratus est, 286A.
- DALILA, an Samsonis uxor, et Philistæa, 497A'. — Ejus artes et perfidia, 497B'. — Allegorice, typus est Synagogæ, 201A.
- DAN tribus, quam sortem acceperit, 88B. — In finibus suis coarctati, 205A, Danitæ urbem Lais expugnant, 205B', 207A', et Lesem, 88D. — Ad idololatriam proni, 205A', idolum in Lais constituunt, 206C, 207C'. — A Debora suggillantur, 439C. — Mystice quid, 208B, C'. — Dan civitas, olim Lais vocata, 207B, erat terminus terræ Israel versus septentrionem, 242A. — Ibi vitulum crexit Jeroboam, 681A'. — *Cf.* Lais.
- DAVID, quatuor habuit nomina, 558B'. — Magnis dotibus præditus, 352A, B', 365B, fuit pulcher, 352A, fortis, 358D, sapiens, 521A, in bellicis valde expertus, 538C, humilis, 356D, 390D', 545D, patiens, 507B', 529A',

533 D', mansuetus, 358 A, misericors, 543 D', justus, 391 B, pius, 469 A', et, quod rarum erat sub lege, 391 D, clemens in adversarios, 389 C, 399 A, 402 C', 531 D, 546 D'. — Repletus Spiritu Sancto, 352 B, de nocte solitus erat secreto orare, 535 C; cantica metrica et musica organa composuit, 560 A; sub lege evangelicas virtutes exercuit, 435 A; gesta ejus mystica et figurativa erant, 382 A, et clarissimis illuminatus est revelationibus, 563 A. — Non semel mirabiliter a morte creptus est, 370 B, 380 B, 385 D, 387 C, 558 C, et nunquam in bello vulneratus fuisse legitur, 581 B'. — Ad venerea tamen satis proclivis, 582 A, variis de causis plurimas accepit uxores, 462 A; et si a crudelitatis nota utcumque purgari possit, 406 B, 509 A, a mendacio sæpius non est excusandus, 377 A', 406 C. Non omni culpa in Saul caruit, 390 B, nec in Nabal, 397 B. In corripiendis liberis nimis remissus fuisse videtur, 514 D, 584 C, et multipliciter erga Miphiboseth peccavit, 530 A', 547 D'.

A Samuele, non ut rex, sed in regem unctus, 352 C, fit armiger Saul, 353 B, et gener regis, 366 C', primus in mensa regali sedens, 374 D. — De ejus duello: Cujus ætatis, quum Goliath dejecit, 359 A, et quomodo a Saul non sit agnitus, 360 A'. Quid cum ad duellum moverit, 357 B', et quomodo prostraverit adversarium, 359 B, C'. Licite contra Goliath dimicavit, 362 B', et ex revelatione noverat se victorem fore, 358 C'. — Fugiens ad Achimelech, 377 A, licite potuit panes sacerdotales manducare, 377 B', 378 D, et gladium Goliath de sanctuario auferre, 379 D; sed non videtur a nece sacerdotum omnino excusandus, 383 C', 525 A, D, C'. — « Ebannitus » a Saul, 376 D, cum tota familia, 381 A, B', transit ad Philistæos, 380 B, 405 C. Quoto tempore ibi manserit, 413 B', et an reapse voluerit eis auxilium præstare, 407 B, 414 B'. — Etsi unctus in regem, non potuisset occidere Saul, 388 C', nec in eum rebellare, nec regnum vi occupare, 407 D, nec bona Nabal auferre, 398 C', quamvis de interitu ejus non illicite gavisus sit, 400 A. — Iterum et tertio unctus, 438 D', regnat in Hebron super Judam, 438 C', et in Jerusalem super Israel, 457 D. — Davidis victoriæ enarrantur, in Philistiim, 462 B, 487 B, 557 D', Moabitas, 487 C, Syros, 487 C', Idumæos, 489 B, Ammonitas, 494 A. — De ejus lapsu :

Quot Davidis peccata in Uriam, 502 A. Verum cum Bethsabee adulterium commisit, 500 C. Ex nimio otio illud peccatum incidit, 502 B, jam senex, 526 B, et diu in illo impoenitens permansit, 507 A. Quo sensu soli Deo se peccasse contendat, 506 A. Quanta ejus contritio, 506 C. In ultionem hujus sceleris, interfecti sunt quatuor filii regis, 504 C, constupratae concubinæ ejus, 505 D, et ipse a regno exturbatus, 525 B. — De ejusdem altero lapsu : Propter flagitia populi in elationis vitium incidit, 572 A, et recenseri populum jubet, 572 C, in quo dupliciter peccat, 574 A. Quis ad hoc eum moverit, 572 A'. Ex amore populi, a Deo flagellari eligit, 574 A', et optimi regis se exemplar præbet, 575 B'. — Ultima ejus verba, 561 D, et ad filium monita, 589 A. Cur Joab Salomoni puniendum tradiderit, 590 C, 591 A. Cur a construendo templo prohibitus sit, 484 A', 610 D, 647 D'. — Post senectutem decrepitam, 581 B, in arce Sion sepelitur, 591 D'. Ad ejus nominis invocationem templi januæ ultro apertæ sunt, 654 C'.

Davidis planetus in mortem Saulis explanatur ad litteram, 431 B', et tropologice, 436 B. Tres partes complectitur, 434 A'. — Exponitur itidem ejus eucharisticon (Psalmus XVII) 560 A. — Ex promissionibus Davidi factis, aliæ de Christo, aliæ de Salomone intelligendæ sunt, 476 C; item aliæ absolute, aliæ sub conditione, 563 A', 590 A. — Mystice, fuit figura Christi multipliciter, 363 B, 367 D, 387 D, 417 D, etc., et boni prælati, 501 C.

Davidis fratres, quot, 351 C', et quid significant, 363 D. — Ejus filii, quot, 446 B; quo sensu sacerdotes dicantur, 490 B', et quid expriment, 453 C', 492 A. — Ejus filiæ, qua simplicitate enutritæ, 513 C'. — Quid intelligendum per ejus uxores, 418 B, et concubinas, 554 B.

DEBORA, prophetissa, cujus uxor, 130 A, et cur Hebræis prælata, 130 B. — Fuit quasi mater Israel, 137 B'. — Barach incitat et comitatur adversus Chananæos, 130 D, 131 A. — Allegorice, typum gerit Ecclesiæ, 141 C, et B. V. Mariæ, 134 A'. — Ejus carmen explanatur ad litteram, 135 B, et mystice, 141 C. DELECTATIO, unde oriatur et ubi sedeat, 259 B'. — Aliquando redundat in inferiores animæ et corporis vires, 260 A. — Delectatio ordinata est bona, 259 C. — Dupliciter quis in Deo delectari potest, 259 A'.

DEUS a nullo vivente videri potest, 146D, 184A'. — Quo sensu dicatur irasci, 119D', malorum perditionem velle, 271D, pœnitere, 345A, 347C', et pœnitentia hominum flecti, 347A', sedere, ambulare, 474D', esse alicubi, 649A', aliquem diligere, 508A. — Ab eo sic pendet omne meritum, ut Scriptura malum etiam culpæ illi tribuere soleat, 572B', 729A. — Dei solius est cor hominis ad se trahere, 101C', et ad libitum inclinare, 131B'; et mortuos suscitare, 701B'. — Recte petra vocatur, 293C. — Illi competit imprimis sanctitudo, 261A, et fortitudo, 261B. — Ejus imperium aequissimum est, 562B'. — Multiplici providentia hominem gubernat, 245. — Servis suis varios cibos subministrasse legitur, sed semper optimos, 698B'. — Ejus promissa sub conditione intelligenda, imo oratione sæpe impetranda sunt, 483B', 706C'. — Donum Dei est ejus beneficia recognoscere, 481C.

Deum appropriate « suum » vocare, non nisi perfectis competit, 44A, 701B. — De eo non est indiscrete investigandum, 267D, sed magis dolendum de ejus offensione, 285B'. — Dupliciter quis potest in eo delectari, 259A'; verumtamen ei servire arduum est, 101B, et ab ejus servitio refugiunt multi, 100A'. — Voluntati ejus non semper conformari tenemur, 648A. — Quomodo factus sit Deus Israel, 482D', locutus sit Josue, 5B', et cum eo fuerit, 7D, apparuerit Samueli, 278A', Salomoni, 599B', et Eliæ, 742C'.

Dii gentium humani sanguinis effusione delectabantur, 705A'. — Dii diversi diversis terræ partibus præesse credebantur, 719A'. — Diis alienis servire, est propriis passionibus obtemperare, 122C.

DEVOTIO duplex habetur, 371A'. — Devotio informis, qualem habent Judæi et Sarraceni, est donum gratiæ gratis datæ, 371B'.

DEXTERA. Per dexteram, in Scripturis, spiritualia et prospera designantur, 135A'. — A dextris Dei sedere dicuntur angeli, 728D.

DIES, quot horis productus sit a Josue, 62B, et ab Isaia, 62C. — Uter longior, 62B.

DILIGENTIA, quomodo ab Origene commendetur, 26B. *Adde* 311A'.

DIONYSIUS Arcopagita a sanctis Apostolis instructus est, 62A'. — Sæpius allegatur, 267A', 309A, 562C, A'.

DIONYSIUS Cartusianus suggillat prælatorum sui temporis mores, 167C', 241B', Ecclesiæ

deformitatem, 229C, 716C', ecclesiastici ordinis corruptionem, 275B, 276A', vestimenta christianorum ridicula, 497C', 513C', clericorum ambitionem, 529C, et magnatuum superbiam, 732D.

DISCRETIO commendatur, 444B'.

DIVINI Philistinorum, quo spiritu de arca prophetaverint, 291A'.

DOCTOR. In rebus dubiis, ejuscumque doctoris sententiam deserere licet, 412D'.

DOEG, Idumæus, 307B', vel Amalecita, 428C, conversus ad Judæismum et proselytus, 379A, 430D, ejus dignitatis apud Saulem, 378B'; 419A. — Davidem Sauli adducit, 352C'. — Sacerdotes Nobe denuntiat, 382A', et interficit, 383D, et urbem subvertit, 383A'. — Miserabiliter occumbit, 419B, D. — Tropologice, adulatorem exprimit, 384B'.

Ejus filius, qui se Saulem interfecisse jactabat, 428B', et Davidi diadema ejus attulerat, 429A', occiditur, 430B', et quidem juste, 430D'. An vere Saulem interfecerit, 429B. — Quid nos doceat, 437D'.

DOLOR et mœror, in quo differant, 253A.

DOMINATIO duplex habetur, 302D', 309A; imo triplex, 303A; ex quibus, quænam licita sit, 302D'.

DOMUS. Facere domum, in Scripturis, quid significet, 476B. — Domus Saltus Libani, a Salomone constructa, cur sic dicta, 626D, 627B'. Describitur, 626B'. In ea reponebantur aromata, 627A', et arma, 627C'; et fuit valde mirabilis, 660B'. — Domus reginæ, uxoris Salomonis, describitur, 628A. — Domus regalis fabrica, quanto tempore duraverit, 626B. — Domorum tecta in Palæstina, instar solarium, plana erant, 645D.

DUELLUM. Duplex duelli genus distinguitur, 360D', 361D. — An sit licitum, 360C'. — Duellum judicarium prohibetur, 362B. — David licite cum Goliath duellum iniit, 362B'; sed minime pugnatorem Gabaon, 443C'.

DURANDUS (a S. Portiano) Ord. Præd. theologus, allegatur, 360D', 466D'.

E

ECCLESIA novum bellandi genus invexit, 65D', 142D, 464C'. — Recte domus David dicitur, 480B, et columna, 639A. — Varie in Scripturis figuratur: 1° Per Rahab: nemo extra domum ejus salvari potest, 17D, 38A'. —

2° Per plebem Judæorum : ipsi traditus est mundus, 11 C, et nullus ei prævalere potest, 11 D; cur tot hostibus laessatur, 122 C'. — 3° Per Deborah : precibus suis triumphum de hostibus meretur, 134 A', et ipsi competit cantare Deo, 141 C'. — 4° Per uxorem Samson : licet alienigena, a Christo dilecta fuit, 190 D. — 5° Per Noemi : sæpe a Deo relinqui visa est, 228 A'. — 6° Per Ruth : a Synagoga Scripturarum notitiam accepit, 232 D, et in agrum Domini introducta est, 233 A. — 7° Per Annam, matrem Samuelis : primo sterilis, postmodum meruit fecundari, 257 B, et Synagogæ substitui, 265 A. — 8° Per Abisag : Christum consolata est de Judæorum induratione, 588 A. — 9° Per templum Salomonis : quæ ejus dimensiones, 623 B, et dispositio, 624 C. — 10° Per reginam Saba : quo zelo Christum requisierit, 665 A. — Etc.

Ecclesiæ consecratæ reos a vindicta tutantur, 90 C', exceptis enormiter criminosis, 595 C, 597 B'. — Ecclesiæ consecratio ad orationis efficaciam confert, 652 A. — Cf. Templum.

EDOM, multipliciter accipitur, 136 A'. — Quomodo per Edom transierit Dominus, 136 A. — Idumæi, an transitum Hebræis denegaverint, 171 C'. — Lex eos benigne tractari jubet, 489 B'. — A David subacti sunt, 489 B, et exinde usque ad Josaphat rege caruerunt, 731 A'. — Tropologice, avarorum speciem repræsentant, 491 D'.

EFFEMINATI, quid, 689 B'.

EGLON, rex Moab, 126 D, pinguissimus, 127 D', servituti subiecit Hebræos, 127 B, et idola in Galgalis erexit, 128 A. — Quomodo ab Aod occisus, 128 C. — Fuit impii Mahometi figura, 134 B.

ELA, rex Israel, cum tota progenie deletur, 694 C.

ELCANA, pater Samuelis. Quomodo interpretetur, 249 A'. — Cur dictus sit Ephratæus, 249 B', quum de stirpe Levi fuerit, 250 B. — Mystice, per Elcanam adumbratur Christus, 256 C, et bonus prælatus, 257 C'; per ambas uxores ejus, Ecclesia et Synagoga, 256 D', vita activa et contemplativa, 258 A.

ELEAZAR, filius Aaron, Terræ sanctæ divisioni præest, 73 B. — Ex ejus posteris prius eligebantur pontifices, 224 B'. — In urbe sua Gabaath moritur, 104 B. — Cf. Pontifex.

Eleazar alius, secundus inter fortes David, 565 C, quæ fecerit, 565 A'. Cur fortissimus vocetur, 565 D'.

ELECTUS in Scripturis non semper prædestinatum significat, 305 D'. — Electos in hac vita castigat Deus, reprobos æternæ damnationi reservans, 686 C'.

ELIAB, frater major David, elegantis et proceræ staturæ, 351 A, sed superbus et iracundus, 351 C, 357 D', Scribas et Phariseos signat, 363 B'.

ELIAS propheta, fuit quasi secretarius Dei, 698 A. — Ad confutandam incredulitatem Achab, siccitatem inducit super terram, 698 B. — A Deo non semel mirabiliter nutritur, 698 A', 711 D; oleum et farinam viduæ multiplicat, 699 B', et filium ejus suscitavit, 700 A, quomodo, 701 A. — In Carmelo sacrificans, 705 A, ignem de cælo educit, 706 A, et prophetas Baal occidit, 706 C. — Eliæ visio in Horeb explicatur, 712 C', 717 A. — Arguit Achab mortis Naboth, 724 D. — Nonnunquam aliquid infirmitatis humanæ passus esse videtur, 715 A, A'; fugiendo Jezabel, imperfectus fuit, 710 C; et in Horeb, quadam elatione tactus est, 712 A'. An peccaverit propheta Baal ad sacrificandum exhortando, 707 B. — Moraliter, fuit figura Christi, 702 D, 717 A', et devotorum, 715 C. Ejus sacrificium ad tropologicum sensum explanatur, 709 D.

ELIMELECH, vir Noemi, de primoribus Bethlehem, 225 C', ubi sit mortuus, 225 C. — Tempore ejus, ob prævaricationes populi, stetit sol et facta est fames, 225 C. — Allegorice, Christum designat, 228 B.

ELISÆUS, vir rusticanus, 717 B', a Deo in Prophetam eligitur, 713 B'. — Eliæ pallio indutus, 714 C, statim prophetat, 714 A', et fit Eliæ minister, 714 D'. — Quid mystice, 717 B'.

ENACIM a filiis Israel exterminati, 65 C', tantum in Geth, Azoto et Gaza remanserunt, 65 D'. — Tropologice, persecutores Ecclesiæ figurant, 68 A.

ENGADDI, urbs et desertum. Ibi erat vinea balsami, 388 B; ibi David chlamydem Saulis abscidit, 388 B', 389 A.

EPH mensura, quanta, 356 B'.

EPHOD, quid sit, 159 D, C', 203 A, 334 B, 379 C. — Vestimentum erat sacerdotale et prophetale, 270 C, per quod consulebatur Dominus, 385 A, 415 C'. — Ephod sibi inconsulte fecit Gedeon, 159 D, quod Hebræis causa fuit idololatriæ, 159 D'. — Mystice quid, 275 A', 472 A'. — Cf. Oraculum.

EPHRAIM tribus, post tribum Juda fuit prima, 677 D'. — Quasi potentior, ad septentrionem

terrae Chanaan sortem accepit, 456D, quamnam, 81B. — Ephratai cupidi, 81C, superbi, 456C, 478C, et invidi, 456C', indebite Chanaanæis parant, 81C'; contra Gedeonem insurgunt, 456C, et contra Jephthe, 478C, et ab hoc debellantur, 479B. — Quasdam litteras proferre non valebant, 479B'.

Mons Ephraim, quid sit, 249B. — Saltus Ephraim, ubi sit et cur sic dictus, 539C. Ibi occisus est Absalon, 539D.

EPIPHANIUS (sen potius Pseudo-Epiphanius, de Vita et morte Prophetarum) 498B'. (Migne *Patrol. gr.* tom. 43, col. 393.) — *Adde* 255A.

EQUUS. Cur subnervati equi Chanaanæorum, 64D, 67B, et Syrorum, 488A. — Equi Salomonis, quot, 608C, D, 664B, C; unde eos emerit, 664B', et quanti, 664C'. An peccaverit, tot equos congerendo, 664D. — Tropologice, quid sint equi, 67C, 491A'; equi Christi, 609B', equi diaboli, 67A.

ESDRAS litterarum hebræarum formam mutavit, 246. — Libros V. T. reparando, non nihil addidisse creditur, 307C.

ETHAI, filius Achis, proselytus, David fugientem sequitur, 527D, et super partem exercitus constituitur, 538B. — Quid mystice, 542B.

ETHANIM mensis, quis, 643D'. — Totus solennis erat apud Hebræos, 643D'.

EUPHRATES, flumen paradisi, fuit orientem versus, Terræ promissæ terminus, 487D'.

EUSEBIUS (S.) Papa, allegatur, 393D', 394B. (In Jure.)

EUSTACHIUS (S.), etiam gentilis, Christum coluisse dicitur, 707B'.

EXCELSA, quid, 691C', 692A. — Ante templum constructum in excelsis sacrificare licebat, 598C', licet hoc fuerit minus perfectum, 599B; imo, ædificato templo, non videtur fuisse sub gravi prohibitum, 691C'.

EXCOMMUNICATI, ineunte Ecclesia, a dæmonio vexari solebant, 650A'.

EXERCITUS Dei, quid sit, 728D.

EXPLORATOR. Duplex est explorationis genus: ex quibus utrum licitum, 43A'. — Exploratores Josue, quomodo inter Chanaanæos sint versati, 43A, et quo tempore, 43B'. A Rahab salvantur, 44B', 45D'. Quid significant, 46D. — Exploratores et periti a Josue missi sunt, qui dividerent terram, 84D, D', 85C.

EXSILIUM a lege Judaica nunquam indicitur, quare, 404C, 519A.

F

FEMUR, quid sit proprie, 493B'. — Femoris suram imponere, lugentibus et meditantibus solitum, 493D.

FENESTRÆ obliquæ a Salomone excogitatae fuerunt, 615A. — Mystice, libros S. Scripturæ signant, 623C.

FETUS. Ejus materia a matre, vis autem formativa a patre ministratur, 477D. — In utero, menstruo alitur, 498A'.

FICUS arborum principatum recensans, quid significet, 463C, 467A'.

FIDES in spiritualibus præliis victoriam confert, 53A.

FIGURA tripliciter considerari potest, 476C'.

FILIUS, a patre vulgo cognominabatur, a matre raro, 5B. — Circa matrimonium, filios parentibus obedire decet, 487A. — Non injuste parentum scelera pœnis luunt, 274C', 343B', 451A, 556C'. — *Adde* David, Heli, Samuel.

Filiæ regum olim sub arcta custodia servatæ erant, 511C', et in vestibis modestæ, 513C'. — *Adde* Jephthe, Pharaon, Salphaad.

FLETUS. Locus flentium, cur sic dictus, 448C'. — Ibi angelus Hebræos increpat, 447D.

FOEDUS non licet frangere, etiam impositum, 487D', vel cum infidelibus initum, 692B'. — Fœdera olim, aqua effusa, pangebantur, quare, 403A, 295B', et quo ritu, 295D'. — Fœdus cum Deo renovant Hebræi, 401B', 402B, in cujus signum, lapis in sanctuario erigitur, 402C, D'.

FONTES e mari magno originem ducunt, 560C'.

FORCIPES, quid sint ad litteram, 638B', et mystice, 642D'.

FORMIDOLOSUS, quid sit proprie et quomodo a timido differat, 452A. — Recte ab exercitibus olim formidolosi ejiciebantur, 451D.

FORNICATIO. Sic dici potest quodcumque mortale peccatum, 460A, maxime idololatria, 420C. — Fornicatores majora manent in inferno supplicia, 380A'.

FORTITUDO, licet a Deo pendeat, imperari potest, 8D. — Maxime ad principes spectat, 7D', et ad bellatores, 451D'. — Inter timorem et audaciam medium tenet, 452A.

Fortes David recensentur, 564A', 568D'. — Quot fuerint, 569B. — Nonnulli laudantur, 564A' et seq. — Cur inter ipsos non inveniuntur Joab et Amasa, 569A'. — Allegorice, Apostolorum speciem referunt, 570A.

FRATER. Sic in Scripturis vocantur propinqui, 238B.

FRIGUS. Cur tanta in frigidatione David in senectute laboraverit, 581B. — Contra membrorum in frigidationem, quodnam remedium, 583B. — Uter magis ad hoc valeat, virginis an corruptæ amplexus, 583D', 584A.

FUNICULUS, in Scripturis, quid significet, 82A'.

FUNUS. In funeribus solebant Hebræi defunctum inclamare, 685A', et convivium facere, 545D. — Mortuos septem diebus lugebant, 438B, cum planctu et jejuniis, 420B, 429D', induti veste lugubri, 517C, et ab unguentis abstinentes, 517D'. — Super magnatum cadavera aromata incendebantur, 420A; et unusquisque, quantum fieri potuit, in sepulcro paterno condebatur, 460B', 200A', 443B', 457A', etc. — *Cf.* Luctus et Mors.

FUSCINULA, quid sit, 638B', 642D'.

G

GAAL, filius Obed, vir potens et ambitiosus, 464C', Sichimitas adversus Abimelech concitat, 464D', et ab eo fugatur, 465C'. — Tropologice quid, 467D'.

GABAA, est aliquando nomen commune, 466A'. — Gabaa, urbs tribus Benjamin, 240B, vicina Cariathiarim, 466B. Ibi natus est Saul, 349D, et forsitan reposita est arca, 466B. — Incolæ ejus, fortissimi, 243A', et in arte sagittandi peritissimi, 345C', sed inhospitalis, 240B, et nequissimi, 240B'; propter vim uxori Levitæ illatam, 244A, disperduntur, 245C'. — Hoc scelus minus videtur adoratione vituli et idololatria Danitarum, 244A'. — Quandonam evenerit, 209D', 243D'.

GABAON, urbs regalis Chananæorum, 54C, 57C, tribui Benjamin obtigit, et Levitarum facta est, 92D. — Ibi erat fanum celeberrimum, 599D, et diu mansit tabernaculum fœderis, 599A'; ibi factum est celebre certamen inter milites Abner et Joab, 440D', 444A'; et apparuit Dominus Salomoni, 599B'. — Gabaonitæ calliditate sua mortem effugiunt, 54C, et ad ministerium templi applicantur, 55D. — Ceteris Chananæis meliores fuisse videntur, 56B'; et postea Nathinæi vocati sunt, 56B. — Gabaonitis a Saule injuste occisis, 555C, C', Judæa fame trienni afflicta est, 555A, quæ non nisi immolatis Saulis nepotibus cessavit, 556C.

GAD, quomodo in sortem accepisse dicatur dimidiam partem Ammon, 72A. — A Josue laudatur, 93B; sed a Debora suggillatur, 439C. — Nullum ducem dedit Israeli, 475A. — Mystice quid, 42B', 26B'.

GAD propheta, dicitur Videns Davidis, quare, 574C. — Ad corripiendum regem mittitur, 574C, et ad consolandum eum, 575D'.

GALAAD nomen est viri, 82A, et civitatis, 470A, et regionis, 82B, 349A, 697D, imo duarum regionum, 451C', 473C'. — Filiis Manassæ obtigit, 82B. — Galaad, quo sensu fugitivus Ephraim dicatur, 479B.

GALGALA, quid significet, 29B', 30B. — Ibi circumcisi sunt Hebræi, 26C', et Saul rex constitutus est, 324A; eo quotannis congregabatur populus ut judicaretur, 296D'.

GAUDIUM. De injusti oppressoris ruina gaudere fas est, 488C', sicut de inimici morte, zelo justitiæ, 400A.

GAUFREDUS, Anglus, Ord. Cisterc. theologus, 360D'.

GAZA, urbs Philistinorum, 496D, cujus portas Samson abstulit, 497C. — A Judæis capta, 444A, Terræ promissæ terminus erat versus occidentem, 60B'. — Ibi conclusus idem Samson, 499B, templum Dagon super Philistæos dejecit, 499D'. — Moraliter, per Gazam signantur inferni, 200C, et gentilitas, 200C'. GAZER, urbs regalis Chananæorum, 70B, Ephraim obtigit, 81B'. — Data est Salomoni a Pharaone, in dotem filiæ, 658D.

GEDEON. Quomodo interpretetur, 454D. Dictus est etiam Jerobaal, quare, 447D, 454D. — Fuit humilis, 445A, D, 456D', 461C, et prudens, 445C'. — Ab angelo magnifice salutatus, 444C', Deo, non angelo sacrificasse credendus est, 445D'. Quo jure extra tabernaculum sacrificium obtulerit, 446C, 447A. — Signum petens a Domino semel et bis, 447B', an et quantum peccaverit, 448A, 475B'. — Qua arte bellatores elegerit, 454D, 452C, A', et Madianitas profligaverit, 453B'. — Somnio confortatur, 453B. — Viros Socoth et Phauel disperdit, 457B, 458A. — A plebe rogatus ut dominationem exerceret, modeste recusat, 458D', sed sibi sacerdotale officium assumit, 459D, jam senex, 459B', et aliis peccandi ansam præbet, 459D'. — Etsi in hoc certe peccaverit, 460A, 461A, non est punitus, quare, 460D'; imo a Deo adhuc adjutus est, 475B'. — An a concubinato excusandus, 460C, et adulterio, 460D.

— Salvatus creditur, 460 A', 175 D, sed ejus posteri principatu exciderunt, 460 C', et delati sunt, 462 B'. — Spiritualiter, fuit figura Christi, 449 B', 454 D, et sacrificium ejus, typus Cœnæ dominicæ, 450 A. Ex eo edocemur prævum fugere consortium, 450 D', humilitatem sectari, 451 A, et præsumptionem vitare, 454 D'. Gedeonis socii, mystice quid, 455 B'.
GELASIUS Papa, allegatur, 393 A'. (In Jure.)
GELBOE montes. Ibi victi sunt Hebræi, et occisi Saul et Jonathas, 418 D'. — A David maledicuntur, 432 D. — Quid moraliter, 436 C'.
GIGANTES nonnulli a David et ejus sociis interfecti sunt, 359 C', 558 A, A', B', 559 A, C, 567 C'. — Vallis Gigantum, seu Raphaim, 566 B', prope Jerusalem, 462 D. Ibi pluries cæsi sunt Philistiim, 462 D, D'. — *Cf.* Enacim, Orpha, Raphaim.
GLADIUS. Os gladii, quid, 207 A'.
GLOBUS pro exercitu sumitur, 41 C'.
GLORIA vana, quantum Deo displiceat, 454 D'. — Perfectis periculosius insidiatur, 293 C'.
GLOSSA ordinaria (Walafridi Strabi) passim allegatur, 412 D, 424 C', 428 A', 429 C', 432 D', etc. (Migne *Patrol. lat.* tom. 413 et 414.)
GOLIATH Gethæus, ejus proceritatis, 355 D. — Arma ejus describuntur, 355 D. — Hebræos ad singulare certamen provocat, 355 C'. Tribus (ut aiunt) lapidibus percussus dejecitur, 359 C'. — Arma ejus in Tabernaculo reposita, 360 C, an Deo consecrata sint, 379 D. — Tropologice, quid exprimat, 363 A.
GRATIA alicui, ob aliena demerita, denegari potest, 572 B.
GUILLELMUS Parisiensis, vel simpliciter Guillelmus, Parisiorum episcopus, allegatur, 354 B, 361 C, 446 A, 502 C'.
GULA multos obtenebrat, 457 B'.

H

HABER Cinæus, vir de semine Jethro, 131 B. — Apud illum interfectus est Sisara, 431 D'.
HAGIOGRAPHIA. Sic vocatur tertia pars Scripturæ, quare, 4; quid contineat, 3, 247.
HAI civitas modica, 39 C', juxta Bethel, 39 D, primo Hebræis resistit, 40 A, sed ab eis tandem capta, 48 C, penitus destruitur, 49 A. — In rege Hai ostendit Josue exemplum divinæ justitiæ, 49 A. — Spiritualiter, quid indicet Hai, 51 D', et rex ejus, 52 B'.
HAMULA, utensile templi, quid ad litteram, 637 A', et mystice, 642 A'.

HANON, filius Naas, rex Ammon, nimis credulus, 495 D, injuriam servis David irrogat, 495 D, et ab eo devincitur, 495 D'. — Moraliter, diabolum adumbrat, 497 C.
HAZAEEL, quomodo unctus sit rex Syriæ, 743 D. — Licet idololatra, idololatrias Israelitas percussit, 743 B'.
HEBAL mons. Ibi Josue sacrificat, 49 C, lapides lege inscriptas erigit, 49 A', et legem solenniter promulgat, 49 D'.
HEBRÆI, quomodo Jordanem transierint, 21 A', 24 B'. — Iterum circumciduntur, quare, 28 A'. Num in Ægypto, nocte Phase, circumcisi fuerint, 27 D'. — Ad idololatriam proni erant, 424 A; verumtamen tempore Josue, non videntur idola coluisse, 400 D, 403 D; nunquam universi ad polytheismum declinaverunt, 743 D', et cum idolis suis verum quoque Deum colebant, 707 C. — Fœdus renovant cum Deo, 401 A, 402 B. — An juste possederint terram Ammon, 471 D, et Jerusalem, 459 A. — Eorum variæ captivitates, quot, 422 D, et quantum duraverint, 480 C. Sigillatim describuntur, 424 B, 426 C, 429 C', 443 D, 468 A, 480 C. — Cur illos voluerit Deus præliandi consuetudinem habere, 423 B. — Pauciores inveniuntur in terra Chanaan quam in Ægypto, 212 A'. — Triplici regiminis formæ successive adhæserunt, 246, imo quadruplici, 409. Quis eis post Josue præfuerit, 441 B'. An licite petierint regem, 303 C', et quare, 324 A. Utro tempore, regum an judicium, majorem sortiti sint quietem, 475 C'. — Confœderati contra Benjamin, 212 A, cur semel et bis, licet consulto Domino, profligati, 214 B, A'. — Eorum exigentibus peccatis, 572 A, David populum recenseri jubet, 572 C, et plebs peste triduana castigatur, 575 D'. Qua eorum culpa rex istam in elationem inciderit, 576 D.
Mos illis fuit ex eventu aut proprietate rebus nomina imponere, 446 B'; in ventilatione aræ, in ovium tonsione, et in suorum sepultura, epulum facere, 234 B, 395 D', 515 D. — Ter, aut saltem semel in anno, coram Domino apparebant, 250 A'. — Eis licebat conjugia inire cum alienigenis, saltem conversis, 598 D. — Spiritualiter, quid significant triplex Hebræorum cibus, 33 A, et variæ servitutes, 433 D.
HEBRON, urbs inclita et famosa, 438 D, 526 D, prius civitas regalis Chananæorum, 57 C, et dicta Cariatharbe, 75 D', Caleb data est in

- possessionem, 74B', 75C, C', et postmodum Levitis obtigit, 92D. — An ibi sepultus sit Adam, 76B. — Ibi conditus est Abner, 451D', et regnaverunt David, 440C', et Absalon, 526A'. — Allegorice, Ecclesiam militantem signat, 444C.
- HELI, quo jure pontificatum occupaverit, 223B, 224A. Illi concessum fuerat sacerdotium Eleazari, 273C, sed culpa ejus iterum ad stirpem Eleazari rediit, 273C'. — Annæ filium promittit, quo instinctu, 253B. — Non videbat lucernam Dei, quo sensu, 277B'. — Quia fuit in increpando filios remissus, ipsi eorum imputata sunt peccata, 273A, et in progenie sua terribiliter castigatus est, 274A, 279B, juste, 274C'. — Propter obedientiam, 280C, et piam mortem, 284A', salvatus creditur, 280D. — Moraliter, est ignavorum prælatorum typus, 276B.
- Filiorum Heli corrupti mores, 269B, 270B'. — Propter eos subtracta est ab Israel revelatio divina, 277B. — A Philistiim trucidantur, 283B, D'. — Mystice, malos sacerdotes expriment, 275B.
- HENRICUS de Hassia, Ord. Cartus. theologus, allegatur, 686B'.
- HERCULES, filius Jovis fortissimus, a quibusdam in Samsone reviviscere creditus est, 484C'.
- HIEL, de Bethel, contra præceptum Josue Jericho reædificans, mulctatur, 695C'.
- HIERONYMUS. Prologus ejus in librum Regum transcribitur, 246. — Versionem, non paraphrasim se fecisse testatur, 248. — Quid de Aristotele senserit, 602A. — Passim allegatur.
- HIRAM, rex Tyri, amicus David, 461A', 610B, illi ligna et operarios præbet, 461D; similiter Salomoni, 611A, a quo xx urbes recipit, 637C'. — Cum Salomone mercaturas facit, 659B', 663C', et de ænigmatibus concertat, 659D'. — Ad veri Dei cultum conversus fuisse videtur, 658B. — Tropologice, quid Hiram, 464A', 612D', et classis ejus, 666A', 667B'.
- Hiram alius, filius Tyrii et Hebrææ, 628A', vir sapientissimus et « pater regis », 628D', Salomonis operibus præponitur, 629A. — Quæ fecerit, 629B, 633B', 634C', 637C.
- HISTORIA scholastica (P. Comestoris) passim citatur, 412B, 413A', 424D', 429B', 444C, 446C', etc. — In quibusdam refellitur, 87B. (Migne *Patrol. lat.* tom. 498.) Cf. Magister in historiis et Petrus Comestor.
- HOLOCAUSTUM, totum comburebatur, quare, 599D. — Quandoque incensum dicitur, 620A. — Holocaustum animæ fidelis, quid, 709B'.
- HOMICIDIUM, sæpe ob demerita occidentis vel occisi permittitur, 390A'. — Homicidæ voluntarii ab altari evellebantur, 595B. — An quandoque cum eis dispensari poterat ne occiderentur, 521B, D'. — *Addde* Refugium.
- HOMO, excellentissima corporearum creaturarum, multiplici providentia Dei gubernatur, 245. — Angelis non nisi aliququaliter comparari potest in hac vita, 520D, D', licet eis major esse possit in cœlis, 521A. — Homini-bus placere modo licet, modo non, 271C'.
- HORDEUM, propheticum sermonem significat, 233A.
- HOREB mons. Sic vocatur ima pars Sinai, 741A'. — In spelunca Horeb Moyses vidit gloriam Dei, 741B', et Elias visionem habuit, 742C'.
- HUMERULI luterum, quid, 635D, et quomodo dispositi, 636C. — Per hos intelligi possunt quatuor mendicantium Ordines, 642A.
- HUMILITAS commendatur, 267C. — Cum magnanimitate consociari potest, 349C'. — Quæ sit vera humilitas, 473B'.
- HYDRIA, vas templi, quid ad litteram, 638B', et mystice, 642D'.
- HYPERBOLE, quid sit, 243B'. — In ea non est mendacium, 243B'.

I

IBEX, quid sit ad litteram, 388C, et mystice, 392C.

ICHABOD, nepos Heli, cur sic dictus, 284B'.

IDOLUM. Chananæorum idola, quæ, 419C'. — Idolum sibi conficit Michas, 203A, quod a Danitis sublatum, 206C, in Lais longo tempore mansit erectum, 207C'. — Item duo idola a Jeroboam constituuntur, 681B. — Idololatria sæpe fornicatio vocatur, 420C. — Idololatræ in sacris corpora sua incidebant, 705A'; eorum dementia ostenditur, 207A. — Moraliter servit idolis, qui passionibus obtemperat, 422C.

IDUMÆI. *Vide* Edom.

IGNIS frequenter de cœlo in Sanctorum sacrificia descendit, 705B. — Ab angelis produci potest, 446B, 484B, et a dæmonibus, 706B. — A diabolo formatus creditur, qui oves Job consumpsit, 706C. — Ignis nomine quæcumque calamitas designatur, 464B. — Mystice quid, 450B, 709C, D'.

IMMUNDITIA ex concubitu per unum diem ab ingressu templi et victimarum esu impedi-
bat, 377D'. — Quantum peccatum cum im-
munditia ad altaris Sacramentum accedere,
472A.

IMPII. Proverbium « Ab impiis egredietur im-
pietas » quomodo intelligendum, 390C.

INFERNUS quatuor modis accipitur, 591A.

INFINITUM multipliciter sumitur, 94C.

INIQUITAS. Filii iniquitatis, qui in Scripturis,
475B'. — Iniqui facile mala suspicantur,
495C. — Sunt quasi corona diaboli, 511A'.
— Inter se pacem habere nequeunt, 697A. —
Spinis comparantur, 563D', et merito, 564C.

INOBEDIENTIA, quantum Deo displiceat, 346D.

INTERCOLUMNIUM templi, quid, 635C'.

INTERRASILE opus, quid sit ad litteram, 634D',
et mystice, 644C'.

INVIDIA, quid sit proprie, 365C'. — Ex arro-
gantia generatur, 156C'.

IRA, quo sensu Deo tribui possit, 419D'.

ISAI, pater David, vir magnæ ætatis et aucto-
ritatis, 356B, quot filios habuerit, 351C', et
nomina, 537C.

ISBOSETH, filius Saul, ignavus et imbellis,
339D, constituitur rex super Israel, 439C'.
— Ineptus erat ad regnandum, 449B, et non
fuit rex legitimus, 440B. — Abnerum avertit
a se, 447D. — Dolose interfectus, 456B', in
Hebron sepelitur, 457A'. — Spiritualiter, ty-
pum gerit desidium et ignavorum, 457B'.

ISRAEL non semper idem significat, 549C. —
Populus Israel, hereditas Domini, 312D, 404B,
482C', 520B, ceteris gentibus antefertur,
481A'. — Multi ex Israel a David deficiunt,
550B, et a domo ejus, 679C', et Jeroboam
regem sibi constituunt, 680C. — Regnum
Israel decem tribubus constabat, 672C, 680C.
— Quam secum discors, 697A. — Reges Is-
rael de clementia commendantur, 720A'.

Liber sermonum dierum regum Israel
non amplius superest, 731B.

ISSACHAR tribus, qua sorte donata, 87C'. —
Urbes xvi et optimam regionem obtinuit,
87D'. — A Debora laudatur, 138C'.

ITINERARIUM, seu Recognitiones S. Clementis
allegantur, 538A'. (Migne *Patrol. gr.* tom. 4,
col. 4457.)

J

JABES, urbs Galaad, ubi sita, 319A. — Ab
Hebræis destruitur, quo jure, 216C'; et vir-

gines Benjamitis traduntur, 217B. — Ob-
sessa, a Saule liberatur, 319B. — Viri Jabes
ossa Saulis et filiorum honorifice sepeliunt,
420A, ideoque a David benedicuntur, 439A.
— Viri Jabes, quid exprimant, 321B, 421C',
444A.

JABIN, rex Azor, a Josue expugnatur, 63D'. —
Quid mystice, 66C'.

Jabin alius, itidem rex Azor, Hebræis do-
minatur, 129C', quibus arma aufert, 137C'.
— A Debora profligatur, 131B'. — Spirituali-
ter, persecutores signat, 134D.

JACOBUS (Major) apostolus, Hispaniam incon-
vertibilem relinquens, rursus in Judæa præ-
dicavit, 228B'.

JAHIEL, uxor Haber Cinæi, dolose Sisaram in-
terficit, 132A; an recte, 132A'. — Non vide-
tur in toto excusanda, 132B'. — A Debora
laudatur, 140B'. — Ejus tempore quieverunt
semitæ, quomodo, 137C. — Allegorice, Ec-
clesiam præsignabat et B. V. Mariam, 134A,
443B'.

JAIR, Judex Israel, vir valde potens, 168A'.

JAKIN, columna templi. *Vide* Columna.

JEBUSÆI, unde orti, 459A, C. — Ex arce Je-
rusalem a David ejiciuntur, 458A', 460A';
an licite, 459A. — Cæci et claudi ab eis su-
per mœnia Jerusalem constituti, quid, 458B'.
— Spiritualiter, Jebusæi gentiles significant,
464A.

JEHU, filius Namsi, quomodo unctus sit rex
Israel, 713A'. Licet idololatra, idololatras
Israelitas prostravit, 713B'.

Jehu alius, propheta, contra Baasa vatici-
natur, 693D.

JEJUNIUM potu nimio frangi contendunt, 452D.
— Ad orationis efficaciam non mediocriter
confert, 510D'.

JEMINI et filii Jemini, quid, 127D, 210C, 305C.

JEPHTHE, vir fortissimus, 170A, sed spurius,
170B, primo dux latronum, 170C, a Galaad-
itis in principem eligitur, 171B'. — Quo
tempore vixerit, 173C. — Videtur fuisse am-
bitiosus, 171A. — De ejus voto: Quale fu-
erit, 173D', 174D'; an licitum, 174C'; an,
Deo inspirante, emissum, 175B; quomodo
impletum, 175D'. — Jephthe fuit incautus
in vovendo, impius in reddendo, 176C; imo
votum istud illicitum videtur, 176D'. — Al-
legorice, figura est Christi, 177B; et ab eo
vota fideliter servare docemur, 178A.

Filia Jephthe Isaac comparatur, 174C. —
An vere fuerit immolata, 175D'. — In ho-

- norem ejus institutum est festum, 174 B'. — Allegorice, humanitatem Christi signat, 177 C'.
- JERICO urbs, a Josue capta, quomodo, 33 C, et quo die, 37 A'. — Anathemati subjicitur, 35 A; opes ejus Domino consecrantur, 35 D, et habitatores trucidantur, 35 C', et quidem non injuste, 36 A. — Tribui Benjamin obligit, 85 A'. — Imprecatio Josue in Jericho, 36 D', postmodum in Hiel verificata est, 695 C'. — Mystice, quid sit Jericho, 37 C, 38 D', rex Jericho, 17 B, Jericho reaedificare, 39 A', 697 A'.
- JEROBAAL, quid sonet, 154 D. — Sic dictus est Gedeon, quare, 147 D. *Vide* Gedeon.
- JEROBOAM, quem falso putant quidam filium Semei, 671 D, vir strenuus, 671 A', 678 D, et bonus, 671 D', cur a Salomone defecerit, 671 C', 672 D'. — A Deo rex Israel eligitur, 672 A. — Idololatriam inducens in Israel, 681 B, et sacerdotale officium sibi assumens, 682 A, multipliciter peccavit, 681 C', 686 A, nedum excusari queat, 681 D, 682 B', et a Deo reprobatus est, 688 A. — A propheta correptus et sanatus, 683 C, cur in infidelitate permanserit, 686 C. — Ejus idololatria pejor fuit idololatria Salomonis, 688 B. — Quot annis regnaverit, 689 C. — Mystice quid, 682 A'. — *Cf.* Abia et Ahias.
- JERUSALEM. Ibi permanserant Jebusæi, quare, 79 B, 459 A. — Ab Hebræis capta, incendiatur, 113 B', quando, 209 D'. — Cur modo Benjamin, modo Judæ tribuatur, 78 D', 114 D'. — A David murata, a Salomone munita, triplicem habuit ambitum, 598 B, et facta est regni metropolis, 460 A'.
- JESBAAM, primus inter fortes David, quæ fecerit, 564 C', 565 B. — Videtur consobrinus David fuisse, 565 D. — Cur dictus sit fortissimus, 565 D'. — Mystice quid, 570 A, B'.
- JESUS. Tres in V. T. hoc nomine insigniti sunt, 10 B.
- JEZABEL, uxor Achab, impia et sanguinaria, Eliæ insidiatur, 710 B, et Naboth interficit, 723 B. — Spiritualiter, carnem significat, 715 C.
- JOAB, filius Sarviæ, vir ambitiosus, 508 A', callidus, 442 A, 500 A, 517 B, perfidus, 450 B, audax, 496 C, et in re bellica peritus, 496 B, præmium obtinet a David propositum, et fit dux militiæ, 460 B, B', et primus in regno post regem, 584 D. — Ex invidia et ambitione, 450 C, 551 D', dolose occidit Abner, 450 A, et Amasam, 551 D; ideo a David maledicitur, 450 B', 451 A. — Quinque maledicta in eum conjecta, 451 C. — Cur non statim David in eum sævierit, 453 A', sed cum Salomoni puniendum reservaverit, 590 C, 591 A. — Absalonem revocat, 517 B, et cum patre reconciliat, 522 D'; sed mox, contra præceptum regis, eum transfigit, 539 A', 540 A. — Regem increpat, 544 B, et a proposito recensendi populum avertere frustra conatur, 572 C'. — Adoniæ partes secutus, 584 D, ad altare occiditur, 594 D, et licite, 595 B. — An sit salvatus, 595 D. — Cur inter fortes David non recenseatur, 569 A'. — Morali-ter, varia designat, 454 C', 455 C', 523 C, 542 B, C', 549 D, 554 D.
- JOANNES apostolus, tres mortuos resuscitavit, 701 C'.
- JOAS, pater Gedeonis, vir potens, 144 B', fuit idololatra, 146 C', sed non induratus, 147 C.
- JOATHAM, filius Gedeonis, a clade fratrum ereptus, 162 C'. — Ejus ad Sichimitas parabola, 162 D'. — A Deo videtur inspiratus fuisse, 166 C'.
- JONADAB, nepos David, vir carnaliter sapiens, pessimum dat Ammoni consilium, 511 D'. — Falso putant aliqui eum fuisse Nathan prophetam, 515 D'. — Gigantem Philistæum devicit, 559 B.
- JONAS propheta, de Sarepta, filius viduæ ab Eliæ suscitatus, 702 C, factus est Eliæ minister, 710 C'.
- JONATHAN ben Uzziel, « magnus apud Hebræos », quomodo Annæ canticum interpretatus sit, 264 D.
- JONATHAS, filius Saul, magnanimus, 334 A', et inclutus, 364 C', 373 D', amabilis, 433 C, D', et decorus, 433 D. — Ope Dei Philistæorum stationem disturbat, 335 C. — Votum patris transgressus, 336 D', a morte liberatur, 338 D', an licite, 340 C'. — Peccasse videtur, votum patris transgrediendo, 340 C, et illud reprobando, 340 A'. — Davidi tenerrime devinctus, 364 B, 369 C, 434 A, cum eo non semel fœdus pangit, 364 D, 373 C', 385 B'. — Cur a Philistæis occisus, 419 A. — Ossa ejus honorifice conduntur, 420 A, 557 C'. — Morali-ter, quid Jonathas, 340 D', 367 D, et triplex ejus cum David fœdus, 388 A'.
- Jonathas alius, Levita, de stirpe Moysis, 203 D, fame pulsus, fit idoli sacerdos apud Micham, 203 B', et postea in Lais, 206 C', 207 C'. — Quid exprimat, 208 B'.

JORDANIS fluvius, in tempore messis exundat, 18 C, 20 D'. — A Josue dividitur, quomodo, 21 B, et quando, 9 A. — Cur aliter divisus ac mare Rubrum, 21 C'. — Spiritualiter, figura est Baptismi, 11 B, 23 A', 31 D, et humilitatis, 11 B, 31 C.

JOSAPHAT, rex Juda, amicitiam cum Achab jungit, 726 C, quare, 726 B'. — In Ramoth Galaad periclitatur, 730 B. — Optimus fuit, 731 C; verumtamen de sua cum rege Israel societate reprehenditur, 731 D'. — Mystice quid, 732 B'.

JOSEPH patriarcha. Ossa ejus in Sichem reponuntur, 403 B'. — Domus Joseph, quid significet, 415 C, 671 B'. — Cur in duas tribus divisa sit, 73 C'. — Partem Levi recepit, 73 B', et quantum ad hoc, successit Ruben in jure primogenituræ, 73 D'. — Sors ejus describitur, 80 C, 83 D. — Ad meridiem sortem recepit, quare, 85 A. — Cf. Ephraim et Manasse.

JOSIAS, rex Juda, de longe præannuntiatur, 683 C.

JOSUE, vir sub omni respectu fortis, 3, obediens, 65 C, et humilis, 89 A, non immerito Josue aut salvator dictus est, 3. — Specialissimus minister Moysis, 5 A', et ipse propheta, 3, 10 A, in gratia confirmatus fuisse videtur, 8 A', et in quibusdam Moyse præstantior fuit, 7 A'. — An exploratores mittere licite potuerit, 13 C. — Cur tribus diebus ad oram Jordanis moratus sit, 18 C, et quomodo eum transierit, 20 A'. — Incaute cum Gabaonitis fœdus iniit, 55 B, sed sapienter cum eis composuit, 56 A. An fœdere reapse teneretur, 56 C'. — Populum alloquens, quomodo ab omnibus audiri potuerit, 20 A', 34 D', 35 A'. — Solem et lunam sistit, 58 B', et diem protrahit, quot horis, 62 B. — Chananæis per sex annos debellatis, 65 D, 66 A, duodecim tribubus terram partitur, 70 D, 84 B, et in possessionem accipit Thamnath Saraa, 88 B', et Sichem, 88 C'. — Novissima ejus verba ad populum, 97 B, 98 C. Fœdus renovat inter Deum et Israel, 102 B. Cur delinquentes tribus non corripuerit, 104 C. — Moritur et sepelitur in Thamnath Saraa, 103 C. Mors ejus a quo conscripta, 104 B'. In sepulcro ejus imaginem solis sculperunt, 119 A'. — Spiritualiter, in multis fuit figura Christi, 10 C, B', 21 D, 38 A, 67 C', 89 A', boni prælati, 10 D', 11 D', 98 A', et prædicatoris, 104 C'.

Liber Josue a quibusdam inter historiales computatur, 4; ab aliis inter prophetales, 3, quare, 4, 10 A. — A quo sit conscriptus, 5 A, 104 B'. — Est prosecutio Deuteronomii, 5 A.

JUDA non semper idem designat, 549 C. — Juda successit Ruben in jure primogenituræ, 73 D', et sceptrum de eo non defecit usque ad Herodem, 477 A'. — Tribus Juda, tanquam ceteris fortior, sortem ad meridiem accepit, ut Israel protegeret, 76 D', 85 A, 156 D. — Ejus sors describitur, 76 D et seq. Fuit aliarum tribuum sorte amplior, 86 D', 113 C'; sed quædam ex ea pars Dan et Simeoni cessa fuit, 87 A. — Ceteris tribubus vulgo antefertur, 499 C, et viri Juda seorsum semper dinumerantur, ut digniores, 344 C, 572 C. — Populo, post mortem Josue, præposita est, 111 B', non generaliter, 112 B, sed in bello contra Chanaan, 112 D, et contra Benjamin, 214 A. — Diu sola fuit obsequens David, 440 B'. — Regnum Juda tribus tribubus constabat, 670 B, 680 A'. — Mystice, quid tribus Juda, 79 C', 117 A', et viri Juda, 443 D'.

JUDÆI conversi gentilium conversioni inviduerunt, 190 D'. — Judæos non licet interficere, 542 A'. Eorum insectatores Joab comparantur, 542 C'. — Stultæ eorum fabulæ: de Phinee, 119 A, 144 B, 169 B, 272 A, de Elia, 272 A, de Saul, 283 D', de Doeg, 352 C', de causa cur ferrum ad circumcidendum sit adhibitum, 359 D', de Samuele suscitato, 409 C', D', de dæmonibus Salomonis, 478 A, de Sara, filia Aser, 553 A, de vermiculo Tamir, 612 C', de anima Naboth, 729 A'.

JUDÆI auctores: Josephus, historiographus, 124 A', 134 D', 144 C', 152 B', 153 C, etc. — Rabbi Moyses (Moses Maimonides) 603 A'. — Rabbi Salomon (Jarchi, vulgo Rasi) plerumque refellitur, 61 D, 75 A', 383 B, etc. Ut novitatum confictor habetur, 13 C'; sæpe verum Scripturæ intellectum corrumpit, 500 A'. — Adde Paulus.

JUDEX, tanquam animata justitia, debet munera declinare, 301 A, avaritiam fugere, 303 A', omnem affectum privatum excludere, 489 D', et zelo justitiæ ardere, 435 A'. — Ad restitutionem pro injusta sententia tenetur, 301 B. — Judices quandoque pastores nuncupantur, 378 C'.

Judices Israel, ex quadruplici capite commendantur, 109. — Qua de causa suscitati, 203 D', 204 B'; et quænam eorum auctoritas

in populum, 116D, 301C'. — Probabilius consilarii tantum erant et medii inter Deum et plebem, 116D'. — Inimicos Israel juste debellaverunt, 187C', et errata populi corrigere valebant, 203D', 204A'. — Allegorice quid, 117C, 134A.

Liber Judicium, a quo conscriptus, 116B, et quando, 116C. — Est libri Josue prosecutio, 111A.

JUDICIUM. In extremo judicio nemo testibus adjuvari poterit, 410A.

JUNIPERUS, spinosa arbuscula. Ejus radix cibus est pauperum, 710D', et umbra serpentes fugat, 711C. — Mystice, Crucem signat, 715A'.

JURAMENTUM. Forma jurandi apud Hebræos, 338D', quomodo intelligenda, 280A, 452C. — Juramentum infringere, quam grave peccatum, 559A'. — Pejerantes in V. T. divinitus puniri solebant, 650A'.

JUSTUS mundanorum et impiorum contemptui obnoxius est, 472D'. — Justi in hac vita quandoque affliguntur, 44C, variis de causis, 148C; sed in prosperis et adversis inconcussi manent, 640D. — Justitia alicujus, respectu majoris justitiæ, injustitia dici potest, 700B, quo sensu, 700C'. — Minus justus, justioris conversatione modo juvantur, modo gravantur, 700D'. — *Adde Sancti.*

Liber Justorum, deperditus videtur, 60D'. Non est liber Regum, 61C, nec Geneseos, 61D, D', 431C. Sic vocari posset universa Scriptura, 61D'.

L

LAIIS, seu forte Lesem, 88D, civitas Sidoniorum, 205B', dolose, sed non injuste a Danitis capta, 207A', Dan deinceps vocata est, 88D, 207B'. — Ibi erectum est idolum, 207C'.

— Viri Lais, quid mystice, 208C. — *Cf.* Dan.

LAPIDOTH, vir Deborahæ, quis fuerit, 130A, D.

LAPIS. Duodecim lapides in Jordane eriguntur, 24D, et in Galgalis, 23D', 25B', quare, 24B. Allegorice, xii Apostolos signant, 25C'. — Item lapis prægrandis a Josue collocatur in sanctuario, 102C, D', ubi, 102D, B'. Per quem rite intelligitur Christus, 105A. — Lapidei cultri, quandonam ad circumcidendum adhiberi desierint, 359D'.

LEBES, utensile templi, quid sit ad litteram, 637C, et mystice, 642A'.

LEGENDA aurea (Jacobi de Voragine) allegatur, 255B.

LENTICULA, quid ad litteram, 312B, et mystice, 316D'. — Lenticula olei unctus est Saul, quare, 350B.

LEO. Plures leones occisi leguntur, 188D, a Samson, 188C, a David, 358D, a Banaia, 567A', B'. — Leones passim in templo figurabantur, 635A, 636D, et in throno Salomonis, 663D. — Spiritualiter, leo varia significat, 191B, 641C', 667A.

LEVI. Tribui Levi extra ceterarum numerum positæ, 73C', substituta est tribus Ephraim, 73B'. — Nullam sortem accepit, 72C, 73B'. — Regno Juda adhæsit, 670B, 680A'. — *Adde Levitæ.*

LEVIRATUS ante Moysen et apud Moabitas servabatur, 226D. — In leviratu, mulieris filius defuncto marito adscribebatur, 238A'. — Quidnam moris in Israel, quomodo quis leviratus beneficio renuntiabat, 239B.

LEVITÆ usque ad quinquagesimum annum in templo ministrabant, 255D, et postmodum circa templum occupabantur, 255B'. — Ceteris tribubus matrimonialiter copulari poterant, 203D, 209A. — Quænam eorum sors, 71C'. — Illis ad manendum concessæ sunt XLVIII civitates, ex diversis tribubus, 91D, 92A', nempe: XXIII Caathitis, 91C', XII Gersonitis, 92A, XII Meraritis, 92B; sed non soli ibi degebant, 92A'. Cur sic in Israel dispersi, 93A. — Eorum erant urbes refugii, 91B. — Moraliter, quid Levitæ, 72C', et Levitarum urbes, 93A.

Levites quidam, cum uxore sua transiens Gabaa, 210B, ab incolis impetitur, 210B'. — Quandonam vixerit, 209D'. — An peccaverit, uxorem Gabaensium libidini exponendo, 211B'. — Causa fuit cur Israel contra Benjamin consurrexerit, 211C, 212B'. — *Cf.* Uxor.

LEX primo filiis Esau et Ismael oblata, 136A, Hebræis terribiliter intimata est, 136B'. — Non actum tantum, sed et desiderium vetabat, 593D. — Lex, sive Thorah, pars Scripturæ, quid contineat, 247.

LIBANUS mons. Ibi nascebantur cedri, 608D', 610C', et abietes, 611A. — Mystice, mundi figura fuit, 613B. — Domus Saltus Libani. *Vide Domus.*

LIBIDO, quo plus fovetur, eo plus furit, 668D'. — Recte furor vocatur, 212D'. — In senibus et præsidentibus turpissima est, 669A. — Multos obtenebrat, 457B', et plurimum nocet, 676B'.

LITTERÆ xxii apud Hebræos, Syros et Chaldaeos habentur, 246, quarum quinque du-

- plices sunt, 246. — Eadem fuerunt apud Hebræos et Samaritanos, usque ad Esdras, qui alios reperit characteres, 246. — Nonnullæ a quibusdam gentibus proferri nequeunt, 179 C'.
- LONGÆVITAS priscorum hominum super naturam fuisse videtur, 548 B. — Longævitas hodierna, quanta, 548 B, 581 A.
- LUCERNÆ septem noctu in tabernaculo ardebant, et tres per diem, 278 B. — Lucerna Dei, quomodo ab Heli videri non posset, 277 B', et quid moraliter significet, 281 D.
- LUCTUS. Lugentibus olim consuetum erat vestes scindere et pulverem capiti imponere, 40 B', 427 B, 429 C', et defunctum inclamare, 685 A'. — Mortui septem diebus lugebantur, 420 B, 438 B. — Luctus viduarum, quotus, 500 D'. — *Cf.* Funus et Mors.
- LUDOVICUS (S.), rex Galliæ, duellum approbasse legitur, 360 D'.
- LUDUS, quandoque est actus devotionis et latriæ, 466 C'. — Speciali virtute regitur, 466 D'. — Sic vocatur etiam concertatio militaris, 441 A.
- LUTER, quid sit, 634 D. — Decem luteri ab Hiram fabricati, 634 C', cujus figuræ, 636 B' C'. — Super quatuor rotis imponebantur, 635 C, sed de loco ad locum devehiri non poterant, 636 B. — Vocantur etiam conchæ, 637 B. — Ibi lavabantur hostiæ concisæ, quo ritu, 637 A. — Luterum bases, quæ ad litteram, 634 C', et mystice, 641 B', 642 D. — Item, luterum rotæ, 635 C, 641 D'.
- LUZA. Plures civitates sic fuerunt dictæ, 415 C, B', ex quibus una, id est Bethel, a filiis Joseph capta fuit, 415 D. *Cf.* Bethel.
- LYRA (Nicolaus de), Ord. Min. theologus, et notissimus postillator, circa sensum litteralem et historiam studiosus fuit, 566 D. — Sæpissime allegatur, 61 A, 119 A, 130 A', 136 A, etc. — Sæpe, tacito nomine, designatur verbo « Quidam », scilicet quum improbanda videtur ejus sententia, 18 C, 19 D, 24 A, 29 D, etc.
- M**
- MAACHA, mater Absalon, gentilis, quo jure a David duci potuerit, 446 D.
- Maacha alia, neptis Absalon, 690 C, avia regis Asa, 691 C, fuit idololatra famosa, 691 D.
- MACHABÆI, ex uno latere ad tribum Juda pertinebant, 477 A'.
- MADIAN varia significat, 670 A'. — Madianitæ multos reges habebant, 157 C. — Quo sensu Ismaelitæ dicantur, 159 B. — Hebræis dominati, 143 D, qua arte a Gedeone profligati fuerint, 153 B'.
- MAGISTER in Historiis. Sic vocitatur Petrus Comestor, auctor Historiæ scholasticæ, 112 D, 114 C, 116 C, 136 B, etc. — *Cf.* Petrus Comestor et Historia scholastica.
- MAGISTER Sententiarum. Sic vocatur Petrus Lombardus, auctor libri Sententiarum, 648 B. (*Migne Patrol. lat.* tom. 191, 192.)
- MAHANAIM locus. Ibi angeli Jacob occurrerunt, et constitutus est rex Isboeth, 439 C'.
- MAHOMETUS, impius et lubricus, ab Eglon figuratur, 134 B. — Stolidæ de Sinai destructione fabulatur, 137 B.
- MALEDICTIO in Deum tantum est scelus ut nunquam in Hebræo proprio nomine exprimatur, 723 B'. — Hominibus maledicere, an liceat, 51 A'. — Sancti nonnulli persecutoribus maledixisse leguntur, 451 B.
- MALLEUS in construendo templo non est auditus, quo sensu ad litteram, 617 A, et mystice, 623 D'.
- MALOGRANATA in capitellis columnarum, quot, 630 C' et seq. — Moraliter, eloquia S. Scripturæ signant, 640 B.
- MANASSE tribus, qua sorte donata, 71 D', trans Jordanem, 81 D, et cis Jordanem, 82 C. — Chananaeis contra Dei præceptum parcit, 83 C; sed Gedeonem adversus Madianitas sequitur, 147 B'. — A Josue laudatur, 93 B.
- MANICHEI falso putant Moysen damnatum, 6 C.
- MANNA Hebræis defuit, quando, 30 A', et quare, 32 C'.
- MANUE, pater Samsonis, vir zelotypus, 181 A', an de promissione angelica dubitaverit, 183 A. — Quo jure sacrificium obtulerit, 183 D'. — An peccaverit nuptiis filii consentiendo, 188 A. — Quid significet, 186 B, 191 C.
- MANUS est organum organorum, 439 A'. — Quandoque pro monumento sumitur, 540 C.
- MANZER, quid sit, et quomodo a spurio et notho differat, 355 C.
- MARE, apud Hebræos quid significet, 633 B'. — Mare Mortuum, varie nuncupatur, 21 B. Fuit terminus tribus Juda ad orientem, 77 A, D. — Mare Magnum, id est Mediterraneum, 7 A, 26 D, 77 C, fuit, occidentem versus, terminus Terræ Sanctæ, 6 C', et tribus Juda, 77 C; quid mystice, 31 C. — Mare æneum,

- cujus figuræ, 633B', et magnitudinis, 633C', et capacitatis, 634B'. Super xii bobus positum erat, 634B; ad dexteram templi, 636C', quare, 642D. Tropologice, figura est Baptismi vel Pœnitentiæ, 640B'; et sub ejus forma describitur labor pœnitentiæ, 640C'.
- MARIA Virgo, triennis Domino oblata, sola gradus templi ascendit, 255A. — Nullum prægationis gravamen sensit, 498D'. — In utero ejus corpus Christi in instante formatum est, 563D. — Super omnes angelorum choros exaltata est, 521A. — Ad ipsius commendationem nonnulla præclara per feminas olim operatus est Deus, 434D'. — Nulli tamen reprobo salutem obtinere valet, 597D. — Varie in Scripturis præfiguratur: 1° Per Dehoram: præ ceteris prophetiæ gratia fuit ornata, 434A'. — 2° Per Jahel: diaboli caput contrivit, 434C'. — 3° Per Gedeonis vellus: maternitatem cum virginitatis gloria sociavit, 450C'. — 4° Per Abigail: Christum peccatoribus placatum præbet, 401A. — 5° Per Abisag: sponsa Dei, virgo mansit, 588B. — 6° Per Bethsabée: in throno exaltata est, ubi copiosissime exauditur, 597D. — 7° Per thronum Salomonis: quæ ejus virtutes, 666D'. Nullus ei comparari potest, 667C.
- Historia de Nativitate Virginis (Evangelium Nativitatis M. V.), 255A. — Non videtur S. Hieronymo adscribenda, et in quibusdam apocrypha dicitur, 255B. — (*Migne Patrol. lat.* tom. 30, col. 297.)
- MARTINUS (S.) animæ passiones vultu nunquam exprimebat, 253B'.
- MASPITA, urbs. Eo convenerunt Hebræi adversus Benjamin, 242B, 246B, et profugati sunt Philistiim, 296A. — Ibi congregabatur populus a Samuele ut judicaretur, 295D, 296D'.
- MATRIMONIUM, quatenus olim vetitum vel licitum, inter fratrem et sororem, 543A; inter avunculum et neptem, 79B'; inter Hebræos et alienigenas, 423D', 598D; inter diversas tribus, 468B, 487C, 530D'. — Senum conjugium valet, 583C. — Circa matrimonium filios parentibus obedire decet, 487A. — Nuptiarum solemnitas per septem dies agebatur, 489C. — *Cf.* Repudium.
- MELCHOM, deus Ammonitarum, 508B'. — Ejus coronam usurpavit David, 508A', an licite, 508D'.
- MELLO, vorago in Jerusalem, 461A. A Salomone complanata, 674D, causa fuit cur Jeroboam a Salomone deficeret, 674D, B'.
- MENANDER, historiographus, allegatur, 659D'.
- MENDICITAS ab Hebræis abhorrebatur, quare, 451D. — Quatuor mendicantium Ordines præsignantur, 642A.
- MENSA propositionis, cur sic dicta, 638B. — Decem mensas in templo posuit Salomon, 638C. — Spiritualiter, S. Scripturam exprimit, 642B'.
- MENSTRUUM, post conceptum, ad alimoniam fetus reservatur, 498A'. — Eo durante, feminae ad concubitum minus aptæ, 498A'.
- MERETRIX. Duæ meretrices coram Salomone contententes, 603D', quid mystice significet, 606A', B'.
- MEROB, filia Saulis primogenita, Davidi promissa, 366D, postmodum denegatur, 366B. — Quinque filii ejus a Michol adoptati, 557C, a Gabaonitis crucifiguntur, 557B.
- MEROZ terra a Debora maledicta, quæ, 140D, et cur reprobata, 140A'.
- MESOPOTAMIA, unde nomen acceperit, 124C. — Chusan, rex Mesopotamiæ, Hebræos subjeit, 424B. *Cf.* Chusan.
- MESSIS in Palæstina fit ineunte vere, 24A.
- MICHÆAS propheta, quomodo de indiscreta clementia Achab reprehenderit, 721C. — Iterum contra regem vaticinatus, 727B', 728A, in vincula conjicitur, 722A, 729D'. — Ejus visio, sicut et aliorum Prophetarum, imaginaria fuit, 728B. — Mystice quid, 732B'.
- MICHAEL archangelus, Synagogæ princeps, Josue apparet, 30B', 31A.
- MICHAS, idololatriam in Israel introduxit, 202A, 203A. — Quandonam vixerit, 203D'. — Quantum idololatriæ deditus, 207C. — Quid moraliter signet, 208B, A', C'.
- MICHOL, quæ etiam Eglā dicta est, 446B', filia Saul, ducentis præputiis a David acquiritur, 367B. — Callide virum salvat, 370C. — Tradita Phaltiel, impollutam se servat, 400B', usque dum Davidi reddatur, 448A'. — Superba et profana, viri pietatem deridet, 469A', 470B, et ideo sterilitate affligitur, 470B'. — Obiisse fertur pariendo Nathan, 446D'. — Quinque filios sororis adoptaverat, 557B. — Specialiter uxor Davidis vocatur, 446B'. — Tropologice, varia designat, 454B, 472D'.
- MINGENS ad parietem, quid significet, 399C, 688C, D.
- MIPHIBOSETH, filius Jonathæ, claudus, 456A', sed bonus, 493A, a David extollitur, 493C.

— Multipliciter in eum David peccavit, 530 A', 547 D'. — Mystice quid, 493 B', C', 549 C'. — *Adde* Siba.

MIRACULA non nisi raro a reprobis operantur, 702 B'. — Quædam Eliæ miracula enarrantur, 697 D, 699 A', 701 A, 706 A.

MISERICORDIA apprimere reges decet, 322 A', 519 D'. — Misericordia erga adversarios, ante Christum rara, 391 D. — Misericordium hominum substantiæ frequenter a Deo multiplicatæ sunt, 699 D'.

MOABITÆ conversi in Synagogam admitti poterant, 238 D'. — An Hebræis transitum denegaverint, 172 A, et postea legitime dominati sint, 426 D, D'. — Ab Aod eliduntur, 429 D, et a David, 487 C. — Terra Moab, quid moraliter signet, 229 D, 491 B.

MOLOCH, idolum Ammonitarum, 669 C, deus superbiæ, 677 B, a Salomone colitur, 669 C.

MONARCHIA ceteris regiminis formis præfertur, 462 A, 303 C'. — Optimum est regimen, vel pessimum, 302 A'.

MONTES non semel a facie Dei fluxerunt, 436 D'. — Spiritualiter, varia expriment, 442 C, 449 D, 362 C'.

MORS est via ad æternam vitam, 589 A. — Mortui septem diebus lugebantur, 438 B, et in eorum sepultura agebatur convivium, 515 D. — Quæ pro ipsis fiunt, cognoscere possunt, 434 C'. — Mortuos suscitare est Dei proprium, 701 B'. — Licet Elias mortuum suscitaverit, multo magis gloriose Christus et Apostoli, 701 B'. — Mortuum a reprobo suscitatum fuisse, nusquam legitur, 702 B. — *Cf.* Funus, Luctus et Resurrectio.

MORTARIOLA, vasa templi, quid ad litteram, 638 B', et mystice, 642 D'.

MOYSES sapientior fuit Salomone, 601 A', C'. — Futura ejus gloria parentibus revelata fuerat, 272 A'. — Transitum Jordanis prædixerat, 24 C'. — Quandonam mortuus, 13 C'. — Vere mortuus est, et salvatus, 6 C. — Fuit figura legis, 40 A, D'.

MULI. Etsi mulos producere Hebræis vetitum, eis uti non illicitum erat, 515 B'.

MULIER. Nonnulla præclara per mulieres operatus est Deus, quare, 434 D'. — Mulieres de loquacitate notantur, 308 B. — Quibus signis se concepisse sciant, 498 C'. — Gentis triumphos in choreis decantare solebant, 365 C, 432 C. — Nimio vestium luxu gravissime peccant, 513 C'. — Quam viris nocivæ, 501 D, 516 C'. — *Adde* Abela et Thecua.

MUNDITIA quanta a celebrantibus et communicantibus requiratur, 380 A', 472 A.

MUSICA valide animum movet, 313 B', 354 B. — Melodiis se ad fervorem incitabant Prophetæ, 313 A'. — An dæmones valeat exturbare, 353 C.

N

NAAS, rex Ammon et Moab, 494 B, crudelissimus, 319 B. — Obsidens Jabes Galaad, 318 D', a Saule devincitur, 320 B'. — Benigne David suscipit, 494 B. — An ille sit rex Moab cui David parentes commisit, 494 A'. — Diabolo assimilatur, 321 B.

NABAL, vir Abigail, de genere Caleb, 395 C, malitiosus, 395 C; ubi habitaverit, 394 D'. — Davidi injuria illata, 396 A, infelicitè obit, 399 B'. — Nabal stultus interpretatur, 397 B'. — Tropologice, prælatos iniquos figurat, 401 A.

NABOTH, quis fuerit, 724 B. — Vineam regi vendere nequibat, 722 D'. — Injuste a Jezebel occisus, 723 B', fuit martyr justitiæ, 723 D', et a Deo dire ultus est, 724 A'. — Sanguis ejus, ubi effusus, 724 A'. — Stulte putant Judæi animam ejus venisse ad decipiendum Achab, 729 A'. — Vineam Naboth, quo jure regi cesserit, 724 A. — Filii Naboth cum patre interfecti sunt, 724 B.

NABUCHODONOSOR potentior fuit Salomone, 602 B'.

NATHAN, propheta, discipulus Samuelis, 400 D', et filius David adoptivus, 462 A. — In responsione incantus invenitur, 474 C. — Adulterium David impedire nequit, 498 B', sed argute illud castigat, 503 C. — Adoniæ conjugationem dissipat, 585 A; et Salomoni judicium Dei significat, 669 C'. — Regum libros complevit, 400 C'. — Filii ejus a Salomone honorati, 607 B.

Nathan alius, 462 A, fuit filius David et Michol, 447 A.

NATHINÆI. Sic vocati sunt Gabaonitarum posterii, 56 B. — Lignum et aquam in templum deferabant, 55 D', et victimarum membra in piscina probatica lavabant, 637 B.

NAZARÆI. Alii erant ad tempus, alii in perpetuum, 181 D', 252 C. — A variis abstinebant, 182 A', et caput eorum semper intonsum manebat, quare, 181 A. — Samson, cur dictus sit Nazaræus ab utero, 181 B.

NEOMENIA. In calendis seu neomenia fiebat epulum, 307 D', 374 D, de quo mundi tantum

edere poterant, 374B'. — Mystice, quomodo a Christianis celebranda, 376A'.

NEPHTHALI tribus. In sorte ejus fuerunt XIX civitates, 88B. — Ex ea prodiit Tobias, 88B. — A Debora laudatur, 139D. — Gedeoni adhæsit, 147B'.

NOBE, civitas sacerdotalis, 377A. — Ibi receptus est David, 377A, et pastus, 378D; ideo a Saul subversa est, 383A'. — An subversio ejus Davidi imputanda, 383B'.

NOEMI, socrus Ruth, mulier satis indevota, 226C', in consiliis suis ad Ruth peccasse videtur, 234A, A'. — Noemi pulchra interpretatur, 227B'. — Spiritualiter, Ecclesiæ typum gerit, 228C, et Synagogæ, 232D.

NOMEN sæpe pro fama sumitur, 482A, vel pro monumento, 489A', C'.

NOTHUS, quomodo a spurio et manzere differat, 355C.

NOX tempus est revelationibus aptissimum, 474A', 599C'. — Nox intempesta, quid sit, 604A. — Moraliter, figura est V. T. et vitæ præsentis, 236B.

NUBES. Columna nubis ante Jordanis transitum defuit, 19A'. — Nebula templum implens, 646A, et quæ gloria Dei dicitur, 646B, utrum tenebrosa an lucida, 646B. — Causa fuit cur a multis Deus in templum localiter descendisse crederetur, 650A. — Deus in nube habitare dicitur, quare, 646A'. — Moraliter, quid nube designetur, 655B'.

NUDUS. Sic in Scripturis nuncupatur parum vestitus, 371C.

NUMERUS ternus sæpe pro indeterminato sumitur, 9B'. — Septenarius, in Hebræo, quid significet, 262B, 625D'. — Tricesimus, perfectionis est, 464A. Tricesimus ætatis annus aptus est ad præsidendum, 458C. — Quadragenarius, poenitentiae figurativus, 642C. — Centenarius perfectionem significat, 155C'. — Quo instigante facta sit populi dinumeratio sub David, 572A, A', et quot reperti fuerint, 573D. In hac recensione dupliciter contra legem actum est, 574A.

O

OBED, filius Booz, qua virtute progenitus, 240A. — Quid significet, 240B'.

OBEDEDOM, quis fuerit, 468C. — A Deo benedictus est, deposita apud eum arca, 468A'.

OBEDIENTIA commendatur, 346A, 349C'; verumtamen contra jus, est vitiosa, 723C'. —

In sensu lato, superioribus etiam competit, 59B'; imo Deus ipse quandoque obedire dicitur, 59D. — Obedientiæ exempla in Josue laudantur, 65C, et in Samuele, 278C', 281D'.

OCHIOZIAS, filius Achab, quo anno regnaverit, 732A. — Fuit impius et idololatra, 732C.

OCULUS. Evagatio oculorum plurimum nocet, 501D; et est stultitiæ indicium, 501C'.

ODOLLA urbs et spelunca. Ibi requievit David, 381A. — Mystice quid, 383D'.

OG, rex Basan, ultimus fuit de stirpe Raphaim, 71A'. — Regnum ejus describitur, 69A'. — A Moyse occisus est, 68D.

OLIVA, quo sensu Deo et hominibus utilis dicatur, 163B. — Oliva arborum principatum recusans, quid significet, 163B.

OPHIR, provincia Indiæ, 659B'. — Quomodo ibi invenitur aurum, 659C'. — Inde classis Salomonis multa pretiosa advexit, 659B', 661B'.

OPHNI. *Vide* Heli filii.

ORACULUM in Scripturis varia significat: templum, 615C', 618A; Sanctum sanctorum, 615C'; locum arcæ, 619B; sed præcipue operculum arcæ, seu propitiatorium, 465D', 480D. — Oraculum, quid sit proprie, et quomodo a visione et somnio differat, 603D. — In oraculis consulebat Deum pontifex, 408A', coram arca, 465D, per ephod, 385A, 445C'; responsio Dei per angelum ad sacerdotem fiebat, 438D. Propter peccata sæpe denegabatur responsum, 277B, 338C, 408A'. — *Cf.* Sanctum sanctorum, Somnium, Visio.

ORATIO. Quomodo sit orandum, 258B'. — Illa præcipue efficax est oratio in qua multoties idem sensus exprimitur, 252C. — Ad orandum seorsum recedere confert, 510D'. — Quo sensu orare liceat ut verificentur promissiones Dei, 255C'. — Orationes peccatorum aliquando ad suam perniciem exaudiuntur, 303B', ideoque in multis sub conditione tantum orare debemus, 303C'. — Salomonis oratio in dedicatione templi, 648C, septem petitiones complectitur, ut Oratio dominica, 650A.

OREB, dux Madianitarum, interficitur, 154A'. — Ab illo nomen accepit petra Oreb, 154A'.

ORIGENES, qui et Adamantius dicitur, 151D', mirifice laudatur, 46B. — Sæpius citatur, 47D, 57A', 66C, 67B, 76C, etc.

ORNAN, seu Areuna, Jebusæus, proselytus, angelum videt, 575D'. — Aream in monte Moria habebat, in qua altare David extruxit, 576B.

ORPHA, nurus Noemi, 225A', noluit in Judæam cum socru transire, 226C'. — Dicitur etiam Arapha, et facta est mater gigantum, 558A.

OSTIENSIS (Henricus de Bartholomæis) episc. et card., auctor Summæ aureæ, allegatur, 360D'.

OSTIUM. Varia templi ostia describuntur, 617B, 621A, C, C'. — Mystice quid, 624A, 625D, B'.

OTHONIEL, frater Caleb, peritus in lege, 114D. — Quo jure neptem duxerit, 79D. — Expugnat Cariathsepher, 78C, et Hebræos a servitute Chusan liberal, 124D. — Sub eo Israelitæ bene vixisse creduntur, 124B'. — Moraliter, quid figuret, 80A, 126B.

OTIOSITAS multis fuit origo peccandi, 502C. OVIS inter puriores victimas reputata, ad majora sacrificia reservabatur, 644A'.

OZA, filius Abinadab, sustinens arcam a Deo percussus, 467A; quare, 467D. — Salvatus creditur, 468A. — Tropologiee, quid significet, 471C'.

P

PALMA. Civitas Palmarum, quæ, 114B, 127B. Cf. Jericho.

PANIS. Tria erant apud Hebræos panum genera, 377C'. — Panes propositionis, qui, 377B'. Quolibet sabbato, duodecim ante Dominum apponebantur, 638B, in memoriam xii tribuum Israel, 638C. Lege communi a laicis comedi non poterant, 378B, nisi tantum in casu necessitatis, et a mundis, 377C'. Mystice quid, 380A', 642B'. — Panis nomine, apud Hebræos quæcumque cibaria designantur, 157C, 182D', etc.

PAPIAS, lexicographus, 661C'. (Migne *Patrol. lat.* tom. 141, col. 1437.)

PARABOLA aliquando etiam de re gesta dicitur, 517B'. — Salomonis parabolæ multæ; a Chaldæis combustæ videntur, 608C', 609D'. — Exponuntur parabolæ Joatham, 462D', Nathan, 503C, Thecuitidis feminæ, 518A, et Michææ prophetæ, 721A', 728A.

PARENTES. Cur eorum peccata in filios innocentes vindicet Deus, 274C', 343B', 451A, 556C'. — Parentibus valedicere, ante Christum laudabile, post Christum vero non ita, 714D. — Sicut benedictione digni sunt qui filios Deo consecrant, 275C', sic maledictione qui eos a servitio Dei retrahunt, 276A.

PASCHA Hebræorum triplex, quid mystice, 32A'.

PASSIONES animæ vultu manifestari solent, 253D. — Rationis judicium subvertunt, 382D, et verba ipsa plerumque detruncant, 563B'. — Passiones appetitus sensilivi, temporis lapsu decrescunt, 516D; sed corpori multum nocent, 511D.

PATIENTIA in adversis sæpius commendatur, 258A', 511A, 529A', 533D'. — Per patientiam sapientia viri noscitur, 473A.

PAULUS (S.) eremita a Deo mirabiliter nutritur, 698B'.

PAULUS Simplex. Mira ejus simplicitas, 701C.

PAULUS (Rabbi), Judæus conversus, episcopus Burgensis, 193B', 262C, etc. — Communiter Lyre contradicit, 262C, 304B, 478D, 593D. — Sæpius et ipse carpitur, 304A', 420D', etc. et inconsiderationis arguitur, 707D, 712B, 722B'.

PAUPER. Oppressio pauperum, peccatum clamans ad Dominum, dire vindicatur, 510B. — Sæpe ad prælaturam pauperes a Deo evecti sunt, 262D'. — *Adde* Mendicitas.

PAVO, avium genus, quid sit ad litteram, 663D', 667D', et mystice, 668A.

PECCATUM. In hominum peccatis, quid Deo sit attribuendum, 531C'. — In omni peccato mortali contemptus Dei implicite vel explicitè includitur, 504D', 510B'. — Peccata in Deum, quæ, 271C. Sunt ceteris graviora, 271A. — Periculo peccati non licet se objicere, 137D'. — Quænam peccatorum remedia, ante et post Baptismi institutionem, 91A. — Peccatum omnino inultum esse nequit, 347D; et, si non deleatur, semper ad graviora trahit, 502B, 676D'. — Semper, adjuvante Deo, a peccatis resurgere possibile est, 67D. — Peccatum proprium confiteri, Deum laudare est, 47C. — Non injuste unius culpa in alium vindicatur, 44C; ut parentum in filios et nepotes, 274C', 343B', 451A, 556C'.

Anima peccatrix adultera est, et meretrix diaboli, 606A'. — Duo peccantium genera, 606A'. — Peccator unitatem nescit, 258C', et quietem, 298A; spinis comparatur, 563D', et merito, 564C. — Frequenter a pari punitur, 390D; et ejus finis, ut plurimum, miserrimus, 537B'. — Peccatores multimodis Deus ad se revocat, 519A', nec penitus unquam in hac vita deserit, 519C'. — Peccatori cur sit propitiandum, 519B. — Juxta

- circumstantias mitius tractari potest, 514B'; sed, etiam absolutus, non statim ad familiaritatem Dei admittendus est, 523B'.
- PECUNIA, unde nomen hauserit, 103C'.
- PECUS. Cur propter hominum delicta, pecora olim occiderentur, 343B', D'.
- PELTA, quid sit ad litteram, 627D', 663A, et mystice, 666C'.
- PERFECTIO. Sunt plura perfectionis genera, 100B.
- PERSECUTIO. Aliquando persecutionem declinare licet, 698D. — In persecutorum actibus, quid sit Deo attribuendum, 531C'.
- PESTIS peccatis David excitata, 574D', prece ejus compescitur, 575D. — Quamdiu duraverit, 574D', et quot percusserit, 575C.
- PETRUS apostolus primus gentilitatem invasit, et factus est princeps militiæ christianæ, 464B. — Varie præfiguratus est: per Salomonem, 596C', 597A, Jesbaam, 570A, et columnas templi, 639B.
- PETRUS COMESTOR, auctor Historiæ scholasticæ, sæpius allegatur, 128D, 253C', 354C, etc. *Adde* Magister in historiis et Historia scholastica.
- PHALTIEL, vir timoratus et in lege peritus, a Michol abstinuit, quæ ei tradita fuerat, 400B', 448C'. — Non fuit vere ejus maritus, 448B'. — Cur flens eam dimiserit, 448C'.
- PHANUEL civitas. Ibi luctatus est Jacob cum angelo, 157C'. — Ob habitatorum duritiam, 157C', a Gedeone subversa, 158C, a Jero-boam reædificata fuit, 680D'.
- PHARAO, nomen commune regum Ægypti, 379D', quid significet, 673B. — Pharaon dat Salomoni Gazer et alias urbes, 658D.
- Filia Pharaonis, uxor Salomonis, 598A, C, primaria et prædilecta, 628A, filium habuisse non videtur, 689D. — Illi Salomon splendidam extruxit domum, 628A, 659A. — Tropologice, figurat Ecclesiam, 605B.
- PHENENNA, uxor Elcanæ, 250C, superba et ingrata, 251C, Annæ molesta fuit, 251B. — Quæ ejus punitio, 261C'. — Nascentibus Annæ filiis, dicuntur filii Phenennæ obisse, 261D'. — Mystice, typus est Synagogæ, 256D', et vitæ activæ, 258A.
- PHIALA, vas templi, quid ad litteram, 638B', et mystice, 642D'.
- PHILISTÆI, acerrimi hostes Israel, 185C. — Bellicosi et fortes, 339B', per centenos et millenos ordinabantur, 413C. — Quinque majora oppida habebant, et alia minora, 290B. — Eorum reges Abimelech vocabantur, 379D'. — Variis in Judææ locis stationes constituerant, 313D, e quibus tyrannice dominabantur, 331B'. — Sæpissime cum Hebræis bella gesserunt, 114A', 192D, 282A, 328B', 334A, etc. — Propter arcam Dei divinitus plagati, 286D, quid consilii capesserint, 288A. — Moraliter, varia designant, 185C, 200D, 284D, 341A', 387D, 464C'.
- PHILOSOPHI. Eorum commenta, quantavis venustate exposita, contemnenda sunt, 47D.
- PHINEES, filius Eleazar, patri suo in pontificatu succedit, 111B. — Quomodo Deum consularet, 111B. — Stulte fabulantur Judæi cum fuisse angelum, 119A, 144B, et ccc annis vixisse, 169B, vel a mortuis resurrexisse, 272A.
- Phinees alius, filius Heli. *Vide* Heli filii.
- PIUS (S.) Papa allegatur, 393D. (In Jure.)
- PLATONICI, quid de dæmonibus senserint, 353D'.
- POENA. Hujus vitæ pœnæ variis de causis permittuntur, 148C, et sunt medicinales, 274C'. — Mala pœnæ interdum innocenti ad ipsius bonum irrogantur, 44C'; et non injuste alii pro aliis temporaliter castigantur, 44C; mala autem culpæ innoxiiis nunquam infliguntur, 505B. — Non raro per peccatores vindictam exercet Deus, 390D. — Per quæ quis peccat, per hæc et punitur, 506A'. — *Cf.* Filii, Parentes, Peccatum.
- POENITENTIA, de pœna peccato debita plus minusve aufert, 505D'. — Non nisi a speciali Dei gratia procedit, 507B. — Ex metu malorum pœnalia orta, non sufficit, 651A.
- POLENTA, quid sit ad litteram, 30A', 356A', 396B', et mystice, 32C'.
- POMPEIUS Magnus, clementiæ laudator, 322A'.
- PONTIFEX, circa cærimonialia et judicialia dispensare poterat, 521D'. — Illius erat responsa Domini dare, 338C, 408A'. — In ejus unctione per septem dies fiebant sacrificia, 314D. — Pontificatus, primo filiis Eleazar concessus, 224B, postmodum ad stirpem Ithamar translatus est, 224A, et rursum ad progeniem Eleazar rediit, 224C, 273C, post quinque generationes, 594A. *Cf.* Heli, Sadoc.
- POPULUS quodammodo supra principem est, et potest eum deponere, 88D'. — Non injuste plectitur ob delicta regis, 410C', vel paucorum, 555A'. — Anguli populi, quid, 338B. — Pro qualitatibus populorum disponuntur corda regum, 576B'; et a conver-

satione regis. salus vel ruina populorum, 617D'.

PRÆCEPTUM. A divini transgressione præcepti difficulter quis excusatur, 686B'.

PRÆDICATIO ad mensuram dispensanda est, 281B. — A peccatoribus, propter delicta, tollitur, 655D'. — Prædicatores plastro comparantur, 292C. — Illis commendatur ars sagittandi, 435C' : quænam eorum sagittæ, 376B'. — Ad orationem frequenter recurrere habent, 275A. — Peccat sermocinando prædicator non implens quæ docet, 497A'.

PRÆLATUS. Fugienda est prælatio, 276C, quia periculosa, 317D, 436D, 533C', et multi in ea pereunt, qui in subiectione salutem consecuti essent, 436A'; ideo Sancti eam constanter abhorrerunt, 167B'. Periculosissimum est ad eam anhelare, 529B, et de ea minime extolli oportet, 332B.

Prælati per civitates refugii significantur, 90D', 91B', et plastro comparari possunt, 292C, 471C. — Sunt quodammodo anguli plebis, 212C, sponsi Ecclesiarum, 244D, regula gregis, 333C', et propinqui subditorum, 237B'. — Ex eorum bona conversatione pendet prosperitas populi, 98D, 122B, 299A', et sæpe a Deo inspirantur erga subditos, 253C; ideo præcipuum divinæ dilectionis signum est bonum habere pastorem, 661A', et post mortem valde est deplangendus, 435B'. — Ad prælaturam semper eligendus est melior, 306A, et graviter peccant qui bonum repellunt, 348C. — De boni prælati dotibus, 257C'. Boni pastoris est : ceteros antecedere virtute, 7B', et humilitate, 44C, 52A'; legem integre servare, 44D', ut semper conversationem teneat piam, 12B, et exemplarem, 52D. Quantum fieri potest, per seipsum gregem pascere debet, 299C', aut saltem per auxiliares idoneos, 332C', 342C', 570B; subditorum correctioni invigilare, 326A; verbis instruere, 326D, 641D, ut armis muniantur, 333A'; plebi dilectionem impendere, 368A', curam agere defunctorum, 455B', et domesticorum, 472C'. Maxime ipsi proderit propriam quandoque dissimulare injuriam, 348C', hominibus non nimium placere velle, 349C, et successores idoneos providere, 486B, 596C. — Quid, plebe prævaricante, agere debeat, 46D', 327A. — Bono prælato imprimis competit pietas, 316C', misericordia, 322A', magnanimitas, 344D,

fortitudo, 333C', zelus, 570C', sapientia, 605D, orationis studium, 275A, et cardinales virtutes, 640A. — Quantum gregi noceat pastoris carentia, 208B. — Sæpe malis populis mali dantur prælati, 167B'; et sub malo pastore fame laborat vulgus, 708C. — Prælati negligentes, stultissimi, 401C; nomine tantum pastores sunt, 248C; valde peccant, 559A'; ipsis subditorum imputantur peccata, 276B; et officio suo privari merentur, 242A. — An sint denuntiandi, 393B. — Prælati prudenter et modeste corripiendus est, 509C. — Cf. Subditi.

PRESUMPTIO, quantum Deo displiceat, 154D', et periculosa sit, 722B.

PRIAPUS, deus hororum, a mulieribus maxime colebatur, 694A'. — Ejus simulacrum et cultus, 694B'.

PRISCIANUS, grammaticus, 663B.

PROCESSIO non prodest, imo obest, sine morum emendatione, 284D'. — Processiones reverenter faciendæ sunt, 34B', 38D'. — Per arcæ deductionem præfigurabantur, 472D.

PROMISSIO interdum fortius ligat quam iuramentum, 494D. — Promissiones Dei sæpe sub conditione sunt intelligendæ, imo oratione nonnunquam promerendæ, 483B', 706C'. — Promissa Davidi et Salomoni bona ad spiritualia potissimum referenda sunt, 478A'; insuper alia absolute, alia sub conditione repromittuntur, 563A', 590A.

Promissionis terra. Qui ejus limites, 6C', 607D'. — A pluviis fertilitatem exspectabat, 78A'. — Successive Hebræis tradita est, 92B'. — Inter tribus a quibus divisa, 73B, sub quo respectu, 84C', et quomodo, 85D. — Duplex ejus partitio, mystice quid, 72B', 86B. — Vituperandi sunt qui de ejus amissione non dolent, 285B'.

PROPHETIA duplicis generis est, 483C'; sed semper angelorum ministerio communicatur, 562A'. Spiritus prophetiæ non est semper in Prophetis, 474C. — Clarissima in David fuit prophetica revelatio, 562D'. — Prophetiæ gratia bonis et malis communis est, 684C', nec est mirum si reprobis transitorie prophetet, 371B'. — Prophetiæ obscuritas per hordeum significatur, 233A.

« Propheta » diversimode accipitur, 313C', 366A, 528A. — Prophetæ olim Videntes nuncupabantur, quare, 307D. — Ordinarium erant Dei oraculum ad populum, 280D'. — Ex dispensatione divina, sacrificia offerre pote-

rant, 184A, et ephod portabant, 270C. — Missio in Prophetis, quid significet, 343A, 687C'. — Musicis instrumentis in se fervorem excitabant, 313A'; et plerumque visione Dei terrebantur, 184D. — Frequenter, non verbis, sed rebus futura indicabant, 672B. — Prophetarum scholæ a Samuel sunt institutæ, 313C'. — Non licet Prophetæ prophetiæ pretium accipere, 307A. — Etiam ex gentilibus vatibus doctrinam haurire possunt fideles, 156A'. — Liber Prophetarum, pars Scripturæ, quid contineat, 247.

Propheta innominatus, missus ad Jeroboam. *Vide* Addo. — Item, Propheta anonymus missus ad Achab. *Vide* Michæas. — Pseudopropheta decipit Addo prophetam, 684B. PROPITIATORIUM, seu tabula aurea arcam cooperiens, 465C', erat quasi sedes Dei, ex qua responsa dabat, 465C', 480D. *Cf.* Oraculum.

PROPRIETAS. Liber de Proprietatibus rerum (fr. Bartholomæi Angli, dicti de Glanvilla,) allegatur, 661C'.

PROSPERITAS temporalis sæpe justis conceditur, 74D'; verumtamen non est condignum virtutis præmium, 590A.

PROVERBIA nonnulla hebraica enodantur: Num et Saul inter prophetas, 314D', 371D'; Ab impiis egredietur iniquitas, 390C; Cæcus et claudus non intrabunt in templum, 460C'; Qui interrogant, interrogent in Abela, 552C'.

PRUDENTIA vera non nisi virtuosus inest hominibus, 511D'. — Ipsi aliæ virtutes connexæ sunt, 601B; et prima pars ejus est docilitas, 601A. — Variæ species prudentiæ enumerantur, 601D. — Prudentia carnis, quid sit, 66D'. Valde communis est, 67A, et vana, 537B', et inimica est Deo, 472D'.

PSALMUS. Quæ Psalmorum excellentia, 562B. — Psalmus xvii explanatur, 560A. Cur solus in Regum historia insertus sit, 561B'. — Psalmus lxxi ad litteram, non de Salomone, sed de Christo intelligendus est, 447A.

PULCHRITUDO multiplex est, 522D. — Ad pulchritudinem tria requiruntur, 433C, 522D. — Quidam viri de pulchritudine laudantur, ut Saul, 316B, 433B, Jonathas, 433B, David, 352A, B', Absalon, 522C.

PYTHO, seu Apollo, inventor artis pythonicæ, 408D'. — Ars pythonica, quæ, 408C'. — A mulieribus potissimum exercebatur, 408D'; sed lege prohibita fuit, 408B, 409A. —

Pythones reapse non suscitabant mortuos, 409C; sed dæmon imaginariam defuncti effigiem efformare poterat, 412B; verumtamen non repugnat mortuum evocatoris voluntati obtemperare, 412A. — Nemo evocari poterat, nisi recenter mortuus, 409A'; insuper evocante rege, mortuus a capite apparebat, ceteroquin a pedibus, 409C'. — Pythonissa Endor, quæ fuerit, 409B, et an reapse Samuelem comparere fecerit, 411C'.

Q

QUADRAGESIMA ad spirituale prælium præcipue deputatur, 501B.

QUÆSTIO. Liber de Hebraicis quæstionibus a S. Hieronymo non videtur conscriptus, 568A. — Sæpius allegatur, 525A, 576A'.

QUERCUS Sichem, quo jure in sanctuario Domini steterit, 102C. Juxta eam rex constitutus est Abimelech, 162C'. — Quercui inhærens Absalon, 539A', interficitur, 539D'.

R

RABANUS (Maurus) episc. Moguntinus, citatur, 371B', 573A', 627D, 678B. (*Migne Patrol. lat.* tom. 107-112.)

RABBATH, metropolis Ammonitarum, urbs populosa valde, 508D. — Ibi occisus est Urias, 498A, 499C'. — A David expugnatur, 508A'. — Mystice quid, 511B.

RAHAB Jerichuntina, quæ fuerit, 14A. — Ob suam erga exploratores Josue misericordiam, 14B', 15D', a clade urbis erepta est, 36D, et Salmon nupsit, 36C'. — Venialiter peccavit mentiando, 14C'. — Quodammodo prophetissa facta est, 15B; et magis meruit Hebræis adjungi quam Gabaonitæ, 57A'. — Spiritualiter, typum gerit gentilitatis, 17A, et Ecclesiæ, 17D, 38A'.

RAMA urbs, a Baasa constructa, 692C, ab Asa destruitur, 692C'.

RAMATHAIM, patria Samuelis, cur sic dicta, 249A. — Alio nomine Arimathea nuncupata est, 249B. — Ibi Samuel mansit, 297B, et altare construxit, quo jure, 297A'.

RAMOTH Galaad, urbs refugii, in tribu Gad, a Syris occupata, 726C. — Ibi mortuus est Achab, 730A.

RAPHAÏM, populus giganteus, habitabant in Astaroth et Edrai, 69B'. Ab Hebræis deleti sunt, 71A'. — Vallis Raphaim, prope Jeru-

- salem, 462D. Ibi pluries cæsi sunt Philistiim, 462D, D'. — *Cf.* Og.
- RAZON, ex latronum duce, factus rex Damasci, 671A, adversatur Salomoni, 671B. — Quid mystice, 677C.
- RECHAB et Baana, duces exercitus Isboseth, 456B, regno Miphiboseth oblato, 456C, Isboseth dolose interficiunt, 456B'. — Quæ eorum pœna, 457A. — Tropologice, gulam et libidinem significant, 457B'.
- REFUGIUM. Urbes refugii constituuntur, 89C. — Cur omnes ad Levitas spectaverint, 91A', et quare ex his media pars trans Jordanem electa fuerit, 90D, et in montibus, 91A'. — Dicuntur etiam urbes fugitivorum, 89C. — Huc casu homicida confugiebat, 89D, et exposita senioribus causa, 89C', a vindicta tutabatur, 89D', donec iudicibus urbis propriæ præsentaretur, 90A. — Absolutus, ibi remanebat usque ad mortem pontificis, 90B, quare, 90A'. — Moraliter, varia designant, 90C'.
- RELIGIOSI a Levitis figurantur, 72C'. — Equum est eos a fidelibus sustentari, 72D'. — Eis dæmones potissimum insidiantur, 392B. — Quantum eis noceat sæcularium conversatio, 425B'. — Religioso extra claustrum mente evaganti instat confusio, 597D'. — Religiosi ibicibus comparantur, 392C, et pavonibus, 668A.
- REMIGIUS (S.), episc. Remensis, suis persecutoribus maledixisse legitur, 451C.
- REPUDIUM, licet Judæis concessum, peccato non carebat, 500A'. — An bellatoribus fuerit mos uxoribus libellum repudii dare, 356C', 500C.
- RESPHA, quo sensu concubina Saulis vocetur, 447B. — Pulchra fuit valde, 447C. — Propter eam Abner a parte Isboseth defecit, 447D. — Duobus filiis ejus crucifixis, 557A, quo zelo eos in patibulo custodierit, 557D. — Tropologice, lascivas feminas signat, 454A.
- RESURRECTIO. Mortuos suscitare Dei proprium est, 701B'. — Licet Elias defunctum suscitaverit, multo magis gloriose Sancti N. T., 701B'. — Mortuum suscitasse reprobus nullus legitur, 702B. — *Cf.* Elias, Mors, Pytho.
- REVELATIO, a primordiis usque ad Christum clarius semper evasisse dicitur, an recte, 279C. — Revelationes ministerio angelorum fiunt, 599B', et potissimum nocte, 599C'.
- REX. Deus solus rex Hebræorum haberi voluit, quare, 304D'. — Petitio populi regem sibi postulantis, si fuerit peccatum, 303C', cur exaudita, 304A'. — Non nisi duobus conditionibus rex Hebræis concessus est, 303A', concessus, non præceptus, 304B'. — In unctione regis, immolabantur sacrificia, 314C, et regi noviter instituto dona offerebantur, 316B'. Unctio fiebat in capite, in modum coronæ, 586B'. — Apud Hebræos reges sacerdotibus præstantiores erant, 49C'; legis pœnalia augere poterant, 504C, et in quibusdam Dei præceptis, dispensare, 521B, D'. — Quamnam eorum jura, 302B, A'. — Illis ob figurativas rationes concedebatur polygamia, 464D.
- Reges nunc sacerdotibus inferiores sunt, 596D'; ideo non illis competit in clerum jurisdictio, 596D'. — Sunt quasi anguli populorum, 338B, quorum salus vel ruina a regis conversatione pendet, 617D'; nam regum peccatis regna eradicantur, 677A'. — Regem ceteros virtute et sapientia excedere oportet, 564B'. — Eum maxime decet misericordia, 322A', circumspectio, 589C, B', clementia, 720A', zelus in templis et ecclesiis, 484B. — A nimia credulitate absteineat, 495D, et a falsa clementia, 722A'. — Quanta damnatio improbos reges maneat, 696C'. — Reges citius ceteris senescunt, 582D, et plerumque ad prælium inepti sunt, 719B'. — Illis permittuntur solatia et melodiæ, 549D'. — Raro corripientem sustinent, 732D. — *Cf.* Populus, Subditi.
- Libri Regum, quomodo dividantur et vocentur, 245, 579; et quid contineant, 425, 579. — Partim a Samuele, partim a Jeremia conscripti sunt, 246, partim etiam a Nathan vel alio Samuelis discipulo, 400C', ex diversis Prophetarum dictis, 732B. — Horum librorum excellentia, 256C.
- RHAMNUS in parabola Joatham, quid allegorice, 463B', et mystice, 467B'.
- RICHARDUS (a S. Victore), 359B, 392D', 715A.
- ROBOAM, filius Salomonis, rudis et superbus, 678D', duro responso a se repellit populum, 679D. — Tres tantum tribus illi adhærent, 680A'. — Propter sua delicta, 689D, a Sesac devincitur, 689C'. — Quid mystice, 682A'.
- RUBEN jus primogenituræ amisit, 73D' — Tribus Ruben, quam sortem consecuta, 71D'. — A Josue laudata, 93B, a Debora suggillatur, 439A. — Nullum ducem dedit Israeli, 475A. — Quid moraliter, 42B', 26A'.
- RUBIGO, quid sit ad litteram, 651D, et mystice, 656A.

RUTH Moabitis, quo tempore vixerit, 223 B, et an credenda sit filia regis Moab, 225 A'. — Laudantur ejus constantia, 226 D', humilitas, 230 B, 231 B, B', verecundia, 230 C', et operositas, 231 A. — Qua arte Booz ad conjugium induxerit, 234 B'. — Non videtur a fornicationis concupiscentia excusanda, 234 C', et agendi modus reprehensibilis fuit, 234 A', 235 B'. — Forsan supernaturaliter concepit Obed, 240 A. — Quid mystice, 229 A', D', 232 D, 236 A, 241 B', D'.

Liber Ruth, cur sic dictus, 221. Post David scriptus est, 241 A.

S

SABA regio ubi sit, 660 A. — Mycaula, regina Saba, 660 A, mulier prudentissima, 662 C, Salomonem invisit, 660 A, et miratur, 660 B'. — Salomoni dat radicem balsami, 662 B, et lignum Crucis indicat, 662 C. — Allegorice, Ecclesiae typum gerit, 665 A.

SACERDOS. Indifferenter ex Eleazar et Ithamar filiis sacerdotes assumebantur, 224 B. — Eorum manus, in signum consecrationis implebantur, 203 B, 686 A. — Illis erant pascualia prædia quæ sibi invicem vendere poterant, 593 B'; et partem in plerisque sacrificiis obtinebant, 269 B', 272 B'. — Olim regibus inferiores erant, nunc sunt superiores, 596 D'. — Optimates quondam « sacerdotes » vocabantur, 553 D', 607 C. — Sacerdotes Nobe a Saul occiduntur, 383 D. — Sacerdotes Philistinorum quo spiritu sanctum consilium dederint, 291 A'.

Sacerdotes sunt Ecclesiae oculi, 46 A', et manus, 46 B', mediatores inter Deum et homines, 383 C. — Ipsorum est delinquentes viriliter corripere, 46 B. — Avaritiam fugere debent, 73 A, castitati et sobrietati studere, 275 B'. — Quanta ab eis requiratur munditia, 472 A. — Verba sacerdotis : Dominus vobiscum, unde desumpta, 230 B'. — Sacerdos malus abscindendus est, 46 B'.

SACRIFICIA. Quid sint holocaustum et pacifica, 49 D, 96 A. — Victimæ humanæ nunquam ad sacrificia admissæ sunt, 175 D. — A Prophetis licite offerebantur sacrificia, 184 A. Quo jure a Gedeon oblata sint, 146 C, 147 A, et a Manue, 183 D'. — Templo nondum erecto, ubicumque licebat immolare, 598 C', quanquam hoc minus fuerit perfectum, 599 B; imo, templo stante, illud non videtur sub

gravi vetitum fuisse, 691 C'. — Usque ad horam sacrificii vespertini legitime sacrificabatur, 330 C. — In plerisque sacrificiis pars victimæ sacerdotibus cedebat, 269 B', 272 B'. — Sacrificia legalia delere valebant peccata, 91 A, et coram arca, ceteris paribus, meritoria magis erant quam alibi, 600 B. — Ignis de cœlo super Sanctorum oblationes frequenter cecidit, 705 B. — In unctione pontificum et regum per septem dies fiebant sacrificia, 314 D. — Quanta ad N. L. sacrificium munditia requiratur, 472 A.

SADOC, sacerdos, an fuerit propheta, 528 A. — Comitatur David fugientem, 527 C', et Salomonem ungit, 586 A'. — Pontifex, loco Abiathar, constituitur, 595 A'; et in ipso pontificatus ad stirpem Eleazar rediit, 595 B'.

SAGITTA, in Scripturis varia significat, 435 D'. — De tribus prædicatorum sagittis, 376 B', 435 C'.

SALMANA, unus e Madianitarum regulis, 157 C, a Gedeone comprehensus, 157 D', interficitur, 158 C.

SALOMON, patri suo David divinitus promissus, 476 C, 477 B, dictus est Jedidiah, 508 C, et Salomon, quare, 508 A. — A Nathan propheta educatus, 508 C, in arte physiognomiae peritissimus fuit, 671 A'. — Fratrum minimus, et duodecennis dumtaxat, 591 B', in regem ungitur, 586 A, A'; verumtamen, vivente patre, prorox tantum fuit, 592 B; unde bis unctus fuisse legitur, 590 B. — Cur modo vir, modo puer vocetur, 591 B', 600 B'. — Filiam Pharaonis ducit, 598 A, quo jure, 598 D. — Sapientia Salomonis, quanta, 601 D. Quomodo eam acceperit, 599 B'. Duarum meretricum litem solerter componit, 602 D'. Cum Hiram ænigmatibus concertat, 659 D'. Parabolas et carmina multa dictat, quæ combusta a Chaldæis fuerunt, 608 C'. An fuerit cunctis hominibus sapientior, 601 D. — Quæ ejus potentia, 607 D. Auxiliante Pharaone, multas urbes occupat, 658 D. An omnium fuerit regum potentissimus, 602 A'. — Divitiæ Salomonis, quantæ, 662 B'. Ex India aurum advehit, 659 B', 663 C'. Quot currus ejus et equi, 664 B. An peccaverit, tot opes congerendo, 664 D. — Quæ ejus magnificentia, 608 A. Quo apparatu incesserit, 627 C', D'; quo sumptu templum construxerit, 611 A' (*vide* Templum), palatia, 626 B (*vide* Domus), supellectilem, 629 B, 662 C' (*vide* Scuta, Thronus). — Urbes xx Hiram

concedit, 637 C'. quo jure, 658 A. — Reginam Saba recipit, 660 A. — Oratio ejus in dedicatione templi explanatur, 648 C. Septem petitiones complectitur, ut Oratio dominica, 650 A. — Fuit filius Dei adoptivus, 477 B', qui cum specialiter dilexit, 508 A. et ei, utpote prophetae, multoties apparuit, 599 B', 656 D. — Bene vivendo vitam longam promeruisse, 603 A; sed ex otio et opulentia nimia lapsus in luxuriam, 668 B, 669 A', et idololatriam, 669 A, ob tria idola, tribus hostibus lacessitus est, 677 A; regnum ejus scissum est, 669 D', et ipse quinquagenarius, vel circiter, obiit, 673 C'. — Uxores ejus multae nimis, 668 C'; concubinae ejus pellices erant, 669 A. Attamen idolis non vere credidit, 669 B'. — Qua aetate coeperit regnare, 673 A', Roboam genuerit, 674 D, depravari inceperit, 673 C', 675 A', et quot annis regnaverit, 675 B. — An illum vere poenituerit, 486 D, et sit salvatus, 478 B, 486 C. — Allegorice, multipliciter figura fuit Christi, 609 B, 612 D', 622 D, et Petri apostoli, 596 C', 597 A. Quid thronus ejus, 666 D', et classis, 667 B'.

Liber Verborum dierum Salomonis, quid, 673 C.

SALPHAAD. Filiae ejus sortem in tribu Manasse obtinent, 82 C.

SAMARIA, metropolis regni Israel, ab Amri conditur, 694 D'. — Unde nomen acceperit, 695 A.

SAMGAR, judex Israel, rusticus agricola, brevissime praefuit, 429 B'. — Philistaeos mirabiliter percussit, 429 B'. — Quo sensu, ejus tempore, quieverint semitae, 437 B.

SAMSON, qui et Badan dictus est, judex Israel, 323 C'. — Ortus ejus ab angelo praenuntiatur, 480 D, et ipse tertius est cui nomen a Deo impositum fuisse legitur, 484 C'. — Cur de sterili natus, 480 C'; quare Nazaræus ab utero vocatus, 481 B, et quomodo fuerit in illo Spiritus Domini, 484 D'. — Leonem interficit, 488 C. — Ex dispensatione Dei, valide Philistæe conjungitur, 490 C'; sed ab uxore proditus, 489 D. Philistinorum segetes astute comburit, 492 B', ipsos mirabiliter percutit, 494 B', et Gazæ portas aufert, 497 C. — Fuit sanctissimus, 486 B', licet non sanctificatus in utero, 496 D; nec peccavit Philistaeos occidendo, 490 C, 494 B, aut de eis ulciscendo, 492 A', 499 C'; sed venialiter peccasse videtur, alienigenæ adhærendo, 487 D, 499 A', et mortaliter, fornicando, 496 D. —

Fortitudo ejus, mira 488 D, 493 C', 498 C, et plane supernaturalis, 484 C', 488 D, an in illo habitualiter permanserit, 497 D. — Septem in capite floccellos habebat, 498 D, quibus rasis, fortitudinem amisit, 499 A. — Ab hostibus illus, 499 B, de voluntaria morte excusatur, 200 A; imo mors ejus quasi martyrium fuit, 200 B. — Satis juvenis obiit, 200 B'. — A quibusdam Hercules redivivus creditus est, 484 C'. — Multipliciter fuit figura Christi, 485 B, 490 D, 495 C, 200 C, et religiosorum, 486 A'.

Mater Samsonis, mulier pulchra, 481 A', prudens, 481 B', et devota, 482 B. Cur ei abstinentia commendetur, 480 D'. An peccaverit, nuptiis ejus consentiendo, 488 A. — Uxor Samsonis, licet infidelis, 487 C, valide cum eo contraxit matrimonium, 487 B', 490 C'; et invalide cum secundo viro, 490 B'; ideo Samsoni reddi debuisset, 492 C. Mariti proditrix, 489 D, quæ fuerit ejus poena, 493 B, et quid significet, 490 D, 491 A', 495 C. — *Adde* Dalila et Manue.

SAMSON, monachus (episc. Dolæ), commendatur et veteri Samsoni praefertur, 486 A'. (Acta SS. 28 Julii.)

SAMUEL, quomodo interpretetur, 254 A. — Matri promittitur, 253 B, et supernaturaliter datur, 253 D'. — Quandonam templo praesentatus, 255 B, et quamdiu ibi manserit, 255 D. — Duodecennis incipit valicinari, 269 A, 278 D'. — Tres ejus dignitates, 279 B. — Quo jure sacrificia obtulerit, 296 B. — Etiam regnante Saul, populum judicare non destitit, 296 C'. — Primus filios sibi in regimine populi sociasse legitur, 300 C; primus etiam prophetarum scholas instituit, 313 C'. — Cur ipsi displicuerit petitio populi regem postulantis, 301 D. — Suam commendat justitiam, quare, 322 C', 323 C. — Quanta ejus obedientia, 278 C', 281 D', æquitas, 323 D, et caritas, 325 A'. — A Saule prorsus elongatur, 348 A'. — Mors ejus et sepultura, 394 C. — Samuelis defuncti verba ad Saul, 410 C. An vere ei apparuerit, 411 C'. — Ejus anima vere apparuisse videtur, 412 A', non vi incantationis, sed voluntate Dei, 412 C'. — Allegorice, Christi typum gessit, 311 A, 316 D, et boni pastoris, 298 C, 299 B, C', 325 D.

Filii Samuel, populum judicantes in Bethel et Bersabee, 300 C', sed mali et avari, 301 A, a plebe rejiciuntur, 301 B. — *Cf.* Anna, Elcana, Saul.

SANCTI. In utero sanctificati mortaliter deinceps nunquam peccant, 496D'. — Virtuose agendo, sæpe temporalem prosperitatem merentur, 74D'. — Prælationem abhorrent, 467A'; soli unitatem norunt, 258C', et quietem, 297C'. — De se humilia prædicantes, a mendacio excusantur, 340B. — Quandoque suas commendasse virtutes leguntur, 323C. — Ne intumescant, sæpe tentationibus reprimuntur, 745B. — Pulchre fasciculo comparantur, 404D'. — *Adde* Justi.

Sanctum, sive pars templi exterior, duplo majus fuit Sancto sanctorum, 648B', quare, 624B'. — Sanctum sanctorum, sive oraculum, 648A', describitur, 649B. Cur sic dictum sit, 644C', et quibus patuerit, 644D'.

SANGUIS. Cum sanguine carnes manducare lex vetuit, 337C. — Viri sanguinum, cur olim a construendo templo prohibiti, 484A'. — Etiam nunc sunt irregulares, 484C', sed ecclesias ædificare permittuntur, 485A.

SAPIENTIA, per patientiam maxime noscitur, 473A, et prælatis imprimis est necessaria, 605D. — Multiplex sapientiæ genus, 604B'. — Sapientia hujus sæculi, inimica Deo, 472D. — *Cf.* Salomon.

SAREPTA, urbs parvula Sidoniorum, 699A. — Eo secessit Elias, 699A. — *Adde* Vidua.

SATRAPA, quomodo interpretetur, 423A'. — Sic vocabantur duces Philistinorum, 444B', 423A'. — Non delentur, quare, 423B'. — Quid mystice significant, 425D, 293D.

SAUL, filius Cis, de Gabaa, 349D, magnis insignitus dotibus, 305D', et virtutibus, 306A', 307A', 345D, amabilis, 433B, et decorus, 433C, optimus erat Hebræorum, excepto Samuele, 346B, 433B. — In regem a Samuele ungitur, 342B, cur olei lenticula, 350B; et electio ejus variis signis confirmata, 342B', a populo comprobatur, 345A, 324A; verumtamen stirps ejus ad regnum non erat prædestinata, 330C', et a regia dignitate dejecta est, 330A'. — Qua ætate regnare cœperit, 327B, et quot annis regnaverit, 327C', 328A. — Post unctionem dignior fuit Samuele, licet minus sanctus, 320A; sed ab eo quamdam directionem accipere habebat, 344B. Agriculturæ operam dare non desiit, 349A'. — Non semel salvavit Israel, 308D, 320B', 339B. — « Num et Saul inter prophetas », 344C', 371D. Quæ ejus prophetiæ, 345A. — Primum ejus

peccatum, quod, 329B'. — Populum voto constringit, 336B', an recte, 339C'. — Invidens Davidi, 365B', illum occidere molitur, 366A, 370A, 385D'; et sacerdotes interficit, 382C', ac Gabaonitas, 555D'. — A dæmonio vexatur, 352D. — Quæ reprobationis ejus causæ, 440A'. Contra præceptum Domini Amalecitis parcens, 344C', juste a throno abjectus est, 346B'. Ab illa humilitate quæ eum ad regnum evexerat, 345C', in superbiam lapsus, 345D, 360A', et ambitionem, 382D, nunquam vere pœnituit, 346C', 347D', et ideo regno privari meruit, 345C'. Non tamen fuit ita a Deo reprobatus sicut nonnulli reges Israel, 394D'. — Samuelem suscitatum adspexisse non videtur, 440B, sed audisse dumtaxat, 441D. An verbis ejus credere debuerit, 420A'. — Quomodo mortuus, 448D, 428D. Non illi manum sibi inferre licuit, 420C, C', sed merito proprio gladio periit, 424A'. — Caput ejus in templo Dagon exponitur, 449B', et ossa honorifice sepeliuntur, 420A, 557C'. — An sit salvatus, 420C, 424A. — Stirps ejus eraditur, 448D, 449D, 556D. — Spiritualiter, varia significat, 344A, 332B, 363C', 367D, 368C, etc.

SCIENTIA hominum, utpote sensibus innixa, sæpe fallitur, 354D. — Scientia Salomonis, quanta, 604D.

SCRIPTURA varie partitur, 3, 4, 247. — Quot libros contineat, 246. — In libris V. T. nonnihil ab Esdra additum esse creditur, 307C. — Variis modis annos et tempora computat, 696C, et numerorum minutias curare non solet, 465C, 644B', 633A, 634A. — Eadem scriptura multiplicem potest habere sensum, 583A', etiam litteralem, 489C'; et sensus litteralis non est solus ab auctore intentus, 583D, A'; verumtamen probatio ex Scriptura non valet nisi in sensu litterali, 476D. — In Scripturis, triplici modo figura proponi potest, 477C', et significatio, quadruplici modo, 502D'. Malum quandoque alicujus boni figura esse potest, aut econtra, 502B'; sed in his significationibus caute procedendum est, 503C'. — Varie figurata est: 1° Per arcam: de Synagoga ad Ecclesiam translata est, 474A. — 2° Per Abisag: ad inflammandum cor optima est, et senibus commendatur, 588D. — Etc.

SCULPTILE et conflatile. Sic designantur vulgo idola, 202A'. — Mos offerendi Deo effigiem membri læsi unde inoleverit, 292B.

- SCUTA Salomonis, quot, 627 C', 662 C', et quid significant, 666 C'. — A Sesac auferuntur, 689 D'.
- SCUTRA, genus vasorum, quid ad litteram, 637 D, et mystice, 642 A'.
- SEBA, de tribu Benjamin, decem tribus a David avertit, 550 B. — In Abela obsessus, 552 A', occiditur, 553 A'. — Tropologice, figurat seditiosos, 553 D'.
- SEDECIAS pseudopropheta, vaticinatur, 727 C. — Michæam percutit, 729 A'. — Quid moraliter, 732 A'.
- SEHON, rex Amorrhæorum. Regnum ejus describitur, 69 B. — Dimidiam partem terræ Ammonitarum abstulerat, 72 C.
- SEIR multipliciter accipitur, 436 A'. — Quo sensu dicatur Deus de Seir exisse, 436 A.
- SELEUCUS, rex Asiæ, in templo Jerusalem sacrificiorum sumptibus providebat, 651 D'.
- SEMEI, de qua tribu oriundus, 530 C'. — Pater Jeroboam dicitur, 531 A, et fuit vir seditiosus et inquietus, 595 C'. — Davidi maledicit, 531 B, sed veniam impetrat, 546 D, 547 B. — Salomonis justitiæ commendatus, 591 D, occiditur, 595 B', 596 B'. — Mystice quid, 549 B', 597 C'.
- SEMMA, tertius inter fortes David, quæ fecerit, 565 C'; et cur fortissimus vocetur, 565 D'. Alius est ac frater David, 565 C', 351 C'.
- SENECA philosophus, allegatur, 720 B'.
- SENEX, quid sit proprie, 70 D. — Senectus in homine a LXX^o anno computari solet, 581 A; sed curis et angustiis multum acceleratur, 582 D; ideoque reges citius ceteris senescunt, 582 D. — Senes matrimonium valide contrahunt, 583 C. — Eorum consilium optimum, 678 C', 682 D. — Avaritia præcipue laborant, 669 A. — Illos jam non decent gaudia vitæ, sed pœnitentiæ lamenta, 549 C'.
- Senex Gabaa in Levitam hospitalis, 240 C, an peccaverit filiam stupro offerendo, 241 B'.
- SESAC, rex Ægypti, Pharaonum ultimus dicitur, 673 B. — Jeroboam suscipit, 673 B. — Jerusalem dolose occupat, 689 C', et vastat, 689 D'.
- SETIM locus, ubi sit, 48 C, et quid exprimat, 22 A.
- SIBA, de tribu Benjamin, servus Saul, 492 C, et Miphiboseth, 493 B, herum apud David calumniatur, 530 C. — Injuste David eum non punitum dimisit, 548 A.
- SICELEG, urbs Philistinorum, Davidi tradita, 405 B', ab Amalecitis incenditur, 415 A. — Allegorice, figurat Ecclesiam, 417 D.
- SICHEM varia designat, 461 D', 677 D. — Ager Sichem, a Jacob emptus, 403 B', Joseph datus, 403 D', cessit in partem Ephraim, 404 A. Ibi reposita sunt ossa Joseph, 403 B', et xii patriarcharum, 404 A. — Sichem civitas, Josue data, 88 C', fuit oppidum famosum, 677 D', et urbs refugii, 90 D. — Ibi congregatus populus a Josue, 98 C, fœdus cum Deo redintegavit, 402 B, B'. — Ibi regnavit Abimelech, 462 C', et Jeroboam, 677 D, 680 C, D'. — Sichimitæ Baal adherent, 462 D, et filios Gedeonis injuste occidunt, 464 A, C; sed adversus Abimelech rebelles, 464 D, disperduntur, 466 A. — Cur sic mulctati, 466 B'. — Moraliter, quid signent, 467 B.
- SIDONII, artifices peritissimi, 461 B', 610 D', ligna parabant ad fabricam templi, 611 B.
- SIGNUM. Quot signis confirmata electio Gedeonis, 447 B'. An et quatenus peccaverit, ea petendo, 448 A, 475 D'; et quid mystice exprimant, 450 A'. — Item, quibus signis confirmata electio Saul, 312 B', et quid moraliter nos doceant, 317 D. — Quo signo potuerit Saul cognoscere se esse a Deo reprobatum, 348 A.
- SILLO urbs, de tribu Ephraim, 250 B'. — Ibi fuit tabernaculum, 84 B, 212 B; quousque, 208 A; et manifestatus est Deus Samueli, 278 D, 280 C'. — Huc, ad tractanda gentis negotia, vulgo conveniebant Hebræi, 85 C, 94 A', 213 D'. — Virgines Silo a Benjamitis rapiuntur, 217 A'.
- SIMEON tribus, sortem accepit in medio tribus Juda, 86 D. — Nullum ducem præstitit Israeli, 475 A.
- SIMIA, quid sit ad litteram, 663 D', et mystice, 667 C'.
- SINAI mons, quo sensu a facie Dei fluxisse dicatur, 437 A'.
- SINISTRA, in Scripturis, temporalia et adversa designat, 435 A. — A sinistris Dei sedere dicuntur dæmones, quare, 728 D.
- SION arx. Præmium a David propositum est primo eam invadenti, 459 C', 460 B, B'; quod Joab obtinuit, 460 C'. — Facta est metropolis regni, 460 A'. — Ibi reposita arca, 468 C', 643 D. — Proprie civitas David nuncupatur, quare, 460 A', 643 D.
- SISARA, dux militiæ Chanaan, 430 A, potentissimus, 431 D, a Barac fugatur, 431 A', prope Mageddo, 439 A', et a Jabel dolose interficitur, 431 D'. — Quo sensu stellæ contra eum dimicaverint, 431 C', 439 B'. — Super-

- bissimus, merito a femina dejectus est, 132B'. — Mystice quid, 134A', D'.
- SOCOTH, civitas prope Jordanem, 157B', cur sic dicta, 157B. — Habitatores Socoth in Gedeonem contumeliosi, 157D', dire postmodum perimuntur, 158A.
- SOL. Dei solius est cursum ejus immutare, 58D'. — A Josue sistitur, 58B'; quod a nullo antea factum fuerat, 59C'. — Circa vesperam stetisse videtur, 59B. — Tempore Elimelech etiam stetisse legitur, ob prævaticatores legis, 225C.
- SOLITUDO. Vita solitaria magnis tentationibus patet, 52C'; sed peccandi occasiones removet, 52D'.
- SOMNIUM, quid sit proprie, et quomodo a visione et oraculo distinguatur, 603D. — Somnia, sicut visiones et interpretationes, ad gratias gratis datas pertinent, 153A'. — Somnium Saulis, 309B', et Gedeonis, 153B.
- SORS, quid sit, 44D'. — Sortis triplex est species, 45A. — Quatenus sorte uti liceat, 45B. — In V. T. frequenter usurpabatur, 45B'. — Sorte divisa est terra inter tribus, 85D. — Quæ uniuscujusque sors. *Vide* Aser, Benjamin, etc.
- SPIRITUS Domini, quo sensu fuerit in Othniel, 124A', Gedeon, 147A', Jephthe, 173B', Samson, 184D', 190B, Saul, 313B', 370D', David, 352B. — Diabolus dicitur spiritus Dei malus, cur, 352D. Quomodo a Deo mittatur, 164D. — Spiritus fortis conterens petras, quid, 712D', 717A. — Spiritus mendax, deludens Achab, quid, 729B, A'.
- SPURIUS quomodo a notho et manzere distinguatur, 355C.
- STATER moneta, quantus, 306D'.
- STELLA. Solius Dei est earum cursum immutare, 58D'. — Actibus humanis non dominantur, 45B. — Contra Sisaram dimicaverunt, quo sensu, 139B'.
- SUBDITI. Quantum eis noceat praelati carentia, 208B. — Licet eorum peccata superioribus imputentur, ipsi nihilominus plangantur, 290D'. — An eis liceat praelatos corripere et denunciare, 393B. — Non nisi modeste de superiorum excessibus loqui debent, 393A. — Graviter peccant, pastori irascendo, et obloquendo, 394A'. Quæ maledicta eos maneat, 454D', 455B. — A præsidente correpti, quid agere debeant, 47C, 368B'. — Pro qualitatibus subditorum disponuntur corda regentium, 401C', 576B'. — *Cf.* Prælati.
- SUPERBIA, quantum Deo displiceat, 154D'. — Mater est invidiæ, 156C'. — Perfectis periculosius insidiatur, 293C'. — Superbi in hac vita humiliantur, 125C'; in vitia carnis plerumque labuntur, 287B'; in fine male habent, 543B.
- SURA, quid sit, 193B'. — Suram femori imponere, lugentibus aut meditantibus solitum, 193D.
- SYNAGOGA, quid sit proprie, 647D. — In Scripturis varie figuratur: 1° Per Noemi: Ecclesiæ dedit Scripturarum notitiam, 232D. — 2° Per Phenennam: Ecclesiæ infesta fuit, 256D', et ab ea supplantata fuit, 265A. — 3° Per meretricem: a Christo damnata est, 606B'. — Etc.
- SYRI multoties cum Hebræis bella gessisse leguntur, 487C', 495C', 717D, 726B. *Cf.* Adazer, Benadad.

T

- TABULATA templi, quid, 615B, 618C. — Describuntur, 616A. — In his habitasse videntur ministri templi, 616C': — Mystice quid, 623A', 624C.
- TELESPIHORUS (S.) Papa, allegatur, 393D. (In Jure.)
- TEMPLUM, cur a David non sit constructum, 484A', 610D'. — A Salomone ædificatur, quo sumptu, 611C, 612A, et quo tempore, 613C'. — Dimensiones ejus recensentur, 614C'. — Describuntur ostia, 617B, 621A, C, C', tegumenta, 617D, tabulata, 616A, interior dispositio, 618B, et ornatus, 618D', 620D'. — Ad similitudinem tabernaculi factum est, 615C. Dedicatur, quomodo, 643C, 653C', 654A, quando, 643D'. — Vocatur quoque Oraculum, 615C', 618A, 619B. — Quanto in honore apud gentiles, 651D'. — Violatores ejus puniuntur, 652A. — Mystice quid, 612D', 622D, 655B.
- Templa, cur orationis locus vocentur, 649C. — Consecratio templi ad orationis efficaciam confert, 652A. — Munificentia in templa regibus commendatur, 484B; temporales benedictiones meretur, 485A. — Templum Dei, quomodo in nobis et aliis construendum, 484C. — Qui ad ædificandum spirituale templum sint inepti, 484C'. — *Cf.* Ecclesiæ.

TENTATIO. Tres morientium tentationes, 543 A.
— Quid in tentatione agendum, 53 A, et post tentationem, 53 B'.

TEREBINTHUS. Vallis Terebinthi. Illic stetit Jacob, et præliatus est David contra Goliath, 355 B, 356 D'. — Quid mystice, 362 D.

TESTIS. Propinqui olim contra reum testimonium proferre valebant, 521 A'.

THAMAR, soror uterina Absalonis, 511 C, cujus filia, 512 D'. — A fratre incestata, 512 C, causa fuit cur occideretur Amnon, 515 A.
Thamar alia, filia Absalonis pulcherrima, 522 C', avia fuit regis Abia, 690 C.

THAMNAT-SARAA, postea Thamnat-solis, 449 D, in possessionem data est Josue, 88 B'. — Ibi mortuus est et sepultus, 403 C.

THARE, pater Abraham, in Chaldaea idola coluit, 99 A.

THARSIS regio, quid sit, 663 C'. — Inde pretiosa educebat classis Salomonis, 663 D'. — Spiritualiter, gentilitatem figurat, 667 B'.

THEBES. Tres urbes sic dictæ inveniuntur, 466 B. — Ibi interfectus est Abimelech, 466 C.

THECUA civitas. Ex ea fuit mulier sapiens, quæ Amos prophetæ proavia creditur, 517 C. — Hæc parabolam narrat Davidi, 518 A. — An reapse duos filios habuerit, 517 C.

THOLA fuit iudex Israel, 468 A, et consobrinus Abimelech dicitur, quomodo, 468 B.

THORAH, seu lex, pars Scripturæ, quid contineat, 247.

THOU, rex Emath, Davidi congratulatur, 488 B'. — Quid significet, 491 C'.

THRONUS Salomonis describitur, 663 B. — Allegorice, B. V. Marlam signat, 666 D', et Ecclesiam, 667 C.

THYINA, Indiæ ligna, quæ, 664 C'. — Ex illis conficiuntur nonnulla in templo ac palatio regis, 664 D'. — Moraliter, per thyina intelliguntur viri exemplares, 666 B'.

TIMOR a tremore differt, 48 A. — Infrigidationem parit, 581 A', et debilitat hominem, 408 D. — Quomodo cor dissolvat, 40 C. — Timor Dei commendatur, 537 C', 676 B.

TORQUATUS (Manlius) filium inobedientem occidisse legitur, 340 B'.

TRIBUS et familiæ, unde constitutæ, 643 C. — Unicuique dux præerat sub rege, 594 C', 643 C. — Ex omni tribu, si tres excipias, surrexerunt iudices Israel, 475 A. — Quam unaquæque sortem acceperit, 76 D, et seq. *Vide* Aser, Benjamin, etc. — Tribus trans Jordanem ædificant sibi altare, 94 C, et cor-

ripiuntur, 94 A'. — Quid per tribus trans et cis Jordanem spiritualiter designetur, 42 B'.

TRICLINIUM, quid sit, 340 D.

TRINITAS. Mysterium Trinitatis insinuatur, 704 A'.

TUBÆ in festis et bellis usurpabantur, 33 C'. — Tubarum sonitu dejiciuntur muri Jericho, 33 C', 35 B'. — Spiritualiter, prædicantium vocem figurabant, 37 D.

TULLIUS (Cicero) allegatur, 50 D', 322 A', 512 A, 720 A'.

TYRANNUS. An liceat tyrannum occidere, 433 A. — Contra tyrannum non debet quis privata auctoritate procedere, 433 B', sed publica auctoritate deponendus est, 433 C'.

TYRUS, civitas. Ibi abundabant ligna et saxa, 461 B'. *Adde* Hiram.

U

UGUTIO (Pisanus), lexicographus, allegatur, 637 A'. (*Migne Patrol. lat.* tom. 441, col. 1440.)

UNCTIO regum, quæ, 586 B'. — Per septem dies fiebant sacrificia, 344 D. — Saul oleo lenticulæ, David oleo cornu unctus est, quare, 350 B. — Ter unctus est David, 439 A, et Christus, 445 B'; ter et ungi debet fidelis, 445 B'.

UNITAS commendatur, 258 C'. — Bonis tantum competit, 258 C'.

URIAS, Iethæus, vir magnæ virtutis, 499 A, armiger Joab, 499 B', propter uxorem occiditur, 499 C'. — Moraliter, quid exprimat, 502 D, B'.

URSA, raptis catulis, sævissima, 535 B.

UXOR. Plures uxores habere, ex dispensatione divina. Hebræis fuit licitum, 400 A', potissimum regibus, ob figurativas rationes, 464 D. — Verumtamen prima specialius uxor vocabatur, 446 C', et unicuique, juxta ordinem, debitum reddebatur, 446 A'.

Uxor Samsonis, alienigena, 487 A, et idololatra, 490 B, virum prodens, 489 D, et deserens ut alio nuberet, 490 B', causa fuit cur Philistæi plagarentur, 492 A'. — Quæ ejus punitio, 493 B. — Allegorice, Ecclesiæ fuit figura, 490 D, 491 A'.

Uxor Levitæ de Ephraim, cur virum reliquerit, 209 A. — Gabaensibus tradita, enecatur, 210 D'. — Corpus ejus concisum cunctis tribubus mittitur, 211 C. — Causa fuit cur prope deleretur tribus Benjamin, 212 B', 213 D.

V

- VACCÆ ad trahendam arcam a sacerdotibus Philistinorum eliguntur, 289 A, quare, 289 C. — Quid tropologice, 292 A'.
- VALERIUS MAXIMUS citatur, 484 C', 720 D'.
- VEGETIUS, de Re militari, allegatur, 501 D', 423 B, 282 C.
- VELLUS Gedeonis madefactum et siccum, 447 B', recte figurat Synagogam, 450 A', religiosos, 450 C', potissimum vero B. V. Mariam, 450 C'.
- VERBUM, in Scripturis, quid significet, 428 A, 439 D.
- VESTIS. Scindere vestes olim usitatum in signum luctus, 40 B', 427 B, 429 C', aut ad contumeliam, 495 A'. — Deridentur aliquorum virorum vestimenta, 497 C', et mulierum, 513 C'. — Vestes animæ, quid, 497 C, et quomodo abscindantur, 497 B'.
- VICTIMÆ humanæ ad sacrificia nunquam sunt admissæ, 475 D. — Victimæ sacrificiorum concisæ, primo in probatica piscina a Nathinæis lavabantur, deinde a sacerdotibus in luteribus templi, demum altari imponebantur, 637 B.
- VIDUA, quot diebus virum luxerit, 500 D'.
Vidua in Sarepta Eliam suscipit, 699 B. — Fuit devota femina, 700 B, licet respectu Eliæ iniqua dici potuerit, 700 B et seq. — Ab Elia suscitatur filius ejus, 704 A, quem dicunt Judæi fuisse Jonam, 702 C, 710 C'. — Moraliter, typus est gentilitatis, 702 B'.
- VINUM olim mulieribus fuit vetitum, 484 C'. — Quo sensu Deum lætificet, 463 D.
- VIR. Qui sic vocentur in Scripturis, 352 D'. — Vir dominus est conjugis, 244 A. — Bonus vir, gaudium uxoris, 226 B.
- VIRGO. Apud Hebræos virginitas opprobrium fuit, 474 A'. — Virginis seductor, ad quid adstrictus, 543 A'. — Virginis amplexus, optimum contra membrorum infrigidationem remedium, 583 B, D', 584 A.
- VIRTUS, sæpe temporali prosperitate donatur, 74 D'; sed illud est insufficiens virtutis præmium, 590 A.
- VISIO, quid sit proprie, et quomodo a somnio et oraculo differat, 603 D. — Visiones ad gratias gratis datas pertinent, 453 A'. — Ministerio angelorum communicantur, 599 B', plerumque in secreto, 482 B, et de nocte, 599 C'.
- VISITATIO. In visitationibus jure cautum est ne recipiantur munera, 297 A'.
- VITIS. In vite sapientiam et bonitatem suam Deus excellenter declaravit, 463 A'. — Vitis principatum recusans, quid significet, 463 D.
- VITULI duo a Jeroboam eriguntur, 684 B. — Num in his Deum verum colere intenderet, 682 B.
- VOLUNTAS. Nostram voluntatem voluntati divinæ conformare non semper tenemur, 648 A.
- VOTUM. Quænam voveri possint, 476 D. — Res Domino consecrata, modo ad usum communem applicari poterat, modo non, 370 D. — Vota, quam fideliter implenda, 478 A. — *Adde Jephthe et Saul.*
- VULPES in terra Chanaan frequentes, 492 B'. — Quomodo per eas Samson Philistinorum segetes combusserit, 492 B'. — Mystice, dæmones significant, 495 C'.
- VULTUS. In eo manifestantur passiones animæ, 253 D.

Z

- ZABULON tribus, qua sorte donata, 87 A'. — Cur tam arctam possessionem obtinuerit, 87 B'. — A Debora laudatur, 438 C', 439 D. — Gedeoni sociatur, 447 B.
- ZAMBRI, dux equitum, occiso Ela rege Israel, 694 C, regnum occupat, 694 A'. — Cum domo regia consumptus occumbit, 694 B'.
- ZEB, dux Madianitarum, occiditur, 454 A'. — Ab illo nomen accepit torcular Zeb, 454 B'.
- ZEBEE, fuit de regulis Madianitarum, 457 C. — A Gedeone comprehensus, 457 D', obtruncatur, 458 C'.
- ZEBUL, servus Abimelech. Sichimitis præficiatur, 465 A. — Abimelech victoriam præbet, 465 C, D'.
- Zebul mensis, quis, 622 C'.
- ZELUS quantus a nobis requiratur, 276 C'. — Maxime prælatis et iudicibus necessarius est, 435 D. — A semetipso incipere correctionem debet, 540 C.
- ZEPHYRINUS (S.) Papa, allegatur, 393 D, 394 A. (In Jure.)
- ZIPH solitudo. Ibi David cum Jonatha fœdus pangit, 385 B'. — Ziphæi, iniqui erga David, 386 A, 402 B, quid mystice significant, 387 D'.
Ziph mensis, quis, 613 C.

INDEX GENERALIS

ENARRATIO IN LIBRUM JOSUE.

Proœmium	3	Articulus XVIII. Expositio capituli undecimi : Quæ quum audisset Jabin rex Asor.	63
Articulus I. Expositio litteralis capituli primi : Et factum est post mortem Moysis	5	Articulus XIX. De spiritali intelligentia hujus capituli	66
Articulus II. De spiritali hujus capituli intellectu	10	Articulus XX. Expositio capituli duodecimi : Ili sunt reges quos percusserunt filii Israel	68
Articulus III. Elucidatio capituli secundi : Misit ergo Josue filius Nun de Setim.	13	Articulus XXI. Explanatio capituli tertii-decimi : Josue senex provectæque ætatis erat.	70
Articulus IV. De mystico hujus capituli sensu	16	Articulus XXII. Declaratio capituli quattidecimi : Hoc est quod possederunt filii Israel	73
Articulus V. Elucidatio litteralis capituli tertii : Igitur Josue de nocte consurgens.	18	Articulus XXIII. Expositio capituli quintidecimi : Igitur sors filiorum Judæ per cognationes suas, ista fuit	76
Articulus VI. De spiritali hujus capituli sensu	21	Articulus XXIV. Elucidatio capituli sextidecimi : Cecidit quoque sors filiorum Joseph	80
Articulus VII. Explanatio litteralis capituli quarti : Quibus transgressis, dixit Dominus	23	Articulus XXV. Expositio capituli septimidecimi : Cecidit autem sors tribui Manasse	81
Articulus VIII. Declaratio capituli quinti : Postquam ergo audierunt omnes reges Amorrhæorum	26	Articulus XXVI. Declaratio capituli octavidecimi : Congregatique sunt omnes filii Israel in Silo.	84
Articulus IX. Spiritualis explanatio ejusdem capituli.	31	Articulus XXVII. Explanatio capituli nonidecimi : Et egressa est sors secunda filiorum Simeon	86
Articulus X. Elucidatio litteralis capituli sexti : Jericho autem clausa erat atque munita.	33	Articulus XXVIII. Elucidatio capituli vicesimi : Et locutus est Dominus ad Josue.	89
Articulus XI. De spiritali hujus capituli sensu	37	Articulus XXIX. Elucidatio capituli vicesimi primi : Accesserunt autem principes familiarum Levi	91
Articulus XII. Declaratio litteralis capituli septimi : Filii autem Israel prævaricati sunt.	39	Articulus XXX. Expositio capituli vicesimi secundi : Eodem tempore vocavit Josue Rubenitas.	93
Articulus XIII. De spiritali sensu hujus capituli.	46	Articulus XXXI. Expositio capituli vicesimi tertii : Evoluta autem multo tempore.	97
Articulus XIV. Explanatio litteralis capituli octavi : Dixit autem Dominus ad Josue : Ne timeas.	48	Articulus XXXII. Explanatio capituli vicesimi quarti : Congregavitque Josue omnes tribus Israel	98
Articulus XV. De hujus capituli sensu mystico.	51		
Articulus XVI. Explanatio capituli noni : Quibus auditis, etc.	54		
Articulus XVII. Expositio capituli decimi : Quæ quum audisset rex Jerusalem	57		

ENARRATIO IN LIBRUM JUDICUM.

Proœmium	409
Articulus I. Expositio litteralis capituli primi : Post mortem Josue, consuluerunt filii Israel Dominum	411
Articulus II. Solutio quæstionum duarum, et de spirituali hujus capituli intellectu.	416
Articulus III. Expositio capituli secundi : Ascenditque angelus Domini de Galgalis.	417
Articulus IV. De spirituali ejusdem secundi capituli intelligentia	421
Articulus V. Elucidatio litteralis capituli tertii : Hæ sunt gentes quas Dominus dereliquit.	422
Articulus VI. De intelligentia hujus capituli spirituali	425
Articulus VII. Elucidatio capituli quarti : Addiderunt autem filii Israel facere malum in conspectu Domini	426
Articulus VIII. De sensu ejusdem capituli mystico	433
Articulus IX. Declaratio capituli quinti : Cecineruntque Debora et Barac filius Abinoem	435
Articulus X. Mystica ejusdem cantici expositio	441
Articulus XI. Explanatio litteralis capituli sexti : Fecerunt autem filii Israel malum in conspectu Domini	443
Articulus XII. De spirituali ejusdem capituli intellectu	448
Articulus XIII. Explanatio litteralis capituli septimi : Igitur Jerobaal, qui et Gedeon, de nocte consurgens	451
Articulus XIV. Ejusdem capituli expositio spiritualis.	454
Articulus XV. Expositio capituli octavi : Dixeruntque ad eum viri Ephraim	456
Articulus XVI. Declaratio litteralis capituli noni : Abiit autem Abimelech filius Jerobaal	461
Articulus XVII. Expositio ejusdem capituli spiritualis	466
Articulus XVIII. Explanatio capituli decimi : Post Abimelech surrexit dux in Israel, Thola	468
Articulus XIX. Elucidatio litteralis capituli undecimi : Fuit itaque illo in tempore Jephthe Galaadites	470
Articulus XX. De mystico hujus capituli sensu	477

Articulus XXI. Expositio litteralis capituli duodecimi : Ecce autem in Ephraim orta seditio est	478
Articulus XXII. Declaratio litteralis capituli tertiidecimi : Rursumque filii Israel fecerunt malum in conspectu Domini.	480
Articulus XXIII. De mystico ejusdem capituli intellectu.	485
Articulus XXIV. Expositio capituli quarti-decimi : Descendit ergo Samson in Thamnatha	486
Articulus XXV. De mystica intelligentia ejusdem capituli	490
Articulus XXVI. Expositio capituli quinti-decimi : Post aliquantum autem temporis quum dies triticeæ messis instarent.	492
Articulus XXVII. De sensu ejusdem capituli mystico	495
Articulus XXVIII. Expositio litteralis capituli sextidecimi : Abiit quoque in Gazam, et vidit ibi mulierem	496
Articulus XXIX. Spiritualis expositio ejusdem capituli.	500
Articulus XXX. Elucidatio capituli septimidecimi : Fuit eo tempore vir quidam de monte Ephraim, nomine Michas.	502
Articulus XXXI. Explanatio capituli octavidecimi : In diebus illis non erat rex in Israel	504
Articulus XXXII. Expositio capituli nonidecimi : Fuit quidam vir Levites, habitans in latere montis Ephraim	508
Articulus XXXIII. Expositio capituli vicesimi : Egressi itaque sunt omnes filii Israel	512
Articulus XXXIV. Explanatio capituli vicesimi primi : Juraverunt quoque filii Israel in Maspha	516

ENARRATIO IN LIBRUM RUTH.

Præfatio	221
Articulus I. Elucidatio capituli primi : In diebus unius judicis	223
Articulus II. Spiritualis explanatio ejusdem capituli.	228
Articulus III. Elucidatio litteralis capituli secundi : Erat autem viro Elimelech consanguineus	230
Articulus IV. De spirituali ejusdem capituli intellectu	232

Articulus V. Explanatio capituli tertii : Postquam autem reversa est ad soerum suam	233
Articulus VI. Spiritualis pertractatio ejus- dem capituli	236
Articulus VII. Elucidatio litteralis capituli quarti : Ascendit ergo Booz ad portam, et sedit ibi	237
Articulus VIII. De spiritali ejusdem ca- pituli sensu	241

ENARRATIO IN LIBRUM PRIMUM REGUM.

Proœmium	245
Hieronymi præfatio	246
Articulus I. Expositio litteralis capituli primi : Fuit vir unus de Ramathaim Sophim.	249
Articulus II. Spiritualis expositio ejusdem capituli.	256
Articulus III. Expositio litteralis capituli secundi et cantici sanctæ Annæ : Exsul- tavit cor meum in Domino.	259
Articulus IV. Spiritualis explanatio can- tici hujus	265
Articulus V. Declaratio residuæ partis hu- jus capituli secundi	269
Articulus VI. De mystico sensu residuæ partis hujus capituli	275
Articulus VII. Expositio litteralis capituli tertii : Puer autem Samuel ministrabat Domino coram Heli	277
Articulus VIII. De spiritali hujus capituli intellectu	281
Articulus IX. Elucidatio capituli quarti : Et factum est, in diebus illis convene- runt Philistiim	282
Articulus X. Spiritualis pertractatio ejus- dem capituli.	284
Articulus XI. Expositio capituli quin- ti : Philistiim autem tulerunt arcam Dei	285
Articulus XII. Declaratio capituli sexti : Fuit ergo arca Domini in regione Phi- listinorum septem mensibus	288
Articulus XIII. De spiritali ejusdem ca- pituli intellectu	292
Articulus XIV. Expositio capituli septimi : Venerunt ergo viri Cariathiarim, et re- duxerunt arcam Domini.	294
Articulus XV. De mystico hujus capituli sensu	297

Articulus XVI. Expositio litteralis capituli octavi : Factum est autem quum senis- set Samuel	300
Articulus XVII. Expositio litteralis capituli noni : Et erat vir de Benjamin, nomine Cis	305
Articulus XVIII. De spiritali hujus capi- tuli sensu.	311
Articulus XIX. Expositio capituli decimi : Tulit autem Samuel lenticulam olei.	312
Articulus XX. De spiritali hujus capituli sensu	316
Articulus XXI. Explanatio capituli unde- cimi : Ascendit Naas Ammonites, et pugnare cœpit	318
Articulus XXII. Spiritualizatio ejusdem ca- pituli	321
Articulus XXIII. Declaratio capituli duo- decimi : Dixit autem Samuel ad uni- versum Israel	322
Articulus XXIV. De mystica intelligentia capituli hujus	325
Articulus XXV. Elucidatio capituli tertii- decimi : Filius unius anni erat Saul quum regnare cœpisset	327
Articulus XXVI. De spiritali hujus capi- tuli intelligentia	332
Articulus XXVII. Elucidatio capituli quar- todecimi : Et accidit quadam die	334
Articulus XXVIII. De spiritali ejusdem capituli intellectu	340
Articulus XXIX. Expositio capituli quinti- decimi : Et dixit Samuel ad Saul.	343
Articulus XXX. De tropologia ejusdem capituli	349
Articulus XXXI. Elucidatio capituli sexti- decimi : Dixitque Dominus ad Samue- lem	350
Articulus XXXII. Elucidatio capituli sep- timidecimi : Congregantes autem Phi- listiim agmina sua.	354
Articulus XXXIII. De mysticis sensibus ejusdem capituli	362
Articulus XXXIV. Expositio capituli octa- videcimi : Et factum est quum com- plesset loqui ad Saul	364
Articulus XXXV. De spiritualitate ejusdem capituli.	367
Articulus XXXVI. Elucidatio capituli no- videcimi : Locutus est autem Saul ad Jonathan filium suum	369
Articulus XXXVII. Expositio capituli vice- simi : Fugit autem David de Naioth.	372

Articulus XXXVIII. Explanatio capituli vicesimi primi : Venit autem David . . .	376
Articulus XXXIX. Declaratio capituli vicesimi secundi : Abiit ergo inde David . . .	381
Articulus XL. Explanatio capituli vicesimi tertii : Et nuntiaverunt David, dicentes . . .	384
Articulus XLI. Expositio capituli vicesimi quarti : Ascendit ergo David inde . . .	388
Articulus XLII. De spiritali expositione ejusdem capituli . . .	392
Articulus XLIII. Declaratio capituli vicesimi quinti : Mortuus est autem Samuel . . .	394
Articulus XLIV. De mysticis intellectibus capituli hujus . . .	401
Articulus XLV. Expositio capituli vicesimi sexti : Et venerunt Ziphæi ad Saul . . .	402
Articulus XLVI. Explanatio capituli vicesimi septimi : Et ait David in corde suo . . .	405
Articulus XLVII. Expositio capituli vicesimi octavi : Factum est autem in diebus illis . . .	406
Articulus XLVIII. Explanatio capituli vicesimi noni : Congregata sunt, etc . . .	413
Articulus XLIX. Declaratio capituli tricesimi : Quumque venissent David et viri ejus in Siceleg . . .	415
Articulus L. De spiritali hujus capituli sensu . . .	417
Articulus LI. Expositio capituli tricesimi primi : Philistiim autem pugnabant adversum Israel . . .	418

ENARRATIO IN SECUNDUM LIBRUM REGUM.

Proœmium . . .	425
Articulus I. Expositio litteralis capituli primi : Factum est autem postquam mortuus est Saul . . .	427
Articulus II. De spiritali ejusdem capituli intellectu . . .	434
Articulus III. Expositio litteralis capituli secundi : Igitur post hæc consuluit David Dominum . . .	438
Articulus IV. De mystico hujus capituli sensu . . .	443
Articulus V. Expositio litteralis capituli tertii : Facta est ergo longa concertatio inter domum David . . .	445
Articulus VI. De mystica expositione hujus capituli . . .	453
Articulus VII. Expositio capituli quarti : Audivit autem Isboseth filius Saul . . .	456

Articulus VIII. Enarratio litteralis capituli quinti : Et venerunt universæ tribus . . .	457
Articulus IX. De mystico hujus capituli intellectu . . .	463
Articulus X. Expositio litteralis capituli sexti : Congregavit autem rursus David . . .	465
Articulus XI. De mystico ejusdem capituli intellectu . . .	471
Articulus XII. Expositio litteralis capituli septimi : Factum est autem quum sedisset rex . . .	473
Articulus XIII. De spiritali et mystica ejusdem capituli intelligentia . . .	484
Articulus XIV. Explanatio capituli octavi : Factum est autem post hæc . . .	487
Articulus XV. De spiritali hujus capituli intellectu . . .	490
Articulus XVI. Declaratio capituli noni : Et dixit David . . .	492
Articulus XVII. Expositio capituli decimi : Factum est autem post hæc, ut moreretur rex filiorum Ammon . . .	494
Articulus XVIII. Elucidatio capituli undecimi : Factum est autem vertente anno . . .	497
Articulus XIX. De morali ac mystico hujus capituli intellectu . . .	501
Articulus XX. Explanatio capituli duodecimi : Misit ergo Dominus Nathan . . .	503
Articulus XXI. De ejusdem capituli intelligentia spiritali . . .	509
Articulus XXII. Expositio litteralis capituli tertiidecimi : Factum est autem post hæc . . .	511
Articulus XXIII. Expositio capituli quartidecimi : Intelligens autem Joab . . .	517
Articulus XXIV. Expositio capituli quintidecimi : Igitur post hæc Absalon . . .	523
Articulus XXV. Elucidatio capituli sextidecimi : Quumque David transisset paululum verticem montis . . .	529
Articulus XXVI. Explanatio capituli septimidecimi : Dixit ergo Achitophel . . .	534
Articulus XXVII. Expositio capituli octavidecimi : Igitur considerato David populo suo . . .	538
Articulus XXVIII. De mystico hujus capituli sensu . . .	542
Articulus XXIX. Expositio capituli nonidecimi : Nuntiatum est autem Joab . . .	543
Articulus XXX. Expositio capituli vicesimi : Accidit quoque ut ibi esset vir Belial . . .	550
Articulus XXXI. Elucidatio capituli vicesimi primi : Facta est quoque fames in diebus David . . .	555

Articulus XXXII. Explanatio capituli vice-	
simi secundi : Locutus est autem David	
Domino	559
Articulus XXXIII. Explanatio capituli vi-	
cesimi tertii : Hæc autem verba sunt	
novissima.	561
Articulus XXXIV. De spirituali hujus ca-	
pituli intellectu.	569
Articulus XXXV. Expositio capituli vice-	
simi quarti : Et addidit furor Domini.	572

ENARRATIO IN TERTIUM LIBRUM REGUM.

Proœmium	579
Articulus I. Explanatio litteralis capituli	
primi : Et rex David senuerat.	581
Articulus II. De spirituali hujus capituli	
sensu	587
Articulus III. Expositio capituli secundi :	
Appropinquaverunt autem dies David	
ut moreretur	589
Articulus IV. De spirituali hujus capituli	
sensu	596
Articulus V. Expositio capituli tertii : Con-	
firmatum est igitur regnum in manu	
Salomonis	598
Articulus VI. De spirituali hujus capituli	
intellectu	605
Articulus VII. Expositio capituli quarti :	
Erat autem rex Salomon regnans.	606
Articulus VIII. Elucidatio capituli quinti :	
Misit quoque Hiram rex Tyri servos suos	
ad Salomonem	610
Articulus IX. Elucidatio capituli sexti :	
Factum est ergo quadringentesimo et	
octogesimo anno	613
Articulus X. De spirituali et mystica ex-	
positione hujus capituli	622
Articulus XI. Declaratio litteralis capituli	
septimi : Domum autem suam ædifica-	
vit Salomon	626
Articulus XII. De spirituali ejusdem capi-	
tuli intellectu	639
Articulus XIII. Expositio litteralis capituli	
octavi : Tunc congregati sunt omnes	
majores natu Israel	643

Articulus XIV. Spiritualis expositio ejus-	
dem capituli.	655
Articulus XV. Elucidatio capituli noni :	
Factum est autem quum perfecisset Sa-	
lomon ædificium	656
Articulus XVI. Declaratio capituli decimi :	
Sed et regina Saba	660
Articulus XVII. Spiritualis explanatio	
ejusdem capituli	665
Articulus XVIII. Declaratio capituli unde-	
cimi : Rex autem Salomon adamavit	
mulieres alienigenas	668
Articulus XIX. De spirituali ejusdem ca-	
pituli sensu	676
Articulus XX. Expositio capituli duodeci-	
mi : Venit autem Roboam in Sichem	677
Articulus XXI. Expositio capituli tertide-	
cimi : Et ecce vir Dei venit de Juda.	683
Articulus XXII. Expositio capituli quarti-	
decimi : In tempore illo ægrotavit Abia.	687
Articulus XXIII. Explanatio capituli quin-	
tidecimi : Igitur in octavodecimo anno	
regni Jeroboam.	690
Articulus XXIV. Expositio capituli sextide-	
cimi : Factus est autem sermo Domini.	693
Articulus XXV. Expositio capituli septimi-	
decimi : Et dixit Elias Thesbites	697
Articulus XXVI. Expositio capituli octavi-	
decimi : Post dies multos verbum Do-	
mini factum est ad Eliam	703
Articulus XXVII. De spirituali ejusdem ca-	
pituli sensu	708
Articulus XXVIII. Enarratio capituli noni-	
decimi : Nuntiavit autem Achab Jezabel	
omnia quæ fecerat Elias.	710
Articulus XXIX. De spiritualibus hujus	
capituli sensibus	715
Articulus XXX. Expositio capituli vicesi-	
mi : Porro Benadad rex Syriæ congre-	
gavit omnem exercitum suum	717
Articulus XXXI. Expositio capituli vicesi-	
mi primi : Post hæc autem verba, vinea	
erat Naboth	722
Articulus XXXII. Expositio capituli vicesi-	
mi secundi : Transierunt igitur tres anni.	726
Index locorum S. Scripturæ	735
Index analyticus	743

EMENDANDA. Pag. 4, lin. 28 : Heptateucum, *lege* Heptateuchum; — 127 B, lin. 22 : Ecclesiastica... Scholastica; — 642 A, lin. 9 : ordines... Ordines.

DUBIA. Pag. 174 C', lin. 25 : filii, *alias* filiæ; — 354 A, lin. 10 : actionum, *forsan* actionem; — 554 C', lin. 33 : prædicatorum... Prædicatorum.



Typis Cartusiæ Sanctæ Mariæ de Pratis. Monstrolii.
Ern. DUQUAT typographus.





pera

3913,

